

No  
Fucito

BIBLIOTECA NAZ.

Vittorio Emanuele III

XXI

G

73

NAPOLI

XI

713





R. P. FR. LVDOVICI  
**A CRVCE**  
LVSITANI,

ORDINIS MINORVM STRICTIORIS

Obferuantia, Prouinciæ Neapolitanæ Ministri,

& Præfidis S. Pœnitentiariæ Lateranensis,

DISPUTATIONES MORALES IN TRES BVLLAS

APOSTOLICAS; **CRVCIATÆ, DEFVNCTORVM,**

& **COMPOSITIONIS.**

*In quibus potiores Doctrina Moralis difficultates de Sacramentis, Privilegiis,  
Censuris, Regularibus, Confessariis, Votis, Simonia, Indulgentiis,  
Sacrificio Missæ, & Restitutione resoluuntur.*

Adiecta Appendice de Opinionum electione.



*Borini  
Carnel.*

*ad locum S. Maria  
Joanni Antonio*

• **LVGDVNI;**  
SYMPTIBVS NEMESII TRICHET.

M. DC. XXXIV.





Eminent<sup>mo</sup>. Principi Francisco Card.

BARBERINO, SANCTISSIMI  
D. VRBANI VIII. EX FRATRE  
NEPOTI, ET ORDINIS MINORVM  
Regularis obseruantię optimo Protectori,  
Æ. F.



APPLAUDENTE vniuerso fratrum  
Sodalitio, & collatantibus singulis ad  
certum suę felicitatis auspicium in  
commisso V. Eminentię Religionis  
nostre patrocinio constitutum, atque  
hinc sibi augurantibus maiora virtutis, & honoris in-  
crementa, lætatus sum his, quę dicta sunt mihi, & gra-  
tias reddidi bonorum omnium auctori; qui suo in  
terrīs Vicario hunc cogitatum infudit, per quem & no-  
stro cōsulatur nomini, & collabescens restituatur disci-  
plina. Extenuato spiritu languebat corpus immensum,  
& magnitudine laborabat sua, ea per aliquot annos  
destitutum protectione, quam Sacer Institutor & im-  
plorari voluit, & necessariam iudicauit. Belli furor, &  
contagionis lues vbique nuper debacchantes, illa per  
singulas prouincias inuexerunt mala, easque strages  
exercuerunt, vt domicilia absque habitatoribus, &

templa absque cultoribus squalleant , extinctis virtutum Magistris pietas frigescat , deficientibus doctoribus literaria pereant exercitia , & quod demum confectaneum erat , apud exteros minuatur fama , atque in domesticis paulatim deficiat regularis vitæ institutum. His malis medendis opportunè aduenisti adiutor in tribulationibus, quæ inuenerunt nos nimis, qui tua autoritate abusus propellas, pietate vulnera delinias, mansuetudine languentes in spem meliorem erigas, & inuicta patientia quotidianas fratrum perferas molestias. Fulcrum hoc , & sacrum sustentaculum seruauit Deus Religioni Franciscanæ æqua prorsus retributione : ut sicut labanti Ecclesiæ Lateranensi Franciscus humeros supposuit , ita eiusdem ædificio inclinanti Franciscus alter potenti virtute ferat subsidium. Felix rerum , & temporis coniunctio , ut Urbani Pontificis in rem Franciscanam propensio , idoneum habeat nepotem, quem nostris miseriis subleuandis præficiat , & destinati Protectoris pietas cum sortita sit patruum, qui auctoritatem omnem impertiat. Aliarum Religionum patrocinia S. R. E. Cardinalibus pius Pontifex distribuit, sed Franciscanæ illi commisit, cui vicariam tribuit potestatem , & Pontificij curas voluit esse communes. Non aliter mihi visus est Nicolaus III. egisse cum Minorum instituto , quando protectionem apud se diu retentam in Cardinalem Matthæum Rubeum Vrsinum ex fratre nepotem transtulerat, dicens : *Ordinem hunc tua commendamus tutela , damusque tibi artham vitæ æternæ per tot proborum virorum suffragiis;*

*gia; tradimus tibi omnium qua habemus, potissimum  
 cordis nostri delicias, pupillam oculorum nostrorum.*  
 Quàm impense Sanctissimus D. Vrbanus hanc ama-  
 uerit sodalitatem, vel inde dignoscitur, quod alteri à  
 se tot annis commendare noluerit, nec demum alij  
 tradiderit, quam ei quem præ omnibus dilexit. Bene-  
 ficij huius amplitudinem sodales omnes agnoscunt,  
 quid rependant nō habent. Adeo angusta est potentia  
 nostra, siue potius tanta est impotentia nostra, vt cum  
 multa ac varia ab vtriusque affectu nobis obtigerint  
 munera, *unum hoc* ( vt cum magni Basilij fratre lo- *Niff. lib.  
de orat.  
post prin-  
cip.*  
*quar) ad retributionem eorum, qua accepimus, habeamus;*  
*vt per gratiarum actionem liberalissimos benefactores re-*  
*muneremur.* Aeternas, maximas, quas debemus pro be-  
 neficij mensura, non quas possumus pro nostra tenui-  
 tate, vellemus reddere; humanitas tua nouo hoc affi-  
 ciat munere, vt quod imbecillitas nostra non potest,  
 ardor gratiarum suppleat affectus. Superest, vt ego à  
 multis annis T.E. obseruantissimus huius protectionis  
 fruar beneficio, & peculiare nunc implorem patro-  
 cinium. Absolui sub tuo auspicio, tua beneficentia,  
 tuis auxiliis, in tua domo, nobili nuper memoria trans-  
 lati in Occidentem Imperij à te illustrata, Commen-  
 tarios in Bullam Cruciatæ: Hos velim tuo patrocinio  
 defendi, tuo nomine illustrari. Non reluctantes mit-  
 to, sed sponte ad te currentes dimitto, vt duplici fun-  
 gantur officio; meæ scilicet in te sint indices obser-  
 uantiæ, & quem ab authore non habent, à tua autho-  
 ritate splendorem obtineant. Vale.

*EX LIBRO DE SCRIPTORIBVS  
ordinis Minorum R. P. Fr. Luca Vvaddingi,  
eiusdem ord. Chronologi.*



RATER LVDOVICVS A CRVCE Lusitanus, vrbe Brigantina, honestis parentibus ortus, in Baticam traiciens, Minorum subiit institutum in prouincia S. Gabrielis. Complurum amandatus vt studeret, optimæ indolis specimen exhibuit, camque assecutus est inter consodales opinionem, vt dignus videretur, qui Romam mitteretur, curaturus ordinis negotia penes Procuratorem generalem. Hoc officio aliquot annis laudabiliter functus, transiit in Apuliam allectus precibus Patrum prouinciæ S. Nicolai, apud quos remansit, donec à Clemente VIII. vocatus ad aliorum mores reformatendos, institutus est prouinciæ Terræ laboris in Campania felici Minister. Post hæc præfectus nobilissimo, & numerosissimo Parthenoni Clarissarum Corporis Christi vrbis Neapolitanæ, deinde translatus Romam, vt præesset sacræ Pœnitentiariæ Lateranensi sub Gregorio X V. creatus est Vicarius generalis strictioris obseruantię in Italia. Sublato tamen sub Urbano VII I. hoc regendi genere, quod minus vniuerso fodalitio expediret, rediit ad pristinam præfecturam Pœnitentiariæ: dehinc secundo adscitus ad regimen prouinciæ Neapolitanæ retento priori officio, ad comitia generalia sui ordinis Toleti celebranda proficiscens obiit in itinere Cæsaraugustæ in conuentu à Iesv nuncupato, 7. Idus Maij anno 1633. ætatis LX VII. à cœnobitis solemnibus exequiis, & oratione funebris cohonestatus. Vir fuit religiosissimæ vitæ, perpetui, & constantis in se rigoris, assiduus in studiis, vbi per tot occupationes, quibus implicabatur, licebat.

Claruit sub Clemen. VIII. Leone XI. Paulo V. Greg. XV. Urbano VIII. Summis Pontificibus, imperantibus Rodulpho, Matthia, & Ferdinando Austriacis.

Scriptis in Bullas Cruciatæ, Compositionis, & Defunctorum Commentariis totum vnum.

In Bullam Cœnæ Domini alterum. Vtriusque editionem nos curamus.

Tractatum de pijs legatis relictis fratribus Minorum, in quo probat licere hæc admittre iuxta cautiones à S. Bonauentura præscriptas in regulam Minorum, dummodo fratrum nimia sollicitudo, aut cæcus amor habendi aliquos abusus in his non introducat.

Dubia aliquot moralia, quibus in Pœnitentiaria Lateranen. doctè respondit.

APPROBA

## APPROBATIONES THEOLOGORVM.



**N**os infraſcripti Collegij Sancti Iſidori Urbis, ſtrictioriſ obſeruantiz Sancti Franciſci Prouinciz Hiberniz, ſacræ Theologiæ Lectores ex commiſſione Reuerendiſſimi P. Fr. Antonij à Galbiato Commiſſarij Generalis Ciſmontanæ familiæ: vidimus, & legimus explicationem in Bullam Cruciatæ, Reuerendiſſimi P. Fr. L V D O V I C I A C R V C E, Præſidis Pœnitentiariæ Apoſtolicæ Lateranenſis Baſilicæ, in qua in vniuerſum reſoluit quidquid circa prædictam Bullam in genere, aut ſpecie, quoad ſtarum, perſonas, caſus, & circumſtantias moueri poſſit, reuocans vnumquodque ad ſuam claſſem, & principia: per dubia, & quæſtiones appoſitè diſcuſſas, & deciſas magna claritate, & felici methodo, qua abundantiam breuitati conciliat, & ſolidis fundamentis dubium à certo, probabile ab apparenti diſcernit, & in varietate opinionum quid ſpeculatiuè cum fundamento teneri, quid vero in praxi tutius conſulendo conſcientiis ſequendum ſit, docet. Sicut & modum, quo Canones Eccleſiæ, Decreta Pontificum, ac placita tam vtriuſque Iuris, quam Doctorem praxi deferuiant, accommodarique poſſint. Cenſemus ergo opus non ſolum doctum eſſe, pium, ac catholicum, ſed magno labore, & ingenio elaboratum, ac neceſſarium ad peruiam, & ſolidam reſolutionem multorum, quæ non ſolum ſub præſenti materia comprehenduntur, ſed etiam ad potiores doctrinæ moralis difficultates de Sacramentis, Priuilegiis, Cenſuris, Regularibus, Confeſſariis, Votis, Simonia, Indulgentiis, Sacrificio Miſſæ, reſtitutione ſpectant. Dignum proinde iudicamus, quod in lucem ad inſtructionem aliorum, & profeſtum edatur. In cuius rei fidem hiſ ſubſcribimus, duodecimo Kal. Maij, anno 1632.

Fr. MARTINVS ANGELVS *Valeſius S. Theologia Lector, & Guard. S. Iſidor.*

Fr. LVCAS VVADDINGVS *S. Theolog. Lector, & S. Roman. Inquiſit. Qualificator.*

Fr. ANTONIVS HIQVÆVS  
*ſacra Theologia Lector.*

Fr. FRANCISCVS A S. MARIA  
*ſacra Theologia Lector.*

Fr. IOANNES A S. FRANCISCO *Lector ſacra Theologia.*

Librum

---

**L**ibrum cui inscriptio est, *Disputationes Morales in tres Bullas Apostolicas, Cruciate, Defunctorum, & Compositionis, &c.* perlegi, nihilque in eo fidei Catholicæ contrarium reperi. Ita testor ego inscriptus in sacra Theologiæ facultate Paris. Magister. Lugd. 21. Apr. anno 1634.

FR. CL. COCHET *Ord. Præd.*

---

**V**is à nobis præfatorum Reuerendiss. Patrum & Doctorum approbationibus, & præsertim Reuerendi Patris & Fratris Nicolai Riccardij S. Pal. Apost. Magistri consensu, hoc Opus, cui inscriptio est, *Disputationes Morales in tres Bullas Apostolicas Cruciate, Defunctorum, & Compositionis, auctore Reuerend. P. Fr. Ludonico à Cruce, Sacra Pœnitentiaria Lateranensis Præsidente*, sub prælum mitti, & in lucem edi vltro facimus facultatem. Lugduni 12. Kal. Maij 1634.

DE VILLE *Vicar. Gen. substitutus.*

---

**C**um opus à Reuerendissimo P. FR. LVDOVICO A CRUCE, olim Vicario Generali Reformatorum, nunc autem Sacræ Pœnitentiariæ Lateranensis Præsidente, eruditè confectum, cuius titulus est: *Expositio Bullæ Cruciate, & Defunctorum, ac Compositionis*, de nostro mandato reuisum, & iam approbatum fuerit: harum serie facultatem concedimus, vt, seruatis seruandis, in lucem edi, & typis mandari possit. Datum Romæ in nostro Aracælitano Conuentu die 20. Aprilis anno 1632.

FR. ANTONIVS A GALBIATO  
*Commiff. General.*





X Commissione Reuerendissimi P. Fr. Nicolai Riccardij Magistri sacri Palatii Apostolici vidi hunc librum, qui inscribitur: Expositio Bullæ Cruciatæ Authore Reuerendissimo P. Fr. Ludouico à Cruce sacre Pœnitentiariæ Lateranensis Præsidente, in quo, omnes, quotquot circa eam Bullam excitari possunt, difficultates, doctè, & subtiliter examinantur, &, vt decet Authorem prudentem, & religiosum, secundum tutiora, & magis recepta moralis Theologiæ, & sacrorum Canonum principia, soluuntur. Ideo dignum censeo, quod imprimatur. Datum Romæ in Monasterio sanctæ Crucis in Hierusalem Ordinis Cisterciensis die 17. Aprilis 1632.

DON HILARION RONCATVS Abbas sanctæ Crucis in Hierusalem, & sacrarum Congregationum S. Officij, & sacrorum Rituum Consultor.

## IMPRIMATUR.

FR. NICOLAUS RICCARDIVS S. Pal. Apost. Magister.

b PIVS

PIVS EPISCOPVS  
SERVVS SERVORVM DEI.

AD FVTVRAM REI

*memoriam.*



Cum antea Respublica Christiana nefariis impiorum haeticorum aduersus proprios Principes coniurationibus diu vexata, in extremum discrimen adducta esse videbatur, tum posteaquam ad illa vetera mala peccatis nostris id facientibus, nouum hoc ab immanissimo Turcarum tyranno, magno belli apparatu exitium populo Christiano moliente periculum accessit, eo iam redacta est, vt nisi illius misericordia affuerit, qui mari, ac ventis imperat, non longe ab interitu abesse videatur. Quocirca nos iam inde ab initio primis Turcici tumultus nunciis acceptis, ad lacrymas, & preces conuersti, omnes Christi fideles vtriusque sexus litteris nostris Apostolicis in forma lubilæi editis ad implorandum diuinum auxilium aduersus communes omnium Christianorum hostes excitauimus. Deinde, quod vnum ex rebus humanis eiusmodi periculis remedium à cæteris Pontificibus Romanis prædecessoribus nostris, & quaeri, & adhiberi solitum esse cognoueramus, in eam curam, & cogitationem sedulo incubuimus, vt omnes nos quidem Reges, & Principes Christianorum; præcipue autem charissimum in Christo filium nostrum Philippum Hispaniarum Regem Catholicum, & dilectum filium nobilem virum Aloysium Venetiarum Ducem, Senatûque Venetum ad inuicem nobiscum contra sæuissimam Turcarum gentem foedus hactenarum; cuius quidem inuendi foederis consilium, cum vterque probauisset, & certis quibusdam conditionibus inter nos, Sedemque Apostolicam, atque inter eos foedus statutum esset, vna illa cura & cogitatio animum nostrum sollicitum habebat, quibus facultatibus, quibusve prouenientibus, tot, tantæque sumptus ad comparandum, alendûmque Christianorum aduersus Turcas exercitum necessarij

necessarij suppeditari possent : Occurrunt enim animo nostro æraria  
 Christianorum Principum exhausta, Prouinciæ, ac Regna variis hæ-  
 reticorum, & infidelium bellis afflictæ, agri vastati sic, vt omnes Prin-  
 cipes vestigalibus imminutis, magna rei pecuniariæ inopia laboran-  
 tes, vix impendenti tanti belli periculo, vllum subsidium afferre  
 posse videantur. In primis autem eiusdem Regis Hispaniarum, cuius  
 vires in propugnando Turcarum bello præcipue necessariæ sunt ;  
 ærarij angustia, oculis nostris sese offerunt, qui primò hæreticorum  
 in Flandria, proximè verò Maurorum in Hispania coniurationibus,  
 atque armis vexatus, maximas impensas facere coactus est, præter  
 eas, quas mittendis in Galliam, & in Germaniam contra Vgonottos,  
 & Turcas auxiliis, & in Melitæ insulæ defensione antea fecerat: quæ  
 quidem Christianorum Principum virium imbecillitas, cum illa ipsa,  
 quæ ab initio proposuimus pericula maiora reddat, apparet res Chri-  
 stianorum ad eam necessitatem redactas esse, vt quod vnusquisque  
 proximo suo, in necessitate constituto auxilium præstare teneretur  
 hoc idem omnes Christi fideles, nedum orationibus, eleemosynis, &  
 ieiuniis diuinum auxilium implorantes, sed propriis corporibus, ac  
 bonis, tali tamque præsentī necessitati subuenientes Reipublicæ Chri-  
 stianæ præstari debeat. Quam quidem ad rem omnes, & singulos  
 Christianos per viscera misericordiæ Dei nostri, eo, quo maiore pos-  
 sumus animi nostri studio, hortamur, monemus, & per viscera mis-  
 ricordia Domini nostri Iesv Christi rogamus. Vt autem id ipsum eo  
 libentius, alacriusque faciat, quo se magis specialibus fauoribus, &  
 gratis à nobis, atque hac sancta Sede Apostolica nouerint esse pro-  
 sequendos : de omnipotentis Dei misericordia, ac beatorum eius  
 Apostolorum Petri, & Pauli autoritate nobis diuinitus data confisi,  
 ipsi Philippo Regi huic operi incumbenti, præterea omnibus, & sin-  
 gulis Christi fidelibus in Hispaniarum Regnis, & illis adiacentibus.  
 Nec non Sardinia insulis consistentibus, & ad illa declinantibus, qui  
 intra biennium à die publicationis harum litterarum in singulis locis,  
 in quibus publicabuntur computandum, fidei Catholicæ zelo per-  
 moti ad exercitum prædicti Regis in executionem fœderis prædicti  
 contra Turcas comparatum, vel in illos pugnaturi, aut aliud genus  
 seruitij gratis facturi suis sumptibus accesserint, & ibidem vsque in  
 finem expeditionis illius anni, quoad dictum exercitum, accesser-  
 rint, permanserint, plenariam omnium peccatorum suorum, si de  
 illis corde contriti, & ore confessi fuerint, aut non valentes confite-  
 ri, id corde desiderauerint ; indulgentiam, & remissionem, quæ pro-  
 ficiſcentibus ad recuperationem terræ sanctæ; quæque in anno Iubilati

concedi consuevit, concedimus, & elargimur. Declarantes eandem indulgentiam assequi etiam illos, qui ante finem expeditionis, aut in itinere ad exercitum euntes, aut in eodem exercitu obierint, necnon etiam illos, quos propter infirmitatem, siue aliam superuenientem veram necessitatem inde recedere oportuerit. Rursum eos, qui alios suis impensis illuc, vt supra, miserint; modo mittentes, si fuerit S.R.E. Cardinalis, Primas, Patriarcha, Archiepiscopus, aut Episcopus, Regis filius, Princeps, Dux, Marchio, aut Comes; saltem mittat tot homines vsque ad decem inclusiue, quot commodè mittere poterit, nec mittat pauciores quatuor, si plures mittere non poterit. Alius vero cuiuscunque conditionis, siue laicus, siue clericus sæcularis vnum hominem mittat, nisi forè huius posterioris classis homines tenues habeant facultates, hoc enim in casu eos volumus hac indulgentia etiam potiri; si duo, vel tres, aut etiam quatuor simul, prout singulorum facultates commodè patientur: stipedium vni in hac expeditione seruianti persoluent; ad eandem quoque rationem singula singulis debite referendo hanc Indulgentiam animabus existentibus in Purgatorio, quæ per charitatem Christi vnitz ab hac vita decesserunt, pro quibus in huiusmodi subsidium proficisci, vel milites mitti contigerit ad relaxationem poenarum, quibus secundum Diuinam iustitiam sunt expositæ, per modum suffragij prodesse concedimus. *Capitula Ecclesiarum, Monasteria, & loca etiam regularium, & mendicantium, & tam fœminarum, quam masculorum, si pro decem personis eorundem Capitulorum, & locorum vnum, nec pauciores suis impensis mittant.* Itaque fiat, præcedente deliberatione, capitulariter, seu conuentualiter facta, eandem consequantur indulgentiam, quam pariter volumus assequi eos omnes, qui mittentur, si pauperes fuerint, ac clericos sæculares, necnon & regulares; qui habita licentia ab Ordinariis, & Superioribus debite referendo verbum Dei, ibidem prædicauerint, Confessiones audierint, seu Missas celebrauerint, vel alia Ecclesiastica, & pia ministeria exercuerint, id enim eis in exercitu citra irregularitatis incursum licere declaramus. Beneficia quoque Ecclesiastica, tam sæcularia, quam regularia obtinentes, qui in hac expeditione dicto huic operi vacabunt per idoneos Vicarios eorum beneficiis, iuxta singulorum obligationem deferuire posse concedimus. Nolumus tamen hac gratia gaudere possessores beneficiorum curam animarum habentium; quos non nisi mediante speciali nostra licentia volumus illuc posse proficisci. Milites in bello occupatos à ieiuniis, quibus, aut voto, aut alias essent obligati excusamus, & in die festo belli negotiis vacare posse declaramus. Insuper quoque tam prædi-

ctis

Etis omnibus, quàm illis, qui nec in hanc expeditionem ibunt, nec  
 alios, ut prædictum est, mittent, si infra biennium prædictum ex bo-  
 nis sibi à Deo collatis in hæc causam liberaliter pro Religionis defen-  
 sione contulerint, *dummodo tamen infra positum summarium recepe-  
 rint, & penes se habeant*, quod ideo per eos recipi, & haberi præcipi-  
 mus, ne circa per præsentis concessas gratias, & indulta errare pos-  
 sint, néve alij illa sibi vsurpent, & vnusquisque docere possit, qua fa-  
 cultate eisdem gratiis vtatur; concedimus, ut dicto biennio durante,  
*liberè possint in priuato oratorio ad Diuinum cultum dumtaxat deputato  
 ab ordinario designando*, & visitari. etiam in locis interdicto quauis  
 etiam Apostolica autoritate suppositis; dummodo ipsi causam hu-  
 iusmodi interdicto non dederint, vel per eos non steterit, quin inter-  
 dictum huiusmodi amoueat, ac qui facultatem ad id ab infra scriptis  
 Episcopo, & Commissario habuerint, etiam per horam antequam il-  
 lufceat dies, & per similem horam post meridiem in sua, ac familia-  
 rium, & domesticorum, & consanguineorum suorum præsentia Mis-  
 sas, & alia Diuina per se ipsos, si Presbyteri fuerint, celebrare; vel per  
 alium, seu alios celebrari facere, & tempore interdicti huiusmodi Di-  
 uinis interesse. Necnon Eucharistiam, & alia Ecclesiastica sacramenta,  
 præterquam in die Paschatis recipere, & eorum decedentium corpora,  
 etiam cum moderata funerali pompa Ecclesiasticæ sepulturæ tradi  
 possint. Eos tamen qui præmissis oratorio ad præmissa uti voluerint,  
 quoties id fecerint, ad aliquas preces, prout cuiusque eorum deuotio  
 dictauerit, Deo pro conseruatione vnionis Principum Christianorum  
 contra infideles, eorumque contra eosdem infideles victoria funden-  
 das omnino teneri volumus. Præterea, ut dicto biennio durante, *Carni-  
 bus de consilio utriusque medici* temporibus ieiuniorum, tam quadra-  
 gesimalium, quam quorumlibet aliorum totius anni vesci, ac pro eo-  
 rum libito ouis, & lacticiis. Ita quod, qui carnes non comederint,  
 seruata in cæteris ieiunij Ecclesiastici forma, dicto ieiunio satisfecisse  
 censeantur, Apostolica autoritate concedimus, & dispensamus, sub  
 hac tamen gratia, & concessione vltimo dicta, eo quod ecclesiastici  
 sæcularibus abstinentiores esse debeant, minime comprehendendi volu-  
 mus Patriarchas, Primates, Archiepiscopos, Episcopos, neque alios in-  
 feriores Prælatos, neque quoslibet personas regulares, ac ex sæculari-  
 bus eas, quæ in Presbyteratus ordine constitutæ sint, quoad quadra-  
 gesimalia ieiunia; illis autem exceptis, omnes prædictos, præterquam  
 iusularum prædictarum incolas, etiam ouis, & lacticiis vesci posse,  
 ut supra concedimus. Neque volumus etiam quemcunque Ecclesia-  
 sticum, vel sæcularem, qui eam gratiam fuerit assecutus, ea posse uti

extra ipsa Hispaniarum Regna. Singulos præterea ordinarios Episcopos, & Archiepiscopos dictorum Regnorum, & Insularum prædictarum enixè rogamus, eisque in virtute sanctæ obedientiæ præcipimus, ut omnes pœnas pecuniarias etiam loco corporalium, durante ipso biennio imponendas, seu exigendas huic tam pio operi omnino velint applicare. Imò illas omnes, de quarum tamen quantitate assertioni ordinariorum, quorū conscientias oneramus, standum esse decernimus, thesauro eiusdem expeditionis: Nos etiam ex nunc, prout ex tunc applicamus, & appropriamus, sicut etiam eorum, qui aliquid patrauerint in huius expeditionis præiudicium, vel ad eam euntium pœnas similiter applicamus, & appropriamus. Qui verò ex dictis non euntibus, neque mittentibus, sed tantum erogantibus ultra prædictam erogationem, etiam aliquibus anni diebus nō alicui ieiunio suppositis ad implorandum Diuinum auxilium pro Christianorū Principum vnione contra infideles, & victoria contra eosdem infideles ieiunium voluntarium; vel si ieiunare legitime impediti fuerint, aliud opus pium arbitrio eorum Confessoris, vel Parochi assumpserint, & simul preces ad Deum pro vnione, & victoria prædictis fuderint; toties quoties id fecerint, dicto biennio durante, 15. annos, & totidem quadragenas de iniunctis eis pœnitentiis, & quomodolibet debitis misericorditer in Domino relaxamus. Et amplius omnium precum, elemosynarum, peregrinationum, & Hierosolymitan. cæterorūque bonorum operum, quæ sunt in vniuersali militanti Ecclesia, & in singulis eius membris participes esse volumus. Et si ultra voluntaria ieiunia, vel pia opera prædicta; & preces prædictas etiam deuotè visitauerint in loco, vbi eos morari contigerit, singulis quadregesimalibus, & aliis anni temporibus, & diebus stationum almæ Urbis, & extra illius muros, quinque Ecclesias, siue altaria, seu si ibi tot Ecclesiæ, seu altaria non fuerint; quinquies vnum, vel vnā; altare, seu Ecclesiam; præcesque ad Deum similiter pro vnione, & victoria prædictis deuotè fuderint, omnes, & singulas indulgentias tam per se, quàm per modum suffragij pro personis, quæ in Christi charitate decesserint, pro quibus visitauerint, consequantur, quas consequi possent, si iisdem temporibus, & diebus, singulas Ecclesias dictæ Urbis, & extra illius muros huiusmodi; pro eisdem stationibus, & indulgentiis consequendis deputatas personaliter visitarent; & ut purius preces Deo fundere, & eo efficacius Diuinum auxilium implorare possint, quo peccatorū vinculis absoluti in his litteris cōtenta adimpleuerint, ut iidem omnes, ac eorum singuli, dicto biennio durante; *quemcunque Presbyterum sacularem, vel cuiusvis etiam Mendicantium Ordinum regularem,*

*regularum, ex his, qui ab ordinario, & quondam regulares semel tantum ap-  
probati fuerint, in Confessorem eligere, & ab eo quorumcunque pec-  
catorum, ac censurarum, eorum videlicet, & earum, quæ Sedi Apo-  
stolicæ etiam in Bulla solita publicari in die Cœnæ Domini continen-  
tur plenariam indulgentiam, & remissionem semel in vita, & semel  
in mortis articulo, aliorum verò Sedi Apostolicæ non reservatorum,  
aut non reservatarum, toties quoties confitebuntur absolutionem,  
& remissionem, mediante salutari pœnitentia, secundum culparum  
exigentiam obtinere, modo etiam in casibus, in quibus necessaria erit  
per ipsos, vel dato impedimento per hæredes, aut alios satisfactio fiat.*  
*Declarantes fructus beneficiorum, qui ad ratam omissionis horarum  
Canonicarum illicitè percipiuntur, & retinentur, debere ab his,  
qui absolutionem assequi voluerint pro vna Ecclesiis, vel aliis lo-  
cis Ecclesiasticis integraliter, quarum, & quorum ratione ho-  
ras prædictas recitare tenentur, & pro altera medietatibus in sub-  
ventionem huius negotij dare, & illis vota omnia, *ultramarino, ca-  
sistatis, & Religionis dumtaxat exceptis*, in aliquod subsidium huius ex-  
peditionis per eundem Confessorem commutari. Volumus etiam  
eos, si dicto biennio durante contingat ob repentinam mortem, vel  
Confessorum absentiam sine confessione decedere, modo contriti  
decesserint: & prius statuto tempore confessi fuerint, nec huius no-  
stræ concessionis fiducia negligentiores fuerint, plenariam, vt supra  
remissionem consequi, eorumque corpora, nisi forte vinculo excom-  
municationis innodati decesserint, nõ obstante etiam interdicto præ-  
dicto, vt præfertur, Ecclesiasticæ tradi possint sepulture: *Et quoniam  
huc in re fidelibus indigemus Ministris*, de probitate, & solertia Vene-  
ralib. fratris nostri Bernardini Fresneda Episcopi Conchen. plurimùm in  
Domino confidentes, eum Commissarium, receptorémque in toto  
isto negotio constituimus, eique, vt super ordinariorum huiusmodi  
pœnis inquirere, & contra eos, qui in præiudicium huius expeditionis,  
aut ad eam euntium aliquid patrauerint procedere, & super illicitè  
habitis, ac super medietate legatorum omnium, quæ propter male  
ablata facta sint, si legatarij per annum in exactione negligentes  
fuerint, ac illis etiam, quæ facta erunt, & quæ dicto biennio  
fient; si legatarij adhibita per Commissarium diligentia, inveni-  
ri non poterat; nec non etiam male ablatis, & per vsurariam prauitatem,  
aut aliter male acquisitis, dummodo in omnibus præmissis casibus,  
præterquam dictæ annalis negligentix, personæ, quibus restitutio,  
seu solutio facienda est, facta diligenti perquisitione per Episcopum,  
& Commissarium prædictum nõ reperiantur componere, &*

ita debitores liberari, & *super irregularitate* per eos, qui etiam quibusvis Ecclesiasticis sententiis, censuris & pœnis ligati, Missas, & alia diuina officia, non tamen in contemptum clauium celebrarunt, seu alias se immiscuerunt, vel alias quomodolibet, præterquam ratione homicidij voluntarij, aut simoniæ, vel apostasiæ à fide, aut hæresis, vel malæ promotionis contracta, quodque in per eos, non tamen male susceptis ordinibus, etiam per eos obtemta beneficia Ecclesiastica, & ex eis perceptos fructus retinere, valeant dispensare, *omnemque inhabilitatū, & infamie maculam* exinde prouenientem abolere, & super his componere, ac nullis datis litteris, seu per Confessorem laceratis, cum iis, qui primo, & secundo affinitatis, ex fornicatione contracta gradibus coniuncti matrimonium contraxerunt; dummodo si post Concilium Tridentinum illius formam seruauerint, ac impedimenta huiusmodi penitus occulta sint, & alter contrahentium tempore contracti matrimonij, impedimenti ignarus extiterit, ut altero, ita ut præfertur impedimentum ignorante, de nullitate prioris consensus prius certificati, tacitaque si videbitur, ad euitanda scandala causa nullitatis, matrimonium inter se etiam secrete de nouo contrahere possint in foro conscientiæ dumtaxat, si ad euitanda grauius scandala dispensandum iudicauerit, dispensare, prolemque susceptam, & suscipiendam exinde legitimam decernere: Nec non etiam in superuenienti simili affinitatis impedimento similiter dispensare, ut debitum petere possint; personis quoque nobilibus; ac quæ iuxta ipsius Episcopi, & Commissarij arbitrium qualificatæ fuerint, ut Missas per horam ante lucem, & post meridiem audire valeant, indulgere. Ac insuper omnes similes, aut dissimiles indulgentias, aut facultates à nobis, & dicta Sede, vel eius autoritate, quibusvis Ecclesiis, Monasterijs, hospitalibus; pijs locis, vniuersitatibus; Confraternitatibus, & singularibus personis in Regnis prædictis etiam in fauorem Basilicæ Principis Apostolorum de Vrbe, & alterius similis Cruciatæ, si quæ in Hispaniarum Regnis prædictis receptæ adhuc durent concessas huiusmodi, etiam si clausulas aliquas contra suspensionem facientes, continerent, ita ut interim, quæ iam publicatæ fuerint etiam communiter, vel diuissim vlli hominum nullatenus suffragari, nec sub pecuniariis, ac inuocationis brachij sæcularis, pœnis publicari, aut prædicari, vel quæuis alia suffragia postulari possint suspendere; Commissarios ad singulas Prouincias per ordinarios locorum, quorum conscientias oneramus, præuia matura deliberatione approbandos cum simili, vel limitata facultate; ac etiam pro collectione pecuniarum eligere, necnon notarios, quorum opera utendum erit, ab ordinariis tamen locorum, in quibus illi de-

putandi



putandi sunt, similiter approbandos deputare, ac Tabelliones, & quemlibet alium ad exhibitionem quarumcunque scripturarum, vel instrumentorum huic negotio pertinentium cogere, & denique inhibendi, quibus inhibendum erit. Nec possit Commissarius coram alio, quam nobis, aut possint ab eo deputandi coram alio, quam ipso Commissario pro re ad hoc munus pertinenti quandiu istis negotiis vacauerint, in iudicium trahi. Possint tamen à locorum Ordinariis, quibus suberunt, si ibi deliquerint, coërceri, & puniri. Prædicatio autem harum litterarum, non nisi per probos, & idoneos Prædicatores, quorumvis etiam Mendicantium Ordinum regularis obseruantia professores, ex his, qui à locorum Ordinariis approbati fuerint; per eundem tamen Commissarium à Prouincialibus singulorum dictorum Ordinum petendos, & recipiendos, quorum Prouincialium conscientiam oneramus, eisque in virtutē sanctæ obedientia in iungimus, ut Prædicatores, ut præfertur, integros, & idoneos, integris moribus, & vita assignent, & omnino assignare debeant, iisque, & in eiusdem obedientia virtute in iungant, ut nihil aliud tanquam à nobis concessum populo proponant, nisi quod in præsentibus litteris continetur, vel in locis pauperibus per quotas alimenta constitui prohibemus, etsi in loco, in quo erit facienda publicatio, fuerit interdictum per octo dies ante, & post, possit illud suspendi. Possintque etiā habentes scripturas ad aliquod ex prædictis pertinentes, per Commissariū, vel ipsos deputatos, etiā in subsidium per censuras, & pœnas Ecclesiasticas ad eorum exhibitionem compelli. Possint pariter cogi omnes, ut reddant rationem earum rerum, quæ in singulis Diœcesibus fidei eorum committentur, & quidquid à sponte dantibus fuerit in singulis Diœcesibus receptum, Commissario, aut ab eo deputatis integre, statimque consignari faciant: ita verò auditores ad prædicta per Prædicatores hortari duntaxat permittimus, ut clare intelligant, nos neminem ad aliquid cogere, sed tantummodo eorum deuotionem ad id excitare, rogare, hortarique. Volumus etiam moneri omnes; quibus contigerit habere pecunias, aut bona in hoc opus destinata, seu instrumenta, vel scripturas continentes aliquid huic negotio principaliter, vel secundario attinens, ut debeant quidquid habuerint, statim cum poterunt, vel habere copiam Commissarij, aut ab eo deputati, omnia ipsi Commissario, seu ab eo deputato propalare, sub eisdem pœnis pecuniariis, in subsidium, ut præfertur, Episcopos, & alios maiores Prælatos suspensionis à diuinis, & interdicti ad Ecclesiam ingressus, alios vero omnes excommunicationis latae sententia, quam ipso iure, & facto incurrant, & à qua non nisi à Sede Apostolica absolui possint. Declarantes hos

rales, si scienter aliquod prædictorum retinuerint, nullo modo posse harum litterarũ, & gratiæ beneficio frui. Vt autem Summarium prædictum illibatum ab omnibus conseruetur, ac in eo aliquid indecens non apponatur, illius formam præsentibus inferi voluimus, quam de Latino idiomate in Hispanum de verbo ad verbum tantum conuertit; illudque de eiusdem Commissarij mandato imprimi, & Commissarij prædicti sigillo munitum omnibus Christi fidelibus, qui præmissorum participes esse voluerint, consignari volumus, quod etiam indubiam illorum, tam in iudicio, quàm extra, fidem omninò facere decernimus. Expirante autem biennio prædicto, declaramus omnes gratias, & indulta prædicta expirare, & nihil penitus virtuti harum litterarum fieri posse, sed tantum posse ad finem causas pendentes perducì. Et cùm non deceat officiales, seu Ministros officij sanctæ inquisitionis in aliis manifestam hæresim non sapientibus occupari, seu detineri, nolumus aliquem eiusdē sanctæ inquisitionis officialē, seu ministrũ posse assumi in Prædicatore, ad præsentibus nostras litteras publicandas, neque etiā subdeputari Commissarium ad pecunias exigendas, vel alia quouis modo pro huiusmodi rebus gerendis pertractanda, quæ omnia, & singula facimus, concedimus; ac valere, & obseruari debere decernimus. Non obstantibus quibuscunque decretis, constitutionibus, statutis, consuetudinibus, Bullis, privilegiis, litteris, indulgentiis, Bulla; *Mare Magnum* nuncupata, & ordinibus editis; aut approbatis etiam pluries, non solum ab inferioribus, sed à nobis, & à nostris prædecessoribus, cū quibusuis clausulis, derogationibus, ac iuramentis, & ex quacunque causa, & expeditione contrā Turcas, & siue per modum vniuersalis legis, siue sub alia forma, & siue in fauorē Ecclesiarum etiā Cathedralium, siue in fauorē alicuius militiæ, tam sancti Iacobi de Spatha, de Calatrava, & de Alcantara, quàm aliarum quarumlibet, & siue etiam in fauorem publicarum personarum, aut vniuersitatum emanauerint. Quoniam illis omnibus, & singulis etiam, quòd de verbo ad verbum debuissent præsentibus inferi habentes, & haberi volentes omnia pro insertis, & expressis de verbo ad verbum, ex certa scientia, motu proprio, & de nostræ potestatis plenitudine: eatenus, quatenus directè, vel indirectè præfatis in toto, aut in parte contrariantur, aut aliquod quamquam minimum, præiudicium, seu impedimentum afferant, expressè derogamus, & derogatum esse volumus, cæterisque contrariis quibuscunque. In hac autem derogatione nostra nolumus comprehendì similes, vel dissimiles facultates concessas Mendicantium Ordinum huiusmodi Superioribus quoad suorum Ordinum fratres, nec per illam aliquod ipsis præiudicium asserre; quin imò illa omninò quoad suorum Ordinum fratres, vt præfertur

feretur, durare volumus. Insuper, quod aliæ litteræ à nobis sub datæ. 8. Kalend. Ianuarij, Pontificatus nostri anno 3. concessæ, viribus omnino careant, nulliusque sint roboris, vel momenti, & tanquam tales minime suffragentur.

Summarium autem, quod super præsentibus fieri statuimus, tale est. Hoc est Summarium indulgentiarum, & aliarum gratiarum per S. D. N. Pium Diuina prouidentia Papam V. in eius Bulla concessarum per omnes Christi fideles, qui illis uti voluerint, recipiendum, & retinendum, ne circa sibi concessas gratias errare possint, neve alij illas sibi vsurpare, & vnusquisque quâ facultate eisdem gratis vtatur docere valeat. Quarum gratiarum publicatio non nisi, vel in locis pauperibus per Parochos, & idoneos Prædicatores regularis obseruantia professores ex approbatis ab Ordinariis per R. D. Episcopum Concheñ. Commissarium generalem à Prouincialibus singulorum ordinum regularis obseruantia petendos, & recipiendos, quorum Prouincialium conscientiam idem S. D. N. onerat, eisque in virtute sanctæ obedientia iniungit, vt Prædicatores idoneos integris moribus, & vita assignent. Quibus etiam in virtute sanctæ obedientia iniungitur, vt nihil aliud, tanquam ab eodem S. D. N. concessum populo proponant, nisi quod in hoc Summario, & Bulla eiusdem S. D. N. continetur, quibus Prædicatoribus alimenta per quotas constitui prohibetur. Quibus Prædicatoribus etiam iniunctum est, vt ita hortari duntaxat auditores valeant, vt clare intelligant, neminem cogi, sed tantum eorum deuotionem excitari, & rogari. Sanctissimus in Christo Pater, & D. N. D. Pius Diuina prouidentia Papa V. pro affectu considerans ingentia pericula Reipublicæ Christianæ, iam diu tot aliis seditionibus, & tumultibus cõquassatæ à Turcis imminencia, volens illis ea, quæ posset ratione, occurrere, fædus iniit cum serenissimo Domino Philippo Hispaniarum Rege Catholico, & illustrissimo Duce, ac Senatu Veneto aduersus Turcas, cupiensque omnes Christi fideles huic sancto, & necessario operi auxilium petere, concedit omnibus in Hispaniarum Regnis, & insulis illis adiacentibus, ac etiam Sardinia consistentibus, & ad illa declinantibus, qui intra biennium à die publicationis in singulis locis faciendæ computando fidei catholicæ zelo moti ad exercitum prædicti serenissimi Regis Hispaniarum contra Turcas in executionem fæderis prædicti comparatum, vel cõtra illos pugnaturi, aut aliud genus seruitij gratis facturi suis sumptibus accesserint, & ibidem vsque in finem expeditionis eius anni, quo accesserint, permanserint plenariam omnium peccatorum suorum; si de illis corde contriti, & ore confessi fuerint, aut non valentes confiteri, id corde desiderauerint,

indulgentiā, & remissionē, quæ proficiscentib. ad recuperationē terrarū sanctarū, quæque in anno Iubilæi concedi consuevit. Declarat etiam, quod eandē indulgentiam assequantur illi, qui ante finem expeditionis, aut in itinere ad exercitum euntes, aut in eodem exercitu abierint. Item qui propter infirmitatem, seu aliam superuenientem necessitatem, inde recesserint. Itē illi, qui alios suis impensis miserint, dummodo si mittens fuerit S. R. E. Cardinalis, Primas, Patriarcha, aut Episcopus, Regis filius, Princeps, Dux, Marchio, aut Comes, mittat quorū homines vsque ad decē inclusiue commode poterit, nec mittat pauciores quatuor, si plures non poterit: Alias vero cuiuscunque conditionis, siue laicus, siue clericus, sæcularis, nisi tenues habeant facultates; duo vel tres, aut etiam quatuor simul, prout singulorum facultates commode patientur, stipendium vni persoluant. Item Capitula Ecclesiarum, Monasteria, & loca etiam regularium, & mendicantium, & tam fæminarum, quam masculorum, quæ pro decem personis eorundem Capitulorum, & locorum, præcedente Capitulari, seu Conuentuali deliberatione, si vnum miserint. Eadem indulgentia suffragabitur per modum suffragij, etiam animabus defunctorum, pro quibus in huiusmodi subsidium proficisci, vel milites mitti contigerit; eandem indulgentiam assequantur etiam omnes, qui mittentur, si pauperes fuerint. Item Clerici sæculares, qui ab ordinariis, & regulares, qui à suis Superioribus, habita licentia, verbum Dei in dicto exercitu prædicauerint, vel alia Ecclesiastica, & pia ministeria exercuerint, quod eis in exercitu citra irregularitatem licere declaratur, & vt beneficiis, tam secularibus, quàm regularibus per idoneos Vicarios deferuire possint: exceptis beneficia curam animarum habentia obtinentibus, quibus non alias ire licet, nisi specialem licentiā suæ Sanctitatis eundi habuerint. Milites in bello occupati à ieiuniis votiuīs, vel Ecclesiæ excusentur, & in die festo belli negotiis vacare posse declarantur. Concedit insuper omnibus prædictis, necnon his, qui nec ibunt, nec mittent, si ex bonis sibi à Deo collatis in hanc expeditionem liberaliter pro religionis defensione contulerint, dicto biennio *durante, possint in privato oratorio ad Diuinum cultum tantum deputato ab ordinario visitando, & designando, etiam tempore interdicti*, cui ipsi causam non dederint, vel per ipsos non steterit, quominus amoueat, & qui facultatem ad id ab infra scriptis Episcopo, & Commissario præsentis Concessionis habuerint, etiam per horam antequam illucescat dies, & per horam post meridiem in sua, ac familiarium, & domesticorum, ac consanguineorum suorum præsentia Missas, & alia Diuina officia per se, si Presbyter fuerit, vel

per

per alium celebrari facere, & Eucharistiam, & alia Sacramenta, præterquam in die Paschatis recipere, & mortuorum corpora cum moderata funerali pompa sepeliri, dummodo quoties huiusmodi oratorio ad præmissa uti voluerit aliquas preces iuxta cuiusque eorum deuotionem pro conseruatione vnionis Principum Christianorum contra dictos infideles, eorūque contra eos victoria Deo fundant. *Item; ut dicto biennio durante, intra ipsa Hispaniarum Regna, & non extra, carnibus de consilio vtriusque Medici temporibus ieiuniorum totius anni etiam quadragesimalium vesci, ac pro eorum libito ouis, & lacticiis. Itaque qui carnes comederint, seruata in cæteris ieiunij Ecclesiastici forma, dicto ieiunio satisfecisse censeantur: Excipiuntur ab indulto, descendit ouis, & lacticiis; quoad quadragesimalia ieiunia tantum Patriarchæ, Archiepiscopi, Episcopi, & alij superiores, vel inferiores Prælati, & quælibet persona Regularis, & ex secularibus illi, qui in Presbyteratus ordine constituti sunt nec nō insularum prædictarum incolæ. Item, ut qui ex dictis non euntibus, neque mittentibus, sed ex eorum bonis conferentibus vltra prædictam erogationē diebus ieiunio alias non suppositis ad implorandum Diuinum auxilium, pro Christianorum Principum vnione, & victoria contra infideles ieiunium voluntarium assumpserint, & preces ad Deum pro vnione, & victoria prædictis fuderint, quoties id, dicto biennio durante, fecerint, 15. annos, & totidem quadragenas de iniunctis eis pœnitentiis, & quomodolibet debitis misericorditer relaxantur. Et omnium bonorum operum, quæ in vniuersali militanti Ecclesia sunt, & in singulis eius membris parucipes fiunt, & si vltra voluntarium ieiunium, & preces prædictas etiam deuotè visitauerint, dicto biennio durante, singulis diebus stationum almæ Urbis quinque Ecclesias, siue altaria, seu in illorum defectum, quinquies vnum altare, vel Ecclesiam, præcēsque ad Deum pro vnione; & victoria prædictis deuotè fuderint; omnes, & singulas indulgentias stationum Urbis, tam pro se, quam per modum suffragij pro defunctis, pro quibus visitauerint, consequantur. Item, ut omnes, & singuli prædicti purius preces ad Deum fundere, & efficacius Diuinum auxilium implorare possint: conceditur, ut possint eligere quemcunque Presbyterum sæcularem, vel Regularem ex approbatis ab Ordinario, & ab eo quorumcunque peccatorum etiam censurarum, etiam Sedi Apostolicæ, & in Bulla Cœnæ Domini reseruatorum, & reseruatorum, plenariam indulgentiam, & remissionem semel in vita, & semel in mortis articulo; aliorum verò Sedi Apostolicæ non reseruatorum, aut reseruatorum, toties, quoties confitebuntur, absolutionem, & remissionem, mediante salutarī pœnitentia, secundum culpa-*

rum indigentiam obtinere, dummodo, vbi necessaria erit per ipsos, vel dato impedimento per hæredes, aut alios satisfactio fiat, & pro fructibus beneficiorum propter horarum Canoniarum omissionem indebitè perceptis satisfactio facienda erit integraliter, hoc modo videlicet; pro medietate Ecclesiis, vel locis Ecclesiasticis, quorum ratione horas recitare tenentur, pro alia medietate in subuentionem dictæ expeditionis contra Turcas; poterit etiam idem Confessor vota quæcunque commutare in aliquod subsidium huius expeditionis; Castitatis, Religionis, & vltimarum votis duntaxat exceptis. Item, vt si dicto biennio durante, contingat eos ob repentinam mortem, vel Confessorum absentiam sine confessione decedere, modo contriti decesserint, & antea statuto tempore confessi fuerint; nec huius concessionis fiducia fuerint negligentes, plenariam, vt supra, remissionem consequantur; eorumque corpora, nisi vinculo excommunicationis innodati decesserint, non obstante etiam interdicto prædicto, vt præfertur, Ecclesiasticæ sepulturæ tradi possint. R.D. Episcopo Conchen. qui Commissarius deputatur, datur facultas inter alia componenda super illicitè habitis, & super medietate legatorum, quæ propter male ablata facta sint, si legatarij per annum in exactione negligentes fuerint, & super illis etiam legatis, quæ facta erunt, & dicto biennio fient; si legatarij, adhibita per Commissarium diligentia, inueniri non poterunt, & super malè ablatiis, & per vsurariam prauitatem, aut aliter malè acquisitis, dummodo personæ, quibus restitutio fieri debet, adhibita diligentia, non reperiuntur, & ita debitores liberari. Item dispensandi, & componendi super irregularitate cum his, qui quibusvis censuris Ecclesiasticis ligati, Missas, & alia Diuina officia, non tamen in contemptum clauium celebrarunt, seu alias illis se immiscuerunt, & super alia qualibet irregularitate, præterquam ratione homicidij voluntarij, aut simoniæ, vel apostasiæ à fide, aut hæresis, vel propter malam ordinum susceptionem contractam, cum retentione beneficiorum, & fructuum ex eis perceptorum, & infamiæ, ac inhabilitatis exinde prouenientis abolitione, & executione ordinum, non male susceproptorum restitutione. Item dispensandi in foro conscientie duntaxat, nullis datis litteris, seu per Confessorem laceratis, si ad euitanda graua scandala dispensandum iudicauerit, cum his, qui primo, & secundo affinitatis ex fornicatione contracta gradibus coniuncti, matrimonium contraxerunt, illius formam seruauerint, & impedimenta huiusmodi penitus occulta sint, & alter contrahentium tempore contracti matrimonij, ignarus impedimenti fuerit, eo quòd de nullitate prioris consensus (tacita si videbitur, ad euitanda scandala,

scandala, causa nullitatis ) prius certificati , vt matrimonium inter se etiam secrete de nouo contrahere possint, prolem susceptam , & suscipiendam legitimā decernendo. Item dispensandi in simili affinitatis impedimento super debiti exactione in eodem foro conscientiae tantum. Item indulgendi personis nobilibus , & quæ iuxta ipsius Episcopi, & Commissarij arbitrium qualificatae fuerint , vt Missas per horam post meridiem audire, & celebrari facere valeant. Item, vt suspendere possit, dicto biennio durante, omnes similes , aut dissimiles indulgentias , aut facultates ab eodem Sanctissimo Domino nostro , & Sede Apostolica, vel eius autoritate , quibusuis Ecclesiis, Monasteriis , & in fauorem fabricæ Basilicæ Principis Apostolorū de Vrbe, Vniuersitatibus, Hospitalibus, piis locis, Cōfraternitatibus , & singularibus personis in dictis Regnis concessas, etiamsi clausulas contra suspensionem continerent, ita vt interim nulli suffragari, nec publicari possint, *exceptis tamen concessis Ordinum Mendicantium Superioribus, quoad eorum fratres*, gratias vero , & indulta quæcunque vigore cuiuscunque Bullæ Cruciatæ nuncupatæ, in dictis Regnis concessas, idem Sanctissimus Dominus N. expresse reuocauit. Item, vt deputare possit Commissarios in singulis prouinciis per locorum ordinarios; quorum conscientiae onerantur , præuia matura deliberatione approbandos cum simili , vel limitata facultate , ac etiam pro collectione pecuniarum. Item, vt possit deputare Notarios necessarios , ab ordinariis tamen locorum, in quibus deputabuntur, modo præmisso approbandos. Item, vt Tabelliones , vel quoscunque alios compellere possit ad exhibitionem quarumcunque scripturarū , seu instrumentorum huic negotio pertinentium. Item inhibere, quibus inhibendū erit; Item, vt Cōmissarius prædictus coram alio, quam sanctissimo Domino nostro, nec subdelegandi Commissarij coram alio, quam ipso Commissario pro re ad hoc munus pertinente, quamdiu his negotiis vacauerint, in iudicium trahi valeant, possint tamen à locorum ordinariis, quibus suberunt, si ibi deliquerint, coerceri, & puniri. Item, vt suspendere possit interdictum , quod forsā esset in loco , in quo publicatio huius concessionis fiet. Item, vt à Cōmissariis, Notariis, & aliis rationem exigere possit earum rerum , quæ fidei eorum committentur , & quidquid à sponte dantibus receptum fuerit, eidem Commissario assignent. Item, vt monere possit habentes pecunias , aut bona in hoc opus destinata seu instrumenta : vel scripturas huic negotio principaliter , vel secundario attinentes; vt statim cum copiam Commissarij, aut ab eo deputati habuerint propalare sub pœnis pecuniariis, & in subsidium quoad ipsos, & alios maiores Prælatos suspensiois à Diuinis, & interdicti in Eccle-

siam

siam ingressus quoad alios excommunicationis latae sententiae, à qua non nisi à Sede Apostolica absolui possint, & qui scienter aliquid praedictorum retinuerit, supradictarum gratiarum beneficio frui non possit. Ordinarij omnes, Episcopi, Archiepiscopi dictorum regnorum, & insularum illis adiacent. enixe rogantur, eisque in virtute sanctae obedientiae praecipitur, vt omnes poenas pecuniarias, etiam loco corporali, durante dicto biennio imponendas, seu exigendas huic tam pio operi omnino velint applicare, easque poenas omnes, de quarum quantitate assertioni ordinariorum; quorum conscientiae onerantur, standum esse decernitur; thesauro eiusdem expeditionis contra Turcas, idem sanctissimus Dominus noster ex nunc, prout ex tunc applicat, & appropriat, vna cum poenis eorum, qui aliquid in huius expeditionis prauiudicium, vel ad eam euntium patrauerint. Item expirante biennio, omnes supradictae facultates, indulta, & gratiae expirant, *tantumque poterunt cause* pendentes ad finem perducì. Item prohibentur quicunque Ministri, & Officiales sanctae Inquisitionis in Praedictatores, Commissarios, aut aliud quodcunque huius negotij ministerium assumi. *Item conceditur eidem* Episcopo, & Commissario: ne Christi fideles semper in dubio sint, an sufficientem ex eorum bonis subuentionis quantitatem, iuxta eorum statum, & conditionem contulerint, vt possit dictam subuentionem pro personarum qualitate arbitrari. Nulli ergo omnino hominum liceat hanc paginam nostrae hortationis, monitionis, rogationis, declarationis, voluntatis, concessionis, dispensationis, praeccepti, decreti applicationis, appropriationis, relaxationis, onerationis, iniunctionis, permissionis, facti, prohibitionis, & derogationis infringere, &c. Si quis, &c. incursum, &c. Datum Romae apud Sanctum Petrum, &c. Anno Incarnationis Domini 1571. 12. Kalend. Iunij, Pontificatus nostri anno sexto.

Charissimo





Charissimo in Christo filio nostro  
**PHILIPPO HISPANIARVM**  
**REGI CATHOLICO,**  
**PAVLVS PAPA V.**



**C**HARISSIME in Christo fili noster, salutem, &c. Indulgentias; & gratias illas spirituales; & temporales ad sex annos publicandas, & duraturas clauem. Philippo Hispaniarum Regi Catholico genitori tuo, ac omnibus, & singulis Christi fidelibus in regni, & Dominii Hispaniarum, ac illis adiacentibus, necnon Sardiniae Insulis consistentibus, & ad illa declinantibus, iis qui certa munera adimpleuissent à diuersis Rom. Pontificibus concessas, & deinde pluries etiam à fel. rec. Gregorio XIII. Sixto V. Gregorio XIV. & Clemente VIII. praedecessoribus nostris, ac etiam à nobis eidem Philippo Regi genitori tuo, ac Majestati tuae per diuersas eorum, ac praesertim dicti Clementis sub dat. die nona Februarij M. D. xcij. Pontificatus sui anno primo, & xvij. Iunij M. D. c. iij. Pontificatus item sui anno nono, & die xxx. Octobris M. D. c. iij. Pontificatus similiter sui anno xij. & subinde per nostras sub die xxij. Iunij M. D. c. v. Pontificatus nostri anno primo, ac die vij. Septembris M. D. c. xj. Pontificatus pariter nostri anno septimo, & nouissime die xij. Nouembris M. D. c. xv. Pontificatus item nostri anno xj. in huiusmodi forma Breuis expeditas literas ad sexennium prorogatas iustis, & grauibz causis adducti Motu proprio, & ex certa nostra scientia, ac de Apostolicæ potestatis plenitudine ad aliud sexennium à fine vltimi sexennij per Nos, vt praefertur, prorogati numerandum extendimus, & prorogamus. Et nihilominus Majestati tuae, ac praedictis omnibus eisdem gratias, & indulgentias cum omnibus, & quibuscunque indultis, facultatibus, concessionibus, extensionibus, conditionibus, clausulis, & decretis in aliis

d Gregorij

Gregorij XIII. Sixti V. Gregorij XIV. & Clementis VIII. præde-  
cessorum nostrorum, ac nostris litteris prædictis contentis ad prædi-  
ctum sexennium à fine sex annorum per Nos, vt præfertur, proroga-  
torum, prout in qualibet prouincia, siue Regno finem habebunt au-  
thoritate Apostolica, tenore præsentium de nouo concedimus, & in-  
dulgemus, ac propterea dilecto filio Magistro Martino de Corduba in  
vtraque signatura nostra referendario Executori, & Commissario ad  
hoc Apostolica auctoritate deputato, plenam, & liberam in præmissis  
facultatem, & auctoritatem tribuimus per se, vel alium, seu alios, quos  
ad id idoneos duxerit ad executionem præmissorum, & alias iuxta fa-  
cultates concessas, omni & quacunque appellatione postposita pro-  
cedendi, aliaque faciendi, & exequendi, quæ in præmissis, & circa ea  
necessaria fuerint, seu quomodolibet opportuna. Non obstantibus  
constitutionibus & ordinationibus Apostolicis, necnon omnibus il-  
lis, quæ dicti prædecessores in suis voluerunt, & nos in nostris litteris  
prædictis volumus non obstare, cæterisque contrariis quibuscunque.  
Vt autem præsentis litteræ, cum opus fuerit, ad omnium noticiam  
deduci possint, decernimus vt earum exemplis, etiam impressis manu  
Notarij publici subscriptis, & sigillo alicuius personæ in dignitate Ec-  
clesiastica constitutæ ob signatis eadem prorsus fides adhibeatur, quæ  
ipsis præsentibus adhiberetur, si forent exhibitæ, vel ostensæ. Datum  
Romæ apud sanctam Mariam Maiorem sub die 21. Octobris 1619.  
anno 15.

Charissimo



Charissimo in Christo filio nostro  
**PHILIPPO HISPANIARVM**  
REGI CATHOLICO,  
*URBANVS PAPA VIII.*



**C**HARISSIME in Christo fili noster, Salutem, &c. Indulgentias, & gratias illas spirituales, & temporales ad sex annos publicandas, & duraturas clar. mem. Philippo II. auo, & Philippo III. genitori tuis Hispaniarum Regibus Catholicis, ac omnibus, & singulis Christi fidelibus in Regnis, & Dominis Hispaniarum, ac illis adiacentibus, nec non Sardiniae Insulae consistentibus, & ad illa declinantibus iis, qui certa munera adimpleuissent, à diuersis Rom. Pont. concessas, & deinde pluries etiam à fel. rec. Gregor. XIII. Sixto V. Gregor. XIV. Clemente VIII. & Paulo V. praedecessoribus nostris eisdem Philippo auo, & Philippo genitori suis Regibus, nec non Maiestati suae per diuersas eorum, & nostras respectiue, & praesertim dicti Clementis sub dat. die ix. Februarij M. D. xciij. Pontificatus sui anno primo, & xvij. Iunij M. DC. Pontificatus item sui anno nono, & die xxx. Octobris M. DC. iij. Pontificatus similiter sui anno xij. & dicti Pauli sub dat. xxij. Iunij M. DC. v. Pontificatus sui anno primo, ac die vij. Septembris M. D. C. xj. Pontificatus pariter sui anno septimo, & die xij. Nouembris M. DC. xv. Pontificatus item sui anno xj. ac die xxj. Octobris M. DC. xix. Pontificatus etiam sui anno xv. & nouissimè die xxvj. Martij M. DC. xxiiij. Pontificatus nostri anno primo in huiusmodi forma Breuis expeditas litteras ad sexennium prorogatas, iustis, & grauibz causis adductis, Motu proprio, & ex certa scientia nostra, ac de Apostolica potestatis plenitudine ad aliud sexennium à fine vltimi sexennij, vt praefertur, prorogati numerandum extendimus, & prorogamus. Et nihilominus Maiestati tuae, ac supradictis omnibus eisdem gratias, & indulgentias, cum omnibus, & quibuscumque indultis, facultatibus,

cultaribus, concessionibus, extensionibus, conditionibus, clausulis, & decretis in aliis Gregorij XIII. Sixti V. Greg. XIV. Clement. VIII. ac Pauli V. prædecessorum nostrorum litteris prædictis contentis ad sexennium à fine sex annorum ultimo prorogatorum, ut præferatur, prout in qualibet Prouincia, siue Regno finem habebunt, Apostolica auctoritate tenore præsentium de nouo concedimus, & indulgemus, ac propterea dilecto filio Antonio Sotomayor Ordinis Fratrum Prædicatorum Professori Executori, & Commissario, ad hoc Apostolica auctoritate deputato, plenam, & liberam in præmissis facultatem, & auctoritatem tribuimus, per se, vel alium, seu alios, quos ad id idoneos duxerit, ad executionem præmissorum, & alias iuxta facultates concessas omni, & quacunque appellatione postposita, procedendi aliæque faciendi & exequendi, quæ in præmissis, & circa ea necessaria fuerint, seu quomodolibet opportuna: Non obstantibus constitutionibus, & ordinationibus Apostolicis, necnon omnibus illis, quæ dicti prædecessores in suis litteris prædictis voluerunt non obstat, cæterisque contrariis quibuscunque. Vt autem præsentis litteræ, cum opus fuerit, ad omnium notitiam deduci possint, decernimus, ut earum exemplis etiam impressis, manu Notarij publici subscriptis, & sigillo alicuius personæ in dignitate ecclesiastica constitutæ obsignatis, eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud Sanctam Mariam Maiorem sub Annulo Piscatoris die 9. Octobris 1619. anno septimo.

INDEX

# INDEX

## DISPUTATIONVM, CAPITVM, ET DVBIORVM HVIVS OPERIS.

DISPUTATIO I.	<b>D</b> E expositione Bullæ Cruciatæ.	pag. 1
CAPVT I.	De personis quæ possunt vti Bulla.	2
DVBIVM I.	An sit necessarium accipere Bullam per se, ita vt non sufficiat per alium.	ibid.
Dub. II.	An qui amisit Bullam possit gaudere privilegio illius.	3
Dub. III.	Vtrum Bulla accepta nomine Hispani subditi Regi, sed extraditionem eius commorantis, profit illi videm quæritur de eo, qui nec Regis Hispaniarum subditus est, nec in eius Regnis commoratur.	4
Dub. IV.	Vtrum Bulla prodesse possit illi, qui tempore acceptionis erat excommunicatus.	6
Dub. V.	An qui ex confidentia Bullæ incidunt in peccata reservata, possint gaudere privilegio illius ad eligendum confessarium pro absolutione reservatorum.	ibid.
Dub. VI.	Vtrum accipiens Bullam credita sibi pecunia, gaudeat illa, si postea præ nimia paupertate, nec reuera soluat, nec spem soluendi habeat.	9
Dub. VII.	Vtrum qui furatur pecuniam ad sumendam Bullam, profit illi Bulla ex tali pecunia accepta.	10
Dub. VIII.	Vtrum hæreticus, seu infidelis mentalis possit gaudere Bulla.	11
Dub. IX.	Vtrum Religiosi professi etiam mendicantes, possint Bullam Cruciatam licite sumere, eiusque fructu gaudere.	12
Dub. X.	Vtrum regulares, tam mendicantes, quam non mendicantes possint absque Prælatorum licentia Bullam Cruciatam sumere ad confessarium pro absolutione à reservatis eligendum.	16
Dub. XI.	In quo argumenta pro utraque opinione præcedenti adducta solvuntur.	23
Dub. XII.	Quo sententia authoris circa propositam difficultatem exponitur.	27
Dub. XIII.	An sufficiat sacra Prælatorum licentia, vt Religiosus possit Bullam Cruciatam sumere ad effectum eligendi Confessorem, & cuius Prælati licentia requiratur.	32

# I N D E X.

- Dub. XIV. & VLT. *Utrum saltem Nouitij cuiuscunque Religionis, etiam Mendicantis, possint absque Prælatorum licentia tacite, vel expresse sumere Bullam Cruciatæ ad eligendum Confessorem pro absolutione à reſeruatīs.* 34
- CAP. II. *De requisitis ex parte Sacerdotis, ut possit eligi in Confessarium virtute Bullæ.* 36
- Dub. I. *An sit in Ecclesia potestas remittendi peccata, & quibus præcisè concessa.* ibid.
- Dub. II. *Quo proponuntur & soluuntur aliqua obiectiones contra tertiam conclusionem præcedentem facta.* 41
- Dub. III. *Utrum simplex Sacerdos sit eligibilis in Confessarium virtute Bullæ Cruciatæ.* 45
- Dub. IV. *Quo sententia authoris proponitur & explicatur.* 52
- Dub. V. *Quo soluuntur argumenta dubio tertio in fauorem primæ opinionis adducta.* 56
- Dub. VI. *Utrum Sacerdos, quem Ordinarius indicauit idoneum ad audiendas sacramentales confessiones, non tamen illi contulit iurisdictionem, possit virtute Bullæ eligi in Confessarium.* 62
- Dub. VII. *An Parochus relinquens Curatum per commutationem, vel aliam causam sit eligibilis in Confessarium virtute Bullæ.* 65
- Dub. VIII. *An secularis Sacerdos, qui pro tempore determinato dumtaxat est approbatus, maneat eligibilis per Bullam transacto illo tempore.* 66
- Dub. IX. *Utrum Sacerdos ab Ordinario approbatus pro uno tantum oppido, seu pro uno genere personarum, sit absolute eligibilis ab omnibus virtute Bullæ Cruciatæ.* 67
- Dub. X. *An si Parochus designet Sacerdotem doctum, non approbatum ab Episcopo, ad audiendas confessiones suæ parochiæ, talis possit audire illas, & eligi per Bullam.* 71
- Dub. XI. *An Prælatus monasterij sit eligibilis per Bullam, seclusa omni Episcopi approbatione.* 72
- Dub. XII. *An Sacerdos secularis absolute, & simpliciter approbatus, postea tamen iniuste reprobat, eligibilis sit per Bullam.* 74
- Dub. XIII. *Utrum Regularis semel approbatus, & postea iniuste reprobat, sit eligibilis per Bullam; & virtute suorum privilegiorum possit audire confessiones carentium illa.* 76
- Dub. XIV. *An Doctor, vel Licentiatus in sacra Theologia, aut iure Canonico, sit eligibilis per Bullam ad audiendas confessiones sine Episcopi approbatione.* 78
- Dub. XV. *Utrum Sacerdos etiam secularis approbatus ab uno dumtaxat Episcopo*

# I N D E X.

<i>Episcopis ubique terrarum eligibilis in Confessarium à quocunque habente Bullam.</i>	80
<i>Ad hoc idem dubium appendix, an saltem Religiosus ex Mendicantibus semel approbatus ab uno Ordinario possit ubique confessiones secularium virtute Bullæ, seu alterius privilegij audire: &amp; an idẽ sit de alijs Religiosis, qui Mendicantium privilegijs gaudent.</i>	85
<b>Dub. XVI.</b> <i>Verum Sacerdos Religiosus approbatus ab Ordinario, prohibitus tamen à suo Superiore audire confessiones, possit valde illas audire.</i>	87
<b>Dub. XVII.</b> <i>An predictus Religiosus approbatus ab Episcopo, non tamen expositus, sed prohibitus à suo Superiore audire confessiones, possit absolvere à reservatis virtute Bullæ, aut privilegiorum sua Religionis.</i>	90
<b>Dub. XVIII.</b> <i>Verum virtute Bullæ sit eligibilis Sacerdos ab Episcopo approbatus, licet sit excommunicatus, suspensus, irregularis, aut degradatus, ita ut valide sint eius absolutiones.</i>	91
<b>Dub. XIX.</b> <i>Verum sufficiat, quod predicta approbatio sit petita, quamvis non obtenta.</i>	93
<b>Dub. XX.</b> <i>An ad predictam delegationem, seu approbationem sufficiat futura ratihabitio in presenti probabiliter presumpta.</i>	100
<b>Dub. XXI.</b> <i>Quo breviter explicantur quatuor difficultates, predictam concessionem concernentes.</i>	104
<b>Dub. XXII.</b> <i>Quo agitur de facultate Confessorem eligendi, qua gaudent Cardinales, &amp; Episcopi.</i>	109
<b>Dub. XXIII.</b> <i>An in Confessore eligenda prærequiratur Ordinarij approbatio.</i>	114
<b>Dub. XXIV.</b> <i>Cuius Ordinarij approbatio necessaria sit, &amp; sufficiat, ut Confessor eligendus, simpliciter reputetur idoneus.</i>	122
<b>Dub. XXV.</b> <i>Quo opinio authoris proponitur.</i>	130
<b>Dub. XXVI.</b> <i>Verum Superiores regulares gaudeant eodem privilegio eligendi Confessorem.</i>	134
<b>Dub. XXVII.</b> <i>Verum Religiosi omnes, saltem itinerantes possint quibuscunque Sacerdotibus, siue regularibus, siue secularibus cõfiteri.</i>	138
<b>C A P. III.</b> <i>De peccatis reservatis, à quibus virtute Bullæ potest quis absolui.</i>	146
<b>Dub. I.</b> <i>Verum in Ecclesia Dei sit potestas reservandi peccata.</i>	ibid.
<b>Dub. II.</b> <i>Quo casus Summo Pontifici, Episcopis, &amp; Prælatibus Regularium reservati, compendiosè explicantur.</i>	153
<b>Dub. III.</b> <i>An Superior cuicunque subdito facultatem pro absolutione à reservatis petenti teneatur eam concedere.</i>	157

# I N D E X.

- Dub. IV. *An Superior, dum facultatem absolventi à reservatis concedit, possit taxare penitentiam penitenti à Confessario imponendam.* 160
- Dub. V. *Utrum Confessarii Regulares possint faculares non habentes Bullam Cruciatam absolvere à casibus Ordinario reservatis.* 163
- Decretum sacrae Episcoporum, & Regularium Congregationis, ne Regulares cuiuscunque Ordinis absoluant à casibus Sedis Apostolicae, vel Ordinarii locorum reservatis.* 164
- Modificatio precedentis decreti facta per eandem sacram Congregationem.* 165
- S. D. N. Paulus Papa V. Roma die 7. Ianuarij anni 1617. in confirmationem supradicti decreti, eiusdemque declarationis, infra scripta ab eadem sacra Congregatione addi praecepit. 166
- Declaratio eiusdem sacrae Congregationis circa facultatem absolventi à casibus Sedis Apostolicae, & Ordinarij reservatis.* 167
- Dub. VI. *Utrum quando in Bulla Cruciatam, vel Iubileo datur sine aliqua exceptione facultas absolventi à reservatis in Bulla Cena Domini, possit quis virtute illius absolvi ab haeresi externa in eadem Bulla Cena reservata.* 168
- Dub. VII. *An dicta dubio precedenti intelligenda sint de quacunque haeresi, etiam mentali.* 170
- Dub. VIII. *Utrum modo virtute Bullae Cruciatam possimus absolvere schismaticos, fautores, & receptores Haeticorum.* 172
- Dub. IX. *Utrum qui virtute Bullae, vel Iubilei fuit absolutus, possit transacto tempore talis Bullae, vel Iubilei, à reservatis, in confessione oblitus, iterum absolvi per quemcunque Confessarium approbatum.* 173
- Dub. X. *Unde sit dignoscendum quando sacramentum Penitentiae sit validum, & informe simul.* 179
- Dub. XI. *An Sacramentum validum, & informe, habeat effectum, obice, seu fictione recedente.* 181
- Dub. XII. *Utrum cui virtute Bullae, seu Iubilei inualidam fecit confessionem, vel ex defectu doloris, vel ex occultatione alicuius peccati, possit elapso tempore praefixo per quemcunque Confessarium approbatum à reservatis absolvi.* 183
- Dub. XIII. *Utrum virtute Bullae possit quis toties absolvi à reservatis in Bulla Cena, quoties in illa incidit, si differant specie.* 188
- Dub. XIV. *Quem effectum operetur facultas in Bulla concessa ad absolventum à reservatis in articulo mortis.* 189
- Dub. XV. *Utrum habens Bullam existens in articulo mortis possit confiteri simpliciter Sacerdoti, si Parochus adsit, vel alius approbatus.* 189
- Dub. XVI. *Utrum quando Bulla concedit posse absolvi à reservatis in articulo*



# I N D E X.

- articulo mortis, intelligatur de articulo mortis vero, an praesumpto.* 195
- Dub. XVII. *An si penitens semel sit absolutus virtute Bullae à reſervatis in articulo mortis praesumpto, poſſit iterum ab aliis reſervatis abſolvi virtute eiſdem privilegij, ſuppoſito quod Bulla abſolute concedit poſſe abſolvi in articulo mortis à reſervatis.* 198
- Dub. XVIII. *An ſuper mortis articulum, ut ad praesens ſpectat, comprehendatur omne periculum probabile mortis, etiam remotum, ſive proveniat à mari, à iudice, ab hoſte, vel à partu.* 199
- CAP. IV. *De cenſuris à quibus virtute Bullae liberari poſſumus.* 102
- Dub. I. *Utrum poſſit quis per Bullam abſolvi in foro interiori ab excommunicatione, lata à iure, vel ab homine, generaliter ſeu ſpecialiter, et nominatim, ſaltem ſatisfacta parte.* ibid.
- Dub. II. *An quando in Bulla datur facultas abſoluendi ab excommunicatione, dummodo prius ſatisfiat parti laesa, ſit valida abſolutio non precedente reali ſatisfactione propter impotentiam ſolutionis, diſtantiæ, vel aliam rationabilem cauſam.* 204
- Dub. III. *An abſolutio publicè excommunicati, qua ſit virtute Bullae, valeat etiam pro foro exteriori, et non interiori tantum.* 208
- Dub. IV. *An virtute Bullae poſſit quis abſolvi cum prædicta cautione reclamante Ordinario? Viſi quis percuffit Clericum, et ad magis illum vexandum, nolit Clericus acceptare ſatisfactionem: et hac ratione Ordinarius reclamat.* 212
- Dub. V. *An virtute Bullae poſſit Confefſor abſolvere ab excommunicatione extra Confefſionem.* 214
- Dub. VI. *An per Bullam poſſit quis abſolvi à cenſuris latis contra cauſantes, procurantes, vel conſulentes abortum.* 218
- Dub. VII. *An poſſit quis virtute Bullae abſolvi ad cautelam, ut quando dubitat probabiliter, an quadam excommunicatio publicè lata comprehenderit illum.* 220
- Dub. VIII. *Utrum poſſit quis ex conſenſu partis, virtute Bullae, abſolvi ad reincidentiam inconſulto Iudice.* 221
- Dub. IX. *An abſolutio à cenſura ſit valida, dum virtute Bullae non ſatisfacta parte cum commodè poſſit, quis abſolvitur.* 227
- Dub. X. *An poſſit quis abſolvi virtute Bullae ab interdicto, et ſuſpensione etiam illa, quae contrahitur cum quis ſine debita aetate ſuſcepit Ordines.* 230
- Dub. XI. *Utrum Confefſor poſſit abſolvere à ceſſatione à divinis virtute Bullae.* 231
- Dub. XII. *An quando in Bulla vel ſimili privilegio datur facultas ad diſpenſan*

# I N D E X.

- dispensandum in omnibus irregularitatibus, excepta irregularitate homicidij voluntarij, & alijs tribus, possit virtute illius dispensari in irregularitate homicidij iusti.* 232
- CAP. V.** *De privilegijs que in Bulla conceduntur contra ius commune, praesertim circa tempus interdicti, & circa cibos prohibitos.* 234
- Dub. I.** *Quomodo intelligatur privilegium de habendo domi Oratorio ad celebrandam Missam, & an sit omnino necessaria licentia Ordinarij ad eam celebrandam ibi.* ibid.
- Dub. II.** *Quomodo intelligatur privilegium Bulla concedentis facultatem ad audiendum Missam, vel celebrandum tempore interdicti in priuato Oratorio.* 235
- Dub. III.** *Quomodo intelligatur facultas Bulla concedentis, ut non solum habens illam, sed etiam eius familiares, domestici, & consanguinei possint diuinis interesse.* 236
- Dub. IV.** *An qui tempore interdicti ex privilegio Bulla potest audire Missam in diebus festis, teneatur sub mortali illam audire.* 238
- Dub. V.** *Quomodo intelligatur privilegium Bulla concedentis facultatem recipiendi Eucharistiam, & alia Sacramenta tempore interdicti, praterquam in die Paschatis.* 241
- Dub. VI.** *An quis possit die Paschatis, saltem ex deuotione communicare in Ecclesijs Regularium, absque Parochi licentia.* 243
- Dub. VII.** *Quomodo intelligatur privilegium Bulla concedentis facultatem ad obtinendam sepulturam in loco sacro tempore interdicti.* 247
- Dub. VIII.** *An qua conceduntur tempore interdicti in Bulla, intelligantur concedi tempore cessationis à diuinis.* 249
- Dub. IX.** *Qua ratione intelligatur facultas de edendis carnibus diebus prohibitis, ex consilio utriusque Medici, & an sit verè privilegium.* 251
- Dub. X.** *An qui ex dispensatione Bulla, vel alio privilegio, aut certe ex manifesta necessitate vescitur carnibus in die ieiunij, sit excusatus in totum à precepto ieiunij.* 253
- Dub. XI.** *Quo opinio auctoris statuitur.* 256
- Dub. XII.** *Qua ratione intelligatur privilegium Bulla concedentis facultatem ad vescendum ouis, & lacticijs temporibus ieiuniorum totius anni etià quadragesimalibus, & an sit licita talis dispensatio.* 258
- Dub. XIII.** *An supposito quod esus ouorum & lacticij sit de iure communi prohibitus, id sub mortali culpa, aut veniali tantum obliget.* 261
- Dub. XIV.** *An virtute Cruciatæ possit quis edere lacticia, & oua in ieiunio, vel Iubilei, vel voti, vel penitentia sacramentalis.* 263
- Dub.**

# I N D E X

- Dub. XV. *Virum absque Bulla liceat in diebus veneris, & sabbatis vesci ovis, & lacticiis.* 257
- Dub. XVI. *Virum dispensatus virtute Bulla, vel alterius privilegij ad ova, & lacticiis, possit comedere lardum, quod est pinguedo suilla sale condita, & non liquata, & sagimen, quod est pinguedo liquata.* 269
- Dub. XVII. *Quenam persona veniant intelligenda nomine Regularium, & Prælatorum in prohibitione, quæ habetur in Bulla circa esum carum, & lacticiis in diebus quadragesimalibus.* 271
- Dub. XVIII. *Virum liceat virtute Bullæ omnibus tam regularibus, quam secularibus presbyteris vesci ovis, & lacticiis in diebus Dominicis Quadragesimæ.* 272
- Dub. XIX. *Qua ætate pueri incipiant indigere Bulla ad edendum ova, & lacticiis diebus vestitis.* 273
- CAP. VI. *De commutatione votorum.* 276
- Dub. I. *Quomodo intelligatur privilegium in Bulla concedentis facultatem Confessario ad commutandum vota, exceptis castitatis, religionis, & peregrinationis Hierosolymitana.* 277
- Dub. II. *An virtute Cruciatæ sint necessario commutanda vota in tempore aliquod belli subsidium contra Infideles.* 279
- Dub. III. *An absque privilegio Bulla, vel auctoritate Prælati possit quis suum votum commutare propria auctoritate.* 281
- Dub. IV. *An ad puram commutationem, hoc est in maius, vel æquale bonum, requiratur aliqua causa.* 286
- Dub. V. *Virum virtute Bullæ concedentis facultatem ad commutanda vota possint commutari iuramenta pia.* 288
- Dub. VI. *An virtute Cruciatæ, seu Iubilei possint commutari vota iurata, seu iuramento firmata.* 292
- Dub. VII. *An delegata potestas commutandi vota extendatur ad dispensandum in eis, & contra, an delegata potestas dispensandi extendatur ad commutandum.* 297
- Dub. VIII. *Virum virtute Bullæ possint commutari, & per Episcopum dispensari vota castitatis, aut Religionis, tam penitentialia, quam conditionalia ante impletam conditionem.* 300
- Dub. IX. *Virum virtute Bullæ commutari possint, & per Episcopum dispensari vota conditionalia, & penalia castitatis & Religionis post impletam conditionem.* 304
- Dub. X. *Virum vota non nubendi, castitatis conjugalis, continentia ad tempus, vel etiam suscipiendi Sacros ordines, possint per Bullam commutari, & per Episcopum dispensari.* 309
- Dub. XI. *An votum Religionis possit virtute Bullæ aliquando commutari.* 312

# I N D E X.

- Dub. XII. *An si quis. voueat non solum ingredi in strictiorem Religio-  
nem, sed perseuerare etiam in eadem, possit id votum dispensari  
per Episcopum aut per Bullam commutari, ut in laxiori vouens  
profiteatur.* 316
- Dub. XIII. *An votum castitatis perpetuae, saltem metu incussum, possit  
per Bullam commutari.* 320
- Dub. XIV. *An possit per Episcopum dispensari, & per Bullam commutari  
votum castitatis emissum à coniugatis, vel utrinque, vel vnius  
tantum coniugis consensu precedenti.* 326
- Dub. XV. *An votum peregrinationis ultramarina possit aliquo modo per  
Bullam commutari.* 331
- Dub. XVI. *An post factam commutationem liceat vouenti redire ad pri-  
orem materiam, & omittere commutationem.* 337
- Dub. XVII. *An renuntiet in aliquo casu obligatio voti commutati.* 341
- Dub. XVIII. *An Praelati possint sua, sicut & subditorum, per se, aut per  
Confessarios ab ipsis electos vota commutare ac dispensare.* 344
- Dub. XIX. *Quibus Praelatis competat ordinaria potestas dispensandi in  
secularium votis.* 348
- Dub. XX. *Quibus Praelatis competat ordinaria potestas dispensandi in  
votis Regularium.* 352
- Dub. XXI. *Qua, & qualiter per Religiosorum privilegia possint vota sa-  
cularium commutari ac dispensari.* 355
- CAP. VII. *De praxi & modo commutandi vota, tam virtute Bullae, quam  
cuiuscunque alterius privilegij.* 362
- Dub. I. *Quanam sint obseruanda in commutatione voti, abstrahendo ab  
hoc, vel ab illo voto.* 365
- Dub. II. *Quid sit obseruandum in commutatione voti peregrinationis qua-  
cunque sit.* 368
- Dub. III. *Quomodo commutandum sit votum peregrinationis Hierosoly-  
mitana.* 371
- Dub. IV. *Quomodo sit commutandum quodcunque Religionis votum.* 372
- Dub. V. *Quomodo sit commutandum votum castitatis.* 377
- Dub. VI. *Qua ratione sit commutandum votum assumendi statum Sacer-  
dotalem.* 378
- Dub. VII. *Qua ratione sit facienda commutatio voti de ieiunando sex-  
tis feriis, aut de recitandis septem psalmis penitentialibus, &  
aliis eiusmodi.* 379
- Dub. VIII. *Utrum votum factum in fauorem tertiae personae, aut ali-  
cuius loci p[ro]p[ri]i, possit virtute Bullae commutari absque partis con-  
sensu.* 384

# I N D E X.

- CAP. VIII. De Indulgentiis, quas lucrari possunt virtute Bullæ.** 383
- Dub. I.** Quodnam sit discrimen inter Indulgentiam plenariam, plenior-  
rem, & plenissimam, & quid etiam sit concedere tot dies vel qua-  
dragenas Indulgentia. 387
- Dub. II.** Vtrum cum in Bulla datur facultas ad lucrandum omnes indul-  
gentias urbis Romana, & antea ea comprehendantur Indulgentia  
plena. 387
- Dub. III.** Vtrum omnes persona, quæ assignantur in Bulla, aequaliter asse-  
quantur Indulgentiam plenariam. 389
- Dub. IV.** Vtrum ad lucrandam prædictam Indulgentiam Bulla opus sit  
exercere in gratia opera ad id iniuncta. 391
- Dub. V.** Vtrum requiratur ad lucrandam prædictam Indulgentiam Bulla,  
& idem est de Iubileo, ut actus, quibus lucranda est, sint boni  
moraliter. 394
- Dub. VI.** Vtrum ad lucrandam Indulgentiam plenariam Bulla debeat  
necessario præcedere confessio actualis. 398
- Dub. VII.** Num quando Indulgentia conceditur sub hac forma, vere pæ-  
nitentibus & confessis, sit actualis confessio præmittenda ad Indul-  
gentiam consequendam. 401
- Dub. VIII.** Vtrum sit utile omni hominum generi Indulgentiam ac-  
cipere. 405
- Dub. IX.** Vtrum ad Indulgentiam valorem requiratur causa, non solum  
iusta, sed etiam proportionata. 408
- Dub. X.** Vtrum causa, quæ in Bulla Cruciatæ exponitur, sit pia & ratio-  
nabilis censenda, ut virtute illius concedantur Indulgentia, &  
alia, quæ in dicta Bulla continentur. 414
- Dub. XI.** Quomodo intelligantur Indulgentia concessa militibus, & Cle-  
ricis regularibus, aut secularibus ad bellum, & alia etiam con-  
cessiones pro ieiunantibus & orantibus pro unione Ecclesiæ contra  
infideles. 419
- Dub. XII.** An qui propter infirmitatem, aut aliam grauem necessitatem  
omittit aliquod opus ex præscriptis à Pontifice, consequatur Indul-  
gentiam in totum, vel saltem in partem. 421
- Dub. XIII.** Quæ ratione intelligatur Indulgentia Bulla concessa visitan-  
tibus quinque Ecclesias, & an possit quis illam lucrari toties, quo-  
ties eas visitauerit eodem die. 423
- Dub. XIV.** Vtrum in articulo mortis possit virtute Bullæ impendi pæni-  
tenti Indulgentia ab alio, quam à Sacerdote. 425
- Dub. Vlt.** Quæ ratione intelligatur facultas Bullæ concedentis communi-  
cationem bonorum operum totius militantis Ecclesiæ. 426

# I N D E X.

- CAP. IX. De facultatibus, qua Commissario Bulla conceduntur. 443
- Dub. I. An per Bullam suspendantur indulgentia, & facultates alia per Sedem Apostolicam Religiosis concessa. 443
- Dub. II. An per Bullam suspendantur indulgentia & alia privilegia Regularibus concessa pro secularibus. 445
- Dub. III. An reuolidentur per Bullam Cruciatam gratia & facultates concessa in aliis Bullis prateritis. 439
- Dub. IV. Verum cum in suspensione Bulla excipiantur privilegia Superioribus Mendicantium concessa in ordine ad suos fratres, excipiantur etiam privilegia eisdem concessa in ordine ad Moniales. 441
- Dub. V. Verum prae dictum indultum extendatur ad Novitios Ordinum Mendicantium. 443
- Dub. VI. Verum in anno Iubilei, quod 25. quoque anno conceditur Roma, suspendantur, tam privilegia quadam concessa in Bulla, quam alia concessa Religiosis. 444
- Dub. VII. Qua ratione intelligatur facultas Commissario concessa in dispensandis irregularitatibus. 445
- Dub. VIII. Qua ratione intelligenda sit facultas Commissario concessa ad dispensandum in primo & secundo gradu affinitatis ex fornicatione contracta. 447
- Dub. VLT. Qua ratione intelligatur potestas Commissario concessa ad dandam facultatem pro dicenda Missa per horam ante lucem, & per horam post meridiem. 450
- CAP. X. De modo quo spirant Bullae privilegia, & alia facultates in eis concessae. 451
- Dub. I. An annus quo durat Bulla Cruciatam, debeat computari à die acceptionis, an à die publicationis. 451
- Dub. II. An annus pro quo conceditur Bulla sit vulgaris, hoc est, dierum duntaxat 365. ita ut non amplius durare possit. 452
- Dub. III. An hoc diploma, & privilegia, gratia, & indulgentia in eo concessa spirant morie concedentis. 454
- Dub. IV. Verum per promulgationem Bulla Cana expiret, & reuocetur facultas per Bullam Cruciatam concessa ad absolvendam à reseruatis in eadem Bulla Cana. 456
- Dub. V. Quo argumenta dubio praecedenti in contrarium adducta solvantur. 461
- DISPUTATIO II. In expositionem Bullae Defunctorum. 464
- Dub. I. Verum possit Summus Pontifex concedere indulgentias defunctis. 465
- Dub. II. Verum possit Papa de plenitudine sua potestatis enunciare Purgatorium per indulgentias, quas concedit in eiusmodi Bullis, & in aliis indulgentiis. 466

# I N D E X.

- Dub. III. *An indulgentia defunctis concessa, valeant illis per modum absolutionis, an solutionis tantum.* 468
- Dub. IV. *An indulgentia defunctis applicata per modum suffragij prosint illis de congruo tantum, an de condigno, & ex iustitia? ubi etiam explicabitur, quid sit indulgentia per modum suffragij.* 473
- Dub. V. *Utrum concessa indulgentia plenaria defuncto ex legitima causa, & illi applicata, infallibiliter liberetur anima eius à tota pena Purgatorij.* 478
- Dub. VI. *Utrum sit necessarium ad hoc, ut anima Purgatorij consequatur indulgentiam, ut qui pro illa exercet opus præscriptum à Papa, sit in gratia.* 481
- Dub. VII. *Utrum possit Sum. Pontif. concedere defuncto indulgentiâ huius Bullæ propter aliquod bonû opus, quod fecit in vita, absque eo, quod præcipiat elemosynam, aut aliud bonum opus fieri pro illo.* 484
- Dub. VIII. *Utrum indulgentia huius Bullæ, & alia similes prosint catechumenis non baptizatis existentibus in Purgatorio?* 485
- Dub. IX. *Utrum Episcopi possint tam iure diuino, quam humana concedere defunctis indulgentias in ea quantitate, qua illas concedunt viuis.* 487
- DISPUTATIO III. *In expositionem Bullæ Compositionis.* XIX 490
- Dub. I. *Utrum expeditio huius Bullæ compositionis sit licita, & sic compositi maneant securi in conscientia.* XX ibid.
- Dub. II. *An Episcopi (seclusa prohibitione Papæ) possint in sua Diocesi facere prædictam compositionem pro suis subditis?* XX 494
- Dub. III. *Utrum Principes seculares possint concedere suis subditis prædictam compositionem bonorum incertorum?* XX 496
- Dub. IV. *An, si facta compositione, compareat uerus Dominus, teneatur sic compositus facere illi integram restitutionem rei?* 497
- Dub. V. *An possit uti Bulla compositionis, qui iniuste accepit bona ex conscientia illius?* 499
- Dub. VI. *An sit sufficiens causa ad utendum Bullæ Compositionis, quod creditor sit ita distans, ut nequeat debitum ad eum deferri.* 500
- Dub. VII. *Quinam sint casus, in quibus valeat compositio circa redditus ecclesiasticos?* 501
- Dub. VIII. *Quinam sint casus, in quibus non liceat compositio circa redditus ecclesiasticos?* 503
- Dub. IX. *Utrum possit licite concedi compositio pro medietate legatorum, prout concedit Pontifex in hac Bulla.* 504
- Dub. X. *An locum habeat compositio circa bona, qua Index accipit, ut iniustam sententiam ferat?* 506
- Dub.



# I N D I E X I

Dub. XI. <i>An locum habeat compositio huius Balla circa bona accepta proferenda iusta sententia?</i>	508
Dub. XII. <i>Utrum Aduocati, Scribae, Tabelliones, &amp; alij ministri Iustitia indigeant Compositione, quando, ut sua officia exerceant, recipiunt aliquid à parte?</i>	509
Dub. XIII. <i>Utrum in bonis per ludum male acquisitis habeat locum Compositio?</i>	510
Dub. XIV. <i>An locum habeat compositio in bonis per fictionem acquisitis, nec non in damnis ex venatione factis?</i>	512
Dub. XV. <i>Utrum qui teneatur sub mortali reddere res inuentas, quas vocant, Mostrencos? aut alia bona incerta, Ordini Sanctae Mariae de Mercede, aut Sanctissimae Trinitatis.</i>	513
Dub. XVI. <i>An Bulla Compositionis suffragetur etiam illi, qui ingentem pecunia summam à diuersis accepit in stipendium pro Missis celebrandis.</i>	518
Dub. XVII. <i>Quo eadem materia continuatur, proponendo, &amp; soluendo aliqua quæstia.</i>	527
Dub. XVIII. <i>Quo solvuntur rationes dubitandi initio dubij primi adducta.</i>	531
Dub. XIX. <i>An sit licitus usus accipiendi iusta stipendia pro Missarum celebratione.</i>	536
Dub. XX. <i>An Missarum obligationes possint ad minorem numerum reduci à quo, &amp; quomodo.</i>	545
Dub. XXI. <i>An Sacerdos unico sacrificio possit pluribus obligationibus aliquando satisfacere.</i>	550
Dub. XXII. <i>An si Sacerdos contra iustitiam seu obedientiam applicet alicui fructuum, sit valida talis applicatio.</i>	557
Dub. VLT. <i>Quo nonnulla difficultates solvuntur, ut plenius præcedentes comprehendantur.</i>	563

## A P P E N D I X.

Dub. I. <i>An liceat dum varietas opinionum probabilium occurrit, sequi quancunque, etiam minus probabilem.</i>	570
Dub. II. <i>An in aliquo casus necessario sequenda opinio tutior.</i>	573
Dub. VLT. <i>Quo proponitur triplex via pro explicatione præcedentis difficultatis.</i>	576

## DISPUTA





# DISPV TATIONES THEOLOGICÆ

*IN TRES BVLLAS APOSTOLICAS,  
CRVCIATÆ,  
DEFVNCTORVM, &  
COMPOSITIONIS.*

## DISPV TATIO PRIMA

*De expositione Bullæ Cruciatæ.*

### PRÆLVDIVM.

1. **V** NIVERSAM hanc  
disputationem ad X.  
potissimum capita  
reuocabimus, quæ  
etiam, maioris per-  
spicuitatis gratia, in  
varia dubia distribuuntur.

In I. capite agendum est de perso-  
nis, quæ possint vti Bulla.

In II. de requisitis ex parte Sacer-  
dotis, ut possit eligi in confessarium  
virtute Bullæ.

In III. de peccatis reseruatis, à qui-  
bus virtute Bullæ potest quis absolui.

In IV. de censuris, à quibus liberari  
possumus per Bullam.

In V. de privilegiis tam circa tem-  
pus interdicti, quam circa cibos pro-

hibitos, ut lacticia, oua, & similia.

In VI. de commutatione votorum.

In VII. de praxi, & modo commu-  
tandi vota, tam virtute Bullæ, quam  
cuiuscunque alterius priuilegij.

In VIII. de indulgentiis, quas vir-  
tute Bullæ lucrari possumus.

In IX. de facultatibus qua com-  
missario Bullæ conceduntur.

In X. tandem erit sermo de tempo-  
re, quo expirat Bulla; quibus peractis,  
expirabit etiam vniuersa hæc dispu-  
tatio.

2. Sed antequam vterius progre-  
diamur, de significatione, & origine  
huius nominis *Bulla*, aliquid dicen-  
dum duximus: de ea namque copiose  
agunt Alciar. lib. 4. *parergon iuris* cap. 18.

A

Alex.

# De expositione Bullæ Cruciatæ

Alex. ab Alex. lib. 2. *dier. genial. cap. 19.*  
*Zaz. l. 2. ff. de orig. iur. num. 12.* & Calep.  
*in Diction.* cum aliis, quos refert, ac  
*sequitur Enriq. lib. 7. de Indulg. cap. 29.*  
*lit. N.* Quia autem Bulla non expeditur à Pontifice, nisi cum magno consilio, videtur dicendum, hoc nomen Bullæ *ind. & saxe*, id est, à consilio deduci. Vnde virtus *de curia*, quæ prudentiæ annectitur, bene consiliativa dicitur, de qua D. Thom. 2. 2. *quest. 48. in fine. & quest. 49. art. 4. ad 2.* & Aristoteles 6. *Ethic.* Atamen hæc detinatio non videtur omnino certa, quia Bulla cum duplici l. scribitur; *Bulla* verò non. Quapropter alij, ut huius nominis originem explicant, censent, & fortasse opportuniùs, nomen Bullæ significare figuram quandam auream ad similitudinem cordis formatam, quam olim Magistratus, triumphatores, & Patriciorum filij ad collum appensam gestare solebant, ut tradit Alex. ab Alex. *ubi supra*, & à nobis etiam in *proemio expositionis Bullæ Cene* insinuat. Hinc autem sigillum, quod à literis Apostolicis pendet, nomen Bullæ sibi vendicasse, immo & ipsas literas Apostolicas Bullam appellari, deducitur ex quadam glossa *ver. aurea, in Clem. 1. de iur. iur. & docet Nauart. cap. accepta, de restit. spol. oppos. 8. num. 23.* & tradunt communiter Canonistæ in *cap. ad audiendam, de crim. fals.*

3. Et si inquiras, cur Bulla dicatur Cruciatæ respondent Sor. & Enriquez *ubi supra* cum Platina in *vita Urbani I. I.* & Tiraquell. lib. 1. *de velo sac. cap. 17.* & aliis multis, quos refert Enriq. *ibi*, propterea dici Cruciatam Bullam, quia similes Indulgentias concessit Urbanus II. militibus cruce rubea insignitis, cum ad recuperandam Terram sanctam se contulerunt, ut habetur in *cap. ad liberandam*, quod olim exbat; *de Ind. & Sarac.*

## CAPVT I.

### De personis, quæ possunt vti Bulla.

#### DVBIVM I.

*An sit necessarium accipere Bullam per se, itaut non sufficiat per alium.*

1.  ERATISSIMUM est, omnes, & singulos Christi fideles, qui in Hispaniarum Regnis, atque insulis, illis adiacentibus commorantur, seu ad illa declinant, esto inde postea discedant, posse Bullam Cruciatæ sumere, & illius privilegiis gaudere. Ita Roder. in *expos. Bull. 5. 1. num. 7.* Enriq. lib. 7. *de Indulg. c. 20. num. 6.* Anton. Gom. in *Bull. cap. 3. num. 1.* Villalob. Minor tom. 1. *tract. 27. claus. 1. num. 2.* & habetur expressè ex verbis eiusdem Bullæ. Controuertitur autem, an Bullam possit quis per alium sumere?

2. Huic difficultati respondeo cum Rodriq. §. 12. *num. 17.* & aliis recentioribus, sufficere, si per alium sumatur; immò, etsi, me ignorante, sit ab alio sumpta nomine meo. Erit tamen necessarium, cum ad notitiam illius denuerit, ut ipse raram habeat talem Bullæ acceptionem: hic enim habet locum illud ex reg. iur. in 6. *Ratibatio retrahitur, & mandato non est dubium comparari.*

3. Certitudo autem, quam quis debet habere, quòd fuerit Bulla nomine illius sumpta, non debet esse metaphysica, sed moralis, immo sufficit probabilis, aut probabilior opinio. Sufficit similiter si Bulla per alium custodiatur, arg. text. in *l. clauibus. ff. de contrab. empt.* Huiusmodi enim actiones non sunt adedò

aded personales, vt nequeant per alium præstari, atque ita tradunt Cord. lib. 5. quæst. 26. Suarez tom. 4. diff. 52. sect. 7. n. 5. Enriq. lib. 7. de Indulg. cap. 20. n. 5. Gom. in Bull. pag. 119. num. 7. & plures alij, cum Villalob. claus. 12. num. 22. Si autem contingerit me accepisse Bullam, & per errorem patrem, vel amicum aliam accepisse nomine meo, probabile existimo, posse me, vel accepta stipe, vel gratis vnâ earum alteri condonare, quæ non minus proderit illi, quàm si illam immediate à depositario accepisset. Ita Enriquez lib. 7. de Indulg. cap. 20. num. 6. & Rodr. §. 10. cuius ratio est

Prima, quia quandiu non acceptaui applicationem, est in pendente Bulla, atque, aded potest in alium transferri, accepta etiam stipe.

Secunda, quia Pontifex neminem vult grauâi acceptione plutium Bullarum, cum vnica illi sufficiat. Ergo cum quis per errorem habet duas, potest iacturam refarcire, accipiendo pecuniam pro altera, & inscribere in ea nomen alienum, proprio deletò.

4. Nec hoc ceteris mutare literas Apostolicas, vt quidam aiunt, sed quod ex ignorantia factum erat, corrigere; idque in simili licere docet Card. Tolet. in sua sum. & Gerf. 2. p. alphub. 32. & Nauar. cap. 27. num. 62. §. 6. Dixi notanter, per errorem: nam si quis scienter duplicem sibi sumpsisset Bullam, non potest vnâ. earum alteri applicare, vt docent multi DD. quos refert, & sequitur Enriquez lib. 7. cap. 8. §. 1. quia ex voluntate eius, vtraque fuit illi applicata; & gratia personalis non potest transire in alium, quod non contingit, quando per errorem duplex Bulla sibi assumitur, quia tunc vna solum est illi applicata, illa nimirum, quam ipse sumpsit.

5. Sed obiicies, quia facultas concedendi Bullas emanat à Papa, & à Commissario per designatos ab eo, & per

subdelegatos ministros. ergo Bulla data ab illo particulari, non proderit alteri.

Respondeo, etiam tunc illam Bullam dari per delegatos à Commissario, non immediate, sed mediare, & hoc sufficit.

## D V B I V M II.

*An qui amisit Bullam, possit gaudere priuilegijs illius.*

1. Ratio dubitandi desumitur ex verbis ipsius Bullæ, quæ sic habet: *Dummodo tamen inscriptum summarium receperint, & penes se habeant.* Vnde Rodriq. §. 12. num. 17. in partem negantem inclinare videtur.

2. Sed verius existimo cum Enriq. lib. 7. c. 20. num. 5. Villalob. claus. 12. n. 22. & aliis grauissimis recentioribus, Pontificem, aut Commissarium non velle, eum, qui semel accepit Bullam, illa inculparè amissa, vel combusta, fraudari bono illius; sed solum intendunt per illa verba, vt de potestate depositarij transeat in potestatem recipientis, vel alterius pro ipso, siue postea illam amittat, siue non. Atque huius rei duplex ratio assignatur in Bulla.

Prima, vt cuilibet constet, quid sibi per Bullam concedatur, & docere possit, qua facultate gratis ipsius Bullæ vratur.

Secunda, quoniam ex eo, quod Bullæ relinquit consueuerant apud depositarium, plures fraudes exercebantur, applicando easdem aliis: & ad euitandum hoc malum, addita sunt prædicta verba.

3. Hinc ad eundem finem in instructione Cruciaræ, teste Rodr. *vbi supra*, collectoribus præcipitur sub pœna triginta aureorum, & inhabilitatis ad munus Cruciaræ exercendum, ne repellant, aut recipiant prædictas Bullas iam distributas, & quod nomina suscipientium in illis inscribantur sub pœna ex-

communicationis. Verum est tamen, quòd sicut ad valorem Bullæ, non opus est, iam dedisse deos argenteos, sed vel dedisse, vel creditos fuisse, vt vsus ipse declarat, ita etiam non opus est, nomen esse inscriptum.

4. Et, si obiicias, quod in summario vulgari dicitur, *T por quanto, vos fulano diestes dos Reales, y va escrito en ella vuestro nombre*, &c. Ergo opus est, habere in Bulla inscriptum nomen.

Respondeo in Bulla Latina non exigi talem inscriptionem. Quod si in summario vulgari exigitur, non est tanquam necessarium simpliciter ad gaudendum Bulla, sed vt aliquid, quod regulariter ita sit.

5. Obiicias iterum, quia in Bulla expressè habetur, neminem posse eiusdem priuilegijs gaudere, nisi summarium recipiat, atque illud penes se habeat.

Responderetur, concedendo actuale summarium acceptionem ad eò esse necessarium, vt alioquin Bullæ gratiis nemo gaudere queat, quantumuis habeat animum illam accipiendi: immo, eò eius nomen sit in Bulla inscriptum. Ita Nugnus in 3. p. tom. 2. tract. de Bull. §. in fin. Gom. claus. 11. n. 12. & 13. Acost. q. 12. Veg. sum. tom. 2. cap. 7. cas. 23. & communiter omnes. Quòd aurem ad retentionem eiusdem penes se; responderetur, satis esse, quòd de potestate depositarij transeat in potestatem recipientis, seu alterius pro ipso, vt constat ex dictis, nam res aliqua penes me esse dicitur, quæ in domo mea est. arg. 1. Titia cum testamento. §. Gaius. de legat. 2. atque ibi Bart. & alij.

6. Obiicias tertio, Indulgentias olim grauis benedictis, & nunc figuris pariter benedictis concessas nemo consequitur, seu lucratur, nisi eiusmodi grana, seu figuras penes se habeat, vt tradit Enriq. loco cit. Igitur idem videtur sentiendum de indulgentiis, seu priuilegijs Cruciatæ.

Responderetur, negando consequentiam; gratiæ namque grani, seu figuris benedictis concessæ, sunt illis quodammodo per benedictionem affixæ, atque ideo, nisi quis eiusmodi grana, seu figuras penes se habeat, non consequitur indulgentias; summarium autem Bullæ non attinguntur priuilegia virtute Cruciatæ concessa, vt constat, sed solum requiritur, vt sumatur ob rationes superius insinuatæ. Atque iuxta hunc sensum potest dici, quòd eius susceptio ad priuilegia Cruciatæ consequenda requiritur tanquam conditio, siue qua non.

7. Quare ex dictis aperte colligitur, ad gaudendum priuilegijs Bullæ non opus esse illam secum deferre, vt nonnulli falsò putauerunt, sed sufficere, in loco quantumuis distanti, illam habere: nam sicut quis dicitur habere domum, licet illa sit in distantissimo Regno, ita & Bullam, seu eius summarium, quod satis comprobatur communis vsus, qui nec à doctis viris, nec à Bullæ Commissario vllatenus reprobarur.

### D V B I Y M III.

*Vtrum Bulla accepta nomine Hispani subditi Regis, sed extra eius ditionem commorantis, profit illi; atque idem quaratur de eo, qui nec Regis Hispaniarum subditus est, nec in eius Regnis commoratur.*

1. **N**onnulli recentiores tenent partem affirmatiuam, &

Quoad priorem partem, ducuntur, quia finis præcipuus huius concessionis, est subsidium Regi Catholico pro belli expensis datum, vel à suis subditis, vel ab alijs, qui tamen ad eiusdem Regis Regna declinant. Igitur cum Hispanus, licet extra Hispaniarum Regna commoretur, sit Regis Catholici vassallus, atque illi subditus, non est cur Bulla

Bulla Cruciatæ priuilegiatur. Secundò, quia, vt constat ex *cap. Dominus 32. quæst. 7.* exceptio firmat regulam in contrarium, quam declarat Sylu. *verb. Alienatio. 11.* Sed in Bulla Latina excipitur priuilegium velsendi oua, & lacticiuia, atque etiam carnes de vtriusque Medici consensu pro iis, qui extra Regna commorantur; ergo reliqua priuilegia poterunt illis prodesse.

2. Quò autem ad posteriorem partem, ducuntur, tum quia si alienigena accedat, posset vti Bulla, esto ad rationem suam mox diuerteret, vt omnes faterentur, & ratio ipsa docet; quoniam priuilegium personale sequitur personam, prout habetur *de reg. iur. in 6.* ergo idem videtur dicendum, si talis alienigena mittat alium vt suo nomine Bullam sumat; neque enim, vt Bulla quis gaudeat, opus est, quòd illam per seipsum accipiat, sed sufficit, si per alium sumat, vt constat ex dictis *dubio 2. præcedenti.* Tum etiam, quia ratio concessionis non consistit in eo, quòd extranei personaliter in Hispaniam se conferant, sed in eo, quòd præfixam elemosynam impendant; præcipuus enim finis illius, est subsidium pecuniare in gratiam Regis impensum, vt diximus. Ad hoc autem imperpetuus est, quòd sit subditus Regi, vel non: aut quòd per se, seu per alium Bullam accipiat.

3. Neque ob stare videtur, si dicas in Bulla solum fieri mentionem de iis, qui in Regnis Hispaniarum commorantur, ac de iis, qui ad eadem Regna declinant.

Respondetur item, Pontificis intentionem solum fuisse, quòd in prædictis Regnis duntaxat fieret publicatio, cum Bulla expediri in fauorem Regis Hispaniarum, huic tamen fini maximè consonum est, vt quicumque velit, ibi diploma accipiat, siue personaliter adueniat, siue pro se alium mittat.

4. Hæc opinio videtur mihi proba-

bilis; vnde oppositam non solum probabiliorem, sed absolutè tenendam existimo, eam tuentur Rode. in *expos. Bullæ. §. 1. n. 7.* Enriq. *ubi supra n. 6.* Gom. in *Bull. c. 3. n. 1.* & Villalob. *claus. 1. m. 4.* & communiter omnes. Ratio est, primò, quia ex verbis Bullæ id manifestè colligitur; solum enim conceditur iis, qui in Hispaniarum Regnis, atque insulis adiacentibus commorantur, necnon iis, qui ad eadem Regna, seu insulas declinant, & consequenter ij, qui ibi personaliter non existunt, vel eò personaliter nò adueniunt, dicta Bulla gaudere nò possunt: Bullæ enim rätum valent, quantum sonat.

5. Et deinde, quamvis DD. non spernendi sentiant, priuilegia Cruciatæ latè esse interpretanda, id tamen intelligitur, quantum verborum proprietates permittit, & nò amplius, vt tenet Villalob. *suprà num. 7.* ac propterea non est dicendum, quòd Cruciatæ fructu gaudere possint, nisi personæ ibi expresse.

6. Demum obseruare oportet, priuilegia aliquando concedi in fauorè illius, qui dispensaturus est, & tunc latè sunt interpretanda; aliquando autè in fauorem dispensati, & tunc regulariter sunt strictè interpretanda. Hinc deducit Sanchez *lib. 8. de matr. disp. 2. n. 7.* priuilegia Cruciatæ esse strictè interpretanda, quòd nò sint priuilegia, seu beneficia personæ dispensantis, sed personæ Bullam accipientis. Idem sentit Nauarr. *lib. 1. consil. tit. de iur. iur. in 1. edit. consil. 3. num. 6. in 2. verò edit. consil. 1. n. 6.* atque etiam Enriq. *lib. 7. de indulg. cap. 1.* Igitur non sunt beneficia, & priuilegia Cruciatæ extendenda, nisi ad personas, quarum ibi expressa sit mentio.

7. Quapropter ad omnia in contrarium adducta respondetur, non esse recurrendum ad coniecturas, seu præsumptiones, dū verba legis sunt clara. Vnde

Ad primum, quoad priorem partem, negatur consequentia, quoniam licet

A 3 Hispania

Hispanus extra Hispaniarū Regna consistens, sit illius Regis vassallus, nisi tamen personaliter eò accedat, non gaudet privilegio Cruciatæ, cūm alioquin verba concessionis de illo non verificentur.

Ad secundum negatur similiter consequentia, quia solum concludit de iis, qui post accessum ad Hispaniarum Regna, inde diuertunt.

8. Argumenta etiam quoad posteriorem partem facile diluantur: nam

Ad primum etiam negatur consequentia, quia esto sit verum, quod Bullam possit quis per alium sumere, id tamen solum verificatur respectu illius, qui in Hispaniarum Regnis commoratur, vel ad ea accedit, & non aliter.

Ad secundum dico, nihil concludere, quia esto ad subsidium prætensum parum referat, quod accipiens Bullam sit Hispanus, vel alienigena, illamque vel per se, vel per alium sumat, attamen, ut fructu eius quis gaudeat, necessario requiritur, ut tempore, quo Bulla pro illo accipitur, ipse in Hispaniarum Regnis commoretur; sic enim sonant expressè verba ipsius Bullæ, quibus omnino standum est.

#### DUBIUM. IV.

*Verum Bulla prodesse possit illi, qui tempore acceptionis erat excommunicatus.*

1. **R**atio dubitandi potest esse, quia, ut constat ex c. 1. de rescript. in 6. literæ Apostolicæ, vel rescriptum impetratum per excommunicatum super alio articulo, quam excommunicationis, non valet, ut videtur deduci ex cap. 1. de rescript. in 6. & communiter docent DD. cum Ang. verb. excommunicatio, vlt. §. 14. & verb. rescriptum §. 2. Sylu. ibi quest. 1. & Nauarr. cap. 27. n. 22. & 23. ergo, &c.

2. Sed respondeo, Bullam prodesset ei, qui excommunicatus illam accipit. Probatur

Primo, quia alterū privilegium Bullæ est, ut à censuris possit absolui, ergo potest excommunicatus accipere Bullam.

Secundò, quia in Bulla sunt multa privilegia, quæ cum excommunicatione nulla ratione pugnant. ergo potest quis gaudere illis, quantumvis excommunicatus illam accipiat, immò, si contritus sit, est valde probabile, posse lucrari indulgentias, & gaudere aliis Ecclesiæ suffragiis, ut docet Nauarr. c. 27. num. 18. cum aliis DD. de quo nos *infra*. Quod si accipiens Bullam sit in peccato mortali, etiam gaudet omnibus privilegiis Bullæ, quæ se compatiuntur cum peccato mortali; quod dixerim propter indulgentias, quas existens in peccato mortali lucrari non potest, ut *infra* dicemus.

3: Ad rationem verò dubitandi respondeo, quod literæ diplomatis non fuerunt tunc impetratæ per excommunicatum, nec præcipue in fauorem illius, sed Regnorum Regis Hispaniæ pro subsidio belli. Ita Rodriq. in addit. §. 1. num. 10. & Villalob. *supra* num. 6.

Secundò respondeo nihil mirandum esse, quod excommunicato possint literæ Apostolicæ prodesse, cūm in multis casibus tales literæ Apostolicæ impetratæ per excommunicatum profint illi, quod notauit Geminian. c. 1. de rescript. in 6. ut refert Ang. verb. rescriptum, §. 1.

#### DUBIUM V.

*An qui ex confidentia Bullæ incidunt in peccata reservata, possint gaudere privilegio illius ad eligendum Confessarium pro absolutione reservatorum.*

1. **P**artem negantem tenent quidam Iurisperiti cum Ioanne Lupo in cap.

cap. per vestram. §. 10. de donat. & Couarr. 2. variar. cap. 2. num. 26. Orof. opusc. 1. dub. diffi. Felin. in serm. de Indulg. vers. 3. Card. S. Sixti. §. in Levitico num. 83. & Balt. in margar. conf. fol. 169. & inter Theologos sequuntur illam D. Anton. 1. parte tit. 10. §. 5. cap. 3. Armill. verb. Indulgentia, in fin. Tab. ibi num. 14. & Archid. apud Sylui. ibidem quest. 10. p. 5. dum dicunt priuilegiatos sic esse absolucndos: Absolucio te à peccatis, &c. præter ea, quæ ex confidentia huius indulti commissisti. His accedit Cord. in sum. quest. 22. vbi resolutoriè, & indubitanter tenet hanc sententiam.

2. Probatur primò ex cap. quando, de confes. d. 4. & cap. illud, de clerico excommunicato ministrante, & ex l. 1. §. hac autem actio. ff. si quis testam. & Lactant. 6. diuin. instit. vbi ait, quòd quamuis eleeumofyna deleat peccata, non tamen illa deleri, si quis ex confidentia illius peccauerit. Quæ omnia ad hoc propositum adducit Couarr. vbi supra; sed magis vrget text. in cap. nulli, de sentent. excommun. vbi probant DD. non valere priuilegium, quod aut probet materiam delinquendi, aut reddat homines audaciores ad peccandum, & fauet commune axioma: Qui abutitur priuilegio, priuatur eo.

3. Secundò probatur, quia in Bulla dicitur, non lucrati illum indulgentiam plenariam in articulo mortis, qui ex confidentia illius factus fuerit negligentior, ergo à fortiori non gaudebit beneficio absolutionis à reseruatis, qui fiducia illius in reseruata incidit. Patet consequentia, quia maius priuilegium est absolutio à reseruatis, quàm indulgentia plenaria: ergo si à Pontifice tollitur indulgentia plenaria, propter fiduciam prædictam, à fortiori credendum est, velle etiam tollere absolutionem à reseruatis ex tali fiducia commissis.

4. Tertiò probatur, quia, vt docent

communiter DD. cum Couarr. vbi supra, & aliis relatis à Nauarr. cap. 25. n. 12, qui delinquit propè Ecclesiam spe immunitatis, non gaudet immunitate, & qui peccat cum consanguinea spe matrimonij, priuatur spe dispensationis, per Trident. vt docet Nauarr. cap. si quando, de rescript. ergo similiter qui peccat ex fiducia Bullæ, priuatur ipso priuilegio.

5. Quartò, quia in generali concessione non veniunt intelligenda, quæ verisimiliter non esset quis in speciali concessurus, vt constat ex cap. in generali, de reg. iur. in 6. & in cap. si Episcopus, de pœnis. & remiss. eod. lib. Sed nulli illo modo peccanti concederet Papa in speciali tale priuilegium, vt ex se constat, quia non est credendum, quòd concederet alicui quod ei esset incientium peccati, cuiusmodi videtur esse facultas absolucndi ab iis, quæ cum talis facultatis committuntur fiducia; ergo censendum est, de facto non concedi ab eo in Bulla; semper enim est facienda interpretatio, vt vitetur delictum, iuxta l. 1. C. de his, qui. §. si fundum.

5. Verùm, his non obstantibus, respondendo, dicendum, contrariam sententiam esse veriorẽ, & magis receptam, quam sequuntur multi recentiores, cum Bellarm. de Indulg. lib. 1. c. 10. fin. Ledesin. 2. p. 4. quest. 129. art. 1. Idem significat Nauarr. cap. 6. num. 4. & tract. de Iubil. notab. 34. num. 4. Sà in aphorism. verb. Indulg. fin. Filliuc. tom. 1. tract. 8. c. 10. g. 8. num. 262. necnon Curiel. de Iubil. pag. 91. quem refert, & sequitur Rodrig. in Bull. §. 9. num. 99. Acolt. quest. 43. & Cord. etiam lib. 5. quest. 9. 37.

6. Probatur primò, quia in multis priuilegiis exprimitur, indulgentiam non valere, si eius confidentia delinquatur, teste Nauarr. §. in Leuis. not. 3. num. 7. & Cord. eod. lib. §. de Indulg. 9. 37. propositione 3. & patet expressè in Bulla

Compofi

Compositionis. Sed exceptio firmat regulam in contrarium, ex text. in cap. *Dominus* 32. q. 7. ergo ubi non exprimitur non prodesse priuilegium ei, qui ex fiducia illius peccat, semper valebit. Pater consequentia, quia priuilegium latè est interpretandum, & maximè in fauorabilibus, quæ non sint in præiudicium tertij, vt latè probat Cord. lib. 5. de indulg. q. 9. *propos.* 3. ergo non est, cur hoc priuilegium limitetur ad peccata, quæ patrata non sunt ex fiducia Bullæ.

7. Secundò, quia peccata commissæ ex fiducia confessionis, aut Baptismi, remittuntur per eadem Sacramenta, Religiosi etiam peccantes ex fiducia suorum priuilegiorum possunt per illa absolui; ergo eadem ratione poterit quis virtute Bullæ absolui à peccatis, in quæ prolapsus est ex fiducia eiusdem Bullæ.

8. Tertiò, quia ubi lex non distinguit, neque nos distinguere debemus, vt colligitur ex cap. si *Euangelica*. d. 55 & ex cap. *solita*. §. nobis autem, de maior. & obed. & ex glos. cap. *consulisti* 2. q. 5. & cap. *Saluator* 1. q. 3. *vers. indefinite*, & sumitur argumentum ex cap. *porro*, & cap. *cum & plantare*, de priuileg. Sed sic est, quòd Bulla non distinguit de peccatis commissis ex confidentia; ergo nec nos distinguere debemus.

9. Quare omnino teiciendam puto distinctionem Cordubæ §. de indulgent. q. 37. *propos.* 7. quam sequuntur quidam moderni, & acceptæ Rodriq. ubi supra, asserens, quòd peccare ex confidentia contingit dupliciter.

Primò, vt Bulla sit quasi causa motiua, & quasi per se primò, vt si diceret quis: Occidamus illum, vel percutiamus Clericum, quia Bullam habemus per quam possumus absolui.

Secundò quòd non personaliter moueat, sed tantum faciliat; quia si non haberet tam facile remedium, non peccaret: dicit ergo, quòd qui hoc secundo

modo peccat, absolui potest per Bullam, etiam si expressè dicatur in Bulla, quòd non possit absolui à peccatis commissis ex confidentia, quia illo modo delinquere, non est propriè ex confidentia peccare. Qui verò primo modo peccat, absolui non potest, quia talis fiducia est causa motiua, & impulsiva peccati, & sic daretur incentiuum & ansa ad peccandum.

10. Sed talis distinctio in primis est inutilis, & nociua; quia infinitos pareret scrupulos, cum difficillimè quis posset agnoscere ex qua fiducia peccauerit, ex prima, an ex secunda, essetque illaqueare animas. Deinde illa distinctio supponit, eam fiduciam esse causam motiuam peccati, quòd apertè est falsum; cum solum sit conditio, sine qua quis fortasse non peccaret, remouens scilicet, vel prohibens difficultatem remedij, quæ animam à peccato retardabat. Et tandem hanc distinctionem apertè improbant rationes allatæ pro nostra sententia. Doctores autem Theologi (vno dempto Cord.) quos pro contraria sententia adduximus in principio huius dubij, cum dicunt, absolutionem virtute priuilegij faciendam esse, excipiendo peccata ex confidentia priuilegij commissæ, loquuntur in casu quo exprimitur in illo, non esse absoluedum à peccatis ex confidentia commissis, vt olim fieri solebat, teste Nauar. §. in *Leuitico*, notab. 3. n. 7.

11. Ad primum in contrarium respondendo, textus illos solum probare, eum qui ex spe veniæ, promptior sit ad delinquendum, abuti beneficio, dignumque esse priuatione illius, non tamen actu esse illo priuatum. Lactant. autem rectè interpretatur D. Thom. & Caiet. 2. 2. q. 21. art. 2. ad 3. Ad text. verò in c. nulli, respondendo ita intelligi de priuilegio, quod ex natura rei, & non ex vitio priuilegiati occasionem præbet delin



delinquendi. Ad illud etiam iuris axiomam respondetur, quod sicut peccator (ut inquit D. Augustinus,) est indignus pane, quo vescitur, & non tamen actu priuatur illo; ita, qui pretextu privilegij peccat, dignus est eo priuari, sed non actu priuatur, nisi id in illo exprimat.

12. Ad secundum respondeo, quod potius ex illa ratione probatur nostra sententia. nam cum exceptio firmet regulam in contrarium, ut supra diximus, & Summus Pontifex solum excipiat indulgentiam plenariam in articulo mortis, quam dicit non lucraturum eum, qui ex confidentia illius, negligentior factus est licentiosius viuendo, non est; cur illam extendamus ad absolutionem à peccatis, cum odia potius sint restringenda, quam extendenda, ex *reg. iur. in 6.*

13. Ad tertium respondeo, illam opinionem Couar. & aliorum de immunitate, esse falsam, ut docet Nauarr. c. 25. *num. 12.* & Ledesin. *supra*; & videtur colligi ex textu, & glossa *cap. fin. de immunit. Eccles.* Dicendum igitur est, eum, qui in Ecclesia, vel propè eam delinquit, priuari quidè immunitatis privilegio, non quia peccauit in spem immunitatis, sed quia in eo, quo quis deliquit, puniri debet, ut habetur ex *c. fin. de immunit. Eccles.* ubi etiam Pòtifex pro ratione assignat, quod frustra legis auxilium inuocat, qui peccat in legem. Illud verò de matrimonio, fatemur, ita verum esse ex speciali Tridentini decreto; in nostro autem casu nullum tale decretum est.

14. Ad quartum respondeo, quod etiam id concedi solet in speciali ad vitandos scrupulos, & alia similia inconueniètia. Nam in aliquibus Bullis olim habebatur, earum virtute posse absolui, etiam si earum fiducia peccaretur. Quare ex eo, quod talis clausula modò non apponatur, nullum sit argumentum contra nostram sententiam, quia, ut di-

xi, solum ponebatur ad vitandos dumtaxat scrupulos.

D V B I V M V I.

*Utrum accipiens Bullam, credita sibi pecunia, gaudeat illa, si postea prænimia paupertate, nec reuera soluat, nec spem ullam soluendi habeat.*

1. Videtur sanè non posse talis gaudere Bulla à tempore, quo omni soluendi spe caruit.

Primò, quia præcipuus finis Bullæ, ut ex illa constat, est eleemosynæ largitio in subsidium belli contra infideles; ergo est apertè contra intentionem Pontificis, aliquem gaudere Bulla, pro qua talem eleemosynam non fuerit largitus.

Secundò, quia, ad gaudendum subilæo, oportet exequi in illo requisita; ergo, & ad gaudendum Bulla: at alterum requisitum, & principalius quidem, est largitio duorum argenteorum. ergo qui totaliter caret spe illos largiendi, neque in te vnquam illos largitur, non potest gaudere Bulla.

2. Sed nihilominus respondeo, in prædicto casu illum gaudere Bulla. Ratio à priori est, quia licet in rei veritate, ille nunquam habeat talem pecuniam, neque illam per seipsum soluat; soluit tamen de facto illam depositarius, aut distributor Bullæ. nam ipse manet obligatus ad soluendum duos argenteos pro singulis Bullis, quas distribuit; & ideo cautum est apud eos, non præbere Bullas illis, de quibus timetur, quod nulla ratione poterunt prædictam eleemosynam largiri, ne aliàs ipsi grauentur solucentes pecuniam, quam alius erogare tenebatur. Quare, cum ille bona fide acceperit Bullam, & de facto depositarius erogat præfixam eleemosynam pro eo, iure

B censetur

cenfetur talis poffe vti Bulla, & omnibus eius priuilegiis.

3. Ad duplicem rationem dubitandi, negamus illum non dare prædictam elemofynam; nam quamuis non det illam per fe, dat tamen illam per depositarium, qui fponfe ad id fe obligauit, cum tradita fuerunt ei Bullæ ad faciendam prædictam distributionem, arque ita inlinuat Villalob. *clauf. 11. n. 26.* fecurus Henriq. *lib. 7. de indulg. num. 5.* Verum tamen eft quòd fi quis per fraudem id faceret, forfè non gauderet Bulla, vt patebit ex dubio fequenti.

## DUBIUM VII.

*Vtrum, qui furatur pecuniam ad fumendam Bullam, proffit illi Bulla ex tali pecunia accepta.*

1. **V**idetur, quòd fic, quia nihil refert, quòd quis per actum malum moraliter, accipiat Bullam, quominus poftea gaudere poffit eius priuilegiis: ergo licet ille fumens Bullam aliena pecunia per acceptionem Bullæ peccet, gaudebit tamen deinde priuilegiis illius.

Secundò, quia fi quis per pecuniam furto habitam obrineret aliquod indultum vel à Nuncio, vel à Pontifice, vtpote dispensationem; aur quid fimile, certè tale indultum illi valeret, licet aliàs aliena pecunia acquifitum. ergo fimiliter, licet quis accipiat Bullam pecunia furto habita, poterit gaudere priuilegiis illius.

2. Respondetur nihilominus cum Acosta *q. 12. & Nugno in 3. part. tom. 2. tract. de Bulla*, eum, qui accepit Bullam pecunia furto habita, non gaudere Bulla. Probat

Primò ex *l. 1. ff. de furt. ex qua id apertiffimè colligitur*. Idemque habetur ex *cap. non eft putanda 1. q. 1.* quoniam, vt

inquit textus, qui ea intentione malè accipit, vt bene difpenfet, porius grauatur, quàm iuuatur. Hæc enim impiorum abominabiles funt Domino. Vnde *Ecclef. 34.* ait Spiritus fanctus, *Inmolans ex iniquo oblatio eft maculata.*

Secundò, quia in Bulla communiter habetur hæc claufula, fi ex bonis fibi à Deo collaris in hanc caufam liberaliter contulerint: fed ille non tribuit de fuis bonis, fed de alienis, inuito domino. ergo non implet conditionem requifitam ad gaudendum Bulla, atque adeò non proderit illi.

Terriò probatur, quia conueniens eft, quaurum fieri poffit, vt nemo ex proprio peccato commodum reportet.

3. Sed obiicies primò ergo falfo dictum eft dubio præcedenti, gaudere illum Bulla, qui credita fibi pecunia illam accepit, neque habet poftea vnde foluat, cum talis nihil de fuis bonis erogauerit pro illa.

Refpondeo depositarium, feu diftributorem Bullarum fponfe fe obligaffe ad foluendum de fuis bonis pro illo, & hoc fufficit ad gaudendum Bulla, vt *ibidem* diximus.

4. Obiicies fecundò, quia videtur, idem dicendum de meretricibus, cuius oppofitum tenent Nugn. & Acost. *loc. cit. & Veg. fum. tom. 1. cap. 43. caf. 7.*

Respondetur, negando confequentiam, quia meretrices, licet turpiter faciant peccando, non tamen turpiter recipiunt quæfitum, feu oblarum, vt communiter sentiunt DD.

5. Ex quibus colligo primò, quòd fi dominus illius pecuniæ fcias, illam Bullam fuiiffe acceptam fua pecunia, & id ratum habeat, exinde incipit valere Bulla illi, qui aliena pecunia illam accepit.

Colligo fecundò, quòd tunc dominus pecuniæ poterit (fi ratam non habeat talem acceptionem) ab alio furripere

pere Bullam tanquam rem suam, ut potest sua pecunia acquisitam, & uti illa, cum reuera nouum fuerit alteri applicata, quamuis nomen eius in ea esset inscriptum.

Colligo tertio, quod si ille intra annum, quo durat Bulla, restituat pecuniam, quam consumpsit pro accipienda Bulla, gaudebit quidem Bulla à tempore restitutionis, quia exinde incipit facere Bullam suam, & verificatur, contriuiisse de suis bonis pro illa accipienda.

6. Ad primum respondetur, non impediri illi usum Bullæ in prædicto casu, ex eo quod acceptio illius fuerit actus malus, & peccatum; sed ex eo, quod elargitio eleemosynæ non fuerit ex bonis propriis, aut ex alienis sibi condonatis: quod tamen necessarium requiritur in Bulla, tanquam conditio ad gaudendum illa.

7. Ad secundum respondetur, quod alia indulta non conceduntur sicut Bulla, sub hac scilicet conditione, ut ex propriis bonis fiat contributio, & sic licet obtineatur pecuniæ furtim habitæ, valida erunt.

Hinc deducitur, quod si in aliqua Bulla non poneretur illa clausula, ut scilicet fiat elargitio eleemosynæ ex propriis bonis, certè qui furaretur pecuniam, ut, v. g. duos argenteos, gauderet quidem Bulla, immò nec mortaliter etiam peccaret, per se loquendo, in furto illorum duorum argenteorum, iuxta opinionem probabilem asserentium, illam non esse sufficientem quantitatem ad peccatum mortale in materia furti, vt probat Petr. Nauarr. de restit. lib. 3. c. 1. à num. 30. usque ad 39. ubi multis DD. & rationibus probat, quantitatem minorem quam quatuor argenteorum, non esse mortale, per se loquendo, hoc est, nisi aliàs persona esset pauper; & idem iudicium faciendum est in materia pau-

peratis respectu Religiosorum, de quò alibi dicendum est.

## D V B I V M V I I I.

*Vtrum hæreticus, seu infidelis mentalis possit gaudere Bulla.*

1. Ratio dubitandi prima est, quia in Bulla expressè habetur illam concedi Christi fidelibus; sed hæreticus mentalis non est Christi fidelis, cum discesserit à fide catholica: ergo non potest gaudere Bulla.

Secunda, quia in summario vulgari dicitur, concedi illis, qui acceperint eam, *monidos del ensalzamiento de la fe*; sed infidelis mentalis non accepit Bullam zelo fidei motus, cum illam excreetur, & potius velit Christi fidem omnino dissipari. ergo talis non potest gaudere Bulla.

2. Sit prima conclusio. Christianus, qui labitur in hæresis crimen per exteriorem actum, dummodo pertinaciter illi adhæreat, non potest gaudere Bulla. Vnde, si diebus quadragesimalibus lactinia comedat, peccat mortaliter; & idem est si vitatur aliis, quæ sine Bulla fieri non possunt absque peccato. Hanc sententiam probant rationes suprà tactæ, sufficienter.

3. Secunda conclusio. Hæreticus purè mentalis videtur posse gaudere Bulla, & sic virtute illius Missam audire tempore interdicti, lactiniis vesci, & aliis similibus frui, quæ in Bulla conceduntur.

4. Probatur primò, contra quosdam recentiores, quia cum ab Ecclesia ferretur sententia excommunicationis pro hæreticis, non veniunt intelligendi mentales, ut omnes fatentur. ergo similiter, cum per Bullam excluduntur ab eius usu infideles, seu hæretici, non debet intelligi de hæreticis purè mentalibus.

• Secundò, quia licet illi interioris sint infideles, & hæretici, non tamen quoad forum exterius. ergo non est, cur exteriori pœna puniantur, qualis est inhabilitas ad gaudendum Bulla respectu eius qui baptizatus est, & in Regnis Philippi commoratur.

Tertiò, quia illi possunt ab hæresi mentali absolui virtute Bullæ, quia, ut omnes concedunt, sola exterior est reservata. ergo ita, cum qui caret habitu fidei, possit uti Bulla: suppono enim per Sacramentum illud infundi illi fidem & reliquos habitus infusos.

Quartò, quia res hæc pertinet ad odia, sed odia sunt restringenda, & non amplianda, ex *reg. iur. in 6.* ergo restringi debet verbum *in fidelis*, aut *hæretici*, ad exteriorem, & non ampliandum ad purè mentalem.

5. Ad primum responderetur, illos infideles purè mentales, licet in foro exteriori non sint Christi fideles, non tamen secundum forum exterius, & hoc sufficit, ut non priuentur facultate vtendi Bulla; quod secus est de hæretico exteriori, quia ille iam iudicari potest, secundum forum exterius, quantumvis occultus: id enim est per accidens, ipse namque hoc ipso, quod suam hæresim manifestauit, exposuit se exteriori Ecclesiæ iudicio.

6. Ad secundum responderetur, quod etiam si rigorosè illa verba accipiantur, non opus est, Bullam accepisse ex speciali illo zelo, sed ut plurimum sufficiet postea, illo zelo moueri formaliter, vel virtualiter: sicut miles, qui vanitate motus militiæ nomen dedit, & postea existens in bello habet prædictum zelum, gaudet sine dubio privilegiis Bullæ, quæ talibus militibus conceduntur. Deinde responderetur secundò, in clausula illa non exigi, ut conditionem necessariam ad gaudendum Bulla, zelum illum, aliàs multi rustici non gau-

derent Bulla, qui licet illam recipiant, in mentem tamen illorum non venit talis zelus, sed commodum proprium.

## D V B I V M I X.

*Vtrum Religiosi professi quicunque, etiam Mendicantes, possint Bullam Cruciatæ licite sumere, eiusque fructu gaudere.*

1. **S**uppono hîc, non controuerti, auctis Religiosis liceat virtute Cruciatæ eligere Confessorem pro absolutione à reſeruat. (de hoc enim latè dubio sequenti disputandum erit;) sed controuerti solùm, an susceptio Bullæ illis sit licita pro lucrandis indulgentiis, & gratiis aliis consequendis, quæ virtute Cruciatæ conceduntur. *Rodr. in expos. Bull. §. 1. dub. 1.* in pattem negatiuam videtur propendere, nisi Bullam sumant de Prælatorum licentia. Ducitur, quia ex doctrina D. Thom. *in adu. ad 3. part. q. 27. art. 2.* Religiosi nequeunt contra Prælatorum voluntatem extra claustra egredi, nec aliquid impendere, quod regulari disciplinæ, seu eorum professioni repugnè, etiam sub prætextu lucrandi indulgentias. Neque enim est præsumendum Pontificum intentionem esse, indulgentias concedere in dissolutionem, sed in ædificationem.

2. At, quoniam indulgentiæ, quæ in Bulla conceduntur, quantum ad remissionem pœnæ, maioris sunt pretij, quàm regularis disciplina, in ordine tamen ad meritum, & præmium tam essentialè, quàm accidentalè illis correspondens, maioris est valoris ipsa obedientia, quàm indulgentia; ideo ipse *Rodr. ibidem §. 9. num. 24.* asserit, quod si Religiosi quicunque absque Prælatorum licentia Bullam sumant, esto id regulari disciplinæ aduersetur, possent tamen omnibus indultis per eam concessis, & regulari

regulari Obſervantiæ non repugnantibus, ſui, cuiuſmodi ſunt indulgentiæ quas lucrari quis poteſt, Altaria viſitando, aliæ opera pia præſtando. Neque enim ſubditi Prælati ſuis obedire tenentur, niſi in iſis, quæ ad regularem Obſervantiam ſpectant. Vnde ſi in aliis etiam bonis obediant, id perfectionis argumentum potiùs exiſtit, vt docet D. Thom. 2. 2. q. 104. & in epiſt. ad Rom. cap. 13. quem ſequitur Nauarr. cap. 23. num. 38. Cord. in ſuo quaſt. lib. 5. de indulg. q. 13. dub. 2. cum aliis per eum citatis, exiſtimat poſſe Religioſos abſque ſpeciali ſuorum ſuperiorum licentia indulgentias lucrari, quia de iure communi hoc eis competit. Nec obſtat, ſi dicas, hinc ſequi, quòd poſſet Religioſus contra ſui Prælati voluntatem egredi extra Conuentum, & pecuniam etiam contribuere iuxta tenorem Bullæ, & ſic Religio deperiret. Reſponder enim ipſe Cord. negando aſſumptum. Tum quia nequit Religioſus aliquid facere, quod ſit contra regularem diſciplinam, aut ſuæ profeſſionis tenorem, tum etiam, quia indulgentiæ non conceduntur ad diſſolutionem, vt dictum eſt ſuprà. Vnde inferit, quòd de licentia ſui ſuperioris poteſt Religioſus clauſtra exire, aut eleemoſynam pecuniariam contribuere iuxta Bullæ tenorem: ſi autem ad lucrandas indulgentias quid inſuper requiratur, quod contra regularem diſciplinam non ſit, nempe orare, ieiunare, & ſimilia, tunc poteſt ſimiliter Religioſus ea facere abſque ſuperioris ſpeciali licentia, non tamen contra rationabilem eiùſdem prohibitionem, quia Pontifex indulgentias concedens, intendit, ſalua ſemper regulari Obſervantia, & non aliter. Atque in hanc ſuam opinionem adducit Ang. verb. indulg. §. 12. Hæc tamen opinio videretur repugnantiam quodammodo includere, cùm priùs ſimpliciter aſſet, Religioſum

poſſe abſque ſui ſuperioris licentia indulgentias Bullæ lucrari: poſtea autem dicat, nec clauſtrum exire poſſe, nec pecuniam erogare abſque eiùſdem ſui ſuperioris facultate; niſi in priori parte interpretetur de indulgentiis, quas poſſet Religioſus lucrari intra clauſtra, & nulla præſumpta Bulla. Id autem nihil facit ad rem, de qua agimus. Quapropter ſit

3. Priua conclusio. Certiſſimum eſt poſſe omnes Religioſos, etiam Mendicantes, ſumere Bullam Cruciatiæ pro lucrandis indulgentiis, & certis aliis gratiis conſequendis, quæ virtute eiùſdem Cruciatiæ conceduntur. Hæc conclusio eſt communis; ira ſentiunt Cordub. & Rodr. ubi ſuprà, Acoſt. q. 106. Villalob. clauſ. 11. num. 27. & ſeqq. & plures alij dub. ſequenti citandi. Sed probatur in primis, quia prædicta omnia quæ conceduntur omnibus Chriſti fidelibus, qui in Regnis Hiſpaniarum, & iuſſulis adiacentibus commorantur. horum autem appellatione veniunt prædicti Religioſi. Deinde in Bulla ſic expreſſe habetur: *Capitula Eccleſiarum, monaſteria, & loca etiam Regularium, etiam Mendicantium, & tam ſæminarum, quàm maſculorum, ſi pro decem perſonis eorundem Capitulorum & locorum vnum, nec pauciores, ſuis expenſis mittant.* Et paulò inſtrà addit: *Inſuper quoque tam prædictis omnibus, quàm illis, qui nec in hanc expeditionem ibunt, nec alios, vt prædictum eſt, mittant, ſi infra biennium prædictum ex bonis ſibi à Deo collatis in hanc cauſam liberaliter pro deſenſione contulerint, &c.* Ex his autem ſatis aperte colligitur, Regulares omnes poſſe Bullam Cruciatiæ ſumere, & fructu illius gaudere.

4. Secunda conclusio. Tenentur ſubditi à Prælatiſ licentiam ſumendi Bullam exigere; eam verò non debent Prælati ſubditis petentibus denegare.

Hanc concluſionem, quoad priorem

B 3 partem

partem amplectuntur Rodr. Cord. & Villalob. *ubi supra*. & eam probo ex eo, quia in Bulla Pij IV. in Hispaniarum Regnis sub anno 1564. publicata concedatur expresse Religiosis, ut eam absque Prælatorum licentia sumere possint, eadem tamen clausula in Bulla anni sequentis, & in aliis omnibus usque nunc, dempta, seu omissa est. Hinc autem rectè sit argumentum, per talem omissionem insinuassee Pontifices, non esse suæ intentionis, tantæ libertatis ansam Religiosis præbere. Et quidem, cum Pontifices regularis Observantiæ conseruationem, & augmentum summo opere exoptent, & curent, non est vlatenus præsumendum, quod intendant indulgentias, seu quæuis alia indulta in eiusdem regularis Observantiæ præiudicium concedere; esset autem graue disciplinæ regularis præiudicium, si Religiosis liceret, absque superiorum licentia, Bullam sumere, & cætera exequi, quæ ibi præscribuntur, ut patet ex adductis per Cord. & Rodr. *supra*.

Nunc, quoad posteriorem partem probatur eadem conclusio.

Primò, quia in Bulla Cruciatæ derogantur omnia priuilegia contraria iis, quæ in dicta Bulla continentur, siue sint concessa monasteriis, siue sodalitatibus, siue Ecclesiis, aut piis locis, seu Vniuersitatibus, aut peculiaribus personis cuiuscunque gradus, & conditionis existant, cum quibuscunque clausulis solitis, & insolitis, ut ipsam Bullam legenti faciliè constabit. Igitur, cum nulum priuilegium, contra Bullæ suspensionem, totum habere possit, consequenter dicendum videtur, nec superiores debere, aut posse denegare subditis licentiam sumendi Bullam pro lucrands indulgentiis, & aliis etiam consequendis, quæ regulari Observantiæ præiudicium non inferunt, immò potius suffragantur.

Secundò, quia Prælati non habet ius præcipiendi subditis aliquid, quod non sit bonum vel in genere entis, vel in genere moris; sed non sumere Bullam, neque est bonum in genere entis, cum sit negatio, & consequenter non ens, cui nulla competit bonitatis species; neque etiam est bonum in genere moris: animam enim cuiuscunque priuare bonis, & gratis per Bullam concessis, malum potius est. Igitur Prælati non debent, nec possunt subditis interdicare suspensionem Bullæ, nisi ex rationabili aliqua circumstantia occurrenti honestetur aliquando talis prohibitio: atque ideo expresse tenent hanc partem Rodr. §. 12. n. 15. & Acoft. *loc. cit.*

5. Tertia conclusio. Probabilis videtur opinio asserens, quod subditus, si prædictam petat licentiam, & sibi denegetur, licitè potest Bullam sumere, atque illius fructu gaudere, modò in reliquis suæ professionis modificationes obseruet. Prælati autem, si licentiam huiusmodi denegat, peccat, nisi ex rationabili aliqua circumstantia aliquando excusetur. Hanc conclusionem quoad vtramque partem tenent Acoft. & Villalob. *ibidem*. Sed

Quoad priorem partem probatur, quoniam Prælati non habet ius ad denegandam talem licentiam, ut habetur ex dictis. conclusione præcedenti. Igitur subditus ex licentia petita, quamuis non-obtenta, licitè potest, Bullam sumere, & indulgentiis virtute Bullæ concessis similiter frui, quod non immeritò colligit Acoft. ex D. Thoma *in addit. ad 3. p. q. 27. art. 3. & in 4. d. 26. & Palud. ibi q. 4. art. 3.*

Quoad posteriorem partem probatur. Tum quia Prælati iniuste denegans (ut supponimus) subdito talem licentiam, priuat eum lutatione indulgentiarum, & consequenter peccat grauius

uiter contra charitatem, immò & contra iustitiam, dum eundem priuat iure suo, id est, sibi, sicut & aliis Christi fidelibus, per Sedem Apostolicam beneficio virtutis Cruciatæ concessio. Tum etiam, quia impedit executionem literarum Apostolicarum, quod est graue crimen. Dixi in conclusione, nisi ex rationabili causa aliquando denegetur, quoniam si id faciat ex legitima causa, excusatur quidem, & nullum peccatum committit.

6. Sed quæres primò, an Fratres Minores regularis Obseruantia possint similiter lumere Bullam Cruciatæ, cum ex vi regulæ sit illis prohibitum ad pecunias recurrere, nisi ob necessitatem præsentem, vel imminentem.

Author Compendij *sic. Cruciat. post §. 5. fol. 49 & 50.* negatiuè respondet, ductus, quia ob strictam paupertatem, Fratres Minores profitentur, nec etiam totus Ordo habet auctoritatem concedendi alicui Religioso, vt ad pecuniam queat recurrere, nisi pro vera, & manifesta necessitate præsentem, vel imminente ipsius Religiosi, seu Conuentus sub pœna lethalis culpæ. Religiosis autem prædictæ Religionis non videtur necessaria Bulla, cum ex vi suorum priuilegiolorum possint gaudere gratiis omnibus per Bullam concessis.

Oppositum tenet Cord. *cap. 4. super Reg. q. 7.* dicens, pro lucrands indulgentiis, & sumendis Bullis, seu Cruciatæ, licitè posse pecuniam procurari, dummodo alia concurrant requisita iuxta Pôstificis declarationes necessaria. Idem sentit Sorb. *in addit. ad Compend. verb. Cruciatæ, vers. Deinde dico.* Rodr. §. 12. n. 16. & Villalob. *claus. 12. n. 27.* & mihi etiam videtur satis pium, præsertim si id fiat de superiorum licentia, & probatur. Tum quia grande bonum spirituale est indulgentiarum acquisitio, cum ex vi earum, ac Bullarum, si licitè acqui-

rantur, magnum quidem non solum pœnæ, & Purgatorij malum, sed periculum etiam peccati cuitetur. Tum quia sanctum, ac valde salubre consilium est, salutem animæ variis modis procurare, atque ideo, esto Religiosi ex vi suorum priuilegiolorum possint animas suas à pœnis Purgatorij liberare, id etiam aliis viis procurare, sanctum, ac meritorium est. Tum quia si necessitas corporalis sufficiens causa est, (vt omnes fatentur) pecuniam procurandi, absurdum esset, id ipsum de necessitate spirituali inficiari, ac potissimum, quia certum est virtutè Cruciatæ posse à casibus in Cœna Domini contentis absolui, non ita ex vi suorum priuilegiolorum, vt suo loco (Deo dante) ostendemus.

Adde, quòd sicut licitum est Religiosis prædictis permittere, seu petere ab aliquo sæculari, vt soluat pecuniam pro ipsis vehendis in equo, aut in mari, iuxta ea, quæ tradit Cord. *lib. 5. de indulg. q. 26. vers. verum est;* ita id licet eisdem ad sumendam Bullam, & lucrandas indulgentias; & hoc modo dicuntur etiam ipsi per se facere, quod Bulla faciendum præcipit, atque sic etiam sentiunt Rosel. *in sum. tit. Indulgentia. §. 17.* & Ioan. Mariet. *in 4. d. 20.* quos citat Cord. *ibidem.*

7. Quæres secundò, an si Religiosus Bullamumat, nulla prius requisita licentia à suo Prælato, gaudeat nihilominus fructu illius?

Rodr. §. 9. *num. 14.* respondet affirmatiuè, ob rationem ab ipso adductam initio huius dubij. Mihi etiam placet eadem sententia. nam quamuis Religiosus ratione sui status indigeat superioris facultate, vt licitè Bullamumat, vel vt elemosynam ad id necessariam expendat, vel etiam, vt faciat actionem, sine qua effectus Bullæ comparari non potest; huiusmodi tamen licentia solum requiritur, vt rectè, ac ordinatè hæc fiat. Vnde, si tali ordine prætermisso, & absque





dicus hanc defendit sententiam, & ait, eam tenere omnes zelum Dei habentes. Communiter etiam hanc sententiam defendunt Acoſta q. 107. *Miranda in manu. Pralat. p. 2. q. 34. art. 25. con. 2. Deia in ſum. p. 3. caſ. 16. Suar. tom. 4. de Relig. traſt. 8. lib. 2. c. 6. n. 3. Villalob. tom. 2. ſrat. 27. clauſ. q. n. 13. & alij, quos hi referunt. Sed ratione probatur.*

2. Primò ex reſponſis ſacrorum Pontificum, & Cardinalium, qui de hac difficultate interrogati, reſponderunt, Religioſos mendicantes, & qui eorum priuilegiis gaudent, non poſſe abſque facultate ſuorum Prælatorum gaudere priuilegiis Bullæ ad eligendum Confeſſarium pro abſolutione reſeruatorem. Ita reſponderunt Innocentius VIII. Alexander VIII. Leo X. vt reſert Collector *vbi ſuprà*, & Sixtus IV. & Iulius II. cum aliis, quos allegat Cord. loc. cit. & Pius V. in ſpeciali Motu proprio edito anno 1571. quem reſerunt Rodr. in expoſitione Bullæ ſol. 191. & Paſarel. in comp. priuileg. priuileg. 175. Cardinales etiam tempore Gregorij XIII. deputati ad explicandũ Tridentinum, & reformationem Religionum, teſte Rod. *vbi ſuprà* §. 9. num. 24 quæſiti de hoc à D. Ioanne de Ribera Archiepiſcopo Valentino, reſpondetunt Moniales non poſſe virtute Bullæ Cruciatæ alios Confeſſores eligere, præter assignatos à ſuo Ordinario, quam reſponſionẽ reſtatut Rod. ſevidiſſe, & ipſis Monialibus fuiſſe promulgatam per publicum Norarium, & conſtat, in Bulla non magis excipi Moniales, quàm Monachos. ergo ſicut Moniales non poſſunt gaudere Bulla ad prædictũ effectum, ita nec Monachi.

3. Secundò probatur, quia Religioſes mendicantes, & reliquæ ex earum communicatione, habent ſpecialia priuilegia, quibus eis interdicitur vſus Bullæ abſque licentia Prælatorum ad

eligendum Confeſſarium pro reſeruatũ, vt conſtat ex priuilegio Auguſtinianis conceſſo ab Innocentio VIII. ſicut reſerut in compendio priuilegiorum Mendicantium, ver. Confeſſor. §. 6. & ex aliis conceſſis Fratribus Minoribus ab eodem Innocentio VIII. vt habetur in prædicto compendio, & à Sixto Quarto §. 11. & à Leone X. §. 17. & ex priuilegio conceſſo Ordini Prædicatorum, vt habetur in eorum priuilegiis ſol. 33. & reſert Enriq. lib. 6. moralis Theologia c. 16. Alphab. 2. lit. Q. & ex alio conceſſo eidem Ordini à Pio V. ad inſtantiam Iuſtiniani Generalis Ordinis Prædicatorum, & conſtat etiam ex priuilegiis conceſſis Ordini D. Bernardi ab Alexandro VI. vt pater ex compendio priuilegiorum eiſdem Ordinis ver. Bulla Cruciatæ. §. 1. & habetur prædicta Bulla Alexandri in tomo priuilegiorum eiſdem Ordinis priuileg. 15. n. 7. & 8. Conſtat etiam ex priuilegio à Gregotio XIII. conceſſo Societati Jeſu anno 1575. & habetur in Bullis eiſdem Societatis pag. 186. n. 8. & 9. vbi grauiffimis verbis prohibet, ne perſonæ Societatis gaudeant Bulla Cruciatæ abſque licentia Prælatorum ad eligendum Confeſſarium pro abſolutione à reſeruatũ. Ac tandem idipſum prohibuit nouiſſimè Clemens VIII. omnibus Regulatibus vtriuſque ſexus ad inſtantiam Procuratoris Generalis Ordinis Carmelitarum. Sed ſic eſt, quòd omnia hæc priuilegia non derogantur per Bullas ſubſequentes; ergo virtute Bullæ Cruciatæ non poſſunt prædicti Religioſi vti Bulla abſque ſuorum Prælatorum facultate in ordine ad prædictũ effectum. Maior cum conſequentia eſt euident, & minorem probos, quia priuilegium generale non derogat ſpeciali, niſi illius faciãt expreſſam mentionem, vt docet Sylu. verb. priuilegium q. 10. part. 6. & Tabien. ibi. q. 14. part. 13. Ledefm. 2.

part. 4. q. 2. art. 2. & grauissimi Iurisperiti  
suprà citati cum Panormitano, & ve-  
nient, & ex causa 15. q. 2. per totam. Sed  
priuilegium Bullæ est generale ad Hi-  
spaniam & alia Regna Philippi; priui-  
legium autem huius, seu illius Religio-  
nis est speciale. ergo cum non fiat eius  
mentio expressa, non debet censei de-  
rogatum per generalem clausulam Bullæ,  
qua ratione multi Doctores docent,  
per generales clausulas Bullæ Cœnæ  
Domini prohibentis absolutionem hæ-  
resis, non derogari priuilegia Episco-  
porum de absoluendo ab illa in foro  
interiori, quando est occulta. Ac tan-  
dem certè Sûmi Pontifices concedentes  
Religionibus priuilegia ad impediend-  
um vsum Bullæ, non ignorabant Bul-  
læ Cruciatæ singulis annis in Hispania  
publicari cum clausulis derogatoriis  
aliorum priuilegiorum; ergo censebant  
per tales clausulas generales non de-  
gari, aut suspendi specialia priuilegia  
Religionum ab ipsis concessa, alias fru-  
strà illa concederent, cum nullum effe-  
ctum sortiri possent.

4. Tertio probatur, quia in Bulla  
expressè habetur, non derogari per il-  
lam priuilegia, gratias, & facultates  
concessas superioribus Mendicantium  
quoad eorum Fratres. Sed sic est, quòd  
Mendicantium priuilegia, quibus pro-  
hibentur Religiosi accipere Bullam si-  
ne facultate superiorum in ordine ad  
absolutionem referuatorum, sunt in-  
dulta concessa superioribus in ordine  
ad suos Fratres, non contra illos, sed in  
fauorem, cum sint in maiorem eorum  
profectum, & vt melius illos conti-  
neant in obseruantia regulari: nam  
ampla libertas eligendi quemcumque  
Confessarium approbatum in ordine  
ad quoscumque casus referuatos, potius  
eis noceret, vt expressè docent sacri  
Pontifices suprà relati; specialiter ta-  
men Sixtus IV. Innocentius VIII. Leo

X. & Gregorius XIII. quod etiam ha-  
betur in compendio priuilegiorum Adendi-  
cantium, ver. Cruciatæ. §. 3. & 5. vbi dici-  
tur, quòd nec est, neque esse debet in-  
tentio Pontificis aliquid concedere,  
vnde Ordinis disciplinam collabi con-  
tingat. & infrà dicitur, quòd per talem  
libertatem eligendi confessionem da-  
retur Religiosis occasio violandi vo-  
tum castitatis, vt experti dicere pos-  
sunt. Hęc ibi. Idque etiam probat Cord.  
super Reg. D. Francisæ s. 3. punct. 10. & su-  
per compendium ver. Cruciatæ. ergo per  
nullam clausulam Bullæ derogantur  
priuilegia Mendicantium, cum semper  
fiat in illis exceptio priuilegiorum con-  
cessorum superioribus Mendicanti-  
um ordine ad suos Fratres. Vnde rectè  
Ledesm. suprà relatus ait. semper Reli-  
giones habere priuilegia per Breuia  
Pontificum, quòd indulgentiæ non va-  
leant Religiosis quoad Confessionale  
sine licentia suorum Prælatorum. Atque  
idem dicendum est de non mendican-  
tibus ob communicationem, quam ha-  
bent, priuilegiorum.

5. Quarto probatur, quia per Bul-  
læ Cruciatæ non suspenduntur priui-  
legia Regularium ad absoluendos alios  
à peccatis, & censuris etiam referuatis,  
& ad commutanda vota, præter excepta  
in Bulla, vt omnes fatentur, & vsus  
ipse cõfirmat. ergo neque etiam intelli-  
gendum est derogari alia priuilegia, per  
quorum derogationem (vt inquit  
Cord. vbi suprà) relaxaretur disciplina  
regularis, & ansa præberetur ad pec-  
candum.

6. Neque obstat, si dicas, sæculari-  
bus concedi amplam illam facultatem  
eligendi confessionem pro referuatis,  
neque id reputari inconueniens; hoc  
(inquam) non obstat, quia multa cõce-  
duntur sæcularibus, quæ tamen non ex-  
pedit concedi Regularibus, propter  
strictiorem, & perfectiorem vitam,  
quam

quam profitentur. Atque hoc esse vnum ex numero eorum, quæ non licet illis concedi, patet manifestè, tum ex sententia tantorum Pontificum, qui hoc illis interdixerunt, tum ex hoc, quod in Concilio Tridentino iubetur, quod Monialibus bis, aut ter in anno extraordinarij Confessarij deputentur. ergo censet Concilium, eas non posse pro libito eligere quemcumque Confessarium approbatum, aliàs si id possent, non opus esset ea cautione, cum liberum esset eis eligere quemcumque mallerent. Tum quia semper in Ecclesia Dei, vt res magni momenti, fuit habitata à sanctis Patribus, & fundatoribus Religionum casuum reservatio, & specialiter B. Franciscus supponit in sua *Regula*, nonnulla peccata debere esse reservata Ministris Prouincialibus, à quibus alij ordinarij Confessarij non possint absoluerè. Hæc autem peccatorum reservatio omnino corrueret, si liceret Religiosis vti priuilegio Bullæ pro absolutione referuatum.

6. Quintò probatur, quia, licet aliquando Pius I V. concesserit omnibus Religiosis, etiam Mendicantibus, facultatem accipiendi Bullam absque licentia Prælatorum pro absolutione à reservatis, id tamen (vt experientia docet) non conceditur in Bullis, quæ hæc tempestate expediuntur: ergo manifestum signum est, intentionem Pontificum esse, ne Regulares, absque licentia Prælatorum, gaudeant Bulla in ordine ad prædictum effectum, aliàs non præcepissent auferri prædictam clausulam Pij IV. quæ in Bulla erat inserta.

7. Oppositam sententiam tuentur infra citandi authores, dicentes, licet posse Religiosos quoscumque, etiam Mendicantes, absque facultate Prælatorum vti priuilegio Cruciatæ pro absolutione à reservatis, non obstantibus quibuscumque suarum Religionum

priuilegijs. Ita grauissimi DD. Salmanticens. Academiz de hoc consulti anno 1559. Magister Bânes Primarius theologicæ facultatis, Alphonsus Luna, & Orellana Ordinis Prædicatorum, & Magister Chaues Regis Hispaniæ Confessarius, Gueuara, Ludouicus de Leone, & Mendoza Ordinis D. Augustini, & Magistri sacre Theologiæ, ac publici eius Professores in Salmanticensi Academia, & Magister Zumel Generalis Ordinis Sanctæ Mariæ de Mercede, dixit hanc opinionem esse veram, & communem praxim Religionum. Idem docuerunt Magister Didacus Rod. Decanus facultatis theologicæ eiusdem Academiz, & Magister Sanctius Magistralis Canonicus Salmantinus, & Corduba, licet præcedentem sententiam sequatur, tamen in annotationibus ad *Compendium Mendicantium ver. Cruciatæ, & super Regul. D. Franc. c. 7. q. 3.* hanc dicit esse probabilem, & ibidem fatetur, virtute Iubilæorum posse Religiosos sine licentia superiorum eligere Confessarium, & absolui à reservatis. Si ergo id possunt virtute Iubilæi, cur non virtute Bullæ, cum priuilegia Religionis non magis derogentur Iubilæis, quàm Bullis easdem clausulas habentibus? & Rodr. in *expos. Bullæ* §. 9. n. 25. ait expressè hanc opinionem esse probabilem, & securè procedere eos, qui eam sequuntur in praxi, ibidemque hortatur Confessarios, ne scrupulum iniciant Religiosis, qui ad casus referuatos vtuntur Bulla absque Prælatorum facultate, & tom. 2. *regul. quas. q. 21. art. 10.* licet oppositam sententiam defendat, ait tamen: Non auderem illos condemnare, qui sine tali licentia vtuntur Bulla quantum ad hos articulos, scilicet reservationis casuum, & reliquorum, quæ in ea continentur. Eandem sententiam docet Collect. priuilegiorum Ordinum Mendicantium;

nam in *compendio ver. absolutio*, referens verba Innocentij VIII. quibus declaravit Fratres minores non posse eligere Confessores pro absolutione à reservationis, virtute Bullæ Cruciatæ, quam ipse concesserat in Hispania, statim ipse Collector ait: Advertendum est, quodd similem teuocationem fecerunt alij Pontifices, qui dederunt Bullas Cruciatæ, sed istæ teuocationes non sunt perpetuæ, quia non extenduntur ad Bullas Cruciatæ futuras, & ideo, quandocunque venerit noua Cruciatæ, oportet habere nouam teuocationem illius, ad hoc vt Fratres nequeant illa vti. Ac tandem nouissimè Card. Toletus in *sua summa fol. 169.* agens de obligatione, quam quisque habet ad confitendum proprio Sacerdoti, & excipiens ab hac lege aliquos, ait: Vigessimus sextus casus est, cum quis habet Bullas, aut diplomata Apostolica, quamuis hæcenus derogata sint præterita, quantum ad hoc tamen si quæ impostum dantur iuxta præcedentium tenorem, per ea homo habet facultatem confitendi cui-libet Sacerdoti apto ad confessiones audiendas, etiam nulla habita licentia ipsius proprii. Hæc ille, & probatur à priori.

8. Primò, quia omnia priuilegia Religionum derogantur per Bullam subsequenter. ergo illa non obstant, quominus tales Religiosi possint absque facultate Prælatorum vti Bulla ad reseruatoꝝ absolutionem. Consequētia est nota, & antecedēs probatur, quia in ipsa Bulla concedit Pontifex prædictam facultatem omnibus Christi fidelibus in Hispania Regnis commorantibus, non obstantibus quibuscūque Apostolicis ordinationibus Ecclesiarum, aut Monasterioꝝ, Conuentuum, & Ordinū, etiam iuramento, confirmatione Apostolica, vel quauis firmitate alia roboratis, & priuilegijs etiam

Mendicantibus sub quacunque forma, aut tenore concessis, etiam si pro sufficienti eorum derogatione dicatur, de eorum tenore habendam esse specialem mentionem. Ita habetur in Bulla Sixti V. anno 1585. & in ea, quæ expedita est à Clemente VIII. & in alijs communiter, ergo, non obstantibus prædictis priuilegijs prohibentibus vsum Bullæ pro absolutione à reservationis, possunt omnes Regulares gaudere Bulla Cruciatæ ad prædictum effectum.

9. Neque obstat, si quispiam obiciat, quodd infra Pontifex, vel Commissarius auctoritate illius excipit priuilegia Mendicantium quantum ad hoc, dum ait, se derogare omnia priuilegia, præter facultates concessas Mendicantium Ordinū superioribus quoad suos Fratres. Hoc (inquam) non obstat, tum quia, cum talia priuilegia impediunt vsum Bullæ quoad electionem Confessarij pro reseruatis, non sint facultates, aut gratiæ concessæ superioribus in ordine ad eorū Fratres, hoc non est in fauorem Fratrum, sed potius contra Fratres, cum id sit valde odiosum, & molestum illis, manifestum est, ibi nullam fieri eorum exceptionem. Tum etiam, quoniam, vt docet Ledesm. de *sacramento Penitentia c. 13.* & alij recentiores, ex illo nomine facultatum, quas ibi excipit Pontifex, possunt intelligi gratiæ, & indulgentiæ quædam, quas possunt Prælati regulares applicare subditis, etiam si careant Bulla. Immo (iuxta probabilem, & ferè commune sententiam) de illis solū videtur esse sermo. Potest etiam id intelligi de priuilegijs concessis superioribus in ordine ad suos Fratres pro tempore interdicti, & ad oua, & lacticiam vescenda, immò & ad absolouendum eos à multis casibus in iure Papæ reseruatis. Pontifex ergo, ac Commissarius in Bullæ deo

derogatione, excipit has omnes facultates superioribus concessas in ordine ad suos Fratres, non tamen priuilegium ad impediendum vsum Bullæ Fratribus.

10. Secundò probatur etiam à priori, quia cum in priuilegiis, & indultis ponitur illa clausula, *Pro expressis habentes*, reuera secundum stylum Curie Romanæ derogantur priuilegia præcedentia, ac si de verbo ad verbum exprimerentur, & ibi infererentur: sed in Bullis huius temporis, immo & in omnibus à tempore Pij V. concessis, habetur illa clausula, *Pro expressis habentes*; ergo priuilegia præcedentia Religionum verè derogantur quantum ad hoc per subsequentem expeditionem nouæ Bullæ Cruciatæ. Minor cum consequentia est nota, & maiorem docent Cassiod. d. 10. regul. Cancell. & Pasarell. lib. de priuilegiis. Minus. c. 8. 12. & 13. Ang. ver. excommunicatio 5. cap. 31. Sylu. verb. exemptio q. 11. & ver. priuilegium q. 10. part. 6. ibi Amil. n. 6. & ver. exemptio n. 11. & ratione patet. Tum, quia impossibile est, omnes concessiones antecedenti Pontificum in aliquo vno priuilegio inferere, vt de se patet, ergo sufficienter derogantur per clausulam, *pro expressis habentes*; vnde compendium Mendicantium tit. priuilegia, circa fin. & verb. Indulgentia stationum quoad Fratres. §. 7. ait, esse plusquam manifestum, illum esse stylum Curie, cum in nullis reuocationibus inferantur literæ Apostolicæ, nisi aliquando ad abundantiorē cautelam. Tum, quia in iure, ad derogationem priuilegiorum, aut testamenti habentis clausulam derogatoriam sequentis, sufficit clausula generalis, vt docet Ant. Gabr. tom. 7. lib. 6. tit. de clausul. col. 5. per totum. Couar. rubr. de testament. part. 2. n. 19. & 20. Tabiena ver. priuilegium, q. 15. n. 16. & Rosel. ver. exemptio n. 1. ergo, iuxta sen-

tentiam horum Doctorum, idem sufficit in priuilegiis Pontificum, cum in vtrisque sit eadem prorsus ratio.

11. Tertio probatur, quia Pontifex, cum præbet facultatem sumentibus Bullam, ad vescendum ouis, & lacticiis in Quadragesima, excipit Regulares; cum verò concedit facultatem ad eligendum Confessarium, nullam facit exceptionem Regularium; ergo cuius signum est, non id prohibere illis, sicut prohibet lactinia, aliàs etiam illos exciperet, sicut excipit in priuilegio lactiniorum.

12. Quarto idem à posteriori probatur. In rebus moralibus semper censui eam esse vrgentissimam rationem, quòd moralia moraliter pertractanda sunt; sed in rebus moralibus ipsa ratio dicat in dubiis opinionem humaniorem & benigniorem esse eligendam, supposito, quòd pro se habeat rationes, & graues auctores, qui illam defendant. Nam vbi ius non inuenitur expressum (vt contingit in proposito) vbi tanta est opinionum varietas, in humaniorem partem declinandum est; vt docet text. in c. final. de transact. & in l. benignius. ff. de legib. & l. semper in dubijs. ff. de reg. iur. & probat Sylu. ver. opinio, & Nauar. c. si quis autem, de penit. d. 7. n. 130. & 131. & c. 27. n. 287. & inter alia ponit exemplum in opinione, quæ fauet doti, vel libertati, vt habetur ex l. quoties dubia ff. de reg. iur. & c. fin. de re iudicata. Vnde Instructorium, c. 88. in fin. ait, quòd quando dubium exagitat animum an lex obliget, vel non obliget, benignior pars est amplectenda; sed sic est, quòd hic vrget dubium, & hæc opinio est benignior, & magis fauet libertati spirituali in ordine ad confessiones. ergo hæc opinio est sequenda, & amplectenda secundum rectam rationem.

13. Quintò eadem sententia probatur

C 3

batur ex variis, & vrgentissimis inconuenientibus, quæ sequuntur ex opposita sententia.

Primum, quòd fieret contra intentionem Summi Pontificis, & Commissarij Cruciatæ, & totum Senatum illius, desiderantium multam pecuniam colligi in subsidium contra infideles. Si autem Regulares non sumant Bullam, magna pecuniæ quantitate defraudaretur prædictum subsidium contra infideles. Est etiam ex alio capite contra intentionem Pontificis: nam ipse concedit Bullam Cruciatæ ad instantiam Philippi Regis Hispaniarum, & iuxta tenorem petitionis illius: est autem euidentis moraliter Regem postulare Bullam pro omnibus commorantibus in Regnis Hispaniæ, siue sint Regulares, siue non. ergo dum Pontifex in Bulla Cruciatæ subsequenti non excipit Regulares, manifestè constat, esse contra eius intentionem, quòd non possint prædicti Regulares vti priuilegio illius in ordine ad absolutionem pro reſeruatis.

14. Secundum inconueniens, & valde vrgens est: nam cum stricta sit casuum reſeruatio, & ex alia parte magna sit hominum fragilitas, imminet magnum periculum committendi plura sacrilegia; nam pro verecundia, aut alia ratione dimidiabunt Regulares confessionem, & in peccato mortali celebrabunt sæpè, & in eodem ministrabunt Sacramenta, & multo tempore miserè facebunt, prolabentes quotidie in deteriora peccata; quæ omnia facillè vitarentur, vel magna ex parte per remedium Bullæ. Ergo prudenter iudicamus non velle Pontificem illos priuare tali remedio: & quidem licèt de humana fragilitate credi possit, aliquos Regulares nonnulla commissuros esse peccata ex confidentia Bullæ, si illa vti possunt ad absolutionem pro reſeruatis,

tamen non pauciora, sed fortè plura committerentur, si illa non possent vti ob rationem verecundiæ suprà tactam.

15. Tertium inconueniens est, quia per hanc strictam casuum reſeruationem, & maxime in Religionibus, vbi est copiosa pluriū peccatorum reſeruatio, sit iugum Dei intolerabile, quod tamen Dominus dicit suauē esse, & leuē; magnaque ex parte præcluditur via ad æternam salutem, propter difficultatem superadditam confessioni ratione reſeruationis. Ac tandem, si tam magnum inconueniens esset, Religiosos liberè posse vti Bulla pro absolutione à reſeruatis, vt aduersarij proclamant, certè sacri Pontifices, alijs pij, & prudentes, non id ita planè concessissent, prout de facto concesserunt Pius I V. in sua Bulla, sine facultate suorum superiorum anno 1564. & Paulus III. viuz vocis oraculo pro Religiosis B. Francisci anno 1533. die 11. Iulij, prout refert Cord. in citat. annotat. verb. Cruciatæ, & licèt in Bullis, quæ hac tempestate expediuntur, non ponatur illa clausula, sine facultate superiorum; tamen Pontifex non ponit contrariam, sed indiscriminatim cōcedit omnibus fidelibus, posse vti priuilegiis Bullæ, non distinguens, an valeat cum licentia Prælatorum, vel sine illa: vbi autem lex ipsa non distinguit, nec nos distinguere debemus, iuxta text. in cap. si Evangelica, dist. 35.

16. Atque ideo hanc sententiam, vltra præallegatos, sustinent Ioann. à Cruce de stat. relig. lib. 1. cap. 6. dub. 12. con. 3. Sanc. in select. disp. 44. num. 10. ad fin. & num. 13. Basl. Pontius de Leone lib. 5. de matrim. cap. 2. num. 7. & distinctius lib. 2. cap. 19. §. 2. num. 13. sed nouissime in MS. de pœnis. cap. 4. dub. 2. & larè Ruy Mendes Secretarius consilij ipsius Cruciatæ in Regno Lusitaniz, in quodam tract. quem de hac materia edidit cap. 1. concl. 1. & Sorb. in addit. ad Comp.

*Comp. verb. Cruciatæ. §. 5. ver. deinde dico.* qui omnes censent hanc opinionem esse probabilem. Mihi autem longè aliter videtur dicendum tam de ista, quàm de præcedenti opinione, ut *dub. 12.* diffusè ostendam.

DVBIVM XI.

*In quo argumenta, pro utraque opinione præcedenti, adducta solvuntur.*

1. **V**Traque prædicta opinio videtur nonnullis saltem speculatiuè probabilis, ac propterea utriusque probationes solvere contendunt. Vnde

Ad primum argumentum in favorem primæ opinionis adductum responderi, illa præterita Pontificum responsa, & decreta sufficienter derogari per subsequentem Bullæ Cruciatæ expeditionem, quia præcedentes Pontifices non potuerunt ligare suos successores, ut non possent concedere Regularibus gaudere privilegio Bullæ ad eligendum Confessarium pro absolutione à reservatis. Neque idem Pontifex potuit se ita astringere, ut non possit per secundam suam facultatem, aut secundum privilegium derogare, aut suspendere primum, prout probabiliter arbitrantur nonnulli fecisse Sanctissimum Clementem VIII. qui omnibus Regularibus per speciale Breve interdixit usum Bullæ, & postea per Bullam Cruciatæ suspendit illud, & omnia alia privilegia prohibentia usum Bullæ.

Ad responsionem verò Cardinalium, respondet Ledesm. iunior *in sum. ubi supra*, quòd Cardinales per illam declarationem non statuunt ius aliquod; sed nulla est hæc solutio, quia licet non statuunt ius, interpretantur tamen illud ex potestate Pontificia sibi delegata, & eorum interpretatio est magnæ aucto-

ritatis; quare aliter responderi potest dupliciter.

2. Primò dicendo, illam responsionem Cardinalium solum loqui de Monialibus, non de Monachis, & licet videatur esse eadem ratio de utrisque, quæ forsàn non est, in rebus tamen odiosis non est facienda extensio ad casum non expressum, propter paritatem rationis, ut latè tradunt Iuristæ.

3. Deinde respondetur, & meliùs, illà interpretationem factam fuisse à Cardinalibus ad instantiam Archiepiscopi Valentini, qui cum in ea esset opinio, Monialibus non licere uti privilegio Bullæ Cruciatæ ad eligendum Confessarium, ipsi etiam Cardinales huic opinioni tanquam probabiliori, & securiori annuerunt; per hoc tamen nulla ratione damnarunt oppositam sententiam tanquam improbabilem, aut non securam in conscientia.

4. Ac tandem respondetur, quòd ut obligaret prædicta declaratio Cardinalium ad standum illi, oporteret, ut fieret Regularibus generalis eius intimatio, quam tamen constat non fuisse factam nisi in Archiepiscopatu Valentino, ut testatur ipse Rodr. *ubi supra*.

5. Ad secundum negant minorem, & ad probationem distinguunt sic antecédens: Privilegiū generale non derogat speciali, nisi faciat expressis illius mentionem: verum est, si tale privilegium generale non continet clausulam illam, *Pro expressis habentes*, aut specialem clausulam suspensionis illius; secus, si contineat illam, prout reuera continet privilegium Cruciatæ, quia tunc illa clausula æquivaleret speciali mentioni ipsius privilegij, ut clarè constar ex stylo Curie Romanæ; ut *suprà* ostendimus *dub. 9.*

6. Ad illud verò, *de facultate Episcoporum*, respondent, quòd adhuc retenta illa opinione, non ideo non derogatur

per

per Bullam Cœnæ, quia clausula derogatoria illius sit generalis, & non faciat expressam eius mentionem, sed quia (vt multi Doctores dicunt) Pontifex solum aufert per Bullam Cœnæ facultatem absoluedi ab hæresi, illis, quibus ex priuilegio id competeat. Episcopi autem nõ ex priuilegio, sed ex iure ipso habent facultatem absoluedi ab hæresi, quia iure diuino, & humano, & ex officio sũt Inquisitores, vel quia, vt docet Nauar. in *sum.* c. 17. num. 260. clausula illa generalis Bullæ Cœnæ limitanda est, vt procedat in occultis, & habentibus complices, non verò in casibus occultis simpliciter, de quibus specialiter loquitur Tridentinum, dicens Episcopis licere absolueri in foro interiori ab hæresi occulta.

7. Ad id tandem quod *ibidem* dicitur frustra concedi prædicta priuilegia, si per Bullam derogarentur. Respondent nequaquam frustra concedi, quia suum vigorem retinent, donec ab eodem, vel ab aliis Pontificibus reuocentur, licet aliàs pro tunc suspendantur, non enim idem est reuocari, & suspèdi, quia quod reuocatur, irritatur, & annullatur; quod verò suspèditur, solum impeditur ad tempus quantum ad executionem. Huiusmodi autẽ suspensiones, immò & reuocationes sunt frequentissimæ secundum stylum Curie Romanæ: quotidie enim videmus expediri quedã indulta, quibus derogantur alia eodem anno, immo & eodem interdum mense concessa, & experientia compertum est, quod modò Pontifex concedit alicui Ecclesiæ indulgentiam plenariam pro certis diebus, & ramen paulo post concedit Commissario Bullæ Cruciatæ facultatem ad suspendendum prædictas indulgentias, & de facto Commissarius illas suspendit pro annò publicationis Bullæ: fatentur tamen quod tempore, quo durauit Bulla Cruciatæ ex-

pedita à Sanctissimo Clemente Octauo, non poterant illa vti Regulares pro absolutione à reseruatis, postquam ipse expressit, & declarauit suæ mentis, & intentionis esse id eis prohiberi. Similiter cùm Sanctissimus D. N. Urbanus VIII. similem etiam fecerit declarationem, idem iudicium de eius Cruciatâ faciendum est.

8. Ad tertium negant minorem, quia, præterquam quod *suprà* dictum est *dub. 9.* quid sibi vellent verba illa, *facultates concessæ superioribus in ordine ad suos Fratres*, per quod videtur sufficienter responderi huic tertio argumento, manifestum est prædicta indulta non esse in fauorem Fratrum, sed valde illis odiosa, cùm auferant eis libertatem eligendi Confessarium, ex quo grauissima illa pullulant incommoda, quæ *suprà* enumerauimus *dub. 9.* Et quidẽ ex verbis ipsius Pontificis in Bulla Cruciatæ constat, prædicta indulta prohibentia vsum Bullæ non esse ad eò proficua, vt aduersarij proclamant: nam ipse Pontifex ait in Bulla Latina: *Item, vt omnes, & singuli prædicti purius preces ad Deum fundere*, &c. ergo si hæc facultas eligendi Confessarium iuuat ad maiorem animæ puritatem, certè indulta prohibentia vsum Bullæ non poterunt illa absolute dici fauorabilia, & vtilia, sed potius odiosa, & plerumque nociua Regularibus.

9. Ad quartũ negant consequentiam, quia in huiusmodi abrogatione facultatum, standum est declarationi ipsius suspendentis, & abrogantis: ipse autem Commissarius Cruciatæ, cui hæc suspendendi facultas delegatur à Pontifice, declarauit, suæ intentionis non esse suspendere facultates Regularibus concessas ad absoluedum seculares à reseruatis, benè tamen indulta prohibentia prædictis Regularibus vsum Bullæ, prout testatur Cord. *vbi suprà* de commissione



missione sui temporis: quod idem respondent communiter omnes Commissarii Cruciatæ, quia si non fieret huiusmodi suspensio, cederet in magnum detrimentum subsidij, cum millia millium Regularium non sumerent Bullam, si eis prodesse non posset ad eligendum Confessarium pro reservatione, cum ad reliqua, quæ in Bulla continentur, innumeræ suppetant eis facultates per priuilegia suarum Religionum. Quod autem vltus Bullæ non cedat in damnum disciplinæ religiosæ, sed potius iuuuet ad maiorem animæ puritatem, iam *suprà* ostensum est *dubio 9.* & in solutione ad tertium.

Ad id verò, quod ex Concilio Tridentino obicitur, quod valde vrgere videtur, respondet Concilium ibi loqui independenter de Bullis Cruciatæ, quarum expeditio libera est Pontificibus, & contingere poterit non expediti illas, & licet expédiantur, id non est pro omnibus fidelibus, sed pro illis dumtaxat, qui commorantur in Regnis Philippi Regis Hispaniarum. Vnde, quia stans in iure communi, & secluso omni priuilegio, Moniales non possunt confiteri nisi proprio suo Sacerdoti, prudenter valde Concilium Tridentinum prouidit, vt bis, aut ter in anno extraordinarij Confessarij deputentur, quibus liberius sua peccata aperire possint. Quare existimo, ex testimonio illo Concilij nullum firmiter argumentum sumi posse contra istam sententiam.

Ac tandem ad illud de reservatione, respondent, quod sicut non frustranea censetur reservatio casuum Papalium, & Episcopaliū, licet aliàs per Bullam possit quilibet in Regnis Philippi ab illis absolui à quocunque Sacerdote approbato, ita etiam non debet censi frustranea in Religione casuum reservatio, cum secluso priuilegio Pontificis

suam vim retineat. Nec tale priuilegium sit commune omnibus Religiosis in quacumque mundi plaga existentibus, sed solum illis, qui in Regnis Hispaniarum Regis commorantur.

10. Ad quintum distinguunt innocecentem, in Bullis non ponitur illa clausula Pij IV. expressè, & explicite concedunt, tacite, & implicite negant; quia cum ex vna parte concedat Pontifex omnibus Christi fidelibus priuilegia Bullæ, & id perinde sit, ac si singulas fidelium species numeraret; iuxta text. in l. si chorw. ff. de legat. 3. vbi habetur, quod tantum valet expressio generalis quoad species in illa contentas, quantum valeret enumeratio ipsarum specierum, & ex alia parte Pontifex ipse non apponat conditionem illam vt sit cum licentia Prælatorum, prudenter interpretamur, debere subintelligi, cum potius beneficium Principis sit latissime interpretandum, & fauores debeant ampliari, sicut & odia restringi, vt tradunt communiter Iuristæ, & ratio ipsa dicat.

11. Superest soluere argumenta in fauorem secundæ opinionis facta.

Ad primum responderetur bene ibi, ad impugnationem autem dicitur, priuilegia Mendicantium, quæ prohibent prædictum vsum pro reservatione, non esse odiosa, sed fauorabilia potius tam Religioni, quam Religiosis, cum valde illos retrahant à peccatis, & multum iuuuent ad spirituales profectum eorundem, vt relati Pontifices testantur.

12. Ad secundum negatur maior. Bald. cap. super literis, de resc. verb. quod si Papa in priuilegio. vbi ait, clausulam, pro expressis habentes, non derogare dispositioni pro antecedenti, in qua peratur mentio expressa illius, prout reuera petitur in prædictis priuilegiis Pontificum. Idem docet Ant. Gabr. tom. 2. sit. de caus. conclus. 5. quod maxime habet verum,

D

quando

quando primum priuilegium concessum est toti Religioni, aut communitati. nam liget priuilegium concessum priuato monasterio, aut particulari personæ tanquam odiosum contra ius commune stricte interpretandum sit, & facile etiam derogetur, vt ex Dec. Anan. Alberr. & Feder. probat Anton. Gabr. tom. 2. lib. 6. tit. de reg. iur. concl. 9. n. 5. tamen priuilegium concessum per Bullam, & in perpetuum toti Religioni, reputatur fauor, & ius, non minus, ac si esset insertum in corpore iuris, vt habetur in compendio Mendicantium, verb. *Priuilegiū, ad fin.* & docet D. Thom. opusc. contr. impugnantes Religiones, cap. 4. col. penult. & probat Bald. tract. exempt. cap. 1. & 2. vbi ait, exemptionem Regularium à iurisdictione Episcoporum cedere in magnum fauorem Religionis, ideoque interpretandam esse late, vt non facile derogetur; sed de his latius cap. 2. dub. 19.

13. Ad tertium respondetur, quòd dum Pontifex præbet facultatem virtute Bullæ ad vscendum lacticiis tempore Quadragesimæ, dispensat in iure communi, ac propterea opus fuit vt exprimeret personas, quibus talis facultas non suffragatur. Dum verò præbet facultatem eligendi Confessorem pro reseruatis, satis fuit, vt exprimeret, se non reuocare Mendicantium priuilegia Superioribus concessa in ordine ad suos Fratres, vt *dubio sequenti* ostendimus.

14. Ad quartum, dico primò, cæteris patibus, benigniorem opinionem esse eligendam. Hic verò non sunt cætera paria, nec ex parte Doctorum, nec ex parte rationum.

Dico secundò, benigniorem opinionem esse eligendam. Tamen in præsentī illa iudicanda est benignior, quæ & securior, & regulari disciplinæ vtilior habetur; & huiusmodi est pars negatiua.

15. Ad quintum, quod ex variis inconuenientibus desumitur, respondetur primum eorum non ob stare, quia, etsi intentio Pontificum sit, vt pecunia multa colligatur in subsidium belli, non tamen derogando, nec præiudicando priuilegiis, & indultis Religiosorum, quæ ad continendum eos in maiori obseruantia sacri Pontifices antea concessere.

Non obstat secundum, quia etiam ex opposita sententia grauissima incommoda oriuntur, per quæ ipsæ Religionēs solent interdum infirmari, & Religiosi licentiosius viuere.

Tertium etiam non obstat, quia, etsi attendendo dumtaxat ad humanam fragilitatem difficilis sit Religiosis præfata peccatorum reseruatō, facilis tamen est cum diuina gratia secundum legem ordinariam. Quòd si quempiam Religiosum (quod Deus auertat) in mortale reseruatū labi contingat, non ita est difficile remedium (vt contraria sententia exaggerat) cum facile possit à Superiore, absque eo, quòd nullo modo agnoscat delinquentem, impetrari licentia pro illius absolutione. Id autem, quod *ibidem* additur ex Pio Quarto, & aliis Pontificibus, fateor, expediens esse, aliquando, quippe amplam illam libertatem concedere ad tempus, laudabile est, non ita in perpetuum. Vnde, nec ipse Pius IV. id licere iudicauit, cum in sequentibus Bullis ab eo expeditis præfatam clausulam omnino abstulerit. Nec valet dicere, quòd vbi lex non distinguit, nec nos distinguere debemus; id enim falsum supponit, quia Pontifex in Bulla Cruciatæ excipit priuilegia concessa Superioribus Mendicantium.

D V B I V M

DVBIVM XII.

*Quo sententia authoris circa propositam difficultatem explicatur.*

1. **S**uppono in primis, Clementem Octauum *sub die 23. Novebris 1599.* ad instantiam Procuratoris generalis sanctæ Mariæ de Maiore Carmelo constitutionem edidisse, qua declarat, concessionem Cruciatæ, & aliorum indulgentiarum particularium, quantum ad articulum eligendi Confessarium, & absolventi à referuatis cum Regularibus utriusque sexus, tam mendicantibus, quam non mendicantibus, tam Prouinciæ Hispaniæ, quam extra eam ubilibet, locum inuicem habere; sed suæ intentionis, & Sedis Apostolicæ existere, quod iidem Fratres, & Moniales, quantum ad sacramentum Pœnitentiæ, seu confessionis administrationem, dispositioni suorum Prælatorum subiecti sint. Hanc autem constitutionem Rodr. *sum. tom. 3. cap. 7.* opinatur exponendam fore, ita ut prædictis Religiosis solum interdicitur vsus Bullæ quoad articulum eligendi Confessorem pro absolute à referuatis, non tamen ab aliis etiam mortalibus. Ducitur, quia, ut in iure disponitur ex proœmio constitutionis, limitanda est eiusdem determinatio; in proœmio autem præcitæ constitutionis sic habetur: *Cum in Bulla Cruciatæ, & alijs priuilegijs, qua ab Apostolica Sede concedi solent, detur facultas eligendi Confessorem idoneum ab Ordinario approbatum, qui possit Christi fideles absolueri à casibus Ordinario referuatis, & à quibusdam etiam, qua dictæ Sedi referuata sunt, Religiosi d. Ordinis, seu eorum nonnulli ipsi etiam vii præsumant.* hæc ibi. Ex quibus infert ut supra, atque ita sensisse, & subscripsisse viros doctissimos Academia Salmanticensis testatur ibidem Rodriq. Cæterum Villalob. *sum. tom. 1. tract. 27.*

*claus. 9. num. 12.* refert opinionem multorum asserentium præallegatam Clement. VIII. constitutionem limitandam fore, ut solum impediatur, seu prohibeat, ne elegant Religiosi Confessorem extra Ordinem pro absolute à referuatis, cum huiusmodi constitutio ad hoc solum fuerit requirita, ut deducitur ex relatione, quæ initio illius apponitur, si rectè considerentur verba eiusdem, ibi, & illorum prætextu, eligunt Confessorem aliquando, præter eos, qui a suis Prælatibus eorum confessionibus deputati sunt, quod aliquando in speciale eorum vergit detrimentum. & refert pro hac sententia Alphons. Curiel, & Antol. Augustin. utrumque eruditissimum, & successiue Primarium sacre Theologiæ Professorum in Academia Salmanticensi, Petr. Cornejo Carmelitanum, magnæ æstimationis virum, & in eadem Academia cathedram Durandi regentem, Ferdinandum similiter de Campo, Franciscanum, in eiusdem ciuitatis Conuentu prælectorem, utique doctissimum, & plures alios Societatis, & Dominicanæ familiæ Magistros præstantissimos, quos etiam nominatim recenset Ioan. à Cruce *de stat. relig. lib. 1. cap. 6. dub. 13. concl. 3.* Prædictam constitutionem confirmavit alia sua speciali S. D. N. Urbanus Octauus *sub die 19. Iunij 1630.* ad instantiam Procuratoris generalis Ordinis Prædicatorum, quam ideo utroque prædicto modo interpretari posse, similiter opinantur nonnulli.

2. Nihilominus verius censeo, Regulares tam mendicantes, quam non mendicantes, tam Fratres, quam Moniales virtute Cruciatæ non posse, absque licentia suorum Prælatorum, Confessorem extra Religionem eligere, nec absolui ab iis, quæ suis Superioribus referuata sunt; non tamen eisdem prohibetur Confessorem eligere intra Religionem pro absolute à mortalibus non

reſervatis eorum Superioribus. Hæc conſuſio, quam certiffimam exiſtimo quoad primam partem, defenditur à DD. per Villalob. inſinuatis; & quoad ſecundam tenetur à Rodr. & Salmanticensibus. Sed quoad utramque probatur in primis ex præſcripta conſtitutione Clem. Octavi, ex cuius præmio conſtat, eam limitandam fore quoad prohibitionem eligendi Confefſorem extra Religionem, & abſoluendi à reſervatis, ut ex præmiſſa duplici expoſitione habetur.

3. Nec immeritò, quia, ut docent Tiraquel. *tit. ceſſante cauſa, limit.* 1. n. 65. Guttier. *præſt.* 99. lib. 3. q. 17. n. 90. & 91. Paz *conſ.* 92. n. 6. & Salas *de legib. diſp.* 17. ſect. 9. n. 13. cum alijs, quos hi referunt; ex præmio colligitur animus, & intentio Legislatoris, necnon totius decreti intellectus, ac limitatio.

4. Probatur deinde, & diſtinctius, ex conſtitutione Urbani VIII. quæ cum ſit poſterior, eidem abſolutè ſtandum eſt, ubi inter alia ſic habetur: *Sed noſtra intentionis fuiſſe, & eſſe, quòd idem Fratres, & Moniales, quantum ad ſacramenta Pœnitentia, ſeu Confeſſionis adminiſtrationem ordinaria diſpoſitioni ſuorum Prælatorum & Sedis Apoſtolice quoad ſibi reſervata ſubiecti ſint, eorundem tenore præſentium perpetuo declaramus.* Vnde aperte deducitur, virtute huius conſtitutionis, ſolùm prohiberi Religioſis uſum Cruciatæ quoad articulum eligendi Confefſorem extra Religionem, & abſoluendi à reſervatis eorum Superioribus dumtaxat.

5. Probatur ſecundò, quia licèt Pius IV. in Bulla per ipſum anno 1561. expedita, concedat, quòd Regulares etiam mendicantes poſſint abſque ſuorum Prælatorum facultate gaudere cunctis illius Bullæ priuilegijs, eam tamen clauſulam in Bulla ſequentis anni auferri voluit, & deinceps nec ipſe, nec eius ſucceſſores illam remiſerunt. Vnde

apertè deducitur, ſaltem poſt dictum Pontificem, nunquam fuiſſe Regularibus conceſſam facultatem eligendi Confefſorem extra Religionem, & abſoluendi à reſervatis abſque ſuorum Superiorum licentia: immo fuiſſe, & eſſe expreſſè prohibitam, declarant manifeſtè variæ Pontificum conſtitutiones, quibus expreſſè interdicitur uſus Cruciatæ ad huiusmodi effectum, ut habetur ex allegatis *dub.* 11. *præcedenti*, in fauorem opinionis negatiuæ. Immo temerarium potiùs videtur id in contrarium interpretari, attentis tot Pontificum declarationibus, quibus cauetur expreſſè, non eſſe, nec fuiſſe vnquam intentionis Sedis Apoſtolice prædictam facultatem Regularibus virtute Cruciatæ concedere; quod eſt magna conſideratione dignum. Ita, vltra Clementem VIII. & Urbanum VIII. declarauit Leo X. in fauorem Minorum, Alexander III. in fauorem Cisterciensium, Pius V. in fauorem Prædicatorum, & Gregorius XIII. in fauorem Societatis Jeſu, & alij.

6. Probatur tertio, quia ſub clauſula generali non comprehenduntur particularia, quæ non erat quis veriſimiliter in ſpecie conceſſurus; ut habetur ex *reg. iur.* in 6. At huiusmodi facultas habet in Religioſis ſpecialem quandam rationem, & (ut ita dicam) difformitatem. igitur non eſt veriſimile Religioſos comprehendere ſub verbis ſolùm generalibus, quoad illam facultatem, etiamſi, quoad alios, Bullæ fauores comprehendantur, ut *dub.* 10. oſtenſum eſt. Maior, & conſequentia patent; minor autem probatur, quia talis facultas vergeret ſanè in magnum Religionum detrimentum, ut experientia reddit manifeſtum. Ad hæc Pontifex, dum generale priuilegium concedit, non præſumitur comprehendere particulares caſus, qui vel præiudicium tertij includant,

includunt, vel sunt contra speciale alterius ius. In casu autem, de quo nunc agimus, intercedit Religionis præiudicium, vt indicant Pontifices prædicti in suis declarationibus; & Prælatorum ius, quod absque dubio habet aliquid magis speciale, quam ius Parochorum, aut Episcoporum circa subditos sæculares. Prælati namque Regulares habent specialem obligationem procurando non solum salutem spiritualem, sed perfectionem etiam suorum subditorum, & suæ Religionis conseruationem, quoad disciplinam regularem, vt rectè perpendit Suar. *de Relig. tom. 4. lib. 2. c. 16. n. 6.* ergo non est verisimile, quodd Pontifex intendat talem facultatem Regularibus virtute Cruciatæ concedere.

7. Quartò probatur à simili ex Concilio Tridentino, quodd *sess. 20. c. 10.* cum expediens iudicauerit, bis, terte in anno Monialibus dari Confessores extraordinarios; illos tamen esse voluit designatos ab Episcopis, vel Superioribus. Ratio est, quia, cum illa esset lex perpetua, censuit Sac. Concilium esse maximum inconueniens, liberam Monialibus facere facultatem, vt vna, vel altera vice in anno possent suo arbitrio Confessorem eligere. Igitur non videtur credibile, Pontificem Regularibus, siue Fratribus, siue Monialibus concedere absolutam licentiam id semper faciendi virtute Cruciatæ, vel cuiuscumque alterius priuilegij, quod vel sit perpetuum, vel per continuam successionem semper duret, præsertim pro absolutione à casibus reſeruatis.

8. Quintò probatur, quia iuxta nostram sententiam euitantur præcipua vtriusque opinionis *precedenti dub.* adductæ inconuenientia; euitatur namque occasio infamandi Religionem, si cum nequeant Regulares extra illam, virtute Cruciatæ, Confessorem eligere. eui-

tatur dissolutio disciplinæ regularis, cum nequeant similiter de casibus reſeruatis eorum Superioribus, absolui. quæ duo ex opinione affirmatiua sequebantur. Deinde euitatur, ne quis præ nimia verecundia sæpe reuelandi Confessori designato defectus ordinarios non reſeruatos, mortales tamen, confessionem interdum efficiat sacrilegam. Euitatur demum occasio minuendi subsidium contra infideles per Bullam prætenſum, vt ex opinione negatiua infertur; quia adhuc supersunt multa pro Regularibus priuilegia, non solum quoad indulgentiarum conſequutionem, votorum commutationem, & eiusmodi alia, quæ in Bulla continentur, sed quoad absolutionem à reſeruatis Sedi Apostolicæ, etiam in Bulla Cœnæ, per Confessorem tamen intra Religionem electum, & approbatum, quod est priuilegium magni faciendum, præsertim iuxta probabilem opinionem eorundem, qui asserunt Prælati regularibus per promulgationem Bullæ in Cœna Domini, tolli auctoritatem absoluendi suos subditos à casibus eiusdem Bullæ.

9. Neque obstat, si dicas, in aliquibus priuilegiis interdum Pontifices concedere similes licentias non solum sæcularibus, sed Regularibus etiam, vt contingit tempore Iubilæi solemnis, & in casibus ad commune Reipublicæ Christianæ beneficium spectantibus. Igitur non abs re potest præsumi, quodd virtute Cruciatæ simili gratia, & facultas concedatur; cum causa illius sit grauissima, & bonum commune fidei Catholicæ concernat vt patet ex ipsius Bullæ præmio.

Respondeo, non esse inconueniens, immo interdum expediens dictam facultatem concedere pro vna, vel altera vice, id namque non solum absque præiudicio Religionum, sed cum fructu

etiam non mediocri potest interdum fieri, præsertim respectu aliquorum, qui vel ex verecundia, vel timore, aut naturali pusillanimitate non audent defectus suos Confessori ordinario explicare. At in privilegiis perpetuis, quæ vel ad longum tempus, seu ad ordinarium confessionis usum conceduntur, aliter videtur sentiendum, quia per huiusmodi facultatem, & usum potius euertetur disciplina religiosa, ut experto constat manifestè.

10. Obiicies secundò, quia communiter Doctores admittunt privilegia concessa alicui communitati, ob bonum illius æquiparari, ac si essent inserta in corpore iuris: imò privilegium prohibens, ne Regulares confiteantur aliis, quam Confessoribus per eorum Prælatos destinatis, est in corpore iuris in *Extravaganti inter cunctas, de priviil.* & consequenter de eius revocatione eodem modo sentiendum est, atque de revocatione alterius legis; sed leges communes revocantur per posteriores, etiam si de illis non fiat mentio, quoties posterior lex stare non potest cum priori, ut latè probat Suar. *lib. 6. de leg. c. 27.* Igitur dicendum est, privilegium illud per hoc posterius Bullæ revocari, quod etiam conceditur Hispanorum Reipublicæ, & ob bonum commune, ac proinde est amplè interpretandum, cum legi æquiparetur.

Respondeo negando consequentiam; privilegium enim Bullæ, quoad istum articulum, suspenditur pro Regularibus per illam clausulam in ipsa contentam; exceptis tamen cõcessis Ordinum mendicantium Superioribus, quoad eorum Fratres, atque ita fuisse sibi responsum à Clemente VIII. testatus est Reuerendissimus Pater Sosa olim totius Ordinis Franciscani Minister generalis, & Episcopus Osimensis in quodam Prouinciæ Sancti Iacobi Capi-

tulo, cui interfuisse, & sic testantem audiuisse refert Rodr. *sum. tom. 3. c. 7.*

11. Obiicies tertio, quia per dictam clausulam, solum excipiuntur à derogatione priuilegia Regularibus concessa circa indulgentias, non verò privilegium prohibens facultatem eligendi Confessorem, & absoluedi à referuatis, alioquin Pontifex non restringeret exceptionem illam ad Mendicantes, cum etiam non Mendicantes specialibus decretis Pontificiis prohibiti sint eligere Confessorem, & absolui à referuatis. igitur, vel dicendum est, saltem non Mendicantes virtute Cruciatæ posse eligere Confessorem, &c. quod videtur absurdum, cum nulla possit ratio assignari, cur tantum id Mendicantibus prohibeatur, vel dicendum est, per illam clausulam solum comprehendendi priuilegia Regularibus concessa circa indulgentias. Hanc rationem valde extollit Basil. Pont. de Leone *loco citando*, putans esse ferè irrefragabilem; mihi tamen non ita videtur. Quare

Respondetur primò retorquendo argumentum; idem enim potest obiici, si dicta clausula exponatur de indulgentiis, quippe, nulla etiam potest assignari, immo nec excogitari sufficiens ratio, cur potius ad Mendicantes, quam ad non Mendicantes tunc restringatur; cum etiam non Mendicantibus plures sint per Sedem Apostolicam indulgentiæ concessæ.

Respondetur secundò per illam clausulam multa comprehendendi, idest, non solum indulgentias, sed omnes etiam gratias, & facultates in Bulla concessas; clausula namque in fine posita, & verbis generalibus concepta, cadit in omnia præcedentia, ut Iuristæ communiter tradunt, & ostensum est *dubio præcedenti*. Excipiuntur autem præcisè Mendicantes ob peculiarem Sedis Apostoli-

et affectum erga illos, ne forsitan alicuius privilegij reuocatio in regularis Obseruantie eorum vergeret detrimentum. Nec inde sequitur, non Mendicantes virtute Cruciatæ posse Confessorem eligere pro absolutione referuatorum, tum ob priuilegiarum communionem, quam habent; tum quia id per diuersas constitutiones Pontificias, ac nouissimè Clem. VIII. & Urbani VIII. sic expressè cautum habetur.

12. Obiicies quartò, quia prædictæ constitutiones, seu declarationes Pontificiæ ad summum durant, quandiu durat vita Pontificum, qui eas ediderunt, per Bullam enim Cruciatæ editam à successore reuocantur: imò nonnulli opiuntur, constitutionem declarationem cuiuscumque Pontificis non extendi ultra annum; tum quia Bulla Cruciatæ incipit, & expirat singulo quoque anno, & consequenter prohibitio, seu declaratio ab vno Pontifice edita reuocatur per Bullam eiusdem anno sequenti promulgatam. tum quia Pontifex potuit suam constitutionem reuocare; censetur autem reuocasse eo ipso, quod priuilegium concessit absque vlla limitatione saltem generali quoad omnes Regulares; si enim voluisset Religiosos non gaudere eo priuilegio, expressisset in Bulla sequentis anni.

13. Respondetur primò, per Bullam Cruciatæ suspendi priuilegia rectam eiusdem Bullæ expeditionem impediencia, cum tamen hæc sit generalis suspensio, non comprehendit priuilegia, quæ speciale requirunt suspensionem, cuiusmodi sunt ea, de quibus in præsentem est nostra disputatio.

Respondetur secundò Pontifices, à tempore Leonis X. vsque ad Urbanum VIII. semper declarasse, vt supra; ridiculum autem videtur dicere, quod Pontifices velint suas declarationes, seu constitutiones reuocare per Bullam

anno sequenti promulgandam, nulla de illis facta speciali mentione.

14. Obiicies quintò, quia Bulla Cruciatæ pro anno sequenti promulgata non videtur propriè eadem cum præcedenti, sed noua, ac diuersa, quamuis sit eiusdem Pontificis. Ratio est, quoniam concessio Bullæ facta ab vno Pontifice, etiam pro toto vitæ suæ tempore, æquiualeat multis concessionibus, itaut sint quasi repetitæ concessionibus annuæ, hoc enim priuilegium dumtaxat annum est, & singulo quoque anno finitur, & expirat, itaut elapso promulgationis anno, non possit quis amplius tali priuilegio frui, nisi sequenti anno promulgetur, & denud Bulla sumatur. Exemplum habetur in iure accomodatissimum, quoniam si in singulos annos sit relictum legatum, vel vltusfructus, censentur plura annua legata, & quolibet anno repetita. *l. cum in singulos. ff. de annu. legat.* Idem videtur dicendum de Bulla, quæ pro pluribus annis conceditur, & quolibet anno finitur, & incipit cum noua promulgatione. Hoc argumento vitur Basil. Pont. de Leone *in quodam suo manuscr. de penit. c. 4. dub. 2.* atque illud confirmat exemplo ex alio casu valde simili. Nam Sixtus V. in quadam sua constitutione edita contra procurantes abortum, id peccati genus sibi absoluendum reseruauit, voluitque vt virtute Cruciatæ quis absolui nequiret, expressè enim illi derogauit. Et nihilominus Suar. de hoc consultus, respondit, posse absolui ab eo peccato per Bullam anni sequentis, cum illud sit annuum, & nouum priuilegium, & nouo eo concessio, videtur derogata prima constitutio, cuius in nouo priuilegio nulla fiebat expressio, seu exceptio. hoc autem consultum testatur *ibidem* Basilius legisse, & apud se habuisse.

Respondetur tamen, quod quicquid

fit

sit de consulto, Suatez nihil refert, quia sapientis est mutare consilium. Constat autem ipsum *tom. 4. de Relig. lib. 2. c. 16.* contrarium sensisse: immo volens ostendere, nec ante, nec post Clementem VIII. potuisse Regulares virtute Cruciatæ eligere Confessorem extra Religionem, vel absolui à reſeruatis, id probat, quia non solum alij Pontifices, sed etiam Clemens VIII. declararunt, concessionem Cruciatæ, quoad articulum eligendi Confessorem, & absolvendi à reſeruatis, non habuisse, nec habere locum in Religiosis, aut Monialibus vsque ad eius tempora. Igitur (inſert Suar.) neque modò habebit. Probat consequentiam ex eo, quia tenor Bullarum subsequentiū est omnino idem, & immutatus, præsertim quoad extensionem, seu comprehensionem personarum, quæ priuilegiis Bullæ vti possunt; & solum certo annorum numero, nempe sexto quolibet anno, & Sede Apostolica accipit confirmationem, eodem tamen manente Bullæ tenore: ergo, si antea Bullæ concessio non comprehendebat personas religiosas, vt prædicti Pontifices declarant, nec modò comprehendet; noua enim extensio ad illas non censetur fieri, nisi per nouam clausulam, seu nouam declarationem id explicetur.

### DUBIUM XIII.

*An sufficiat tacita Prælatorum licentia, vt Religiosus possit Bullam Cruciatam sumere ad effectum eligendi Confessorem, & cuius Prælati licentia requiratur.*

1. **P**Artem affirmatiuam tenent expresse Enriq. *lib. 7. c. 22. n. 4.* Rodr. *in Bull. §. 9. n. 25.* & idem sentiunt DD. allegati *dub. 11.* pro parte affirmatiua. Et

Probatur primò, quia licet sæpe contingat, quòd Regulares non habeant expressam suorum Prælatorum facultatem, dum nec ab eis explicitè datur, nec à subditis explicitè petitur, vt in multis Religionibus vsus, & experientia docet; habent tamen ad id tacitam Prælatorum facultatem, eamque sufficere arbitrantur præcitati authores, quia (vt habetur ex iuris axiomate) qui tacet, consentire videtur, & tacitus consensus dat iurisdictionem, vt trad. Nau. *cap. placuit, de pœnit. d. 6. n. 96.* Alcoq. *sum. c. 9. concl. 9.* Insuper consuetudo ampliat, & dat iurisdictionem, vt docet Nauar. *sum. c. 27. n. 255.* & habetur ex *cap. si duo, cum glos. de off. ord.* sed sic est, quòd in multis Religionibus etiam mendicantibus, videt Prælati subditos absque licentia ab eis impetrata, Bullam sumere ad effectum absolutionis à reſeruatis, & hæc esse vniuersalem suarum Religionum consuetudinem, ergo ex tali consuetudine, & tacito consensu licitè possunt Regulares vti Bulla ad prædictū effectum absque expressa Prælatorum facultate, præsertim cum possint, & nolint id prohibere.

Secundò probatur, quia non solum fuit Regularibus prohibitus per Leonem X. *vbi supra*, vsus Bullæ ad prædictum effectum, sed etiam ad vescendum cibis vetitis, vt habetur *in compendio priuilegiorum Mendicantium, titul. Cruciatæ, fin. & titul. absolutio ordinaria quoad Fratres §. 21.* sed, hoc non obstante, ex tacito Prælatorum consensu, vt consuetudo ipsa probat, possunt vti, & de facto vtuntur, prædicti Regulares Bulla ad cibos prohibitos, ergo ex eodem tacito consensu, vel consuetudine introducta possunt licitè vti priuilegio Bullæ pro absolutione à reſeruatis.

Neque obstat huic doctrinæ textus *in c. si Episcopus, de pœnit. & remiss.* vbi habetur, nulla consuetudine introduci posse,



posse, vt quis pro sua libertate eligat Confessarium. Respondetur enim quòd prædicti Regulares, dum ex tacito Prælatorum consensu id videntur, & non prohibentur, vtuntur prædicto priuilegio Bullæ, iam non ex sua, sed ex tacita Prælatorum suorum voluntate eligunt Confessarium.

Tertio probatur, quia leges reuocatoriæ priuilegiorum non celsentur vim, seu robur habere, donec promulgentur, non solum in Prouincia, sed etiam in diocesi, vt tradunt *Sot. lib. 1. de iust. q. 2. art. 4. & Metina 2. 2. q. 1. art. 4. & plures alij*, qui in materia de legibus referri solent. Igitur indulta Regularibus per Sedem Apostolicam facta, quibus priuilegium cunctis fidelibus virtute Cruciatæ concessum reuocatur, non habent robur contra Regulares ipsos, vbi non sunt promulgata, saltem in Capitulis prouincialibus, seu Conuentuum visitationibus per Superiores factis. Ratio est, quia per huiusmodi promulgationis defectum videtur Superiores quodammodo renunciare suis indultis, & consequenter tacitam suis subditis concedere facultatem vtendi Bullæ.

Hæc opinio satis probabilis, & pia mihi videtur; nihilominus tutius existimo, quòd requiratur expressa Prælatorum facultas, vt Religiosi possint Bullam sumere ad prædictum effectum, tum quia id exprimit Leo X. & alij Pontifices, tum etiam, quia sic deducitur ex constitutione Sanctissimi D. Urbani VIII. dum in sua præallegata constitutione statuit, quòd Regulares teneantur stare dispositioni suorum Prælatorum quoad sibi reservata: vnde sufficiens sumitur argumentum, quòd requiratur expressa Prælatorum licentia; tum denique, quia prædicta constitutio id disponit ex Motu proprio, & consequenter obligat Regulares omnino.

Ex dictis colligo, saltem in Religio-

nibus D. Bernardi, & Societatis IESV non posse quenquam huiusmodi licentiam tacitam in sui fauorem allegare, cum sufficienter eorum concessionis promulgentur. Idem sentio de Religione Minorum regularis Obseruantia, cum in generali Congregatione, sub anno 1621. Segouiz celebrata (præsidente in ea Reuerendissimo Patre Fr. Benigno de Genua totius Ordinis Generali Ministro) sic fuerit decisum. Et quidem de aliis Religionibus idem similiter videtur sentiendum iuxta præcitatam Urbani Octauii constitutionem.

2. Sed quæres primò, an Commissarij Generalis Cruciatæ declaratio sit nunc sufficiens, vt Regulares absque Prælatorum licentia possint priuilegio Bullæ vt ad prædictum effectum?

Respondetur negatiue, nam sic habetur expressè in prædicta constitutione Urbani, vbi aliter declarandi, seu interpretandi auctoritas interdicitur omnibus, & singulis iudicibus ordinariis, & delegatis, etiam causarum Palatij Apostolici Auditoribus, & S. R. E. Cardinalibus, etiam de latere Legatis, ac Sedis Apostolicæ Nunciis; necnon Cruciatæ Commissariis.

3. Quæres secundò, cuius Prælati licentia requiratur, vt licitè, & validè possint Regulares Bullam ad prædictum effectum sumere?

Respondetur, quòd cum in casu isto agatur de iure tertij, ad eum Prælatum spectat, huiusmodi licentiam cedere, ad quem de iure còmuni spectat à casibus reservatis absoluerè, & consequenter requiritur licentia Prælati Generalis, seu Prouincialis, nec sufficiens videtur licentia Prælati localis, nisi fortasse in iis Religionibus, in quibus Prælati locales possunt etiam de iure à dictis casibus absoluerè, & absoluerè facultatem aliis quoque delegare.

## DVBIUM XIV. &amp; VLT.

*Verum saltem Nouitij cuiuscunque Religionis, etiam mendicantis, possint absque Prælatorum licentia tacite, vel expresse sumere Bullam Cruciatæ ad eligendum Confessorum pro absolutione à reſeruatis.*

I. **N**onnulli recentiores cum Cord. lib. 1. quæst. 9. 30. & Collecto. in comp. priuileg. Mendicantium, verb. *absolutio, quoad fratres.* §. 4. dub. 2. & Pasarel in comp. Minimorum tit. notanda priuilegia. §. 15. fol. 179. asserunt, non posse vti priuilegio Bullæ ad prædictum effectum absolutionis à reſeruatis.

2. Cæterum oppositum cenſeo verius, & omnino tenendum, sicut tenent etiam Enriq. lib. 7. cap. 21. Rodr. in Bull. §. 4. n. 27. & tom. 1. quæst. regul. q. 21. art. 1. 1. & Lop. in sum. lib. 1. cap. 27. asserentes, hanc opinionem esse communem DD. & probatur

Primo ex communi sententia DD. cum Syluest. ver. *Nouitius.* §. 9. 6. Rosel. ibi. §. ult. Angel. §. 18. Sot. 7. de iustis. q. 2. art. 1. qui omnes sine controuersia docent, Nouitios non obligari ad præcepta Regulæ, ergo nec obligantur ad non sumendam Bullam ad prædictum effectum sine licentia Prælati. Patet consequentia, quia grauius multo esset, obligare illos ad non gaudendum Bulla pro absolutione à reſeruatis, quam ad seruanda alia præcepta Regulæ, ergo ad id non obligantur, cum eadem sit vtriusque ratio. Et licet Nouitij quibusdam priuilegiis professorum gaudeant, non inde statim fit consequens, sentire debere sub peccato grauiora onera illorum, cum fauores sint ampliandi, & odia restringenda.

Secundò, quia, vt habetur ex c. monasterijs 19. q. 3. & cap. ad Apostolicam, de

*Regular.* Nouitij solum ingrediuntur ad probandum, & experiendum, si mores Religionis illis placeant, non tamen ingrediuntur ad probandum cum grauiamine, quod habent professi, vt si contrarium faciant, peccent mortaliter. ergo Nouitij rectè possunt vti Bulla absque facultate Prælatorum, quantumuis Regula, & Prælati id eis prohibear. Maior, cum consequentia est nota, & minorem probo exemplo paupertatis; veniunt namque Nouitij ad experiendam paupertatem, & tamen, quamuis magnam pecuniæ quantitatem donent, vel donatam accipiant, absque vlla Prælatorum licentia, non peccant mortaliter. Neque obstat, si velis hanc rationem retorquere, dicens, quòd cum Nouitij ingrediuntur ad probandum, an possint ferre austeritatem Regulæ, etiam debent probare prædictum rigorem de non eligendo prohibito Confessario pro reſeruatis. nam respondebo, quòd in ipso effectu expediens est, illum rigorem probare, sed ad id sunt à Magistris inuitandi, non tamen ad id tenerentur sub obligatione peccati mortalis. Neque opus est, vt Nouitij totum Religionis rigorem & singula eius grauamina experiantur, sed quòd illa nouerint, vt sic voluntariè ea suscipiant. Immo est contra consilium Patrum, proponere rotum Religionis rigorem in principio experiendum, sed paulatim proponendus est.

Tertiò probatur, quia priuilegia concessa Religionibus ad impediendum vsum Bullæ in ordine ad prædictum effectum absolutionis à reſeruatis, solum id prohibent illis, qui verè religiosi sunt, sed Nouitij non sunt verè religiosi, vt docet Sylu. ver. *religiosus.* §. 9. 9. 10. & 12. Rosel. ver. *novitius.* §. 12. Ang. ver. *religiosus.* §. 3. & 4. Rodr. ubi supra, & constat ex cap. religiosi, de sent. excom. in 6. vbi nõ impeditur Nouitius facere testa-

mentum,

mentum, neque illud reuocare, vt docet Couar. c. 12. de testam. n. 4. & colligitur ex Tridétino sess. 25. de regul. c. 16. Nec potest puniri à Prælato carcere perpetuo, etsi delictum sit atrocissimū, teste Sylu. ver. Religio q. 7. & Rosel. ver. Nouitius. §. 12. Et ratio ipsa idem manifestè comprobatur, quia, cum Nouitij auct annum impletum probationis non emiserint tria essentialia Religionis vota, prout sunt necessaria ad constituendum verum Religiosum, aperte sequitur, ipsos non esse veros religiosos, & consequenter non prohiberi eis per prædicta priuilegia vsum Bullæ pro absolutione à reseruatis, cum illa solum loquantur cum religiosus, qui verè tales sunt.

Verum quia video nonnullos Religionum Prælatos ita adherere oppositæ sententiæ, vt hanc nostram prædictam assertionem nullo modo probabilem autumēt, nec consulendam iudicent tutæ conscientia, placet quibusdam eorum obiectionibus facere satis.

3. Obiiciunt enim primò, quòd qui mutat domicilium, subditur omnino speciali iurisdictioni Prælati illius loci, ad quem migrat, vt constat ex c. fin. de paroch. & c. proposuisti, & cap. fin. de for. comp. & docent Sylu. vers. domicilium n. 2. & Cord. lib. 1. quæstion. q. 30. in 2. sententia prob. 7. sed Nouitius mutat domicilium propter susceptionem habitus. ergo manet omnino subditus Prælato Religionis, & extra iurisdictionem Episcopi, & Parochi. Maior cum consequentia est nota; & minorem probò, quia sibi dicitur quis habere domicilium, vbi se transfert cum animo in eo loco remanendi, vt constat ex c. fin. de paroch. & c. ad Apostolicam, de decimis, verb. ostensus; sed huiusmodi est Nouitius, vt de se constat. ergo verè suscipiendo habitum mutat domicilium, atque ideo manet intra iurisdictionem

Prælati quantum ad sacramentum Pœnitentiæ; sicut & professus.

Respondeo ita esse, quòd ex mutatione habitus, & ingressu Religionis verè mutatur domiciliū, & manet Nouitius sub iurisdictione Prælati, itaut Prælatus sit, secundum ius còmune, proprius eius Sacerdos, cui debeat confiteri, & non alteri, nisi de eius licentia; cum hoc tamen stat, quòd talis Nouitius ex priuilegio Summi Pontificis, quale ei conceditur in Bulla Cruciatæ, possit eligere Confessariū abque licentia Prælati pro absolutione à reseruatis.

4. Secundò obiiciunt, quia, vt constat ex compendio priuilegior. Mendicantium, solum absolutio ordinaria quoad Fratres. §. 4. Summus Pontifex solis Prælatis Religionum, vel ab eis delegatis, concedit facultatem absoluedi Nouitios: ibi enim dicitur quòd Ministri Generalis, & Prouincialis, eorūque vices gerentes & custodes possint eisdem Nouitios absolvere, & cum eis dispensare. ergo aliis, præter istos, non concedit Summus Pontifex facultatem eos absoluedi.

Ad hoc quidam respondent cum Cord. lib. 1. q. 30. per illam clausulam solum concedi facultatem Prælatis absoluedi à censuris, & votis Papæ reseruatis; ne Nouitij his vinculis irretiti, occasione quærendi absolutionem, vel dispensationem Pontificis, à perfeuerantia in Religione impediuntur. Sed non placet hæc solutio, quia, per se loquendo, nullum votum est, quod non sufficienter commutetur in ingressum Religionis; quòd si votū fuisset de Religione strictiori, etiam per priuilegia Mendicantium, sufficienter satisfit voto, ingrediendo in quamlibet illarum, immo & in quamcūque aliam Religionem quæ communicet priuilegiis Mendicantium. Quare ad argumentum respondeo, re vera ibi concedi facultatem

absoluedi à peccatis; cum hoc tamen stat (vt *suprà* dixi,) quodd Nouitij ratione specialis priuilegij, cuiusmodi est Bulla Cruciatæ, possint absolui à referuatis per alios, quàm per assignatos à Prælatis.

5. Sed obiiciunt tertio, quia qui potest absolvere, potest ligare, & è conuerso, cum ligare, & absolvere sacramentaliter eiusdem sit potestatis, vt constat ex c. si Petrus 24. q. 1. & c. inferior. d. 21. & constat etiam ex l. qui condemnare. ff. de re iudic. & l. nemo la 1. ff. de reg. iur. Sed Prælati Religionum possunt absolvere Nouitios à peccatis: ergo & ligare, atque aded & coercere, vt dum in monasterio manent, & in disciplina regulari perseverant; non ergo alios Confessarios præter assignatos ab eis.

Respondetur, quodd quamuis Prælatus possit Nouitium, quandiu manet in claustro, ligare ad non vtendum priuilegij ab alio inferiore Prælato dimanantibus, non tamen potest illum coercere, ne vtatur priuilegiis à Summo Pontifice concessis, cum clausula derogatoria cuiuscumque prohibitionis, vt habetur in Bulla.

6. Et si ulterius vrgeas, quodd qui sentit commodum, sentire debet & onus, vt constat ex regul. qui sentit, de reg. iur. in 6. sed Nouitius gaudet commodis aliorum Religiosorum. ergo sentire debet & onera, quorum alterum est, non posse absolui à referuatis sine licentia Prælati; aliàs eius conditio amplecteretur omnia commoda sæcularium, & professorum.

Respondetur quodd Nouitij non gaudent omnibus priuilegiis professorum, sed aliquibus dumtaxat, & hoc ex speciali priuilegio. Vnde, sicut non sentiunt nisi illa tantum commoda, quæ eis sunt specialiter concessa, ita neque sentire debent onera, quæ non fuerint

illis specialiter imposita; inter quæ sanè hoc non inuenitur, vt omnibus compertum est. Neque est inconueniens, quodd Nouitius fruatur fauoribus, quibus sæculares, cum illi non pugnent cum statu Nouitij, si status dici possit. Et hæc quoad primum caput, dicta sint satis.

## C A P V T II.

De requisitis ex parte Sacerdotij, vt possit eligi in Confessorium virtute Bullæ.

### D V B I V M I.

An sit in Ecclesia potestas remittendi peccata, & quibus præcisè concessa.

1.  XTITERE olim plures heretici, qui hanc potestatem Ecclesiæ denegarunt, vt fusè ostendit Cyprian. lib.

de lapsis, à principio vbi huius perniciosissimi erroris authorem indicat, fuisse Nouatianum. Idem Ambr. lib. 1. de poenit. à princ. Augustin. autem hæres. 38. asserit, fuisse Nouatum. Hos verò diuersos extitisse, alterumque, nempe Nouatum fuisse Presbyterum Africanum, & alterum fuisse pseudochristum Romanum, qui contra Cornelium schisma excitauit, patet ex Damaso in vita Cornelij, ac ex eodem Cornelio in Epistola 1. Decretal. Hieron. etiam in lib. de scriptor. eccles. docet, primum huius erroris authorem fuisse Nouatum, qui postea sibi Nouatiani nomen adiunxit. Hic autem, postquam Episcopus factus est, huius hæresis, veluti caput, ac Princeps fuit æstimatus. Attamen, ob nominum similitudinem confusè de

de utroque historiarum agunt, ut habetur ex Eusebio lib. 6. c. 33. & 34. Niceph. lib. 6. c. 3. & segg. & Socrat. lib. 4. hist. c. 28. & lib. 8. Tripertita c. 9. Cæterum, omissis hæreticorum erroribus, sit

1. Prima conclusio. De fide tenendum est, Christum Ecclesie Pastoribus reliquisse potestatem remittendi peccata. Ita habetur expressè in Concil. Lateran. in c. *firmiter*, de sum. Trinit. & in Flor. in literis unionis sub nomine Clauis, expressius autem in Trid. sess. 14. c. 1. can. 3. & in Constant. sess. 8. & 15.

Sed probatur primò ex illo Matth. 16. *Tibi dabo clauis Regni celorum: & quodcumque ligaueris super terram, &c.* quæ verba Matth. 18. vniuersaliter prolata sunt ad omnes Christi discipulos.

Probatur secundò efficacius ex illo Ioan. 10. *Accipite Spiritum sanctum, quorum remisistis peccata, &c.* quæ verba, communiter testantur DD. intelligenda fore de potestate remittendi peccata.

3. Sed quæres, num prædicta potestas conferat ad remissionem culpæ, an verò ad remissionem poenæ?

Nonnulli opinantur per hanc potestatem non posse remitti peccatorum culpas, sed solum declarari remissas, & remitti poenas, immo etiam quoad hoc vltimum, discrepant ipsi DD. Nam quidam asseruerunt huiusmodi potestatem solum ad remissionem poenæ temporalis conferre: alij autem ad remissionem poenæ æternæ. Priorem opinionem renuit Magister sentent. 4. d. 16. & 18. Altif. lib. 4. sum. tract. 6. c. 8. Alex. Alenf. 4. p. 9. 20. alias 21. memb. 1. S. Bonau. in 4. diff. 18. art. 2. q. 1. & 2. atque ibi Gabr. q. 2. & Maior q. 1. Abul. 1. p. defensorij c. 6. immò & Adriani. quolib. 5. art. 3. probabilem arbitratur hanc opinionem, dubiam tamen, ac propterea ab illa discessit.

Ducuntur primò, quia remissio pec-

cati, quoad culpam est propria solius Dei. præcipua namque ratio culpæ in Dei iniuria consistit, & consequenter ad illum solum spectat, culpam remittere.

Secundò, quoniam potestas ista semper ante omnem suam actionem supponit culpam remissam. igitur non est (dicunt) instituta ad culpas remittendas.

Probatur consequentia, nulla enim potentia actiua dicitur ordinari ad effectum, quem semper supponit iam factum, alioquin superflua esset. Antecedens probatur, quoniam potestas remittendi peccata ut aliquid operetur, supponit in subiecto interiorem poenitentiam, ac contritionem: at sine contritione nequit peccatum remitti, ea autem posita, tollitur; igitur, cum talis potestas sit verè potentia actiua, non est dicendum, quòd ordinetur ad culpæ remissionem, quam supponit factam, sed ad remissionem poenæ temporalis. Hinc præcitati DD. aiunt, potestatem hanc, & eius actionem fuisse indicatam Ioan. 1. vbi Christus Dominus solus Lazarum suscitauit, deinde eundem soluendum tradidit discipulis. Similiter solus Deus suscitauit hominem per contritionem, remittendo culpam, committit autem Ecclesie potestatem soluendi vincula poenarum, quæ manent. Ita videtur exponere Augustin. tract. 12. & 49. in Ioan. & Cyril. lib. 7. similiter in Ioan. c. 13. Greg. homil. 26. in Euang. Beda Ioan. 11. atque ibi D. Thom. & alij.

4. Secunda opinio, estò conueniat eum præcedenti, negando huiusmodi potestatem conferre ad culpæ remissionem, ob rationes assignatas, differt tamen, quia non solum tenet conferre ad remittendas poenas temporales, sed etiam æternas. Ita Hug. Victor. in sum. sent. tract. 5. c. 11. Ricard. de sancto Victor. lib.

*lib. de potest. ligan. & solu. c. 12.* atque idem ferè tenet Med. *C. de pœnis. trakt. 2. q. de effectu absolutionis sacramentalis*; quamvis enim asserat, per contritionem superponi remissam pœnam æternam, addit ramen Regnum cœlorum adhuc esse clausum, donec per hanc potestatem aperiatur. Ducuntur, quia ut potestas remittendi peccata sit clavis Regni cœlorum, oportet quod ipsum cœlum aperiatur, & consequenter est potestas tollendi peccatum quatenus impedit Regni cœlorum ingressum. Sed hunc impedit per æternam pœnam damni. ergo huiusmodi potestas confert ad illam tollendam, & in hoc sensu censet Med. sufficienter intelligi verba Christi, *Quorum remisistis peccata, remittuntur eis.* Sæpè enim pœna peccati, peccatum nuncupari consuevit, quod præcipuè verificatur de pœna æterna damni. atque ita non solum quadrat metaphora clavis Regni cœlorum, sed manet etiam salua necessitas, & efficacia tam confessionis, quam contritionis. Vnde tenet Med. per contritionem tolli culpam ac æternam sensus pœnam; damni autem pœnam non nisi in ordine ad hoc Sacramentum. Hug. tamen, & Ricard. de utraque pœna æterna damni, & sensus loqui videtur, forsitan quia hæ pœnæ cum proportionem sumptæ nunquam separantur, ideòque si æterna pœna damni non remittitur, nec pœna sensus absolute remittitur, ut notat Suar. *tom. 4. disp. 16. sect. 2. n. 4.* Sic nihilominus

5. Secunda conclusio. Proprius, primarius, & præcipuè intentus actus huius potestatis, est peccatum remittere quoad culpam, & consequenter etiam quoad pœnam æternam, necnon quoad temporalem, iuxta poenitentis dispositionem. De posteriori parte huius conclusionis nulla est controuersia inter DD. secunda verò pars necessariò se-

quitur ex prima, iuxta communem doctrinam asserentium quoddam, ablata culpa, necessariò tollitur æternitas pœnæ, & habetur ex Tridentino *sess. 6. c. 14.* ubi, cum dixisset, post remissam culpam nos debere adhuc satisfacere, subdit, non quidem pro pœna æterna, quæ vel Sacramento, vel Sacramenti voto vnâ cum culpa remittitur. Prior igitur, quæ solum superest probanda, de qualicet fuerit aliquando controuersia inter DD. nunc tamen adeò certa est, ut absque errore negari non possit; & est iam communis Theologorum in 4. *dist. 18.* & Richard. *ibi art. 2. q. 1.* Sot. *q. 3. art. 1.* & *dist. 20. q. 2. art. 1.* D. Thom. *d. 22. q. 2. art. 1. q. 3.* atque *ibidem* plerumque Thomistæ, & præsertim Capreol. & Ledesin. Caiet. *tom. 1. Opusc. tract. 18. q. 5.* Scot. *dist. 14. q. 4.* Palud. *dist. 19. q. 1.* ubi etiam Dur. & in eandem sententiam propendet Adrian. *q. 2. de clauib.* quibus adhæret Suar. *loc. cit.*

6. Suadetur primò ex absoluta, & propria verborum significatione, quæ retinenda est, quantum fieri potest, præsertim in rebus ad fundamenta Ecclesiæ spectantibus. At peccatum propriè non significat pœnam solum, sed culpam. ergo remissio peccati absolute, & simpliciter prolata sonat culpæ remissionem; remissio enim solius pœnæ, solum est remissio peccati secundum quid.

Secundò idem suadetur ex præcat. Concil. nam apud Florent. in literis vnionis, dicitur, rem Sacramenti, hoc est, effectum illius, esse peccatorum remissionem; constat etiam apertissimè ex Tridentino multis in locis si inter se conferantur. Hinc *sess. 2. can. 1.* postquam definiuit, poenitentiam esse verè Sacramentum, statim *can. 6.* definit continere, & conferre gratiam, & non esse tantum acceptæ iustitiæ signum. & *sess. 14. c. 3.* docet, effectum Sacramenti huius, esse reconciliationem cum Deo; per

per remissionem autem poenae non reconciliatur homo cum Deo, bene tamen per remissionem culpae, ut patet ex verbis eiusdem Concilij dicentis, ad huiusmodi reconciliationem consequi solere conscientiae pacem, & tranquillitatem; quae proprie sequitur ex remissione culpae.

Tertio suadetur ex communi doctrina Patrum asserentium, sacramentum Pœnitentiæ esse secundam tabulam post naufragium, & habetur ex Trident. sess. 14. can. 2. At, si ante susceptionem huius Sacramenti, & absolutionis, homo sola Dei gratia liberatur à peccato, non est, cur dicatur secunda tabula post naufragium, cum sine ea homo liberetur à peccato.

7. Ex dictis patet solutio ad utramque opinionem præcedentem. Nam

Ad primum fundamentum primæ sententiæ concedimus, solum Deum propria auctoritate, tanquam principale agens, remittere peccatum; Confessarium autem, tanquam Ministrum illius, & hoc tam quoad culpam, quam quoad poenam.

Ad secundum eiusdem sententiæ fundamentum dicimus falsum assumere, quoniam absque præfata contritione possunt interdum per hanc potestatem peccata remitti, immò & peccata, quæ per contritionem tolluntur, non tolluntur, nisi in ordine ad hanc potestatem quæ ad illa etiam tollenda est quidem per se ordinata. Unde Patres *ibidem* citati intendunt in primis Deum esse, qui sua virtute animam vivificat, vitur autem hominibus, ut ministris. Arque id etiam significatum fuit in illo factio *Ionn. 11. ut rectè observat D. Thom. 3. part. 9. 84. art. 3. ad 3.* Deinde intendunt etiam Sancti docere, quod Deus prius sua gratia hominem interiori excitat ad poenitentiam, & vitam spiritualem comparandam, ut postea possit à Sa-

cerdotibus absolui: non tamen (inquiunt) semper opus esse, ut ob illam excitationem vera semper contritio, seu iustificatio præcedat. Angel. enim *ubi supra* censet, peccatorem à Domino excitatum per internam poenitentiam, esto sit quodammodo vivificatus, non tamen esse plenè solutum, aut liberum ad ambulandum: quoniam, quamvis habeat aliquem vitæ motum, quem solus Deus infundere potest, per contritionem, vel attritionem. Non tamen est plenè liber, quia vel nondum est verè iustificatus, vel quidem non absque ordine ad claus Sacerdotum, apud quos potestas per se efficax ad remittenda peccata reperitur.

8. Ad fundamentum secundæ opinionis respondetur, per verba *solvendi, & ligandi* utrinque insinuari, possunt enim referri ad remissionem, & retentionem tam culpæ, quam poenæ cuiuscunque, ita, remissio denotet actum positivum, retentio autem negativum. Actus igitur positivus, quem propriè, & primariò intendit hæc potestas, est remissio, seu ablatio culpæ, quod fit per propriam, & positivam actionem, id est, per collationem gratiæ sacramentalis, quæ mortalis culpæ expulsa est, cum nunquā culpa absque gratiæ infusione remittatur. Nec obstat, si dicas per hanc potestatem peccata venialia interdum remitti, ad venialium autem expiationem non requiri gratiæ infusionem. Non (inquam) obstat, quia est venialia possint absque gratiæ infusione remitti, si tamen Ecclesiæ clauibus subiiciantur, numquam ex vi Sacramenti remittuntur, nisi per gratiæ infusionem. Alius verò actus retinendi peccata non est positivus, & consequenter nec fit per directam huius potestatis actionem, quoniam hæc potestas nec culpam influit, aut conservat, nec illius remissionem impedit, sed iuridicā pro-

fect

fert sententiã dum Confessarius sentit pœnitentem esse remissionis peccati indignum; & hoc modo dicitur, peccata retinere. Similiter philosophandum est de hac eadem potestate respectu pœnæ: nam per actum remissionis culpæ, remittitur etiam pœna æterna, non solum dampni, vt constat ex dictis, sed etiam sensus per commutationem eiusdem in aliquam temporalem maiorem, vel minorem, iuxta pœnitentis dispositionem. arque hæc remissio directæ, & per se fit ex efficacia huius potestatis. Quatenus verò Confessarius pœnitentem non absoluit, consequenter nec pœnam remittit, & hac ratione dicitur illam retinere.

9. Tertia conclusio. Potestas remittendi peccata in sacramento Pœnitentiæ apud Sacerdotes solum reperitur. Hæc conclusio est de fide, definiturque in Concilio Florentino in decreto Eugenij IV. de Sacramentis, & in Tridentino sess. 14. c. 6. cum. 9. & 10. atque etiã in Constant. sess. 8. c. 15. & in Cautonen. II. c. 33. & habetur in c. quidam dicunt, de pœnis, dist. 1. Immo eadem veritas definitur à Leone X. in damnatione articulorum Lutheri.

10. Potestatem autem sic suaderi. Cui datur quod maius est, regulariter illi non negatur quod est minus; sed maxima potestas possibilis viatori, est potestas consecrandi verum Christi corpus, quam Deus cunctis, & solis Sacerdotibus contulit. ergo eisdem etiam contulit potestatem respectu corporis mystici, clauem nimirum soluendi, & ligandi, quæ minor est. Confirmatur, quia in ministro huius Sacramenti necessariò requiritur potestas clauium, cum nemo possit esse iudex absque potestate; sed huiusmodi potestas cum sit supernaturalis non potest per se, & necessariò omnibus competere, sed illis tantum, quibus à Christo data est; vt constat

evidenter. ergo illi dumtaxat possunt esse confessionis ministri, quibus Christus hanc contulit potestatem. Contulisse autem solis Sacerdotibus, probatur ex Ioan. 20. vbi Christus solis Apostolis pro se, & suis successoribus in dignitate sacerdotali dixit: *Accipite Spiritum sanctum, quorum remisistis peccata, &c.* quorum verborum virtute dictam potestatem Christum illis concessisse ostensum est *suprà*.

11. Sed quæres, vnde constet, illa verba intelligenda fore in dicto sensu, cum Christus Dominus variè loquutus sit Apostolis; nam sæpè illis loquutus est pro eorundem personis, vt quando ipsis contulit potestatem eiiciendi dæmonia, & infirmos sanandi. Interdum in illis loquutus est toti Ecclesiæ, vt cum dixit: *Eccce ego vobiscum sum omnibus diebus usque ad consummationem sæculi*. Aliquando locutus est eisdem ac successoribus in dignitate Episcopatus, vt cum contulit illis potestatem ordinandi Sacerdotes. Vnde igitur constat non posse præcitata verba interpretari, nisi de Apostolis, & eorum successoribus in dignitate sacerdotali?

Respondeo in his, & similibus non posse rationè assignari à priori, sed per coniecturam, sufficienter tamen. Nam cum hæc potestas, & Sacramentum ad comune Ecclesiæ bonum ordinaretur, essetque vniui ex præcipuis fundamentis illius; hinc est, quòd sicut Ecclesia erat perpetuò duratura, ita & hæc potestas. Arque inde deducitur præcitata verba non esse Apostolis personaliter dicta, sed pro illis, ac eorum successoribus. Præterea, cum hoc Sacramentum sit grauissimum iudicium, non debuit cuiuslibet de populo indifferenter committi, sed determinatis iudicibus. Immo, cum sit iudicium sacrum, non nisi sacer minister, seu consecratus institui debet. Deinde nec solis Episcopis



pis referuari oportuit, cum Sacramentum istud magnæ necessitatis existat, & iudicium frequenter, & communiter exercendum. Ideoque hinc etiam constat, verba illa non intelligi de Apostolis, ut simpliciter totam Ecclesiam, aut etiam Episcopos, sed ut Sacerdotes solum representabant. Et quod potissimum est, hanc interpretationem confirmat infallibilis traditio Ecclesiæ, coniuncta cum perpetua consuetudine, cuius nullum initium, neque in aliquo Concilio, neque in vilo pontificio decreto agnoscitur. Vnde consequenter deducitur, eandem fuisse etiam traditionem Apostolorum præcitata verba Christi ita interpretantium. Hinc autem tria necessariò sequuntur.

12. Primum est, hanc potestatem Ecclesiæ relictam ad peccata remittenda non requirere simpliciter sanctitatem in Sacerdote, qui consequenter potest esse sufficiens huius Sacramenti minister, esto iniquus fortasse existat. Sic definitum est in Tridentino sess. 14. can. 10. Et ratio est, quia ministerium istud non innitur sanctitati, sed potestati à Christo concessæ, quæ ob lethale peccatum non amittitur.

13. Secundum est, Ecclesiam in nullo casu posse dispensare, ut aliquis non Sacerdos sacramentaliter absoluat. Ita sentiunt communiter DD. Theologi, & etiam de fide, habeturque ex Tridentino, loc. cit. Vbi absolutè definit, solum Sacerdotem posse esse huius Sacramenti minister. Ratio est, quia, absque clauium potestate, nullus potest esse sufficiens huius Sacramenti minister: potestas autem clauium in characteræ sacerdotali fundatur. Vnde sicut nullus, nisi Sacerdos potest etiam ex dispensatione, vel necessitate quacunque, verum Christi corpus consecrare, ita nec circa mysticum eiusdem Christi corpus ministeriū Sacramenti exercere,

14. Tertium est, confessionem factam non Sacerdoti, etiam in quacunque necessitate, nullam omnino esse ex potestatis defectu, esto quævis sanctitate præfulgeat is, cui sit confessio. Ita habetur ex cap. noua, de pœnis. & remiss. & est communis DD.

## DUBIUM II.

*Quo proponuntur, & solvuntur aliqua obiectiones contra tertiam conclusionem præcedentem factæ.*

1. **C**ontra vltimam conclusionem præcedentem videtur ob stare in primis illud Iac. 5. *Constitimini alterum peccata vestra*. vbi, cum sermo sit ad omnes fideles, omnibus vtiq; videtur tribui potestas absoluendi. Vnde Aug. de ver. & fals. penitentia, relato cap. qui pœnit. dist. 1. de pœnit. sic ait: Tanta est vis confessionis, ut si deest Sacerdos, consecratur proximo; & saltem de venialibus videtur dicendum, confessionem posse fieri laico; tum quia venialia non sunt materia necessaria confessionis; tum etiam, quia Beda allegatus à Magistro sententiarum in 4. dist. 17. inquit: Coræqualibus quotidiana, & leuia, grauiora verò Sacerdoti pandamus.

2. Secundò obstat cap. extra, de furt. vbi præcipitur, ut fur qui in actuali furio comprehensus interficitur, careat sepultura. & statim subditur: Si autem Presbytero, vel Diacono confessus fuerit, communionem non priuetur. Confirmatur ex D. Cyprian. lib. 3. epist. 13. vbi committit Diacono, quòd in absentia Sacerdotis reconciliet pœnitentem iam animam agentem.

3. Tertiò non minoris necessitatis est sacramentum Pœnitentiæ et lapsis post Baptismum, quàm Baptismus ipse ob remissionem peccati originalis. Sed

in casu necessitatis, quilibet laicus, immo & fœmina, *cap. mulier, de consecrat. dist. 4* potest baptizare. ergo similiter in casu necessitatis poterit quilibet confessionem audire & absolue. Confirmatur, quia interdum is, qui ex se non est sufficiens, ac idoneus minister ad Sacramentum aliquod ministrandum, potest ex Summi Pontificis dispensatione fieri idoneus, ut patet in sacramento Confirmationis, in quo esto Episcopus sit ordinarius, & idoneus minister, ex dispensatione tamen Pontificis potest simplex Sacerdos illud conferre. ergo idem videtur dicendum de sacramento Pœnitentiæ, præsertim cum sit maioris necessitatis.

4. His argumentis ducti, nonnulli authores catholici, asserunt in casu urgentis necessitatis, cuiusmodi est, articulus mortis, si non adsit copia Sacerdotis, posse quempiam, immò teneri, confiteri laico. Ita Mag. sent. in 4. dist. 17. p. 2. nec dissentit D. Thom. ead. dist. q. 3. art. 3. q. 2. ad 1. & consentiunt gloss. in d. cap. fures, de furs. & Panorm. ibidem. Hanc tamen opinionem falsam esse satis constat ex dictis pro nostræ conclusionis confirmatione. Vnde præcitari authores sunt cautè legendi, ut notavit Scot. in 4. dist. 18. q. 4. art. 1. conclus. 3. Quapropter certum est, non esse interpretandos de confessione sacramentali, quæ, ut ex Tridentino ostensum est *suprà*, non potest fieri, nisi Sacerdoti. Vnde addunt iidem authores eum, qui laico confiteatur, teneri iterum Sacerdoti confiteri, interimque à summo Sacerdote Christo absolui.

5. Alij DD. aiunt in casu necessitatis, & deficiente Sacerdotis copia, debere quempiam laico confiteri, non quidem ratione præcepti, sed ratione consilij ad humilitatem exercendam, & consilium petendum. Ita Alens. 4. p. q. 19. memb. 1. art. 1. qui tamen docet, huiusmodi con-

fessionem non esse sacramentalem. Idem sentit D. Bonaventura in 4. d. 17. p. 2. art. 2. q. 1. & Palud. ead. dist. 17. atque etiam Nauar. 6. 1. de pœnit. dist. 6. num. 72. qui subiungit id licere, modò laicus, cui confessio erit facienda, sit persona prudens, à qua possit vtiliter, & rationabiliter secretum sperari; pœnitens autem contilio, & auxilio indigeat; cui subscribit Suar. dist. 24. sect. 1. n. 12. addit verò, quòd nisi hæc circumstantiæ concurrant, melius erit soli Deo confiteri.

6. Scotus autem utramque opinionem reprobat, asseritque confessionem laico faciendam nec sacramentalem esse, nec necessariam, immò regulariter nec vtilem, nec consulendam. Ita in 4. dist. 14. q. 4. art. 2. & dist. 17. q. 1. art. 3. quæ doctrina satis constat ex supradictis quoad duas priores partes, & consentit Scot. dist. 18. q. 4. art. 1. Durum tamen sibi videtur dicere, quòd non sit vtilis, nec consulenda talis confessio, sed immeritò, præsertim post hæresim Lutheri, de qua habetur quidem suspectus, qui laico confiteretur. Scotum sequuntur Maior dist. 17. q. 2. Gabr. etiam q. 2. dub. 7. & alij. Immo Scot. ubi *suprà*, dubitat an talis confessio sit licita & rationem reddit, quoniam nulli licet se infamare; qui autem peccata sua laico reuelaret, seipsum infamaret, præsertim si reuelaret peccata turpia, & enormia, idque sine causa legitima, quia nec ratione præcepti, cum nullum detur de confessione laico facienda, nec ratione beneficij, cum talis confessio non conferret gratiam ex opere operato.

7. Nec obstat, si dicas, eiusmodi confessionem esse vtilem saltem ob consilium habendum, dum laicus sit aptus consulere, & pœnitens eger consilij. non (inquam) obstat, quia id posset fieri, proponendo casum in uniuersali, & in tertia persona absque personæ propriæ reuelatione.

8. Nunc superest soluere argumenta in contrarium adducta.

Ad primum dico, in primis non esse certum ibi loqui D. Iacobum de confessione sacramentali, sed potius de accusatione quadam priorum peccatorum in generali ad humilitatis excitationem, & charitatem fraternam fouendam, vt colligitur ex verbis statim subsequen-  
*Orate pro inimicis vs saluemini.* Vnde Beda distinguit inter peccata mortalia, & venialia, & priora ait esse confitenda Sacerdoti, posteriora autem posse æqualibus, & coram aliis confiteri, quod non potest verum esse de sacramentali confessione, quæ quamuis de venialibus facienda sit, soli Sacerdoti fieri debet, vt probatum est *suprà*. Beda igitur exponendus est de accusatione generali, quæ regulariter fit de peccatis venialibus. Atque eodem modo interpretanda sunt verba Augustini.

Vel secundò, & melius respondetur iuxta communem sententiam DD. verba Apostoli intelligenda fore de confessione sacramentali: præmiserat namque doctrinam de extrema vnctione, & eius effectû, & ne quis existimaret, eo Sacramento remitti peccata mortalia, quorum haberet memoriam, subiicit, *confitemini alterutrum peccata vestra*; ac si diceret, confitemini, qui absolutione indigetis, illis qui absolueri debent potestatem. Itaque sensus erit, homines non tantum Deo, sed hominibus etiam debere confiteri peccata sua, non autem omnes omnibus, sed illis, qui ad hoc deputati sunt, & potestatem habent, quod Apostolus supponebat esse in Ecclesia satis distinctum, & ordinatum.

9. Ad secundum responderi Coninch. *disp. 8. de poenit. dub. 1. n. 5.* quod in *c. fures*, non dicitur, Diaconum posse aliquem sacramentaliter absolueri, sed posse etiam confessionem audire, vt iudicet, an verè

sit contritus, & dignus, cui detur Communio; quam tunc temporis, absente Sacerdote Diaconi ministrabant; atque idem sentit Suar. *suprà n. 10.* Mihi tamen non placet, tum quia difficile videtur Concilium statuisse, vt Eucharistia daretur solum contritis, si lethalis culpæ conijci essent cõtra ecclesiasticam consuetudinem, vt docet Tridentinum *sess. 13.* maxime cùm Eucharistiæ sacramentum, ex multorum sententia, non sit simpliciter necessarium reipsa sumptum. Tum etiam, quia alia signa suppeterent, ex quibus iudicari posset, an esset contritus, quamuis Diaconus non audiret peccatorum confessionem.

Alij explicant dictum cap. de absolutione ab excommunicatione, quæ etiam potest fieri à Diacono. quæ solutio videtur satis consona Concilio Lateranensi, in cuius appendice sub Alexandro III. habentur eadem verba, quæ in *dicto c. fures* citantur; tamen ex Concilio Turonensi ibi tantum agitur de raptoribus rerum ecclesiasticarum, cõtra quos lata est sententia excommunicationis, ac propterea de absolutione ab excommunicatione videntur fore intelligenda verba illa, *Communione eis non negamus*, de quibus statim dicemus. Nihilominus ratio ipsa contextus videtur solutioni isti repugnare, vt ex mox dicendis constabit.

10. Quapropter duæ mihi videntur interpretationes legitime.

Prima est, textum illum intelligi de solemniori reconciliatione, non verò de sacramentali absolutione. Ita Sot. in *4. dist. 18.* & Pamel. in *præf. Cyprian. Epistolam*, & plures alij; & propendit etiam Faunt. in *4. dist. 17. q. vnic. n. 15.* Atque in hoc sensu accipiendum est, quod in Concilio Elboracensi sub Calixto III. habetur, scilicet, Decernimus, vt nisi summa, & graui vrgente necessitate Diaconus baptizet, corpus Christi ero-

get, vel pœnitentiam confitenti imponat. Neque id mirum debet videri, cum solennis reconciliatio pœnitentis soli Episcopo fuerit referuata; ita ut neque Presbytero liceret, nisi in graui necessitate, vel in absentiâ Episcopi, vt constat ex Concil. Carthag. II. cap. 3. & 4. & aliis. Atque hæc quidem interpretatio rectè potest testimonio Cypriani accommodari; textui tamen in d. cap. fures adhuc non satis accommodatur, vt ex verbis ipsius colligitur.

11. Pro secunda igitur (& quæ mihi magis arduæ) interpretatione præmitto verba ipsius textus, *Fures, & latrones si in furando, & depraudando occiduntur, visum est; pro eis non esse orandum; quod si comprehensi, aut vulnerati Presbytero, vel Diacono confessi fuerint, communionem eis non negamus.* Decernit itaque Canon pro eo, qui occiditur in flagranti delicto, non esse orandum, neque oblationem in Missa fieri debere, tanquam pro eo, qui in publico peccato obstinatus decessit; at si comprehensi, & vulnerati, signa pœnitentiæ dederint coram Presbytero, vel Diacono, quibus in hoc maior est adhibenda fides, sicut & ipsorum maior est auctoritas, & tunc decesserint, vel ad supplicium rapti fuerint, & suspensi, tunc non esse eis negandam communionem. Quæ verba constat non esse accipienda de Eucharistia, vt conuincit secunda pars textus, nempe, *vel ad supplicium rapti fuerint, & suspensi;* nec tantum de absolutione ab excommunicatione, sed simpliciter de communione ecclesiastica, iuxta quam & oratur pro mortuis, offerturque sacrificium, & datur ecclesiastica sepultura.

12. Ad tertium responderetur negando consequentiam, diuersa enim ratio est de sacramento Baptismi, ac de sacramento Pœnitentiæ; illud enim est simpliciter necessarium, præsertim in-

fantibus, quibus nulla alia via patet ad salutem; pœnitentiæ autem Sacramentum non est simpliciter necessarium: sufficit namque contritio in casu, quo Sacerdotis copia haberi non possit.

Ad confirmationem similiter respondetur, quod non est par ratio de sacramento Pœnitentiæ, ac de sacramento Confirmationis, quia solum Sacerdotem esse ministrum sacramenti Pœnitentiæ à Christo institutū, tenet infallibilis, & antiqua Ecclesiæ traditio, ex fundamento verborum Euangelij Ioan. 10. & Matth. 18. & habetur ex Conciliis supra citatis; quæ autem à Christo instituta sunt circa formam, materiam, & ministrum Sacramentorum, Ecclesiæ immutare non potest; at de sacramento Confirmationis expressè docet Concilium Florentinum, ordinarium illius ministrum esse Episcopum, posse tamen ex Pontificis dispensatione à quouis Sacerdote conferri, & consequenter manifestè insinuat aliter esse de ministro Confirmationis sentiendum, quàm de ministro Confessionis.

13. Nec immerito, quia ordinarij pœnitentiæ ministri, sunt Sacerdotes, quorum cum in tota Ecclesia sit sufficiens numerus, vix vnquam, aut saltem rarè accidere potest, vt in aliqua ciuitate desit copia illius: ordinarius autem confirmationis minister est solus Episcopus, qui interdum deesse potest, non solum in aliqua diœcesi, sed in tota aliqua regione, & consequenter non oportuit circa pœnitentiæ ministrum dispensatione vti, benè tamen circa Confirmationis ministrum. Adde, sacramentū Confirmationis solum Presbytero committi posse; Presbyter autem iam potestatem habet in verū Christi corpus, & adhuc durat controuersia, an in charactere differat ab Episcopo: at si ministeriū sacramenti Pœnitentiæ committendum esset alteri, quàm Sa-

cerdoti,

cerdoti, committeretur alicui non habenti potestatem in verum Christi corpus, quod omnino videtur dissonum.

### DUBIUM III.

*Utrum simplex Sacerdos sit eligibilis in Confessarium virtute Bullæ Cruciatæ.*

1. **R**atio dubitandi est, quia apud Presbyteros reperiri potestatem remittendi peccata, constat ex dictis *dub. precedenti*, & consequenter quilibet Sacerdos videtur eligibilis per Bullam; ex alia verò parte constat ex contextu ipsius Bullæ, neminem posse per Bullam eligi in Confessorem, nisi sit ab Ordinario approbatus. Ut igitur constet, quid circa huiusmodi difficultatem tenendum sit, præmittenda est explicatio illius controuersiæ, num potestas remittendi peccata sit eadem cum potestate Ordinis, an diuersa?

2. Conueniunt in primis omnes Theologi, potestatem Ordinis in re nihil aliud esse, quàm characterem sacerdotalem, quatenus ex diuina ordinatione per illum quispiam deputatur minister conficiendi corpus Christi, & iudex animarum in foro pœnitentiæ. Duplicem namque distinguunt Theologi potestatem Ordinis, alteram nimirum in corpus Christi verum, & est illa, quam Sacerdotes habent ad consecrandum: alteram verò super corpus Christi mysticum, & de hac nunc agimus, & nihil aliud est, quàm prædictus character, quatenus per eum quis deputatur iudex in foro pœnitentiæ. Vnde, sicut hic character indelebilis est; ita etiam hæc potestas; & sicut in Sacerdotibus character iste inuenitur, ita etiam & prædicta potestas. Insuper, quāuis sacerdotalis character integer consideratus duplicem habeat respectum,

seu actum, ut iam ostensum est. Ratio tamen huiusmodi potestatis non competit illi sub præciso respectu ad corpus Christi verum, sed sub habitudine ad corpus mysticum; atque ita explicatur dictam potestatem Theologi in 4. dist. 18. S. Thom. *ibi* q. 1. art. 1. q. 2. ad 1. Richard. art. 1. q. 3. Scot. dist. 20. q. 1. & alij, quos sequitur Suar. in 4. dist. 16. sect. 3. n. 2.

3. Conueniunt secundo ferè omnes Theologi, ad effectum dictæ potestatis necessario requiri potestatem iurisdictionis, itaut absolutio, vel sententia data per potestatem Ordinis sine iurisdictione sit nulla. Ita habetur ex Concilio Florentino in decreto Eugenij, atque ex Tridentino sess. 14. c. 7. Ratio autem euidenter deducitur ex eo, quia huiusmodi potestas est iudicialis; omne autem iudicium, ut validum sit, iurisdictionem requirere certum est, de his enim, qui foris sunt, nihil ad nos. quod ex infra dicendis fiet magis manifestum. Obserua tamen in Ecclesia duplicem existere iurisdictionem spirituales: vnā videlicet in foro exteriori, & contentioso, quæ deseruit ad Ecclesiæ regimen, ad ferendas leges, & censuras, necnon ad determinationem causarum ecclesiasticarum, de qua alibi erit sermo: aliam autem in foro interiori, & pœnitentia; & de hac controuertitur, an sit eadem, vel diuersa cum potestate Ordinis?

4. Conueniunt tertio similiter ferè omnes, potestatem huiusmodi saltem esse aliqua ratione diuersam à potestate Ordinis; alioquin omnes Sacerdotes essent huius Sacramenti ministri, cuius oppositum de fide certum est. Nam in Concilio Florentino *ubi supra*, sic habetur: Minister huius Sacramenti, est Sacerdos habens auctoritatem absoluendi vel ordinariam, vel ex commissione Superioris. & Tridentinum *ibid.* cit. sic ait: Pertinet autem Temper in Ecclesia Del

fuit, & verissimum esse Synodus hæc confirmat, nullius momenti absolutio- nem illam esse, quam Sacerdos in eum profert, in quem ordinariam, aut sub- delegatam non habet iurisdictionē Igi- tur iuxta has Conciliorum decisiones, firmiter tenendum est, non omnes Sa- cerdotes indifferenter esse huius Sacra- menti ministros; sed eos tantum, qui ordinariam, seu delegatam habent po- testatem. Rursus, si omnes Sacerdotes haberent absolvendi potestatem, om- nes quidem essent iudices, & haberent potestatem ordinariam, & nullus ex commissione alterius, cuius oppositum manifestè indicant præcitata Concilia. Insuper, si quilibet Sacerdos, ex vi Or- dinis, esset huius Sacramenti minister, non esset necessariū obtinere à proprio Sacerdote absolvendi licentiam, iuxta text. *in c. omnis utriusque sexus, de penis, & remiss.* neque *in cap. si Episcopus, eod. tit. in 6.* dixisset Pontifex nulla consue- tudine fieri posse, ut præter Superioris licentiam possit aliquis Confessorem eligere. Sequitur ergo potestatem iur- idictionis esse aliqua saltem ratione diuersam à potestate Ordinis sacerdo- talis; neque id ampliùs in dubium re- uocari potest.

§. Tota igitur controuersia consi- stit in modo explicandi differentiam, quæ inter utramque potestatem repe- ritur, quando videlicet, & à quo hæc vltima conferatur.

Citæ quam difficultatem sunt duæ potissimum opiniones.

Prima est Armacani lib. 1. c. 99. *Arma- canum à c. 1. vsque ad 6.* ubi asserit Sacer- dotes omnes iure diuino, & in ipsa or- dinatione accipere veram absolvendi à peccatis potestatem: quæ tamen per Ecclesiæ præceptum suspensa est, ne quilibet Sacerdos possit quemlibet, & de quolibet peccato absolueret, & con- sequenter insinuat in te dictam pote-

statem non esse distinctam à potestate Ordinis, nec separabilem ab ipsa, & potest sic suaderi.

Primò quia per illa verba, *Accipite Spiritum sanctum, quorum remisistis pec- cata, &c.* Christus contulit Apostolis potestatem Ordinis, & iurisdictionis in hoc foro; ex tunc enim potuit quilibet eorum absque dependentia ab aliis confessiones sacramentales audire, & absolueret; sed hæc eadem verba dicun- tur in persona Christi cuilibet Sacer- doti in ipsa ordinatione. igitur ex tunc quilibet Sacerdos constituitur iudex in hoc foro, ac subinde non ab Ecclesia, sed à Christo immediatè habet iurisdic- tionem absolvendi.

Secundò, quia si Sacerdotes ab Ec- clesia acciperent iurisdictionem, & non à Christo immediatè, sequeretur Sum- mum Pontificem à nullo posse absolui, sicut nec excommunicari, quoniam sicut nulli potest conferre iurisdic- tionem supra se ipsum ad excommuni- candum, ita nec posset eam conferre ad absolvendum, sed omnes fatentur posse Summum Pontificem confiteri cuicum- que Sacerdoti simplici; ergo fateri etiam debent, Sacerdotes à Christo, & non ab Ecclesia habere auctoritatem absolvendi.

Tertiò, quia à venialibus semper, & à mortalibus in extrema necessitate, quilibet Sacerdos est legitimus huius Sacramenti minister, nec oppositum posset Ecclesia statuere. igitur conse- quenter videtur dicendum, authorita- tem absolvendi esse immediatè à Deo, non ab Ecclesia, alioquin posset illam tollere, etiam in extrema necessitate, quod nemo audet asserere.

6. Hanc opinionem satis probabi- lem censet Dur. *dist. 19. q. 2.* ei tamen adhærere non audet, & in eam propen- det Almayn. *dist. 18. art. 4.* Nihilomi- nus dicta opinio, saltem si de integra,

ac sufficienti iurisdictione intelligatur, falsa quidem est, immo hoc tempore nullatenus sustineri potest, quia certum est, absolutionem datam à simplici Sacerdote circa peccata mortalia, nullam esse ex defectu iurisdictionis, ut omnes fatentur. ergo non est dicendum huiusmodi iurisdictionem ex vi ordinationis inseparabiliter haberi. Respondet Dur. absolutionem illam esse nullam, non ex defectu iurisdictionis, sed propter obicem peccati, quem apponit pœnitens. Vnde obseruat, quod sicut Episcopus in sua consecratione accipit potestatem alios ordinandi, & tamen ei iniungitur, ne quoslibet ordinet, sed tantum sibi subditos, alios verò solum de sui Episcopi consensu; ita Sacerdotes in sua ordinatione accipiunt potestatem absoluedi à peccatis, eisdem tamen iusta de causa iure Ecclesiastico prohibetur, ne quemlibet indifferenter absoluant, sed illos dumtaxat, in quos habuerint iurisdictionem ordinariam, seu delegatam. Hinc igitur deducit, quod si pœnitens scienter confiteatur Sacerdoti, quem nouit non habere talem iurisdictionem, absolutio nulla est ob peccati obicem, quem penitus ipse apponit: si autem id faceret ignorater, valida esset absolutio; teneretur tamen, cum rem agnouerit, confessionem reiterare cum Sacerdote proprio, seu alio ex commissione proprii, quia cum ex ter Ecclesiæ præceptum non solum recipiendi hoc Sacramentum, sed à ministro etiam designato, nullus ab huius præcepti obligatione liberatur, nisi ministro per Ecclesiam designato confiteatur.

7. Hæc solutio nullus est momenti, tum quia falso nititur fundamentis: absolutio enim data à Sacerdote non habente iurisdictionem ordinariam, seu delegatam per se, & ex parte ministri, nulla est, tanquam sententia lata à

non iudice. ille autem defectus ex parte pœnitentis accidentarius est. tum etiam, quia, quamuis interueniente ignorantia, cesset obex pœnitentis, tenetur tamen iterum peccata omnia proprio Sacerdoti confiteri, quod sufficiens indicium est, præcedentem absolutionem fuisse nullam, at non ratione obicis, ut supponitur; ergo ex parte ministri. Adde, quod si ex vi iuris diuini per talem confessionem essent remissa peccata, non posset pœnitens per Ecclesiam obligari ad illa iterum confitenda, quoniam præcedens absolutio simpliciter rata fuit, & bona fide recepta. Hæc demum opinio ex infra dicendis efficacius impugnabitur.

8. Secunda opinio præcedenti satis opposita tenet, potestatem Ordinis esse distinctam à potestate iurisdictionis tam in essentia, quam in modo, seu tempore, quo confertur. Illa namque per impressionem characteris datur in ipsa ordinatione, & consequenter immutabilis, ac inseparabilis permanet; hæc verò extra Sacramentum confertur ab Ecclesia per extrinsecam cōcessionem, aut alicuius Ecclesiastici muneris collationem. Ita D. Thom. in 4. dist. 17. q. 3. art. 3. q. 4. in corp. ad 3. & dist. 19. q. 1. art. 3. q. 1. in corp. ad primum, S. Bonau. ead. dist. 19. art. 3. q. 1. Capr. q. 1. art. 1. concl. 3. Ricard. art. 1. q. 3. Gabr. q. 1. art. 3. concl. 5. Dur. ubi supra, Sor. dist. 18. q. 4. art. 2. Can. relict. de pœnit. pars. 1. Med. C. de confess. q. de alien. sine licen. prop. absol. Castr. de iust. bar. pœnit. c. 21. Ledesm. 2. p. 4. q. 22. n. 7. Hanc sententiam tenent communiter DD. quam ego verissimam censeo, sed quomodo sit intelligenda non satis constat; sunt enim varij ipsi DD. circa eius explicationem.

9. Primus modus dicendi est Nau. in manuscr. l. 4. n. 2. & 3. & in cap. placuit, de pœnit. dist. 6. à princ. asserentis duplicem dari iurisdictionem, actualem

vnam,

vnam, habitualement alteram, hancque accipere Sacerdotes à Christo, illam verò ab Ecclesia: quomodo autem differant inter se hæc due iurisdictiones, non satis explicat Nauar. ex verbis tamen illius in dicto cap. placuit, n. 84. videtur colligi, quòd iuxta eiusdem opinionem iurisdicção habitualis identificatur cum potestate Ordinis, & nequit per Ecclesiam tolli à Sacerdote; iurisdicção verò actualis distinguitur realiter ab vtraque, & sicut per Ecclesiam confertur Sacerdoti, ita per Ecclesiam potest etiam, tolli. Adit tamen eod. cap. n. 27. omnes Sacerdotes ante Ecclesiæ prohibitionem habuisse iurisdictionem actualem, non quidem acceptam à poenitentie, sed à Christo, cum primò eliguntur, seu deputantur ad munus absolueudi; sicut enim cum Pontifex concedit alicui facultatem eligendi Confessorem, Confessor electus statim habet iurisdictionem, non tamen à poenitente, qui illum elegit, sed à Christo, seu Pontifice; similiter ante Ecclesiæ ordinationem quilibet Sacerdos in sui Ordinis susceptione accipiebat à Christo iurisdictionem in habitu, & actu simul, idest, nullo Superioris imperio impeditam ab exercitio. Subiungit etià Nau. ibidem n. 48. Romanum Pontificem, esto non possit tollere Sacerdotibus potestatem absolueudi, sicut nec consecrandi, posse tamen illis materiam subtrahere, & similiter, cum eis confert iurisdictionem, non conferre auctoritatem aliquam, sed illis dumtaxat subdere materiam, in qua suam potestatem exercere possint. Hunc autem dicendi modum, quoad posteriorem partem (quæ est opinio propria Nauar.) nititur ipse confirmare ex vsu primitiue Ecclesiæ, dum ait: Omnes Sacerdotes, vsque ad tempora Vrbani II. potuisse omnium confessiones excipere, & omnes absolueere; etescente tamen malitia,

id postea prohibuisse Vrbani II. in dicto cap. placuit, dist. 6. Atque idem confirmari potest ex illis tribus casibus, quos supra in fauorem prioris sententiæ adduximus. Prius tamen iudicauerunt istum dicendi modum Palud. in 4. dist. 17. q. 3. art. 3. cas. 4. Sylu. ver. Confessor. 1. q. 2. & Abul. in suo defensorio p. 22. cap. 62.

10. Hæc expositio Nau. videtur quodammodo coincidere cum opinione Armachani, ideòque rationes contra illam adductæ, valent etiam contra istam. Et quidem mihi summo pere displicet,

Primò, quia si, seclusa lege humana, quilibet Sacerdos ex vi ordinationis suæ, & iuris diuini, reciperet iurisdictionem in foro poenitentie non solum habitualement, sed etiam actualem, siue intrinsecè, siue per concomitantiam, non posset Ecclesia illum priuare tali iurisdictione, seu vsu, itaut eius actum reddat inualidum: constat autem id fecisse Ecclesiam. ergo. Consequentia est manifesta: quia Ecclesia non potest super ius diuinum, neque potest impedire effectus à Sacramentis provenientes, vt patet in Sacerdote degradato Eucharistiam conficiente. potest sanè ei interdicere, ne conficiat, ita vt si Sacerdos contra illam ordinationem attentet, peccet, non tamen potest sua prohibitione efficere, vt consecratio non teneat: ex Conciliis autem supra adductis habetur, absolutionem, contra Ecclesiæ prohibitionem, esse nullam.

Secundò quia, vel iurisdicção, quæ in ipsa ordinatione confertur, est ordinaria, vel delegata: neutrum autem est dicendum. ergo in prima non est ordinaria, quoniam non omnes Sacerdotes ex vi suæ ordinationis, & diuini iuris, constituuntur pastores, animarum; seu Episcopi, vel Parochi, quorum est hu-

iusmodi



iurmodi iurisdictionio; nec etiam est delegata, alioquin delegarentur immediatè à Christo, & consequenter nullus Christo inferior posset illam auferre; iurisdictionio namque à superiore collata, non pendet ab inferiore, sicut contingit in Religioso, à quo nequit Episcopus auferre iurisdictionem ipsi per Summum Pontificem delegatam.

11. Nec obstat, si dicas, hanc iurisdictionem actualem à Christo conferri Sacerdotibus ex vi ordinationis suæ, cum subordinatione tamen ad vicarium suum, ita ut pro opportunitate possit illam conferre, & auferre. Hæc enim responsio voluntaria est, tum quia nullum habet fundamentum in sacra Scriptura, immò repugnat illis verbis, *accipite Spiritum sanctum*, &c. quorum virtute Sacerdotibus, absque vlla subordinatione confertur dicta auctoritas. tum etiam, quia alioquin posset quis etiam dicere, eodem modo esse Sacerdotibus delatam potestatem consecrandi, & Episcopis potestatem ordinandi, dependenter à voluntate Pontificis, ita ut, si præcedente illius prohibitione Sacerdos consecraret, vel Episcopus ordinaret, nihil facerent. quod est penitus à veritate alienum. Tum denique, quia, iuxta communem DD. sententiam, quæ sunt de iure diuino, nec permutari, immò nec dispensari possunt ab hominibus, nisi in casu aliquo, quo aliunde ex traditione, vel alio principio, notum sit posse dispensari.

12. Hinc deducitur, falsum docuisse Nauar. in d. cap. placuit. d. 6. num. 1. & seqq. non solum in primitiua Ecclesia liberum fuisse cuicumque Sacerdoti quemlibet absolueri, sed id etiam durasse vsque ad tempora Urbani Secundi, qui id primò prohibuit. Hoc autem esse falsum constat, quia id decreuerant priùs Dionys. in cap. 1. 13. q. 7. & antea Calixtus 1. 9. q. 2. cap. 1. qui Urbano antiquior

res fuerunt; floruit enim Calixtus anno circiter 220. & Dionys. anno circiter 250. Urbanus autem Secundus anno circiter 1100. Nec valet responsio eiusdem Nauarri, assistentis, decreta Dionysij, & Calixti non fuisse recepta, atque ideo Urbanum 11. id ipsum postea reuocasse, gratis namque, ac sine vlla probatione id ait: quoniam, ut constat ex dictis, nunquam Sacerdotibus ex vi suæ ordinationis liberum fuit, quemlibet indifferenter absolueri, sed ex eo forsitan, quòd abusus aliquis esset, illud fuit per plures Pontifices statutum, ut narrat Vasquez tom. 4. q. 95. dub. 2. n. 16. Vel secundò, & melius, dicendum erit cum Scoto d. disp. 17. q. 1. art. 3. vers. *quoniam autem*, &c. in primitiua Ecclesia non fuisse quidem distinctos proprios Sacerdotes; cum enim Apostoli huc, atque illuc discurrebant verbum Dei prædicando, non fuere singuli Sacerdotes pro singulis gentibus deputati, non tamen inde sequitur, quòd auctoritas iurisdictionis tunc dabatur in collatione Ordinis sacri, vel unicuique ex se liberum erat, quem vellet, Confessorem eligere; sed illi tunc dicebantur Sacerdotes proprii, qui ordinariam, delegatamve iurisdictionem habebant. Apostoli enim quos in primitiua Ecclesia ad sacerdotium promouebant, mittebant etiam ad prædicandum, ac eis conferebant auctoritatem Sacramenta ministrandi omnibus, qui ad fidem conuertebantur, idque absque vlla subditorum, seu Episcopatum, vel parochiarum distinctione, & fortasse per aliquod tempus Episcopi etiam hanc iurisdictionem suis Presbyteris facillè committebant, quia pauci, selecti tamen, ordinabantur; postea verò crescente iam fidelium numero, ad vitandam confusionem, facta est Episcopatum, & parochiarum distinctio.

13. Secundus modus explicandi est

G

Caier..

Caiet. tom. 1. opus. tract. 7. asserentis, præter iudiciariam potestatem, quæ Sacerdoti ex vi suæ ordinationis confertur, non esse necessariam aliam iurisdictionem ad actus illius exercendos, nisi eam, quæ ex voluntaria pœnitentis subiectione provenit; & rationem reddit, quia cum idem sit ibi actor, & reus, potest se sponte subicere, & quasi iudicem arbitrum eligere. Itaque fatetur Caietanus, in hoc iudicio, ex parte principij agentis non requiri iurisdictionem, quia principium per se remissionis peccati, non est iurisdictionis, sed potestas ordinis; iurisdictionis autem solum requiritur ex parte materiæ, quæ per spontaneam illam subiectionem sufficienter applicatur; non tamen inficitur, in aliquibus Sacerdotibus ex parte principij reperiri iurisdictionem vel ordinariam, vel delegatam, sed negat esse per se, ac simpliciter necessariam ad actus talis potestatis, quoniam nec ad absolvendum à venialibus necessaria est, nec à mortalibus in extrema necessitate, nec demum in iudicio, quod circa personam Pontificis in hoc foro exerceatur, ut ex supradictis habetur: nam in his tribus casibus, videtur sufficiens voluntaria pœnitentis subiectio; extra illos autem, necessariò requiritur iurisdictionis ordinaria, seu delegata, propter sanctæ Ecclesiæ determinationem.

14. Hanc opinionem falsam esse ostendo.

Primò, quia inter hoc iudicium, & humanum, magna est differentia: nam iudici arbitrio ex partium conventionione ius committitur; ibi enim partes consentientes habent ius suum proprium, cui cedunt, & modo suo illud transferunt, ponuntve in iudicio arbitri; in foro autem pœnitentiali, totum ius ferendi iudicium de peccatis supernaturale est, & proprium solius Dei, & con-

sequenter ab eo solum, vel immediatè, vel mediatè per ministros suos manare potest. Vnde falsum est, quòd pœnitens per voluntariam subiectionem conferat Sacerdoti iurisdictionem, nisi sit Pontifex, seu Episcopus in sua diœcesi.

15. Secundò, quia hoc iudicium agitur inter Deum, & hominem, Deus autem est principalis actor, ranquam persona offensa, idèmq; est vnicus & principalis peccatorum iudex; igitur nullus potest in tali iudicio iurisdictionem conferre, nisi vel Deus ipse, vel qui ad hoc habeat vicem illius, cuiusmodi est Pontifex in tota Ecclesia, & Episcopus in sua diœcesi; de pœnitente autem id simpliciter affirmari non potest. Vnde voluntaria pœnitentis subiectio necessaria quidem est ad hoc iudicium, non ut iurisdictionem conferat, etiam circa venialia, ut patebit ex *infra* dicendis, sed ut in illo fiat proportionata accusatio, hoc enim modo dicitur pœnitens esse actor, & reus, nimirum, quia illi commissum est, ut se accuset, & sic constet iudicij meritum, seu demeritum causæ, de qua sententiam laturus est.

16. Tertius explicandi modus est, Sacerdotes verè in susceptione sui Ordinis accipere potestatem iurisdictionis, inchoatam tamen, & incompletam, compleri autem per applicationem, seu subiectionem materiæ. Cæterum hæc opinio non ait, prædictam applicationem materiæ esse positam in sola voluntate ipsius pœnitentis, nec in potestate Sacerdotum, itavt à voluntate pœnitentis pendeat facere se subditum huic Sacerdoti, & ab illo absolui, vel Sacerdos possit ad libitum applicare sibi hunc, vel illum subditum, etiam ante omnem Ecclesiæ prohibitionem: sed ait dictam applicationem à Christo commissam esse Summo Pontifici, & Ecclesiæ

Ecclesiæ Prælati, itavt nisi ipsi applicant materiam, conferantve subditos, non possint Sacerdotes ex vi suæ ordinationis dumtaxat validum efficere huius potestatis actum. Ita S. Anton. 3. p. 11. 17. cap. 4. Maior in 4. diff. 19. q. 1. circ. fin. Ang. verb. confessio 3. n. 4. Cather. in opus. de hac materia, cui titulus est, vtrum ratione Ordinis, an iurisdictionis, &c. videnturque annuere Panorm. in Clem. 1. de privil. num. 16. & Hostiens. in sum. tit. de penit. & remiss. §. cui, immo & Palud. sic etiam videtur sententiam suam interpretari ubi supra. Idem denique sentiunt Suarez num. 26. Vasquez num. 33. & alij.

17. Hunc modum dicendi, immo & præcedentes, vt explicent eorum auctores, vtuntur exemplo desumpto ex iure ciuili de iudicibus chartularijs, quorum meminit Palud. præcit. art. 3. cas. 3. n. 21. Sylu. verb. index 1. q. 1. Glof. & Bart. in l. 1. ff. de iudic. chartular. Igitur iudices ab Imperatoribus designabantur, & potestatem habebant iudicandi causas eorum, qui se illis vellent subiicere, non tamen poterant reos, seu litigantes ad iudicium cogere. Vne sicut huiusmodi iudices habebant potestatem iudicandi ab Imperatoribus, sic Sacerdotes habent etiam illam à Christo Domino: & sicut chartularij ex sola Imperatorum concessione non habebant subditos, ita nec Sacerdotes habent illos à Christo ex vi solius ordinationis. Hoc autem discrimen inter chartularios, & Sacerdotes reperitur, quod in illis applicatio materię, & subiectio subditorum erat ab Imperatoribus commissā voluntarij, & arbitrio iudicandorum: in istis verò commissā est à Christo, non arbitrio penitentium, vt Armachanus, Caietanus, & alij volebant, sed Summi Pontificis, atque aliorum Ecclesiæ Prælatorum. Nec id mirum videri debet, quia sicut Christus

imposuit præceptum confitendi, non tamen determinauit tempus, extra casum extremæ necessitatis, sed reliquit Ecclesiæ modificandum, & determinandum; ita etiam intelligi potest, Christum Sacerdotibus in ipsa ordinatione conferre potestatem, relinquere autem non cuiusuis, sed Ecclesiæ arbitrio modificandam, seu determinandam materiam, in quam talis potestas iure diuino concessa exerceatur.

18. Hic modus dicendi ferè coincidit cum primo quoad primam partem, quam enim auctores illius vocant iurisdictionem habitualement, auctores istius, dicunt iurisdictionem inchoatam, seu incompletam; & quam illi dicunt iurisdictionem actualement, hi vocant iurisdictionem completam, quæ confertur per applicationem, aut designationem materię. Sed utcumque sit, adhuc proposita difficultas manet insoluta. Ratio est, quoniam cum Sacerdotes ex vi suæ ordinationis constituantur iudices in foro conscientię, seu penitentię, vt constat ex sæpè dictis, consequenter videtur dicendum quoddam etiam ex vi ordinationis habere subditos, in quos possint ius dicere: iudices enim sine iurisdictione, nec iurisdicchio sine subditis non magis esse possunt, quàm homo sine rationalitate, & tamen certum est Sacerdotes ex vi suæ ordinationis non habere subditos.

Secundò cum alicui non Sacerdoti confertur beneficium parochiale, non confertur illi complementum iurisdictionis præexistentis, cum nullum habuerit, sed absolute ei confertur iurisdicchio, ergo inepè dicitur hæc iurisdicchio complementum alterius inchoatę.

Tertiò, quia nonnulli ex præcitat. DD. tenent applicationem, seu designationem materię, non esse collationem iurisdictionis, nec eo nomine conferi posse, quod sic probari posset: nam

si designare, seu applicare materiam, esset conferre iurisdictionem, sequeretur inde, quod impedire, seu subtrahere materiam, esset impedire, aut subtrahere iurisdictionem, quod esse falsum, ostendo in primis, quia impedire usum regie iurisdictionis, est crimen læsæ maiestatis, ut constat ex *l. 1. tit. 2. part. 7.* & ex iure civili notum est: qui autem carcerem confregit, reumque inde eduxit, materiam quidem subtrahit, in quam regia iurisdictionis exercetur, & tamen non tenetur ut reus læsæ maiestatis, sed ad pœnam dumtaxat, qua reus inde eductus, dignus erat, ut haberetur expressè ex *l. 14. tit. 29. part. 7.* Deinde is, qui commisit crimen læsæ maiestatis, non gaudet Ecclesiæ immunitate, iuxta magis receptam opinionem, & tamen qui aufugiens est carcere ad Ecclesiam confugit, gaudet huiusmodi immunitate, nisi obitet delicti qualitas, ut, citatis aliis, tradit Couar. lib. 2. *variæ. resol. c. 2. n. 12.* & Suar. tom. 1. *de Relig. tract. 2. lib. 3. c. 11. n. 19.* Rursus in Bulla Cœnæ Domini excommunicantur impediētes iurisdictionem ecclesiasticam: at qui subtrahit materiam iudici ecclesiastico, non incurrit dictam censuram, ergo non impedit, neque subtrahit iurisdictionem. Probo minorem, quia aliàs sequeretur, excommunicationem contrahere reum, qui carceri ecclesiastico mancipatus inde aufugit ante sententiam, is enim fugiendo materiam iurisdictioni ecclesiasticæ subtrahit, quod tamen non est dicendum, cum ex vera sententia reus, qui ante sententiam capitalem, vel pecuniariam fugit è carcere, non peccat, & consequenter nec etiam excommunicationem incurrit; non peccare autem reum, dum fugit ante sententiam, docet S. Thom. 2. 2. q. 69. art. 4. & ibi Caiet. arque, aliis citatis, Vasquez 1. 2. tom. 2. disp. 174. cap. 2.

*Quo sententia Authoris proponitur, & explicatur.*

1. PRÆMISSIS tribus præfatis modis dicendi, restat explicandum quid circa præsentem difficultatem sentiamus. Quapropter sit

2. Prima conclusio. Potestas Ordinis, quæ super corpus Christi mysticum Sacerdoti confertur in sua ordinatione, potius dicenda est potestas clavis, quam potestas iurisdictionis, quamvis, cum de re constat, non sit multum de vocibus contendendum. Nostra tamen conclusio est modo loquendi, non solum grauium Theologorum, sed Conciliorum etiam, ac sacræ Scripturæ maximè consona: nam in primis Concilium Florentinum & Tridentinum, ut dictum est *suprà*, de iurisdictione ordinaria, vel delegata semper loquuntur: potestas autem Ordinis per se considerata, nec ordinaria, nec delegata iurisdictionis est. Præterea ex eisdem Conciliis habetur, Sacerdotem posse omni iurisdictione carere, potestate autem Ordinis minimè. Denique ex Concilio Tridentino habetur, Sacerdotes ex vi suæ ordinationis non habere subditos. igitur iuxta modum loquendi eiusdem Concilij, videtur dicendum, id quod Sacerdotes ex vi suæ ordinationis recipiunt, non esse iurisdictionem propriè sumptam. Atque ex eodem Concilio habetur, Ecclesiam, cum Sacerdoti dat subditos, eidè runc conferre iurisdictionem. Nam Tridentinum *sess. 14. c. 7.* sic ait: Quoniam igitur natura, & ratio iudicij illud exposcit, ut sententia in subditos dumtaxat feratur, persuasum semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacer-

dos

dos in eum profert, in quem ordinariam, aut subdelegatam non habet iurisdictionē. vbi ex necessitate subdito- rum colligit Concilium necessitatem iurisdictionis, supponitque, Sacerdotem posse carere vtraque prædicta iurisdictione, & consequenter etiam subditis, esto potestatem in ordinatione acceptam retineat. Vnde si dicas, posse hæc omnia exponi de iurisdictione completa, & actuali, non autem de incompleta, & habituali, nihil refert: tum quia nec in Conciliis huiusmodi distinctio reperitur, tum etiam, quia nec ad rei declarationem confert, immò potius confusionem inducere potest, vt habetur ex proximè dictis cōtra secundum, & tertium modum explicandi.

3. Quodd autem potestas Ordinis super corpus Christi mysticum rectè sit, & dicatur potestas Clavis, patet in primis ex sacra Scriptura. nam *Matth. 16.* dixit Dominus Petro, *Tibi dabo claves Regni calorum, &c.* atque hoc promissum adimplevit postea, dum *Joann. ult.* dixit similiter Petro, *Pasce oves meas.* August. autem sæpe, ac potissimum super *Psalm. 108.* ait, Petrum gessisse Ecclesie personam, atque ideo, quod Petro datur, toti Ecclesie datum simpliciter fuisse, Petro tamen principaliter, & cum summa potestate, Episcopis verò, & Sacerdotibus, cum subordinatione ad Petrum, vt ad caput. Vnde glos. super illud *Matth. 18. quicumque solueritis super terram, &c.* colligit huiusmodi claves, esse scientiam, & potestatem iudicandi, id est, ligandi, atque soluendi; quamvis enim potestas remittendi peccata vna sit, in vltu tamen illius duo distingui possunt, quæ in omni iudicio necessaria sunt; vnum est cognitio, seu examinatio causæ: aliud est, sententiæ prolatio. Dicta igitur potestas vtrumque comprehendit, & secundum priorem rationem, dicitur clavis scientiæ, non quidem actualis, sed

habitualis, quæ esto in Confessore requiratur, non tamen est potestas, ac subinde potest existere in non habente claves, & è cōuerso claves reperiri queunt absque tali scientia; est igitur autoritas ad examinandam pœnitentis conscientiam, & interrogandum iuridicè in illo foro, itavt pœnitens teneatur veritatem fateri. Clavis verò potentie dicitur facultas absoluendi, & remittendi peccatum ferendo sententiam. & hæc est communis Theologorum expositio in *4. dist. 18. & 19.* vbi præsertim Scotus quæst. vnica per quatuor articulos diffusè de hac materia disputat.

4. Secunda conclusio. Potestas Ordinis, seu Clavis realiter distinguitur à potestate iurisdictionis. est communis DD & tenent eam expressè DD. pro secunda opinione *dub. præcedenti* allegati. Et suadetur

Primò ex sacris Conciliis, Florentino & Tridentino locis *suprà citatis*, vbi expressè habetur ministrum sacramenti Pœnitentiæ esse Sacerdotem, non quemcunque, sed illum dumtaxat, qui habet iurisdictionem ordinariam, seu delegatam in eum, quem absoluit. Hinc autem Concilia manifestè videntur supponere, Sacerdotem posse verè habere potestatem omnem, quæ ad sacrum Ordinem requiritur, & tamen non habere potestatem absoluendi, quæ est potestas iurisdictionis; igitur huiusmodi potestates realiter distinguuntur adinuicem, conferuntur enim diuerso modo, vt habetur ex dictis pro secunda sententia, & tradit expressè D. Thom. 2. 2. q. 39. art. 4. vbi docet, per Sacramentum dari potestatem Ordinis, quæ ideo ab ipso *Sacramentalis* dicitur: alteram verò potestatem, quam *iurisdictionalem* vocat, ex simplici iniunctione hominis conferri asserit. Vnde infert illam esse immutabilem; hanc verò mutabilem permanere.

5. Secundò, quoniam illa, quorum unum potest esse sine alio, absque illius corruptione, distinguuntur realiter inter se, vt omnes fateantur; sed prædictæ potestates sunt ad inuicem separabiles, potest enim potestas Ordinis existere sine potestate iurisdictionis, vt patet in Sacerdote adhuc non admissò à Superiore, & potest etiam dari potestas iurisdictionis absque potestate Ordinis, cuiusmodi ellet, si quis non Sacerdos eigeretur in Papam; tunc enim haberet supremam iurisdictionis potestatem, non tamen haberet potestatem Ordinis, & consequenter nec posset aliquem à peccatis sacramentaliter absolueret. ergo sunt potestates realiter distinctæ.

6. Tertia conclusio. Potestas Clauis, seu sacramentalis, est quidem verè potentia actiua, cum tamen ex se sola non possit exire in actum, dicitur quodammodo potentia remota, in ordine ad forum pœnitentiale. Ita tenet expressè Scot. in 4. dist. 19. q. 2. art. 4. vbi pro huius explicatione notat ex Arist. 9. Met. cap. 4. text. 10. duplicem dari potentiam actiuam, quandam propinquam, & aliam remotam. Potentia propinqua est illa, cui statim respondet potentia passiuæ, seu passiuum, in quod agere debeat, & non est impedibilis. Potentia verò remota, est illa, cui statim non respondet passiuum, in quod agere debet, vel si responderet, per aliam potentiam impeditur ab actu, ne agere possit in illud passum. Vnde, cum in Sacerdote duplex potestas actiua existat, quædam super Corpus Christi verum, quæ dicitur, potestas conficiendi Eucharistiam; alia super Corpus Christi mysticum, quæ dicitur potestas clauis, seu sentiendi in causa peccatorum, illa meritò dicitur propinqua, quia statim in natura ipsa habet materiam; & passiuum sibi correspondens, in quod agere possit, nempe

omnem panem triticeum, & non est impedibilis; quandocunque enim quis attemptet facere in materia determinata ac debita, validè facit. Hæc autem, id est, potestas clauis non sic se habet, nec enim statim ex vi suæ naturæ habet materiam sibi correspondentem, nempe pœnitentem subditum, quem absoluat, sed oportet, vt id fiat aliunde, id est, à potestate iurisdictionis: immò esto, in aliquo casu habeat passum in quod agere queat, per aliam tamen potentiam actiuam posset ab actu impediri, ne fiat omnino; atque ideo non immeritò ab Scoto vocatur potentia actiua remota. Cæterum non est ideo dicenda potestas diminuta, vel inchoata, sed completa, & perfectæ in suo genere, habet enim totum illud, quod sibi incumbit, & nihil ei in suo genere deficit: dicitur tamè remota, quia ex se sola nō potest in actum exire, cum prærequirat materiam suæ actioni dispositam. Atque id facillè potest illustrari exemplo potentie auctiue in animali, quæ alimentum in carnem, & corpus conuertere nequit, nisi prius debitè disponatur per concoctionem; quæ tamen dispositio fit per aliam potentiam actiuam, nempe calorem animalis. Quare, sicut potentia actiua augendi animal, etiam si egeat alia virtute, & potentia actiua, qua passum suum sibi præparetur, ac proportionetur, non tamen amittit rationem potentie auctiue, neque etiam est diminuta, sed completa in suo genere; ita clauis absoluendi peccatorem, etsi egeat alia potestate, suam sibi materiam, & passum præparante, non ideo definit esse vera, & completa potestas actiua.

7. Sed quæres primò, cur potestas consecrandi in Sacerdote, sit potestas proxima, neque ab aliqua alia potentia dependeat; potestas autem clauis, seu sentiendi peccatorem in foro pœnitentiali,

rentiali, sit remota, & ab alia potentia dependeat?

Respondetur, Scot. *ubi supra* art. 4. hanc fortasse esse rationem arbitratur, quia à principio nec Ecclesiæ ordinationi, nec cuius alteri nocuit, quod quicumque Sacerdos hanc, vel illam materiam consecraret: nocuisset autem & ex vi suæ ordinationis quilibet Sacerdos, sicut habet claves, potuisset etiam exequi actum earundem clauium, sententiando alienum subditum: id enim posset resultare in præiudicium illius, cuius est subditus; immo resultaret etiam inde magna confusio, quia iudicare requirit in iudicante dominium, ac potestatem super sententiatum, ac propterea, si quilibet Sacerdos ex vi suæ ordinationis haberet potentiam proximam, ac independentem ab alia potestate absoluendi, tot essent pastores, & iudices, quot Sacerdotes. Id autem absque mutua dependentia, & subordinatione nemò mentis compos concedere audebit.

8. Quæres secundò, quomodo potestas clauis possit propriè dici potestas actiua completa, cum nequeat in actum ex se sola exire, egeatque potestate iurisdictionis?

Respondeo, potestatem iurisdictionis in ordine ad forum pœnitentiale, inferuire potestati Ordinis tanquam instrumentum, sicut constat exemplo potentie actiue caloris, quæ potentie actiue eiusdè animalis inferuit etiam tanquam instrumentum. Vel secundò respondetur, quòd potestas iurisdictionis est alterius generis, & partialiter concurrit cum potestate sacramentali ad actum absolutionis, ita ut vna sine altera nequeat in huiusmodi actum exire. Vnde, cum potestates istæ sint diuersi generis, non est inconueniens, quòd quælibet dicatur in genere suo completa. Ita Fauent. *in 4. disp. 17. disp. 25. n. 61.*

9. Quæres tertio, num prædicta dependentia potestatis clauis à potestate iurisdictionis in ordine ad forum pœnitentiale sit de iure diuino, an humano dumtaxat?

Respondetur esse de iure diuino, idque expressè colligitur ex Florentino in *litteris Eugenij*, ubi docet, ministerium huius Sacramenti esse Sacerdotem habentem auctoritatem absoluendi ordinariam, vel delegatam. Vnde, cum ibi explicet ea quæ ad essentiam Sacramentorum de iure diuino requiruntur, aperte indicat, potestatem iurisdictionis diuino iure requiri. Idem haud obscurè docet Tridentinum *sess. 14. c. 5.* ubi inquit, absolutionem à peccatis ex Christi institutione, esse actum iudicialem, ad hunc autem necessariò requiri iurisdictionem, ex sæpè dictis satis constat. Hinc in *cap. si Episcopi, de panis. & remiss. in 6.* habetur nulla consuetudine posse induci, vel præscribi, ut quis sine licentia Superioris, possit sibi Cõfessarium eligere, quia nimirum contra ius diuinum nulla consuetudo, aut præscriptio vllatenus præualere potest.

10. Ex dictis tria potissimum sequuntur.

Primum est, nullum Sacerdotem esse virtute Bullæ Cruciatæ eligibilem in Confessorem, nisi iurisdictionem habeat ordinariam, vel delegatam, ut ex decretis Conciliorum, & rationibus etiam abundè ostensum est. Atque ita satisfacta difficultati initio tertij dubij præcedentis propositæ.

Secundum est, Sacerdotem, esto in sui Ordinis susceptione constituitur index super corpus Christi mysticum, & ab eodem Christo tunc accipiat auctoritatem ligandi, atque soluendi; nihilominus non posse validè aliquem à peccatis absolvere, nisi priùs obtineat potestatem iurisdictionis, cum hæc ex institutione ipsius Christi etiam requi-

ratur

ratur ad validitatem absolutionis; non tamen ut quid substantiale, sed tanquam conditio, sine qua non. Vnde manet etiam soluta ratio dubitandi iuitio secundæ sententiæ insinuata.

Tertium est, quod quamuis ad validitatem absolutionis, requiratur in absolvente iurisdicctio ordinaria, seu delegata, dum tamen absoluit, his verbis præcisè uti debet: Dominus noster Iesus Christus te absoluat; & ego auctoritate ipsius te absoluo, &c. non autem; & ego auctoritate ipsius, ac Summi Pontificis, seu Episcopi te absoluo, &c.

11. Rationem huius insinuat Vasq. ubi suprà à num. 25. quia Sacerdos in sua ordinatione à Christo recipit non solum potestatem ordinationis, sed etiam iurisdicctionis, & ab Ecclesiâ postea recipit assignationem materiæ tantum, à Christo recipit clauem ad aperiendam conscientiam, & ab Ecclesiâ seram, quam aperire possit; id est, assignationem poenitentium, quam putat non esse iurisdicctionem. Id autem nec verum, nec consequenter dictum esse fiet manifestum ex dicendis *dubio sequenti, in solutione secundi argumenti. Quare*

Meliùs respondebitur si dicamus, rationem esse, quoniam, propriè loquendo, Sacerdos in sua ordinatione recipit à Christo totam potestatem remittendi peccata quoad substantialia; ista enim potestas supernaturalis est, & consequenter non potest conferri nisi à Deo, qui solus potest peccata remittere: iurisdicctio autem, quam Sacerdos recipit ab Ecclesiâ, confert solum ad actum remissionis, quasi quid extrinsecum, seu conditio, sine qua non. Hinc remissio peccati, absolute loquendo, non dicit actum iurisdicctionis, cum tamen dicit remissio illa quæ per modum iudicii exercetur, ut de facto contingit in Confessionis sacramento. Vnde, nisi Christus instituisse hoc Sacramentum iu-

dicialiter conferri, potuisset quidem conferri non subditis, & absque vlla iurisdicctione, quia tamen voluit, hanc remissionem iudicialiter fieri, hac de causa dumtaxat requiritur iurisdicctio, ut causa, sine qua non. Vel

Tertiò respondetur vtramque potestatem Sacerdoti à Christo conferri, potestatem clavis immediate, & potestatem iurisdicctionis mediatè; id est, mediante opera hominis, quo Deus ad hoc vitur tanquam instrumento. Nec id absurdum censeri debet, cum etiam Deus conferat potestatem Ordinis ministerio hominis ordinantis, & remittat peccata ministerio hominis absolventis. Ita Coninch *disp. 8. dub. 2. sub num. 3.*

## DUBIUM V.

*Quo solvuntur argumenta, dubio tertio in favorem primæ opinionis adducta.*

1. **S**uperest nunc examinare, & diluere argumenta, quæ in probationem primæ sententiæ adduximus suprà, ut veritas eorum, quæ in contrarium diximus, magis constet.

Ad primum igitur, negatur consequentia; pro cuius explicatione notandum est, non satis convenire DD. an Apostoli acceperint potestatem iurisdicctionis à Christo immediate, aut ab Ecclesiâ; nam multi arbitrantur etiam Apostolos à Christo immediate solum recepisse potestatem Ordinis, vel in corpus Christi verum in nocte; Cæræ, per illa verba, *Hoc facite in meam commemorationem*; vel in corpus Christi mysticum post resurrectionem, per illa verba, *Accipite Spiritum sanctum, quorum remiseris, &c.* iurisdicctionem autem non recepisset immediate à Christo, quia nec per hæc verba, *accipite Spiritum sanctum, &c.* alioquin, ut rectè probat argumentum,



tum, omnes Sacerdotes illam similiter acciperent, cum in susceptione Ordinis eadem verba referuntur. Nec etiam per illa, *Pasce oues meas*, cum hæc soli Petro dicta sint, & consequenter virtute illorum solus Petrus iurisdictionem in vniuersa Ecclesia recepit; atque ideo iuxta hanc opinionem, argumentum nihil concludit.

2. Mihi autem probabilius videtur dicendum, omnes Apostolos à Christo Domino immediatè recepisse iurisdictionis potestatem, non tamen quasi iure ordinario apud successores in Ecclesia permanfuram, cum id fuerit proprium solius Petri, sed iure potiùs quasi delegationis, & Apostolatus, ad quod munus, inter alia, conueniens erat iurisdictionis potestas plenissima haud coarctanda in hoc per Ecclesiam, ita ut quicumque vellent, possent se eorum iudicio subdere, nec inde poterat euenire cõfusio inter ipsos Apostolos, cum fuerint à Christo in gratia confirmati. Vnde probabile etiam est, huiusmodi priuilegium fuisse Apostolis concessum, *Ioann. 20. in illis verbis, sicut misit me viuens Pater, & ego mitto vos.* Vel si contendas id concessum fuisse per illa verba, *Accipite Spiritum sanctum*; dicendum erit, illud euenisse non quidem ex vi talium verborum, sed ex speciali Christi intentione significata postea in præcatis verbis, *sicut misit me viuens Pater, &c.* præsertim, quia tunc nondum Christus instituerat Petrum caput Apostolorum, nec ei dederat supremam iurisdictionis potestatem, quæ, Apostolis exceptis, in omnes alios postea ab ipso Petro emanare debebat. de qua re legendus est Bellarm. *lib. 4. de sum. Pont. cap. 22. & 23.* & communiter Doctores in materia de Clauibus.

3. Ad secundum respondetur varia esse DD. placita: quidam enim censent, omnes Sacerdotes iure diuino, in sui

Ordinis susceptione accipere iurisdictionem in Sum. Pont. quoad forum pœnitentiale, non verò in alios, nisi deriuatam à Pontifice, ac subinde omnes Sacerdotes esse Summi Pontificis Confessarios ordinarios. Ita Decanus Louanienf. & Canus, quos allegat Vasq. n. 41. Hanc tamen opinionem meritò impugnat Sor. tum quia alioquin à quocunque Sacerdote posset Pontifex cogi ad confessionem, tum etiam, quia iurisdictionis est essentialiter superioritas; nullus autem Sacerdos est superior Papa, immo omnes Christiani sunt oues illius, & ipse Pastor omnium.

4. Alij opinantur Concilium Pontifici conferre facultatem eligendi Confessorem, quemcunque Sacerdotem, sicut à Pontifice conceditur Episcopis. Hæc tamen opinio falso nititur fundamentò, quia Concilium non est supra Pontificem, sed econtra Pontifex super Concilium.

Alij inquit, omnes Sacerdotes habere pro materia, in re diuino, omnes pœnitentes, qui eis subduntur, modò illis iure aliquo non impediatur. Ita Nauatr. cuius opinionem impugnaui-  
mus *suprà*.

Alij dicit existimant potestatem iurisdictionis simul cum potestate clauis cuilibet Sacerdoti iure diuino conferri, & nihil aliud aliunde requiri, nisi materiæ designationem, seu applicationem: ita consequenter sentiunt, Pontificem posse cuicumque Sacerdoti confiteri, sic enim non tribuit illi iurisdictionem actiuam, quam à Christo habere supponunt; sed sicut aliorum hominum potest debitam materiam assignare, sic seipsum etiam assignat, quia à nullo alio assignari potest. Ita Vasq. *suprà* num. 39. secutus Cathen in præc. opusc. Hæc tamen opinio falsa est, tum quia supponit iurisdictionem accipere Sacerdotes à Christo, quod falsum esse ostendimus

H *suprà*;

*suprà*; tum etiam, quia supponit designationem materiæ non esse collationem iurisdictionis, cuius oppositum habetur ex Concil. *suprà* citato, atque ex ratione, cum sit collatio subditorum.

5. Quare ad argumentum responderetur, negando sequelam, & ratio potest assignari, quia actum iurisdictionis, qui immediatè nomine Dei exercetur, potest quis ratione sui muneris subeundo diuersam personam in seipsum exercere, præsertim cum non agitur de iurisdictione coercitiua, sed libera, cuiusmodi est ea, qua Pontifex se ut priuatum hominem Confessario in foro penitentiali voluntariè subiicit. Itaque Pontifex tanquam Christi Vicarius, eiusque personam immediatè sustinens, habet iurisdictionem in omnes Christi fideles, atque etiam quodammodo in seipsum, quatenus est ouis: subiicit autem se Confessario, quatenus est peccator, idque necessariò, ut communibus etiam pascuis, & Sacramentorum vñ frui valeat. Vnde falsò docuit Panorm. relatus per Vasq. *num.* 42. quòd Papa non teneatur confiteri, id enim hæreticum esse censet idem Vasq. ex Almai. Hinc autem non sequitur, Pontificem seipsum posse à peccatis absoluerè, quoniam Sacramenta omnia (Eucharistia, & matrimonio exceptis) ita à Christo sunt instituta, ut essentialiter requirant, quòd conferens sit persona distincta à suscipiente; idque potissimum in sacramento Pœnitentiæ requiritur, quippe indecens omnino erat, ut vnus, atque idem simul esset reus, accusator, & iudex, quod rectè notauit Coninch *suprà* sub *num.* 14.

6. Ad tertium argumentum conueniunt DD. quemlibet Sacerdotem in articulo mortis posse à quocunque peccato, immo & à quacunque censura, licet à validè absoluerè, dummodo vera Ministri interueniat necessitas. Hæc au-

tem doctrina habetur ex Concilio Tridentino *sess.* 14. *cap.* 7. & ex antiqua Ecclesiæ traditione, quæ ex multis decretis 26. *q.* 6. *cap. de his, & seqq.* sumitur, estque communis Theologorum in 4. *dist.* 19. sed variant in explicando, vnde tunc habet Sacerdos iurisdictionem, quam habere necessariò est concedendum, ut patet ex dictis de necessitate iurisdictionis ad Pœnitentiæ sacramentum validè administrandum. Nonnulli igitur asserunt in casu prædicto, omnes Sacerdotes habere iurisdictionem iure diuino. Ita Dur. *præis. dist.* 19. *q.* 2. *ad* 4. Capreol. *eadem dist.* *q.* 1. *art.* 3. *ad* 4. *contr.* 3. *conclus.* Can. 5. *p. relect.* §. *ad* 2. *arg.* Palud. *dist.* 20. *q.* 1. *art.* 2. & Ricard. *art.* 3. contra Calui. Ducuntur, tum quia perpetua traditio, cuius initium ignoratur, æstimatur signum iuris diuini, iuxta doctrinam Augustini *lib.* 4. *de Baptismo*; eiusmodi autem est traditio ista, tum quia alioquin non integrè prouidisset Episcopus de ministro extremè periclitantibus; posset enim Ecclesia facultatem hanc pro libito negare, sicque in ea extrema necessitate manerent homines remedio orbatì opportuno; ac proinde videtur dicendum non reliquisse Christum id per suam Ecclesiam limitandum.

7. Alij (quorum sententiam veram existimo) inquit iurisdictionem huiusmodi habere tunc Sacerdotes iure ecclesiastico. Ita D. Thom. *d. dist.* 19. *q.* 1. *art.* 3. D. Bonau. *eand. dist.* *art.* 3. *q.* 1. Maior etiam *quest.* 1. §. *sed contra.* Sor. *dist.* 18. *q.* 4. *art.* 4. Medin. *C. de confess. quest.* *de alien. sine licent. propr. absol.* Ledesmi. 2. *p.* 4. *quest.* 21. *art.* 6. & *quest.* 12. *art.* 3. *q.* 1. Turrecrem. *lib.* 1. *de Eccles. cap.* 98. *ad* 1. Petr. de Sor. *lect.* 5. *de confess.* & alij per Suar. relati *disp.* 26. *sect.* 4. *num.* 7. ac nouissimè Fauten. *suprà* *num.* 68. Sed suadetur primò ex Tridentino loco citato *circ. fin.* ubi sic habetur: Veruntamen piè admodum,

dum, ne hac occasione aliquis periret, in Ecclesia Dei custoditum semper fuit, vt nulla sit reservatio in articulo mortis, atque ideo omnes Sacerdotes quoslibet pœnitentes à quibusvis peccatis, & censuris absolvere possunt, &c. quibus verbis Concilium indicat hanc consuetudinem esse ecclesiasticam ex ipsius Ecclesiæ institutione introductam. Et quamvis istius consuetudinis ignoretur initium, inde tamen non est inferendum, quòd sit iuris diuini, sed ad summum esse traditionem Apostolicam, quæ non semper est de re à Christo Domino instituta.

8. Neque Augustinus *loco cit.* aliud intendit, & meritò, quia neque omnia, quæ tempore nascentis Ecclesiæ in ipsa sunt obseruata, æstimantur de iure diuino, vt bene obseruat Vasq. *vbi supra dub. 3. num. 4.* immò ex præcitat. verbis Concilij rectè extendit Turrecrem. idem probare. nam si potestas absolendi in mortis articulo à censuris, & consequenter à casibus etiam reservatis censuram habentibus, pendet ex concessione Ecclesiæ, vt ex verbis Concilij deducitur, & est communis DD. igitur dicendum etiam est, potestatem à peccatis simpliciter absolendi ex concessione eiusdem Ecclesiæ similiter pendere.

9. Deinde est optima coniectura ad id probandum; tum quia non est, nec potest excogitari aliud principium vnde oppositum colligatur, cum nec ex vi ordinationis (vt ex dictis constat) vlla Sacerdoti conferatur iurisdictio, nec etiam ex antiqua consuetudine: hanc enim non esse sufficiens indicium ad probandum oppositum, ostensum est *suprà*. tum etiam, quia alioquin omnes Sacerdotes essent pares de iure diuino in illo articulo, ita vt neque vnus posset huiusmodi iurisditione priuari, esto esset copia alterius, neque expositus

esset necessariò præferendus non exposito, quippe ad diuini iuris iurisditionem non esset necessaria hominum approbatio, cuius contrarium constabit ex dicendis in *cap. sequenti*.

10. Sed quæres, an iurisdictio, qua funguntur omnes Sacerdotes in illo articulo, sit delegata, vel ordinaria?

Respondetur esse delegatam, quoniam nec illis conuenit ex vi sacerdotij, vt patet ex dictis, nec ex collatione alicuius muneris, seu pastoralis officij, vt supponimus: ac subinde est delegata ex concessione Ecclesiæ pro illa occasione dumtaxat. Immo non abs re videtur dicendum, delegationem istam ab ipsomet Petro initium sumpsisse, & per tacitam Pontificum concessionem fuisse priùs continuatam, postea autem per expressam in ipso iure, vt habetur ex *cap. de catero, & cap. noscitur, de sent. excom.* & alibi sæpè. Vnde infert Suarez *num. 8.* hanc delegationem ex se esse perpetuam, quoniam cum sit à Summo Pontifice facta, inde fit, vt à nullo inferiore tolli, limitariue queat, quin potius esto à Summo Pontifice posset reuocari, nunquam tamen reuocabitur; esset enim intolerabilis error, quem Spiritus sanctus in sua Ecclesia nunquam permittet; & sic manet soluta vtraque probatio in contrarium adducta.

11. Ad quartum & vltimum de peccatis venialibus, communiter respondent DD. posse quemlibet Sacerdotem ab illis absolue, sed dissident in assignanda ratione, seu iurisdictione ad hoc ministerium requisita. *Sot. in 4. dist. 18. art. 2. ad 3. ait,* rationem esse, quia ad absoluumdum de venialibus nulla est necessaria iurisdictio, idque videtur deduci ex eo, quòd peccata venialia, quauis sint sufficiens materia confessionis, non tamen necessaria, sed voluntaria, ac propterea Sacerdos nequit pœnitentem cogere ad confessionem illo-

rum, nec obligare eum ad pœnitentiam de ipsis faciendam. Vnde D. Thomas *dist. 19. q. 1. art. 3. ad 3.* in idem propendere videtur, dum ait, potestatem Ordinis ad hoc sufficere. Hæc tamen opinio merito refellitur à Suar. *disp. 26. sect. 5. num. 3.* tum quia Concilia, præsertim Florentinum, & Tridentinum, statuunt, ad hoc Sacramentum validè ministrandum necessariò requiri iurisdictionem ordinariam, vel delegatam, nec ullam exceptionem, limitationemqve apponunt, tum quia in eo etiam casu perficitur Sacramentum per modum iudicii: ad iudicium autem necessariò requiritur iurisdictione, Caict. *10m. 1. opusc. tract. 7. q. 1. & in sum. verb. absolutio cap. 2.* fateatur, tunc requiri iurisdictionem, eam tamen habere Sacerdotem ab ipso pœnitente per voluntariam subiectionem. At si id propriè, & vt verba sonant, intelligatur, est quidem improbable, vt habetur ex *suprà* adductis, quippè solus Deus est omnium peccatorum etiam venialium supremus iudex. Si autem intelligatur, quòd pœnitens iurisdictionem dare dicitur, quatenus designat personam, cui statim Deus iurisdictionem confert, vt sentit Nauarr. tunc oportet ostendere, vbi à Christo sit huiusmodi facultas omnibus concessa, vel pactum initum de tali iurisdictione ad nutum alterius conferenda. Paludan. *dist. 19. q. 1. art. 3. num. 25. & ibi Capreol. ad 1. contra tertiam conclusionem, Can. 5. p. relect. fol. mihi 143. §. 3.* Ledesm. *2. 4. q. 12. art. 1. & alij*, quos refert, ac sequitur Vasq. *dub. 6. num. 5.* inquirunt, iure diuino esse cuiuslibet Sacerdoti concessam hanc iurisdictionem sine alia commissione aliunde accepta. Ducuntur, tum quia peccata venialia sunt materia voluntariæ confessionis, vt habet etiam prima opinio, & consequenter ad eorum absolutionem non requiritur iurisdictione ab hominibus ac-

cepta, sed sufficit potestas clavis, quæ iure diuino cuiuslibet Sacerdoti confertur in susceptione sacerdotij, tū etiam, quia peccata venialia non possunt reservari, vt tenet communis DD. sententia, possent autem reservari, si ad eorum absolutionem necessaria esset Ecclesiæ iurisdictione.

11. Hæc tamen opinio non placet Suar. qui *sect. 5. num. 5.* docet, etiam in eo casu hanc fuisse Ecclesiæ concessio- nem. Ducitur; tum quia antiqui DD. supponunt esse quidem Ecclesiæ consuetudinem vt quilibet Sacerdos, non specialiter impeditus, possit à peccatis venialibus absolvere, hincque infert, iurisdictionem istam esse ab Ecclesia delegatam: tum etiam, quia *cap. omnis variusque sexus*, quo habetur, nullum posse Pœnitentiæ sacramentum ministrare, nisi Sacerdotem proprium, aut alienum de licentia proprij, communiter exponitur de confessione mortali- um, & meritò, quia agit de præcepto annuæ confessionis, de cuius necessitate dumtaxat sunt peccata mortalia, vt late probat Scot. *dist. 17. q. 1. art. 3.*

13. Omnes igitur præcitati autho- res conueniunt, posse quemlibet Sacer- dotem, etiam non approbatum, validè de peccatis venialibus absolvere, esto dissideant ipsi in explicanda ratione. Ego autem, etiamsi tantorum Patrum autoritas me quasi astringat idem sen- tire, ratione tamen, ac iustitia cogor ab eorundem sententia discedere, & oppositam amplecti. Atque in primis, videtur mihi voluntariè dictum ex communi illa sententia, quòd præcep- tum confessionis annuæ obliget solum ad mortaliū confessionem inferri, quòd validè possit simplex Sacerdos à peccatis venialibus absolvere; immo, si attendamus Concil. Tridentinum, dum ait, nullam esse absolutionem, quam Sa- cerdos in eum profert, in quem ordina-  
riam,

etiam, seu delegatam non habet iurisdictionem; contrarium potius sentendum est, Concilium enim non distinguit de mortalibus, aut venialibus. Præterea, cum absolutio sacramentalis sit actus iudicialis, ut ex utriusque Concilii. Florentini, ac Tridentini decretis ostensum est *suprà*. Iudicium autem nequeat validè exerceri absque iurisdictione, cōsequenter nemo potest etiam à venialibus validè, & sacramentaliter absolui à non habente iurisdictionem.

14. Nec obstat primò, si dicas, quòd peccata venialia, esto sint sufficiens materia confessionis, non tamen sunt materia necessaria, sed libera; sunt enim leuia, & non inducunt ad damnationem æternam, atque ideo nec quis potest ad eorum confessionem cogi.

Respondetur enim, quòd esto res ita se habeat, si tamen quis velit à venialibus liberari per sacramentalem absolutionem, cum hæc necessariò fiat per modum iudicii, non potest validè absolui, nisi ab habente iurisdictionem, sicut non posset iudex aliquis validè sententiaré non sibi subditum etiam de re leuissima, absque proprii iudicis facultate. Nec iurisdictio requiritur semper ob coactionem, sed potius ob validitatem actionis.

15. Nec obstat secundò, si dicas, Sacerdotem quemcumque habere iure diuino ex vi sui Ordinis sufficientem iurisdictionem absoluedi à venialibus, ut tenent auctores tertie opinionis. quia

Respondetur id quidem dici absque fundamento. nam si aliquid esset, maxime quia sic deducitur ex illis verbis Christi, *Accipite Spiritum sanctum, quorum remisistis*, &c. inde autem inferro iurisdictionem absoluedi à venialibus, non à mortalibus, satis vanum videtur; tum quia prædicta verba non indicant

aliquà limitationem, seu exceptionem, & quòd virtute illorum non conferatur Sacerdotibus potestas iurisdictionis absoluedi à mortalibus, immò nulla, abundè probatum est *suprà*. Tum etiam, quia Christus Dominus ibi sacramentum Pœnitentiæ in remedium contra peccata indifferenter instituit, vnde non esset rationi consonum constituere ibidem Sacerdotes, pastores, ac iudices animarum cum plena potestate in causis leuioribus, & venialibus, potius quàm in grauioribus, & mortalibus, ut rectè obseruat Suar. *num. 7.*

16. Nec tertio obstat, si dicas, cuiusque Sacerdoti licitum esse à venialibus absolue re ex concessione à Summis Pontificibus orta, & ex eorundem tacito consensu semper continuata, ut tenet Suar. *num. 10.* quia mihi non satisfacit, sed videtur potius voluntariè dictum. debuisset namque in medium producere textum aliquem, vel auctoritatem saltem vnius, duorumve Doctorum grauium ex antiquis, qui dignè posset attestari, hanc iurisdictionem fuisse vnquam ab Ecclesia simplicibus Sacerdotibus collatam. Fatetur autem Nauarr. statim citandus, se textum, auctoritatemve similem nullibi legisse, sicut nec ego legi. Immo Suar. licet affirmet, antiquos DD. supponere huiusmodi consuetudinem, ipse tamen nullum talem in suæ opinionis fauorem adducit. Ac similiter, nec agnosco nunc esse in vsu hanc consuetudinem, ut Sacerdos nondum ab Ordinario admissus absoluat etiam à venialibus, quin potius Faucit. *vbi suprà num. 76.* arbitrat, quòd si quis id attentaret, nihil faceret, & peccaret saltem venialiter, quippe committeret sacrilegium, in re tamen leui. Vnde ipse constanter nostram tueretur sententiam. Et quasi nobiscum sentit etiam Nauarr. in cap. placuit, de pœnit. dist. 6. *num. 21.* Nec simpliciter dissentire au-

det Med.d.g.40.C.de confessi. non necessitate, sed voluntate facta. Fateatur etiam idem Suar. *sub num. 1.* oppositum reddi satis incertum post Tridentinum, saltem quoad Sacerdotes non expositos, quoniam esto, ad iudicandum de venialibus non sit necessaria magna scientia, ad discernendum tamen venialia à mortalibus aliqua profectò necessaria est, atque hinc infert necessarium esse ut is, qui de venialibus iudicaturus est, sine potestate circa mortalia, sciat discernere inter lepram, & lepram, id est, inter venialia, & mortalia: ac proinde possit hac de causa in illo exigi approbatio.

17. Nec obstat ratio adducta de reservatione venialium, quamvis enim non possint simpliciter referuari, sicut nec quis potest ad eorum confessionem cogi; attamen, si quis vnquam habens sola venialia, vellet se foro pœnitentiali subiicere, possit Superior iurisdictionem circa venialia Confessario tribuere cum reservatione alicuius venialis. Vnde Vasq. *num. 8.* ait, quòd quamvis talis reservatio esset æstimata irrationalis, teneret tamen, quia delegans potest pro sua voluntate facultatem limitare, & de facto Ecclesia priuat aliquando Sacerdotem hac iurisdictione: Sacerdos enim excommunicatus, & nominatim denunciatus nunquam validè absoluit, etiam de solis venialibus, ut ex communi sententia refert Suarez *num. 5.*

18. Hinc infert ipse Suarez *num. 6.* idem esse sentiendum de mortalibus iam semel confessis, ac de venialibus nondum in confessione expositis, cum de omnibus sit eadem ratio, & sicut ista, ita & illa sunt materia non necessaria. & sic videtur sentire, quòd etiam ex consuetudine Ecclesiæ, & tacito ipsius consensu possit quilibet Sacerdos de mortalibus iam confessis licitè absolvere. Rcfert tamen *ibidem* Sor. sentien-

tem, quod non cuilibet Sacerdoti id licet, cuius opinio mihi magis probatur, tum quia circa mortale semper est necessaria iurisdicção, atque illa ex se sunt materia necessaria, per accidens autem est, quòd sint iam confessi; tum etiam, quia id conuincit communis Ecclesiæ praxis; & pro eadem sententia apud Vasq. referuntur Nauarr. Med. & Ledesm. citò ipse Vasq. *num. 10.* cum Paulud. oppositum sentiat, dicens, quemlibet Sacerdotem posse iure diuino de mortalibus semel absolutis, iterum absolvere.

## D V B I V M V I

*Vtrum Sacerdos, quem Ordinarius indicauit idoneum ad audiendas sacramentales confessiones, non tamen illi contulit iurisdictionem, possit virtute Bullæ eligi in Confessarium.*

1. PRO intelligentia huius dubij præmittere oportet, quòd stat Episcopum approbare aliquem iudicando practicè habere sufficientiam in doctrina, & moribus ad audiendas confessiones, & tamen non velle illi conferre iurisdictionem ex aliqua causa iusta, vel iniusta; quatinus ergo, an Presbyter, qui ab Ordinario suscepit solam approbationem, & non iurisdictionem, possit eligi in Confessarium virtute Bullæ?

2. Videtur enim non posse, primò, quia in Bulla solùm dicitur, virtute illius posse eligi in Confessarium approbarum; sed simplex Sacerdos, nullam præhabens iurisdictionem, non est Confessor, ut omnes fatentur, ergo talis non potest eligi virtute Bullæ ad confessiones audiendas.

3. Secundò, quia iuxta Concil. Trident. *sess. 14. cap. 7.* nemo habet facultatem absolucendi, nisi ei fuerit data iurisdicção;

dictio; sed illi non est data iurisdic-  
tio ab Episcopo, vt supponitur, nec etiam  
à Papa, quia in Bulla solum conceditur  
pœnitenti posse eligere aliquem Con-  
fessorem ex approbatis ab Ordinario;  
nomine autem istorum solum veniunt  
intelligendi illi, qui ab Ordinario sunt  
destinati ad audiendas confessiones;  
tum quia isti solum sunt qui ab illo ap-  
probantur, & non alij; tum quia verba  
iudicis absolute prolata, debent intelli-  
gi secundum formam iuris: in Triden-  
tino autem *ubi supra*, sic sumuntur, nam  
præterquam quod Sacerdos, vt sit ido-  
neus, requiritur ibi, quod sit approba-  
tus ab Ordinario; ergo censet Conci-  
lium, illum dici approbatum, qui præ-  
ter idoneitatem, quam habet, factus  
est Confessor ex approbatione Ordina-  
rij.

4. Tertio, quia, si contraria senten-  
tia esset vera, sequeretur posse pœniten-  
tem obligare Episcopum de iustitia, vt  
talem, vel talem Sacerdotem examinet,  
& si idoneum inueniat, illum approbet,  
aliàs impediretur priuilegiatus vt pri-  
uilegio Bullæ eligendi Sacerdotem,  
quem malit ex approbatis ab Ordina-  
rio, & consequenter impediuntur pon-  
tificia priuilegia: hoc autem est ma-  
gnum inconueniens, quia sic sæpe mul-  
ti audirent confessiones renuente Or-  
dinario, & absque eius licentia, quod  
tamen euitare intendit Concil Triden-  
tinum prohibens vt nemo, quantumuis  
doctus, confessiones audiat sine Ordina-  
rij licentia.

5. Quarto, quia aliàs omnes, qui  
examinantur ad obtinendum aliquod  
beneficium curatum, dummodo digni  
iudicati fuissent ab Ordinario ad illud  
munus exercendum, possint eligi in  
Confessores virtute Bullæ, quia reuera  
hoc ipso, quod Ordinarius iudicat illos  
idoneos, & dignos, approbat ad offi-  
cium Parochi, atque adeo ad audiendas

confessiones, cum hoc esset proprium  
illius munus.

6. Pro resolutione præmitto pro  
tyronibus, quod licet quilibet Sacer-  
dos accipiat facultatem in sua ordina-  
tione, remittendi peccata in sacramen-  
to Pœnitentiæ, vt constat ex forma talis  
ordinationis, dicente: Accipe potestatem  
remittendi peccata, & ex Concil.  
Tridentino *sess. 23. cap. 1. de doctrina fidei*,  
& *cap. 13. de reform.* non tamen illam  
potest exercere, saltem quoad peccata  
mortalia, donec ei detur iurisdic-  
tio à Superiore; cuius ratio est, quia illa po-  
testas Ordinis non est ita perfecta, &  
sufficiens, quin indigeat quoad exerci-  
tium alia potestate iurisdictionis sibi  
suprà addita, vt *dub. 3.* præcedenti latè  
probauimus. Quare certum debet esse,  
neminem posse absolui saltem à peccato  
mortali interiori, vel exteriori certo,  
vel dubitato, nisi à Sacerdote habente  
iurisdictionem, præter eam, quam ex vi  
sue ordinationis accepit. Dixi à peccato  
mortali, quia iuxta communem ferè  
opinionem quilibet simplex Sacerdos  
ex sola facultate, quam accipit in sua  
ordinatione, potest absolvere à venia-  
libus, dummodo nullum sit dubium, an  
sint mortalia. sed de hoc dictum est su-  
prà quid nobis magis probetur.

7. Præmitto deinde, quod stando in  
solo iure communi, omni priuilegio  
secluso, nemo potest absolui nisi à pro-  
prio Sacerdote, vt constat ex *cap. omnis*  
*utriusque sexus. de pœnit. d. 6. & cap. abijci-*  
*mus. 5. ecce. 16. q. 2.* Nomine autem pro-  
prij Sacerdotis, veniunt intelligendi  
Parochus, Episcopus, & Papa. Dixi *se-*  
*cluso priuilegio*, quia Regulares vt mini-  
mum ab Ordinatio approbati habent  
facultatem ex specialibus priuilegiis, vt  
possint fideles, etiam si Bulla careant,  
ad illos accedere pro absolutione à pec-  
catis, vt *infra* dicemus.

8. Quapropter probabile censent

DD.

DD. mox citandi virtute Bullæ posse eligi quemcunque Sacerdotem approbatum ab Ordinario, etiam si Ordinarius nullam ei contulerit iurisdictionem, ita multi recentiores cum Enriq. lib. 6. cap. 6. §. varijs modis. Guttier. quasi. canon. cap. 27. num. 22. Can. de penis p. 5. Rodr. in addit. §. 9. num. 4. & alij; &

9. Probatur primò, quia tam Bulla, quam Concil. Tridentinum solum perunt approbationem Ordinarij, vt Sacerdos eligibilis sit per Bullam; sed huiusmodi approbatio stare potest, absque eo, quòd Ordinarius conferat iurisdictionem, per hoc solum, quòd explicet suo testimonio esse idoneum ad audiendas confessiones; ergo id sufficiens erit ad hoc, vt eligibilis sit in Confessarium virtute Bullæ, aut alterius priuilegij, vel consuetudinis, quantumuis aliàs Ordinarius dicat, se nolle illi dare iurisdictionem, nec velle, vt confessiones audiat; non enim ipse potest impedire Pontificum priuilegium.

10. Secundò, quia ideo exigitur in Bulla approbatio Ordinarij, quia in antea actis Bullis absolute dabatur facultas eligendi quemcunque Sacerdotem, & sic multi eligebantur indocti in magnum detrimentum animarum. At istud inconueniens sufficienter vitatur, si nemo possit eligi, nisi approbatus ab Ordinario. ergo hoc est, quòd intendit Pontifex in Bulla, & non quòd habeat iurisdictionem ab illo, quia hoc omnino impertinens est ad euitandum illud malum.

11. Tertiò, quia ille approbatus ab Ordinario habet iurisdictionem à Papa; ergo potest eligi per Bullam, licet aliàs etiam Ordinarius repugnet, nec illi aliquam iurisdictionem tribuat. Consequentia est euident, & antecedens probatur, quia hoc ipso, quòd Papa concedit alicui facultatem eligendi aliquem in Confessarium, confert electo iurisdictionem

ad absolendum eligentem. scilicet, sicut, cum Prælatus religionis præbet licentiam Religioso ad eligendum quemcunque Confessarium sui Conuentus pro absolutione à reſeruatis, eo ipso etiam præbet iurisdictionem Presbytero electo ab illo Religioso, ad absolendum illum à reſeruatis: ergo talis vetè recipit iurisdictionem à Papa.

12. Ad primum responderetur, non opus esse, vt qui eligat Presbyterum per Bullam approbatum, eligat eum, qui antea erat Confessor, sed quòd per suam electionem faciat eum Confessorem ex indulto Apostolico, sicut, cum eligitur Episcopus, non eligitur qui prius erat Episcopus, sed qui Episcopus non erat, in Episcopum eligitur, quam solutionem satis indicant verba Bullæ Hispanæ, ibi, *que pueſdan eligir por confessor.*

13. Ad secundum responderetur, falsum esse, illum non habere iurisdictionem à Papa. nam (vt *suprà* dicebam) Pontifex eo ipso, quòd recipienti Bullam facultatem præbet ad confitendum alteri, confert illi alteri iurisdictionem; approbationem autem iam dixi consistere in iudicio practico, seu testimonio Prælati de idoneitate personæ ad audiendas confessiones. Ad id verò, quòd ex Tridentino adducitur, respondeo, satis clarè elocutum fuisse, dum in d. cap. ait, quòd nullus habeatur idoneus, nisi habens parochiale beneficium, aut sit approbatus ab Episcopis, quocunque priuilegio, aut consuetudine, etiam immemorabili non obſtante.

14. Ad tertium quidam recentiores concedunt sequelam, sed malè, quia in Bulla non datur facultas nisi ad eligendum ex approbatis, non ex approbandis. Vnde qui non fuerit approbatus, eligi non poterit virtute Bullæ; nec potest cogere potest Episcopum, vt

cum



cum examinet, & si idoneum inueniat, approbet, cum non detur ei facultas eligendi quemcunque aptum, ut approbetur, sed iam approbatum. Secundo respondetur gratis admissa sequela inconueniens ibi illatum esse nullum: nam Concilium non intendit, ut sine licentia Episcopi iurisdictionem dante, nemo virtute Bullæ confessiones audiat, sed quod sine licentia approbante non eligatur quis in Confessarium; est enim differentia inter licentiam approbationis, & iurisdictionis, prima enim stare potest sine secunda, ut patet in principio huius dubij, non verò secunda siue prima.

15. Ad quartum negatur sequela, quia per examen literarum solum fieri potest iudicium de literis, non verò de moribus, quod etiam requiritur de idoneitate Confessarii. Si tamen Episcopus omnes illos, qui ad examen accedunt, suo testimonio approbaret in doctrina, & moribus, fateatur omnes illos eligibiles esse per Bullam ad audiendas confessiones, etiam renuente Episcopo.

16. Ceterum oppositum mihi magis probatur, & censeo absolute tenendum, tum ob rationes initio adductas; tum quia sic sentiunt communiter DD. & docet etiam vniuersalis Ecclesiæ consuetudo.

DUBIVM VII.

*An Parochus relinquens Curatum per commutationem, vel aliam causam, sit eligibilis in Confessarium virtute Bullæ.*

1. **H**OC dubium appendix est precedentis, circa quod est sententia Henrici lib. 6. cap. 6. sub num. 3. Suarez tom. 4. disp. 18. sect. 4. num. 20. Fagund. lib. 7. cap. 2. num. 38. & Filliuc. tom. 1. tract. 7.

cap. 9. num. 157. & quorundam recentiorum, qui docent partem negantem, quæ mihi etiam probatur.

1. Primò, quia, ut constat ex Tridentino ubi supra, ille solum censetur idoneus ad audiendas confessiones, qui vel parochiale beneficium, vel approbationem ab Episcopo habet. ergo vult quod Parochus, actu sit Parochus, ut possit audire confessiones.

2. Secundò, nam Parochus eo ipso, quo desinit esse Parochus, amittit simplicem approbationem à Concilio, & Bullæ requisitam. ergo non potest eligi in Confessarium virtute Bullæ. Probatur antecedens, quia approbatio implicita, quæ data illi est per collationem parochialis beneficii, fuit illi concessa pro tempore, quo durat illi tale beneficium, cum intuitu illius fuerit illi data. ergo beneficio ablato, aufertur approbatio, quæ in eius collatione implicite ei fuerat tributa.

3. Nihilominus non videtur omnino improbabilis opinio aliquorum, etiam recentiorum, qui cum Rodr. in addit. §. 9. num. 4. & Ioanne à Cruce p. 2. de parit. q. 9. dub. 8. concl. 4. tenent prædictum Parochum, eligi posse virtute Bullæ in Confessarium, licet reliquerit Curatum. Ducuntur, quia ille habebat approbationem ab Ordinario, immò & ab ipso iure, sed per ablationem, vel amissionem etiam per litem beneficii parochialis, solum tollitur et iurisdic-tio, non verò approbatio. ergo manet eligibilis per Bullam. Consequentia cum maiori, & minori probatur, approbatio enim non habet necessariam dependentiam, & connexionem cum parochiali illo beneficio. ergo non eo ipso, quod aufertur beneficium, aufertur approbatio.

4. Hinc autem inferunt primò, quod si Parochus beneficium amittit, vel illud relinquit per ingressum Religionis, poterit

poterit eligi virtute iubilæi, quo pœnitenti conceditur facultas eligendi in Confessore, Sacerdotem approbatum, quia non amisit simplicem approbationem; ea tamen posita, Papa per speciale iubilæi privilegium ei confert iurisdictionem.

6. Inferunt secundò, quòd Parochus poterit ei, qui antea erat Parochus, dare facultatem audiendi confessiones in sua Parochia, quia hoc poterat ante Trid. concedere & simplici Sacerdoti; Tridentinum verò solum addidit approbationem quam adhuc ille retinet, ut *suprà* ostensum est. Vnde

7. Ad primum respondetur inde solum colligi, id velle Concilium sub distinctione, scilicet vel quòd habeat beneficium parochiale, vel approbationem absque beneficio parochiali, & hanc secundam habet ille.

8. Ad secundum respondetur quòd licet à principio fuerit facta approbatio illius intuitu beneficii, tamen postea conservatur, & durat talis approbatio, omisso beneficio, quia collatio beneficii non se habet ut ratio formalis talis approbationis, sed ut occasio illius, & ideo non sequitur, quòd ablato beneficio auferatur approbatio, nisi aliàs id exprimeret Prælati, dicens se reprobare illum, qui amisit, vel reliquit beneficium parochiale.

9. Quare idem sentire videtur Vilalob. qui est *tratt. 9. de pœnit. diff. 35. num. 5.* secutus Suar. ubi *suprà*, priorem sententiam arbitretur tutiorem, & in praxi tenendam, postea tamen *tratt. 27. claus. 9. num. 4.* hanc secundam absolute tuetur, & contrariam solum ait esse probabilem.

10. Ego autem absolute priorem tutiorem, & probabiliorem censèd, tunc ob rationes initio adductas: tum, quia in iis, quæ pendent ex iure positivo, standum est verbis legis. Tum etiam

quia potuit in priori approbatione aliquis error committi, atque ideo solum quandiu Curatus ab Ecclesia sustinetur, in tali officio approbatus censetur. Vnde si successu temporis cognoscatur insufficiens ad id munus, vel ex defectu scientiæ, aut etiam morum, & hac de causa per Episcopum suspendatur, vel coadiutorem accipere cogatur, tunc non est censendus expositus, nec idoneus, quoniam licet non sit beneficio priuatus, est tamen iuste impeditus: Concilium autem intelligendum est de habente beneficium & vsum eius absque iusto impedimento. Atque ex dictis patet solutio ad omnia, quæ in contrarium adduci poterunt.

## DUBIUM VIII.

*An secularis Sacerdos, qui pro tempore determinato dumtaxat est approbatus, maneat eligibilis per Bullam transacto illo tempore.*

1. Videtur quòd sic, quia qui pro vno determinato oppido est approbatus, est eligibilis per Bullam extra illud oppidum in eadem diocesi, ut fatentur DD. ergo similiter, qui pro vno tempore est approbatus, poterit eligi extra illud tempus virtute eiusdem Bullæ in eadem diocesi. Patet consequentia, quia non est maior ratio, quare facta restrictione loci possit eligi in alio loco, & facta restrictione temporis, non possit eligi in alio tempore. Ita Acoft. *super Bullam quest. 39. ad finem.*

2. Respondeo nihilominus, approbatum pro vno tempore determinato, non esse eligibilem per Bullam transacto illo tempore: Pro cuius intelligentia suppono, Episcopum posse dare approbationem limitatam ad speciale tempus, immò ad speciales casus, & ad specia-

• *Specialem locum.* Ita Guttier. *quest. canon. c. 27. num. 59. & seqq.* Nauar. *c. 4. n. 4.* Enriq. *lib. 3. c. 6. n. 4.* Rodr. *in expositione Bullæ. 5. 9. n. 8. & Ledesm. in summ. tom. 1. tract. 1. de Confess. c. 13. dub. 10.* Et ratio huius est manifesta, quia stat, aliquem esse sufficientem ad confessiones rusticorum, & non negotiatorum, virorum, & non feminarum, ad hos casus, & non ad illos, ad ynam partem diocesis, & non ad aliam. Et similiter stat, quod Episcopus hos eligat, sperans anno sequenti se habiturum Sacerdotes magis idoneos, atque ideo rationabiliter vel non approbare istos nisi pro tempore determinato; & deinde quia stat, aliquem esse idoneum hoc anno ad audiendas confessiones, & non sequenti, propter morum mutationem. ergo potest Episcopus limitare tempus approbationis. Immo id valde utile esse existimo, ut sic timore examinis, Confessarii cautiore; & diligentiores fiant, indiesque magis crescant in doctrina, & vitæ puritate. Hoc supposito probatur conclusio, quia Bulla exigit, ut qui virtute illius eligitur in Confessarium, sit actu approbatus tempore electionis. ergo non est quis eligibilis per Bullam, dum suæ approbationis tempus elapsum est; non enim conceditur in illa posse poenitentem eligere illum, qui aliquando fuerit approbatus, sed qui sit actu approbatus, hoc est, quod existat talis tempore, quo eligitur, & hæc est communis DD. intelligentia.

3. Et, si inquiras: Unde colligo, Bullam requirere approbatum pro tempore præsentis, cum id non explicet Bulla, sed tantum dicat, eligi posse approbatum?

Respondeo rationem huius colligi ex fine, ad quem addita fuit illa clausula, nempe ad euitandū, ne eligeretur ad poenitentem Presbyter non idoneus; hoc autem non vitaretur, quantum commode fieri potest, si sufficeret eligere

eum, qui pro aliquo tempore præterito idoneus erat, modo non sit propter negligentiam in moribus, & doctrina. Atque ex his colligo, quod si talis de facto eligeretur à poenitente-virtute Bullæ, absolutio eius nulla esset, nisi aliàs communis esset error poenitentis, aut vulgi, concurrente titulo colorato, scilicet, quia habebatur ut Parochus, vel quia prius fuerat approbatus, nec scitur postea reuocatum, aut ad tempus dumtaxat fuisse approbatum: nam si hæc concurrant, valida erit absolutio, ut docent Caiet. *verb. absolutio. c. 3. & verb. Confessio. c. 3.* Nauar. *c. 9. n. 8.* cum Panorm. *1. q. 19.* & colligitur aperte ex *l. Barbarius Philippus. ff. de offic. prator.*

4. Ad rationem verò dubij respondeo esse disparatam rationem, quia cum quis eligitur virtute Bullæ extra oppidum diocesis, pro quo est approbatus, iam seruatur conditio requisita in Bulla, cum reuera eligatur approbatus pro tunc, & ita Enriq. *lib. 6. c. 7. fol. 410.* ait, quod secularis, vel Regularis approbatus pro vno oppido, durante approbatione censetur in praxi sapientum ita generaliter idoneus, ut vbique terrarum eligi possit ab habente Bullam; de hoc tamen dicam *dub. sequenti*; secus autem est de eo, qui eligit approbatum extra tempus, pro quo fuit approbatus; nam tunc non implet conditionem Bullæ, cum non eligat approbatum actu, sed qui fuit approbatus.

#### DUBIUM IX.

*Utrum Sacerdos ab Ordinario approbatus pro vno tantum oppido, seu pro vno genere personarum, sit absolute eligibilis ab omnibus virtute Cruciatæ.*

1. *Suppono* primò aliquando Confessarios posse approbari pro loco

co determinato, vt pro ista, & non pro illa Parochia, seu pro tali oppido, & non pro alio. Aliquando etiam pro determinato genere personarum, id est, pro viris, & non pro foeminis, seu pro rusticis, & non pro alijs, vt dictum est *dub. præcedenti*; huiusmodi autem limitationes possunt aliquando provenire ex defectu scientiæ in approbandis, quibus ideo conceditur facultas audiendi confessiones rusticorum, seu in tali oppido, & non aliorum, seu alibi; quia regulariter non occurrunt illis, seu ibi casus aded difficiles; aliquando verò ex defectu ætatis, & hac de causa illis alicubi facultas audiendi confessiones virorum, & non mulierum, concedi solet.

2. Suppono secundò. Regulares semel ab Ordinario vndequeque, & absolute approbatos prævio examine ad confessiones secularium audiendas, non posse ab eodem Ordinario iterum ad examen vocari, bene tamen à successore; immò Regulares si semel sint approbati pro vno determinato personarum genere, seu pro vno oppido dumtaxat, seu ad tempus determinatum, possunt ab eodem Ordinario iterum examinari, quia hi non dicuntur approbati vndequeque, & absolute. Similiter si sint approbati absque prævio examine, vt habetur ex concessione Pij V. in Motu proprio anni 1571. qui incipit, *Romani Pontificis*, &c. vbi inter alia, sic ait: Volumus tamen eos, qui semel ab Episcopis in ciuitatibus, aut diocæsis suis prævio examine approbati fuerint, ab eisdem iterum non examinari. Atque ita etiam declarauit Sac. Congreg. super Concil. Trident. sub his verbis: Congreg. Concilij censuit, Regulares ad audiendas in ciuitate, aut diocæsi secularium confessiones semel ab Episcopo prævio examine approbatos, iterum ab eodem Episcopo

non esse examinandos. Cæterum à successore posse vtrique examinari iuxta constitutionem Pij V. datam octauo Id. Augusti, Põrificatus sui anno sexto. quæ à sel. rec. Gregorio XIII. non est reuocata per reductionem priuilegiorum Regularium ad terminos Concil. Trident. ita refertur per Rodr. & Vég. apud Fagund *lib. 7. cap. 2. num. 26.* & hæc est communis DD. opinio, quicquid aliqui in contrarium arbitrentur; vt latè ostendunt Fagund. *citat.* & Suar. *disp. 28. sect. 8. per totam.*

3. Suppono tertio, Regulares etiam ab eodem Episcopo semel approbatos, posse iterum ad examen vocari, si iusta, & rationabilis interueniat causa, immò & suspendi, ac reprobari, quia ita præscribit Pius V. in suo præcitato Motu proprio. Atque ita docent expressè Suar. *suprà*, & Fagund. *n. 31. Enriq. lib. 3. de pœnit. cap. 6. num. 6.* citans pro se Immol. Ioan. de Lignano, necnon Rodr. *§. 9. num. 31.* & Sor. *in 4. dist. 18. quæst. 4. art. 3.* ita etiam Viuald. *in candelab. de confess. num. 27. §. 2. conclus.* & Sylu. *verb. confess. 2. num. 11.* vbi ait, approbationem, & licentiam ab Episcopo datam Regulari ad excipiendas confessiones præcedenti examine, per eundem Episcopum posse auferri ex iusta causa cognita, & probata, vt si scandalosè viuat, errores seminauerit, surdus, vel mente captus fiat, scæminas in confessionibus sollicitauerit, & eiusmodi alia. Citat autè pro se Sylu. Card. & alios. Immo iam probatur sic, quia, secluso priuilegio, nullum est ius, quod dictam approbationem suspendi, seu reuocari prohibeat, iusta interueniente causa, neque illa approbatio habet ex se, vnde sit irreuocabilis, tum quia fundamentum illius non est immutabile, fundatur enim in scientia, & moribus: Sacerdos autem quoad hæc facillè mutari potest, vt experientia docet, tum quia iterum

constare

constare potest, priorem approbationem fuisse ex notabili errore factam.

4. Sed quæres, an reuocatio approbationis huiusmodi sine iusta causa, per Episcopum facta sit valida?

Probabile est, dictam reuocationem absolutè nec esse licitam, nec validam. Prior pars probatur in primis argumento *cap. accepimus, de arat. & qualis. ordin.* in illis verbis: Nisi postquam promoti fuerint, reddiderint se indignos, &c ubi habetur, cum, qui semel, tanquam idoneus approbatus est, non esse tanquam indignum reiiciendum, nisi constiterit deuò, factum esse indignum. Secundò, quia dicta approbatio non est gratia aliqua, seu fauor, sed est iuridica quædam declaratio, quæ se habet tanquam iusta sententia, & iustitia debita, & consequenter nequit absque causa iuste reuocari.

5. Posterior autem pars probatur, quoniam dicta reuocatio facta absque causa, est quasi ablatio iuris iam acquisiti, vel quasi sententiæ iustæ reuocatio sine causa, ac proinde non solum est iniusta, sed etiam inualida, præsertim respectu Mendicantium, quibus à Papa confertur iurisdictio, ab Episcopo autem solum approbatio; vt alibi dicemus. Confirmatur, quia per approbationem semel datam Sacerdos manet approbatus, nec potest iam non esse approbatus, atq; idoneus, nisi ipse mutetur, ex tunc enim habet quicquid Concilium in illo requirit.

6. Nihilominus censeo in casu simili, tutius esse voluntari, & mandato Superioris acquiescere; tum quia rationes adductæ non sunt ad euidentes, & ostendentes, vt tollant omnem ambiguitatem, saltem respectu Sacerdotis secularis, cuius approbationem opinantur nonnulli semper pendere moraliter à voluntate approbantis, sicut pendet iurisdictio à voluntate dele-

gantis, tum quia multi satis probabiliter tenent, Episcopum non solum posse Sacerdoti seculari sibi subdito concedere dictam approbationem cum limitatione temporis, ac personarum ad beneplacitum suum, sed etiam Regulari, saltem si rationalis interueniat causa, atque ita docet communis praxis; tum denique, quia nec potest ad eò facile constare reuocationem esse iniustam, & sine legitima causa; nisi autem id manifestè constet, semper est pro Superiore præsumendum; maximè, quia possunt interdum causæ satis legitime mentem Superioris mouere, quas ipsi nec expedit, nec licet forsitan manifestare.

7. Sit iam prima conclusio. Qui ex defectu scientiæ sunt approbati pro vno oppido tantum, vel pro vno genere personarum, ibi, & ab illis dumtaxat, possunt virtute Bullæ, seu Iubilæi eligi ad confessiones audiendas: ita Rodr. in sum. tom. 1. cap. 60. num. 4. & in expositione Bullæ 5. 9. num. 8. dub. 5. Gutierrez in question. canon. cap. 27. num. 18. Acost. quest. 39. ad med. Idem etiam videtur sentire Suar. disput. 18. sect. 7. num. 3. & esse probabilem ait Ledesma. de penis. cap. 13. dub. 8. post primam conclus. sicut etiam asserit Fagund. lib. 7. cap. 1. n. 45. Ducor, quia nequit virtute Bullæ quis in Confessarium eligi, nisi sit ab Ordinario simpliciter approbatus: sed qui ad vnum genus personarum, id est, rusticorum, seu ad vnum oppidum, in quo nec contractus, nec casus difficiles euenire solent, est tantum approbatus, ex defectu scientiæ non est simpliciter approbatus, immò potius reprobus ad omnem alium locum, & ad omnes alias personas, igitur ab illis tantum est eligibilis, virtute Bullæ. Secundò approbatio non plus valet, quam pro illo, pro quo data est; ergo approbatus ad vnum tantum locum, & ad vnum dum-



## DVBIUM X.

*An, si Parochus designet Sacerdotem doctum, non approbatum ab Episcopo, ad audiendas confessiones sua parochia, talis possit audire illas, & eligi per Bullam.*

1. **V**iderur non posse, quia, iuxta Trid. sess. 23. cap. 15. nemo potest audire confessiones, nisi approbatus ab Episcopo, & ut constat ex Bulla, nemo potest eligi, nisi habeat prædictam approbationem. ergo sola approbatio Parochi insufficientis est, tam ad audiendas confessiones suæ parochiæ, quàm ut per Bullam eligibilis sit.

2. Respondeo, quòd quamvis uniuersaliter verum sit, & contra prædictum decretum Concilij illam Parochi approbationem non esse sufficientem, quantumvis electus sit spectatæ doctrinæ, ut rectè Suar. tom. 4. disp. 28. sect. 4. num. 3. ramen censio satis probabile, rectè posse Parochum in nonnullis casibus, ut si nimium fatigatus sit in hebdomada sancta, vel tempore Iubilæi, in quo concurrunt plures confessiones, approbare Sacerdotem doctum, si non sit facilis recursus ad Episcopum longè distantem. Ita docent Mauic. & Gall. & alij recentiores, quos refert, & sequitur Enriq. lib. 6. cap. 6. num. 2. litt. F. & G.

3. Probatur primò, quia, ut dicunt prædicti DD. Parochus est de iure Ordinarius, & præbet iurisdictionem. ergo sicut Abbas non Episcopus, ut Metinensis, & olim Pincianus approbat, ita & Parochus approbare potest urgente illa necessitate, cum id aliàs possit de iure communis, ut probant Card. Clement. religioſi, de priuileg. q. 12. & 23. Sylu. confessor 1. §. 1. & 4. Ioan. Andr. cap. perlectus, ubi dicit, ita disputatum, & conclusum fuisse

se Bononiz, rectè Enriquez ubi supra, & D. Anton. 1. p. Interrog. ait, ita declarasse quosdam Pontifices, quos ibi refert.

4. Secundò probatur, quia, ut communiter omnes concedunt in materia de matrimonio, & de voto, quando difficilis est recursus ad Summum Pontificem propter inopiam personæ, aut alio iusto titulo, Episcopus potest dispensare in votis, & aliis reſeruatis Summo Pontifici; ergo similiter in proposito, quando non est facilis recursus ad Episcopum, & vrget necessitas ob multitudinem confessionum, poterit Parochus idoneum Sacerdotem approbare.

5. Tertiò (& hanc rationem crediderim esse à priori) quòd in illis casibus talis approbatio Parochi valere propter rati habitationem, & epikeiam, quia rationabiliter credi potest, quòd Episcopus, si adesset, approbaret illum, & quòd ratam habiturus sit talem approbationem: unde rectè Enriq. loc. supra citat. ait, hanc sententiam esse probabilem ex rati habitatione, atque, & benè, ex DD. citat. quòd non potest Parochus sine approbatione Episcopi exonerare se, & committere alteri omnem curam delegatione generali, ut notarunt Ioann. de Imol. Abb. Sicul. & Ioann. Andr. in cap. omnis.

6. Cæterum extra casum necessitatis, absolute censio, Parochum suam delegare auctoritatem non posse nisi Sacerdoti per Episcopum approbato. tum quia verba Concilij id requirunt, ut constat, tum quia ex fine eiusdem Concilij sic colligitur; voluit enim, ad præcauenda inconuenientia, hoc iudicium Episcopis reſeruare; non caueret autem, si Parochis etiam dictam facultatem committeret; tum etiam, quia, si Parochus posset suam iurisdictionem Sacerdoti non approbato delegare, posset

set etiam suo Parochiauo cōcedere facultatem eligendi in Confessorem Sacerdotem similiter non approbatum: utrumque enim ante Concilium ex potestate ordinaria poterat; & consequenter, si quoad primum manet intacta, manet etiam quoad secundum. Consequens autem est evidenter absurdum, alias posset Parochus concedere quod non potest Episcopus. Ita Suar. *disp.* 22. *scilicet* 4. *num.* 12. Vasq. *q.* 95. *art.* 1. *dub.* 5. *ad fin.* Nugn. *in addit.* *q.* 8. *art.* 5. *dub.* 6. & communiter omnes.

7. Nec inde sequitur, Parochos priuari tunc iure suo, quo ante Concilium poterant cuicumque Sacerdoti idoneo iurisdictionem suam delegare. Respondetur enim, etiam nunc posse eam delegare idoneis; ex parte tamen eorum, quibus iurisdictionis est deleganda, apposta est conditio necessaria, ut habeantur idonei. Ex dictis igitur patet, quid sit propositio dubio respondendum; nam si in casu necessitatis Parochus alicui deleget suam iurisdictionem, ut dictum est *suprà*, tunc talis delegatus, durante necessitate eligibilis est, secus extra casum necessitatis.

## DUBIUM XI.

*An Prælatus monasterij sit eligibilis per Bullam, seclusa omni Episcopi approbatione.*

1. Ratio dubitandi eadem est, quæ in præcedenti dubio, quia tam in Concilio loco *suprà citato*, quam in Bulla exigitur, tanquam conditio necessaria ad eligendum Confessarium, approbatione Episcopi.

2. Nihilominus Enriq. *lib.* 6. *cap.* 6. *in comment.* paulo ante *licet* am F. tenet, Prælatum monasterij æquari habenti parochiale beneficium, & esse iure Ordinarium, & per consequens eligibilem

per Bullam à sæculatibus absque vlla Episcopi approbatione, quam opinionem aliqui recentiores etiam amplectuntur.

3. Primò, quia, sicut Episcopus, aut olim Abbas Pincianus, v.g. eligi potest per Bullam, & tamen non habet aliam approbationem, quam eam, quæ annexa est officio Ordinarij: ita etiam Prælatus Religionis, Generalis, Provincialis, aut localis eligi poterit per Bullam ratione officij, cui annexa est ipso iure prædicta approbatio. Patet consequentia, & similitudo, quia Prælatus regularis est simpliciter, & verè Ordinarius, & in utroque foro delegatus ad causas monasterij, ut docent Sylu. *ver. Prælatus, in principio* §. 2. & *verb. dignitas* §. 1. Ang. *ibidem in principio*, & *ver. rescriptum* §. *fin.* Cord. *super regul. Minor. cap.* 10. *quas.* 4. Compend. Mendic. *verb. Guardianus*; sed eo ipso, quo quis est Ordinarius, habet approbationem à iure; ergo sine alia Episcopi approbatione, aut facultate, potest audire confessiones sæcularium, & quorumcumque aliorum habentium Bullam.

4. Secundò probatur: nam eo ipso, quo quis habet officium Parochi, censetur ipso iure approbatus, sine alia speciali Episcopi approbatione, sed Prælatus monasterij est proprius Parochus respectu suorum subditorum, immò magis, quia quamvis sit illi nunc interdictum, iuxta Clement. VIII. & Ordinis decreta, referuare easus, potuit tamen aliquando ex concessione Alexandri VI. relata à Cord. *suprà Regul. cap.* 7. *quas.* 1. Parochus verò non; ergo sicut eo ipso, quo quis est Parochus, iure ipso habet approbationem, & est eligibilis per Bullam, ita etiam eo ipso, quo quis est Prælatus regularis, idem habebit.

4. Tertiò, quia Canonici Pœnitentiarius sine speciali Episcopi approbatione



probatione est eligibilis per Bullam: nam eo ipso, quo eligitur in Canonico Pœnitentiario, ipso iure impenditur ei approbatio ad audiendas confessiones. nam ad hoc munus specialiter eligitur. ergo sicut iste sine speciali approbatione Episcopi est eligibilis per Bullam, ita & Prælatus monasterij. Immo maior ratio est de illo, quàm de Pœnitentiaro, quia Pœnitentarius non est propriè Parochus, nec Ordinarius, Prælatus verò sic, vt *suprà* ostendimus. Nec obstat dicere (vt aiunt quidam recentiores) Pœnitentiarium recipere approbationem ab Episcopo eo ipso, quo eum instituit in Pœnitentiarium, neque (inquam) obstat, quia Pœnitentarius, & maximè in Ecclesiis cathedralibus, non eligitur ab Episcopo, sed à Capitulo, vbi plerunque eligitur contra Episcopi voluntatem.

6. Ex quibus omnibus colligunt DD. *suprà* citati, idem, quod dictum est de Prælo monasterij, dicendum esse de eius Vicario, Prælo absente, vt rectè notauit Enriq. lib. 6. cap. 7. fol. 400. cui etiam subscribunt nonnulli recentiores.

7. Vnde ad rationem dubitandi respondent, quòd sicut per verba Bullæ, aut Concilij, dum aiunt, eligendum esse approbatum ab Episcopo, vel Ordinario, non excluditur ipse Ordinarius, vel Episcopus, quia ipso iure habet ad id approbationem, ita etiam per eadem verba non excluditur Prælatus Religionis, cum hoc ipso, quòd sit Prælatus, sit Ordinarius, & consequenter habeat ipso iure approbationem. Ita tenet Enriq. *vbi supra*, sed ait hanc opinionem esse magis in praxi cogitandam.

8. Et meritò, quamuis enim hanc opinionem reddant fortasse speculatiue probabilem rationes adductæ; pra-

terea tamen eam nec veram, nec in conscientia tutam existimo.

9. Primò, quia sicut Regulares non egent Confessariis aded eruditiss, ac sæculares, vt alibi ex Nauarr. dictum est, ita nec Prælatus monasterij eget tanta eruditione, quanta indiget ordinariè Parochus, immò aliquando contingit, quòd Prælatus monasterij non sit Sacerdos, & consequenter nec etiam capax confessiones excipiendi. Igitur, absolute loquendo, Prælatus monasterij non est virtute Cruciatæ eligibilis saltem respectu sæcularium.

10. Secundò, quia Prælati locales apud Regulares, non sunt propriè Parochi, cum regimen potius spirituale, quàm Sacramentorum administratio eis circa subditos incumbat. Hinc Parochi, licet possint, non tamen tenentur suam iurisdictionem aliis delegare; sed, ordinariè loquendo, possunt velle suarum ouium confessiones per se audire; at Prælatis regularibus id nec licet, nec expedit. Non licet, vt constat ex decreto Clement. VIII. *de reservatio. cas. pro regul.* vbi §. 2. sic ait: Non licet Superioribus Regularium confessiones audire, nisi quando peccatum aliquod reservatum admiserint, aut ipsimet subditi sponte, aut proprio moru id ab eis petierint. Nec expedit, quia si cogerentur subditi suis Prælatis ordinariè confiteri, passim exponerentur periculo non fatendi veritatem, timentes ne ex notitia fori sacramentalis, Superiores interdumsumerent occasionem eos in foro exteriori deprimendi, & fortasse etiam puniendi. ergo, cum Prælati huiusmodi non sint propriè Parochi, vt constat ex dictis, consequenter nec sunt virtute Bullæ eligibiles saltem respectu sæcularium, nisi ab Episcopo approbatione habeant.

K

11. Tertiò,

11. Tertiò, quia DD. Prælati isti habeant iurisdictionem ordinariam, non tamen beneficium, & standum est verbis legis; nec habent iurisdictionem in sæculares, & consequenter nou statim censentur approbati respectu illorum.

12. Quartò, quoniam graues authores censent, Regulares ex vi Iubilæi, seu Cruciatæ nõ posse indulgentias lucrari, nisi confiteantur Sacerdoti per Episcopum approbato. Ita Suar. *de penit. disp.* 18. *sect.* 6. *num.* 11. Regin. *tom.* 1. *lib.* 1. *num.* 175. cum aliis, quorum opinionem improbauius *dub.* 9. Sed retenta huiusmodi opinione, ex dictis sic potest confici argumentum, Regulares quicumque, etiam superiores, nequeunt ex vi Cruciatæ eligere Confessorem, nisi sit ab Episcopo approbatus, igitur à fortiori, neque ipsi Prælati sunt eligibiles ex vi Bullæ saltem ad confessiones sæcularium excipientes, nisi sint ab Episcopo approbati. Immo nec authores præcitæ opinionis id contradicunt, quin potius sic sentiunt ferè omnes, & tenet expressè Rodr. §. 9. *num.* 4. *dub.* 1.

## DUBIUM XII.

*An Sacerdos secularis absolutè, & simpliciter approbatus, postea tamen iniuste reprobatus, eligibilis sit per Bullam.*

1. PRO intelligentia huius dubij, vt certa ab incertis separemus, præsuppono, Episcopum posse ex noua causa occurrente, vel antiqua melius ponderata, tollere approbationem, quam dedit tam sæculari, quàm regulari Sacerdoti, vt docent Syluest. *verb. Confessor* §. ult. Sor. *in* 4. *dist.* 18. *quest.* 4. *art.* 3. Emman. *in* Bullæ §. 9. *num.* 33. cum multis Iurisperitis, quos refert, & se-

quitur Enrig. *lib.* 6. *cap.* 6. *in comment. lib.* 5. & constat ex *cap. accepimus, de arat. & qual. ordin.* ubi dicit ex noua causa posse approbatum reprobari ad beneficium; ergo similiter ad confessiones. & præterea, quia noua causa, vel antiqua de nouo cognita dat nouum ius; ergo ex tali causa poterit pro bona Ecclesiæ gubernatione Episcopus reprobare iam approbatum à se, vel à prædecessore, aliàs non sufficienter esset prouisum bono Ecclesiæ regimine, & ita habet usus, & consuetudo, quæ est optima legum interpretes.

2. Hoc supposito, videbitur fortasse alicui, sæcularem, vel Regularem approbatum ab Episcopo, iniuste tamen postea reprobatum, esse eligibilem per Bullam, aut Iubilæum. Ita Acoft. §. 40.

3. Primò, quia quando approbatio est iniuste ablata, ablatio est nulla, & inualida, ergo iniuste reprobatus adhuc manet approbatus. Cõsequẽtia est nota, & antecedens patet, quia approbatio est quasi quædam sententia, sententia autem, & præsertim declaratoria, reuocari non potest sine noua causa, vel antiqua de nouo cognita, itavt res aliter se habeat, quàm antea, ergo nec approbatio.

4. Secundò, quia ille, qui fuit approbatus ab Episcopo, & modò, cum eligitur virtute Bullæ, habet eandem sufficientiam, & idoneitatem, licet iniuste reprobetur verbis ab Episcopo; in re tamen, & coram Deo est approbatus, quia iniquam reprobationem nefas est præualere contra iustam approbationem. ergo talis habet quicquid Bullæ, & Concil. requirunt, vt sit eligibilis virtute illius.

5. Tertiò, quia Innocentius III. *in cap. accepimus, de arat. & qual. ord.* expressè ait, Episcopum debere diligentiam adhibere, vt idonei ordinentur,

& pro

& promouentur; post promotionem verò non esse remouendos, nisi indigni fiant. ita enim inquit: Ac ideo post promotionem eorum, exceptionem huiusmodi non poteritis prætere-  
re contra illos, nisi, postquam promoti fuerint, reddiderint se indignos. quibus verbis vult aperte Pontifex Episcopum non habere ius iterum exami-  
nandi, vel reprobandi ad beneficium quod conulit. ergo nec ad confessiones, cum eadem sit ratio, atque ideo eadem iuris dispositio. Vnde quidam referunt decisionem 664. Cardinalium generaliter dicentium, semel promo-  
tum ab Episcopo, non posse iterum ad examen vocari, nisi noua causa orta sit.

6. Verum, his non obstantibus, respondeo dicendum Presbyterum secularem approbatum ab Episcopo, si postea iniuste reproberetur, non manere approbatum, & consequenter nec etiam eligibilem per Bullam, nisi aliàs talis esset Parochus. ita communiter DD. nemine (saltem ex antiquis, quem viderim) contradicente, & probante, tum quia tam Concilium, quam Bulla exigunt, vt eligendus virtute Bullæ habeat approbationem ab Episcopo; sed ille caret tali approbatione, cum ei fuerit ablata siue iuste, siue iniuste. ergo non est eligibilis per Bullam, nec eius confessiones erunt validæ. Tum quia alioquin nullum esset discrimen inter Regularem, & secularem Sacerdotem quantum ad hoc, quod est contra verba Bullæ asserentis quod ad Regularem, sufficere si semel sit approbatus. ergo supponit non sufficere pro seculari Sacerdote, quod semel sit approbatus; sed requiri, quod non sit reprobus. ergo si reproberetur, etiam iniuste, non manebit approbatus; non enim potest dici quod loquatur de ista reprobatione, quia in hoc sensu,

etiam Regulari non sufficeret, esse semel approbatum, quippè, cum iusta de causa reprobaratur, valet reprobatio, vt *suprà* ostendimus in principio huius dubij. Dixi tamen notanter in conclusione, nisi sit Parochus, quia talis, sicut iure ordinario habet beneficium, ita & approbationem, vnde nec iuste, nec valide priuari potest ab Episcopo, nisi iusta de causa. Verum tamen est, quod quando orta fuisset suspicio suæ insufficientiæ, vel ratione doctrinæ, vel morum, poterit per Episcopum suspendi, donec examinetur, & interim nec virtute Bullæ poterit eligi ab aliquo, quia licet sit Parochus, est tamen suspensus. Secus autem esset, quando cõsultaret iniuste vexari; quia tunc talis suspensio non impediret eum audire confessiones, & eligi per Bullam.

7. Ad primum responderetur approbationem non esse propriè sententiam, & ideo sine mutatione aliqua retum, sed potius rebus immotis manentibus, tenebit ablatio illius, itavt eius absolutiones sint nullæ.

8. Ad secundum, negamus, illum iniuste reprobatum manere in re approbatum, sed potius in re manere spon-  
satus actuali approbatione, quam exigit Bulla, & Concilium, vt *suprà*.

Ad tertium responderetur, vltim Episcopum obligari ad dandum beneficium cuicumque ordinasset, & ordinatus acquirere ius ad illud petendum, in qua obligatione dicit ibi Summus Pontifex non eximi Episcopum, nisi ordinatus reddat se indignum, & hoc est, quod in illo textu definitur; in nostro autem casu Sacerdos secularis, qui approbatur, non acquirit ius ex tali approbatione, vt non possit valide reprobari ab Episcopo sine causa, quicquid sit de peccato Episcopi iniuste reprobantis.

9. Ad decisionem verò Cardinaliū, de qua licet multi dubitent, & negent illā, sed illa admissa, respondetur interpretandam esse loqui de promotō ad beneficium, in quo iam ius quæsitum habet; talis enim non potest sine causa impediri, ne exerceat munus suum; secus autem est de illis, qui non habent beneficium parochiale. nam tales iniuste reprobati, manent spoliati, licet iniuste, sua approbatione. An verò iniusta Regularis reprobatio tollat approbationem datam, videbimus *dub. sequenti*. hanc sententiam tueretur Ioan. à Cruce in *direct. conscientia p. 2. de penis q. 3. dub. 8. concl. 4.*

### DUBIUM XIII.

*Virum Regularis semel approbatus, & postea iniuste reprobatus ab Episcopo, sit eligibilis per Bullam, & virtute suorum privilegiorum possit audire confessiones carentium illa.*

1. **G**RAVIS est hæc controuersia, in qua communis Episcoporum sententia, quam nonnulli recentiores, timore potius, quàm ratione ducti sequuntur, docet Regularem, post Trid. reprobatum à principio, vel postea, non esse eligibilem per Bullam, neque posse virtute suorum privilegiorum audire confessiones.

2. Probant primò, quia de hac re consultus Cardinalis Carrafa, respondit nomine Congregationis pro interpretatione Tridentini factæ, posse Episcopum auferre approbationem semel datam Regularibus, & illa ablata non posse eos vti priuilegiis. Ita Salas Societatis IESU, in quadam lectione de expositione Bullæ q. 6.

3. Secundò, quia in Concil. Trident. sess. 23. cap. 15. habetur, non debo-

re eos reputari idoneos ad audiendas confessiones, qui non obtineant ab Episcopis approbationem. Sed Regulares iniuste reprobatì à principio, vel postea, iam non obtinent approbationem, cum eis fuerit ablata; ergo non sunt eligibiles per Bullam, & à fortiori non possunt confessiones carentium Bulla audire, etiam virtute suorum privilegiorum.

4. Tertiò, quia, cum ius exigit ad aliquem actum licentiam obtentam, seu acceptam, non sufficit tantum petita, vt ex communi sententia DD. docet Panorm. *cap. tua fraternitatis, de cler. excom. non resol.* secus, quando ius solum dicit, quòd petatur, vt constat ex *cap. licet, de Regul.* sed sic est, quòd Concilium ubi supra exigit licentiam obtentam; ergo non sufficit petita, quamuis iniuste negata.

5. Quarto, quia praxis, & consuetudo, (quæ est optima iuris interpret.) habet, vt nullus Religiosus reprobatus ab Episcopis, audeat confessiones audire, nec id (licet ipse veller) Prælati patiuntur. ergo id non est licitum, aliàs fieret contra consuetudinem, quæ vim legis habet.

6. Verum his nō obstantibus, responderetur, Regulares legitime præsetatos, de quorum moribus, & doctrina constat suo Prælato esse idoneos ad confessiones audiendas, si semel approbati vndeque, iniuste reproberentur postea ab Episcopo, esse eligibiles per Bullam, immodò & rectè posse audire confessiones carentium illa, virtute suorum privilegiorum. Ita docent Sylva. *Confessor* 1. §. 14. & *Confessor* 2. §. 1. ver. 4. & §. 1. Rosch. *confessio* 3. §. 20. Ang. ibi §. 25. Alex. lib. 1. tit. 3. cap. 11. Compend. Mend. verb. *absolutio quoad fratres* §. 9. & 10. Ensiq. lib. 6. de penis. cap. 6. lit. L. Rodr. in Bull. §. 9. num. 32. & 33. ubi ait, id defensatum fuisse in Academia Parisiensi,

risensi, idque tenere multos à se consultos Salmanticæ, & Compluti.

7. Probatum primò ex speciali Motu Pij V. edito anno 1567. in fauorem Mendicantium, ubi concedit, Mendicantem semel approbatum non posse sine causa reprobari ab eodem Episcopo. sic refert Enriq. eod. cap. 6. num. 6. quòd si id habent Mendicantes, etiam alij Regulares, qui eorum priuilegiis communicant.

8. Secundò, quia tunc licentia legitime petita, si tamen iniuste negetur, censetur ipso iure concessa ipsis Regularibus, ut constat ex Clement. Dudum. §. si verò, de sepult. & docent Palac. 4. dist. 17. q. 7. Nauar. cap. 17. num. 166. & multi Salmanticenses Theologi, ac Iuristæ de hoc consulti, & nos fusiùs dicemus dub. 19. ergo à fortiori, cum licentia semel obtemperata, & postea iniuste ablata, poterunt Regulares confessiones sacramentales audire, & per Bullam Cruciatæ in Confessarios eligi.

9. Nec obstat, si dicas iam per Tridentinum ubi supra abrogatam fuisse illam Clement. quantum ad hoc, quòd sufficiat petita, & non obtemperata licentia; nam contrà insurgit Enriquez citatus, quia Concilium non intendit antiquo Regularium priuilegio, quod iuri communi insertum habetur, derogare; lex enim generalis posterior sæpè limitatur per speciale ius antiquum, quod illæsum manet, ut quoad fieri potest, vitetur correctio iuris, ut docet Nauar. in cap. placet, de penit. dist. 6. num. 197. & de oratione notab. 11. num. 83. & 95. pro quo adducit text. in l. sed ha posteriores. ff. de leg. & gloss. receptam in cap. offeratur, C. de lit. contest. quæ tamen authentica limitatur per priorem in l. sciendum. ff. qui sat. dar. cog. Dec. reg. 1. ff. de reg. iur. Anchar. cap. 1. de consil. q. 11.

10. Tertiò, (& fortè hoc est potissimum fundamentum) cui inniti debet

hæc sententia, quia, cum Summi Pontifices valde patrocinentur Religionibus, prudenter credi potest, non esse voluntatem eorum, ut iniusta reprobatio Episcoporum respectu Regularium vim aliquam habeat contra Apostolica indulta ipsis concessa. ergo sicut ante Concilium Tridentinum iniuste reprobari poterant audire confessiones, ex prædicta Clement. Dudum, de sepult. ita & modò post Tridentinum. Patet consequentia, quia si Episcopus iniuste, & potius in fraudem priuilegij Mendicantium in prædicta Clementina contenti, reseruasset Confessariis religiosis plurimos casus, reservatio esset nulla, iuxta doctrinam Sor. 4. dist. 18. q. 4. art. 3. Palac. dist. 17. q. 7. Ang. ver. confessio 3. num. 19. Armill. ver. absolutio. n. 24. Tab. eod. ver. absolutio 1. num. 34. & aliorum. Et rationem reddunt, quia dolus, & fraus non debent patrocinari Episcopis, ut contra iura Religiosorum sibi iniuste casus reseruent. ergo similiter, si in fraudem priuilegiorum Mendicantium illos reproben, siue à principio, siue postea, reprobatio erit nulla, ut rectè tradit Sylu. ver. confessor. 2. quia est in fraudem legis, & citat pro se Paul. Lardin. & alios. At de reservatione casuum extant nunc tria decreta sacre Congregationis Regul. quibus standum est, & referuntur cap. 3. dub. 1.

11. Quartò, & vltimò probatur ex Rodr. ubi supra, quia iurisdictio Regularium manat à Pontifice, & solidè approbatio est ab Episcopo; ergo collata illa iurisdictio. non est in potestate Episcopi, illius vsum à Confessario tollere. Sed hanc rationem, inquit nonnulli moderni esse infirmam, quia si vim haberet, probaret etiam, quòd Episcopus non posset ex iusta causa reprobare Regularem semel approbatum, quod tamen est falsum. Quapropter est neganda sequela, quia non est intelligendum,

ministerium Episcopi finiri in prima approbatione; sicut munus delegati finitur, & terminatur sua delegacione finita, sed durat respectu Sacerdotum sæcularium, ita ut iuste, vel iniuste, cum causa, vel sine illa de facto aufertur possit ab eis approbationem: respectu verò Regularium non nisi cum causa. Et huius ratio est, quia ex proprio officio Pastoris sibi incumbit posse repellere, quod illi nocivum est.

12. Ad primum igitur in contrarium responderi Enriquez lib. 6. cap. 6. lict. F. in comment. falso citari talem Congregationem sub Cardinali Carrafa, sed licet ita fuerit, (vt quidam grauissimi DD. aiunt,) responderi interpretandam esse, solum velle, posse Episcopos approbationem Regularibus semel datam auferre, hoc tamen non sine causa, quod nos libenter concedimus.

13. Ad secundum respondetur ex dictis, tunc Regularium iniuste reprobatum obtinere licentiam à iure, & hoc sufficit sine alia Episcopi approbatione. Atque eodem modo respondetur.

Ad tertium. At verò ad quartum patet solutio ex dicendis dubiis.

14. Ceterum, in casu simili, tutius esse existimus voluntati, & mandato Superioris acquiescere. tum quia rationes adductæ non sunt adeò euidentēs, & efficaces, vt tollant omnem ambiguitatem, tum quia multi satis probabiliter teneant, approbationem Confessoris etiam regularis, posse ab Episcopo dari cum limitatione temporis, ac personarum ad eiusdem Episcopi beneplacitum. tum denique, quia nec adeò facile constare potest, reuocationem esse iniustam, & sine causa legitimam; nisi autem id manifestè constet, semper est pro Superiore præsumendum; maxime quia possunt interdum causæ satis legitimæ Superioris mentem mouere, quas ipsi

nec expedit, nec decet forsitan manifestare.

#### DIVIDIVM XIV.

*An Doctor, vel Licentiatus in sacra Theologia, aut iure Canonico, sit eligibilis per Bullam ad audiendas confessiones sine Episcopi approbatione.*

1. **P**artem affirmatiuam amplexati sunt grauissimi DD. Ordinis Prædicatorum, Gallus, Med. Bañes, quos secuti sunt Sebast. Perez Episcopus Oxomensis, & Doctor Petr. Martinez Compluten. vt refert Enriquez lib. 6. cap. 6. lict. E. quorum sententia probari potest.

2. Primò, quia Academia, seu Vniuersitas per facultates, & indulta sibi concessa à Sede Apostolica, examinat, & approbat prædictos Licentiatos, nomine ipsius Papæ, ergo tales iam obinent à iure approbationem, mediante publico testimonio sue idoneitatis ab Academia nomine Papæ sibi expedito atque exhibito, & sic eligi poterunt virtute Bullæ.

3. Secundò, quia Magister Gallus, qui interfuit Concilio Tridentino, declarans Salmanticæ decretum Concilij supra citatum, dum legeret materiam de Clauibus anno 1566. dixit, inrentum Concilij solum fuisse, duos abusus excludere, alterum ne prætextu Bullarum eligeretur quilibet Sacerdos, alterum ne quicumque Sacerdotes alterutrum confiterentur. Dixit præterea quòd per tale decretum nulla ex parte detractum est iuri communi, quod colligit ex eo, quòd in vltimis verbis solum derogantur priuilegia, & consuetudines, quæ contra ius commune surreuerant: quando autem (Arguitur) ius commune derogatur, sit expressa illius mentio. Ex quibus.

quibus fundamentis colligit inter alia multa, quæ ibi infert, quod Licentiatum in sacra Theologia, aut iure Canonico est eligibilis per Bullam sine alia Episcopi approbatione. quam doctrinam dixit esse iuxta intentum Concilij, immo & iuxta eius verba: nam postquam in illo dicitur, quod nullus Sacerdos audire potest confessiones secularium, nisi sit approbatus ab Episcopo, additur: aut aliis idoneis iudicetur, ergo non solum est eligibilis in Confessarium virtute Bullæ approbatus ab Episcopo, sed quilibet alius, qui idoneus iudicatus fuerit, maxime publico alicuius Academiæ testimonio; per hoc enim sufficienter occurritur inconuenientibus, quæ per illud decretum vitare intendit Concilium: ne scilicet iudocli, & insufficientes eligantur in Confessarios.

4. Verum, his non obstantibus, respondetur, nullum Licentiatum, seu Doctorem, nec alium quantumcunque doctum, eligibilem esse per Bullam ad audiendum confessiones absque Episcopi approbatione. Ita docent Cord. in sum. q. 10. & q. 16. Enriq. ubi supra, Rodr. in bull. 5. q. 9. num. 4. in fin. Guttier. in quest. canon. Menoch. lib. 2. centur. 5. cas. 465. Palac. 4. d. 17 q. 7. pag. 256.

5. Probatur primò ex verbis Concilij Tridentini supra citatis sess. 23. c. 15. nam, cum ibi dicitur, vel aliis idoneis iudicetur, non significatur, quod quando publicè constat de sufficientia, & idoneitate alicuius, non sit necessaria Episcopi approbatio, sed falsò prædicti DD. interpretantur, sed solum significatur, quod ad hoc, vt Episcopus approbet aliquem in Confessarium, non est necessarium præmittere examen, si aliàs sciat illum esse idoneum, & sufficientem; quam inuicemiam esse apertam mentem Concilij & verba ipsa, nisi extorqueantur, satis indicant, & vsus ipse

confirmat, cum nullus, quantumcunque graduatus, audeat sine Episcopi approbatione, confessiones audire.

6. Secundò probatur, quia Pius V. concessit aliquando pro magno priuilegio Fratibus Mendicantibus, vt Lectores illorum graduati in Theologia possent sine alia approbatione Episcopi, audire confessiones secularium, vt refertur in Motu proprio Gregor. XIII. qui inseritur communiter edicto sanctæ Inquisitionis, quam concessionem postea ipse Pius V. reuocauit anno 1571. teste Enriquez ubi supra, declarans, Regulares etiam graduatos, & Lectores præsentandos esse Episcopo, licet veter eos examinare. ergo manifestum est gradum Doctoratus non esse sufficientem sine Episcopi approbatione ad audiendas confessiones virtute Bullæ.

7. Tertiò probatur, quia per hoc, quod quis laurea Doctoratus insigniatur, non accipit approbationem sufficientiam, & idoneitatis ad audiendas confessiones requisitam. ergo talis non est eligibilis ad id virtute Bullæ. Consequentia est nota, & antecedens patet, quia idoneitas, & sufficientia requisita ad audiendas confessiones non attenditur solum penes doctrinam, aut scientiam (vt omnes fatentur,) sed adæquatè penes doctrinam, & bonos mores. At per gradum Doctoratus solum accipit quis testimonium doctrinæ, non morum; ergo licet gratis daremus, illum non indigere Episcopi approbatione pro doctrina, bene tamen pro moribus, & vita, quæ non minorem locum obtinet in sufficientia requisita ad audiendum confessiones.

8. Quartò, quia in ipsa Bulla non conceditur facultas eligendi aliquem in Confessarium, nisi sub hac limitatione, vt eligatur approbatus ab Ordinatione, & in literis etiam Apostolicis,

in

in quibus frequenter solent committi dispensationes in foro conscientię, DD. aut Licentiatıs in Theologia, vel iure canonico, semper apponitur prædicta limitatio, vt talis Doctor sit approbatus ab Ordinario, ergo supponit Summus Pontifex non satis esse gradum Doctoratus ad exercendum officium Confessoris virtute priuilegij, nisi accedat approbatio Episcopi.

9. Ad primum respondeo, quod licet insignitus laurea Doctoratus accipiat approbationem ab Academia nomine Papæ; illa approbatio est secundum quid respectu officij Confessarij, quia solum est in doctrina; atque adeo restat, vt accipiat ab Episcopo approbationem simpliciter, quæ ex doctrina, & moribus pariter confurgit.

10. Ad secundum respondeo, primum illud fundamentum Magistri Galli infirmum esse. nam, etsi illa fuerit intentio Concilij, tamen lex est vniuersalis in ordine ad omnes, & sic ab omnibus debet obseruari, quamuis in hoc, vel illo particulari deficiat ratio legis, vt communiter fatentur DD. in materia de legibus.

11. Secundum etiam fundamentum non est vndequeque verum, quia in cap. 1. de constit. in 6. dicitur, quod quia Pontifex omnia habet iura in scrinio pectoris, ideo post posteriorem legem censetur abrogare priorem illi contrariam, quæ in iure continebatur. ergo cum decretum illud Tridentini sit decretis prioribus iuris communis contrarium, dicendum est illud derogare iuri communi. Et præterea, quia de iure communi competebar Religiosis Mendicantibus (vt multi Doctores dicunt) quod præsentari Episcopis, licet ab eis non approbati, possent audire confessiones, tamen id abrogauit Concilium Tridentinum, vt *suprà*.

12. Ad argumentum ergo in forma negatur sequela, & ad probationem iam patet ex prima probatione nostræ sententiæ, qua ratione intelligenda sint verba illa Concilij Tridentini. Vnde falsum etiam est id, quod ex prædictis fundamentis colligit Gallus, vt refert Enriq. *vbi supra*, scilicet quod egregius concionator, aut alius, qui communi populi opinione, aut testimonio alicuius Academiæ iudicatur idoneus, potest eligi in Confessarium per Bullam sine alia approbatione Episcopi, hoc (inquam) falsum est; tum quia sæpè, qui tanquam egregius concionator habetur, est etiam egregius idiota in Theologia non solum scholastica, sed & morali, quæ ad audiendas confessiones apprime necessaria est; & similiter, qui à populo iudicatur, tanquam homo spectatæ doctrinæ, corruptis moribus est deprauatus, & omnino indignus officio Confessarij, & sic rediret abusus antiquus, quem euertere intendit Tridentinum; tum etiam, quia sic periret auctoritas Episcoporum, dum quilibet, quem alias populus iudicaret doctum, posset eligi in Confessarium absque eorum præuia probatione.

## DVBIUM XV.

*Virum Sacerdos etiam secularis approbatus ab vno dumtaxat Episcopo, sit ubique terrarum eligibilis in Confessarium à quocunque habente Bullam.*

1. **P**artem affirmatiuam existimant paris probabilem, & securam in praxi Enriq. *lib. 6. cap. 6. initio, & num. 8. fin.* vbi pro eadem opinione refert Bláchum Archiepiscopum Compostellanum, qui interfuit Tridentino, Galium, Mantium, Bañes ex familia Prædicatorum,



dicatorum, Gueuara, & Ludonicum de Leone ex Augustiniana. Idem sentiunt Cord. *sum. q. 10. & super compend. verb. absolutio quoad faculares* 1. §. 16. Suar. *de pœnit. dispnt.* 28. *sect. 7. num. 7. & 10.* Couinch *de pœnit. dispnt.* 8. *dub. 7. num. 53.* Reginald. *tom. 1. lib. 6. cap. 16. q. 4. num. 188.* Filliuc. *tom. 1. tract. 7. cap. 9. num. 261.* Nugn. *in addit. q. 8. art. 5. dub. 9.* Ledesm. *sum. tom. 1. de pœnitent. cap. 13. dub. 8.* & Fernand. *in medull. p. 3. cap. 9. §. 8. num. 4.* & tandem Ioan. à Cruce *in direct. consl. p. 2. tract. de pœnit. q. 5. dub. 9. concl. 2.* & alij. Sed probatur,

1. Primò, quia in dubiis opinio benignior est eligenda; sed huiusmodi opinio est benignior, utpote magis fauens liberrati sacramenti Pœnitentiæ, & eius frequentationi, in quo sita est benignitas opinionis, teste Sylvest. *verb. opinio q. 2.* & paret ex *cap. fin. de cognat. spirita. ex l. sunt persona. ff. de relig. & sumptib. funer.* immò videtur conformius rationi hanc opinionem eligere, quia ubi est diuersitas opinionum probabilium, in benigniorem, & æquiores partem est inclinandum, ut colligitur ex *cap. fin. de transact. & l. benignus. ff. de leg. & l. placuit. C. de indicib. & cap. 1. de rer. permis. in 6.* & docet Ostiens. *d. c. fin. de cognat. spiritali.*

3. Secundò, quia Summus Pontifex in Bulla, cum concedit priuilegium eligendi Confessarium ex approbatu ab Ordinario, non limitauit ad approbatus ab Ordinario huius, vel illius diœcesis, ergo frustra dicitur limitandum fore ad approbatus ab Ordinario loci, vel pœnitentis. Paret consequentia, quia ubi lex non restringit, nec nos restringere debemus, ut constat ex *cap. solita. §. nobis autem, de maior. & obed. & cap. si Euangelia d. 55.* quod præcipue habet verum in fauorabilibus, ut habetur *cap. odia re-*

*stringi, de reg. iur. in 6.* Satis autem constat hoc priuilegium esse fauorabile; igitur non est restringendum, &c.

4. Tertio, quia ex Concil. Trident. *sess. 23. cap. 25.* altera ex duabus conditionibus postulatur ad hoc, ut Sacerdos possit secularium confessiones audire, nempe vel quòd sit approbatus, vel quòd parochiale obtineat beneficium. Sed non est necesse ad eligendum aliquè Parochum in Confessarium virrute Bullæ, quòd obtineat beneficium parochiale in eo Episcopatu, ubi sit confessio; igitur nec etiam opus est id, ad eligendum quemcumque alium Sacerdotem approbatum, sed sufficit esse simpliciter approbatum ab aliquo Episcopo, quamuis non sit Diœcesanus illius loci, in quo fit confessio. Consequentia cum maiori est nota, licet illam neget Rod. *in Bull. §. 9. num. 7.* est tamen communis inter DD. Salmanticenses, ut dictum est *suprà*, immò vsu id satis, & manifestè approbatur.

5. Quarto probatur ex verbis ipsius Bullæ Latine, ubi apertè conceduntur accipienti illam duo priuilegia, alterum quòd possit eligere quemcumque approbatum ab Ordinario in Confessorem: alterum, quòd ab illo possit absolui à referuatis. Sed in secundo continetur aliquid ultra ius commune. ergo etiam in primo, aliàs non esset priuilegium, quia priuilegium est quid priuans legem, seu priuata lex, ut habetur ex *cap. priuileg. d. 3. & cap. in his, de priuileg. & ex l. unica, C. de thesaur. lib. 20.* ubi dicitur, frustra quis precibus nititur impetrare, quod iure communi conceditur.

6. Sed respondent aliqui, id quod ibi conceditur ultra ius commune, esse, quòd possit quis eligere quemcumque Parochum illius, vel alterius diœcesis, cum tamen de iure communi

L non

non possit nisi proprio Sacerdoti confiteri. Hæc tamen solutio nihil obstat, quia iuxta hanc interpretationem in penè infinitis oppidis Hispaniæ, ubi tantum est vnus Parochus, & in innumeris Conuentibus Religiosorum, ubi tantum est vnus Confessarius, non haberet locum tale privilegium. nam cum electio non cadat, nisi ubi sunt plura eligibilia, ex *l. vnum ex familia ff. de legat. 2.* non posset pœnitens gaudere privilegio eligendi Confessarium approbatum.

7. Respondent iterum aduersarij id esse per accidens, quia satis est, quod ubi sunt plures Parochi, seu approbati, possit quis eligere quem maluerit, nec amplius requiritur, &c. Hæc etiam solutio parum obstat, quia si facultas dicta extenditur ad alienum Parochum diuersæ diœcesis, etiam extendi poterit ad approbatum ab alieno Ordinario, cum Tridentinum eodem modo loquatur de Parocho, & de quouis alio Sacerdote approbato.

8. Quintò tandem, quia privilegium, seu beneficium Principis est latissimè interpretandum, cum non præiudicat alijs, vt constat ex *l. beneficium. ff. de constit. princ.* & tradunt latè Anton. Gabr. tom. 1. *com. opinio. col. 2. pag. 31. & pag. 803. col. 2. & pag. 845. col. 1. gloss. cap. in his, de privileg. verb. nimis stricte.* Cord. lib. 5. q. 9. *propos. 4. Tab. verb. privilegium num. 3.* Ang. Syluest. *verb. indulgentia*, Ioan. Andr. *Clem. vnic. de reliq. & vener. Sancti.* Sed prædicta facultas eligendi in Confessarium est privilegium Principis Ecclesiæ, & non præiudicat alijs. nam si alicui præiudicaret, maximè Episcopis; his tamen non præiudicat, cum Papa sit Pastor vniuersalis omnium fidelium, & possit suis ouibus providere, sicut expediens iudicauerit. Sed de hoc latius dicendum est alibi.

9. Oppositam sententiam censet probabiliorē, & absolutè tenendam, & eam sequuntur Guttier. in *quallio. canon. lib. 1. cap. 27. num. 6.* Valsq. de *pœnit. q. 93. art. 3. dub. 4. num. 3.* Rodr. in *Bull. §. 9. num. 5.* Acolit. q. 38. Villalob. tom. 1. tract. 9. dub. 56. num. 3. Sal. in *expos. Bull. Quaranta verb. Confessor*, Beja 4. parte cas. 20. Zerol. in *praxi de sacram. pœnit. cap. 16. quas. 18.* Bonacin. de *pœnit. disput. 5. q. 7. punct. 4. §. 1. num. 21.* & quidem hæc opinio videtur communis, quam, vltra prædictos, tenuerunt multi DD. Complutensis, & Tolentanæ Academiæ, & Guerrer. Archiepiscopus Granatens. Delegad. Episcopus Canariens. & Egid. Gonzal. olim Prouincialis, & Visitator Societatis IESV Romanæ Curia peritissimus, asseruit priorem sententiam Romæ non iudicari probabilem, sicut mihi etiam constat, atque idem censent multi peritissimi ex Dominicana familia, &c. Sed probatur,

10. Primò, ex verbis ipsius Concilij Tridentini *sess. 23. cap. 15.* dum ait: Ad audiendas secularium confessiones, neminem deinceps idoneum reputari debere, nisi parochiale beneficium, vel approbationem ab Episcopis obrineat. Vnde, cum non dicat in singulari, quod ab Episcopo obtineat approbationem; sed in plurali, ab Episcopis, sequitur manifestè, quod in quolibet Episcopatu est necessaria Episcopi illius approbatio. ergo similiter in Bulla, quando dicitur, quod virtute illius potest eligi ex approbatis ab Ordinario, debet intelligi, iuxta Concil. Tridentin. ex approbatis in Episcopatu, ubi sit confessio. Patet consequentia, quia, vt rectè notat Anton. Gom. q. 7. d. 7. in *ultima impressione Bullæ*, debet intelligi de idoneitate; & approbatione requisita à Tridentino; nec enim censendum est,

Ponti

Pontificem velle tam faciliè derogare decretum Tridentini, cum tam maturo consilio editum, aliàs cùm vsus Bullæ aded frequens sit, fueret omniuo tale decretum.

11. Dices, illam particulam, *ab Episcopis*, non esse intelligendam copulatiuè, itavt sensus sit, necessarium esse à pluribus Episcopis approbari, sed exponi debet disiunctiuè, id est, quòd debeat approbari ab aliquo Episcoporum, siue ab hoc, siue ab illo.

12. Sed contra hanc solutionem obstat responsio Cardinalium, qui ex mandato Gregorij XIII. congregati fuere ad interpretationem Tridentini, quam se vidisse, & promulgatam fuisse testatur Rodr. *supra*. ad instantiam enim Archiepiscopi Valentini respòdit Congregatio approbatum ab alio, quàm ab Archiepiscopo Valentino, non censi in diocesi Valentina approbatum ab Ordinario.

13. Secundò, quia proprius Pastor, qui ouium necessitates cognoscit, debet illis poudere, ergo approbatio Confessarij ad proprium Episcopum pœnitentis spectat, non ad alienum, nisi id exprimat aliquando in priuilegio.

14. Dices. In omnibus diocesibus plus, minúsve easdem ouium necessitates esse, atq; aded rectè intelligi posse, Bullam concedere, vt approbatus in vna diocesi, pro omnibus approbatus censeatur.

15. Sed contrà, quia potiùs, qui idoneus est in vno loco ad audiendas confessiones, sepe contingit, quòd non sit idoneus in aliis locis, propter difficiliore negotiorum casus, qui illic occurrunt, vt probat Nauar. *sum. cap. 4. num. 4.* ergo non eo ipso, quòd quis est approbatus pro vno Episcopatu, debet censi talis pro omnibus.

16. Tertio, quia constitutio, seu clausula, quæ fit conformiter ad alteram,

debet iuxta illam intelligi, vel limitari, vt docet Nauarr. in *Extravag. de dar. & promiss. not. 3. num. 6.* ex auth. constit. *quæ innovat. §. unde. verb. in illis. col. 3.* & gloss. *Clem. statuum, verb. consuetudine, de elect.* quam ibi putat singularem Card. *ap. pos. 3.* Sed clausula illa Bullæ facta est conformiter ad Concilij Tridentini decretum suprà citatum. ergo debet iuxta illud intelligi, & consequenter sicut ibi requiritur ad audiendas confessiones habere beneficium parochiale, vel esse approbatum ab Ordinario illius loci, ita in casu nostro.

17. Dices, id requiri ibi ad audiendas confessiones non habentium priuilegium Bullæ, respectu verò habentium sufficere si sit approbatus ab Ordinario, quamuis non sit à proprio illius loci, in quo auditur confessio.

18. Sed contrà, quia in Concilio Tridentino dicitur illud esse seruandum, non obstantibus quibuscunque priuilegiis & consuetudinibus, ergo etiam per priuilegium Bullæ non poterit eligi nisi Parochus, vel approbatus ab Ordinario proprii loci.

19. Quartò, quia tam Bulla, quàm alia quæcunque rescripta in materia odiosa debent limitari iuxta ius commune, nisi oppositum clarè contineatur in illis, vt docent Card. *sum. q. 10. Syl. excomm. 2. not. 3. cas. 12. & ver. panna. q. 18. Nauarr. cap. 17. num. 114. & 116. & c. 18. num. 45.* Sed clausula illa Bullæ concedens pœnitentibus posse eligere quemcunque approbatum ab Ordinario, est odiosa Pastoribus, & Episcopis, si contra voluntatem eorum possit eligi approbatus ab alieno Episcopo : tunc enim apertè derogatur eorum auctoritati, & potestati, dum in foro pœnitentia eximunt se tales ab eorum iurisdictione. ergo verba illa sunt ad Ordinarium proprium loci, vel pœnitentis, &

non amplianda ad quemcunque alium Ordinarium.

20. Nec suffragatur dicere, quodd licet illa clausula sit odiosa Prælati, est tamen fauorabilis subditis, atque adeo debet ampliari, quia fauores sunt ampliandi, ex *reg. iur. in 6.* hoc (inquam) non iuuat, sed magis debet præponderari, quodd cedat illa clausula in odium Prælari, vt sic sit restringenda, quàm quodd cedat in fauorem subditi, vt ratione huius sit amplianda; cùm cæteris paribus semper curandum sit, vt maneat illæsum ius commune, maximè Prælatorum. atque ideo potius interpretanda erit illa clausula in fauorem Prælari, quàm subditi, & consequenter est restringenda, & non amplianda.

21. Quintò, quia qui se in confessione scièter exponit periculo efficiendi Sacramentum nullum, peccat mortaliter propter grauem irreuerentiam quam irrogat illi impediendo effectum, quem cauaret ex opere operato; sed qui per Bullam eligit approbatum ab alieno Ordinario, exponit se huiusmodi periculo, quia forsà ita est in re quodd illa opinio non est vera, & sic non recipiat absolutionem; absoluens enim in eo casu non habet iurisdictionem.

22. Sed dices tunc illum excusari, quia conformat se opinioni probabili.

Contrà, quia quamuis excusetur à nouo peccato, satis magnum inconueniens est, quodd se exponat peticulo non recipiendi gratiam in illa confessione, & consequenter manendi in peccato mortali, si accedat cum sola attritione, vt frequenter contingit, saltem in sæcularibus. ergo opposita sententia non est practicè probabilis, cùm tam grauia incommoda possint in eius praxi concurrere. atque adeo cùm in dubiis tutior opinio sit sequenda, vt docent *Nauarr. cap. 27. num. 183. Contad. de contract. q. ult. & Cord. lib. 2. q. 3. consequens*

est hanc nostram sententiam esse sequendam, quam praxis, & consuetudo communiis satis confirmat. Quapropter

23. Ad primum in contrarium respondetur iuxta doctrinam *Cord. in suo question. lib. 2. de ignor. q. 3.* sententiam Ostiens. procedere in foro exteriori, in quo iudex opinionem benigniorem sequi debet, non autem procedere in foro conscientie saltem respectu pœnitentis; tunc enim tutior potius, quàm benignior est sequenda. Et quamuis aliquando probabilem opinionem sequi quis possit, cùm tutior non sit semper necessariò sequenda, est tamen semper consulenda, vt tradit *Rodr. §. 9. num. 5. ad fin.* quæ solutio in similibus satis suffragatur.

24. Ad secundum respondetur, clausulam Bullæ, nempe approbatum ab Ordinario, interpretandam fore iuxta similem clausulam Concil. Tridentini sæpiùs repetitam, ob rationem in tertia probatione nostræ sententie insinuatam.

25. Ad tertium, quicquid sit de opinione *Rodr.* respondetur negando consequentiam; aliud enim est sentiendum de Parocho, & aliud de Confessore approbato simpliciter: nam Parochus habet approbationem à iure communi, & vniuersali consuetudine, Confessor autem habet approbationem ab homine, id est, ab Ordinario, atque ideo approbatio Parochi reddit illum vbique capacem iurisdictionis, si aliunde conferatur per Bullam, seu aliud priuilegium, non sic approbatio Confessoris simpliciter approbati, &c.

26. Ad quartum benè responsum est ibi; & ad vltimam replicam in contrarium factam patet ex proximè dictis in solutione ad tertium, &c.

27. Ad quintum autem respondetur id intelligi de priuilegiis fauorabilibus; non

non autem odiosis, & quæ concernunt præiudicium tertij, cuiusmodi est id, de quo agimus in præsentī, &c.

*Ad hoc idem dubium appendix, an saltem Religiosus ex Mendicantibus semel approbatus ab vno Ordinario possit ubique confessiones secularium virtute Bullæ, seu alterius privilegij audire; & an idem sit de aliis Religiosis, qui Mendicantium privilegiis gaudent.*

1. Ratio dubitandi est, quia Bonifacius Octauus in *Extravaganti super Cathed. de sepult.* & Clemens V. *Clem. dudum, eo. tit.* concesserunt Mendicantibus, vt omnium confessiones audire possent cum vnius Episcopi approbatione, seu præsentatione dumtaxat. Atque hinc fit argumentum quoddā fortiori possint Confessores Mendicantes ab vno Episcopo approbati, secularium Bullam habentium ubique confessiones audire.

2. Deinde Gregor. XIII. concessit Societati Iesv, vt Confessores illius Religionis ab vno Episcopo semel approbati, possint ubique terrarum, dum iter faciunt, confessiones audire, Parocho non repugnante, & Ordinario absente, vt habetur in Bullario dictæ Societatis. Igitur idem est sentiendum de aliis Religiosis communicationem privilegiorum habentibus. Demum Sixtus IV. concessit Religiosis Ordinis Minorum, vt Confessores ab vno Ordinario approbati possint confessiones omnium ad sua loca confluentium confitendi causa, audire, esto non sint diocesis, in qua sunt approbati. Sequitur igitur Confessores Regulares ab vno Ordinario

semel approbatos posse ubique terrarum confessiones secularium, maxime habentium Bullam, audire. ita à fortiori sentiunt aucthores pro prima opinione superius allegati.

3. Nihilominus respondetur partem negatiuā esse omnino tenendam, sicut etiam sentiunt aucthores pro secunda opinione adducti. Et

Primò, id probatur ex Card. Rosel. & Angel. quos refert, & sequitur Syluest. *verb. Confessor 2. q. 1.* vbi sic ait: Requiritur, quod Fratres non audiant confessiones extra diocesim illius, cui sunt præsentati. & *ibidem* ait ipse Syluest. oppositam sententiam esse contra omnes DD. & contra text. in *Clem. Dudum, de sepul.*

4. Secundò, quia Gregorius XIII. tanquam speciale privilegium concessit anno 1573. Presbyteris Societatis Iesv, vt habetur in eius Bullis, quod semel approbati possint audire confessiones fidelium in locis à Sede Apostolica remotis. Et anno 1575. concessit eisdem, vt semel approbati ab vno Episcopo, possint ubique terrarum, dum iter faciunt, confessiones audire, vt iam dictum est, Parocho non repugnante, & Ordinario absente. Igitur supponebat Summus Pontifex, id non posse fieri per privilegia Mendicantium, aliàs nil ibi concederet quod alioquin non possent.

5. Tertiò, quia consuetudo vim legis habet, & est optima legum interpret, vt constat ex *cap. cum dilectus, de consuetud.* & ex iis, quæ tradit Ioan. Andr. *cap. quod dilexi, de consang. & affinit.* & ex aliis multis iuribus relatis à Cord. *lib. 5. q. 9. ad 1.* Sed constat ex consuetudine omnium Regularium non audire eos confessiones carentium Bulla in diocesi, in qua non sunt approbati, nisi vtplurimum quando iter faciunt, iuxta dispositionem pri-

uilegij concessi à Gregor. XIII. vt *supra*. ergo id non est illis licitum secluso tali priuilegio, nec alio modo, quàm ibi conceditur.

6. Vnde ad rationem dubitandi respondetur, quòd nec in Extrauaganti Bonifacii, nec in Clem. præcit. aliud conceditur, vt latius explicabitur *dub.* 19. Nec concessio Gregor. XIII. nostræ conclusioni aduerfatur, vt patet ex dictis. Denique constitutio Sixti IV. nihil in contrarium concedit, ibi enim solum habetur, quòd Confessores Ordinis Minorum semel approbati ab Ordinario possint confessiones omnium ad sua loca confluentium audire, esto pœnitentes non sint diœcesis, in qua Confessores sunt approbati; non tamen id possunt extra loca, pro quibus sunt præsentati, & approbati. Ita Nau. *sum. c. 27. n. 268.*

7. Sed obiiciunt nobis primò *Extravag. inter cunctas, de priuileg.* vbi Benedictus XI. concedit Mendicantibus, vt possint vbique terrarum confessiones audire, etiam si non sint ab Ordinariis approbati, immò nec illis personaliter præsentati.

8. Secundò obiiciunt Pauli III. in fauorem Societ. IESV, concessam anno 1546. & habetur inter eius Bullas, vbi Presbyteris illius conceditur, vt etiam à nullo Episcopo approbati possint vbique terrarum confessiones audire, quo priuilegio gaudent omnes Mendicantes; immò vtroque prædicto gaudent omnes Regulares communicationem priuilegiorum habentes. Igitur Confessores regulares possunt vbique confessiones audire, etiam absque vlla approbatione, & à fortiori ij, qui ab aliquo Ordinario solum sunt approbati.

9. Neque obstat, si dicas, per Concil. Tridentin. reuocari similia priuilegia, prohiberique, vt nemo confes-

siones sæcularium etiam Sacerdotum audire possit, nisi prius ab Ordinario approbatione obtineat; & Greg. XIII. per suum Motum proprium reuocasse quicquid in contrarium Pius V. concesserat Mendicantibus, vt apparet ex tenore eiusdem Motus proprii, quem in fine Manual. adducit Nauarr. Non (inquam) obstat, quia nec in Tridentino, nec in Motu proprio Greg. XIII. reuocantur expressè viuz vocis oracula, sicut requiritur, vt intelligantur reuocata. At Pius V. anno 1567. sub die 13. mens. Martij in fauorem Ordinis Minorum ad instantiam Reuer. P. Fr. Aloysij à Puteo eiusdem Ordinis Ministri generalis, concessit, & confirmauit per suum viuz vocis oraculum in foro conscientie omnia, & quæcunque priuilegia per suos prædecessores eisdem antea concessa, etiam contra Concilium Tridentin. & consequenter priuilegium Benedicti XI. manet in suo vigore. Prædicti viuz vocis oraculi facit mentionem Enriquez *lib. 6. lit. P.* asseritque conferuari authenticum Romæ in Conuentu Aræcæli; de eodem agunt Veracruz *in suo speculo coniugat. ad fin.* & Rodr. *in Bull. §. 9. n. 32.* & vterque illud refert per extensum, vt de eo omnibus constet.

10. Miror sanè, viros aliàs eruditissimos, sub huiusmodi oraculi prætextu hallucinari, atque doleo, eorundem autoritate plures fuisse factas, & forsitan adhuc fieri confessiones parum tutas, ne dicam omnino inualidas. Atque

In primis falsum est, per clausulam Tridentini, *non obstantibus quibuscunque priuilegiis, & consuetudinibus*, non reuocari viuz vocis oraculum Pij V. tum quia si per dictam clausulam reuocantur literæ Apostolicæ quæcunque, à fortiori reuocantur oracula; clausula

DUBIUM XVI.

clausula enim, quæ sufficit ad reuocandum quod magis est, sufficit ad reuocandum id, quod minus. Literas autem Apostolicas esse maioris æstimationis, quàm oraculum, omnes faterentur, tum quia viuæ vocis oracula sub appellatione priuilegiorum comprehendendi manifestum est.

Deinde per Motum proprium Gregor. XIII. abrogantur omnia, & quæcumque eiusdem Pontificis statuto, ordinationi, & reductioni aduersantia, ac subinde reuocatur etiam dictum oraculum.

Tertio, ex vi præcitati oraculi solum confirmantur præcedentia priuilegia in foro interiori, & merito, ne ex opposito præberetur occasiourbationum, & litium; nemo autem potest ambigere, originem fore plurium dissensionum, & litium inter Episcopos, & Regulares, si absque eorum approbatione, confessiones secularium audire attentassent, cum id nequeat fieri absque scandalo, & externa ostentatione.

11. Tandem idem Pius V. per suum Motum proprium sub anno 1571. statuit, Regulares semel ab Episcopo præuio examine approbatos, ab eodem non esse iterum examinandos; posse autem à successore examinari declarauit S. Concil. Tridentini Congregatio, iuxta eiusdem Pij V. constitutionem, ut habetur ex dictis dub. 5. præcedenti. igitur, cum idem Pontifex declarauerit mentem suam, temerarium videtur eiusdem concessionem viuæ vocis oraculo factam in contrarium sensum extorquere.

*Utrum Sacerdos Religiosus approbatus ab Ordinario, prohibitus tamen à suo Superiore audire confessiones, possit validè illas audire.*

1. **P**artem negantem tueretur expressè Enriq. lib. 6. cap. 6. sub num. 6. in text. secutus Syluest. confessor 2. q. 1. Angel. verb. confessor 3. §. 4. Palud. 4. distinct. 17. q. 4. & probatur 1. ex Clem. Dudum. §. statimur, quæ est plena inrentio Papæ, ut ait Enriq. ubi supra, ne aliàs præiudicaretur Prælato, à quo pendet subditorum voluntas ratione voti obedientiæ.

2. Secundò, quia Episcopus, approbando Religiosos, non dat illis iurisdictionem ad audiendas confessiones, sed solum declarat, illos esse sufficientes & idoneos ad vtendum iurisdictione, quam habent à Papa virtute suorum priuilegiorum: priuilegia autem Religionum non conferunt iurisdictionem Religiosis particulatibus, nisi dependenter à Prælatis, nec iurdictio deriuatur in illos, nisi per Prælatum, ut constat ex prædicta Clementina. ergo non possunt audire confessiones repugnante Prælato, quantumcunque sint approbati ab Episcopo.

3. Tertio, quia Sacerdos impeditur ab executione Ordinum per suspensionem, excommunicationem, aut alio modo, non est idoneus ad audiendas confessiones, & si tenet absolueret, nihil efficeret, sed Religiosus non habet executionem Ordinum absque consensu sui Prælati, ut habetur ex cap. audiuimus. §. ecce, & colligitur ex Clem. Religiosi, de prinil. ergo, &c.

4. Quarto probatur ex cap. si Religiosi, de elect. in 6. ubi dicitur, quòd electio

electio Religiosi ad quancumque dignitatem, vel prælaturam est irrita, si fiat absque consensu Abbatis, quia Religiosus non habet velle, & nolle, sed totum id transtulit in suum Prælatum; atque adeò, si consentiat tali electioni de se factæ absque licentia Prælati, irritus, & nullus est talis consensus. ergo similiter, si eligatur in Confessarium sine licentia sui Prælati, irrita erit talis electio, nec potest virtute illius validam absolutionem impendere.

5. Verùm his non obstantibus, respondetur, dicendum, quòd licet peccet Sacerdos regularis approbatus ab Episcopo, prohibitus tamen à suo Superiore, audiens confessiones contra præceptum Prælati, tamen absolutiones ab eo impensæ sunt validæ, per se loquendo. Ita D. Anton. 3. p. tit. 17. cap. 7. & 8. Adria. de confess. q. 5. dub. 1. Sot. 4. d. 18. q. 4. art. 3. Angel. verb. confessio 3. §. 2. Sylvest. confessor 1. q. 5. Armil. verb. absolutio num. 24. Nauarr. cap. 4. num. 2. & cap. 27. num. 266. Tab. verb. absolutio 1. num. 34. Palac. 4. disp. 17. q. 7. Angl. q. de confess. art. 8. diff. 8. Rodr. in Bull. §. 9. num. 10. Aret. in 4. dist. 17. q. unic. art. 4. dub. 1. Miran. in Manna. Pralat. tom. 2. q. 45. art. 11. Villalob. tom. 1. tract. 9. dub. 50. num. 4. Sal. de legib. disput. 16. sect. 10. num. 43. & alij cum Ioan. de Cruc. de stat. relig. lib. 2. cap. 6. dub. 2. cancell. 2. & Nugn. in addit. ad 3. p. tom. 2. q. 8. art. 5. dub. 8.

6. Et probatur primò, quia Episcopus potest committere suam iurisdictionem pro foro pœnitentiæ cuicumque non incapaci illius; sed Religiosus non fit incapax talis iurisdictionis per præceptum Prælati prohibentis illi, ne eam accipiat, sed solum efficitur per illud præceptum; quòd malè faciat Religiosus illam accipiendo, & peius illa utendo, quia peccat mortaliter,

vel venialiter, iuxta qualitatem præcepti; nam si præceptum sit sub pœna grauis censuræ, aut in virtute sanctæ obedientiæ, erit mortale, si minus, veniale.

7. Secundò, quia licet in Clem. Dudum, de sepult. dicatur, quòd Episcopus debet admittere ad audiendas confessiones, Religiosos præsentandos à suis Prælatis, tamen nec ibi, nec alibi dicitur, quòd non possit ipse conferre iurisdictionem Religiosis absque tali præuia præsentatione, immò oppositum colligitur ex Clem. prædilla §. per huiusmodi, ubi dicitur, quòd Episcopi possunt, si voluerint, ampliòrè iurisdictionem conferre, quàm habeant Parochi. Vnde DD. citati cum Innoc. Hostien. Immol. & aliis, dicunt, quòd non obstante forma illius Clement. qua dicitur, Religiosos præsentandos à suis Prælatis, posse Episcopos conferre illis iurisdictionem sine præsentatione, vel consensu suorum Prælatorum, immò & ipsis repugnantibus.

8. Dixi tamen notanter in conclusione, per se loquendo, quia per accidens contingere poterit, vt absolutio impensa à Religioso, cui prohibitum est à suo Prælato confessiones excipere, sit invalida, vt si esset nominatim suspensus, aut excommunicatus, aut si pœnitens sciens illi Religioso esse prohibitum à suo Prælato, sub mortali audire confessiones, nihilominus illi confiteretur; tunc enim cum talis peccet mortaliter in ipso actu confessionis concurrens ad peccatum Confessoris, certè confessio non est dolorosa, & consequenter absolutio est nulla. Si ramen contingat, quòd Religiosus non prohibitus à suis Prælatis audire confessiones approbetur ab Episcopo, rectè poterit audire confessiones, etiamsi non habuerit licentiam à suo Superiore, quia tale opus est bonum



num, & studiosum sine licentia Superioris, dummodo non sit prohibitum per regulam, aut aliud præceptum.

9. Sed quæres, quid sit dicendum, si Prælati suo subdito prohiberet audire confessiones sub pœna suspensionis, aut excommunicationis ipso facto incurrendæ?

Respondeo cum Adrian. Med. & aliis *ubi supra*, quoddam supposita Episcopi approbatione valeret absolutio, non obstante illo præcepto, quia censura suspensionis, aut excommunicationis non incurritur in illo casu ante absolutionem sacramentalem datam à prædicto Religioso; & quâvis antea incurratur, non impeditur per illam quominus absolutio ab illo data sit valida, quousque declaretur nominatim incurrisse talem censuram iuxta constitutionem Concil. Const. & Basil. quæ incipit, *Ad evitanda scandala*, de quo in Bulla Cœnæ latius. An autem talis Religiosus ab Episcopo approbatus, non tamen à suo Superiore præsentatus, possit absolute solum à casibus, quos illi commiserit Episcopus, non autem ab illis, quos concedunt Bulla, aut privilegia suæ Religionis, dubio sequenti dicemus.

10. Ad primum itaque patet ex ratione secunda, quo pacto sit intelligenda illa Clement. Ad id verò, quod de præiudicio dicitur, respondeo, quoddam quantumcunque Episcopus præbeat iurisdictionem Religioso prohibito à suo Prælati audire confessiones, adhuc Prælati posset Religiosum ipsum in aliis rebus occupare, ita ut omnino impediatur ab audiendis confessionibus, atque adeo semper manet illarum ius, quod Prælati habebat in subditum Religiosum.

11. Ad secundum respondeo, Episcopum dupliciter posse approbare Religiosum, primò declarando illum esse idoneum, & sufficientem, nullam tamen

conferendo illi iurisdictionem. Secundo conferendo illi iurisdictionem & licentiam ad audiendas confessiones suorum subditorum. Si primo modo approbet, non poterit talis Religiosus audire confessiones, nisi aliunde ei communicetur iurdictio virtute Bullæ præsentis, aut suorum privilegiorum. Si verò secundo modo approbet, prout approbant de facto omnes, quos approbant Episcopi, verè confert iurisdictionem quoad omnes casus non reservatos Episcopo. Vnde Religiosi, communiter loquendo, possunt, & solent habere iurisdictionem ex triplici capite. Primò ex autoritate Episcopi approbantis illos, sed tunc tantum extenditur ad casus non reservatos Episcopo. Secundò ex privilegiis propriæ Religionis, & iurdictio inde proveniens extenditur ad omnes casus contentos in talibus privilegiis, non obstante, quoddam aliqui eorum sint reservati Episcopo. Immo Mendicantes per communicationem specialis privilegij concessi Societati Iesv possunt absolute ab omnibus reservatis Papæ, exceptis his, qui sunt in Bulla Cœnæ Domini, ut patet ex compendio privilegiorum eiusdem Societatis *verbo absolutio*. §. 1. Sed quoad hoc standum est nunc decretis sacre Congregationis, de quibus *cap. sequenti* erit sermo. Tertio ex privilegio Bullæ Cruciatæ, si fortè illam habeat pœnitens, & iurdictio inde dimanans similiter extenditur ad omnes casus concessos in prædicta Bulla, non obstante, quoddam Episcopus reservaverit sibi aliquos eorum; ipse autem Confessor, dum absolvit, intendat uti iurisdictione, qua potest, nec debet restringere suam intentionem ad iurisdictionem hanc, vel illam determinatam.

12. Ad tertium respondeo ex Sor. *ubi supra*, quoddam Religiosi, per se loquendo, non habent executionem Ordinum

M. fine

sine consensu Abbatis præsentantis illos Episcopis; per accidens tamen possunt habere executionem Ordinum, si conferatur sibi iurisdicção ab Episcopo, sine tali præsentatione.

13. Ad quartum respondeo, ibi esse sermonem de dignitate, per quam extrahitur Religiosus à potestate sui Prælati, non autem de electione ad faciendum aliquod opus studiosum, quale est audire confessiones. Nec obstat quod ibi dicitur Religiosum non habere vellet, & nolle, hoc enim intelligi debet de iure, non de facto.

### DUBIUM XVII.

*An prædictus Religiosus approbatus ab Episcopo, non tamen expositus, sed prohibitus à suo Superiore audire confessiones, possit absolvere à reservatis virtute Bullæ, aut privilegiarum sua Religionis.*

1. IN hac difficultate est sententia Rodr. in Bull. §. 9. num. 10. asserentis, Religiosum prohibitum audire confessiones, non posse absolvere virtute Bullæ, aut privilegiarum sui Ordinis, quantumcunque sit approbatus ab Episcopo, pro quo adducit Bullam Pij Quarti anno 1563. editam, ubi Summus Pontifex declarat non esse idoneum ad audiendas confessiones excommunicatum, aut impeditum à suo Superiore. ergo nec virtute Bullæ, nec privilegiarum sui Ordinis poterit talis absolvere, cum tam Bulla, quam privilegia petant Confessarium esse idoneum; quia Iulius III. in quodam Motu proprio, quem refert Ludou. Lop. in 1. p. sum. cap. 76. irritat absolutiones à reservatis factas à Dominicanis, qui adepti sunt facultatem audiendi confessiones contra voluntatem suorum Prælatorum, nisi talis facultas

sit subscripta manu Summi Pontificis, vel de consensu Cardinalis Protectoris, aut V. Protectoris. ergo Mendicantes non possunt à reservatis absolvere virtute Bullæ, aut suorum privilegiorum, nisi expositi sint à suis Prælati, licet aliàs approbationem obtineant ab Episcopis.

2. Verum, his non obstantibus, respondeo, dicendum, quod talis Religiosus prohibitus à suo Superiore audire confessiones, approbatus tamen ab Episcopo, potest valide absolvere à reservatis virtute Bullæ, non tamen suorum privilegiorum. Hanc conclusionem quoad utramque partem tenet Acoft. q. 41.

3. Prima pars huius assertionis probatur ex multis recentioribus, quia Bulla tantum petit, ut qui eligitur in Confessarium, sit approbatus ab Episcopo. Sed qui est prohibitus à suo Prælato audire confessiones, potest esse ad id approbatus ab Episcopo; ergo virtute Bullæ rectè potest absolvere à reservatis, quæ in illa conceduntur, ita ut valida sit eius absolutio, quicquid sit de peccato, quod committit contra præceptum sui Superioris: nec Pij Quarti Bulla, quam adducit Rodr. intendit oppositum, aliàs nec à non reservatis potest ille absolvere, quia etiam ad hoc requiritur idoneitas; & ibi dicit Pius IV. prohibitum à Prælato non esse idoneum ad audiendas confessiones virtute illius Bullæ dumtaxat, vel certè per prohibitum, aut impeditum intelligit eum, qui irregularitate, vel alia sententia Superioris fuerit prohibitus in penam alicuius criminis; sic enim Concil. Basil. & Lateran. explicant Extravagantem *Ad evitanda*, dum dicit, vitandos esse in Sacramentorum susceptione nominatim prohibitos. Nec etiam obstat Motus proprius Iulij III. suprà citatus, quia in illo similiter solum irritat absolutiones

solutiones referuatorum, quæ fierent virtute Bullæ à se concessæ.

4. Secundam verò partem prædictæ assertionis docent Enriq. Pal. Syluest. & Ang. *dub. præcedenti* citati, quibus accedunt Armilla *verb. confessio*. §. 4. Ludou. Lop. *1. p. instruct. cap. 26.* Sylu. *excommunicatio 7. cas. 14. vers. 12.* Adrian. *de confess. fol. 166.* Compend. Mendic. *ver. absolutio quoad saculares* 1. §. 12. Nauarr. *in man. cap. 9. num. 9. & 27. & num. 260.* Ledesm. *2. p. quest. 8. cap. 2. dub. 3.* Fel. *super tit. de priuileg. cap. 6. pag. 690.* Arch. *placuit. d. 16. quest. 1. & cap. perlectu. 15. d.* Et probatur,

5. Primò, quia quando Papa contedit facultatem absoluedi à referuatis, solet exigere, quoddam Sacerdos sit à suo Prælato deputatus, vt patet ex quadam concessione Sixti IV. quæ habetur in *compendio priuilegiorum Mendicantium tit. absolutio quoad saculares* 1. §. 12. & ex alia Eugenij IV. quam adducit Armil. *ver. absolutio*. §. 26. & ex Bulla Pauli III. concessa Societati IESV anno 1545. in quibus omnibus apertis verbis exigunt Pontifices, vt Religiosi sint deputati à suis Superioribus, vt sic possint absolvere à referuatis virtute illorum priuilegiorum. Vnde non possum non mirari, ita in hac parte quosdam recentiores decepros fuisse, vt nonnullas ex prædictis Bullis in fauorem suæ sententiæ adducant, cum oppositum protus illius. in eis aperte reperiatur.

6. Secundò, quia Episcopus ex iusta causa potest negare licentiam Sacerdoti Religiosi ad audiendas confessiones, vt docent Enriq. *ubi supra*, Sylu. *confessor* 2. §. 9. Prater Alex. *cap. 11.* & colligitur ex Clem. Dudum. ergo etiam Prælatus proprius poterit idem, atque adeò negata tali licentia non poterit absolvere nisi à casibus per Episcopum concessis. Patet consequentia, quia voluntas Religiosi magis pendet à volunta-

te Prælati, quàm Episcopi. ergo si Episcopus ex iusta causa potest illi negare licentiam, ita & Prælatus, atque adeò absolvere non potest à referuatis virtute priuilegiorum suæ Religionis, quia hæc non communicantur, nec deriuantur ad Religiosos, nisi medio Prælato, vt docet Enriq. *ubi supra*, non enim verisimile est fuisse voluntatem Pontificum concedentium prædicta priuilegia pro foro pœnitentiæ, vt Religiosi illis gauderent contra voluntatem suorum Prælatorum, sed potiùs dependenter ab illis, ne debitæ subiectioni præiudicaretur.

7. Et, si quis inquirat, an Religiosus approbatus ab Episcopo, & deputatus à Prælato suæ Religionis, possit absolvere virtute priuilegiorum, quamvis postea talis deputatio à Superiore reuocetur?

Respondeo, non posse, quia talis deputatio in fieri, & consuari pendet à voluntate Superiorum, non minus, quàm approbatio secularis Sacerdotis ab Episcopo: par enim est vtriusque ratio, vt facile patebit discurrenti. Vnde sicut Episcopus potest tollere approbationem à Sacerdote seculari non Parocho, ita etiam Prælatus potest auferre deputationem à suo Religioso.

## DVBIVM XVIII.

*Vtrum virtute Bullæ sit eligibilis Sacerdos ab Episcopo approbatus, licet sit excommunicatus, suspensus, irregularis, aut degradatus, ita vt valida sint eius solutiones.*

1. Respondeo certum omnino esse, degradatum, quamvis fuerit approbatus, non esse eligibilem per Bullam. tum quia per degradationem ipso facto tollitur approbatio; tum quia non est Pontificis voluntas conferre indigno aliquam iurisdictionem, sed homi-

ni probato; & ideo Concil. Tridentinum petit approbationem, quæ debet intelligi in doctrina, & moribus. tum quia per degradationem fit incapax iurisdictionis, quandiu non fuerit reuocatus ad pristinum statum. Vnde si de facto attentet absolue, absolutio erit nulla. Irregularis item non est eligibilis per Bullam, quia est incapax accipiendi nouam iurisdictionem.

2. Dixi notanter, *nouam*; quia ab illo, qui habebat antea iurisdictionem, hoc est, antequam irregularitatem contraheret, rectè potest accipi absolutio, dummodo non sit nominatim, & publicè denuntiatus.

3. Probatur, tum quia in Concil. Basil. dicitur, prohibitos non nominatim non esse vitandos. ergo quamuis irregularis sit prohibitus, si tamen non sit nominatim, & publicè denuntiatus, non erit vitandus. tum quia in *extravaganti ad visanda*, dicitur, prætextu nullius censuræ, aut sententiæ esse vitandum aliquem, nisi nominatim, & publicè denuntiatus. ergo cum irregularitas ex delicto contracta sit quædam censura, vt quidam dicunt, vel saltem (vt aliis placet) quædam sententia iuris, vel hominis, non debet irregularis vitari, nisi sit publicè, & nominatim denuntiatus. Vnde falsa est sententia Sot. in 4. d. 19. q. 1. art. 6. contrarium dicentis.

4. Excommunicatus deinde nominatim denuntiatus, aut manifestus percussor clerici, ita vt nulla tergiuerfatione celari possit, non est eligibilis virtute Bullæ extra articulum mortis; vt rectè Rodr. *suprà* §. 9. num. 29. & huius ratio est, quia talis non est toleratus ab Ecclesia, ac proinde non habetur tanquam idoneus: immò approbatio, quam habet ab Episcopo, est nulla quandiu durat talis excommunicatio nominatim, & publicè, quia

hæc aufert ab illo omnem vsum iurisdictionis antiquæ, & receptionem nouæ.

5. Inter nominatim autem excommunicatos enumerat Sot. 4. d. 13. q. 1. art. 9. lit. F. & d. 20. q. 1. art. 1. concl. 1. & d. 25. q. 1. art. 1. concl. 3. Hæreticos, Schismaticos, & Apostatas; sed melius dicitur, quod si isti non sint nominatim, & publicè denunciati, possumus illis communicare, vt docet Nauarr. cap. 9. num. 6. & cap. 15. num. 24. Petr. de Sot. *lect.* 6. de excommun. immo & ipse Dominic. de Sot. 9. de iust. q. 8. art. 1.

6. An verò, si quis ignorans, aliquem esse nominatim excommunicatum, illi confiteretur, esset valida absolutio.

Enriq. respondet affirmatiuè, pro quo adducit plures DD. lib. 6. cap. 13. num. 12. lit. C. ex interpretatione virtualis intentionis Ecclesiæ, sicut valent acta sententiæ iudicis, qui communi errore habetur legitimus, & toleratus. Excommunicatus præterea, non nominatim denuntiatus, licet aliàs ab eo possimus recipere Sacramenta, vt *suprà* ostensum est, non tamen est eligibilis virtute Bullæ, tum quia excommunicatus est incapax recipiendi nouam iurisdictionem; electo autem per Bullam confertur noua iurisdicção à Papa. ergo non potest virtute Bullæ aliquem absolue. ita aperte colligitur ex Bulla Pij IV. *dub. præcedenti* citata, & docet Sot. 4. d. 18. q. 4. art. 3. & alij ab eo citati.

7. De suspensio denique idem proportionaliter dicendum esse puto, ac de excommunicato. vnde falsa est sententia Sot. 4. d. 22. q. 1. art. 5. concl. 2. & d. 18. q. 3. art. 3. dicentis absolutionem datam à suspensio esse nullam. hoc (inquam) falsum est, vt docent Vict. in *materia de Clausib.* q. 227. Nauarr. cap. 9. num. 7.

num. 7. Caiet. 3. p. q. 82. art. 9. Rodr. *supra*. nam si talis suspensus antea habebat iurisdictionem, valida est eius absolutio, ut aperte colligitur ex prædicta extrauaganti *ad visanda*.

### DUBIUM XIX.

*Verum sufficiat, quod prædicta approbatio sit petita, quamuis non obtenta.*

1. **S**uppono duo esse certissima.

Primum est, quod si approbatio iusta ex causa denegetur, nihil refert, quod petita sit, alioquin decretum Concilij nullius esset momenti; quilibet namque posset hanc facultatem petere, & ridiculum sanè esset, talem petitionem (si iniusta, vel impertinens sit) aliquid iuris, seu commodi afferre.

Secundum est, quod quando non constat euidenter approbationem iniuste negari, nihil etiam refert, quod petita sit, quia ius Superioris semper integrum manet, iusteque fecisse præsumitur; quando oppositum non est manifestum.

2. Difficultas igitur nunc est, an sufficiat petita, licet reipsa non obtenta, quando constat euidenter de idoneitate petentis, & sine causa, vel ex mala intentione eum repelli, id est, ex odio, & malevolentia. His præmissis, sit

3. Prima conclusio. Saltem loquendo de Sacerdote seculari necessaria est hæc approbatio reipsa exhibita, nec sufficit, petita, quamuis iniuste denegetur. Hanc esse communem doctrinam asserit Suar. *tom. 4. disput. 28. scil. 5. num. 6.* càmque sic nos colligere possumus ex Concilio, quia ex illo hæc conditionalis elicitor: nisi quis sit approbatus ab Episcopo, non potest con-

fessiones secularium audire. Sed huiusmodi conditionalis habet hanc vim, ut nisi mander executioni requisita conditio, effectus sequi non possit; ergo necessaria est reipsa exhibita approbatio, &c. Probo minorem, tum ex illo Ioan. 5. *nisi quis renatus fuerit*, &c. ubi ob dictam conditionalem, etiamsi ex iniquitate alterius, paruulus priuatur Baptismo, non assequitur illius effectum, tum ex illa conditionali inter DD. recepta, nisi quis per sententiam fuerit declaratus hæreticus, non priuatur bonis suis. nam illa stante etiamsi iudex iniuste illum non declarat, tamen quandiu non declaratur, non priuatur bonis suis. ergo similiter, &c. Confirmatur a contrario, quoniam si Episcopus reipsa approbet, etiamsi fortasse iniuste, vel malè faciat, tamen quod ad Sacramenti valorem pertinet, hoc sufficit quantum est ex parte approbationis. ergo idem erit è conuerso, ut seruetur æqualitas.

4. Sed contrà. Actio iniusta nemini nocere debet. Sed Episcopus, cùm sine causa, & contra petentis personæ merita denegat approbationem, si facit iniuriam. ergo, ea non obstante, ille manebit expositus, seu approbatus. Probo minorem; quia huiusmodi approbatio (ut alibi ostensum est,) non gratiæ, sed iustitiæ opus est. est namque veluti iudicium, seu sententia iusta. ergo Episcopus eam denegans alicui sine causa, immò contra ipsius personæ merita, ei facit iniuriam.

5. Confirmatur, quia consensus debitus, & iniuste negatus in re eandem vim habet, quam consensus datus, ut patet ex *cap. licet, de Regular.* ubi propter hanc causam Regulari petenti à suo Superiore licentiam transeundi ad perfectiorem Ordinem, sufficit petita, quamuis non obtenta. Similiter

in cap. 1. de suppl. negl. Pralat. ubi habetur pro Abbate tertio ab Episcopo petente benedictionem, si absque iusta causa denegetur, à iure sibi conceditur, & pro benedicto habetur.

6. Responderetur prædictæ obiectioni, negando maiorem actionem namque, seu potius omissionem iniuriolosam sæpe nocere potest, ut aliquis careat aliquo bono, sicut patet in exemplis adductis pro nostræ conclusionis comprobatione. Ad confirmationem verò, iam supra in simili diximus, consensum debitum ex se, non tantum operari, quantum exhibitum, ut constat manifestè in cuiusvis Sacramenti administratione; tamen quoad aliquas actiones, nulla est necessaria concessio, seu licentia exhibitæ, ubi iura id declarant, ut in d. cap. licet, & cap. 1. de suppl. negl. Pral. hinc autem oppositum potius in iure declaratur, ut iam ostendimus.

7. Secunda conclusio. In Sacerdote etiam regulari, cuiuscunque sit Ordinis, vel instituti, necessaria est licentia exhibitæ, nec sufficit postularæ. Hanc conclusionem defendit Suar. ubi supra num. 11. & Fagund. cum aliis per eum allegatis lib. 7. cap. 2. num. 13. Ut autem illius veritas constare possit, & satisfieri etiam iis, quæ in contrarium allegantur, prælibare saltem oportet ea, quæ Religiosis circa hanc materiam à diuersis Summis Pontificibus sunt concessa. In primis Alexand. IV. Religiosis Mendicantibus concessit facultatem audiendi confessiones secularium, prout refertur in comp. privileg. verb. absolutio 1. quoad seculares. §. 1. quam facultatem postea confirmavit Urbanus IV. & Clemens IV. ut tradit Sor. in 4. sent. dist. 18. q. 4. art. 3. non tamen respectu omnium, sed eorum tantum, qui ad audiendas ipsorum confessiones conveniebant, ut refert Alenf. 4. p. q. 78. num. 1. art. 3. ad 1. Postea

verò Bonifac. VIII. in Extravaganti super Cathed. de sepult. eandem ampliavit facultatem simpliciter respectu omnium. præcepit tamen, ut Superiores Generales, vel Provinciales tenerentur prius facultatem ab Episcopis postulare ad eligendos Confessores, electosque, deinde eisdem præsentare, ut eos admitterent; quod si facere renuerent, præsentatio ipsa satis erat, & Pontifex ex tunc sua suprema auctoritate illos admittebat. Præfatum Bonifacium subsequutus est Benedict. XI. qui in alia sua Extravaganti, Inter cunctas, de privileg. eandem confirmavit privilegia, abstulitque prædictam modificationem, seu illius solennitatis, aut præsentationis necessitatem, sed solum imposuit Superioribus, ut verbo, vel scripto significarent supradictis Episcopis, se Religiosos aliquos designasse ad confessiones audiendas, non explicando eorum numerum, nec nomina, immò nec expectato Episcoporum consensu. Demum Clemens V. in Clement. Dudum, de sepult. similiter cum Concil. Viennensi. prædicti Benedicti decretum revocavit, & quod Bonifacius prius statuerat, renovavit, strictèque observari præcepit, cuius quidem constitutio fuit semper usque ad tempora Concil. Tridentini observata. At quoniam gravis est controversia in decidendo, an dicta constitutio Bonifacii per Clem. V. confirmata sit etiam observanda post Concil. Tridentinum in omnibus, quæ per ipsum Concil. non sunt innovata.

8. Idcirco, rursus notandum est, duo fuisse à Bonifacio requisita. Primum petitio licentiæ ad eligendos Confessores. Secundum præsentatio eorum, quæ propriè, & in rigore significat personalem præsentiam coram Episcopis, ut advertit Suar. cit. num. 12. Rodr. in quest. Regul. tom. 1. q. 59. art. 1.

not. 3.

not. 3. & Mirand. in *Manu. Pralat. som. 1. q. 45. art. 5.* non enim sufficit nominare iuxta gloss. communiter receptam in d. Clem. *Dudum, verb. presentare*, & Nauar. in *Manu. cap. 27. num. 164.* ex his duobus Syluest. *Confess. 2. q. 1.* ait, primum non fuisse necessarium simpliciter, sed ex quadam vrbauitate. Secundum verò fuisse ita necessarium, vt sine illo non possint isti Religiosi Pontificiis priuilegiis gaudere. Nauar. autem *vbi supra*, vtrumque esse necessarium asserit; fortasse, quia Pontifex eodem tenore vtrumque requirit. His præmissis,

9. Probatur iam nostra conclusio. Primò, quia decretum Concilij Tridentini absolutè ordinat, nullum etiam Regularem posse confessiones secularium etiam Sacerdotum audire, nisi ab Episcopis approbationem obtineat. Vel igitur hæc verba sunt superflua, vel per illa reuocatur prædicta Clementina, aut aliquid additur iis, quæ antea statuta erant. Primum non est dicendum, quia tunc nullius essent virtutis, aut momenti. Si secundum, habemus intentum; ac similiter si tertium, quia de nouo statuitur, quòd approbatio obtenta requiratur, vt in primæ conclusionis probatione fuit ostensum.

10. Secundò, quia hoc decretum conciliale est, & pontificale, fuit siquidem per Pontificem confirmatum. Sed lex pontificia addit aliquid priori legi, & corrigit illam, etiam si in iure contineatur, & nulla fiat illius expressa mentio, quando verba posterioris legis hoc requirunt, vt aptè colligitur ex *cap. 1. & 2. de constit. in 6.* ergo.

11. Tertiò Pius V. suo Motu proprio 38. anni 1567. qui incipit, *& si Mendicantes*, concessit his Religiosis, præcipuè Theologiæ Magistris, tanquam priuilegium speciale, vt sine Epi-

scopi approbatione possent confessiones audire, non reuocando Clement. *Dudum*, sed solum Concil. Tridentinum. ergo signum est, intellexisse d. Pontificem, quòd ex vi illius decreti Concilij necessaria erat Regularibus hæc approbatio. Vnde anno 1571. in 44. Motu proprio, qui incip. *Reptant Pontificis providentia circumspecta*, reuocauit priorem Motu, statuens manifestè etiam Magistros Theologiæ regulares hac approbatione indigere. quod postea Gregor. XIII. anno 1572. suo Motu proprio 15. qui incip. *In tanta rerum & negotiorum mole*, reduxit ad formam Concilij. ergo hi Pontifices euidenter supponunt, omnes Regulares in dicto decreto comprehendi.

12. Quartò, quia ex opposito sequeretur non ob stare, etiam si Episcopi iuste non admitterent huiusmodi Religiosos, immo si vellent illos examinare, non haberent ius. Consequens est falsum. ergo, &c. Prob. min. quia ex vi Extraneantis *supra Cathedrali*, & Clement. *Dudum*, examen, ac iudicium horum Regulatum suis Superioribus erat concessum, & solum requirebatur exterior præsentatio. Nec Episcopi poterant prætere aliam causam illos non admittendi, ergo si Concilium in nulla re derogauit illa priuilegia, euidenter sequuntur ea omnia, quæ nunc in sinuauimus; quæ tamen sunt satis absurda, & nemò sanæ mentis concedet, nec etiam Nauarr. qui *vbi supra*, oppositam tuetur opinionem.

13. Tertia conclusio. Probabile est, d. Clementinam in Concil. Viennensi prius, & postea in Lateranen. sub Leonè X. *sess. 11.* confirmatam nullatenus derogari per decretum Concilij Tridentini. Hanc conclusionem defendunt imprimis Nauarr. in *sum. L. utina. cap. 27. num. 164.* Manuel *art. 2.* & Miranda *art. 6. vterque vbi supra*, Graff. *lib. 1. decis. cap. 13.*

cap. 13. num. 49. *Glof. d. Clem. dudum, de sepultur. Enriq. lib. 3. de penis. cap. 6. num. 4. Veg. lib. 1. casuum conscientia, cas. 58. Angel. ver. confessio. 4. num. 25. Sot. in 4. d. 18. q. 4. art. 3. Petr. Cened. de questio. canon. 9. 38. num. 20. Palac. dist. 17. q. 7. Sylu. ver. confessor. 2. §. 9. & alij, quos refert, & sequitur Fagund. lib. 7. de quinque Ecclesiæ præcept. cap. 2. num. 15. expresse iniquis, ex vi dictæ Clementinæ Dudum, ipso iure approbari Mendicantes à Clem. V. ad sæcularium confessiones audiendas, si Episcopi ex odio, & malevolentia huiusmodi Religiosos à suis Superioribus præsentatos, ad examen non admitterint, aut iam admissos, & dignos inuentos, ex eodem odio, non approbaerint, quia in isto casu licentia petita & iniuste negata, censetur ipso facto concessa.*

14. Sed conclusionem sic primò ostendo, si dicta Clementina esset in aliquo saltem derogata, per decretum Concilij Tridentini, id præsertim dignoscetur, quia in eo apponitur illa clausula, *Non obstantibus privilegijs, &c.* Sed ex huius clausulæ appositione minimè concluditur d. Clement. esse reuocatam. ergo. Prob. minor, quia dicta Clementina est inserta in corpore iuris, sicut sunt insertæ aliæ leges communes ecclesiasticæ, atque ideo sub nomine priuilegij non venit intelligenda, quod probatur. in rebus namque moralibus morali est modo loquendum, ac verba sunt exponenda iuxta loquendi modum à Iurisperitis obseruatum, ut constat in cap. ex literis, de sponsal. & ex lib. rorum. §. quod tamen. ff. de legat. 3. Certum est autem, nullum Iurisperitum sub nomine priuilegij simpliciter prolato intellexisse vnquam illud, quod in corpore iuris communis est positum, atque insertum: hoc enim, merum ius commune, & non priuilegium dicitur.

15. Nec dictis obstat, quòd prædi-

cta Clementina videatur continere non tam rem communem, & toti vniuersali Ecclesiæ concernentem, quàm gratiam, ac fauorem concernentem dumtaxat Religionibus in ea expressis, Minorum scilicet, ac Prædicatorum, cum quibus solùm dicta Clementina loquitur, ac per consequens non esse ius commune, aut legem communem ecclesiasticam, sed potius dicendum, fore priuilegium quòd idem posset, ac lex priuata, seu particularis. Non(inquam)obstat, quia Summus Pontifex Clemens V. quin immo Concilium ipsum Vniuersale vniuersalem repræsentans Ecclesiam, statuentes, ut dicti Religiosi confessiones audirent sæcularium, non tam fauorem, aut gratiam eisdem Religiosis factam iudicarunt, quàm rem pertinentem ad totius Ecclesiæ vtilitatem, ac Christiani populi, cunctarumque animarum salutem. Tum etiam, quia si ex hoc, quòd constitutiones aliquæ respiciunt particulares personas, seu Religiones, dicendæ essent priuilegia, & non ius commune, multæ reperirentur in corpore iuris insertæ, quæ tamen pura priuilegia essent dicenda, cùm ad particulares Ecclesias dirigerentur, ut patet ex tit. de rescript. & tit. de off. iud. deleg. quod nequaquam est admittendum, immò potius asserendum ad hoc, ut concessio aliqua canonis, seu legis ecclesiasticæ nomen obtineat, sufficere, quòd sit in corpore iuris, & ex eius definitione aliquod bonum commune resultet, ut eleganter ostendit noster Alphons. de Castro lib. 1. de leg. penult. c. 1.

16. Secundò probatur conclusio ex Archidiacono in cap. 1. de constit. lib. 6. ubi ait, quòd ius commune requirit derogationem expressam ad hoc ut illi censeatur derogatum, de quo latè Felin. in cap. nonnulli, de rescript. num. 12. & Barr. in l. 1. vers. vel diuersim, in auth.

qua



que in pron. mouet hanc quæstionem, vtrum lex de nouo instituta à Principe deroget priuilegia posita in corpore iuris communis? dicendo, non obstantibus priuilegiis; & responderi, quòd non, nisi specialiter de illis faciat mentionem, etiam si apponar quæcunque non obstantias generales, quia (inquam) talia priuilegia in corpore iuris inserta iam aliud nomen sibi vindicant nobilius. Eandem sententiam tenet Paul. de Castro in l. 1. ff. de leg. num. 2. & communiter DD. in l. hares abfens ff. de iudic. Cùm igitur in decreto Concilij Tridentini non apponatur aliqua specialis derogatio dictæ Clementinæ, sequitur, nequaquam esse dicendum quòd per illud derogetur, maxime cùm d. Clementina fuerit facta, & approbata in Concil. Vien. ac postea in Lateranen. confirmata, & Clem. V. in Proæmio suarum Clementinarum expresse præceperit, quòd omnes (nulla excepta) admittantur, atque ad vnguem obseruentur, & quòd DD. in scholis, ac iudices in iudicio per eandem gubernentur.

17. Tertio probatur, quia in dicto Concilij Tridentini decreto, vbi agitur de Confessorum regularium præsentatione, non solum de dictæ Clementinæ reuocatione nulla fit mentio, sed ipsa assertur, atque apponitur ad marginem, tanquam ipsius appendix, itavt Concilij Additionator Horarius Lucius Calienfis Iurisconsultus peritissimus in d. sess. 23. cap. 25. ponens pro concordata ad marginem d. c. 25. Clem. Dudum §. ac deinde, de sepult. innuere, ac insinuare videatur in eo decreto nullatenus derogari d. Clement. immò id fuisse ad instar, & imitationem, necnon ad maiorem, melioremque ipsius Clementinæ obseruantiam confectum. quam opinionem constanter propugnat doctissimus Nauar. vbi

suprà num. 163. asserens, quòd expedit iura iuribus concordare, iuxta ea, quæ notantur in cap. cum expediat, de elect. lib. 6. Vnde concordat ipse Concilium Tridentinum cum dicta Clementina, quòd scilicet Concilium limitetur per eam ob rationem specialitatis, quæ in dicta Clementina colligitur ad refræmandam quorundam Episcoporum duritiam, iuxta cap. de suppl. negl. Prelat. qui rem grandem fecisse arbitrantur, cùm aliquid præstant ingratum his, quos aliquin deberent summopere diligere. quod confirmat ipse Nauar. inquit, non esse nouum, aut à iure alienum, vt posteriores leges limitentur, atque explicentur per priores, iuxta l. sed & posteriores. ff. de legib.

8. Quarto probatur. Lex generica nunquam derogat specificam, nisi de huiusmodi derogatione fiat specialis mentio, immo remanet in suo vigore, quia generi per speciem detrahitur, vt habetur de reg. iur. lib. 6. Sed decretum Concilij Tridentini, est lex generica, Clementina autem supradicta est lex specifica, de cuius tamen derogatione nulla fit mentio specialis in decreto Concilij Tridentini. ergo nequaquam per decretum istud Clementina illa derogatur, immo potius remanet in viridi obseruantia. Pro cuius maiori explicatione, aduerte oportet, quòd leges tam ciuiles, quàm ecclesiasticæ dupliciter considerantur, quædam enim sunt generales comprehendentes omnes, vt quando præcipiunt aliquid ab omnibus faciendum, vel interdiciunt omnibus, ne hoc, aut illud efficiant, & has leges appellant Iurisconsulti genus. Aliæ sunt leges, quæ non cum omnibus, sed cum particularibus loquuntur, vt leges agentes de Prætoribus, de viduis, de pupillis, &c. quas ipsi Iurisconsulti appellant species. Quo præmissis, regula

- N iuris

iuris est, has leges sic fore accipiendas, ut publicata lege generica non proinde intelligatur derogata lex specifica, nisi de hac fiat mentio specialis in illa, alioquin specifica remanet in sua vi, curritque scilicet cum generica, iuxta regulam dicentem, Generi per speciem detrahitur, vbi gloss. hanc doctrinam illustrat sequenti exemplo. Statuit Rex legem quod transgressor suarum legum sit arbitrio iudicis puniendus, sed est alia lex antiquior, qua disponitur quod eius transgressor certam soluat nummi quantitatem, in hoc casu transgrediens hanc legem particularem, non tenetur ad luendam poenam arbitrio iudicis relictam, sed ad poenam legis specialis, quia generi per speciem detrahitur; ita in proposito, Canon Concilij est lex generalis mandans, quod nullus Regularis audiat secularium confessiones, nisi approbationem ab Ordinario obtrineat: Clementina autem *Dudum*, est lex specialis cum duabus solum Religionibus, Prædicatorum scilicet, & Minorum loquens. unde Concilij generalis lex non derogat specialem Clementinæ, quia generi detrahitur per speciem; sicut per generalem dispositionem non tollitur privilegium aliquibus in alia dispositione concessum. Sic tradunt Jacob. Simonet. *de reservat. benef.* q. 99. num. 27. Ant. Gabr. *lib. 6. com. opin. tit. de legib. conel.* 1. Rodr. *de Majest. Princ.* §. non armis solum decoratam 2. p. n. 187. & Callan. *conf.* 32. n. 15.

19. Argumenta igitur in probationem secundæ conclusionis adducta solvere oportet. Unde

Ad primum respondetur, negando antecedens. Regulæ enim sunt in multiplici differentiâ iuxta varietatem Religionum, quarum sunt alumni: quoniam sunt Augustiniani, alij Carmelitani, alij Mercenarij; de quibus

omnibus verificatur vniuersalis negatiua canonis Concilij Tridentini, exceptis Dominicanis, & Franciscanis, de quibus solum loquitur dicta Clementina. Unde, si iustes, quod illa negatiua *nullum*, nullius Religionis Regularem excipiat. Respondetur, quod illa negatiua est lex generalis posterior, cuius generalitati detrahitur per decisionem dictæ Clementinæ, quæ est lex quædam specialis, quia generi per speciem detrahitur.

20. Ad secundum respondetur d. Decretalem de constit. in 6. intelligendam fore, quando lex posterior à Principe, seu Pontifice condita, est priori contraria, & cum ea nullatenus compatibilis, & non aliter. Pro cuius explicatione notandum est quod secundum iuris dispositionem non dicuntur duæ leges contrariæ eo solum, quod una sit affirmatiua, & alia negatiua circa eandem materiam, sicut aliquibus in huiusmodi doctrina parum versatis perperam visum est. Sed quando sunt incompatibiles. v. g. Compatres possunt contrahere matrimonium; compatres non possunt contrahere, & de his loquitur Decretalis supra allegata in argumento, non verò de iis, quæ sunt compatibles, cuiusmodi sunt, vniuersalis negatiua, & specialis affirmatiua. & sic accidit in proposito: nam cum hac generali lege Concilij Tridentini nullus Regularis confessiones audiat secularium, nisi per examen sit ab Ordinario approbatus, satis bene compatitur hæc lex specialis dictæ Clementinæ, quod Regulares Ordinum Prædicatorum & Minorum sine in aliquo casu ab vniuersali illa regula exempti, maximè cum generi per speciem detrahatur.

21. Ad tertium respondetur nos non negare, quod necessariò requiratur iuxta Concilium Tridentinum, approbatio

probatio Episcopi, vt quis possit secularium confessiones audire. Vnde cum Pius V. in suo primo Motu proprio, propter aliquorum Episcoporum inurbanitatem, dispensasset cum Lectoribus publicis, & graduatis in Academia approbata, ne cogerentur examinari; considerans postea inconuenientia inde resultantia, & quod ultra scientie idoneitatem, requiritur etiam bonitas morum, eandem reuocauit in alio secundo suo Motu proprio, quem confirmauit Greg. XIII. reducens illum ad terminos iuris communis; cui non opponitur, vt Fratres Ordinis Prædicatorum, aut Minorum Episcopis præsentati, iuxta formam dictæ Clementinæ, & ab eisdem Episcopis sine causa reiecti, possint à Summo Pontifice admissi eo ipso confessiones audire.

22. Ad quartum responderetur negando minorem, & ad probationem dico in præfata Clementina nihil omnino reperiri, vnde huiusmodi absurda inferendi sumatur occasio. Pro cuius maiori elucidatione

23. Dico primò, quòd iuxta dictam Clementinam Prælatis generales, aut Prouinciales Religionum Prædicatorum, ac Minorum per se, vel per alios Fratres idoneos, tenentur accedere ad Episcoporum præsentiam, & ab eisdem postulare humiliter, vt Fratres electi à suis Prælati possint in suis diocesibus secularium audire confessiones, eosque à peccatis absolvere, vbi notat Sylu. *confessor* 2. q. 1. quòd si dicta licentia asperè petatur. secundum Panor. non satisficit constitutioni, sed est iterum petenda, propter omissionem formæ. Vnde elicit, quòd si Episcopi negent licentiam asperè petitam, Fratres prædicti eam non habent à Papa.

24. Dico secundò, quòd dd. Prælati regulares tot debent eligere Fratres,

quot possint sufficere pro huiusmodi munere exercendo, respectu illius vrbis, aut terræ, vbi sunt destinandi; sitamen suboriretur dissidium circa numerum eligendorum, dicentibus fortasse Episcopis, numerum minorem sufficere; Prælati verò Religionum asserentibus maiorem requiri, huic dubitationi occurrit gloss. in d. §. *deinde, vers. exig.* edocens, Episcoporum posse eum eligere numerum, qui populo sit sufficiens, & si adhuc dnter contentio, tunc Superioris, seu compromissi iudicis, aut boni viri arbitrio standum erit, vt communiter tradunt DD. præsertim Sylu. *cit. q. 10.*

25. Dico terciò, quòd Fratres per suos Prælatos electi tenentur personaliter præsentari Episcopis, vt iam supra insinuauimus *conclus. 2. notab.* 2. quicquid asserat Sum. Ang. cuius oppositum tenendum est, & merito, quoniam (vt patet in text.) Episcopi possunt aliquos ex electis refutare, nisi fuerint idonei, & consequenter debent subiici eorum examini, quòd sine præsentia esse non potest, vt notat Sylu. *vbi supra §. 3. requiritur*, qui insuper *q. 2. §. nec obstat*, addit posse Episcopos huiusmodi præsentationes renunciatæ examénque prædictum ipsis Prælati regularibus committere, quia hoc est statutum tantum in fauorem Episcoporum vt eis deferatur, cui renunciare possunt. Vnde in hoc casu (ait Sylu.) satis esset, quòd præsentatio fieret verbaliter, vel qualitercumque. Idem sentire videntur Annal. *ver. absolutio. n. 24.* & Manu. *vbi supra notandum 1.*

26. Dico quartò, quòd Episcopi possunt ex rationabili causa reprobare aliquem ex electis, vt patet ex dicta Clementina; & hoc intra triduum à die præsentationis (ait Sylu. *q. 9.*) secundum constitutionem, *inter cunctas*, quæ quia sublata est, secundum laudè, hoc

est, arbitrarium, ctsi loco repulsi alius subrogetur, etiam ille, secundum gloss. ibi, ex causa poterit repelli, non autem sine causa. Si verò Episcopi absolute nolint dare licentiam dicto modo petentibus, nihil refert, quia eis Apostolica autoritate conceditur: unde, expectato congruo tempore, audire possunt confessiones, vt bene aduertit Cardin. Congruum autem tempus erit, quando viderint dd. Episcoporum in hoc firmam sententiam. Si autem Episcopi, non expectata præsentatione præmonentes dicant: Non præsentatis aliquos, quia non admittimus, poterunt secundum Cardin. confessiones audire absque alia præsentatione. & tenet noster Villalob. tractat. 9. de pœnitent. difficult. 55. n. 3. cum aliis per eum citat. Si tamen expressè non recusent admittere, sed non impendunt licentiam, vel negligunt; tunc secundum gloss. locum hic habet privilegium post trinam monitionem, vel requisitionem. Et merito sanè, quia huiusmodi præsentatus, & sine causa reiectus, habetur pro approbato; sicut de Regulari ad strictiorem Ordinem transeundi licentiam petente, necnon de Abbate perpetuam benedictionem exigente ab Episcopo, supra insinuauimus, in confirmatione argum. contra 1. concl. idque vbi supra art. 1. exemplis valde opportunis illustrat.

27. Ex dictis colligitur quid sit dicendum ad argumentum, cum euidenter constet, Fratres destinandos iuxta formam dictæ Clementinæ, necessariò esse præsentandos Episcopis, qui possunt eos non solum examinare, sed etiam reprobare. Formam autem præsentationis inuenies apud Navarr. in sum. Hispanica, necnon in Manua. Prælat. e. Miranda vbi supra, satis ordinatè dispositam.

## DUBIUM XX.

An ad prædictam delegationem, seu approbationem sufficiat futura ratihabitio in præsentati probabiliter præsumpta.

1. **P**ARTEM affirmatiuam asseruit Raymund. in sum. titul. de pœnitent. & remiss. §. 15. quem videtur sequi Paludan. in 4. dist. 19. q. 2. num. 25. & ibi Capreol. ad 1. contra 3. conclusionem, immò in hanc sententiam solent citari Hostiens. & alij Canonistæ, quæ opinio fundatur

2. Primò in regul. 10. iuris in 6. dicente, Ratihabitionem retrorahi, & mandato non est dubium comparari. quæ regula, si generalis est, etiam in præsentati locum habet, ergo absolutio sic data non minus erit valida, quàm si ex mandato proprii Sacerdotis data esset, ac per consequens, talis ratihabitio sufficiens fuit.

3. Secundò, quia nullus potest Eucharistiam, seu extremam Vnctionem ministrare alieno Parochiano, absque proprii Parochi licentia. Clem. Dudum, de sepult. & Trid. sess. 24. cap. 13. de reform. Potest autem alienus Parochus ministrare ex ratihabitione de futuro, cum nimirum inspectis circumstantiis temporis, personæ, & loci probabiliter creditur, ratum id habiturum Parochum.

4. Tertiò ex cap. aqua, de consecr. Ecclæs. vbi ait Pontifex reconciliationem Ecclesiæ non potuisse ex commissione Episcopi fieri per simplicem Sacerdotem, & subdit sic: quod autem per reconciliationem factum est, misericorditer toleramus, vbi gloss. 2. ver. toleramus, inquit, licet prima non valuerit, at incipit valere ex nunc. ergo idem est dicendum in casu, de quo agimus.

5. Alij distinguunt duplicem ratihabitionem

habitationem, vnam de futuro, alteram de præfenti. Primam negant fufficere, quia; quod non est, quamvis futurum fit, non potest in præfenti operari. Secundam verò dicunt fatis esse, quia quacumque ratione potestati adiungatur voluntas in præfenti tempore, fufficit ad delegandam iurisdictionem Ita Sylvi. *confessor. 1. q. 6. Nauarr. in sum. cap. 9. num. 6. & in cap. placuit, de penit. d. 6. num. 103. Sot. in 4. d. 18. q. 4. art. 3. & plures alij infra citandi.*

6. Alij demum simpliciter negant, rati habitationem fufficere ad delegandam iurisdictionem. Ita Palud. in 4. d. 17. q. 3. num. 28. Maior. d. 19. q. 1. Gabr. d. 17. q. 2. art. 3. dub. 2. Anton. 3. p. tit. 17. cap. 4. cas. 8. Adrian. q. 5. de confess. Med. q. de multiplici licent. confitendi alieno, quos omnes citat, & sequitur Suar. tom. 4. diff. 26. sect. 1. num. 14.

7. Ex supra allegatis opinionibus, primam existimo esse omnino falsam, quod sic ostendo. Nam demus in prinis, Superiorem postea non habuisse ratum præteritum factum, inquiri, an Sacramentum præteritum tunc sit validum, necne? si invalidum; ergo sic etiam fuit à principio, ac per consequens, neque per rati habitationem validum fieri.

8. Prima consequentia probatur sic, quia si validum aliquando fuisset, sic semper permanisset. irritari enim non potest absolutio sacramentalis, quæ semel valida fuit.

9. Secunda consequentia autem sic ostenditur, quia Sacramentum, quod in principio non habuit valorem, nequit per solum consensum alterius validum fieri. Et ratio est, quoniam absolutio prius data si invalida fuit, ideo est, quia fuit data à non habente iurisdictionem, quoniam nec datur à delegante, seu ratum habente, ille enim non absolutuit, uec datur à delegato: hic nam-

que solum incipit habere iurisdictionem, cum Superior consentit, tunc autem ipse non repetit absolutionem. ergo, &c.

10. Sed dices, absolutionem à principio fuisse validam, ideoque validam permanere, etiam si rati habitio postea non succedat, ut sperabatur. Vnde si quis in oppositum arguat, quod inde sequitur subditum ritè confiteri alieno, non solum absque licentia proprii, immo etiam contra voluntatem illius, quod est contra cap. *omnis utriusque sexus*, respondent aliqui confessionem illam esse validam quoad valorem Sacramenti, non verò quoad tollendam obligationem iterum confitendi eadem peccata proprio Sacerdoti, si priorem confessionem ipse ratam habere nolit. Hinc inferunt, subditum qui sub hac spe confitetur, teneri ad habendum propositum confitendi eadem peccata proprio Sacerdoti, si priorem absolutionem nolit ratam habere; æque ideo asserunt, in eo casu dari iurisdictionem delegatam non absolute, sed sub ea conditione.

11. Cæterum hæc omnia absque vilo rationis fundamento proferuntur, quoniam nullum est ibi indicium talis pacti, nec sufficiens collata iurisdictionis signum, etiam hoc modo. Spes enim seu præsumptio futuri consensum in subdiro non ponit in Superiore consensum, seu voluntatem, sed solum ponit in aliis opinionem, seu fiduciam de tali voluntate futura. Mea autem opinio, vel fiducia non tribuit mihi iurisdictionem, etiam sub illa conditione, ut optimè obseruat Suarez *vbi supra* num. 15.

12. Ad regulam igitur pro prima opinione allegatam breuiter possumus respondere.

Primò illam habere locum in iis, quæ à principio valida sunt substantia-

liter, possunt tamen irritari ob defectum alicuius solennitatis accidentalis; illa enim possunt per subsequentem ratihabitionem omnino firmari, quod in casu nostro non habet locum, cum à principio Sacramentum fuerit nullum, vt supra ostendimus.

13. Secundò in his, quæ à principio nulla sunt, poterit etiam verificari illa regula quando illa sunt talia, vt possint esse dependentia, & quasi expectantia futurum euentum; vt sunt fere omnes contractus humani, quæ enim sunt huiusmodi, possunt per subsequentem ratihabitionem ita firmari, vt ex eo tempore, quo sub ea spe facta sunt, valeant & operentur; & hoc est ratihabitionem retrorahere, quod, inter alios, notauit Bald. in l. *observare. §. posthæc ff. de offic. pro. consul. num. 8.* vbi etiam Batt. & Felin. cum aliis in c. *prudenciam. de offic. delegat.*

14. Tertiò denique præteritus actus, quamvis validus non fuerit, neque pendere ex futuro, potest per voluntatem alterius postea declarari, & quasi de nouo fieri, & tunc potest etiam dici ratihabicio, confirmare quod factum erat, quamvis potiùs de nouo faciat, nec tunc retrorahitur nisi voluntas ad hoc sit efficax, & hoc exprimat, ac declaret. Vnde, cum in casu nostro nihil istorum locum habeat, vt insinuauimus, sequitur, quòd regula illa inepetè præsentis materiæ applicatur.

15. Ad secundum respondetur, longè diuersam esse rationem inter sacramenta Pœnitentiæ, Eucharistiæ, & extremæ Vnctionis: nam ad sacramentum Pœnitentiæ requiritur iurisdictio, vt valeat; ratihabicio autem non tribuit iurisditionem, vt habetur ex dictis. Sed ad alia duo Sacramenta non requiritur iurisdictio, vt valide conferantur; bene tamen vt debitus seruetur ordo in Hierarchia ecclesiastica: ad id

autem satis est probabilis spes, & præsumptio consensus postea præstandi, seu voluntatis Pastoris.

16. Ad tertium similiter respondetur longe diuersam esse rationem, quia, cum in Sacramentalibus (cuiusmodi sunt consecratio, & reconciliatio Ecclesiæ,) sollemnitas sit de iure ecclesiastico, potest illam Pontifex mutare, & sic supplere defectum omisum, vt ex tunc incipiat valere; secus in sacramento Confessionis, vbi si semel non valuit ex defectu iurisditionis, non potest Pontifex sua ratihabitione supplere defectum illius, nisi ponens de nouo confiteatur.

17. Secunda opinio, si absolute consideretur, videtur in primis repugnantiam includere, quia ratihabicio propriè respicit præteritum, atque ideo in præcitata regula dicitur retrorahi. Vnde quando sit factum, quod postea ratum habetur, non potest esse in re ipsa ratihabicio, sed tantum in spe. Repugnat igitur dicere, ratihabitionem esse de præsentis. Quapropter, vt repugnantiam euitemus, dicendum est, ratihabitionem de præsentis hic accipi pro tacito consensu delegantis externè, ac sufficienter manifestato. Dixi *externè*, quia certum est, interiorem voluntatem non sufficere ad conferendam istam iurisditionem, debet enim conferri humano modo: homines autem non agnoscunt interiores voluntates, nisi per signa externa. Dixi etiam *sufficienter manifestato*; quoniam nisi sit tale, vt per illud voluntas delegantis innotescat delegato, non satis erit. Vnde inferet Suar. vbi *suprà, num. 16* quòd si tale sit signum, vt rem dubiam relinquat, adhuc non sufficit, quia non satis manifestat voluntatem delegantis.

18. Itaque secunda opinio sic explicata satis probabilis est; vt si quis confessiones audiat, vidente, sciente, ac tacente

acente Ordinatio, potentique impedire. Ita, præter allegatos in secunda opinione, tenent expressè Vasquez tom. 4. disp. 93. art. 2. dub. 2. Coniuch. disp. 10. dub. 5. Angel. confess. 3. num. 30. Caiet. sum. verb. absolutio. ex parte absolventis. ver. licentiâ. Met. tract. 2. de confess. q. de multip. licen. alicho consuetudi. ver. corollarie sequitur ex dictis. Mart. Ledesin. d. p. 4. q. 7. art. 5. dub. 3. Barthol. à Ledesin. de panit. dub. 28. Enriq. lib. 6. de panit. d. 13. cap. 13. & alij, quos sequitur Sanchi. 3. de matrim. disp. 35. num. 20. Probatur autem hæc sententia.

19. Primò, quia iure receptum est, quodd vbi requiritur licentia in actu, sufficiat tacita, & præsumpta ex rati habitatione de præsentia, vt multis ostendit Ioann. Lup. inbr. de donat. §. 68. num. 27.

20. Secundò, ex cap. fin. de offic. vicar. in 6. vbi habetur, Vicarium non posse beneficia conferre, nisi hoc ei specialiter committatur, & tamen si Vicarius, post reuocationem licentiæ sibi intimatam conferat vidente, & patiente Episcopo, valet collatio, iuxta communem sententiam, quam tuetur Anast. Germon. de Indult. §. tibi quoad vixeris, num. 63, ergo similiter dicendum est in casu nostro.

21. Tertiò, quia Procurator reuocatus gerens negotia sciente, & patiente domino, valide agit, vt habetur ex glos. celebri *Lqui mutuum. ver. insinuat. ff. mandati.* & similiter Procurator excedens fines mandati, sciente, & patiente domino, ipsi nocet, & notat Felinus cap. 1. num. 12. *et lit. non confess.* Horum autem non potest alia ratio assignari, nisi quodd scientia, & patientia operantur tacitum consensum, iuxta regul. iur. *Qui tacet consentire videtur, de reg. iur. in 6.* ergo in casu, de quo agimus, satis erit ea tacita licentia, vt iurisdictionem præbeat.

22. Hic tamen duo sunt obseruanda.

Primum est, tunc præsumi tacitam licentiam ex præsentia, & silentio Ordinarij, dum alieno Sacerdoti constat, Ordinarium scire, vel saltem credere, alienum Sacerdotem omni iurisdictione carere; posset enim existimare, quodd audiret confessiones ex priuilegio; & in tali euentu præsentia, & taciturnitas Ordinarij non reputaretur tacita licentia.

23. Secundum est, prædictam Ordinarij præsentiam, & taciturnitatem adhuc in casu, quo Ordinarius seiret, alienum Sacerdotem omni iurisdictione carere, non esse approbationem, & licentiam simpliciter ad confessiones audicndas, sed pro eo actu dumtaxat. Ita Sanchi. *ibid* num. 22.

24. Nihilominus tertiam opinionem libentius amplector. tum quia in dubiis, & maxime si Sacramenti validitatem concernant, tutior pars est eligenda; tum etiam, quia secunda opinio grauius est exposita periculis; cum enim tacitus consensus non reputetur sufficiens, nisi externè adco manifestetur, vt delegato innotescat voluntas delegantis, iuxta ea, quæ supra insinuauimus; nec ista manifestatio habeat vnum definitum signum, quo necessarid faciendâ sit, sed varia possint occurrere iuxta temporis, & loci exigentiam, profectò non facile quispiam poterit se immunem ab errore conseruare, si dictæ adhereat opinioni, quam ego speculatiue probabilem dixi ob autoritatem eorum, qui eam tuentur; tertiam tamen probabiliorē practicc, & in conscientia tutiorē censeo. Præterea, vel huiusmodi consensus tacitus est ita manifestus, vt manifestè significet, voluntatem delegantis esse delegare, & tunc non est propriè rati habitio, sed potius licentia certa, immò expressa, vel

vel illam non explicat certis signis, itavt certè constet de voluntate delegantis, & tunc quidem non sufficit, quia ad validitatē sacramenti Confessionis prærequiritur iurisdicctio, quæ absque certa delegantis voluntate stare non potest, immo esto faciat probabilem existimationem de voluntate delegantis, adhuc non est tali iurisdicctione utendum, nisi ubi non est opportunitas alterius Confessoris, & expressius cognoscendi voluntatem Superioris, & aliunde occurrit sufficiens causa administrandi Sacramentum, ut rectè observant Sot. & Suar. & constabit ex infrà dicendis, nempe non esse probabili iurisdicctione utendum, omittenda certa, cum commodè potest. & hac ratione ductus Faurentinus nobiscum sentit in 4. dist. 17. q. unica, disp. 2. §. num. 96.

## DUBIUM XXI.

*Quo breviter explantur quatuor difficultates, prædictam licentia concessionem concernentes.*

1. **P**rima igitur difficultas est, an si quis petat licentiam per alium ut confessiones audire possit, validè eas audiat, antequam sciat licentiam esse concessam, esto confessiones audiat post huiusmodi concessionem? Nonnulli arbitrantur huius difficultatis resolutionem pendere ex ea quæstione an privilegium, ut effectum sortiatur, debeat prius innotescere privilegiato, de qua quæstione latè agit Sanch. libr. 3. de matr. disp. 36. & latissimè Suar. lib. 8. de legib. cap. 25. & Salas etiam de leg. disput. 17. sect. 19. cum aliis, quos ipsi referunt. Mihi tamen probabilius videtur non inde pendere resolutionem, atque adedò quicquid sit de dicta quæstione, circa propositam difficultatem sententia, quam sequendam existimo,

duabus clausulis comprehenditur. Prima est, quòd talis licentia debet esse nota Confessori, ut validè ministret. Secunda est, quòd esto dicta licentia petatur, & obtrineatur per internuncium, seu Procuratorem; non sufficit, quòd sit nota internuncio, seu Procuratori, sed requiritur, ut sit etiam nota ipsi Confessori. Quoad primam clausulam conveniunt omnes, quotquot asserunt, privilegium non sortiri effectum ante notitiam privilegiati, nec non præcitati auctores, præsertim Suar. loc. cit. num. 17. & probatur speciali ratione, quæ militat in hoc casu. Nam effectus huius privilegij talis est, ut acceptationem privilegiati requirat, idque constat, quia, ut est receptum apud iuris interpretes, quando quis ignorat se habere iurisdicctionem, non valet quod agit, usus enim iurisdicctionis non acquiritur ignoranti, ut multis citatis probat Sanch. d. disput. 36. num. 8. & sumitur ex l. hac autem. §. non defendi. ibi, debet constare Prætor. ff. quib. ex caus. in possess. & trad. Bart. in l. multum. ff. de condit. & demonstr. num. 2. & in l. Barbarius. ff. de off. Prætor. in repet. 18. quæ potius est Bald. ibi. de lect. 2. n. 27. & 28. Igitur, dum Confessor ignorat collatam sibi esse licentiam, non gaudet iurisdicctione, & quamvis hanc doctrinam Iurisperiti intelligant de iurisdicctione in foro externo, locum etiam habet in foro interiori, ubi iurisdicctio adedò necessaria est, ut defectus illius suppleri non possit.

2. Et confirmatur, quia iurisdicctio nequit actu interno confecti, ut rectè tradunt Victor. in materia de confess. num. 153. Ledesmi. 2. p. 4. art. 5. dub. 3. Henriq. lib. 6. de panis. cap. 13. num. 13. & Veg. lib. 4. sum. cas. 129. quod ex eo solùm procedit, quia est concessio homini facta ad actum externum, & ita externam oportet esse, ut ipsi innotescat,



scat, sed quandiu est externa in absentia, & is, cui conceditur, nondum habet notitiam illius, perinde reputatur, ac si esset interna; igitur non sufficit.

3. Quoad secundam clausulam opinio, quam sequor, est contra Sanchez *ubi supra*, & Regin. *lib. 3. cap. 8. num. 104.* sed tenent illam, qui aiunt non valere dispensationem à Pontifice obtentam super aliqua inhabilitate, donec innoteſcat poſtulant, eſto ſit à nuncio, ſeu Procuratore acceptata. ſic cenſent Vaſq. *1. 2. tom. 2. diſp. 156. n. 30. & 31. Suar. d. lib. 8. de leg. cap. 25.* atque eorum ratio mihi videtur efficax, quia priuilegiatus non poteſt vti ea diſpenſatione, tuta conſcientia, donec illius notitiam habeat: diſpenſatio autem eſt propter vſum; igitur non eſt credibile, nec veriſimile, ita concedi, vt habeat ſuum effectum antequam perueniat ad notitiam illius, cui conceditur. Maior patet, quia honeſtas talis actus aliis prohiberi, pender ex diſpenſatione valida, & iam conſeſſa; igitur qui non ſcit diſpenſationem validam, & cum effectū eſſe iam conſeſſam, ſaltem non poteſt prudenter, & ſine peccato exercere talem actum; quo enim pacto poteſt quis licite, ac prudenter operari id, quod nondum ſcit ſibi licere; nec valet dicere, quod ſufficit moralis præſumptio, & ſpes diſpenſationis; cū talis præſumptio, ac ſpes ſit infinitis expoſita periculis, & ſæpe fallere poſſit.

4. Dices, vſum illum eſſe prauum per accidens, & ratione periculi ex ignorantia prouenientis, cū tamen diſpenſatio realiter iam conſeſſa eſt, videtur, quod caſus inde ſequurus de ſe iam non ſit malus, nec contra legem.

Reſpondetur quod priuilegium, & inordinatio ſunt moraliter inſeparabilia à tali vſu, & conſequenter non

eſt veriſimile voluiſſe Principem concedere cum effectū diſpenſationem ante eius notitiam, tum quia non videtur veriſimile, velle præbere occaſionem eiufmodi prauī vſus, tum etiam, quia diſpenſatio non datur, niſi propter vſum honeſtum, ſeu qui moraliter, ac regulariter poſſit eſſe honeſtus, ac licitus.

5. Sed quæres, an talis licentia, ſeu priuilegium aliquid operetur ſtatim à tempore conſeſſionis, autequam ad priuilegiati notitiam perueniat.

Reſpondetur ex doctrina Couar. *3. var. cap. 16. num. 1.* & aliorum, quos ipſe refert, priuilegia nonnulla eſſe, quæ ex mera concedentis liberalitate proficiſcuntur, cuiufmodi eſt donatio rei propriæ; & hæc ſicut poſſunt reuocari à concedente ante priuilegiati acceptionem, ita nec aliquid operantur donec eidem innoteſcant; alia verò ſunt, quæ quamuis merè liberalia ſint ex parte eorum, quibus conceduntur, non tamen ſunt talia ex parte concedentis, ſed cuiuſdam neceſſitatis, cuiufmodi eſt, collatio beneficii; tenetur enim Prælatuſ ex officio conſerre; & hæc ſtatim à tempore conſeſſionis operantur, vt ille, qui priuilegium conſeſſit, id ampliùs nequeat reuocare. & de hiſ loquitur *cap. ſi tibi abſenti, de prob. in 6.* vbi apertè deciditur ius in beneficium abſenti collatum non acquiri, donec abſens acceptet, interim tamen collationem reuocari non poſſe.

6. Secunda difficultas eſt, an ſi huiuſmodi licentia extorqueatur, ſit valida, ita vt virtute illius poſſit quis conſeſſiones audire?

Sanch. *d. lib. 3. de matrim. diſp. 39. n. 13.* ruetur partem affirmatiuam; exiſtimat enim iuriſdictionem metu etiam cadente in virum conſtantem extortam transferri, cū huiuſmodi tranſlatio

O nullo

nullo iure impediatur. nam id, quod habetur in l. 2. ff. de iudic. opinatur idem Sanch. intelligi in speciali casu, nempe cum litigatores compelluntur consentire in iudicem non suum, atque ita iurisdictionem prorogare; prorogatio autem fieri non potest, nisi ex libera voluntate: vnde infert, eam doctrinam ad alium casum non debere extendi. Mihi tamen probabilius videtur, eam licentiam cum metu graui extortam nullius esse momenti, vt quis virtute illius confessiones audiat. Et probatur; quia concessio huiusmodi licentiæ est actus ad liberalitatem & donationem pertinens, vt docet communis Iuristarum sententia, atque hinc prouenit, vt non quæzatur absenti ante acceptionem, & vt reuocari etiam possit pro libito, sicut ipse Sanch. cum multis per eum allegatis tenet *disp. 36. in 4.* igitur concessio eiusmodi licentiæ iure naturali valere non potest. Consequentia probatur, tum quia quæuis donatio metu graui facta, iure naturali non subsistit ex defectu tituli sufficientis; nec etiam valet iure positiuo, quia non est aliquod ius, vnde valere colligatur, & ex consequenti relinquatur dispositioni iuris naturalis. tum etiam, quia in *pract. l. 2.* hæc habentur: Ac si cum restitisset quiuis ex litigatoribus viribus præturæ compulsus est, nulla est iurisdictionis. Et quamuis ibi sermo sit de propagatione iurisdictionis, idem à fortiori sentiendum est de translatione, seu concessione illius, cum maior militet ratio, vt constat ex eo, quia si is, qui ex priuilegio potest Confessorem eligere, cogatur aliquem determinatè eligere, nulla erit talis electio, cum hic non sit, qui iurisdictionem confert, sed quasi prorogat per facultatem eligendi, ergo magis inualida erit ipsa iurisdictionis concessio, atque iuxta hunc sensum intelligit præcita-

tum text. Bald. *l. si quis ex consensu n. 7. C. de Episc. aud.*

7. Nec obstat, si dicas, quòd regulariter metu gesta, reputantur valida.

Respondetur namque semper excipi iurisdictionem, quæ nūquam metu graui interueniente transfertur, vt docent gloss. *cap. 2. verb. coactum, ad fin. de hu. qua vi.* vbi Anchar. *num. 3. Abb. num. 12. & 17. fin. Bart. tract. de tyranno, num. 14. & Bald. l. decernimus n. 5. C. de sacros. Eccles.*

8. Tertia difficultas, an sit valida licentia ab Ordinario impetrata dolo, & mendaciis, vt si falso nomine alicuius Magnatis petatur ab Ordinario, vt licentiam audiendi confessiones certo Sacerdoti concedat. Videtur quidem negatiuè respondendum, & consequenter confessionem virtute talis licentiæ factam esse nullam:

Primo, quia dispensatio falsa causa obtenta, est subreptitia, & nulla, vt habetur ex *cap. quia circa, de consang. & notant ibi DD.* sed prædicta licentia, est quædam dispensatio, & conceditur ex falsa causa; igitur est nulla.

Secundò, quia falsitas circa causam finalem dispositionis, ipsam vitiat, vt multis citatis tradit Tiraq. *tract. cessante causa, limit. 1. à num. 1. & seqq.* Sed in casu nostro falsitas cōtingit circa causam finalem, cum Episcopus, ea ratione cessante, nullo modo esset eam licentiam concessurus; finalis autem causa dicitur, quæ ita mouet disponentem, vt alioquin non esset sic dispositurus, per ea, quæ docent Anton. *cap. post translat. num. 35. de renunc.* atque ibi Abb. in 2. illius tituli *lectura n. 18.* & videtur sententia Bart. *l. 2. §. fin. n. 1. fin. ff. de donat.*

9. Nihilominus existimo, validam esse d. licentiam, ac etiam valere confessiones virtute illius factas: Dico, quoniam ratio illa Ordinarium inducens nihil prorsus confert, sed imper-

tinens

tinens potius est ad licentię concessio-  
nem, quod ex eo constat, quia non vi-  
detur mens concedentis licentiam, vt  
velit illam esse irritam ea petitione  
falsa existente, ne confessiones passim  
irritentur, ac potissimum cum licen-  
tiam concedentes non lateat, sæpe  
mendaces esse, & fictitias similes Ma-  
gnatum petitiones. Vnde deducitur,  
quod error ille non sit circa causam fi-  
nalem, sed impulsuam, qua cessante,  
non ideo cessat dispositio, vt idem Ti-  
raq. *vbi supra*, late ostendit.

10. Neque obstant probationes in  
contrarium adductę; ad vtramq; enim  
respondetur solum id verificari, cum  
error, & falsitas contingit circa cau-  
sam finalem. In casu autem nostro so-  
lum contingit circa causam impulsu-  
am. Nec verum etiam est, semper eam  
esse causam finalem, sine qua actus non  
fieret, vt constet in naturalibus, vbi re-  
mouens prohibens est causa, sine qua  
non descensus lapidis, & tamen non  
est causa principalis, sed occasio dum-  
taxat, atque ita docent Couar. 1. *var.*  
*cap. 10. num. 2.* Nauarr. *sum. lar. cap. 23.*  
*num. 101.* & *cap. inter verba 2. edit. concl. 5.*  
*num. 33.* cum aliis, quos citat, ac sequi-  
tur Sanch. *d. disp. 39. n. 14.*

11. Quarta difficultas, an qui licen-  
tiam Episcopi obtinuit confessiones  
audiendi, possit ea licentia, ac iuri-  
dictione vti extra territorium dele-  
gantis?

Omnes fatentur Confessores ordi-  
narios, cuiusmodi sunt Episcopi, & Pa-  
rochi, posse suorum subditorum etiam  
extra proprium territorium confessio-  
nes excipere; at de delegatis, seu extra-  
ordinariis non sic, immo oppositum  
opinantur nonnulli negatiuam partem  
amplectentes. ita expresse sentire vi-  
detur Hostiens. *sum. tit. de penis. & re-  
miss. 5. cui consuevndum num. 14. vers. &*  
*nunquid extra territorium.* atque id sen-

tiunt alij, præcipue de Religiosis. sic  
aliis relat. Imol. *Clem. Dudum num. 32.*  
*de sepult. vbi Card. §. extra civitatem q. 3.*  
*Anchar. ibi. §. statuimus. q. 5. dub. 3. vers.*  
*sed de illis. Rosel. ver. confessio sacramen-*  
*talis 3. num. 3. Syluest. verb. confessor. 1.*  
*q. 14. §. 12. Nauar. sum. C. 17. Hiss. n. 265.*  
*Lar. num. 266. & ex Theol. Adria. q. 5. de*  
*confess. ante 1. dub. §. ideo pro solutione. vers.*  
*ex dictis inferitur. D. Ant. 3. p. tit. 17. c. 10.*  
*fin. & alij, quos refert Sanch. libr. 3. de*  
*matrim. disp. 34. num. 1.* Ducuntur circa  
Religiosos ex text. in *Clem. Dudum, de*  
*sepult. §. statuimus.* vbi Religiosis Epi-  
scopo presentatis conceditur facultas  
excipiendi confessiones quorumcum-  
que sibi confiteri volentium, ita tamen,  
vt eas extra dioceses, in quibus sunt  
approbati, nullatenus excipiant. De-  
inde, circa eosdem & omnes alios  
Confessores delegatos, ducuntur, quia  
nemini licet ius dicere extra proprium  
territorium, & tenent communiter  
omnes iurisprudentię Professores.

12. Verum mihi magis probatur  
iurisdictionem voluntariam, etiam de-  
legatam extra proprium territorium  
posse licite exerceri, & consequenter  
Confessores delegatos posse vbique  
confessiones excipere eorum, qui sunt  
illius diocesis, in qua ipsi sunt appro-  
bati. Atque pro huius explicatione

13. Primò notandum est, duplicem  
dari iurisdictionem: altera est conten-  
tiosa, & necessaria, quæ vltimum habet  
contradictorem, & inter contententes  
exercetur, redditurque in inuitos. *lin-*  
*ter stipulantes. §. 1. ff. de verb. oblig.* Dici-  
tur autem contentiosa, quia actor con-  
tendit contra reum, & dicitur necessa-  
ria, quia reus in iudicium vocatus te-  
netur ibi respondere. Altera est volun-  
taria, quæ in solos subditos volentes  
exercetur, cuiusmodi sunt adoptatio,  
manumissio, confessio, & alij similes  
actus, qui dicuntur voluntarię iuri-

O 2 dictionis

ditionis, quia non sunt inuitis subditis, nec petunt iudicem pro tribunali sedentem; sic gloss. l. 2. *initio, ff. de off. proconsul.* & Marant. *de ord. iudic. 4. p. 111. an simplex, vel duplex, distingt.* 18. num. 1. & 2.

14. Secundò nota, hoc inter vtramque iurisdictionem differte, quòd contentiosa nequit extra proprium territorium exerceri, ne iudici illius iniuriam inferat; voluntaria autem potest vbiq; exerceri, quia cùm nec causæ cognitionem, nec iudicem pro tribunali sedentem perat, non est cur iudex alieni territorij meritò conqueri possit, si in suo per alienum iudicem erga ipsius alieni subditos exerceatur, constat expressè *ead. l. 2. ff. de off. proconsul.* & *cap. nouit. de off. legat.* atque ibi id notant communiter DD.

15. His sic prænotatis, facilè dignoscitur veritas nostræ opinionis, tum quia præallegata iura distinctè docent posse iurisdictionem voluntariam extra proprium territorium exerceri, nec distinguunt de iurisdictione ordinaria, seu delegata: vbi autem lex non distinguit, nec nos distinguere debemus. tum etiam, quia nec prædicta iura fundantur in eo, quòd iurisdicctio exercentis sit ordinaria, sed quia nulla interrogat iniuria iudici alieni territorij, cùm absque strepitu, & figura iudicij exercetur. quæ ratio æquè militat, tam in iudice, seu Confessore ordinario, quàm delegato. Hanc nostram sententiam amplectuntur quotquot aiunt Vicarium, ex delegatione Episcopi beneficia conferentem, posse ea extra diocesim conferre. Ita Domin. *cap. fin. de off. vicar. in 6. fin.* Rebuff. Menoch. Corset. & alij permulti, quos refert Sanch. *disp. 34. num. 2.* Atque in propriis terminis nobiscum sentiunt Victor. *sum. de confess. num. 151.* Sor. 4. *dist. 18. q. 483. vers. aliud verò.* Henric. *lib. 6. de poenit.*

*cap. 7. num. 1. Angel. in florib. super 4. 1. p. 9. 3. de confess. art. 8. dub. 4. fol. mihi 295.* Ledesm. 2. p. 4. q. 7. art. 5. dub. 9. & alij, quo sequitur ipse Sanch. *ibidem.* Immo D. Anton. Rosell. & Sylu. pro contraria opinione allegati, nostræ etiam adhærent sententiæ, dum inquirunt, Religiosos non virtute Clement. Dudum, facultatem restringentis, sed ex Episcopi delegatione confessiones excipiendi posse extra diocesim eas audire.

16. Vnde, dum d. Clem. ait, quòd possint Religiosi confessiones audire intra diocesim, dupliciter id potest exponi.

Primò, quòd non possint extra diocesim audire illos, qui non sunt eius diocesis, in qua ipsi sunt præsentati, vt forsitan existimarent se totius Orbis Confessores existere cùm primùm semel sunt præsentati; neque enim credibile est, quòd animus Pontificis ibi sit restringere locum, sed personas tantùm, id est, subditos illius diocesis. atque hæc expositio magis constat ex Concil. Tridentino *sess. 24. cap. 6. de Reformat.* vbi volens facultatem Episcopo ibi concessam limitare, cautè ait, *quoscumque sibi subditos in diocesi sua*, vt aperte indicaret, limitari personas, & locum.

Secundò potest exponi, quia restrictio applicanda sit Religiosis, dum sunt delegari virtute Clementinæ duntaxat, non autem quatenus gaudent delegatione Episcopi, vt insinuauimus ex doctrina D. Anton. Rosellæ, & Sylu.

## DVBIUM XXII.

*Quo agitur de facultate Confessorem eligendi, qua gaudent Cardinales, & Episcopi.*

1. **S**uperest nunc disputare de iis, qui absque privilegio Bullæ possunt eligere Confessorem, & præsertim de Cardinalibus, & Episcopis. Vt igitur in præsentī questione distinctius procedamus, præsuppono tripliciter posse hanc facultatem eligendi Confessorem concedi, de iure diuino, de iure positiuo, seu ecclesiastico; & ex consuetudine de iure diuino, seu à Christo Domino datur Summo Pontifici: nam cum ipse etiam possit, immo debeat confiteri, ut conscientiam peccati habeat, quia utilitas respectu venialium, ac necessitas medijs, & consequenter præcepti respectu mortalium eadem est in illo, quæ in cæteris omnibus. ergo necesse est, ut habeat Confessorem. non est autem aliquis designatus iure diuino, cui confiteri teneatur, ut per se constat; neque etiam iure humano, quia ipse est Summus Pastor. ergo necesse est, ut ab ipso eligatur. ergo habet ab hoc potestatem, & non ab homine; quia non habet Superiorem in terris, igitur immediatè à Christo. Vnde reiciendi sunt nonnulli asserentes esse speciale in hoc casu, quòd Confessor habeat iurisdictionem super Pontificem Summum immediatè ab ipso Christo. Ita Palud. in 4. dist. 17. q. 3. art. 4. Capreol. d. 19. ad argumentum contra secundam conclusionem. Canus in relect. p. 5. & Ricard. art. 3. Sed vetius dicitur, quòd licet potestas ex parte Pontificis sit à iure diuino; iurdictio tamen in eo etiam casu transferatur in Confessorem medio Pontifice. ita D. Thom. in 4. d. 19. q. 1. art. 4. & q. 2. ubi ait, Pontificem ut peccatorem subiici, ut Vicarium autem

Christi dare iurisdictionem supra se ipsum in illo foro. Ita etiam D. Bonau. ibid. art. 3. q. 2. Gabr. art. 3. dub. 3. Sot. d. 18. q. 4. art. 2. Ledesin. 2. p. q. 22. art. 1. Med. q. de sacer. alien. absol. sin. licen. propr. ad secundum. Turrecrem. lib. de Eccles. cap. 8. & alij.

2. Sed quæres primò, an huiusmodi privilegium sit etiam alijs de iure diuino concessum?

Respondetur negatiuè, quicquid alij, sed falsò, dicant. Et ratio est, quia nullus, præter Pontificem, caret in terris proprio pastore, seu iudice in hoc foro, ut constat. Vnde sequitur, quòd stando in iure diuino, in omnibus alijs à Summo Pontifice, verum habet, quod in cap. omnis vtriusque sexus, dicitur, neminem posse confiteri nisi proprio Sacerdoti, vel de licentia eius.

3. Quæres secundò, vnde constar de hoc speciali privilegio, aut de diuino iure, aut ubi est illi datum si alijs non est concessum?

Respondetur, hanc non esse distinctam concessionem factam Summo Pontifici, sed in ipsamet suprema iurisdictione diuino iure ipsi data contineri: nam sicut ex vi supremæ illius iurisdictionis potest dare ipse iurisdictionem pro alijs, ita & pro se; & sicut potest dare alijs facultatem eligendi Confessorem, ita & sibi potest accipere. Sicut ergo singulare in illo est, habere iurisdictionem ex iure diuino, ita etiam habere facultatem eligendi Confessorem.

4. De iure positiuo, seu ecclesiastico conceditur Episcopis, & eorum Superioribus, necnon inferioribus Prælatiis exemptis facultas eligendi sibi Confessorem. Ita habetur in cap. ult. de pœnit. & remiss. incip. ne pro dilatione, &c. Hinc Nauarr. cap. 27. num. 260. asserens hoc etiam esse diuinum ius, non est audiendus, quia repugnat verbis textus, quibus

est, arbitratum, et si loco repulsi alius subrogetur, etiam ille, secundum gloss. *ibi*, ex causa poterit repelli, non autem sine causa. Si verò Episcopi absolute nolint dare licentiam dicto modo petentibus, nihil refert, quia eis Apostolica autoritate conceditur: unde, expectato congruo tempore, audire possunt confessiones, ut bene aduertit Cardin. Congruum autem tempus erit, quando viderint dd. Episcoporum in hoc firmam sententiam. Si autem Episcopi, non expectata præsentatione præmonentes dicant: Non præsentetis aliquos, quia non admittimus, poterunt secundum Cardin. confessiones audire absque alia præsentatione. & tenet noster Villalob. *tractat. 9. de pœnitent. difficult. 55. n. 3.* cum aliis per eum citat. Si tamen expressè non recusent admittere, sed non impendunt licentiam, vel negligunt; tunc secundum gloss. locum hic habet priuilegium post trinam monitionem, vel requisitionem. Et merito sanè, quia huiusmodi præsentatus, & sine causa reiectus, habetur pro approbato; sicut de Regulari ad strictiorem Ordinem transcundi licentiam petente, necnon de Abbate perpetuam benedictionem exigente ab Episcopo, supra insinuauimus, in *confirmatione argum. contra 1. concil. idque ubi supra art. 1.* exemplis valde opportunis illustrat.

27. Ex dictis colligitur quid sit dicendum ad argumentum, cum euidenter constet, Fratres destinandos iuxta formam dictæ Clementinæ, necessariò esse præsentandos Episcopis, qui possunt eos non solum examinare, sed etiam reprobare. Formam autem præsentationis inuenies apud Nauarr. in *sum. Hispanica*, necnon in *Manua. Prælat. Miranda ubi supra*, satis ordinatè dispositam.

## DUBIUM XX.

*An ad prædictam delegationem, seu approbationem sufficiat futura ratihabitio in præsentati probabiliter præsumpta.*

1. **P**artem affirmatiuam asseruit Raymund. in *sum. titul. de pœnitent. & remiss. §. 15.* quem videtur sequi Paludan. in 4. *dist. 19. q. 2. num. 25.* & *ibi* Capreol. ad 1. *contra 3. conclusionem*, immò in hanc sententiam solent citari Hostiens. & alij Canonistæ, quæ opinio fundatur

2. Primò in *regul. 10. iuris* in 6. dicente, Ratihabitionem retrorahì, & mandato non est dubium comparari. quæ regula, si generalis est, etiam in præsentati locum habet, ergo absolutio sic data non minus erit valida, quàm si ex mandato proprii Sacerdotis data esset, ac per consequens, talis ratihabitio sufficiens fuit.

3. Secundò, quia nullus potest Eucharistiam, seu extremam Vnctionem ministrare alieno Parochiano, absque proprii Parochi licentia. *Clem. Dndum, de sepult. & Trid. sess. 24. cap. 13. de reform.* Potest autem alienus Parochus ministrare ex ratihabitione de futuro, cum nimirum inspectis circumstantiis temporis, personæ, & loci probabiliter creditur, ratum id habiturum Parochum.

4. Tertiò ex *cap. aqua, de consecr. Eccles.* ubi ait Pontifex reconciliationem Ecclesiæ non potuisse ex commissione Episcopi fieri per simplicem Sacerdotem, & subdit sic: quod autem per reconciliationem factum est, misericorditer toleramus, ubi gloss. *ver. toleramus*, inquit, licet prima non valuerit, at incipit valere ex nunc. ergo idem est dicendum in casu, de quo agimus.

5. Alij distinguunt duplicem ratihabitionem

habitationem, vnam de futuro, alteram de præfenti. Primam negant fufficere, quia, quod non est, quamuis futurum fit, non potest in præfenti operari. Secundam verò dicunt satis esse, quia quacumque ratione potestati adiungatur voluntas in præfenti tempore, fufficit ad delegandam iurisdictionem Ita Sylu. *confessor. 1. q. 6.* Nauarr. *in sum. cap. 9. num. 6. & in cap. placuit, de penit. d. 6. num. 103.* Sor. *in 4. d. 18. q. 4. art. 3. & plures alij infra citandi.*

6. Alij demum simpliciter negant, rati habitationem fufficere ad delegandam iurisdictionem. Ita Palud. *in 4. d. 17. q. 3. num. 28.* Maior. *d. 19. q. 1. Gabr. d. 17. q. 2. art. 3. dub. 2.* Anton. *3. p. tit. 17. cap. 4. cas. 8.* Adrian. *q. 5. de confess. Med. q. de multiplici licent. confitendi alieno, quos omnes citat, & sequitur Suar. tom. 4. disp. 26. sect. 1. num. 14.*

7. Ex suprà allegatis opinionibus, primam existimo esse omnino falsam, quod sic ostendo. Nam demus in primis, Superiorem postea non habuisse ratum præteritum factum, inquit, an Sacramentum præteritum tunc sit validum, necne? si inualidum; ergo sic etiam fuit à principio, ac per consequens, neque per rati habitationem validum fieri.

8. Prima consequentia probatur sic, quia si validum aliquando fuisset, sic semper permanfisset. irritari enim non potest absolutio sacramentalis, quæ semel valida fuit.

9. Secunda consequentia autem sic ostenditur, quia Sacramentum, quod in principio non habuit valorem, nequit per solum consensum alterius validum fieri. Et ratio est, quoniam absolutio prius data si inualida fuit, ideo est, quia fuit data à non habente iurisdictionem, quoniam nec datur à delegante, seu ratum habente, ille enim non absoluit, nec datur à delegato: hic nam-

que solum incipit habere iurisdictionem, cum Superior consentit, tunc autem ipse non repetit absolutionem. ergo, &c.

10. Sed dices, absolutionem à principio fuisse validam, ideoque validam permanere, etiam si rati habitio postea non succedat, vt sperabatur. Vnde si quis in oppositum arguat, quod inde sequitur subditum rite confiteri alieno, non solum absque licentia proprij, immo etiam contra voluntatem illius, quod est contra cap. *omnis viriusque sexus*, respondent aliqui confessionem illam esse validam quoad valorem Sacramenti, non verò quoad tollendam obligationem iterum confitendi eadem peccata proprio Sacerdoti, si priorem confessionem ipse ratam habere nolit. Hinc inferunt, subditum qui sub hac spe confitetur, teneri ad habendum propositum confitendi eadem peccata proprio Sacerdoti, si priorem absolutionem nolit ratam habere; atque ideo asserunt, in eo casu dari iurisdictionem delegatam non absolute, sed sub ea conditione.

11. Cæterum hæc omnia absque vilo rationis fundamento proferuntur, quoniam nullum est ibi indicium talis pacti, nec sufficiens collatæ iurisdictionis signum, etiam hoc modo. Spes enim seu præsumptio futuri consensus in subdito non ponit in Superiore consensum, seu voluntatem, sed solum ponit in alijs opinionem, seu fiduciam de tali voluntate futura. Mea autem opinio, vel fiducia non tribuit mihi iurisdictionem, etiam sub illa conditione, vt optimè obseruat Suarez *vbi supra num. 15.*

12. Ad regulam igitur pro prima opinione allegatam breuiter possumus respondere.

Primo illam habere locum in iis, quæ à principio valida sunt substantia-

liter, possunt tamen irritari ob defectum alicuius solennitatis accidentalis; illa enim possunt per subsequentem ratihabitionem omnino firmari, quod in casu nostro non habet locum, cum à principio Sacramentum fuerit nullum, vt supra ostendimus.

13. Secundò in his, quæ à principio nulla sunt, poterit etiam verificari illa regula quando illa sunt talia, vt possint esse dependentia, & quasi expectantia futurum euentum; vt sunt fere omnes contractus humani, quæ enim sunt huiusmodi, possunt per subsequentem ratihabitionem ita firmari, vt ex eo tempore, quo sub ea spe facta sunt, valeant & operentur; & hoc est ratihabitionem retrorahi, quod, inter alios, notauit Bald. in l. *obseruare*. §. *posthac*. ff. de offic. pro. consul. num. 8. vbi etiam Bart. & Felin. cum aliis in c. *prudenciam*. de offic. delegat.

14. Tertio denique præteritus actus, quamuis validus non fuerit, neque pendeat ex futuro, potest per voluntatem alterius postea declarari, & quasi de nouo fieri, & tunc potest etiam dici ratihabitiõ, confirmare quod factum erat, quamuis potius de nouo faciat, nec tunc retrorahitur nisi voluntas ad hoc sit efficax, & hoc exprimat, ac declaret. Vnde, cum in casu nostro nihil istorum locum habeat, vt insinuauimus, sequitur, quod regula illa incepte præsentis materiæ applicatur.

15. Ad secundum respondetur, longè diuersam esse rationem inter sacramenta Pœnitentiæ, Eucharistiæ, & extremæ Vnctionis; nam ad sacramentum Pœnitentiæ requiritur iurisdicção, vt valeat; ratihabitiõ autem non tribuit iurisdiccionem, vt habetur ex dictis. Sed ad alia duo Sacramenta non requiritur iurisdicção, vt validè conferantur; bene tamen vt debitus seruetur ordo in Hierarchia ecclesiastica: ad id

autem satis est probabilis spes, & præsumptio consensus postea præstandi, seu voluntatis Pastoris.

16. Ad tertium similiter respondetur longè diuersam esse rationem, quia, cum in Sacramentalibus (cuiusmodi sunt consecratio, & reconciliatio Ecclesiæ,) solennitas sit de iure ecclesiastico, potest illam Pontifex mutare, & sic supplere defectum omisum, vt ex tunc incipiat valere; secus in sacramento Confessionis, vbi si semel non valuit ex defectu iurisdiccionis, non potest Pontifex sua ratihabitione supplere defectum illius, nisi pœnitens denovo confiteatur.

17. Secunda opinio, si absolutè consideretur, videtur in primis repugnantiam includere, quia ratihabitiõ propriè respicit præteritum, atque ideo in præcitata regula dicitur retrorahi. Vnde quando sit factum, quod postea ratum habetur, non potest esse in re ipsa ratihabitiõ, sed tantum in spe. Repugnat igitur dicere, ratihabitionem esse de præsentis. Quapropter, vt repugnantiam euitemus, dicendum est, ratihabitionem de præsentis hic accipi pro tacito consensu delegantis externè, ac sufficienter manifestato. Dixi *externè*, quia certum est, interiorem voluntatem non sufficere ad conferendam istam iurisdiccionem, debet enim conferri humano modo: homines autem non agnoscunt interiores voluntates, nisi per signa externa. Dixi etiam *sufficienter manifestato*, quoniam nisi sit tale, vt per illud voluntas delegantis innotescat delegato, non satis crit. Vnde infert Suar. vbi supra, num. 16 quod si tale sit signum, vt rem dubiam relinquit, adhuc non sufficit, quia non satis manifestat voluntatem delegantis.

18. Itaque secunda opinio sic explicata satis probabilis est; vt si quis confessiones audiat, vidente, sciente, ac tacente



vacante Ordinatio, potentique impedire. Ita, præter allegatos in secunda opinione, tenent expressè Valquez tom. 4. disp. 93. art. 2. dub. 2. Coninch. disp. 10. dub. 5. Angel. confess. 3. num. 36 Caiet. sum. verb. absolutio. ex parte absolventis, ver. licentiâ. Met. tract. 2. de confess. q. de multiplic. licen. alieno confitendi, ver. corollariè sequitur ex dictis. Matt. Ledesm. d. p. 4. q. 7. art. 5. dub. 3. Barthol. à Ledesm. de pœnit. dub. 28. Enriq. lib. 6. de pœnit. d. 13. cap. 13. & alij, quos sequitur Sanchi 3. de matrim. disp. 35. num. 20. Probatum autem hæc sententia.

19. Primò, quia iure receptum est, quòd ubi requiritur licentia in actu, sufficiat tacita, & præsumpta ex rati- habitatione de præsentia, vt multis ostendit Ioann. Lup. rñbr. de donat. §. 68. num. 27.

20. Secundò, ex cap. fin. de offic. vicar. in 6. ubi habetur, Vicarium non posse beneficia conferre, nisi hoc ei specialiter committatur, & tamen si Vicarius, post reuocationem licentiæ sibi intimatam confetat vidente, & patiente Episcopo, valet collatio, iuxta communem sententiam, quam tuetur Anast. Germon. de Indult. §. tibi quoad vixeris, num. 63. ergo similiter dicendum est in casu nostro.

21. Tertiò, quia Procurator reuocatus gerens negotia sciente, & patiente domino, valide agit, vt habetur ex glos. celebri l. qui mutuum. ver. instaurauerit. ff. mandati. & similiter Procurator excedens fines mandati, sciente, & patiente domino, ipsi nocet, & notat Felinus cap. 1. num. 12. vt lit. non contest. Hocum autem non potest alia ratio assignari, nisi quòd scientia, & patientia operantur tacitum consensum, iuxta regul. iur. Qui tacet consentire videtur. de reg. iur. in 6. ergo in casu, de quo agimus, satis erit ea tacita licentia, vt iurisdictionem præbeat.

22. Hic tamen duo sunt obseruanda.

Primum est, tunc præsumi tacitam licentiam ex præsentia, & silentio Ordinarij, dum alieno Sacerdoti constar, Ordinarium scire, vel saltem credere, alienum Sacerdotem omni iurisdictione catere; posset enim existimare, quòd auderet confessiones ex priuilegio; & in tali euentu præsentia, & taciturnitas Ordinarij non reputaretur tacita licentia.

23. Secundum est, prædictam Ordinarij præsentiam, & taciturnitatem adhuc in casu, quo Ordinarius scit, alienum Sacerdotem omni iurisdictione catere, non esse approbationem, & licentiam simpliciter ad confessiones audiendas, sed pro eo actu dumtaxat. Ita Sanchi. ibid. num. 22.

24. Nihilominus tertiam opinionem libentiùs amplector. tum quia in dubijs, & maximè si Sacramenti validitatem concernat, tutior pars est eligenda; tum etiam, quia secunda opinio grauius est exposita periculis; cum enim tacitus consensus non reputetur sufficiens, nisi extetnè adeò manifestetur, vt delegato innoscescat voluntas delegantis, iuxta ea, quæ suprâ insinuauimus; nec ista manifestatio habeat vnum definitum signum, quo necessariò faciendâ sit sed vatia possint occurrere iuxta temporis, & loci exigentiam, profectò non facile quispiam poterit se immunem ab errore consuetuare, si dictæ adhareat opinioni, quam ego speculatiuè probabilem dixi ob auctoritatem eorum, qui eam tuentur; tertiam tamen probabiliorē præticè, & in conscientia tutiorē cenfeo. Præterea, vel huiusmodi consensus tacitus est ita manifestus, vt manifestè significet, voluntatem delegantis esse delegare, & tunc non est propriè ratihabitio, sed potius licentia certa, immò expressa, vel

vel illam non explicat certis signis, itavt certè conſtet de voluntate delegantis, & tunc quidem non ſufficit, quia ad validitatè ſacramenti Confessionis prærequiritur iuriſdictio, quæ abſque certa delegantis voluntate ſtare non poteſt, immo eſto faciat probabilem exiſtimationem de voluntate delegantis, adhuc non eſt tali iuriſdictione utendum, niſi ubi non eſt opportunitas alterius Confelloris, & expreſſius cognoscendi voluntatem Superioris, & aliande occurrit ſufficiens cauſa adminiſtrandi Sacramentum, vt rectè obſervant Sot. & Suar. & conſtabit ex infrà dicendis, nempe non eſſe probabili iuriſdictione utendum, omiſſa certa, cum commodè poteſt. & hac ratione ductus Fauentinus nobiſcum ſentit in 4. diſt. 17. q. unica, diſp. 25. num. 96.

## DUBIUM XXI.

*Quo breuiter explantur quatuor difficultates, prædictam licentia concessionem concernentes.*

1. **P**rima igitur difficultas eſt, an ſi quis petat licentiam per alium vt confessiones audire poſſit, validè eas audiat, antequam ſciat licentiam eſſe conceſſam, eſto confessiones audiat poſt huiusmodi conceſſionem? Nonnulli arbitrantur huius difficultatis resolutionem pendere ex ea quæſtione an priuilegium, vt effectum ſortiat, debeat prius innoteſcere priuilegiato, de qua quæſtione latè agit Sanch. libr. 3. de matr. diſp. 36. & laſſimè Suar. lib. 8. de legib. cap. 25. & Salas, etiam de leg. diſput. 17. ſect. 19. cum aliis, quos ipſi referunt. Mihi tamen probabilius videtur non inde pendere resolutionem, atque adeò quicquid ſit de dicta quæſtione, circa propoſitam difficultatem ſententia, quam ſequendam exiſtimo,

duabus clauſulis comprehenditur. Prima eſt, quòd talis licentia debet eſſe nota Confellori, vt validè miniſtret. Secunda eſt, quòd eſto dicta licentia petatur, & obſineatur per internuncium, ſeu Procuratorem; non ſufficit, quòd ſit nota internuncio, ſeu Procuratori, ſed requiritur, vñ ſit etiam nota ipſi Confellori. Quoad primam clauſulam conueniunt omnes, quotquot aſſerunt, priuilegium non ſortiri effectum ante notitiam priuilegiati, nec non præcitati authores, præſertim Suar. loc. cit. num. 17. & probatur ſpeciali ratione, quæ militat in hoc caſu. Nam effectus huius priuilegij talis eſt, vt acceptationem priuilegiati requirat, idque conſtat, quia, vt eſt receptum apud iuris interpretes, quando quis ignorat ſe habere iuriſdictionem, non valet quod agit, vſus enim iuriſdictionis non acquiritur ignoranti, vt multis citatis probat Sanch. d. diſput. 36. num. 8. & ſumitur ex l. hac autem. 6. non defendi. ibi, debet conſtare Prætorij. ſſ. quib. ex cauſa in poſſeſſ. & trad. Bart. in l. mulierum. ſſ. de condit. & demonſtr. num. 2. & in l. Barbarius. ſſ. de off. Prætor. in repet. 18. quæ potiùs eſt Bald. ibi. de leſt. 2. n. 27. & 28. Igitur, dum Confellor ignorat collatam ſibi eſſe licentiam, non gaudet iuriſdictione, & quamuis hanc doctrinam Iuriſperiti intelligant de iuriſdictione in foro externo, locum etiam habet in foro interiori, ubi iuriſdictio adeò neceſſaria eſt, vt defectus illius ſuppleri non poſſit.

2. Et confirmatur, quia iuriſdictio nequit acti interno conſerri, vt rectè tradunt Viſtor. in materiâ de confeſſ. num. 153. Ledefm. 2. p. 4. art. 5. dub. 3. Henriq. lib. 6. de penit. cap. 13. num. 13. & Veg. lib. 4. ſum. caſ. 129. quod ex eo ſolùm procedit, quia eſt conceſſio homini facta ad actum externum, & ita externam oportet eſſe, vt ipſi innoteſcat,

scat, sed quandiu est externa in absentia, & is, cui conceditur, nondum habet notitiam illius, perinde reputatur, ac si esset interna; igitur non sufficit.

3. Quoad secundam clausulam opinio, quam sequor, est contra Sanchez *vbi supra*, & Regim. lib. 3. cap. 8. num. 104. sed tenet illam; qui aiunt non valere dispensationem à Pontifice obtentam super aliqua inhabilitate, donec innotescat postulanti, esto sit à nuncio, seu Procuratore acceptata. sic censent Valq. 1.2. tom. 2. disp. 156. n. 30. & 31. Suar. d. lib. 8. de leg. cap. 25. atque eorum ratio mihi videtur efficax, quia privilegiatus non potest vri ea dispensatione, tuta conscientia, donec illius notitiam habeat: dispensatio autem est propter usum; igitur non est credibile, nec verisimile, ita concedi, vt habeat suum effectum antequam perveniat ad notitiam illius, cui conceditur. Maior patet, quia honestas talis actus aliàs prohiberi, pendet ex dispensatione valida, & iam concessa; igitur qui non scit dispensationem validam, & cum effectu esse iam concessam, saltem non potest prudenter, & sine peccato exercere talem actum; quo enim pacto potest quis licite, ac prudenter operari id, quod nondum scit sibi licere; nec valet dicere, quòd sufficit moralis præsumptio, & spes dispensationis; cum talis præsumptio, ac spes sit infinitis exposita periculis, & sæpe fallere possit.

4. Dices, usum illum esse prauum per accidens, & ratione periculi ex ignorantia provenientis, cum tamen dispensatio realiter iam concessa est, videtur, quòd casus inde sequurus de se iam non sit malus, nec contra legem.

Respondetur quòd privilegium, & inordinatio sunt moraliter inseparabilia à tali usu, & consequenter non

est verisimile voluisse Principem concedere cum effectu dispensationem ante eius notitiam, tum quia non videtur verisimile, velle præbere occasionem eiusmodi pravi usus, tum etiam, quia dispensatio non datur, nisi propter usum honestum, seu qui moraliter, ac regulariter possit esse honestus, ac licitus.

5. Sed quæres, an talis licentia, seu privilegium aliquid operetur statim à tempore concessionis, antequam ad privilegiati notitiam perveniat.

Respondetur ex doctrina Couar. 3. var. cap. 16. num. 1. & aliorum, quos ipse refert, privilegia nonnulla esse, quæ ex mera concedentis liberalitate proficiuntur, cuiusmodi est donatio rei propriæ; & hæc sicut possunt reuocari à concedente ante privilegiati acceptionem, ita nec aliquid operantur donec eidem innotescant; alia verò sunt, quæ quamvis merè liberalia sint ex parte eorum, quibus conceduntur, non tamen sunt talia ex parte concedentis, sed cuiusdam necessitatis, cuiusmodi est, collatio beneficii; tenetur enim Prælati ex officio conferre; & hæc statim à tempore concessionis operantur, vt ille, qui privilegium concessit, id amplius nequeat reuocare. & de his loquitur cap. si tibi absenti, de prob. in 6. vbi aperte deciditur ius in beneficium absenti collatum non acquiri, donec absens acceptet, interim tamen collationem reuocari non posse.

6. Secunda difficultas est, an si huiusmodi licentia extorqueatur, sit valida, ita vt virtute illius possit quis confessiones audire?

Sanchez d. lib. 3. de matrim. disp. 39. n. 13. tenetur partem affirmatiuam; existimat enim iurisdictionem metu etiam cadente in virum constantem extortam transferri, cum huiusmodi translatio

O nullo

nullo iure impediatur. nam id, quod habetur in l. 2. ff. de indic. opinatur idem Sanch. intelligi in speciali casu, nempe cum litigatores compelluntur consentire in iudicem non suum, atque ita iurisdictionem prorogare; prorogatio autem fieri non potest, nisi ex libera voluntate: unde infert, eam doctrinam ad alium casum non debere extendi. Mihi tamen probabilius videtur, eam licentiam cum metu graui extortam nullius esse momenti, ut quis virtute illius confessiones audiat. Et probatur; quia concessio huiusmodi licentiæ est actus ad liberalitatem & donationem pertinens, ut docet communis Iuristarum sententia, atque hinc prouenit, ut non quæzatur absenti ante acceptionem, & ut reuocari etiam possit pro libito, sicut ipse Sanch. cum multis per eum allegatis tenet *disp. 36. in 4.* igitur concessio eiusmodi licentiæ iure naturali valere non potest. Consequentia probatur, tum quia quæuis donatio metu graui facta, iure naturali non subsistit ex defectu tituli sufficientis; nec etiam valet iure positiuo, quia non est aliquod ius, unde valere colligatur, & ex consequenti relinquitur dispositioni iuris naturalis. tum etiam, quia in *pract. l. 2.* hæc habentur: Ac si eum restitisset quiuis ex litigatoribus viribus præturæ compulsus est, nulla est iurisdicção. Et quamuis ibi sermo sit de propagatione iurisdictionis, idem à fortiori sentiendum est de translatione, seu concessione illius, cum maior militet ratio, ut constat ex eo, quia si is, qui ex priuilegio potest Confessorem eligere, cogatur aliquem determinatè eligere, nulla erit talis electio, cum hic non sit, qui iurisdictionem confert, sed quasi prorogat per facultatem eligendi, ergo magis inualida erit ipsa iurisdictionis concessio, atque iuxta hunc sensum intelligit præcita-

tum text. Bald. *l. si quis ex consensu n. 7. C. de Episc. aud.*

7. Nec obstat, si dicas, quòd regulariter metu gesta, reputantur valida.

Respondetur namque semper excipi iurisdictionem, quæ nunquam metu graui interueniente transfertur, ut docent gloss. *cap. 2. verb. coactum, ad fin. de hu, quæ vi.* ubi Anchar. *num. 3. Abb. num. 12. & 17. fin. Bart. tract. de tyranno, num. 14. & Bald. l. decernimus n. 5. C. de sacros. Eccles.*

8. Tertia difficultas, an sit valida licentia ab Ordinario impetrata dolo, & mendaciis, ut si falso nomine alicuius Magnaris petatur ab Ordinario, ut licentiam audiendi confessiones certo Sacerdoti concedat. Videtur quidem negatiuè respondendum, & consequenter confessionem virtute talis licentiæ factam esse nullam.

Primò, quia dispensatio falsa causa obtenta, est subreptitia, & nulla, ut habetur ex *cap. quia circa, de consang. & notant ibi DD.* sed prædicta licentia, est quædam dispensatio, & conceditur ex falsa causa; igitur est nulla.

Secundò, quia falsitas circa causam finalem dispositionis, ipsam viriat, ut multis citatis tradit Tiraq. *tract. cessante causa, limit. 1. à num. 1. & seqq.* Sed in casu nostro falsitas cōtingit circa causam finalem, cum Episcopus, ea ratione cessante, nullo modo esset eam licentiam concessurus; finalis autem causa dicitur, quæ ita mouet disponentem, ut alioquin non esset sic dispositurus, per ea, quæ docent Anton. *cap. post translat. num. 35. de renunc.* atque ibi Abb. in 2. illius tituli *lectura n. 18.* & videtur sentire Barr. *l. 1. §. fin. n. 1. fin. ff. de donat.*

9. Nihilominus existimo, validam esse d. licentiam, ac etiam valere confessiones virtute illius factas. Dico, quoniam ratio illa Ordinarium inducens nihil prorsus confert, sed imper-

tinens

tinens potius est ad licentię concessio-  
nem. quod ex eo constat, quia non vi-  
detur mens concedentis licentiam, vt  
velit illam esse irritam ea petitione  
falsa existente, ne confessiones passim  
irritentur, ac potissimum cum licen-  
tiam concedentes non lateat, sæpe  
mendaces esse, & fictitias similes Ma-  
gnatum petitiones. Vnde deducitur,  
quod error ille non sit circa causam fi-  
nalem, sed impulsivam, qua cessante,  
non ideo cessat dispositio, vt idem Ti-  
raq. ubi supra, latè ostendit.

10. Neque obstant probationes in  
contrarium adductę; ad vtramq; enim  
respondetur solum id verificari, cum  
error, & falsitas contingit circa cau-  
sam finalem. In casu autem nostro so-  
lum contingit circa causam impulsiv-  
uam. Nec verum etiam est, semper eam  
esse causam finalem, sine qua actus non  
fieret, vt constet in naturalibus, vbi re-  
mouens prohibens est causa, sine qua  
non descensus lapidis, & tamen non  
est causa principalis, sed occasio dum-  
taxat, atque ita docent Couar. 1. var.  
cap. 10. num. 2. Nauarr. sum. lat. cap. 23.  
num. 101. & cap. inter verba 2. edit. concl. 5.  
num. 33. cum aliis, quos citat, ac sequi-  
tur Sanch. d. disp. 39. n. 14.

11. Quarta difficultas, an qui licen-  
tiam Episcopi obtinuit confessiones  
audiendi, possit ea licentia, ac iuris-  
dictione vti extra territorium dele-  
gantis?

Omnes fatentur Confessores ordi-  
narios, cuiusmodi sunt Episcopi, & Pa-  
rochi, posse suorum subditorum etiam  
extra proprium territorium confessio-  
nes excipere; at de delegatis, seu extra-  
ordinariis non sic, immò oppositum  
opinantur nonnulli negatiuam partem  
amplectentes. ita expressè sentire vi-  
detur Hostiens. sum. tit. de pœnit. & re-  
miss. 5. cui consensendum num. 14. vers. &  
nunquid extra territorium. atque id sen-

tiunt alij, præcipuè de Religiosis. sic  
aliis relat. Imol. Clem. Dudum num. 32.  
de sepult. vbi Card. §. extra civitatem q. 5.  
Anchar. ibi. §. statimur. q. 5. dub. 3. vers.  
sed de illis. Rosel. ver. confessio sacramen-  
talis 3. num. 3. Syluest. ver. confessor. 1.  
q. 14. §. 12. Nauarr. sum. C. 17. Hiss. n. 265.  
Lat. num. 266. & ex Theol. Adria. q. 5. de  
confess. ante 1. dub. §. ideo pro solutione. vers.  
ex dictis inferitur. D. Ant. 3. p. tit. 17. c. 10.  
fin. & alij, quos refert Sanch. libr. 3. de  
matrim. disp. 34. num. 1. Ducuntur circa  
Religiosos ex text. in Clem. Dudum, de  
sepult. §. statimur, vbi Religiosis Epi-  
scopo præsentatis conceditur facultas  
excipiendi confessiones quorumcum-  
que sibi confiteri volentium, ita tamen,  
vt eas extra dioceses, in quibus sunt  
approbati, nullatenus excipiant. De-  
inde, circa eosdem & omnes alios  
Confessores delegatos, ducuntur, quia  
nemini licet ius dicere extra proprium  
territorium, & tenent communiter  
omnes iurisprudentiæ Professores.

12. Verum mihi magis probatur  
iurisdictionem voluntariam, etiam de-  
legatam extra proprium territorium  
posse licitè exerceri, & consequenter  
Confessores delegatos posse vbique  
confessiones excipere eorum, qui sunt  
illius diocesis, in qua ipsi sunt appro-  
bati. Atque pro huius explicatione

13. Primò notandum est, duplicem  
dari iurisdictionem: altera est conten-  
tiosa, & necessaria, quæ vltimum habet  
contradictorem, & inter contententes  
exercetur, redditurque in inuitos. Lin-  
ter stipulantes. §. 1. ff. de verb. oblig. Dici-  
tur autem contentiosa, quia actor con-  
tendit contra reum, & dicitur necessa-  
ria, quia reus in iudicium vocatus te-  
netur ibi respondere. Altera est volun-  
taria, quæ in solos subditos volentes  
exercetur, cuiusmodi sunt adoptatio,  
manumissio, confessio, & alij similes  
actus, qui dicuntur voluntariæ iuris-

O 2 dictionis

DUBIVM XXII.

*Quo agitur de facultate Confessorem eligendi, qua gaudent Cardinales, & Episcopi.*

1. **S**uperest nunc disputare de iis, qui absque privilegio Bullæ possunt eligere Confessorem, & præscriptum de Cardinalibus, & Episcopis. Ut igitur in præsentiquæstione distinctius procedamus, præsuppono tripliciter posse hanc facultatem eligendi Confessorem concedi, de iure diuino, de iure positivo, seu ecclesiastico; & ex consuetudine de iure diuino, seu à Christo Domino datur Summo Pontifici: nam cum ipse etiam possit, immo debeat confiteri, si conscientiam peccati habeat, quia utilitas respectu venialium, ac necessitas medijs, & consequenter præcepti respectu mortalium eadem est in illo, quæ in cæteris omnibus. ergo necesse est, ut habeat Confessorem. non est autem aliquis designatus iure diuino, cui confiteri teneatur, ut per se constat; neque etiam iure humano, quia ipse est Summus Pastor. ergo necesse est, ut ab ipso eligatur. ergo habet ab hoc potestatem, & non ab homine; quia non habet Superiorem in terris, igitur immediatè à Christo. Vnde reiciendi sunt nonnulli asserentes esse speciale in hoc casu, quodd Confessor habeat iurisdictionem super Pontificem Summum immediatè ab ipso Christo. Ita Palud. in 4. dist. 17. q. 3. art. 4. Capreol. d. 19. ad argumentum contra secundam conclusionem. Cænus in relect. p. 5. & Ricard. art. 3. Sed verius dicitur, quodd licet potestas ex parte Pontificis sit à iure diuino; iurisdictionis tamen in eo etiam casu transferatur in Confessorem medio Pontifice. ita D. Thom. in 4. d. 19. q. 1. art. 4. & q. 2. ubi ait, Pontificem ut peccatorem subici, ut Vicarium autem

Christi dare iurisdictionem supra seipsum in illo foro. Ita etiam D. Bonau. ibid. art. 3. q. 2. Gabr. art. 3. dub. 3. Sot. d. 18. q. 4. art. 2. Ledesim. 2. p. q. 22. art. 1. Med. q. de sacr. alien. absol. sin. licen. propr. ad secundum. Turrecrem. lib. de Eccles. cap. 8. & alij.

2. Sed quæres primò, an huiusmodi privilegium sit etiam alijs de iure diuino concessum?

Respondetur negatiuè, quicquid aliqui, sed falsò, dicant. Et ratio est, quia nullus, præter Pontificem, caret in terris proprio pastore, seu iudice in hoc foro, ut constat. Vnde sequitur, quodd stando in iure diuino, in omnibus alijs à Summo Pontifice, verum habet, quod in cap. omnis viriusque sexus, dicitur, neminem posse confiteri nisi proprio Sacerdoti, vel de licentia eius.

3. Quæres secundò, vnde constat de hoc speciali privilegio, aut de diuino iure, aut ubi est illi datum si alijs non est concessum?

Respondetur, hanc non esse distinctam concessionem factam Summo Pontifici, sed in ipsamet suprema iurisdictione diuino iure ipsi data contineri: nam sicut ex vi supremæ illius iurisdictionis potest dare ipse iurisdictionem pro alijs, ita & pro se; & sicut potest dare alijs facultatem eligendi Confessorem, ita & sibi potest accipere. Sicut ergo singulare in illo est, habere iurisdictionem ex iure diuino, ita etiam habere facultatem eligendi Confessorem.

4. De iure positivo, seu ecclesiastico conceditur Episcopis, & eorum Superioribus, necnon inferioribus Prælati exemptis facultas eligendi sibi Confessorem. Ita habetur in cap. ult. de penit. & remiss. incip. ne pro dilacione, &c. Hinc Nauart. cap. 27. num. 260. asserens hoc etiam esse diuinum ius, non est audiendus, quia repugnat verbis textus,

O 3 quibus

quibus Pontifex ait, se id concedere, seu permittere, ne penitentia differatur. Sot. similiter, qui d. 18. q. 4. art. 2. ait, Episcopum dare potestatem, ac iurisdictionem suo Confessori, cum illum eligit, reiciendus est, quia Episcopus habet Superiorem, & Pastorem proprium, qui sicut dat Episcopo facultatem eligendi, ita Confessori electo dat iurisdictionem, unde posset Pontifex si vellet, præscribere Episcopis alium modum habendi Confessores. & hæc est communis sententia, quam tenet Turrectem. in cap. quem penitet, de penit. d. 1. & Palud. d. 17. q. 3. & ibi Gabr. q. 2. art. 3. dub. 2. S. Ant. 3. tit. 17. cap. 9. Sylu. confess. 1. §. 2. & 8. Angel. confessio. 3. Caiet. ver. absolutio. c. 2. & Suar. d. tom. 4. disp. 27. sect. 2. num. 4.

5. De consuetudine conceditur Parochis facultas Confessorem sibi eligendi. Probatur, quia communi praxi testificante, ipsi hac facultate utuntur sine speciali Episcoporum licentia. Sed eam non habent à iure. ergo videntur habere ex consuetudine. Confirmatur, quia consuetudo potest dare iurisdictionem, iuxta cap. cum contingas, de for. compet. & sumitur ex cap. dilecti, de arbitr. sicut e contrario consuetudo aufert iurisdictionem. Unde aliqua peccata dicuntur esse consuetudine reservata. ita tenet Host. Raym. Asten. Gerson. Guillel. de Mont. Lugd. quos refert Gabr. lect. 3. in Cano. sic etiam tenet Navarr. num. 30. & seqq. in cap. placuit. q. 2. de penit. in 6. Caiet. ver. absolutio. 1. Sot. d. 18. q. 4. art. 2. Suar. ubi supra sect. 3. & Valsq. art. 1. dub. 4. num. 2.

6. Cæterum huic determinationi obstat videtur cap. 2. de penit. & remiss. in 6. ubi dicitur, nulla consuetudine introduci posse, ut aliquis valeat sibi eligere Confessorem sine licentia proprii Sacerdotis. Et probatur, quia hoc est contra ius divinum, quod nulla potest

consuetudine reuocari. quapropter Navarr. loc. cit. num. 36. & seqq. latè enittitur pro suo ingenio textum illum exponere. Vera tamen expositio est, quam tangit Gabr. ubi supra, nimirum consuetudinem non posse vi sua dare hanc facultatem; inde verò haud sequitur, non posse sufficiens esse signum facultatis concessæ à Pastoribus, & nunquam reuocata, sed quasi per tacitum consensum perpetuò durantis. Unde concedimus per talem consuetudinem non introduci, ut quis, præter sui Superioris licentiam, Confessorem sibi eligere valeat, sed introducit, ut aliquis censeatur habere à suo Superiore talem facultatem modo explicato. Et ad probationem dicimus, quòd quamvis iurisdictionio dicatur consuetudine acquiri, id tamen non fit sine adminiculo iuris communis, vel taciti consensus, & voluntatis Superiorum, præsertim in iurisdictione spiritali, quæ non potest à populo emanare, sed à Summo Pontifice: atque ideo non potest sola populi consuetudo contra illam præscribere, nisi Pontifices hoc ad maiorem Ecclesiæ pacem declarassent. In casu igitur nostro, consuetudo non dat huiusmodi facultatem adminiculo iuris communis: nullum est enim quod hoc declararet, immo potius resistere videtur; sed adminiculo tacito Superiorum consensus, qui cum non sit in iure expressus, necesse est, quòd ipsamet consuetudine significetur.

7. At poterit iterum meritiò dubitari circa d. cap. 2. de penit. quid speciale declararet ibi Pontifex de hac facultate, cum cuilibet legi commune sit, quòd non derogetur consuetudine, nisi quatenus Superior videns, & tacens consentire videtur? Quocirca respondemus, eligere Confessorem sine licentia proprii, repugnare diuino iuri, ut diximus, atque ideo significasse Pontificem

in

in illo textu non posse consuetudinem præscribere contra hoc ius, in quo satis differt à quavis lege merè humana: potest enim contra istam consuetudo præscribere. Vnde infero, facultatem huiusmodi consuetudine obtentam pendere semper à proprij Sacerdotis voluntate, itavt, non obstante consuetudine, semper sit in eius potestate illam reuocare si velit: talis siquidem consuetudo nunquam prævalere potest, aut ius aliquod conferre. *cap. 1. & cap. cum venerabilis, de consuetudine. & cap. cum non licent, de præscrip.* posita autem hac veluti continua dependentia huius consuetudinis à voluntate Pastoris, optimè verificatur decisio illius *cap. 2. de pœnit.* nam si Pastor videt, & tacet, satis significat ex suo consensu habere subditos illam facultatem; si verò reuocet, consuetudo minime sufficiet, iuxta illius textus decisionem. Verùm considerare oportet, ex cuius Pastoris voluntate manaverit consuetudo, quoniam ex illius, vel Superioris arbitrio reuocari poterit, non tamen ab inferiori. Vnde, quia consuetudo, vt Parochi eligant Confessorem, solum ex consensu Episcoporum creditur emanasse, ideo Episcopus in suo Episcopatu poterit hoc mutare, vel generatim pro omnibus Parochis, vel specialiter pro aliquo, prout expediens iudicauerit.

8. His præhabitis, in hac quæstione sunt varij modi dicendi.

Host. in *sum. de pœnit. & remiss. §. cui confitendum, vers. cui Cardinalis.* postquam varias retulit sententias, tandem concludit, Episcopos Cardinales sibi idoneum Confessorem eligere posse, iuxta id, quod habetur in *cap. de pœnit. ne pro dilatione*, quia Episcopi sunt. Cardinales itidem, causa legationis absentes possunt etiam eligere Confessarium idoneum, iuxta *d. cap. quia Prælati sunt*, & exempti, Cardinales non Episcopi,

dum videlicet Romæ commorantur, alicui ex Pœnitentiariis Papæ confiteri debent; quia sunt Papæ proximè subiecti: tutius tamen arbitratur, si à Papa eligendi Confessarium facultatem impetrarent, eo quodd Cardinales Papæ sunt immediatè subiecti. Sic etiam cum Host. tenent *Sylu. ver. confess. l. q. 2. Armil. ver. absolutio. num. 14. Tabien. absolutio. 1. num. 37. Card. Alban. q. 49. Azor tom. 2. lib. 4. cap. 3. q. 16.* hæc locum habere ante Concilium Tridentinum; nunc verò Cardinales, qui nec sunt Episcopi, nec Legati, confiteri debent vni ex approbatis ab Episcopo proprio Confessarij, quia si approbatus non est, non reputatur idoneus ad confessiones audiendas. hæc ille.

9. Sotus in *4. dist. 18. quæst. 4. art. 2. vers. Cardinales verò*, sic ait: Cardinales non Episcopi, præter Legatum non eo fruuntur privilegio, quo Episcopi, vt Confessarium scilicet eligere sibi queant, quia non sunt Prælati; sed iam de consuetudine non subduntur Episcopis in foro pœnitentiali, sed immediatè Papæ, & sunt tanquam Ordinarij suorum commensalium. sic ille.

10. Angles Valentinus in *suâ floribus super 4. art. de ministro Sacramenti confessionis diff. 3. concl. 2.* sic ait: Cardinales iure communi Confessores eligere sibi non possunt, sed potestate Papæ, siue Pœnitentiarij confiteri debent, quod intelligit iste author de Cardinalibus, qui Episcopi non sunt; quia in tertia conclusione subdit statim: Archiepiscopi, Episcopi, cæterique Prælati exempti habent facultatem eligendi sibi in Confessorem, quemlibet simplicem Sacerdotem, definita est expressè in *cap. de pœnit. & remiss.* Nihilominus sit

11. Prima conclusio, Cardinales, etiam si Episcopi non sint, nec Legati, iam de consuetudine possunt Confessorem



forem sibi eligere. Hanc conclusionem tenent expressè Caiet. *sum. verb. absolutio à peccatis* 2. *fin.* Tolet. *sum. lib. 3. c. 13.* Suar. *tom. 4. disp. 27. sect. 2. num. 6.* Valq. *tom. etiam 4. q. 93. art. 1. dub. 4. num. 2.* & Regin. *in prax. pœnit. tom. 1. lib. 1. cap. 5. sect. 1. num. 3.* Immo vsus, & praxis Romanæ Curix communiter recepta id euidenter ostendunt. Sed probatur sic. Cardinalis quicumque iam ex consuetudina est quasi familiæ suæ proprius pastor, ita vt si Sacerdos sit, possit sibi subditis sacramentum Pœnitentiæ legitime administrare; vel si Sacerdos non sit, possit hanc potestatem alteri delegare: sic testantur Caietanus, Sylu. Tab. & Tolet. arque etiam Regin. *vbi supra*, & Suar. *d. tom. 4. disp. 25. sect. 2. num. 12.* ac plerumque omnes, ergo possunt similiter ex consuetudine Confessorem sibi eligere quem maluerint, saltem ex sibi subditis, vt infrà latius patebit. Probo consequentiam, quia quod potest aliis ritè concedere, potest etiam sibi assumere.

12. Secunda conclusio. Cardinales præfati possunt de iure communi, & ecclesiastico eligere sibi Confessorem. Ita tenent Sylu. *vbi supra* q. 8. & Angel. *num. 5. ver. confess.* 3. Suar. *d. tom. 4. disp. 27. sect. 2. num. 6.* & Reginald. *vbi supra*, & probatur ex *cap. vlt. de pœnit. & remiss. cap. ne pro dilacione. vbi* Episcopis, & eorum superioribus, nec non inferioribus Prælati exemptis huiusmodi facultas conceditur; sed Cardinales, inter eos, qui Episcopis sunt superiores, ac inter Prælatos exemptos enumerantur, iuxta ea quæ à dd. authoribus asseruntur. ergo de iure communi competit illis huiusmodi facultas.

13. Sed obiicies ex Palud. & Sot. asserentibus, Cardinales simplices non esse Prælatos, propriè loquendo, quia ex vi suæ dignitatis iurisdictionem in hoc foro non habent. ergo nec illis

competit dispositio, & facultas prædicti *cap. fin. de pœnit. & remiss.*

Respondetur primò, satis esse vt quis Prælatus etiam strictè dicatur, habere iurisdictionem in foro externo, seu contentioso, vt docet Sylu. allegans gloss. *in cap. 2. de ind. & in Clem. Dudum, de sepult. in ver. Prælati.* Sed Cardinales non Episcopi iurisdictionem habent Episcopalem forensensem in Ecclesiis, quibus præfunt, vt habetur *cap. his, quæ de maior. & obed.* ergo, propriè loquendo, sunt dicendi Prælati. Minorem ostendunt Abb. Felin. & Butr. *d. cap. his, quæ, & c. in sol. in Clem. ne Romani, de elect.* Ioan. Monach. *cap. vnic. de maior. & obediens. in 6.* Ludou. Roman. *conf. 498.* & Mandol. *in reg. 7. Cancellar. q. 2.* ex quo fit vt beneficia omnia, canonicatus, præbendas, siue quælibet alia officia curam animarum habentia, vel non habentia, conferre valeant. Nam Sixt. IV. teste Felin. *d. cap. his, quæ, de maior. & obediens.* amplissimum illis concessit priuilegium. Possunt item excommunicationis, suspensionis, & interdicti pœnas irrogare. Abb. *in eod. cap. his, quæ, & ibi Panor. num. 1.*

Respondetur secundò, quòd quamuis non sint Prælati, potestatem, seu iurisdictionem in foro pœnitentialem habentes, tamen iuxta communem vsum Ecclesiæ tales censentur ob eorum dignitatem, & Pontifices, ac Romana Ecclesia ita de illis loquitur: priuilegia autem non sunt restringenda, nisi satis constet; vnde cum illis communicatum nomen Prælati exempti iuxta communem Ecclesiæ vsum, tum etiam ratio priuilegij, scilicet, ne periculum immineat animarum, non sunt excludendi à dispositione *d. cap. final. de pœnit. & remiss.*

14. Obiicies secundò, si Cardinales præfati comprehenduntur *in d. cap. fin.* maximè eò quòd sint Episcopis superiores

periores; hoc autem non est dicendum; ergo, &c. Probo minor. ex Ioan. Andr. & Geminia. in cap. cum aliquibus, de rescriptis. in 6. ubi testificantur ante Bonifacii VIII. seculum multos Episcopos non fuisse in Cardinalium numerum adscriptos, ne pontificiam dignitatem minuere viderentur. Refert item Onuphrius in opusculo de Cardinalibus, ante id tempus non consuevisse Romanum Pontificem ex Episcopis Cardinales creare, quia Episcopi erant Cardinalibus superiores. Apud S. Bernard. extant etiam epistolæ, quarum inscriptio sic habet: Episcopis, & Cardinalibus in Vrbe, aut Romana Curia commorantibus.

15. Respondetur quod si de potestate Ordinis loquitur, certum est Episcopum esse Cardinale non Episcopo maiorem, immo Presbyterum simplicem eadem potestate esse Diacono Cardinale superiorem; quoniam Episcopus in Sacramentorum administratione multa potest, quæ Cardinalis non valet; immo Presbyter potest etiam sacrosanctum Christi corpus consecrare, & alia etiam ministrare Sacramenta, quæ nequit Diaconus Cardinalis. Si autem loquamur de administrationis authoritate, & honoris dignitate, certum similiter est Cardinales longè præstare Episcopis. Cardinalium namque est, Romanum eligere Pontificem, ei à consiliis esse, arduaue totius Ecclesiæ negotia simul cum eo tractare. Hinc Cardinales Romanus Pontifex Fratres appellat, quorum consilio ait, se hoc, aut illud decernere; eos vocat sui corporis partem: cum enim à Curia Romana Cardinalis mittitur, dicitur Legatus à latere Apostolico destinari, ideoque in Prouincia, ad quam est missus, cæteris antecellit. Hinc in publicis Comitibus, supplicationibus, & aliis rebus huiusmodi, primi à Romano

Pontifice, Cardinales sedent, primi suffragium, ac sententiam ferunt, subscribunt,stant, & incedunt.

16. Hinc denique cæteri Ecclesiæ Prælati certis præstant Ecclesiis, Cardinales verò communi totius Ecclesiæ salutis consulunt, & student. Reliqui certas Ecclesias regunt: Cardinales autem similiter cum Papa totius Reipublicæ Christianæ negotia pertrahunt. Ex quibus, & aliis concludit Eugenius IV. in epistola ad Episcopum Cantuariensem, quam refert Iacobatus lib. de Concil. l. i. num. 25 §. 3. Cardinalem honoris dignitate esse Episcopo, Archiepiscopo, & Patriarcha superiorem, & in hoc sensu exponenda sunt quæ dicimus in nostra conclusione. Quæ verò à Ioan. Andr. Geminia. & D. Bernardo referuntur, intelligenda sunt de potestate Ordinis. Vnde infero, ex quo ius eligendi Romanum Pontificem ad sola Cardinalium suffragia redactum est, esse Cardinales paulatim honoris dignitate Episcopis, immo Archiepiscopis, & Patriarchis auteponi; paulatim (inquam) quia non statim summum gradum obtruncrunt, sed præcipuè post præfati Eugenij I V. seculum, nam ante illud, & ipsius etiam Pontificis vita durante verificantur, quæ de Ioan. Andr. Gemin. & Bernardo insinuauimus.

17. Tertia conclusio. Quæ sunt de Cardinalium familia possunt, de eorum licentia, Confessarium sibi eligere. ita tenent scilicet omnes DD. pro utraque præcedenti conclusione allegati, & plures alij. Probat, quoniam Commensales Cardinalium, ubicumque Cardinales reperiuntur, sunt (ut omnes fatentur) de consuetudine subiecti eisdem Cardinalibus, tanquam Ordinariis suæ familiæ curam habentibus. ergo de ipsorum licentia possunt sibi eligere Confessorem. Confirmatur,

¶ quia

quia ex communi Curie Romanæ praxi in Paschate, cum cuncti fideles sub præcepto in propriis parochiis tenerentur Eucharistiam sumere, tunc in privatis, ac domesticis Oratoriis Cardinalium eorum familiæ, ac commensales, ab ipsis, vel ab aliis, de eorum mandato, sacra reficiuntur communione, quod profectò haud eis liceret, nisi Cardinalium commensales, seu familiares eisdem essent, tanquam propriis, ac legitimis Ordinariis subiecti. ergo de ipsorum licentia possunt sibi similiter eligere quem maluerint in Confessorem.

18. Sed obijciat. Qui de familia sunt Episcoporum, non possunt extra propriam diocesim confiteri, nisi Episcopo diocesis, ubi commorantur, vel Parocho, ad cuius parochiam venerint, vel alteri de ipsorum licentia; ergo similiter illi, qui de familia Cardinalium sunt.

Respondetur, negando consequentiam, quia Episcopi non gaudent Cardinalium privilegio, ut benè insinuat Reginald. *ubi supra* num. 35. qui enim sunt de familia laica Episcoporum, existentes in aliena diocesi, subduntur in foro pœnitentiali Episcopo eiusdem diocesis, ut manifestè docet Paludan. *in 4. dist. 17. q. 3. art. 3. concl. 4.* & de familiis Episcoporum indifferenter agens Suar. *ubi supra, disp. 25. sect. 2. num. 12.* inquit, quòd habent proprium Sacerdotem ordinarium iuxta ius commune. At de familiis Cardinalium omnes asserunt, eisdem (ubi cumque degunt) tanquam suis Ordinariis subijci.

An autem hoc illis de iure, seu ex consuetudine cõpetat, quòd ad praxim attinet, non multum refert: certum tamen est, illos hoc privilegio gaudere, seu vti, quòd sufficit, quia pendet ex facto.

*An in Confessore eligendo præquiratur Ordinarij approbatio.*

1. **I**N hac quæstione suppono primò, anre Concilium Tridentinum, stando in iure antiquo, per generalem facultatem alicui concessam ad eligendum Confessorem, eligi posse quemlibet Sacerdotem iure naturali, seu diuino idoneum absque alia conditione, seu approbatione iure humano requisita. Hæc est communis sententia, quam tenet Palud. *in 4. dist. 17. q. 4. num. 17. & 18. & ibi Gabr. q. 2. art. 3. dub. 5.* Adrian. post *q. 5. de confess. dub. 1.* Caiet. *in sum. ver. absolutio.* Sylu. *ver. confessor 1. q. 5. Ang. confess. 3. num. 4. Anton. 3. p. tit. 17. c. 9. Sor. dist. 18. q. 4. art. 3. circa fin.* Med. *C. de confess. g. de Sacerd. alien. per Paroch. eligen.* Viator. *in sum. n. 150. & Nau. in cap. placuit, de penis. d. 6. num. 9. & sequentib.* ubi in eandem sententiam refert Panorm. *in Clem. de privileg. cum aliis*, quam sententiam sic probo, quia nullum ius potest in contrarium allegari; etenim in delegante erat potestas, quæ competit illi ex vi ordinariæ iurisdictionis, & non erat ligata, aut impedita (ut supponimus,) quia nec ex parte Pontificis, aut Episcopi, seu etiam Parochi nullum erat ius positivum prohibens illi delegacionem, immò neque nunc est, ut statim dicemus. Rursus ex parte alterius extremi, in Sacerdote erat capacitas, & nullum erat etiam ius specialiter requirens in eo alterutram ex duabus conditionibus, videlicet, vel quòd haberet in Ecclesia aliquam iurisdictionem ordinariam in hoc foro circa aliquem populum, qualem habet Parochus, vel quòd esset ab Episcopo approbatus

probatus tanquam idoneus. ergo manifestè sequitur, prædictam facultatem datam etiam per hæc generalia verba, *Sacerdotem idoneum*, non fuisse limitandam, aut necessariò interpretandam de Sacerdote declarato idoneo publica autoritate alterutro ex dictis modis, præsertim, quia sufficienter posset aliis modis constare de idoneitate Confessoris, scilicet per experientiam, aut publicam famam, seu notitiam, aut per aliorum fide dignorum testimonium. Et quamvis verum sit, ex concessione generali sic intellecta potuisse sequi aliquot non parui facienda incommoda, hinc tamen solum infertur pertinuisse ad curam Pastorum Ecclesiæ illum non concedere sine maiori declaratione, aut circumspectione. Vnde ad hæc evitanda pericula, seu inconuenientia condidit Concilium Tridentinum ius statim explicandum.

1. Suppono secundò certum esse, post decretum Concilij Tridentini *sess. 23. cap. 15. de reformat.* non sufficere, ut personæ Sacerdotis, cui deleganda est iurisdictio, in hoc foro, habeat omnia requisita ex diuino, seu naturali iure ad hoc ministerium peragendum, nisi de hoc etiam habeat specialem Ecclesiæ approbationem nouo illo iure decretam. Sunt igitur verba Concilij, quæ sequuntur. Quamuis Presbyteri in sua ordinatione à peccatis absoluedi potestatem accipiant, scilicet potestatem Ordinis in corpus Christi mysticum (ut superius declaratum est;) decernit tamen sancta Synodus nullum, etiam Regularem, posse confessionem secularium etiam Sacerdotum, audire, nec ad id idoneum reputari; nisi, aut parochiale beneficium, aut ab Episcopis per examen, si illis videbitur esse necessarium, aut aliàs idoneus iudicetur; & approbationem, quæ gratis detur, obrineat, priuilegiis, & consue-

tudine quacunque etiam immemorabili, non obstantibus. In quo decreto duo insinuantur modi Sacerdotem idoneum designandi, scilicet per beneficium parochiale, vel Episcopali approbationem, quorum quilibet per se sufficit; aliquis tamen ex illis omnino necessarius est. Quòd autem quilibet illorum sit satis, non tam fuit à Concilio introductum, quàm retentum, quia semper illi duo modi approbationis habuerunt in Ecclesia magnam auctoritatem. At, quòd aliquis eorum sit omnino necessarius, nouum est, & à Concilio introductum, ut patet ex primo notando, & indicatur in illis verbis Concilij, *decernit sancta Synodus*. Vnde colligitur, omnes Sacerdotes, qui non habent parochiale beneficium, cuiuscunque Ordinis, status, aut dignitatis existant, indigere Episcopi approbatione, ut possint hoc munus exercere. Concilium enim vniuersaliter loquitur, & nullum excipit, sed ampliat potius etiam ad Regulares, quamuis non loquatur respectu omnium pœnitentium, sed secularium tantum, ut constat.

3. Suppono tertio Concilium generaliter, & indifferenter postulare hoc genus approbationis ad exercendum munus Confessoris, quacumque ratione ei iurisdictio sit deleganda: non enim dicit, ut eligi nequeat in Confessorem qui non fuerit sic approbatus, sed simpliciter ait, non posse audire secularium confessiones, neque ad id idoneum reputari. Igitur siue sit à pœnitente eligendus, siue à proprio Sacerdote accepturus iurisdictionem, semper supponenda est hæc approbatio. Vnde, quamuis aliqui asseruerint excipiendos esse eos, qui publicum habent scientiæ testimonium per gradum Doctoratus in Theologia, seu iure canonico, aut per publicam facti, seu do-

Ætæne euidentiā; hoc tamen est improbabile, quia hoc est ius positium, cui standum est, & Concilium expressè excludit omnem alium modum, dicens: neque ad id idoneum reputari, nisi, &c. voluit enim esse hanc approbationem aliquo modo iuridicam, seu ex potestate iurisdictionis. atque aded illam non concessit Academicis, nec publicæ opinioni, aut existimationi, sed Episcopis, ad quos etiam pertinet Parochorum approbatio, & meritò, quia Episcopi sunt animarum pastores, & multa profectò requiruntur ad hoc munus, quæ tam Doctoribus, quàm iis, qui publicè existimantur docti, facile deesse possunt. Sed maius posset oriri dubium de quibusdam personis ecclesiasticis in altiori dignitate constitutis, ut sunt Cardinales, & Episcopi consecrati, nullum verum habentes Episcopatum, & si qui sunt alij similes. Attamen cum Concilium nihil excipiat, sed simpliciter, & sine vlla additione dicat, *nullum*, neminem censet excipiendum ratione consecrationis, aut dignitatis, nisi quatenus habet annexam aliquam animarum curam. His suppositis, sit

4. Prima conclusio. Episcopi extra propriam diocesim non possunt aliquem non subditum eligere in Confessorem, qui à proprio Diocesano nõ fuerit adhuc ad formam huius decreti Concilij admissus, & approbatus ad audiendas confessiones. Hanc conclusionem in primis defendunt Azor *suprà* citatus, Suar. *tom. 4. disput. 28. sect. 4. num. 7. & 8.* & Vasq. *tom. 4. q. 93. art. 2. dub. 5. num. 5.* Sed probatur manifestè ex declaratione Cardinalium Congregationis eiusdem Concilij, quam refert Stephan. Quarant. in *sum. Bullar. verb. Archiepiscopi potestas, in addit. lit. A.* cuius etiam declarationis mentionem faciunt Azor. & Suar. *ubi suprà*,

& est huiusmodi: S. D. N. audita relatione Congregationis Cardinalium declarauit Episcopum vigore priuilegij, de quo *in cap. fin. de pænis. & remiss.* non posse sibi eligere Sacerdotem sibi non subditum, qui à proprio Diocesano non fuerit adhuc ad formam huius decreti admissus, seu approbatus ad audiendas confessiones. in qua declaratione expressè nostra definitur conclusio.

5. Immo, stando solùm int verbis prædicti decreti Concilij probatur secundò, quia verba Concilij vniuersalia, & generalia sunt: ergo neminem excludit Concilium, exceptis Regularibus solùm, cum de pœnitentibus loquatur, ut constat. Vnde, ut referunt Azor. & Suar. *ubi suprà*, dicentes, sic inter declarationes Cardinalium Congregationis super Concilium Tridentinum editas haberi, cum Romæ dubitatum fuisset, an Prælati habentes à iure facultatem eligendi Confessorem, Sacerdotum nomine comprehendantur? & huiusmodi dubium fuisset in Congregatione discussum, cui decem Cardinales aderant, & quinque eorum in partem negatiuam, quinque verò in affirmatiuam inclinassent, consultus tandem de hac re Summus Pontifex Gregorius XIII. respondit, in re dubia, potius, ac tutius esse decreto Concilij Tridentini, quàm Episcopis adhærere.

6. Sed obiicies primò, Priuilegium in iure contentum non intelligitur derogari per generalem clausulam: non obstantibus priuilegijs, &c. quia vtitur Concilium, ut est communis regula Canonistarum, & videre licet in Deci. *conf. 165.* sed Episcopis (ut diximus *quæstione præcedenti*) comperit facultas eligendi Confessorem per priuilegium in iure contentum, ergo non est derogatum à Concil. Tridentino; & confirmatur,

matur, quia nomine Sacerdotis simpliciter dicti non comprehenditur Episcopus, præsertim in materia odiosa, & restringente, qualis est hæc. Sed non potest sub alio nomine comprehendendi, ut *infra* insinuabitur. ergo nullatenus.

7. Respondetur Decretum Concilij non derogare illi priuilegio Prælatorum, priuilegium enim expressè dicit, ut possint illi eligere Sacerdotem idoneum, & hoc integrum manet. Neque Concilium id in totum, vel in partem abstulit, ut *infra* magis elucidabitur: sed solum ex parte Confessoris posuit conditionem necessariam, ut idoneus sit, & capax. & hæc conditio vniuersaliter posita est respectu omnium sæcularium, inter quos hi Prælati continentur, quamuis sint Sacerdotes. Et ad confirmationem

Dico primò, quòd Sacerdos nomen est honoris, ac dignitatis. 21. *diff. cap. clericos.* & Episcopi olim Sacerdotes appellabantur. 95. *diff. cap. olim.*

Dico secundò, non posse hanc materiam propriè dici odiosam, sed fauorabilem, siquidem in fauorem est Sacramenti, & conscientie, nullumque ius propriè aufert Episcopum.

8. Obiicies secundò, Episcoporum est approbare Confessarios. ergo non est credibile, Concilium Tridentinum sustulisse Episcopis priuilegium eligendi Confessorem arbitratus suo; maius enim quid est, Confessarios approbare, quàm liberam habere facultatem eligendi Confessorem; & confirmatur, quia in decreto Concilij videntur abrogari solum Confessariorum facultates, non Prælatorum.

Respondetur concedendo, quòd sicut ad Episcopos pertinet, ut sibi subditos tantum possint approbare in Confessores, ita Episcopis etiam licet ex eisdem eligere quos maluerint, ut

illis consintantur, sed non ex aliis, absque diocesani approbatione.

Ad confirmationem autem ex solutione primæ obiectioni data patet quid sit dicendum.

9. Obiicies tertio, Si prædicta approbatio esset simpliciter necessaria, non solum esset necessaria necessitate præcepti, sed etiam necessitate Sacramenti: at in casu nostro hoc non est dicendum. ergo saltem non est simpliciter necessaria, sed per accidens. Probo maiorem, quia si solum esset necessaria necessitate præcepti, tunc saltem cessante in dispositione, seu mala conscientia penitentis, si eum bona fide accedat penitens ipse ad confessiones, valida erit confessio. ergo iam non esset simpliciter necessaria prædicta approbatio. Minorem etiam probo, quia de necessitate Sacramenti, duplex tantum potestas requiritur in Ministro, ordinis, & iurisdictionis. Sed prædicta approbatio in casu nostro conclusionis ad neutram istarum pertinet, ut iam ex dictis constat. ergo non est dicendum quòd sit de necessitate Sacramenti. Probo consequentiam, quia Ecclesia nihil potest addere Sacramentorum institutioni, quòd sit simpliciter necessarium.

10. Respondetur concedendo maiorem, & eius probationem. Sed negatur minor, & ad probationem dicimus, in Ministro requiri prædictam duplicem potestatem, ad quarum nullam ex natura rei pertinet approbatio prædicta. Sed negatur consequentia, quia iurisdicctio (ut iam superius insinuauimus) homini per hominem communicatur. Potest ergo Ecclesia præscribere modum communicandi hanc iurisdictionem, & statuere conditionem aliquam, sine qua talis persona sit inhabilis ad iurisdictionem suscipiendam, seu (quod perinde est) sine qua collatio iurisdictionis

risdictionis irrita sit, & nullius valoris. Denique, cum hæc iurisdicção à potestate Pontificis præcipue manet, potest ipse non delegare iurisdictionem, nisi personæ habenti talem conditionem, omnisque Pastores inferiores priuare potestate illam aliter delegandi.

Ac demum, ad probationem consequentiæ responderetur hinc non sequi, Ecclesiam addere aliquid Sacramento- rum institutioni, sed præscribere modum, quo minister sit capax.

11. Secunda conclusio, Cardinalis non potest aliquem, qui suæ non sit familiæ, eligere sibi, vel suis commensalibus in Confessorem, sine præuia Ordinarij approbatione, iuxta formam Concilij Tridentini. Possemus in primis, in huius concessionis probationem adducere quorundam opiniones DD. qui stando adhuc in iure antiquo, & indifferenter loquentes de quocunque habente facultatem eligendi Confessorem asseruerunt, in Sacerdote eligendo fuisse necessariam alterutram ex duabus conditionibus, scilicet, quod haberet beneficium parochiale, vel quod esset ab Episcopo approbatus tanquam idoneus. ita tenuit glossa in cap. si Episcopus, de pœnit. & remiss. in 6. & gloss. in cap. omnia utriusque sexus, verb. alieno. ac etiam gloss. in Clem. 1. de priuileg. speciali, quam omnes Interpretes ibi esse secutos vsque ad Panor. exclusi- uè, ait Nauarr. in cap. placuit, de pœnit. supra in principio huius questionis citatus, qui etiam refert Capell. Tholos. de- cis. 221. idem secutus est Canu. relect. de pœnit. p. quinta, §. quoque, & indicat Ricard. quatenus cum Henric. quolib. 10. q. 4. inquit esse contra rationem, & bonum Ecclesiæ, iudicium Confessoris idonei committere pœnitentibus. Et quamuis oppositam sententiam, vt communem, & probabiliorem secuti sumus in primo notando, posset tamen

ex illa sic confici argumentum: Si in iure antiquo, in quo de huiusmodi approbatione nihil præscribitur, adhuc tot authores, tantaque existimationis omnino, & sine vlla limitatione eam tunc requiri sibi persuaferunt. ergo à fortiori dicendum est, eandem profectò requiri post Concil. Tridentinum, in quo prædicta approbatio expressè præscribitur.

12. Possemus etiam in eiusdem conclusionis approbationem adducere Domin. de Sor. & Ios. Angel. Valent. ubi supra in quest. præced. citatos, necnon alios quamplures; quibus breuitatis causa omillis, præsertim, cum de hac materia non satis distinctè egerint, nostram conclusionem expressè, & absque vlla limitatione potissimum defendunt Suar. & Azor. in locis supra allegatis. qui quidem in hac parte magni sunt faciendi, tum ob eorum acutissimum ingenium, & nimiam in scribendo solertiam, summa cum pietate, & distinctione coniunctam, vt eorum opera (quæ apud omnes vbique terrarum maximè sunt autoritatis) apertè testificantur; tum etiam, quia primus in suo 4. tomo materiam istam satis diffusè tractauit, & nouissimè post longam discussionem typis illam mandauit; secundus verò, quia cum Romæ per multos annos vitam traduxerit, sua institutionum moralium Commentaria ibidem in litem edidit, & cum nonnulla, quæ correctione videbantur digna, ex eisdem fuerint ipso viuente, & de ordine Summi Pontificis Clementis Octau. (antequam typis essent mandata) dempta, vel etiam mutata: prædicta tamen sua opinio intacta, Summo Pontifice sciente, & nullatenus contradicente, simul cum aliis suis institutionibus moralibus, in lucem prodit. Quid dicam? nullus, quem ego legerim, ex prisca, modernisve auctoribus, contrarium hucusque circa præsentem

sentem materiam distinctè saltem ausus est in suis scriptis propugnare.

13. Sed probatur iam conclusio ex verbis eiusdem Concilij, & responsione Gregor. XIII. quibus supradicta prima conclusio probata est; utriusque enim (quantum ad hoc) eadem est ratio, atque ut veritas illius firmius constet, nonnullas adducam, & solam obiectiones.

14. Obiicies primò. Cessante ratione motiva legis, lex quoque cessat, ut habetur *l. adigere. §. quamvis. ff. de iurapatrianatus. & cap. cum cessante, de appellat.* Sed respectu Cardinalium cessat ratio motiva prædicti decreti Concilij Tridentini. ergo illos non comprehendit. Probo minorem. Ratio motiva dicti decreti potissimum fuit, providere fidelibus de Confessore idoneo, & ad plura præcauenda incommoda hoc iudicium reservavit Episcopis, quorum prudenti sollicitudini animarum salus præcipue committitur. Sed hæc ratio nequit adaptari Cardinalibus: tum quia nec Cardinales, nec eorum familiæ subsunt Episcopis, ut constat; unde fortasse Concilium (ut notat Suar.) ideo noluit subiacere Regulares Episcopis quoad confessiones, quas ipsi inter se faciunt de peccatis suis, quia habent proprios Pastores, à quibus gubernantur; tum etiam ob eorundem eminentem dignitatem, & assistentiam etiam apud Summum Pontificem pro totius Christiani orbis gubernio, ut insinuavimus *quæstione præcedenti*; dedecens enim satis videtur ut illis, quorum consilio Summus Pontifex utitur pro totius Ecclesiæ regimine, non committatur approbatio Confessoris sibi, ac suæ familiæ eligendi; sed egeant iudicio, & approbatione aliorum, qui sibi sunt dignitate inferiores. ergo non comprehendit illos ratio motiva, ac consequenter nec ipsum decretum.

15. Respondetur negando minorem, &

Ad primum probationis membrum dico, quòd approbatio diocesani requiritur in Confessore, non solum quando poenitens subest iurisdictioni illius, sed etiam quando Confessor eiusdem est subditus: atque idè, licet Cardinalis, & eius commensales non subsint Episcopis diocesanis, sat est, quòd subsit Confessor eligendus; quod non verificatur de Confessore regulari respectu Regularis poenitentis.

Ad secundum membrum respondetur nullam in hoc fieri iniuriam sublimi Cardinalium dignitati, & eminentiæ, sicut nec Episcopis, aut Archiepiscopis, quando extra proprias diöceses commorantur, quoniam eorundem privilegium semper integrum manet, ex parte tamen Sacerdotis requiritur, ut de eius idoneitate constet per approbationem quasi iuridicam, quam soli Prælati ordinarij in sibi subditos possunt exercere.

16. Obiicies secundò, quia iuxta doctrinam Nauarr. *in sum. cap. 4. num. 7.* & Suar. *disp. 28. sect. 4. num. 5.* & aliorum, Regulares cum peregrinantur, possunt quidem, sicut antea poterant, ex vi suorum privilegiorum, saltem de licentia suorum Prælatorum eligere sibi in Confessorem Sacerdotem etiam alterius Ordinis, esto Episcopi non habeat approbationem; igitur à fortiori idem est dicendum in casu nostro quoad Cardinales.

Respondetur negando consequentiam, quoniam, ut ex contextu Concilij apparet, nihil mutatur quoad illos, & à iure antiquo non est recedendum, nisi quatenus invenitur expressum. *l. præcipimus. C. de appell. & cap. 2. de translat. Prælat.* Congruentiam autem indicat ipse Nauarr. ex eo, quòd Religiosis facile est invenire Confessorem idoneum. tum quia,



quia, regulariter loquendo, conscientia minus onerata peccatis habere debent. tum etiam, quia Concilium præsumpsit illos fore cautiore, ac prudentiores, diligentioresque in Confessoribus eligendis, atque ideo cessant verba legis, & ratio etiam motiva, qua sola cessante, lex quoque cessat, ut iam supra insinuauimus.

17. Obiicies tertio. Nulla lex, quantumuis generalis, præcipue in materia odiosa, se extendit ad alios casus, quam eos, ad quos se extendunt verba eius, secundum propriam significationem; sed prædicti decreti verba non se extendunt ad Cardinales. ergo nec dispositio eius. Maior patet ex *l. cum lege*, adiecta glossa, & doctrina Franc. Aret. *ibi col. 3. ff. de testam.* quam Dec. *in l. factum. §. in penal.* Alciat. *in rubr. de verb. signif. in princ.* & alij sequuntur. Minorem probabo, quia si verba decreti extenderentur ad Cardinales, profecto alia non essent, nisi verbum *secularium*, & verbum *Sacerdotum*; sed hæc non se extendunt ad illos, ergo nulla. Et probabo sic de utroque non primum, quia, ut notauit Rebuff. *in com. l. mulieris appellatione 13. in ordine, de verb. signif.* iuxta regul. Cancellariæ, appellatione *secularium* Principes laici non comprehenduntur, nisi exprimantur. ergo à fortiori nec Principes ecclesiastici, ut sunt Cardinales. Nec secundum, quia, iuxta communem Iuristarum doctrinam, dictio illa, *etiam Sacerdotum*, sicut est ostensua extensionis; & ampliacionis gradus *secularium* usque ad Sacerdotes; ita pariter est demonstratiua limitationis, & restrictionis, ne videlicet intelligatur dispositio de *secularibus* superioris gradus, quam Sacerdotes, ergo non comprehendit eos, qui sunt superiores Sacerdotibus, nimirum Cardinales, & Episcopos. Antecedens patet ex notatis per Rebuff. *loc. citat.* Confe-

quentiam probabo, quia per dictam extensionem, sicut casus magis dubitabilis exprimitur, ita minus dubitabilis includitur, siue implicatur, facit *l. fol. mar. & explicuit Laud. Gosand. conf. 73. circ. dub. num. 31.* Sed Concilium interdicens Confessoribus non habentibus parochiale beneficium, ne absque Dicesani approbatione possint confessiones *secularium* audire, expressit casum magis dubitabilem, dicens, *etiam Sacerdotum*, ut explicaret, ad quem usque *secularium* gradum decretum illud extendatur. ergo iuxta mentem Concilij non sunt in dicto decreto inclusi, nisi casus minus dubitabilis; quales sunt *seculares* quicunque, etiam ecclesiastici Ordinis, dummodo sint Sacerdote inferiores; & probabo, quoniam certius semper fuit, Cardinales, cæterosque Prælatos exemptos posse sibi eligere Confessorem (siue hoc illis competat de iure, siue ex consuetudine) quam id posse Sacerdotes simplices, quibus nulla scripta, aut ore tenus concessa Pontificum opitulabatur facultas. ergo magis dubium erat de facultate Cardinalium, cæterorumque Præfulum, quam simplicium Sacerdotum; & per consequens, si Concilium veller comprehendere Cardinales, ac Episcopos, addidisset, *etiam Cardinalium, &c.*

18. Respondetur negando minorem, &

Ad primum memb. probationis respondeo, illud à Rebuff. annotatum intelligendam fore in materia odiosa; hæc autem non est huiusmodi, sed fauorabilis, quia est in fauorem Sacramenti, & conscientie, ut diximus supra.

Ad secundum membr. dico primo, quoddam stante præfata Cardinalium declaratione, & Gregor. XIII. responsione, non licet iam in dubium reuocare, an sub appellatione Sacerdotum compre-

comprehendantur Prælati exempti, vt Episcopi, & Cardinales etiam, si tamen sint Sacerdotes, alioquin sub appellatione secularium intelligentur: & reuera (vt superius diximus) cum hoc sit ius positium, eiusdem verbis est simpliciter standum.

Dico secundò, quòd omnia hîc adducta in contrarium nostræ conclusionis, exponenda sunt de lege exorbitante, ac odiosa, & quando verba legis secundum propriam significationem non extenduntur ad alios casus etiam magis dubitabiles. Vnde nihil concluditur contra nostram conclusionem, quia dispositio prædicti decreti non est exorbitans, aut odiosa, sed fauorabilis (vt sæpè dictum est.) Verba etiam ipsius decreti secundum propriam significationem extenduntur ad alios casus magis dubitabiles, vt similiter ostendimus, ita in simili aduertit Nauar. lib. 5. de priuileg. conf. 13.

19. Quartò obijciens, quia si (vt DD. tam Theologi, quàm Canonistæ communiter asserunt) fideles quicumque possunt (vbique locorum inueniantur) confiteri Sacerdoti approbato à diocesano, quid (obsecro) priuilegij superest Cardinalibus, ac cæteris Prælati exemptis, si adhuc pro ipsorum audiendis confessionibus necesse est, vt Confessarius eligendus habeat diocesani approbationem?

Respondetur, post Concilium Tridentinum, facultatem, qua Cardinales, ac Episcopi funguntur in Confessore eligendo, referuari in hoc, quòd quicumque actualiter habens beneficium parochiale, potest ab illis eligi in Confessorem, non solum intra suam diocesam, sed etiam extra. Potest similiter ab eisdem eligi in Confessorem quicumque approbatus à suo Ordinario, etiam in aliena diocesi: quoniam, sicut Curatus, ratione beneficij, censetur le-

gitimè approbatus, & ratione talis approbationis est capax, vt vbique ab habente facultatem eligatur in Confessorem; ita etiam dicendum est de eo, qui ab Ordinario suo est approbatus, quamuis eligatur in aliena diocesi, vt in sequenti questione latius ostendemus, iuxta probabilem aliquorum doctrinam.

20. Tertia conclusio. Cardinales ex sibi subditis, seu Commensalibus, adhuc post Concilium Tridentinum possunt sibi, & suis familiis eligere quem maluerint Sacerdotem idoneum in Confessorem, absque vlla præuia diocesani approbatione. Hæc conclusio valde probabilis est, & mihi sanè videtur satis rationi consona, & in eius fauorem possunt adduci Caiet. in sum. ver. absolutio 2. num. 9. & Regin. lib. 1. sua prax. penit. cap. 5. scilicet. 1. num. 32. & alij, quos silentio prætermitto, quia nec ex allegatis, nec ex aliis inueni aliquem qui d: nostram conclusionem post Concil. Tridentinum distinctè defendat, neque etiam impugnet. Eam tamen non improbat vius ostendit, quoniam praxis Romanæ Curie communiter recepta, Summo Pontifice vidente, vel sciente, & non contradicente, satis sufficiens signum esse videtur eiusdem supremi Pastoris taciti saltem consensus, cuius adminiculo suffulta consuetudo iam multis ab hinc annis introducta, & obseruata nostram comprobatur conclusionem. Sed istam insuper sic probò, quia; si Episcopis licet ex sibi subditis eligere quem maluerint in Confessorem, nulla alterius diocesani requisita approbatione, quâuis extra propriam diocesim inueniatur (vt omnes plerumque fateantur) & colligitur ex supradicta Cardinalium declaratione, ergo & Cardinalibus idem similiter licet ex suis Commensalibus; vtrorumque enim par ratio est.

est. Probo consequentiam, quoniam Commensales Cardinalium sunt eisdem subditi in spiritualibus, ut sæpe diximus, & ferè omnes communiter affirmant. Hinc etiam sequitur, posse eosdem Commensales de Cardinalium licentia alicui ex ipsismet confiteri, absque vlla alterius Ordinarij prævia approbatione. Probo consequentiam, quia Commensales Cardinalium sunt ipsis (vbi cumque commorentur) tanquam propriis Ordinariis immediate subiecti.

21. Sed quæres, an si Cardinalis habeat Commensalem Sacerdotem regularem aliis exemptum, possit eundem, tanquam sibi quodammodo subditum, eligere sibi in Confessorem, necnon cæteris suæ familiæ; similiter deputare, absque alterius Ordinarij approbatione?

2. Responderetur affirmatiuè, quoniam sicut (teste Suar. tom. 4. disput. 28. sect. 6. num. 14.) Episcopus potest sibi in Confessorem eligere Sacerdotem regularem suæ diocesis, vti que ratione domicilij, seu habitationis sibi aliquo modo subiectum: ita pariter poterit Cardinalis sibi, suæque familiæ in Confessarium eligere Sacerdotem regularem, quamvis exemptum, si suæ sit familiæ licito modo adscriptus. Probatur, quoniam vtriusque par ratio videtur; siquidem non minus aliquis ratione huius commensalitatæ Cardinali quodammodo subiacet, quam alius subest Episcopo ratione domicilij, seu habitationis. Non est igitur Cardinali denegandum, quod Episcopo conceditur, præsertim cum prior sit superioritas illius in suos Commensales, quam istius in propriam familiam, ut in questione præcedenti concl. 3. proposuimus ostendimus.

## DVBIUM XXIV.

*Cuius Ordinarij approbatio necessaria sit, & sufficiat, ut Confessor eligendus, simpliciter reputetur idoneus.*

1. Suppono primò, eum, qui parochiale habuerit beneficium, iuxta intentionem Concilij, simpliciter reputari idoneum in tota Ecclesia, quidquid in cõtrarium opinetur Gutierrez lib. 1. can. quest. cap. 27. num. 1. Quævis enim confessiones alienarum ouium non possit quis audire, absque suorum Pastorum licentia, ob defectum iurisdictionis, si aliunde ei conferatur, nempe per Bullas, vel alio modo; hanc fuisse sententiam quorundam Prælatorum non minus personæ qualitate, quam doctrinæ præstantia insignium qui interfuerunt Concilio, immò omnium Theologorum, & Iurisperitorum Salmanticensium, refert Henricus lib. 7. de Indulg. cap. 12. testatur etiam Suarez tom. 4. disp. 28. sect. 4. num. 18. Probatur autem sic, quia si extra diocesim non posset eligi, extra suam parochiam similiter non poterit eligi, quod sanè incredibile est, & contra communem DD. sententiam. Confirmatur, quia quoad hanc partem Concilium non tam constituit ius nouum, quam retinuit antiquum, cum esset sufficienti ratione fundatum, ut supra ostendimus. Igitur idem ius nunc perseverat; non enim ab antiquo iure est recedendum, nisi quatenus id in nouo exprimitur, vel inter se pugnant; hæc autem nihil huiusmodi intercedit, immò verba Concilij hanc requirunt declarationem.

2. Suppono secundò nomine Episcopi in Concilio, intelligendum fore quemcumque Prælatum exemptum iurisdictionem Episcopalem habentem in

in populum fidelium. Vnde nec Episcopus tantum electus, nec etiam consecratus, si Episcopatum non habeat, nec demum Prouinciales, aut Generales Religionum approbationem huiusmodi dare possunt, quia neuter istorum habet iurisdictionem Episcopalem, & ordinariam in populum fidelium; potest tamen eam impendere Episcopus electus, & confirmatus, licet nondum sit consecratus, modò habeat Episcopatum, quia iam iurisdictionis actus exercere valet. Idem est similiter dicendum de Vicario Episcopi, quia viuis cum ipso ceusetur, illius siquidem iurisdictione vtitur. Immo de Capitulo, Sede vacante, non est dubium, quin possit Confessores approbare, atque exponere; tum quia vsus communiter receptus hoc satis indicat, id enim efficit per Vicarium suum; tum quia hic actus approbandi non est actus Ordinis Episcopalis, sed iurisdictionis, non sibi specialiter à Pontifice delegata, sed ordinaria: hoc enim Episcopis tribuit Concilium ratione sui muneris. Idem ergo potest exercere Capitulum, quod Episcopo succedit in iurisdictione non tamquam inferior, sed æqualis, vt tradunt Canonistæ in cap. olim, de maior. & obed. vbi Felin. vers. 6. videri etiam potest.

3. Suppono tertio, quòd de Abbatibus, qui exercent Episcopalem iurisdictionem, ita vt, quoad ordinariæ iurisdictionis actus, sint ab Episcopis exempti, idem etiam est sentiendum. Tum quia id vsus per tot secula, absque vlla contradictione continuatus manifestè confirmat, qua facultate non est verisimile vsos fuisse, nisi essent in hoc decreto comprehensi. Tum, quia in huiusmodi Abbatibus nullus Episcopus potest exponere Confessores: non est autem verisimile hoc esse. Papæ reservatum, ergo est commissum Abbati.

Confirmatur, quia, vt rectè notauit Nau. sum. cap. 12. num. 75. huiusmodi Prælati possunt in votis, quæ Episcopis reseruantur, dispensare; igitur idem erit dicendum in casu, de quo agitur, ac subinde constat, verum esse quod hic supponimus, nimirum nomen Episcopi in hoc decreto iurisdictionem potius respicere, quam consecrationem.

4. In hac igitur questione sunt varij modi dicendi.

Primus est Henriq. lib. 7. de Indulg. cap. 12. §. 4. & Ledesm. sum. p. 1. tract. de penit. cap. 13. concl. 1. dub. 7. in responsione ad 4. asserentium nullius Episcopi determinatè requiri approbationem, sed confusè alicuius, & cuiuslibet sufficere. Itaque, si Sacerdos sit ab aliquo Episcopo approbatus, id satis est, siue ille sit Episcopus loci, siue Confessoris siue penitentis, qui aliquando coincidunt, & aliquando omnino distinguuntur. Henriq. eandem opinionem tribuit Metinæ 1.2. q. 19. n. 6. circa finem. Palat. in 4. dist. 17. q. 7. & Cordub. sum. cas. 10. Met. tamen solum ait opinionem istam esse probabilem; Palat. verò ibi solum inquiri, Sacerdotem per Bullam eligendum debere esse approbatum ab Ordinario, iuxta tenorem Tridentini. Posset autem opinio ista probari; tum quia non sunt multiplicanda onera sine lege, vel ratione cogente: esset autem nimis onerosum exigere approbationem vtriusque Ordinarij, Confessoris nimirum, & penitentis, quando illi sunt diuersi; cum id neque Concilium requirat, neque ratio conuincat: tum quia vbilex non addit determinationem, nec nos addere debemus. Sed Concilium nil aliud requirit, nisi vt Sacerdos eligendus sit ab Ordinario approbatus, igitur cuiuscumque Ordinarij approbatio sufficit absque vlla determinatione huius, vel illius, præsertim cum

Concilium quoad hanc partem restringar quodammodo priuilegia, & antiquam liberratem; arque ideo ex hac parte lex illa stricti iuris esse videatur. & reuera quoad Confessores regulares idem videtur sentire Cordub. *in addit. ad comp. ver. absolutio quoad seculares.* §. 16.

§. Verùm, quicquid sit de Regularibus, de quibus postea dicemus, hæc opinio sic vniuersaliter intellecta videtur mihi regulariter falsa, & satis periculosa: falsa quidem, quia obstant illi expressè tres declarationes, duæ videlicet pontificiæ, & altera Cardinalium sacræ Congregationis Concilij.

Prima fuit iam à nobis referta *dubio præcedenti*, cùm ostendimus, Episcopum non posse sibi eligere Sacerdotem sibi non subditum in Confessorem, nisi à proprio Ordinario fuerit admissus.

Secundam in fauorem Regularium ediram refert Suar. *tom. 4. disput. 18. sect. 6. num. 6.* quæ est huiusmodi. S. D. N. declarauit, tempore Iubilæi, posse omnes Regulares confiteri peccata sua secularibus approbatis ab Ordinario ad audiendas confessiones; in Bulla enim non fit mentio nisi de Ordinario eorum, qui audituri sunt confessiones; non autem de Ordinario poenitentium.

Tertiam adducit Rodriq. *in expos. Bull. Crucia. §. 9. dub. 1. num. 5.* referens, Patriarcham Archiepiscopum Valentinum consuluisse de hac re præfatos Eminentissimos DD. Cardinales, cōsque ita respondisse: Congregatio Concilij respondet approbatum ab alio, quàm à Valentino Episcopo in Valentina diocesi, non censi approbatum ab Ordinario. Hanc verò responsionem restatutidem Rodr. se vidisse, & legisse in suo originali. Ex his igitur satis aperè deducitur falsitas præcitæ opinionis: quomodo autem

sint inter se conciliandæ dictæ declarationes, dicemus *infra*. Videtur etiam eadem opinio satis periculosa ob multa, quæ inde insurgunt inconuenientia, & absurda; sequeretur enim posse aliquem poenitentem eligere Confessorem, qui nec ab Ordinario ipsius poenitentis, nec Confessoris, nec loci esset approbatus, sed ab alio Episcopo extraneo, quod magnum esset absurdum. Quomodo enim credibile est, posse Episcopum aliquem exponere Sacerdotem sibi non subditum ut in vniuersa Ecclesia habendus sit idoneus ad confessiones audiendas? aut quo iure data est talis potestas Episcopo alieno? Sequeretur insuper Confessores regulares, etiam non Mendicantes ab vno Episcopo approbatus posse ubique terrarum confessiones secularium audire virtute suorum priuilegiorum. quod esse contra Pij V. & Gregor. XIII. pontificias determinationes ostendimus *suprà*, & plura alia sequerentur absurda.

6. Hinc Suarez *ubi suprà sect. 7. n. 3.* vt hæc opinio probabilitatem habeat, censet restringendam esse ad probationem simpliciter, quam putat solum ab Ordinario Sacerdotis dari posse, quia solus ille habet in ipsum propriam, & directam iurisdictionem, quæ ad talem actum necessaria videtur. Pro cuius explicatione notat dictus author, dupliciter posse aliquem Sacerdotem ad audiendas confessiones approbari.

Vno modo secundum quid tantum, id est, ad certum tempus, vel pro talibus personis, & tunc approbatio illa non sufficit ultra terminos concessionis, vt docet ipse author, & communiter omnes. Ratio est, quia approbatio commissæ est Episcopo, arque ideo non plus valet, quàm ab illo data est, itavt si ad determinatum locum sit data, extra illum non valeat; & talem arbitra-

tur

tur hic author approbationem datam ab Episcopo pœnitentis, qui non est Ordinarius ipsius Confessoris; ille enim respectu solum potest eum pro suis subditis approbare. Idem similiter dicendum existimat, si approbatio data etiam ab Episcopo proprio ipsius Sacerdotis, limitatè daretur pro sua sola diœcesi: tunc enim esset similiter approbatio secundum quid, & consequenter etiam virtute Cruciatæ posset talis Sacerdos eligi solum ab iis, pro quibus approbatus est à suo Ordinario.

Alio modo posset approbari simpliciter, id est, sine vlla temporis, personæ, aut loci restrictione, quia si proprius Ordinarius vellet, absolutam posset dare approbationem, declarando hanc personam esse simpliciter idoneam ad hoc ministerium; id enim non excedit eius iurisdictionem, cum declaratio ista sit per modum cuiusdam iudicii, vel sententiæ, quæ absolute dari potest de persona ab habente in illam directam iurisdictionem, abstrahendo ab omni respectu ad loca, vel personas. Vnde posset dici talis Episcopus tunc dicere ius extra territorium suum: sententia namque in vno loco data quatenus suo modo adhæret tali personæ, ubique locorum habet effectum, qui cum illo quodammodo incedit. Sic excommunicatus ab vno Episcopo, est ubique excommunicatus, & Doctoratus in vna Academia, ubique habet publicum scientiæ testimonium, & sic de aliis. Quibus præhabitis respondet dictus author prædictam opinionem esse veram, si loquamur de approbatione simpliciter facta ab Ordinario Confessoris, & non aliter.

7. Hæc expositio, seu limitatio mihi nec vera, nec probabilis videtur; & miror equidem Suar. virum aliàs oculatissimum, rem adeo grauem ita inani

innixam fundamento asserere. Nam in primis valde dubium, & incertum est, ac præter communem tam Theologorum, quam iuris canonici Professorum doctrinam Ordinariū Sacerdotis posse illi approbationem absolutam, & simpliciter pro tota Ecclesia sufficientem dare; quod si concederemus, difficile posset idem denegari Episcopo pœnitentis, seu loci saltem respectu Sacerdotis sibi ad tempus subditi. Deinde, si concedamus, Ordinarium Sacerdotis posse ei absolutam concedere approbationem pro tota Ecclesia; vnde, quæso, posset constare de limitatione, cum id (teste ipso autore *ubi supra*, num. 7.) non pendeat solum ex potestate, sed voluntate. Profecto (vt eiusdem verbis utar) non video sanè, vnde satis constare valeat; constat autem; quod nullus Episcopus vult, vt Sacerdos à se non approbatus in sua diœcesi, vel omnium suarum confessiones audiat. Hinc consequens esse debet, neminem velle aliter suos subditos approbare, quam pro suis ouibus, seu diœcesi suæ, hæc ille. Atque idem confirmat declaratio Cardinalium ad Archiepiscopum Valentinum missa, de qua *supra*, ex quibus euidetur inferre licet, nullam approbationem dicendam fore absolutam, & pro tota Ecclesia sufficientem.

8. Quapropter, vt dicta opinio Henrici probabilis quodammodo existimetur, restringenda potius est, vt exponatur respectu eorum, qui de iure possunt Confessorem eligere, cuiusmodi sunt Episcopi, Archiepiscopi, Cardinales, & alij, de quibus præcedenti dubio egimus. Nec obstat declaratio Gregor XIII. asserentis Episcopum non posse sibi eligere Sacerdotem eidem non subditum qui à proprio Ordinario non fuerit admissus; id enim potest absque vlla violentia

explicati de Ordinatio proprio, seu ratione originis, seu ratione domicilij, siue actuali, siue pro tempore, quo fuit approbatus. Atque ita dicendum suadent etiam congruentiæ, quas in fauorem Prælatorum *dub. 12.* insinuauimus: at respectu eorum, quibus electio Confessoris non competit de iure, sed ex privilegio dumtaxat, verbis privilegij standum est. Hinc notanter dixi in refutatione huius opinionis, esse regulariter falsam, non absolute, cum in casu prædicto probabilis æstimari queat.

9. Secundus modus dicendi, est, approbationem necessariam & sufficientem esse dandam ab Ordinario actuali eius, qui confessiones auditurus est. Hanc sententiam defendit Suar. *d. disp. 18. sect. 6. num. 6. & 10. & sect. 7. num. etiam 6. & 10.* Idem etiam sentiunt Filliucius *tom. 1. tract. 7. cap. 9. num. 261.* & Fagund. *lib. 7. de duob. præcept. Eccles. cap. 2. num. 92.* cum aliis per eum citatis. Ille autem dicitur actualis Ordinarius Confessarij, qui est Episcopus loci, seu diœcesis, in qua dictus Confessor habitat, seu domicilium, vel quasi domicilium habet. Vnde, si huiusmodi Sacerdos domicilium mutet, & in aliam diœcesim se transferat ibi commoraturus, tunc certum est, noua indigere approbatione Episcopi illius diœcesis, vt ibi per Bullam eligi queat; quia sicut non satis est, habuisse beneficium curatum vt fit eligibilis, ita nec sufficit, quodd fuerit, sed requiritur, quodd actu sit à proprio Episcopo approbatus: is enim, qui fuerat proprius, desinit esse talis, & fit extraneus per dictam loci, aut domicilij mutationem. At si d. Sacerdos iam ab Ordinario diœcesis, in qua ipse habitat, absolute approbatus contingat, vt per diuersas postea peregrinetur diœceses, tunc, sicut non ideo mutat domicilium ita nec Ordinarium, & consequenter semper manet à suo

Ordinario approbatus; ac propterea esse vbique eligibilem per Bullam infert Suar. *d. sect. 7. num. 10.* atque id in primis apertè suadent duæ præcitæ declarationes pontificiæ, in quibus de solo Ordinario Confessoris fit mentio.

10. Deinde, item probatur sic. Huiusmodi approbatio, est actus iurisdictionis, ergo pertinet ad Superiorem qui iurisdictionem habet in eum, qui approbatur, & consequenter danda est ab Ordinario eius. Probatur cõsequentiâ, quia dicta approbatio non respicit, per se loquendo, hunc, vel illum poenitentem, sed est absolutum iudicium de idoneitate Sacerdotis, igitur per se spectat ad eum, qui est ordinarius iudex, & Episcopus illius, qui confessiones est auditurus. Confirmatur, quia verisimile est, vnumquemque melius posse ferre iudicium de sibi subditis, quàm de alienis Sacerdotibus, ergo rationi consonum est, vt huiusmodi approbatio incumbat Ordinario Sacerdotis approbandi.

11. Nec videtur ob stare primò, si quis dicat, quodd si Confessor sit necessariò à suo Ordinario approbandus, sequitur inde, nullum Episcopum posse in suo Episcopatu alienum Sacerdotem sibi non subditum (nisi sui Ordinarij præcedat approbatio) assumere in partem suæ sollicitudinis, vel dando illi iurisdictionem, vt suorum subditorum audiat confessiones, vel approbando illum, vt per Bullam à subditis eligi valeat. Consequens est contra praxim, & communem Episcoporum vsum; ergo & antecedens est falsum, ex Suar. *sect. 6. num. 13.*

Respondetur namque dupliciter posse intelligi, quodd Episcopus approbet non subditum. Primò in sensu composito (vt ita dicam) id est, manentem non subditum; vel secundò in sensu diuiso, id est, illum, qui non erat subditus;

ditus : in hoc posteriori sensu certum est, posse Episcopum in sua diœccesi approbare Clericum alienæ diœccesis, si ei subdatur, tum ad examen, tum etiam ad ministerium, vel Ecclesiæ alicuius seruicium, vel, si mutet domicilium, aut habitationem pro aliquo tempore; quod locum habet tam in Sacerdote regulari, quàm sæculari : Regulares enim esto sint exempti, subduntur tamen Episcopis quoad aliqua, & ratione domicilij, fiunt quodammodo subditi Episcoporum, atque id praxis, & ratio ipsa suadent. At verò in priori sensu rectè, & absolute dici potest, Episcopum non posse approbare aliquem Sacerdotem, qui ei modo aliquo non subiiciatur, & hoc suadet obiectio facta.

12. Nec videtur obstarè secundò, si dicas, interpretationem priuilegij semper esse faciendam, absque præiudicio iuris acquisiti alterius. Sed de iure incumbit Episcopis approbatio eorum, qui in suis diœcesibus sunt fidelium confessiones audituri; ergo, absque eorum approbatione nemini licet sub prætextu cuiuscunque priuilegij, seu consuetudinis confessiones sæcularium in suis diœcesibus audire.

Respondet tamen Suar. *sect. 7. n. 7* quòd quando Confessor per pontificium priuilegium eligitur, in eo casu non se gerit vt subditus Episcopi pœnitentis, seu loci, in quo confessiones audit, sed vt delegatus Pontificis, & consequenter non indiget nisi sui Ordinarij approbatione. Adde ex cod. Suar. *ibid. num. 4.* quòd in hoc nulla fit iniuria alijs Episcopis, qui possunt non delegare suam iurisdictionem Sacerdotibus à se non approbatis; & possunt etiam prohibere suis Parochis, ne illam delegent nisi à se approbatis, & annullare delegationem aliter factam, & hoc satis est, vt suis ouibus consulant.

Si autem Papa, delegando iurisdictionem suam, voluerit esse contentus illa absoluta Ordinarij Sacerdotis approbatione, nullam iniuriam facit Episcopis; ipse enim est vniuersalis Pastor, & potest suis ouibus providere, sicut iudicauerit expedire.

13. Nec obstat tertio declaratio Cardinalium ad Archiepiscopum Valentinum missa, vbi habetur, quòd approbatus ab alio, quàm à Valentino Episcopo in diœcesi Valentina, non censetur approbatus ab Ordinario, & consequenter videtur dicendum, quòd approbatio collata Sacerdoti à suo Ordinario, non sufficit extra eius diœcesim.

Respondetur ex Suar. *d. sect. 7. num. 7.* præcitatam declarationem posse exponi de iure ordinario, itavt ratione approbationis nemo possit confessiones in aliqua diœcesi audire, nisi ab Ordinario eiusdem diœccesis approbatus sit; secus verò esse in ordine ad delegationem, & priuilegium pontificium. Et ratio potest assignari, quia approbatio, vt sic, non dat iurisdictionem, sed est quasi vltima dispositio ad illam; atque ideo Sacerdos à suo Ordinario approbatus potest per Bullam eligi etiam in aliena diœcesi; non tamen potest absque huiusmodi priuilegio confessiones audire, nisi sit ab Ordinario loci, seu pœnitentis approbatus, & hoc solum videtur deduci ex præcitata Cardinalium declaratione.

14. Ceterum hæc opinio mihi non satis probatur.

Primò; quia supposito, quòd iuxta doctrinam Suar. per Ordinariū Sacerdotis intelligatur Episcopus loci, seu diœccesis, in qua Confessor habitat, profectò, si huiusmodi Ordinarij approbatio sufficiat, vt talis Sacerdos, dum per diuersas diœceses, & ceteras nationes vagatur, sit per Bullam eligibilis, dicta opinio



opinio videtur non maiorem habere probabilitatem, quàm habet opinio asserentium semel approbatum ab vno Ordinario, esse vbiq; per Bullam, & similia priuilegia eligibilem, quod hisce temporibus apud doctiores, & prudentiores durum satis æstimatur, & nos suprâ impugnauimus.

15. Secundò, quia si Religiosus semel in vno Episcopatu approbatus mutet illum, & postea ad eundem reuertatur, non indiget noua approbatione, quandiu prior non fuerit reuocata, vt fateretur ipse Suarez *sect. 7. num. 9.* atque hanc esse Episcoporum intentionem communis vsus confirmat; & ratio est, quia licet prior approbatio ex parte Sacerdotis sit quasi suspensa, ex parte tamen Episcopi non fuit vnquam mutata, vt supponimus; ac propterea, cum primùm Religiosus, (atque eadem est ratio de Sacerdote seculari) reuertitur ad eundem Episcopatum, censetur prior approbatio ad eundem statum redire; sed Suar. *ibid. num. 8.* tenet expressè Religiosum à suo Ordinario approbatum, si domicilium mutet, indigere noua approbatione Episcopi illius loci, ad què transfertur, vt per Bullam sit eligibilis; igitur idem tenetur fateri de prædicto Sacerdote peregrinante.

16. Tertiò, quia Sacerdos iuxta formam Concilij approbatus, potest vbi est sic approbatus confessiones secularium audire, etiam absque Bulla. ergo si Sacerdos à suo Ordinario approbatus censeatur talis, iuxta formam Concilij, vt passim fateretur Suarez; similiter poterit vbiq; sine Bulla confessiones secularium audire. Hæc tamen nec Suarez, nec quicumque alius vnquam concessit, nec concedere potest, & consequenter approbatio iuxta formam Concilij requisita non est interpretanda de approbatione ordinarij confessoris, prout distinguitur ab Ordinario loci,

nisi in casu speciali, nempe respectu Episcoporum, aut Regularium dumtaxat.

17. Dices id solum concludere de approbatione requisita, vt quis virtute eius possit confessiones audire; non verò de approbatione requisita, vt Sacerdos sit ad huiusmodi ministerium ex priuilegio pontificio eligibilis, quia ad primum requiritur approbatio Ordinarij loci, seu poenitentis; secus quoad secundum. Sed contrà, quia iuxta doctrinam Suarez *sect. 6. num. 6.* aliter videtur dicendum: nam expendens ibi præcitatam declarationem pontificiam pro Regularibus factam ait, quòd licet videatur directè dari de verbis Bullæ, tamen consequenter datur de Concilio; & rationem assignat, quia intentio Pontificis in Bulla non fuit imutare Concilium, sed potius illi satisfacere, vt forma ab illo præscripta seruetur. ergo sicut Concilium loquitur de Ordinario non Confessoris, sed loci, ita & Bulla, nisi dum Ordinarius loci, & Confessoris coincidunt inter se; tunc enim vterque confusè comprehenditur.

18. Tertiùs modus dicèdi est Ioan. Guttier. *lib. 1. Cano. quest. cap. 27. num. 6. & 7. cum segg.* vbi inquit, necessariam esse approbationem Episcopi loci, in quo fit confessio. Idem expressè censet Rodriq. in *Bull. §. 9. num. 5.* tamen si pro secunda opinione fortasse per errorem à Fagund. *vbi supra num. 88.* allegetur. Atque idem opinatur Manuel Sâ, *ver. confessor num. 5.* immò, & auctor Compend. Priuileg. vulgariter dictus Collector, *verb. absolutio quoadulares 1. §. 16.* vbi etiam ante Concilium asserit non sufficere, quòd Regulares in vno sint Episcopatu approbati, sed quòd vbiq; confessiones secularium audire voluerint, egent ipsius diæcesani approbatione.

Sed

Sed iam probatur primò. Episcopo loco principaliter incumbit cura animarum sui Episcopatus, iuxta quamdam decretalem *cap. ut animarum periculo, de conslit. lib. 6.* ergo eidem solùm incumbit cognoscere, & approbare suos coadiutores, & cooperarios.

Secundò, quia extra territorium ius dicenti impunè non paretur. *l. fin. ff. de iurisd. omni. iud.* sed absolutio est actus iurisdictionis. ergo nemo potest huiusmodi actum exercere, absque approbatione diocesani Episcopi.

Tertiò, id probatur manifestè ex declaratione Cardinalium ad Valentini Archiepiscopum missa.

19. Hæc opinio, si materialiter intelligatur de loco, in quo fit confessio, nec Suarez *scilicet. 6. num. 4.* videtur satis probabilis, nec mihi etiam placet; nam valde extrinsecum, & accidentarium est huic Sacramento, quòd in hoc, vel illo loco fiat, dummodo Confessoris iurisdicção in penitentem retineatur, atque ideo axioma illud, *extra territorium ius dicenti*, &c. non rectè hic applicatur, quippe lex illa habet locum dumtaxat in iurisdictione forensi, & in actibus iurisdictionis, qui sunt cum strepitu, & figura iudicii. In his enim terminatur circa territorium locale ipsius iudicis, & extra illud non extenditur. Secus est de iurisdictione, quæ potest absque figura iudicii administrari, & consequenter extra territorium exerceri; ut patet de absolutione ab excommunicatione data subdico extra territorium existenti, vel è converso, data ab Episcopo extra suum territorium existente, tamen respectu sui subditi. Atque idem est de absolutione sacramentali: nam si Parochus discedat à sua diocesi, ibique inueniat aliquos sibi subditos, poterit quidem ibi eorum confessiones audire, est communis, & rationem reddit Victor. *sum.*

de Sacram. *concl. 1. § 2* quia fit sine strepitu, & figura iudicii, & absque ullius iniuria, seu præiudicio:

20. Quartus modus dicendi est aliorum, assentientium approbationem à Concilio requisitam esse approbationem Ordinarij ipsius penitentis, & consequenter, hanc esse omninò necessariam & sufficientem. ita *Lop. instrum. 2. p. cap. 8. & vbi de Bulla, col. mihi 810. Villalob. tom. 1. tract. 9. dub. 56. num. 3.* qui multos pro hac sententia refert Academicæ Salmanticensis, & Complutensis DD. tam Iurisprudentiæ, quam sacræ Theologiæ publicos Professores: atque huic magis videtur assentiri Guttier. citat. in quarta enim ratione exponens clausulam illam Bullæ, *ab Ordinario*, apponit, scilicet penitentis. & deinde subdit: hoc est illius loci, vbi exerceri debet administratio Sacramenti. vbi pro eodem videtur sumere Episcopum loci, & penitentis, ut not. Suarez *scilicet. 6. num. 5.* Immo Rodriq. *vbi sup. à* (si verba eius attentè expendantur) idem videtur etiam intendere, eundem Episcopum aliquando loci, aliquando ouium, indistinctè appellans; forsitan, quia supponunt, vel penitentes in suis propriis locis ordinariè confiteri, vel, si alibi ut peregrini consentent, debere more incolarum eiusdem loci consistere: proindeque Episcopum loci, ac penitentis tunc pro eodem reputari. & quidem in hoc sensu maiorem vim habent rationes pro tertia opinione adductæ: præsertim illa, quæ sumitur ex cura singulis Episcopis demandata circa oves sibi concreditas sub quibus comprehendi possunt, non solum domesticum firmum in sua diocesi habentes, sed illi etiam, qui ad tempus ibi commorantur; saltem pro eo tempore, quo ibidem sunt Sacramenta suscepturi. Sed insuper probatur

R

Primò,

Primò, quia in vna diœcesi potest requiri maior scientia, quàm in alia, atque vnus Episcopus potest esse exactior, quàm alius, circa examen Confessorum.

Secundò, quia ex opposito non solum turbationes, rixæ, ac dissensiones sequerentur, sed multa etiam incommoda circa fidem, & mores, si pœnitentes possint quærete Confessores fortasse suis Episcopis minùs gratos, aut eis non probatos.

Tertiò, quia approbatio Confessoris est actus iurisdictionis, quam Episcopus in Confessarium sibi subditum exercet, dum illum approbat. Sed huiusmodi actus, licet versetur proximè circa Sacerdotem, terminatur tamen ad pœnitentem, propter quem Sacerdos approbatur. ergo non excedit terminos iurisdictionis Episcopi approbantis, qui termini (teste Suar. *sect. 7. num. 1.*) in hoc negotio magis comparatione personarum, quàm locorum attenduntur.

21. Hæc opinio videtur rationi, & æquitati satis consona, & mihi ex parte procul dubio placet, sicut etiam Suarez *sect. 6. num. 6.* sibi placuisse fatetur; sed aduersantur illi præcitatæ tres declarationes, quatum

Prima pro Episcopis statuit expressè requiri approbationem ordinarij Confessoris.

Secunda pro Regularibus non solum eandem requirit approbationem, sed addit etiam, quòd in Bulla non fit mentio de Ordinario pœnitentium.

Tertia autem ad Archiepiscopum Valentinum missa solum requirit approbationem Ordinarij loci: vnde Suar. circa declarationem pro Regularibus factam obseruat, quòd etiam si declaratio illa præcipuè de Regularibus loquatur, eadem tamen ratio est de omnibus pœnitentibus: tum quia Conci-

lium, & Bulla indifferenter loquuntur de omnibus, tum etiam, quia hoc satis expressè continetur in dicta declaratione, cum dicit: In Bulla enim non fit mentio, nisi de Ordinario eorum, qui audituti sunt confessiones, quæ verba generalia sunt, & generaliter exponenda.

## DUBIUM XXV.

### Quo opinio authoris proponitur.

1. **S**uperest nunc, vt quid sit in hac materia sentiendum, explicemus. Quapropter fit conclusio tenenda: Approbatio à Concilio requisita, & necessaria, ac sufficiens, vt quis sit vbique per Bullam eligibilis, est approbatio Ordinarij loci, vel saltem pœnitentis. Hanc conclusionem tenent in primis Guttier. & Rodr. qui *loc. citat.* de huiusmodi approbatione agentes, eam aliquando Episcopi loci, aliquando Episcopi pœnitentis indistinctè appellant; & pro eadem possunt allegari auctores, quos pro 3. & 4. opinione adduximus. Notanter dixi in conclusione, *approbatio Ordinarij loci*, quia de confessione facta Sacerdoti per Ordinarium loci approbato, nemo potest in dubium reuocare, quin sit legitima, & valida; & huic suffragatur expressè declaratio Cardinalium ad Archiepiscopum Valentinum missa. Addidi autem, *vel saltem pœnitentis*, ob rationem factam in refutatione tertiæ opinionis, vbi exemplo Parochi, qui in aliena diœcesi inuenit aliquem sibi subditum, ostensum fuit, posse ibi illius confessionem audire, & tenet communis opinio.

2. Ducor primò, quia verba priuilegiolorum interpretanda sunt iuxta iuris dispositionem, nisi oppositum constet manifestè, vt trad. Sylu. *ver. extor. 2. ver. 1. cas. 1. 2.* & Cord. *sum. q. 10.* igitur verba

verba Bullæ interpretanda sunt iuxta decretum Concilij, quod de Ordinario loci, seu pœnitentis intelligi tenent communiter DD. & quamvis præclara Cardinalium declaratio solum de Ordinario loci loquatur, at Ordinario pœnitentis est etiam adaptanda, quia Ordinarius loci, & pœnitentis plerumque coincidunt inter se: declarationes autem iuridicæ dantur præcipue de iis, quæ regulariter contingunt; immo idem sibi fuisse à Pontifice responsum, testari sunt Illustrissimi Domini D. Aloysius à Corduba Episcopus Salmanticensis, & D. Andreas etiam à Corduba Episcopus Pacensis, vt refert Rodr. in addit. ad Bull. §. 9. num. 1. & Vilalob. sum. tom. 1. tract. 9. dub. §. 6. n. 3.

3. Secundo, quia dato, & nõ cõcesso, quodd opinio aliqua sit (saltem speculatiue) probabilior, quàm nostra, adhuc nostra est potius, quàm quævis alia prædictæ amplectenda; quando enim probabilior opinio asserit, & iustificat quod in se non est ita securum, sicut oppositum, est liceat eam aliquando sequi, tutius tamen est ab ea cauere, vt docet Cord. in quest. lib. 2. q. 3. propos. 1. Sed opinio 1. & 2. asserunt, & iustificat quod non est ita securum, sicut oppositum; igitur neutra earum, sed nostra potius amplectenda est. Probo minorem, quia si quis confiteatur Sacerdoti approbato per Ordinarium loci, vbi pro tunc commoratur; certissimum quidem est, talem confessionem esse licitam, & validam. Arque idem sentiendum tenent communiter omnes de eo, qui intra, vel extra diocesim suam confitetur Sacerdoti approbato per Ordinarium ipsius pœnitentis: constat autem manifestè, secus sentiendum de confessione facta Sacerdoti approbato, iuxta primam, aut secundam opinionem, sicut faretur ipse Suar. Nam, de 1. opinione ait scilicet 6. num. 2. quodd funda-

menta eius non sunt firmæ; & de secunda, quam ille tueretur, inquit ead. scilicet n. 6. se eam amplecti, non ob efficacitatem rationum, cùm solum fulciatur congruentis moralibus, quibus facile possit satisfieri, sed ob duas priores præcitate declarationes, in quibus expressè asseritur, esse datas à Summo Pontifice. has autem nostræ potius fauere conclusioni, ex infra dicendis constabit.

4. Tertiò, quia, cùm opiniones sunt, & creduntur æquè probabiles, semper quodd tutius, aut minus malum videtur, tenendum est, præsertim si sit dubium de peccato mortali. Cord. ead. q. 3. propos. 3. sed tutius est, quodd nostra statuit conclusio, vt omnes fatentur: igitur illa est præ omnibus amplectenda. Minor, & consequentia patent: maior autem probatur, quia in dubiis non solum facti, sed iuris tutior, & certior pars est eligenda, arg. cap. iuuenis, de spons. cap. ad audiendum, de homic. & cap. illud, de cler. excom. minist. & deducitur ex illo Eccles. 3. qui amat periculum, peribit in illo. & meritò; qui enim opiniones æquè probabiles scit, vel arbitrat, necesse est, vt maneat dubius, quæ earum sit vera, & consequenter, an sibi liceat agere quodd altera condemnat: igitur peccat qui, absque sufficientissima ratione, relinquens partem tutam, & certam, eligit minus tutam, præsertim in casu nostro, vbi res est adeò grauis, vt ex ea pendere queat valor Sacramenti, teste Suarez; qui ideo scilicet 7. num. 7. ait: Consulere semper in praxi, sequi opinionem securiorem. Et quidem ita tenet communis vsus Romanæ Curie, vbi plures viri satis experti à me consulti, mirati sunt, quodd quis doctus de hac re aliter velit, vel audeat opinari.

5. Sed obieciis nobis præcitate duas declarationes, seu responsiones à Pontifice datas, in quibus de Ordinario

Confessoris duntaxat, non loci, fit mentio.

Respondetur primò, conclusionem nostram intelligendam fore de iis, quæ regulariter contingunt. Vnde nil refert, quòd in vno, vel altero casu speciali aliter disponatur. Nam prior illa declaratio solum pro Episcopis, secunda pro Regularibus data est.

Respondetur secundò, quòd Ordinarius Confessorij, & loci plerumque inter se coincidunt: ille enim dicitur Ordinarius Confessoris, qui est Episcopus loci, ubi ipse Confessor habitat, & confessiones audit; atque idem est Ordinarius loci, vt constat, & consequenter coincidunt inter se: id autem videtur sufficere, vt declarationes datæ de vno, intelligantur de vtroque.

6. Dices. Immo hoc eneruare, & fuitiles reddere Pontificum, & Cardinalium declarationes, seu responsiones, sic enim vanum fuisset distinguere inter Ordinarium Confessorem, loci, & pœnitentis, cum semper esset idem diuersis respectibus.

Respondetur negando sequelam: non enim fuitiles redduntur ideo dd. declarationes, quin potius posterior magis explicat præcedentes: nam declaratio Cardinalium sacre Congregationis Concilij ad Valentinum Archiepiscopum missa tanquam posterior magis explicat duas illas præcedentes datas à Summo Pontifice; quis enim auferit affirmare, quòd declaratio Cardinalium aduersetur Pontificiis responsionibus? absit. Vnde, est in declaratione pontificia pro Regularibus facta, videtur quodammodo excludi approbatio Ordinarij pœnitentis, nusquam tamen loci, quod haud levis coniectura est, pro eodem reputari Ordinarium Confessorem, & loci. Immo, nec etiam excluditur approbatio Ordinarij pœnitentis, vt ex mox dicendis constabit, quicquid in

contrarium prætendat Suar. sed absque vilo valido fundamento.

7. Obiicies iterum hinc sequi, nullum per Bullam concedi priuilegium quoad electionem Confessoris, cum vniciuique liceat, Confessorem ab Ordinario loci, seu pœnitentis approbatum eligere, etiam absque Bulla.

Respondetur, adhuc concedi per Bullam magnum priuilegium, tum quia Confessor per illam electus potest pœnitentem absolueret à reseruatis, & multa eiusdem vota commutare, tum quia per habentem beneficium parochiale potest quis virtute Bullæ vbique absolui; secus sine Bulla, cum quis à Parocho alieno nequeat etiam in propria diœcesi absolui, nisi ab Ordinario loci, seu pœnitentis pro tota diœcesi sit approbatus.

8. Sed quæres, vtrum Regulares, vt ex vi Iubilæi, seu Cruciatæ possint saltem indulgentias lucrari, teneantur confiteri Sacerdoti per Episcopum approbato? Ratio dubitandi est, quia ex vna parte Regulares non comprehenduntur decreto Concilij, quoad confitendum Sacerdoti per Ordinarium approbato. Ex altera parte in Bulla Iubilæi, seu Cruciatæ prærequiritur, tanquam conditio necessaria, vt confessio fiat Sacerdoti per Ordinarium approbato.

Huic difficultati respondet Suar. d. disp. 28. sect. 6. num. 11. quòd si consideretur ius proprium Regularium, ipsi non comprehenduntur in decreto Concilij; noluit enim Concilium ius Regularium immutare, vt alibi dictum est: si autem speciale priuilegium eisdem concessum per Iubilæum pontificum, seu Cruciatam ad eligendum Confessorem consideretur, existimat, non esse eis concessum nisi iuxta formam Concilij, ac subinde, virtute d. priuilegij non posse Confessorem eligere, nisi ab Ordinario

dinario approbatum. Ita etiam sentit Henric. de penit. lib. 6. cap. 6. in comment. lit. K. Regin. tom. 1. lib. 1. num. 175. Nald. verb. indulg. num. 9. fin. & fortasse alij. Ducuntur; tum quia in Bullis expressè requiritur electio Sacerdotis ab Ordinario approbati; loquuntur autem indifferenter, ac generaliter; igitur certum est, nemini illud privilegium concedi, nisi sub illa conditione, & consequenter non possunt excipi Regulares; tum quia Pontifex apponens in Bullis illud verbum, *Ordinario*, apertè indicat, se vellet, quòd servetur Concilium Tridentinum, & approbatio in illo requisita, in qua nihil possunt Prælati Religionum, ad quos, licet in aliis rescriptis possit forsitan nomen Ordinarij extendi cum proportionem, & distributionem accommoda, non tamen in præsentem, ubi est sermo de actione propria Episcoporum, cuiusmodi est Confessoris approbatio. Tum denique, quia Bullæ, dum requirunt electionem Sacerdotis approbati ab Ordinario, loquuntur generaliter, & indistinctè: locutio autem generalis, & indefinita eandem significationem habet respectu omnium, ergo cum respectu reliquorum fidelium approbatione Episcopi requirit, idem respectu Regularium videtur sentientium.

9. Oppositum censeo quidem probabilius; itavt, cum in Bullis disponitur, quòd fiat electio Sacerdotis per Ordinarium approbati, id exponendum sit non privatiuè, quasi Pontifex velit Religiosum privare iure suo, quo potest Sacerdoti per suum Superiorem approbato confiteri; sed potiùs accumulatiuè, & ampliatiuè in favorem penitentis, adeò, ut non solum queat suo Superiorem, seu alteri, de eiusdem licentia, intra Religionem confiteri, sicut poterat secluso Iubilæo, aut Cruciatæ, sed possit etiam quemcumque alium ab

Episcopo approbatum eligere, esto absque Iubilæo, aut Cruciatæ, non posset illi confiteri. Ita sentiunt Bonac. de penit. disp. 5. q. 7. punct. 4. n. 25. Graff. lib. 2. Append. c. 1. n. 18. Rodr. in Bull. 5. q. n. 9. dub. 6. Santarel. de Iubil. c. 7. dub. 1. Homobon. de cas. reserv. p. 1. c. 5. & Filline. tom. 1. tract. 8. c. 10. de Iubil. num. 275. qui omnes hanc opinionem censent non solum satis piam, sed æquitati etiam valde consonam. Probatum autem, tum quia, alioquin multi Religiosi, vel defraudarentur fructu Iubilæi, seu Cruciatæ, cum non raro eveniat in aliquibus monasteriis, nullum reperiri Sacerdotem à Diocesano Episcopo approbatum ad confessiones audiendas, vel saltem cogerentur extra claustra exire ad emendicandum sibi Confessarium, quod non videtur iuxta paternam, & benignam Póntificis intentionem. Tum quia nomen *Ordinary* aliquando, etiam ad regulares Prælatos extenditur, ut fatetur ipse Sua. citatus: habent enim in sibi subditos auctoritatem quasi Episcopalem, & possunt pro eisdem Confessores ex sibi subditis approbare. Imò, quoad electionem Confessoris extra religionem tenent DD. magnæ æstimationis, non posse Regulares, tam Fratres, quàm Moniales gaudere privilegio Cruciatæ, sed quoad sacramentum Pœnitentiæ, & confessionis administratione subdi omnino suorum Prælatorum dispositioni, iuxta Clem. VIII. & Urban. VIII. constitutiones, de quibus cap. 1. diffusè actum est, & consequenter huiusmodi Prælati potest nomen Ordinarij quodammodo adaptari. tum denique quia Bulla Cruciatæ non suspendit indulta Superioribus Ordinum Mendicantium concessa in ordine ad sibi subditos. Non potest autem in dubium revocari, quin Prælati regularibus sit per Sedem Apostolicam concessum, posse sibi subditos dispen-

fare, & absolvere etiam à censuris, & peccatis per se, vel per alios, atque ita ultra prædictos sentire videntur Zanol. Sorb. & alij apud Bonacin. *ibidem*.

10. Ex dictis igitur facile solui possunt probationes in contrarium adductæ, & constat etiam, quomodo sit interpretanda clausula illa declarationis pro Regularibus factæ, nempe, in Bullario fit mentio nisi de Ordinario eorum, qui audituri sunt confessiones, nõ autem de Ordinario pœnitentium: ibi enim non excluditur Ordinarius pœnitentis, sed indicatur, quòd si contingat, Ordinarium Confessoris, & pœnitentis distingui, nihil refert ad valorem confessionis, virtute Bullæ faciendæ, quòd Confessor sit approbatus ab Ordinario pœnitentis, dummodò sit approbatus ab Ordinario ipsius Confessoris. Hinc itaque deducitur, Religiosum posse virtute Iubilæi confiteri Sacerdoti etiam sæculari, approbato tamen per Ordinarium ipsius, non autem priuari iure suo, nimirum quòd possit confiteri Sacerdoti per suum Superiorem regularem approbato.

## D V B I V M XXVI.

*Utrum Superiores regulares gaudeant eodem privilegio eligendi Confessorem.*

1. **H**Æc difficultas est veluti appendix præcedentium, pro diutius explicatione sunt in primis notanda verba textus *cap. ne pro dilatione*, quæ sic habent. Ne pro dilatione pœnitentiæ periculum imminuat animarum, Episcopis, & aliis Superioribus, necnon minoribus Prælati exemptis conceditur, ut etiam, præter sui Superioris licentiam, prouidum, & discretum sibi possint eligere Confessorem

idoneum. Vnde constat hic agi non solum de Episcopis, sed etiam de aliis Prælati superioribus, cuiusmodi sunt Cardinales, Archiepiscopi, Primate, & Patriarchæ, de quibus dictum est *suprà*; immò & de aliis Prælati minoribus, exemptis tamen, ac de his nunc agere intendimus.

2. Duplicem igitur conditionem requirit textus, ut aliquis possit Confessorem eligere.

Prima est, quòd sit Prælati: illi autem censentur propriè Prælati (propterea rem nostram spectat) qui iurisdictionem ordinariam in ecclesiastico foro externo habent, sicut habere censentur illi, qui de iure, aut de consuetudine legitime præcipra, potestatem habent citandi suos subditos, ac eisdem in foro externo ius dicendi. Nec oportet, ut similiter habeant iurisdictionem in foro interno, ut contra Palud. tenet Suar. *tom. 4. disp. 27. sect. 2. n. 8.* cum Syluest. & aliis, quibus etiam adhæret Regin. in *prax. pœnit. lib. 1. cap. 5. sect. 2. n. 37.* & quidem id videtur satis consonum dispositioni ipsius *cap. ne pro dilatione*, quod absolute loquitur de Prælati, & consequenter eius privilegium non est interpretatione restringendum, sed potius ampliandum, iuxta *15. reg. iur. in 6.* Ex dictis tamen

3. Infertur primò, quòd licet huiusmodi Prælati eo gaudeant privilegio, quantumcumque à suo territorio longè absint, quippe, sicut absentia non obstat, quominus Prælati mancant, ita nec obest, quominus Prælatorum privilegio uti possint, ut tradit Sylu. *verb. confessor. 1. q. 8. v. f. 3.* nihilominus tandiu possunt eo privilegio uti, quandiu officium prælationis retinent, & non amplius: ea enim facultas solum Prælati conceditur.

4. Infertur secundò, cum, qui non habet iurisdictionem propriam, id est, proprio

proprio iure, seu titulo, non comprehendi hic nomine Prælatorum, cuiusmodi sunt Vicarij Episcoporum qui ex commissione, seu vice aliorum dumtaxat iurisdictione vtuntur, vt notant Suar. & Reginald. *ibidem*.

5. Secunda conditio est, quod sit exemptus. Quis autem censeatur Prælatu exemptus, non omnes conueniunt. Nonnulli opinantur illos esse Prælatos exemptos, qui in foro conscientie immediatè subiiciuntur solo Summo Pontifici, vt Abbas Metinensis, & alij similes; nec non omnes Generales Ordinum. Ita Angel. *confessor. 3. §. 5.* post Panorm. & Hostiens. quos etiam sequitur Angl. *in flor. super 4. de ministro Sacramenti confess. art. 1. diff. 4. concl. 4.* Alij verò eos censent esse Prælatos exemptos, qui in eodem foro non subduntur Episcopis, etiam si alios habeant Superiores, præter Papam, huiusmodi sunt omnes Prouinciales Religionum, & ceteri etiam Prælati regulares. Ita Sylu. *confess. 1. §. 8.* post Palud. quos sequitur Sot. *in 4. dist. 18. q. 4. art. 2.* & Suar. *suprà num. 9.* His suppositis, sit

6. Prima conclusio. Certum mihi est, omnes Prælatos regulares, etiam Conuentuum, seu monasteriorum gaudere priuilegio eligendi Confessorem, iuxta dispositionem *cap. ne pro dilacione, &c.* Ita Palud. Sylu. & Sot. *ibid.* necnon D. Anton. 1. p. *sim. tit. 17. art. 3.* Rosell. *confess. 3. §. 37.* Vsq. *tom 4. q. 93. art. 1. dub. 4. n. 2.* & plures alij. Sed probatur

7. Primò ex ipso contextu. nam omnes prædicti sunt verè Prælati, vt constat, & propriè exempti, saltem iuxta posteriorem expositionem, quæ mihi satis probatur, ob rationem statim assignandam. ergo competit illis dispositio prius capituli, nec immeritò. Dixi, mihi satis probari secundam expositionem, ob illa verba, Possint eligere confessorum, præter sui Superioris licentiam.

quæ indicant inter exemptos Prælatos, quibus illic conceditur facultas eligendi Confessorem, numerandos esse illos, qui habent Superiores, quorum licentia esset necessaria, nisi hoc priuilegium eisdem suffragaretur.

8. Secundo, quia ita docet ferè communis DD. opinio, & consuetudo Religionum; consuetudo autem fortitur vim legis. *l. de quibus. ff. de legib. & cap. Ecclesiam. 1. 2. dist. 1.* immo in rebus incertis, non solum est optima legum interpretis, sed omnium Interpretum certissimus quidem interpres est ipsa consuetudo. *cap. cum dicitur, de consues. l. minimè. ff. de legib.*

9. Facit ad hoc, quod Panor. *ibidem* asserit, videlicet, Prælatum in d. *cap. fin.* sumi in lata significatione, vnde concludit ipse, quod etiam Rectores Ecclesiarum ibi comprehenduntur. ergo à fortiori idem dicendum est de omnibus Prælati Regularibus, non solum Generalibus, aut Prouincialibus, sed etiam localibus, cuiusmodi sunt monasteriorum Abbates, Priores, seu Guardiani, cum huiusmodi omnes sint verè Prælati, atque exempti.

10. Hanc conclusionem admittunt Suar. & Regin. cum limitatione, quæ mihi etiam placet, nempe, nisi iuxta specialia priuilegia, vel regularia statuta per Sedem Apostolicam approbata, Prælati inferior Religionis habeat Confessorem designatum à suo Prælato superiore, quoniam tunc nec ratio huius textus locum habet, nec est verisimile, Pontificem eo generali iure voluisse derogare specialia iura ad conuenientem Religionis Ordinem spectantia, arg. *cap. 2. de penit. & remiss. in 6.* quod adhuc certius æstimandum erit, si Religionis priuilegia sint post illud commune ius concessa, vel confirmata.

11. Secunda conclusio. Prælati Regulares, Generales, seu Prouinciales possunt



sunt ex sibi subditis respectuè eligere in Confessorem, quemcunque Sacerdotem idoneum, etiam simplicem. at ex sibi non subditis non possunt eligere Confessorem, nisi ex iam deputatis per eos, ad quos de iure spectat, cum extra proprios Conuentus existunt. Hæc conclusio quoad primam partem est communis omnium, & videtur constare ex illis verbis, Ne pro dilatione pœnitentiæ periculum imminet animarum. Nam Generales, qui immediatè subduntur Summo Pontifici, non possunt facillè illum adire; Prouinciales etiam nec facillè possunt ad Generalem recurrere, vel ab eo Confessorem postulare. Deinde Generales, & Prouinciales Religionum habent iurisdictionem quasi Episcopalem in sibi subditos; & consequenter sicut Episcopi ex sibi subditis possunt quemcunque simplicem Sacerdotem idoneum deputare Confessorem sibi, vel aliis, ita respectuè dicendum est de Generalibus, ac Prouincialibus.

12. Quoad posteriorem partem maior est difficultas, sed satis deducitur ex dictis *dub.* 23. circa facultatem, qua Cardinales, & Episcopi gaudent quoad Cōfessorem eligendum: nam ibi ostensum est, non posse Episcopos extra propriam diocesim eligere in Confessorem Sacerdotem non subditum, qui à proprio Diocesano non fuerit approbatus; nec similiter Cardinales posse sibi, vel suis Commensalibus eligere in Confessorem Sacerdotem, qui suæ non sit familiæ, absque præuia Ordinarij approbatione. ergo idem similiter sentiendum est de Generalibus, ac Prouincialibus, si ex non subditis eligant aliquando Confessorem, dum extra Conuentus suos existunt.

13. Dices, esse dispensationem, quoniam esto post Concilium Tridentinum *cap.* 23. *sess.* 15. nullus, etiam Sacerdos, possit alicui non approbato per

Ordinarium confiteri; id tamen intelligitur de sæcularibus tantum, non verò de Religiosis, vt patet ex verbis ipsius Concilij, & omnes fatentur.

Respondetur concedendo assumptum, negatur tamen inde inferri, quòd possint confiteri Sacerdoti nullatenus approbato. Concilium namque non cogit Religiosos confiteri Religiosis approbatis per Episcopum, sicut cogit sæculares, non tamen illos ita eximit, vt possint confiteri simplici Sacerdoti, sed approbato, vel per suum Superiorem saltem ad audiendas Religiosorum confessiones, si sit Regularis, vel per Episcopum, si sit sæcularis, quod *dub. sequenti* latius erit discutiendum.

14. Tertia conclusio. Prælati locales, cuiusmodi sunt Abbates, Priores, Guardiani, & similes, nequaquam possunt simplici Sacerdoti confiteri. Hanc conclusionem tenet expresse Rodr. *in addit. ad §. 9. num.* 1 *19. ad fin.* & Angl. *vbi supra diff.* 5. secutus Pauor *super cap. fin. citat.* & Angl. *ibidem.* atque eam probat ex eo, quia alioquin huiusmodi Prælati non haberent casum aliquem Prouinciali, seu Generali reservatum, præter excommunicationem in foro exteriori positam; opinatur enim, quòd dum aliquis de licentia Papæ confitetur, non potest Superior pœnitentis aliquem sibi casum reservare. Et quidem, hac ratione ducti DD. non pœnitendi asserunt, Episcopum non posse reservare casus Confessoribus regularibus, etiam in ordine ad sæculares, nisi de expresse ordine Summi Pontificis; & rationem reddunt, quia Religiosi, esto egeant Ordinarij approbatione ad audiendas sæcularium confessiones, non tamen instituntur Confessores ab Ordinario, sed immediatè à Summo Pontifice. Vnde à tempore Clemētis Octavi, de ordine ipsius sancitum est, vt Confessores regulares abstineant ab huius

huiusmodi casuum absolutione, iuxta declarationes de hoc adducendas *cap. 3.*

15. Deinde absurdum videtur, dicere, quòd Prælatus localis habeat facultatem confitendi cuiuscumque Sacerdoti simplici, etiam sui Conuentus, alioquin nulla esset differentia inter ipsos, & Prouinciales, nisi quòd illi in suo Conuentu, isti verò in tota Prouincia id possent efficere, quod nullatenus est dicendum: institutio enim Confessorum non ad Prælatos locales, sed Prouinciales, & Generales spectat, saltem apud Religionem Franciscanam ita in vsu positum est, & passim in statutis generalibus per Sedem Apostolicam approbatis, determinatur. Si autem in aliis Religionibus aliter suæ constitutiones disponant, earum vtrique dispositioni standum erit, maxime si autoritate Apostolica munitæ existant.

16. Sed obiciens primò, quia ad absolutionem duplex potestas requiritur, Ordinis nimirum, & iurisdictionis; illa confertur Sacerdoti ex vi suæ ordinationis, hæc verò à Superiore Confessoris, vt dictum est *suprà*. sed cùm Prælatus localis simplicem Sacerdotem eligat in Confessorem, ex concessione *d. cap. fin.* vtraque potestas reperitur in huiusmodi Sacerdote, prima ex vi Ordinis, & secunda ex cõcessione Pontificis, qui Superior est omnium Christi fidelium: igitur valida erit talis absolutio.

Respondetur primò, Prælatos, ex concessione præcitati capituli non posse eligere quemcumque Sacerdotem, sed idoneum; idoneus autem iuxta sententiam grauium DD. censetur, qui vt talis ab Ordinario suo est approbatus.

Respondetur secundò, concessionem *d. cap. final* interpretandam esse iuxta dispositionem Conc. Tridentini *sess. 14. cap. 7.* vbi habetur, nullius esse momenti absolutionem illam, quam Sacerdos in eum profert, in quem non habet ordi-

nariam, aut delegatam iurisdictionem. Vnde, cùm Prælatus localis non possit Sacerdoti simplici talem iurisdictionem delegare (vt supponimus,) nec est verisimile eam sibi concedi per Summum Pontificem; tum, quia id non exprimit, vt necessariò exprimere debuisset, tum quia aliàs dictus Prælatus non haberet casum aliquem suo Superiori reservatum, præter excommunicationem ab illo laram, vt iam dictum est. Vnde Metropolitanus, esto possit Episcopum excommunicare, non tamen eidem casus reseruat. Et ratio est, quia Episcopus non habet iurisdictionem in foro pœnitentiæ à Metropolitano, sed à Summo Pontifice, inferior autem nequit Superioris auctoritatem limitare.

17. Obiicies secundò, ex vi *d. cap. fin.* conceditur Prælati exemptis, vt Sacerdotem prouidù, & discretù possint eligere in Cõfessorem; eligere autem Confessorem, non est eligere eum, qui est Confessarius, sed per electionem facere Confessarium; sicut cùm eligitur Episcopus, non eligitur ille, qui erat Episcopus, sed ille, qui non erat, eligitur in Episcopum.

Respondetur, negando minorem; quamvis enim, dum de Prælatorum creatione agitur, verbum *eligere*, eam vim habeat, non tamen eum agitur de Confessorum deputatione, quæ proptius institutio, quàm electio dicitur. Vnde, dum virtute Cruciata, seu Iubilæi, conceditur facultas Confessorem eligendi, non quidem conceditur priuilegiato, vt Confessorem instituat, sed vt ex institutis, & approbatis per Ordinarium eligat quem maluerit; quod praxis communis in similibus reddit manifestum.

18. Obiicies tertio, quia ex hac conclusione sequitur, nullam esse differentiam inter Prælatos, & subditos; nam etiam subditis de iure licet, vt possint eligere quem maluerint, dummodo eligendus sit à suo Superiore approbatus.

S

Igitur

Igitur videtur dicendum, quod ex concessione *d. cap. final.* possunt Prælati locales, saltem ex sibi subditis, eligere Sacerdotem simplicem in Confessorem.

Respondetur negando antecedens. Nam Religiosi subditi nequeunt absque suorum Superiorum licentia petita, & obtenta confiteri Sacerdotibus alterius Ordinis, etiam si Confessores secularium instituti sint. ita habetur expressè in *Extravag. Inter cunctas*. Prælati autem etiam locales possunt extra Cōuentus sui Ordinis Sacerdotibus alterius Religionis confiteri, modò sint saltem Confessores Religiosorum per suos Superiores instituti; & hoc Prælati localibus concedit *d. cap. fin.* nulla prærequisita suorum Superiorum licentia, non autem subditis.

19. Sed quæres, an Abbatissæ gaudeant *d.* privilegio, sicut saltem Prælati conuentuales?

Respondetur negatiuè. Ita communiter omnes. Ratio est, quia esto aliquæ sint exemptæ, sub nomine tamè *Prælatorum* propriè nō comprehenduntur, cum nec iurisdictionem ecclesiasticam habeant, nec illius (provt ad Ecclesiæ clauus spectat), sint capaces. Ita Suar. Vasc. Regin. Palud & Sylu. cū aliis *vbi supra*. Itaque Abbatissæ nō gaudent privilegio eligendi Confessorē sibi, & suis subditis, nisi id specialiter per Sedem Apostolicam concedatur, vt aliqui ex præcitatīs auctoribus dicant, & tunc solum haberent nudum ministerium nominandi Confessorem, vt post alios ostendit Henricq. *lib. 6. de Sacram. c. 1. §. 3. lit. M.*

## DUBIUM XXVII.

*Virum Religiosi omnes, saltem itinerrantes, possint quibuscumque Sacerdotibus, siue regularibus, siue secularibus, confiteri.*

1. Suppono primò, Religiosos vnius Religionis non posse, de iure

communi, absque suorum Prælatorum licentia confiteri Religiosis alterius Religionis, etiam si Confessores secularium instituti sint. definita est expressè à Benedicto XI. in *extravag. Inter cunctas*, de *privil.* Ratio autem huius potest assignari, tum quia Prælati Religionum commissa est propria cura spiritualis suorum Religiosorum, atque ideo eisdem data est plena iurisdicctio ordinaria in hoc foro; & consequenter eo ipso est illis concessum vt subditi absque eorundem facultate, nequeant aliis Religiosis, aut secularibus confiteri; tum etiam, quia, qui potest ligare, potest absolueret. *cap. si inferior 21. d. & cap. si Petrus 24. q. 1.* quod potissimum habet verum in habente potestatem ordinariam: Prælati autem Religionum data est potestas suos Religiosos absolueret, & ex consequenti possunt illos ita ligare, vt ab aliis absoluti non possint. Vnde Papa delegans aliquando suam iurisdictionem Religiosis alicuius Religionis, vt confessiones generaliter audiant, eam limitat respectu aliorum Regularium, ne eorum confessiones audiant absque suorum Prælatorum expressa licentia. sic habetur ex *privil. Innoc. IV.* concessio Ordini Prædicatorum, quod refertur in *supplem. Minorū*, & in *lib. Monumenti Ordini*. Idem privilegium fuisse etiā à Clemente IV. concessum Minoribus, & Carmelitis, refert Rodr. *tom. 1. quest. regul. q. 62. art. 4.* Immodò idem concessum fuit ab Innocentio VIII. & Julio II. Ordini S. Augustini, & refertur in *compend. Mendicant. verb. confessio*, & *confessor. §. 6. & 7.* Atque idem similiter concesserunt Clem. VII. & Gregor. XI. Ordini Cisterciensium, vt habetur in *eius comp. verb. confessor. §. 3.*

2. Suppono secundò, circa Religiosos peregrinantes, de quibus est præfatus dubium, quod, regulariter loquendo, si Religiosus peregrinus secum defert

fert socium eiusdem Religionis Sacerdotē, qui ad confessiones audiendas per suum Superiorem deputatus sit, tunc ei posset, vel etiā debuisset confiteri. Tum quia talis esse solet communis, & laudabilis Regularium obseruantia; tum quia hæc etiam solet esse Prælatorum voluntas; quæ esto aliquando non sit expressa, sufficit tacita, & inclusa in ipsa sic peregrinandi licentia; quam recta ratio satis indicat sic interpretandam. Si autem Religiosus peregrinus, hospitij causa ad domū aliam, seu Conuentum eiusdem Ordinis diuertere contingat, tunc liberum ei erit confiteri vel socio suo, vel Prælo Conuentus, vel aliis Religiosis ibi commorantibus, modò sint per suos Prælatos expositi ad audiendas confessiones Religiosorū; quod limitat Suar. tom. 4. de Relig. lib. 2. cap. 17. num. 4. nisi alicubi vel Superior, vel regula, vel specialia statuta aliter disponant; illud enim semper obseruandum esset. Tota igitur difficultas consistit, an Religiosus peregrinus, cum extra suæ Religionis Conuentus ad loca alia diuertit, possit cuicumque Sacerdoti regulari, vel sæculari confiteri?

3. Suppono tertio, quod à casibus in Religione reſeruatis, certum est de iure ordinario, neminem extra Religionem posse absolui, etiā si penitens aliquando licentiam habeat alieno confitendi de communibus Ratio est, quia, vt colligitur ex cap. fin. de procurat. in concessione generali non veniunt ea. quæ si specialiter peterentur, non essent concedenda. arque idem habetur ex cap. si Episcopus, de penit. & remiss. fauet Nauarr. in manu. cap. 27 num. 261. vbi asserit, quod Episcopus concedendo casus suos, id est, sibi reſeruatis, non videtur concedere auihoritatem absoluedi à censuris reſeruatis; & rationem reddit, quia à diuersis non fit illatio. I. Papinianus. ff. de minor. & cap. ad audientiam, de decim.

atque ideo, quamuis Religiosi itinerantes possint de licentia suorum Prælatorum absolui ab externis Confessoribus, (vt statim dicemus); in hac tamen facultate generali non comprehenduntur casus reſeruati, vt ex præallegatis iuribus habetur. Neque huiusmodi facultas censetur etiam concessa à Prælati, nisi expressè, & in specie declaretur, ob insinuatam rationem, nempe, quia specialis casus sub generali concessione non comprehenditur. Sed de his conclusionē tertia. Sit igitur

4. Prima conclusio. Religiosi itinerantes, vel dum extra suos Conuentus existerint, possunt de suorum Prælatorum licentia, cuicumque Sacerdoti regulari, vel sæculari confiteri. est communis, & habetur expressè in cap. si quis, de penit. & remiss. atque eam satis ostendunt plures Pontificum concessionēs ipsi Religiosis factæ. Nam Ordo Prædicatorum habet speciale priuilegium à Sixto IV. concessum, quod refertur in compend. verb. absolutio ordinaria, quoad Fratres. §. 39. vbi habetur, quod Prælati possint concedere Fratribus suis, vt dum itinerauerint, vel fuerint extra Conuentus suos, valeant confiteri quibuscunque Sacerdotibus regularibus, vel sæcularibus. Idem concessit Leo X. & refertur ibidem. §. 13. nempe quod Fratres Prædicatores, & alij Fratres, quando sunt extra Conuentum, & non habent copiam proprii Confessoris, possint cōfiteri peccata sua alicui Religioso alterius Religionis, seu Presbytero sæculari, dummodo id fiat sine fraude, & dicant Prælato suo. Similiter in comp. Ordinis Cisterciensium id ipsum refertur fuisse illis concessum ab Innocentio VIII. Immo idem etiam concessit Gregorius XIII. Societati I. E. S. V. de quo indulto agendum erit conſequenti. Nunc autem omnes Religiosi, sicut habent priuilegiorum cōmunicationem,

ita eisdem frui possunt, & de facto fruuntur. Et meritò quidem, quoniam Religiosi peregrinantes non debent confessionis subsidio priuari, nec quoad hoc reputandi sunt peioris conditionis, quam peregrini sæculares, qui libere possunt more incolarum confiteri cuicumque Sacerdoti ordinariam, seu delegatam iurisdictionem habenti, ubi-cumque inueniantur.

5. Secunda conclusio. Religiosi itinerantes, seu dum extra Conuentus suos commotantur, non debent, nec possunt confiteri Sacerdoti simplici regulari, seu sæculari, sed illi dumtaxat, qui per suos Superiores fuerit ad audiendas confessiones expositus. Itavt nimitum, si Sacerdos sit regularis, per Prælaram regularem sit ad audiendas saltem Religiosorum confessiones expositus: si autem sæcularis, sit similiter per suum diocesenum ad id muneris approbatus. Hæc conclusio non placet aliquibus, sed eam tenent expressè Rodr. tom. 1. *quest. regul. quest. 62. art. 4.* & Mit. in manu. Prælat. tom. 2. *quest. 33. art. 6.* &

6. Suadetur primò, quia esto ante Concilium Tridentinum Sacerdotes sæculares possent in Confessorem eligere quemcumque Sacerdotem simplicem, quod tamen nunc illis per idem Concilium *sess. 23. cap. 15.* interdicitur: at Regularibus nec ante Concil. nec postea licitum vnquam fuit Sacerdotem simplicem, etiam Religiosum eiusdem Ordinis eligere in Confessorem, sed eum dumtaxat, qui ad confessiones excipiendas fuerit à suis Prælati deputatus. Igitur, sicut hæc consuetudo, tanquam laudabilis, semper fuit æstimata, & in cunctis Religionibus benè ordinatis ab eadem infantia semper viguit, vt testantur præcitati authores, sic in futurum est obseruanda, nec ab illa vllatenus recedendum.

7. Suadetur secundò, Absolutio, quæ confertur à non habente iurisdictionem ordinariam, seu delegatam, nullius est momenti, vt definit Tridentinum *sess. 14. cap. 7.* sed absolutio, quæ confertur à Sacerdote simplici regulari, seu sæculari, est huiusmodi; ergo Religiosi itinerantes non possunt Sacerdoti simplici cuicumque validè confiteri. Maior, & consequentia parent. Minor probatur, quia non potest dici, quòd habeat illam ex vi suæ ordinationis, vt præten dit Atmachan. nec à pœnitente per voluntariam subiectionem, vt opinatur Caietan. us, vtrumque enim falsum esse ostendimus *dub. 2.* præcedenti: nec habet illam à Prælato pœnitentis, quoniam sicut nemo potest ius dicere in non sibi subditum, ita nec ibi iurisdictionem suam delegate, quod in Prælato locali locum etiam habet ex alia causa, nempe quia, regulariter loquendo, Prælati locales non habent auctoritatem constituendi Confessores etiam subditos, vt dictum est suprà. Denique nec eam habet à Pontifice, quia nullibi constat expressè de huiusmodi concessione, debuisse autem constare, cùm sit contra ius speciale. Ergo necessariò fatendum est non posse Religiosos itinerantes, aut extra suum Conuentum commorantes validè confiteri cuicumque Sacerdoti simplici, nisi per suum Superiorem sit ad confessiones saltem Religiosorum excipiendas deputatus.

8. Tertio, quia magnum videtur absurdum dicere, quòd Religiosis subditis maius concedatur priuilegium, quam eorundem Prælati, immò quàm Episcopis, & Cardinalibus; sed *dub. præced.* ostendimus, Prælatos regulares quoscumq; etià Generales, non posse confiteri Sacerdoti simplici non sibi subdito, atque idem etiam offensum fuit de Episcopis, & Cardinalibus. Igitur à fortiori idem similiter est sentiendum de

de Religiosis subditis, dum itinerare, seu extra suos Conuentus commorari contingat.

9. Quartò, quia ex opposito plura possent sequi inconuenientia in præiudiciũ regularis disciplinæ; nam in primis posset euenire, quòd Sacerdos simplex sit norabiliter ignarus, & omnino inexpertus, & forsitan incapax retinendi secretum. Secundò, quòd sit prauis moribus affectus. Tertiò, quòd sit excommunicatus, suspensus, vel interdictus; hinc autem quot possint incommoda prouenire, facili quis poterit iudicare. Ad hæc posset quis suo Prælatore renitente, immò & contradicente itinerantium confessiones aliquando excipere: quæ omnia, & alia eiusmodi cessant dum confessiones excipiunt illi, qui per suos Superiores respectiue sunt ad id muneris expositi. Nec est verisimile, quòd Pontifex intendat priuilegium Religiosis concedere eorundem regulari obseruantiaæ adeò repugnans.

10. Confirmatur ex cõcessione Gregorij XIII facta Societati Iesu, vbi inter alia habetur, quòd nulli prædictæ Societatis liceat extra illam eligere Confessorem, nisi ratione itineris, aut alia de causa ab eiusdem Superioribus, aliis Confessariis intra, aut extra Societatem, confitendi facultas ad id specialiter daretur; secus facta irrita, & inanis decernitur. Hæc ibi, & refertur in compendio Societat. titulo *Absolutio* fol. 11. Ecce quomodo non simplici Sacerdoti, sed Confessario iam instituto confitendi conceditur facultas itinerantibus.

11. Neque obstat primò si dicas, in priuilegio per Sixtum IV. concessio Ordinis Prædicatorũ, simpliciter haberi, quòd itinerantes de licentia suorum Prælatorum possint confiteri quibuscumque Sacerdotibus regularibus, seu

secularibus; & in priuilegio per Leonem X. concessio habetur, quòd Prædicatores, & alij Fratres quando sunt extra Conuentũ, & non habent propriũ Confessorem, possint confiteri alicui Religioso alterius Ordinis, vel Presbytero seculari, vt *suprà* indicauimus. Respondetur enim has, & similes concessionem interpretandas fore iuxta regulas iuris communis. Vnde, cùm Tridentinum disponat, non esse validam absolutionem quæ confertur à non habente iurisdictionem ordinariam, seu delegatam; idcirco necessariò sunt præcitata concessionem interpretandæ de Sacerdotibus alijs expositis.

12. Neque obstat secundò, si dicas nonnullos DD. magnæ æstimationis contrarium opinari, præsertim Nauatr. in *summ. cap. 4. num. 7.* & Suar. *tom. 4. de pœnit. disp. 28. sect. 4. num. 5.* Respondetur tamen, nec Nauatr. nec Suar. ibi simpliciter asserere, quòd possit Religiosus Sacerdotem simplicem eligere in Confessorem; Suar. namque *loco citato* ait, Superiorem regularem posse suis subditis exponere Confessorem non approbatum ab illo Episcopo, quod est verissimum, & nos libenter concedimus. Vnde si *tom. 4. de Relig. lib. 2. cap. 17. num. 6.* aliud præten dit, putans sufficere licentiam itineranti concessam à suo Superiore, vt ex verbis illius videtur deduci, Respondetur id falso fundamento dixisse, vt constet ex dictis in secunda probatione, atque idem respondetur ad Reg. qui eidem opinioni adhæret *tom. 1. lib. 1. cap. 15 num. 175.* Nauar. autem inquit, Religiosos, adhuc post Concilium Tridentinum, posse virtute suarum Bullarum, cõfiteri Clericis secularibus idoneis, quod potest, ac debet exponi de idoneis, iuxta formam Tridentini. Hæc enim conditio adeò est necessariò semper subintelligenda, vt quamuis Pontifex suam iuris-

dictionem delegando, possit de potentia absoluta eam communicare cui licet Sacerdoti, non seruata tali forma: at, quoties simpliciter, & sine tali declaratione illam committit, interpretandus est iuxta Concilij formam id præstare.

13. Hinc, si vnquam Pontifex alicui absolute concedat facultatem eligendi Confessorem, semper intelligitur de Confessore idoneo, iuxta d. formam, est id non exprimatur, vt rectè docet Suar. *ibidem* num. 9. & 10. Immo opinio Nauar. in nonnullis exemplaribus satis mutata reperitur. Adde, quod in re aded graui, & ex qua pèdet valor Sacramenti, non est standū opinioni, sed rationi, & iurium dispositioni; contraria autem opinio nec valida ratione, nec iure aliquo saltem expresso fuleitur.

14. Tertia conclusio. Circa absolutionem à casibus reſeruatis, vnusquisque debet suæ Religionis consuetudinem, vel regulæ, prælatiue directionem seruare. Ratio est, quoniam etiam in hoc Religiosi speciali iure regi consueſcunt, ac propterea vnusquisque illud seruare tenetur.

15. Neque obstat priuilegium ab Innocentio Octauo Prædicatoribus Monachis concessum, vt dum extra monasterium Ordinis existunt, de licentia Superiorū, cuiusunque Regulari, seu seculari Sacerdoti cōſiteri possint, & à quocumque casu quomodoecumque reſeruato absolui, sicut à Confessariis ordinariis. Ita habetur in *compend. Cisterciens. ver. confessor* §. 5. & refertur à Rodr. tom. 1. *quæst. regul. q. 62. art. ...* & à Suar. tom. 4. *de relig. lib. 2. cap. 19. num. 3.*

Respondetur tamen, quod nec constat, nec necessarium est indultum illud esse vsu receptum in aliis Religionibus, tum quia non est omnibus directè factum, nec aliæ coguntur eius communicationem admittere; tum etiam, quia

non continet præceptum, sed datur per modum priuilegij, cui renunciare potuit ipsa etiam Religio, cui directè concessum est. Immo verisimiliter credendum est, Pontificis mentem fuisse, non regularem disciplinam relaxare, sed necessitati solum Religiosorum paterno affectu providere.

16. Hinc Suarez ibidem, quamuis n. 2. asserat, quod, moraliter loquendo, necessarium est, de opportuno remedio Religiosis peregrinantibus providere, ne cogantur, vel cum peccato aliquando (quod absit) celebrare, seu communicare, vel cum scandalo, & propriæ conscientie detrimento diu à celebratione, seu communione abstinere: attamen num. 4. meritò censet, magis esse in his attendendam regulam, seu consuetudinem Religionis, aut Prælatorum ordinationem, quàm priuilegia. Etenim circa facultatem Religiosis itinerantibus pro absolutione à reſeruatis concedendam in diuersis Religionibus diuersa est praxis. Nam in aliquibus fortasse vel ex regula, vel ex consuetudine constat, talem licentiam simpliciter, & absolute censi concessam eo ipso, quod Prælatus non prohibet, nec limitat illam. Vnde in huiusmodi Religionibus, eo ipso quod de licentia sui Prælati quis peregrinatur, consequenter desinunt esse reſeruata, eum proinde absolui possint à quolibet Confessore. Sic refert Suarez, cui non placet talis vsus, nec mihi etiam. Probatur, tum ob notabile dispendium quod inde Religioni ipsi proueniret; tum, quia si reſervatio vt frænum adhibetur, ne quis ita facile prolabor, nemo mentis compos ignorare potest, multò magis agere tali fræno Religiosum dum extra monasterium vagatur, cum tunc sit pluribus periculis expositus.

17. Hæc de causa in aliis Religionibus conceditur peregrinantibus dicta facultas,

facultas, cum onere tamen postea comparandi coram Prælatis, ad quos casuum reservatio spectat. Hic modus laudabilis sanè videtur; sic enim nec Religiosus cogitur à celebratione, seu communione diu abstinere, nec eidem omnino tollitur reservationis frænū. Vnde non immerito id observari dicitur in Religione Carthusiæ, Sancti Hieronymi, & Societatis Iesu, sic referente Suar. *ibidem*. Cæterum de huiusmodi ritu latius infra *cap. 3.* ubi circa hanc materiam nonnulla dubia scitu digna discutienda erunt.

18. Corduba super Regul. S. Francisci *cap. 7. q. 3.* docet, Fratres Minores de Observantia non posse absque speciali privilegio, extra Religionem de reservatis confiteri, idque illis esse interdictum ex vi regulæ, & ex constitutionibus tam Apostolicis, quam Religionis, nec non ex consuetudine. Atque in primis, ad probandum, id esse ex vi regulæ prohibitum, refert Hug. Barr. Pil. & alios, qui ea potissimum ratione ducuntur, quoniam regula solum concedit, quod Ministri possint Fratres peccantes remittere ad alios eiusdem Ordinis Sacerdotes pro imponenda poenitentia de reservatis. Hæc tamen ratio non placet Cordubæ, tum quia ibi agitur dumtaxat de reservatis publicis, ut omnes expositores farentur, tum quia id non iniungitur obligatorie Ministris, sed simpliciter insinuatür modus observandus in euentu, quod Minister non sit Sacerdos. Vnde nec similiter Clemens Quintus id inter obligatoria computavit. Probat igitur Cordubæ suam doctrinam ex quadam Bonifacii Octavi constitutione, quæ habetur in *cap. 6. statutorum generalium Barchinensium*, ubi inter alia sic ait: Inhibemus vniuersis Fratribus vestri Ordinis, ne aliquis eorum, nisi in necessitatis articulo, aliis, quam Prælati suis pecca-

ta sua confiteri præsumat, vel aliis Sacerdotibus eiusdem Ordinis secundum regulam & ipsius Ordinis statuta. Hæc *ibidem*.

19. Atque idem, & eisdem ferè verbis prohibuisse Clementem IV. refert Rodr. *ubi supra art. 5.* ex quibus aperte deduci videtur confessionem extra Ordinem de reservatis interdictam esse Fratribus Minoribus de Observantia directè ex constitutionibus tum Pontificiis, tum Religionis; indirectè verò ex vi regulæ.

20. Deinde idem probare intendit loco citato Cord. Rodr. & Mirand. ex consuetudine, quæ habet vim legis, cum illam approbat Prælatus tacite, vel expresse, ut tradunt Sor. *lib. 1. de iust. q. 7. art. 2. & Med. 1. 2. q. 97. art. 7.* talis autem est consuetudo, de qua agimus, cum sit ab omnibus recepta, & de rebus honestis, ac necessariis ad decorem Religionis conservandum, cuius oppositum probabiter timendum esset, si excessus saltem graues extra Religionem propalarentur. Sed forsitan dices, hinc saltem præberi ansam vel celebrandi, aut communicandi aliquando absque præuia confessione, contra præscriptum Trident. *sess. 13. cap. 7.* vel diu abstinendi à celebratione, seu communione fortasse non absque periculo scandali.

Respondent Rodr. & Mirand. negando assumptum. Nam, si dum Religiosus vagatur extra Conuentum, in casum incidat reservatum, & non habeat expressam, ac specialem sui Prælati licentiam, ut ab alieno de reservatis absoluator, nec à celebratione, seu comunione potest absque scandalo abstinere, tunc ad celebrationem, seu communionem accedere valet sine confessione, sola contritione, prout præcitati auctores expresse tradunt; qui etiam asserunt de huiusmodi Religioso sentiendum esse, ac si non haberet copiam Confessoris, nec



nec id putant repugnare Cœcilio, immò esse illi consentaneum, cum ita definiat in casu necessitatis faciendum; subdit tamen, quòd si vnquam Sacerdos, necessitate urgente coactus, absque præuia confessione celebret, teneatur post celebrationem quamprimum confiteri. Sed

21. Quæres primò, quid sit faciendum, vbi nec per regulam, nec per statuta satis extet declarata huiusmodi facultas, vel modus illius, nec de consuetudine similiter satis constet, quia nonnulli solent eam petere, alij minimè, præsertim si contingat ex obliuione naturali aliquem discedere, non obtenta, nec postulata dicta licentia.

Suar. num. 5. respondet, credendum esse, quòd implicite sit concessa à Superiore in ipsa peregrinandi facultate, saluo tamen rigore reservationis, quoad fieri potest. Priorem partem probat, tum quia, qui vnum concedit, virtute videtur concedere aliud, quòd moraliter necessarium est ad id conuenienter exercendum. tum quia vniuersalis consuetudo ita videtur voluntatem Prælatorum interpretari; posteriorem verò partem probat, quoniam dicta facultas non conceditur, nisi ob necessitatem, & consequenter explicanda est iuxta ea iura, quæ in simili euentu facultatem concedunt. Et quotiescumque eiusmodi facultas in iure conceditur, ratione occurrentis necessitatis solet concedi saluo onere reservationis, & consequenter sub obligatione comparèdi: igitur iuxta eundem sensum est etiam interpretandum, quoties Superior id expressè non declarat.

22. Ego autem in casu, de quo agimus, censeo potius non concedi vllam facultatem, vt satis habetur ex dictis in tercio notando. Nihilominus, ob inopiam Confessoris, quæ à reservationis absoluit, possit tunc Religiosus directè absolui ab alijs peccatis: reseruata au-

tem per accidens solùm remitterentur sicut oblita; atque adeò integra maneret obligatio confitendi suo Superiori, vel alteri de eius licentia, quod nec vlatenus repugnat, nec displicet ipsi Suar. immò est ferè communis opinio.

23. Quæres secundò, an si contingat Religiosum peregrinantem ad locum aliquem accedere, vbi suæ, & alterius Religionis Sacerdotes, necnon Presbyteri sæculares existunt, liberum sit eidem Religioso itineranti eligere quemcunque istorum?

24. Respondetur, & dico primò, quòd si adit Sacerdos suæ Religionis Confessor idoneus, eidem potius, quàm alteri confiteri debet, saltem cæteris paribus; tum quia satis probabiliter presumendum est, Prælati voluntatem esse, vt ipsius subditus non confiteatur extraneo, cum suæ Religionis Confessorem possit habere; tum etiam, quia id magis commendat vnitatem & fidelitatem erga Religionem. Vnde meritò Suar. d. c. 17. n. 8. docet id esse magis ordinatum, & consequenter omnino consulendum.

25. Dico secundò, quòd si non adsit Sacerdos Confessor suæ Religionis, adit tamen Confessor alterius Religionis idoneus, censeo adhuc esse consulendū vt illi potius confiteatur, quàm Presbytero sæculari, saltem quia, cæteris paribus, Religiosus quicumque est regularis disciplinæ magis capax, & consequenter Regularis, penitentis defectus facilius comprehendet.

26. Dico terciò, quòd nisi de huiusmodi limitatione constet, vel ex regulæ præscripto, vel ex aliqua Ordinis constitutione, vel ex Superioris præcepto, videtur nihilominus, quòd nō sit necessariò obseruanda, maxime, quia non solùm est onerosa, sed pluribus etiam scrupulis exposita, atque ita sentit idem Suar.

27. Quæres terciò, an Nouitij possint absque Prælati facultate confiteri cuium.

cuicumque Sacerdoti aliàs idoneo , & iurisdictionem habenti?

Respondetur, quòd in hac re est duplex opinio: quidam enim DD. tenent partem negatiuam. ita Cord. in suo *Quaestione*, lib. 1. q. 30. ubi aliis citat. eam potissimum probat, quia qui transfert domicilium, subditur omnino spirituali iurisdictioni illius loci, ad quem transit; argum. eorum quæ tradunt DD. *cap. fin. de paroch. cap. presensuisti, & cap. ult. de foro compet. & Sylu. atque alij Summistæ ver. domicilium*. Sed Nouitij transferunt domicilium, quamvis reuocabilitur, ad Religionem, in qua induuntur; ergo omnino subsunt iurisdictioni Prælatorum illius, dum ibi manere volunt, non aliter, ac professi, vt absolui, ac ligari possint ab eis, & non ab aliis, nisi de eorum licentia.

18. Alij partem affirmatiuam tuentur. ita Henric. lib. 6. *de penit. cap. 16. §. 3. lit. X. & lib. 7. de Indul. cap. 12. §. 7. lit. I. & V.* ubi pro eadem opinione citat Angel. *verb. Nouitius. §. 18.* & Armill. *ibidem*. Ducuntur autem, quia Nouitij ante professionem non sunt, nec dicuntur propriè Religiosi. Igitur nec possunt ligari per Prælatos, vel Regulam, seu statuta quoad hoc, sicut ligantur professi. Consequentia patet, & antecedens probatur per *cap. religioso, de sent. excom. in 6.* & Ioann. Andr. & Glof. *cap. beneficium, eod. tit.* Vnde Nouitius nec potest ordinari etiam ad primam tonsuram, nec eligi in Prælatum; gaudent tamen Nouitij aliquibus fauoribus ex speciali Sedis Apostolicæ priuilegio, nempe immunitate canonis *si quis suadente*. vt habetur in *d. c. religioso*, & quòd nequeant puniri per iudicem sæcularem, vt ait Bald. in *Aurb. ingressi. C. de sac. sanct. Eccles.* & aliis huiusmodi, quibus gaudent etiam Conuersi, seu donati, & familiares eiusdem Religionis, qui nihilominus non sunt Religiosi.

19. Mihi autem videtur dicendum quòd Nouitij intra Religionem nequeunt confiteri, nisi Prælatis, seu aliis de eorum licentia. Sed extra Religionem non possunt, inuito Prælato, confiteri alicui iurisdictionem Episcopalem dumtaxat habenti. Hæc sententia, quoad priorem partem probatur, quia Prælati regulares possunt ex officio iurisdictionem ad audiendas Religiosorum confessiones impedire, vel absolute, itavt cuiuscumque Religiosi sibi subditi confessionem excipere valeant, vel limitate, itavt confessiones Sacerdotum, & non aliorum excipiant. Ergo similiter possunt prædicti Superiores iurisdictionem limitatam communicare eisdem, ne confessiones Nouitiorum possit aliquis absque eorum expressa licentia excipere, & in eo casu nequeunt Nouitij confiteri huiusmodi Confessoribus, non quia ex parte sua sunt impediti, sed quia dicti Confessores iurisdictione carent.

Quoad posteriorem partem probatur eadem sententia, quia esto Nouitij possint confiteri cuicumque Confessori priuilegiato habenti iurisdictionem immediate à Papa, vt omnium fidelium possit confessiones excipere, aut aliis virtute Cruciatæ, vel similis priuilegij electis, non tamen iis, qui solum iurisdictionem Episcopalem habent, & in hoc sensu videtur interpretanda opinio Cordubæ. Sed insuper probatur, tum quia tota Religio ex speciali Sedis Apostolicæ priuilegio est exempta à iurisdictione Episcopi in vtroque foro: in hac autem exemptione Religio accipienda est non vt ex professis solum constet, sed vt Nouitios etiã complectitur; nam beneficium Principis amplissimè est interpretandum quantum verba ipsius iuxta communè vsu patiuntur. Nouitij autem esto non sunt propriè Religiosi, propriè tamen sunt in Religione, & dum sub eius obediencia,

ria, & habitu vitam traducunt, Religiosi appellatur, rum etiam, quia ex opposito sequeretur, Nouitios simili, & eodem tempore duos ordinarios Pastores non subordinatos inter se habere in hoc foro, quod videtur debito ordini repugnare, & confusionis ansam præbere. Nec enim quis duplici iure censeri debet, 12. q. 2. cap. cognouimus, & de decim. cap. cum in tua, & de priuileg. cap. quia circa. Vnde glos. in cap. recolentes, de stat. monach. & in cap. & temporis qualitas, 16. q. 1. asserit, id, quod alteri aggregatur, ipsius naturam imitari debere; nec ibi distinguitur, si reuocabiliter, seu irrevocabiliter; ad tempus, seu in perpetuum quis ad similem eorum vitam, aut societatem aggregetur. ergo idem est de Nouitiis, ac professis, quoad supradicta, sentiendum.

## CAPVT. III.

*De peccatis reservatis, à quibus  
virtute Bullæ potest quis  
absolui.*

## DVBIUM I.

*Virum in Ecclesia Dei sit potestas  
reseruandi peccata.*



Ro pleniori intelligentia eorum, quæ in hoc capite dicenda sunt,

1. Suppono primò, vocem *casus*, à cadendo deriuari; inde enim & Angelorum, & hominum casus nuncupatur, cum primùm à Dei gratia in peccatum lapsi, veluti è sublimi gradu ad ima infelicitate ceciderunt. Casus igitur reservatus dicitur ille, cuius absolutio iure humano, & positio interdicitur. Vnde, nomine *casus reservati*, propriè loquendo, in præ-

senti solum veniunt intelligenda peccata, non Angelorum, sed hominum; immò nec censuræ, irregularitates, vota, & iuramenta, vt tradunt Sylu. ver. casus, in princip. Nauarr. sum. cap. 27. num. 261. & plures alij, quos refert, ac sequitur Henricus. lib. 6. s. 14. lit. M. Ratio est, quia hic non agimus de quocunque actu iurisdictionis, præsertim exterioris, sed solum de reservatione culpæ in ordine ad sacramentalem absolutionem. Fateor, quòd, largè & generaliter loquendo, etiam illa dicuntur casus reservati, maximè excommunicatio, vt docent iidem DD. improprie siue ramen, vt rectè notauit Nauarr. ibidem. Vnde fit, quòd si Episcopus concedat absolutiōnem à suis casibus, non censetur concedere dispensationem votorum, iuramentorum, & irregularitatum. Et similiter, si concedat facultatem eligendi Confessarium idoneum, non ideo concedit, vt possit à casibus reservatis absolueri, nisi id exprimitur, vel constet euidenter per signa. Ita habetur cap. si Episcopus, de pœnis. & remiss. & docent Sylu. ver. Confess. 3. q. 2. Caiet. ver. Absolutio cap. 2. & Sot. in 4. dist. 18. q. 4. art. 2. Armill. ver. casus §. 1. & ver. Abbas §. 5. Tab. ibid. §. 8. Angel. Confess. 3. §. 18.

2. Suppono secundo quòd, regulariter loquendo, nullum est peccatum Summo Põtifici reservatum, quod non habeat excommunicationem annexam. Ita Henricus & Nauarr. loc. citat. Graff. lib. 1. decis. cap. 13. num. 40. Caiet. ver. casus, Tolet. sum. lib. 3. cap. 14. num. 1. & Suar. tom. 4. disp. 39. sect. 2. num. 2. Dixi notanter, regulariter loquendo, quia nonnulli opinantur, aliquot crimina Summo Pontifici reservari, quibus nulla est annexa censura. Ducuntur, quia in Extravaganti inter cunctas, de priuileg. præcipitur Parochis, vt admittant cõfessiones suorum Parochianorū, Mendicantibus factas, nec possint cõtra illos excipere, nisi

nisi dum Parochianus est excommunicatus, aut notorius peccator. Et subditur statim, sed videat, ne id dicat mendaciter, aut in dolum, vel in fraudem, quia si hoc egerit, à delicto tali, nisi plene satisfecerit, præterquam in morte, absolui nequeat, nec de illo ad poenitentiam aliter admittatur. Vbi, ob huiusmodi mendacium, abunde constat, nullam imponi censuram, & tamen illa videtur propria ipsius reservatio.

3. Deinde idem expressius deducitur ex Motu proprio Sixti V. contra Clericos male promotos edito: eos namque ob illam culpam suspendit, non tamen excommunicat. Et tandem subdit, personæ, ut sic præfertur, delinquentes, tam scilicet Antistites, seu Abbates promouentes, quam Clerici male insigniti, seu ordinati à reatibus, & excessibus præfatis absolui, præterquam in mortis articulo, non possint. Vtriusque autè præcitatæ constitutionis, sicut auctor est Summus Pontifex, ita etiam reservationem eidem similiter fieri, absolute dicendum est. Nec obstat, si dicas, dictam Extravagantem fuisse annullatam per Clement. *Dudum, de sepult.* & constitutionem Sixti V. fuisse à successoribus reservatam; de his tamen alibi saltem ex utraque deducitur, illum reservationis modum non esse omnino ab usu Pontificum alienum; fatetur tamen Suar *art. 5.* quòd, his exceptis, nullam aliam inuenerit reservationem pontificiam, cui non sit annexa excommunicatio, atque ideo infert, regulariter esse verum, Pontifices nullum sibi reservare peccatum; cui aliqua excommunicatio, vel saltem irregularitas, non adiungatur.

4. Suppono tertio, hanc pontificiam reservationem, ut de facto sit, respicere verumque, nempe censuram, & culpam, solet tamen dubitari, num reservatio

cadat immediate in culpam, an solum in censuram? Et quamvis hæc duo coniuncta existant, distincta tamen manere omnes fatentur. Et quidem de censura certissimum est, proxime, & immediate reservari, nec esse aliud, quod mediante illa reservetur, ut ex ipsis iuribus sit manifestum. Solum igitur controuertitur de culpa, an nimirum referuetur mediatè, id est, ratione censuræ, an verò immediate, ratione sui ipsius: Suar. *vbi supra num. 8.* cum aliis per eum relatis, censet per reservationes pontificias vtrumque in se reservari. Ducitur potissimum ex *cap. si quis suadente. 17. q. 4.* vbi fertur prima omnium reservationum Papalium, atque *ibidem* de percussore Clerici primum dicitur, anathematis vinculo subiaceat, & postea subditur, & nullus Episcoporum illum presumat absolueri, nisi mortis urgente periculo, donec Apostolico conspectui præsentetur. Obseruat autem Suar. absolutionem ibi reservatam, non quidem referri ad censuram dumtaxat, sed simpliciter ad ipsum peccatorem anathematis vinculo subiacentem, & consequenter totum id reservari, id est, tam culpam, quam censuram; atque idem videtur aperte deduci ex pluribus aliis iuribus.

5. Nihilominus verius censeo dicendum, reservationem sistere in censura, solum autem mediatè, & quasi per accidens redundare in culpam. Et probatur, tum quia ablata censura, manet peccatum non reservatum, ita ut quilibet Confessarius approbatus possit ab illa absolueri, ita communiter DD. Igitur necessariòarendum est, iurisdictionem solum fuisse ablatam circa censuram, alioquin ablata censura, adhuc maneret reservatio culpæ. Tum, quia id sufficit ad saluanda verba decreti, & intentionem ipsius reservantis, ut constat. Vnde, cum res sit odiosa, est mitiori

modo interpretanda. Ita videntur sentire Dur. in 4. dist. 17. q. 15. & Caiet. sum. ver. casu, dum ait: Solos illos casus esse Sedi Apostolicę reservatos, quos ecclesiastica censura, hoc est, excommunicatio reservat; & postea subiungit, censuram esse quasi adæquatam rationem huius reservationis, & consequenter illa ablata, omnino reservatio tollitur. Idem sentiunt Nauarr. sum. cap. 27. num. 261. & Alcoc. in suo Confess. cap. 12. cum multis, quos ipse refert. His sic præmissis, sit

6. Prima conclusio. Certum est, immò de fide tenendū, esse in Ecclesia Dei potestatem reservandi peccata; hæc autem potestas residet non solum in Summo Pontifice, sed in aliis etiam Prælati iurisdictionem Episcopalem, vel quasi Episcopalem habentibus. Ita DD. in 4. dist. 17. vbi D. Thom. q. 3. art. 4. quæst. 2. ad 4. Palud. quæst. 5. art. 1. Gabr. quæst. 1. art. 3. dub. 2. Major. quæst. 5. Sot. d. 18. quæst. 2. art. 2. Ledesm. 2. part. 4. quæst. 8. art. 2. concl. 2. & Suar. tom. 4. disp. 29. sect. 1. num. 2. Valent. tom. 4. disp. 7. q. 10. punct. 2. & communiter omnes. Sed

7. Probatur primò ex Concil. Trident. sess. 14. cap. 7. vbi sic habetur: Magnopere verò ad Christiani populi disciplinam pertinere sanctissimis Patribus nostris visum est, vt atrociora quædam & grauiora crimina, non à quibusvis, sed à summis dumtaxat Sacerdotibus absoluerentur. Vnde meritò Pontifices maximi pro suprema potestate sibi in Ecclesia vniuersa tradita, causas aliquas criminum grauiores suo poterunt peculiari iudicio reservare. Et in ead. sess. can. 11. sic habetur: Si quis dixerit, Episcopos non habere ius reservandi sibi casus, nisi quoad externam politiam, atque ideo casuum reservationem non prohibere, quominus Sacerdos à reservatis verè absoluat, anathema sit. Atque idem constat ex anti-

quissimo vsu totius orbis Christiani, Religionum, & diocesum, ita vt hic locum habeat illud Iuristarum axiomaz Fidelissimæ vetustatis mos retinendus est, quia pro magno teste vetustas creditur. l. more. ff. de iurisd. omni. iud. l. restamentum. Cod. de testam. & quod excellit antiquitatē, venerationem habet. D. Basil. orat. 1. de ieiunio nam in Concil. Carthag. III. cap. 32. & in cap. Africa. c. 20. statuitur, vt Presbyter penitentem aliquis criminis reum inconsulto Episcopo, nisi necessitate cogente in ipsius Episcopi absentia, nō absoluat. Et patet etiam ex multis aliis iuris canonici locis, in quibus casuum reservationem expressè sit mentio, vt ex dicendis dubio sequenti fiet manifestum.

8. Probatur insuper, tum ex ratione, quia iurisdicō necessaria in sacramento Pœnitentiæ manat à superioribus Ecclesiæ Prælati ad inferiores ministros, & consequenter potest magis, minùsve limitata concedi ad arbitrium concedentis. Tum ex congruentia, quia ita expedire videtur, vt fideles saltem ob difficultatem obtinendi absolutionem, arceantur ab aliquibus grauioribus excessibus, nec non vt à Prælati melius corrigantur.

9. Secunda conclusio. Superiores iurisdictionem Episcopalem, seu quasi Episcopalem habentes, possunt reservare peccata respectu cuiuscunque inferioris, esto ordinariam habeant potestatem: nam tamen in potestate Ordinis omnes Sacerdotes sint pares, in iurisdictione ramen sunt satis inæquales, vt constat; ideoque adhuc inter ordinarios Pastores est in hoc foro subordinatio, quæ ad bonum regimen in omni iudicio summopere requiritur; ac proinde potest Superior iurisdictionem inferioris coarctare, & casus aliquos respectu illius sibi reservare. Hinc autem

10. Sequitur primò, Summum Pontificem posse referuare casus respectu omnium, estò sint Episcopi, siue Archiepiscopi. Ratio est, quia omnis iurisdictio, quæ in Ecclesia existit, siue ordinaria, siue delegata, manat à Summo Pontifice. igitur habet ipse potestatem extendendi, aut limitandi illam, prout expediens iudicauerit, & consequenter potest referuando sibi casus, inferiorum iurisdictionem restringere.

11. Sequitur secundò posse Episcopum referuare casus respectu Parochorum sibi subditorum. Ratio est, quia licet ordinaria iurisdictio Parochorum, sicut & distributio, seu diuisio Parochiarum propriè non manet ab Episcopo, sed ex summi Pontificis institutione, ex eadem tamen manauit, vt Parochi in potestate iurisdictionis sine Episcopo subordinati, & ab illo quasi dependentes, id enim expedit, iund requiritur ad conueniens Ecclesiæ regimen: atque adeò possunt Episcopi referuare sibi aliquarum causarum cognitionem, vt docet Suar. 3. disp. 29. sect. 1. n. 6.

12. Sequitur tertio, habentes iurisdictionem ordinariam Episcopalem, seu quasi Episcopalem, posse casus referuare nò solum sibi, sed etià alteri; idque constat euidenter, quia sicut possunt ab altero iurisdictionem auferre, ita & alteri possunt illam suo rationabili arbitrio referuare. Hinc Summus Pontifex referuat casus non solum sibi, sed etiam Episcopis. Episcopus etiam posset casum aliquem referuare, atque illum Decano, vel Archidiacono committere, aut cuilibet alteri delegare, sicut expedire censuerit. Vnde non placet opinio Sot. absolutè asserentis *diff. 18. q. 2. art. 5.* quòd si Episcopus referuet vnum casum absolendum à Decano, & alterum ab Archidiacono; referuatio esset ridicula & inualida, id enim nulla ratione fundatur, quia non deest pote-

stas, vt constat ex dictis, & potest prudenter fieri, si debita interueniat moderatio.

13. Tertia conclusio. Nullum peccatum merè internum, quod in sola cogitatione consumatur, de facto referuatum est; posset tamen referuari. Priorem partem huius cõclusionis docet Henriq. *lib. 6. cap. 14. num. 6.* contra nonnullos Canonistas falsò opinantes hæresim mentalem esse Papæ referuatam, & excommunicationi subiectâ, nobiscum sentiunt Caiet. 2. 2. q. 11. *art. 3. Nauarr. sum. cap. 27. num. 56. D. Anton. 3. p. tit. 11. fin.* & plures alij, quos refert Henriq. *vbi supra in comment. lit. F.* & ratio est, quia sicut Ecclesia non cognoscit de actionibus, quæ in solo intellectu, aut voluntate consistunt, cùm solus Deus sit scrutator cordis, ita etiam non punit illas; puniret autem, si illas referuaret. Posterio rem partem tuentur Caiet. citat. Sot. in 4. *dist. 18. q. 2. art. 5. Ledesm. 2. 4. q. 3. art. 2. dubit. 10. Med. in sum. lib. 1. cap. 10. Petr. de Sot. lect. 5. de confess. Suar. som. 4. disp. 29. sect. 3. num. 3.* & Compend. Mendic. *ver. absolutio quoad fratres. §. 12.* Sed

14. Probari potest primò ex definitione Alexandri VI. relata ab Henriq. loco citato, vbi ait, Superiorem Regularium posse referuare peccata quædam cordis. Vnde perperam dixit Sotus *vbi supra*, errorem esse referuare interna, cùm apertè Pontifex censeat ibi, aliquando posse expedire, vt saltem in strictiori, feruentioriue Religione referuetur internus consensus in re graui, vt, v g. in hæresi, aut in apostasia à Religione catholica, præsertim si duret per tempus notabile, nimirum per horam, aut quid simile, vt bene notauit Henriq. *vbi supra*, Fagund. in 2. *Eccles. præcepto lib. 8. c. 1. num. 16.* & alij recentiores.

15. Probatur secundò, quia absolutio ab internis peccatis non potest dari,

nisi ab habente iurisdictionem. Sed omnis iurisdictione in hoc foro communicatur inferioribus per superiores Pastores; igitur, nisi Superior communicet illam alteri, reservata manebunt ipsi Superiori: hæc enim reservatio non consistit in exercitio iurisdictionis, sed in subtractione, seu non collatione illius.

16. Nec obstat si dicas cum Adrian. q. 4. de confess. quoddam Ecclesia non iudicat de occultis, & consequenter Prælati non possunt reservare sibi peccata interna, cum non spectent ad ipsorum iurisdictionem.

Respondetur Ecclesiam non iudicare de occultis, & internis, nec huiusmodi iudicium spectare ad eius iurisdictionem quoad forum externum, & consequenter nec posse ea prohibere, seu punire in huiusmodi foro; at quoad forum internum & poenitentiale spectat quidem ad Ecclesiæ iurisdictionem ferre sententiam de occultis, & internis; ita ut poenitens ipse iure divino teneatur ad hoc iudicium peccata sua deferre, & in eo esse sui accusator, & testis contra se; ac subinde posset etiam Ecclesia iudicium de peccatis internis committere aliis, vel illud sibi reservare.

17. Verum, saltem regulariter loquendo, non expedit peccata interna reservare, & hæc est communis DD. sententia, quam videtur satis convincere uniuersalis Ecclesiæ consuetudo; & iuxta hunc sensum existimo interpretandam opinionem Soti. Vnde, regulariter loquendo, imprudenter faceret Prælati quicumque peccata purè interna sibi reservans, tum quia illa sunt frequentissima, & adeo occulta, ut vix homo etiam doctus secum discernere possit consenserit, nec ne! atque ideo intolerabile esset, cum huiusmodi scrupulis ad Papam, seu alios Superiores recurrere; tum etiā, quia inde innumerari pullularent scrupuli, ut constat; &

consequenter, qui peccata interna reseruet, animas dubio procul illaquearet, quod à pietate Christiana valde alienum est. Quapropter casus reservatus debet esse clarus, & certus, non dubius, aut æquivocus. Vnde Sà in suis *Aphorismis* sic ait: Casus in dubiū non præsumitur reservatus. immò addere possumus quoddam casus non expressus in textu decreti, habetur pro omisso, & casus omissus relinquitur dispositioni iuris communis. *l. si cum dote. ff. sol. matr. in princ.* Hinc fit, quoddam, quia aliquis casus potest habere plures significationes, vnam propriam, & alteram impropiam, tunc propria assumi debet, impropria omissa.

18. Sed quæres, an reservatio possit absque legitima causa fieri pro arbitrio reservantis? Circa hanc difficultatem duo sunt certa.

Primum est, id fieri non posse licitè, nisi ex iusta causa fiat. Ratio est, quia potestas reservandi data est principaliter pro utilitate subditorum; reservationem autem esse ex se subditis onerosam, & difficilem reddere Sacramenti usum, conitat manifestè; igitur non potest reservatio licite fieri pro sola voluntate Superiorum.

Secundum est, quoddam si delegatus non sit ordinarius Pastor, licet inferior, sed simpliciter Confessarius, tunc valida erit reservatio, quamvis solo reservantis arbitrio, & sine causa necessaria fiat. Ratio est, quia Superior, dum suam iurisdictionem alteri committit, non ex debito iustitiæ, sed ex sua voluntate id præstat, proindeque potest suo arbitrio non totam, sed partem suæ iurisdictionis delegare; igitur potest eidem iurisdictione limitatam concedere ad aliqua peccata, & non quoad alia; quod sanè idem est, ac reservare.

19. Nec obstat, si dicas, quoddam quamvis id verum sit in prima iurisdictionis

nisi

nis concessione, at, postquam semel tota est delegata, videtur non posse per reservationem, absque legitima causa coarctari. Non quidem obstat, quia delegatio non est absoluta donatio, sed concessio simpliciter, quæ à voluntate referentis semper pendet, & consequenter, sicut potest eam reuocare, ita & coarctare. atque ideo non est de illa iudicandum, sicut de re, quæ in absolutum alterius dominiū tranſit, ita ut nequeat illa priuari, sed potius, ut de quodam inferiori iure à superiore dependente, & magis ad subditorum bonum, quam ad utilitatem possidentis ordinato. Unde, est per nimiam reservationem Pastores sint omnibus onerosi, & consequenter peccent contra charitatem dum eas aliquibus exponunt incommotis, non tamen videtur irrita, & nulla talis reservatio ob huiusmodi excessum reservantis, cum nunquam sit contra iusticiam, nec desit absoluta potestas. Nam sæpè contingit, ut potestas vsus habeat effectum, licet minus prudens, & rationalis sit, ut patet in dispensationibus, ac potissimum in effectibus negatiuis, cuiusmodi est hæc reservatio, quæ æquiualeat non concessioni.

20. At verò, cum reservatio sit respectu inferioris Pastoris ordinariam iurisdictionem habentis, tunc urget difficultas, quia Pastor etiam inferior habet proprium, & intrinsecum ius; atque ideo est opinionum varietas.

21. Prima absolute tenet esse nullam. ita Ledesm. 2. q. 8. art. 1. Inclinat Henric. lib. 6. de poenit. cap. 14. n. 13. dum ait, non videri obligare insolitam Episcoporum reservationem; illam autem vocat insolitam, quæ fit sine causa, ut ipse se explicat in comment. lit. P. Idem sentiunt Petr. à Soto de poenit. lect. 4. q. 2. art. 5. ad 2. & Taper art. 3. quæ opinio esset necessario approbanda, si omnes hi Pastores iurisdictionem à iure diuino habe-

rent; quoties enim ius diuinum modo aliquo est immutandum, ut valida sit talis actio, prærequiritur causa. Hinc dispensatio in ieiunio facta à Pontifice sine causa, esto sit illicita, valida tamen censetur, quia est in iure humano dumtaxat. Dispensatio autem in voto, si absque causa fiat, non solum illicita, sed nulla etiam æstimatur, quoniam ius diuinum aliquo modo attingit; ac propterea idem esset in præſenti dicendum. Quia igitur fundamentum illud nobis non probatur, posset dicta opinio suaderi ex eo, quia Pastores, saltem ex suppositione officij, habent intrinsecum, & naturale ius ad suam iurisdictionem, ac proinde nequeunt illa priuari sine causa; sicut episcopatu, seu quouis alio beneficio semel obtento nequit aliquis sine causa priuari, neque etiam ab officio suspendi solo arbitrio alterius; imò priuatio, seu suspensio erit nulla, si sine causa fiat. Igitur idem esset sentiendum in casu, de quo agimus.

22. Secunda opinio absolute tenet, solam reservationem esse validam. Ita Sylu. verb. Confess. 3. num. 1. ad fin. Graff. lib. 1. de off. 13. num. 77. Henric. quodlib. 1. q. 27. & Fagund. d. c. 1. num. 25. & potest suaderi ex eo, quia Superior semper confert iurisdictionem à voluntate sua dependentem, & consequenter, ablata illa circa aliquod peccatum, etiam absque conuenienti ratione, adhuc factum tenet. Et hanc opinionem censet valde probabilem Suar. ubi supra à sect. 4. n. 4.

23. Tertia opinio distinguit inter Summum Pontificem respectu omnium inferiorum, & Episcopos respectu Parochorum. Vnde de Pontifice approbat secundam sententiam, tum ob eius fundamentum; tum quia à Pontifice manat omnis iurdictio. In Episcopis autem approbat priorem sententiam, & suaderi potest, quia institutio, & iurdictio Parochorum non est originali-



ter ab Episcopis, sed à Summo Pontifice; atque ideo Episcopi Parochias diuidere, seu mutare, vel quid simile præstare nequeunt propria potestate, nisi à Pontifice delegetur. Hinc igitur satis manifestè videtur deduci, quòd si Episcopi absque legitima causa referuent, talis reservatio erit nulla. Ita Maior dist. 17. q. 5. & Angel. *ver. Casus*, nec displicet Sor. & Suar. His sic prælibatis,

24. Dico primò, si de Summo Pontifice sit sermo, absolutè tenendum est, validam esse reservationem ab ipso factam, etiam absque legitima causa. Ductor, tum quia, vt habetur ex dictis, iurisdicção, de qua agimus, confertur quidem à Summo Pontifice; ita tamen, vt non ideo transeat in absolutum alterius dominium, quasi non possit illa priuari, sed ita ut ab ipso Summo Pontifice semper pèdeat, semper enim manet supremus Pastor, & potest per se ipsum (si velit) oues curare, seu iudicare. Tum etiam, quia potuit Pontifex à principio iurisdictionem hæc lege, & conditione conferre, vt ab ipso semper penderet, nec se iure suo, & potestate priuaret; imò ita fuisse constat ex Ecclesiæ vsu, & quia sic expedit bono communi ad tollenda schismata. Tum denique, quia in foro còtentioso valida semper est Pontificis reservatio, etiam sine causa facta, sed solum ex suprema ipsius potestate: Vnde, si eximat aliquem à iurisdictione Episcoporum, aut si ad se referuet cuiusque causæ iudicium, factum tenet, arg. *cap. ad nostram, de appellat.* Igitur idem est in casu nostro sentiendum. Et quidem si practicè res ista consideretur, nullus Catholicorum auctor, quém legerim, ad eam hæcenus deuenit temeritatem, vt ausus sit dicere reservationem in particulari à Summo Pontifice factam esse nullam: tamen si de reservationum multitudine nonnulli conuesti sint.

25. Dico secundò, quamuis, si de

Episcopis, respectu Parochorum sit sermo, res æstimetur, & sit magis dubia, cum id pendeat ex modo institutionis, ac dependentiæ, quam ex Pontificis voluntate iurisdicção Parochi habet ab Episcopo; nihilominus seruari hîc etiã proportionalem subordinationem, ac dependentiam, suadere videntur rationes tactæ si cum proportionem applicentur; Episcopus enim semper manet ita superior, vt causam aliquam possit sibi reservare. Adde, quia in re dubia sèper est timenda sententia Pastoris; nemini autè potest in particulari còstare reservationem fieri sine legitima causa, cum hæc non semper sit grauitas culpæ, sed multæ aliæ possint in pectore Pastoris reservari, esto à subditis ignorètur; igitur non potest reservatio aliqua in particulari prudenter censeri nulla. Nec obstat, si cum Sorø, & aliis obiciat, tunc certè censeri posse reservationem hanc esse nullam, eum casuum reservationum nimia est multitudo. Non (inquã) obstat, cum causa hæc nunquam possit esse practicè sufficiens; quia vel tota illa collectio censetur nulla, ita ut nullus deinde casus maneat validè reservatus, & hoc quidem probabiliter dici non potest, eum saltem octo, decemve casus, v.g. possent validè reservari, & consequenter non est dicendum quòd ob aliorum multiplicationem sit statim nulla: vel dicitur illa reservatio nulla quoad aliquos dumtaxat casus determinatos, & hoc etiam videtur non posse practicè dici, tum quia non est maior ratio de his, quàm de illis; tum quia nec potest homo designare, quantus sit casuum reservationum numerus, quo expleto, reservationes postea additæ sint nullæ. Atque ideo censeo, nullam reservationem in particulari esse paruipendendam tanquam irritam, sed dum reservatio æstimabitur nimia, vel irrationabilis, ad Superiorem potiùs recurrèdum est,

vt

ut in huiusmodi euentu prouideat. Ex his

26. Sequitur primò, quòd quando Papa per priuilegium aliquod, Bullam, seu Iubileum concedit facultatem absoluedi à censuris sibi referuatis, subintelligitur eam etiam concedere ad absoluedum à peccatis, seu casibus sibi referuatis. Ratio est, quia hæc duo, censura, & culpa, sicut, à principio sunt cónexa inter se quasi in fieri, ita & in duratione: & sicut Pontifices non solent vnum referuare sine alio, ita nec vnum tollere sine alio. est communis DD. ita Nauar. *sum. cap. 27. num. 161. Caiet. ver. casus. Sanch. sum. lib. 2. c. 8. num. 5. Sà ver. casus referuatis, num. 2. Sor. in 4. diff. 18. q. 2. art. 5. Suar. loco cit. sect. 2. num. 11. Graff. lib. 2. decis. c. 13. num. 40. & Viual. in candelabr. vbi de absolut. num. 8. & 36. cum Armil. Sylu. & Viçt. per eum allegat.*

27. Secundò sequitur quòd quamuis verum sit data facultate absoluedi à censuris, censerì etiam datam pro absoluedione à peccatis, dum de referuatione Pontificia agitur. Secus dicendum est de referuatione Episcopali. Nam Episcopi aliquos solèt casus referuare sine censuris, & aliquos cum illis: ac proinde, si vnquam Episcopos concedat facultatem absoluedi à peccatis, quibus annexa est censura, consequenter datur ad absoluedum à censura; & è contra data facultate absoluedi à censura, iam peccatum non manet referuatum; & consequenter posset ab illo tunc quicumque Confessarius absoluere. At verò data ab Episcopis absoluta facultate absoluedi ab omnibus censuris sibi referuatis, non censetur absolutè dari pro absoluedione ab omnibus casibus sibi referuatis, cum nonnullos soleant aliquando Episcopi referuare sine censuris. Similiter si concedat casus sibi referuatos, non videtur concedere abso-

lutionem à censuris omnibus sibi referuatis, quia à diuersis non fit illatio. *l. Papinianus. ff. de minor. & cap. ad audiendam, de decim. ita Nauar. & etiam Fagund. vbi suprà.*

28. Tertio sequitur, quòd si aliquando cum referuatione casus, & censuræ Papalis concurrat referuatio casus, & censuræ Episcopalis, tunc virtute facultatis per Iubileum, seu Bullam à Summo Pontifice concessæ pro absoluedione casuum omnium, ac censurarum sibi referuatarum, potest Confessarius absoluere etiam à referuatis Episcopo. Ratio est, quia qui concedit maius, concedit etiam minus, dum illud minus eiusdem rationis est cum maiori, & in eo includitur, iuxta axioma Iuristarum, cui conceditur quod est maius, &c. *de reg. iur. in 6.* Referuatio autem Episcopalis non dubium est, quin in Episcopali includatur, cum iurisdictio Episcopalis à Pontifice pendeat, & vtraque referuatio sit actus iurisditionis. atque ita tenet communis Ecclesiæ praxis, & sentiunt Henric. lib. 6. *de penit. c. 4. num. 9. Tolet. lib. 3. c. 14. num. 2. Graff. lib. 1. decis. cap. 13. num. 58. Nauar. cap. ita quorundam, de iudi. nov. 1. t. num. 71. qui estò in Man. c. 27. num. 261. videatur aliquantulum anceps, at num. 263. nobiscum sentit, inquiens: sodales sanctissimæ Trinitatis posse absolui à casibus, & censuris Episcopalibus, inconsultis Episcopis, virtute cuiusdam priuilegij eis concessi à Gregorio XIII.*

## DVBIVM II.

*Quo casus Summo Pontifici, Episcopis, & Prælati Regularium referuati, compendiosè explicantur.*

1. **C**ASUS Summo Pontifici referuari quot, & quales sint, non est facile explicare; id autem in vniuersum dici

V potest,

potest, quod sunt omnes, & soli illi, qui habent sibi annexam excommunicationem Summo Pontifici reservatam, ut habetur ex dictis *duob. præcedenti*, & tenet communiter DD. quos refert, & sequitur Alcoc. in *suo confess. cap. 12.* & passim Summistæ. Vnde, si inquiras, quinam sint isti casus, quibus annexa est Papalis excommunicatio, longum quidem esset eos hîc recensere.

Respondet igitur, illos potissimum colligi ex Bulla Ccenæ Domini; præter hos tamen sunt multi alij per corpus iuris canonici dispersi, quos inuenies in *cap. si quis suadente. 17. q. 4. cap. si Episcopus, de pœnit. & remiss. in 6. cap. quærenti, de offic. deleg. cap. ad satisfactorum, de crim. fals. cap. fundamentum, de elect. lib. 6. cap. significauit, de sent. excom. cap. tua, eod. tit. cap. clericus, de immunit. Eccles. lib. 6. cap. felicitis, de pœnit. eod. lib. Clem. 1. §. verò, de elect. Clem. suscipientis, de pœnit. §. fin. Clem. graue, de sent. excom. in Extrauag. & si Dominici, de pœnit. & remiss. Extrauag. 2. de sepult. Extrauag. Pauli 1. de simonia. & Extrauag. Martini V. de Regularib. & alibi. Per prædicta itaque iura dispersi sunt casus Papales. Alij alios addunt, præsertim Sylu. *ver. casus n. 2.* sunt autem incerti, atque ideo nos cōsulrō illos omittimus.*

2. Sed iam ad casus Episcopis reseruatos deueniamus, de quibus professō non parua est controuersia inter DD. qui, & quot sint, ut colligitur ex D. Anton. 3. p. tit. 12. cap. 11. Angel. *verb. casus, in princ. Sylu. ibi q. 2. & gloss. cap. 2. de pœnit.* cum alia simili gloss. in Clem. *Dudum §. statuimus.* In primis igitur diuersi DD. plures casus, sed præsertim quinque referre consuevunt, quos in iure Episcopis reservari existimant; sed eos apertè falli ex mox dicendis quisque poterit facillè colligere.

3. Quidam cum Sylu. *verb. casus q. 3.* inquirunt, peccatum Clerici, ratione cuius ipse incurrit irregularitatem, esse

Episcopis reservatum; hæc tamen reservatio non est de ipso peccato, sed de sola irregularitate, cuius dispensatio reservatur Papæ dum est notoria, Episcopo autem, si sit occulta: culpa autem per se reservata non est; imò stante irregularitate, potest quis ab huiusmodi culpa per quemlibet approbatum absolui, nam irregularitas non impedit Sacramenti susceptionem est communis sententia, & tenet expressè Sylu. & Angel. *ubi supra, Caiet. verb. irregularitas, & gloss. in cap. si Episcopus, de pœnit. & remiss.* quam sequitur Host. & alij, qui numerantes casus Episcopales, huius nullam faciunt mentionem.

4. Secundus casus, quem aliqui arbitrantur esse Episcopo reservatum, est ille, cui in iure est annexa excommunicatio Id autem solum habet locū, quando excommunicatio per se est Papæ reservata, & in aliquo casu particulari committitur Episcopo; ut plerunque fit in excommunicatione canonis, *si quis suadente*, & in Tridentino *sess. 24. cap. 6.* in omnibus oculis; tunc autem potius delegatio, quàm reservatio dicenda est. Vnde quando excommunicatio simpliciter fertur, in iure nulla fit Episcopo reservatio, sed quilibet approbatus potest à culpa, & censura absoluerè, iuxta *cap. nuper, de sent. excom. in 6.* atque in hoc conueniunt Angel. *ver. casus*, Nauarr. *sum. cap. 27. num. 262.* & communiter omnes.

5. Tertius casus est ille, cui in iure imponitur pœnitentia publica, quæ olim solum imponebatur pro peccato publico, & scandalo, ut constat ex *cap. fin. adiuncta gloss. 26. q. 6.* hoc autem iam non est in usu, ut norauit Nauarr. *ubi supra*, sunt etenim huiusmodi pœnitentiæ iam sublata, & si quæ adhuc supersunt, ad forum contentiosum spectant; nec ratione illarum referuntur peccata, nisi censuræ habeant annexam, ut tradit Suar. *d. disp. 29. §. 3. num. 6.*

6. Quar

6. Quartus casus est publica blasphemia, quam Sylu. & alij probant esse Episcopo reservatam, ex *cap. statumimus, de maledicis*. At textus ille solum loquitur de pœna ob tale peccatum imponenda in foro contentioso, idque dumtaxat reservatur Episcopo, non autem in foro conscientie. ita Nauarr. citans pro se Ang. Imò in Concil. Lateran. sub Leon. X. *sess. 9. §. ad abolendam*, expressè habetur, quòd Confessores non absoluant blasphemos, nisi imponendo eis graues pœnitentias. Supponit igitur Conciliū, Confessores ordinatio posse ab eiusmodi casu aboluere.

7. Quintus casus, est peccatum incendiarij dolosi, qui ex proposito incendit segetes, aut domos, vel id præcipit, seu consulit; solet autem hic casus colligi ex *cap. pessimam. 23. q. 8.* ibi tamen nulla inuenitur reservatio, sed solum præceptum, vt huiusmodi peccator non absoluator, nisi tali, vel tali pœnitentia iniuncta, in qua nequeat Episcopus dispensare; non verò limitatur ibi absolutio, seu pœnæ impositio ad solum Episcopum, vt notat Suar. *loc. cit. num. 9.* vbi subiungit, hoc peccatum non habere in iure excommunicationem annexam: si tamen incendiarius ab homine semel excommunicatur, ratione talis censuræ statim Papæ reservatur. ex *cap. tua nos, de sent. excom.* Neque obstat si dicas ex Nauarr. hunc casum esse iam communione opinione, & vsu receptum; inde enim solum potest deduci, quòd sit reservatus ex consuetudine, non ex vi iuris, vt tradit *ibidem* Suarez.

8. Fateor tamen, quòd ex consuetudine generali, vel quasi generali, alij quinque casus reservati Episcopis referuntur à DD. infra citandis, quorum meminit etiam gloss. in *Extravag. inter cunctas, de priuileg.*

9. Primus eorum est, homicidium voluntarium, & auxilium, vel consilium

dantis, secuto effectu homicidij, & non aliter.

10. Secundus est, peccatum falsarij; est autem falsarius, qui falsificat literas, vel scripturas cum præiudicio tertij, vt illas præsentet in iudicio.

11. Tertius, est violatio immunitatis ecclesiasticæ, dum scilicet in Ecclesia, vel loco sacro proximum quis in persona, vel eiusdem rebus offendet.

12. Quartus, est violatio ecclesiasticæ libertatis, cum nimirum personæ, vel res ecclesiasticæ iniuste grauantur; hoc autem peccatum etiam reservatur in Bulla Cœnæ.

13. Quintus est, fortilegium, & diuinatio. Atque hos quinque, casus enumerant Sylu. *ver. casus, num. 4.* Nauarr. *sum. c. 27 num. 262.* Angel. & Arnul. *verb. casus. Viual. in candel. vbi de absolut. n. 54.* & Graft. *loc. cit. num. 65.* qui etiam aliquos ex prædictis casibus valde ampliant. Nam homicidium extendunt ad mutilationem. Peccatum falsarij extendunt ad peccatum tacendi veritatem, aut dicendi falsitatem in iudicio coram iudice, à quo iuste, & legitime interrogatur; & ad peccatum Procuratoris, & Notarij ostendentis parti aduersæ scripturas alterius partis: & peccatum violationis immunitatis ecclesiasticæ extendunt ad plura alia sacrilegia. Ceterum hæc omnia, (vt rectè considerat Suar. *vbi supra num. 10.*) nullo iure probant; & consequenter, cum materia de se sit odiosa, restrictionem potius, quàm ampliationem requirit. Neque hic valet argumentum à simili, vel à paritate rationis, sed verbis legis præcisè standum est. Vnde, cum hæc non dicantur reservata ex vi iuris, sed ex consuetudine, illa omnino consulenda est, præsertim, quia aliquando pro arbitrio Episcopi nonnulli istorum casuum non reservantur; aliquando etiam alij eis adduntur, atque ideo tenentur Confessarij, &

Parochi scire, quónam sint casus, à quibus ipsi, ratione Episcopalis reservationis, absolvere non possunt.

14. Ex dictis igitur videtur deduci, quòd ex solo iure, & seculæ consuetudine, hodie nullum peccatum sit Episcopis reservatum, præter illa, quæ in constitutionibus cuiusque diocesis continentur, quibus standum est, sicut & consuetudini, si de illa constet, varia enim esse solet, vel saltem non est universalis, atque eiusdem modi in omnibus diocesisibus.

15. In Religionibus tandè non sunt certi casus reservati, sed est diversitas reservationis pro diversitate Religionum, vel conditionis Prælati: novissimè tamen Clemens Octavus in quadam sua constitutione sub die 26. Maij 1593. statuit, vt Prælati Regularium non possint alios casus sibi reservare, præter ab eo assignatos in dicta sua constitutione. Subiungit tamèn, quòd si quodvis aliud reservandum expedire videatur pro Religionis cõservatione, id non aliter fiat, nisi in Capitulo Generali, vel Prouinciali respectuè. Pontifex igitur aufert ibi Prælatis Religionum facultatem addendi pro libito novos casus, sicut de iure possent, nisi illis obstatet dicta constitutio.

16. Hinc nonnulli viri eruditi, (quos tacito nomine refert Suar. n. 13.) censuerunt, prædictos Regularium Superiores non posse absque Capituli Generalis, seu Prouincialis consensu aliquid prohibere, seu præcipere sub pœna excommunicationis ipso facto incurrendæ, absolutionem illius sibi reservando. Ratio autem posset assignari, quia ex vi præcitatæ constitutionis Superioribus Regulariũ interdicitur omnis casuum reservatio sine Capituli consensu facta: cùm autem alicuius excommunicationis absolutio reservatur, consequenter reservatur absolutio culpæ. Nihilomi-

nus ipse Suar. *ibidem* oppositum censet probabilius, nempe hanc potestatem non esse dd. Superioribus ablatam: tum quia decretũ Clementis expressè loquitur de reservatione culpæ; verba enim illius sunt eiusmodi: Nemo ex Regularium Superioribus peccatorum absolutionem sibi reseruet, exceptis iis, &c. In casu autem proposito non reservatur absolutio peccati, sed censuræ, quæ longè diuersa est, & ad diuersum forum, ac iurisdictionem spectat. Tum quia non est dubium, quin Superiores Regularium possint nunc excommunicationes ferre, sicut antea poterant: excommunicatum autem ab homine ipse solus potest absolvere, aut eius successor Superior, aut delegatus. *cap. pastoralis. §. præterea, de off. deleg.* eius namque est soluere, cuius est ligare. Ita Nauar. *sum. cap. 27. num. 40 & 41.*

17. Neque obstat, quòd, per se loquendo, nõ possit quis absolui à culpa, non ablata prius censurâ; id enim accidentarium est, & sufficit, quòd non sint idem, quominus ab vna ad aliam prohibitio non sit extendenda, præsertim, cùm respectu Superioris sit onerosa, & vsus iurisdictionis restringens. Hinc igitur infert Suar. quòd sicut ex vi decreti Clementis VIII. non est ablata potestas ferendi excommunicationem ab homine, ita nec est prohibita talis censuræ reservatio; absolutio namque excommunicationis ab homine, veluti ex natura sua, est iudici ferenti reservata, maximè, quia Superior potest in simili casu mentem suam declarare, quòd reservatio teneat circa censuram dumtaxat. Mihi tamen videtur, quod consultius agerèt Superiores, saltem ad tollendam omnem dubitationem, vt in Capitulo Generali, seu Prouinciali statueretur, quòd in aliquibus casibus liceat Superioribus ipsi absolutionem ab excommunicatione sibi reservare. Atque  
ita

ita sentit idem Suar. & Corilian. de cas.  
refer. p. 1. sect. 1. art. 6. num. 4.

DUBIUM III.

An Superior cuicumque subdito facultatem pro absolutione à reſervatis petenti teneatur eam concedere.

1. **C**irca hanc difficultatem duæ extant opiniones inter se pugnantcs.

Prima abſolutè negat, teneri Superiorem concedere hanc facultatem, & attribui poſſe Nauar. qui ſum. cap. 7. num. 8. & in c. pla nit, de pœnit. diſt. 6. num. 149. & 150. inquit: quia nulla eſt lex, nec ratio, quæ conuincat teneri Superiorem ad dandam hanc facultatem. In eandem opinionem poſſet etiam adduci Viçt. ſum. cap. 4. de confeſſ. num. 147. vbi ait; quando non interuenit ſpecialis cauſa rationabilis, extinſeca, & quali per accidens, ſed ſolum illa intrinſeca difficultas, quam ſecum aſſert confeſſio, nimirum erubeſcentia conſitendi cum Superiore, aut timor amittendi apud illum bonâ opinionē, non tenetur Superior ad dandam hanc facultatē, quia aliàs nunquam homo teneretur cōfiteri ſuo Paſtori. Sed iam probatur ex verbis illis Concilij Tridentini, extra quem articulum Sacerdotes, cum nihil poſſint in caſibus reſervatis, id vnum pœnitentibus perſuadere nitantur, vt ad Superiores, & legitimos iudices pro beneficio abſolutionis accedant. Vbi notanda eſt illa particula, *legitimos iudices*; quia legitimus iudex alicuius cauſæ nulli iniuriā facit, ſi per ſe velit eam iudicare, neque tenetur eam alteri committere, ſi ipſe ſit idoneus iudex (vt ſupponimus): Superior autem in hac cauſa ſe habet tanquam legitimus iudex, vt ex verbis Concilij habetur.

2. Secunda opinio affirmat, quòd,

per ſe loquendo, & ſecluſis extrinſecis incommodis, tenetur Superior dictam facultatem concedere. Ita videtur deſumi ex D. Thom. opus. 19. cōtr. impugnant. Religionem, & in 4. diſt. 17. q. 3. art. 3. quaſi ſum. 4. ad 6. vbi aſſerit, peccare Superiorem, qui in concedenda facultate alteri conſitendi difficilem ſe præbet; & ſubiungit rationem, quia multi ſunt (inquit) adeò infirmi, quòd potius ſine cōfeſſione moriuntur, quàm tale peccatum tali Sacerdoti conſiteantur. Vnde ſic inferit: qui ſunt nimis ſolliciti, vt cōſcientiam ſubditorum per cōfeſſionem ſciant, multis laqueum damnationis iniiciunt, & per conſequens ſibi ipliſ. Ita ſentiunt etiam Sylu. ver. Confeſſor. 1. q. 6. & 16. Angl. Confeſſ. 3. num. 31. Armill. ver. Confeſſio num. 35. Sot. in 4. diſt. 18. q. 2. art. 5. Ledefm. 2. p. 4. q. 7. art. 5. & Nauarr. d. cap. placuit, num. 119. & 151. Ducuntur, quia talis iuriſdictio non eſt data Superiori ob eiufdem auctoritatem, ſed potius ob pœnitentis vtilitatem; pœnitentis autem vtilitas præſumenda videtur, ſi ei talis concedatur facultas, dum illam inſtanter petit, etiam ſi ad hoc nullam habeat cauſam, niſi ſolam erubeſcentiam ex intrinſeca confeſſionis difficultate ortam: ergo Superior tenetur dictam facultatem impendere. Probatur conſequentia, quoniam alioquin exponitur pœnitens aut periculo pereundi, aut non integrè conſitendi. Verùm, vtræque præcedenti opinione omiſſa,

3. Dico primò. Certū eſt non ſemper teneri Superiorem ad hanc facultatem concedendam. Eſt communis, & ſatis conſtat. Tum ex eo, quia aliàs nullius momenti eſſet reſervatio. Suar. diſp. 30. ſect. 4. num. 5. tum quia Superior in hoc vtitur iure ſuo, vt habetur ex dictis in fauorem prioris ſententiæ. Tum etiam, quia poſſunt occurrere caſus, quibus Superior tenetur potius dictam facultatem

tatem negare. Casus autem sunt qui sequuntur.

Primus, dum Superior moraliter timet facultatem illam non esse pœnitenti profuturam, sed allaturam potiùs occasionem scandali, & persistendi in peccatis, vt ait Sor *suprà*.

Secundus, dum peccatum est tale, vt probabiliter possit Superior opinari, quòd vergat in damnum cõmunitatis, seu alterius tertiæ personæ; cui forsitan Prælatus, si illius habeat notitiam, facile posset adhibere remedium, etiam seruato confessionis sigillo. Hinc Ang. d. n. 3. i. referens doctrinam D. Thomæ *suprà* insinuatam addit; quod credo verum, nisi quãdo propter hoc sollicitant scire, ne alios inficiant. Et Armill. verb. *Confessio num* 35. ait, Superiorem debere hanc facultatem negare, quando est in pœnitentis, seu aliorum graue damnum.

4. Adde, quòd dum Superior agnoscit, ex negatione facultatis huiusmodi maiorem, vel æqualem pœnitentis vtilitatem prouenturam, potest eam licet negare; immò interdum etiam cum minori eius vtilitate, si ad aliorum exemplum & commune bonum iudicatur necessarium, aut valde opportunum; vt nimirum alij scientes, & videntes difficultatem, qua talis facultas impenditur, plus à peccatis arceantur. Ita Angel. & Armill. *ibidem*.

5. Nec obstat, si aliquando id cedat in minorem pœnitentis vtilitatem, cum quia Superior potest commune bonum, incommode vnius particularis præferre. Tum quia, tamen id subito nunc videatur minus vtile, dum quasi coactus, & cum minori deuotione confitebitur Superiori, potest tamen in futurum sperari, quòd saltem sit cautior in peccatis vitandis. Supponimus autem, eam minorem vtilitatem esse intra fructuosæ, & dignæ confessionis latitudinem, alioquin non esset minor vtilitas,

sed omnino nulla, vel potiùs graue nocumentum, vt rectè obseruat Suar. n. 6.

6. Dico secundò, certum similiter est, posse plures occurrere casus, quibus Prælatus teneatur dictam facultatem concedere.

Primus est, si probabiliter timeatur, quòd talis Superior sit confessionem reuelaturus; vt docet S. Thom. d. diff. 17. *vbi suprà*, & D. Bonaucnt. *ibidem*.

Secundus, quando rationabiliter timeatur, quòd Superior sit notitia confessionis abusus in graue damnum pœnitentis, seu alterius, damnum (inquam) corporis, pecuniæ, seu honoris. Ita Sylu. *confess.* 1. q. 16. quem sequitur Henric. d. lib. 6. c. 13. n. 7.

Tertius, cum Superior non est idoneus ad ferendum iudicium, vel quia ignorans, vel aded improbus, vt loco medicinæ sit scandalum allaturus, & in hoc conueniunt ferè omnes DD. tunc enim Superior non potest iustè pœnitentem priuare legitimo huius Sacramenti vsu, immò nec potest illum cogere, vt se tanto exponat periculo. Alios insuper refert casus ipse Henric. *num* 8. & 9. præcipuè tamen ad tres memoratos reduci possunt.

7. In his igitur casibus tenent Doctores mox citandi, quòd si subditus tam secularis, quam Regularis prædictam licentiam petat, & ei denegetur, poterit alteri ex approbatis confiteri, & ab eo absolui à reſeruationis, quoniam licentia iustè petita, & iniuste negata videtur ipso iure concessa, vt latè probat Henric. d. c. 13. n. 4. facit in fauorem huius doctrinæ Vibanus Papa *cap. placuit, de pœnit.* d. 6. ex quo videtur colligi, quòd dum consensus Episcopi, si non est habitus, saltem est debitus ex quadam iustitia, præsumitur rati habitio Papæ de præſenti. Indicat Magister in 4. diff. 21. vbi id etiam ait D. Thom. in *expositione literæ*. Rich. diff. 17. art. 3. q. 7. Palud.

lud. 9. 3. art. 1. Henric. quodlib. 9. q. 24. Adrian. de confess. 9. 5. dub. 3. Med. de confess. etiam 9. 42. Angel. ver. casus, & confess. 3. §. 15. Sylu. confess. 1. §. 6. & dicunt illā probabilem Victor. n. 146. Ledesm. 2. p. 9. 7. art. 5. concl. 3. fin. Frat. Alex. summ. lib. 1. tit. 3. post cap. 15. & alij per Henric. d. n. 4. in marg. lit. E. relati, quibus accedunt Panor. & Host.

8. Et quidem, quoad Regulares, id satis constare ex præcitata Clem. VIII. cōstitutione de reservatione casuum; nam §. 4. sic habetur: Superiores in singulis Conuentibus deputent duos, tres, aut plures Confessarios pro subditorum numero; iisque sint docti, prudentes & charitate præditi, qui à non reservatis eos absoluant, & quibus etiam reservationum absolutio committatur, quando casus occurrerit, in quo eam debere committi ipse in primis Confessarius iudicauerit, hæc ibi. Deinde visitatio Apostolica die 13. Martij 1601. demente eiusdem Pontificis ad instantiam Custodis Fratrum Reformatorum sancti Francisci Prouinciæ Romanæ declarauit, quod si casus occurrat singularis, pro cuius absolutione quicumque Confessarius ex deputatis institerit, debeat Superior iuxta dictæ constitutionis tenorem prompto animo facultatem huiusmodi cōcedere; si tamen neger, Sanctissimus D. intendit, posse Confessarium licitè ab eo casu absolvere. Sed, an Superior possit pœnitentiam imponendam taxare, dicemus infra.

9. Dico tertio. Regulariter loquendo, Superior debet se potius facilem, quàm difficilem in hac facultate concedenda præbere. Ita sentiunt communiter DD. præsertim D. Thom. & alij pro secunda assertionem citati, atque id esse verum suadetur. Tum quia, moraliter loquendo, minus periculi est in confessione, quàm in negatione huius facultatis; vt enim concedatur, sufficit,

quod nulla specialis ratio ad eam negandam occurrat: vt autem negetur, semper interuenire debet specialis aliqua ratio, quæ id exigat, non quod id semper sub præcepto cadat, sed quod eiusmodi ordo sit conuenientior. Tum quia reservatio est quædam medicina subditi, atque ideo, si cum rigore applicata cedat in ipsius perniciem, temperanda est, & consequenter facultas est concedenda. Vnde esto aliquando Superior existimet sufficientem sibi adesse rationem ad negandam facultatem; si tamen aliud, vel ex relatione alterius fide digni, vel quauis alia via eidem constiterit, subditum nullatenus velle ipsummet Superiorem adire, neque aliis quibuscumque remediis adhibitis ad hoc posse induci; tunc Superior nec debet vquam, nec potest licitè dictam facultatem negare, nisi in casu damnificationis. Pro cuius maiori explicatione,

10. Obserua primò, aliud esse vtilitatem aliorum procurare; & aliud aliorum perniciem, seu graue nocumentum acriter vitare. Nam si hoc secundum intercedat, Superior potest, immò debet eam facultatem negare, quauis subditus fortasse non sit tali medicina fructuosè vsurus; id enim malitiæ ipsius imputandū est. At verò extra hunc casum semper Superior potest, ac etiam tenetur ex charitate, & debito sui muneris pastoralis, subditi fragilitati condescendere, quories graue detrimentum spirituale eiusdem subditi imminet: vt si probabiliter vereatur quod peccatum aliquod taceat in confessione, vel confessionem plus iusto differat, aut quid simile subditus efficiat: atque id intendit potissimum D. Thom. & communiter DD. Neque obstat quod subditus ipse talis nocimenti causa existat; id enim spiritualis Pastor impedire tenetur dum commodè valet. Vnde, etiam si aliorū speretur vtilitas ex negatione talis



talīs facultatis, adhuc non esset neganda, cum tanto subditi detrimento; tum quia Sacramentum istud in bonum, non in destructionem pœnitentis est institutum, atque ad eundem finem reservatio ordinatur, tum quia confessio ipsa sit valde odiosa, & difficilis, quod, est adeo graue incommodum, vt ob illud vitandum, quoduis aliud inconueniens sit parui pendendum, præsertim, quia, moraliter loquendo, huiusmodi confessio nunquā sit sine sacrilegio, & graui eiusdem Sacramenti iniuria, vt doctè tradit Suar. *num.* 8.

11. Obserua secundò, mihi non satis probari opinionem Nauar. qui *cap. placuit, de pœnit. dist. 6. num.* 150. existimat iustam esse causam ad confitendum alieno, non habita facultate proprii, erubescētiā, dum adeo magna est, vt pœnitentem constituar in periculo tacendi aliquod peccatum, vel circumstantiam necessariò confitendam, atque id teneat *sum. c. 7. n. 8. F.* eor, pro hac doctrina posse etiam referri Sylu. *confess. 1. num.* 6. asserentem, tunc causam censeri iustam, vt licentia petita habeatur pro obtēta, quādo probabiliter timetur malū corporis, aut animæ, aut famæ; in casu autem magnæ illius erubescētiæ timetur probabiliter malum animæ, nimirū quod pœnitens taceat peccatum, & sacrilegium committat. Vrget quidem ratio, & vrget etiā auctoritas tanti Doctoris; ego tamen illam doctrinam nec tutam, nec sequendam existimo; tum quia vna ex conditionibus bonæ confessionis, est erubescētia, & quod maiorem verecundiam pœnitens patitur, eò magis satisfacit, vt constat ex *s. pœnit. dist. 1.* ergo talis erubescētia non præbet alicui facultatem cōfitendi alieno, tum quia sic daretur anīa subditis tam sæcularibus, quàm Regalibus vt ad libitum eligerent Confessorem pro reservatis, quoniam facile

sibi persuadebūt quod si id non faciant, constituentur in periculo tacendi a li- quod peccatum, & sic prorsus corrueret casuum reservatio.

12. Ego igitur non consulerem pœnitenti doctrinam Nauar. sed consulerem potius, quod deuiuat verecundiā; quamuis enim talis doctrina esset vera, facile tamen pœnitens decipi posset, falsò existimans, se iam habere illud erubescētiæ genus, & sanè negotium est innumeris scrupulis patens. Doceat itaque alius eam sententiam, ego non docebo illā; sed addo cum Sylu. *ubi sup.* sæpè nonnullos subditos falli, credentes iustam esse causam, quod de cætero Prælati eos suspectos habebunt, diligentius obseruabunt, & non ita reputabunt, sicut antea; quæ tamen re vera nō sunt iustæ causæ; sed quædam phantasmata, quibus ipsi à manifestandis propriis vulneribus spiritali Medico facile deterrentur non absque ingenti suarum animarum detrimento, & magna communis boni iactura.

#### D V B I V M I V.

*An Superior, dum facultatem absol- uendi à reservatis concedit, possit taxare pœnitentiam pœnitenti à Confessario imponendam.*

1. **R**espondeo affirmatiuè. Nam cum Confessarius deputatus postulat à Superiore facultatem absol- uendi casum aliquem reservatum, potest quidem Superior id concedere, vel liberè conscientiz Confessarii se remittendo, vel cum limitatione, seu onere talem, seu talem, pœnitentiam iniungēdi pro tali, vel tali delicto; ad hoc enim Superior ius habet, quippe cum sit ordinarius iudex in illa causa, sicut potest eam non committere, ita, dum committit, potest præscribere modum, taxando.

taxando pœnam ferendam, atque id expresse statuit Clem. VIII. in *præcitata sua constitutione*, ubi tamen si prohibeat Regularium Superioribus, ne subditos ad libi consistendum adstringant, subdit nihilominus *ibidem*: licebit tamen Superioribus determinare pœnitentias graves quibusdam peccatis, etiam non reseruatis à Cōfessariis, imponendas, quæ subditos ab huiusmodi peccatis perpetrands cohibere possint. Hinc autem fit manifestum à fortiori, idem licere in casibus reseruatis, ut habetur ex illis verbis, *etiam non reseruatis*; immo ex paritate rationis id euidenter conuincitur. Arque ad hunc finem licitum est Superiori speciem culpæ, seu consuetudinem, aliâve circumstantias interrogare, quantum fieri queat absque vlla personæ reuelatione, vel suspitione; cum hoc namque periculo nec Superior interrogare debet, nec subditus respondere renetur.

2. Interdum etiam Superiori licebit, cautionem aliquam, vel limitationem adhibere, sine speciali tamen delicti notitia, ut si dicat: si tale, vel tale fuerit delictum, imponatur pœnitenti talis, aut talis pœnitentia. Verum, quia id non valde practicitur, idcirco nec absque magna, & extraordinaria causa faciendum est. Immo nec iurisdicctio est vnquam committenda cum tanta dependentia, ut nisi imponatur, acceptetur, & impleatur talis, vel talis pœnitentia, absolutio sit nulla; hoc enim est nimis rigorosum, & periculis satis expositum.

Atque ideo consulerem, ut Confessarij arbitrio saltē committatur quod dictam pœnitentiam moderari valeat. tum quia non raro euenire solet, ut attempta dispositione, vel conditione, aut qualitate pœnitentis censeatur, quod non sit tanta, aut tali pœna dignus; aut eidem fortasse huiusmodi pœnitentia

non expediat, tum, quia pœna huius fori porius medicinalis est, quàm vindictiua, & consequenter irrationabile esset, pœnitentem ad hanc, seu illam pœnitentiam determinatè obligare; iniustum autem, iudicem immediatum hoc arbitrio priuare.

3. Sed quæres insuper, an Superior in concedenda facultate pro reseruatis, debeat illam absolutè dare, vel possit apponere conditionem, seu onus pœnitenti, nimirum, ut teneatur coram Superiore postea comparere.

Pro cuius declaratione, obseruare oportet, duobus modis posse peti, & concedi hanc facultatem. Primò post peccatum reseruatum commissum. secundò ante peccatum commissum: ut si subditus petat à Superiore facultatem cōsistendi alteri, si fortasse sibi occurrat, quod in peccatum reseruatum labatur. Quapropter

4. Dico primò. Circa priorem modum non videtur habere locum onus comparendi coram Superiore. Nam facultas ideo à Superiore petitur, ut à tali onere subditus liberetur, & consequenter repugnantia esset, eam impendere facultatem, & tale onus imponere. Ad hæc, quia aut subditus petit facultatem per se, & tunc sufficienter compareret coram Superiore; etsi tunc illi impertinens facultas huiusmodi cum onere iterum comparendi. Vel petit facultatem per alium, nempe per Confessarium, & tunc ideo petit, ut persona pœnitentis non veniat in notitiam Superioris, atque ad hunc finem postulat ut tanquam specialis gratia, seu indulgentia: ac subinde nec ibi potest habere locum tale onus. Imò hinc inferunt DD. *dubio præcedenti* pro secunda opinione citati, Superiorem in eo casu non posse interrogare, quæ sit persona pœnitentis, nec circumstantias aliquas, per quas in eius notitiam deueniat. Ratio est, quia dum

X talis

talis facultas per Confessorem petitur, tenetur ille seruare sigillum, & consequenter Superior, cum talis secreti lationem sollicitat, grauissimè peccat.

5. Dico secundò. Liberum nihilominus est Superiori, absolutione committere ei Sacerdoti, quem vult pœnitens, vel alteri ex designatis, vel inter aliquos designatos, subdito optionem dare, prout ad bonum pœnitentis expedite iudicauerit. Ratio est, quia reſeruatior ad hoc fit, iuxta Concil. Trident. vt grauiora delicta grauiùs corrigi, & melius emendari queant: ad id autem necessarium videtur, vt grauioris, & doctioris personæ subdatur iudicio; igitur, quamuis Superior iuri suo cedat, committendo causam alteri, semper nihilominus retinet ius non committendo illam, nisi personæ proportionatæ tali causæ, & fini reſeruatiõis. ita Suar. n. 17. Mihi tamen satis probatur doctrina Sylu. *ver. confessor. 1. q. 1. 6.* vbi impugnans opinionem Angeli ait, quodd etiam si Sacerdos, cui vult pœnitens confiteri, non sit adeò idoneus, debet Prælati facile licentiã præbere, vt ab illo possit de reſeruatiõis absolui, quoniam rectè stat, vt qui simpliciter est minus doctus, sit magis idoneus quoad istum, qui paratus est illi, & non alteri confiteri. Vnde infert ipse Sylu. pastorem spirituales debere semper in istis faciem se præbere. quam doctrinã desumpsit ex D. Thom. *opus. 19. contr. impugnant. religio. c. 4.* vbi inquit, quodd etiam si ex tali confessione, qua aliquis alteri, quàm proprio Sacerdoti confitetur, sequatur aliqua occasio mali, multum tamè præponderat, quodd per hoc vitantur plura alia mala maiora, & multis periculis obuiatur.

6. Dico terciò. Circa posteriorem modum videtur habere locum onus cõparendi coram Superiore. Fundamentum huius doctrinæ cõsistit in quodam mutuo cõsensu, & quâsi pacto inter Supe-

riorem & subditum. Superior namque posset non delegare iurisdictione suam; delegando autem, facit gratiam, & fauorem. ergo potest eam concedere sub tali cõditione, vt si subditus velit tali gratia vt, consentiat obligationi comparandi corâ Superiore. Vnde subditus eâ obligationem acceptans, manet obligatus, non tam ex diuino præcepto confessionis, aut speciali mandato Superioris, quàm ex pacto mutuo. ita Maior. *in 4. dist. 17. q. 6.* Palud. *q. 5. art. 1. n. 6.* Almain. *q. 1. circa fin. Angel. verb. confessio. 5. n. 9.* atque idem videtur Caiet supponere *verb. absolutio. cap. 1. & Med. C. de penit. quâsi. de confess. fratribus priuilegiatis facta.* idem tenet Nauatr. *sum. cap. 9. n. 1. c. 26. n. 12. & cap. placuit. de penit. dist. 6. n. 112.* inclinatur etiam Ledesm. *2. p. 4. q. 8. art. 2. dub. 19.* & latè probat Suar. *disp. 3. sect. 5. n. 8. & seqq.* qui omnes ex dictis inferunt, debere hanc conditionem subdito declarari. Vnde, si, præmissa tali declaratione, absoluitur, eo ipso videtur acceptare illâ conditionem, & manet obligatus. Si autem commissio fiat Sacerdoti, sub ea conditione, infcio pœnitente, renebitur Confessor, ante auditam confessionem, vel ante datam absolutionem, explicare pœnitenti dictam cõditionem, quam nisi acceperit, nec etiam debet, aut potest illum absolute ex defectu iurisdictionis, quæ sibi dumtaxat sub ea conditione commissâ est. Si autem acceptauerit, manet eo ipso obligatus ad comparandum, vt sit manifestum ex natura pacti iusti, in quo aliquid datur cum obligatione hoc, vel illud faciendi, & declaratur à simili ex votis; si quis enim spontè se voto obligasset ad cõparendum, proculdubio obligatus inaneret: igitur idem videtur dicendum, si obligatio oriatur ex pacto mutuo.

7. Oppositum censent probabilius alij DD. negantes, posse facultatem concedi sub hoc onere. ita Dur. *in 4. dist. 17. q. 15. n. 10.* Holcot *in 2. dist. 26.* Dionys. Carthus.

Carthus. *dist. 11. q. 1.* & solet etiam re-  
ferri pro eadem sententia D. Thom.  
*quodlib. 1. art. 12. ad 1.* Ratio est, tum  
quia nemo tenetur peccata semel rite  
confessa iterum confiteri, ut omnes fa-  
tentur; immò, nec potest Ecclesia ali-  
quem ad id obligare: igitur nec debet,  
nec potest facultas absoluendi sub eo  
onere concedi. Tum; quia absolutio sa-  
cramentalis ex efficacia, quam habet ab  
institutione sua, liberat hominem à  
culpata in foro Dei, quam in foro  
Ecclesiæ, & consequenter videtur repu-  
gnare huic Sacramento, facultatem ab-  
soluendi dari sub illo onere; aut enim  
vera absolutio non datur, aut tale onus  
non relinquitur, cum nequeat absolutio  
suo effectu priuari, non existente obi-  
ce ex parte penitentis, ut suppo-  
nimus.

8. Nec obstat si dicās, in peccatis cen-  
suram annexam habentibus, estò quis  
absoluarur à Confessore, teneri tamen  
postea comparere corā Superiore. Re-  
sponderetur enim quòd in censuris, sicut  
impositio, & absolutio earum principa-  
liter pendet ex institutione Ecclesiæ, ita  
potest ad libitum absolutionis nodum  
illa præscribere, & sub hoc, aut illo one-  
re eam præstare: in confessione autem,  
& absolutione sacramentali, non ita;  
pendet enim ex Christi institutione,  
proindeque non potest Ecclesia aliquid  
addere, vel mutare, præter ipsius Christi  
institutionem.

9. Ad hæc in peccatis reservatis  
censuram habentibus, onus, quod re-  
linquitur, non est ad subiiciendum ite-  
rum peccata clauibus, sed ad satisfac-  
tionem ratione censuræ debitam im-  
ponendam, cuius iudicium non fuerat  
inferiori Confessori commissum; ar in  
foro sacramentali plenum iudicium  
committitur Confessori, eo ipso, quòd  
illi causa delegatur.

10. Ex dictis deducitur, utramque

sententiam præfatam esse probabilem;  
priorem tamen censeo ipse probabilio-  
rem, & tutiorem in praxi, præcipuè ob  
authoritatem DD. qui eam tuentur: im-  
mo DD. in contrarium allegati faciliè  
possunt exponi de obligatione absolu-  
ta; hic autem agimus de conditionata.  
Et quidem D. Thom. *loc. cit.* solùm asse-  
rit, neminem posse humano præcepto  
obligari ad iteratam confessionem pec-  
catorum, quæ semel fuit rite confessus,  
ut uorat Suar. *num. 7.* Nihilominus,  
consultius fortasse agerent Superiores,  
si iuxta posteriorem sententiam absti-  
neant ab impositione huius oneris, ne  
subditi eo aliquando oppressi grauius  
illaqueantur.

#### DUBIUM V.

*Utrum Confessarij Regulares possint  
seculares non habentes Bullam  
Cruciata absoluerè à casibus Ordini-  
nario reservatis.*

1. Circa hanc difficultatem magna  
est inter DD. controuersia. Nam  
quidam absolutè tenent, dictos Reli-  
giosos ex vi iuris communis posse à ca-  
sibus Ordinario reservatis absoluerè.  
Ita Gabr. *dist. 17. q. 2. art. 3. dub. 3.* Angel.  
*verb. Confessio 3. n. 18.* & Sylv. *Confessor. 2.*  
*q. 5.* Ducuntur, tum quia aliàs possent  
Episcopi limitare, & eludere priuilegia  
Religiosis per Sedem Apostolicam cõ-  
cessa Tum quia in *extra. inter cunctas, de*  
*prim.* habetur, præter casus ibi relatos  
non posse Episcopum alios referuare.

2. Nihilominus probabilius sentio,  
Religiosos ex vi iuris non habere hu-  
iusmodi potestatem Ducor

Primò, quia præcitatum ius iam re-  
uocatum est, & non inuenitur aliud, ut  
norat Suar. *tom. 4. disp. 30. sect. 2. n. 16.* &  
constabit ex infra dicendis.

Secundò, quia in *Clem. Religiosi, de pri-  
uil. §. quibus*, sub interminatione maledi-

X. 2 tionis.

tionis æternæ inhibetur Religiosis ne à casibus Sedi Apostolicæ, aut locorum Ordinariis referuatis, quæpiam absoluant. Atque ita sentiunt S. Anton. 3. p. tit. 17. c. 1. Sot. in 4. dist. 18. q. 4. art. 4. Nau. in sum. c. 27. n. 266. Villalob. tract. 9. de pæn. diffie. 61. n. 1. & Suar. supr. ubi etiam addit non idcirco excludi specialia priuilegia vel directè concessa, vel per communicationem, modò in eis facultas huiusmodi sufficienter explicetur.

3. Rodt. autem in expositione Bullæ §. 9. n. 131 asserit virtute Clem. Dudum, de sepulchris, posse Religiosos absolvere à peccatis Ordinario referuatis, per eiusdem præcepta particularia, seu constitutiones synodales, vel etiam ex consuetudine, non verò à referuatis ex iure ipso, de quibus solùm in d. Clem. exceptio fieri videtur. Et ad huius probationem n. 132. plures adducit concessiones Pontificias. Vnde iuxta hanc distinctionem posset vtraque prædicta opinio in concordiam reduci, ita ut prima intelligatur de casibus Episcopo referuatis à iure, secunda de referuatis ab homine.

4. Cæterùm, ut in re adèd graui cesset omnis ambigendi occasio, placuit hic inferere quadruplicem sacræ Episcoporum & Regularium Cōgregationis decisionem, duplicem nimirum tempore Clementis VIII. alteram tempore Pauli V. & alteram tempore Sanctissimi Domini Urbani VIII. editam; unde quid in hac materia sentiendum sit, fiet manifestum.

*Decretum sacra Episcoporum, & Regularium Congregationis, ne Regulares cuiuscumque Ordinis absoluant à casibus Sedi Apostolica, vel Ordinariis locorum referuatis.*

5. **S**Acta Congregatio S.R.E. Cardinalium negotiis, & consultationi-

bus Episcoporum & Regularium præposita, iustis & grauius causis id exigentibus, ac de Sanctissimi Domini nostri Clementis Papæ VIII. speciali mandato, viuz vocis oraculo desuper habito, Sacerdotibus omnibus tam secularibus, quàm Regularibus per vniuersam Italiam extra Urbem degentibus, ad confessiones audiendas probatis, quorumuis Ordinum etiam Mendicantium, Militiarum, aut Congregationum, etiam Societatis Iesv, & generaliter quatumcunque aliarum quouis nomine nuncupentur, iubet, & præcipit, ne quis eorum sub prætextu priuilegiolorum, indultorum, aut facultatum generaliter, vel specificè scripto, aut viuz vocis oraculo, vel per communicationem à Sede Apostolica, vel eius auctoritate eorum Ordinibus, Collegiis, vel Societatibus, aut Archiconfraternitatibus seculariis, aut singularibus personis, seu aliis quomodocunque sub quibusvis tenoribus, formis, & clausulis, etiam derogatoriis derogatoriis, ad cuiusvis etiam Imperatoris, Regum, aut aliorum Principum instantiam concessarum, seu confirmatarum alicui cuiusvis status, gradus, & conditionis, aut dignitatis, tam Ecclesiasticæ, quàm secularis, etiam Regiæ, vel Imperialis, ab vlllo ex casibus clarè, vel dubiè in Bulla in die Cœnæ Domini legi solita contentis, vel aliis quomodocumque Sedi Apostolicæ referuatis, aut in futurum per Sanctitatem suam, eiusve successores pro tempore in eadem Bulla, vel aliter referuandis; nec etiam à casibus, quos Ordinarij locorū hactenus referuauerunt, vel in posterum sibi referuabūt, nullo casu etiam necessitatis, vel impedimenti, nisi in mortis articulo, seu cum noua, & speciali Sanctitatis suæ, aut successorum suorum, vel Ordinariorum quoad casus ab ipsis tantum referuatos, respectiue, impetrata in scriptis licentia, Ordinariis loco-

rum exhibēda absolutionis beneficium de cætero impendere audeat, vel præsumat; sed cū opus fuerit pœnitentes ad Superiores, legitimōsque iudices suos accedere consulat: sub pœna contrafacientibus tam Regularibus, quā secularibus excommunicationis, priuationis Officiorum, & dignitatum, aut beneficiorum, inhabilitatis item audiēdi confessiones, & ad quæcumque officia, Prælaturas, beneficia in posterum obtinenda, ipso factō absque vlla alia declaratione incurrenda; super quibus à nemine, nisi à Romano Pontifice habilitatio, dispensatio, aut absolutio, præterquam in mortis articulo, possit impartiri; Sanctitas enim sua (quatenus opus sit) facultates, & concessiones ipsas in hac parte vti cassas, & irritas haberi de cætero voluit, & vult, non obstantibus quibuscumque.

Præterea nouerint pœnitentes absolutionem, si quam obtinebunt contra huiusmodi prohibitionem, esse nullam, nulliūque roboris, & momenti

Et ne locorum Ordinarij, quibus ius hoc referuandorum casuum competit plurium, quā opus sit, referuatione subditis, aut Confessariis in animarum salute procuranda cooperatoribus sint onerosi, monentur omnes, vt paucos, eosque tantū, quos ad Christianam disciplinam retinendam, animarūque sibi creditarum salutem pro cuiusvis diœcesis statu, & qualitate necessariō referuandos esse iudicauerint, referuent. In quorum fidem, &c. Datum Romæ die 9 mensis Ianuarij anni 1601.

*Moderatio præcedentis decreti facta per eandem sacram Congregationem.*

6. Cū dubia quædam, ac difficultates circa eiusdem decreti in-

terpretationem, atque obseruationem emerissent, eadē Congregatio, ne vllus deinceps obscuritati, scutipulo, ambiguitati locus relinqueretur, & vt clariùs appareat, in quibus casibus vigore eiusdem decreti referuatis intelligatur prohibita absolutio, speciali mandato eiusdem S. D. N. Clemenis Papæ VIII. similiter viū vocis oraculo super ea re habito, ipsum decretum ita moderatur, ac declarat, videlicet sub eiusdem prohibitione illos tantū in posterū comprehendi casus, qui in Bulla die Cœnæ Domini legi consueta continentur: ac præterea violationis immunitatis ecclesiasticæ in terminis felicis record. Gregor. XIV. quæ incipit, *Cum aliis nonnullis*; violationis clausuræ Monialum ad malum finem; prouocantium & pugnantium in duello, iuxta decretū sacri Concilij Tridentini & constitutionem felicis record. Gregorij Papæ XIII. incipientem, *Ad tollendum*; iniurientium violentas manus in Clericos iuxta canonem *si quis suadente*. &c. 17. q. 4. ac iuris dispositionem simoniæ realis scienter contrahe, atque etiam confidentiæ beneficalis. Item omnes casus quos Ordinarij locorum sibi referuarunt, vel in posterum referuabunt. In quibus omnibus iam enumeratis casibus duntaxat, & sublata etiā pœna inhabilitatis audiendi confessiones, eadem sacra Congregatio vult, & mandat, dictum decretum in sua firmitate, & pristino robore permanere. Ac præterea declarat eos quidem Sacerdotes, tam seculares, quā Regulares, qui aliquo ex privilegiis indultis, & facultatibus in supradicto decreto expressis, suffulti fuerint, posse iuxta eorum privilegia, indulta, & facultates vsu ante idem decretum receptas, & quæ sub aliis reuocationibus non comprehenduntur tantū, & non aliàs absolue, & casibus in præsentī declaratione non comprehensis: aliis verò Sacerdotibus

bus huiusmodi privilegia non habentibus, nihil de nouo concedi. Sed ne doctorum Ordinarij, ad quos casuum referuatio spectat, ea in re modum excedant, eadem sacra Congregatio illos rursus magnopere admonendos cæset, vt non passim, sed cum id videbitur communi bono expedire, atrociorum tantum, & grauiorum criminum absolutionem sibi referuent, quorû referuatio ad Christianam disciplinam retinendam confertur in ædificationem, non autem in destructionem cedat, ne alioquin sacramenti Penitentiae Ministrorum coarctata potestate Sæcæ Matris Ecclesiæ pietati contrarius effectus subsequatur. Prohibet etiam, ne sibi superflue referuent casus in Bulla die Ccenæ Domini legi consueti contentos, neque alios Sedi Apostolicæ specialiter referuatos. Facultatem verò, & licentiam absoluedi à casibus referuatis, quam in scriptis tantum cõcedi permittēbatur, etiam sola viuâ voce cõcedi posse declarat. Cæterum ne quis Sacerdotum sæcularium, aut Regularium, sub prætextu, quod per primò dictum decretum non fuerit sufficienter eorum specialibus privilegijs derogatum, eidem decreto, sic, vt præfertur, declarato, contrauenire audeat; Sanctitas sua constitutionibus, & ordinationibus Apostolicis omnibus, in fauorem quorumcunque Ordinum, seu institutorum Regulariû, aut Sacerdotum, tani sæcularium, quam Regularium edictis, nec non eorundem Ordinum, seu institutorum, ac etiam Ecclesiarum, & monasteriorum, & aliorum sæcularium, seu Regularium locorum quorumcunque, etiam iuramento, confirmatione Apostolica, vel quauis firmitate alia, roboratis statutis, & consuetudinibus, privilegijs quoque, indultis, & litteris Apostolicis, etiâ Maximâ, seu Bulla aurea, aut alias nuncupatis eisdem Ordinibus, seu institutis, ac etiâ

Ecclesijs, & monasterijs, & sæcularibus, seu Regularibus locis, aut personis sub quibuscunque tenoribus, & formis, ac cum quibuscunque etiam derogatoriis derogatorijs, alijsque efficacioribus, & insolitis clausulis, nec non irritantibus & alijs decretis, etiam Motu proprio, & ex certa sciencia, ac de Apostolicæ potestatis plenitudine, aut alijs quomodolibet, etiam per viam communicationis, seu extensionis concessis, ac etiam iteratis vicibus approbatis, & innouatis, etiâ si pro illorum sufficienti derogatione de illis, eorûque totis tenoribus, & formis specialis, specifica, expressa, & indiuidua, ac de verbo ad verbum, non autē per clausulas generales idem importantes mētio, siue quæuis alia expressio habenda, aut alia exquisita forma seruanda esset, tenores huiusmodi, ac si de verbo ad verbum, nihil penitus omisso, & forma in illis tradita obseruata inserti forent præsentibus pro expressis habens, quoad ea, quæ præsentibus aduersantur, illis alijs in suo robore permansuris, hac vice duntaxat specialiter, & expressè derogat, contrariis quibuscunque non obstantibus. Romæ die 26. Nouembris 1602.

*S. D. N. Paulus Papa V. Romæ die 7. Ianuarij anni 1617. in confirmationem supradicti decreti, eiusdemque declarationis, infra scripta ab eadem sacra Congregatione addi precepit.*

7. **Q**uoniam sacra Cõgregatio Cardinalium negotijs Episcoporum, ac Regularium Præpositorum nuper accepit, quamplures Regulares tantum facultatis, seu privilegij ab Apostolica Sede sibi cõcessum profiteri, vt etiam à casibus locorum Ordinarijs in eorû diocessibus referuatis, absque alia ipsorum Ordina-



Ordinariorum licentia, poenitentes ab soluere minimè dubitant, nonnulliſque alios in decreto prohibitionis abſolutionis à caſibus Sedi Apoſtolice, vel locorum Ordinariis reſeruatis die 9. Ianuarij anni 1601. ſel. record. Clem. Papæ VIII. iuſſu edito, nec-non in declaratione illius, eodem Clemente Pontifice iubente, die 26. Nouembris 1602. promulgata; excommunicationes Sedi, vel Ordinariis prædictis reſeruatas minimè cõprehenſas afferere. Vnde fit, vt metus quo homines à peccando coërcetur, abſolutionis facilitate exoleſcat. Ideo ſacra eadẽ Congregatio de S. D. N. Pauli Papæ V. ſpeciali mādato viux vocis oraculo deſuper habito, decretum huiusmodi illiũſque declarationẽ, nec-non cenſuras, & poenas, in eiſque contra, omnia confirmanda, atque inno- uanda operæpretium duxit, prout per præſentes confirmat, atque inno- uat; ab omnibũſque Sacerdotibus tam ſæcularibus, quàm Regularibus quorumvis Ordinum, etiam Mendicantium, Militiarum, Congregationum, aut cuiuſvis alterius inſtituti, etiã neceſſariò expri- mendi, quouis nomine nuncupati inuiolabiliter obſeruari: ac inſuper, vñ nulli ex Sacerdotibus prædictis, quibuſcumque priuilegiis, indultis, & facultatibus ſuſ- ſulti, ab excommunicationibus, vel à caſi- bus eiſdem Ordinariis, vel Sedi Apoſto- licæ reſeruatis tam ad forum conten- tioſum eorundem Ordinariorum dedu- ctis, quàm non deductis, præterquam in mortis articulo abſoluere audeant, vel præſumant, vel eorum aliquis audeat, vel præſumat, ſub eiſdem cenſuris, & poenis eo ipſo, & abſque alia declaratio- ne incurſendis, mandat, ac præcipit. Non obſtantibus omnibus, quæ idem Clemens VIII. in decreto & declaratio- ne huiusmodi voluit non obſtare. Da- tum Romæ 7. Ianuar. 1617.

*Declaratio eiſdem ſacra Congrega- tionis circa facultatem abſoluendi à caſibus Sedi Apoſtolice & Ordina- rio reſeruatis.*

8. **S**acra Congregatio S. R. E. Car- dinalium negotiis, & conſulta- tionibus Episcoporum, & Regularium præpoſita conſult, per confirmationes priuilegiarum, quas Regulares à Sede Apoſtolica poſt Sacr. Conc. Trident. obtinuerunt, nequaquam reuixiſſe pri- uilegia prius ab eodẽ Concilio, ac dein- de etiam ipſius Congregationis decre- tis ſublata, atque extincta, ſi quæ habe- bant, abſoluendi à caſibus Ordinario locis reſeruatis. Quemadmodum nec iudulta abſoluendi à caſibus contentis in Bulla, quæ in die Cænæ Domini legi cõſuevit, vtpotè ſublata per annuam ipſius Bullæ publicationem, vires, aut robur acquiſiuiſſe ex ſubſequentibus priuilegiarum confirmationibus; ac proinde Regulares cuiuſvis Ordinis, Congregationis, Societatis, & inſtitu- ti, etiam neceſſariò exprimendi, nec in- tra, nec extra Italiam in viis priuile- giorum, aut confirmationum eiſmo- di, quas vel hæcenus obtinuerunt, vel deinceps fortè obtinebunt, poſſe quem- quam abſoluere ab eiſdem caſibus in Bulla Cænæ, aut Ordinario loci reſer- uatis. At ſi ſecus egerint, abſolutiones nullas, atque irritas fuiſſe, ac fore: ab aliis, verò caſibus, & cenſuris Sedi Apo- ſtolice reſeruatis, ſiquidem Regula- res habeant à Sede Apoſtolica abſo- luendi facultatem, illam, extra Ita- liam minimè ſublata fuiſſe iſdem ſacra Congregationis decretis, hac de re editis iuſſu ſancti. mem. Clemen- tis VIII.

Quam ſacra Congregationis ſen- tentiam Sanctitas ſua ad ſe relatam ap- probauit, mandauitque ab omnibus, ad

quos



quos pertinet, inuiolabiliter obseruari. Romæ 17. Nouembris 1628.

8. Ex dictis igitur infero primò nunc temporis absolutè sentiendum esse, etiam extra Italiam Regulares non posse absolueri à casibus reservatis locorum Ordinariis, sicut nec à casibus in Bulla Cœnæ contentis; estd' attento priori decreto contrarium opinentur Portel, *verb. cas. refer. num. 6.* Miranda in *manuali Pralat. tom. 1. q. 46. art. 2.* Villalob. *loco cit.* & alij. Oppositum namque satis constat ex ult. decr. præcedenti; ubi etiam habetur, quòd potestas ab alijs casibus, & censuris Sedi Apostolicæ reservatis absolueri, Regularibus per eandem Sedem concessa non aufertur illis extra Italiam.

9. Infero secundò Regulares ex vi d. Clem. *'Dudum*, non minorem habere potestatem, quàm Parochos, atque ideo censet Suar. *ubi supra*, quòd si Episcopi velint peccata aliqua respectu Religiosorū referuare, quæ respectu Parochorum non essent reservata, nō possent id facere, nec valeret reservatio, cū sit expresse contra illud ius, atque hac ratione inquit caueri inconueniens per priorem opinionem insinuatam, &c.

#### DUBIUM VI.

*Utrum quando in Bulla Cruciatæ, vel Jubileo datur sine aliqua exceptione facultas absolueri à reservatis in Bulla Cœnæ Domini, possit quis virtute illius absolui ab hæresi externa in eadem Bulla Cœnæ reservata.*

1. **P**Artem affirmatiuam sequuti sunt Sylu. *excommunicatio 7. casu 2.* & 39. Ang. *verb. Absolutio, n. 17.* Sotus 4. d. 21. q. 2. art. 3. Cord. *casu 8.* Panor. *c. de cætero, de sententia excommunicationis.* & alij, quos refert Couar. in *tractatu excommuni-*

*nicationum p. 2. §. 12. n. 15.* idem tenuit Guerrerus Archiepiscopus Granatenfis, & alij grauissimi recentiores, quorum sententia probari potest.

Primò, quia, vt constat ex *l. si choræ, ff. de legatis 3.* tantum valet expressio generalis quoad species in illa contentas, quantum valeret enumeratio ipsarum specierū; ergo perinde se habet in Bulla, vel Jubileo, dare facultatem sine exceptione absolueri ab omnibus casibus Bullæ Cœnæ, ac si casus hæresis, & reliqui in illa contenti exprimerentur.

2. Secundò, quia in Bullis Cruciatæ multis abhinc annis postquam Summ. Pontifex præbet in illis facultatem ad absolueri à reservatis in Bulla Cœnæ Domini, excipit expresse hæresim; ergo quando non excipit, signū est dare facultatem ad absolueri ab illa. Pateet consequentia ex communibus, & tritis iuris principiis, quia ubi lex non distinguit, nec nos distinguere debemus, & beneficium Principis latissime est interpretandum, & fauores cōuenit ampliari, vt habetur *de regul. iuris in 6.* ergo si Papa non excipit hæresim, nec nos debemus illam excipere virtute Bullæ.

3. Tertiò, quia Confessarius approbatus potest absolueri ab omnibus, à quibus possunt Episcopi, cū Bulla ipsa dicat posse absolueri ab omnibus reservatis, etiam Papæ; illa autem particula *etiam*, est ampliatiua ad casum difficiliorem. Vnde communis est omnium opinio, per Bullam posse Confessarium absolueri ab omnibus reservatis Prælati inferioribus Papæ: sed sic est quòd Episcopi possunt absolueri ab hæresi exteriori, teste Sylu. *excommunicatio 7. casu 2. not. ab 4.* & constat ex *c. nuper, de sententia excommunicationis*; quia re vera Episcopi sunt iure diuino Inquisitores ordinarij, vt docet Perez *lib. 8. ordinamenti cit. 4. l. 3. pag. 82. & 86. & segg.* & iuxta Trident. *sessio 24. cap. 6.*

de reformatione, possunt Episcopi absolvere ab hæresi exteriori occulta; ergo idem poterit Confessarius virtute Bullæ, aut Iubilei, in quo non fuerit exceptus casus hæresis.

4. Verùm his non obstantibus, licet prædicta sententia videatur speculatiue vera, ego tamen iudico non esse practicè probabilem, nec tutam in cōscientia.

5. Primò, quia contra se habet gravissimos Doctores, tam Theologos, quam Iuristas. Caiet. verb. *Excommunicatio*, c. 1. Angles in *floribus theologicis* in 4. *questione de confess. art. 5. pag. mibi 278.* Medin. *lib. 1. instructio* 7. c. 10, §. 1. fol. 329. & c. 1. §. 1. fol. 46. Palacios 4. *dist. 20. q. 3.* Aragon. 2. 2. q. 31. art. 3. Bañes *ibid. art. 4.* Henriq. *lib. 6. c. 16. fol. 445.* Eman. §. 9. n. 70. Nauarr. c. 27. n. 272. & in *novo num. 275.* Couar. c. *Alma*, part. 1. §. 11. n. 271. Simaneas in *Enchiridio violata religionis* c. 5. n. 4. & in *addit. de Catholicis institutionibus* tit. 3. in principio n. 2. Rojas *lib. 1. de hæreticis part. 2. assertione 31.* & *tract. de privilegiis Inquisitorum* §. 4. 16. Perez *ubi supra pag. 85.* Mandosius in *praxi*, verb. *Crimen hæresis*; & alij quos molestum esset recensere.

6. Secundò, quia opposita sententia habet contra se responsa plurium Pontificum, qui aperte declaraverunt in clausula generali Bullæ concedente facultatem ad absolvendum à reservatis Papæ, non includi hæresim nisi id exprimatur; ita respondit Pius V. anno 1572. die 3. *Januarij*, vt testificatur Rojas *lib. de hæreticis ubi supra*, & Urbanus IV. Paulus IV. & Greg. XIII. anno Domini 1576. vt referūt Henriq. *lib. 6. c. 16.* & Aragon *ubi supra*, qui addunt quòd duo Concionatores, quæ Cordubæ & Murciae oppositum prædicauerunt, coacti sunt, publicè recantare palinodiam. Vnde Inquisitores in Hispania ex auctoritate Pontificum publicè fecerunt euulgari, neminem per Bullam posse ab hæresi absol-

ui, vt sic deinde nulla dubitandi ratio suboriri posset.

7. Tertiò ratione inopugnatur prædicta sententia, quia commissio generalis facta delegaro, non extenditur ad causam fidei, nisi exprimatur, vt tenet communis Doctorum, cum *glos. d. c. frater noster*. 16. q. 1. & *glos. c. vt officium*, de *hæretico*, in 6. quem sequitur Aymon 4. de *antiquitate temporum num. 44.* Iason l. *cogendum*, num. 5. ff. qui *satisfacere cogantur*. Felin. c. *postmissi*, de *rescriptis*, cum Couar. *ubi supra*; ergo in Bullis, aut Iubileis, ubi casus hæresis non exprimitur, debet subintelligi exceptus, maxime cum sit adeò strictè Inquisitoribus reservatus.

8. Quartò, quia eùm Bulla, vel Iubileus concedit generalem facultatem vel dispensandi, vel commutandi vota, non veniunt intelligenda castitatis, & Religionis; vt expresse docet Sor. de *iustitia* q. 4. art. . . quia iure ipso intelliguntur excepta, nisi exprimantur. ergo idem prorsus; & à fortiori erit de hæresi, quæ eùm sit maximum peccatorum, ex D. Thom. 2. 2. q. 11. art. 1. & ex propria ratione ipso iure videtur excepta. Vnde Felin. c. *Apostolica*, in *principio*, de *exceptionibus*, ait facultatem generaliter datam ad absolvendum ab excommunicatione non prodesse excommunicatis ratione hæresis; quare parum consequenter loquutus est Sorus concedens prædictam exceptionem in votis castitatis, & Religionis, & negans illam in hæresi.

9. Vltimò, quia in generali concessione non veniunt intelligenda quæ verosimiliter non esset quis in speciali concessurus, vt in simili docet D. Anton. 3. part. tit. 24. cap. 79. §. 1. & constat ex l. in *generali*, ff. de *pignoribus*, & l. si *quādo*, C. de *inofficioso testamento*; sed Papa in speciali non concederet illud; ergo non est intelligendum id concedere in-

Y illa.

illa generali concessione. Consequenter cum maiori est nota: minor autem probatur, tum quia ipsi Pontifices de hoc requisiti negant, ut visum est *suprà* in 2. probatione; tum, quia non est verosimile Pontifices velle derogare tam facile tot legibus in fauorem fidei Catholicæ latis, maxime quia cum Conc. Trid. id concedat Episcopis cum multis limitationibus *sess.* 24. c. 6. imò & ipsi Pontifices sæpe soleant absoluerè cum eisdem limitationibus, irrationabile est credere quòd id concedatur sine vlla limitatione omnibus Confessariis per Bullam, aut Iubileum electis, nisi clarè exprimatur.

10. Ex quibus colligo idem omnino dicendum esse de Apostasia à fide, quia hæc quædam hæresis est, saltè virtualiter & fortè grauior ipsa hæresis.

11. Ad primum respondeo id esse verum, nisi aliunde obster causa fidei, nam tunc talis casus subintelligi debet exceptus, ut sic difficultate obtinendi absolutionem magis inuiolatè fides diuina seruetur, quæ est fundamentum Ecclesiæ.

12. Ad secundū respōdeo quòd etiam si in Bullis, quæ modò expediuntur, non expressè exciperetur hæresis, adhuc deberet intelligi excepta; quia tamen multi indocti absoluebant ab hæresi quando non fiebat illa exceptio; idèd conuenienter sacri Pontifices addunt illud in suis Bullis. Vnde in forma ad argumentum neganda est consequentia, & ad probationem patet ex dictis ad primum.

13. Ad tertium quidam negant minorem: sed illa concessa, de quo latius alibi cum egerimus de Bulla Cœnæ Domini, respondeo nos posse absolvere virtute Bullæ ab omnibus reſeruatīs Episcopo, & aliis inferioribus Papæ, semper tamen hæresi excepta, propter rationes *suprà* adductas.

*An dicta dubio precedenti intelligenda sint de quacunque hæresi, etiam mentali.*

1. Solent hîc Bullæ Cruciatæ expositiones, circa singulos casus in Bulla Cœnæ contentos, singulas excitare quæstiones. Ego autem ab his superſedere opportunius duxi, tum quia id longiorem requirit tractatum, quàm sit tota Cruciatæ expositio, de qua solum agere intendò, tum quia de Bulla Cœnæ, quamprimum (Deo dante) erit in lucem edenda nostra in commune beneficium satis diffusa expositio; tum denique, quia si quæ ex eadè Bulla aliquando petenda sint, facile quis in Summis illa inueniet. Placet tamen circa primum Canonem nonnulla breuiter hic obseruare, ne forsitan Confessarius vel temerariè mittat falcem in messem alienam; vel ignoranter poenitentem priuilegio virtute Cruciatæ sibi concessio priuare contingat.

2. Quapropter obseruandum est primo, hæresim purè mentalem, quæ manet in intellectu, & nondum est manifestata per verba, nutus, signa, aut actus externos, non esse peccatum reſeruatū in Bulla Cœnæ, nec vllam incurri excommunicationem ratione illius, & consequenter posse à quolibet Confessore ordinario absolui. ita Caiet. *verb. hæresis, sine.* Gutier. *lib. 1. quæst. canon. cap. 13. à num.* 28. Simanc. *de Cathol. instit. tit. 4. 2. num.* 17. Aragon. 2. 2. q. 11. art. 3. Suar. *tom. 5. de cens. disp. 21. sect. 2. num.* 2. Sanch. *lib. 2. Decalogi cap. 8. num.* 3. Sotus in 4. *dist. 18. q. 2. art. 5. vers. vtrum verò.* Rodr. in Bulla Cruciatæ §. 9. num. 71. & alij per Sanch. relati. Ratio est, quia pœnæ externæ actum externum perfectum, & consummatum requirunt. Quamuis enim huiusmodi peccatum in sola men-

te verè, ac perfectè consummetur, Ecclesia tamen nequit excommunicatione, aliisve pœnis fori externi quaecunque delictum punire, nisi modo aliquo externo manifestetur. Vnde communiter inferunt DD. non satis esse quæcunque verba, vel signa externa, sed debere esse talia, ut si quis adesse cõingat, certò, infallibiliter, & absque vlla dubitatione iudicare possit talem esse hæreticum; & quando talia nõ sunt, nec peccatum reservatum quis habet, nec excommunicationẽ incurrit. Atque ideo non sufficiunt signa externa indifferentia, cuiusmodi sunt, si quis dum interiùs hæresi assensum præbet, mensam, aut semper percutit, dicens, ita est, ita planè est. Similiter non sufficit caput habere opertum, dum super Altari patens est venerabile Eucharistiæ sacramentum, seu dum Sacerdos hostiam eleuat: quamvis enim huiusmodi actus sint externi, & mali malitia hæresis, adhuc tamen sunt indifferentes, & non illam de se significant certò, infallibiliter, & manifestè. ita Azor. tom. 1. *instit. moral. lib. 8. cap. 9. q. 9. vlt. Sayr. in suo thesauro casuum tom. 1. lib. 1. cap. 4. num. 26. Valq. 1. 2. q. 96. art. 4. disp. 160. cap. 5. num. 20. & 21. Bannes 2. 2. q. 11. art. 4. dub. 2. & alij, quos refert Sanch. num. 8. vbi ex Ledesina ait quòd si quis assensu huiusmodi hæresi internæ, *Christus non est homo*, proferat hæc sola verba, *verè non est homo*, adhuc non satis esset, quia huiusmodi verba à quocunque audita nullam hæresim manifestant, sed indifferentia sunt.*

3. Si quis tamen animo hæretico scribat per cistram suam hæresim, seu per alia signa à se imposita ad eam sibi significandam, Sanch. num. 10. existimat adhuc non sufficere ad constituendum aliquem hæreticum externum; quia eiusmodi signa nequeunt ab alio intelligi, nec illam hæresim explicant manifestè.

Sed oppositum mihi videtur probabilius, quia illa signa ex obiecto hæresim infallibiliter significant externè, & per accidens est quòd ab aliis non percipiuntur. Atque ita sentit Fagundz lib. 8. cap. 8. *in fine*.

4. Secundò obserua hæresim externam, id est, signo aliquo exteriori manifestatam, reservari in Bulla Cœnæ; & ab hac nequit aliquis virtute Cruciatæ absolui, etiamsi aliàs sit occulta per accidens, id est, nulli nota; vndi non bene Cord. *in sum. q. 8. ad finem*, oppositum asseruit, ductus forsitan, quia cum ex vi Tridentini concedatur Episcopis facultas absolvendi ab hæresi occulta, inde videatur inferri quòd sit casus Episcopalis, & consequenter possit virtute Cruciatæ absolui; cuius oppositum constabit ex dicendis dub. 7. *ad finem*, vbi refellitur opinio Sanch. doctrinam Cord. amplectentis. nam casus hæresis non Episcopis, sed Pontifici de iure reservatur; Episcopis autem ex quadam indulgentia, seu dispensatione à Tridentino conceditur facultas, ut per se ipsos tantum ab hæresi occulta possint absolvere. Imò ferè communis opinio tenet hanc facultatem illis per Tridentinum concessam in Bulla Cœnæ reuocari. De his tamen alibi erit sermo ex professo.

5. Obserua tertiò illum, qui vi, & metu, vel dolo, & fraudulentè se inter infideles exteriùs infidelem fingit, Maurum nimirum, Iudæum, idololatram, seu hæreticum, & fidem exteriùs negavit, peccare quidem gravissimè contra eternam fidei professionem, & posse à Dominis Inquisitoribus in foro externo puniri, tanquam hæreticum, quia talis præsumitur, qui exteriùs talem se manifestat; non tamen est hæreticus in Bulla Cœnæ comprehensus, nec excommunicationem illius incurrit, & consequenter posset à quocunque Confessario absolui. Ita Navar. *in Man.*

*Latina c. 11. n. 17. Bañes 2. 2. art. 1. Sylu. verb. hæresis, q. 9. Sotus aliis citatis in 4. dist. 2. 2. q. 2. art. 3. q. 11. art. 4. dub. 2. concl. 3. Simanc. de cathol. instit. tit. 3. 1. n. 3. Tolletus summa lib. 4. cap. 4. num. 6. & in Bulla Cœna excom. 1. num. 9. Suar. tom. 5. de cens. disp. 4. sect. 2. num. 32. & disp. 21. sect. 1. num. 3. & plures alij, quibus adheret Sanch. sum lib. 2. c. 7. num. 8. Ratio est, quia hæresis est voluntarius dissensus à fide; dissensus autem est actus intellectus, sicut & assensus; unde assentire fidei, vel ab illa dissentire, ad intellectum spectat; iste autem de quo agimus, nullum habuit errorem in intellectu, nec à fide dissentiuit internè, ut supponimus.*

6. Sed obiicies ex Caiet. 2. 2. q. 12. art. 2. fine, & q. 94. art. 1. ad finem, cui etiam (teste Bañes *ibidem*) quidam viri docti subscribunt, hunc excommunicationem, & cæteras pœnas hæreticorum incurtere, estd metu cadente in virum constanter neget ortenus fidem; & rationem assignat, quia cum Ecclesia actus internos minime videat, nec de eis iudicare valeat, solos externos pœnis afficit. Unde externus Clerici homicida, licet occidendi intentione careat, imò solo metu compulsus homicidium committat, adhuc tamen excommunicationem, & irregularitatem incurrit.

Respondetur nihilominus oppositum tenendum esse, quia censuræ & reliquæ pœnæ contra crimen aliquod iniunctæ, non contrahuntur, nisi dum crimen illud est verum, ac consummatum; hæreticus autem, seu Apostata solum exterius, non est verè talis, quoniam deficit error intellectus. Nec est simile de homicidio; hoc enim in solo actu externo consistit, estque verum, & consummatum homicidium, estd metu, & absque occidendi animo committatur: hæresis verò utrumque actum, exter-

num, & internum requirit. Et quamvis Ecclesia de solis a vitiis externis iudicet, & eos pœnis afficere possit; at quādo absolute punit delictum, & illud deficiente actu interiori non est perfectum, nec consummatum, tunc nec etiam subditur pœnis Ecclesia in eiusmodi delictum infligis, ut tradit Sanch. *ibidem* num. 8.

7. Si quis autem fidem exterius negget, & hæreticum se singar animo fauendi hæreticis in suo errore, vel secta, tunc quidem in casum Bullæ incurret, non tamen excommunicationem latam contra hæreticos, sed contra hæreticorum fautores, ut ex Nauar. *loc. cit.* sentiunt Sanch. num. 9. & Fagundez n. 40. sed de his latius alibi.

## DUBIUM VIII.

*Verum modò virtute Bullæ Cruciatæ possimus absolvere schismaticos fautores, & receptores Hæreticorum.*

1. **Q**uidam iuniores cum Eman. in Bulla §. 9. n. 70. & clarius in addis. num. 66. tenent partem negantem, & probant, quia prædicti omnes numerantur in primo casu Bullæ Cœnæ Domini, ubi ponitur hæresis, & totus ille casus est reseruat Inquisitoribus, de quo nullum potest esse dubium. eigo sicut hæretici non possunt absolui virtute Bullæ, ita nec eorum fautores, nec receptores, cum agentes, & consentientes pari pœna puniendi sint. Ita Ledesma in sum. tom. 1. tract. 1. cap. 6. fine, Turrianus 2. 2. tom. 1. disp. 56. dub. 2. Alter. de cens. tom. 1. lib. 8. c. 19. q. 2. & Azor. tom. 1. lib. 8. c. 19. q. 2.

2. Verum apud me nullum est dubium schismaticos, fautores, & receptores hæreticorum, & reliquos etiam, qui in Bulla Cœnæ Domini numerantur,

tur, excepto hæretico exteriori, virtute Bullæ absolui posse semel in vita. Ita docent Sanch. in *sum. lib. 2. c. 12. n. 12.* Farin. *de hæresi q. 180. n. 8.* Suar. *de fide disp. 24. sect. 1. n. 11.* Duar. in *Bullæ Cœnæ lib. 3. §. 2. q. 8. n. 8.* Acosta *q. 63.* Henric. *lib. 6. c. 16. in textu num. 2. & in glos. lit. L.* Salas Societatis Iesv in *expositione Bullæ q. 9. & alij.* Dixi notanter, *semel in vita*, quia si reincidat, indiget noua Bulla, vt rectè notauit Henric. Sed iam ratione

3. Probatur primò, quia rectè stare potest, vt schismatici, aut fautores hæreticorum non sint hæretici, sed fideles, vt de se constat: sed in Bulla Cruciatæ solim excipitur hæresis. ergo à quibuscunque aliis peccatis, quæ non fuerint hæreses, potest quis absolui virtute Bullæ Cruciatæ. Patet consequentia, quia exceptio firmat regulam in contrarium; ergo cum sola hæresis ibi excipiat, manifestum est relinqui facultatem ad absoluendum à quibuscunque peccatis, hæresi excepta.

4. Secundò probatur, quia licet ita sit quoddam totus ille casus primò Bullæ Cœnæ Domini sit reseruatus. Inquisitoribus, tamen id non obstat quominus possimus ab illis omnibus absoluere virtute Bullæ, excepta hæresi. Tum quia etiam ab aliis, qui sunt reseruati Inquisitoribus, imò & ipsi Papæ, excepta hæresi, potest quispiam absolui virtute Bullæ; tum quia aliàs, nec virtute Bullæ posset quis absolui, si Astrologiam iudiciariam exercuisset, libros prohibitos legisset, aut prima vxore viuente, cum secunda contraxisset, cum hæc & alia huiusmodi sint reseruata Inquisitoribus: quod tamen est cōtra praxim quotidianam, & cederet in maximum animarum detrimentum, quia cum Inquisitores non possint officio Confessarij facile vti, nullus relinqueretur, qui posset in foro interiori à prædictis peccatis absoluere.

5. Tertiò probatur, quia potestas absoluendi est fauorabilis; ergo non est cur sine specialissima causa illam restringamus; quæ certè hic non adest, sicut in casu hæresis.

6. Ad rationem verò dubitandi iam patet ex dictis, & licet illa maxima, agentes, & consentientes, &c. esset vera quantum ad poenam fori exterioris, nõ tamen quoad poenam fori interioris; atque aded licet illi non possint absolui, benè tamen isti. Item addo quoddam, formaliter loquendo, fautores hæreticorum dum non discedunt alicui veritati fidei Catholicæ, non possunt dici formaliter consentientes ipsis hæreticis, vt hæretici sunt, atque aded non debent pari poena puniri, vt ad præsens spectat.

7. Superest satisfacere argumētis, quibus Rod. in *addis. ad §. 9. n. 66.* suam opinionem denuo nititur cōfirmare, & simul carpit nonnullos, quos tacito nomine refert, sibi iniuste imputasse quoddam amplitudini Bullæ Cruciatæ sua opinione detraxerit. Ad hoc probandum adducit duo breuia Apostolica, vnum videlicet Pauli IV. sub dato anno 1558. Pontificatus verò sui anno 4. vbi præfatus Pontifex in virtute sanctæ obedientiæ omnibus Confessoribus iniungit, & sub poena excommunicationis latæ sententiæ districtè præcipit, vt in actu confessionis diligenter inquirent à pœnitentibus, num habeant, vel legant libros hæreticos, seu ab Ecclesiâ damnatos, aut imprimant, seu imprimi faciant, vel venales teneant, aut de eis habeant aliquam noitiam; quoddam prædicti pœnitentes aliquid Confessori reuelent, non prius absoluantur, quàm Inquisitoribus denuntient, quidquid circa hoc negotium exploratum habuerint.

8. Hinc autem censet Rod. inferri, quoddam nõ possent absolui virtute Bullæ, nec legentes libros hæreticorum, nec

eosdem imprimentes, venales habentes, vel id Inquisitoribus non reuelantes, dum notitiam huius negotij habuerint. At si prædictæ constitutionis Apostolicæ verba rectè expendatur, oppositum potius deprehendetur. tum quia huiusmodi præceptum, & censura non fertur contra pœnitescentes, sed contra Confessarios, ne absoluant pœnitescentes, nisi prius dictos libros Inquisitoribus traderint. tum quia ibi non derogantur priuilegia Cruciatæ, imò nec vlla fit mentio de dicta Bulla, sed simpliciter insinuat modus à Confessoribus obseruandus, vt pœnitescentes Inquisitoribus denuntient, quidquid nouerint circa talia crimina; imò est dicta priuilegia ibi teuocaret ille Pontifex, per Bullas subsequeutes reualidantur tum denique, quia virtute Cruciatæ conceditur facultas absoluendi simul in vita ab omnibus peccatis Sedi Apostolicæ reseruatis, etiam in Bulla Cœnæ, excepta hæresi occulta per accidens, nullum autem ex prædictis criminibus est propriè hæresis.

9. Aliud Breue est Greg. XII. sub dato anno 1576. Pontificatus verò sui anno 5, vbi Motu proprio, & ex certa scientia declarat nunquam Pij V. sui prædecessoris, ac suæ intentionis fuisse, vel esse, Confessoribus virtute Cruciatæ aliquo modo facultatem concedere absoluendi ab incurso, & lapsu in hæresim. Hinc autem Rodr. nihil in sui fauorem inferre potest, imò in nostræ opinionis confirmationem, situm potest confici argumentum, quia cum Sum. Pontifex explicans mentem suam circa istam clausulam Bullæ in Cœna Domini, ac simul facultatem Cruciatæ, solum hæresim excipiat, nec vllam faciat mentionem de aliis criminibus in eadem prima clausula Bullæ in Cœna Domini contentis, nimirum de defensione, fauore ac receptione hæretico-

rum, ac de lectione librorum eorundem; coniungitur quidem attentio tenore Cruciatæ posse virtute illius quæpiam à dictis criminibus absolui, aliàs ea etiam exciperet, si suæ intentionis esset illa similiter reseruata. Ex dictis igitur

10. Infero primò, prædictos omnes, si verè hæretici non sint, posse virtute Bullæ Cruciatæ absolui semel in vita, & semel in mortis articulo. Ita Enriq. Sanch. & Acosta *ubi supra*. Vnde priuilegio Bullæ gaudent, qui hæreticos recipiunt, fauent, aut defendunt, vt con sanguineos, affines, seu amicos, etiam vt manus ministrorum iuste effugiant, & pœnas euadant. Secus si verè hæretici sint, cuiusmodi æstimantur, qui hæreticos recipiunt, defendunt, aut fauent, ea præciè ratione, quia hæretici sunt; tunc enim hæresim ipsam defendunt, & fauent, & consequenter in hæresi etiam complacent. qui autem in hæresi complacet, hæreticus æstimatur; atque ideo tunc prædicti omnes nequeunt virtute Cruciatæ absolui.

11. Infero secundò, idem esse de legentibus, & retinentibus hæreticorum libros; hi enim etsi absque dolo malo, sed curiositatis gratia duntaxat id præstent, censuram Bullæ in Cœna Domini incurrunt. ita Vgol in *expositione eiusdem Bullæ*, *canone 1. verb. ac eorundem librorum*. Toletus in *sum in Bulla*, *excom. 1 n. 24. & Sanch. in sum. lib. 2. c. 1. n. 40*. Possunt tamen huiusmodi absolui virtute Cruciatæ, dummodo in hæretico animo non efficiant, vt notat Acosta *concl. 4. & retinentes libros*, prius Inquisitoribus eos tradant, vt *cap. 12. num. 11*. insinuat Sanch. & habetur expressè in *prædicta constitutione Pauli IV.*

12. Infero tertio, quod credentes hæreticorum, siue eorum erroribus credant implicite, siue explicitè, verè hæretici sunt, & sub illis comprehendi possent.

possent. Sed ob maiorem declarationem, sunt in primo canone Bullæ in Cœna Domini expressi, ut recte Nauarr. Vgol. & Suar. apud Sanch. c. 10. n. 2. & ut sic nequeunt virtute Cruciatæ absolui. Secus autem, si personis hæreticorum duntaxat credant, bonam existimationem de illis habendo, familiaritatemve eisdem præstando. tunc enim esto possint in foro exteriori præsumi credentes, & ut tales puniri; in foro tamen conscientie potius sunt æstimandi fautores hæreticorum, non verò credentes, nisi eorundem erroribus credant.

13. Solum sentiendum est de schismaticis, possunt enim dari aliqui simpliciter schismatici, & non hæretici, cuiusmodi sunt qui Romano Pontifici vniuersalis Ecclesiæ capiti subesse renunt, credunt autem cunctis fidei articulis. Alij verò sunt schismatici & hæretici simul, ij nimirum, qui non Romano Pontifici subesse volunt, nec fidei articulis credunt. Vnde omnis hæreticus est schismaticus, non tamen è contra. hæresis namque cõsistit in doctrinæ fidei negatione, schisma autem in vnitatis corporis Ecclesiæ repugnãtia, ita ex D. Thom. 2. 2. q. 39. art. 1. ad 3. Qui igitur sunt simpliciter schismatici, possunt virtute Cruciatæ absolui, non tamen qui sunt etiam hæretici.

14. Nihilominus, quia iuxta doctrinam eiusdem Doctoris Ang. *ibidem*, non datur schisma, quod sibi aliquam hæresim non confingat, ut recte ab vnitatem Ecclesiæ recessisse videatur; regulariter loquendo, videtur dicendum quoddam vix detur schismaticus, qui simul non sit hæreticus; atque ideo schismatici ab Ecclesia damnantur, tanquam hæretici, ut habetur in directorio Inquisitorum 2. p. cap. 28. nec immerito præsumitur hæreticus, qui ab Ecclesiæ vniõne discedit. Vnde ad prudentiam Confessoris spectat obseruare, an huiusmodi personæ

possint virtute Cruciatæ absolui, quoniam si Confessori constet poenitentem semper incorruptam fidem in suo intellectu conseruasse, non est illi deneganda sacramentalis absolutio humiliter virtute Cruciatæ postulata, secus autem, si oppositum agnoscat.

## DUBIUM IX.

*Virum qui virtute Bullæ, vel Inbilei fuit absolutus, possit transacto tempore talis Bullæ, vel Inbilei, à reſeruatis, in confessione obliſis, iterum absolui per quemcunque Confessarium approbatum.*

1. **V**idetur quoddam non. Primò, quia facultas absoluendi à reſeruatis datur pro determinato tempore, ut pro vno anno in Bulla Cruciatæ, vel pro vna, vel duabus hebdomadis in Inbileo. ergo eo transacto non poterit ille absolui à reſeruatis. Pater consequentia, quia iurisdicctio data ad tempus, & similiter priuilegium, cessat transacto tempore.

\* 2. Secundò, quia si quis à Superiore absolutus à reſeruatis, transacta illa confessione, postea recõdatur alicuius peccati reſeruati, non potest ab alio absolui: sed teneor ad illum redire pro absolute illius; ergo similiter, si quis virtute Bullæ, vel Inbilei fuerit absolutus, non poterit transacto tempore virtute Bullæ, vel Inbilei, à quocunque Confessario approbato absolui à reſeruatis obliſis. Conſequentia est nota à paritate rationis, & antecedens patet; quia si Superior committeret suas vices alicui Confessario pro reſeruatis, certè poenitens si obliuisceretur alicuius peccati, non posset postea alium adire pro absolute, quàm illum eundem, quem sibi Superior assignauerat; ergo idem est cum ipse Superior per se ipsum absoluit,



uit, quia tunc nihil aliud facit, quàm exercere eam facultatem, quam ipse aliis solet conferre.

3. Tertiò, quia cùm quis est absolutus à referuatis, etiam manet absolutus à referuatis obliis, atque aded, si postea recordetur illorum, talia peccata manēt sicut alia mortalia non referuata: sed transacto tempore priuilegij, vt Bullæ, vel Iubilei, non potest absolui ab aliis mortalibus, à quocunque approbato præcisè, sed ab habente iurisdictionem in ipsum; ergo si transacto tempore Bullæ, vel Iubilei recordatur alicuius referuari in confessione oblii, non poterit absolui nisi ab habente iurisdictionem in alia mortalia; & non ab approbato solum; atque hæc sententia placet valde quibusdam inuincibiliter.

4. Pro intelligentia huius difficultatis præmitto primò, non procedere hoc dubium de peccatis obliis, contentis tamen virtualiter in confessione aliorum referuatorum, quæ iam ritè confessæ fuere: vt si confessus fuissim nouem periuria Paulo, minùs ve, & postea certò agnoscam esse decem, vel vndecim: tunc certum est non teneri pœnitentem pro eo peccato iterum confiteri alicui, vt docent grauissimi Doctores; de quo in materia de confessione, sed intelligitur hoc dubium, quando peccatum oblitum non continetur virtualiter in aliis ritè confessis, vt si sit noua species.

5. Secundò præmitto duplicem in hoc dubio inuolui quæstionem. Prima, an ille possit transacto priuilegij tempore absolui ab illo peccato referuato, & obliio per Parochum. Secunda, an possit absolui non solum à Parocho, sed à quocunque approbato, licet non præhabeat iurisdictionem aliquam.

6. Hoc supposito vtrique quæstioni hæc vna conclusio respondet, qui virtute Bullæ, Iubilei, vel alterius similis priuilegij absoluitur à referuatis, potest

transacto illo tempore absolui ab obliis in prædicta confessione per Parochum, vel alium quemcunque approbatum. Hanc docent Adrianus de confessione q. 4. Ang. confess. 1. num. 12. Rosella confess. 2. num. 9. Sylu. confess. 1. q. 4. Couar. cap. alma mater, p. 1. §. 11. n. 12. Canus relect. de pœnit. p. 5. Ledesma 2. p. 4. q. 8. art. 2. dub. 8. Suar. disp. 3. sect. 4. n. 20. Nauar. cap. confideret. §. cautus, num. 32. & in manuali c. 26. n. 13. Gabr. 4. d. 17. q. 1. art. 1. dub. 2. qui etiam idem dicit de eo, qui omisit aliquod referuatum, putans inuincibiliter non esse peccatum.

7. Sed ratione probatur, tum quia eo ipso quòd Papa præbet facultatem per Bullam, accipienti illam, vt à quocunque approbato absoluitur à referuatis, tollit reservationem eorum; etenim esse referuata nihil aliud erat, quàm iurisdictionem manere apud ipsum solum, & non communicare illam aliis; ergo ex quo præbet talem facultatem, & iurisdictionem omnibus Confessariis approbatis electis per Bullam, tollit à peccatis omnem reservationem; atque aded si quis aliquod eorum obliuiscatur, non tenebitur adire Superiorem, sed poterit de eo absolui à quolibet inferiori Confessario. Tum quia hoc ipso quòd Superior præbet facultatem, vt quis per certas personas possit à referuatis absolui, tunc censetur excludere ea à suo Tribunali, & remittere illa ad Tribunal inferius; ergo inferior poterit absolui ab illis.

8. Sed respondent ad hæc quidam recentiores id verum esse, nisi limitaretur à Superiore tempus illius facultatis; & Bulla, vel Iubileus limitat illam ad certum tempus, atque aded (inquiunt) transacto illo, cessat talis facultas, & consequenter nemo potest virtute illius absolui à referuatis obliis, per inferiorem Confessorem. Cæterùm nulla est hæc euasio, tum quia Superior

perior concedens huiusmodi facultatem in fauorem pœnitentis, quantum in se est, voluit reservationem tollere, si tali priuilegio intra præscriptum tempus vteretur ad lucrandas indulgentias: pœnitens autem etiam quantum in se est, vsus fuit illo priuilegio, & consequenter mansit liber à reservatione; & quamuis per accidens ex obliuione non fuerit directè sacramentaliter absolutus à peccato reservato intra illud tempus; acquisiuit tamen (vt ita dicam) ius per ipsum tubileum, quoddam postea liberè cõfiteri tale peccatum, vel potius obtinuit libertatem ab ipsa reservatione. Tum etiam, quia intentio Papæ limitantis tempus, non est quoddam solo illo tempore possit ille absolui, sed quoddam virtute illius priuilegij possit duntaxat absolui à peccatis eo tempore, vel antea commissis; vel certè sensus est, vt aliis placet, vt qui intra determinatum illud tempus confessus non est, postea non possit illo priuilegio gaudere; non tamen quoddam transacto illo tempore non possit inferior illum absolueri à reservationis oblitis in confessione facta intra illud tempus; talis autem Confessor non opus est, vt sit Parochus, sed sufficit (vt dixi in conclusione) quicumque alius duntaxat approbatus, quia priuilegium eodem modo loquitur de vno, quàm de alio, concedens vt cuilibet eorum possit pœnitens confiteri. Vnde cum talis confiteatur virtute prædicti priuilegij, pro libito potest eligere Parochum, vel quemcumque alium ab Ordinario approbatum.

9. Ad primum iam patet ex modò dictis.

10. Ad secundum concedo antecedens, & nego consequentiam, quia cum Superior ipse absoluit à reservationis, iurisdicctio in peccata oblita semper manet apud ipsum, cum nemini illam delegauerit; in Bulla verò præbet Ponti-

fex iurisdictionem non vni, sed omnibus approbatis Confessariis electis ab habente Bullam. Itaque sicut Superior absolvens à peccatis mortalibus non reservatis, non censetur dare facultatem, vt quilibet simplex Sacerdos possit absolueri à mortalibus oblitis in eâ confessione; ita nec absolvens Superior à reservationis censetur illam dare inferiori ad absoluedum à reservationis oblitis; nam certè, sicut se habet simplex Sacerdos in ordine ad mortalia oblita, ita se habet inferior Confessor etiam Parochus, ad reservata oblita.

11. Ad tertium quod militat aduersus secundam partem nostræ conclusionis; respondeo quoddam licet illa peccata reservata maneant sicut alia mortalia in bono sensu, habent tamen hoc amplius, quoddam dicunt respectu ad absolutionem sibi datam virtute priuilegij, quæ quia fuit quasi indirecta respectu reservationum oblatorum, adhuc manet facultas, vt fiat directæ eorum absolutio à quocumque poterat antea virtute eiusdem priuilegij dati directè; atque adeo non solum à Parocho, sed etiam à quolibet approbato duntaxat.

12. Sed quæres an prædicta intelligantur, etiam si obliuio fuerit culpabilis.

Huic quæsito respondet Suar. n. 22. pro regula generali habendum fore, quoddam si culpa talis sit, vt reddat Sacramentum non tantum informe, quoad effectum, sed etiam prorsus nullum, tunc peccatum manere reservatum, sicut antea; imò addit id locum habere non solum in peccato oblito, sed etiam in peccato explicato in tali confessione. Ratio est, quia eiusmodi confessio nec est propriè sacramentalis, nec valida, & consequenter nec absolutio aliquid rite operatur. Si autem verum fiat Sacramentum, licet informe quoad effectum, ait Suar. fieri posse, quoddam pœnitens maneat

neat à reservatione liber, quia talis confessio, estò fuerit informis ratione alicuius impedimenti extrinseci, ne per eam penitens consequatur effectum gratiæ, fuit tamen verè sacramentalis, & valida quoad alios effectus, & hoc videtur sufficiens ad tollendam reservationem.

13. Pro explicatione huius doctrinæ, quæ non minus difficilis, quàm vilis est, obserua primò nonnullos DD. opinari nullam dari confessionem validam quo ad substantiam Sacramenti, quæ non sit etiam cum effectu; & cōsequenter nullam validam confessionem esse informem, & nullam informem esse validam. Ita Adrian. in 4. q. 5. de confess. dub. 5. Maior dist. 17. q. 9. D. Thom. dist. 13. q. 1. art. 4. vbi videtur retractasse contrariam sententiam quam ipse docuerat dist. 17. q. 3. art. 4. q. 1. Ita etiam Ioannes Med. C. de confessione q. de confess. sicut avertenda; quos sequitur Vasq. tom. 4. q. 92. art. 2. dub. unico n. 13. Potissimum eorum fundamentum est, quia contritio, seu contritio supernaturalis est pars essentialis sacramenti Pœnitentiæ, & consequenter necessariò requisita ad constituendum illud quò ad substantiam; huiusmodi autem dolor est etiam necessarius, & sufficiens ad consequendum effectum Sacramenti, id est, gratiam; igitur confessio valida semper est cum effectu, & informis nunquam est valida. Plura congerit Vasq. ad hoc probandum, quæ poterit ibi quispiam legere.

14. Alij DD. (quorum opinio mihi magis placet) sentent posse dari verum Pœnitentiæ sacramentum validū quo ad substantiam, & informem quoad effectum, ex defectu doloris, ita tenuit S. Thom. in 4. dist. 17. vbi supra, Rich. eadem dist. art. 2. q. 8. ad 3. Ibidem Palud. à principio. Capreol. q. 2. art. 1. & art. 3. ad 4. contra 1. conclus. Caiet. tom. 1. Opuscul. 2. art. 5. q. 5. Canus 5. p. relect. de pœnit. §. duplici-

ter. Itaque Couar. c. Alma mater 1. p. relect. §. 4. num. 13. Ledesma 2. p. 4. q. 8. art. 1. dub. 3. Sot. in 4. dist. 18. q. 3. art. 2. & 3. Petrus à Soto lect. 8. de confess. Sylu. verb. confess. 1. q. 12. Navar. in sum. c. 9. n. 13. & in c. fratres. de pœnit. dist. 5. num. 33. Suar. tom. 4. dist. 20. sect. 5. num. 7. Arctinus in 4. dist. 17. q. unica. art. 7. initio. Valéria tom. 4. q. 11. puncto 2. Henricq. lib. 4. cap. 24. n. 2. & lib. 5. c. 11. num. 1. Nagnus in addis. ad 3. partem q. 9. art. 1. & alij quos hi referunt.

15. Fundamenta generalia huius sententiæ sunt,

Primò, quia id habere locum in alijs Sacramentis satis constat, nam si quis baptizetur verbis, & intentione debita, etiam si id fiat absque peccatorum dolore, verum recipit Baptismum, non tamen effectum, id est, gratiam: eodem modo arbitrantur sentiendum fore in sacramento Pœnitentiæ, dum quis integrè, & cum dolore essentiali confitetur, & legitimè absoluitur, validum enim est huiusmodi Sacramentum, quippe omnia ad illius essentialiam, & substantiam requisita concurrunt; si tamen bona fide suscipiatur absque debito dolore de omnibus commissis, erit informem quoad effectum, ut magis patebit ex infra dicendis.

Secundò, quia ex contraria sententiâ sequeretur fideles stimulus continuis agitari, putantes teneri semper ad iterandas confessiones, cum non maiorem certitudinem habere possint, quòd sint verè confessi, quàm quòd sint iustificati.

Tertiò, quia certum est plura requiri ad operandum, quàm ut aliquid in rerum natura existat; igitur non est à ratione alienum, quòd ad inducendum effectum sacramenti Pœnitentiæ aliquid amplius desideretur, quàm ad constituendum illud quoad essentialiam, & consequenter potest dari sacramen-

tum

sum Pœnitentiæ validum, & informe simul.

DUBIUM X.

*Vnde sit dignoscendum quando sacramentum Pœnitentiæ sit validum, & informe simul.*

1. **Q**UÆRES vnde sit dignoscendum, quando Pœnitentiæ sacramentum sit validum, & informe simul.

Circa hoc quæsitum sunt varij modi dicendi.

1. Primus est eorum, qui asserunt ad valorem huius Sacramenti requiri integram omnium peccatorum confessionem, esto fiat absque vlllo dolore, qui tamen necessariò requiritur ad effectû gratiæ; putant enim dolorem, præferri efficacem, non esse de essentia, & absoluta necessitate huius Sacramenti; id autem dupliciter potest evenire.

Primo, dum talis defectus ipsi pœnitenti non occurrit, sed ignorans licet culpabiliter accedit, & tunc tenent Sacramentum esse validum, informe tamen ex defectu doloris. Vel quia nec dolet de præteritis, nec proponit peccata vitare; vel si dolet, non tantum, quantum ad effectum gratiæ consequendum requiritur.

Secundò, cum fictio illa, seu defectus percipitur à pœnitente, & tunc si pœnitens illum non confiteatur, omnes fatentur confessionem esse nullam, non quidem ex defectu doloris, sed integritatis; quia velle recipere Sacramentum cum ea dispositione cognita, graue peccatum est, quod in eadem confessione taceatur. Si autem eam confiteatur, & nihilominus à Sacerdote absolvatur; Paludanus, & Capreolus dubitant, an sit validum illud Sacramentum: Casen autem, Canus & Ricardus affirmant esse validum, sed informe. Ducuntur,

quia sicut satisfactio esto sit pars Sacramenti, non tamen requiritur quòd præcedat absolutionem, sed cum postea sequitur, integrat Sacramentum; ita etiam dolor, ut Sacramentum constituat, sufficit quòd recedente fictione postea sequatur; arbitrantur namque dolorem esse partem integram, non verò essentiali huius Sacramenti, sicut de satisfactione tenet communis opinio.

3. Secundus modus est illorum, qui asserunt, quòd esto deficiente omnino dolore de præteritis, & proposito cavendi futura, Sacramentum sit nullum, quidquid in contrarium falso opinetur Paludanus, & Capreolus; si tamen pœnitens aliqualem habear dolorem, non verò sufficientem ad effectum huius Sacramenti, tunc validum esse, sed informe, modò talem defectum ignoret pœnitens, quamvis ignorantia sit ita culpabilis, ut non excuset illum à nouo peccato mortali in ea confessione commissio. Ita Nauar. in sum. cap. 9. num. 19. Sotus art. 1. ubi supra; at si pœnitens aduerat defectum doloris, esto illum confiteatur, videtur iuxta prædictos auctores dicendum, Sacramentum esse inualidum; defectum autem sufficientis doloris intelligant, cum dolor est, sed propositum nõ firmum, ut etiam tradunt Caiet. & Canus. Ducuntur quoque primam partem quia opinantur dolorem quidem requiri ad valorem huius Sacramenti, sed minorem sufficere, quàm ad effectum gratiæ, ac proinde posse dari validum Sacramentum, & informe simul. Sed quoad secundam probatur, quia esto pœnitens eum defectum confiteatur, se nihilominus reddat indignum absolutione, & consequenter peccat, aut petendo, aut consentiendo tali absolutioni.

4. Tertius modus est Petri de Soto, qui ait tunc solùm dari Sacramentum validum, & informe, cum re vera sit

cum dolore, non tamen sufficiente ad gratiam consequendam, ignoratur autem inuincibiliter à pœnitente, ac subinde sine nouo peccato; & subiungit quòd si ignorantia non excuset à peccato, siue illam pœnitens aduertat, siue non, Sacramentum esse nullum, & consequenter repetendum. Loquitur autem hic author de dolore peccatorum, quæ in confessione explicantur, & de defectu doloris quantum ad intentionem. Ducitur, quia certum est dolorem definitæ perfectionis, quam Deus nouit, necessariò requiri ad gratiam in hoc Sacramento obtinendam; & certum etiam est teneri hominem ex præcepto non recipere hoc Sacramentum cum minori dolore; tenetur enim ponere obicem effectui Sacramenti, ac propterea si cum minori accedat, vel ex certa scientia, vel ex ignorantia culpabili, negat ista opinio fieri hoc Sacramentum informe, quoniam cum æquali peccato nec etiam potest fieri validum; existimatur autem minorè dolorem intensiue sufficere ad valorem Sacramenti, quàm ad illius effectum; atque ideo si cum illo fiat confessio, & aliunde excusetur peccatum ob bonam fidem, Sacramentum erit validum, ac informe simul.

5. Omnes isti modi dicendi falso nituntur fundamento. Nam prior opinatur dolorem esse partem integram, sicut est satisfactio; id autem falsum est, si simpliciter intelligatur, quoniam esto D. Thom. 4. 90. art. 3. & alij doceant dolorem esse partem integram, non tamen ad eum modum, quo est satisfactio, & cuiusmodi est pes, seu manus in homine; sed dicitur pars integralis ex parte materiæ, sicut etiam confessio; & sicut materia est de essentia constituti, ita & partes integrantes. Vnde dolor rectè dicitur comes confessionis, quia sicut confessio debet præcedere absolutionem, ita & dolor; & si dolor posset subsequi,

posset etiam subsequi confessio; quod est plus quàm absurdum.

6. Secundus & tertius modus dicendi admittit dolorem, qui absolutionem præcedere debet, sed negat ad Sacramenti valorem requiri tantum, quantum ad illius effectum. Id autem Concilio Florent. sess. ult. in decreto Eugenij, & Trid. sess. 14. cap. 4. apertè repugnare videtur. Nam utrumque ibi, vnum, ac eundem dolorem constituit, vt partem Sacramenti, & vt dispositionem ad effectum eius, vt diffusè ostendunt Suar. & Vasq. ubi supra, qui inde meritò inferunt dolorem, qui est pars Sacramenti, debere esse veram ac supernaturalem attritionem, & hanc etiam esse sufficientem dispositionem ad effectum.

7. Sit igitur quartus modus dicendi, quem sequitur Suar. num. 7. & mihi etiam probatur, nempe posse dari confessionem aliquam, validam, quoad veritatem Sacramenti, & informem quo ad effectum ex attritionis defectu extensiuo, non intensiuo, seu ex defectu integritatis, non qualitatis ipsius attritionis, & prouenient. ex inculpabili inaduerterentia, aut ignorantia. Ducor ex duplici principio.

Primum est, attritionem sufficientem ad effectum gratiæ consequendum ex vi huius Sacramenti, debere esse vniuersalem de omnibus culpis mortalibus, quas homo commisit, & nunquam in confessione retractauit; nullum enim peccatum mortale, etiam per Sacramentum remittitur absque interiori pœnitentia; quod adeò verum est, vt si quis inculpabiliter peccatum aliquod in confessione omittat, vel quia ex inculpabili negligentia id non aduertit, vel ex iusta causa aliquando tacer, esto cæterorum, non tamen istius dolorem habeat, talis attritio non satis erit ad effectum; nec immeritò, quia deest illi medium necessarium ad remissionem illius

illius peccati obliuisci, seu omitti, quod est attritio; & consequenter nec alia peccata remittentur, vnum enim sine aliis nunquam remittitur.

Secundum principium est posse aliquando poenitentem sine noua culpa confiteri cum vera attritione aliquorum peccatorum, id est, eorum, quæ in confessione explicauit, non verò eorum, quæ vel ex naturali obliuione, vel ex iusta causa aliquando omisit. Vnde in hoc differunt contritio, & attritio, quòd illa semper est vniuersalis de omnibus peccatis ex vi motiui; hæc autem ita potest esse de vno, vt non sit de omnibus. Atque ideo si confessio fiat ex vera contritione, regulariter etiam fiet ex dolore, qui formaliter cadat in peccata confessa, & virtualiter in cætera commissa: at verò si confessio fiat etiam ex vera attritione, posset ex dolore, qui cadit super aliqua, & non super omnia, neque formaliter, neque virtualiter.

8. Quare ex hoc duplici principio aperte deducitur sententia, quam sequimur. Nam ex primo principio habetur quòd attritio necessaria ad effectum gratiæ consequendum, debet esse vniuersalis de omnibus culpis lethaliibus commissis, & nunquam per veram poenitentiam retractatis. Ex secundo autem habetur quòd ad valorem huius Sacramenti sufficiens, ac necessaria est attritio de omnibus peccatis, quoniam hæc similiter necessaria est, & sufficit ad integram accusationem sacramentalem, esto non se extendat ad ea peccata, quæ in confessione inculpabiliter omittuntur: ergo confessio facta cum huiusmodi attritione, erit quidem valida, & informis.

9. Sed obieciens primò inde sequi quòd si quis ex iusta causa in confessione taceat aliquod peccatum cuius memoriam habet, estò illius nullam habeat attritionem, modò debeat de peccatis

in confessione explicatis, valida sit talis confessio; quod tamen est falsum.

Respondetur negàdo sequelam. Nam quamuis ad validitatem Sacramenti sufficiat attritio de peccatis confessis, vt diximus, & adeò est verum, vt si contingat peccata aliqua in confessione taceri, & de illis attritionem haberi, illa tamen non erit pars Sacramenti, quoniam nec confessione informat, nec fit sensibilis per illà, sed manet merè interior; & còsequenter non est pars Sacramenti sensibilis, nec còiungitur clauibus, vt per eas eleuetur ad significationem, & efficaciam sacramentalem: nihilominus poenitens ex generali Sacramentorum lege tenetur non ponere obicem effectui sacramentali; ponet autem si conscientiam habeat peccati in confessione omitti, & de illo non poeniteat, quia estò tunc non requiratur dolor ad accusationem talis peccati, cum non sit futura, requiritur tamen ad tollendum obicem, & dignè suscipiendum Sacramentum; ac proinde si voluntariè omittatur in confessione ipsa, actuale peccatum committitur, quod huius Sacramenti valori repugnare certum est. Vnde confessio valida, & informis solum potest còtingere, dum ex naturali obliuione peccatum aliquod in confessione omittitur, & attritio etiam ad illud non extèditur, vel formaliter ex intentione operantis, vel virtualiter ex vi motiui, quia nimirum non est vniuersale, sed particulare, vt docet Suar. *sect. 4. num. 34.*

10. Obieciens secundò, quia, vt ex dictis constat, Concilium Tridentinum non distinguit inter attritionem, quæ est pars, & quæ est dispositio: ex nostra autem sententia videtur inferri oppositum, dum asserimus aliquam attritionem esse sufficientem partem, non tamen sufficientem dispositionem.

Respondetur negando ex nostra sententia sequi oppositum eius, quod docet

cer Concilium; concedimus enim attritionem, quæ est pars Sacramenti essentialis, esse sufficientem dispositionem ad gratiam, quantum est ex se, & respectu eorum peccatorum, de quibus est, nisi aliunde ponatur obex; sicut fieri potest respectu peccati in confessione omitti; tunc enim talis attritio non est sufficiens dispositio: dum igitur Concilium ait attributionem esse sufficientem dispositionem ad gratiam in Sacramento obtinendam, intelligit de attritione vniuersali, vel quantum est ex parte sui, & non aliter.

11. Obicies tertio, quia hic defectus est integritatis duntaxat, ut constat ex dictis; sed defectus integritatis, cum inculpabilis est, sicut non est contra substantiam Sacramenti, ita nec impedit effectum illius, ut de integritate confessionis omnes fatentur: igitur idem erit de integritate attritionis.

Respondetur negando quod idem sit sentendum de integritate confessionis, & attritionis; nam defectus integritatis materialis confessionis, cum inculpabilis est, nec substantiam, nec effectum Sacramenti tollit; defectus autem integritatis in interiori poenitentia, esto non sit contra substantiam Sacramenti, impedit tamen effectum: & ratio differentie est, quoniam confessio exterior, seclusa necessitate proveniente ex institutione, & præcepto huius Sacramenti, non est per se dispositio, aut medium ad remissionem peccati necessarium; atque ideo quacunque ratione præceptum confessionis sufficienter impleatur, quantum ad Sacramenti substantiam opus est, ex ea etiam parte sufficit ad effectum. At verò poenitentia interior de quocumque peccato mortali, adhuc seclusa necessitate, & institutione huius Sacramenti, est per se dispositio, ac medium ad remissionem cuiuscunque lethalis culpe necessarium; ac propterea,

esto ex parte confessionis adhibeatur attritio sufficiens ad substantiam eius; si tamen respectu alicuius culpe lethalis desit sufficiens poenitentia interior, potest inde impediri effectus Sacramenti absque noua poenitentis culpa, ob carentiam mediij necessarii ad talem effectum consequendum. Nec refert quod poenitens in ea omissione non committat nouum peccatum; sufficit enim quod medium ad iustificationem necessarium non adhibeat, cuiusmodi est integra poenitentia peccatorum, formalis, seu virtualis.

## DUBIUM XI.

*An Sacramentum validum, & informe, habeat effectum, obue, seu fictione recedente.*

1. **P**Artem negantem tuentur in primis DD. asserentes non dari Sacramentum validum, & informe; deinde eam etiam tenent Sorus, Couar & alij, putantes id esse proprium solius Baptismi, vel saltem Sacramentorum, quæ iterari non possunt. Sed affirmatiuam amplectuntur D. Thom. dist. 17 ubi etiam inclinatur Dur. q. 13. & sequitur Palud. q. 8. Caiet. Canus, Petrus de Soro, Ledesma, & alij, quos refert Suar. sect. 5. n. 14. Nugnus etiam loco cit. dub. 5. concl. 1. Arctinus supra ver. Dico secundum. Sayrus de poenit. c. 37. n. 1. & Bonac. etiam dist. 5. de poenit. q. 6. sect. 1. punct. 3. n. 5. quorum sententia, consequenter loquendo, mihi similiter videtur probabilior, & absolute tenenda.

Primo, quia nullum mortale peccatum post Baptismum commissum remittitur, nisi per poenitentiam Sacramentum in re, vel in voto susceptum, ut omnes fatentur: igitur peccata explicata in confessione informi, debent remitti per ipsummet Sacramentum informe.

Probarur

Probatur consequentia, quia pœnitens non tenetur peccata semel confessâ valide, iterum confiteri, & potest contingere quòd forsitan habeat formale propositum peccata illa nunquam iterum confitendi: ergo necessariò videtur dicendum quòd consequatur remissionem illorum virtute ipsius Sacramenti informis, sed fictione prius recedente.

Secundò idem probatur ex parte formæ, quæ veritatem continet, & Sacerdos per eum vere absoluit, & consequenter etiam Deus, iuxta illud, *quodcumque solueris super terram, erit solutum & in cælo; & quorum remiseritis peccata, &c.* Sed cum Sacerdos absoluit, non fit tunc talis remissio quoad efficaciam, ratione obicis: ergo fit saltem quoad sufficientiam; atque ideo recedente obice fiet efficaciter dicta remissio ex vi præcedentis absolutionis.

2. Cæterum, ut constet quomodo dicta fictio, seu obex remoueri queat, ut Sacramentū informe sortiatur suum effectum: pro certo habendum est sufficere contritionem legitimam peccati omitti, seu obliui in confessione: tunc enim remittuntur simul omnia peccata, quædam nimirum ratione vnius, & quædam ratione alterius Sacramenti. Quia tamen ambiguum est, an sola attritio vel generalis, vel specialis de peccatis omitti, absque noua confessione sufficiat. Idcirco

3. Dico primò, si post susceptionem prædicti Sacramenti informis nullum sit peccatum mortale, tunc sufficiet attritio, quia eadem dispositio, quæ cum Sacramento præsentis sufficeret, sufficit etiam cum Sacramento iam suscepto, nisi nouum aliud impedimentum ponatur.

4. Dico secundò, si post dictam confessionem informem peccatum aliquod mortale de nouo commissum sit, non sufficit attritio, sed requiritur contritio,

vel nouum Pœnitentiæ Sacramentum formatum, quia cum præcedens Sacramentum non habeat efficaciam circa peccata post ipsum commissa, sequitur necessariò requiri dispositionem, quæ sufficiens sit ad tollendum obicem præcedentem, & peccata postea commissa; hæc autem est sola contritio, aut Pœnitentiæ Sacramentum cum attritione denuo susceptum. Ita Enriq. lib. 4. de pœnit. c. 24. n. 3. & lib. 5. c. 11. n. 4. cum aliis per ipsum citatis, Nugnus ibid. concl. 3. & 4. Suar. & Bonac. ubi supra.

5. Hinc autem infero quòd si dari posset confessio informis, in qua pœnitens lethaliter peccaret, sic Sacramentum istud suscipiendo, ut aliqui prætendunt, necessaria esset contritio, vel saltem attritio cum noua confessione ad remouendum obicem, quia nullum Sacramentum institutum est ad remittenda peccata futura, nec ad hoc vllam vim habet: at sacrilega Sacramenti suscepcio est peccatum, saltem natura posteriorius ipso Sacramento, cum non censetur completum nisi perfecta suscepcione Sacramentum sit positum. Vnde Aug. lib. 1. de baptismo cap. 12. sæpe insinuat satis manifestè, ipsam fictionem nullo modo remitti per Baptismum fictè susceptum, sed per pœnitentiam sequentem.

## DUBIUM XII.

*Virum qui virtute Ruffa, seu Iubilai inualidam fecit confessionem, vel ex defectu doloris, vel ex occultatione alicuius peccati, possit elapso tempore præfixo per quemcunque Confessarium approbatur à reuerentis absolui.*

1. **R**ecentiores quidam sequuntur partem negantem cum Ledesma tom. 1. de pœnit. c. 13. concl. 2. dub. 7. Acolta



q. 45. Villalob. *claus.* 9. §. 2. n. 16. & alij. quorum sententia probari potest

Primò, quia in Bulla tantum conceditur facultas ad absolvendum semel in vita à quibusdam casibus; ergo si semel fuit impensum penitenti virtute illius privilegij beneficium absolutionis, non poterit iterum illi impendi virtute eiusdem privilegij.

Dices aliquando non habere effectum beneficium absolutionis, & ideo posse illi iterum impendi ut fortiaur effectum.

Sed contrà, quia, quod talis absolutio non habuerit effectum, est ex malitia penitentis ponentis obicem. ergo non potest pro secundo impendi illi prædictum beneficium, aliàs bis impenderetur, dicente Bulla, quod semel impendatur.

2. Secundò, quia ille, qui ex malitia celavit aliquod peccatum, vel alia causa culpabili fecit invalidam confessionem, non implet conditionem, quam petit privilegium, ut tollatur reservatio peccatorum illius: ergo talis non poterit transacto tempore privilegiorum absolui ab illis reservatis per inferiorem Confessorem. Consequentia est nota, & antecedens patet, quia sæpe in huiusmodi privilegiis, & maximè in Iubileo, concedit Summus Pontifex illam facultatem, sub conditione, quod confiteatur & communicet: at qui petit confessionem in ordine ad communionem, aperte petit confessionem validam, aliàs deferuire non posset ad communionem; ergo qui ex malitia invalidè confessus est, non poterit virtute prædicti privilegij absolui postea à reservatis per inferiorem Confessorem, sine nova Superioris licentia.

3. Tertiò, quia si ille nullam prorsus confessionem validam, nec invalidam fecisset durante tempore Bullæ, vel Iubilei, non posset transacto illo absolui à reservatis per inferiorem Confesso-

rem, sed teneretur adire Superiorem. ergo idem à fortiori erit, si culpa sua fecit invalidam, & sacrilegam confessionem. Patet consequentia, quia aliàs melioris conditionis esset peccans ut sic, quàm non peccans, cum ille reporteret fructum, & utilitatem ex suo sacrilegio, quod est absurdum.

4. Verum, his non obstantibus, respondendo dicendum quod qui durante privilegio Bullæ, vel Iubilei præ verecundia occultavit peccatum, vel alia simili causa fecit culpabiliter invalidam confessionem, potest transacto tempore talis privilegij absolui à reservatis, à quibus tunc poterat per Confessarium approbatum Ita expressè Armill. *verbo casus*, n. 4. Alcozer in *Confessionario* cap. 12. Caiet. *verbo casus*, in fine. Sylv. *Confessio* 1. q. 19. Nauarr. *cap. 26*, n. 13, & c. 27, n. 254. & 255. & de *penitentia* d. 5. c. 3. *cautius*, n. 30. Viè. in *sum. q. 49*. Adrianus de *confessione*, q. 4. Angles de *Confess.* art. 5. *difficultate* 1. Decanus *art. 3*, contra *Lutherum*, post medium. Rosella *confess.* 2. n. 9. Rodr. in *bullæ* §. 9. num. 97. Durandus in 4. d. 17. q. 15. num. 17. Gabr. ibi q. 1. art. 1. dub. 2. Enriq. lib. 6. cap. 16. *lis. C. & D.* atque etiam Suar. *disp.* 31. *sect. 4*, n. 9. Coninch. *disp.* 8. de *sacram. Pœnis*, dub. 12. num. 91. Regin. *tom. 1* lib. 8. cap. 6. *sect. 2*, num. 61. Nugnus in *addis.* ad 3. p. *tom. 2*, q. 9. art. 2. *part. 2*, dub. 4. & eandem sequuntur communiter iuniores, dicentes tamen magis illam tenere auctoritate, quàm ratione; sed nos propter utrumque amplectimur illam. Et quidem in primis, quando peccatum est reservatum indirectè ratione excommunicationis annexæ, non dubium est quin penitens absolvarur ab excommunicatione reservata, quia ad hoc impertinens est habere dolorem de peccatis, aut integrè cõfiteri, ut omnes fatentur; sed sic est quod ablata tali excommunicatione, cuius ratione peccatum reservabatur Papæ, manet non reservatum; quia

quia Papa non reservat sibi casum, nisi ratione excommunicationis, ut docet Durandus *vbi supra*, & alij à nobis citati *dub. 1.* Ergo ablata tali excommunicatione poterit postea absolui per quemcunque inferiorem Confessorem approbatum, à peccatis illis Papæ reservatis; licet enim nonnulli dicant, quod si tale peccatum sit aliàs Episcopo reservatum, adhuc manet illi reservatum, ablata Papæ reservatione; contrarium tamen est satis probabile, ut docet Nau. *c. 27. n. 261.* vbi refert se ad ea quæ dixerat *c. ita quorundam, de Iudeis, notab. 1. n. 71.* & nos etiam indicavimus *dub. 1. præfatus cap. fine.*

5. Quando verò peccatum non est reservatum ratione excommunicationis: sed directe, & ratione sui per se, adhuc conclusio nostra probati potest. Primum, quia ut supra dixi *dub. præcedenti*, ex quo data fuit à superiore facultas, ut possit ille absolui à reservatis, iam illa exclusit à suo tribunali, & remisit ea ad tribunal inferius.

6. Secundum, quia supposito quod confessus est iam illud peccatum, licet in contritum, iam crimen illud est semel iudicatum ante tribunal, cui erat reservatum. Ergo rationi conforme est, ut non habeatur amplius pro reservato, nec opus sit ad idem tribunal recurrere; atque adeo valebit tunc absolutio in eum finem, ut non maneat deinceps illud peccatum reservatum, quia à legitimo iudice, qui eo tempore potuit, absolutus fuit ab excommunicatione, si quam habebat, & à reservatione peccati, quamvis non ab ipso peccato propter obicem, quem ponit.

7. Tercio, quia licet ille non fuerit in te absolutus à vinculo peccatorum, propter eius indispositionem, bene tamen ab obligatione iterum confitendi superiori illam et peccata indebite confessi: nam sicut quando superior

Prælati audit solum reservata, non absoluit secundum veriorum sententiam, sacramentaliter; sed tantum ab obligatione confitendi illa iterum superiori, & per id tollitur illorum peccatorum reservatio. Sic in proposito per illam absolutionem absoluitur penitens ille indispositus, non à peccatis, sed ab obligatione iterum illa superiori confitendi.

8. Atque ex his colligunt præcitati Doctores, quod si Superior in Religione concedat, ut per triduum Religiosi possint absolui à reservatis per aliquos, vel quosvis illius Conventus Religiosos, si quis tunc efficeret confessionem invalidam, vel ex defectu doloris, vel ex occultatione alicuius peccati, postea etiam elapso triduo poterit per eosdem absolui ab illis numero peccatis, à quibus posset intra triduum; quia idem prorsus est, etiam transacto tempore Bullæ, vel Iubilæi, quippe per illam facultatem omnino auferatur reservatio ab illis peccatis. Ita Sylv. apud Rodr. *vbi supra*, nisi expresse adderet superior, vel Pont. se nolle validam esse aliquam absolutionem virtute illius privilegij, transacto tempore præfixo in illo.

9. Ad primum respondeo, quod cum Bulla concedit semel in vita posse aliquem absolui à reservato, debet intelligi de absolutione vera, & non ficta, qualis est illa, quam ipsi penitenti constat, non habere effectum propter cognitam suam indispositionem; in hoc autem sensu ille non bis, sed semel absoluitur, licet bis reperatur absolutio super eadem peccata.

Ad secundum respondeo, nunquam illà conditionem apponi in Bulla Cruciatæ, & ideo argumentum illud nihil probat contra absolutionem virtute Bullæ datam, communiter tamen apponitur in Iubilæis; & tunc quidam recen-

tiore cum Alcoz. cap. 12. Rodr. *supra*, & Suar. *num. 2. sine*, dicunt quod quando quis facit confessionem inualidam, exigente lubilæ, quod confiteatur, & communicetur, tunc non tollitur peccatorum reservatio, quia ille non implet conditionem, sub qua concessa est illi facultas, ut absolvarur à reservatis, & Henric. *lib. 7. c. 11. n. 2.* agens de lubilæ sine aliqua distinctione, sic ait. Si tempore lubilæ dimidiatè, vel incontinentè confessus est, & ramen dum haberet animum præstandi omnia necessaria, absolutus est à reservato casu, vel censura, videtur valere absolutio in eum finem, ne deinceps casus sit reservatus. Vtræque solutio est probabilis; sed hæc reuera magis placet; imo dici etiam potest ad argumentum, non exigì à Summo Pontifice validam confessionem in ordine ad tollendam casuum reservationem; sed ad bene communicandum, & ad obtinendum alias gratias in eo lubilæ concessas.

Ad tertium respondeo primo negando antecedens, iuxta dicta in corollario nostræ conclusionis. Secundo respondeo concedendo antecedens, & negando consequentiam, quia licet peccans in quantum talis, non possit per se loquendo esse melioris conditionis, quam non peccans, bene ramen per accidens, sicut qui sæpè fide confessus est faciens confessionem informem, recedente fitione, per contritionem, aut sacramentum aliud rite susceptum obrinet gratiam omnium illorum sacramentorum, quæ fide recipit, quam ramen non obtineret, si non commississet prædicta sacrilegia. Ecce ille ex sacrilegiis à se commissis per accidens reperat fructum, quamvis non per se, nisi ab efficaci, & potenti virtute ipsorum sacramentorum. Sic igitur est in proposito, ut facile patebit discurranti.

10. Sed quæres primo, an si quis cul-

pabiliter faciat confessionem inualidam ex defectu circa ipsum peccatum reservatum, possit postea à quovis confessorè approbato absolvi. Respondetur quod si defectus sit tantum in interiore dolore, non videtur ob stare, quominus possit postea per quemcunque Confessorem non alienum absolvi. Quia intentio reservationis solum est, ut superiori, seu eius autoritatè habenti, satisfiat in hoc iudicio, quatenus externum est. Si autem defectus sit in integritate, id est quia illud malitiosè occultavit, tunc opinatur Suar. *ibidem*, non tolli reservationem, quia non fuit satisfactum intentioni superioris, cum nec illi, nec suo delegato id reuelaverit.

11. Dices idem videti sentiendum de occultatione peccati non reservati, tunc enim peccata omnia siue confessæ, siue omiſsæ manent ita clauibus subiecta, ac si ad hoc iudicium non fuissent delata, nec data fuisset absolutio; cum totum iudicium fuerit nullum, & consequenter pœnitens non satisfecerit legi diuinæ. Respondetur negando paritatem rationis, quia ex quo pœnitens comparuit coram confessore autoritatem habente, eique peccatum integre reuelavit, iam videtur fecisse satis legi Ecclesiasticæ reservationis, ac finis, & intentioni reservantis, & hoc sufficit ut maneat absolutus non à peccatis, sed ab eorum reservatione. Ita Sylu. *verb. Confessio 1. q. 19. D. Anton. 3. p. sit. 14. cap. 19. §. 14. & alij quos sequitur Suar. n. 9.*

12. Quæres secundo, an sit idem sentiendum de peccato reservato culpabiliter oblito, ac dictum est de omisso. Ratio dubitandi est, tum quia peccatum oblito, sicut & omisso non affertur in iudicium, nec actû subiicitur Clauibus. Tum quia per confessionem, in qua reservatum non explicatur, non satisfit intentioni reservantis, cum nec ipse, nec eius delegatus id peccatum agnoscat,

agnoscat, & consequenter nec pro illo possit satisfactionem, medicinamve adhibere, quæ sunt præcipuè per reservationem intenta.

13. Pro solutione huius difficultatis dico primo, si pœnitens bona fide accedat ad confessionem, & Confessarius manifestet se intendere conscientiam suam omnino exonerare à quacunque culpa etiam reservata, si quam habeat, tunc etiam si casus aliquis reservatus ex obliuione taceatur, liber manet à reservatione. Et ratio est, quia tunc pœnitens videtur facere quod in se est, dum se præsentat Confessario habenti auctoritatem, qui ei similiter imponit satisfactionem accommodatam, iuxta moralem dispositionem, quam in eo agnoscit. Et quidem quo ad absolutionem à reservatis ratione censuræ, id certissimum censet Palud. in 4. disp. 18. q. 5. art. 3. can. 4. quia ad absoluendum à censura, non requiritur distincta, & particularis cognitio causæ ipsius censuræ, sed sufficit vniuersalis voluntas absoluendi ab omnibus etiam reservatis, quam Confessarius procul dubio habet in simili euentu.

Dico secundo, si pœnitens confiteatur absque vlla mentione, seu intentione casuum reservatorum, & absolutio simili modo impendatur à Confessario, non caret probabilitate, peccatum reservatum in confessione oblitum, adhuc manere reservatum. Et hoc solum videtur deduci ex adductis in ratione dubitandi; imo nec Authores supra relati id propriè contradicunt, quia (vt recte Suar. obseruat n. 18.) valde absurdum videtur dicere, Superiorem, vel Confessarium voluisse reservationem tollere, cum de reservatis in confessione nihil omnino actum sit, nec in ordine ad illos, siue certos, siue dubios, siue manifestos, siue occultos absolutio postulata, seu impensa sit; sic expresse

sensit Vasq. tom. 4. q. 91. art. 3. dub. 5. n. 19. Bonac. de Sac. disp. 3. q. 7. puncti. 5. §. 5. n. 5. & alij.

Dico tertio, probabilius mihi videtur, & in praxi tutum oppositum, atque ita Coninck de Sac. disp. 8. dub. 12. n. 98. Regin. tom. 1. lib. 8. c. 7. n. 99. Nugnus in addis. tom. 2. q. 9. art. 2. dub. 4. Megala p. 1. lib. 1. c. 14. n. 7. & alij conclusionem principali allegati. Et potest suaderi primo, quia esto pœnitens non petat explicitè absolutionem à reservatis, censetur tamen eam petere saltem interpretatiue, venit enim ad confessionem animo exonerandi conscientiam suam ab omnibus peccatis, quantum fas sit; vnde si ei occurreret peccatum aliquod reservatum, peteret quidem absolutionem illius; igitur similiter Confessarius censetur hic, & nunc pœnitentem absolvere à peccatis, quantum licitè potest, & consequenter reservationem tollere. Secundo, quia pœnitens dum ad confessionem accedit, quamvis non distinctè, saltem confuse cogitat de omnibus, etiam reservatis absolui, intendit enim ad gratiam Dei reduci, quod nisi de omnibus absoluator, assequi non poterit; igitur Confessarius eadem intentione erga illum procedere censetur; & quidem ita deducitur ex forma absolutionis à censuris, quam solet Confessarius absolutioni sacramentali præmittere dicens; *absoluo te à vinculo excommunicationis in quantum possum, & indiger.* Vnde non absq. re pro hac sententia Nugnus carpit Suar. quod ipse primus extiterit, qui discessit à communi sententia Theologorum absolute asserentium omnem tolli reservationem eorum, quæ quis omisit, cum bona fide confessus est Sacerdoti habenti auctoritatem de illis absoluendi.



atque eorum vicariis, vt notat Rodr. n. 70. & nihilominus est casus Papalis.

DVBIVM XIV.

*Quem effectum operetur facultas in Bulla concessa ad absolvendum à reservatis in articulo mortis.*

1. **R**atio dubitandi potest esse, quia vt constat ex Trid. sess. 14. c. 7. quilibet simplex Sacerdos potest absolvere ab omnibus censuris, & casibus reservatis, etiam hæresi exteriori in articulo mortis: Ergo privilegium illud bullæ nihil concedit, quod alias iure communi fieri non posset, & consequenter, non erit privilegium, cum non operetur aliquid ultra ius commune.

2. Respondeo nihilominus privilegium Bullæ concedentis absolutionem à reservatis in articulo mortis, esse valde utile, multaque operari ultra ius commune. Ita recentiores, cum Rodr. in Bulla, § 9. n. 36. Probatur primo, quia licet secluso omni privilegio Bullæ possit quis absolvi in mortis articulo, à quibuscunque peccatis quantūcunque reservatis, tamen si aliquod peccatum habeat admixtam excommunicationem reservatam, tenetur iste si effugiat mortis periculum, se præsentare superiori iuxta decretum Bonifacii VII Lin. c. eos qui, de sententia excommunicationis in 6. de quo si negligens fuerit, incurrat iterum eandem excommunicationem. Qui autem in articulo mortis virtute Bullæ absoluitur à reservatis, si postea conualescat, non tenetur se præsentare superiori ad satisfaciendum iuxta eius voluntatem, sicut nec tenetur quando absoluitur semel in vita, vt constat ex verbis ipsius Bullæ ibi, vt possint eligere, &c. & absolutionem, ac remissionem mediante salutari penitentiâ obtinere. Ergo prædictum privilegium concedit

aliquid ultra ius commune.

Secundò probatur, quia licet quis iure communi possit in articulo mortis absolvi à reservatis, quantum ad culpam, non tamen quantum ad omnem poenam peccatis debitam; qui autem in articulo mortis per bullam absoluitur à reservatis, non solum liberatur à culpa, sed plenam obtinet poenarum indulgentiam; quod certè est aliquid valde speciale, ergo prædictum privilegium multum operatur ultra ius commune.

Tertid, nam si esset præsens Papa, aut Episcopus, quibus sunt isti casus reservati, posset poenitens virtute Bullæ existens in articulo mortis eligere alium quicumque Confessorem approbatum ab Ordinario, quod tamen non posset efficere absque tali privilegio, sed teneretur tunc superiore præsentare, confiteri ei reservata, ergo multum operatur prædictum privilegium ultra ius commune. Atque ex his abunde patet solutio ad rationem dubitandi.

DVBIVM XV.

*Virum habens Bullam existens in articulo mortis possit confiteri simplici Sacerdoti, si Pærochus adsit, vel alius approbatus.*

1. **R**ode. in Bulla, § 9. n. 37. affirmative respondet. Ducitur, quia posse eligere Confessorem approbatum virtute Bullæ est privilegium; privilegio autem potest quicumque pro libito renuntiare, & consequenter confiteri simplici Sacerdoti, cum id in mortis articulo liceat omnibus iuxta dispositionem Tridentini sess. 14. c. 7. ubi sic habetur; *Verè tamen pie admodum ne hac ipsa occasione aliquis pereat, in eadem Ecclesia Dei custoditum semper fuit, vt nulla sit reservatio in articulo mortis; atque ideo omnes Sacerdotes quæsitibus penitentes, à*

quibusvis peccatis, & censuris absoluerè possint.

2. Hæc opinio falso nititur fundamento, supponit enim liberum esse habenti Bullam in articulo mortis renuntiare privilegio eligendi Confessorum approbatorum, quod esse à veritate alienum sic probò. Quando renunciatio privilegij fieri non potest absque violatione alicuius præcepti, à cuius obligatione non eximitur quis per ipsum privilegium, illicita est talis renunciatio; sed omnes, etiam in articulo mortis, tenentur non confiteri simplici Sacerdoti dum adest Parochus, seu alius approbatus, ut constabit ex statim dicendis; nec ab huiusmodi obligatione eximitur quis per privilegium Cruciatæ: igitur illicita est talis renunciatio. Maior probatur, quia virtute Cruciatæ conceditur, ut quis possit tempore interdicti missam audire, seu celebrare; sed huic privilegio non possunt habentes Bullam renunciare diebus festis, ut tenent communiter DD. & nos cap. sequenti, dub. 4. ostendimus, quia omnes tenentur diebus festis missam audire, nec à tali præcepto quis immunis redditur per Bullam: igitur idem sentendum est in casu nostro, & sic patet solutio ad probationem in contrarium adductam.

Supereft autem minorem nostræ probationis declarare. Nam inter Doctores controuertitur, num in articulo, seu periculo mortis possit simplex Sacerdos Confessionis excipere, & à quibusvis reſeruatis absoluerè, præſente proprio Sacerdote, seu alio approbato, vel etiam superiore, cui casus reſeruantur. Partem affirmantem tuerentur Nauar. lib. 5. confil. tit. de pœnit. & remiss. in prima edit. confil. 15. n. 2. & 3. in 2. confil. 13. n. 2. & 3. Petrus de Ledefma de sacramento pœnit. cap. 14. diff. 3. post 1. conclus. Sà Summa. verb. absolutio,

n. 4. Manuël Rod. Sum. tom. 1. in 2. edit. cap. 59. conclus. 3. n. 5. & in quest. Regul. tom. 1. q. 56. art. 4. fine, & in addit. ad Cruc. §. 9. n. 45. Vega in sum. tom. 1. cap. 6. casu 16. principio, & expresse Henriq. lib. 6. de pœnit. cap. 11. n. 4. in commemor. lit. V. fine, & n. 6. & 8. & cap. 12. n. 1. ad finem. Nec hi DD. loquuntur solum de peccatis reſeruatis, sed de censuris etiam, ita Rod. in addit. Henriq. eo. n. 6. Nauar. Ledefma, Sà, & Vega ubi supra. Ducuntur autem, quia Tridentinum loc. cit. absoluerè, & indistincte asserit omnes Sacerdotes in mortis articulo ea potestate gaudere; ac proinde ydeter omnibus illis parem iurisdictionem pro eo articulo concedere.

3. Contrariam sententiam ut veriorè, & tutiorè absoluerè amplector, eamque constanter tuerentur Zambrianus de casibus articuli mortis c. 4. dub. 4. n. 3. ubi pro se relatis Rosella, Sylu. Armilla, Conar. Simanc. Cordub. Graff. in addit. ad confil. Nauar. Gutier. & Catechismo Pij V. ait priorem opinionem esse improbabilem. Nostram ultra prædictos tradunt Sorus in 4. diff. 18. q. 4. art. 4. principio. Hugolinus de censuris, tab. 1. cap. 4. §. 5. n. 2. Suar. tom. 4. de pœnit. diff. 26. sect. 4. n. 4. & tom. 5. diff. 22. sect. 1. n. 62. Barthol. à Ledefma de confes. dub. 23. Valent. tom. 4. diff. 7. q. 10. puncto 2. Molina tom. 4. de iust. diff. 63. n. 2. Nauar. in Manual. cap. 26. n. 26. Azor. tom. 1. lib. 8. inst. moral. cap. 16. q. 5. & alij, quos refert & sequitur Sanch. sum. lib. 2. cap. 13. n. 7. Potest autem hæc sententia sic suaderi primo ex verbis ipsius Concilij, ait enim ubi supra, semper in Ecclesia Dei custoditum fuisse, ut in mortis articulo omnes Sacerdotes à quibusvis peccatis, & censuris absoluerè possint. Vnde constat Concilium ibi non concedere nouum ius, sed consuetudinem approbare: consuetudo autem semper obtinuit, ut si Parochus adsit, vel alius qui iurisdic-  
iurisdic-  
iurisdic-

iurisdictionem habeat, non possit simplex Sacerdos absolvere, quia tunc iam non est articulus necessitatis comparatione cuiuscunque, ut constat, & sumitur à simili ex Concilio Carthagin. 3. *canone 32.* & refertur *cap. Presbyter 26. q. 6. ibi, nisi absente Episcopo, extrema necessitas cogat*, & quidem praxis ordinaria ita docet, ut nunquam Sacerdos simplex Confessiones excipiat, etiam in mortis articulo, dum adest Parochus seu alius iurisdictionem habens.

Secundò, suadet ex fine eiusdem Concilij, intendit enim ne quis pereat ob defectum Confessarij, ac propterea in mortis articulo non solum tollit omnem reservationem, sed omnibus etiam Sacerdotibus concedit auctoritatem absolvendi; id autem intelligitur in defectu eius, qui alioquin ad id haberet legitimam potestatem, & non aliter; quia ex opposito potius defraudaretur finis legis: agrotus enim probabiliter in illa hora, qua medico spirituali peritiori, ac inagis idoneo indiget, & à qua pendet æternitas vel gloria, vel inferni, incideret in manus medici magis idiota, & inexerti, cuiusmodi regulariter æstimatur simplex Sacerdos.

Tertiò, quia si quis innodatus excommunicatione Pontifici, seu Episcopo reservatus, in mortis articulo absolvar, tenetur postea cessante tali impedimento cum primum potuerit, se præsentare Superiori reservanti, nimirum Pontifici, seu Episcopo; secus reincident in eandem excommunicationem, ut habetur expresse *cap. de sent. excom. in 6. innotis cap. ea noscitur, cap. quod de his, & cap. quamvis, extra, eod. tit.* Igitur si æget cum primum potest, tenetur se superiori suo præsentare, sequitur à fortiori ad idem teneri, si ante absolutionem adsit superior, & consequenter non posse ab inferiori absolui, præsentate superiori, vel eius auctoritatē habente.

4. Confirmatur denique ex definitione Gregorij XIII. ad quem refert Molina *loc. cit.* rem hanc fuisse delatam, ac determinasse, in mortis articulo, seu periculo in præsentia eius qui absolvere potest à reservatis, non posse ab eisdem absolvere illum, qui ab eis absolvendi potestatem non habet extra mortis periculum: Itemque simplicem Sacerdotem, quin & approbatum ab Ordinario, qui tamen secluso mortis periculo iurisdictionem non habet absolvendi eum, qui in periculo mortis est constitutus, non posse illum absolvere à peccatis suis lethalibus, si præsto sit alius legitimus eius Confessor, qui eundem à suis culpis absolvat; quid clarius?

5. Hinc autem deducit ibidem Molina, vel Nauarum ante hanc definitionem præcitatam cõsiliū scripsisse, vel eius notitiam non habuisse, vel denique illud ignorasse eos, qui post Nauarri bitum, ipsius Consilia ex papyris manu scriptis ab eo relictis collegerunt, typisque mandaverunt. Coninck similiter hinc deducit absolutionem aliter præstitam, esse irritam ex defectu iurisdictionis. Mihi vero hæc censura videtur valde severa, præsertim si legitimus adsit Confessarius, nolit tamen, vel non possit confessionem existentis in eo articulo audire; quoniam idem reputatur abesse, ac nolle, seu non posse confessionem audire, propterea ad nostrum spectat negotium; cum in utroque casu militet necessitas, & verum sit non dari copiam Confessoris: atque ideo saltem his concurrentibus validam existimo absolutionem à Sacerdote simplici impensam.

6. Quæres primò, num in casibus Pontifici reservatis, quando ratione articuli, seu periculi mortis, non potest ad Pontificem fieri recursus, sit adeundus Episcopus, dum eius copia est; an possit quicunque



quicumque Confessarius expositus absolueret. Quidam affirmant, quia esto de iure non concedatur Episcopo huiusmodi casuum absolutio, in casu tamen necessitatis conceditur, dum Pontificis copia non est, ut de Clerici percussione Papæ reservata deciditur, *cap. 2. n. sciuntur, & cap. de cetero, de sent. excom.* De aliis autem casibus Papæ reservatis eadem ratio militare videtur, atque ita docent Cord. *sum. q. 18. puncto 2. dicto 1.* & Zambrianus *de casibus articuli mortis, cap. 4. dub. 4. n. 14.* Sanch. vero loco cit. *num. 9.* distinguit quod si casus sint occulti, tunc adendus est Episcopus, modo ad illum commodè fieri possit recursus, quia casus Pontifici reservati dum sunt occulti, Episcopo competunt iure ordinario ex decreto Concilij Tridentini; secus autem si non sint occulti. Sed melius Suar. *tom. 4. disp. 20. sec. 3. n. 4.* vbi ait specialiter cautum esse in iure circa Clerici percussorem, ut in mortis articulo si Pontifex adiri nequeat, bene rament Episcopus, ad hunc fiat recursus; in aliis autem casibus, cum id cautum non sit, ait non esse necessarium adire Episcopum, atque idem etiam docet Molina loco cit. Vnde sequitur in mortis articulo quemlibet proprium Sacerdotem, seu aliam habentem legitimam iurisdictionem absoluendi à culpis lethalibus, nullo servato ordine inter illos, posse à casibus Pontifici reservatis absolueret, id est non esse necessarium prius Episcopum adire, nec prius vocare Parochum, quam alium quemcumque Confessorem ab Ordinario expositum, nisi in casu percussoris Clerici, ut habetur ex dictis. Ratio est, quia in eo articulo nulla est reservatio, & consequenter eadem est ratio de his, ac de aliis non reservatis: igitur sicut de non reservatis potest absolueret quicumque Sacerdos habens legitimam iurisdictionem, nullo inter eos servato ordine, ita

& de reservatis. Deinde esto casus Pontifici reservati, dum sunt occulti; Episcopo ex speciali sedis Apostolicæ commissione delegentur, non inde tamen ius aliquod Episcopo acquiritur, ut notat Suar. *ibidem*: ergo eo ipso quod ad Pontificem non patet aditus, & ob imminens mortis periculum reservatio cessat, reliqui omnes communem iurisdictionem habentes quantum ad forum poenitentiae, manent æquales.

7. Si autem Sacerdotes huiusmodi ad Sacerdotes simplices conferamus, servandus est ordo, ita ut Parochus, & Sacerdos habens iurisdictionem ab Ordinario illius loci, præferantur omnibus aliis, esto sint alicubi approbati, hi autem præferantur Sacerdotibus nullibi approbatis; & hi ultimi qui simplices Sacerdotes dicuntur, præferantur aliis omnibus quavis censura, seu canonico impedimento affectis, esto aliàs fuerint aliquando approbati; tum quia sic impediti carent iam iurisdictione prius habita, & consequenter sunt veluti Sacerdotes simplices: tum quia ratione censuræ non tolerat interdictionem illis ministerium absoluendi. Vnde omnibus illis præferendus est simplex Sacerdos, qui huiusmodi caret impedimento. At quia, ut habetur ex præcitatis verbis Tridentini, in articulo mortis omnes Sacerdotes possunt absolueret, & consequenter nullus excluditur, etiam si innodatus exter quacunque censura, seu impedimento, si extrema necessitas cogat, ut omnes farentur; idcirco inter impeditos talis servandus est ordo, ut semper præferatur qui minori impedimento afficitur. Vnde si adsit Sacerdos Catholicus quocunque impedimento innodatus, est hæretico seu schismatico præferendus: & inter Catholicos suspensus, vel interdictus præferendus est irregulari, irregulari excommunicato vitando, excommu

excommunicatus verò, etiam vitandus, præferri debet degradato, cum hic præ omnibus aliis grauiori impedimento laboret, atque ita ex Zambrano, & Suar. tradit Sanch. *vbi supra*.

8. Cæterum si adfit Sacerdos habens priuilegium absoluendi à reſeruat-  
tis, non ſatis conſtat, quid tunc ſit faci-  
endum. Suar. *tom. 4. diſp. 30. ſec. 3. n. 5.*  
& Henriq. *lib. 6. de pœnit. cap. 10. n. 1. in  
comment. lit. D.* inquirunt hunc non eſſe  
neceſſariò præferendum Sacerdoti ex-  
poſito, tum quia in eo articulo omnis  
reſeruatio ceſſat; tum quia illud eſt ve-  
luti quoddam priuilegium, quo nemo  
vri tenetur, ſed poteſt ſequi ordinarium  
ius. Nihilominus oppoſitum cenſet  
Suar. ſecurius, & moraliter conſulen-  
dum, tum quia vbi adest aliquis habens  
iuriſdictionem Pontificiam, non vide-  
tur omnino impeditus aditus ad Sum.  
Pontificem; qui enim habet iuriſdictionem  
ab alio, videtur quodam modo  
vnus cum illo. Tum quia ſaltem eſt  
vtile, vt liberetur pœnitens ab omni  
onere comparandi. Nauar. autem *Sum.  
lat. cap. 27. n. 30. verſ. ad quartam.* Cord.  
*Sum. q. 18. puncto 2. dicto 1.* & Sanc. *loco  
cit.* id cenſent omnino neceſſarium, ex  
eo præſertim, quia in articulo mortis  
nullum reſeruari peccatum, non eſt ab-  
ſolutè, ſed ratione neceſſitatis; quæ ta-  
men ceſſat, dum adest Sacerdos, qui ex  
priuilegio absoluere poteſt. Vnde hoc  
ſolo fundamento ductus Sanch. idem  
cenſuit in ſimili caſu *lib. 2. de matrim.  
diſp. 40. num. 8.* contra Henriq. *vbi ſupra*.  
Quæ opinio mihi etiam magis proba-  
tur, & cum proportionem applicanda vi-  
detur ad caſus inferioribus Paſtoribus  
reſeruatos?

9. Querens ſecundò, an ſi deſiciente  
Sacerdote approbato, ſimplex confeſ-  
ſionem alicuius in articulo, ſeu pericu-  
lo mortis conſtituti audire caput, vel  
inferior approbatus in abſentia ſupe-

rioris, cui caſus reuerſatur, & ante ab-  
ſolutionem adſit iam legitimus Confeſ-  
ſarius, vel ſuperior, poſſit prior confeſ-  
ſionem inchoatam perficere. Petrus  
de Ledefina in *Sum. de pœnit. cap. 12. poſt  
5. concluſionem, dub. 2.* vtramque partem  
exiſtimat probabilem, dum ait haben-  
tem licentiam audiendi Confeſſiones  
ad tempus conceſſam, poſſe, & non  
poſſe eo elapſo proſequi confeſſionem  
antea captam. Sed hic caſus valde di-  
uerſus eſt ab eo, de quo agimus; non  
enim ſimplicei Sacerdoti in articulo  
mortis conceditur iuriſdictio ad tem-  
pus, donec adueniat legitimus Confeſ-  
ſarius, ſed abſolutè iura omnia eam  
concedunt, dum non adſuit copia ex-  
poſiti. Imo conceſſio aliter facta, eſſet  
quidem à ratione, & Ecceſiæ pietate  
ſatis aliena, obligaret enim in tantis  
angultiis conſtitutum, vt bis fateretur  
& Sacerdoti, cuius iuriſdictio dubia eſt,  
& à futuro euentu etiam pendet.

*Zambrano de caſibus articuli mortis,  
cap. 4. dub. 5. n. 4.* partem affirmantem in-  
quit eſſe valde probabilem; eam tamen  
limitat dummodo poſt abſolutionem à  
Sacerdote ſimplici impenſam, confi-  
teatur aliquod veniale legitimo Confeſ-  
ſori ſuperuenienti, cum nouo dolo-  
re, vt ab eo denuo abſoluatur, & ratio-  
nem aſſignat, quia in mortis articulo  
tenetur quiſpiam tutam partem elige-  
re, ipſe autem *num. 5.* cenſet eſſe valde  
probabile, iuriſdictionem ſimplicis Sa-  
cerdotis ceſſare in aduentu legitimi  
Confeſſarij. Nihilominus prædicta  
limitatio non videtur neceſſaria. Tum  
quia in eo caſu certam exiſtimo eſſe iu-  
riſdictionem ſimplicis Sacerdotis, vt  
dictum eſt. Tum etiam quia ſaltem iux-  
ta multorum opinionem ſimplex Sacer-  
dos habet in omni euentu iuriſdi-  
ctionem ſuper venialia: omnes autem  
in ſuis confeſſionibus fatentur aliqua  
venialia ſimul cum mortalibus: igitur

nisi pœnitens ponat obicem, valida erit confessio, quoad omnia confessa; remitterentur enim venialia directè, & mortalia saltem indirectè, etiam deficiente iurisdictione ad illa, vt docet Sanch. in *Decalogum*, lib. 2. c. 13. n. 15. nec immerito, quia ad valorem Confessionis sufficit quod pœnitens non ponat obicem, & iurdictio sit certa, saltem in aliquam materiæ partem.

10. Quapropter proposito quæsito affirmatiue respondendum existimo. Ratio est, quia in eo casu simplex Sacerdos veram habebat iurisdictionem, dum alio deficiente capir confessionem audire; nec eius aduentu expirat, cum res tunc non sit integra, sed inchoata: iure autem cautum est, iurisdictionem delegatam, quæ morte delegantis omnino cessare, minimè cessare non integra, quippe ea vti caprum est, *argum. cap. Gratum, & cap. Relatum, de offic. delegati, & quamuis huiusmodi textus de iurisdictione in æterno loquantur, idem tamen merito docent de iurisdictione fori interni, & consequenter non cessare iurisdictionem Confessoris quoad confessiones inchoatas, Palud. in 4. diff. 17. q. 5. art. 3. conclus. 7. n. 25. D. Anton. 5. par. tit. 17. cap. 9. sine. Margarita Confessorum quæst. moral. versic. sciendum, quod & Henric. lib. 6. de penis. cap. 1. n. 8. quem refert & sequitur Sanch. ibidem.*

11. Verum si pœnitens habeat casum ratione excommunicationis reseruatum, & ante absolutionem superueniat superior, cui excommunicatio est reseruata, non posset nec simplex Sacerdos, nec alius etiam expositus, qui confessionem audire capir, à prædicta excommunicatione absolueret, sed id à superiore superueniente, vel de eius licentia præstandum est, ac deinde Sacerdos illè, quicumque sit, posset à peccatis absolueret. Ducor, quia absolutio

ab excommunicatione reseruata, etiam in articulo mortis, impenditur pœnitenti cum onere, vt quam primum possit, se legitimo superiori præsentet; igitur si ante absolutionem adueniat superior, illi pro absolutione ab excommunicatione se præsentare tenetur. Neque hoc est grauamen aliquod pœnitenti superadditum; quia nec cogitur peccata repetere, nec onus vllum subire, ad quod ipse non teneatur, etiam post absolutionem. Vnde si contingat quod superior ille nolit pœnitentem ab excommunicatione absolueret, nisi integra confessio sibi repetatur, existimat Sanchez posse per priorem Sacerdotem absolui; & ita videtur dicendum. Tum quia superior ille cum sit Pontifice inferior, non posset reuocare, aut limitare iurisdictionem cuiuslibet Sacerdoti de iure concessam, ne confessionem in eo articulo inchoatam perficere queat. Tum etiam quia iam pœnitens obligationi suæ se superiori præsentandi satisfecit.

12. Duo tamen videntur sapere dubiola circa præsens quæsitum examinanda. Primum est, quid faciendum si iam simplex Sacerdos in eo articulo absoluerat, cum legitimus Confessarius aduenit, & æger cupit aliqua oblita denuo confiteri. Respondetur non posse talem confessionem excipi, nisi à legitimo superueniente Confessore, quia ista est noua confessio, & à priori independens, vt ex Suar. tradit Sanch. citatus. Idem & ob eandem causam sentiendum est, si quæ æger non potuit confiteri, vel existimatum fuit cum non posset, & sic à reliquis absolutus est.

13. Secundum dubiolum est, quid agendum, si in eo articulo contingat pœnitentem Sacerdoti simplici inualide forsitan confiteri, quia in ea confessione mentitus est, & consequenter fuit inualide absolutus; cupiente autem illo denuo confiteri eidem Sacerdoti, superueniat

ueniat legitimus Confessarius. Respondet Sanchez *num.* 16. posse illum detecto eo mendacio à prædicto simplice Sacerdote iterum absolui, & quidem ita videtur dicendum, tum quia is reuera habuit iurisdictionem ad priorem illam confessionem, & dum absolutio valide non est præstita, non censetur finita. Tum quia idem est actum aliquem non fieri, & non fieri valide, sicut licentia à paroco concessa assistendi alicui matrimonio, non censetur finita eo matrimonio irritò existente. Ad hoc autem probandum conferunt satis ea, quæ adducit Tirac. l. *Bones. §. hoc sermone, limitatione 1. n. 1. & segg. ff. de verb. signif.* vbi ex multis late probat concessionem simpliciter prolatam non finiri vno actu irritò, & *limitat. 2. 1. n. 4.* vbi similiter ex multis probat potestatem delegatam non extingui primo actu, quando delegatus inuulter absque sua culpa per errorem pronunciauit.

DUBIUM XVI.

*Utrum quando Bulla concedit posse absolui à reſeruatīs in articulo mortis, intelligatur de articulo mortis vero, an præſumpto.*

1. **P**RO explicatione huius difficultatis suppono primò aliud esse periculum mortis, & aliud esse mortis articulum. Nam mortis articulus dicitur, cum mors iam instat, & moraliter est certa, & fere ineuitabilis, siue id ex causa naturali proneniat, vt ex morbo, siue ex violenta, vt si quis capitali pœna plectendus sit: periculum autem mortis dicitur, cum est probabile dubium de morte, & frequenter solet in tali casu euenire; vt est actuale bellum, longa & periculosa nauigatio, & partus fœminæ, quæ ex aliis partibus experta est imminens vitæ periculum, & simi-

lia. Rursus mortis articulus, alius est verus, & alius præsumptus. Verus ille est, quem mors de facto sequitur. Præsumptus autem is dicitur, cum quis hominum iudicio existimatur morti propinquus, licet naturaliter, vel per miraculum postea ab ea liberetur. Ita D. Anton. 1. *p. tit. 10. cap. 3.* Gabr. in 4. *dist. 45. q. 4. art. 3. dub. 1.* Sylu. *verb. confess. 1. §. 6.* Suar. *tom. 4. disp. 26. sect. 4. n. 1.* Sanch. *lib. 2. in Decalogum, c. 13. num. 1.* & Acosta in *Bullam Cruciatæ, q. 71.*

Suppono secundò, nonnullos DD. opinari, cum ex vi Tridentini dicitur quemlibet Sacerdotem posse in mortis articulo absolui à peccatis, & censuris reſeruatīs, intelligi de vero articulo duntaxat, non de præsumpto, nec de periculo. Ita Sotus in 4. *dist. 18. q. 4. art. 4. versic. quæritur autem.* Canus *Relictæ de pœnit. p. 5.* Couar. *cap. Alma mater, p. 1. §. 11. n. 8.* & Valent. *tom. 4. disp. 7. q. 10. p. n. llo 2.* Ducusus, quia iura de mortis articulo duntaxat loquuntur, & consequenter videtur, quod de vero mortis articulo, non de præsumpto, nec de periculo intelligi debeant.

2. Sed verius alij existimant, quoad hunc effectum sumi pro eodem articulum, & periculum mortis, atque adeo sicut in articulo mortis potest quilibet Sacerdos absolui ab omnibus peccatis, & censuris, ita in periculo mortis. Ita Suar. *ibidem num. 5.* Molina *tom. 4. de iustit. disp. 63. n. 6.* Sanch. supra, Zamb. *de cas. articuli mortis, & præludio 1. n. 7.* & Cord. *d. lib. 5. de iudic. quæst. 39.* cum alijs, quos isti referunt. Et ratio est, tum quia cum causa huius confessionis fuerit necessitas pœnitentis, ne absque confessione ex hac vita discedat, & in æternum pereat, iure optimo talis reputanda erit periculi mortis necessitas; quippe ius diuinum tunc ad confessionem obligat, perinde ac in mortis articulo. Tum quia morale periculum ita-

in malis caneri debet, ac euentus ipse; ac proinde qui se morali periculo lethalis culpæ exponit, lethaliter peccat.

3. His igitur sic præhabitis dubitat, nunc utrum facultas virtute Cruciatæ concessa pro absolutione à reſeruatis in articulo mortis, sit de vero, an etiam de præſumpto, seu de periculo intelligenda. Atque in primis videtur id intelligendum de vero duntaxat. Primum, quia in Bulla hispana *in fine* additur, ut reſeruetur pro articulo mortis vero: ergo non potest intelligi de præſumpto.

Secundò, quia priuilegium debet explicari in maiorem fauorem priuilegiati, quantum verba priuilegij patiantur, ut colligitur ex regula *odia, de regulis iurii, in 6.* sed si explicetur de vero articulo mortis, cedit in maiorem fauorem priuilegiati: ergo sic debet explicari. Minor probatur, quia utilius est homini obtinere absolutionem omnium peccatorum suorum in vero articulo mortis, quam in præſumpto, cum ad illam consequatur infallibiliter vita æterna, ad istam vero non.

Tertiò, quia ut constat ex communi Dialecticorum axiomate, analogum per se, aut solitariè sumptum, stat pro famosiori, & magis proprio signato, ut leo absolute intelligitur de uiuo, non de picto; ergo eadem ratione cum in Bulla agitur absolute de articulo mortis, debet intelligi de vero, non de præſumpto, cum iste tantum sit secundum quid articulus mortis, non simpliciter, & absolute talis.

4. Verum his non obstantibus respondendo, dictum articulum mortis, de quo in Bulla Cruciatæ, intelligendum esse sub diſiunctione, verum, vel præſumptum; non verum duntaxat. Ita Ierſon. *tractatu de absolutione Sacramentali, alphabeto* 33. K. Gabr. 4. *dist. 45. q. 4. art. 3. dub. 1.* Sylu. *verb. indulgentia, q. 10.*

n. 25. Arm. n. 23. Tabiena *num. 235.* cum Rosella, *ibi* Nauar. *in Manual. c. 2. n. 8. & c. 26. n. 31.* Cord. *de indulgentiis quest. 39. in principio.* Rodr. *in expositione Bullæ, §. 9. n. 38.* Henric. *lib. 6. c. 9. fol. 418.* Et probatur primò, quia extrema vnctio, quæ solum est danda in articulo mortis, non solum datur & habet effectum in vero articulo mortis, sed in præſumpto, ut docent communiter Doctores, cum Cord. *lib. de indulgentiis*, Rodr. & alijs supra citatis: ergo absolutio etiam à reſeruatis virtute Bullæ habebit effectum in articulo mortis præſumpto, nisi oppositum exprimat Pontifex.

5. Secundò, quia cum ius commune concedit quemcunque Confessarium posse absolvere à reſeruatis in articulo mortis absente Parocho, vel approbato, non solum intelligitur de articulo mortis vero, sed de præſumpto, ut tenet communis opinio Doctorum asserentium, quod si penitens, qui simplici Sacerdoti confessus fuit, mortem euadat, non tenetur iterum adire superiorem pro absolutione reſeruatorum, nisi peccata habeant aliquam excommunicationem annexam; imò esto illam habeant, non tenetur adire illum pro absolutione, sed ut accipiat sibi iniunctam à superiore satisfactionem, ut docent Nauar. *c. 26. num. 26.* Cord. *in sum. q. 18.* Sylu. *verbo absolutio* 1. §. 8. & *Confessor* 1. §. ultimo. Tab. *absolutio* 1. *num. 5.* Arm. *ibi, num. 12.* Ang. *confessio* 3. §. 2. Anglez *in 1. impressione, pag. 296.* Innocentius *c. nuper, de sententia excommunicationis*, & alij communiter: ergo idem prorsus dicendum erit, cum in Bulla agitur de articulo mortis absolute, non exprimendo verum, vel præſumptum.

6. Tertiò, quia si solum esset sermo in Bulla de vero articulo mortis, certe Sacerdos exponeret se periculo efficiendi absolutionem nullam, quia si ita est in re, quod is non est verus articulus mortis,

mortis, non confert illi Pontifex facultatem absoluedi à reſeruatīs. Patocho præſente; & conſequenter abſolutio eius erit inualida, licet alias tam ipſe, quam pœnitens à peccato excuſentur, eo quod inculpabiliter exiſtimant eſſe verum articulum mortis.

7. Vltimò, quia, vt ſæpe diximus ex c. ſolito, §. nobis, de maioritate, & obediencia, ubi lex non diſtinguit, nec nos diſtinguere debemus, quod maxime habet verum in favorabilibus, quæ non ſunt in præiudicium tertij: ergo ſi Bulla non diſtinguit de articulo vero, vel præſumpto, ſed loquitur indefinitè, non debemus nos diſtinguere, nec reſtringere verba illius. maxime cum indefinita propoſitio in iure æquiualeat vniuerſali, niſi de mente Papæ aliter conſtet, & cum etiam beneficium Principis latiffime ſit interpretandum, cum non nocet tertio.

8. Nec obſtat dicere, Bullam loqui de articulo mortis propriè, atque adeo intelligendum eſſe loqui de articulo vero, & non de præſumpto, qui non eſt verus articulus, ſed exiſtimatus; hoc (inquam) non obſtat, quia tunc dicitur ad eſſe propriè articulum mortis, quando quis ita eſt in puncto mortis, vt probabiliter de eius vita deſperetur, vt cum communi Doctorem docet Cord. ubi ſupra: ſed talis eſt articulus mortis præſumptus, licet in re non ſequatur mors, ergo articulus præſumptus eſt propriè articulus mortis in communi omnium acceptione; atque adeo, vt rectè dicit Cord. ubi ſupra, rationabiliter præſumi poteſt de voluntate Papæ, quod nomine articuli mortis intelligat etiam præſumptum, dum contrarium non aperte exprimat.

9. Ad primum reſpondet Henric. ubi ſupra in comment. lit. N. ibi loqui de indulgentia plenaria, vt docet Nau. cap. 26. n. 31. & in alijs locis relatis ubi ſu-

pra, addit etiam Nau. confeſſorem bene, valideque conferre indulgentiam plenariam in articulo mortis. Ita Cord. & alij præcitari, & inſuper ait, quod licet daretur in Bulla forma conferendi indulgentiam, non eſſet de neceſſitate ſeruanda: quia non inuenitur in Bulla latina, ſed ſolet addi à Commiſſario ad docendum indoctiores. Ita docent ipſe Nauar. c. 26. n. 31. & §. in Leuitico, notabili 30. num. 6. Cord. de indulgentiis, queſt. 38. Rodr. §. 9. n. 40.

Ad ſecundum reſpondeo, favorabilius explicari articulum mortis, intelligendo illum diſiunctiue de vero, vel præſumpto, quam ſi de ſolo vero intelligatur. Quia ſi primo modo ſumatur, multis modis poterit prodeſſe. Secundo verò non niſi vno tantum; imo, & hoc non ſemper, eſto quis habeat Bullam, & grauem infirmitatem; ſed cum è vita diſcedit.

10. Ad tertium reſpondeo, non eſſe intelligendum, quod ſicut eſſe pictum eſt conditio diminuens reſpectu leonis, ita eſſe articulum præſumptum, diminuat veram, & propriam rationem articuli mortis. Nam ſicut propoſitio licet ſit falſa, non definit eſſe propriè propoſitio: ita licet articulus mortis præſumptus dicatur falſus, quia non ſequitur mors, ſicut per illum enunciabatur, non propterea definit propriè eſſe articulus mortis, quia de ratione

huius tantum eſt, vt ſupra adnotauimus ex communi Doctorem, quod probabiliter minetur mortem.

\*\*\*

## DVBIVM XVII.

*An si pœnitens semel sit absolutus virtute Bullæ à reservatis in articulo mortis præsumpto, possit iterum ab aliis reservatis absolui virtute eiusdem privilegij, supposito quod Bulla absolute concedit posse absolui in articulo mortis à reservatis.*

1. **P** Ræmitto facultatem absoluedi à peccatis, & lucrandi indulgentiam plenariam in articulo mortis concedi aliquando expresse, pro vero mortis articulo; aliquando pro mortis articulo simpliciter; & aliquando pro mortis articulo, sed cum hac restrictione *semel*. Vnde quando Pontifex id concedit pro vero mortis articulo, tunc de eo tantum intelligitur concessa talis facultas, vt tenet Cord. citandus, Villalob. *claus. 9. n. 8.* & communiter omnes. Si autem pro mortis articulo simpliciter id concedat, tunc tam de vero, quàm de præsumpto articulo intelligendum fore, constat ex dictis dubio præcedenti. Dubitatur tamen an debeat intelligi toties, quoties, vel semel duntaxat, ac si expresse dicta restrictio apponatur.

2. Partem negantem sequuntur Atmil. *verb. Indulgentia, n. 21.* vbi ait, quod si quis semel absoluat in articulo mortis virtute alicuius indulti, expirat indultum. Idem docet expresse Sylu. *verb. Indulgentia, n. 25.* & alij cum Nau. *c. 26.* & Gabr. *vbi supra*, & probant. Primum quia illa facultas per primum usum expiravit, vt colligitur ex lege *Roues, §. hoc sermone. ff. de verborum significatione*, alias certe in ipso privilegio adderetur, quod toties, quoties, quis ad articulum mortis veniret, posset vti eo privilegio:

sicut sæpe in simili apponi solet in apostolicis indultis: ergo cum id non apponitur, intelligendum est non velle Pontificem amplius valere, quam pro vna vice duntaxat.

3. Secundò probant, quia cum in Bulla conceditur absolute Indulgentia plenaria pro articulo mortis; si quis eam obtineat in articulo mortis præsumpto, non potest illam iterum lucrari: ergo idem erit in facultate pro absolute à reservatis, sub eodem tenore concessa. Consequentia est euidens à paritate rationis. Antecedens vero docent Doctores citati, quia tunc facultas illa consequuta est totum suum effectum, postquam semel applicata est illi ad remittendum ei omnem pœnitentia temporalem, quam pro peccatis debebat: ergo non potest virtute eiusdem privilegij illi iterum applicari, sed opus erit noua Bulla.

4. His tamen non obstantibus, dico primo si Bulla absolute concedat posse absolui in articulo mortis à reservatis, intelligendum est posse absolui toties, quoties pœnitens veniat in articulum mortis. Ita Henric. *lib. 6. cap. 16. num. 3. fol. 418.* & Ierison *de absolute Sacramentali, alphaneto 33. lit. K.* inclinatur etiam Cord. *de Indulgent. lib. 5. quest. 39. epist. 3.* idemque dicendum de indulgentia sub eodem tenore verborum concessa. Quia eadem prolixè militat ratio, & sic de utroque probatur conclusio. Primo, quia propositio indefinita iuris æquiualeat vniuersali, præsertim in materia fauorabili: sed facultas absolute concessa datur indefinitè, & sine restrictione: ergo æquiualeat vniuersali facultati.

5. Secundo, quia vt ait Henric. *vbi supra*, beneficium Principis latissime est interpretandum, præcipue cum non cedit in præiudicium tertij; ergo cum Pontifex non exprimit, quod non valeat illa

illa facultas nisi pro vna vice, non debemus nos illam strictè interpretati, sed amplè.

Tertio, quia cum Bulla concedit absolute facultatem eligendi Confessarium approbatum, & alia similia, intelligitur concedere illam ad toties, quoties quis voluerit. Ergo idem prorsus erit dicendum, si Bulla absolute concedat posse absolui in articulo mortis; cum vera articulus mortis non sit particula limirans ad verum articulum, nisi expressè addatur in ipso priuilegio.

6. Ad primum respondeo, non expirare illam facultatè per primum usum; nisi in ipso priuilegio dicatur, vt solum fiat semel. Nec opus est ad hoc, vt valeat *toties quoties*, nisi quod concedatur per indefinitam propositionem; quia per illam suppletur in materia fauorabili particula *toties, quoties*, cum vt supra dixi, æquiualeat vniuersali.

7. Ad secundum negatur Antecedens, & ad probationem respondeo, quod pro illa vice consequura est illa facultas totum suum effectum, non tamen pro aliis, vel dicito consequutam esse totum suum effectum, sed non totaliter, quod in idem recidit.

Nihilominus dico secundò, attento tenore nostræ Bullæ, qua dicta facultas conceditur semel in mortis articulo, absolute sentiendum est, quod si quis semel in vita usus iam sit tali facultate, tunc semel poterit vt eadem in primo mortis articulo, siue vero, siue præsumpto. Ita Cord. d. q. 39. dicto.

8. Secunda ratio est, tum quia Bulla tantum valet, quantum sonat; in ea autem expressè habetur dicta facultas concessa semel in vita, & semel in mortis articulo. Igitur nihil amplius prodest; per binum enim

ipsum usum sortita est  
totum suum  
effectum.

*An super mortis articulum, vt ad præsens spectat, comprehendatur omne periculum probabile mortis; etiam remotum, siue proveniat à mari, à iudice, ab hoste, vel à partu.*

1. **P**attem negantem tueretur Sot. 4. d. 18. quest. 4. art. 4. §. *Quaritur autem*. Vbi ait articulum mortis non esse periculum mortis; sed quando mors est in fieti per causam naturalem, vel violentam, vt per infirmitatem, vel sententiam iudicis infallibiliter exequendam. Idem defendit Couarru. c. *Alma mater*, p. 2. §. 11. n. 8. dicens ex ipsa nominis significatione constare diuersum esse periculum mortis ab articulo mortis, & habere se, vt superius & inferius; ita vt omnis, qui est in articulo mortis, sit etiam in periculo mortis, non tamen è contra. Pro quo refert Canum *relect. de penis*, p. 5. fol. 44. & probatur.

Primò, quia iura, quæ concedunt Sacerdoti simplici facultatem absoluendi in articulo mortis, nihil prorsus dicunt de periculo mortis, vt constat ex c. *non dubium*, c. *quod de his*, c. *pastoralis*, §. 1. de off. *Ordinarij*. Ergo talis non potest absolute in periculo mortis, & consequenter non censetur in iure idem esse articulum mortis, & periculum mortis.

2. Secundò, quia in Tridentino, cum agitur de generali facultate, quam simplex Sacerdos habet ad absoluendum in articulo mortis à quibuscunque reseruat, semper est sermo de articulo mortis strictè loquendo, vt constat ex ratione, quam subiicit Trid. ibi, *ne scilicet aliquis pereat defectu sacramenti penitentiae*; ergo in casu nostro idem est dicendum.

Tertio, quia ridiculum omnino videtur,



detur, quod quando quis vult nauigare, possit absolui à quocunque in absentia proprii Sacerdotis, vel delegati, ab omnibus casibus referuatis. Inde enim fieret, quod si aliquis incurtisset hæresim exteriori cum pertinacia; ex qua tamen sequutum non fuisset scandalum, nec detrimentum tertie personæ, adinuenerit remedium absolutionis, sine eo quod manifestaretur Inquisitoribus, vel Sum. Pontifici, per hoc quod arriperet nauigationem in Italiam. Quod est valde absurdum, & contra practicam: ergo.

3. Verum his non obstantibus respondeo, dicendum periculum mortis probabile, & articulum mortis ad arbitrium boni viri pro eodem reputari, prout ad præsens institutum spectat. Quare licet aliquando periculum sit remotum, vt nauigatio, aut ingressus in bellum, si tamen quando mors proxima erit, non speratur copia Confessoris, recte poterit quis in tali periculo remoto absolui virtute Bullæ per quemcumque Sacerdotem ab omnibus peccatis, & censuris referuatis, etiam per simplicem Sacerdotem, Parocho tamen, vel approbato alio absente.

4. Id tamen limitandum censeo, dum absoluendus morali necessitate coactus, bellum, seu nauigationem aggredditur, secus si voluntate propria id faciat; tunc enim non dicitur proprie in mortis articulo constitutus, cum ipse sponte velit se constituere, ita Cord. *sum. q. 18. puncto 2. dicto 4.* & Sanchez *lib. 2. cap. 13. n. 3.* Posset etiam limitari, dum mortis periculum est adeo remotum, vt pro certo fere habeatur mortem diutius esse differendam; atque interim possit occurrere opportunitas habentis facultatem legitime absoluendi. Ita Cord. & Sanch. *ibidem*, Couar. *4. Decr. 1. p. 5. 11. num. 8.* & Zambranus *d. Prælu. 1. num. 8.* in huiusmodi autem determina-

tione standum est iudicio viri prudentis, pensatis temporis, personæ, ac negotij circumstantiis.

5. Probatur primò, quia hæc est communis, & receptissima Theologorum sententia, à qua temerarium esset recedere in re graui, qualis est ista. Illam enim docet D. Thom. *in 4. dist. 18. & dist. 20.* Quem refert, & sequitur Sylu. *verb. absolutio 1. n. 8.* D. Anton. *3. p. tit. 14. c. 47.* Palud. *dist. 4. d. 17. q. 5. art. 2. & d. 20. q. 2. conclus. 3.* Adrian. *q. 3. de confess. cas. 3. 9. 12.* Cord. *de indulg. q. 39. in sum. q. 18.* Angel. *confess. 3. §. 2.* Tab. *absolutio 1. cas. 23. excommunicatio 5. casu 40. & confessio 1. num. 42.* Armil. *absolutio, n. 12.* Nauar. *c. 2. n. 8. & c. 26. n. 31.* Henric. *lib. 6. c. 9. in princ. fol. 47.* & Med. *Cod. de confess. q. 16. cum Suar. disp. 26. sect. 4. n. 3.*

6. Secundo probatur ex communi sententia Iuristarum Innocentio, Ioanne Andrea, Hostiensis, Abbate, & aliis *in c. Quod de his, de sententia excommunicationis.* Vbi querentes quis dicatur in articulo mortis constitutus, in specie respondent (teste Couar. *ubi supra*) eum dici talem, qui prælium cum hoste commissurus est, vel patitur naufragium periculosum, vel nauigaturus est tempore, quo solet mare turbulentum esse, aut longa quidem nauigatio per loca insidiosa. Quod probant *ex gloss. c. pastoralis, de off. ord. §. 1.* ab omnibus communiter recepta, & ex optimo textu in lege mortis, cum sequentibus de donationibus causa mortis. Quod idem docent præcitati Doctores de fecmina prægnante, præsertim Ioan. Andr. *in dist. c. pastoralis, §. 1.* sed hoc vltimum, vt verum sit, limitandum esse reor ad fecminam, quæ dum puerpera primum partum est editura; vel ad alias, quæ difficiles partus solent habere, (vt rectè notauit Henric. *ubi supra.*) Nam certè quedam fecminæ ita faciles se exhibent in partu, vt nullum prorsus periculum

culum mortis eis imminet, vt ex-  
nientia ipsa constat.

7. Tertiò probatur, quia si quis in  
prædictis periculis probabilibus mortis  
non confiteretur simplici sacerdoti, quæ  
runc solum patatum habet, exponeret  
se probabili periculo moriendi sine cõ-  
fessione in ipso prælio, vel nauigatione:  
ergo non solum potest virtute Bul-  
læ absolui ab illo à reſeruatis, sed tene-  
tur. Conſequentia cum maiori est nota,  
& minor probatur, quia eo ipſo quod  
in illis caſibus imminet periculum pro-  
babile mortis, conſequenter imminet  
periculum moriendi ſine confeſſione,  
ſuppoſito quod ibi non adſit ſacerdos:  
ergo tenetur antea confiteri, ne ſe ex-  
ponat illi probabili periculo.

Quartò probatur, quia ſacri Cano-  
nes pro eodem uſurpant articulum, &  
periculum mortis, vt aperte conſtat ex  
cap. eos qui, de ſent. excomm. in 6. & cap. ſi  
quis ſuadente diabolo, 16. quaſt. 4. adiuncto  
cap. non dubium, de ſentent. excommuni. Er-  
go ſicut ſacerdos poteſt abſoluere in  
quouis articulo mortis probabilis, ſi  
non ſit, nec ſperetur copia Confeſſoris,  
ita etiam in quouis probabili periculo  
mortis.

8. Quintò probatur, quia vt docent  
communiter Doctores cum Victoria in  
ſumma, num. 33. Nauarr. cap. 2. num. 8. &  
Cano, & Soto ubi ſupra, quilibet tene-  
tur confiteri in omni periculo proba-  
bili mortis, quia præcepta quæ obli-  
gant pro mortis articulo, etiam obli-  
gant pro omni periculo probabili mor-  
tis. In quo ſanè (vt omnes fatentur) ſi  
non adſit alius, quam ſimplex ſacerdos,  
ab illo poterit, & tenetur abſolui: ergo  
perinde ſe habet tale periculum proba-  
bile mortis, ac articulus mortis: cum  
idem poſſit ſimplex ſacerdos tã in illo,  
quàm in iſto; ſolùmque erit diſcrimen  
inter hunc abſolutum virtute Bullæ, &  
alium abſolutum iure communis, quod

iſte tenebitur poſtea adire Superiorem,  
à quo eſſet abſoluendus ab excommu-  
nicatione reſeruata; non vero ille, niſi  
quando excommunicatione eſſet ratione  
hæreſis, quia Bulla non præbet faculta-  
tem ad abſoluendum ab hæreſi, nec à  
cenſura ei annexa.

9. Ad primum in contrarium respon-  
deo, ex iuribus pro noſtra ſententia ad-  
ductis, ſatis conſtare per articulum  
mortis, non excludi periculum proba-  
bile mortis; nec prædicti Doctores, Sor.  
inquam, & Couar. vllam pro ſe addu-  
cunt rationem, ſed verba ſolum; imo  
Couarr. magis in noſtam declinat ſen-  
tentiam, quia iſto vetum ſit (vt ipſi  
aiunt) periculum mortis valde diſſerre  
ab articulo mortis, metaphyſicè lo-  
quendo; quia articulus mortis videtur  
inuoluere quandam deſperationem vi-  
tæ, periculum autem mortis non, vt  
docet Cord. de Indulg. q. 39. tamen quan-  
do periculum mortis eſt probabile, re-  
uera cenſetur (moraliter loquendo) ar-  
ticulus mortis, vt ad præſens ſpectat, &  
docet Bartolus in cap. quod in te, de pœ-  
nit. & remiſſ. & exemplificat de grauiter  
parturientibus.

10. Ad ſecundum respondeo, illam  
rationem Tridentini etiam militare in  
periculo probabili mortis. Quia etiam  
in illo timeri poteſt probabiliter, ne  
pereat conſtitutus in illo, defectu Sacra-  
menti Pœnitentiæ.

Ad tertium, quod magis vrget, fortè  
aliquis concederet ſequelam. Quia licet  
nemo poſſit abſolui per ſe loquendo ab  
hæreſi exteriori, benè tamen per acci-  
dens in periculo mortis, quod æquipa-  
ratur articulo mortis; teneatur tamen  
ille in eo caſu ſe præſentare poſtea Su-  
periori ad cauendam reincidentiam in  
excommunicationem hæreſi annexam,  
vt ſupra diximus; & tradidit Henrig.  
lib. 7. cap. 13. lit. A. fol. 59.

11. Sed ſecundo respondeo, id non  
licere,


licete, quia esset manifestè in fraudem legis reservantis strictissimè hæresim Inquisitoribus, atque adeo ille non posset in illo casu valide absolui ab hæresi per inferiorem sacerdotem. Si tamen de facto ille arriperet navigationem, fateor quod in itinere posset absolui ab hæresi, à simplici etiam Sacerdote; si non sit approbatus, & manebit quidem absolutus, si præhabeat dolorem prædictæ fraudis. Quia tunc ille est constitutus in probabili periculo mortis ratione periculose navigationis, & sic censetur constitutus in articulo mortis, & consequenter potest à quolibet absolui à reservatis.

#### C A P Y T I V.

*De censuris, à quibus virtute Bullæ liberari possumus.*

##### D V B I V M I.

*Verum possit quis per Bullam absolui in foro interiori ab excommunicatione lata à iure, vel ab homine, generaliter seu specialiter, & nominatim; saltem satisfacta parte.*

1.  **AT**IO dubitandi desumitur primo ex cōmuni Theologorum, & Iuristarum axiomate dicente, quod non potest absolvi, nisi qui ligaveris, ergo nemo potest ab excommunicatione lata ab homine absolvi, nisi qui illam tulit.

2. Secundo, quia facultas illa absolvi videtur odiosa, tum respectu partis læsæ, tum respectu Ordinarij, atque

ideo in utriusque favorem videtur restringenda, per ea quæ notantur in cap. olim, de verb. signif. Tertio, quia Tridentinum sess. 24. c. 6. de reformat. dum Episcopis concedit amplam facultatem dispensandi in irregularitatibus, & absolviendi à censuris, limitat tamen, dummodo non sint ad forum contentiosum deductæ, quasi rem gravissimam id reputet: igitur non est credendum, mentem Pontificis esse cuilibet Confessario concedere auctoritatem virtutis Cruciatæ absolviendi à censuris, absque eadem limitatione.

3. Confirmatur tandem per Extravag. Etsi Dominici 2. de pœnit. & remiss. vbi Sixtus IV. præcipit, ne virtute Cruciatæ, alteriusve privilegij generalis absolviatur denunciatus, sententialiter cōdemnatus, vel publicè diffamatus. Quare his rationibus ducti negativam partem docent Auila cum alijs, quos refert de cens. part. 2. cap. 7. diffut. 3. dub. 10. conclus. 1. Coninck de Sacram. disp. 14. dub. 16. num. 107. Valq. tom. 4. de excom. dub. 10. num. 8. Vega summ. tom. 1. cap. 6. casu 52. & Sorbus in compend. privileg. verb. ingressus Monasteriorum Monialium, num. 11.

4. Pro maiori intelligentia præmittete oportet pro tyronibus, quod excommunicatio maior quædam est à iure, ut quæ datur per modum statuti: cuiusmodi sunt, quæ continentur in iure Canonico Bullæ Cœnæ Domini, & in constitutionibus Ordinariotum, & Religionum. Alia verò est lata ab homine, non per modum statuti, sed à iudice tantum Ecclesiastico. Et rursus hæc est duplex, alia generalis, qualis est sub isto verborum tenore. *Præcipimus ne fiat hoc sub sententia excommunicationis ipso iure incurrenda.* Alia particulatis, quæ fertur in aliquem in hac forma; *Præcipio tibi hoc sub excommunicatione ipso iure incurrenda.*

5. Con

5. Conclusio. Hoc supposito, respondeo rectè posse Confessariū approbatū ab Ordinario, virtute Bullæ absoluerè excommunicatū ab excommunicatione lata à iure, vel ab homine generaliter, seu specialiter & nominatim, satisfacta tamen parte. Ita docent Gutierrez in *quest. Can. cap. 6. num. 19.* Rodr. in *expes. Bullæ, §. 9. num. 52. & segg.* Sorus 4. *dist. 22. q. 2. art. 3.* Henriquez *lib. 7. c. 13. num. 2. & lib. 8. cap. 60. n. 4.* Acosta 9. 50. Rebuffus in *concordantiis tit. de foro mandati Apostolici secundo absoluendi*, Guerrerus Archiepiscopus Granatensis & multi Theologi, & Iuristę Salmanticę consulti, & probatur apertè.

6. Primò, quia Bulla Cruciatę indistinctè loquens concedit facultatem ad absoluendum ab omnibus censuris; sed prædictę omnes excommunicationes sunt verę censurę, & in rescriptis Pontificum nomine censuratum intelliguntur. Ergo verè concedit facultatem ad illas.

Secundò, quia illa excommunicatio fuit lata ad petitionem partis. Ergo, satisfacta parte, vel consentiente poterit virtute huius Bullę tolli.

7. Sed quæres, an hæc conclusio vera etiam sit, facta denunciatione. Rodr. *ubi supra, n. 55.* cum Compèdio priuilegiarum Mendicantium, *verb. Absolutio quoad fratres, §. 19.* dicit virtute Bullę, vel similibus priuilegiarum, non posse absolui excommunicatum publice denunciatum. Sed dicendum est hoc solum esse verum in foro externo, nisi prius parti læsę fuerit satisfactum. Ita Ledesma citandus, Henric. Sor. Acosta citati, Couuar. *cap. Alma mater, part. 1. §. 11. num. 12. & 16.* & Sayr. *de cens. lib. 2. cap. 10. num. 19.* Angles. *Floribus 2. part. quest. unica de excommun. art. 4. diff. 2.* & Sanch. in *summ. tom. 2. lib. 6. cap. 17. n. 42.* Vnde cum in Compèdio priuilegiarum Societat. I e s v dicitur, *verbo ab-*

*solutio, §. 9. & 10.* non valere absolutionem censurarum pro foro externo; intelligendum est, nisi prius fuerit satisfactum parti læsę, de quo iuxta. In foro autem interno, etiam non satisfacta parte, absolutio erit valida, præstata sufficienti cautione, vel existente bona fide ipsius pœnitentis, vel Confessarij, de quo videndus est Medina 2. *summa, cap. 12. fol. 303.* Vnde merito Ledesma 1. *p. quart. q. 26. art. 1. dub. vltimo*, carpit prædictum Compèdium, eo quod absolui dixerit excommunicatum publice denunciatum, non posse absolui virtute Bullę, vel similibus priuilegiarum, & Rodr. *ibidem* nobiscum etiam sentit, cum duplici tamen limitatione, & in *addit. ad §. 9.* id absolui tenet.

8. Ad rationem autem dubitandi respondeo, quod quando dicitur non posse absoluerè, nisi qui ligauerit, subintelligitur, vel ab eius superiore, vel ex commisso, ut illius, & hoc modo fit in præsentì. Nam de mandato Papę, cui omnes fideles subditi sunt, confertur absolutio per Bullam. Nec valet dicere, quod sic heret præiudicium Episcopo, qui ob id priuatur suis iuribus. Quia Episcopus pro absolutione, nulla iura recepit; & licet reciperet, rectè posset Pontifex priuare illum propter maius bonum commune; ratione cuius conceditur Bulla.

9. Ad secundam negatur assumptum, absolutio enim illa non obest, nec parti læsę, nec Ordinario, cum pœnitenti non profit, nisi pro foro conscientię, non autè pro foro exteriori. Vnde potest adhuc contra sic absolutum procedi in foro fori, ac si non esset absolurus.

10. Ad tertiam negatur consequentia, tum quia in Bulla Cruciatę non apponitur limitatio illa, quę in Tridentino apponitur, & consequenter non obligat eos, qui virtute Cruciatę absolunt: tum quia concessio Con-

cilij etat perpetua per vim statuti, & magis ampla, cum comprehendat omnes casus Sedi Apostolicæ referuatos, & ferè omnes irregularitates; non sic Bullæ nostræ concessio; tum denique, quia si Concilium concederet Episcopis facultatem absoluendi à censuris ad forum contentiosum deductis, deberet eisdem concedere dictam facultatem, etiam pro foro exteriori, in quo Episcopi sunt iudices. Hinc autem provenirent plura inconuenientia, & perturbaretur iurisdicctio eorum, ad quorum forum deductæ essent huiusmodi censuræ. At Confessariis per Bullam potuit concedi facultas absoluendi pro foro interiori duntaxat, ex cuius usu nullum potest sequi inconueniens pro exteriori, ut constat ex dictis, & notat Sanch. citatus. Ad confirmationem respondetur extrauag. illam Sixti quatti expirasse iam, cum fuerit quasi clausula addita ad Bullam Ccenæ, quæ cum suo Authore defuncto cessauit, & consequenter cessauit etiam dicta constitutio, & casus illi in iuris communis dispositione manserunt, ut rectè tradunt Sylu. & Sotus allegati. Adde extrauagantem illam non interdiceret absolutionem cuiuscunque criminis ad forum contentiosum deducti, sed tantum hæresis, ut Sanch. *ibidem*.

## DVBIVM II.

*An quando in Bulla datur facultas absoluendi ab excommunicatione, dummodo prius satisfiat parti laica, sit valida absolutio non precedente reali satisfactione propter impotentiam solutionis, distantiam, vel aliam rationabilem causam.*

1. **P**Artem negantem sequuntur Doctores grauissimi. Sylu. *excommu-*

*nicatio* 7. *casu* 20. *dub.* 10. Tabiena *Abolutio* 3. *q.* 3. & 8. Caetan. *ibi* *cap.* 4. Sor. 4. *dist.* 22. *quest.* 2. *art.* 3. Ledesma *in sum.* *tom.* 1. *tract.* de *excom.* *cap.* 8. *dub.* 3. Cord. de *Indulg.* *quest.* 43. *dub.* 3. Gutier. *in quest.* *can.* *cap.* 5. *num.* 29. Peres *n.* 298. *ordinamenti*, *tit.* 18. *lib.* 2. *pag.* 249. *ad fin.* &c.

2. Primò, probatur ex *cap. Pisanis*, de *restitut.* *spoliat.* & *gloss.* *cap. venerabilibus*, §. *sanè*, de *sent. excom.* & colligitur ex ipso textu, & facit alia singularis glossa in Clement. 5. de *iure patronatus*, verbo, *inhibemus*, quibus addi possunt, quæ ad eius declarationem refert Felinus *in cap. ex parte*, de *transactionibus*, col. 4. & Decius *in l. Transactionis*, notab. 5. C. de *transacionibus*, & alij DD. *ibid.*

3. Secundò, quia (ut constat ex *cap. cum dilecta* de *receptis*, & *cap. fin.* de *restitutione spoliat.*) acta contra formam à Superiore præscripta sunt nulla; sed cum Bulla, vel priuilegium concedit facultatem ad absoluendum, dummodo prius parti laica satisfiat, constituit conditionem, & præscribit formam absoluendi, iuxta *leg. Qui heredis*, & *leg. Mater filio*, ff. de *conditionibus*, & *demonstrationibus*. Ergo talis absolutio, non præmissa reali satisfactione, nulla erit, quantum est ex virtute Bullæ.

4. Dices illam conditionem intelligi debere, dummodo possit penitens satisfacere. Nam si non potest, valida erit absolutio, rectèque poterit illi impendi.

Sed contra obiicit Sotus: tum quod ex hoc tantum efficitur, quod qui non habet, unde possit soluere, maneat coram Deo absolutus, non tamen quod virtute Bullæ possit absolui. Nam cum virtute huius non absoluitur, nisi ex commissione, non seruato tenore commissionis, nulla est absolutio, ut constat ex iuribus supra citatis: tum quia determinare, & arbitrari an iste possit soluere vel non, nulli Sacerdoti committit

mittit Papa, sed solum iudici excommunicanti referuat; ne aliàs iudiciarius ordo perturbetur. Ergo, &c.

5. Tertiò, quia quando Papa dicit in Bulla, quod non fiat absolutio nisi satisfacta parte, limitat potentiam Confessoris in hoc, quòd si ita non fecerit, irrita sit absolutio; ergo non præmissa illa satisfactione, nulla erit absolutio virtute Bullæ. Probatur consequentia, quia aliàs frustra poneretur talis limitatio, si etiam non satisfacta parte, posset fieri absolutio virtute Bullæ.

Quartò, quia per priuilegium Bullæ nemini conceditur facultas absoluedi ad reincidentiam, sed simpliciter; at qui modo non habet vnde soluat, licet tunc quoad Deum non sit excommunicatus, reincident tamen quoad ipsum, quando habet vnde soluat, si non soluat. Quod secus fieret si per Cruciatam absolueretur. Nam tunc non reincidenter sine noua sententia, sed oportet, vt iterum excommunicaretur, vt constat ex *textu in cap. ad reprimendum, de offic. Iudicis ordin.* vbi id notant Panorm. & Felin. col. 2. quia illa absolutio non fuit cum conditione data, sed obligatio ad satisfactionem solum fuit onus, non conditio. Vnde cum ille fuerit simpliciter absolutus, etiam si postea non satisfaciatur, non reincident in priorem excommunicationem.

6. Sextò, quia etiam si Bulla non addat clausulam, quod non fiat absolutio nisi prius satisfacta parte, adhuc absolutio non posset impendi, nisi satisfacta parte, aut cum sufficienti cautione; quia hoc exigit ratio ipsa naturalis, & dispositio iuris, ne fiat præiudicium tertio; ergo cum additur illa clausula, quod non fiat absolutio, nisi prius satisfacta parte, aliquid amplius debet præcedere ad absoluedum, quam cautio, hoc est realis ipsa solutio, & satisfactio.

7. Verum his non obstantibus, re-

spondeo, dicendum oppositam sententiam esse benigniorem, & probabiliorē; quam sequuntur Couarr. c. *Alma mater*, §. 11. num. 6. vbi ait, *formam à iure præscriptam, tunc seruandam esse, cum commode seruari potest.* Idem Sylu. *Absolutio* 3. §. 2. notab. 3. & §. 12. in princip. & verbo *Indulgentia*, q. 10. dist. 7. & expresse Nau. cap. 27. num. 47. in fin. & 142. Ledesma 2. part. quæst. 26. art. 1. Tabien. *absolutio* 2. num. 2. Petrus Sotus tit. de excom. lect. 4. Henric. lib. 7. de indulg. cap. 13. fol. 515. & lib. 13. cap. 28. fol. 1075. Armil. *Absolutio*, n. 48. Valsq. tom. 4. tract. de excom. dub. 20. num. 2. Coninck de Sacram. disput. 14. dub. 16. num. 206. Filliuc. tom. 1. tract. 11. cap. 9. num. 295. Villalob. tom. 1. tract. 27. claus. 9. §. 2. num. 22. Auila de cens. part. 2. cap. 7. disp. 3. dub. 8. Ioann. à Cruce in direct. conf. part. 2. tract. de excom. dub. 5. cond. 3. Suar. tom. 4. disp. 7. sect. 5. num. 41. Sanchez sum. tom. 1. lib. 2. cap. 20. num. 19. Sayr. de cens. lib. 1. cap. 18. num. 21. Regin. tom. 1. lib. 9. cap. 4. num. 65. Rodr. in expositione Bullæ, §. 9. n. 52. Peña, Medina, & alij recentiores, sed probatur.

8. Primò, ex cap. Odoardus, de solutionibus & ex cap. ex parte, de verborum significat. el primero. & Gloss. communiter recepta in cap. cum desideres, de sent. excommunicationis. & gloss. cap. de manifest. a. 2. quæst. 5. verb. iudicauit, & gloss. in ultim. opposit. in Clementina unica, verb. nullatenus de sequestratione poss. & fruct. Quam sententiam sequuntur ibi Card. & Felin. cap. quod super his de fide instrumentorum, col. 2. Iason in leg. Scrinarios, C. de testamento militari, & alij, quos refert Couar. vbi supra; qui etiam adducit textum in cap. venerabilibus, vbi supra. Neq. est verisimile Pontificem postulare conditionem impossibilem, quia ad impossibile nemo tenetur. l. Impossibilem, ff. de reg. iur.

9. Secundò, quia illa particula, satisfacta parte, quæ in Bulla vel Iubilæo

solet apponi, non est noua, & extraordinaria forma Confessario præscripta, sed directio quædam, & admonitio illius, vt Confessor recorderur iuris communis, præcipientis ne detur absolutio, nisi prius satisfacta parte, vt in simili docet Innocentius *cap. fin. de presumptionibus*, & glossa receptissima, *Clement. 1. de officio delegati*. & colligitur ex *Clem. Multorum* & *Clem. Nolentes de heret.* Ergo, sicut stando in iure communi, posset quis absolui à Parocho, non præmissa prædicta satisfactio reali, quia non potest commodè illam exhibere; nisi cum magno detrimento, vendendo vilis sua bona, ita etiam id poterit virtute Bullæ; & similiter licet iniuria sit manifesta, si non potest realem satisfactionem exhibere, poterit absolui per Bullam cum simili cautione. Quia (vt rectè docet Couar. ex communi Doctorum sententia in *cap. Alma mater*, §. 57. *cap. fin.*) quæ iure insunt, etiam si ab homine expressa fuerint, non inducunt nouam formam, aut conditionem. Vnde cum secundum ius requiratur ad absoluendum satisfactio patris, modo dicto, nulla certè noua forma inducitur in Bulla per hoc, quod Pontifex dicat, *quod absoluitur, dummodo fiat prius satisfactio parti læsæ*.

10. Tertio probatur, si Pontifex vellet absolutionem annullare, id certè declarasset, sicut in simili fecit in Bulla Cænz Domini, dicens, *quod absolutio facta in articulo mortis excommunicato excommunicatione Cænz Domini, sine præuia satisfactio, vel cautione idonea, nullius sit roboris, vel momenti*, de quo in expositione eiusdem Bullæ Deo daute. Ergo cum id non exprimat Pontifex in Bulla Cruciatæ, dicendum est validam esse in illo casu absolutionem, non satisfacta parte: idque satis confirmat vsus ipse, cum multi sint, qui vel ex impotentia, vel distantia, aut

Confessarii negligentia, vel obliuione, non præmittunt satisfactionem, & tamen postea non reperunt confessiones, nec petunt absolutionem censurarum. Igitur consuetudo ipsa, & ratio naturalis interpretatur validam esse tunc absolutionem, non satisfacta parte.

11. Quartò, quia illa clausula Bullæ debet benignè, & prudenter exponi, iuxta mentem Pontificis: prudenter autem exponitur iuxta mentem illius, si exponatur de satisfactio, quantum est in ipso præueniente, cum secundum rectam rationem credendum non sit velle Summum Pontificem, vt qui facit quantum potest, & debet, vt satisfaciatur, adhuc priuari absolutione propter id, quod sibi impossibile est præstare: Ergo, si quis non possit prius satisfacere propter distantiam, aut paupertatem, vel si potest, non tamen commodè, quæ censetur moralis quædam impotentia, rectè poterit absolui adhibita cautione sufficienti. Nam sicut cum ius dat facultatem absoluendi in articulo mortis, satisfacta parte, intelligitur si possit satisfacere; quod si non possit, sufficit adhibere cautionem, vt docet Nauar. *cap. 27. num. 47. & 48.* Imo etiam si ex obliuione, ignorantia, vel malitia Confessarii non præstaretur cautio; absolntè esset valida absolutio. Ita etiam intelligendum erit, quando in Bulla datur facultas absoluendi, dummodo prius satisfaciatur parti læsæ. Imo si excommunicatus probet coram iudice Ecclesiastico se impotentem moraliter, vt soluat debitam pecuniam, compellet iudicem, vt eum absoluat etiam in foro exteriori. Quia Ecclesia non vult tenere ligatum reum, qui iam obedit, & facit quod potest. Ita Henricq. *lib. 7. cap. 13. tit. P.* pro quo graues ibi adducit Doctores.

12. Vltimò, quia sacri Pontifices in suis Iubilæis exprimunt, quod absolu-

tio

tio virtute illorum impenſa, non ſatisfacta parte prius, ſit irrita in foro exteriori: ergo præſupponunt eſſe validam in foro interiori, etiam non ſatisfacta parte. Conſequentia eſt nota, & antecedens patet ex Iubilaſ Pij V. & Gregor. XIII. quæ infra referam *dub. ſequenti*.

Ex quibus omnibus colligo primo, quod quando non præſcribitur in Bulla noua forma, ſed conceditur facultas abſoluendi, ſeruata forma iuris, certè licet Confellarius mortaliter peccet abſoluendo ſine præuia ſatisfactione, aut idonea cautione, abſolutio eſt valida; quod re vera valde proſicuum eſt; quia contingere poteſt, quod aliquis ab alio ſine tali ſatisfactione fuerit abſolutus, & ad mihi conſtitendum accedat, & tunc poſſum me cum illo habere, ac ſi non eſſet excommunicatus, quia abſolutio valida fuit.

13. Secundò colligo, id quod hæcenus diximus de validitate, intelligendum eſſe, quando ius, aut decretum Pontificis, vel Superioris non irritat illam, dicens eſſe irritam, niſi præcedat ſatisfactio, vel idonea cautio. Quod dixerim, quia Sixtus I V. in *extrauag. Eſſi Dominici gregis*, irritauit abſolutionem non factam ſub prædicta forma, in quibuſdam caſibus ibi relatis; quam extrauagant. ponit Caietan. *verb. excommunicatio*, cap. 77. & vniuerſaliter Gregor. XIII. irritat abſolutionem reſpectu omnium caſuum in Bulla Cœnæ, itaut non ſolùm abſoluens maneat excommunicatus; ſed nec pœnitens abſolutus, niſi alias pœnitens ipſe ſit in articulo mortis adeo vrgenti, vt non poſſit præſtari talis ſatisfactio, vel idonea cautio.

14. Tertiò colligo, quod qui incurrit excommunicationem, eò quod cum potuit, non ſoluit decimas, ſi poſtea fiat impotens, poteſt abſolui per Bullam, cum cautione: non obſtante Tri-

dentino *ſeſſ. 25. cap. 12. de reformatione*, dicente *salem non eſſe abſoluendum, niſi plena reſtitutione ſequuta*; quod idem in ſimili dicunt DD. in expoſitione conſtitutionis, de largitione munerum regularibus interdicta; quam nouiſſime edidit ſanctiſſ. Clemens VIII.

15. Quartò colligo, quod licet Caiet. *verb. abſolutio*, cap. 4. & Nauar. cap. 26. num. 7. dicant, quod ſi pœnitens poteſt dare pignoratitiam cautionem, tenetur ad illam; & ſi hanc non, ad fideiuſſoriam; & ſi nec illam, tenetur ad iuratoriā. Probabilius tamen eſt, quod cautio, quæ exigitur à iure, intelligi debet diſiunctiue; ita quod ſi excommunicatus habet pignora, non tenetur dare illa, ſed ſufficiat dare fideiuſſoriam. Videtur autem quod ſi poteſt dare alteram illarum cautionum, non ſatisfaciat in conſcientia, dando iuratoriā: quia hoc poteſt vergere in graue detrimentum partis læſæ. Ita colligitur ex Tabiena *de iur. 3. num. 2.* & Sylu. 16. cum *gloſſ. cap. Alma mater*. Si tamen propter diſtantiā non poteſt fieri ſatisfactio; aduerto quod ſufficit apud aliquem pecuniā deponere, vt parti opportunè tradatur, ſic tradunt communiter Recentiores, cum Henriq. lib. 7. cap. 13. fol. 512.

16. Ad primum reſpondeo, ex omnibus illis iuribus ſolum poſſe colligi, quod ſi alicui, qui alias non habebat poteſtatem abſoluendi ab excommunicatione, Summus Pontifex committat facultatem abſoluendi, præſcripta noua forma, quæ in iure non habebatur; abſolutio illa data eſt irrita, & nulla, non ſeruata illa forma, vt conſtat ex *cap. ſin. de reſtitutione ſpoliat*. Vt ſi v. g. concedat alicui, vt abſoluat Petrum ab aliqua excommunicatione ſibi reſeruata, dummodo prius certam pecuniæ partem in eleemoſynam fuerit elargitus, vel aliud ſimile opus fecerit; tunc enim



enim nulla erit absolutio, non servata illa forma; quia non datur Confessario iurisdicção, nisi sub illa conditione præsupposita: & sic illam transgredi, est etiam peccatum mortale, ut docent Rodr. §.9. Sylu. *absolutio* 3. §. 1. notab. 3. & alij supra citati.

17. Ad secundum benè respondetur, ibi. Ad primam autem impugnacionem satis pater ex solutione præcedenti. Ad secundam vero negatur antecedens, si sermo sit de facultate Bullæ: nam in ea cuilibet approbato, hoc ipso, quod conceditur facultas absoluendi ab excommunicatione ab homine lata, conceditur facultas absoluendi, similiter arbitrandi, an pœnitens possit satisfacere, vel non.

Ad tertium respondeo per illa verba non amplius limitari potestatem Confessarii, quàm si non adderentur, cum solum addantur (ut supra dixi) ad instruendum imperitum Confessarium, ut recorderetur iuris communis, iuxta dicta in secunda probatione nostræ sententiæ.

18. Ad quartum, quod est fundamentum Soti, respondeo falsò supponere, quod absolutus virtute Bullæ cum cautione, si postea non satisfaciatur, quando habet unde possit soluere, non reincidat in priorem excommunicationem pro foro exteriori. Oppositum enim declarauit Pius V. & Gregorius XIII. ut infra patebit *dub. sequenti*. Illa enim obligatio ad satisfaciendum, non solum est onus, sed virtualis quædam conditio, sub qua absoluitur ad hunc sensum: *quod si non impleat illam, reincidet in priorem excommunicationem*.

19. Ad vltimum quidam existimant, quod in Bulla, in qua non ponitur, quod fiat absolutio satisfacta parte, valida erit absolutio data, non satisfacta parte: sed falsum est. Nam licet satisfactio non sit de substantia absolutionis (ut

dicir gloss. *cap. quamvis de sent. excomm. in 6.*) semper tamen debet præcedere secundum iuris communis dispositionem, imo & secundum rationem naturalem, modo supra explicato; adeo ut non solum Confessor, sed & ipse Index ordinarius peccet mortaliter, si sliiter absoluat, licet absolutio valeat, ut docent Sylu. *absolutio* 3. §. 3. & 6. Caiet. *ibi cap. 4.* Nauar. *cap. 17. n. 37.* Couar. *cap. Alma mater, §. 11. num. 7.*

20. Vnde ad argumentum negatur consequentia, quia (ut sæpe diximus) per illam clausulam non intendit Pontifex nouam aliquam obligationem inducere, sed admonere Confessarium, & ad memoriam illi reducere formam antiquam iuris, qua tenetur præmittere satisfactionem parti læsæ, modo supra explicato. Nomine autem partis læsæ aduertere oportet, tam hic, quàm alibi, non intelligi Iudicem, vel Norarium salarium recepturum, nec Physicum, vel alium, cui pœna esset applicanda; sed illum tantum, cui aliquid iam deberetur de iustitia, in cuius fauorem excommunicatio lata sit. Ira Gutier. in *quest. Can. cap. 5. n. 29.* Ledesma 2. *part. q. 26. art. 1.* Cord. de *Indulg. q. 93. dub. 3.* Rodr. in *Bulla, §. 9. n. 33.* Sor. in 4. *dist. 22. quest. 2. art. 3.*

### DUBIVM III.

*An absolutio publicè excommunicati, quæ fit virtute Bullæ, valeat etiam pro foro exteriori, & non interiori tantum?*

1. **R**atio dubirandi potest esse primo, quia in nonnullis Bullis, ut in Bulla Crucifixi Osmæ, & alijs similibus habetur, quod absolutio virtute illarum impenfa valeat pro utroque foro: ergo ita debet intelligi in Bulla Cruciatæ, cum Pontifex in illa

non

non exprimat non valere pro foro exteriori, sed indistinctè potius loquatur, abstrahendo à foro interiori, & exteriori.

2. Secundò, quia Bulla absolute concedit facultatem absoluendi à censuris, nec implicite, aut explicite eam limitat pro aliquo foro: ergo de utroque interpretanda est, cum enim verba sint absoluta, & gratiam contineant, amplianda sunt potius, quam restringenda.

Tertiò, id satis apertè deduci videtur ex constitutionibus Pij V. & Gregorij XIII. statim referendis, ubi habetur per concessiones à dictis Pontificibus emanatas dari facultatem absoluendi in foro pœnitentialem tantum, non autem in foro fori, aut contentioso, nisi satisfacta parte. Vnde posita hac conditione videtur extendi etiam ad forum externum: atque ideo partem affirmatiuam sustinent Medina in *instrucl. confess. cap. 12. fin.* Rod. in *Bulla, §. 9. n. 5. ad finem.* Acoſta in *Bulla, §. 9. n. 5. vers. Prima sit*: idem sentit de censuris à iure latis, & inclinat Suar. *tom. 4. de cens. disp. 7. sect. 5. n. 21.* ab hac tamen opinione recedit *num. 22.*

Respondeo nihilominus iam certum esse, absolutionem ab excommunicatione virtute Cruciatæ impensam, non valere pro foro exteriori, & iudiciali, & probatur.

3. Primò, quia ita docent communiter Doctores. Panorm. in *cap. de his, n. 3. & 4. de accus. & ibidem.* Anan. Host. Butt. & Imola, asserentes, quod absolutio obtentata in foro pœnitentialem non suffragatur in iudiciali. Nauar. in *manu. cap. 27. num. 278.* Pegn. in *schol. 20. ad 2. p. direct. inquisit. versic. rursus.* ubi monet contrariam opinionem esse erroneam. Hentiq. de *excomm. lib. 13. cap. 20.* Sanch. *sum. tom. 2. lib. 6. cap. 17. num. 43.* Sayr. de *cens. lib. 2. cap. 20. num. 31.* Villalob. *tom. 1.*

*tract. 27. claus. 9. num. 24.* Molin. de *instit. tom. 4. disp. 64. num. 10.* Ledesma 2. *part. q. 26. artic. 1. dub. ultimo.* Gutier. in *quest. can. lib. 1. cap. 1. per totum, & cap. 3. num. 8. & 9.* Couarr. 2. *variartum, cap. 10. num. 3. & 6. & cap. Alma mater, p. 1. §. 11. n. 16.* & cap. Raynuius, de *testam. num. 19.* ubi ait absolutionem, vel punitionem datam in foro conscientie non impedire pœnam in foro exteriori, & quando delictum est mixti fori, punitionem Iudicis ecclesiastici, si non sit sufficiens, non impedire punitionem Iudicis secularis. Similia dicit Simancas in *instit. cap. 8. num. 4.* & Gomezius in *reg. Cancellaria de non indicando, iuxta formam supplicationis, quest. 14. n. 3.* Ex quibus apertè colligitur absolutionem à Confessario datam virtute Bullæ imposita salutari pœnitentia, non conducere pro foro exteriori. Pro quo multa adducunt Gutier. Ledesma *supra*, & Couarr. *dicto num. 16.*

4. Secundò probatur, quia cum Pontifex intendit facultatem per eum concessam prodesse in foro exteriori, id exprimit, vt in aliquibus Bullis, & litteris apostolicis se vidisse, & legisse testantur Couarr. & Ledesma. In Cruciatæ autem non fit mentio fori externi; vnde absolutus in foro conscientie potest in foro externo accusari, & puniri, vt tradit gloss. singularis in *cap. de his, de accusat.* & constat exemplo illius, qui esto sit in foro pœnitentialem absolutus à peccatis, manet tamen in foro externo obnoxius pœnæ temporali, quam leges positivæ delictis per eum patrias iniungunt: atque ideo de absoluto à censuris idem est sentiendum, cum de utroque agat Bulla sub eodem tenore; & hunc esse sacre pœnitentie vsum apud Romanam Curiam refert Gomez. citatus, & mihi etiam constat; atque eandem opinionem sequuta est similiter Rota apud Pat. *decis. 95. lib. 3.*

& sacra Congregatio Tridentini idem respondit.

5. Tertiò probatur, quia si talis absolutio prodesset pœnitenti, quod exterioris iudicii effectus, plurimû detraheretur authoritati iurisdictionis ecclesiasticæ, necnon iudicia exteriora perturbandi passim præberetur occasio. Nam si qui palam, & impudenter sanctiones Pontificias contempnit, elanculum deinde à priuaro Confessore absolurus, posset sacris se immiscere, & beneficia ecclesiastica obtinere, nûrum in modum rectæ ecclesiastici regiminis ratio turbaretur; ac insuper res esset valde scandalosa, si simplex Confessorius dissolueret, etiam quoad forum externum, quos Summus Pontifex annuis censuris solenniter, & tam serio innodauit, vt præcit. Authores, præsertim Couarr. & Gutier. animaduertunt. Imò præberetur occasio sensum detrahendi authoritari ~~epi ecclesiastici~~ externi, in iis potissimum regionibus, vbi facultates Cruciatæ breui tempore non expirant.

6. Quartò probatur, quia criminofus dum Summorum Pontificum constitutiones spernit, & transgreditur, non solum Deum ipsum spernit, & contemnit, iuxta illud, *Luc. 10. qui vos audit me audit, & qui vos spernit me spernit*, quæ verba propriè ad apostolicam authoritatem pertinere docuit D. Cyprian. *lib. 4. epist. 9.* & sequitur Bellarm. de Romano Pontifice *lib. 4. cap. 16.* Verum etiam lædit rempublicam, & ecclesiam militanrem: arque ideo vtrique est satisfaciendum, Deo nimirum per contritionem, & pœnitentiam à Confessario iniunctam, Ecclesiæ vero & Reipublicæ per alias publicas pœnas à iure sancitas, seu à Iudice imponendas.

7. Vltimo probatur, quia ita declarauerunt sacri PP. vt constet ex Iubilæo Pij V. concessio anno 1568. quem in-

uenies inter motus proprios impressos Bissei anno 1570. vbi habetur sic; *Declarantes insuper tam præfentes, quàm alias quasunque concessiones similium, vel dissimilium indulgentiarum, à nobis, & prædecessoribus nostris adhuc emanatas, & in futurum quomodolibet emanandas litteras Christi fidelibus ipsis, nisi ad earum effectum in foro conscientia, & pœnitentia consequendum, non tamen in foro exteriori, aut iudiciali, nisi satisfecerint his propter quos lata fuerint hæc censura, nullatenus suffragari; & subdit, quidquid secus factum fuerit, irritum esse, & inane; & Gregor. XIII. in Iubilæo; anno 1574. ait, Declarantes huiusmodi absolutionē solum prodesse pro foro interno, non externo, nisi satisfecerint his propter quos censura lata fuerit, in eandem sententiam reuocasse, & in futurum reuocandam. Sicque ab omnibus quous authoritate fungentibus censeri, aut iudicari debere, & si secus factum fuerit, irritum decernimus, etiam si fiat ignoranter. Ac tandem ira expressè declarauit Sanctissimus D. Urbanus P. VII. in sua constitutione sub dte 19. Iunij 1630.*

8. Ex præcitatis igitur verbis Pontificiis apertè colliguntur hæc duo. Alterum, quod absolutio ab excommunicatione virtute Bullæ nihil prodest pro foro externo, cum parti læsæ satisfaciendum erat, nisi prius fuerit satisfactum. Alterum, quod prodest pro foro externo, cum non erat necessarium parti læsæ satisfacere, aut re vera ei satisfactum est ante ralem absolutionem. Adde, & casus erat occultus, sic enim interpretanda est opinio Rodriquez, & Medina *supra*.

9. Vnde nota ex Suar. *loco cit. n. 25.* quod si excommunicatio sit occulta, & non deducta ad forum conuentiosum; ex vi absolutionis impensæ in foro conscientie, potest sic absolutus se gerere in omnibus actibus, siue occultis, siue publicis, vt omnino carens censura.

Si autem post absolutionem contingat casum illum manifestari, & deduci ad forum contentiosum, & in eo constare censuram illam incursum, oportebit ut in eodem foro constet de absolutione obtenta; tum ut ille audiat in iudicio tanquam iam absolutus, & non cogatur ad aliam absolutionem petendam; tum etiam, ut excusetur ab aliis poenitis, quæ illi possent imputari ob illos actus, si eos post censuram incursum absque absolutione exercuisset.

10. Quod si inquiras quodnam testimonium requiratur pro foro externo; respondet Nauarr. cap. 27. n. 42. sufficere testimonium Confessoris dicentis absoluisse eum, cum ostensione Bullæ. Ita enim iuniores cum Calderino tit. de testibus, conc. 2. Pro quo etiam facit singularis glossa cap. 1. verb. innocenter, de exceptionibus, quæ ait, credendum esse Confessario dicenti aliquem esse emendatum. Quod idem docet Felin. 16. n. 3. & cap. testimonium, de testibus, num. 36. & in Repert. verb. emendato, fol. 41. colum. 2. ubi citat alios auctores, & glossas communiter receptas. Et ratione probatur, tum quia, cum probata satisfactione patris, solum agatur de bono ipsius poenitentis, & nullum imminet præiudicium.

Tertiò, ratio ipsa docet credendum esse Confessarii testimonio, dicentis per Bullam absoluisse illum: imo certè auderem dicere credendum esse in hac re poenitentem, sicut Parochus debet credere dicenti se confessum fuisse cum aliquo Regulari, aut alio privilegiato, ut docet D. Thom. quolib. 2. q. 12. & in addit. quest. 8. art. 3. ad 2. Sotus in 4. dist. 18. q. 4. art. 3. & Nauarr. cap. placuit, de poenit. d. 6. num. cap. 71.

11. Quod si rursus inquiras, quomodo se debeat habere, qui solum est absolutus in foro animæ, non vero in foro iudiciali, & casus non est occultus?

Respondeo, quod eo modo se habere debet, ac ille qui excommunicatus est sine vera causa, licet iusta, secundum allegata, & probata. De quo impti dicunt, quod licet in foro exteriori habeatur pro excommunicato, tamen in rei veritate excommunicatus non est: atque adeo potest in occulto, secluso scandalo celebrare, si Sacerdos sit, & Saceris interesse; & quod etiam si celebret, non erit irregularis. Ita Sot. 4. dist. 22. quest. 1. art. 3. Caiet. 2. 2. q. 70. art. 4. ad secundum. Adrian. quolib. 45. Medina de rest. quest. 11. Nauarr. cap. 27. n. 2. in edit. hisp. ana.

12. Quod hic adhuc procedit melius, quia talis excommunicatus absoluitur auctoritate Papæ in foro conscientie ad fructus internos consequendos: & quia diuinis interesse, & Sacramenta suscipere multoties est remedium necessarium ad illum finem; inde est, quod concessa mater conceditur illi hoc secundum, modo non fiat in præiudicium fori exterioris: quod certè esset, si publice fieret: & quamvis de alio, qui fuit excommunicatus secundum allegata & probata, id negetur à Cord. lib. 1. questionarij, q. 43. ex Antonino, Sylvestro, & aliis, quos refert, & ibi citat, & sequitur Couar. cap. Alma mater, p. 1. §. 7. in tractatu tamen casuum, q. 3. poenit. 3. amplectitur nostram sententiam, per quam certè nihil detrahitur iurisdictioni ecclesiasticæ fori exterioris, quia integrum ius manet in illo casu iudici, ut possit contra illum procedere, ac si non esset prædicto modo absolutus; unde iustissimè illum expelleret ab Ecclesia, & in omnibus aliis priuaret; & talis excommunicatus non esset excusatus ab absolutione petenda in foro exteriori.

13. Ad primam rationem dubitandi respondeo, quod quando in Bulla illa Crucifixi Osmæ, & aliis similibus, dicitur valere absolutionem pro vtroque

foro, intelligitur ad hunc sensum, quod possint diuinis interesse, & Sacramenta suscipere secluso scandalo, & hoc vocatur ibi *in utroque foro*, quia non solum interius libet efficiter ab excommunicatione, sed etiam quantum ad prædicta, circa quæ etat impeditus, quod latè probat Couarr. *cap. Alma mater*, §. 11. num. 16. & in hoc sensu est verum, quod Confessarius potest virtute Bullæ absolueret à censuris in foro exteriori. Vt si excommunicatus declaratus longe distet à Iudice, qui eum excommunicauit, ita ut non sit facilis accessus ad eum, & ex alia parte instet tempus Iubilæi, vel magnæ festiuitatis; tunc virtute Bullæ absolui potest, ut possit lucrari tale Iubilæum, aut diuinis interesse; ut docent communiter Iuniores cum Ledesin. 2. *part. quarti, quest. 26. art. 1. dub. ult.* Rodr. *supra*, num. 55. & Gutier. num. 17. Quia mens Pontificis videtur esse, ut qui facit quantum in se est, non priuetur Iubilæo, & indulgentia, implendo in illis requisita. Et quia Iudex excommunicans non intelligitur nomine partis, cui oporteat prius satisfacere, ut diximus *dubio præcedenti in fin.* ideo illo inconsulto poterit tunc absolui.

14. Ad secundam respondetur satis esse, quod in concessione non exprimitur facultas absoluendi pro foro externo, ut eo ipso intelligatur non concessa. Vel secundo respondetur, quod etiam si in concessione non apponatur expresse restrictio, *pro foro conscientia duntaxat*, adhuc tamen intelligitur concessa pro illo foro tantum, cum ex materia subiecta, & modo concessionis, vel ex antecedentibus, & consequentibus sufficienter colligi possit hanc esse intentionem concedentis; ex illa namque pender tora facultas, ac proinde quacunque ratione explicetur, satis est. Vnde quia in Bulla Cruciatæ hæc fa-

cultas conceditur in ordine solum ad sacramentalem confessionem, consequenter dicendum est, concedi duntaxat in foro conscientie. Quam doctrinam dicit esse communem Suar. *disto num. 22.* citans pro se Couarr. Nauarr. & Gutier.

15. Ad tertiam patet solutio ex collatorio post vltimam probationem pro nostra conclusione adductam.

#### DUBIVM IV.

*An virtute Bullæ possit quis absolui cum prædicta cautione reclamante Ordinario? Vt si quis percussit Clericum, & ad magis illum vexandum, nolit Clericus acceptare satisfactionem: & hac ratione Ordinarius reclamatur.*

1. **R**atio dubitandi est, quia priuilegium Bullæ non est datum in destructionem, nec in præiudicium tertij, sed in ædificationem: Si autem ille in prædicto casu absolueretur, sequeretur non parua perturbatio iurisdictionis ecclesiasticæ ordinariæ; ergo tunc ille non poterit absolui contradicente Ordinario, & parte ipsa læsa.

Verum huic difficultati respondendum esse arbitror cum distinctione: nam vel res est deducta ad forum exterius, vel non; si est deducta, Confessarius non debet illum absolueret virtute Bullæ, ne sequatur perturbatio illa iurisdictionis ordinariæ, de qua in ratione dubitandi. Ad quam vitandam videmus, quod Concil. Trident. *sess. 14. cap. 6.* noluit Episcopis concedere absolutionem à censuris, & irregularitatibus, nisi quando non essent deductæ ad forum contentiosum, ne scilicet fiat præiudicium Iudici, & perturbetur ordo iuris. Quare Confessarius debet illum ad Iudicem

dicem remittere, vel curare, vt pars ipsa consentiat, vel denique obtinere licentiam à Iudice; qua obrenta, etiam si pars aduersa aliquid opponat, poterit licite illum absolueri, vt habetur expressè *cap. responsio de appellat.*

2. Fateor tamen, quod quamuis Confessarius per Bullam non debeat absolute communitate ab excommunicatione deducta ad forum exterius, absolute tamen potest absolueri in foro interiori tantum, ita vt factum teneat; quia Bulla non distinguit de deducta, vel non deducta excommunicatione ad forum exterius, sed generalem præbet facultatem absolendi in foro interiori ab omni excommunicatione: nec per talem absolutionem impeditur exterior iurisdicção; nam solum est in foro conscientiarum, & sic Iudex contra illum procedere potest, ac si non esset absolutus à Confessario; vnde aliquando expedit, vt fiat talis absolutio, vt si sit pro consequendo Iubilæo, vel in aliqua magna festiuitate, iuxta dicta in dubio *precedenti in fine.*

Si autem res ipsa non est deducta ad forum exterius, & pars nullam vult admittere satisfactionem, quam excommunicatus paratus est præstare, absolui potest virtute Bullæ cum prædicta cautione. Ita docent Armil. *verbo absolutio*, §. 10. Perez lib. 8. *ordinamenti tit. 1. leg. 1. pag. 179.* & Recentiores communiter, colliguntque ex *cap. soles, de sent. excom. in 6.* Vbi Pontifex ad simile dubium sibi propositum, sic respondit. *In prima igitur dubitatione sic statuimus obseruandum, vt penitenti absolutio non negetur, quantumuis aduersarius se opponat.* Et ratione etiam patet; quia per talem absolutionem nulla fit iniuria ipsi parti. Nam irrationabiliter vult, quod talis excommunicatus perseueret in illa excommunicatione, supposito quod ille facit quod tenetur: ergo poterit

absolui cum cautione, & per hæc satis patet solutio ad rationem dubitandi.

3. Cæterum obserua in eo casu, ante absolutionem præmittendam fore cautionem, saltem iuramentum de parendo mandatis Ecclesiæ, *argum. cap. ex tenore, cap. de cetero, & cap. desideres, de sentent. excomm. fauet D. Thom. in addit. ad 3. part. quest. 24. art. 1. ad primum*, cui multas citatis adhæret Sayr. *de cens. lib. 2. cap. 17. num. 2.* atque id procedit, siue à iure, siue ab homine, sit lata excommunicatio, & siue certo constet sententiam esse iustam, siue de ea dubitetur, *argum. cap. cum contingat, §. verum; ibi, iuxta formam Ecclesiæ, de offic. deleg. cap. ad reprimendam, de offic. ordin. & cap. venerab. de sentent. excom.* secus vbi sententiam nullam esse manifestè constat; cum enim in eo casu absolutio non sit necessaria, consequenter nec iusiurandum, quod absolutionem antecedit, requiritur. Idem similiter sentiendum est, si manifestè constet sententiam esse iniustam. Et ratio est, quia absolutio debet absque grauamine impendi, *cap. sacro, §. caueat*, & ibi *gloss. verb. absque grauamine*, & ibidem Host. & Pauormir. *num. 12.* & Felin. *num. 7. de sent. excomm.* Iuramentum autem oueris rationem habet, vt constat; igitur in casu simili ad illud præstandum excommunicatus compelli non debet.

4. At num excommunicatus cum absoluitur, iurare teneatur stare mandatis Ecclesiæ, an Iudicis; controuertitur inter DD. quidam mandatis Ecclesiæ standum esse asserunt, *argum. cap. ad hac 2. de appellat. & cap. cum desideres, de sent. excomm.* Alij vero mandatis Iudicis standum esse existimant, *arg. c. 1. de his, qua vi metusve caus. sunt, & cap. ex tenore de sentent. excomm.* ac id potissimum, cum quis fuit ab homine excommunicatus, cuius mandatum contempsit. Nihilominus, vt rectè tradunt DD.

D d 3 statim

statim citandi, nihil refert, num isto, an illo modo iuramentum præstetur; in eundem enim sensum coincidit, nec absolvens magis adstringitur, si iuret de parendo mandatis Ecclesiæ, quam si iuret de parendo mandatis Iudicis: atque ideo iura nunc vnum, nunc alium modum indistinctè statuunt. Ita gloss. in d. cap. de his, verb. quod vestro, Hostiens. sum. lib. 5. tit. de sentent. excom. num. 14. & Sylu. verb. absolutio, 3. n. 3.

5. Notant autem præcitati Authores hanc posse considerari inter vtrumque modum differentiam; quod si quis iuret stare mandatis Episcopi, seu Iudicis, non ut Episcopi, vel Iudicis, sed ut personæ, tunc iuramentum personale esse intelligitur, atque ideo personam eius, cui factum est, non egreditur, nec successorem respicit, argum. cap. ad hoc de auctor. & usu pallij. & cap. venientes, & cap. Quintanallie de iureiur. Si vero iuret stare mandatis Episcopi, vel Iudicis, ut Iudicis, non adstringitur personæ, sed dignitati; ac proinde ipso remoto, vel deposito, non manet ei obligatus, arg. cap. per inquisitionem de elect. & cap. alius, 15. quest. 6. & leg. cum quis, ff. de solut. Successori tamen illius adstrictus remanet, arg. cap. veritatis de iureiur. Cum autem quis iuret stare Ecclesiæ mandatis, semper includitur successor, arg. cap. quoniam Abbas de offic. Indic. deleg.

6. Sed quæres, an iuramentum sit de substantia absolutionis, ita ut eo prætermisso absolutio sit nulla. Affirmat Host. sum. lib. 5. tit. de sententia excom. 5. & qualiter hac absolutio, versic. in maiori. Communis tamen & vera sententia tenet oppositum; ita gloss. cap. cum desideres, verb. præstitit, & verb. nisi forma, atque ibi Panormit. num. 8. Summa Astens. part. 2. lib. 7. tit. 15. art. 1. quest. 1. S. Anton. 3. part. tit. 24. cap. 77. §. 1. Sylu. verb. absolutio 3. num. 3. Tabiena eodem verbo, num. 1. Caietan. verb. absolutio, c. 4.

Couarr. cap. Alma mater, 1. part. §. 11. num. 7. de sentent. excommunic. & Nauarr. cap. 1. initio, num. 54. de penit. distinct. 6. & alij, qui omnes aiunt absolutionem impensam valere, etiam si iuramentum non præstetur, quia iuramentum non est de substantia absolutionis, sed introductum est potius de consuetudine, & ad cautelam, & ne in posterum talia quis præsumat, saltem timore iuramenti præstiti, ut colligitur ex dist. cap. consideres, §. cui quæstioni. de sent. excom. Vnde aliqui absque iuramento absoluntur, quod sane non fieret, si iuramentum esset de substantia absolutionis, ut haberetur ex cap. super eo, 2. de sent. excom. ubi absoluntur, qui iurare noluerunt, & cap. à nobis. 2. fine. ubi absoluitur mortuus, de quo tamen certum est non posse iurare. Non est autem absque iusta, & rationabili causa iusiurandum omittendum, prout præcitati Authores, imo fere omnes arg. cap. super eodem secundo, de sent. excom. affirmate consuecunt.

Adde quod aliqui nihilominus sentiunt id solum seruandum fore in criminibus atrocioribus, ut sunt casus Bullæ Cænæ, & huiusmodi alij. Ita Henric. lib. 13. cap. 28. n. 4. Caiet. verb. absolutio, §. ante pen. initio, Sylu. absolutio 3. n. 3. & Auila part. 2. cap. 7. disp. 3. dub. 3. & inclinatur Coninck. disputat. 14. dub. 18. num. 204.

## D V B I V M V.

An virtute Bullæ possit Confessor absolueri ab excommunicatione extra Confessionem.

1. Partem negantem sequuntur Nauarr. cap. 26. num. 31. & cap. cum contingat de rescriptis, Cord. in summ. quest. 19. & Clericus quest. 187. §. de donde se signe. Couarr. cap. Alma mater, 1. part. §. 11. num. 16. Rodr. in Bulla, §. 9. num. 54. Sarmiento

Sarmiento 1. *selectarum*, cap. 9. num. 5. & multi iuniores Theologi, quorum sententia probari potest.

Primo, quia Pius V. & Gregorius XIII. in *Iubilais supra citatis*, dub. 3. declararunt illas & similes concessiones intelligendas esse in foro interiori, & pœnitentiali; sed forum pœnitentiale est ipsa confessio. Ergo extra confessionem non erit valida absolutio ab excommunicatione virtute Bullæ impensis.

2. Secundo, (& hoc est fundamentum Soti, & Nauarri) quia in Bulla conceditur facultas ad absoluendum à censuris, ut quoddam præambulum, & præludium necessarium ad absolutionem peccatorum ut in ordine ad illam. Ergo extra confessionem nec licite, nec valide poterit impendi.

Tertio, quia in Bullis, & Iubilais communiter apponitur hæc clausula, scilicet, *quod possit Confessor absolueri pœnitentes, eorum confessionibus diligenter auditis*: Hinc autem sequitur manifeste, quod non audita confessione non poterit Confessarius absolueri ab excommunicatione. Tum quia forma mandati ita est obseruanda, ut si aliquid fiat contra illam, factum non teneat, ut constat cap. cum debito, de rescriptis. Tum quia, ut constat ex leg. attestatoria, ff. de conditionibus, & demonstrationibus; verba ablatiui absoluti, qualia sunt illa, *confessionibus diligenter auditis*, dicunt conditionem, conditio autem importat formam, iuxta leg. qui hæredit, ff. eodem tit. Ergo tali forma non sequuta, nec seruata, nulla erit absolutio.

Nec obstat, si dicas prædictam clausulam, scilicet, *confessionibus eorum diligenter auditis*, non apponi in Bulla Cruciatæ, non (inquam) obstat, quia saltem apponitur, quod accipientes illam, possint eligere Confessarium approbatum, per quem absoluti possint à censuris, &

peccatis. Ergo præsupponit Pontifex, quod absolutio est facienda in confessione, arg. legis in delictis, §. si de trahita ff.

Verum his non obstantibus, respondeo dicendum, licitum esse absolueri virtute Bullæ ab excommunicatione extra confessionem. Ita docent Sotus in 4. dist. 18. art. 5. col. 9. Suar. tom. 4. de Religionibus, lib. 9. cap. 11. num. 27. Armil. verb. excommunicatio, §. 20. Tabiena confessio 2. §. 16. Pedraza lib. 2. cap. 1. Henriquez lib. 7. cap. 13. lit. N. ubi refert id tenuisse Medinam Salmantium, Peñam, & quosdam grauissimos Hispaniæ Prælatos, simulque Commissarium Cruciatæ, de hac re consultos; & nouissime tenent Auila 2. p. c. 7. d. 3. dub. 13. & Coninck tom. 2. dist. 14. de excomm. dub. 16. num. 253.

4. Et probatur primo, quia quilibet Confessor potest ab excommunicatione minori absolueri extra confessionem, teste Armil. & Pedraza ubi supra, cum communis Doctorum; ergo etiam à maiori.

Dices esse disparem rationem, quia excommunicatio minor incurritur per solum peccatum veniale, & sic obligatur quis ad confitendum veniale, si non possit aliter absolui, quàm præuia confessione. Excommunicatio autem maior non incurritur nisi per mortale, quod tamen quilibet confiteri tenetur. Sed contra, quia quando quis facit confessionem infirmum, eo quod sic accedit, & in ea confitetur aliqua reseruata, licet non recipiat absolutionem à peccatis, recipit tamen à censuris virtute Bullæ, ut ex multis Doctoribus probauimus supra cap. 3. Ergo non requiritur præuia confessio ad absoluendum ab excommunicatione virtute Bullæ.

Dices id solum convincere, non prærequiri confessionem validam, sed sufficere infirmam, quæ tamen sacramentalis



ralis est. Sed contrâ, quia priuilegium, vt quis absoluat à censuris, est diuersum à priuilegio concedente absolutionem à peccatis, nec dependet ex natura rei ab illo, nec ex aliquo statuto Ecclesiastico. Quia absolutio ab excommunicatione non est sacramentalis, sed præuia ad absolutionem sacramentalem à peccatis. Ergo recte poterit impendi sine ista virtute Bullæ, maxime cum sit prior illa: prius autem non dependet à suo posteriori.

Secundò, quia Parochus licet solum absoluat in foro interno ab excommunicatione non reseruata, potest tamen absolvere ab ea extra confessionem, vt docent Cord. & Rodr. supra cum Sylu. *absolut. 3. notabil. 3.* Et similiter in articulo mortis quilibet Sacerdos potest absolvere ab omni censura, non audita confessione, teste Nauar. *cap. 27. num. 271. §. 6.* Ergo similiter licet per Bullam fiat solum absolutio ab excommunicatione in foro interno, poterit illa impendi extra confessionem; sicut virtute eiusdem Bullæ commutantur à Confessario vota sine præuia confessione, vt suo loco dicemus.

Tertiò, quia si Bulla datet facultatem absoluedi pro foro etiam externo, posset tunc Confessarius absolute ab excommunicatione extra forum interius, & pœnitentiale, vt docent Cord. Nauar. & Couar. *ubi supra*; sed Bulla communiter concedit facultatem absoluedi in foro etiam externo, quando nulla est pars læsa, vel illi est iam satisfactum, vt diximus *supra dubio 1.* Ergo virtute illius poterit impendi absolutio extra confessionem.

Quartò, quia vt recte notauit Henricus *ubi supra*, cum Conc. Trid. *sess. 24. cap. 6.* concedit Episcopo posse absolvere à censuris, & in irregularitatibus dispensare in foro conscientie, non tollit quin absoluat, & dispense extra confessionem,

vt quotidiana praxis docet, quæ est optima interpretis ipsius priuilegij, teste Sylu. *ubi supra, verbo priuilegium, §. 6.* Ergo similiter in proposito.

Vltimò, quia Clericus non Sacerdos, etiam prima duntaxat tonsura initiatus, potest impendere absolutionem ab excommunicatione, vt docet communis sententia DD. cum Sylu. *Absolutio 1. n. 1. & Couar. c. Alma mater, p. 1. n. 10.* vbi id latissimè probat. Ergo à fortiori id poterit extra confessionem Sacerdos approbatus, & electus virtute Bullæ, nisi id in ipsa Bulla prohiberetur à Pontifice. Qui si fuerit Regularis ex Mendicantibus, vel ex alijs, qui eorum priuilegijs communicant, non tenebitur seruare ceremoniam relatam à Nauar. *c. 16. n. 8. & Medina 2. Summa, c. 12.* quia ita concessit Leo X. in *supplemento Minorum, fol. 59. concessione 174.* & in Priuilegijs Societatis Iesv, *verb. excommunicatio, §. 2.* quod etiam verum est, quando absoluit in foro externo, licet oppositum dicat Rodr. *supra*; contra quotidianam praxim. Verum tamen est, quod si absolutio virtute Bullæ impensa, esset publica, non vero occultata, deberet vti illa ceremonia, quia non est priuilegium ad illam tunc omittendam.

§. Nunc ad argumenta in contrarium responderetur, atque in primis ad primum, dico verba illa *in foro interiori, & pœnitentiali*, nil aliud denotare nisi hanc facultatem concedi pro foro conscientie, quod longe aliud est à foro sacramentali: vt recte alijs cit. tradit Suar. *tom. 4. de Religione, lib. 9. cap. 2. n. 32.*

Ad secundum dico, quod quamuis hæc facultas sæpe concedatur, vt pœnitens possit à peccatis absolui, non inde sequitur vtramque absolutionem simul, & ab eodem impendi debere. Similiter ex eo quod dicitur hanc absolutionem debere fieri à Confessario approbato,

non

non sequitur quod in confessione sacramentali fieri debeat, sed solum cauetur, ne alia persona, quæ forsitan sit inepta, eligatur.

Ad tertium respondetur verba illa, *auditis diligenter confessionibus*, referri ad absolutionem à peccatis, & non à censuris. Ita communiter iuniores, & alij, quos suppressis nominibus refert Cord. in *sum. d. 9. 19. in 2. opinione*.

6. Hæc autem responsio non videtur sufficiens, quia satis de se notum, & evidens erat, quod Confessor non erat absolutus à peccatis, nisi eos, quorum confessiones audisset; ergo ad id monendum non opus erat addere, *auditis eorum confessionibus*; atque adeo videtur addi propter censuram, à quibus non aliter videtur concedere facultatem ad absolvendum. Quare illa solutione omissa; Respondeo quod illa verba non important necessariam conditionem, sed convenientem quandam instructionem, qua melius intelligatur excommunicatum iam deposuisse contumaciam, quod convenientius, & melius fit per confessionem, & debet regulariter fieri: Oppositum tamen facere non est peccatum, imo sæpe est valde expediens, ut si quis propter multa peccata non facile possit præparari ad confessionem, expedit illum absolvere à sola excommunicatione. Quare existimo ideo etiam in Bullis Pij V. & Gregorij XIII. & sequentibus Cruciatæ sublata esse illa verba, *auditis eorum confessionibus*, ne inde aliqui ansam sumerent ad dicendum non posse extra confessionem impendi absolutionem virtute Bullæ ab excommunicatione. Hinc Suar. nostram amplectitur sententiam ubi *supra*, & à priori recedit, quam sequutus fuerat *tom. 5. de conf. disp. 7. sec. 5. à n. 35. & tom. 2. de Religione, tract. 6. de voto, lib. 6. c. 16. n. 4.*

7. Sed dicet, adhuc in Bulla Cru-

ciatæ latina apponi verba quorundam prioribus æquivalentia, nempe, *toties, quoties confitebuntur, absolutionem, & remissionem mediante salutari poenitentia secundum culpam exigentiam obtinere*. Respondetur, hæc verba, imo & præcitata ex Iuliano Pij V. & Gregorij XIII. posse recte, & cum omni proprietate explicari iuxta nostram conclusionem. Nam verbum, *absolutio*, commune est ad absolutionem sacramentalem peccatorum, & ad absolutionem censurarum, quæ sine dubio sunt distinctæ, & à diversa potestate procedentes; ibi autem sumitur verbum, *absolutio*, in sua communitate, quatenus utramque comprehendit; idem similiter dicendum est de verbo, *confitebuntur*, quod denotat duplicem confessionem duplici prædictæ absolutioni accommodatam, ita ut ad unamquamque requiratur sola illa, quæ per se sufficiens est. Atque simile iudicium fieri potest de subsequentibus verbis, nimirum, *mediante salutari poenitentia secundum culpam exigentiam obtinere*. Hæc enim verba etiam sunt communia ad poenitentiam sacramentalem, & ad poenitentiam satisfactoriam, seu compensariam delicti extra sacramentum. Quapropter si quis Confessor virtute Cruciatæ velir aliquem absolvere à censura ob delictum grave contracta, non est necesse ut solam poenam sacramentalem imponat illi; sed ad instar Iudicis in foro contentioso sententiam ferentis, potest illi poenam iniungere in vindictam contumaciæ contra Ecclesiam; quam tamen reus tenebitur in conscientia implere, non quia sit pars Sacramenti, sed quia sponte se illi iudicio subiecit, & quasi sub eo pacto absoluitur. Igitur sub eadem indifferentia sunt accipienda priora verba, ita ut virtute eorum concedatur facultas ad efficiendum duplex iudicium, unum sacramentale de culpis, & aliud quasi contentio-

E c sum

sum de censuris, & ad utramque requiritur sua confessio, absolutio, & penitentia.

8. Neque obstat, quod simul detur potestas ad utrumque iudicium, non enim ideo requiritur, ut necessariò simul fieri debeant: hæc namque illatio nulla ratione fundatur, cum multa sub eisdem, vel coniunctis verbis sæpe comprehendantur, non quia in re ita sint coniuncta, sed vel quia ita brevius, & commodius dicuntur, vel etiam quia frequentius ita fiunt, non ex necessitate, sed ex commoditate.

9. Vnde infert primò Suar. *ibidem*, forrasse in præfenti per hanc verborum connexionem ad summum significari, confessionem sacramentalem satis esse, ut quis à censura absolvatur, non autem quod illa sit necessaria, atque ideo fateatur quod, esto prior sententia per se loquendo, sit tutior, nostra tamen in rigore sibi magis placeat, quia est favorabilior, & potest præcitatæ verbis, tam Iubilæi, quam Cruciatæ in omni proprietate accommodari.

10. Infert secundò num. 26. *ad finem*, quod si nulla interueniat rationabilis causa, ipse nec consuleret, nec permitteret uti hac facultate Iubilæi, seu Cruciatæ, nisi in confessione sacramentali. Consuleret autem, si rationabilis causa interueniat. Vnde si quis censura innodatus ad Confessorem virtute Cenciæ absolvendus accedat, cum intentione acceptandi condignam penitentiam, & Ecclesiæ mandatis obediendi, non tamen sit paratus ad sacramentalem confessionem faciendam, vel Sacerdos illam nequeat audire, posset illum à censura referuata absolvere, & ad alium pro absolutione culpatum remittere. Similiter si quis audiens proximam confessionem, quam penitens non potest per multos dies concludere, si interim audiat casum, cui est annexa

censura, posset illum statim à tali censura absolvere, supposita dispositione ex parte penitentis, nimirum quod à contumacia recesserit, & satisfecerit, & convenientem acceperit penitentiam; tum quia non oportet illum per plurimum dierum spatium tenere ligatum censurâ, imò absolutio ab illa potest satis iuuare, ut penitens se melius ad sacramentalem absolutionem disponat; tum etiam quia in ordine ad absolutionem à censura iam sufficit audita confessio. Demum si adhuc tota, & integra confessione audita, Sacerdos vel ex zelo etiam indiscreto, vel ex quauis alia causa, noller sacramentaliter penitentem à culpis absolvere, veller autem absolvere à censura, valida esset talis absolutio. Tum quia iam ad litteram ibi impletur conditio, *auditis confessionibus*. Tum quia absolutio à censura semper, non solum natura, sed tempore antecedit absolutionem sacramentalem, & consequenter non pender ex futuro euentu; atque ideo valida erit, esto alia non sequatur.

## DUBIUM VI.

*An per Bullam possit quis absolui à censuris latis contra causas, procurantes, vel consulentes abortum.*

1. Ratio dubitandi est, quia Sixtus V. edidit motum proprium anno 1588. qui incipit, *effrenatam*. In quo referuat Sum. Pont. absolutionem à censuris ibi latis contra prædictos causas, vel consulentes abortum; & addit quod virtute Iubilæi, aut Bullæ, non posset impendi absolutio ab illis. Quod ita plane esse intelligendum, & ad litteram docet Rodr. in *expof. Bullæ*, §. 9. num. 90. & fauent quidam iuniores, dicentes esse probabilius, & securius.

2. Verum

2. Verum antequam huic difficultati respondeam, præmonere oportet Confessarios de nonnullis circa prædictum motum proprium Sixti V. Atque in primis aduerto Greg. XIV. anno 1591. mense Maii, reuocasse pœnas, & censuras contra procurantes abortum factus inanimati, aut exhibentes mulieri, vel sumentes venena sterilitatis; aut quocunque modo consilium, aut auxilium dantes; arque adeo velle negotium hoc reduci ad terminos iuris communis, & dispositionem Concilij Trident. quod solum agit de homicidio factus animati, circa quod nihil innouat, nec temperat de rigore, & pœnis à Sixto V. latis. Quare quantum ad hoc, adhuc manet in sua vi prædictus motus proprius Sixti V. solumque est derogatus quantum ad pœnas, & censuras latis pro causantibus factus inanimati abortum.

3. Aduerto secundò, prædictam excommunicationem à Sixto V. latam non comprehendisse, nec modò comprehendere mulierem ipsam prægnantem, sed tantum alios, qui consilium, aut medicamina applicant, aut quoquo modo iuuant ad abortum. Quod sane probari potest. Primò, quia licet quoad pœnas exteriores, quibus puniuntur homicidæ, comprehendat ibi Sum. Pontifex prægnantem, eo quod in foro exteriori præsumit iniustitiam ex parte illius, consentiendo, vel adiuuando abortum, tamen cum addit spirituales excommunicationis pœnam, non meminit prægnantis, sed aliorum. Ergo dicendum est non comprehendere illam ibi.

4. Secundò, quia ratio ipsa satis docet sic esse intelligendum, nam aliàs adulteræ, & virgines stuprum committentes, & ex illo concipientes, cogerentur, vel sine remedio manere, vel se prodere ad obtinendam absolutionem à Pontifice; & sic exponerent se peticulo

vitz, quia vel à parentibus, vel à maritis interficerentur. Vnde dicendum, quod licet ipsa mulier passa sit culpabiliter in ordine ad abortum, nec facit contra iustitiam, nec incurrit excommunicationem, sicut nec incurrit Clericus, qui sponte patitur se ab alio percuti, teste Nauar. cap. 24. num. 19. quia nemo patitur iniustum volens, vt docet D. Thom. 2. 2. q. 59. art. 3. ex Aristotele 6. Ethicorum. Quare tunc mater cedit, licet culpabiliter, iniuriæ prolis, quæ est quasi pars illius: vnde sicut qui iure quodam defensionis occidens Clericum deprehensum cum matre, vel sorore, licet sacrilegium committat, non tamen fit obnoxius excommunicationi, aut restitutioni, teste Nauarr. cap. 27. num. 84. nec etiam qui metu remigat in tristemibus Maurorum contra Christianos, vt plures opinantur cum Nauarr. cap. 27. num. 63. fin. ita nec prægnantem intendit excommunicare Pontifex, cum id non expresse sit. Er est simile de filio, qui cum alieno socio furarius est rem parris, pro quo lata est excommunicatione; filius enim non incurrit illam, quamuis sit principalis reus in eo furto, vt docet Sot. 5. de iust. q. 3. art. 1. Sylu. Excommunicatio 2. num. 1. & §. 2. cas. 14. Petr. Nauar. lib. 3. de restit. c. 1. num. 81. fin. & alij multi relati ab Henriq. ubi supra.

5. Aduerto tertio, quod non dicitur causari abortum, quando de facto abortus non sequutus est. Vnde licet procurauerit, si tamen de facto non sequutus est non est excommunicatus, & consequenter peccatum non est reſeruatumi.

6. Tandem aduerto, quod causare abortum non est idem, ac impedire conceptionem factus. Vnde mittere semen extra vas, vel potum aque frigide post coitum sumere, vel alias præuentiones facere, ne concipiant, non est causare abortum, sed impedire factus conceptionem, de quo non loquitur

motus proprius, & consequenter eius pœnæ non sunt extendendæ ad hunc casum.

7. His igitur sic statutis, ut quæstioni satisfaciam; respondeo dicendum, rectè posse virtute Bullæ absolui à censuris latis à Sixto V. contra causantes, vel consulentes abortum. Ita tenet Henricus, lib. 6. de pœnit. cap. 10. in comment. lit. F. & deinceps, lib. 10. cap. 35. in comment. litt. F. & multi recentiores.

8. Primò, quia Gregor. XIV. in proprio motu *supra* relato concedit cuilibet Confessario approbato seculari, vel regulari, ut possit in foro conscientie absolvere à peccato abortus, & excommunicatione lata contra personas ibi expressas; ubi plane loquitur de abortu factus animati, ut docet Henricus, lib. 10. cap. 35. ubi *supra*.

9. Secundò probatur, quia in Bulla Cruciatæ datur facultas absolvendi ab omnibus censuris, etiam Papæ reservatis, exceptis his, quæ hæresi sunt annexæ. Ergo quâcumque censuræ abortus reservatur sint Papæ, poterit quis virtute Bullæ absolvere. Nec iuvat respondere, non posse, quia in prædicto motu proprio Sixti V. continetur prohibitio, quæ cauetur absolutio ab illis virtute Bullæ, hoc (inquam) non obstat, quia Commissarius ex facultate apostolica potest suspendere, & suspendit omnia contraria Cruciatæ, licet habeant clausulam contrariam tali suspensioni, ut testati sunt viri Doctissimi ab ipsomet Commissario consulti super hac sua facultate. Tum quia Sixtus V. non potuit coarctare potestatem Pontificum, qui eidem successerunt; omnes autem absque vlla limitatione concesserunt, ut virtute Cruciatæ possent eam sumentes absolvi ab omnibus peccatis, & censuris. Sedi Apostolicæ reservatis, hæresi duntaxat excepta. Imo opinatur nonnulli, quod adhuc Sixto V. vi-

uente potuerit quispiam virtute Cruciatæ, per eundem anno sequenti concessæ, à censura ex abortu incurta absolui. Sed circa hanc opinionem, quid sit sentiendum habetur ex dictis cap. 1. dubio...

Hinc igitur satis constat, quid sit respondendum ad rationem dubitandi initio adductam.

## DUBIVM VII.

*An possit quis virtute Bullæ absolui ad cautelam, ut quando dubitat probabiliter, an quedam excommunicatio publice lata comprehenderit illum.*

1. **P**artem negantem sequuntur Nauar. cap. 27. num. 273. Couar. cap. Alma mater, part. 1. §. 12. prope finem ibi, secundò est inquirendum. Decius cap. præterea, n. 6. de offic. delegat. & Felin. col. pen. & idem Felin. cap. causam, num. 6. & cap. cum dilectis, col. 10. de rescriptis. Iason in lege 2. quodlib. 2. & ibi Curtius Iunior col. 1. ff. de iurisdict. omn. iudic. & alij relati à Cord. ubi *supra*. Et fundamentum eorum est, quia absolutio ad cautelam est extraordinaria, & gratia quædam Sedis Apostolicæ, ut constat aperte ex cap. Per tuas de sent. excom. Ergo nisi specialiter detur in Bulla, non debet censi concessa facultas ad illam, vt potè nimis extra ordinem, & regulas iuris Pontificij: vnde inquirunt prædicti Doctores, quod commissi simpliciter facultate ad absolvendum, non censetur statim concessa ad absolvendum ad cautelam.

2. Verù his non obstantibus, respondeo, dicendum verius esse, quod sit licitum Confessario absolvere ab excommunicatione virtute Bullæ ad cautelam. Ita docent Archidiaconus, & Decius in c. solet de sent. excom. in 6. & idem Decius

in cap. ad praestantiam de appellationibus, & fauet rextus ibi. Henric. lib. 13. cap. 29. num. 5. Suar. de cens. diff. 7. sect. 8. à n. 12. & Coninck tom. 2. disputat. 14. dub. 16. num. 200.

3. Probatur primò, quia non requiritur maior potestas ad absoluendum ad cautelam, quam ad absoluendum simpliciter. Ridiculum enim est dicere, quod excommunicatio probabiliter ignorata requirat maiorem iurisdictionem in absolvente, quam excommunicatio certo, & euidenter cognita. Ergo qui potest ab hac absolvere, etiam ab illa, sicut qui potest absolvere à peccato mortali certo, potest & à dubio.

4. Secundò, quia si poenitens esset certus de excommunicatione, posset virtute Bullæ absolui: ergo etiam si dubitet. Pater consequentia, quia non est peioris conditionis ex eo quod est in dubio an incidit, quàm si certo nollit se incidisse; imo melior certè est illius conditio, & idèd minor poena solet apponi dubitanti, quam certo scienti. Si autem inquiras, an tunc debeat Confessarius exigere ab illo aliquam cautionem. Quidam recentiores cum Nauarr. dicunt, quòd debet, & sufficit petere iuratoriam de satisfaciendo, si certo cognouerit se esse excommunicatum. Quod colligunt ex cap. solet, de sent. excom. in 6. sed melius dicitur cum Henriquez ubi supra, contentum esse debere Confessarium, quod poenitens in eo casu firmiter proponat satisfacere debito, vel offensa.

5. Ad fundamentum autem in contrarium respondeo, id vt plurimum habere vetum in foro externo, & contentioso: vnde existimo quod quando excommunicatio scitor esse lata, sed dubitatur rationabiliter, an valeat, quia nimirum excommunicatus allegat talem excommunicationem fuisse nullam ex causa erroris intolerabilis, aut ex eo,

quod lata sit post appellationem legitimam, vel ex defectu iurisdictionis, licet tunc ipse Index possit absolvere, si id ita esse probabiliter cognouerit, Confessarius tamen non debet, cum res est deducta ad forum exterius: si autem aliquando videretur concedenda iuxta supradicta, non debet fieri sine prauia satisfactioe, vt docet Nau. supra. Nam cum de offensa constat, necessaria erit illius satisfactio, vt in foro conscientiae absoluator.

6. Circa hanc difficultatem latè disputat Couarr. supra num. 7. & Vgol. tab. 1. cap. 12. §. 1. cuncta vero, quæ agunt, ad forum potius contentiosum spectant, quam ad forum animæ, de quo nunc potissimum agimus. Atque ideo circa hanc absolutionem obseruare oportet, quod dupliciter solet hæc absolutio impendi. Primò, nulla præcedente cognitione, nec dubitatione censuræ, quæ non solum ad cautelam, sed etiam ad superabundantiam appellari potest; deseruit enim ad tollendum omne periculum: hoc autem modo non sentit absque vlla occasione, seu causa; esset namque superuacaneum, & aliàs passim huiusmodi absolutiones repeti possent. Hoc præsertim fieri solet ante absolutionem Sacramenti poenitentiae, & similiter ante quemcunque alium actum, cuius valor posset impediri per censuram, si adesset. Vnde si in mortis articulo contingat aliquem ob repentinum euentum non potuisse confiteri, & dandum esset illi extremæ vnctionis Sacramentum, optimum erit consilium absolutionem à censura ad cautelam præmittere. Episcopi etiam in ministrando ordinis Sacramento solent dictam absolutionem præmittere ad euitandum periculum incurrendi irregularitatem; similiter in collatione beneficii, seu concessione priuilegij, & in similibus actibus præmittitur huiusmodi absolutio

tio ad vitandum nullitatis periculum, seu effugiendam humanam suspicionem, vel quæcunque etiam calumniam.

7. Secundo modo impenditur dicta absolutio ratione dubitationis censura: quæ dubitatio potest aliquando ex propria conscientia ipsius pœnitentis oriri, & aliquando in foro exteriori. Vnde iuxta dubitationis modum erit talis absolutio conueniens, seu necessaria in foro interiori, seu exteriori; potestque impendi ab illo, qui à tali censura posset absolueret, si esset certa; quia qui potest certam tollere, à fortiori potest tollere dubiam, vt constat ex dictis: sed non potest impendi dicta absolutio ab alio, quia impenditur ad tollendam omnem dubitationem, & consequenter requiritur, vt qui sic absoluit, potestatem habeat tollendi censuram, si adsit; alioquin idem dubium semper maneret. Si autem contingat, quod censura sit reseruata, non tamen constat quod talis sit, sed potius dubitatur: tunc poterit quis ad cautelam de illa absolui ab eo, à quo non posset, si aliàs de censura certò constaret. Ita Suar. *de cens. disp.* 7. *sect.* 8. *num.* 14.

8. Sed quæres, an si quis confiteatur alicui habenti potestatem absoluendi ab omnibus censuris reseruatis, animo obtinendi absolutionem à cunctis, quibus se innodatum esse agnoscit, ex obliuione tamen aliquam in confessione non explicet, & consequenter nec eius absolutionem in particulari postulet, maneat nihilominus ab omnibus absolutus, ac proinde peccata oblita, quæ ex vi talis censuræ erant reseruata, maneant absque reseruatione. Respondetur sub distinctione. Nam si pœnitens in eo casu petat absolutionem duntaxat illius censuræ, qua se ligatum agnoscit, & ab illa tantum absoluitur, aliæ sane, quas ex obliuione omittit, non

tolluntur. Ratio est, quia esto in absoluto sit potestas, ea tamen in eo casu non vitur, respectu omnium censurarum, sed illius tantum, quæ ipsi proponitur. Si autem non obstante particulari propositione, seu declaratione vnius censuræ, Iudex, seu Confessarius generaliter absoluat ab omnibus censuris, omnes quidem tollit, quæ sub eius potestatem cadunt; idque ob rationem contrariam, nempe quia potestatem habet ex se efficacem, atque ea vitur cum intentione conferendi effectum; qui nec potest vllatenus impediri: tum quia ad absoluendum à censura non requiritur ex parte absoluentis scientia talis censuræ in particulari, vt experientia docet: passim namque impenditur generalis absolutio absque speciali notitia, imo sæpe datur absolutio conditionata, *Absoluo te, si indiges*, quæ nullam supponit noticiam alicuius censuræ tali personæ inhaerentis, sed solum quod possit illi inesse: tum quia nec etiam requiritur scientia ex parte pœnitentis, vt patet. Sicut enim potest quis censura ligari ignorans, ita & absolui; alioquin qui ignotat, seu oblitus est censuræ, quam incurrit, remedio procurandæ absolutionis priuatus maneret.

9. Ex dictis nonnullæ colliguntur differentiæ inter peccata oblita, & censuras. Prima, quod peccata oblita, & consequenter non confessâ, non tolluntur per sacramentalem absolutionem per se, sed per accidens, & concomitanter solum, atque ideo semper manent simili iudicio obnoxia, ita vt si in memoriam veniant, teneatur pœnitens eorum absolutionem postulare: censuræ autem etiam oblita, per absolutionem quidem generalem tolluntur per se, ita vt etiam si in memoriâ postea veniant, non requiratur noua earum absolutio. Ratio est, quia iudicium sacramentale, in quo peccatorum absolutio impen-

impenditur, per se requirit integram causæ cognitionem; quoniam ad curationem animæ, & internam salutem, ac diuinæ offensionis satisfactionem ordinatur, atque ideo per se est diuino iure institutum, vt omnia peccata lethalia clauibus subiiciantur. De censuris autem non est tale præceptum Ecclesiasticum impositum. Absolutio enim à censura per se non habet alium effectum, nec ad alium finem intrinsecè dirigitur, nisi ad tollendum illud Ecclesiasticum impedimentum; ac propterea quauis ratione tollatur ab habente sufficientem potestatem, non manet alia obligatio.

10. Secunda differentia est, quod is, qui nullo modo confessus est, nequit generaliter à peccatis absolui, sub ea conditione tacita, vel expressa, *si indiges*: absolutio autem à censuris potest sub huiusmodi conditione impendi. Ratio est, quia absolutio sacramentalis non solum supponit aliquam vinculi absoluedi cognitionem, sed requirit aliquam materiam, tanquam illius sacramenti partem essentialem, quæ consistit in actibus penitentis, & præcipue in confessione, vnde contritio quodam modo indicatur: Absolutio vero à censura, neque habet illam rationem specialem, neque semper seruat perfectam formam iudicii, sed solum requirit, vt is, qui absoluitur, sit moraliter illius absolutionis capax, si illa egere contingat, & consequenter potest impendi de censuris, etiam omnino Iudici ignotis.

11. Tertia differentia est, quod à culpis nemo absoluitur, nisi voluntarius, quia sacramentalis absolutio voluntariam accusationem requirit: à censura autem potest quis absolui etiam inuitus, vt alibi latius agendum erit.

12. Quarta differentia est, quod absolutio à culpa solum potest fieri in præsentem, absolutio à censura etiam in

absentem. Vnde satis sit manifestum, censuras oblitæ, esto sint reseruata; per se, ac directe tolli per generalem censurarum absolutionem datam ab habente, siue ordinariam, siue delegatam potestatem, ac subinde tolli etiam culpæ reseruationem. Ita communiter DD. vt refert, ac sequitur Couar. in cap. *Alma mater*, p. 1. §. 11. num. 12. Nauar. in *Man. cap. 26. num. 12.* vbi vterque citat Palud. Adrian. Gabr. Angel. & Syluest. Hinc autem deducit *ibi*dem Nau. quod si quis confiteatur habenti auctoritatem absoluedi ab omnibus culpis, & censuris ex vi Iubilæi, seu Bullæ, prudenter faciet curando, vt modo supra dicto, ad cautelam generaliter absoluat ab omnibus censuris, & peccatis, quia dum postea sibi in mentem veniunt, solum tenetur peccata confiteri, nulla obtenta absolutione à censuris. Imo & à prædictis culpis potest tunc à quouis proprio sacerdote absolui; quod addit Nau. notandum esse potissimum à Religiosis, qui dum in visitationibus à censuris generaliter absoluentur, esto tunc earum non recordentur, sublata censentur, nec tenentur aliam absolutionem querere ab eis, sed satisfaciunt dum simpliciter contententur peccata, ob quæ in prædictas incurrerunt censuras. Ita Angel. *confessio* 1. §. 1. Sylu. *cod. verb. quest. 4.* & Rosella *confessio* 2. §. 9. quos sequitur Nauar. *supra*.

## DUBIVM VIII.

*Vtrum possit quis ex consensu partis, virtute Bullæ, absolui ad reincidentiam inconsulto Iudice.*

2. **R**atio dubitandi est, quia recte potest quis virtute Bullæ absolute absolui, consentiente parte, etiam Iudice inconsulto. Ergo à fortiori poterit etiam absolui ad reincidentiam. Patet



Paret consequentia, quia plus est absolute absoluerè, quam cum limitatione, scilicet ad reincidentiam. Ergo si primum potest fieri virtute Bullæ, etiam secundum.

Sed respondeo dicendum esse cum communi Doctorum sententia, excommunicatum, etiam consentiente parte, absolui non posse ad reincidentiam inconsulto Iudice. Ita Cord. in sum. quest. 20. Sot. 4. dist. 22. quest. 2. art. 3. Nauar. c. 27. num. 15. Couar. cap. Alma mater. p. 1. §. 11. n. 6. Rodr. §. 9. n. 57. Gomez. claus. 9. num. 27. Acolta quest. 5 1. Sylu. verbo excom. 2. not. 1. casu 13. 14. & 15. Oñen- sis, & Innocentius, quos refert & sequitur Henric. lib. 13. cap. 29. n. 3.

2. Et probatur primò, quia licet excommunicatio lata ad petitionem partis tolli possit ne incurramur antequam sit incurra, de consensu eiusdem partis, non tamen potest suspendi ita ut semel incurra, & postea sublata rursus incuratur. Nam ad inducendam postea excommunicationem requiritur potestas iurisdictionis, quam tamen tunc nec Iudex tribuit, quia sit illo inconsulto, nec pars consentiens tribuere potest, ut constat ex lege Priuatorum, Codice de iurisdic. om. iud.

3. Secundò, quia per Bullam non conceditur facultas suspendendi censuras, sed absolueri ab illis: At absolutio ad reincidentiam, in illo casu non esset absolutio, sed suspensio excommunicationis ad tempus. Ergo virtute Bullæ fieri non posset inconsulto Iudice. Consequentia est nota, & antecedens docet Ioannes Andreas cap. veniens, el segundo, de testibus; & ratione probatur, quia totum illud fieret per solam suspensionem, omni absolutione seclusa. Ergo rectè intelligitur tunc fieri illam suspensionem excommunicationis ad tempus absque vera eius absolutione.

Quod si quæras, quid ergo intelliga-

tor per clausulam, quæ solet aliquibus Bullis apponi, nimirum: *Quod possit Confessarius absolvere excommunicatum ad reincidentiam*. Respondeo sensum illius clausulæ esse, quod illi qui sunt excommunicati, & nequeunt sine magno incommodo satisfacere, possunt absolui, etiam in foro exteriori, ad effectum duntaxat lucrandi lubilæ, vel indulgentiam plenariam in Bulla concessam, & talis sic absolutus postea reincidit in eandem excommunicationem pro foro exteriori, ut rectè notauit Cord. in sum. quest. 20. §. A lo qual respondo. Pro quo etiam faciunt, quæ supra diximus dub. 3. in fine.

Ad rationem vero dubitandi, respondeo primò cum Cord. ubi supra, plus esse absolueri ad reincidentiam, quam absolute absolueri, quia absolueri ad reincidentiam, illo modo dicit auctoritatem, vel actum excommunicandi. Secundò respondeo, quod privilegium, cum operetur aliquid contra ius commune, tantum valet, quantum sonat, nec quid amplius: & ideo ampliari non debet extra sonum verborum, ut constat ex c. porro, de privilegiis.

4. Vnde cum in Bulla non exprimitur facultas ad absolueri ad reincidentiam, solum intelligi debet data absolute, ut verba ipsa sonant.

Pro pleniori huius dubij declaratione obserua, absolutionem à censura ad reincidentiam dici illam, per quam tollitur censura, non in perpetuum, sed ita ut post certum tempus, vel post talem effectum reditura sit, qui modus absolutionis valde visitatus, & frequens est. Ratio autem illum introducendi fuisse videtur, quia, teste Suar. 20. §. de censuris, disp. 7. sect. 8. num. 16. excommunicatio non suspenditur (ut Iurista cum gloss. cap. presenti, verb. declaramus, de sent. excomm. in 6.) id est omnino ad instar interdicti; sed quâdiu permanet, operatur suos

suos effectus, seu priuat aliquibus actibus interdum ramen expedit, vel requiritur eum, qui censura ligatus est, reddere habilem ad aliquem effectum, aut cum absolueret pro aliquo tempore, non tamen omnino, sed cum conditione reincidenti, si hoc, vel illud intra id tempus non efficiat.

5. Hinc fit duplicem esse absolutio- nem ad reincidentiam. Quædam est, cum quis à censura absoluitur ad limi- tatum tempus, & ad certos aliquos ef- fectus, nempe vt possit testimonium ferre, aut validè beneficii collationem acceptare, vt colligitur ex *cap. veniens. 38. de testibus*: de hoc autem casu non agimus hic, cum non sit proprie abso- lutio, sed potius dispensatio quædam, per quam, non obstante excommunicati- one, conceditur vt talis possit eius- modi actus præstare. Is igitur vere ma- net excommunicatus, nec vllatenus ad actum aliquem soluitur, nisi ad illum particularem, atque ideo nec illo perfe- cto in excommunicationem reincidit, quia nullam nouam contrahit obliga- tionem. Alia est, cum quis absoluitur ab excommunicatione simpliciter, ita vt ex intentione absoluentis non detur so- lum ad definitum tempus, vel actum, sed & perpetua sit, sub conditione ra- men satisfaciendi, seu aliquid faciendi intra certum tempus, quo transacto, & conditione non impleta, iterum in cen- suram reincidentur. Vnde hæc absolutio dupliciter impenditur. Primò absque certo præfixo termino, solum sub hac conditione, cum primum commodè possit, vt si quis dicat. *Ego te absoluo ab ex- communicatione, ita tamen vt in eam re- incidas, nisi cum primum commodè possit, hoc, vel illud facias.*

6. Hinc nisi quis, cū commodè possit, conditionem impleat, iterum in excom- municationem incurrit, argum. *cap. eos qui 22. de sent. excomm. in 6.* Et de hoc

casu omnes communiter fatentur, non dari reincidentiam absque noua culpa, cum necessaria etiam sit noua contumacia; atque ita sentiunt Suar. *supra num. 26.* & Coninck *num. 215.*

Secundò, cum dicta conditio poni- tur implenda intra certum terminum præfixum, nulla facta mentione de po- testate, seu impotentia rei, sed tantum de actione, id est de soluendo debito, &c. Vt si quis dicat. *Ego te absoluo ab excom- municatione, ita tamen vt in eam reinci- das, nisi infra mensem satisfeceris.* & de hoc casu dubitant Doctores, an reinci- dentia detur absque noua culpa.

7. Coninck *num. 216.* sentit requiri nouam culpam; ducitur, quia nemo potest denuo ligari excommunicatione absque nouo peccato: talis autem cum fuerit verè ab excommunicatione abso- lutus, non potest in eam reincidere, nisi de nouo ea ligetur; igitur nouum pec- catum requiritur. Hæc tamen ratio so- lum est vera, cum noua infligitur cen- sura, non autem cum prior redit, quo pacto contingit in casu nostro; quippe prior censura non fuit absolute ablata, sed solum pro certo tempore; pro reli- quo autem tempore sub conditione, qua non posita redit eadem censura ob eandem culpam. Allegat idem Coninck in sui fauorem Nauar. *cap. 27. num. 277.* vbi nihil de hoc agit. allegat etiam Henric. *lib. 13. cap. 29.* vbi ait satis esse nouam culpam, seu perseuerantiam in antiqua inobedientia.

8. Nihilominus valde probabile est, quauis ex causa non impleatur conditio, reinci- di in censuram, esto nulla noua culpa interueniat; tum quia hæc non est noua censura, sed eadem moraliter, & consequenter non requirit nouam contumaciam; tum quia conditio po- sita talis est, vt absque culpa possit ali- quando omitti, ob impotentiam nimi- rum, vel causam similem; tum denique

quia esto ante censuram contractam nemo contrahat illam, si solutionem debiti omittit ob impotentiam, quantumvis præceptum soluendi sub censura sit latum; tamen post contractam censuram, esto ablata sit ad reincidentiam sub conditione soluendi intra præfixum terminum, potest quis in illam reincidere, si non soluat, etiam ob impotentiam, vt docet Suar. *num. 27.* nam sicut si non fuisset absolutus à censura, permansisset sane in ea, licet ad soluendum esset factus impotens; ita est dicendum in casu nostro; tunc enim perinde se habet post elapsum præfixum terminum, ac si non fuisset absolutus, cum non simpliciter, sed ad reincidentiam tantum fuerit absolutus.

9. Sed obiciis, si cui sub pœna censuræ ipso facto incurrendæ iniungatur, vt intra certum tempus tale debitum soluat, atque interim consentiat pars, & differat tempus solutionis, id satis erit, vt non incurratur dicta censura, donec spatium à creditore concessum sit omnino transactum, esto prior terminus à Iudice præfixus elapsus iam fuerit: igitur similiter videtur dicendum in casu, de quo agimus, id est quod parte consentiente possit quis à Confessario absolui ad reincidentiam, Respondetur negando paritatem rationis, nam in casu isto nondum est contracta censura, & consequenter non est necessaria absolutio, per quam tollatur, nec actus aliquis iurisdictionis, quo impediatur; sed sufficit quod materia præcepti, ex cuius transgressione pender censura, ita mutetur, vt præceptum pro eo tempore non obliget; nam eo ipso cessat contumacia, & consequenter non censetur eo tempore pertransgredi terminus, à Iudice præfixus: at in casu nostro, cum iam sit contracta censura, requiritur necessariò absolutio, & iurisdicção ad illam tollendam, at-

que ideo non sufficit partium conventio.

10. Sed quætes an in casu reincidentiae prædictæ requiratur noua sententia ad incurrendam censuram. Coniunctè consequenter respondet affirmatiuè, quia cum ipse supponat in casu reincidentiae requiri nouam culpam, consequenter dicendum videtur requiri nouam sententiam, quam purat interdictum ferri autoritate iuris, vt in casu *cap. eos qui, 22. de sent. excomm.* interdum vero autoritate ipsius absoluentis, qui dum absoluit reum ad reincidentiam, videtur illum implicite rursus excommunicare, nisi intra tale tempus, hoc, vel illud effecerit. Sed probabilius cenfeo non requiri nouam sententiam, tum quia aliàs absolutio illa non esset limitata ad tempus, vel actum, sed absoluta: tum quia, si necessaria esset noua sententia in memorato casu, non posset iuste aliquando ferri, cum pœnitens sit ob impotentiam, vel causam similem immunis à noua culpa. Redi igitur dicta censura ex vi prioris sententiae, quam iustam fuisse supponimus; atque ideo semper respicit illam contumaciam, in qua talis sententia fundata fuit: vnde estò huius sententiae effectus fuerit per prædictam absolutionem impeditus, semper tamen dicta sententia vim suam retinet, & moraliter permanet, sicut lex quædam; atque ideo elapso absolutionis tempore, iterum operatur moraliter censuram inducendo: ira in simili casu sentiunt Vgol. *lib. 1. cap. 4. §. ult. num. 18.* & Suar. *cir. num. 21.* cum communi DD. Sed an dicta excommunicatio sit eadem numero, vel diuersa cum præcedenti, parum refert, moraliter tamen tanquam eadem reputatur, & hoc sufficit.

Ex dictis igitur satis fit manifestum, cum qui non potest excommunicare, nec etiam posse ad reincidentiam absol-

uere,

vere, & consequenter eiusmodi absolutionem non posse virtute Cruciatæ impendi.

DUBIUM IX.

*An absolutio à censura sit valida, dum virtute Bullæ non satisfacta parte cum commode possit, quis absolvitur.*

1. Suppono in primis omnes conuenire primo talem absolutionem illicite impendi, quia Confessor tunc iniuriam facit parti læsæ, atque excedit modum, & limitem facultatis sibi concessæ, cum in Bulla expressè habeatur, quod absolutio fiat satisfacta parte.

2. Secundò, si absolutio impendatur immediatè à Pontifice, validam esse, quia valide quis absolvitur ab eo, qui ordinariam habet potestatem absoluen- di, nullibi enim talis absolutio irritatur, atque ideo si iudex ordinarius quempiam absoluat absque satisfactione partis læsæ, esto iniuste, valide tamen absoluer. Dubium igitur est an valida sit talis absolutio, dum fit ab habente potestatem delegatam, cuiusmodi sunt Confessores electi virtute Bullæ; & ratio dubitandi est, quia potest esse absolutio iniusta, & simul valida, ut habetur ex cap. venerabilibus, §. ubi autem, de sentent. excom. in 6.

3. Suppono secundò, eum qui solum habet potestatem delegatam absol- uendi, inualidè absolvere non præmissa satisfactione, si id expressè dicatur in potestatis delegatione, ut si dicatur, *alias absolutio sit nulla: aut non valeat aliter absolutio; aut non possit aliter absolui, seu absolvere; vel nullatenus absoluat eum, nisi satisfecerit*, & similia. Addunt autem aliqui, quoties potestas hæc delegatur per Bullas, seu quævis alia privilegia,

etiam si non exprimat talis conditio, semper subintelligi adiuncta, ita ut absolutio aliter data sit nulla, quia Pontifex non intendit per huiusmodi concessionem damnum aliquod tertiæ personæ inferre. Ita Graff. apud Suar. de cens. disputat. 7. sect. 5. num. 43. qui tamen, & communiter omnes oppositum censent probabilius, quoniam cum concessa est absolutio, & particularem non habet limitationem, interpretanda est iuxta ius commune; ex communi autem iure, qui simpliciter habet hanc potestatem, facit actum validum, esto iniuste ea utatur; unde recte Coninck d. disp. 14. dub. 16. num. 209. ait cum talis potestas non datur limitata, ex hac parte æquivalere ordinariæ; imo Nauar. in man. cap. 27. num. 37. inquit quod licet in mandato, seu rescripto Pontificio, ubi hæc facultas conceditur, exprimitur, ut secundam formam iuris detur, absolutio tenet, esto impendatur non seruata debita iuris forma. Ratio est, tum quia Pontificis intentio non est novam formam inducere, sed Commissarium duntaxat monere id, quod secundum ius facere debet; tum quia ad ipsam iuris formam pertinet, ut talis absolutio valida sit, etiam si male concedatur, ut notat Suar. ibidem. Igitur à fortiori cum in rescripto nihil exprimitur, sed absolute potestas conceditur, absolutio censenda est valida, esto sit iniusta.

4. Suppono tertio ex Nauarr. lib. 5. cens. 7. satisfactionem prædictam intelligi de debito certo, non dubio, quoniam si dubium sit, tunc non requiritur quod satisfactio partis præcedat absolutionem, esto in concessione exprimat; debet namque interpretari, dum debitum est certum, ac indubitatum, argum. cap. soles. de sentent. excom. in 6. ibi, nisi eum excommunicatum pro manifestis dicat offensis. Atque expressis id constat ex cap. ex part. 10. de verb. sign.

& quamvis Nau. in *Man. c. 16. num. 7.* sentiat declarationem de debito dubio, aut certo, ad iudicem spectare in foro exteriori; quia tamen in foro etiam interiori potest contingere, ut pœnitens habeat conscientiam dubiam, vel certam, ideo si pœnitens certus sit, talem offensionem vel damnum commississe, & consequenter ad satisfactionem teneri, tunc manifestum est, necessariò requiri, ut prius satisfaciat, si potest; vel si non potest, conuenientem exhibeat cautionem. At si dubius sit an ipse causa damni extiterit, vel an sufficienter iam satisfecerit, vel an talis fuerit offensio, ut ad satisfactionem obliget, tunc sufficit exhibeatur competens cautio, id est pignoriatiua, seu fideiussoria, ut multis citatis tradit Sayr. *de cens. lib. 2. cap. 20. num. 33.*

5. His suppositis, circa præsentem difficultatem sit prima conclusio. Probabilissimum censéo, quod si quis, virtute Bullæ absoluitur, nulla præmissa satisfactione, dum cōmodè fieri possit, talis absolutio sit inualida. Ita Hentiq. *lib. 7. cap. 13. num. 2. Rodr. §. 9. num. 53. Sor. in 4. dist. 22. quest. 2. art. 3. post 2. conclus. Navar. lib. 3. Consil. in 1. edit. tit. de Regul. consil. 75. dub. 11. num. 36. & 37. in 2. Ledes. 2. p. 4. quest. 26. art. 1. Cotd. sum. quest. 18. punct. 1. dist. 2. & quest. 187. puncto 4. & lib. 5. quest. 47. dub. 3. Gutier. allegatione 9. num. 6. & Medina sum. lib. 2. cap. 12.*

6. Probatut primò, quia communiter Doctores fatentur absolutionem prædictam esse nullam, quando in delegatione habetur; *damus tibi facultatem absoluenti, satisfacta parte, vel si satisfactum sit*; Ita Sayr. citatus. Suar. *ubi supra num. 44. Coninck num. 111. & ante eos Caiet. verb. absolutio, ar. ult. §. & Armilla eodem verbo, ar. 48.* At in Bulla Cruciatæ, dum absoluenti potestas conceditur, sic habetur; *modo etiam in casibus in quibus*

*necessaria erit per ipsos, vel dato impedimento per hæredes, aut alios satisfactio fiat.* Ergo absolutio data virtute Cruciatæ, non præmissa satisfactione partis læsæ, inualida est. Probatut consequentia, quoniam quando commissio fit sub certa forma & conditione, ea non seruata corrumpit actus, *arg. cap. cum dilecti, 22. de rescript. ad fin. ibi, processum ipsorum contra nostri formam rescripti, irritum decernimus, & inanem; & cap. venerabili 37. de offic. deleg. ad fin. ibi; quorum processus cassauimus, quia Abbas contra nostri mandati tenorem processit.*

7. Secundò, quia certum omnino est, delegati potestatem non se extendere ultra id, quod delegans intendit eidem concedere: sed non est verisimile, quod Pontifex intendat alicui auctoritatem concedere in præiudicium tertij. Ergo absoluens virtute Cruciatæ non satisfacta parte, inualide absoluit ex defectu iurisdictionis. Minor probatur, quia non est præsumendum de aliquo velle peccare, nisi probetur; sed delegatus nequit sine peccato alium absolueret, parte non satisfacta, cum id resultat in præiudicium patris læsæ. Ergo nec est præsumendum de delegante, velle delegato talem potestatem concedere, cum nullam ad hoc habeat rationabilem causam, alias coopetaretur peccato altetius, & consequenter peccaret.

8. Tertiò, quia iuxta communè sententiam facultas data in Bulla intelligi debet citra præiudicium tertij, neque vnquam Pontifex quid censetnr concessisse in detrimentum alicuius, nisi exprimatut. *cap. quamvis, de rescriptis, in 6. quod fere in his terminis notat Paris. consil. 63. num. 23. & 24. lib. 4. & satis fit manifestum ex præcit. verbis ipsius Bullæ, modo per se, aut per alios fiat satisfactio; & notat Cou. in cap. Alma mater, p. 1. §. 11. num. 16. quod actus qui fit non factuata*

seruata conditione à delegante præscripta, est inualidus: ergo.

9. Secunda conclusio. Non est improbabile, quod sit valida absolutio facta virtute Cruciatæ, etiam non præmissa satisfactione in casu, quod commode fieri queat. Ita Rod. à priori opinione recedens, *sum. tom. 1. in noua edit. cap. 83. num. 4.* Henriq. vbi supra *num. 2. in comment. litt. S.* quos refert, ac sequitur Sanchez lib. 3. de *matrim. disputat. 33. concl. 1. num. 3.* Angles. *Floribus 2. p. 9. vnic. de excom. art. 4. diff. 9. concl. 2.* & inclinatur Nau. c. 27. *num. 39.* Sed iam probatur Primò, quia esto in Bulla apponatur præcitata verba, non tamen irritatur absolutio, si omittatur *satisfactio partis læsæ* & consequenter esto talis absolutio sit inde iniusta, non tamen irrita. Secundò, quia quoties in delegatione, seu commissione exprimitur forma iuris communis, eo modo, quo iure inest, non est intentio delegantis inducere nouam formam, ac conditionem, sed solum est adinotatio quædam, vt iuris communis forma seruetur; atque ideo prætermissa non irritatur actus; qui alias validus esset, nisi in delegatione talis forma exprimeretur. Ita glos. *Clem. 1. de offic. deleg. verbo repererit.* & ibi Cardin. *quest. 13. Imola num. 20. & 21. Atchidiacon. cap. dudum. 18. q. 2. vers. in 1. glossa. Innoc. c. Prudentiam, num. 9. vers. & si contrarium, de offic. deleg. & c. fin. de presumpt. initio.* Vbi Abb. *num. 16. & Felin. num. 19.* Nau. vbi supra, ait esse receptissimum. Couar. d. cap. alma 1. p. §. 9. *num. 8.* inquit esse omnium. Vnde Innoc. & Felin. citati asserunt, commissione facta Iudici, vt condemnet Titium, si Petrus probauerit debitum, validam esse sententiam Iudicis condemnantis, etsi Petrus non probet, quia est conditio quæ iure inerat. Innoc. etiam d. cap. fin. de presumpt. initio, quem sequitur Imo-

la c. penult. *num. 2. de constit. air*, quod si in delegatione apponatur, *confero beneficium Petro, si fuerit idoneus*, non esse conditionem, quia iure communi inerat, nec noua exprimitur idoneitas, iure communi requisita, & consequenter actum contra gestum esse validum. Ratio autem est, quia expressio eius, quod tacite inest, nil prorsus operatur. *arg. c. significasti, de elect. l. 3. ff. de leg. 1.* quamuis enim non exprimeretur, iure subintelligebatur. Cum igitur sit iure communi expressa illa forma, *modo fiat satisfactio*, dum postea exprimitur in licentia, non est æstimanda conditio, seu restrictio licentiæ, sed monitio vt seruetur.

10. Tertiò, quia tunc forma iuris communis posita in commissione importat conditionem, quando formæ communi additur aliquis limitatus modus. Vnde si dicat Pontifex, *committo tibi vt des beneficium Petro, si est idoneus*, tunc est forma iuris communis simpliciter, si tamen addatur, *si per examen publicum, & oppositionem inueniatur idoneus*, tunc est conditio, cum sit limitatus modus scientiæ, & consequenter noua forma. At in casu nostræ Bullæ solum ponitur forma iuris communis, id est, *modo fiat satisfactio*, nec additur aliquis limitatus modus. Igitur verba illa non important conditionem, & consequenter nec omisso irritabit absolutionem. Vnde non immeritò Hentiq. id non censet improbabile. Sanchez citatus ait esse probabilissimum, Angles. & Rod. supra tenent simpliciter verum.

11. Quare ad primam probationem in contrarium responderetur, quod quidquid sit de opinione, id non admittitur ab authoribus secundæ sententiæ, quia per verba illa nihil additur formæ iuris communis; ac subinde non est noua forma; ideoque negatur consequentia. Ad secundam concedimus non esse veri-

risimile, quod Pontifex intendat alicui concedere auctoritatem in præiudicium tertij per sua præiudicia: atque ideo negatur consequentia; nam Confessarius tenetur sub mortali servare eam formam iuris; ea autem non servata non irritatur absolutio, sicut nec ex iure communi irrita redditur.

Ad tertiam negatur etiam cōsequētia, verba enim quæ in Bulla præscribuntur, non inducunt novam formam iuris communis, ut patet ex dictis, & consequenter nec important conditionem: clausula enim illa *modo fiat satisfactio*, non ponitur nouo modo, quam iure communi increat.

Ex his igitur manifeste deducitur utramque opinionem esse probabilem. Priorem tamen in praxi potius sequendam, saltem ne Deus Opt. Max. offendantur, ac proximo præiudicium inferatur. Posteriores autem non ideo improbare audeo, attentis DD. qui eam tuentur, & rationibus quibus fulciuntur.

#### D V B I V M X.

*An possit quis absolui virtute Bullæ ab interdicto, & suspensione etiam illa, quæ contrahitur cum quis sine debita ætate suscipit Ordines.*

1. **H**enriquez *lib. de indulg. cap. 13. num. 13. fol. 513.* licet concedat posse virtute Bullæ absolui ab interdicto, & suspensione, dicit tamen illum, qui suspensus est, quia defectu ætatis sacris initiatus fuit, absolvendum non esse virtute Bullæ, & citat pro se Nau. c. 27. *num. 162.* & probatur.

Primo, quia Bulla ipsa excipit ne ipse etiam Commissarius absolvere possit à suspensione ob ordines male susceptos incurfa.

2. Secundo Pius I I. & Pius V. suspendunt initiatum absque ætate, ut docet Nau. *num. 155. & 166.* & rigide Sixtus V. anno 1589. proprio motu reseruat sibi, si ordinetur secularis absque ætate, non possit per Trident. absolui ab Episcopo, aut per Iubilæum. ergo nec etiam poterit per Bullam.

Tertio, quia sic maior esset potestas Cōfessarij electi per Bullam, quam Episcopi, cum Conc. Trid. *sess. 24. cap. 6.* solum concedat facultatem Episcopis ad absolvendum à suspensione proveniente ex delicto occulto, per Bullam verò concedatur sine restrictione ad censuram ex delicto.

3. Verum his non obstantibus respondeo dicendum, Confessarium virtute Bullæ electum posse absolvere à suspensione non reservata Papæ, toties, quoties indigerit, à reservatis verò in Cœna Domini, & alibi semel in vita, & postea in articulo mortis, nisi oppositum expresse contineatur in Bulla. Ita docent Cord. in *sum. q. 144. Nauar. cap. 17. num. 162. Rodr. §. 9. n. 62. Perez l. 1. tit. 1. lib. 5. ordinamenti, pag. 33. Henric. ubi supra in comment. lit. D. Medina 1. sum. cap. 11. §. 8. fol. 45. idem tenent communiter recentiores, & specialiter Pater Salas, & Doctor Nuñez Complutensis, & Bañes, quos refert Henric. citatus; tenent à suspensione etiam contracta propter susceptos ordines ante legitimam ætatem posse absolui virtute Bullæ, itavt liceat impleta ætate celebrare. Ratio eorum est, quia Bulla concedit generalem facultatem absolvendi ab omnibus censuris; sed suspensio est verè, & propriè censura, ut constat ex *cap. quarenti, de verborum signification.* Ergo poterit ab illa absolui, sicut ab excommunicatione in foro interiori; imo & in exteriori satisfacta iam parte, quidquid dicat Henriquez *supra num. 6.* quia ceterè per id non perturbatur (ut ipse*

ipse inquit) iudicialis ordo, cum in tantum intendatur de satisfactione partis.

4. Atque hoc idem quod dictum est de absolute à suspensione, dicendum est proportionaliter de absolute ab interdicto personali, non tamen locali, quia hoc non videtur proprie censura; aut saltem eius absolutio sine Iudicis\* autoritate nullius erit momenti: quia donec auferatur per Iudicem, semper seruabitur, etiam si ille, qui dedit causam interdicto, iam absolutus sit. Verum tamen est, quod si interdictum locale esset verè censura, posset per Bullam tolli, etiam quoad forum exterius, satisfacta parte; Ita ut non solum Iudex deberet tum illud tollere, ad hoc enim tenetur *per sextum in c. Odardus, de solutionibus*; sed etiam Clerici Iudice repugnante tenerentur non seruare tale interdictum, quia iam penitens absolutus est, satisfacta parte in foro exteriori.

5. Ex dictis colligo fratres Mendicantes, & alios; qui eorum privilegiis communicant, posse etiam absolute à prædicta suspensione, & interdicto, si cut possunt ab aliis censuris non reseruatis in Bulla Cœnæ Domini, quia ratione suorum privilegiorum, ut constet ex eorum compendiis, habent amplam facultatem absoluendi ab omnibus censuris, etiam Papæ reseruatis, exceptis quæ sunt in Bulla Cœnæ Domini, ut habetur in *compendio privilegiorum Societatis, verbo absolutio*.

Ad primum pro contraria opinione adiunctum fatetur quod, cum in Bulla excipitur illud genus suspensionis, non potest ab ea absolui; tamen cum in Cruciata non fiat exceptio, valida erit absolutio virtute illius clausulæ ab omnibus censuris.

Ad secundum respondeo, quod præca Greg. XIV. anno 1591. concessit in

suo iubilæo plenam prædictæ suspensionis absolutionem, & in vltima etiam Bulla conceditur in illa generali clausula, ut supra ostensum est.

6. Ad tertium fatemur in illo excedere Bullam, facultatem Episcopi, ex speciali indulto Apostolico, ut rectè notauit Hentiq. *vbi supra*, nec in hoc est aliquod inconueniens.

## D V B I V M X I.

*Utrum Confessor possit absolute à cessatione à diuinis virtute Bullæ.*

1. **T**Ota ratio dubitandi desumitur ex eo, quod cessatio à diuinis videtur quod sit censura, ut tradit Sor. 4. *dist. 22. q. 3. art. 1.* Maiolus *lib. 3. de irregularitate, cap. 20. in fine.* Guerterus in *speculo Iuris cap. 37.* & Franch. relatus à Nau. c. 27. num. 188. & Couar. c. *Alma mater*, 2. p. 3. in principio.

2. Probatur, quia cessatio à diuinis est pœna Ecclesiastica, qua puniuntur fideles in bonis spiritualibus; Ergo verè est censura, cum ea sit definitio censuræ. Vnde si ad primam eius institutionem attendatur, aperte constabit institutam esse, ut pœnam Ecclesiasticam, non minus quam interdictum. Ergo verè erit censura sicut illud.

Verum contraria sententia est omnino amplectenda cum communi Doctorum. Ita Syluest. *verb. cessatio*, §. 5. & *verb. interdicto* §. 5. 1. Ang. *verb. cessatio*. Tabien. *verb. interdictum*, num. 3. Nauar. *cap. 27. num. 152.* & 194. & 250. Hentiq. *lib. 13. c. 52. fol. 1235. lit. G.* Rodt. in *Bulla*, §. 9. num. 6. Gutierrez *quæst. can. c. 10. pag. 111.* Suar. *de cens. disp. 39. sect. 1. num. 4. & 12.* & est communis inter Iuristas cum Ioanne de Lignario *trakt. de censura q. 1. num. 8.* & probant illam tum *ex cap. querens, de verb. significat.* ubi Pontifex tres tantum



tantum species censuræ assignauit, quia qui celebrat ligatus aliqua censura incurrit irregularitatem, quam tamen certum est non incurrere, qui tempore cessationis celebrat: sed hoc duplex fundamentum non est firmum, quia eadem ratione probaretur irregularitatem ex puro delicto ortam non esse censuram, cuius contrarium opinari plures DD. magnæ æstimationis late ostendimus, (Deo dante) in *tract. de Iubileo*.

3. Vnde probatur aliter nostra sententia. Primò, quia cessatio à diuinis solum est pura omisso diuinorum officiorum, & ideo solet definiti, vt colligitur ex Innocentio *cap. irrefragabili, de officio Ordinarij*, quod sit suspensio organorum diuinæ laudis, iuxta illud Psalmi 136. *In salicibus in medio eius suspendimus organa nostra*; itaque cessatio à diuinis, nisi illi admisceatur interdictum, non magis excipit delinquentem, quam ceteros homines, quia æqualiter diuina officia omnibus cessant. Ergo in quantum cessatio non habet rationem censuræ, quæ per se, & directè in poenam delinquentium specialiter infligitur.

Secundò, quia per censuram semper inducitur prohibitio aliqua in personam delinquentis, aut in locum si sit censura interdicti; cessatio autem à diuinis in quantum talis, & præcisa ratione interdicti, nullam specialem prohibitionem inducit in personam delinquentis, aut in locum, sed puram suspensionem diuinorum officiorum. Ergo virtute Bullæ non potest ab illa absolui.

4. Tertiò, quia cessatio à diuinis omnino spectat ad forum externum, & exequenda est per ministros Ecclesiæ. Ergo licet Confessarius aliquem absolueret à tali cessatione, nullum effectum posset habere talis absolutio, si aliàs ipsi ministri omnino seruant cessationem à

diuinis, non minus quam si illis non esset talis absolutio impensa; & consequenter esset superflua, cum moraliter loquendo nunquā posset habere effectum.

5. Ad rationem veto dubitandi, respondeo primò, quod per cessationem ipsam à diuinis puniuntur rebelles, in quantum habet admixtionem interdicti, quia ipsa præcisè sumpta, non est poena, sed omisso diuinorum. Respondeo secundò, quod gratis admissio quod esset poena, non tamen à iure poena posita est, sed ab homine: censuræ vero omnes à iure imponuntur, licet nonnullæ earum simul etiam ab homine; itaque censura est poena, quia iura vtuntur; iura verò non vtuntur cessatione à diuinis, sed tantum Iudices.

## DUBIVM XII.

*An quando in Bulla vel simili privilegio datur facultas ad dispensandum in omnibus irregularitatibus, excepta irregularitate homicidij voluntarij, & alijs tribus, possit virtute illius dispensari in irregularitate homicidij iusti.*

1. **H**ic occurtebat dubitatio, an virtute Cruciatæ possit Confessarius poenitentem absolueret ab irregularitate, quæ præcisè oritur ex delicto; prætermittunt tamen quia de ea agitur in *tractatu de Iubileo*, quamprimum in lucem edendo: at quia virtute Cruciatæ conceditur Commissario facultas dispensandi in aliquibus irregularitatibus, examinandum hic duximus propositum dubium, &c.

Ratio dubitandi est communis Doctorum sententia, asserens cum Nauarr. *cap. 27. num. 100.* solum Papam posse dispensare in irregularitate homicidij voluntarij

voluntarij, quod colligunt ex Trident. *sess. 24.* vbi aperte excipit tale homicidium, dum ait, *licetq; Episcopis in irregularitatibus omnibus, & suspensionibus ex delicto occulto prouenientibus, excepta ea, qua oritur ex homicidio voluntario, dispensare.* quæ sane clausula in prædictis Bullis, & privilegiis etiam apponitur: at irregularitas prædicta proueniens ex homicidio iusto, oritur ex homicidio voluntario. Ergo nequit fieri talis dispensatio, nisi à Papa.

2. Verum his non obstantibus, respondendo dicendum, quod quando per Bullam aut privilegium conceditur alicui, vt possit dispensari in omnibus irregularitatibus, excepta irregularitate homicidij voluntarij, potest etiam dispensari in hac irregularitate ex homicidio iusto proueniente; ita expresse Caetan. in *sum. verb. irregularitas, in fin. Armil. ibi, num. 15.* Couar. *Clem. si furiosus, 2. par. §. 3. in fine. Plaza de delictis, lib. 1. cap. 10. num. 11.* Polancus in *appendice ad directorium, pag. 156.* & aliqui Iuniores, inter quos Magister Peña 2.2. q. 40. *art. 2. & quest. 64. artic. 8. in fine*, asserit in sua Prædicatorum religione id praticari.

3. Et probatur, quia vbi non interuenit homicidium, non inuenitur irregularitas homicidij; sed quando homo iustè occiditur, non committitur homicidium. Ergo irregularitas inde confurgens, non est dicenda homicidij; maior est nota, & minor patet, quia vt docet S. Thom. 1.2. q. 10. *art. 8. ad 3.* homicidium dicit iniustam occisionem, & quando iustè fit, non potest dici homicidium, quia hoc (vt notat Sylu. *homicidium 2. num. 12.*) proprie loquendo semper est peccatum; id autem privilegium dispensandi habent religiones Mendicantes, & specialiter Societas IESV, vt patet ex Bulla Pauli III. *folio 39.* & in Compendio privilegio-

rum eiusdem Societatis *verb. dispensatio, §. 567.*

Imo addo, quod etiam virtute Bullæ, aut priuilegiorum concedentium prædictam facultatem, de qua in titulo dubij, etiam potest fieri dispensatio in irregularitate orta ex homicidio peccaminoso, quando tale homicidium non fuit contra iustitiam, sed contra charitatem duntaxat, vt v.g. si Clericus in sacris pugnans in bello iusto sine licentia Papæ, occidat aliquem, peccat mortaliter, & fit irregularis; hæc ramen irregularitas tolli potest per prædictam Bullam, vel priuilegia Mendicantium, & idem est, si sit aduocatus, testis, aut accusator siue protestatione legitima in causa sanguinis contra reum morte dignum. Ita multi recentiores.

4. Et probatur, quia in his casibus Clericus non committit peccatum homicidij: ergo non incurrit irregularitatem homicidij: antecedens patet, quia non peccat contra iustitiam, nec tenetur aliquid restituere, sed solum peccat contra aliam legem posituam id sibi prohibentem.

Confirmatur quia si aliàs Iudex proferret contra aliquem sententiam iustam ex odio, diceretur peccare peccato homicidij, quod tamen falsum est, cum non agat contra iustitiam, sed contra charitatem.

5. Hinc colligo solum Papam posse dispensare in irregularitate orta ex homicidio, & non Episcopum; quia, vt constat ex Tridentin. *sess. 24. de reformatione, cap. 6.* postquam ibi conceditur Episcopis posse ab omnibus irregularitatibus ex delicto occulto prouenientibus dispensare, excipitur illa quæ prouenit ex homicidio voluntario: verum tamen est, quod in homicidio casuali benè poterit Episcopus absolute dispensare, dummodo sit occultum, & non deductum ad forum exterius; cuius

G g ratio

ratio est; quia homicidium casuale distinguitur à Doctoribus contra voluntarium, quia illud est præter intentionem, vel saltem non directè volitum; Concil. autem Tridentinum *vbi supra*, præbet illi facultatem ad dispensandum in omni irregularitate proveniente ex delicto occulto, excepta homicidij voluntarij: Si verò tale homicidium casuale fuerit publicum, solum potest Episcopus dispensare, quoad recipiendos ordines minores, & beneficium simplex, vt docent DD. in *materia de irregularitate*; & ideo nos his super sedemus, quia *ibi* videri possunt.

6. Ad rationem dubitandi respondeo, Nauar. nihil tenere contra nostram sententiam, vel conclusionem; imò eam amplectitur, nam *num. 240.* definiens homicidium voluntarium, quod excipitur in privilegijs concessis à Papa Summo pœnitentiario, Commissario Cruciatæ, & religionibus, ait esse homicidium illicitum, & in se volitum; & explicat verbum illud, *illicitum*, consultò apponere ad differentiam eius, quod iustum est, quale est illud, quod ministri iustitiæ, aut milites in bello iuste faciunt.

Ad Tridentinum vero ex dictis patet quomodo sit intelligendum.

## CAPVT V.

*De privilegijs quæ in Bulla conceduntur contra ius commune, præsertim circa tempus interdicti, & circa cibos prohibitos.*

### DUBIVM I.

*Quomodo intelligatur privilegium de habendo domi Oratorio ad*

*celebrandam Missam, & an sit omnino necessaria licentia Ordinarij ad eam celebrandam ibi.*



1. **R**ATIÒ dubitandi est, quia in Bulla datur facultas ad celebrandum diuina officia in priuato Oratorio cū duplici conditione. Prima, quod sit ad diuinum cultum deputatum: secunda, quod sit ab Ordinario visitandum: ergo sicut non licet omittere primam conditionem; ita nec secundam, cum vtræque æqualiter exigat Summus Pontifex.

Respondeo, præsupponendo in prædicto privilegio fieri dispensationem illius legis, quæ habetur *capit. sicut non alij, de consecratione*, vbi illud prohibetur. Vide *Trid. sess. 22.*

2. Hoc supposito, dicendum est, quod ad gaudendum prædicto privilegio requiritur omnino iuxta mentem Pontificis, vt Oratorium sit tantum diuino cultui deputatum, non tamen opus est quod ante à principio fuerit deputatum, sed sufficit tunc deputari, nam profana recte possunt fieri sacra. Verum tamen est, quod si post talem deputationem alijs vñbus deferuiat, non licet in eo celebrare, nisi iterum diuino tantum cultui deputetur, quia cum per contrarium & longum vñum amiserit primam deputationem, indiget alia secunda, vt in eo celebretur.

3. Et quamuis non sit peccatum vti prædicto privilegio frequenter, & in magnis festiuitatibus, vt Pentecostes, Natiuitatis, & alijs similibus; nam *cap. si quis, de consecratione, dist. 1.* vbi id prohibetur, per contrariam consuetudinem est abrogatum, vt dicunt Sylu. *verb. Missa 2. quæst. 5. §. 1.* & Nauarr. *cap. 21. num. 5.* tamen non decet id frequenter fieri,

fieri, præcipue in prædictis solennitatibus, sed temperate ut prædicto privilegio: & minus decet celebrari in loco, ubi vxorati cubant; hoc enim cedit in irreuerentiam tanti sacrificij.

4. Conditiõ autem illa, quam requirit Bulla, ut scilicet Oratorium approbetur ab Ordinario, probabiliter censent nonnulli, quod satis intelligitur de Ordinario illius, vel alterius diocesis; nam si ad eligendum Confessarium pro referuatis, tenent nonnulli sufficere approbationem à quolibet Ordinario, ut ex dictis *cap. 2. dub. ...* abunde constat, etiam sufficet similis approbatio Oratorij ad celebrandum in eo.

5. Quod si contingat locum esse decentem, & idoneum ad arbitrium boni viri, & Ordinarius nolit illum approbare, nec facultatem præbere ad celebrandum in illo, potest certe compelli ad concedendam facultatem, quia non potest defraudare, & priuare subditum privilegio à Pontifice sibi concessio de habendo domi Oratorium; priuaret autem non concedendo licentiam. Imo qui vellet huiusmodi lites vitare, probabile satis videtur quod licite posset tunc uti prædicto Oratorio, & in eo celebrare per se, vel per alium, absque facultate Ordinarij; quia supposita decentia, & idoneitate loci ad arbitrium prudentis viri, cetera licentia iuste petita, & iniuste tunc ab Ordinario negata, ipso iure intelligitur concessa à Pontifice, ut in simili diximus *supra c. 1. & 3.* iuxta communem Doctorum resolutionem. Atque ex

his patet solutio ad rationem dubitandi supra positam.

## DUBIVM II.

*Quomodo intelligatur privilegium Bullæ concedentis facultatem ad audiendum Missam, vel celebrandum tempore interdicti in priuato Oratorio.*

1. PRO intelligentiâ huius dubij præsuppono, quod facultas ad celebrandum per se, vel per alium in Oratorio tempore interdicti, est speciale privilegium; nam sola facultas celebrandi in aliquo Oratorio, de qua dubio præcedenti egimus, non extenditur ad tempus interdicti, ut patet ex *cap. Alma mater, de sent. excomm. in 6.* nam de iure antiquo nullibi celebratur tali tempore, nisi pro Sacramenti Eucharistiæ renouatione; de iure autem nouo tantum conceditur celebrati in Ecclesia, & non in Oratorio.

Ratio ergo dubitandi in præsentem est, quia privilegium istud operatur multum contra ius commune, quoniam in *cap. sicut non alij, de consecratione, dist. 1. & cap. Episcoporum, de privilegiis*, habetur quod celebrantes extra Ecclesiam ingressu Ecclesiæ priuentur; quibus omnibus iuribus derogat prædictum privilegium, atque adeo non debet extendi amplius, quam sonant eius verba, ut constat ex *cap. porro, de privilegiis*: Ergo talis facultas non poterit extendi ad audiendum Missam, vel celebrandum in Ecclesia, cum solum dicatur dari ad audiendum illam in priuato Oratorio; Ecclesia autem non est priuatum Oratorium, sed publicum templum.

2. Respondeo tamen prædictum privilegium, non solum concedere facultatem ad audiendum Missam, vel celebrandum in priuato Oratorio, sed etiam in Ecclesiis. Ita docent commu-

niter recentiores cum Henriq. lib. 13. c. 47. fol. 1228. lit. T. ubi ait ita declarasse olim Commissarium Cruciatæ Episcopum Lucensem, idque tenere plures Theologos, & Iuristas consultos.

3. Et probatur, quia audire Missam, aut communicare tempore interdicti in priuato Oratorio, est magis contra ius commune, quam eadem facere in Ecclesia. Ergo rationabiliter præsumi potest, quod ibi etiam concedatur hoc secundum, cum sit minus, quam primum. Consequentia patet euidenter, quia cui licet plus, vtrique quod est minus intra eandem materiam, ex tuta regula iuris in 6. Antecedens probatur, quia audire diuina in Oratorio tempore interdicti, continet duas dispensationes. Alteram contra legem, quæ habet, ne audiantur diuina tempore interdicti; Alteram, qua prohibetur fieri sacra extra Ecclesias & Monasteria, vt habetur in cap. Alma mater. Ergo magis est contra ius commune audire Missam tempore interdicti in priuato Oratorio, quam in Ecclesia.

4. Aduertere tamen oportet, quod prædicto priuilegio non potest vti ille, qui dedit causam interdicto, vel impedit ne tollatur, vt aliis citatis notat Henriq. lib. 9. de Missa, c. 25. lit. V. & habetur expresse in Bulla latina. Imo idem Author lib. 13. cap. 48. addit, id quod exigit Bulla, scilicet vt adstantes in Oratorio faciant aliquas preces pro vniõne Christianorum Principum, non esse conditionem, sine qua non liceat celebrare, aut communicare in Oratorio, quod nobis etiam placet, quia id est magnū priuilegium, recitare vero bis orationem Dominicam vel Angelicam, est quid leuissimum: Ergo non est credendum Papam voluisse, eo omisso, priuilegium annullare. Et præterea, quia, vt constat ex verbis eiusdem Bullæ, id imponitur vt nouum

mandatum superadditum prædictæ concessioni, non vero vt conditio illius, & cum sit de re leuissima, non erit mortale, vt notat Rod. §. 5. num. 4. imo nec veniale si quis obliuiscatur.

5. His omnibus addo primò, pro maiori intelligentia prædicti priuilegij, quod prædicta facultas Bullæ valet etiam tempore interdicti apostolici, nisi aliud exprimat in Bulla, vt docent communiter recentiores, cum Henriq. ubi supra. Addo secundò, non licere, quamuis quis habeat Bullam, audire Missam tempore interdicti in Ecclesia specialiter interdicta. Ita D. Anton. 3. p. sit. 26. cap. 1. §. 2. Angel. interdictum 6. quest. 1. & alij, & ideo in Bulla latina dicitur, in Ecclesiis, in quibus alias permissum fueris celebrare. Tandem addo, quod nomine Ecclesiæ quoad præsens intelliguntur Monasteria, imo, & hospitalia, dum fuerint facultate Episcopi erecta, & denique alia omnia Eremitalia, & sacella, in quibus licitum est celebrare; quod satis deducitur ex Bulla latina, iuxta communem explicationem.

6. Ad rationem autem dubitandi, respondeo quod etiam Oratorium per Episcopum approbatum vocatur in iure Ecclesiæ, vt docent Couar. Alma mater, 2. p. §. 4. num. 4. & Henriq. lib. 7. §. 13. fol. 514. Vnde tale Oratorium gaudet immunitate Ecclesiæ, teste Henriquez, pro quo ibi multos addunt Doctores, videte illum.

### D V B I V M III.

*Quomodo intelligatur facultas Bullæ concedentis, vt non solum habens illam, sed etiam eius familiares, domestici, & consanguinei possint diuinis interesse.*

1. **N** Auar. statim citandus ait, quod licet in aliis materiis, nomine familia

familiarium, & domesticorum intelligantur mulier, filij, nepotes, serui, & famuli eidem subiecti, qui ratione potestatis paternæ, ac dominij degunt cum illo, iuxta glos. & determinationem Aret. & Felii in *cap. in litteris, de testibus*. in casu tamen interdicti non sumitur aded latè iuxta Anchar. *cap. licet*. Vnde ipse existimat illos tantum sub nomine familiarium, ac domesticorum intelligi respectu alicuius, qui eum de more comitantur. Quapropter iuxta hanc opinionem esto maritus habeat Bullam, vxor tamen non potest virtute illius audire Missam; & posset assignari ratio, quia familiares, & domestici idem polent, secundum communem acceptionem, quod serui, & famuli; sed vxor non venit intelligenda nomine seruæ, aut famulæ. Ergo, &c.

2. Respondeo nihilominus nomine familiarium intelligi vxorem, filios, nepotes, seruos, & famulos, vt contra Nauar. docent Rodr. *5. 5. num. 5. Syluest. verb. familiaris*, Angel. *verb. familia in principio*. Duenaz *regula 34*. licet aliter sumatur familia à Couar. *3. variarum cap. 5. num. 4. col. 2*. Imo etiam illo verbo existimo comprehendere vxorem, & maritum, quia isti sunt sibi inuicem maxime familiares, & domestici, cum iam non sunt duo, sed vna caro. Imo etiam comprehenduntur familiares, qui non habitant domj; quia sufficit esse commensales ex expensis suorum dominorum, licet non habitent cum eo. Nam hæc morali modo accipienda sunt, & non eum rigore metaphysico.

3. Verum tamen est prædictum priuilegium non esse intelligendum pro Ecclesia de omnibus domesticis, sed solum de illis, qui secundum statum persone ipsam ad diuina audienda solent comitari, vt docent Nauar. *loco cit.* Sot. in *4. disp. 22. q. 3. art. post quartā cōclusionem*, quod est satis cōforme rationi,

quia multi sine comitatu, non possunt decenter ad Ecclesias ire, vt ait glos. *c. licet, de priuilegiis*; quam vt solennem commendat Decius *c. cum ordine, de rescriptis*. qui etiam monet cum glos. *d. c. licet*, non esse plures familiares ad Ecclesiam deferendos, quam consuetos, quod etiam admonet Sot. & Nauar. *ubi supra*.

Pro audienda verò Missa, in Oratorio ampliori modo intelliguntur familiares, & domestici, scilicet in lata illa acceptione, vt includit vxorem, filios, & omnes famulos. Et ratio disparitatis est, quia licet priuilegium sit strictè interpretandum, iuxta textum in *c. porro, de priuilegiis*, non tamen ita strictè, vt nihil operetur, quia sic esset inutile. Cum ergo datur priuilegium audiendi Missam in Ecclesia, si cum solita decencia, & comitatu, non posset ire persona illa, fieret inutile priuilegium, & inane, cum nullus eius esset vsus, nec deceter posset esse, & ita extendendū est ad solitos concomitantes. In alio vero casu de Oratorio, si nō extenderetur ad omnes domesticos indifferenter, inutile esset, cum nō sit maior ratio vnius, quā alterius. Quare vt aliquid operetur, extendi debet ad omnes illos. Addunt tamen, & bene, Nau. Sot. Syl. Ang. & Medina *supra*, non posse cum Domino priuilegiato audire Missam familiares fraudulentè ad hoc receptos, vt constat ex *c. vitium, de verb. signific. in 6*.

4. Vbi obiter etiam aduerto cum Calderino *tractatu de interdicto*, quod Clericus qui etiam sine Bulla potest celebrare tempore interdicti, potest dicere Missam ministrante famulo laico, esto careat Bulla, siue sit receptus ante, vel post interdictum, & in eius locum si ægrotaret, posset sumere alium etiam mere laicum. Tolet. *lib. 1. c. 20*. Auila, Nau. & alij per Bonac. citati *de cens. disp. 5. punct. 4. num. 22*. Quod

aliqui limitant, nisi posset accipere ministrum Clericum, de quo vide Mandosium in *praxi signatura*, tit. *altare*, fol. 74. Couarr. *cap. Alma mater*, 2. part. 4. §. num. 9. *illatione* 11. & Dueñas *regula* 350.

5. Quod si quispiam quærat quid intelligatur nomine consanguineorum in Bulla? Multi dicunt solum intelligi consanguineos usque ad quartum gradum, non vero uxorem, vel affinem aliquem. Rodr. vero in *Bulla*, §. 5. num. 5. dicit intelligi uxorem, filios, & filias, patrem, & matrem, & totam cognationem, licet Bulla careant; & hoc nobis videtur vero similis. Id autem quod notat ipse Rodr. nimirum Missam celebrari non posse coram familiaribus, aut consanguineis, nisi ipso domino præsentente, non placet quibusdam iunioribus, quia Bulla concedit posse celebrari in sua, ac familiarium, & domesticorum, nec non consanguineorum suorum præsentia: ergo sicut posset celebrari in sola præsentia domini, non obstante illa particula copulativa, & ita etiam in sola præsentia famulorum, maxime habentium Bullam. Henriq. tamen oppositum docet *lib. 7. cap. 13. fol. 514.* & citat pro se Rodr. *vbi supra*, additque id consentaneum esse Bullæ, verum nobis utrumque videtur satis probabile.

6. Ad rationem vero dubitandi respondetur, quod licet nomine famulorum, non veniat intelligenda vxor, bene tamen nomine familiarium in rebus favorabilibus propter rationem in nostra conclusione assignatam.

*An qui tempore interdicti ex privilegio Bullæ potest audire Missam in diebus festis, teneatur sub mortali illam audire.*

1. Partem negantem tuentur quidam Iuniores cum Victoria, Cano, Mancio, Fratre Ambrosio Salazar, & Sancio olim Episcopo Segobienfi, & Michaële de Palac. & alijs relatis ab Henriquez *lib. 13. cap. 48. num. 5. incomm. lit. D. & lib. 9. de Missa, cap. 15. num. 11. incomm. lit. X. Llamas sum. part. 3. cap. 5. §. 12. Ledesma sum. part. 1. tract. de Euchar. cap. 27. Alter, de cens. tom. 2. disp. 2. de interdicto, cap. 3. sine, pag. 319.* & fauet vehementer Syllu. *verbo privilegium*, §. 10. *versic. 5.* & nouissimè Conineck *de interdicto, disp. 17. dub. 2. num. 28.* sequutus Auilam *p. 5. disp. 4. sect. 6. dub. 6.*

2. Et probari potest primo, quia tempore interdicti cessat præceptum audiendi Missam, vt de se constat; sed per Bullam nemini imponitur præceptum audiendi Missam illo tempore, aliàs per acceptionem Bullæ imponeret quis sibi nouum onus, nouumque præceptum: ergo habens Bullam non tenetur sub mortali audire Missam tempore interdicti. Dices, non imponi nouum præceptum, sed tolli impedimentum, quod obstabat ad audiendam Missam, quo ablato præceptum obligat, sicut antea. Sed contra, quilibet potest renunciare privilegio, & iuri suo, cum id non cedit in præiudicium tertij: ergo qui tempore interdicti habet privilegium audiendi Missam, poterit renunciare tali privilegio, & licite tunc omittere Missam.

3. Secundò, quia vt constat ex *regula iuris* in 6. quod in gratiam alicuius conceditur, non debet in eius dispensationem retorqueri; sed si habens Bullam obligat

obligaretur audire Missam tempore interdicti, iam gratia illi concessa retorqueretur in dispendium, & odium illius, cum certe ratione Bullæ gratia responderet nouæ obligationi; ergo habens Bullam, non tenetur sub mortali audire Missam tempore interdicti. Dices, facultatem ad audiendam Missam nulla ratione censendam esse in odium; sed fauorem, & sic potius cederet illud priuilegium in fauorem, quam in dispendium priuilegiati. Sed contra, quia licet facultas ad audiendum tunc Missam cedat in fauorem, tamen obligatio sub mortali ad audiendum illam, vere cedit in odium, cum sit speciale & graue quoddam onus; tum quia priuilegium non imponit necessitatem, cum non derur ad compulsionem, sed ad fauorem: ergo licet habens Bullam possit licite audire Missam tempore interdicti, non tamen necessario ad id tenebitur sub mortali, alias certe facultas Bullæ non esset vere priuilegium, quia priuilegium est priuatius contra ius commune, quo possumus uti cum volumus, ut constat ex titulo de verb. significat. & ex his quæ ibi notatur iurisperiti: ergo licet possit ille tempore interdicti audire Missam, non tamen ad id tenebitur sub mortali.

4. Tertiò, quia non habens Bullam, non tenetur sumere illam pro audienda Missa tempore interdicti: ergo nec qui habet illam tenetur ea uti ad prædictum effectum. Paret consequentia, quia sicut nullum est præceptum obligans ad sumendam Bullam in ordine ad licite audiendum Missam tempore interdicti, ita nullum datur præceptum de utendo tunc Bulla iam sumpta ad effectum audiendi Missam; alias etiam obligaretur quis tempore interdicti ad sumendam Bullam, cum commodè illam sumere posset, quia quilibet tenetur fa-

cere moralem diligentiam, quam commode exhibere potest ad implendum diuinum aut Ecclesiasticum præceptum.

5. Verum licet hæc sententia videatur probabilis, opposita tamen est probabilior, & magis pia, quam ut certam defendunt Sot. in 4. dist. 13. quest. 2. art. 1. & dist. 22. q. 3. artic. 1. & fauet ibi D. Thom. idem Summa Confessorum, fol. 189. Med. 1. summa, cap. 14. §. 4. fol. 199. Rodriq. in Bulla, §. 5. num. 6. Henriquez ubi supra, lib. 9. de Missa, cap. 25. fol. 829. ubi ait esse communiorem Thologorum, & Iuristarum, tam Salmanticensium, quam Complutensium, pro quo etiam plures citat lib. 7. de Indulgentiis, cap. 23. n. 3. & litt. I. Villalobos tom. 1. tract. 19. dub. 5. num. 14. Sancius in selectis, disp. 15. Acosta in Bulla, q. 28. Nugnus in 3. p. som. 2. q. 83. art. 6. Bonac. de cens. disp. 5. punct. 4. n. 19. Barbosa in collect. som. 2. lib. 5. tit. 3. cap. 25. n. 7. Tannerus in 2. 2. disp. 5. q. 6. dub. 2. n. 25. & Fernandez in exam. Theolog. mor. part. 3. cap. 9. §. 3. n. 1. Alij etiam cum Henric. referunt pro hac sententia Nau. cap. 21. n. 3. & Cou. cap. Alma mater, 2. p. §. 4. n. 3. sed nihil sanè in his locis apud hos DD. reperio; referunt etiam Sylu. ubi supra, sed magis sine dubio fauet oppositæ sententiæ. Probatur ergo ratione.

Primò, quia ille ex præcepto Ecclesiastico tenetur audire Missam die festo, & potest illam audire; ergo non audiendo peccabit, atque adeo tenetur audire.

6. Dices, quod ille tempore interdicti non tenetur audire Missam, quia pro tunc nulla est lex ad id obligans, imo est lex obligans ad contrarium. Sed contra, quia non alia ratione ille non obligatur eo tempore audire Missam, nisi ob impedimentum interdicti, sed per priuilegium Bullæ tollitur huiusmodi impedimentum; ergo tunc confurgit, & quasi reuiuiscit obligatio præcepti de audienda Missa.

Dices,



Dices, quod licet priuilegium Bullæ concedat facultatem ad tollendum illud impedimentum, tamen quod talis facultas reducat ad actuale exercitium, ita ut cum effectu tollat illud impedimentum, dependet à libera voluntate priuilegiati, qui pro libito potest uti, vel non uti suo priuilegio, & consequenter omittere Missam. Sed contra, quia non uti tunc illo priuilegio, esset aperte in fraudem præcepti de audienda Missa, cum recte posset illud tunc implere, & malitiose illud omittat. Ergo renetur tempore interdicti non omittere.

7. Secundò, quia aliàs sequeretur, quod Clerici non tencerentur audire Missam tempore interdicti, cum etiam id habeant ex priuilegio, cui licet vnicuique renunciare; quod tamen est aperte, non solum contra Ioannem Andream *cap. final. de sententia excom.* Sed contra vsum, & receptissimam consuetudinem, quæ iam vim legis habet. Dices non esse simile, quia Clericus non potest renunciare priuilegio exemptionis sine licentia Papæ, eo quod talis renunciatio tangit ius superioris, & præiudicaret Ecclesiasticæ libertati, ut docent DD. communiter cum Sylu. *verb. priuilegium, quest. 10. versicul. 8.* Sed contra, sit casus quod mere sæculati incarcerato iudex concedat priuilegium foras exeundi diebus festis, certe iuxta oppositam sententiam ille posset renunciare tali priuilegio, & velle in carcere manere, hoc autem est aperte falsum, quia ille tenetur, & potest audire Missam. Ergo non audiendo peccabit, quia quod antea excusabat, ab eo præcepto, erat impotentia exeundi foras. Ergo illa ablata non excusatur à mortali, si illam non audiat.

8. Tertiò probatur, quia ex opposita sententia sequeretur, quod si quis habens Bullam existeret in articulo

mortis, & adessent tunc duo Sacerdotes, alter simplex, alter approbatus, posset tunc pro libito confiteri simplici peccata reservata, omisso approbato, quia posset renunciare priuilegio Bullæ concedentis illi facultatem ad eligendum sibi approbatum: hoc autem licet concedat Rodr. in Bulla, §. 9. *mem. 36.* est tamen omnino falsum; ut supra ostendimus *cap. 3. dub. 8.* quia quilibet præcepto Ecclesiastico tenetur confiteri, etiam in articulo mortis, Confessario approbato, si adest: à quo præcepto neminem eximit Bulla. Unde si in tali articulo potest absolvere simplex, id solum est in defectu approbati, non illo præsentem: sequeretur etiam præterea, quod si quis in fine anni non possit confiteri proprio Parocho, urgente Ecclesiæ præcepto, posset renunciare priuilegio Bullæ, concedenti illi facultatem ad confitendum cuilibet approbato, & sic licite posset non confiteri illo anno, quod est aperte absurdum. Ex quibus omnibus colligo eandem obligationem audiendi Missam tempore interdicti comprehendere omnes illos, qui alieno priuilegio gaudent, ut familiares, domesticos, & reliquos de quibus supra.

9. Ad primum bene respondetur ibi; ad replicam autem dicimus, quod licet per se loquendo, vnicuique liceat suo priuilegio renunciare, aliquando tamen per accidens contingit non licere, quia ex tali renunciatione sequitur violatio alterius præcepti, à cuius obseruatione non eximit ipsum priuilegium.

10. Ad secundum bene respondetur ibi; ad replicam autem respondeo, utramque probationem nihil conuincere, quia priuilegium ipsum de se non inducit obligationem audiendi Missam, & consequenter non imponit aliquod onus, sed solum aufert id quod impediebat ne ille esset obligatus audire Missam,

Missam. Et si obiciās, quia hoc ipsum quod est tollere impedimentum, quo ablato inducitur antiqua obligatio, est consecutivè imponere ipsum onus obligationis. Respondeo, quod privilegium, si res bene perpendatur, non tendit ad tollendum tale impedimentum formale, ut impedimentum est, quia ut sic præsupponit obligationem præcepti audiendi Missam tempore alias prohibito, quod aperte tibi constabit, si singas reliquis omnibus eodem modo manentibus, in eo solum fieri mutationem, quod nullum procul esset præceptum audiendi Missam, certe tunc clare constat quod privilegium concedens facultatem audiendi Missam tempore interdicti, concederet quidquid modo concedit, quia concederet posse interesse sacris, in quo solo consistit ratio huius privilegij, & tamen tunc auferret illud impedimentum, quo ablato induceretur obligatio audiendi Missam. Ergo nec in odo illud aufertur formaliter, sed mere materialiter, quatenus præbendo facultatem ad assistendum sacris tempore interdicti, consequenter tollit id quod obstabat, ne iste obligaretur præcepto sibi imposito; quare privilegium ipsum vere operatur, ut privilegium ibi, nec aliquam imponit per se, & ex intentione necessitatem; nec onus obligationis, sed mere materialiter, & per accidens duntaxat.

11. Ad tertium concedo antecedens, & nego consequentiam, & ad probationem iam dixi, quod absolute, & per se nemo obligatur uti Bulla, quam habet, bene tamen per accidens iuxta dicta ad primum & secundum. Nec propterea sequitur id quod apparenter videbatur ibi inferri, nempe quod qui posset Bullam sumere tempore interdicti, teneretur id facere ad audiendam Missam, quia nemo tenetur, quando

illi non incumbit, tollere impedimentum ab Ecclesia impositum ad audiendam Missam.

D V B I V M V.

*Quomodo intelligatur privilegium Bulla concedentis facultatem recipiendi Eucharistiam, & alia Sacramenta tempore interdicti, præterquam in die Paschatis.*

1. **R**atio dubitandi est, quia videtur ibi Pontificem prohibere in die Paschatis, non solum Eucharistiam, sed etiam confessionem, & receptionem aliorum sacramentorum. Confessio autem non est prohibita iure communi tempore interdicti, ut ex cap. *Alma mater* constat. Ergo talis concessio non est privilegium, sed restrictio iuris communis.

Respondeo tamen habentem Bullam posse tempore interdicti accipere Eucharistiam, præterquam in die Paschatis, & alia item Sacramenta, etiam in die Paschatis. Ita intelligunt communiter DD. aliis non esset privilegium, ut recte colligit argumentum pro ratione dubitandi factum. Hoc autem modo intellecta facultas est magnū privilegium, quia tempore interdicti, licet aliqua Sacramenta recipi possent, non tamen Eucharistia, nisi in articulo mortis per modum viatici, nec ordo, aut extrema unctio, ut docent Ledesma 2. p. 4. q. 26. ar. 2. fol. 262. Nau. c. 27. num 172. Rodr. §. 5. num. 4. & 7. Conar. cap. *Alma mater*, p. 2. §. 2. n. 7. §. 3. per totum. Vbi notat etiam cum multis, quod nec Sacerdos potest, cum sanus est, accipere Eucharistiam tempore interdicti sine Bulla, nisi simul celebret, & ita similiter non potest Clericus tempore interdicti extremam unctionem sumere sine Bulla, cum illa

H tamen

tamen vtrumque posset; ita Henric. lib. 7. cap. 13. fol. 515. pro quo refert plures Doctores lit. Q. Priuilegium autem recipiendi Eucharistiam in Ecclesia, recte grauissimi recentiores extendunt ad recipiendum illam in Oratorio, & non solum in Ecclesia. Ita Henric. ibidem contra Ledesnam, quem ibi refert dicentem id non expedire.

2. Ex quibus colligo. Primò, quod illa particula quæ ponitur in Bulla, *preterquam in die Paschæ*, non cadit supra omnia sacramenta, sed supra solum Eucharistiam, ita vt solum velit quod communio, qua impletur præceptum Ecclesiæ, non sit conferenda in Oratorio, vt docet Sylu. *Eucharistia* 3. §. 4. & *excommunicatio* 7. §. 14. & Henriquez *ubi supra*. Vnde fit, quod qui habet Bullam, non tenetur proprio Sacerdoti confiteri, sed sufficit cuicumque ex approbatis. Sensus igitur illius clausulæ est, quod licet possit habens Bullam recipere sacramenta, quando placuerit, & vbicunque placuerit, excipitur tamen dies Paschæ, in quo non datur facultas ad communicandum, ea communione, qua implendum est Ecclesiæ præceptum, bene tamen alia, vt si iam impleisset prædictum præceptum, vel postea impleturus sit.

Secundò colligo, quod hoc ipso, quod in Bulla, vel alio priuilegio datur facultas ad recipiendum Eucharistiam in Oratorio, tempore interdicti, potiori ratione conceditur posse illam recipere in Ecclesia. Ita Gallus, Bafiez, Lud. de Leon. Deza, & Episcopus Lucensis Commissarius Bullæ, quos refert & sequitur Henriquez *ubi supra*, qui etiam aduertit lib. 7. cap. 13. fol. 519. per Bullam concedi facultatem ad recipiendam Eucharistiam, à quocunque Sacerdote rite ministrante, quamuis non sit approbatus in Confessarium,

quod alias, sine priuilegio non liceret, vt ibi ostendit, & tenent etiam Vasq. tom. 3. disp. 219. cap. 7. num. 56. & Filliuc. tom. 1. tract. 4. cap. 9. num. 263. Ad rationem vero dubitandi satis patet ex dictis.

3. Sed quæres, quid nomine diei Paschæ hoc loco intelligatur, id est quid de iure, & quid de consuetudine. Atque in primis obserua teneri fideles cum ad annos discretionis peruenerint, semel singulis annis in die Paschæ Eucharistiam sumere: Ita habetur ex cap. *omnis vtriusque sexus*, de pœnit. & remiss. limitatur autem ibidem, nisi proprii Sacerdotis consilio ob aliquam rationabilem causam ab huiusmodi perceptione ad tempus duxerint abstinendum, alioquin viuui ab aditu & ingressu Ecclesiæ arceantur, & mortui ecclesiastica cateant sepultura, atque idem definit Tridentinum sess. 13. can. 9. vnde Panor. ad prædictum cap. *omni*. arbitrari nomine Paschæ, ibi intelligi duntaxat ipsum diem Dominicæ Resurrectionis cum duobus proxime seqq. Addit tamen huic præcepto satisfacere illum, qui feria 5. præcedenti Eucharistiam sumeret, idque ob consuetudinem receptam, quæ sic illud interpretatur.

4. Cæterum quia adeo breui temporis intervallo, præsertim in populis valde numerosis, vix, aut nullatenus possent omnes communicare, declarauit Eugenius IV. nomine Paschæ intelligi quoad hunc effectum, spatium 15. dierum, computandum à Dominica Palmarum, vsque ad Dominicam in albis inclusiue, vt refertur Maior in 4. dist. 17. quest. 1. D. Thom. etiam in 4. dist. 13. quest. 3. art. 4. Caiet. verb. *communio*. Syluest. *Eucharistia* 3. num. 6. Tabiena verb. *communicare*, num. 18. Nauar. in Man. cap. 21. num. 45. Henriquez lib. 8. de Enchar. c. 55. Azorius 1. p. lib. 7.

DUBIUM VI.

*An quia possit die Paschatis, saltem ex deuotione communicare in Ecclesijs Regularium, absque Parochi licentia.*

p. lib. 7. cap. 41. quæst. 2. Regin. lib. 29. num. 74. Rodr. in Bulla, §. 5. num. 9. & alij, quos refert Bonacina quæst. 7. diff. 4. punct. 2. num. 6. Hinc qui intra prædictum tempus, & nullo interueniente legitimo impedimento, hoc præceptum culpa sua non impleuerit, pœnas d. cap. omnis, impositas incurrit, post laram Iudicis sententiam, & non prius, vt notat Suar. tom. 4. diff. 36. num. 2. & post illum Fagundez 3. præcepto, lib. 1. cap. 5. n. 3. hæc de iure.

5. At de consuetudine & priuilegio potest aliud esse: nam consuetudo potest ius commune interpretari, & aliquando contra ipsum præualere. Vnde fere per totam Lusitaniam satisfieri huic præcepto, si Eucharistia sumatur in quolibet die Quadragesimæ, testatur Nauar. ibidem. Beja in 4. p. casu 4. initio, & Fagundez citatus; imo in tota Hispania iam hoc esse legitima consuetudine receptum, affirmat Azor. supra quæst. 4. & Rodr. loco cit. qui insuper addunt, id ipsum testatum fuisse à Laurentio Episcopo Prænestino Cardinali sanctorum 4. Coronatorum, quod sic declarauerit Clem. VII: Hæc autem declaratio continetur in Compendio priuilegiorum Ordinum Mendicantium, & non Mendicantium, vt notat Fagundez.

6. Ex dictis igitur constar, nomine diei Paschatis hoc loco intelligi communionem Paschalem, etiam si fiat quouis alio die ex prædictis. Vocatur autem sic communio obligatoria, tum quia vt plurimum in die Paschatis fieri solet; tum quia per communionem quouis die ex prædictis factam potest satisfieri communioni de iure faciendæ in die Paschatis.

1. **C**ommunis sententia tenet, eo die nec ex deuotione, nec ex obligatione posse quempiam communicare, nisi in propria Parochia, vel alibi de speciali Parochi licentia. Ita Nauar. in Man. cap. 21. num. 52. Cardinalis Clementina 1. de priuileg. quæst. 11. Henriquez lib. 8. de Eucharistia cap. 55. num. 1. lit. B. Azor. tom. 1. lib. 7. cap. 41. quæst. 6. Sorus in 4. diff. 18. quæst. 4. art. 2. Rodr. in Bulla, §. 5. num. 10. & in sum. hispana tom. 1. cap. 67. num. 3. Sorbus in annot. super compend. §. communicare, & alij. Ducuntur primò, quia in d. cap. omnis virisque sexus, decernitur, vt quisquis à proprio Sacerdote Eucharistiam in die Resurrectionis percipiat: cum igitur ad proprium Sacerdotem sit accedendum, consequenter ad propriam parochiam accedete oportet; vel si in alia, de licentia proprii Sacerdotis, & non aliter id conceditur ibidem.

2. Secundò, quia cum Nicolaus V. & Sixtus IV. concefferint omnibus Generalibus, & Prouincialibus, Ministris, & cunctis Confessoribus Ordinis Minorum per suos Superiores deputatis ad confessiones secularium audiendas, vt omnibus quarumcunque diœcesum, quorum confessiones audierint, sacratissimi Corporis Domini communionem dare possent quocunque tempore, excipiūt tamen præterquam in die Resurrectionis Dominica. Ita habetur in lib. Monumenta Ordinum, in 1. impres. fol. 30. in 2. 144. concess. 249. & in supplem. fol. 38. concess. 159. Simile concessionem, & cum

H h 2 eadem

eadem exceptione fecit Leo X. quodam  
vinæ vocis oraculo athenico, de quo  
habetur in *supplem. ordinis. fol. 58. concess.*  
160. Addit autem ibi Leo X. quod licet  
confessiones seculariū audite nequeat,  
nisi in præcedentibus indultis nomina-  
ti, ministrare tamen sacrum Eucharis-  
tiæ Sacramentum tempore concessio,  
possit quilibet Sacerdos Religionis:  
itaque esto virtute harum cōcessionum  
non subiaceant iam Religiosi pœnæ ex-  
communicationis Summo Pontifici re-  
servatæ, quæ per *Clem. 1. de priuil.* fere-  
batur contra ipsos, ne Clericis, aut lai-  
cis Sacramentum extremæ vñctionis,  
vel Eucharistiæ ministrare possent abs-  
que Parochi licentia speciali; semper  
tamen manet in vigore exceptio illa, ne  
id faciant in die Resurrectionis Domi-  
niæ, & consequenter videtur id esse il-  
lis omnino prohibitum.

3. Hanc opinionem limitat primò  
Navarr. *supra*, non esse intelligendam  
respectu eorum, qui hoc Sacramentum  
acciperent, vel ministrarent, cum eius-  
modi essent personæ, tempus, & cau-  
sæ, vt viri prudentis arbitrio credi pos-  
sit Parochum fore contentum, ob taci-  
tam facultatem, quam tunc videtur  
concedere. Idem sentiunt Henric. cita-  
tus in *com. lit. B. sine.* Sotus *art. 3. Sylu.*  
*verbo Euchar. 3. §. 4. & verb. excom. 7. ca-*  
*sus 14. Ledesma 2. 4. q. 3. art. 3. & Rodr.*  
*loco cit.* unde hæc deducitur differentia  
inter Sacramenta pœnitentiæ, & ma-  
trimoniij ex vna parte; & Sacramenta  
Eucharistiæ, & Extremæ vñctionis ex  
alia, quod in his sufficit licentia præ-  
sumpta, & rati habitio de futuro, in illis  
autem semper requiritur, quod licentia  
præcedat, vel saltem sit rati habitio de  
præsentī. Et ratio est, quia in Sacra-  
mento pœnitentiæ, & matrimoniij, sub-  
stantia, & validitas actus pender ex iu-  
risdictione, itavt sine illa valide non  
fiant: at substantia, & validitas Eucha-

ristiæ, & Extremæ vñctionis non pen-  
det ab huiusmodi iurisdictione; atque  
ideo, si sine tali iurisdictione conferan-  
tur, peccabant conferentes; valide ra-  
men conferent, à peccato autem execu-  
santur, dum tacita adest Parochi licen-  
tia, vt notat Fagundez *num. 11. securus*  
*Rodr. tom. 1. qq. regul. quest. 56. art. 3. ante*  
*medium.*

4. Limitant secundò DD. statim ci-  
tandi, vt non intelligatur de aduenis,  
peregrinis, & vagabundis, quibus nulla  
est propria Parochia, & consequenter  
possunt in Ecclesiis Mendicantiū quo-  
cunque tempore, etiam in die Pascha-  
tis communicare, tam ex deuotione,  
quam ex obligatione præcepti. Ratio  
est, quoniam cum careant Parochis, &  
Parochia, videtur etiam quod cesset in  
illis tota ratio prohibitionis, quæ erat,  
vt saltem tunc omnes suum agnoscerent  
Pastorem, eidemque obedientiam  
quodam modo præstarent: ita docent  
vbi *supra*, Henriquez, Sotus, & Rodr.  
quos citat, & sequitur Fagundez *n. 10.*  
& est communis.

5. Secunda opinio extrema tenet;  
posse fideles in Ecclesiis Regularium  
quouis tempore, etiam in die Pascha-  
tis communicare, non solum ex deuo-  
tione, sed etiam ex obligatione præ-  
cepti, etiam repugnantibus Parochis;  
ac proinde satisfacere præcepto illos,  
qui in Regularium Ecclesiis animo im-  
plendi illud, communicant, quocun-  
que tempore ad huiusmodi effectum as-  
signato, vel à iure, vel à consuetudine:  
ita Beja *4. par. casu 4.* vbi id latè probat:  
videtur inclinare Rodr. *tom. 1. qq. regul.*  
*quest. 56. art. 3. §. 3.* circa quas concessio-  
nes annuit etiam Fagundez *supra n. 13.*  
vbi pro hac opinione refert Sorbum in  
*compendio*, sed euidenter tenet priorem  
sententiam. Sentiunt igitur præcitati  
aucthores posse fideles, tam in die Pa-  
schatis, quam in quouis alio die totius  
anni,

anni, communicare in regularium Ecclesiis, tam ex deuotione, quam ex obligatione præcepti; & sic communicantes nullas incurrere pœnas à iure, vel constitutionibus diœcesanis impositas, si ostensa schedula probent in regularium Ecclesiis communicasse.

6. Ducuntur primò ex priuilegio Iulij II. concedentis Fratribus Ordinis Minorum, vt in Ecclesiis suis, quoties opus fuerit, possint ministrare, & ministrari facere Sacramentum Eucharistiæ, curialibus, mercatoribus, peregrinis, & transeuntibus, ac aliis quibuscunque personis; habetur autem dictum priuilegium in *compend. §. communicare, n. 13.* ar in eo priuilegio nulla sit exceptio, nec temporis, nec personæ: igitur quouis anni tempore, & consequenter etiam in Paschate, possunt fideles omnes in Ecclesiis regulariū communicare. Cuncti autem regulares per communicationem eodem priuilegio gaudent. Et fauet quod addit Fagundez citatus, nempe se accepisse à viris religiosissimis nuperrimè ita fuisse iudicatum in causa, quam fratres Minores discalcari ex prouincia Pietatis cum quodam Parocho hac de causa habuerunt.

7. Secundò, id probatur ex alio priuilegio per Nicolaum V. concessio Monasterio B. Mariæ de Guadalupe ordinis D. Hieronymi sub anno Domini 1438. & habetur in *compend. priuilegiorum eiusdem ordinis, §. 1. & 6.* quo priuilegio conceditur, quod Religiosi ipsi in dicto Monasterio possint liberè, & licitè ministrare, etiam in die Paschatis, Sacramentū Eucharistiæ quibuscunque personis ad prædictum Monasterium confluentibus, Diœcesanorum aut Parochorum licentia minime requisita. Et Cardinalis Antonius summus Pœnitentiarius Pauli III. annò primo sui Pontificatus, de eiusdem Pontificis speciali mandato, viuæ vocis oraculo su-

per hoc ei factò, indulsit, vt priuilegium istud extendetur ad Capellas, Oratoria, & loca alia eiusdem Monasterij, & sic præcepto Ecclesiæ satisfacere, non obstantibus aliis quibuscunque: & quamuis hoc priuilegium foras fuisse concessum prædicto Monasterio de Guadalupe, quia ob maximam deuotionem, quam gentes erga Deiparæ Virginis imaginem, in maiori illius templi altari collocatam, gerunt; vndique magnus fidelium numerus illuc confluere solet; per concessionem tamen Pij I V. & Pij V. hæ, & similes concessionem factæ sunt communes omnibus eiusdem ordinis Monasteriis, esto in illis non militent eadem causæ, ob quas fuerunt indulgæ Monasterio de Guadalupe, vt latè ostendit Rodr. citatus. Cum igitur hoc priuilegiū sit iam omnibus dicti ordinis Monasteriis commune, sequitur manifestè eodem priuilegio posse frui Monasteria ordinum Mendicantium, & aliorum, qui suorum priuilegiotum habent plenissimam communicationem, & cōsequenter absque vllò peccati censuræ timore, posse Regulares in suis Ecclesiis ministrare Eucharistiæ Sacramentum cunctis fidelibus, etiam in die Paschatis, nulla Parochi licentia requisita, ac proinde fideles sic communicantes, Ecclesiæ præcepto etiam satisfacere. Dixi in suis Ecclesiis, quia in alienis id non possunt Regulares in communione Paschali, bene tamen in communione voluntaria, seu ex deuotione iuxta Pontificias Nicolai V. Sixti I V. & Leonis X. concessionem *supra* relatas.

8. Vtrique prædicta opinio, vt extrema, nec mihi placet, nec tuenda videtur. Probationes namque in fanorem prioris adductæ, solum conuincunt de communione ex præcepto faciendæ. Probationes autem in posterioris fauorem factæ facile soluuntur, cum possint,

ac debeant interpretari de aduenis, peregrinis, vagabundis, & similibus, iuxta limitationem Nauarr. *supra* insinuatam. Quare his omiſſis.

9. Dico primò, poſſunt fideles præcepto Eccleſiæ ſatisfacere per communionem factam, non ſolùm in die Paſchatis, ſed quouis alio die à Dominica palmarum, vſque ad Dominicam in Albis incluſiue; imò in Hiſpania, & fortasſe alibi, à principio Quadrageſimæ vſque ad dictam Dominicam in Albis iuxta conceſſionē Clementis VII. & conſuetudinem ibi receptam. Hæc aſſertio ſatis conſtat ex dictis in præcedenti quaſito.

10. Dico ſecundò, præcepto communionis annuæ non poteſt ſatisfieri, niſi in Parochia, vel ſi in alia, id quidem de licentia Parochi, & non aliter. Pro cuius explicatione obſeruare oportet, non conuenire DD. circa interpretationem diei Paſchatis. Nauarr. enim in ſum. cap. 21. num. 52. id interpretatur de die materiali, id eſt, de primo Paſchatis die: alij id interpretantur de die formali, id eſt, de toto illo tempore, quo poteſt Euchariſtiæ præceptum impleri, iuxta ea quæ præcedenti quaſito tradita ſunt; ita Suar. Vaſq. & Filliuc. ſtatim citandi, & nos etiam indicauimus in calce præcedentis quaſiti. Hinc igitur deduco, quod communio Paſchalis, id eſt obligatoria, quæ de iure facienda eſſet in die Paſchatis, etiam ſi fiat quouis alio die, à Dominica palmarum, vſque ad Dominicam in Albis incluſiue, non poteſt fieri niſi in Parochia, vel de licentia Parochi. Hanc aſſertionem tenent expreſſe præfati Authores; atque id maniſeſtè habetur ex cap. omnis vtriuſque ſexus, vbi diſponitur, teneri omnes fideles cum ad annos diſcretionis perueniunt, ſemel ſaltem ſingulis annis communicare, idque in Parochia, vel de licentia Parochi.

Neque obſtat, quod ibi exprimitur dies Paſchatis, cum iuxta declarationem Eugenij I V. communio eo die de iure facienda, poſſit licitè fieri per quindecim dies numerandos, vt ſuperius dictum eſt.

11. Dico tertio, in Eccleſiis regularium poteſt quiſpiam, etiam in die Paſchatis communicare ex deuotione, nulla requiſita Parochi licentia; ſecus autem ſi communicet animo præceptum implendi. Ita Suar. tom. 3. diſputat. 72. ſect. 2. §. cenſeo igitur. Vaſq. etiam tom. 3. diſput. 219. num. 47. Filliuc. tom. 1. tract. 4. cap. 9. num. 264. Bonac. d. diſp. 4. num. 9. Nugnus 3. part. tom. 1. quaſt. 82. art. 3. verſ. Alia difficultas eſt. Rodr. ſupra verſic. ad hanc obiectionem, & Fagundez num. 9. vbi vterque Rodr. nimirum, & Fagund. à priori recedunt opinione, & noſtram amplectuntur. Ducor primo, quia ſi quis præceptum communionis impleuit ſer. 5. hebdomadæ ſanctæ, nullo iure tenetur in die Paſchatis communicare. Ergo ſi pro ſua deuotione velit communicare eo die, poteſt licitè in Eccleſiis regularium communionem ſumere: atque idem ſentiendum eſt de eo, qui die Paſchatis pro ſua deuotione extra parochiam, & alio die illius Octauæ, vt præcepto ſatisfaciat, in Parochia communicare intendit. Ratio eſt, quia priuilegia, in quibus conceditur facultas Euchariſtiæ adminiſtrandæ, excepto die Paſchatis, intelliguntur formaliter de communionē Paſchali, ſeu Paſchatis, vt fideles ſemel in anno ſuos Paſtores recognoscant. Nos autem ſupponimus iam præſtitiffe, vel animum habere præſtandi intra tempus præfixum.

12. Secundo fideles ex vi præcepti non tenentur in parochia communicare, niſi ſemel in anno, vt dictum eſt, nec adſtringuntur eam communionem facere in die Paſchatis, ſed ſatis eſt ſi  
commu

communicet intra quindecim dies. Igitur si ex deuotione velint alibi communicare in die Paschatis, non est illis prohibitum, modo intra tempus praxium satisfaciant in parochia, vel alibi de licentia Patochi.

13. Neque obstat quod in praxitatis priuilegiis dicatur, *præterquam in die Pascha, seu resurrectionis Dominica duntaxat*; quoniam non est attendendus materialis verborum sonus, sed formalis sensus, & intentio Pontificis, qui (vt constar ex dictis) communionem, qua præceptum impletur, vocat communionem in die Paschæ, seu in die resurrectionis, quod idem est, ob rationem superius insinuatam. Neque hæc interpretatio censenda est violenta, sed satis clara, & obuia, & litteris Apostolicis accommodata, attento modo loquendi *cap. omnis varinsque sexus*, & praxi totius Ecclesiæ, vt Suar. & Rodr. obseruant.

14. Ex dictis igitur inferitur primò interpretatio ad similem exceptionem appositam in Bulla Cruciatæ, dum conceditur ibi facultas sumendi Eucharistiam tempore interdicti in aliis Ecclesiis, seu priuatis Oratoriis, præterquam in die Paschatis: Quæ vltima vetba interpretanda sunt de communionem, qua præceptum Ecclesiæ impletur in die Paschatis; & quidem nisi sic exponamus, sequetur posse quempiam implere huiusmodi præceptum in priuato Oratorio, & postea neque ibi, neque in parochia die primo Paschæ communicare, quod est satis absurdum.

15. Inferunt secundo, facultatē virtute Cruciatæ concessam recipiendi Eucharistiam in Oratorio à quolibet sacerdote, etiam simplici, non fundari in eo, quod in eadem Bulla conceditur facultas eligendi Confessarium, vt aliqui falso existimant, cum sint duæ actiones se-

parabiles inter se: sed fundari in eo, quod ibidem conceditur expresse facultas celebrandi, seu celebrare faciendi Missam, Eucharistiam, & alia Sacramenta etiam tempore interdicti, præterquam in die Paschatis, esto renuat Suar. cit. id concedere, forsitan quia Bullam latinam non legerat.

## DVBIVM VII.

*Quomodo intelligatur priuilegium Bullæ concedentis facultatem ad obtinendam sepulturam in loco sacro tempore interdicti.*

1. Videtur enim hoc non esse nouum priuilegium, cum reuera contineatur in alio eiusdem Bullæ, in quo conceditur facultas ad recipiendam Sacramenta, nam vt testē docent D. Anton. 3. p. titulo 26. c. 4. §. 1. & Sylu. *interdictum* 3. q. 10. versicul. 6. priuilegiatus ad audienda, & recipiendā Sacramenta, eo ipso est priuilegiatus ad Ecclesiasticam sepulturam, quia in quatuor festis, in quibus conceditur *cap. Alma mater*, vt tempore interdicti diuina celebrentur, licitum est etiam mortuos sepelire, quia officium sepulture ad diuina officia pertinet. Vide Sot. 4. dist. 22. quest. 3. art. 1.

2. Respondeo tamen prædictam facultatem esse vetē priuilegium, cum per illam dispensetur in lege, quæ habetur *cap. quod in te. de panis. & remis.* Vbi ait Pourifex, tempore interdicti prohibetur Ecclesiastica sepultura, & prohibetur etiam extra locum sacrum fieri cum funere Ecclesiastico, vt docent Nau. c. 27. num. 176. Felicianus de *interdicto* c. 7. Henric. lib. 7. c. 13. fol. 515. alias Clericus sepeliens sit irregularis, teste eod. Henric. *ibi*; pro quo citat Nau. c. 27. num. 143 Sylu. *interdictum* 5. §. 8.



§. 3. *vers. 2.* Couar. & alios, nec etiam licet sepultura in festis, quibus interdictum suspenditur, ut docet Maiolus *lib. de irregularitate, c. 23. num. 8.* & in simili Nau. *cap. 27. num. 243.* Sylu. *interdictum 5.* per Bullam vero hæc omnia licent. Datur tamen prædictum priuilegium sepulturæ à Pontifice cum limitatione, scilicet, ut fiat cum moderata funerali pompa, quæ autem sit moderata, Corduba *de Indulgentiis quest. 43. dub. 5.* dicit vñ, & praxi intelligi, quod cadauer cantu, & tribus campanarum clamoribus deferatur, & sepeliatur apertis ianuis Ecclesiæ, sine Missâ tamen, nisi specialiter dispenseetur; quod sic fere fuisse explicatum ait, in Bulla Leonis X. contra Africam anno Domini 1516. Ipse tamē Corduba refert etiam *ibidem*, quod in commentario Bullæ dato contra infideles à Julio 111. anno 1552. declaratur, quod per pompam moderatam intelligitur medietas pompæ, & solennitatis, quæ alias fieret iuxta qualitatem defuncti. Verum in hoc standum est consuetudini patriæ, quæ est optima priuilegiorum interpretes, vel dispositioni Ordinarij, si adsit, vel saltem Parochi.

3. Aduerte tamen prædictum priuilegium sepulturæ non prodesse defunctis in excommunicatione, quod sæpe solet exprimere Bulla: potest tamen prodesse puero carenti vñ rationis, qui tamen alias sine illa sepeliri non posset in loco facto, ut docet Couar. *in c. Alma mater, p. 2. §. 4. num. 5.* Sylu. *Interdictum 5. quest. 8.* Cord. *in summa, q. 60.*

Ad rationem vero dubitandi fateamur non esse nouum priuilegium, sed includi in alio ibi relato, additur tamen explicatius propter multos etiam doctos, qui illam inclusionem ignorant.

Dices inde sequi, quod saltem Clerici, qui vita durante possunt tempore

interdicti diuinis officiis interesse; possent, si tunc è vita decedant, gaudere Ecclesiastica sepultura, esto non habeant Bullam. Respondetur id verum esse de sepultura Ecclesiastica simpliciter, non tamen cum pompa, etiam moderata, ut ex Sylu. *interd. 5. §. 6.* tradit Rodr. *§. 5. num. 11.*

Sed quæres, an paruulus possit deferri tempore interdicti ad Ecclesiam à parentibus. Ratio dubitandi est, quia secluso priuilegio Bullæ, vel alio simili, paruulus non potest sepeliri in Ecclesia tempore interdicti. Ergo nec deferri ad diuina officia sine prædicto priuilegio, & ita tenet Sylu. *verbo interdictum 2. quest. 17.* Respondeo nihilominus cum distinctione, nam vel paruulus habet vñm rationis, vel non, si habet, deferri non potest tempore interdicti ad Missam; quia caret priuilegio; si vero non habet vñm rationis, bene potest deferri, ut docet Couar. *c. Alma mater, p. 2. §. 4. num. 5.* Vbi id tenet sine vlla dubitatione, quare non opus est admittere illam, quam addunt Cord. *in sum. quest. 60.* & alij cum illo. Et ratio huius est, quia cum ille puer non agnoscat ibi celebrari diuina officia, nec percipiat cessationem eorum, non opus habet priuilegio ad assistendum ibi, cum diuinorum prohibitio non tangat illum.

4. Ad rationem dubitandi respondeo non esse eandem rationem, quia Ecclesia eo tempore non admittit aliquod corpus, eo quod interdicta, & impedita sit, & sic eius prohibitio non deducitur ex aliqua cognitione: officia vero diuina prohibentur, ne quis ea audiat, aut celebret, quod certum est aliquam eorum cognitionem præmittere, qua tamen caret puer, si non est doli capax.

DUBIUM VIII.

*An quæ conceduntur tempore interdicti in Bulla, intelligantur concedi tempore cessationis à diuinis.*

1. **R**atio dubitandi est, quia vt constat ex *Clementina 1 §. in cessationis, de sent. excom.* interdictum generale æquiparatur in iure cessationi à diuinis. Ergo quæ conceduntur in illo, intelliguntur concessa in ipsa. Respondeo tamen, quod tempore cessationis à diuinis nemo potest virtute Bullæ audire Missam, aut alia diuina officia: ita resolutum fuit Salmanticæ in quadam Congregatione in Ecclesia matriæ, tempore cessationis habitæ inter plures Doctores, ita etiam docent Iuniores ex Nau. c. 27. n. 188. & 189. Couar. c. *Alma mater*, parte 2. §. 4. num. 7. ad finem, Rodr. in *Bulla*, §. 5. num. 8. Et probatur, quia tempore cessationis non possunt Sacra fieri, hoc enim sonat ipsum nomen cessationis, quod diuinorum suspensionem importat; Bulla autem nõ dat facultatem audiendi Sacra, quando ipsa prohibita sunt fieri iure communi. Ergo tempore cessationis à diuinis nemo potest virtute Bullæ assistere diuinis officiis, nisi illis duntaxat, quæ permittuntur, nempe celebrare Sacrum singulis hebdomadis pro reuocatione Sacramenti Eucharistiæ, quod tamen secreto fieri debet, ita vt solus Sacerdos existat cum ministro, aliis non priuilegiatis exclusis.

2. Ad rationem dubitandi respondeo, non æquiparari illa duo in omnibus, cum constet interdictum generale esse censuram, non vero cessationem à diuinis, alias differentias vide apud Nauar. c. 27. n. 188. & apud recentiores, cum agunt de cessatione à diuinis.

Sed quæres, an in cessatione à diuinis vigeat priuilegium cap. *Alma*, pro festiuitatibus ibi expressis. Pro cuius explicatione. obserua primò, interdictum generale locale suspendi ex vi praxi. cap. in 4. festiuitatibus, nempe Natalis Domini, Paschæ resurrectionis, Pentecostes, & Assumptionis Beatæ Virginis, quoad diuinorum officiorum celebrationem duntaxat, non tamen quoad Sacramentorum administrationem, vt aliis citatis tradit Villalob. tom. 1. tract. 19. diff. 6. num. 2. Incipiunt autem huiusmodi festiuitates à primis Vesperis, vsque ad Completorium sequentis diei, vt Angel. verb. interd. 6. quest. 1. Syluest. interd. 5. quest. 2. Couar. d. cap. *Alma*, 2. par. §. 5. num. 5. cum aliis, & est communis. Vnde non immerito inferunt nonnulli licitè posse tunc Missam vigiliæ resurrectionis solenniter celebrari. Ita Sorus in 4. diff. 22. quest. 2. art. 1. conclus. 4. Paludanus in 4. diff. 7. quest. 3. art. 2. num. 11. Rodr. tom. 2. qq. regul. quest. 112. art. 3. fine. Auila de cens. 5. p. dist. 4. sect. 2. dub. 10. & Suar. de cens. disp. 34. sect. 1. num. 4. vbi ait, ita in praxi seruari, quia inde incipit festum resurrectionis, id tamen intelligendum fore à principio Gloriæ, cenlet Villalob. num. 6. sequutus Rodr. in *Bulla*, §. 5. num. 44. quia ait, ita fuisse à DD. Salmanticensibus post longam discussionem conclusum: imo Auila censet satis probabile idem esse dicendum de vigilia Pentecostes, cum in Missa illius incipiat eadem festiuitas, vt videtur deduci ex præfatio. Et communicantes.

3. Obserua secundò, concessionem prædictam ampliãtẽ postea fuisse per Martinum V. & Eugenium I V. ad festum Corporis Christi, cum tota Octaua vt referunt Angel. verb. interd. 6. num. 16. Syluest. interd. 5. quest. 1. & Suar. cum aliis per eum citatis num. 41. similem

concessionem fecit Leo X. pro festo Conceptionis Deiparæ Virginis, & eius Octava in Hispaniarum regnis; habetur in *compend. verb. conceptio*, §. 11. & *verb. interd.* 2. §. 8. & referuntur à Rodr. in suo Bullario, Bulla 14. Leonis X. quâvis autem Nauarr. *sum. cap. 27. num. 282.* & Couarr. d. §. 5. num. 2. opinentur concessionem istam non fuisse absolutam, sed pro iis Ecclesiis, in quibus recitatur Officium Conceptionis quod incipit. *Egredimini*, &c. falluntur tamen, tum quia limitatio illa solum intelligitur, quoad indulgentias per Pontificem ibi concessas, non quoad suspensionem interdicti; tum quia iam vniuersali consuetudine receptum est in tota Hispania, vt ibi seruetur dicta concessio in omnibus Ecclesiis, esto in eis memoratum officium non recitetur, vt tradunt Henricq. *lib. 13. de excomm. cap. 47. numer. 4.* Auila *vbi supra*, & Villalob. *num. 7.*

4. His sic præmissis. Respondetur quod esto nonnulli DD. partem negatiuam amplectantur, nec immerito cum in d. *cap. Alma*, solum fiat mentio de interdicto, quod à cessatione valde esse diuersum ostendimus *supra*; nihilominus dicendum est priuilegium *dist. cap. Alma*, intelligi etiam de cessatione; tum quia illa concessio non limitatur ad tempus interdicti, sed simpliciter ibi statuitur, vt in festiuitatibus ibidem expressis officia solenniter celebrentur, & consequenter est veluti quoddam præceptum negatiuum, quod huiusmodi recitatio nequeat illis diebus prohiberi; tum etiam, quia id non est contra aliquod ius, imo est valde consonum sanctitati illorum dierum: Vnde hanc partem sequuntur Couarr. *vbi supra* n. 3. Suar. *disput. 39. sect. 2. num. 13.* & alij, quos refert Villalob. *tract. 20. diff. 1. num. 5.* arque ita in facti contingentia Salmantice anno 1584. in festiuitate Corporis

Christi fuisse obseruatum, tradunt Suarez, & Villalob.

5. Quæres secundo, an priuilegia Mendicantibus concessa pro tempore interdicti, ac cessationis à diuinis sint per Concilium Tridentinum renouata, aut per Bullam suspensa. Quoad priorem partem absolutè dicendum est, non esse reuocata. Ita Med. *summ. lib. 1. cap. 11. §. 13.* & fusc. satis Rodr. in *explicatione Bullæ*, §. 9. n. 15. & tom. 2. *qq. regul. q. 112. art. 1.* atque esse communem sententiam tradit Villalob. *tract. 20. diff. 6. num. 3.* & tenet etiam Sorbus in *annotat. ad compend. verb. interdicti*, 3. *verb. sed aliis*. Ratio est, quia etiam si in Trident. *sess. 25. c. 1. & cap. fin. de regular.* dum statuitur, vt religiosi in suis Ecclesiis debeant interdicta publicare, & seruare, excludantur priuilegia eisdem in contrarium concessa, id non absolutè intelligitur de omnibus, sed de his tantum, quæ aliquibus religionibus fuerant concessa, ne tenerentur interdicta quæcunque seruare, cuiusmodi videntur, quæ Anastasius IV. & Urbanus III. ordini D. Ioannis concesserunt, vt habetur ex *compend. verb. interdictum* 1. §. 26. & aliud per Leonem X. Minimis concessum, & refertur *vbi supra* §. 22. Hæc itaque & similia priuilegia reuocantur solum per Tridentinum, *vbi supra*, vt latè probat Rodr. *locis citatis*.

6. Quo autem ad posteriorem partem, priuilegia Mendicantium, quoad ipsos religiosos nequaquam per Bullam Cruciatæ suspenduntur, vt constat expressè ex verbis Bullæ. Quæ vero sint huiusmodi priuilegia, & pro quibus diebus concedantur, latè

refert Villalob. *difficult. 8.*

per totam, post

Rodriq. *vbi*

*supra.*

## DVBIUM IX.

*Qua ratione intelligatur facultatem de edendis carnibus diebus prohibitis, ex consilio utriusque Medici, & an sit vere privilegium.*

1. **R**atio dubitandi est, quia carens privilegio Bullæ, potest supposita sufficienti causa, velci carnibus, absque peccato, diebus prohibitis, ex licentia Medici, & Parochi. Ergo illa facultas non est privilegium, cum alias id fieri possit iure communi, sine tali privilegio.

Respondetur tamen prædictam facultatem esse verè privilegium, quia ut constat ex *cap. statumimus*, & *cap. de usu carniū*, de consecratione, d. 3. & *cap. 9. dies, de consecratione*, d. 5. & ex 6. Synodo generali *can. 56.* & aliis multis iuribus relatis à Couar. 4. *variar. cap. 20. num. 15.* & multis etiam Doctoribus relatis ab Henriquez *lib. 7. cap. 13. fol. 518.* non solum ex vniuersali Ecclesiæ consensu, & consuetudine; sed ex iure ipso tenentur omnes temporibus prohibitis à carnibus abstinere; Bulla autem dispensat in iure isto, cum hac limitatione, quod fiat de consilio utriusque Medici, corporalis, & spiritualis. Nomine autem Medici spiritualis, non solum intelligitur Episcopus, sed Parochus, ita ut hic possit auctoritative præbere facultatem, & dispensare in usu carniū, & laiciorum: quod etiam intelligo verum secluso privilegio Bullæ, teste D. Tho. 4. d. 13. q. 1. *art. 2. ad ultimum*, & Caiet. 2. 2. q. 14. *art. 4. d. 10.* quod similiter tenebantur Vic. & Canus, & quidam alij moderni Thomistæ; & constat ex eo, quia ita habet consuetudo recepta, quæ potest dare iurisdictionem ex *cap. duo simul*, de officio *Ordinarj.* Intelligitur præterea nomine Medici spiritualis quilibet Confessarius per Bullam electus.

2. Probatur igitur conclusio, quia si illo nomine solum intelligerentur Episcopus & Parochus, nullum certè concederetur privilegiū in dicta clausula: nam illi ex iusta causa, & proprio officio possunt dispensare cum subditis suis in re dubia, & consequenter nihil de nouo in hac parte concederetur summenti Bullam, & sic solebat in alijs Bullis exprimi; & si modo non exprimitur, ideo certè est, quia relinquitur tanquam notum; non autem est necesse ad huiusmodi dispensationem quod Confessor audierit; vel auditorus sit confessionem illius; sed sufficit quod illam audire possit.

3. Hæc autem est differentia inter Medicum corporalem, & spiritualement, quod corporalis tantum declarat causam dispensandi iuxta qualitatem, & dispositionem corporis: spiritualis verò cognita sufficientia causæ dispensat auctoritate Apostolica sibi per Bullam concessa; quare si causa non sit iusta, vel saltem per Medicum corporalem approbata, dispensatio erit nulla, ut docent communiter Doctores, de quo, & de alijs hanc materiam concernentibus, videndus est Quintilianns Mandosius *in licentia, fol. 63.* Imo alij addunt, quod si causa adhuc esset dubia post consilium Medici, tunc non poterit velci carnibus absque dispensatione Confessarij, qui sua dispensatione suppleat defectum necessitatis & causæ.

4. Sed id alijs non placet, quia Confessariis (inquiunt) non datur facultas dispensandi, ut constat ex verbis Bullæ, de consilio utriusque Medici, sed tantum requiritur eorū approbatio vel conditio necessaria ad gaudendū privilegio. Quare dicunt illi quod si causa sit dubia, & infirmus illam ostendat utrique Medico, sine vlla eorum licentia poterit absque scrupulo velci carnibus, quia Papa tunc est, qui dispensat per Bullam.

Non omnino displicet hæc sententia, quia sicut cum datur facultas in Bulla ad habendum Oratorium cum approbatione Ordinarij, nemo dicit Ordinarium tunc dispensare, sed approbare, ponendo conditionem, quam petit Papa dispensans ibi; sic proportionaliter posset dici in proposito.

5. Displicet tamen prædicta sententia in eo, quod dicitur, quod existente causa dubia sufficit simplex ostensio illius vtrique Medico facta, non impetrata eorum licentia; quia cum Bulla exigit, ut conditionem necessariam, consilium vtriusque Medici, necessaria videtur eorum approbatio, nisi alias ipsi iniuste, vel ex scrupulo nollent illam dare; quia tunc ipso iure datur à Pontifice accipienti Bullam.

Id tamen, quod in Bullis solet addi, nimirum quod illi, quibus virtute Bullæ dispensatum est in esu carniū, si in reliquis se habeant, ut ieiunantes consequantur meritum ieiunij, ita explicandum est, ut sensus sit, quod voluntas efficax ieiunandi, & effectus obediendi præcepto ieiunij, si possent, acceptatur à Deo, & Ecclesia, ut si reuera ieiunasset, in quo multi dicunt nullum inuolui privilegium, & ideo iam non apponi illam clausulam, sed falluntur aperte, ut infra patebit dubio sequenti in secunda probatione pro secunda sententia.

#### DVBIVM X.

*An qui ex dispensatione Bullæ, vel alio privilegio, aut certe ex manifesta necessitate vescitur carnibus in die ieiunij, sit excusatus in totum à præcepto ieiunij.*

1. **P**Artem negantem tueritur Med. Codice de ieiunio, q. 5. & 9. Ledesma 1. part. 4. q. 17. art. 3. dub. 9. Pedraza in

3. mandato, notab. 14. Nau. in Man. c. 21. n. 22. Graff. in decis. p. 1. lib. 2. cap. 37. n. 58. Acosta in Bulla q. 80. & alij infra citandi, & probatur.

2. Primò, quia ille, qui ob aliquam iustam causam obtinet dispensationem ad pluries comedendum diebus ieiunij, non propterea intelligitur dispensatus in esu carniū, ut omnes unanimiter docent cum Caier. & Angles. infra citandis. Ergo similiter ille, cum quo dispensatur in die ieiunij in esu carniū, non debet censi dispensatus ad pluries comedendum. Patet cōsequentia, quia tam vnica comestio, quam abstinencia à carnibus pertinet ad substantiam ieiunij: ergo sicut qui à primo excusatur, non censetur excusatus à secundo, ita nec è contra.

3. Secundò, quia præceptum Ecclesiæ, licet in totum seruari non possit, seruari tamen debet quoad illam partem, quæ seruari potest, ut probat optimus textus in capite cum dilecti, de dolo, & contumacia, cum aliis ciratis à glossa, & Doctoribus ibi. Vnde qui non potest restituere totum, sed partem, tenetur ad partem; & Sacerdos, qui nō potest recitare omnes horas, tenetur ad partem, quam commode potest, teste Nau. de Oratione, notabili 11. Ergo similiter qui non potest implere totum, quod includit ieiunium, scilicet abstinenciam à carnibus, & unicam comestionem, tenebitur ad alterutram partem, quam potest.

4. Tertiò, quia in tantum alicui permittitur facere contra ieiunium cadens sub præcepto, in quantum se extendit ipsius causæ indigentia: sed stat aliquem indigere esu carniū, non tamen cœna: ergo tunc dispensatur in esu carniū, non censetur dispensatus ad cœnam. Imo Prælati sic dispensans in cœna peccatet, & dispensatus non esset tuus in conscientia. Quia supposito quod non indiget cœna, certò dispen.

dispensatio quoad cœnam esset sine causa; dispensans autem sine causa, peccat; & dispensatus insufficientiam causæ agnoscens, non manet securus in conscientia.

5. Quartò, quia ieiunium includit duò præcepta. Alterum de abstinendo à carnibus. Alterum de non comedendo amplius, quàm sevel; vnde in agricolis laborantibus, & opificibus, videmus separati hæc duo præcepta, cum illi teneantur ad primum de abstinencia ab esu carnis, & nõ ad secundum de vnica comestione: sed dispensatus in vno præcepto, non censetur dispensatus in alio, quod potest integrum manere sine primo. Ergo dispensatus die ieiunij in præcepto abstinendi à carnibus, non censetur dispensatus in præcepto non cœnandi, cum hoc secundum rectè obseruari possit sine primo.

6. Oppositam sententiam esse probabilem, & securam in conscientia doceant sapientissimi, & piissimi Doctores Caiet. 2.2. *quæst.* 147. *art.* 7. & 8. *Med. in sum.* §. 10. Gabr. 4. *dist.* 16. *quæst.* 3. *art.* 3. *dub.* 1. Palacios *dist.* 15. *quæst.* 8. *post conclusionem* 6. Abulensis in *Matthæum* c. 6. *Anglest. tit. de ieiunio, quæst.* 9. Ouand. 4. *dist.* 16. *propositione* 52. *corollario* 1. Onchala in *opusculis*, fol. 113. & alij moderni, vt Gallus, Sotus, Moys, Deza, quos refert & sequitur Henriq. *lib.* 7. c. 13. *num.* 12. quibus accedunt plures recentiores, tam Societatis I. & S. V., quam aliorum Ordinum. Ita Tolet. *lib.* 6. c. 3. *num.* 4. Azorius *p. 1. lib.* 7. *cap.* 10. q. 3. Llamas in *sum. p. 3. cap.* 5. §. 26. & nouissime Filiuc. *tom.* 2. *tract.* 27. *par.* 2. *cap.* 3. *num.* 52. & Fagundez in 4. *præcepto, lib.* 1. c. 2. *num.* 5. cum aliis per ipsum citatis, & probatur.

6. Primò, quia sæpe in Bullis ante Pium V. expeditis ponebatur hæc clausula, quod comedentes ex dispensatione Bullæ carnes de consilio vtriusque Medici,

si in reliquis seruassent formam ieiunij, censerentur implese præceptum, & consequi eiu meritum. Ergo præsupponebant sacri Pontifices, quod tales antea vero non ieiunabant, vescendo carnibus, aliàs nihil ibi concederent.

7. Nec obstat licentiosa valde quorundam Iuniorum responsio, asserentium illam clausulam, vt omnino inutilem, esse sublatam. Nam in primis, licet de facto de ieiunij Ecclesiastici substantia sit abstinencia à carnibus, & vnica comestio, tamen cum talis essentia constituta sit iure positio: ita tenet communis DD. recte potest Papa sua dispensatione efficere, vt quis vescendo carnem vere ieiunet, seruando in reliquis formam ieiunij, & consequenter quod ille impleat præceptum ieiunij. Deinde forsan Papa concedit per illa verba accipienti Bullam per modum indulgentiæ, vt satisfaciatur tantum, quantum satisfaceret, si abstinendo à carnibus ieiunaret, ita quod suppleat per suam indulgentiam, quod deest penalitatis in illo ieiunio. Nec multum refert vsum fuisse Pontificem nomine meriti, quia in indulgiis quæ ad manus vulgatum hominum deduci debent, non ita metaphysicè accipienda sunt verba; & tandem ex vi illius clausulæ satis probabiliter quis existimet, quod illud ieiunium deseruire posset ad lucrandum lubileum; asserens ieiunium, tanquam conditionem necessariam. Non ergo tam facile dicenda sunt inutilia verba sacrorum Pontificum, sed prudenter & modeste interpretanda, aut certe silentio prætereunda.

8. Secundò, quia abstinencia à carnibus est de essentia, & intrinseca ratione ieiunij Ecclesiastici, vt docent communiter Doctores, & constat aperte ex *cap. de esu carnis, dist.* 3. & *cap. statumimus, dist.* 4. Ergo ista ablata tollitur ratio ieiunij, sicut ablata parte aliqua

essentiali compositi naturalis soluitur tale compositum, & consequenter cessat obligatio ieiunandi. Vnde quando quis die ieiunij iterum comedit aduertenter notabilem quantitatem sufficientem ad mortale, violat ieiuniū, non tamen obligatur illo die amplius ieiunare, sed quāuis sæpius comedat, non peccat de nouo contra præceptum ieiunij, vt contra Med. codice de ieiunio, *ubi supra*, docent communiter Doctores, cum Caiet. 2. 1. 9. 14. §. art. 7. & 8. eo quod runciā est illi impossibile seruare ieiuniū, quia hoc petit secundum suam substantiam vnicam comestionem. Sic in proposito cum ieiuniū secundum substantiam importet abstinentiam à carnibus, ablata ista soluitur propria, & essentialis ratio ieiunij, & consequenter obligatio ad illud.

9. Tertiò, quia non minus essentialis est ieiunio ecclesiastico abstinentia à carnibus, quam vnica solum comestio: sed iuste dispensatus ad bis comedendum, censetur, vt omnes fatentur, dispensatus ad non ieiunandum, & sic licet pluries comedat in illo die, non facit contra præceptum ieiunij. Ergo eadem ratione dispensatus ad vescendum carnibus die ieiunij, censi debet dispensatus ad non ieiunandum; atque adeo ad cœnandum. Maior cum consequentia est nota, & minorem docent contra Maior. & Med. codice de ieiunio *quest. 5.* Nauar. in *manuali hispano*, c. 21. num. 17. & in *latino* num. 15. cum Durando, Syluestro, & Caiet. *ubi supra*.

10. Quartò, quia plus est comedere carnes, quam non ieiunare, vnde vsque ad 21. annum non tenetur quis ieiunare, vt infra ostendemus, & tamen tenetur à carnibus abstinere, hoc enim est strictius præceptum, quàm illud: Ergo dispensatus in primo, etiam est dispensatus in secundo. Patet consequentia, quia vt constat ex regula lu-

ris, in 6. cui licet, quod est plus, vti- que quod est minus. Et si dicas id solum esse verum, quando res, de quibus agitur, non sunt diuersæ speciei: Contra est, quia dispensatio, & commutatio voti differunt specie, cum illa sit relaxatio vinculi, hæc vero translatio eiusdem vinculi in aliud, & tamen Doctores ex illa regula communiter probant, & bene, in materia de voto, quod cui conceditur à lure facultas ad dispensandum quod est plus, censetur data ad commutandum quod est minus: Ergo regula illa sæpe habet locum etiam in rebus diuersæ speciei.

11. Quintò probari potest hæc sententia, ex ratione quam adducit Med. *ubi supra in summa*, quia (inquit) infirmus non tenetur ieiunare, licentia autem comedendi carnes non datur nisi infirmo: Ergo cui dispensatur in esu carniū, dispensatur in ieiunio. Verum hæc ratio est valde infirma, quia experientia constat multis licite concedi esum carnis, non quia infirmitate aliqua laborent, sed quia cibi quadragesimales sunt illis nociui, & magnum periculum imminet amittendi valetudinem, qua gaudent. Quamquam certe tantum abest quod noceat abstinentia, quod interdum prodest, vt habetur in *cap. legimus*, & in eius rubrica de consecratione, *dist. 5.*

12. Adde pro maiori declaratione, quatuor requiri ad ieiuniū. Primò requiritur vnica comestio, & non plures. Constat ex antiquissimo Ecclesiæ vsu, qui sic præceptum ieiunij interpretatus est, vt non nisi semel in die sit comedendum. Sylu. *ieiuniū, quest. 3.* Med. *de ieiun. quest. 1.* Lessius num. 9. Requiritur secundò abstinentia carniū in Quadragesimā *ex cit. cap. statuiamus*, & ex 6. Synodo generali in Concil. Tolet. 4. c. 40. extra Quadrage-  
*ex cap. de esu carniū, de cons. dist. 3. &*

ex Conc. Gerund. c. 3. Requiritur tertio hora certa refectionis ex c. *solent de consec. dist. prima*. Quæ tamen intelligitur, non positivè, quasi necesse sit ea hora cibum sumere; possumus enim per totum diem abstinere, sed negativè, ne notabiliter saltem dictam horam præueniamus. Ita communiter DD. Requiritur quarto abstinētia ab iis quæ à carnibus sementinam trahunt originem; quæ obligat in Quadragesima ex cap. *Deniq. dist. 4.* & ex præcit. Synod. general. extra Quadrages. ova, & lacticia non sunt de iure prohibita, sed ex consuetudine tantum, ut ex dicendis dub. 11. constabit.

13. Hinc colligitur ieiunium Ecclesiasticum non esse aliquam vnam rem, & essentiam, ut res physica: sed esse quoddam morale ex dictis quatuor integratum: quorum duo priora sunt de essentia ieiunij & consequenter omnino necessaria; ita ut sine illis nequeat ieiunium consistere; alia duo posteriora non sunt de essentia ieiunij, ac proinde quamvis ex se requirantur, possunt tamen ex causa, vel cum dispensatione omitti; absque fractione ieiunij, ut si concedantur ova ex dispensatione, seu hora debita præveniatur, ut ex dicendis dub. 12. fiet manifestum. Hinc igitur posterioris sententiæ fautores abstinentiam à carnibus docent esse præcipuam essentia ieiunij partem, & consequenter ipsorum opinionem, non solum probabilem, sed certam existimant.

14. Vnde ad primum in contrarium negant consequentiam. Et ad probationem respondent, quod abstinentia à carnibus est magis intrinseca, & essentialis ieiunio, & magis intenta ab Ecclesia, quam vnica comestio. Nam cum ieiunia, ut constat ex D. Tho. 2. 2. art. 8. instituta sint ab Ecclesia ad reprimendas concupiscentias carnis, quoad delectabilia, gustus, & tactus, conse-

quens est illos tunc cibos præcipue prohiberi, qui maiorem habent delectationem, & magis ad venerem provocent, quales sunt carnes. Nec iuvat dicere, quod eadem ratione prohibendum esset vinum, cum constet ex Proverbiorum secundo, esse maximè provocativum ad luxuriam, quia ut rite D. Thomas articulo 8. ad 7. vinum ideo dicitur ad luxuriam provocare, quia accendit calorem; quoniam tamen cito transiit, non ita acriter provocat, sicut carnes, quatum virtus magis durat; adde fortè rationem fuisse, ut corporali saluti hominum consuleretur: nam aquæ potus sæpe est valde nocivus vescentibus piscis, qui sunt pituitosi, & ideo opus erat potus vini, qui illorum cruditatem malitiæve cotriggeret.

15. Ad secundam negatur consequentia, quia in illis casibus ad omnes illas partes specialis obligatio, etiam si non esset obligatio ad alias etiam partes, nec ipsæ coercent cum illis, ut inde coalesceret vnum integrum debitum. Ad illam vero partem ieiunij, quæ est non pluries comedere, nemo obligatur Ecclesiastico præcepto, nisi secundum quod est pars ieiunij, & ut inducit rationem compartis cum alia parte, quæ consistit in abstinentia à carnibus, qua certe ablata non manet illa in ratione partis ieiunij, cum iam tunc soluta sit essentialis ratio Ecclesiastici ieiunij, & consequenter obligatio ad illud.

16. Sed obiicies, eadē ratione ablata obligatione non pluries comedendi, cessabit etiam ablata illa pars de abstinentia à carnibus, quia etiam dicam, quod hæc non obligat, nisi in quantum est pars ieiunij: ablata autem illa parte, nec ipsa manet in ratione partis ieiunij. Respondet ex dictis, quod cum abstinentia à carnibus sit essentialior ieiunio, & magis intenta



intenta ab Ecclesia, ut supra diximus, inde est quod non solum cadat sub præcepto, ut est pars ieiunij, sed etiam ut præscindit ab hac ratione. Vnde videmus in Ecclesia in multis diebus esse præceptum de abstinendo à carnibus, sine obligatione tamen ieiunandi: non tamen è contra obligatio ieiunandi sine obligatione abstinendi à carnibus.

17. Respondetur, quod obligatio non pluries comedendi die ieiunij fundatur in illa obligatione non vescendi carnibus, & sic ablata fundamentali hac obligatione ruit illa alia, quæ in ea fundabatur, & consequenter causa, quæ fuerit sufficiens ad tollendam illam fundamentalem obligationem, censetur etiam ad tollendam illam aliam secundam, quæ in ea fundatur, non quidem per se, & primario, sed per accideos, & consequuntur; & sic etiam patet tunc dispensantem non peccare, & dispensatum manere securum.

18. Ad quartum petenda est solutio ex dictis ad secundum, diximus enim quod licet in re recte fieri possit, quod quis comedens carnes non indigeat amplius, quam vnica comestione, & sic observatio huius secundi non dependet in executione à primo: negamus tamen quod præceptum de hoc secundo non detur dependenter à primo, & ut partialiter concurrat cum ipso ad constandum adæquatam rationem ieiunij: Quare ablato primo præcepto per dispensationem, aufertur de facto secundum, licet non repugnaret manere, et si alius novus modus ieiunandi, quam qui modo est in Ecclesia, institueretur à Pontifice.

## DUBIUM II.

*Quo opinio authoris statuitur.*

1. **P**osterior opinio præcedenti dubio adducta valde plausibilis est meo iudicio, non quia probabilior, sed quia sensui conformior. Vnde quia in materia adeo graui, & necessaria non sensui, sed veritati est consulendum, idcirco utraque præcedentis dubij opinione omissa, tertiam sequendam omnino censeo, sicut etiam censent DD. statim citandi asserentes, quod dispensatus in esu carniū, ratione infirmitatis actualis, ut salutem, & vires recuperet, excusatur à ieiunio, dispensatus autem ut præsetuatur ab infirmitate imminente, quia cibi quadragesimales illi nocent, non deobligatur à ieiunio. Ita Viçt. 2. 2. quæst. 146. art. 4. Lessius de iust. lib. 4. cap. 2. dub. 6. num. 45. Cordub. sum. quæst. 143. & 167. Angles. in floribus quæst. de ieiunio, art. 1. dicto 3. diff. 9. Manuel in sum. p. 1. cap. 24. & in Bulla §. 7. num. 4. Greg. de Valent. tom. 3. in 2. 2. diff. 9. quæst. 1. p. 5. Regin. in praxi, tom. 1. lib. 4. cap. 14. Comit. lib. 4. Resp. moral. quæst. 46. Candelab. aureum cap. 11. num. 52. Contad. casu 150. Cenedo in suis 99. can. quæst. 4. num. 6. Ant. Gomez. in Bulla, claus. 7. n. Ludou. Lopez instruct. consciencie 2. p. cap. 3. de ieiunio, vers. præterea. Vega 1. punct. cap. 1. cas. 3. fin. & Bonac. de legibus, disp. 10. quæst. 1. punct. 2. num. 3. & possunt pro eadem opinione referri Authores pro priori allegati, sicut etiam probationes illius suffragantur huic nostræ sententiæ, quàm Filliuc. citatus pro secunda fatetur tutiorem, & vocat verissimam.

2. Sed iam probatur primò, quia esto abstinentia à carnibus, & vnica comestio sint de substantia ieiunij Ecclesiastici, ut omnes fatentur, substantia

tia tamen, & essentia ieiunij præcipue consistit in comestione vnica: sed dispensatus in iterata comestione, non est dispensatus eo ipso in esu carniū: ergo à fortiori dispensatus in esu carniū, non manet dispensatus in iterata comestione. Minor & consequentia patent. Maior autem probatur, tum quia in lege veteri ieiunia vnicam requirebant comestionem ad vespertum, non autem abstinentiam à carnibus. Ita Caietan. 2. 2. *quest. 147. art. 7. ad finem*, & Ludou. Beja *part. 4. casu 10*. Tum quia Concilia generalia nomen ieiunij tribuunt vnica comestioni, non abstinentiæ à carnibus; ita Conc. Agathense *cap. Placuit, de consecr. dist. 3.* ait; *Placuit etiam, ut omnes Ecclesie filij (exceptis Dominicis) in Quadragesima ieiunent*; ecce quomodo dicitur ieiunium diebus Dominicis solui, non ob dispensationem esus carnis, sed iteratæ comestionis. Concil. etiam Moguntiacum *can. 4.* agens de ieiunio quatuor temporum inquit; *In mense Iunio hebdomada 2. fer. 4. 6. & sabbato ieiunetur ab omnibus usque ad horam nonam, & à carne ab omnibus abstinetur*. Hinc Caiet. citatur vnicam comestionem in ieiuniis expresse appellat partem magis essentialem, & Abulens. *in cap. 6. Matth.* asserit Ecclesiam in ieiuniis magis principaliter vnicam comestionem intendere.

3. Secundò, quia is, cui Pontifex facultatem concedit edendi carnes diebus ieiunij, non frangit illud, eas semel comedendo, imò vere ieiunat, meritumque ieiunij consequitur, vt norat Nauar. *consil. 6. de obseruatione ieiunij*. Id autè de dispensato in iterata comestione nemo affirmare audet; & ratio potest assignari, quia abstinentia à carnibus, non est de essentia ieiunij simpliciter, vt constat ex ieiunio veteris legis iuxta superius insinuata, sed tantum est de essentia ieiunij ecclesiastici; in quo

Pontifex dispensare valet; vnica autem comestio non solum est de essentia ieiunij ecclesiastici, sed etiam de essentia ieiunij simpliciter, atque ideo dispensatus in ea, nec vere ieiunat, nec potest ieiunij meritum consequi.

4. Tertio, quia dispensatio est stricti iuris secundum omnes, & tradit Nauar. *lib. 4. consil. 14. de sponsal.* & consequenter non est extendenda ad alium casum, arg. *cap. 1. de fil. presbyt. lib. 6. §. illi vero*. Et ratio est, quia quæ exorbitant à iure communi, non sunt trahenda ad consequentiam, *cap. ea quæ, de regul. iur. in 6*. Vnde dispensatio vt quis promoueatur ad Archiepiscopatum, non extenditur ad Episcopatum, *cap. fin. de translat. Episcopi*. Dispensatio etiam in voto iuramento corroborato, voti tantum mentione facta, non extenditur ad vtrumque, est enim odiosa, ac proinde strictè interpretanda, vt rectè Sanchez *lib. 8. de matrim. disput. 1. num. 24*. Ergo dispensatus in esu carniū, non est eo ipso dispensatus in iterata comestione; cum valde sint diuersa, & separabilia à diuersis autem, seu separatis non sit illatio, l. *Papinianus ff. de minoribus*.

5. Quarto, ieiunium fuisse ab Ecclesia institutum ad cohibenda peccata, & concupiscentiam refranandam docent communiter Doctores; sed iterata comestio, maxime carniū, excitat concupiscentiam, vt constat: igitur dñm alicui vnica sufficit comestio, iterata non est concedenda in diebus ieiunij. Probatur consequentia, quia qui alicui in die ieiunij concedit, quod non est salutis corporis necessarium, Ecclesiæ menti aduersatur, & carni contra spiritum pugnantem fauet. Vnde Gregor. *cap. denique, dist. 4.* adhuc in vsu piscium incendium luxuriæ timet, dum ait; *Piscium esus ita Christiano relinquitur, vt hoc ei infirmitatis solacium, non luxuriæ pariat incendium; qui à carne abstinet,*

K k

nequa

nequaquam belluarum marinarum conuiuium præparet. Ergo à fortiori id timendum est in iterata carniū comestione.

6. Quintò, dispensatio requirit iustam causam, & causæ cognitionem, maxime dum dispensans est Papa inferior. Gloss. recepta in *cap. requisitus* 1. q. 7. cum uotatis in *cap. as si. de iud. & innoc. in cap. Dudum de elect.* Vnde Rectorem multitudinis sine ratione pro sola voluntate dispensantem, infidelem, seu imprudentem appellat D. Thom. 1. 2. q. 97. art. 4. & Sorus de iustis lib. 1. q. 7. art. 3. Sylu. verb. *dispensatio*, n. 5. ait dispensatum (ab eo qui non est Papa) sine iusta causa quoad Deum turum non esse. Fortunius in l. Gallus, ff. de lib. & postb. docet dispensationē in lege humana sine iusta causa in foro interiori nullam esse: igitur dispensatus in esu carniū, non intelligitur dispensatus in iterata comestione, si vnica ei sit satis. Probatur consequentia ex *cap. ieiunia. de consecrat. dist. 3.* ubi sic habetur. *Ieiunia sane legitima non sunt soluenda, nisi grandis aliqua necessitas fuerit.*

7. Sextò, quia esto in rebus physicis, seu naturalibus, per solutionem vnus partis essentialis solnatur, & desinat esse totum compositum, per separationem enim animæ à corpore, desinit esse homo; secus tamen contingit in moralibus, quorum essentia non consistunt in indiuisibili, sicut in rebus physicis, imò sunt diuisibiles, & partibiles, ut ita dicam. Vnde lex plura continens, dum non potest seruari quoad omnia, seruanda est in eo, in quo potest. Hinc qui non potest in diebus festis abstinere ab exercitio operum seruiliū, tenetur Missam audire, si potest, & qui votum ex toto implere nequit, tenetur saltem implere ex parte, qua potest; & qui non potest ieiunare totā Quadragesimā, debet partem, quam potest; & is cui ob

legitimum impedimentum, non sufficit tunc vna refectio, tenetur à cibis vetitis abstinere, ut recte tradit Caiet. verb. *ieiunium, cap. ultimo, & Regin. lib. 18. n. 238.* Ergo similiter dicendū est in casu nostro, nimirū quod dispensatus in esu carniū, diebus ieiunij debet abstinere ab iterata comestione, dum ei vna sufficit; abstinencia namque à carnibus, & vnica comestio, quæ ad integritatem ieiunij spectant, sunt separabiles, & consequenter qui vtrāque seruare nequit, tenetur alteram saltem seruare, si potest.

8. Quare ex dictis facile soluantur probationes pro secunda opinione adductæ. Atque vtinam dicta etiam sufficiant ad coercendum temerariū abusum aliquorum, qui leui ex causa dispensati in esu carniū, diebus ieiunij ita crapulæ student, ac si nullum esset præceptum Ecclesiæ id interdicentis; putant enim sibi satis esse consensum obtinuisse vtriusque Medici, qui passim respectu potius profano, quam Christiano ducti se in huiusmodi consensibus præstandis faciles præbent, cum tamen aliter sic sentiendum, nisi rationabilis, & legitima interueniat causa.

## D. VBIUM XII.

*Qua ratione intelligatur privilegium Bullæ concedentis facultatem ad vescendum ouis, & lacticiiniis, temporibus ieiuniorum totius anni, etiam quadragesimalibus, & an sit licita talis dispensatio.*

1. **R**atio dubitandi potest esse primò, quia dispensatio petit sufficientem causam, alias non esset dispensatio, sed dissipatio, sed plerique eorum, qui accipiunt Bullā, non habent necessitatem aliquam, atque adeo nec causam sufficientem ad vescendum ouis, & lacticiiniis.

lacticiis in Quadragesima contra ius commune, quia, vt suppono, sunt robustissimi, & bene valent cum solo esu piscium: ergo talis dispensatio cum illis non est magis licita, quā si daretur ad vescendum carnibus non haberi necessitatem.

2. Secundū, quia vt colligitur ex 6. Synodo canone 56. prohibitus est in die ieiunij omnibus esus ovorum, & lacticiinorum, ibi enim dicitur; *Visum est vt omnis Dei Ecclesia, quæ est in vniuerso terrarum orbe, vnum ordinem sequens ieiunium perficiat, & abstineat sicut ab omni multabili, sic ab ouis, & caseo, quæ quidem sunt fructus eorum, a quibus abstinemus*; cui etiā fauet D. Tho. 2. 2. q. 147. art. 4. & D. Gregorius *Epistola ad Augustinum Episcopum Anglorum*, licet inrer eius opera non inueniatur; & Glossa *c. admonere* 33. q. 2. dicentes ideo in Quadragesima abstinendum à prædictis, quia à carne trahunt originem, & magnam cum illa habent affinitatem; atque adeo in Quadragesima prohiberi carne censetur etiam illa prohiberi; quæ ratio etiam procedit aperte in ieiuniis non quadragesimalibus. Ergo ex iure ipso tenentur fideles abstinere ab ouis, & lacticiis in diebus ieiunij.

3. Sed pro pleniori explicatione obserua primò, quod priuilegiū de vescendis ouis, & lacticiis, conceditur virtute Bullæ cum duplici limitatione. Prima, vt non valeat extra regna Hispaniæ. Secunda, vt non prosit Primaribus, Archiepiscopis, & aliis personis Ecclesiasticis, & Regularibus, necnon Sacerdotibus secularibus in diebus quadragesimalibus duntaxat.

4. Obserua secundò, quod licet ad inducendā legem sufficiat spatium decem annorū, vt haberur ex cōclusionē terria, & docer Filliuc. n. 45. ad abolendam autem legem Ecclesiasticā tener cōmunis opinio requirit spatium 40 annorum. Ita Panor. in cap. *vt. de consuetudinibus*, n. 11.

Angel. verbo *consuetudo*, n. 8. & 9. Sylva. *cod. n. 6.* & Nau. *lib. 1. consil. tit. de consuet.* Ratio est, quia ad tollendam legem requiritur legirima præscriptio, contra Ecclesiam autem non procedit præscriptio, nisi 40. annis, & quamuis Lessius *lib. 2. & 6. dub. 14.* præterat minus tempus sufficere, subiungit tamē n. 46. rutiū esse sententiam communem amplecti.

5. Obserua terriò, non quamcunque consuetudinem sufficere ad huiusmodi obligationem inducendam, nec similiter vim habere ad relaxandum, seu restringendum Ecclesiæ præceptum de ciborū delectu in die ieiunij. Nam si consuetudo procedat ex iis quæ sunt absque existimatione obligationis; vel absque vlla intentione se ad eandem in posterum obligandi, sed ex mera libertate, seu deuotione operantis, non quidem sufficit. Hinc si quis ex mera libertate, absque vlla intentione se obligandi, peregrinus in domo sua excipit; officium paruum B. Virginis ex deuotione tantum singulis diebus recitat; vel vrbauitatis causa duntaxat, quotannis munus aliquod hero suo exhibet, consuetudinem ipsum ad huiusmodi in posterum obligantem nequaquam inducit. Vnde recte Sotus *de inst. q. 7. art. 2.* tradit consuetudines introductas solum ex populi deuotione, & pro affectu non esse obligatorias, cuiusmodi ab eodem authore æstimantur consuetudines fetuandi gesta aliqua, seu ieiunia, quas ob defectum intentionis inducendi obligationem, ait Reginald. *tom. 1. lib. 4. n. 149.* non obligare, nisi crescent deuotione, postea transierint in præceptum consensu populi, vel Superioris Ecclesiastici mandato. Vt igitur huiusmodi obligatio agnosceatur, opus est, vel expressa Episcopi declaratio, seu approbatio; vel quod puniri faciat transgressores, eos nimirum, qui ouis, & lacticiis vescuntur.

K k 2 Sufficit

Sufficiet etiam communis existimatio populi, vrbis, seu diœcesis, quam scit Episcopus, & non corrigit: semper enim præsumitur Episcopus consuetudinem approbare, quam ipse non reprobât, & semper præsumitur Princeps habere cognitam cōsuetudinem locorum vulgatam, vt docet Bart. *Extrauag. ad reprimendum, verbo, non obstantibus, sine. Bald. lib. 2. C. quæ sit longa consuetudo. Iason in L. Præscriptione, num. 11. C. si contra ius, vel utilitatem publ. & Felin. in cap. ult. de Iudiciis, col. 1.*

6. His præmissis, sit prima conclusio. Fideles tenentur iure scripto, ad non vescendum ouis, & lacticiis, diebus quadragesimalibus. Dncor, quia ita habetur *cap. denique, dist. 4.* quod Gratianus, & ilij tribuunt Gregorio, *dicta Epistola ad Augustinum Episcopum Aglorum.* Hanc conclusionem satis ostendunt, quæ præcedenti 2. argumento insinuauimus, & tenent eam *Cord. in sum. quest. 60. Pedraza in 3. mandato, c. 14. Armilla verbo ieiunium in principio; Quandus in 4. dist. 16. propositione 52. Nau. in man. cap. 2. n. 15. Alcocer. c. 14. Med. sum. lib. 1. cap. 14. §. 10. Archidiaconus c. rogo, de cōsecratione, dist. 3. Panor. rubrica de obseruatione ieiunij, n. 5. & 7. & plures alij.*

7. Secunda conclusio. Extra Quadragesimam diebus ieiunij nec oua, nec lacticia sunt prohibita de iure communi, sed tantum ex consuetudine. Ita D. Thom. 2. 2. *quest. 142. art. 8. ad 3. Palud. in 4. dist. 15. quest. 4. art. 4. Richard. ibidem art. 3. in fine. Maior quest. 3. col. 2. Gabr. dist. 6. quest. 3. dub. 1. Angelus ieiunium, §. 5. Sylu. eodem §. 15. versu primum. Nauar. in Man. cap. 21. num. 15. Med. de ieiunio; quest. de iis, per quæ Ecclesiasticum ieiunium frangitur. Azor. som. 1. lib. 7. cap. 8. quest. 2. & communiter omnes. Ratio est, quia nullibi in iure talis prohibitio expresse facta reperitur. Vnde Palud. citat, quod si alicui ieiunium simpli-*

citer iniungatur, potest ouis, & lacticiis vesci, & consentiunt D. Anton. & Sylu. apud Fagundez *num. 1. allegati.* Hinc etiam Maior *supra* inquit, quod quamuis frater Minimus comedens oua & lacticia diebus ieiunij extra Quadragesimam, peccat lethaliter contra suam regulam, non ramen frangit ieiunium, cum non comedat cibos in tali ieiunio ab Ecclesia vetitos.

8. Sed obiiciunt nobis Præpositus, & Alexander in *cap. Denique, dist. 4. n. 6. Dominicus in cap. Rogationes, de consecr. dist. 3. & Conar. 4. variarum, cap. 10. n. 15.* asserentes etiam extra Quadragesimam tempore ieiunij de iure communi non solum carnes prohiberi, sed etiam quæ ab illis sementinam originem trahunt. Ducuntur, quia ita colligitur ex verbis 6. Synodi generalis *can. 56. visum est, &c.* Vnde cum oua & lacticia, & his similia à carnibus sementinam originem ducant, consequenter videtur dicendum, quod prohibitio esu carniū in quouis Ecclesiæ ieiunio, prohibeantur etiam oua, & lacticia. Respondetur tamen præcitata verba 6. Synodi generalis solum de ieiuniis quadragesimalibus intelligi, & de illis loquuntur, non de alijs. Nec valet consequentia, lex ieiunij prohibet esum carniū, ergo prohibet omnia, quæ inde originem ducunt; constat enim oppositum de Sabbathis, & feriis sextis, quibus prohibetur esus carniū, non esus onorum, & lacticiorum. Et quidem huiusmodi argumentatio videtur fundari in illo iuris principio; qui vetat id quod maius est, vetat etiam quod minus. Hoc autem principium fallit omnino in odiosis; odiosa autem est omnis carniū, atque ouorum & similium prohibitio: aique ideo nisi lex aliquando aliud expresse declaret, non est faciendi extensio de prohibitione maioris ad prohibitionem minoris.

9. Tertia

9. Tertia conclusio. Generatim abstinendum est tempore ieiunij ab iis cibis, quos consuetudo, saltem decem annorum non permittit, modo Prælati, præsertim S. Pontifex eam sciuerint, & non contradixerint cum possint; dicto enim spatio præsumitur scientia & tolerantia: vnde pluribus in locis consuetudo induxit abstinētiā ab ouis, & lacticiiniis. Sic plerumque in locis maritimis, vel parum à mari distantibus; vel esto distent, est tamen piscium abundantia. Ita in tota fere Umbria, Piceno, & Hetruria, recte Filliuc. *tom. 2. tract. 17. cap. 3. num. 48.* Idem in magna parte Hispaniæ, & in quibusdam locis Galliæ, recte Nauar. *ubi supra.* E contrario consuetudo 40. annorum, etiam tempore Quadragesimæ, induxit in aliquibus locis vsuū ouorum, vt de nonnullis Lusitanæ Diocesis testatur Fagundes *num. 18.* in aliis induxit lacticiiniorum vsuū, vt in Belgio ex Lessio *lib. 4. cap. 2. dub. 1. num. 8.* in aliis vsuū butyri, vt in Lombardiæ ex Filliuc. *ibidem*: & in aliis vsuū omnium istorum ciborum, vt de Germaniæ provinciis referunt aliqui. Atque ideo consuetudini præscriptæ cuiuscunque regionis, aut loci standum erit, consuetudo enim sicut potest legem inducere, ita eam restringere, vel relaxare, vel etiam abrogare, est communis opinio, & multis citatis probat Bonac. *ubi supra.*

10. Ad primam rationem dubitandi responderetur licitam esse prædictam dispensationem, tum quia sufficiens illius causa est exhibitio duorum argentorum in subsidium contra infideles datum. Tum quia vsus ouorum, & lacticiiniorum non est de essentia ieiunij, vt dictum est *dub. 10.* Et licet Papa peccaret in huiusmodi dispensatione, in qua certum est non peccare, dispensatus tamen in his præceptis; quæ ad ius positium pertinent, tutus est in conscientia

etiam, de quo latius Theologi in materia de legibus contra Iuristas, asserentes dispensationem Pontificis circa aliquod præceptum positium non esse validam deficiente iusta causa.

11. Ad secundam rationem dubitandi respondet Ouandus *ubi supra*, Synodum illam loqui de Sabbathis, & Dominicis Quadragesimæ, in quibus Armeni quidam utebantur ouis, & lacticiiniis, quos sancta Synodus præcipit confirmari reliquis fidelibus, qui iuxta Gregorium *d. cap. denique*, tenebantur omnibus diebus Quadragesimæ ab illis abstinere. Vnde iuxta sententiam Nau. *ubi supra*, in terris de nouo occupatis à Christianis abstinendum esset omnibus ieiunij temporibus ab ouis, & lacticiiniis, vt sic ius illud commune obseruetur: tamen secundum communiorē opinionem, quam nos defendimus, solum in Quadragesima, teste Nau. *ibidem*. In terris autem iam diu possessis à Christianis fatetur Couar. cum D. Thom. & Panor. *ubi supra*, quod standum foret consuetudini præscriptæ, præscribitur vero annis quadraginta, vt supra diximus, & docet Nau. citatus ex *lege 2. Cod. quæ sit longa consuetudo, & cap. finali de consuetud.*

### DVBIVM XIII.

*An supposito quod esus onorum & lacticiiniorum sit de iure communi prohibitus, id sub mortali culpa, aut veniali tantum obliget.*

1. Fagundes in 4 præcepto *lib. 1. cap. 1. num. 12.* censet nec in ieiunio quadragesimali, nec in quouis alio prohiberi sub mortali, sed sub veniali duntaxat. Allegat in primis ad sui fauorem, Innoc. *cap. ex parte, in rubr. de obseruatione ieiunij*, qui tamen oppositum potius sentire videtur, vt indicat Panor. *ibidem num. 3.*

Kk 3 num. 5.

num. 5. Allegat etiam Glos. in d. cap. Denique, dist. 4. quæ (ait ille) post textum sic habet. *Hæc etsi legibus constituta sint, tamen quia communi usu approbata non sunt, se non observantes transgressionis reos non arguunt, tamen sine causa erit veniale.* Hæc autem ultima verba, quibus Fagundez utitur, nec in textu, nec in glossa reperire potui; at verba præcedentia nihil ipsi suffragantur, quia solum indicant legem circa prædicta non obligare, ubi contraria consuetudo viget, quod nos etiam concedimus.

2. Ducitur deinde idem Auctor ratione; tum quia S. Pontifex facile dispensat in esu ouorum, & lacticiniorum, quovis tempore; in esu autem carniū non nisi difficile, & iudicio vtriusque Medici, ut constat ex Bulla Cruciatæ: igitur non est verisimile S. Pontificem velle sub lethali culpa esum ouorum, & lacticiniorum prohibere, sicut prohibet esum carniū. Tum etiam quia si sub eodem præcepto, & rigore teneremur abstinere ab esu ouorum, & lacticiniorum, sicut tenemur abstinere ab esu carniū, sequeretur inde quod sicut dispensatus in esu carniū non teneretur ieiunare, prout opinantur gravissimi authores; ita nec dispensatus in esu ouorum, & lacticiniorum teneretur ieiunare, quod esse falsum nullus ambigit.

3. Hæ autem probationes nullius sunt momenti. Prima enim solum conuincit esse grauius peccatum comedere carnes diebus veritis, quam oua, aut lacticiuia, quod nos libenter fatemur, non tamen quod sit peccatum veniale, maxime in Quadragesima. Secūda nullatenus est admittenda, tum quia supponit falsum, nempe dispensatum in esu carniū, eo ipso esse dispensatum omnino in ieiunio, ut habetur ex dictis dub. 1. tum quia dato, & non concesso quod ita sit, adhuc neganda est

sequea; abstinencia namque à carni- bus est de essentia ieiunij, non ita ab- stinencia ab ouis & lacticiinijs. Atque ideo difficile Pontifex tempore ieiunij in esu carniū dispensat.

4. Hæc igitur opinione omiſſa, dicendum est esum ouorū & lacticiniorum in Quadragesima de iure communi prohibitum esse sub culpa lethali. Ducor in primis, quia sub eodem verborum tenore prohibetur in iure esus carniū, ac esus ouorum, & lacticiniorum, ut habetur ex sexta Synodo generali can. 56. *Vifum est, ut omnis Dei Ecclesia, quæ est in universo terrarum orbe, vnum ordinem sequens ieiunium perficiat, & abstineat sicut ab omni mactabili, sic & ab ouis, & caseo, &c.* Ergo sicut esus carniū, ita ouorum, ac similiū prohibitus est sub culpa mortali.

5. Sed obiicit nobis Fagundez citatus, oppositum deduci ex cap. Denique, dist. 4. ubi sic habetur. *Par est vobis qui his diebus à carnibus animalium abstinemus, ab omnibus quoque qui sennetiam trahunt originem carnis ieiunemus, à lacte videlicet, caseo, & ouis.* Nam verbum illud, *Par*, non videtur inducere æqualem obligationem peccati in abstinencia carniū, atque ouorum, seu lacticiniorum in ieiunijs Quadragesimalibus, sed potius quandam congruentiam, ut ibi explicat Glos. inquiens, *Par, id est æquum*, quasi (subiungit Fagund.) de æquo, & bono id sit, non de stricta obligatione, & consequenter videtur quod verba textus ibi inducāt obligationem venialem duntaxat. Respondetur, verbum illud, *Par*, iuxta Glos. potius nobis suffragari; ait enim Glos. *Par, id est æquum*, & iustum, & mox subiungit. *Ex quo caro prohibetur, ergo & omnia quæ de carne procedunt.* Hiic autē potius videtur deduci, quod sicut sub lethali esus carniū prohibetur, ita, & esus ouorum, ac similiū.

6. Ducor

Opinio  
Aucto-  
rum.

Obiis-  
tio.

Reſpon-  
detur.

6. Ducor secundò, quia qui facit cō-  
tra legē in re graui, grauiter peccat; sed  
si quis in Quadragesima comedat oua,  
aut lactinia, facit contra præceptum  
Ecclesiæ, vt patet ex dictis, idque in  
re graui, vt constat ex praxi ipsius Ec-  
clesiæ, quæ nemini, etiam pueris, post  
rationis vsum, permittit in Quadra-  
gesima etiam diebus Dominicis edere  
oua, aut lactinia; igitur qui eo tem-  
pore prædictis vescitur sine iusta cau-  
sa, grauiter facit contra Ecclesiæ præce-  
ptum, & consequenter peccat morta-  
liter. Atque hinc Bonac. vir doctus,  
& pius diff. 10. quæst. 1. de ieiunio, punct.  
2. num. 2. colligit comedentem carnes,  
& alium cibum vetitum in die ieiunij  
grauiter peccare, sed excusati aliquan-  
do à mortali ex paruitate materiæ, si  
quid valde modicum comedat.

7. Si omnes Christi fideles docti,  
vel indocti, quotquot Dei timorem  
præ oculis habent, sciscitarentur, an  
esum ouorum & simulum in Quadra-  
gesima sit sub lethali culpa prohibitus,  
omnes credo, vel paucis exceptis, af-  
firmatiue responderent; imo si in his  
interdum delinquere contingat, se po-  
stea transgressionis reos in confessione  
solent arguere. Facit ad hoc id, quod  
tenet Nau. in man. c. 21. num. 15. ibi  
enim expresse ait, vnica comestione ci-  
borum vetitorum, cuiusmodi sunt (ad-  
dit ipse) carnes, oua, & lactinia in  
Quadragesima frangi ieiunium. Et quā-  
uis id aliquibus durum videatur, nec  
immoderatum; fatentur tamen grauiter  
peccare, qui eo tempore prædicta co-  
medit. Igitur ex hac Nanarri, & alio-  
rum doctrina, & ex communi fidelium  
opinione, haud obscure infertur teneri  
omnes de iure communi in Quadra-  
gesima abstinere ab esu ouorum & lacti-  
ciniorum sub culpa lethali, atque ita  
aliis citatis teneri expresse Filliuc. 10. 2.  
tract. 27. c. 5. num. 63. Vnde cum Caiet.

sum. verb. ieiunium, inquit non licere  
in ieiunio Quadragesimæ oua, & lacti-  
cinia comedere, vbi non est consuetu-  
do in contrarium; videtur exponendus,  
quasi dicat, id non licere, imo prohi-  
beri sub culpa lethali, cum sit contra  
præceptum Ecclesiæ, & in re graui, vt  
dictum est supra.

#### DUBIVM XIV.

*An virtute Cruciatæ possit quis ede-  
re lactinia, & oua in ieiunio,  
vel Iubilæi, vel voti, vel peni-  
tentia sacramentalis.*

1. **P**Attem negantem tuentur Nanar.  
lib. 3. consil. 117. de obseruat. ieiunij,  
in 1. edit. 100 consil. 4. in 2. 100 consil. 5.  
Graf. in decis. p. 1. lib. 2. cap. 37. num. 60.  
Ducuntur primò, quia Bulla solum la-  
ctiniorum esum concedit in ieiuniis  
ab Ecclesia indictis, & cum sit priuile-  
gium à iure exorbitans, non est ad plu-  
ra extendendum, & consequenter non  
est extendendum ad ieiunia per Iubi-  
læum, votum, aut à Confessatio im-  
posita. Priuilegia namque esto sit ita  
interpretanda, vt aliquid operentur vl-  
tra ius commune, vt per Panor. in cap.  
certificati, de sepult. late Deci. in c. 1. de  
rescript. num. 16. non sunt tamen ad  
alios effectus vltra expresse concessos  
extendenda.

2. Secundò, ieiunia per Iubilæum,  
votum, seu à Confessario iniuncta;  
sunt diuersa ab alijs, quæ ab Ecclesia de  
iure communi constituta repetiuntur, à  
diuersis autem & separatis nō sit illatio,  
L. Papinianus, ff. de minor. præsertim  
quia dispensationes, quæ aliquem de-  
obligant à iure communi, sunt ab eo-  
dem iure exorbitantes, atque illud  
vulnerare dicuntur, c. ipsa pietas, c. 24.  
quæst. 4. sine. & ideo sunt restringendæ,  
tanquam.



tanquam odiosæ, c. ea qua, & c. odia, de reg. iur. in 6.<sup>o</sup>

3. Tertiò, quia generi per speciem derogatur, cap. generi, de reg. iur. lib. 6. reg. in 1.<sup>o</sup> & ff. eod. & consequenter ieiunia prædicta, vt specialia derogant privilegio generali satisfaciendi ieiunio Ecclesiastico, virtutis Cruciatæ.

4. Verum his non obstantibus contrarium simpliciter tenendum est, & omnino dicendum, virtute Cruciatæ posse quempiam satisfacere prædictis ieiuniis edendo oua, & lacticia extra Quadragesimam in Quadragesima autem si ieiunans sit de numero eorum quibus Cruciatæ privilegium tunc suffragatur, & probatur.

5. Primò, quia non aliter Pontifex, Confessarius, aut vouens intendit ieiunium imponere, quam lege Ecclesiastica indicitur; sed ecclesiastico ieiunio satisfit edendo oua, & lacticia, cum Bulla, etiam tempore Quadragesimæ: ergo cuiusque ex prædictis ieiuniis similiter satisfit edendo oua aut lacticia cum Bulla. Probatur consequentia, quia prædicta ieiunia non requirunt maiorem rigorem, quam ieiunium ecclesiasticum.

6. Secundò, quia Confessarius nisi aliud exprimat, dum penitenti ieiunium iniungit, non de chimerico, aut imaginario ieiunio, sed de ecclesiastico, seu instar illius est interpretandus. Dixi nisi aliud exprimat, quia posset penitenti iniungere ieiunium in pane, & aqua, aut cum herbis duntaxat, vel quid simile iuxta modum culpæ, & qualitatem personæ; similiter si quis ieiunium simpliciter voueat, procul dubio, nisi quid peculiare intendit expresse, de eodem vt supra interpretandus est. Demum si Pontifex dum Iubilæum concedit cum onere ieiunandi, interrogaretur de quo ieiunio intelligat, responderet quidem suæ intentionis existere,

non aliud imponere ieiunium, nisi ecclesiasticum, leui instar illius, & certum est pro lege habendum fore responsum legislatoris, dum in casu speciali interrogatur iuxta gloss. communiter receptam in l. tale pactum, §. fin. ff. de pact. Igitur cum in ieiunio ecclesiastico possit quis virtute Cruciatæ, etiam tempore Quadragesimæ vesci ouis, & lacticiis, idem erit sentiendum in prædictis ieiuniis.

7. Tertiò, quia Bulla non concedit dictum privilegium pro ieiuniis determinatis, sed quibuscunque totius anni. Ergo absque vlla violentia, imo cum omni rigore & proprietate extendi debet ad ieiunia prædicta. Consequentia patet, & Antecedens probatur ex verbis Bullæ latinæ, quæ sic habet. *Præterea carnibus de consilio vtriusque Medici temporibus ieiuniorum, tam quadragesimalium, quam quorumlibet aliorum totius anni vesci, ac pro eorum libito ouis, & lacticiis, ita quod qui carnes non comedunt, servata in ceteris ieiunii forma, dicto ieiunio satisfacisse censeantur, apostolica auctoritate concedimus.* Atque ex dictis patet etiam solutio ad probationes in contrarium adductas.

8. Vnde nostram conclusionem tradunt absolute Rodr. in sum. tom. 1. in 2. edit. cap. 184. n. 10. & in Bulla, §. 6. num. 8. Sanch. sum. lib. 4. cap. 11. num. 59. Filiuc. tom. 2. tract. 27. cap. 3. num. 58. Nugnus in 3. parte, tract. de Bulla Cruc. §. 8. dub. 3. Villalob. tom. 1. tract. 27. claus. 6. num. 5. necnon Lud. Lop. 2. p. Instruct. tract. de penit. cap. 112. de ieiunio, & Pet. de Led. tom. 2. sum. tract. 27. cap. 2. post 3. conclus. diffi. 3. Idem de ieiuniis Iubilæi, etiam tempore Quadragesimæ, docent Angles floribus 2. p. in addit. q. 9. de abstinencia à cibo, art. 1. diffi. 9. dub. 5. Mer. sum. lib. 1. cap. 14. §. 10. & Fernandez in exam. Theol. moral. p. 3. cap. 9. §. 2. num. 2. & alij.

9. Sed quæres, quid sit sentiendum de non habentibus Bullam. Dubium istud grauius vrget DD. Sed communis fere opinio tenet, quod si ieiunium fiat extra Quadragesimam, ipsi satisfat vescendo ouis, & lacticiis, nisi legitima consuetudo alicubi aliud requirat. In Quadragesima autem à lacticiis, & ouis abstinendum, nisi consuetudo alicubi huiusmodi cibum permittat. Ita Azor. qui tom. 1. lib. 7. instit. moral. c. 10. q. 2. sine, inquit. *Ieiunia ex voto, pœnitentia, vel Iubilæo præscripta, seruanda esse eo modo, quo Civitas servat ieiunia 4. temporibus, & vigiliis.* Et lib. 11. c. 20. q. 6. ait, vouentem ieiunare, teneri consuetudini patriæ se accommodare, & subiungit; *quia ab his ( id est lacticiis & ouis) abstinetur in Quadragesima; extra vero, iuxta patriæ usum.*

10. Et quidem si sermo sit de ieiunio extra Quadragesimam, idem videntur sentire Angel. verb. *ieiunium*, n. 5. Sylu. eod. q. 5. dicto 1. Tab. eod. q. 7. n. 8. Metina cit. & Filiuc. supra n. 59. sine. Imo loquentes in specie de ieiunio Iubilæi id tradunt Henriq. lib. 7. de indulg. c. 10. n. 4. & c. 13. n. 13. & Rod. in sum. vbi supra, ac de ieiunio pœnitentiæ sacramentalis id docet Quandus in 4. dist. 16. post proposit. 52. corollario 1. Et de vouente ieiunare singulis quartis feriis per annū, id tradit etiā Henriq. eod. c. 13. n. 13. in comm. lit. D.

11. In Quadragesimæ autem ieiunio esse à lacticiis, & ouis abstinendum, docet idem Angel. verb. *ieiunium initio*, & ibi Sylu. q. 3. Tab. q. 1. Armilla n. 1. & Ledesma 2. p. 4. q. 17. art. 1. paulo post principium. Imo loquentes in specie de habere votum ieiunandi in Quadragesima, idē sentiūt Cord. sum. q. 108. punct. 2. & Lud. Lopez cit. de ieiunio similiter Iubilæi idem tradūt Metina ibid. & Angles dub. 5. Fundamentum præcipuum huius opinionis quoad primam partem inde desumitur, quod Ecclesia, extra Quadra-

gesimam non interdicit oua, & lacticia. Et quoad secundam, quia supponunt præcati Auctores abstinentiam ab ouis, & lacticiis in Quadragesima esse integram ieiunij partem.

12. Nihilominus opposita sententia asserens nō solum extra Quadragesimā, sed etiam intra, prædictis ieiuniis satisfieri, edendo oua, & lacticia absque Bulla, mihi pia, & satis probabilis videtur. Hujus sententiæ suffragantur Palud. in 4. dist. 15. q. 4. art. 4. n. 33. & D. Anton. 2. p. tit. 6. c. 2. §. 3. dicentes cum, cui est iniunctum simpliciter ieiunare, nō teneri abstinere à lacticiis, & tenet expresse Sanch. vbi supra, n. 52. & 53. post Angles Florib. pract. art. 1. post 7. diff. dub. 2. propositione 3. vbi ait vouentem ieiunare Quadragesimam, dubium tamen an intenderit abstinere lacticiis, nō esse vt reum voti iudicandum, si illis absque Bulla vescatur. Fundamētum huius sententiæ est, quia probabilior opinio tenet, nec iure, nec consuetudine interdicti lacticia in ieiuniis, vt sic. Vnde qui ex voto, pœnitentiā, vel Iubilæo ad ieiuniū obligatur, solum tenetur ad ieiuniū eo modo, quo ab Ecclesia institutum fuit, id est ad id duntaxat tenetur, ad quod obligat præceptū ieiunij vt sic: præceptum autē ieiunij, etiam quadragesimalis vt sic, non obligat ad abstinentiam à lacticiis, sed est præceptum omnino distinctū, & independens ab illa, vt patet experientia; Dominicis namque Quadragesimæ nō ieiunatur, abstinentia tamē à lacticiis obligat omnes, etiā pueros, & alios à præcepto ieiunij immunes.

13. Dices, eo ipso quod voto, pœnitentiā, vel Iubilæo ieiuniū iniungitur, censetur ieiuniū eo modo, quo ab Ecclesia institutum est, non solum quoad essentialia, cuiusmodi sunt vnica comestio, & abstinentia carnis, sed etiam quoad circumstantias ieiunio annexas, quæ sunt, hora certa, & determinata refectionis,

vt habetur ex *c. solent. de consecr. dist. 1.* & abstinentia ab iis, quæ à carnibus semèrinalia trahunt originem, vt habetur ex *c. Denique, dist. 4.* Vnde nō solum peccatur, & ieiunium soluitur per transgressionem eorum, quæ sunt essentialia, sed per transgressionē etiam eorū, quæ sunt ieiunio annexa; vt de hora certa refectionis cōstat. Si enim quis absque iusta causa horam refectionis notabiliter anticipet, ieiuniū soluere, & peccare DD. fatentur: igitur idem videtur dicendum, si quis non abstineat à lacticiiniis, & ouis, tam in quadragesimali ieiunio, quam quouis alio, si talis ibi vigeat cōsuetudo. Respondetur tamen negando consequentiam, & quidem valde dispar est ratio: nam obligatio de hora nō anticipanda ex vi solius præcepti ieiunij iniungitur, & cōsequenter eo ipso, quod quis non tenetur ieiunare, nec etiam ad illam tenetur. At obligatio abstinentiæ à lacticiiniis pēdet, vel ex alio iuris præcepto, vt in Quadragesima, vel extra illam, ex cōsuetudine legitime præscripta, vt in vigiliis & 4. temporibus. Atque ideo potest quis ieiunio satisfacere absque abstinentia à lacticiiniis, etiam in Quadragesima, vel extra illam in locis, vbi dicta cōsuetudo introducta est. Ad hæc nec per anticipationem horæ frangitur ieiunium propriè, quia non frangitur quoad essentialia, sed solum quoad conditionem de præcepto requisitam, quæ ad plurimum est solum violatio secundum quid. Vnde si quis notabiliter horam præueniret, adhuc teneretur ieiunare, vt ex communi tradunt Caiet. 2. 2. q. 147. ar. 7. & Azor. d. lib. 7. c. 12. q. ult. & sequitur Filliuc. supra c. 4. n. 66. Adde quod etiam per eiusmodi anticipationem, tenent plures, & grauissimi DD. non peccari lethaliter, vt late ostendunt Lessius n. 13. & Filliuc. n. 70. quidquid in contrarium reclamation. Nauar. Couar. & alij apud eosdem.

14. Ex dictis infero primò, quod si quis cū lacticiiniis ieiunet in Quadragesima absque Bulla, satisfaciit ieiunio, sed peccabit lethaliter contra præceptum Ecclesiæ id tunc interdicens. Similiter si ieiunet extra Quadragesimā, die, quo ibi vigeat cōsuetudo abstinentiæ à lacticiiniis, satisfaciit etiam ieiunio, sed peccabit contra cōsuetudinem, id prohibentem. Si autē ieiunet extra Quadragesimam die, quo ibi non vigeat huiusmodi cōsuetudo, tunc satisfaciit ieiunio, & nullum peccatum committet.

15. Infero secundò, quod si quis die ieiunij in Quadragesima edat carnes, frangit ieiunium, cum abstinentia à carnibus sit essentialiter requisita ad ieiunium, & duplex peccatū lethale cōmittit, vnum cōtra præceptum Ecclesiæ eo tempore esum carnum interdicens; & aliud contra præceptum ipsius ieiunij, cum in eius præcepto indirecte etiam interdiciatur. Qui autem edit lacticia eodem Quadragesimæ tempore, vnum duntaxat peccatum committit contra præceptum abstinentiæ ab eis, sed non soluit ieiunium, cum nec abstinentia à lacticiiniis, & ouis sit de essentia ieiunij, nec etiam præcipiatur in omni ieiunio, vt ex dictis habetur, & recte obseruat Sanch. *ibid.* Vnde videntes aliquem die ieiunij carnes edere, statim concipiunt cum non ieiunare; at videntes aliquem lacticia edere, non inde concipiunt cū non ieiunare ob rationem assignatam.

16. Fundamentum prioris sententiæ facile soluitur. Nam quoad priorē partem nobiscum sentit, & quoad posteriorem, respondetur abstinentiam à lacticiiniis, & ouis propriè non esse partem, etiam integram ieiunij, cum non concurrat ad substantiam eius, sed potius esse circumstantiam quandam accidentalem, sicut de hora refectionis refert Lessius lib. 14. c. 2. dnb. 2. n. 13. Vnde sicut manente substantia ieiunij variari potest,

potest, & de facto in Ecclesia successu temporis magnam habuit varietatem hora refectionis, ita manente etiam tota ieiunij substantia, dicta abstinencia non semper requiritur, saltem extra Quadragesimam, imo intra; in aliquibus etiam locis consuetudo oppositum introduxit, ut satis constat ex dictis.

D V B I V M X V.

*Utrum absque Bulla liceat in diebus veneris, & sabbati vesci ovis, & lacticiis.*

1. **P**erique Doctores aiunt obligari fideles iure communi ad abstinenciam prædictorum tam sextis feriis, quam sabbatis, & diebus Rogationū, & consequenter sine Bulla non posse vesci ovis, & lacticiis in illis diebus. Ita Couar. 4. *variaturum* cap. 20. n. 15. Richard. 4. *diff.* 5. ar. 3. q. 5. Ioannes Firmianus lib. 4. *de Episcopo*, p. 2. *casu* 107. num. 131. Mandosius in *praxi signatura*, titulo, *licentia*, & Cord. in *sum.* q. 6. *puncto* 4. licet non ita expresse sicut alij. Fundamentum eorum est, quia olim tam diebus Veneris, quam Sabbati, & Rogationum ieiunabatur. Ergo licet sublata fuerit obligatio ieiunandi, non tamen obligatio abstinendi ab ovis, & lacticiis, quæ illi erat annexa, cum hæc sint diuersa præcepta, & non obseruato vno possit obseruari alterum. Consequentia est nota, & antecedens docet de diebus Veneris, & Sabbati Innocentius I. in cap. *Sabbato*, de *consecr. diff.* 3. & de triduo Rogationum ante Ascensionem, habetur cap. *Rogationes*, *similiter de consecr. diff.* 3. & ex Cone. Aurelianensi, *canone* 26. & ex Cou. *diff. cap.* 20. num. 6.

2. Vetus his non obstantibus dicendum est iure communi non obligari fideles ad abstinendum ab ovis, & lacticiis diebus Veneris per annum. Ita docent Abulensis in *Confessionario* cap. *de gula*, ubi ait ova licere in sextis feriis per an-

num, sumpto argumento cap. *post Pascha* 76. *diff. sicut in Hispania*; licet inter Pascha, & Pentecosten, teste Palud. 4. *diff.* 15. q. 4. ar. 3. Palac. q. 3. Cord. in *summa*, q. 168. & multi etiam Episcopi habita consultatione sapientissimorum virorum dixerunt id licere, teste Henric. 7. c. 13. Quare si quæ provincie sunt, ubi diebus Veneris non liceat usus ouorum absque Bulla, id certe est non iure, sed consuetudine, ut docent D. Thom. 4. *diff.* 15. q. 3. ar. 2. ad 4. & cum eo Caiet. & recentiores 2. 2. q. 147. ar. 8. Sylu. verbo *ieiunium*, §. 5. & 10. & ibi Arm. in *principio*, Panormitanus & Ostiensis in *rubrica de obseruatione ieiunij*, n. 5. cum aliis innumeris, quos refert & sequitur Henric. *ubi supra*.

3. Pro secunda verò & 4. feria Rogationū certum est etiā licitum esse in illis sine Bulla comedere ova, & lacticia, quia ita habet usus, teste Cou. 4. *variaturum*, c. 20. ubi dicit. In his diebus ab esu carniū tantum abstinemus, licet olim ieiunare teneremur, ut constat ex Iuribus supra citatis pro ratione dubitandi. Imo nec id vbique obseruatur: sunt enim in diuersis provinciis diuersæ consuetudines, quibus standū est. Nam in quibusdā provinciis eo triduo à carnibus abstinetur, non tamē iterata comestio interdicitur; in aliis abstinetur à carnibus tantū feria secunda, & in vigilia Ascensionis; in aliis eadem vigilia ieiunium etiam nunc retinetur; in aliis vero per totum illud triduum carnes comeduntur: publice tamen Rogationes, & Litanie vbique celebrantur, ut recte Azor. *ubi supra* lit. D. & communiter omnes.

4. Huiusmodi autē celebris & laudabilis consuetudo originē duxit à Mameto Episcopo Viennensi, qui, cū ea Ciuitas luporū, ac vrsorum incurſibus valde infestaretur, atque ædificia illius assiduè quateretur terræmotibus, publicas supplicationes, quas Græci Letanias vocant,

id est Rogationes, & simul publica ieiunia indixit per tres illos dies ante Dominicam Ascensionis, vt his voris, ac ieiuniis ira Dei placaretur.

5. Hinc non solum tota Gallia, sed Anglia, etiam Germania, & Hispania, Rogationes huiusmodi, & ieiunia pro quodam Religionis studio colete & obseruare coeperunt: imò & in alias regiones exinde mos iste dimanauit, quia eo veris tempore solent populi morbis plerumque vexari, & gemmantes, ac erumpentes fructus periclitari. Hinc igitur prædicta consuetudo initium habuit, nec adhuc est omnino abolita, sed permanent etiam nunc vestigia illius, magis, minùse pro diuersitate prouinciarum, vt dictum est supra.

Maior dubitatio occurrit circa abstinentiam in die Sabbati seruandam. Nihilominus absolute dicendum est, in Sabbatis per annum fideles ad solam carniū, non ouorum, aut lacticiniorum abstinentiam teneri.

6. Pro huius difficultatē pleniori declaratione obseruare oportet, olim in diebus Veneris, & Sabbati totius anni fuisse ieiunium omnibus iure communi indictum, vt constat ex d. cap. Sabbato, de consecr. dist. 3. vbi Innoc. I. sic ait. *Si diem Dominicum ob venerabilem Domini nostri Resurrectionem in Paschate celebramus, verum etiam per singulas hebdomadas ipsius Dei imaginem frequentamus; & sicut sexta feria cuiusque hebdomada propter Passionem Domini ieiunamus, nullum etiam Sabbatum prætermittere debemus, in quo vtriusque Apostolorum non iteremus.* Hinc autem colligunt DD. in primitiua Ecclesia ieiunium diebus Veneris, & Sabbati fuisse in præcepto, & plenè, ac perfectè ab omnibus obseruatum. Nunc tamen non est in vsu adeo perfectum ieiunium, sed imperfectum, & semipletum potius; vsus enim carniū, non ouorum, aut lacticiniorum, imò nec

iterata comestio interdicitur, itaque sic est iam vsu vbique receptum, vt rectè tradit Azor. *som. 1. instit. mor. lib. 7. cap. 26.* Nihilominus si alicubi contraria vigeat cōsuetudo, ea obseruanda est, quia consuetudo vim legis habet, vt patet ex sæpius dictis; & sicut consuetudine iura, & leges firmanur, ita vsu, & dissuetudine relaxantur, vel abrogantur.

7. Fauet D. Hieronymus, qui in Palestina commorans per Epistolam à Lucinio Bætico ex Hispania circa obseruationem ieiunij in Sabbato, consultus respondit inter alia; *Ego illud te breuiter admonendum puto, traditiones Ecclesiasticas, præsertim qua fidei non officiant, ita obseruandas, vt à maioribus tradita sunt, nec aliorum consuetudinem, aliorum contrario humore subuersi.* Tandem concludit; *Sed unaquaque prouincia abundet in suo sensu, & præcepta maiorum, leges Apostolicas arbitretur.* Hæc Hieronymus, & habetur in cap. vinam, dist. 76. Augustinus etiam in Epistola 118. ad Ianuariū, sic refert. *Mater mea Mediolanum me sequuta, iuuenit Ecclesiam Sabbato non ieiunantem, cæperat finiturne quid ageret: tunc consului de hac re beatissima memoria Ambrosium Episcopum, at ille ait; Cum Romam venio, Sabbatum ieiuno, cum Mediolani sum, non ieiunō, sic & tu, ad quamcumque forte Ecclesiam veneris, eius morem serua, si cuiquam notis esse scandalo, nec quemquam tibi. Hoc cum matri meæ renuntiasset, libenter amplexa est.* Ita Augustinus, & refertur in cap. illa. dist. 12.

8. Cæterum circa ieiunium in die Sabbati seruandum variæ extiterunt aliquando Ecclesiarum consuetudines. Græci namque olim Sabbatum tantquam festum coluerunt, vt colligitur ex Socrate lib. 6. Eccles. Hist. cap. 8. & ex Nysseno in oratione aduersus eos, qui reprehensiones agrè ferunt. Imo nec illud ieiunio cōsectant, vt habetur ex can. 55. Concilij

*Concilij Constantinopolitani* 6. Nec mirum; Græci enim sequuntur canonem Apostolorum 64. ubi dies Dominicus, & Sabbatum à ieiunio soluuntur. E contra vero Romana Ecclesia omne Sabbatum ieiunio consuevit semper deputare. Vnde Innoc. I. in *Epist. ad Decentium Episcopum*, vt habetur in *d. cap. Sabbato*; ostendit eo die esse ieiunium colendum; atque idem sentit Gregor. VII. vt habetur ex *cap. quia dies de consecrat. dist. 5.*

9. Hunc igitur Romanæ Ecclesiæ morem secutæ sunt Hispaniarum Ecclesiæ, vt constat ex Concilio Elibertino *cap. 16.* atque ex præcit. Epist. Diui Hieronymi ad Lucinium Beticum. Eundem morem secutæ sunt etiam Galliarum Ecclesiæ, vt habetur ex Concil. Agathensi, *canon. 12.* & refertur in *cap. placuit de consecrat. dist. 3.* & ex Concilio Aurelianensi 4. *canon. 2.* Ex Africanis similiter Ecclesiis, quædam Romanorum; aliæ Græcorum usum sequebantur, vt fiet manifestum legenti Epistolam Augustini 86. ad Consulanum. Mediolanensis vero Ecclesia Græcorum retinuit ritum. Vnde Ambr. in *lib. de Elia, & ieiunio, cap. 10.* arguit; Quadragesima totis, præter Sabbatum, & Dominicam, ieiunatur diebus, atque idem idem Ambrosius Augustino illum hac de re interroganti respondit id, quod supra retulimus.

10. Si autem inquiras, vnde inter Romanos, ac Græcos originem duxerit adeo varia de ieiunio Sabbati consuetudo. Communis responsio est, id ortum fuisse ex varia Apostolorum traditione. Nam Apostoli, qui solum apud Orientis provincias Evangelium Christi annuntiarent, tradidere Sabbatum esse solenniter potius colendum, vt eos qui ex Iudæis ad fidem conuertebantur, facilius cum Gentilibus similiter conuersis conciliarent. Nec ideo sunt Græci

(teste Augustino præcit. Epist.) Iudaicæ superstitionis rei æstimandi, quoniam non ritu, aut more Iudæorum Sabbatum vnuquam obseruarunt; sed coluerunt potius, tanquam symbolum quietis in cœlesti patria perfruendæ; Romanos vero Sabbatum ieiunio deputasse creditur, ob incertorem, & luctum, quo Apostoli ex Christi morte affecti sunt. Vnde August. *loco cit.* ait; hinc exorta est ista in regia veste diuersitas, vt alij sicut maxime populi Orientis ob requiem significandam æternam, malint in Sabbato relaxare ieiunium; alij propter humilitatem mortis Domini ieiunare, sicut Romana, & nonnullæ Occidentis Ecclesiæ. Nunc autem temporis (vt habetur ex dictis) Sabbati ieiunium non est in vsu, nisi quoad carniū abstinentiam.

Ad fundamentum autem contrariæ opinionis initio adductæ negatur consequentia, imo vsus ipse interpretatur etiam ablatam fuisse obligationem abstinenti illis diebus ab ouis, & lactuiniis.

## DUBIUM XVI.

*Utrum dispensatus virtute Bullæ, vel alterius privilegij ad oua & lacticia, possit comedere lardum, quod est pinguedo suilla sale condita, & non liquata; & sagimen, quod est pinguedo liquata.*

1. **R**atio dubitandi est, quia est valde probabile iuxta multorum Philosophorum sententiam, sanguinem, & lac non differre specie substantiali. Ergo qui obtinet virtute Bullæ dispensationem ad lac, etiam ad sanguinem. Aristoteles etiam 1. de generatione, ait pinguedinem non esse carnem, cum consistat quod finito naturali

augmento carnis in animali augetur pinguedo, vt experientia constat. Igitur sub prohibitione non comedendi carnem, non comprehenditur pinguedo suilla, siue sit liquata, siue non; quod probabile putat Ouandus 4. dist. 16. *propositione* 52. idque affirmasse Victoriam de hoc consultum refert Rodr. in Bulla, §. 6. num. 2. cum Med. 1. *summa*, cap. 14. §. 10. & affirmant Balthas in *confessionali*, & Archiepiscopus Blanco, teste Henriq. lib. 7. cap. 13. fol. 521.

2. Verum his non obstantibus. Respondetur loquendum esse in presenti cum distinctione. Nam vel sermo est de iure, vel de consuetudine; si sermo sit de iure, videtur satis probabile quod dispensatus ad oua, & lacticinia, possit vesci sanguine, lardo, vel sagimine; ita docent grauissimi Doctores, tam Theologi, quàm Iurisperiti. Ang. *verb. ieiunium*, §. 5. *sine*, Tabiena ibi §. 7. Sylu. *quest. 5. num. 16. dist. 1.* Hostiensis in *summa*, de *obseruat. ieiunij*. Graff. in *decis. p. 1. lib. 2. cap. 37. de ieiunio*, num. 12. Ananias, Felinus, & Abb. in *cap. consului. de Iudeis*. vbi expresse dicunt licere esum sanguinis. Bertachinus *tractatu de Episcopo*, 1. parte, membro 4. num. 79. Auiles in *capitulis Prætorum*, cap. 21. num. 29. Corsetus in *singularibus*, verbo *caro*, lit. C. & alij relati *supra*, pro ratione dubitandi; pro quo etiam facit glossa *cap. Presbyter. verb. sanguine. dist. 82.* & gloss. *cap. admonere, verb. carnem*, 33. q. 2.

3. Ducuntur, tum quia appellatione carniū in Iure nō venit lardum<sup>1</sup>, &c. nec e contra, vt ex Bart. & aliis probat Viual. in *suo candelabro*, cap. 11. vbi de ieiunio quadragesimali, num. 39. Tum quia sanguis & pinguedo re vera non est caro, licet ex carne originem trahat. Vnde inferunt, quod cui conceditur vsus ouorum, casei, &c. concessus etiam intelligitur vsus sanguinis, seu lardi, vt refert & sequitur Paulus

Layman libro 4. *tractatu* 8. *capite* 1. num. 5.

4. Si vero sermo sit de consuetudine, dicendum est iam ex receptissima consuetudine non licere per se loquendo, dispensatum ad oua, & lacticinia vesci sanguine, lardo, vel sagimine. Ita recentiores cum Henriq. lib. 7. cap. 13. fol. 521. Viual. Layman, & Med. vbi *supra*. Filliuc. *som. 2. tract. 27. cap. 3. num. 61.* & alij. Et ratio ipsa suadet, tum quia lardum, sagimen, & sanguis multo magis accedunt ad carnem, quam oua, & lacticinia: ergo dispensatus ad hæc, non debet censi dispensatus ad illa; bene tamen e contra. Tum quia si nunc temporis præberetur hominibus talis facultas vescendi lardo, & sanguine in diebus ieiuniorum, paulatim eam extenderent ad similia, v. g. farcina & iusculum ex carnibus, non absque graui scandalo, & ieiunij ecclesiastici transgressione.

5. Dixi notantes per se loquendo, quia in aliquibus prouinciis, vt Compostellana diocesi, & quibusdam aliis partibus Galitiæ, vsus est vescendi in diebus veneris sanguine, seu pinguedine suilla iam liquata, sicut & lacticiniis in diebus ieiunij, etiam quadragesimalibus, vt mihi ex relatione à personis fide dignis data satis constat. Sicut in Peru etiam, & aliis Indiæ partibus, cibi præparantur sagimine in diebus veneris & ieiunij propter inopiam olei; quæ consuetudo iam omnino à peccato excusatur, sicut excusatur consuetudo quorundam locorum Hispaniæ, quibus mos est vesci in Sabbatis sanguine & lardo; & in Maiorca, & Minorca, vbi fuit quondam consuetudo vescendi carnibus die Sabbati, teste Angles *quasi. 9. de ieiunio*; quam etiam viguisse in Cathalonia referunt Sylu. & Armil. *verb. ieiunium*. Sed iam in contrarium omnino versa est illa consuetudo, cum Sabbatis non liceat ibi

ibi aliis cibis uti quam die veneris, quod etiam observatur in Regnis Aragoniæ, Lusitanix, Valentix, Navarræ, & in Italia, de quo videndus est Nau. cap. 13. num. 120.

6. Ad rationem dubitandi, Respondeo nullam esse consequentiam, quia in his rebus moralibus, & maxime circa ciborum materiam, non opus est accedere ad physicam & essentialem materiam illorum, cum accidentalibus solum sufficiat. Ad id vero quod ibidem obiicitur de pinguedine, respondetur, quod etiam ius carniū prohibetur die veneris, & non est caro, ut recte docuit Med. in sum. c. 14. §. 10. atque ita tenet etiam Rodr. ubi supra, cum Couat. 4. variarum, cap. 20. num. 15.

## D V B I V M XVII.

*Quanam persona veniant intelligenda nomine Regularium & Prælatorum in prohibitione, quæ habetur in Bulla circa esum ovorum, & lacticiniorum in diebus quadragesimalibus.*

1. **R**espondeo nomine Regularis, ibi intelligi omnes personas, quæ in Religione aliqua approbata à Sede Apostolica tria vota solennia emiserunt. Veniunt etiam intelligendi omnes illi, qui in Societate Iesv tria vota non solennia, sed simplicia, substantialia tamen Religionis post probationis biennium emiserunt, quos omnes fuisse, esse, ac fore vere, & essentialiter Religiosos declaravit Sedes Apostolica, præcipue tamen id præstitit Gregor. XIII. in Extravaganti, quæ incipit, *Ascendente Domino*, de quo iam absque manifesto fidei errore non licet dubitare, iuxta ea quæ tradit Sanch. sum. lib. 5. cap. 1. à num. 14. usque ad 29.

2. Hinc colliges non comprehendendi

nomine Regularis Eremitas, qui non emittunt votum obedientiæ in Religione: nec simpliciter comprehendendi illas, quæ vulgò vocantur *Beata*, seu *Tertiaria*, licet simplicia quædam vota emittant, insufficientia tamen ad constituendam personam Religiosam: nec etiam comprehendendi Novitios cuiuscunque Religionis, cum non sint verè, & essentialiter Religiosi, sed in via ad Religionem, & consequenter non comprehenduntur in rebus odiosis, atque idè possunt per Bullam vesci ovis, & lacticiis in Quadragesima, ut bene docuit Rodr. §. 6. num. 9.

3. Nomine Prælatorum, hoc loco intelliguntur omnes, qui dignitatem habent Ecclesiasticam cum iurisdictionis spiritalis administratione, cuiusmodi sunt illi, quibus ex officio incumbit autoritas excommunicandi & absoluendi seu confessiones excipiendi, concionandi, & quid simile præstandi, facultatem concedere. Ad hæc, Episcopi etiam qui munus suum renuntiarunt, adhuc sub nomine Prælati comprehenduntur, sufficit enim consecrario, atque ordo Episcopalis, ut vere Prælati sint, & dicantur. Excipiuntur tamen Cardinales, cum de illis in Bulla nulla mentio fiat. Imo & Episcopi electi, & confirmati, non tamen consecrati, modo non sint presbyteri: Nam licet post confirmationem habeant iurisdictionem Episcopalem, non tamen sunt vere Episcopi usque ad consecrationem, ac subinde in odiosis nomine Episcopi non comprehenduntur.

4. Sed quæres, an Regulares sexagenarii excipiantur, atque etiam Equites Commendatarii. Respondetur affirmative, attento Summario vulgari, ubi prædicti omnes expressè excipiuntur, etiam si presbyteri sint, & robustissimi, ut notavit Rodr. in Bulla, §. 6. num. 5. & tenet



& tener Doctor Martinez Societatis Iesu *in materia de ieiunio*. Id autem magnum privilegium esse constat, quia sine Bulla etiam sexagenarii tenerentur à prædictis cibis in Quadragesima abstinere; vt tradunt Caiet. 2. 1. *quest. 147. art. 4.* Palacios 4. *dist. 15. quest. 8.* & Med. *sum. lib. 1. §. 10.* Equites similiter Commendatarii militarium ordinum, nisi in dicto Summario exciperentur, profecto nec consuetudine, nec alio privilegio excusarentur, non solum ij qui intra claustra degunt, sed alij etiam Commendatarii, tam Diui Ioannis, imo & Diui Iacobi, Alcantaræ, & Calatrauz, iuxta opinionem illorum, qui prædictos omnes vere, & essentialiter Religiosos esse existimant, vt *cap. seq. dub.*... latius agendum erit..

Attento autem tenore Bullæ Pij V. aliter dicendum esset, cum in ea, nec sexagenarii, nec Equites Commendatarii excipiantur, vt legenti expresse constare poreft.

5. Ex dictis colliges, quantum differant quoad hoc indultu, Bulla pro Lusitanie Regno, & Bulla pro Hispaniarum, Siciliae, & Sardiniae Regnis per Sedem Apostolicam concessa: illa namque absque vlla limitatione dictum privilegium concedit; ista vero cum limitationibus prædictis, vt ex vtriusque tenore apparer.

6. Sed quæres, an is, cui ex vi Bullæ licet comedere oua, & lacticia in Quadragesima, possit tunc simul piscibus vesci. Nau. *tom. 1. consil. de obseruat. ieiunij, cons. 5.* negat id licitum esse, saltem eodem prandio, bene ramen diuersis. Rationem assignat, quia aut ei esus piscium nocet, & tunc illos comedendo peccat; aut non nocet, & tunc esus cibi alias prohibiti, absque legitima causa conceditur. Hæc autem ratio displicet Azor. *tom. 10. lib. 7. cap. 20. q. 5.* quia esto pisces alicui noceant,

non tamen ex talium esu quis peccat, saltem contra præceptum ieiunij, sed contra ius naturale, dum comedit quod sibi nocuum est. Atque ideo probabilius censet cum Med. *sum. lib. 1. cap. 14. §. 10.* & mihi etiam placet, quod eodem prandio possit quis ouis ac piscibus simul vti; tum quia accidere, poreft, vt oua & lacticia duntaxat, aut etiam pisces tantum, non sufficiant alicui ad integrum prandium, maxime in die ieiunij. Tum quia esus piscium nullo iure positiuo nobis interdictus est. Ergo nisi ius diuinum, aut naturale obstare contingat, licite possumus ouis ac piscibus simul vti.

## DUBIVM XVIII.

*Vtrum liceat virtute Bullæ omnibus tam regularibus, quam secularibus presbyteris vesci ouis, & lacticiis in diebus Dominicis Quadragesimæ.*

1. **P**Arrem negantem timentur quidam recentiores Societatis Iesv cum Ouando in 4. *dist. 14. propositione 52.* Angles *quest. 9. de ieiunio, dub. 1. difficultate 7.* Henricq. *lib. 7. de indulgentiis, cap. 13. fol. 510.* Rodr. in Bulla, §. 6. *num. 4.* & probatur.

2. Primò, quia Summus Pontifex intendit in hoc fieri discrimen inter laicos, & presbyteros, quod presbyteros vult seruare prohibitionem iuris communis toto tempore Quadragesimæ, vt docent præcitati Doctores cum Cord. infra citando, & constar aperte ex *cap. denique, dist. 4.* Ergo eadem prohiber Pontifex in Bulla presbyteris.

3. Secundò, quia ex commissione Papæ Commissarius declarauit id non licere presbyteris per Bullam, vt sibi faretur constare Rodr. *vbi supra*, ex Commis

Commissario generali Cruciatæ, quod publice ait euulgatum fuisse ex mandato illius.

4. Tertiò, quia licet olim id liceret, quando etiam in Summario vulgari excipiebantur pro presbyteris ieiunia quadragesimalia, quorum nomine non veniunt intelligendi dies Dominici, cum non sint dies ieiunij, tamen modo excipiuntur dies Quadragesimæ, in quibus satis constat comprehendere dies Dominicos. Ergo etiam in illis non licet presbyteris, nec Religiosis, vesci ouis, & lacticiiniis per Bullam.

5. Verum his non obstantibus satis probabile existimo, licitum esse omnibus etiam presbyteris tam Regularibus, quam secularibus posse vesci ouis, & lacticiinis virtute Bullæ in Dominicis Quadragesimæ. Ita quidam recentiores in expositione Bullæ cum Palacio 4. dist. 15. disto 8. fol. 127. & Cord. in sum. quest. 168. valdeque in eandem propendet Rodr. ubi supra. Anton. Gomez. in Bulla, fol. mihi 70. n. 7. & 8. & inclinatur Villalob. tom. 1. tract. 27. claus. 6. num. 11. Nugnus in 3. p. tom. 2. tract. de Bulla Cruciatæ, §. 8. dub. 9. Llamas sum. p. 3. cap. 5. §. 26. Fernandez in exam. Theol. mor. p. 3. cap. 9. §. 5. num. 5. & probatur.

6. Primò, quia presbyteris etiam regularibus conceditur facultas pro omnibus anni temporibus extra quadragesimalia ieiunia ad vescendum ouis, & lacticiiniis, ut declarauit Gregorius XIII. in Bulla anni 1574. sed Dominicæ quadragesimales non comprehenduntur, ut de se constat, in quadragesimalibus ieiuniis, ergo in eis licitum est presbyteris vesci ouis, & lacticiiniis virtute Bullæ, cum exceptio firmet regulam in contrarium, ut omnes fatentur. Dices iam non licere, quia loco illius clausulæ in Bullis, quæ his temporibus expediuntur, dicitur non posse

ouis vesci presbyteros in diebus Quadragesimæ, dies autem Dominici dies sunt Quadragesimæ. Sed contra, quia exclusis diebus Dominicis recte impletur Quadragesima, pro quo est textus expressus cap. statum, & cap. Quadragesima, & cap. Denique, dist. 4. nomenque ipsum Quadragesima, satis indicat, quod numerum quadragenarium importat, qui absque Dominicis saluatur. Ergo in rigore iuris stando, etiam si Bulla excipiat dies Quadragesimæ, sufficienter, & prudenter potest explicari non loqui de Dominicis, cum sine illis impleatur Quadragesima. Adde quod dies Dominici non sunt proprie dies Quadragesimæ, sed abstinentiæ, ut determinatur in cap. in qua, de consecratione, dist. 5.

7. Secundò, quia in Bulla latina dum presbyteris prohibetur facultas comedendi oua, & lacticiinia, solum excluduntur ieiunia quadragesimalia: Ergo Commissarius in Summario vulgari etiam intelligit nomine dierum Quadragesimæ ieiunia ipsa quadragesimalia, alias mutaret in aliquo subtili Bullam originalem, quod est graue peccatum, & casus reſeruatus in Bulla Cœnæ, teste Nau. c. 27. num. 62. quem sequitur Rodr. ubi supra.

8. Tertiò, quia presbyteris etiam Regularibus conceditur in ipsa Bulla, facultas ad vescendum ouis & lacticiiniis, in aliis debet ieiunij, ut vigiliarum & 4. temporum. Ergo satis prudenter credi potest concedi etiam in Dominicis Quadragesimæ. Pater consequentia, quia ex regula iuris in 6. cui licet plus, utique quod est minus, quod intelligi debet in eadem materia, & specie: plus autem est concedere facultatem ad oua, & lacticiinia in diebus ieiunij, quam non ieiunij, cuiusmodi sunt dies Dominici Quadragesimæ.

9. Quartò, quia prohibitio prædicto-

Mm iura

rum ciborum facta est in Quadragesima ob reuerentiâ, & venerationem ieiunij Christi Domini, vt docet D. Thom. 2. 2. *quest. 3. art. 3. ad finem*, quem sequitur Paschacius *vbi supra*; sed dies Dominici Quadragesimæ non repræsentant ieiunium Christi Domini, cum in illis non ieiunetur: ergo vel in illis non est talis obligatio abstinendi ab ouis, vt viri docti tenent, teste Palud. cum Rodr. *vbi supra*, vel saltem, quod verius est, per Bullam in ea dispensatur cum Presbyteris tam regularibus, quam secularibus.

10. Ex quibus colligo primò, certum esse in omni opinione, quod si Presbyter virtute alterius priuilegij possit in Quadragesima vesci ouis, & lacticiiniis, & accipiat Bullam, non priuatur prædicto priuilegio: quia licet suspendantur per illam priuilegia specialia, tamen sumenti illam statim reualidantur.

11. Secundò colligo, quod si quis ex speciali priuilegio haberet, quod qui ad eius mensam sederent, possint in diebus Quadragesimæ vesci ouis & lacticiiniis, etiam id possent Presbyteri tam seculares, quàm regulares ibi sedentes; cuius ratio est, quoniam assumentur Bullam reualidantur omnia priuilegia. Ergo sicut antea omnes ad mensam illius priuilegiati sedentes, siue sacerdotes, siue non, poterant vesci ouis, & lacticiiniis diebus prohibitis; ita etiam id poterunt post Bullam. Et patet etiam à simili, quia si quis ante Bullam haberet speciale priuilegium ducendi secum ad Missam tempore interdicti 10. personas etiam carentes Bulla, idem priuilegium reualidatur post accptionem per illam, licet fuisset suspensum: ergo similiter in proposito.

12. Ad primum responderetur, satis magnum fieri discrimen in eo quod per Bullam liceat laicis vesci ouis & lacticiiniis in ieiuniis Quadragesimæ, & non

Presbyteris, in quo sanè iam seruatur ius commune in totum: vel saltem in præcipua, & maiori illius parte, quæ consistit in abstinencia ab ouis, & lacticiiniis in ieiuniis quadragesimalibus.

13. Ad secundum fatemur, quod si Commissarius ex facultate Apostolica declararet non licere Presbyteris vesci ouis in Dominicis, eius declarationi sine dubio standum esset pro tunc, tamen hæc nobis non constat iuridice, licet Rodr. dicat sibi constare, cum nullibi facta fuerit eius promulgatio, quare quoad vsque oppositum constet, sine scrupulo potest hæc sententia practitari, vt vsus ipse satis explicat.

14. Ad tertium respondeo, quod in diebus quadragesimalibus, vt ad præsens institutum spectat, non includuntur Dominicæ quadragesimales, tum quia verba Summarij vulgaris regulanda sunt per verba Bullæ Latinæ; in Bulla autem excipiuntur, vt supra dixi, ieiunia quadragesimalia, arque adeo intelligendum est eadem solum in Summario excipi; tum quia olim Quadragesima incipiebat à Dominica prima post Cineres vsque ad Cœnam Domini inclusiue, vt ait Speculator in *rationali diuinationem officiorum lib. 6. de Dominica prima Quadragesima*; pro sex autem Dominicis ad complendum numerum quadragenarium, addita fuere 4. dies hebdomadæ Quinquagesimæ, & duo vltimæ hebdomadæ sanctæ; & sic iam à Quadragesima sunt exclusæ Dominicæ, eo quod non sunt dies ieiunij, sed abstinentiæ tantum.

D V B I V M XIX.

*Qua etate. pueri incipiant indigere Bulla ad edendum oua & lacticiis diebus vetitis.*

1. **R**atio dubitandi potest esse, quia nulla obligatio, sub mortali potest comprehendere puerum, nisi habeat usum rationis, at vsus rationis non est pensandus ex etate, sed ex discretione, vt docent communiter Doctores, quos refert, & sequitur Hentiq. *lib. 4. cap. 5. fol. 255.* Ergo non potest designari certâ etas, à qua incipiant pueri indigere Bulla ad vescendum ouis, & lacticiis diebus prohibitis.

2. Respondeo nihilominus dicendum, quod præcepta Ecclesiastica non incipiunt obligare pueros eodem tempore, sed alia citius, alia vero tardius: præceptum enim ieiunij non obligat vsque ad 21. annum completum, vt docet D. Thom. 2. 2. *quest. 147. art. 4. cap. in 4. dist. 13. quest. 3. art. 2.* Palud. *q. 4. art. 1. Gabr. dist. 16. quest. 3. art. 1.* D. Antonin. 2. p. tit. 6. cap. 2. §. 4. Palac. *dist. 16. disp. 8. pag. 120.* Nauar. *cap. 21. num. 15.* Viç. 2. 2. *quest. 147. art. 4.* Med. *tract. 4. de penitentia,* & Thomistæ communiter, licet Cord. *in summ. quest. 60.* cum aliis Doctoribus à se ibi citatis, dicat obligari ante 21. annum ad partem Quadragesimæ, & ad vigilias anni. Sed hanc limitationem non addit D. Thom. eo quod (inquit) ante illud tempus habet homines naturam debilem, & ideo indigent frequenti sumptione cibi, & quia tunc sunt in statu augmenti. Sed hæc ratio solum conuincit non teneri ad omnia ieiunia, non tamen nõ teneri ad aliqua, cum euident sit ob pauca ieiunia, vt vigilias anni, non impediti eorum augmentum. Quare conuincens ratio desumitur ex vniuersali Ecclesiæ consuetudine apud viros probos, & doctos

recepta, Papa & aliis Prælati videntibus & tacentibus.

3. Præceptum deinde communionis non obligat ante 12. annum, vt docent D. Anton. 2. p. tit. 9. cap. 5. §. 1. Caietan. *verbo communicatio.* Med. *in sum. fol. 210.* Nau. c. 21. n. 57. Hentiq. *lib. 4. c. 5. fol. 225.* Præceptum præterea confessionis obligat post 7. vel 8. annos, quia licet non omnibus æqualiter elucescat vsus rationis, regulariter tamen eo tempore pueri incipiunt ratione vt, vt docet Nauar. d. c. 21. n. 3. Viç. *de confessione, q. 128.* Sylu. *Confessor 2. q. 5.* Cord. *in sum. q. 60.* & alij cõmuniter: ergo similiter quoad cibos prohibitos tenentur pueri illos euitare temporibus vetitis, postquam excedunt 7. vel 8. annum, & alias tam ipsi, quam parentes id consentientes vel offerentes tales cibos, peccabunt mortaliter per se loquendo. Ita Ang. *q. 9. de ieiunio, art. 1. diff. 4.* Cord. *q. 60. in sum. Rodr. in Bulla, §. 6. n. 2.* Pedraza, & Viç. statim citandi, & Hentiq. *vbi supra;* quorum ratio est, quia habetur ita ex vsu Ecclesiæ, & quia tunc communiter incipiunt pueri habere discursum, & facultatem ad eligendum bonum, & reprobandum malum. Quare si tales pueri non venerunt ad vsus rationis etiam post 7. annum, ita vt id clare constet, & non obstat consuetudo in contrarium, bene possunt vesci ouis, & lacticiis diebus prohibitis, vt docent Caiet. 2. 2. *q. 147.* Viç. ibi, Pedraz. *præcepto 3. §. 4. lit. F.* Angles *q. 9. de ieiunio, art. 1. difficultate 4.* & reliqui Doctores præcitati. Atque etiam Regin. *tom. 1. lib. 4. c. 17. n. 208.* & Filliac. *tom. 2. sr. 27. cap. 6 n. 111.* vbi addit quod si pueri expleant 21. annum in media Quadragesima, tenentur ieiunare reliquam medietatem, cum iam peruenerint ad ætatem debitam. Atque idem dicendum putat, si vnus tantum dies ieiunij superesset post expletum tertium septennium.

M m 2 4. Ad

4. Ad rationem dubitandi respon-  
detur, quod licet certo, & determinate  
non possit signari ætas, in qua pueri in-  
cipiant vti ratione, potest tamen signari  
illa, in qua frequenter, & vt plurimum  
id accidit, & hanc dicunt Doctores  
præcitari esse 7. vel 8. annos, quod ra-  
tioni conforme esse experientia ipsa  
constat.

## CAPVT VI.

## De commutatione votorum.

## DVBIUM I.

*Quomodo intelligatur privilegium  
Bullæ concedentis facultatem  
Confessario ad commutandum  
vota, exceptis castitatis, religio-  
nis, & peregrinationis Hieroso-  
lymitana.*

1. **P**Ro intelligentia huius pri-  
uilegij præsuppono mihi esse  
certum, Confessarium teneri ad com-  
mutandum virtute Bullæ vota pœni-  
tentiæ id postulantis, nam Confessarius  
est Iudex delegatus in fauorem eligen-  
tis ipsum. Ergo quamuis non teneatur  
eius audire confessionem, tamen sup-  
posito quod eam audit, tenetur ipso pe-  
tente vota illius commutare. Et præ-  
terea quia Episcopus graui existente  
causa, & vrgenti, tenetur dispensare in  
eo quod iuste ab eo postulatur, aliàs  
peccat mortaliter, tanquam infidelis  
dispensator, vt constat ex *cap. quanto*,  
26. d. Ergo, &c. Tandem quia alias si  
iusta existente causa non teneretur  
Confessarius commutare, inutile red-  
deretur tale privilegium.

2. Hoc supposito Resp. in primis 5.  
esse vota Papæ reservata, scilicet castitatis,

Religionis, & peregrinationis Hiero-  
solymitanæ, Romanæ, & Compostellanæ.  
Ita communiter recentiores cum  
Soto 7. *de iustitia*, q. 4. art. 3. & Nauar.  
*cap. 12. num. 75.* quorum tria prima ex-  
cipiuntur expresse in Bulla, duo autem  
vltima excipiuntur, noh tam iure ipso,  
quam ex stylo Curie Romanæ. Nam  
teste Syluest. *verb. votum 4. quæst. 3. disto*  
4. & Nauar. *cap. 12. num. 5.* in iure præter  
votum Religionis, & votum castitatis,  
solum referuatur Hierosolymitanum,  
vt patet ex *cap. quod super his*, & ex *cap.*  
*ex multa, de voto.* Nunc vero tenent ali-  
qui esse etiam referuatam votum pere-  
grinationis Lauretanæ. Ita Nauar. *cap.*  
*non dicatis 12. quæst. 1. num. 10.* Rodt. in  
Bulla, §. 9. num. 104. Henrici lib. 7. cap. 30.  
fol. 576. vbi ait fuisse referuatam à Gre-  
gorio XIII. Id tamen inter hæc vota  
habent speciale castitatis, & Religio-  
nis, quod quamuis non exciperentur  
expresse in Bulla, ipso tamen iure intel-  
ligerentur expressa, quia iure antiquis-  
simo sunt Papæ reservata; secus vltra-  
marinum, quia moderno tantum iure  
est referuatam, vt docent Sotus 7. *de ius-  
titia*, quæst. 4. art. 3. fol. 625. Rodt. §. 9. n.  
126. Potest igitur Confessarius virtute  
Bullæ commutare omnia prædicta vo-  
ta, & alia quæcunque, exceptis his vo-  
tis absolutis, castitatis, Religionis &  
Hierosolymitanæ peregrinationis, vt  
recte docet Rodt. *supra num. 114.* Dixi  
notanter, *absolutis*, quia etiam illa po-  
terit commutare, cum fuerint pœnalìa,  
aut conditionalia; de quo infra; & à  
fortiori poterunt Confessarij commu-  
tare votum nunquam petendi commu-  
tationem: nam certe cum fiat virtute  
Bullæ, & Bulla non apponat talem  
conditionem, nec nos eam ponere de-  
bemus.

3. Id vero quod dicunt Sor. 7. *de ius-  
titia*, quæst. 4. art. 3. Angles quæst. *de voto*,  
pag. 125. scilicet vota emissa post sum-  
ptionem

ptionem Bullæ commutari non possit virtute illius, absque vilo prorsus fundamento dicitur. Nam si peccata post acceptionem Bullæ commissa possunt virtute illius absolui, etiam vota emissa, post eius acceptionem poterunt commutari. Deinde, quia illa facultas est priuilegium Principis. Ergo est latissime interpretanda, & non restringenda ad vota ante acceptionem Bullæ emissa; & præterea quia Papa in aliquibus Bullis solet apponere illam restrictionem, scilicet vt commutatio fiat de votis ante Bullam emissis, vt constat ex Bulla Pij I V. & Iulij I I I. Ergo quando non ponitur, signum est non limitari illam facultatem; ita luminiores cum Cord. in sum. quest. 149. & lib. 5. de indulg. quest. 37. propositione 2. Rodr. in Bulla, §. 9. num. 111. & 116. Nauar. de indulg. notabili 27. num. 4. Mandosius in praxi signatura. Henric. lib. 7. cap. 30. fol. 575. pro quo adducit glossam in Extraneag. 1. de poenit. & remiss. & alios DD. Quod idem dicendum esse reor, quando alicui conceditur facultas dispensandi in votis, licet in hoc maiorem inueniat difficultatem Cord. vbi supra, sed nulla est, vt recte docet Nau. supra.

4. Sed quæres, an commutatio voti virtute Cruciatæ facienda, debeat necessario fieri in confessione. Pro cuius explicatione notandum est primò virtute triplicis priuilegij posse vota commutari, videlicet ex priuilegio Cruciatæ, ex priuilegio Iubilæi, & ex priuilegio Religionis. Clausula Cruciatæ est hæc. *Possint eligere Confessorem ex approbato ab Ordinario, & ab eo quorumcunque peccatorum, & censurarum, &c. absolutiorem recipere, & illa vota omnia, ultramarino, castitatis, & Religionis duntaxat exceptis, in aliquod subsidium huius expeditionis per eundem Confessorem commutari.* Clausula Iubilæi, qui duplici hebdo-

mada consequitur, plerumque sic se habet; *Possint approbati presbyteros eligere, qui eorum confessionibus diligenter auditis, licite valeant ipsos à quibusvis peccatis, criminibus, censuris, &c. absolueret, ac vota quacunque ab eis emissa, castitatis, & Religionis duntaxat exceptis, in alia pietatis opera commutare.* Clausula autem priuilegij per Paulum I I I. Religiosis Societatis I e s v concessi, est huiusmodi. *Conceditur facultas illis, qui ex vobis presbyteri fuerint, quorumcunque vtriusque sexus Christi fidelium, ad vos undecunque accedentium confessiones audiendi, & confessionibus diligenter auditis, ipsos, & eorum singulos ab omnibus, & singulis eorum peccatis, etiam Sedi Apostolice referuatis, &c. & à quibusvis sententiis absolueret, &c. necnon vota quacunque per eos pro tempore emissa (ultramarinis, visitationis liminum Apostolorum Petri, & Pauli de Vrbe, ac Sancti Iacobi in Compostella, necnon Religionis, & castitatis votis duntaxat exceptis) in alia pietatis opera commutandi.* Hoc autem priuilegio gaudent alij Regulares communicationem priuilegiorum habentes.

5. Nota secundò, hæc tria priuilegia quoad facultatem commutandi vota conuenire, ac differe inter se. Nam in primis conueniunt, quod solum commutandi vota facultatem concedunt, vnde virtute illorum nec in partem, nec in totum licet vota dispensare. Ita Sayr. in clau. regia lib. 6. c. 11. num. 120. agens de priuilegio Bullæ, & Iubilæi, Pet. de Ledesma sum. tom. 2. tract. 10. c. 8 in fine 3. partis, loquens de Bulla, & Sanc. sum. tom. 1. lib. 4. c. 94. num. 13. vbi de vtroque, & de priuilegio ordinis etiam agit. Differtur autem, quia in Iubilæo amplius conceditur facultas, cum in ipso duo vota excipiantur duntaxat, in Bulla tria, & in priuilegio ordinis quinque, at Bulla differt à Iubilæo, & priuilegio ordinis, quod

in his ponitur ille ablatius absolutus, *auditis diligenter confessionibus*; secus in Bulla.

6. His sic prænotatis nonnulli DD. statim citandi partem affirmatiuam amplectuntur, tam respectu Cruciatæ, quam Iubilæi, & privilegiij Regularium. Ducuntur, tum quia saltem in privilegio Iubilæi, & Regularium expresse additur ablatius ille absolutus, *confessionibus diligenter auditis*, ut constat; ablatius autem absolutus conditionem importat, arg. l. a testatore. ff. de condit. & demonstrat. & ad utrumque membrum præcedens videtur referri, atque idem etiam sentiendum est de privilegio Bullæ, cum utrobique eadem ratio militet. Tum quia dicta facultas in triplici illo privilegio conceditur Confessario per Ordinarium approbato; & consequenter videtur in sola sacramentali confessione concedi, cum in ea sola Confessarius sit iudex. Ita de prædicto triplici privilegio Say. eodem c. 11. num. 105. & lib. 5. c. 60. n. 10. in fine, & loquens de Bulla, & privilegio Regularium Sorb. in compend. privil. Mendic. verb. votum, in suis annot. notab. 7. sed agens de Bulla Cruciatæ Rod. in Bulla, §. 9. num. 113. Lud. Lopez 2. p. instruct. conf. cap. 9. versic. hic dubitatio hac obuia sit. Vega t. 2. c. 129. casu 34. in fine, & Fernandez in exam. p. 3. cap. 9. sec. 2. §. 17. num. 5.

7. Nihilominus verius, ac probabilius cenfeo, posse vota commutari per Confessarium ab Ordinario approbatum virtute Cruciatæ extra sacramentum Confessionis. Ducor, tum quia in dicta Bulla nullatenus dicitur quod fiat commutatio auditis confessionibus; tum quia facultas commutandi vota nihil ad forum pœnitentiæ spectat, imo potius est distincta à facultate absoluendi, esto utramque Pontifex concedat Bullam suscipienti, at-

que ideo hanc sententiam tuentur Sanch. loco cit. num. 15. Henric. lib. 7. de Indulg. cap. 30. num. 6. fauet Sotus 7. de iust. quest. 4. art. 3. versic. post hæc; dum ait dispensationem voti nil ad forum pœnitentiæ pertinere, sed esse distinctam facultatem. Fauet etiam Suar. tom. 2. de Relig. lib. 6. c. 16. num. 4. dum inquit non opus esse confessione ad commutationem voti faciendam, quando privilegium id non explicat, & tenet expresse Villalob. sum. tom. 1. tract. 27. claus. 9. §. 3. num. 36. Atque idem sentire debent, qui censent absolutionem à censuris posse virtute Cruciatæ extra Confessionem impendi, ut dictum est c. 4.

8. Insuper valde probabile etiam existimo, adhuc virtute Iubilæi, seu privilegiij Regularium non requiri confessionem ad vota commutanda. Ita Henric. citatus, & Sanch. num. 16. Naldus sum. verb. indulg. num. 8. & alij, quidquid in contrarium sentiant Vega, Say. & Lopez ubi supra. Nauar. sum. c. 26. num. 31. Sanctarellus cum alijs per eum, falso tamen maiori ex parte citatis tract. de Iubilæo, c. 8. dub. 8. Ducor, quia duo isti actus, nempe absolvere à peccatis, & commutare vota, adeo inter se differunt, ut alter ab altero nullatenus dependeat, imo diuersam requirunt facultatem ut constat: igitur etiam si in utroque prædicto privilegio ponatur ablatius absolutus, non ideo censendum est, quod dictus ablatius referatur ad facultatem absoluendi, & commutandi simul, sed ad facultatem absoluendi à peccatis duntaxat, quæ immediate sequitur post dictum ablatium.

9. Neque obstat regula illa, clausula posita in vna parte dispositionis, siue ponatur in principio, siue in medio, siue in fine, censetur referri ad omnia contenta in ea clausula, arg. cap. secundo requiris. de appellat. & ibi DD. Responderetur

detur enim, id intelligi, quando omnium eadem est ratio, ut multis allegatis docet Menoch. de *presumpt. l. 4. presumptione* 181. num. 2. quod aliter evenit in casu nostro, absolutio namque à peccatis exigit necessariam confessionem sacramentalem, secus votorum commutatio. Sunt igitur hoc loco singula singulis referenda, & consequenter ablatius ille *auditis confessionibus*, referendus est solum ad absolutionem à peccatis, quæ post illum immediate sequitur, & non ad voti commutationem, quæ ex natura rei non requirit confessionem. Atque ideo huic sententiæ adherent permulti ex neoteticis, ut obferuat Sanch. *ibidem*.

## DUBIUM II.

*An virtute Cruciatæ sint necessario commutanda vota in temporale aliquod belli subsidium contra Infideles.*

1. Circa hanc difficultatem varia cexrant D D. placita. Nam quidam opinantur nomine subsidij, quod pro belli expeditione in Bulla requiritur, intelligi aut temporale, cuiusmodi est elemosyna pecuniaria; aut spirituale, cuiusmodi sunt orationes, aliave opera pia pro belli prospero exitu. Ducuntur, quia Bulla absolute requirit conferri aliquid in belli subsidium, spirituale autem non minoris, sed maioris est efficaciæ, quam temporale. Ita Anton. Gomez. in *Bulla Cruciatæ, claus. 10. num. 54. Llamas methodo curationis 3. p. cap. 4. §. 42. ad finem*, id limitat cum vota sunt personalia, & volens adeo pauper, ut non sit illi copia erogandi subsidium temporale. Vival. 3. par. sui *candelabri, cap. 14. num. 4.* ait esse probabile, & Suar. *tom. 2. de religione, lib. 6. c. 19. num. 28.* inquit hanc

opinionem in pauperibus locum habere, quoniam debet conditio illa moraliter interpretari, & quatenus fuerit possibilis, & suaviter fieri queat, ita ut pauperes orationibus satisfaciant; atque idem sentit Ioannes à Cruce in *director. Conscientia p. 1. præcepto 1. art. 2. dub. 1. concl. 5.*

Alij opinantur in omnibus requiri subsidium temporale. Tum quia praxi ipsa id abunde testatur; tum quia quando Bulla est orationibus contenta id explicat, sicut in aliis indulgentiis consequendis præstare solet.

2. Imo aliqui existimant totam commutationem debere fieri in temporale belli subsidium. Ducuntur primò, quia generalia privilegiorum verba interpretanda sunt iuxta tenorem petitionis ibi adductæ ad impetrationem privilegij, arg. *cap. inter dilectos. §. casuum. vbi Felin. col. 4. de fide instrum. Dec. cons. 10. num. 8. & las. in l. Gal. §. idem credendum num. 10. ff. de liber. & posthum.* Tenor autem petitionis solum corporale subsidium pro felici exitu belli contra Infideles respicit: Ergo verba illa Bullæ, in *aliquod subsidium*, de temporali sunt interpretanda.

3. Secundò, quia cum lex non distinguit, ex altera lege, seu ex alia parte eiusdem legis distinctio petenda est, ut late probat las. in *l. triticum, num. 8. ff. de verb. oblig. & colligitur ex notatis per Bart. in l. vñ. circa principium. C. quorum. & Paulum Castrensi, in l. sciendum in princ. ff. qui satisfacere cogantur.* Vnde verba illa, in *aliquod subsidium*, esto in sua generalitate videantur utrumque subsidium temporale, & spirituale comprehendere, ex aliis tamen eiusdem Bullæ verbis deducitur restringenda fore ad subsidium temporale duntaxat; sic enim in Bulla Larina habetur: *Item conceditur eidem Episcopo, & Commissario, ne Christi fideles semper in dubio sint, an sufficientem*



*sufficientem ex eorum bonis subventionis quantitatem, iuxta eorum statum, & conditionem contulerint, ut possit dictam subventionem pro personarum qualitate arbitrari.*

Nec obstat id quod prima opinione allegatur, nempe subsidium spirituale maioris esse efficaciz, quam temporale. etiam in ordine ad felicem belli expeditionem. Responderetur enim plures alias gratias, & fauores concedi virtute Cruciatæ sub intuitu subsidij spiritualis duntaxat, cuiusmodi sunt visitatio Ecclesiarum, seu altarium pro consequendis indulgentiis, facultas celebrandi, seu Missam audiendi in Oratorio tempore interdicti, & alia eiusmodi, cum onere tantum preces fundendi.

4. Nec etiam obstat, si dicas inde sequi, quod pauperes votis adstricti, cum pecuniis careant, cogentur absque beneficio cõmutationis manere. Responder Man. statim citandus, pauperes huiusmodi remittendos fore ad Confessarios Ordinum Mendicantium, qui virtute suorum priuilegiorum possunt similia vota in orationes, & ieiunia commutare, etiam si pœnitentes Bulla Cruciatæ careant, iuxta communem opinionem; & si cui contraria magis placuerit, poterit Diœcesanum adire, & ab illo obtinere facultatem commutandi, & dispensandi similia vota. Hæc enim auctoritas competit DD. Diœcesanis ex iure communi, & consequenter potest per ipsos delegari; nec suspenditur per Bullam Cruciatæ. Quapropter his rationibus ducti tenent hanc opinionem Sotus 7 de iust. quest. 4. art. 3. versic. rursus circa eadem. Aragon. 1. 2. quest. 88. art. 1. 1. versic. & ad argumentum. Lopez 2. part. instruct. conscientie, cap. 10. versic. commutatio voti. Nauarr. summ. cap. 12. num. 80. versic. admonemus. Cord. summ. quest. 149. & 150. Garnica in expos. Cruciatæ, fol.

mibi 44. Vega sum. tom. 2. c. 129. casu 106. Ledesma sum. tom. 2. tract. 10. cap. 8. in fin. 3. part. & fusius omnibus Man. in addit. ad Cruciatam, §. 9. num. 109. atque idem expresse sentit Raphaël à Turri 2. 2. tom. 1. quest. 88. art. 1. dub. 6. num. 3. ubi sic habet; De intentione Bullæ dubitari non potest, esse intelligendam de subsidio temporali. Et tenet etiam Angles Floribus, 2. part. quest. unica de voto, art. 8. diff. 7.

5. Tertia opinio, quæ mihi magis probatur, & absolute renenda videtur, asserit virtute Cruciatæ posse vota commutari, partim in temporale belli subsidium, & partim in quævis alia pietatis opera. Et suadetur primò, quia id non obscure indicant verba ipsius Bullæ, ibi; *in aliquod subsidium huius expeditionis commutari.* Quasi dicat aliquam cõmutationis partem compensandam fore in elemosynam pro belli expeditione. Nam si dixisset *in subsidium*, indefinite, insinuar quidem omne subsidium futurum esse temporale, attenta dispositione iuris, quo verbum indefinitum æstimatur vniuersale. Cum igitur dicat, *aliquod subsidium*, aperte indicat cõmutationem fieri debere partim in temporale, & partim in spirituale subsidium.

6. Secundò, quia hanc esse intentionem tam Regis Hispaniarum Bullam impetrantis, quam Summi Pontificis illam concedentis, inde constat, quod vterque intendit magnam fieri pecuniæ congregationem in subsidium belli cõtra Infideles: vtriusque autem mens notabiliter defraudaretur, si tota voti cõmutatio fieri debuisset in subsidium temporale; pauci enim huiusmodi priuilegio vti vellent, aut quoniam præ paupertate ipsi non habent pecuniam soluendam ea in quantitate, quam voti materia requirit; aut si diuites sint, habcantque numerosam familiam, nolint tantam

tantam expendere pecuniam, præsertim quia iuxta probabilem aliquorum opinionem possent vel virtute privilegiorum Mendicantium, vel Diœcesanorum autoritate dictam commutationem consequi, vt ex dictis pro secunda opinione constat.

7. Tertiò, quia in eadem Bulla Pontifex concedit beneficium compositionis pro debitis incertis, contentus multo minori summa, quam est debita, vt vel sic illa remissione attracti debitores, facilius, ac libetius eo privilegio utantur, & partem in eiusdem belli subsidium contribuant. Et quidem ita sentiunt Henricus lib. 7. de indulg. cap. 3. o. n. 6. Vival. supra num. 31. Suar. eod. num. 18. Sanch. loco cit. num. 58. & lib. 8. de matrim. disp. 15. num. 1. Rodr. suam priorem sententiam corrigens, seu explicans sum. tom. 4. cap. 88. num. 41. & videntur tenere Azor. tom. 1. instit. mor. lib. 11. cap. 18. quest. 9. sine, & Sayr. in clauis regia lib. 6. cap. 12. n. 10. & 17. sine; dum inquirunt pauperem etiam voti commutationem petentem, debere elemosynam saltem exiguum in id subsidium contribuere, quæ suæ paupertati æqualis sit. Vnde si quis adeo pauper sit, vt pecuniis omnino careat, non posset eius votum virtute Cruciatæ commutari, sicut nequit aliis Bullæ privilegiis frui, si pecuniis ad eam capiendam necessariis similiter careat. Imo addit Sanch. non satis esse, si uiuiam pecuniæ quantitatem contribuat, facta reliqua commutatione in alia opera pia, id namque intentioni Bullæ videtur aduersari, quæ potius commutationem in id subsidium spectauit. Atque hinc inferri ipse Author, Confessoris prudentiæ, & arbitrio id librandum esse, attentis voti qualitate, & videntis facultatibus. Et in hunc sensum facile possent DD. omnes pro vtriusque præcedenti opinione adducti, in concordiam reduci.

# DVBIVM III.

*An absque privilegio Bullæ, vel autoritate Prælati possit quis suum votum commutare propria autoritate.*

1. **P**artem negantem sequuntur Sylu. votum 4. quest. 7. Richard. 4. d. 38. art. 8. quest. 1. D Bonaiuentura eadem dist. art. 2. quest. 2. Gabr. ibi quest. 1. art. 5. Palat. disputat. 3. pag. 875. Panormitanus cap. Scriptura. de voto, num. 2. & cap. peruenit, de inueiando. Anchar. num. 2 & Felin. ibidem. Innoc. num. 1. Ioan. Andr. in principio. Host. num. 1. Bald. num. 2. Plures etiam Theologi, licet concedant posse fieri commutationem voti in maius bonum propria autoritate, non tamen in æquale; hi sunt Angles d. 9. de voto, art. 8. diff. 4. Caietan. 2. 2. quest. 88. art. 12. & in summ. verbo votum, cap. ult. versic. rationabilis autem. Nauarr. cap. 12. num. 75. Covarr. cap. quamuis pactum, p. 1. §. 3. num. 4. Angelus votum 4. n. 2. Sorus 7. de inst. quest. 4. art. 2. vers. at vero. Cord. sum. quest. 149. Tolet. summ. lib. 4. cap. 18. num. penult. Sanch. sum. lib. 4. c. 49. n. 12. & alij, quos ipse citat.

2. Et primò probant ex D. Thom. in 4. dist. 38. q. 1. circa 4. quest. in cuncta 3. ad 4. & 2. 2. quest. 88. art. 12. vbi sic ait. In commutatione, vel dispensatione votorum requiritur Prælati auctoritas; ecce indistincte loquitur de commutatione, & dispensatione. Dices, explicandum esse de commutatione in melius. Sed contra, quia ratio Diui Thomæ si quid probat, de omni commutatione conuincit, quia votum (inquit) est promissio facta Deo, de eo, quod sibi acceptum est: sed quod sit alicui gratum, vel acceptum, quod ei offertur, ex eius pendet voluntate: ergo ad Prælatum vicem Dei gerentem, & non ad quemlibet parti-

N n cularem

cularem pertinet declarare, quid Deo acceptum, & gratum erit in hac, vel illa commutatione.

3. Secundò, quia nemo potest se sua voluntate eximere à lege Superioris; sed est lex diuina, & naturalis de reddendo votum. Ergo nemo potest propria auctoritate se à reddendo id, quod promissit eximere, commutando illud in aliud; alias eximeret se ab obligatione, ad quam tenebatur iure naturali, & diuino. Dices, illum non se eximere tunc absolute à voto, cum idem voti vinculum permaneat, sed solum mutare materiam, eligendo aliam meliorem, vel æque bonam. Sed contra, tum quia, ut ait Richard. *vbi supra*, nullus debet esse iudex in propria causa. Ergo non potest propria auctoritate liberare se ab illo voto, ut respicit illam specialem materiam; tum quia votum, quo antea se ligauerat, in indiuiduo terminabatur ad hanc materiam, & in ordine ad illam sumebat suam indiuiduationem; per commutationem autem tollitur vinculum talis voti in indiuiduo, atque adeo se ipsum soluit ab illo, ut ait Syluest. *vbi supra*, quod est absurdum; tum tandem quia commutare votum pertinet ad potestatem iurisdictionis, nemo autem habet supra se iurisdictionem, ut de se constat. Ergo nemo potest propria auctoritate commutare suum votum.

4. Tertiò probatur, tum ex iure diuino, quia, *Leuitici vltimosi qui vouerit, sanctum eris, & mutari non poteris, & Ecclesiastici 5. dicitur, quodcumque voueris redde*; tum ex iure Canonico, quia cap. 1. de voto, dicitur, in arbitrio eius, qui præfides, pendet animaduertere causam commutationis. Tum ex iure Ciuili, ut patet ex cap. sine tunc. ff. si certum petatur. *vbi habetur, quod aliud pro alio inuito creditore solui non potest*; quod idem dicitur, instituitur, quibus modis tollitur obligatio. §. 1. sed vouēs debet Deo obsequium

promissum per votum. Ergo sine auctoritate eius, quæ resider in Prælato, non potest illud in aliud commutari.

Pro resolutione huius difficultatis, supponendum est ut certum. Primò, commutationem in minus bonum non posse fieri propria auctoritate, quia in illa admiscetur nonnulla dispensatio, cum fiat partialis relaxatio eius, quod Deo debebatur; ad dispensationem autem requiritur auctoritas Prælati.

5. Secundò supponendum est, quod quando est dubium, an res, in quam fit commutatio, sit æque bona, non potest fieri propria auctoritate, sed requiritur auctoritas Prælati, propter periculum errandi in tali commutatione. Ita Caiet. Couar. Sor. & alij *infra* citandi, & habetur cap. 1. de voto.

Hoc supposito, respondeo ad questionem, non solum licitum esse cuiunque propria auctoritate commutare suum votum in maius bonum, sed etiam in euidenter æquale. Primam partem huius assertionis docent Rodr. §. 9. num. 105. & sum. tom. 2. cap. 100. n. 4. Med. in sum. lib. 1. cap. 14. §. 7. Couar. relectione de passis, 1. p. §. 3. num. 4. Lessius de iust. lib. 2. c. 40. dub. 16. num. 101. Imola cap. Peruenit, el 2. num. 2. Maior in 4. dist. 38. quest. 3. versic. tertio arguitur, Cord. & Tolet. *vbi supra*. Sotus 7. de iustitia, quest. 4. art. 3. dub. 1. Angles art. 8. difficultate 4. Aragon. 2. 2. quest. 88. art. 12. Caiet. ibi. Valentia etiam disp. 6. q. 6. punct. 7. versic. Hac ipsa ratione. Hentiq. lib. 5. de panit. c. 20. num. 5. & lib. 7. de Indulg. c. 30. num. 5. Azor. tom. 1. lib. 11. cap. 18. quest. 1. Say. in clauis regia, lib. 6. cap. 12. num. 5. Petr. de Ledefma sum. tom. 2. tract. 10. c. 8. in fine tertii partis. Suar. tom. 2. de Relig. tract. de voto, lib. 6. cap. 18. à num. 4. Sanch. citatus num. 4. Ouandus in 4. dist. 38. disp. unica, propositione 27. Anton. Gomez. in Cruciatæ, claus. 10. num. 11. Lud.

11. Lud. Lopez. 1. p. *instruct. c. 49. fine*, & Manuel Sà *verb. votum, num. 10.* & communiter recentiores, & probatur.

6. Primò *ex cap. licet de Regularibus*, ubi habetur, quod votum Religionis propria autoritate potest quis commutare in melius, scilicet in religionem strictiorem, & *ex cap. pervenit, el secundo, de iureiurando*, ubi dicitur quod non infringit promissum, qui in in melius commutat, quod idem colligitur *ex cap. Scriptura, de voto*.

7. Secundò, quia ut optime dicit Aragon. *ubi supra*, votum ideo obligat, quia est promissio de re grata Deo, sed qui commutat votum in rem meliorem, reddit rem Deo gratiorem, ergo satisfacit voto. Alias dicendum esset, non satisfacere voto dandi Ecclesiæ cereum, si dedisset calicem aureum, quod est valde ridiculum. Atque hoc idem dicendum iudicant multi Doctores de votis reservatis, respectu quorum existimant habere locum prædictam commutationem in melius; quod etiam nobis placet, quia reservatio illorum solum intelligitur, quando commutatio exigit auctoritatem Prælati. Vnde, cum in *c. ex multa, de voto*, reservatur Papæ commutatio peregrinationis Hierosolymitanæ, est intelligendum, sermonem esse de commutatione, ad quam necessaria est auctoritas Prælati, quia vel res est dubia, vel facienda est in minus.

8. Secundam verò prædictæ assertionis partem sequuntur D. Tho. 2. 2. *quest. 88. art. 12. Med. in sum. c. 14. §. 7. fol. 91. colum. 2. Rodr. §. 9. num. 106. Alcocer. in sum. cap. 16. Caiet. verb. voti commutatio in fine*, Lud. Lopez, Pedraz. Manuel Sà, Aragon. & Sot. *ubi supra*, licet cum aliquali dubio, Suar. *loco cit. cap. 20. num. 4. initio*, & Maior similiter citatus; imo Lessius idem sentit *num. 105.* ubi oppositum duntaxat vocat tutius, & alij quos refert, & se-

quitur Henric. *lib. 7. cap. 30. & probatur.*

9. Primò, *ex cap. Scriptura, de voto, & cap. Pervenit, de iureiurando*, ubi clare insinuat fieri posse propria auctoritate commutationem in eundem æquale.

Secundò, quia cum in commutatione, non solvatur vinculum voti, sed idem permaneat circa aliam materiam, non ob aliud desiderari potest auctoritas Prælati ad faciendam commutationem, nisi ut discernat, an materia in quam fit commutatio, sit æque bona, & grata Deo. Ergo si evidenter constat esse æqualiter bonam, non opus erit ut intercedat auctoritas Prælati, aut privilegium Bullæ.

10. Tertio, quia cum res sint æquales, æque placent Deo. Ergo non erit peccatum reddere vnam pro alia. Patet consequentia, quia inter homines cordatos non dicitur violare fidem, qui solvit rem eiusdem prorsus valoris ad eisdem usus prorsus aptam, pro alia quam acceperat. Ergo &c.

Adverto ramen cum Caietano *verbo votum. Armil. num. 14.* semper tutius esse, quod commutatio, quæ fit propria auctoritate, fiat semper in aliquid melius, quantumcunque parum. Adverto etiam cum Soto *ubi supra*, quod non debet quis propria auctoritate commutare castitatis, aut Religionis votum, quia non ita facile reperiri potest evidenter æquale, & sic exponit se periculo graviter errandi. Vera tamen est hæc conditionalis, quod si aliquid detur evidenter melius, aut evidenter æquale, recte possunt prædicta vota commutari, iuxta dicta.

11. Ad primum respondetur solum convincere, quod quando res est dubia, requiritur auctoritas Prælati, vel privilegium Bullæ; secus tamen cum evidenter constat materiam, in quam

fit commutatio, esse euidenter meliorem, aut æquè bonam.

Ad secundum bene ibi, non enim qui in melius commutat votum, eximit se à lege, sed melius illam implet; nec etiam qui in euidenter æquale, quia licet cum commutatur votum, non maneat, metaphysicè loquendo, idem votum in indiuiduo, & vt determinatur ad talem materiam in particulari, manet tamen idem moraliter, quia resultat ex illa commutatione similis obligatio in alia materia æquè bona. Res autem morales, moraliter sunt tractandæ; & per hoc respondetur ad vtramque impugnationem, quæ in eodem argumento fiebat. Secundò respondeo, quod in omnibus votis iure naturali inuoluitur racia quædam conditio, scilicet, *nisi voluero illud commutare in euidenter melius, vel æquale*, & sic ruit omnino difficultas illius argumenti.

11. Ad tertium ex *Leuitici loco*. Respondeo ibi solum prohiberi mutationem in peius; vel si omnimodam mutationem, id esse, ne quod Deo semel sacratum esset, in alios vsus conuerteretur. Ad locum verò ex *Ecclesiastico*. Respondetur illud præceptum impleri, licet propria auctoritate fiat commutatio, cum moraliter loquendo idem votum reddatur.

Ad Capitulum autem primum de voto respondetur cum Aragon. *vbi supra*, tantum definire id, quod regulariter debet fieri, quia re vera regulariter commutationes non sunt, nisi in bonum, de quo est dubium, an sit æquale, in quibus iam diximus esse necessariam Bullam, vel Prælati auctoritatem. Ad id tamen, quod ex iure ciuili adducitur, respondeo esse discrimen magnum inter Deum, & hominem, cui aliqua sit promissio. Nam Deo id quod est euidenter melius, semper est grarius, & quod est æquè bonum, est æquè illi

gratum, quia re vera æstimat res tanti, quanti sunt à parte rei; homini autem non semper est grarius, quod est melius; aut æquè gratum quod est æquè bonum, quia plerumque homines non tam respiciunt ad rerum bonitatem in se, quàm peculiare suas commoditates; & ideo respectu hominis, cui aliquid deberur, non semper satisfacit, si offeratur melius, aut æquè bonum; bene tamen respectu Dei. Atque his rationibus coactus Sanchez *num. 14.* in nostram declinauit sententiam.

13. Cæterum obserua, id hoc loco vocari melius, non quod ex genere suo est præstantius, sed quod omnibus recte perpenſis Deo grarius est, quempiam præstare. Quamuis enim ex se, & suo genere oratio sit melior, quam ieiunium, & elemosyna, quam carnis afflictio per cilicium; qui tamen ieiunium, vel cilicium vult, non potest suo arbitrio ista in elemosynam aliquam, seu orationem commutare: quoniam non semper Deo grarius est, nos id præstare, quod ex se excellentius est; sed quod pro tempore, loco, & dispositione nostra, plus expedit nostræ salutis. In hoc igitur poterit fieri commutatio; sufficienter namque promissioni satisfacit, qui loco rei promissæ soluit promissario id, quod est ei grarius, vt recte tradit Lessius *supra num. 101.*

14. Ex dictis infero primo, non posse quempiam propria auctoritate votum suum ingrediendi religionem, commutare in Episcopatus susceptionem. Rario est, quia esto Episcopi status sit, & dicatur, statu Religionis perfectior, vt pote perfectionis acquisitæ; tamen quia secundum rectum ordinem perfectionem in promouendo supponit, postulat enim perfectam charitatem, qua animam suam ponat pro ouibus suis, easque ad perfectionem nitatur adducere;

tunc

tum quia ad Episcopum spectat conferre confirmationis, atque ordinis sacramenta, quibus perfecti Ecclesiæ ministri efficiuntur; Vnde non absque temeritatis, arrogantiae nota aspirant nonnulli ad Episcopatum promoueri, cum videantur perfectionem, quam status ille supponit, sibi arrogare, seque idoneos tanto muneri iudicare. Non tamen est, aut dicitur status ille perfectior, quasi hominem reddat perfectiorem, aut Deo gratiorem, quam Religio: status enim Religionis, sicut strictiora habet instituta, ita eius professores ad perfectionem facilius adducit, & consequenter est Deo gratus, ut illum hic, & nunc potius amplectaris; vel saltem, si in aliquo casu gratus sit Deo, ut quis Episcopatum assumat, id non constat. Imo oppositum expressè habetur *cap. penult. de voto*, ubi Pontifex inquit; eum qui solenniter emisit votum suscipiendi habitum regularem, & postea electus fuit Episcopus, debere Ecclesiæ regimen resignare, & votum implere, si conscientiae suae consultum velit. Atque ita docent passim DD. cum Abulensi *cap. 30. Numerorum, quest. 94.*

15. Infeto secundò, quod si quis Deo promittat eleemosynam certo pauperi elargiendam, dum ipsi non est ius acquisitum per acceptationem, poterit propria voventis auctoritate alteri pauperiori erogari, modo cetera sint paria, id est, modo non concurrat peculiaris aliqua circumstantia in minus paupere, quæ Eleemosynam illi collatam reddet Deo gratiorem, nam ceteris paribus præstantior quidem, & Deo gravior est Eleemosyna, quæ pauperiori confertur. Hinc autem non est inferendum, posse quempiam sibi etiam pauperiori dictam Eleemosynam applicare. Nam esto res incertas futo ablatas, pauperibus restituendas, possit, qui eas restituere tenetur, si pauper sit, sibi

applicare; & similiter, qui iussu alterius tenetur Eleemosynam aliquam inter pauperes in certos distribuire, possit partem illius sibi pauperi assumere, iuxta aliquorum probabilem opinionem. At in casu nostro absolute dicendum est, nec propria, nec Prælati auctoritate posse huiusmodi commutationem fieri, quia nullam Eleemosynæ rationem habet, sicut constat etiam de Eleemosyna per Confessarium penitenti iniuncta, quam nequit penitens ipse, etiam pauper, sibi applicare; nec sunt similes casus adducti. Ratio est, quia in iis distribuitur pecunia nomine veri domini incerti, aut iubentis distribuere, ac si dominus ipse erogaret. Sed in casu de quo agimus, voventis erogatur nomine proprio; Imo etsi Prælati applicet, applicat tamen nomine voventis pecuniam; qua sic retenta, seu applicata, consequenter non impletur votum. Posset autem Prælati, vel sub paupertatis intuitu voventem dispensare, vel illius votum commutare in alia opera pia; vel posset etiam ipsemet pauper votum suum in opus aliud Deo gratus commutare, ut docet tradit Sanch. *ubi supra, num. 6.*

16. Infero tertio, regulariter commutationem voti, etiam in rem æque bonam, non debere fieri absque superioris auctoritate; tum quia, nisi in commutatione utilitas aliqua cluceat, non est certum, quod Deo sit grata, & accepta; & consequenter oportet intercedat auctoritas Prælati, qui vice Dei voluntatem ipsius interpretetur; tum quia difficillimum est, imo fere impossibile, hanc æqualitatem attingere, ac subinde non est credibile, id esse à Deo commissum cuiuslibet voventi, præsertim in propria causa; tum etiam quia promissio soluenda est in propria specie, quantum est ex vi fidelitatis, aliàs nullum votum intelligeretur magis factum

factum de materia determinata, quam de qualibet æquali; quod videtur absurdum, & contra communem sensum promissionum; ac propterea non potest propria auctoritate mutari, nisi in materia subrogata sit aliquis excessus, ratione cuius promissio non censetur obligare; in ipso enim voto, subintelligitur semper exceptio melioris. Hinc, si quis promittat, seu voueat certam Religionem, non poterit propria auctoritate aliam diuersam, etiam æqualem ingredi, ob rationes iam insinuatæ: & iuxta hanc doctrinam sunt exponendi fere omnes DD. pro priori sententia allegati, & tenent insuper Rodr. *ibidem*. Suar. cap. 19. num. 3. Per. de Ledesma *vbi supra* dicto 3. Grass. 1. p. decis. lib. 2. cap. 30. num. 6. Say. *supra* num. 8. & Azor. *ibidem* quest. 2.

## DVBIUM III.

*An ad puram commutationem, hoc est in maius, vel æquale bonum, requiratur aliqua causa.*

1. **R**atio dubitandi est, quia commutatio est actus iurisdictionis, qui non debet fieri, nisi ex legitima causa. Ergo commutatio perit causam aliquam obstantem voti executioni, ut testantur Angelus *verbo votum*, num. 10. Sylu. *votum* 4. quest. 8. Innoc. cap. 1. de voto, num. unico. Panor. *ibi*. num. 3. & Archid. c. *presbyter*, 2. dist. num. 3. sed neuter declarat, an id opus sit; cum commutatio fit in melius.

2. Quare respondeo dicendum, quod in commutatione in melius non requiritur alia causa, quam ipsa maioritas boni, in quod fit commutatio; in commutatione autem in æquale, vel non requiritur aliqua causa, cum eadem obligatio maneat circa æquale bonum, ut rectè notauit Henric. lib. 7. c. 30. fol.

575. vel si requiritur, sufficit pro causa commutationis ipsa maior promptitudo vouentis ad aliam materiam; ita quod alacrius votum suum implebit, ne aliàs leuitatis arguatur, si sine causa illud mutat. Primam partem huius assertionis docent D. Bonauentura in 4. dist. 38. art. 2. quest. 1. & ibi Richard. art. 8. quest. 1. Caiet. 2. 2. quest. 88. art. 1. 2. *versic. in commutatione autem*, Sotus *supra*, *versic. ex istis consequitur*. Nau. *vbi supra* qui ait esse de mente omnium Doctorum, & eam colligit ex c. *quod super his de voto*, vbi votum mulierum visitandi terram sanctam commutatur in Eleemosynas, non quia esset aliqua causa obstandi executioni voti, sed quia in subsidium terræ sanctæ plus coram Deo mulierum pecunia, quam presentia conferret, Abb. cap. *Magna de voto*, num. 16. Say. in claus. regia lib. 6. c. 12. num. 25. Azor. tom. 1. instit. mor. lib. 11. cap. 18. q. 3. Lessius de iust. lib. 2. c. 40. dub. 11. num. 96. Suar. tom. 2. de relig. tract. de voto, lib. 6. c. 18. num. 9. Sanch. sum. lib. 4. c. 50. num. 15. Rosella *verb. votum* 5. num. 6. & *ver. Papam*, & Sylu. *votum* 4. sine, & alij per ipsos relati.

3. Secundam autem partem sequitur Caiet. citatus, & Lessius *vbi supra*. Cord. in sum. quest. 149. Angl. diffie. 10. dub. 3. propositione ult. Armil. *verb. votum*. §. 14. Sylu. *votum* 4. §. 6. sine. D. Th. 4. dist. 38. Sot. 7. de iusticia, q. 4. art. 3. Say. Azor. & Rosella *loc. cit.* Anton. Gomez in *Cruciatæ claus.* 10. n. 105. Valen. 1. 2. dist. 6. q. 6. punct. 7. *versic. ex commutatione autem*, Suar. *cod. lib. 6. cap. 19. num. 10. Sanch. ibidem* num. 25. & Henric. lib. 7. c. 30. cum alijs, quos ibi refert, & sequitur. Et probatur, quia commutatio illo modo facta cedit in maiorem Christi honorem, in maioremque vouentis utilitatem, cum sic promptius, & hilarius votum suum impleat; bilarem autem datorem diligit Deus; ad Corinthios 1. Ergo rectè

recte potest fieri commutatio prædicta.

Ad rationem vero dubitandi respondco, quod commutatio in æquale bonum, non est actus iurisdictionis, ut visum est dubio præcedenti; secus autem est de commutatione in minus, quia hic est actus iurisdictionis, & consequenter fieri non potest sine legitima causa; quia habet nonnihil admixtum dispensationis. Ita Sor. *ubi supra* & Angles *difficul.* 7. cum aliis.

4. Hinc infero primò, quod tunc commutatio indiget causa, cum indiget Prælati ecclesiastici auctoritate, ut legitime fiat. Et probatur, tum quia, cum eo casu commutatio non fiat potestate dominatiua, cuius usus est liber, sed potestate spiritali à Deo tradita Prælati, tanquam suis œconomis, atque eius vicem gerentibus, nequit usus illius esse ad libitum, sed rationi consonus esse debet, & consequenter causam requirit: tum quia Prælati in ea commutatione interpretatur Dei consensum. Vbi autem nulla interuenit ratio, sed libera sua voluntas, non datur legitima causa diuinam voluntatem interpretandi. Atque id euidenter probant verba textus *cap. 1. de voto, num. 12.* & supponit D. Thom. *2. 2. quæst. 88. art. 1. 2. corpore*, & tenent Glof. *eo. cap. 1. verb. causam*, Abulensis *c. 30. Num. q. 103. fine, ac q. 104. initio*. Et à fortiori requiritur causa, dum commutatio fit auctoritate delegata, nempe per privilegia Regularium, seu Iubilæum, aut Cruciatam; & merito, quia si habens potestatem ordinariam, id est, Prælati nequit absque causa commutare; minus sane id poterit, qui ab eo habet potestatem delegatam. Ita Suar. *supra cap. 18. num. 10.* & Sanch. *cap. 50. num. 19.* Limita tamen, nisi delegatio fiat cum aliquo onere ob bonum commune, ut fit per Bullam, seu Iubilæum, tunc enim nulla alia requiritur causa, quam elemosynâ in Bulla præscriptam

conferre in belli subsidium; seu exequi opera in Iubilæo similiter præscripta: quippe ob eam causam Pontifex dictam facultatem concedit, & sic tradunt Rod. in *addit. ad Bullam*, §. 9. *num. 107.* & Suar. *ibidem*, & alij.

5. Infero secundò, non esse admittendam opinionem eorum, qui asserunt ad commutanda vota in rem æqualem, requiri causam executioni voti obstantem, ut si vouens peregrinatus sit debilis; aut vouens elemosynam sit pauper, & quid simile. Ita Abb. *cap. 1. de voto, n. 3. & 5. Rosella verb. votum §. n. 6. Sylu. votum 4. fine. Angel. votum 4. n. 10. Abulensis c. 3. Num. q. 105. Ouandus 4. diff. 38. disp. unica, propositione 26. Say. in clauis regia, lib. 6. cap. 12. num. 26.* & alij, quorum opinione omissa, dicendum est ad huiusmodi commutationem non requiri causam executioni voti obstantem: quoniam diuersa ratio est in mera commutatione, & dispensatione, siue totali, siue partiali, admixtam commutationem habente. Per totalem namque dispensationem tollitur omnino vinculum voti, & materia promissa: per partialem tollitur vtrumque, non omnino, sed partim: in mera autem commutatione idem prorsus vinculum manet, & materia etiam æqualis subrogata. Atque ideo cum parum, aut nihil laxatur diuinus cultus, consequenter non requiritur causa obstant. Ita Caiet. *2. 2. quæst. 88. art. 12. versic. in commutatione autem votorum, & in sum. verb. votum, cap. ult. versic. rationalis autem causa*, & ibi Armilla *num. 14. Arag. eod. art. 12. in dubio quod mouet circa secundam conclusionem, in 1. dicto. Valentia etiam 2. 2. diff. 6. quæst. 6. punct. 7. versic. ex commutatione autem, Nauar. lib. 3. consil. sit. de voto, in priori editione, consil. 16. num. 4. in posteriori, consil. 36. n. 4. Cotd. in sum. quæst. 149. & alij cum Henric. lib. 7. de indulg. cap. 30. num. 5.*

6. Infero



6. Insexo 3. quod si fiat commutatio in melius, nulla alia requiritur causa, vt constat ex dictis, si in æquale & autoritate superioris, sufficit maior voluntatis in illud propensio. Si autem dubitetur an sit æquale, sufficit notabilis molestia, quam sentit vouens circa voti impletionem, vel fragilitas eiusdem cum periculo violandi, vel repugnantia parentis, seu mariti, aut quid simile, prudentis iudicio æstimandum, vt recte docet Lessius de iust. lib. 2. cap. 4. num. 110. Ad commutationem igitur voti in rem æqualem, sufficit quæcunque causa, etiam levis, & parua, cum parua sit etiam remissio per illam facta, vt recte Sanchez. d. cap. 40. num. 23. sequutus Suar. tom. 2. de Religionel. lib. 6. cap. 18. num. 5. Imo interdum sufficiens causa erit, si vouens ipse commutationem postulet, tunc enim non solum concurret cum petitione promptior vouentis voluntas ad materiam subrogatam, sed cedit etiam in Christi honorem, quia dum Prælati, seu Delegatus vice Dei gratificatur illis, qui sua se sponte Deo obligarunt, alij in posterum facilius ad vota Deo dicanda inducuntur. Ita Caiet. utroque loco. Armilla, Valentia, Suar. & Henricus. supra. Sanchez. ibidem, num. 23. Anton. Gomez in Bulla claus. 9. num. 105. & Petr. de Ledefina sum. tom. 2. tract. 10. cap. 8. in 4. p.

## DVBIUM V.

*Virum virtute Bullæ concedentis facultatem ad commutanda vota possint commutari iuramenta pia.*

1. **M**ulti recentiores tuerentur partem affirmatiuam cum Sor. lib. 8. de iustitia, quæst. 1. art. 9. D. Anton.

2. p. tit. 11. cap. 2. §. 2. ex cap. peruenit, de iuramento, Rodr. in Bulla, §. 9. num. 110. & in addit. ad eandem, §. 9. num. 111. & alibi. Aragon. 2. 2. quæst. 88. art. 12. vbi citat Didac. Lopez libello de voto; Henricus. lib. 7. c. 50. vbi testatur id tenuisse Gallum, Peñam, & alios graues D. D. idem sentiunt Villalob. tom. 1. tract. 27. claus. 9. §. 3. num. 29. Potrel in addit. reg. verb. voti commutatio, num. 98. Snar. eod. lib. 6. cap. 14. à num. 6. quem sequitur Sanchez. cum alijs per eum citatis lib. 4. cap. 53. à num. 9. & probati potest eorum sententia. Primò, quia iuxta communem Doctorum intelligentiam Summus Pontifex eo ipso quod reservat sibi vota circa aliquam materiam, intelligitur consequenter reservare iuramenta circa eandem. Ergo similiter quando concedit alicui potestatem commutandi, aut dispensandi vota, intelligitur illam concedere circa iuramenta de eadem materia.

Secundò, quia votum est fortius, & strictius vinculum, quam iuramentum, vt expresse docent Doctores cum D. Thom. 2. 2. quæst. 89. art. 4. Ergo qui habet facultatem commutandi, aut dispensandi vota, à fortiori illam habebit circa iuramenta, ex regula Iuris in 6. cui licet quod est plus, utique quod est minus.

2. Verum his non obstantibus. Dico primo, probabilior est opposita sententia, quam defendunt Nau. cap. 27. num. 275. in fine, Caiet. 2. 2. quæst. 89. art. 9. Azor. tom. 1. instit. mor. lib. 11. cap. 10. quæst. 1. & cap. 18. q. 16. & cap. 19. q. 19. Lessius 2. de iust. cap. 42. dub. 12. num. 60. Petr. de Ledefina sum. tom. 2. tract. 11. cap. 4. diff. 4. versic. quinto. Barthol. à sancto. Fausto in Thesauro Relig. lib. 4. quæst. 41. Sed probatur primo, quia obligatio voti differt specie ab obligatione iuramenti, cum votum innitatur fidelitati Deo debitæ de implenda promissione, iuramentum veto reuerentiæ diuini

diuini nominis, in cuius honorem fit iuramentum; sed non eo ipso quod alicui conceditur facultas in ordine ad vnum, intelligitur concedi in ordine ad aliud diuersæ speciei: ergo, &c.

3. Secundò, quia in Bullis antiquis Pauli III. & Pij IV. ponebantur tanquam diuersæ facultates in ordine ad vota, & ad iuramenta, nam vltra facultates in ordine ad commutanda vota, dabatur etiam ad iuramenta.

Tertiò, quia cum priuilegia sint strictissimi iuris, vt constat ex *cap. porro sit. de priuilegiis*, non possunt operari vltra suum tenorem, vt notant Gloss. & DD. ibi: ergo cum tenor facultatis Bullæ solum sit in ordine ad vota, non poterit extendi ad iuramenta.

Quartò, quia in voto iurato sunt duo vincula, quæ fortiora sunt, quam vnum; Bulla autem solum dat facultatem tollendi vinculum voti, quod est minus, nihil prorsus dicens de iuramento. Vnde tanquam speciale priuilegium concessum fuit Societati Iesv à Greg. XIII. vt Confessarius commutet secularibus vota, etiam iurata. Quæ ex duplici vinculo sunt firmiora, teste D. Thom. 2. 2. *quest. 89. artic. 8.* Nauarr. *cap. 27. num. 275 §. 16.*

4. Ad primum respondeo esse disparitem rationem, quod quia Summus Pontifex de iure & ex officio ordinario possit dispensare, tam in voto, quàm in iuramento; Hinc est quod quando sibi referuat vota, videatur etiam referuare iuramenta de eadem materia. Qui tamē habet non ex iure, sed ex priuilegio facultatem commutandi, aut dispensandi vota, non eo ipso habet illam in ordine ad iuramenta, quia esset explicare priuilegium contra eius tenorem, vltra quem nulla ratione extendendum est; quare prædictum argumentum tantum conuincit, quod qui ex officio habet prædictam potestatem, eam similiter

habeat in iuramento, non vero qui illam habet ex priuilegio; & iuxta hunc sensum sunt interpretandi Caietan. & Sotus, qui ab aliquibus falsò allegantur in oppositum: nam esto *locus cit.* dicant votum esse arctioris vinculi, quam iurandum, & consequenter eum, qui potest illius vinculum soluere, posse etiam istius. Ibi tamen loquuntur de eo, qui de iure, & ordinaria auctoritate potest voti vinculum soluere, cuiusmodi est Episcopus; non de eo, qui ex priuilegio, & auctoritate delegata id potest, cuiusmodi sunt Confessores virtute Bullæ destinati.

5. Ad secundum respondeo negando consequentiam, quia in his, quæ sunt diuersæ rationis, non semper habet locum; qui potest in maius, potest in minus, diuersum in specie; Imò apud Philosophos nulla prorsus est consequentia, qui potest in maius, potest in minus, nisi illud minus contineatur in maiori, sicut species in genere, vel pars in toto. Vnde hanc sententiam sentiunt etiam probabilem *ubi supra, num. 5. & Sanch. num. 6.*

6. Obiicit, quia dispositum in vno æquiparaturum, censetur dispositum in altero, *argum. l. tantum ff. de seruo corrup. iunct. l. si quis seruo, C. de furtis.* Et docent Gloss. *cap. si postquam, verb. confirmatione de elect. in 6.* quam commendat Abb. *cap. 2. num. 10. de mutui petit.* Sed quo ad hæc priuilegia æquiparantur iuramenta, & vota: ergo facultas concessa ad vota, extenditur etiam ad iuramenta. Probatur minor, quia in eis priuilegiis conceditur facultas remittendi, aut commutandi obligationem ex virtute religionis soli Deo, tanquam creditori acquisitam: Certum autem est tam voti, quam iuramenti soli Deo præstiti obligationem, Deo duntaxat acquiri.

7. Confirmatur, quia cum alicui conceditur facultas ad actum maiorem; O o cense

cenſetur conceſſa ad actum minorem, argum. *cap. per venerabilem, qui filij ſint legitimi*. Atque ex eo probatur, quia poteſtas teſtandi ex privilegio, extenditur ad codicillum faciendum, & donationem cauſa mortis, vt tradit Nauarr. *ſupra*, & licentia donandi extenditur ad mutuandum; & facultas audiendi Miſſam tempore ceſſationis à diuinis, extenditur ad tempus interdicti. Imo etiam è conuerſo in rigore iuris, vt plures referens inſinuat Couarr. in *cap. Alma mater, 2. part. §. 4. n. 7.* At in voto, & iuramento ita contingit. Quia tota ratio tam voti, quàm iuramenti pij pertinet ad religionem, & Deum, qui vtriuſque ſolus eſt creditor; & conſequenter in diſpenſatione, ſeu commutatione vtriuſque ſolū cōſideratur, quid Deo ſit gratus, & in vtroque intēditur, vt Deo ſatiſſiat. Igitur eſto in rigore ſpeculatiuo ſint diuerſarum rationum, moraliter tamen quaſi patia iudicantur.

8. Ad obiectionem reſpondetur, dicendo maiorem non eſſe ſimpliciter veram; quia eſto in diſpoſitionibus, quæ pertineant ad ordinarium ius, valeat argumentum ab æquiparatis, dum euidentis differentiæ ratio non occurrit; in delegatione tamen id locum non habet, quia res eſt facti, & pendet ex delegantis voluntate; & conſequenter poteſt vnum actum, & non alium committere, quamuis ſimiles eſſe videantur; modo inter ſe non habeant neceſſariam connexionem, cuiuſmodi contingit in caſu noſtro, vt conſtat. Adde non eſſe verum ſimpliciter, quod iuramentum, & votum etiam eiſdem materiæ æquiparantur omnino; tum quia alias privilegium conceſſum ad diſpenſandum in iuramentis, poſſet extendi ad vota, etiam ſi intentionem eorū non faceret, quod nonnulli cenſent abſurdum apud Suar. *d. c. 14. n. 2.* tum quia ſub periurio venit violatio voti eiſdem materiæ.

9. Ad confirmationem reſpondetur, diſpoſitionem Capituli, *per venerabilem*, ſolum procedere in per ſe contextis, vt pars, & totum; vel vt principale, & acceſſorium; quod non habet locum in caſu noſtro. Et facit tegula Canonistarum aſſerentium, in diſpenſationibus non fieri extensionem, etiam ad caſum minorem, & habentem in ſe maiorem rationem, quam caſus conceſſus. Atque ita tradunt Hoſtienſ. in *cap. Poſulaſti, de reſcript.* & ibi Felin. num. 8. §. circa tertiam, & Dec. cum aliis per eum relatis *conſil. 250.* & patet ex poteſtate conceſſa ad diſpenſandum in irregularitate grauiori; quæ ſi in ſpecie conceſſa eſt, non extenditur ad minorem, & eſt communis opinio. Imo fauēt etiam *cap. cui de non Sacerdotali, de præbend. in 6. vbi habetur poteſtatem ex privilegio datam ad prouidendum de maiori præbendā, non extendi ad minorem*. Neque obſtant exempla in contrarium adducta; tum quia ſunt de rebus inter ſe ſubordinatis, ſeu connexionem habentibus; tum quia neutrum eorū tangit materiam diſpenſationis, ſeu commutationis. Neque etiam obſtat ratio tandem inſinuata, quia licet votum, & iuramentum Deo præſtitum, ad religionem ſpectant, & vtrumque reſpiciat Deum creditorem; nihilominus ſunt diuerſæ ſpeciei, vt dictum eſt ſupra. Atque vnum eſt ſatis ab alio diſtinctum; imo adhuc ſub iudice lis eſt, quod eorū ſit grauius vinculum, & plus obliget.

10. Dico ſecundò, nihilominus eſto hæc opinio probabilior, ac turior ſit, priorem tamen ſatis probabilem, & in praxi etiam rutam cenſeo. Nec intendo ſolum poteſtatem ordinariam circa vota extendi ad iuramenta pia, ſed idem ſentio etiam de poteſtate delegata, de qua eſt præſens difficultas: & quidem duplici ratione potiffimum ducor. Prima,

ma.

ma, quia cum iuramentum ordinatur ad Deum duntaxat, perinde reputatur ac votum; Vnde sub nomine voti solet iuramentū comprehendī, & ē conuerso, præsertim iuxta communem loquendi modum. Atque ideo Canonistæ interdum asserunt huiusmodi iuramentum esse quoddam votum. Ita Abb. in cap. si vero, de iur. iur. fine, & D. Anton. 2. p. tit. 11. cap. 2. §. 2. inquit, iuramentum promissorium de iis, quæ pertinent ad Dei honorem, includere votum. Hinc autem in communi æstimatione tale iuramentum quomodocunque fiat, pro voto reputatur, & sub ea voce comprehenditur; ita ut votum sic generatim sumptum significet debitum voluntarie contractum ex religione ad Deum.

11. Secunda, quia huiusmodi iuramentum & votum æquiparantur omnino in hoc, quod tota obligatio, & materia vtriusque vinculi ordinatur ad Dei honorem, & Deus solus existit eius obligationis creditor, ac proinde habent eundem dispensationis, & commutationis modum; imo & eandem rationem, & connexionem, attentō talium concessionum fine, & huiusmodi iuramentorum vsu, ut recte tradunt ubi supra Suar. num. 13. Sanch. num. 8.

12. Ex his itaque inferitur primò, quod sicut potestas delegata circa dispensationem, & commutationem votorum extenditur ad dispensationem, & commutationem iuramentorum, quæ soli Deo sunt, ita ē conuerso potestas delegata circa dispensationem & commutationem iuramentorum huiusmodi extenditur ad dispensationem, & commutationem votorum. Vtrumque enim probant rationes adductæ, & tenent expresse Suar. num. 24. & Sanch. num. 10. qui addit id esse verum, etiam si iuramenta illa nullam includant promissionem, quia quomodocunque soli Deo fiant, reputantur tanquam vo-

ta, cum soli Deo obligatio inde quærat ex virtute religionis.

13. Inferitur secundò, non esse admittendam opinionem eorum, qui potestatem delegatam ad vota extendunt ad iuramenta adiecta contractui, in quo est turpitudine, & iniustitia in creditore, cuiusmodi est iuramentum factum homini soluendi vsuras, aut metu iniusto extortum. Ita opinantur Barth. à Ledesma sum. tract. de matrim. dub. 23. post 3. conclusionem. Man. Rodr. tom. 1. summa in 2. edit. cap. 231. num. 4. & cap. 244. num. 4. Ducti, quia per hæc iuramenta nullum ius acquiritur homini, cui fiunt, sed solum Deo, & consequenter rationem voti induere videntur, non aliter, quam si soli Deo fierent. Oppositum tamen tenendum censeo, quoniam esto per illa iuramenta nullum ius acquiritur homini cui fiunt: nihilominus cum nec intuitu pietatis, sed humani contractus fiant; proinde nec vllam voti, sed meræ promissionis humanæ rationem induunt: Atque ideo nec votorum voce comprehendī solent. Ita Suar. sub n. 13. & eodem tom. 2. de religione tract. de iuramento, lib. 2. cap. 41. n. 13. & Sanch. loco cit. num. 13. & tom. 1. de matrim. lib. 1. disp. 32. num. 17.

14. Inferitur tertio, prædicta iuramenta, nec per Bullam Cruciatæ, nec per priuilegium Societ. Iesu, concedens vota iuramento firmata, posse relaxari seu commutari. Quia talia iuramenta nullo modo sunt vota ob rationem assignatam, possent tamen relaxari, seu commutari per priuilegium, seu diploma concedens relaxationem iuramentorum absque tertij præiudicio: quia cum ex huiusmodi iuramentis non acquiratur ius tertio, proinde nec ex illorum relaxatione inferatur ei præiudicium. Ita ibidem Suar. & Sanch. & Petr. de Ledesma sum. de matrim. quest. 47. art. 3. dub. quod mouet circa 3. arg.

§. sed adhuc est aduertendum. Possunt etiam relaxari per Iudicem, compellendo creditorem, vt remittat huiusmodi iuramentum. Vnde cum hæc sit materia spiritualis, potest quidem Iudex Ecclesiasticus ad id compellere, non solum Ecclesiasticus, sed etiam laicos, arg. cap. 1. de iur. i. ibi. *Mandamus quatenus creditores ad iuramenta super usuris sibi soluenda præstita, relaxanda, Ecclesiastica districtione cogatis.* Atque ita tradunt ibi Abb. num. 3. & Couar. 1. *variarum*, cap. 4. num. 5. Imo potest etiam Iudex secularis ad id compellere laicos, cum enim sit competens ad cogendum seruare iuramentum, per *tex. in cap. 2. de iur. i.* in 6. eadem ratione potest compellere ad relaxandum, & sic indicant d. cap. 2. Abb. num. 3. Alex. de Neno num. 10. & aliis citatis Felin. cap. 1. de iur. i. num. 22.

14. Id tamen limita primò, vt intelligatur, cum constet de recipientis turpitudine, & teneri ipsum relaxare; nam si dubium sit, solus Iudex Ecclesiasticus erit competens. Ita Abb. loco proxime cit. Tabiena verbo *iurare*, quest. 20. num. 2. & Mol. tom. 1. de iust. tract. 2. disp. 149. §. Aliud accipere. Limita secundo, vt intelligatur, cum materia, circa quam iuramentum præstitum fuit, est mere temporalis ad forum secularem spectans; secus, inquit, Iudex secularis de hoc cognosceret. Ita Molina citatus.

His tamen duabus conditionibus suppositis, potest Iudex laicus id præstare, adhuc nolente parte remittere. Hoc enim nõ est absoluerè, nec proprie relaxare, sed decernere, non posse iurantem astringi per aduersarium sub illius iuramenti prætextu, vt alijs per eum relatis late probat Mol. d. disp. 149. fol. mihi 844. & seqq. vbi docet posse potestates laicas iuramenta relaxare, dum id bono publico expedit, & sequitur Sanch. d. disp. 32. num. 18.

## D V B I V M V I.

*An virtute Cruciatæ, seu Iubilæi possint commutari vota iurata, seu iuramento firmata..*

1. PRO declaratione huius dubij obserua, hic non agi de iuramentis factis homini, cum hæc non veniant nomine voti; sed agitur de iuramentis Deo præstitis, quæ includunt implicitè votum, & proinde voce voti etiam comprehenduntur. Hæc autem iuramenta aliquando fiunt sine voto, iurando tantum facere hoc, vel illud opus pium, & de his actum est dubio præcedenti. Aliquando autem fiunt cum voto; & tunc interdum votum præcedit, & subsequitur iuramentum in confirmationem voti emissi; interdum etiam præcedit iuramentum, & deinde additur votum ad confirmandum iuramentum. In præsentem igitur dubio agitur de votis, quæ per subsequens iuramentum firmantur.

2. Obserua insuper, quod si privilegium sit expressè ad vota iurata commutanda, seu dispensanda, cuiusmodi est illud, quod Societati Iesv concessit Greg. XIII. tunc certissimum est, posse virtute illius commutari vota iurata, siue iuramentum accedat voto accessorie tantum, siue sit etiam principale, & quasi concomitans, vt ex statim dicendis magis fiet manifestum. Dictum enim privilegium indistinctè loquitur; & nulla ratio cogit ad illud limitandum, vt notat Sanch. *sum. tom. 1. lib. 4. cap. 53. num. 16.* Privilegium autem Cruciatæ, seu Iubilæi solum concedit facultatem commutandi vota absque vlla mentione iuramenti, vt constat.

3. Circa præsentem igitur difficultatem tres opiniones existunt. Prima absolute negat facultatem delegatam ad  
vota

vota simpliciter commutanda extendi ad vota iurata. Ita Henricq. lib. 7. de indulg. cap. 30. num. 5. Azor. lib. 11. instit. Mor. cap. 10. quest. 2. & cap. 18. quest. 16. Filliuc. tom. 2. tract. 16. cap. 9. num. 255. Man. in Bulla Cruc. §. 9. num. 110. & sum. tom. 2. cap. 100. fin. & in quest. Regul. tom. 1. quest. 63. art. 5. Sorbus in compend. verb. Absolutio 2. quoad seculares, in annot. suis, conclus. 8. & verb. votum, in annot. notabili §. & Say. in clauis regia lib. 5. cap. 8. num. 9. versic. Dixi absque privilegio. Dūcuntur primò, quia in votis iuratis continentur duo vincula expressa; duo autem apertè maiora sunt vnico expresso, & consequenter facultas delegata ad vnum simpliciter, non debet extendi ad duo. Et confirmatur ex D. Thom. qui 2. 2. quest. 89. art. 9. ad 2. inquit iuramentum addi voto, vt per duas res immobiles maior firmitas habeatur, & Sotus de iust. lib. 8. quest. 1. art. 8. ad 2. ait, licet vinculum iuramenti sit minus, additum voto nexum reddit implicationem.

4. Secundò, quia si priuilegium commutandi vota extenderetur ad vota iurata, frustranea esset concessio Gregor. XIII. facta Societati Iesv ad commutanda vota iurata, cum iam illam habuerit à Paulo III. ad commutationem votorum simpliciter faciendam, vt constat ex Compend. priuileg. verb. commutatio, §. 1.

Secunda opinio absolutè affirmat eum, qui potest vota commutare, posse etiam, esto sine iuramento firmata. Ita Emmanuel Sà, summa, verbo votum, vbi de voti irritatione, & dispensatione, num. 16. Rodr. in addit. ad Bullam, §. 9. num. 111. cuius oppositum tenuit in eadem Bulla §. 9. num. 110. idem sentit Suar. tom. 2. de Relig. lib. 6. cap. 14. à num. 191. Ducuntur primò, quia virtute Cruciatæ, seu Iubilæi possunt commutari tam vota, quam iuramenta pia in

diuersis personis, vt constat ex dictis dub. precedenti. Ergo poterunt etiam commutari, si in eadem persona concurrant. Probatur consequentia, quia per coniunctionem voti, & iuramenti, nec mutatur natura eorumdem, ita vt non reseruaturn fiat reseruaturn, nec est cur vnum possit impedire potestatis vsum erga aliud: igitur ea conditio nec etiam impedit, quin virtute Cruciatæ, seu Iubilæi possit vtrumque tolli, vel simul, vel diuisim, sicut si alterutrum esset solum, posset per illam auferri.

5. Secundo, qui delegatam potestatem habet vota commutandi, seu dispensandi, potest non semel tantum, sed sæpius cum eadem persona dispensare, seu commutare vota. Ergo postquam delegatus commutationem voti concessit, potest eandem concedere circa iuramentum, & similiter poterit simul tollere vtrumque, quasi duas dispensationes, seu commutationes simul concedendo.

Tertiò, quia esto iuramentum, & votum sint duo vincula, & inter se specie distinguantur, per consortium tamen, seu coniunctionem vnus ad alterum, nulli eorum additur noua grauitas intensiua, sed extensiua duntaxat, id est plura vota: igitur qui potestatem habet dispensandi, seu commutandi vnum, potest & aliud dispensare, vel commutare diuisim, vel simul.

6. Tertia opinio, quæ mihi magis probatur, sic distinguit. Si iuramentum præstetur ad voti emissi confirmationem, tunc priuilegium dispensationis, seu commutationis circa vota extenditur ad ea sic iureiurando munita. Si autem non præstetur in voti confirmationem, sed independenter ab illo, vt si quis prius vouit ieiunium, & postea iurauit illud, non quasi votum confirmans, sed vel eius inmemor, vel omnino independenter; tunc priuilegium

commutandi votum simpliciter non extenditur ad commutationem voti, & iuramenti simul. Hanc sententiam quoad priorem partem tenent quotquot tueniur secundam opinionem præcedentem; & quoad posteriorem, tenent eam Authores pro prima opinione citati, & quoad utramque eam amplectitur Sanchez lib. 8. de matrim. disputat. 2. num. 13. & in summ. tom. 1. lib. 2. cap. 5. num. 20.

7. Atque prior pars sic suadetur. Nam votum, etsi iuramento firmetur, non definit esse votum, quippe iuramentum voto additum non destruit illud; sicut promissio ad hominem iurata, vera promissio est; & consequenter votum, non obstante iuramento, poterit tolli per potestatem delegatam tollendi vota; sed voto ablato iuramentum per se cadit, & definit obligare absque alia dispensatione, seu commutatione: ergo per illam facultatem potest utrumque tolli, votum nimirum directè, & iuramentum indirectè. Consequentia est bona, & minor probatur. Quia sublato fundamento, ruit quod in illo nitebatur; & ablato principali aufertur accessorium. Hic autem votum est principale, & iuramentum accessorium; & similiter votum est fundamentum, cui iuramentum adhæret, ac proinde illo ablato, istud cessare oportet. Potest etiam confirmari, ac declarari exemplo promissionis humanæ iuramento confirmatæ. Etenim si in cuius favorem facta est promissio, remittat illam, consequenter cessat iuramentum, quod illi adhærebat: igitur in casu nostro similiter dispensato, seu commutato voto, cessat iuramentum in illius confirmationem factum. Vnde infert Suar. num. 15. quod supposita potestare, non requiratur maior causa ad tollendum tale votum, quam si iuratum non esset; tum quia nullatenus iura-

mentum læditur ex illa voti ablatione, cum illud sit de seruanda Deo fidelitate, quæ inde nequaquam violatur; tum quia iuramentum illud est quodammodo conditionale; nam dum quis ait, iuro seruare votum, intelligitur si durauerit, vel nisi remittatur; atque ideo non impleta conditione, nihil iuramento derogatur.

8. Posterior pars probatur ex eo, quia cum votum, & iuramentum sint duo vincula diuersæ speciei, nec vnum pendeat ab alio, consequenter illo per dispensationem, seu commutationem ablato, non cessabit istud; duo enim fortiora sunt vno solo, quod per priuilegium conceditur.

Confirmatur, quia quando duo concurrunt impedimenta, tenet probabilior sententia utrumque esse in eadem dispensatione narrandum, ut valeat; vnde si alterum esset ex iis, in quibus potest Episcopus, & alterū, in quo Pontifex solus, non posset Episcopus in altero dispensare ob concomitantiam alterius simul narrandi, & tollendi, ut multis citatis latè probat Sanchez 8. de matrim. disputat. 23. num. 1. Et quidem absurdum videtur admittere validam esse dispensationem laborantis octo impedimentis dirimentibus, petitis à Pontifice octo dispensationibus seorsim, & ex industria. Id enim esset Pontificem decipere, cum facile eas octo personis concederet, vni autem nullatenus: quoniam (ut rectè tradunt Bal. l. Barbarius, num. 8. vers. 4. contra hoc ff. de offic. Prætor. & Ripa Respons. 14. de rescript. num. 11.) non præsumitur Principem velle promouere odiosos, ac multipliciter criminosos, quod ad multiplex iuris impedimentum habentes, esto ex delicto non nascatur, rectè adaptari posse docet Sanchez ibidem.

9. Sed quæres primò, an commutando votum iuratum, commutetur etiam

etiam iuramentum, vel potius relaxetur. Respondetur quod in rigore, & per se non commutatur, sed relaxatur. Vnde etsi per commutationem talis voti, maneat obligatio voti circa aliam materiam, id tamen votum quod manet, non est iuratum, sicut prius erat. Ratio est, quia iuramentum non patitur extensionem, seu translationem, (vt ita dicam) ab vna materia ad aliam, iuxta *cap. Clericus, de iureiur.* Atque ideo si quis (v. g.) iurauit seruare votum ieiunandi, non potest ex vi talis iuramenti obligari ad recitandum rosarium, in euentu quo prior materia in istum commutata sit, argum. *d. cap. Clericus.* Neque obstat si dicas quod quamuis iuramentum nō possit extendi, seu transferri ad aliam materiam, potest nihilominus commutari. Respondetur id verum esse, in præsentī tamen non commutatur iuramentum, sed votum duntaxat, vt supponimus. Cæterum, qui tale votum commutat, posset etiam nolle id commutare, nisi vovens acceptet nouam materiam sub eadem obligatione voti iurati; & in eo casu obligabit iuramentum: virtute namque de nouo emittitur super nouam materiam, & obligationem.

10. Quæres secundò, quæ sit differentia inter extensionem, seu translationem iuramenti, ac eiusdem commutationem. Respondetur quod extensio, seu translatio, vt sic, non dicit repetitionem iuramenti, sed applicationem eiusdem ad nouam materiam; quæ applicatio impossibilis est, vt habetur ex *textu citato*, vbi dicitur Clericum, qui iurauerat seruare edita statuta, & postea promisit per idem iuramentum seruare statutum de nouo conditum, non obligari ex vi iuramenti, sed ex vi promissionis ad seruandum nouum statutum. Commutatio autem dicit virtua-

mutatio voti dicit virtualement repetitionem, seu emissionem voti circa nouam materiam. Vnde si extensio latè sumatur pro virtuali, seu formali repetitione similis iuramenti, sic verum est extensionem in iuramento locum etiam habere.

11. Ex dictis infero primò, quoties commutatur iuramentum, siue ex consensu partium, siue ex auctoritate Superioris, siue ex potestate delegata Confessoris, id in quod fit commutatio, cadere sub obligationem iuramenti: tum quia alias non esset commutatio, sed extinctio prioris iuramenti, & noua promissio, seu pactio, quod est absurdum: tum quia id probatur à simili de voto, quod dum commutatur, nouam materiam cadere sub obligationem voti omnes fatentur, & consequenter idem est dicendum de iuramento, cum utrobique eadem ratio militet.

12. Infero secundò, quod esto tertia sententia sit probabilior, & tutior in conscientia, nihilominus secunda opinio probabilis etiam mihi videtur, & satis pia, quam etiam amplectitur Sanchez *d. cap. 53. num. 20.* Ducor, quia satis probabile etiam censetur dispensationem vnus vinculi non impediri per conjunctionem alterius, vt *ibidem* fateatur Sanchez, & ait Suar. *loco cit.* tunc quia nullo iure cauetur, vt in impetratione dispensationis vnus impedimentum fiat mentio de aliis: tum quia valet impetratio absolutionis ab vna excommunicatione, non facta mentione de aliis, quibus idem penitens irretitur; vt communiter tradunt DD. cum gloss. *cap. ex parte, verb. redire, de offic. ordin.* tum etiam quia passim in Curia contingit impetrari dispensationem in quodam matrimonij impedimento, non facta mentione de alio, & vtraque reputatur valida; quem styllum refert Nau. apud Sanch. *lib. 8. de matrim. dispus. 23. num. 1.*

vbi



vbi multos recenset Authores pro hac sententia. Vnde probabiliter etiam videtur deduci, eum, qui potest vora commutare, posse, esto sint iuramento firmata; & parum referre vtrumvis ex illis præcedat, & an sit alterum accessorium; an vtrumque principale. Imo similiter videtur dicendum, quod si facultas illa sit ad iuramenta Deo præstita, extendetur etiam ad vora de eadem materia, siue seorsum, siue simul concurrant, cum iuramentum Deo præstitum, virtute semper votum includat, vt ex dictis constat.

14. Verum quia tertiam sententiam & probabiliolem, & tutiorem censesmus, superest argumentis in fauorem primæ & secundæ adductis satisficere. Atque ideo ad primum pro prima opinione factum respondetur, id minimè conuincere saltem de vinculis quorum vnum est accessorium respectu alterius, tunc enim non est necessaria directa potestas in vtrumque; sed in illud duntaxat, quo sublato cessat aliud. Vnde ad confirmationem fatemur quidem maiorem esse obligationem, vbi votum, & iuramentum simul concurrunt, quamvis iuramentum sit voto accessorium, quia tamen in eo casu sublata voti obligatione, tollitur & iuramenti, idcirco sufficit potestas ad votum.

Ad secundum respondetur, merito fuisse id priuilegium obtentum; tum ad tollendos scrupulos, qui ex opinione circa hæc varietate suboriri fortasse possent, tum vt virtute illius queant commutari vora iurata, etiam dum vtrumque vinculum æqualem inducit obligationem.

15. Ad primum similiter argumentum pro secunda opinione factum respondetur, id solum concludere de habente potestatem æque in votum, ac iuramentum; aut dum hoc est accessorium il-

lius, secus verò dum non ex æquo quis habet potestatem in vtrumque; sed ratione æquiparationis inter votum, & iuramentum, potens in vno potest in alio: tunc enim cum vtrumque vinculum non æquiparetur alteri soli, sed illud excedat, nec iuramentum sit voto accessorium, sed ab eo independents, qui potest in alterutrum seorsum, nequit in vtrumque simul, & constat exemplo; nam qui potest ex priuilegio dispensare in secundo gradu consanguinitatis, potest à fortiori in tertio, nequit autem dum vterque gradus simul concurrat. Et ratio est, quia non habebat potestatem in vtrumque directè, sed per quandam consequentiam duntaxat.

16. Ad secundum respondetur negando consequentiam, quia esto quis possit commutare sapius vora alicuius, & consequenter semel votum, & postea iuramentum, non tamen dum simul concurrunt, vt à simili constat in rebus physicis; etenim potest quis mille libras supra dorsum portare, non tamen simul, sed diuisim, nunc centum, & postmodum alia centum, & sic de singulis. Similiter Confessarius poterit commutare votum, seu iuramentum virtute Bullæ, non tamen dum simul concurrunt, nisi vnum sit alterius accessorium: tunc enim solum commutat votum, cum ex iuramenti confortio non mutet naturam, & iuramentum absque alia autoritatis applicatione relaxatur, vt notat

Rodr. in addit. §. 9. n. 111.

sine. Atque ex his patet etiam solutio ad tertium.

DUBIUM VII.

*An delegata potestas commutandi vota extendatur ad dispensandum in eis, & è contra, an delegata potestas dispensandi extendatur ad commutandum.*

1. **C**irca præsentem difficultatem pro certo habendum est, eum qui ordinariam habet potestatem dispensandi vota, posse etiam commutare. Sed dubium est, an qui habet potestatem delegatam commutandi, possit dispensare, esto dispensare sit maius, quam commutare, ut constat: & multo plus controuertitur, an potestas delegata ad dispensandum, extendatur ad commutandum. Quapropter circa hanc posteriorem partem affirmatiue respondent Palud. in 4. dist. 38. art. 3. conclus. 5. num. 35. Sotus lib. 7. de iust. quest. 4. art. 3. paulo post vers. Ex his fit consequens, Henricus lib. 7. de indulg. cap. 30. num. 5. Emanuel Sà verb. votum, num. 19. Aragon. 2. 2. 2. quest. 88. art. 12. dist. 2. & quest. 89. art. 9. propositione 2. Suar. tom. 2. de religione, tract. de voto, lib. 6. cap. 12. à num. 10. Lessius lib. 2. de iust. cap. 40. dub. 16. num. 108. Say. in clau. regia, lib. 6. cap. 12. num. 15. Man. Rod. in Bulla, §. 9. num. 115. & tom. 2. sum. cap. 100. ad finem, Lud. Lopez 2. p. instrum. vbi de clauibus, cap. 9. vers. Præterea ex prædictis.

2. Ducuntur primò, quia cui licet quod plus est, licet quoque minus, ut habetur ex regula §. 3. cui licet de reg. iur. in 6. quæ vera est iuxta communem sententiam, quando minus continetur in maiori, tanquam pars in suo toto, vel tanquam species in genere: sed commutatio continetur in dispensatione tanquam pars in suo toto; dispensatio enim remittit omnino vinculum voti, commutatio vero remittit partem, nimirum ut non impleatur in materia

promissa, sed in alia æquali. Ergo habens potestatem delegatam dispensandi, habet & commutandi vota.

3. Secundo, quia Commissarius ad totum debitum remittendum, non excedet suæ potestatis limites; imo fidelius agerem committentis, si illud in aliam rem æqualem commutet. Igitur cum per dispensandi potestatem committatur facultas remittendi totum votum, non exceder Delegatus suæ potestatis limites. Imo fidelius agerem Dei negotium, commutando illud in rem æque gratam Deo.

Tertiò, quia potens remittere totum debitum, à fortiori potest remittere partem eius; sed potens ex privilegio dispensare, potest totum voti debitum remittere: igitur & poterit partem, videlicet ut id in alia specie æquali solvatur, quod est commutare.

4. Confirmatur, quia in commutatione duo continentur. Alterum est ablatio vineuli à priori materia, & hoc præstat etiam potestas dispensandi. Alterum est transferre vinculum in materiam æqualem, & ad hoc sufficit prudens iudiciū transferentis. Ergo potestas dispensandi non excedit limites commutandi, præsertim quia dispensandi potestas, tanquam favorabilis, amplianda est.

5. Negant alij delegatam potestatem dispensandi extendi ad commutandum. Ita Nauar. §. in Lenit. notab. 27. num. 1. & in sum. cap. 12. num. 79. Palatius in 4. dist. 38. dist. 3. vers. Et facit si amicus. Met. sum. lib. 1. cap. 1. Valenz. 2. 2. dist. 6. quest. 6. punct. 7. vers. der. i. q. Azor. tom. 1. lib. 11. instit. Mor. cap. 10. quest. 4. & cap. 18. quest. 7. Sanch. tom. 2. de Matrim. lib. 8. dist. 2. num. 15. & sum. tom. 1. lib. 4. cap. 53. num. 4. Lud. Lopez 1. p. instrum. cap. 50. paulo post principium, & Beja in suis responsis 2. p. casu 9. in ordine. Ducuntur primò, quia privilegia non plus valent, quam sonant; & consequenter si vnum

tantum actum concedunt, non possunt extendi ad alium distinctum, siue sit maior, siue minor, modo non sit pars alterius. Ergo potestas delegata ad dispensandum non potest extendi ad commutandum. Antecedens constat, quia privilegia quantumvis favorabilia, non sunt extendenda ultra verborum proprietatem, ut fatetur Suar. *eodem lib. 6. cap. 19. num. 8.* ac seorsum non sunt extendenda nisi ad actum expressè concessum; unde potens dispensare ex privilegio super irregularitatem grauiorem, non ideo potest tollere diuersam, etiam minorem. Probatur autem Consequentia, quia dispensatio est ad tollendum vinculum voti, commutatio vero non tollit illud, sed transfert duntaxat ab vna materia in aliam: igitur potestas delegata ad dispensandum, quantumvis sit favorabilis, non est extendenda ad commutandum: cum commutatio pura, nec seruata verborum proprietate, nec iuxta communem modum loquendi, sub dispensatione comprehendatur.

6. Secundò, quia èst in commutatione reperiatur aliqualis dispensatio, hæc tamen est valde impropria, & secundum quid, ut fatetur Suar. *ibidem n. 14.* Et probatur, tum quia commutatio valet absque legitima causa, ut dictum est *dub. 4.* non sic dispensatio siue partialis, siue totalis, ut fatentur fere omnes; tum quia ad commutandum maior requiritur pericia, quam ad dispensandum: igitur commutatio nullatenus continetur in dispensatione, saltem si de dispensatione propria, & simpliciter sit sermo. Sicut pars hominis picta, etsi dicatur pars hominis secundum quid, non tamen simpliciter. Atque ideo non verificatur hic ea regula; cui licet quod plus est, licet quod minus; ea namque requirit vnum in alio contineri, tantum partem simpliciter in suo toto.

7. Tertiò, quia quamuis commutatio sit dispensationis pars, adhuc non procedit dicta regula, quoniam ut potens quod plus est, possit quod minus, requiritur vt prior potestas sit omnino absoluta, vel si cum limitatione aliqua, reperiatur etiam eadem limitatio in illo minori: idque exemplo, declaratur sic; si quis suo committat œconomus, vt libetè queat aliquid remittere debitum, aut inuenta tali debitoris paupertate; tunc in priori casu certum est posse libetè partem illius remittere, vel totum commutare, cum hic etiam sit partialis quædam remissio, permittendo solutionem in alia specie. In posteriori autem casu, certum similiter est, quod inuenta ea debitoris paupertate possit vtrumque præstare, & in vtroque eventu rem Domini fideliter agere. Secus si non inuenta ea paupertate remitteret partem debiti, aut illud in rem æqualem commutaret; quippe suæ potestatis limites excederet, & consequenter non suffragaretur illa regula; cui licet quod plus est, licet quod minus, quia quod plus est, non licebat absolute, sed cum limitatione, atque ideo nec etiam licebat illud, quod minus est, nisi eadem limitatione existente. Idem igitur contingit in delegata potestate dispensandi, non enim censetur commissæ alicui libere, sed legitima causa existente. Unde certum quoque videtur, quod si existat causa ad totalem voti remissionem sufficiens, possit non solum dispensari, sed commutari etiam votum ab habente potestatem delegatam: & tunc habebit locum regula; cui licet quod plus est, licet quod minus, & qui potest remittere totum, potest & partem. Si autem deficiat ea sufficiens dispensandi causa, non poterit delegatus commutare, esto id minus sit, cum in ea dispensandi potestate non includatur.

8. Quartò,

8. Quartò, quia cum valet argumentum à maiori ad minus affirmatiue; valet quoque à minori ad maius negatiue: vt sicut valet, Petrus potest dare decem scuta, ergo potest dare quinque: ita etiam valet, non potest quinque, igitur nec decem. Sed à negatione potestatis commutandi, non valet ad negationem potestatis dispensandi: igitur nec valet affirmatiue à potestate dispensandi, ad potestatem commutandi. Minor probatur, quia esto alicui auferatur potestas commutandi vota, non eo ipso censetur ablata potestas dispensandi, vt indicat expressè Nauar. loco cit.

9. Neque obstat, si respódeas ex Suar. *supra*, num. 16. negando Maiorem: suspensus enim ab inferiori actu, censetur etiam suspendi à superiori, si cum inferiori necessariam habeat connexionem, seu illum includat; vt suspensus à Diaconatu, censetur quoque à Sacerdotio. Huic tamen responsioni se opponit Sanch. num. 4. sine, dicens commutationem non habere necessariam connexionem cum dispensatione. Quia nec ex iure naturæ, nec ex iure ecclesiastico habetur talis cōnexio: imo possunt ab inuicem separari. Nihil enim repugnat, si Prælati concedat facultatem dispensandi, & denegat commutandi, esto legitima causa existat.

10. Vtraque prædicta opinio mihi videtur satis probabilis, attentis rationibus, quibus nititur, & authoribus qui eam sequuntur. Posterior tamen vt tutior mihi magis probatur; tum quia priuilegia sunt stricti iuris, atque ideo non sunt vltra proprietatem verborum extendenda; tum quia valor priuilegij pendet ex voluntate concedentis, & consequenter nisi aliud exprimitur, non est facienda extensio de casu ad casum. Rationes autem in contrarium adductæ facile soluuntur. Fa-

teor nihilominus, habentem delegatam dispensandi in votis facultatem, posse partim dispensare, & partim commutare: vt etiam fatetur Azor. *supra*, & Sanch. num. 5. Ratio autem potissima est voluntas concedentis rationabiliter præsumpta. Nam delegans dispensandi potestatem rationabiliter præsumitur, quod velit eam delegare quoad meliorem, tutiorem, & magis communem usum. Nec dubium est, quin melior, tutior, & magis communis dispensationis vsus; imo ab omnibus plerumque DD. consultum sit, dum aliquis admiscetur commutatio; & consequenter dispensandi potestas ita censetur concessa, vt liceat etiam partim commutare.

11. Sed quæres circa priorem huius dubij partem, an similiter potestas concessa ad commutanda vota extendatur etiam ad dispensationem? Ratio dubitandi est, quia commutatio non fit sine dispensatione. Ergo potestas delegata ad commutandum, extenditur ad dispensandum. Consequentia est bona, & Antecedens probatur. Quia vel talis potestas restringenda est ad commutationem in melius, aut æquale, & huiusmodi restrictio videtur valde rigurosa; vel extenditur ad commutationem in minus, hæc autem non fit sine aliqua dispensatione, cum moraliter vix separantur; raro enim dispensatio fit absque vlla impositione. Hinc Innoc. Panor. & alij in cap. 5. de voto, ex potestate commutandi, quæ est in Episcopis, colligunt potestatem dispensandi. Atque ideo Sylu. verb. votum 4. quest. 3. dist. 2. ait habentem commutandi potestatem, habere etiam dispensandi; cui sententiæ adhæret Palat. in 4. dist. 38. disp. 3. circa finem, §. & sane.

12. Cæterum, oppositum est absolute tenendum, nempe ex potestate delegata commutandi non inferri po-

testatem dispensandi : est communis sententia, quam ut certam tradunt communiter DD. *præcis. dubio...* pro utraque opinione allegati, & Cord. etiam lib. 5. de indulg. q. 37. & Couar. in cap. *quævis pactum*, 1. part. §. 3. num. 4. Imo & possunt pro eadem citari Abb. & Rosella, dicentes, etiam in Episcopo non verificari, quod habeat potestatem dispensandi, quia habet commutandi. Nec immerito, rum quia commutatio, ac dispensatio propriè, & in rigore sunt actus distincti; commutatio quippe est quid minus, quam dispensatio. Hæc tollit vinculum voti, illa non tollit, sed transfert in aliam materiam; tum etiam quia delegatio omnino fundatur in voluntate concedentis; ex voluntate autem dandi aliquid minus, non recte infertur voluntas dandi aliquid longe maius. Hinc deducitur differentia inter potestatem ordinariam, ac delegatam: in ordinaria enim non separantur potestas commutandi, & dispensandi; imo utraque in pastoralis munere, & adæquata illius iurisdictione includitur, per modum vnus simplicis potestatis ad tale munus necessaria, & de hæc potestate ordinaria videretur interpretandus Sylu. ubi supra. Potestas autem delegata ad beneplacitum delegantis conceditur, & consequenter si minorem tantum exprimat, non potest, aut debet de maiori interpretari.

13. Ad rationem igitur dubitandi responderetur, dispensationem dupliciter sumi posse. Primo modo sumitur, quatenus significat remissionem debiti, atque ita sumitur, cum à commutatione distinguitur; & tunc negatur antecedens; falsum namque est, quod in omni commutatione includatur dispensatio. Secundo potest sumi quatenus significat diminutionem, seu lenitionem rigoris debiti soluendi, & tunc verum est quod in commutatione includitur ali-

qua dispensatio: Hæc tamen non simpliciter, sed æquiuocè dicitur dispensatio, quatenus quod erat præcisè debitum in vna specie, permittitur in alia solui, & sic negatur consequentia. Et ad probationem antecedentis responderetur, priuilegium concedens duntaxat potestatem commutandi, propriè & in rigore intelligi de commutatione in æquale; id enim exigit verborum proprietates, & æqualitatis ratio. Hæc autem æqualitas non mathematicæ, sed moraliter sumenda est, ita ut nulla, aut parua differentia iuxta prudentis viri æstimationem esse credatur. Vnde merito Suarez *supra* num. 6. existimat credendum esse, extendi etiam ad commutandum in dubio an sit maius, vel minus id, in quod fit commutatio; quia cum res est dubia, parua potest dari inæqualitas, & in moralibus parum pro nihilo reputatur; atque ita longè distat potestas commutandi à potestate dispensandi. Iura autem, seu Iurista in contrarium adducti, interpretari debent de dispensatione æquiuocè sumpta.

#### DUBIUM VIII.

*Vtrum virtute Bullæ possint commutari, & per Episcopum dispensari vota castitatis aut Religionis, tam penitentialia, quam conditionalia ante impletam conditionem.*

1. PRæmitto primò, votum pœnale esse, cum vouens minime affectus est ad rem sub pœna in voto promissam, sed illam sibi in pœnam proponit, ut eam incurrendi timore caueatur à crimine, quod vitare intendit; ut si quis se non lulurum promittat sub pœna ingressus in Religionem, vel castitatis seruandæ; tunc enim animus directè.

directè fertur ad vitandum ludum, & solum in pœnam ludi admissi vouet Religionem, seu castitatem. Et quidem dum sub hac forma emittitur votum, omnes fatentur esse pœnale. Cum autem votum est de sola pœna, & crimen ponitur quasi sub conditione, vt si lusero, ingrediatur Religionem, aut voueo castitatem si lusero: tunc non omnes conueniunt num sit pœnale votum, an potius mere conditionale; & ratio est, quia in huiusmodi euentu videtur votum esse solius castitatis, aut religionis: atque ideo sic vouenrem si ludat, non esse vori reum, sed ad religionem, castitatemve duntaxat teneri. Vnde nonnulli sentiunt esse mere conditionale, cum aliorum vororum conditionalium formam habeat, suspendaturque obligatio pœnæ in euentum ludi sub conditione positi. Ita Nauat. & Azor. infra citandi. Alij opinantur esse votum conditionale pœnale; ex eo quòd in vouentis animo non eligatur res illa in voto promissa, quasi volitra, & materia suæ intentionis directæ, sed quasi odiosa sibi, & pœna, vt se contineat à crimine, quod cauere exoptat. Ità Ouan-  
*du* in 4. dist. 38. *quest. unica, propositio-*  
*ne* 19. *Sotus* 7. *de iust. quest. 2. art. 1. ad 4.*  
*Guriet. & Tolet.* mox citandi. Cæterum alij vtramque opinionem conciliare nituntur, dicentes quod si vouentis animus non sit ad Religionem, seu castitatem affectus, sed proponit ea sibi in pœnam, si crimen admisserit, est vere pœnale, vt tenet secunda opinio. Si autem ex affectu castitatis, seu Religionis id promittat, casu quo luserit, tunc est mere conditionale, quia id videtur eligere, non vt quid sibi odiosum, sed potius gratum, animo abstinendi à ludò, & pœnitentiam agendi, ac vitam quietam in eo statu degendi; & in hunc sensum potest secunda opinio interpretari. Ita Cord. Rod. & Valent. statim

referendi. Hæc autem concordia placet Sanchez *tom. 3. de matrim. lib. 8. disputat. 10. n. 3.* Addit tamen rarissime huiusmodi vota posteriori modo emitti, & consequenter fere semper esse pœnalia; imo esto dubitetur de vouentis intentione, talia esse censenda, & mihi etiam idem videtur absolutè dicendum.

2. Præmitto secundò, votum conditionale esse, cum vouens cupit rem aliquam, de cuius euentu dubius est, promittitque se tale, vel tale facturum, si obtineat, quod intendit, vt si quis morbo pressus, seu in naufragio, vel quouis alio periculo constitutus, dicat, si incolumis euasero, voueo Religionem, seu castitatem: tunc enim animus vouentis fuit, quasi contractum cum Deo inire; id est si hoc mihi concesseris, promitto Religionem ingredi: voluntas enim non fertur directè in Religionem, sed in consecutionem incolumitatis. Vnde pro pleniori declaratione obserua diuisionem, si, interdum æquivalere particulæ, quando, vt sensus sit, quando hoc euenierit. Ita Alberic. in suo *diction. list. S. in diuisione, si, vers. si non semper sine.* Et tunc non est vera conditio, sed potius est determinatio temporis, quo votum est executioni mandandum, solamque conditionis effigiem habet. Et ratio est, quia tunc vouentis animus omnino est erga religionem affectus, & habet consensum perfectum illam ingrediendi, & consequenter reddidit votum absolutum, solùmque executionem illius differt in tempus, quo cesset impedimentum. Hinc Sotus in 4. dist. 29. *quest. 2. art. 1. post conclus. vers. Hinc colligitur,* & Bart. à *Le-desma de matrim. dub. 25. conclus. 1. sine,* asserunt in his verbis; *Contraham tecum, si pater meus obierit,* illam diuisionem, si, non videri adiunctam instar conditionis, sed temporis præfinitionis, & sen-

sum esse; contraham tecum, quando pater meus obierit. Id autem constat esse contra naturam veræ conditionis, cum hæc perfectionem consensus suspendat, atque ideo talis consensus imperfectus est, pendens ex futuro conditionis euentu. *cap. unic. fine de sponsal. in 6. Quia* propter tunc dictio, *si*, erit vera conditio, & reddet votum conditionale, cum affectus vouentis non fertur directe in rem promissam, sed in aliud, quod ponitur in conditione, & vouens optat consequi, seu vitare.

3. Nunc quidam DD. cum Soto de cauendo iuramenti abusu 1. p. c. 9. & 7. de iusticia, *quest. 2. art. 1. ad quartum, & quest. 4. art. 3. Aragon. 2. 2. quest. 88. art. 12. Acosta quest. 73. in Cruciatæ. Rodr. similiter in Cruciatæ, §. 9. num. 125. & in addit. eod. n. 116. Nau. in Man. c. 120. 43. Cord. in sum. q. 112. Guttier. in quest. can. lib. 2. c. 22. n. vlt. Azor. tom. 1. inst. mor. c. 19. quest. 4. & videtur sentire Valent. tom. 3. disp. 6. quest. 6. punct. 7. vers. item possunt, & Vega sum. tom. 2. cap. 129. casu 21. & 99. aiunt vota pure conditionalia, vt voueo ingredi Religionem, si Deus liberauerit me ab hac infirmitate, & similia, non posse per Bullam commutari; nec per Episcopum dispensari, etiam ante impletam conditionem: secus vero esse de votis pœnaliibus, vt si amplius commisero hoc peccatum, promitto Hierosolymam ire, vel intrare Religionem. Quia hæc, & similia recte (inquiunt) commutari possunt per Bullam, & per Episcopum dispensari. Ratio eorum est, quia in votis primi generis animus vouentis directe fertur in materiam promissam, vt ingressum Religionis: in votis vero secundi generis non, sed potius quia odio habet illa, ad eam se obligat, per modum pœnæ, vt sic ratione vitandi talem pœnam fugiat illud peccatum.*

4. Verum communis & receptissima

Doctôrû sententia asserit tam vota conditionalia, quam pœnalia, castitatis, & Religionis ante impletam conditionem commutari posse per Bullam, & dispensari per Episcopum. Ita multi viri doctissimi Alcocer. lib. de ludo, cap. 13. & in sum. cap. 18. ad finem. Med. in summa, lib. 1. cap. 14. §. 6. Tolet. lib. 4. cap. 19. fine, Petr. de Ledesma 2. parte, tract. 10. cap. 8. insinuat Rodr. sum. tom. 2. cap. 97. fine, tenet Lessius lib. 2. cap. 40. dub. 18. num. 130. Sanch. tom. 3. de matrim. lib. 8. disp. 15. num. 8. & sum. lib. 4. cap. 54. num. 19. Suar. tom. 2. de Relig. lib. 6. cap. 22. num. 4. & alij infra citandi dubio sequenti pro nostra sententia, & quoad vota pœnalia vltra præcit. id affirmat Couar. cap. quamuis pactum, 1. p. §. 3. num. 12. de pactis, in 6. Angles floribus 2. p. vbi de voto, quest. unica, art. 8. diff. 10. Graf. 1. p. decis. lib. 2. cap. 28. n. 3. & alij contra nonnullos, quos tacito nomine refert. Philiar. de offic. sacerdot. tom. 1. p. 2. lib. 3. c. 22. vers. penult. & probatur.

5. Primo, quando quis emittit votum non ludendi (sub pœna intrandi Religionem) illicito aliquo ludo, duo vota implicite facit, primum non ludendi, & hoc est absolutum; secundum intrandi Religionem, non absolute, sed conditionaliter si luserit. Sed potest Confessarius commutare per Bullam, & Episcopus sua autoritate dispensare in primo, vt de se constat, cum non sit reſeruatum. Ergo illo sublato aufertur secundum, quia accessorium sequitur naturam principalis quantum ad possessionem & destructionem.

6. Secundò, quia ante impletam conditionem votum illud non est eundi Hierosolymam, sed non ludendi. Quia re vera non fertur directe in Hierosolymam, sed in illud proximum obiectum, seu materiam, quæ est non ludere, vel tale peccatum vitare. Ergo, &c.

7. Tertiò probatur de voto pure conditio

conditionalis, quia votum conditionale ante conditionis impletionem non est votum absolute, & simpliciter, cum non statim obliget, sed cum addito, nempe conditionale. Ergo non est reservatum proprie, & consequenter commutabile erit per Bullam, & dispensabile per Episcopum. Pater illa prima consequentia, quoniam, ut constat ex materia reservationis casuum, solum reservatur casus simpliciter, & absolute talis, ut infra magis patebit.

8. Ad rationem in contrarium respondendo primò negando Antecedens, ut constat ex dictis in secundo notando. Imo oppositum videtur dicendum. Vel Responderetur secundò, quod licet animus vouentis directe feratur in materiam promissam castitatis, aut Religionis, fertur tamen sub conditione, & non absolute, & simpliciter; & ideo ante impletam conditionem commutari poterunt talia vota per Bullam, & dispensari per Episcopum.

9. Prædicta nostra sententia suscipienda est cum duplici limitatione. Prima est, quod votum conditionale non sit tale apparenter, sed vere, & realiter. Nam si votum sit conditionale apparenter duntaxat, cuiusmodi est dum dicitur *si*, æquivalens dictioni *quando*, ut habetur ex dictis in secundo notando; tunc nec Episcopus poterit dispensare, nec Confessarius per Bullam commutare, etiam ante conditionem completam.

10. Secunda, quod conditio sit de futuro. Nam si sit de præterito, aut præsentis, ut voueo Religionem, si ita res se habet nunc, aut habuit, non quidem suspendit consensum; imo est votum omnino absolutum, si conditio sit vera, siue vouens sciat, ignoretue conditionem existere, ut habetur expresse, *l. cum ad præsens, & duplici sequenti, ff. si certum petatur*. Unde esto in his votis sit

aliqualis imperfectio consensus, quia tamen non talis, ac tanta, qualis, & quanta in voto vere conditionali repetitur. Idcirco nequeunt huiusmodi vota per Episcopum dispensari, nec per Bullam commutari.

11. Sed obiicies primò, votum conditionale Religionis, seu castitatis etiam cum conditione de futuro, statim obligat quoad vinculum voti, & quoad aliquos actus, vel omissiones, ut ad non nubendum ante expectatum conditionis euentum; peccabit enim quis contra votum antea contrahens, & consummans matrimonium: & similiter alia cum proportionem obligant ad expectandum conditionis euentum, & vitanda impedimenta, quæ plenam voti executionem possent reddere impossibilem. Igitur huiusmodi vota esto sint conditionalia, sunt vere vota, & reservata. Responderetur concedendo votum conditionale esse vere votum, & inducere aliquam obligationem, etiam in ordine ad materiam promissam. Addimus tamen totam illam obligationem esse secundum quid, respectu talis materię, non simpliciter, quippe non obligat ad materiam sub conditione promissam, sed solum ad expectandum conditionis euentum: atque ideo non potest simpliciter dici votum castitatis, seu Religionis pro tunc, & consequenter nec reservatum.

12. Obiicies secundò, votum istud, voueo Religionem ingredi, si pater meus obierit, est conditionale, sed in tali voto non potest Episcopus dispensare, quia re vera est votum Religionis. Ergo nec potest per Bullam commutari. Hoc votum statuit Sotus inter vota conditionalia, atque hinc ductus asseruit vota huiusmodi non posse per Episcopum dispensari. Responderetur nihilominus concedendo non posse per Episcopum dispensari, negando autem eadem



esse conditionale, est enim absolutum, cum dilatione tamen executionis, quod nequaquam est contra rationem voti absoluti, vt recte tradit Suar. *num. 6.* etenim qui sic vouet; nullatenus habet suspensionem consensum, sed potius est omnino resolutus, statum Regularem sibi expedire, illumque absolute promittit; ne tamen patrem contristeret, executionem vult eo viuente differre, vt constat de eo, qui vouet Religionem ingredi intra biennium. Nam id procul dubio votum, est absolutum Religionis, sicut iuramentum ducendi aliquam intra biennium, est absolutum iuramentum, *cap. commissum, de sponsal. & sumitur à simili, ex cap. Per tuas, de voto;* sed de hoc voto omnes fatentur esse reservatum, esto durante biennio ad executionem non obliget: igitur de illo similiter est sentiendum, quod sit absolutum, & reservatum.

13. Neque obstat, si dicas non esse simile, cum terminus in posteriori appositus sit certus; in priori autem sit incertus, ideoque explicatur per conditionem, *si pater meus obierit*, vnde legata sic facta, conditionalia in iure censentur; dies enim incertus conditionem in testamento facit, vt habetur *ex l. 75. ff. de condit. & demonstrat. & l. si cum hares. ff. Quando dies leges.* Respondetur tamen ad conscientie forum, & obligationem parum referre, quod dies sit certus, vel incertus, modo vouentis animus sit idem: in utroque autem casu animus, seu intentio vouentis est, terminum illum addere, non ad suspendendam, minuendamve consensum determinationem, sed ad commodam voti executionem duntaxat. Et idcirco vtrumque æquè absolutum est. Nec interest quod explicetur per particulam, *si*, illam namque particulam, *quando*, quæiuale ostendimus supra, & consequenter ponitur

non ad obligationis suspensionem, sed ad determinandum tempus executionis. Neque obstant præc. leges ciuiles, cum hæc solum procedant in ordine ad effectum ciuilem non transmittendi legata ad heredem legatarij. Vnde in *l. 1. de condit. & demonstrat.* legatus ad diem certum distinguitur à conditionato, et si postea in illo effectu æquiparentur. Vel secundò Respondetur, huiusmodi vota esse absoluta quoad substantiam obligationis, esto sint conditionalia quoad temporis determinationem, ratione autem prioris obligationis reservata censeri.

#### DVBIVM IX.

*Vtrum virtute Bullæ commutari possint, & per Episcopum dispensari vota conditionalia, & pœnalitatis & Religionis post impletam conditionem.*

1. **P**ARTem negantem sequuntur quoad vota conditionata omnes præcedenti dubio pro priori sententia allegati. Sotus, Angel. Couar. Nauar. Guier. Angles, Cord. Azor. Valent. Vega, Rodr. tenent etiam Alcocer *lib. de ludo, cap. 13. conclus. 9.* Suar. *supra num. 11.* Filiuc. *tom. 2. tract. 26. cap. 9. num. 269.* Zanardus *in direct. Theol. p. 2. cap. 52.* Lessius *loco cit. num. 131. vers. verum etsi.* Et probatur primò de voto pure conditionali, quia impleta semel conditione, votum v.g. castitatis, quod antea erat conditionale, fit absolutum, & consequenter materia eius directe, absolute, & ex intentione volita; sed votum absolutum castitatis non potest per Bullam commutari, nec dispensari per Episcopum. Ergo, &c. Minor cum consequentia est nota; & probatur maior, quia quod reddebat prædictum votum conditionale, erat conditio illi adiacens; sed impleta conditione

conditione tollitur talis conditio, ut de se constet: ergo votum ipsum definit esse conditionale, atque adeo redditur absolutum.

2. Dices, quod sicut si quis matrimonium contrahat sub conditione, si Papa dispensauerit, adhuc impleta conditione dispensationis, manet matrimonium conditionatum, & requiritur ad hoc ut fiat absolutum, quod renouetur consensus, ut docent communiter Theologi; ita etiam impleta conditione voti adhuc manet votum conditionatum, nisi adsit nouus, & absolutus consensus circa materiam promissam.

3. Sed contra, tum quia vinculum voti conditionalis ideo non erat absolutum, quia erat dependens ab euentu futuro, sed per aduentum talis conditionis fit iam illud vinculum independentes à futuro: ergo reddetur absolutum; tum quia sponsalia conditionata, per aduentum conditionis fiunt absoluta; ut si quis promittat consanguineæ se contracturum cum illa matrimonium, si Papa dispensauerit, facta dispensatione tenetur vinculo sponsaliorum, quia talia sponsalia de futuro, impleta conditione facta sunt absoluta. De matrimonio autem non est eadem ratio, quia hoc requirit per se consensum de presenti, per verba, vel alia signa expressum.

4. Secundò probatur de voto pœnali, quia ea ratione dicunt oppositum, opinantes votum pœnale non esse absolute, & simpliciter votum, & consequenter nec incommutabile per Bullam, nec indispensable per Episcopum; quia tale votum non oritur ex affectu ad Religionem, vel ad peregrinationem Hierosolymitanam, sed potius ex odio ad illa; nam ex eo illa sibi imponit ut supplicium, quia sibi sunt inuisa, & odiosa. Sed hoc fundamentum est in-

firmum. Quia quod vouens sit affectus ad Religionem, vel non, parum refert, dummodo sponte sciens, & prudens se obligauerit ad Religionem, vel peregrinationem Hierosolymitanam, vel pœnalis peccati, si illud commiserit: ergo impleta tali conditione redditur votum pœnale absolutum, atque adeo incommutabile per Bullam, & indispensable per Episcopum, eademque prorsus est ratio de pœnali, ac de pure conditionali.

5. Ceterum sit prima conclusio. Satis probabile, & securum est in praxi vota pure conditionalia castitatis, aut Religionis commutari posse per Bullam, & dispensari per Episcopum, & per priuilegia Mendicantium. Ita Palat. in 4. d. 39. Vic. 2. 2. q. 88. artic. 3. quem refert Alcocer. in sum. cap. 15. dicens hanc esse probabilem, & securam. Med. 1. sum. cap. 14. §. 6. & 1. 2. quest. 96. art. 4. ad 2. Tolet. lib. 4. c. 18. Petr. de Ledesma sum. 2. part. tract. 10. cap. 8. Anton. Gomez. in Bulla Cruciate, claus. 10. num. 99. Sanchez tom. 3. de matrim. lib. 8. disput. 10. num. 13. disputat. 15. num. 8. & in sum. tom. 1. lib. 4. cap. 54. num. 19. Lessius ibidem, fatetur hanc sententiam esse satis probabilem, sicut etiam Caiet. verb. votum, vers. sexto. Sotus supr. in prima impressione, quos duos vltimos refert, & sequitur Henric. lib. 7. c. 30. fol. 577. & dicit esse communem in praxi inter recentiores. Mantium, Chaues, Bañez, Gallum, Solis, Moyam, & alios Salmantinos; ob quorum autoritatem nonnulli Episcopi sæpe dispensarunt, quibus accedit Perez lib. 8. ordinamenti, tit. 19. c. 37. pag. 388. colum. 2. vbi ait se ita consuluisse anno 1574. & probatur.

6. Primò, quia in materia reservationis, ut omnes docent communiter, solum intelliguntur Superiori reservati actus compleri, & perfecti in ea specie, quia materia hæc est odiosa, atque adeo

Prima conclusio.

Qq restrin

restringenda; easus autem vouendi conditionatus non est perfectus in ea specie, sed solum absolutus. Vnde sicut sponsalia conditionata non sunt absolute sponsalia, quia pro tunc non est consensus absolutus, ita nec votum conditionale est absolute, & simpliciter votum, sed cum addito: ergo non debet censi reservatum, & consequenter est commutabile per Bullam, & dispensabile per Episcopum. Dices, post impletam conditionem iam manere simpliciter tale, simpliciterque absolutum, quia petiit conditio, quæ obstabat illi, ne esset simpliciter tale. Sed contra, quia votum consistit in libero consensu, & promissione Deo facta: sed quando tale votum fuit emissum, promissio, & consensus fuit conditionatus: ergo semper manet votum conditionatum, nisi adsit alius consensus absolutus circa eandem materiam. Vnde cum quale votum, talis sit obligatio inde orta, manifeste consequitur quod cum consensus in illud votum in prima sui emissionem conditionatus fuerit, obligatio etiam inde orta semper erit simpliciter conditionata, licet ex accidenti, quia completur conditio, fiat secundum quid absoluta.

7. Secundò probatur, & explicatur magis vis rationis præcedentis. Quia licet prædictum votum impleta conditione maneat absolutum, non tamen absolutum simpliciter, sed ex suppositione: ergo sicut inra rationem necessarij diminuit multum esse necessarium ex suppositione, & quod hoc modo habet necessitatem, non dicitur simpliciter necessarium, sed simpliciter contingens, & secundum quid necessarium, ut patet in eo qui sedet, cuius sessio simpliciter est contingens, licet ex suppositione quod sedeat, dicatur secundum quid necessaria. Quia omne quod est, quandiu est, necesse est esse; ita

etiam votum castitatis, quod est absolutum ex suppositione, hoc est, supposita impletione talis conditionis, non erit votum castitatis absolutum simpliciter, sed secundum quid, hoc est ex suppositione; arque adeo non connumerabitur iure inter reservata; & consequenter subesse poterit dispensationi, & commutationi.

8. Terriò probatur, quia votum quod semel est conditionale, semper manet simpliciter, & absolute tale, licet impleatur conditio: ergo votum quod à principio fuit simpliciter conditionatum, non erit postea absolutum simpliciter. Consequentia est nota, & antecedens probatur, tum quia hæc propositio, *si Petrus curreret inoueretur*, semper manet conditionalis, etiam si Petrus currat; ergo eadem ratione prædictum votum semper manebit conditionale, licet impleatur conditio; tum quia esse absolutum simpliciter, & conditionatum simpliciter sunt conditiones indiuiduantes vota: ergo iam non esset vnum, & idem votum, sed duo.

9. Ne autem Episcopi & Confessarij in hac materia decipiantur, valde aduertere oportet, quod quando conditio voti, solum est limitatio temporis, ut cum mater mea morietur, ingrediari Religionem; tale votum non est commutabile per Bullam, nec dispensabile per Episcopum. Nam licet in apparen tia sit conditionale, in re tamen est omnino absolutum, quamvis non obliget pro tunc ipse ingressus Religionis, sed pro tempore futuro. Et ratio huius est, quia tale votum est promissio absoluta dilata ad diem, vel tempus. Promissio autem in diem, statim obligat, licet executio suspendatur in tempus, ut ex multis probat Couarr. in Epitom. 4. §. 2. numer. 10. Vnde sponsalia in diem, sunt vere absoluta

*soluta sponsalia*, vt omnes Doctores fateantur.

10. Secunda conclusio. Probabile est etiam, & securum in praxi vota pœnalia castitatis, & Religionis posse per Bullam commutari, & per Episcopum dispensari, etiam postquam vouens tenetur ad pœnam. Ita Lessius *loco cit.* Ouandus in 4. *distinct.* 38. *quest. unica, propositione* 29. Rodr. tom. 1. *quest. regul.* 9. 63. art. 7. Villalob. *sum. tom. 1. tract.* 27. *claus.* 9. §. 3. num. 42. Nugnus in 3. p. tom. 2. *tract. de Bulla*, §. 11. Ioan. à Cruce in *direct. conf.* p. art. 2. *præcept.* 2. art. 2. dub. 10. *concl.* 4. *fine.* Lud. Lopez 1. p. *instruct.* c. 44. *versic. si autem sub forma*: & à fortiori omnes alij in prima conclusione allegati. Imo etiam nonnulli ex citatis pro priori opinione Arag. Sot. Veg. Gutier. Cou. & alij, qui nostram conclusionem fatentur saltem esse probabilem. Insuper Suar. *supra cap.* 2 §. n. 6. ait durum esse huic sententiæ contradicere. Probatur primò, tum ex omnibus rationibus, quibus probata est prima conclusio, quæ eandem, vel certe maiorem vim habent ad probandum hanc secundam. Tum quia tale votum pœnale non est absolute votum Religionis: ergo commutabile est per Bullam, & dispensabile per Episcopum. Antecedens probatur, quia per votum cum sit Religionis, offertur Deo res illi grata, atque in eius cultum: in prædicto autem voto pœnali non offertur nisi remota in Dei cultum, sed in pœnam sui; & deinde votum Religionis procedit ex deuotione, & amore Religionis; qui vero illo modo vouer, certe imponit sibi Religionem, vt pœnam tanquam rem sibi inuisam, & odio habitam, pœna autem est inuoluntaria, teste D. Thom. 1. 2. q. 88. art. 1. & 6. ergo votum non ludendi, sub pœna intrandi Religionem, non est simpliciter votum Religionis, sed votum non ludendi.

11. Secundò probatur, quia Episcopus potest in casibus referuatis Papæ, si sint de communiter accidentibus, & frequenter, vt tenent communiter Doctores, & probat Couar. *lib.* 1. *quest.* 1. sed vota hæc pœnalia sunt de frequenter accidentibus; ergo poterunt saltem per Episcopum dispensari, imo & ab alijs, qui Episcopali vtuntur auctoritate, vt Abbates Metinensis, & Pincianus.

12. Tertiò, quia consuetudo est optima legum interpres; sed Episcopi habent in vsu dispensare in huiusmodi votis pœnalibus, cuius rei (inquit Med. hic) ego do publicam fidem: ergo censendum est id posse licite fieri, ne alias dicamus rot grauissimos Patres ita grauiter errare.

13. Ad primum bene resp. ibi. Ad secundam vero probationem in contrarium distingo cõsequens; ergo redditur simpliciter absolutum, nego; ex suppositione, concedo. Et si obijcias, ex suppositione est absolutum tale votum; ergo ex suppositione erit incommutabile per Bullam, & indispensabile ab Episcopo; negatur consequentia, iuxta supradicta; quia vt votum sit referuarum Papæ, non sufficit esse absolutum ex suppositione, sed simpliciter.

14. Ad secundam probationem resp. illa etiam sponsalia non esse absolute, & simpliciter talia, sed ex suppositione impletæ conditionis, quod sufficiens est ad obligandum sic contrahentes, sicut etiam obligat vorum castitatis conditionale impleta conditione.

15. Ad secundam respondeo, quod etiã impleta conditione obligatio quæ relinquitur, nõ habet ortũ ex voluntate per se tendente ad religionem; & ideo tale votum non est absolute votum Religionis, sed simpliciter est votũ non ludendi, vel non peccandi tale peccatum; & secundum quid Religionis; sed melius

Qq 2 Respon

Respondéo quod licet sit votum religionis, non tamen est simpliciter, & absolute tale, sed ex suppositione, & consequenter non est reſeruatum iuxta ſupradicta.

16. Nihilominus eſſi prædictam ſententiam duplici conſuſione contentam, ſatis probabilem cenſeam, probabiliorē tamen, ac veriorē exiſtimo oppoſitam, ſaltem quoad vota conditionalia; & cum agatur de re adeo gravi, & neceſſaria, eam tanquam tutiorē libenter amplector. Primò, quia huiusmodi votum impleta conditione videtur arctius obligare, quam ſimile factum absolute; eſt enim factum in nudum contractus oneroſi, & Deus implevit contractum ex parte ſua. Ergo niſi vouens etiam impleat, ingratum ſe præbet, & iniquum in Deum, & conſequenter videtur ex parte ſua magis reprehendiſibilis, quam ſi gratis promiſiſſet. Probatur conſequentia, quoniam qui Deo ſacrificium promittit gratuitum, & voluntarium, non videtur tantum obligari, quantum ſi promittat ad impetrandum aliquod beneficium, ipſo iam impetrato.

17. Secundò, quia etiam ſi contractus fuerit à principio conditionatus, impleta tamen conditione purificatur, & manet adeo perfectus, ac ſi à principio fuiſſet ſine conditione factus. Igitur idem eſt ſentiendum de voto. Conſequentia conſtat à paritate rationis, & antecedens probatur ex *lege potior*, ad ſin. ff. *Qui in pignore potiores*, ubi ſic habet. *Cum ſemel conditio extiterit, perinde habetur, ac ſi illo tempore, quo ſtipulatio impoſita eſt, ſine conditione facta eſſet.* Nec obſtat ſi dicas, id verum eſſe quantum ad obligationem, non vero quantum ad radicem obligationis. Quamvis enim obligatio æqualis ſit, radix tamen obligationis non eſt æque perfecta. Non (inquam) obſtat, quia in aliis

contractibus non ſolum obligatio, ſed etiam ipſe contractus eſt æque perfectus conditione impleta, vt patet in matrimonio, ſponſalibus, emptione, & venditione, imò & quacunque humana promiſſione. Igitur abſurdum videtur, vel ſaltem voluntarium duntaxat votum excipere, ac ſubinde tutius cenſeo Sedem Apoſtolicam in ſimili caſu adire.

18. Imò circa vota pœnalia, placeat mihi moderatio quædam, quam inſinuat Suar. *cod. cap. 23. num. 13.* dum ait duplicem eſſe peccati pœnam, vindictiuam nimirum, & medicinalem, vt conſtat ex materia de confeſſione. Eſtque inter vtramque latum diſcrimen; medicinalis namque magis neceſſaria exiſtit, ita vt nec ob indulgentias excuſetur, nec facile mutari queat. Vnde his duobus modis poteſt fieri votum pœnale, & quæ hucusque diximus præſertim procedunt de voto pœnali, quod in peccati vindictam fieri ſolet, & de hoc eſt interpretanda prior ſententia, quæ ab aliquibus communis cenſetur, non tamen eſt ad pœnam medicinalem extendenda. Nam ſi quis voueat Religionis ingreſſum, ſi talia peccata patrare contingat, non in vindictam, ſed vt in Religionem poſſit pericula & occaſiones ſic peccandi vitare. Videtur quidem votum illud ſufficienter fieri ex affectu ad Religionem, ſaltem quatenus eſt medium opportunum ad vitanda peccata, quod eſſe optimum voti motiuum ſatis conſtat. Hinc votum huiusmodi videtur potius conditionale putum, quam proprie pœnale. nec videtur fieri ex affectu cauendi obligationem, ſed ex affectu ſolum cauendi peccata; conditio etiam pro tunc videtur ſolum apponi ad ſumendam neceſſitatis talis remedij experientiam. Atque ideo impleta conditione ſatis voluntarium, & conſummatum manet Religionis

ligionis votum; quod meritò est censendum tale simpliciter, & consequenter reservatum.

19. Addit Suar. *ibidem*, idem esse sentiendum, si actio pœnalis, & onerosa in gratiarum actionem promittatur pro actu virtutis, vel pro peccato euitando; ut si quis voueat Hierosolymam peregrinari, nisi à lapsu carnis, seu à blasphemando per tres menses, saltem abtineat, vel quid simile: eiusmodi enim votum impleta conditione absolutum esse videtur, ac subinde reservatum. Nec est propie pœnale, esto opus sit forsitan pœnale, & ut tale promittatur, ex directo enim affectu, & cum plena deliberatione pro tali euentu promittitur.

## DUBIUM X.

*Virum vota non nubendi, castitatis coniugalis, continentia ad tempus, vel etiam suscipiendi Sacros ordines, possint per Bullam commutari, & per Episcopum dispensari.*

1. **V**idetur quod non primò, quia votum non nubendi æquipollet voto castitatis: sed votum absolutum castitatis, non potest per Bullam commutari, nec per Episcopum dispensari. Ergo nec votum non nubendi. Consequentia cum minore est nota, & maiorem docent Angles 2. p. *quest. de voto, diffic. 11.* Pala. in 4. *dist. 38. quest. 2. art. 1.* & Caiet. *tom. 2. opusc. tract. 11. de voto non nubendi, quest. 1.* Vbi asserit oppositum opinantes ignorare propriam vocem; & probat, tum quia finis eius, qui vouit non nubere, est ad seruandam castitatem per se loquendo. Ergo

qui sic vouit, verè promittit castitatem: tum quia cum Papa dispensat in voto castitatis, solum dispensat in eo, quod vouens possit nubere. Ergo votum castitatis formaliter, & in quantum tale, solum importat obligationem ad non nubendum, quod pertinet ad castitatem supererogationis: nam illam aliam de non fornicando, etiam secluso voto habet vouens; igitur idem formaliter erit votum non nubendi, quod votum castitatis.

2. Secundò, quia castitas coniugalis, & castitas ad tempus, sunt eiusdem speciei cum castitate absoluta, & perpetua. Ergo votum castitatis coniugalis, vel ad tempus, ita est incommutabile per Bullam, & iudispensabile per Episcopum, ac votum castitatis absolutæ, & perpetuæ. Consequentia est nota, quia vota quæ habent idem obiectum in specie, sunt eiusdem speciei. Ergo æquè sunt incommutabilia. Antecedens autem patet; tum quia castitas ad tempus solum differt à perpetua secundum maiorem, vel minorem durationem temporis, quæ est mera differentia accidentalis, & substantiæ voti omnino extrinseca; tum quia votum castitatis absolutæ includit abstinentiam ab omni actu venereo, tam intra, quam extra matrimonium; castitas vero coniugalis importat abstinentiam ab omni actu venereo extra matrimonium. Hæc verò etiam est mera differentia accidentalis, & materialis penes maiorem, vel minorem extensionem materiæ. Sicut abstinentia ab omni carne, solum differt accidentaliter ab abstinentia à certis carnibus duntaxat, non ab omnibus.

3. Tertiò, quia qui promittit esse presbyterum, promittit id quod iure communi annexitur presbyteratui; sed presbyteratus includit obligationem

Qq 3 per

perpetuæ castitatis. Ergo qui vult esse presbyterum, vult perpetuam castitatem; & consequenter tale votum erit incommutabile per Bullam, & indispensabile ab Episcopo, per se loquendo.

4. Sit tamen prima conclusio. Votum numquam nubendi commutari potest per Bullam, & dispensari per Episcopum. Ita Sot. 4. dist. 38. *quest. 1. art. 1. & ibi Palat. disp. 1. vers. Porro, ut res hac.* & ibi etiam Ouand. *quest. vnic. propos. 7. D. Anton. 2. p. tom. 2. cap. 11. §. 1. Angel. votum 4. §. 9. Sylu. vot. 4. quest. 4. cum Archidiacono, Rosella, impedimentum 4. §. 13. Nau. cap. 12. num. 76. Angl. quest. de voto, art. 2. diff. 11. Rodr. in Bulla, §. 9. num. 121. Pedraza sum. precept. 6. §. 10. Barth. de Ledesima de matrim. dub. 32. fin. Gutier. 99. can. lib. 2. cap. 22. num. 49. Aragon. 2. 2. quest. 88. art. 12. paulo ante solut. ad primum. Valent. etiam 2. 2. disp. 6. quest. 6. punct. 7. vers. Ex quo sequitur. Sà sum. verb. votum, vbi de voti irratione, num. 11. fine, Azor. lib. 11. Instit. mor. cap. 19. quest. 5. Sanch. lib. 8. de matrim. disp. 9. num. 13. & alij, quos refert & sequitur Henriq. lib. 7. de indulg. cap. 38. nec contrarium docet D. Thom. 2. 2. quest. 184. art. 6. & 4. dist. 38. quest. 1. art. 4. quest. iuncula 2. vbi ait quod in votis perpetuis solus Papa dispensare potest, solum enim loquitur de votis perpetuis, ex natura sua, vt virginis, aut Religionis, vt recte notauit Henriq. vbi supra. Et probatur, quia si qua ratione votum numquam nubendi commutari non posset per Bullam, aut dispensari per Episcopum; maxime quia æquipolleret voto absoluto castitatis, sed non æquipolleret. Ergo commutari, & dispensari potest. Minor probatur, quia votum non nubendi tantum habet pro obiecto non contrahere matrimonium, nec ponere obstaculum ad statum Religionis; sed votum castitatis*

includit præter istud, abstinentiam ab omni actu venereo. Ergo votum non nubendi non est votum castitatis. Vnde qui post emissum tale votum fornicaretur, non faceret contra votum, nec esset sacrilegus, vt docent Nau. cap. 12. num. 43. & Henriq. vbi supra, dicens esse communem.

5. Secunda conclusio. Votum coniugalis castitatis, vel ad tempus, etiam potest per Bullam commutari, & per Episcopum dispensari. Ita Palud. 4. dist. 38. quest. 4. art. 4. concl. 5. Sotus 7. de iustitia, quest. 4. art. 3. vers. ex hic fit conseq. & 4. dist. 38. quest. 2. art. 1. in fine, 1. concl. ibi Palat. disp. 3. fol. 880. Ouand. etiam quest. vnic. propositione 7. fine, Arag. 2. 2. quest. 88. art. 12. paulo ante solut. ad 1. Valent. eadem 2. 2. disp. 6. quest. 6. punct. 7. vers. ex quo sequitur, Azor. quest. 6. Sanch. num. 6. Man. Rodr. in Bulla, §. 9. num. 120. & sum. tom. 2. cap. 96. num. 5. Anton. Gom. in Bulla, claus. 10. num. 109. Tolet. sum. lib. 4. c. 18. num. 11. lmo & S. Thom. id satis indicat 2. 2. quest. 88. art. 1. ad 2. & tenet etiam S. Anton. 2. p. tit. 11. cap. 2. §. 9. Angelus votum 4. §. 9. Syluest. votum 4. §. 3. vers. 6. Margarita Confessorum fol. 127. Armil. verb. dispens. §. 18. Pedraza in 6. precepto, vers. 1. Nauar. cap. 12. num. 76. Caiet. verb. voti dispensatio. Angl. 4. p. 2. de voto, art. 8. diff. 9. Gutier. loco cit. num. 49. & Henriq. vbi supra. Et ratio à priori est, quia in iure solum inuenitur reservatum Papæ votum castitatis. Ergo debet intelligi de voto, quod est absolute tale, & non de aliis, quæ sunt vota castitatis cum addito valde diminuentem intra rationem castitatis, quale est votum castitatis coniugalis, vel ad tempus. Patet consequentia, quia cum reservatio sit odiosa, restringi debet, & non ampliari. Vnde recte dixit Henriq. vbi supra, quod exceptio intelligitur de eo, quod simpliciter est votum Religionis, aut castitatis perpetuæ.

6. Tertia conclusio. Votum assumendi presbyteratum, potest etiam commutari per Bullam, & dispensari per Episcopum. Ita Aragon. 2.2. *quest. 83. art. 12. Valent. ibidem vers. & quoad 1. Azor. quest. 9. Emanuel Sà verb. votum in principio, num. 30. Sanch. supra num. 13. Gambarà de autoritate legati, lib. 10. n. 484. Beja in suis respons. casu 28. Lopez 2. p. instruct. c. 9. col. penult. Graff. 1. p. decis. cap. 18. num. 23. Viuald. candel. sacram. 3. p. cap. 14. num. 43. Vêga sum. tom. 2. c. 129. casu 34. Rodr. §. 9. num. 122. & sum. tom. 2. cap. 96. Sotus lib. 7. quest. 4. art. 3. versiculo ex his sit. Hentiq. lib. 7. cap. 30. fol. 576. qui pro se refert Peñam, & Theologos, ac Iurisperitos Salmantinos. Tercio probatur primò, quia si qua ratione non posset commutari, nec dispensari, maxime quia esset votum castitatis, vel saltem illud includeret; sed votum assumendi presbyteratum, non est votum castitatis, sed promissio assumendi statum cui annexum est facere votum castitatis. Ergo quousque illud faciat, non intelligitur per se loquendo emisisse votum castitatis. Secundò, quia votum intrandi Religionem, non est votum castitatis, licet alias Religio includat illud, vt recte docuerunt Nauar. cap. 12. & Palat. 4. dist. 32. Vnde qui ante talem ingressum fornicaretur, non violaret votum. Ergo similiter licet presbyteratus includat iure positiuo votum castitatis, non statim fit consequens quod votum presbyteratus sit votum castitatis, sed votum assumendi statum, cui annexa est emissio voti castitatis. Atque ex his colligo votum assumendi habitum fœminatum, quæ vulgo dicuntur Tertiariæ, & quædam vota simplicia emittunt, recte posse per Bullam commutari, & per Episcopum dispensari, vt docent Sor. de iustitia, quest. 5. art. 3. Aragon. Sanch. Rodr. & Henric. ubi supra, & communiter Doctores. Quia*

status illarum non est vere Religio; & consequenter votum illius non est reseruatum.

7. Ad primum negatur maior, & ad primam eius probationem dicimus, quod aliud est loqui de obligatione voti non nubendi, quantum est ex natura sua, & aliud quantum est ex intentione vouentis; potest enim vouens illo voto inrendere se obligare ad perpetuam castitatem, tamen votum ipsum non nubendi secundum se, & ex propria ratione id non importat, sed solum promissionem non contrahendi matrimonium.

8. Ad secundam vero probationem Respondeo, quod Papa dispensans in voto castitatis, non solum tollit obligationem, qua quis tenebatur non nubere, sed etiã specialem obligationem, qua tenebatur titulo religionis ratione voti nõ fornicari, quia respectu huius habebat duplicem obligationem, alteram ex 16. præcepto Decalogi, alteram ex voto, & prima manente tollitur secunda.

9. Ad secundum, quidam negant Antecedens. Sed mihi est certum, vt late ostendam (fauente Deo) in tractatu de Iubilæo, quare concedo Antecedens, & negatur Consequentia: quia sola illa accidentaliter differentia est sufficiens, vt tale votum non habeatur pro reseruato, quia reseruatio, vt supra dixi, cum sit odiosa debet restringi, & non ampliari.

Ad tertium Respondeo, vt plerimum concludere, quod votum presbyteratus includit in se promissionem efficiendi votum castitatis, eo quod illi statui annexum sit iure ecclesiastico votum castitatis; promissio aurem efficiendi votum castitatis, non est votum castitatis, vt de se constat.

10. Ex dictis deducitur primò, posse per Episcopum dispensari, & per Bullam commutari votum seruandi castitatem coniugalem; cum id non sit  
votum



votum castitatis absolutum, sed partis: votum enim absolutum omnimodam includit continentiam, itavt nec matrimonio copulari permittat; illud autem actus venereos illicitos tantum excludit. Henric. 7. *de indulg. cap. 30. n. 6.* & Sanch. lib. 8. *de matrim. disp. 9. num. 14.* & sum. tom. 1. lib. 4. *cap. 40. num. 50.* necnon Sanctarellus *de inbil. cap. 9. dub. 3.*

11. Deducitur secundò, idem dicendum de voto virginittis servandæ, modo vouens velit expressè se obligare duntaxat ad corporis integritatem servandam; quæ in abstinentia à primo luxuriæ actu consistit, per quem virginittas deperditur. Et ratio potest assignari, quia etsi dum hæc expressa intentio non repetitur, sit votum absolutæ castitatis: secus tamen, dum illa adest. Ita Azor. lib. 11. *instit. mor. c. 19. quest. 14.* Sanch. *de matrim. lib. 8. disp. 9. num. 9.* Sayr. *in clavi regia, lib. 6. cap. 11. num. 55.* Graff. *in decis. part. 1. lib. 2. c. 31. num. 31.* Gutier. *de matrim. cap. 123. n. 8.* & alij.

At si vouens dubius sit, an eius intentio fuerit ad solam à primo actu venereo abstinentiam, tunc nec per Episcopum, nec per Bullam commutari potest, quia tunc huiusmodi votum censetur absolutum continentix votum. Ita idem Sanchez *summ. lib. 4. cap. 21. num. 22.* & Lessius lib. 2. *cap. 40. dub. 18. num. 124.*

12. Deducitur tertio, idem sentiendum esse de eo, qui votum emisit de abstinendo à quovis peccato venereo, etiam mollitiei. Huiusmodi enim vota non sunt absolutæ castitatis, cum possit sic vouens adhuc matrimonium contrahere. Ita Lessius lib. 2. *cap. 40. num. 127.* Regin. tom. 2. lib. 18. *cap. 22. num. 331.* Portel *in addit. ad dub. regul. verb. voti dispensatio, num. 78.* Vgol. *de potest. Episc. cap. 58. §. 3. num. 3.* Graff. *in decis. part. 1. lib. 2. cap. 31. num. 30.* & Mosellus *in sum.*

tom. 1. *tract. 11. c. 15. num. 50.* qui omnes, & alij sentiunt posse huiusmodi vota per Episcopum dispensari. Vnde scilicet inferitur posse per Bullam commutari. Et subiungunt Lessius, & Regin. idem etiam dicendum esse de voto castitatis temporalis, id est decem, quindecim, aut viginti annorum; non autem centum aut tot, ut vouens videatur non posse longiorem vitam ducere, quia id censetur perpetuum: perpetuum autem castitatis votum vere absolutum est.

## DUBIVM XI.

*An votum Religionis possit  
virtute Bullæ aliquando  
commutari.*

1. **E**xplicuimus initio huius capituli quinque vota solum esse Summo Pontifici reservata, nempe votum Religionis, castitatis, peregrinationis Hierosolymitanæ, Romanæ, & Compostellanæ. His itaque exceptis, potest unusquisque Episcopus in sua Diocesi vota omnia dispensare, & commutare. Est communis sententia tam Theologorum, quam Canonistarum. Ita D. Thom. 2. 2. *quest. 88. art. 12. ad 3.* Sotus *vbi supra*, Innoc. Hostiens. & Panorm. *in d. cap. 1. de voto*, necnon Nauar. *in Man. cap. 12. num. 75.* & solet colligi *ex eod. cap. 1. de voto*, ibi, *sed eius qui præsides*. Nec immerito, cum hæc potestas sit necessaria ad Episcopale regimen; imo facile hinc potest deduci, quam sit vniuersalis ex parte votorum: duæ enim sunt regulæ in materia de Episcoporum potestate, una affirmatiua, ut id posse dicamus, quod eis concessum inuenitur; & hæc utimur ad probandum quantum extendatur in concessione indulgentiarum; alia est negatiua, ut possint quidquid omnino inuenitur prohibitum; & hæc

hac est in casu præsentis vrendum. Nam hæc potestas non solum utilis, sed valde necessaria est ad ordinarium regimen, & consequenter extenditur ad omnia specialiter non reservata.

2. Deinde obscura per Bullam posse commutari omnia vota, quæ per Episcopum possunt dispensari, aut commutari de iure ordinario. Sunt autem tria genera votorum, quæ per Episcopum dispensari, commutari possunt; quædam sunt ea, quæ sunt de materia non reservata, ut votum ieiunandi, non ludendi, &c. Alia sunt, quæ licet videantur cadere in materiam reservatam, sed re vera non sunt reservata; cuiusmodi censeantur vota pœnalia in quolibet statu; & conditionalia, saltem ante impletam conditionem; vel vota partialia, aut temporalia, & eiusmodi. Alia sunt quidem reservata, per accedens tamē in aliquo casu ob extraordinariam necessitatem censentur non esse omnino sublata ab Episcoporum iurisdictione. De primo igitur, & secundo genere verum est, quidquid potest per Episcopum commutari, seu dispensari, posse similiter per Bullam Cruciatæ commutari. At vero vota illa, quæ re vera sunt reservata, & possunt in casu aliquo ex benigna interpretatione per Episcopum commutari, seu dispensari, nequeunt per Bullam cōmutari, Compostellana, & Romana peregrinatione excepta. Ita Rod. in Bulla, §. 9. num. 118. quem Suar. d. lib. 6. cap. 25. num. 17. & alij postea sequuti sunt. Rationem autem reddit, quia nomine votorum, seu casuum Episcopaliū solum intelliguntur illi, qui ordinario iure Episcopis conceduntur; non tamen illi, qui per specialem commissionem, vel in casu necessitatis ad eos pertinere censentur, cum ipsorum prudentia tunc specialiter desideretur.

3. His præmissis, præsens dubium

multiplicem includit difficultatem, atque adeo sit prima, an votum ingrediendi Religionem ordinis militaris, possit per Episcopū dispensari, seu cōmutari? Quapropter dico primò, Professores ordinis Melitenis, qui Cōmendatōres, seu Equites S. Ioannis, alias de Malta nuncupantur, sunt vere Religiosi, gaudentque priuilegio canonis, & fori; nam per eorum etiam professionem dirimitur matrimonium ratum, non consummatum; & cuncta alia ad vere Religiosos spectantia ipsis similiter competunt. Ita sentiunt Nauarr. lib. 3. consil. de regul. consil. 111. Cord. in sum. quæst. 148. & 178. Arag. 2. 2. q. 88. art. 11. ad ult. Sarmiento de reddit. 4. part. 1. num. 13. & alibi. Sotus lib. 7. de iust. quæst. 5. art. 3. versic. ex his ergo. qui tamen in 4. dist. 27. quæst. 1. art. 4. vers. Quocirca, addit quodd non auderet affirmare matrimonium ratum dirimi per professionem prædictam, si sermo sit de militibus secularibus huius ordinis; quem sequitur Sarmiento. Nilominus ultra præcitatos, oppositum docent Rodr. in Bulla, §. 9. num. 123. in sum. tom. 1. cap. 239. num. 2. & in 99. reg. tom. 3. quæst. 1. art. 6. Michaël Med. de sacrorum hominum consensu, lib. 5. cap. 35. Ludou. Lopez instruct. conscientia, tom. 2. part. 2. cap. 48. Hentiq. sum. lib. 11. cap. 8. §. 6. Petr. de Ledesm. de matrim. quæst. 61. art. 4. ad 4. Azor. tom. 1. lib. 13. cap. 6. q. 4. & Sanchez multis allegatis idem tenet lib. 2. de matrim. dispur. 18. num. 8. Et ratio potissima est, quia solenne castitatis votum sufficiens ad dirimendum matrimonium ratum emittunt; ita habetur ex statutis eiusdem ordinis per Sedem Apostolicam approbatis, atque ex Bulla Innoc. Papæ apud Rod. d. art. 6. non comprehenduntur tamen sub iure aliorum Religiosorum, quantum ad odia, & rigores, ut notant Rodr. ibid. & Aragon. supra. Vnde in Concil. Trident. sess. 23. cap. 18. de refor. excipiuntur

ne teneantur pro seminario contribue-  
re; & merito, quia hic ordo institutus  
videtur ad instar, & exemplum Macha-  
bæorum, de quibus dicitur 1. *Machab.*  
3. *quod præliabantur prælium Israel cum le-  
uitia, & dilatauerunt gloriam populo suo.*  
Nam Equites, seu Milites huius ordi-  
nis pro Ecclesiæ Catholicæ defensione,  
& ac conseruatione indefesse contra  
Infideles bellum gerere nusquam  
cessant.

4. Dico secundò, Equites ordinis  
diui Iacobi, Calatraux, & Alcantaræ,  
quos vulgo *Comendadores* vocant, non  
ita certum est, esse vere Religiosos.  
Nam si de Clericis Cruciatæ, sicut  
etiam de Monialibus Cruciatæ apud  
dictos ordines professis sit sermo, com-  
munis DD. opinio tenet esse vere Reli-  
giosos. Ita Aragon. Sor. & alij *vbi supra*;  
degunt enim vitâ intra septa Monaste-  
rij, & tria vota substantialia Religionis  
emittunt. Milites autem seu Equites  
dictorum ordinum possunt matrimo-  
nium contrahere, castitatem enim non  
absolutam, sed coniugalem duntaxat  
profitentur. Imo nec absolutam obe-  
dientiam, & paupertatem vouent: At-  
que ideo inter DD. controuertitur num  
sint vere Religiosi. Iurisperiti commu-  
niter assintane, ducti, quia tria vota  
etiam substantialia emittunt, non aliter  
ac emittere consuevunt communiter  
Religiosi; & consequenter non solum  
esse personas Ecclesiasticas, sed vere  
Religiosos tenent Fortunius Garcia  
*in quodam consil. pro militia S. Iacobi præ-  
fatio 2. p. vers. Præterea.* Nauat. loco cit. Sal-  
zedo *ad Bern. Diaz, reg. 331.* Auendagno  
*de exequen. mandatis 2. p. cap. 26. num. 12.*  
Covar. 4. *decret. 2. p. cap. 3. §. 1. num. 18.* &  
latissime Mota *in tract. de confirmatione  
ordinis militiae, lib. 2. sot. cap. 1. & 2. vbi id  
comprobat multis Summorum Põtifi-  
cum Bullis*, & §. 29. adducit responsa  
plurium Iurisconsultorum, & Theolo-

gorum etiam, qui consulte scripto idem  
tradiderunt.

5. Oppositum sentiunt communi-  
ter Theologi, dicentes dictorum ordi-  
num Equites non esse vere, & proprie  
Religiosos. Ita Sor. Arag. Lopez *vbi su-  
pra.* Azor. *cap. 3. quest. 2.* Molina *de inst.*  
*tom. 1. disp. 141. vers. Est vero rigida*, &  
*tom. 3. disp. 623. num. 5.* Valentia 2. 2. *tom.*  
*3. disp. 10. quest. 4. punct. 2.* Atque ex Lu-  
ristis idem sentiunt Sarmiento citatus,  
Azevedo *in l. 14. tit. 5. lib. 3. recop. num. 3.*  
Gutier. *lib. 2. præf. quest. 111 num. 2.* Las-  
farte *de decima venditionis, cap. 19. num.*  
*92.* Gironda *de gabelis p. 7. num. 46.* &  
alij. Fundamentum potissimum huius  
sententiæ insinuat Nicolaus Garcia  
*tract. de beneficiis, p. 1. cap. 4. num. 19.* vbi  
refert quod in vna Placentina de Me-  
dellin. coram Illustrissimo Seraphino  
4. Iunij 1582. fuit decisum, *Milites de  
Alcantara (atque idem est de aliis sentien-  
dum) non esse vere, & proprie Religiosos, cum  
in propriis domibus vna cum uxore, & filiis  
habitent, & de eorum bonis ad libitum, tam  
inter vivos, quam in ultima voluntate, di-  
spendant, quæ sunt de directo contra votum  
paupertatis. hæc ibi.*

6. Vtraque autem prædicta opinio-  
ne, tanquam extrema prætermissa, vide-  
tur mihi dicendum Equites seu Milites  
dictorum ordinum, esse vere Religio-  
sos, non simpliciter, sed secundum quid;  
vel non absolute, sed cum additamen-  
to, id est Religiosos milites. Ita Rodr.  
*d. art. 6. vers. in hac igitur opinionum va-  
rietate.* Zerola *in praxi Episcopali 2. p.*  
*vers. Commendatarij, §. 1.* Mitanda *in  
Manuali Prælat. tom. 1. quest. 6. art.*  
*15. ad finem*, & videntur sentire Au-  
thores pro vtraque opinione allegati;  
qui facile iuxta hunc sensum possunt in  
concordiam reduci, quidquid in con-  
trarium opinetur Nicolaus Garcia loco  
cit. num. 20. Arque id expresse videtur  
etiam sentire D. Thom. 2. 2. *quest. 186.*

art. 4.

*Art. 4. ad 3.* ubi ait, illos viuendi modos, in quibus est matrimonialis vsus, non esse simpliciter, & absolute loquendo, Religiones, sed secundum quid, in quantum scilicet aliqua participant, quæ ad statum Religionis pertinent; & per consequens professores istarum Militiarum non esse simpliciter, & absolute Religiosos, sed secundum quid. Cæterum esse vere Religiosos, probatur ex eo quod vouent castitatem, paupertatem, & obedientiam sub regula à Sede Apostolica approbata; & quamuis hæc non ita perfecte, & absolute ab ipsis voueantur, sicut in aliis Religionibus, nihilominus Sedes Apostolica, cuius est iustitiam Religionum confirmare, dispensauit ne ita strictè emitterentur huiusmodi vota. Nec immerito, sicut enim ordines Monachales iuste sunt à Sede Apostolica approbati, vt ministerio Ecclesiastico inserviant, ita ordines Militares iuste similiter sunt per eandem Sedem approbati, vt fidei defensionem, ac publicæ salutis conseruationi maxime attendant. Sunt igitur vere Religiosi, licet non strictè, sed large; non simpliciter, sed secundum quid; non absolute, sed cum addito; & consequenter sunt vere personæ Ecclesiasticæ, gaudentque priuilegio canonis, si quis suadente.

7. Dico tertio, si quis voueat Religionem ingredi, non satisfacere huiusmodi voto, si Equitum D. Ioannis habitum suscipiat, quidquid in contrarium opinentur Aragon. *supra*, Azor. c. 4. *quest. 4.* & Rodr. *sum. tom. 2. cap. 95. num. 8.* Ducor, quia quamuis præfati Equites absque vlla controuersia sint vere Religiosi, vt habetur ex *i. dicto*, nihilominus quia communiter Religionem promittentes intendunt statum in communi viuentium, alienumque à fastu, & à curis secularibus semotum, votam Religionis interpretandum est

de Religione pœnitenti, non militari. Idem à fortiori est dicendum, si quis Equitum Alcantaræ, seu Calatravæ habitum suscipiat. Atque ita tueretur Sanchez *sum. tom. 2. lib. 4. cap. 16. num. 12.* sequutus Cord. in *sum. quest. 148.* ubi addit satisfieri huiusmodi voto, si vouens ingrediatur Religionem Clericorum Ordinum militarium in communi viuentium, quippe vetam vitam regularem in cœnobiiis, instar aliorum Religiosorum, traducunt.

8. Dico quartò, votum ingrediendi ordinem Militiæ D. Ioannis de Malta, non potest virtute Cruciatæ commutari, secus si quis voueat ingredi Religionem cæterorum Ordinum militarium. Prior pars probatur, quia Religio D. Ioannis, est vere & simpliciter Religio, cum in ea tria vota solennia emittantur, & per eiusdem ingtessum dirimatur matrimonium tatum, non consummatum. Ita Rodr. in *Bulla, §. 9. n. 123.* Lud. Lopez 2. *p. instruat. cap. 9. ad finem.* Barrh. à sancto Fausto in *Thest. Relig. lib. 3. quest. 97. num. 1.* Sanchez de *Matrim. lib. 8. disp. 9. num. 16.* & Acosta in *Bulla, quest. 73. ad finem.* Posterior pars probatur, tum quia cæteri ordines militares, esto sint vere Religiones; non tamen proprie, & simpliciter, sed secundum quid, quippe deficiunt à perfecta Religionis natura, vt habetur ex secundo dicto; & consequenter huiusmodi votum non videtur Pontifici reseruatam, sed posse per Episcopum, aut per Bullam commutari; tum etiam quia quories de voto aliquo extat morale dubium, an sit reseruatam, siue dubium sit iuris, siue facti, siue negatiuum ob circumstantias, quæ non sufficiunt ad determinandum iudicium, siue positium ex opinionibus probabilibus in contrarium existentibus, id votum esto sit materiæ reseruatæ, non censetur reseruatam, sed potest per Episcopum di-

spensati, & consequenter per Bullam commutari. Ratio est, quia cum referuatio sit odiosa, est restringenda ad casus certos; controuertitur autem inter DD. an dicti ordines sint vere, ac proprie religiones, ut constat ex dictis: igitur votum illos ingrediendi est per Bullam commutabile; atque ita tenet expresse idem Sanch. d. disp. 9. num. 16. & in sum. tom. 1. lib. 4. c. 40. n. 73.

9. Sed quæres, an votum ingrediendi religionem strictiorem possit per Bullam commutari in laxiorem religionem. Nauar. comment. 4. de Regul. num. 10. fine, inquit ingressum huius in aliam religionem laxiorem, aut æqualem, referuati Pontifici, nam in hoc euentu si ingressus sit in æqualem; commutatio fit; si in laxiorem, dispensatio commutationi admiscetur, Pontifici autem vori religionis dispensatio, & commutatio referuantur. Nihilominus probabilius censet posse Episcopum in huiusmodi voto dispensare, atque idem posse per Bullam commutari. Ratio est, quia tunc non fit dispensatio, aut commutatio in substantia voti religionis, cum adhuc vouens maneat obligatus ad illam; sed in quadam tantum qualitate substantiæ ipsius voti adiuncta, id est, in excessu vnus ad alterum, quod nullibi referuatur. Ita Palud. in 4. dist. 38. quest. 4. art. 4. num. 43. Palat. ead. dist. disp. 3. vers. sexto, tamen Sotus de iust. lib. 7. quest. 4. art. 3. vers. sequitur subinde. Angles floribus 2. p. quest. vnic. de voto, art. 8. post 4. diff. dub. 2. & diff. 9. conclus. 5. Menoch. de arbitr. l. 2. censur. 5. casu 421. num. 16. Arag. 2. 2. quest. 86. art. 12. paulo ante solus ad 1. Azot. lib. 11. instit. moral. cap. 18. quest. 8. Eman. Sà sum. ubi de voti irrit. n. 11. Man. Rodt. sum. cap. 96. num. 5. Lessius lib. 2. c. 40. dub. 18. n. 124. Sanch. lib. 8. de matrim. disp. 9. n. 171. & disp. 15. n. 5. Henriq. lib. 7. cap. 22. num. 7. Say. in clauis regia lib. 6. c. 11. num. 63. & alij.

## DVBIUM XII.

*An si quis voueat non solum ingredi in strictiorem Religionem, sed perseuerare etiam in eadem, possit id votum dispensari per Episcopum, aut per Bullam commutari, ut in laxiori vouens profiteatur.*

1. Circa hanc difficultatem; Dico primo certum esse, hunc peccate mortaliter ingrediendo laxiorem, sed post professionem in laxiori emissam manere omnino liberum à voto strictioris. Vtrumque expresse definitur cap. penult. de Regul. in 6. traduntque communiter omnes, & quoad priorem partem id docent Nau. sum. cap. 12. num. 48. & Palat. in 4. dist. 38. disp. post 4. conclusionem, vers. Quamobrem clare. Ratio est, quia minus præstat, quam ptomiserat, id autem in materia graui, cuiusmodi est hæc, de qua agitur, mortale est, ut notat Sanch. sum. lib. 4. cap. 16. num. 16. At quoad posteriorem partem insinuat ratio in præcit. tex. quia per votum solenne professionis in laxiori, censetur detogatum voto simplici strictioris.

2. Hæc ratio nonnullis visa est parum sufficiens; cum hæc vota non sint contraria, nec repugnent; professio namque in laxiori obligat ad non descendendum ad inferiorem religionem, non tamen ad transcendendum ad strictiorem; si igitur non repugnant, consequenter nec cessabit votum strictioris post professionem in laxiori emissam. Cæterum Caiet. 2. 2. quest. ult. art. 8. circa solutionem ad tertium; respondet hæc vota repugnare quidem; quia per professionem in laxiori tradit se proficiens religioni, ita ut hæc ius acquirat in ipsum, dum vixerit: tradi autem alteri in

in perpetuum cum obligatione id non implendi, sed transeundi ad strictiorem religionem repugnat, esto non repugnet libertas ad illam transeundi, idque ob conditionem tacite in professione inclusam, nisi placeat altior status. Imo cum hac ratio aequè procedat in voto ingressus in religionem strictiorem, ac in voto perseverandi in eadem: dicendum est, utrumque votum per professionem in laxiori emissam extinguì, ac subinde in neutro casu teneri huiusmodi professum ad strictiorem transire. Ita Palud. 4. dist. 38. quest. 3. art. 1. num. 11. & quest. 4. art. 3. num. 32. D. Anton. 2. p. tit. 11. cap. 2. §. 8. & Palat. loc. cit.

3. Dico secundò, d. cap. penult. de Regul. dum ait vouentem ingredi religionem strictiorem, peccare ingrediendo, imò & profitando laxiorem, interpretandum fore de vouente ingredi strictiorem, non simpliciter, sed cum obligatione perseverandi in ea; quamvis enim textus absolute loquatur de voto ingressus, nec votum perseverantiæ meminerit, Palud. tamen, & S. Anton. ubi supra dictum textum exponunt de eo, qui vouit in strictiori perseverare, & merito; quia si quis voueat duntaxat ingressum in strictiorem, & non perseverantiam, licite posset quandoque in laxiori profiteri. Et ratio est, quia plus est in laxiori perseverare, sicut tenetur post professionem, quam strictiorem ingredi cum libertate non permanendi. At si voueat non solum ingredi, sed perseverare in strictiori, tunc peccat ingrediendo laxiorem, imò & profitando, quia minus præstat, quam promiserat. Manet tamen post professionem omnino liber à voto strictioris, ob rationem in præcedenti dicto assignatam: atque ita docent Palud. & S. Anton. ubi supra; Sylu. verb. votum 4. quest. 7. dicto tertio. quibus ad-

hæret Sanchez, numero 18.

4. Dico tertio, cum, qui solum vouit ingressum strictioris Religionis, licet posse laxiorem ingredi cum proposito vel in hac proficisci, vel si id non elegerit, strictiorem ingrediendi sicut promiserat: quod tradit expressè Sanch. num. 20. & videntur etiam docere Palud. & S. Anton. supra. Ratio est, quia nulla inde priori voto irrogatur iniuria, cum adhuc illo non obstanti liceat huic in laxiori proficisci; etenim melius esse in laxiori proficisci, quam strictiorem ingredi cum libertate exeundi ostendimus dicto præcedenti. Id tamen cum duplici limitatione intelligendum fore existimo. Prior est, modo strictior illa Religio statutum non habeat interdicens eos admittere, qui semel in aliam Religionem ingressi sunt, quia in eo casu redderetur incapax strictiorem ingrediendi, qui laxiorem ingressus esset. Posterior est, modo interim tempus præfixum prioris voti implendi non occurrat; tunc enim cum præcise obliget votum ingrediendi strictiorem, nec legitime commutari valeat in ingressum laxioris absque perseverandi obligatione, erit quidem culpa lethalis non ingredi tunc strictiorem, vel prius votum commutare in perseverantiam in laxiori. At his duobus cessantibus licitum erit vouenti ingressum strictioris simpliciter, laxiorem ingredi, ut dictum est supra.

5. Dico quarto eum qui vouit non solum ingredi strictiorem Religionem, sed perseverantiam etiam in eadem, posse per Episcopum dispensari circa perseverantiam, & consequenter per Bullam commutari in laxioris professionem. Prior pars huius assertionis, id est, quod possit Episcopus dispensare circa perseverantiam. Probatum, tum quia votum perseverandi est virtute diuersum à voto Religionis, hoc

R r 3 enim

enim obligat ad ingressum, & persecurantiam, nisi vouens ipse iusta causa ductus egrediatur, ut quod nequeat religionis austeritates ferre, illud vero obligat in omni euentu ad perseverandum; tum quia in eo casu non dispensatur in substantia voti Religionis, sed in qualitate illi adiuncta, quæ nullibi referuatur; tum quia adhuc sub Iudice lis est, an votum perseverantiae præcise obliget ad perseverandum omnino, vel potius liceat exitus iusta de causa tempore nouitatus, non aliter ac si esset votum solius Religionis, ut late ostendit Lessius lib. 2. de inst. cap. 41. n. 45. vide illum; atque ideo tunc habet locum regula illa *supra* insinuata, quod in dubio morali potest Episcopus dispensare. Et sic docet Hostien. *sum. tit. de voto, num. 6. sine*. Nec refert, quod vouens sit iam ingressus religionem, aut ab illa egressus. Nam Episcopus potest dispensare ante ingressum, non quidem ne ingrediatur, id enim esset dispensare in voto religionis, sed ne teneatur ad perseverandum, si iusta dispensandi causa adsit: & similiter post exitum, si iusta extiterit sui egressus causa, potest dispensare, ne teneatur iterum ingredi; quippe iam religionis voto satisfecit; & si eo solo obstrictum esse contingat, manet omnino liber ab iterato ingressu, ad quem ex solo perseverantia voto quispiam tenetur; in hoc autem potest Episcopus dispensare ob rationes adductas. At si vouens absque iusta causa fortasse fuerit egressus, non potest Episcopus dispensare, ne iterum egrediatur, quia cum nondum voto Religionis satisfecerit, ut constat, idem esset ac dispensare in eo.

6. Posterior pars aperte deducitur ex priori iuxta superius dicta, quia vota, quæ per Episcopum possunt dispensari de iure ordinario, possunt similiter per Bullam commutari. Atque ita docent

expresse Sanch. lib. 8. de *matrim. diff. 9. num. 18. & in sum. tom. 1. lib. 4. cap. 40. 75.* Molfesius *sum. tom. 1. tract. 11. c. 15. n. 147.* Maldertus in 2. 1. tract. 10. c. 5. dub. 10. n. 8. & Sanctarellus de *inib. c. 10. dub. 4.* cum aliis, quos ipsi referunt.

Sed quæres primò, an similiter possit per Episcopum dispensari, & per Bullam commutari votum religionis quoad dilationem executionis, si iusta interueniat causa, ut si quis voueat religionis ingressum ante annum, & adsit iusta causa amplius differendi. Suar. tom. 2. de *religione, tract. de voto, lib. 6. cap. 16. num. 11. & 12.* negat Episcopos posse in hoc dispensare, nisi dicta superueniente causa non esset aditus ad Pontificem intra præfixum voti tempus. Id autem probat, tum quia sic habet consuetudo, quæ est optima legum interpres; tum etiam quia talis circumstantia multum attingit substantiam voti, cum totam obseruationem voti differat pro aliquo tempore. Atque idem indicant Angles *storibus 2. p. quest. de voto, art. 8. diff. 9. conclus. 4.* & Say. in *clauis regia lib. 6. cap. 11. num. 66.* ubi inquirunt posse Episcopum non dispensare, sed declarare differendam executionem votorum ob iustas causas, non solum instar priuati Doctoris, sed declaratione authentica spirituales iurisdictionem exigente. Hæc opinio est satis probabilis, sed probabilior videtur, quod possit Episcopus potestate ordinaria dispensare in hoc, dummodo non adeo differatur, ut sit periculum quod vouens reddatur impotens ad votum implendum. Ita sentiunt Sanch. lib. 8. de *matrim. diff. 9. n. 19. & in sum. lib. 4. c. 40. n. 76.* Molfesius *ibidem*, & Maldertus *num. 9.* Ratio est, tum quia id non est dispensare in substantia voti referuati, sed in eius qualitate; tum quia non minus attingitur religionis substantia cum vouetur strictior religio, & Episcopus

pus dispensat ad laxiorem; quod est licitum, ostendimus *supra*, quam dum in solo executionis tempore dispensat. Imò magis tunc videtur attingi, quoniam in eo casu tota religio promissa mutatur, in nostro autem tempus duntaxat, & manet illa tota suæ obligationis substantia, quod sufficit, ut habeat locum reservatio, quæ cum sit odiosa, consequenter est restringenda. Nec contraria confuctudo probatur, imò et si daretur, deseruiret solum maiori securitati, & ad tollendos aliquorum scrupulos, ut notat Sanch. *diff. num. 76*. Vnde iuxta ea quæ sæpius dicta sunt, consequenter sentiendum est, idem posse per Bullam commutari.

7. Sed quæres secundò, an si contingat quod Pontifex votum religionis commutat in aliam materiam non reservatam, ut in confessiones menstruas, aut quid simile, possit materia subrogata per Episcopum similiter dispensari, ac per Bullam commutari. Negativè nonnulli viri docti respondent, de quorum numero est Azor. *lib. 11. in str. mor. c. 18. q. 11*. inquires dubiam sibi videri contrariam sententiam, & tenet Zanardus etiam in *direct. Theol. p. 2. cap. 33*, cum glos. c. 1. *verb. visum, de fortilegis*, Archid. c. *latorem, fine 33 q. 1*. & favet etiam Glos. eod. cap. *latorem, fine*. Ducuntur; tum quia subrogatum sapit naturam, & vim fortitur illius, cuius loco subrogatur. *l. vi. C. de rei uxoria act.* quod esse verum, etiam si subrogatum sit alterius naturæ ab eo, in cuius locum subrogatur, probat Euerard. *loco à vi subrogat. num. 1*. tum quia licet materia illa non sit ex se reservata, est tamen ex accidenti, ratione prioris materiæ reservatæ, in cuius locum suffecta est; quamvis enim prius votum per se non dureret, perseverat tamen quasi in virtute sub illa materia, in quam commutatur. Tum denique, quia eo ipso, quod vo-

tum est Pontificia autoritate translatum in aliam materiam, materia illa est onus iussu Pontificis susceptum: nemo autem potest superioris legem, pœnam, sententiæve immutare, *l. minor Magistratus ff. de arbitris*.

8. Nihilominus oppositum est probabilius, & absolute tenendum. Ita ex Antiquis Sylvest. *votum 4. quest. 4. vers. octavo*. sequutus Lud. Rom. *singul. 460*. fauet Glos. cap. *tempora, verb. tuo iudicio 26. quest. 7*. Iason *l. prima, num. 5. C. de precibus Imperatori offerendus*, & *l. omnes populi, num. 13*. Felin. cap. *Accusasti, fine de accusat.* & Hippol. *singul. 18. num. 3*. ex neotericis autem idem sentiunt Hentiq. *lib. 7. de indulgent. cap. 30. num. 5. vers. 4*. Manuel Sà *verb. votum, num. 8*. Man. Rodr. *sum. tom. 2. cap. 96. ad finem*. Arag. *2. 2. quest. 88. art. 12. §. quando votum*. Sanch. *eod. diff. 9. num. 20*. Suar. *tom. 2. de religione, cap. 10. num. 15*. Lessius *lib. 2. cap. 40. dub. 18. n. 124*. Filliuc. *tom. 2. tract. 26. c. 10. n. 294*. & alij.

9. Suadetur primò, quia votum illud reservatum fuit per Pontificiam commutationem extinctum, & aliud loco illius substitutum, quod non est reservatum. Ergo istud potest per Episcopum dispensari, & per Bullam commutari. Antecedens patet, quia per commutationem obligatio voti transfertur in aliam materiam, reservatio autem voti non competit illi ex se, sed ratione solius materiæ reservatæ: igitur sublata obligatione circa materiam reservatam, & translata in aliam non reservatam, cessat quidem voti reservatio, sicut peccata ratione excommunicationis Pontifici reservata, per solam excommunicationis ablationem desinunt esse reservata.

10. Secundò, quia obligatio voti commutati inducitur per novam voluntatem faciendi, vel acceptandi illam circa aliam materiam, & consequenter

commu



commutatio est virtualiter novi voti emissio loco alterius, quod extinguitur, ut ex dictis sit manifestum: igitur esto prius fuerit reservatum, posterius ramentum non erit sic; quia non est de numero eorum, quæ reservantur.

Tertio, quia vorum reservatur ratione materiæ ad quam obligat, ut dictum est: igitur mutata materia reservata in non reservatam tollitur reservatio. Probatur Consequentia, quia si votum non reservatum commutaretur in materiam voti reservati, iam maneret reservatum; ut si quis emisisset vorum peregrinationis Lauretanæ, & commutaret illud in peregrinationem Compostellanam, seu Romanam, iam non posset iterum commutari, nisi per Papam, ut tenet communis opinio: ergo & è conuerso.

11. Ad primam igitur rationem in contrarium respondetur, subrogatum sapere naturam eius pro quo subrogatur, quo ad ea, quæ per se, & intrinsece pertinent ad talem subrogationem, non quoad ea quæ sunt extrinseca, ut sumitur ex præcit. Iurisperitis, ac præsertim Iasone in §. fuerat. instit. de action. ad hanc autem subrogationem spectat, ut materia quæ loco alterius substituitur, sit æqualis, vel proportionalis priori; sit etiam ad cultum Dei apta, & sub religionis obligationem cadat: at quod sit reservata, necne, est quid extrinsecum respectu subrogationis. Unde cum per Pontificem nunquam fuerit declaratum, reservationem extendi ad materiam diuersam ob solam successiorem in locum alterius, non est quidem extendenda, præsertim cum simus in odiosis.

12. Ad secundam respondetur, quod vinculum voti præcedentis non erat ex se reservatum, sed ratione tantum prioris materiæ, & consequenter ea ablata, cessat etiam reservatio.

Ad tertiam respondetur, negando

Consequentiam, quia pœna, lex, aut sententia continet præceptum superioris: præceptum autem huiusmodi non potest tam facile ab inferiori mutari, ut rectè docet Suar. *supra cap. 20. num. 16.* At in casu nostro semper obligatio est à voluntate vouentis acceptantis commutationem, atque ideo dispensatio eius sequitur naturam voti, non præcepti.

13. Neque obstat, si dicas quod posterior illa obligatio ad talem materiam, non provenit ex sola voluntate vouentis, sicut in aliis votis ordinariis contingit, sed ex arbitrio etiam Papæ, vel eius delegati, idque ad prioris reservationis spectat soliditatem, ut commutatio illa immobilis permaneat. Respondetur enim, verum esse in commutatione intervenisse Superioris auctoritatem ad designandam commutationis materiam, ac propterea non posse illam mere voluntariè mutari: obligatio ramentum inde resultans, non est absolute ex imperio Papæ, sed ex voluntate vouentis; ac idcirco subit voti conditionem, quod inde colligitur, quia in evidenter melius potest quidem commutari, etiam absque vlla causa, vel Superioris potestate.

#### DVBIVM XIII.

*An votum castitatis perpetue,  
saltem metu incussum,  
possit per Bullam  
commutari.*

1. **S**uppono primò, valde inter se differre votum castitatis, & votum vouendi castitatem: Primum est Summo Pontifici reservatum, si sermo sit de castitate absoluta, & perpetua: Secundum potest per Episcopum dispensari: nam si quis emitat vorum simplex assumendi ordinem sacrum, vel etiam Religionis, quorum cuilibet est

ann

annexum votum castitatis, adhuc non vouet castitatem; atque si sic vouentes aixe voti impletionem peccatum fornicationis patrant, non peccarent tamen contra votum castitatis; & si contraherent matrimonium, peccarent quidem contra votum emissum, non tamen peccarent postea petendo debitum. Et ratio est, quia licet huiusmodi sint vota promittendæ castitatis, non tamen castitatis immediate; aliud enim est vouere castitatem, & aliud velle vouere. Ita Suar. *tom. 2. de relig. lib. 6. cap. 21. n. 7.* Sanch. *sum. tom. 1. lib. 4. cap. 40. num. 70.* Molfesius *sum. tom. 1. tract. 11. cap. 15. num. 148.* & alij.

2. Suppono secundò, quod si contingat varia per aliquem voueri ad castitatem spectantia, ita vt ex omnibus illis simul consurgat obligatio ad perfectam castitatem, adhuc possent per Episcopum dispensari, & per Bullam commutari; vt si quis semel promittat se non contradicturum matrimonium, & iterum se non fornicaturum, atque iterum se nullum peccatum venereum commissurum. Ratio est, quia cum iu quolibet istorum possit Episcopus dispensare, vt pote quod non est absolutæ castitatis votum, consequenter potest in omnibus simul: vota enim posteriora per accidens se habent ad prius. Ita Sanchez *ibid. num. 68.* vbi subiungit hoc esse intelligendum, nisi id vltimum votum, quo castitas perfecta completur, consulto ipse vouens præsterit, vt ea perfecta castitate maneat ligatus; tunc namque censetur priora cum hoc posteriori coniungere, ac velle perfectæ castitatis voto ligari. Hoc autem votum, nec Episcopus potest iure ordinario dispensare, nec Confessarius virtute Bullæ commutare.

3. Suppono tertio, posse per Bullam, ac lûbilem, necnon priuilegia ordinis commutari votum non petendi

commutationem voti cuiuscunque. Ratio est, quia votum huiusmodi nullibi est reseruaturn. Atque ita sentiunt loquentes de Bulla & lûbilem Man. Rodr. in Bulla, §. 9. num. 112. Acosta in Bulla, *quest. 73. fin. Villalob. sum. tom. 1. tract. 27. claus. 9. §. 3. num. 35.* & Sanch. *sum. tom. 1. lib. 4. cap. 54. num. 23.* qui *cap. 40. num. 79.* sequutus Azor. *tom. 1. instit. moral. lib. 11. cap. 19. quest. 15.* & Sayr. in clau. regia, lib. 6. c. 11. num. 67. idem sentit de voto non petendæ commutationis ab alio, quam à Romano Pontifice, quia non est ex quinque reseruatis Pontifici, & consequenter per Episcopum dispensari, sicut à fortiori per Bullam commutari potest. Hinc Suar. *tom. 2. de relig. lib. 6. cap. 21. num. 16.* deducit numerum votorum reseruatorum non posse augeri ex voluntate, ac intentione vouentis, itavt votum suum efficere queat reseruatum, etiam si aliàs non sit reseruatum, & obligatio illius non sit reseruata à Papa tolli possit. Ratio est, tum quia reseruatio consistit in ablatione, seu non concessione iurisdictionis; subditus autem quantumcunque nitatur, non potest Episcopum sua iurisdictione priuare: tum quia aliàs possit etiam votum suum facere indispensabile per Papam, si id intenderet: tum denique quia sicut in peccatis non potest quis facere, vt peccatum suum sit reseruatum, esto id intendat, seu promittat; ita in votis idem est sentiendum, cum utrobique sit eadem ratio; vana igitur est intentio illa in hoc sensu, & ab ignorantia originem ducit.

4. Sed an votum non petendi dispensationem, seu commutationem validum sit, agit Richard. in 4. distinct. 38. artic. 9. *quest. 3.* & idem referunt, & sequuntur Ang. *votum 3. num. 20.* Sylu. *2. tom. 2. quest. 14.* S. Anton. 2. part. tit. 11. *cap. 2. §. 9.* Angles *quest. de voto, art. 8. distinct. 8.* Henric. lib. 7. *de indulg. cap. 30. §. 6.*

Felin. in *cap. Caterum, de rescript. num. 26.* Ioann. Stafil. *tract. de gratiis in ult. part. eius §. & primo.* Quare breuiter assero hanc negationem, nempe, non petere dispensationem, seu commutationem voti, non esse intrinsece malam, aut bonam, sed ex causa, & circumstantiis variari posse. Nam petere dispensationem sine causa iusta malum est, interueniente autem causa non est malum: potest autem interdum esse minus bonum, aliquando maius, & nonnunquam necessarium. Atque ideo prædicta negatio non est materia omnino incapax obligationis voti, & consequenter obligabit votum illud ad non petendam dispensationem, seu commutationem voti, nisi ubi talis dispensatio, seu commutatio iudicata fuerit melior, seu magis conueniens ad bonum animæ. Addit insuper Suarez *tom. 2. de relig. lib. 2. cap. 11. num. 6.* semper posse inchoari, petendo dispensationem, seu commutationem ab hoc ultimo voto, & regulariter non obstante tali voto, posse æm totam cum hoc ipso voto non petendi dispensationem vel commutationem, proponi Superiori, ut ipse faciat quod magis expediens iudicauerit: secus votum non esset rationabile, quia non esset de te bonum spirituale concernenti; imo resulteret quodammodo in præiudicium muneris, & potestatis ipsius Superioris.

5. His sic præmissis, præsens dubium plures inuoluit difficultates, sicut præcedens. Prima igitur est, an votum castitatis emissum metu leui, per iniuriam tamen inculso ad extorquendum illud, possit per Episcopum dispensari. Negatiue responderi suat *tom. 2. de religione, lib. 6. cap. 26. n. 4.* ubi duplicem metum distinguit, iustum quendam, seu cadentem in virum constantem; aliūque leuē, & non iustum. De primo ait, quod vel votum est inualidum, vt

tenet opinio probabilis, & sic non requiritur dispensatio: vel si reputatur validum, vt tenet alia opinio, tunc posset æstimari non reservatum, & consequenter dispensabile per Episcopum; quia in votis, quorum valor est sub opinione, potest Episcopus, non solum authentice declarare quid tenendum, sed dispensare etiam, vt constat ex dictis. De secundo autem metu, id est leui, & non iusto, inquit, per se non sufficere; tum quia nullo iure cauetur: tum quia nulla ratione potest fundari, quippe inuoluntarium in eo voto repertum, est secundum quid, & per accidens; quod si sufficeret, vt cessaret reservatio, cessaret etiam in votis emissis in periculo mortis, & naufragij, in quibus idem inuoluntarium reperitur.

6. Sanchez *sum. tom. 1. lib. 4. cap. 40. num. 3* 1. asserit vota emissā metu cadenti in virum constantem nulla indigere dispensatione, quia communissima, & verior opinio tenet vota illa esse irrita, vt ipse ostendit *eod. lib. 4. cap. 3. num. 8. & 9.* votum autem emissum metu leui, non quomodocunque, sed per iniuriam inculso ad extorquendum votū ipsū, esse quidem validum, non tamen reservatum; quia inuoluntarium in eo voto repertum, esto sit tale secundum quid, minuit tamen notabiliter rationem voluntarij, & voti, ac proinde non censetur Pontifex velle quasi iniuriam illam fouens, votum huiusmodi reservare. Vnde iuxta regulam superius traditam, posset per Bullam commutari.

7. Hæc opinio mihi videtur probabilior, & tenenda. Pro eius tamen pleniori declaratione obseruare oportet, metum cadentem in constantem virum, quatuor requirere condiciones. Prima est, vt malum quod timetur sit graue. Secunda, vt æstimator illius mali sit prudens, id est, vt timens non leuiter, & vane credat malum illud sibi immi-

nere,

nere, sed rationabiliter, & probabiliter. Tertia, vt metum incutiens sit potens, & solitus minas exequi. Quarta, ne timens facile queat occurrere illi malo, quod timetur. Timor igitur his conditionibus vestitus dicitur cadens in virum constantem respectiue, ac proinde qui respectu vnius est talis, non sic estimatur respectu alterius, qui vel fortior, vel iunior, vel non ita pusillanimis existit.

8. Obserua insuper duplicem esse metum, quidam est incussus à causis naturalibus, vt à morbo, à tempestate, seu feris animalibus; & hic dicitur metus ab intrinseco, quia non incutitur per actum liberum, sed per modum naturæ, vt docte indicat Sotus in 4. d. 29. *quest. 1. art. 3. vers. Hinc primò colligitur.* Alius vero est ab extrinseco, id est, à causa libera, vt dum vouenti minatur quis mortem, seu malum aliud eiusmodi. Rursus posterior hic metus est etiam duplex. Quidam incussus causa voti extorquendi. Alter vero ob aliam causam. Imo priori modo prædicto incussus, potest incuti iuste, vt dum quis minatur alicui malum aliquod graue, quod iuste inferre potest, cuiusmodi est iusta delicti accusatio; vel potest incuti iniuste, vt si iniustam accusationem inferre intendat.

9. Quapropter dico primò, certissimum esse apud omnes, metum qui non est incussus gratia extorquendi voti, siue procedat à causa naturali, siue libera, quantumvis grauissimus sit, non irritare votum. Ita habetur ex cap. *sicut nobis, de regul.* vbi votum ægri, ex timore mortis emissum, iudicatur validum. Et ratio est, quia tunc vouens à nemine impellitur ad votum emittendum, sed sponte id medium eligit, vt tale periculum euadat. Imo etiam si animus incutientis metum, sit votum extorque- re, si tamen eo animo non significato

vouenti, nec per ipsum intellecto, si aliquid voueat, vt incolumitatem obtineat, validum erit votum, quoniam cum vouens prauæ illius intentionis inscius sit, non coactus est eo meru votum emittere, sed potius sponte illud tanquam suæ incolumitatis medium eligit; ac proinde idem omnino est, ac si quouis alio fine metus incuteretur. Ita Valent. 2. 2. *disp. 6. quest. 6. punct. 4. vers. sic. neque vero eadem est ratio*; & Sanch. *eodem lib. 4. cap. 3. num. 6.*

10. Dico secundò, metum grauem, seu cadentem in virum constantem, incussum iniuste ad extorquendum votum, illud irritare, non quidem iure diuino naturali, vt tenet Sot. *lib. 7. de inst. quest. 2. art. 1. ad 2. paulo post principium, & lib. 8. quest. 1. art. 7. vers. seriosius tamen*; sed solo iure ecclesiastico. Ratio est, tum quia stando in iure naturæ, ea deliberatio requiritur, ac sufficit ad voti valorem, quæ ad culpam mortalem. Hæc autem admittitur cum tali metu; eo enim coactus, si quem fornicari contingat, peccatet lethaliter; tum quia iuramentum tali metu extortum obligat omnino, vt habetur ex cap. *si vero, de iureiur.* cum nihilominus ita inuoluntarium existat, ac votum; nec vlla discriminis ratio inter vtramque assignari queat, nisi quod ius ecclesiasticum irritet votum, non iuramentum. Ita Aragon. 2. 2. *quest. 88. art. 3. Azor. lib. 1. inst. moral. cap. 15. quest. 6. Vega summ. tom. 2. cap. 129. casu 17.* quos sequitur Sanchez *sum. lib. 4. cap. 3. num. 9.* Nec admitto opinionem Cardin. *cap. 2. quest. 1. casu 4. de his qua vi.* & Sylu. *verb. metus, quest. 8. sine*, asserentium votum tali metu emissum non esse irritum, sed irritandum. Imo nec admitto opinionem aliquorum Neotericorum dicentium professionem sic emissam esse irritam, secus autem de votis simplicibus. Ducuntur, quia vnicus tantum textus votum sic

emissum irritans tepetur, nempe *cap. 1. de his qua vi.* ibi autem de sola professione fit mentio. At verius existimo irritari eo metu omne votū, siue solenne, siue simplicitet. Et ratio est, quoniam esto in *d. cap. 1. de his qua*, non fiat mentio de voto simplici; communis tamen Doctorum sententia tenet eandem decisionem ad votum simplex extendi, cum pariter sit opus consilij, & suam habeat perpetuitatem. Ita Glossa finalis ad finem, *cap. 2. de his qua vi.* Abb. ibi num. 11. & *cap. sicut nobis*, num. 5. de Regul. Maior in 4. dist. 38. *quæst. 4. versiculo his rationibus.* Rosella *votum 1. n. 4. & verb. Metus*, num. 3. & ibi Angelus, num. 8. Sorus, lib. 7. de iust. *quæst. 2. art. 1. in solut. ad 1. & 2. Valent. 1. 2. dist. 6. quæst. 6. punct. 4.* Aragon. supra, Nauar. *sum. c. 12. num. 52.* & plures alij per Sanchez relati num. 12.

11. Dico tertio, votum metu viri constantis iuste incusso ad extorquendum votum, validum esse. Ita docent, expressè Metin. *sum. lib. 1. cap. 14. §. 6.* Emanuel Sà, *verb. votum*, num. 8. & videtur tenere Sorus lib. 7. de iust. *quæst. 2. art. 1. ad primum* paulo ante finem, dum ait ad iritationem voti requiri metum incuti ab homine per iniuriam, & multis citatis in simili, nempe de matrimonio latè probat Sanch. lib. 4. de matrimonio, dist. 13. n. 3. Ratio est, tum quia quories metus damni delicto debiti incutitur alicui, tunc metus ille potius ex lege, & natura delicti censetur oriri, & proinde ab intrinseco, quam ab extrinseco incuti, cum intra illum sit iusta timendi causa, & radix timoris. Vnde minans id malum non censetur metum inferre, sed potius metum iam ex delicto conceptum auferre, offerendo immunitatem, si voueat: tum etiam quia nulla interrogatur iniuria, imo oppositum, nec labes aliqua simoniarum admittitur, offerendo delicti veniam,

modo delinquens religionem voueat. Probat, quoniam simonia est studiosa voluntas emendi, vel vendendi rem spiritualem, vt docet D. Thom. 2. 2. *quæst. 100. art. 1.* quem omnes sequuntur. Sed dum quis accepta venia, seu immunitate poenæ delicto debita religionem ingreditur pacto inito, nec vendit religionem, vt constat, nec emit illam, cum nihil soluat. Similiter offerens veniam, nec vendit, nec emit, nam de ratione venditionis est, vt venditor aliquid tradat, & emptor aliquid accipiat; offerens autem veniam, nec tradit Religionem, nec recipit pretium aliquod, vt supponimus, & hac ratione vitatur Cardin. *cap. Dilectus*, il 2. de Simonia, num. 3. & Sylu. *verb. gabella 5. quæst. 2.* ad probandum nullam hic interuenire simoniam.

12. Cæterum Man. Rodr. satis ambigue loquitur in hac materia. Nam *sum. tom. 2. cap. 95. num. 3.* ait professio-nem à scæmina in adulterio deprehensam emissam ad instantiam mariti sibi mortem minantis, nisi voueat, non esse validam: cuius oppositum videtur tenere ibidem *cap. 8. num. 21.* Dico primo loco agere de morte, quam maritus autoritate priuata illi comminatur, vnde cum id iure Canonico sit omnino interdictum, consequenter loquitur de metu iniuste incusso. At secundo loco agere de morte autoritate Iudicis infligenda, ac proinde de metu iuste incusso. Hic enim metus (ait ille) non sufficit ad annullandum, seu rescindendum actum, vel contractum, vt habetur ex l. si mulier, & ibi Bartol. ff. *quod met. causa.* Nihilominus *precir. cap. 93.* aperte à nostra opinione dissentit, cum asserat, quod si quis furi deprehensus in delicto iustam accusationem comminetur, nisi certam ducat, esto metus iuste incussus sit, matrimonium tamen inualidum esse. Atque ideo

ideo non immerito à Sanch. adducitur pro contraria opinione, sicut etiam Lnd. Lopez 1. p. *instruct. cap. 45. vers. sed ibi addit.* & Vega *sum. tom. 2. cap. 129. casu 17.* quorum opinionem censo satis probabilem, sed nostram probabiliorē, quam vltra D D. supra allegatos, etiam tuentur in simili cum de matrim. agunt, Henric. *lib. 11. de matrim. cap. 9. num. 1. & 2. Petr. Led. de matr. quest. 47. art. 3. dub. 1. conclusione 3. initio & Palat. in 4. disp. 29. disp. unica, vers. sexto die.*

13. Hinc autem manifeste deducitur, votum castitatis seu religionis eo metu emissum, non esse Pontifici reservatum; tum quia huiusmodi votum non censetur reservatum, nisi sit liberum, & spontaneum; tum quia vota quorum valor est sub opinione, possunt per Episcopum dispensari iuxta regulam sæpius traditam, & consequenter possunt etiam per Bullam commutari.

Dico quarto, probabilem esse opinionem asserentium metum leuem, dum est causa sine qua non emitteretur, votum illud irritare in foro conscientie, secus in foro externo.

14. Ducuntur primò, quia Ecclesia dum metus est levis, non præsumit coactum, sed spontaneum consensum: at in foro conscientie aliquando constat oppositum, nempe dum quis eo metu perterritus emitit votum, quod alias non emitteret. Secundò, quia ideo metus gravis irritat votum, quod plenam consensum libertatem impediatur in viro constanti. Igitur id similiter irritabit metus levis, dum eundem libertatis consensum impediens, causa existit, ut votum emitteretur: tunc enim videtur verificari ratio Pontificis *cap. cum locum de spons. c. ubi cum locum non habeat consensus, ubi metus, vel coactio intercedit.* Atque ita sentit Nau. alios referens

*lib. 1. consil. in priori edit. in tit. de his qua vi, consil. 1. num. 9. & consil. 3. num. 4. & consil. 2. n. 2. & lib. 3. tit. de Regul. consil. 84. num. 4. in posteriori autem edit. lib. 1. tit. de his qua vi, consil. 3. num. 9. consil. 5. num. 4. consil. 9. num. 2. & lib. 3. tit. de conuers. coningat. consil. 3. num. 4. & loquens de professione idem sentit Man. Rodr. sum. tom. 2. cap. 8. num. 10. secutus Nau. sum. cap. 22. num. 51. Et loquentes de matrimonio, idem videntur sentire Iacobatus de consiliis, lib. 4. art. 4. num. 133. 134. & 135. & Veracruz 1. p. speculi, art. 8. conclus. 7. & ait esse probabile Petr. Ledesma 2. p. 4. quest. 49. art. 3. sicut etiam Sanch. *disto lib. 4. sum. cap. 3. num. 23.**

15. At multo probabilius censo, eo metu leui non irritari votum aliquod; tum quia metus simpliciter non irritat votum, ex eo quod voluntarium quomodocunque impediatur, seu auferatur: sed quod prudenter, & rationabiliter, ut contingit dum quis eligit rem adeo grauem, cuiusmodi est votum castitatis seu religionis sub prætextu vitandæ causam illius timoris; qui ramen dum metus est levis, non ita, sed imprudenter potius, ac irrationabiliter se gerit; tum quia falsum est Ecclesiam in hoc casu inniti præsumptioni, sed cuidam naturali æquitati, quæ postulet subueniri patienti metum grauem, cum fecerit quod debuit, eligens ex duobus malis, id quod minus est. Non autem subuenit patienti metum leuem, cum inconstanter se gerat, dum ex leui metu ad rem adeo grauem sit motus. Sicut etiam Ius Civile iustissime fauet patienti iustum, & grauem metum, contempto metu leui, *Regula vani timoris 145. ff. de reg. iur. lib. 7. tit. 33. p. 7.* Atque ideo hanc sententiam tuentur Sotus *lib. 7. de iust. quest. 2. art. 1. ad 2. fine.* Lud. Lop. 1. p. *instruct. cap. 45. vers. non impedit.* Valentia 2. 2. *disp. 6. quest. 6. punct. 1.* Azor.

lib. 11. *instit. moral. cap. 1. §. quest. 5.* Emanuel Sà *verb. metus, num. 3.* quos refert & sequitur Sanch. *supra num. 24.* & faciunt pro hac sententia loquentes de matrimonio D. Thom. *in 4. dist. 29. q. unica, art. 3. quasiunc. 1. corp.* D. Bonau. *e. ad. dist. quest. 1. num. 4.* Dur. *quest. 2. num. 5. & 8.* Richard *ibi art. 1. quest. 1. Palud. quest. 1. art. 3. concl. 2. num. 20.* & plures alij, quos refertur idem Sanch. *lib. 6. de matr. disp. 17. num. 3.*

16. Ex dictis igitur deducitur primò, votum castitatis, seu religionis metu seu emissum, esse validum, dispensabile tamen per Episcopum; tum quia is metus minuit voluntarium, ut constat; reservatio autem intelligenda est de pure voluntario, ac spontaneo, non de coacto; tum etiã quia sub opiuiione adhuc est, an sit validum, & consequenter potest per Episcopum dispensari, seu commutari per Bullam, iuxta regulam sæpius repetitam. Imo is metus præstat faciliorem dispensandi causam; quanius enim votum ex causa talis metus non desinat esse voluntarium, non tamen est ita voluntarium, ac si is non existeret. Atque ideo nobiscum sentiunt Angelus *votum 4. num. 9. Glof. in cap. veniens §. Qui Clerici, vel vouentes, & Nau. sum. cap. 12. num. 59.* quos refert ac sequitur Lessius *lib. 2. cap. 40. dub. 18. num. 127.* & tenent idem Bonacina *de leg. disp. 4. quest. 2. punct. 7. §. 4. num. 17.* & Leone *tract. de iubil. p. 2. quest. 10. sect. 1. num. 97. fine.*

17. Deducitur secundò, tunc solum metu reuerentiali irritari votum castitatis, seu religionis, aut quodvis aliud cum cadit in virum constantem, nempe cum ultra teuerentiam adsunt minæ, & probabilis timor alicuius mali grauis. At cum dubium occurrit, an metus sit grauis, & consequenter sufficiens ad irritandum votum solenne, vel simplex; præsumendum est in fauorem valoris

voti, cum metum esse leuẽ, ac proinde non irritare. Vnde si constet de voto, & excusatio dubia sit, stabit possessio pro voto, ut notat Sanch. *ibidem n. 27.*

#### D V B I V M X I V.

*An possit per Episcopum dispensari, & per Bullam commutari votum castitatis emissum à coniugatis, vel vtriusque, vel vnius tantum coniugij consensu præcedenti.*

1. **S**uppono hic agi de voto castitatis absolute, arque ideo. Dico primò, si alterũ coniugẽ absque alterius licentia castitatem vouere conringat, idque post matrimonium cõsummarum, certum quidem est, posse per Episcopum dispensari. Rario est, quia eiusmodi votum non est omnimodò continentiar, cum non possit vouentem obligare ad non reddendum debitum. Reservatio autem voti castitatis, tanquam odiosa, de integræ castitatis voto est intelligenda, ut ex sæpius dictis satis sit manifestum. Atque ita sentiunt Man. *Rodr. sum. tom. 1. cap. 90. num. 6.* Aragon. *2. 2. quest. 88. art. 8. dub. vlt.* Sanch. *lib. 8. de matrim. disp. 11. num. 4. & sum. tom. 1. cap. 40. num. 52.* quidquid in contrarium opinetur Lud. Lop. *1. p. instr. cap. 47. fine.* At si votum sit emissum ante matrimonij consummationem, tunc distinguendum esse censeo: nam si fuit emissum animo ingrediendi religionem, ut vbi vouens impleverit votum, sciens non posse aliter illi satisfacere, tunc nequit Episcopus dispensare. Quia cum censetur tunc se velle ad religionem obligare, quatenus est id medium ad castitatem promissam seruandam necessarium, consequenter est votum omnimodò

omnimodæ castitatis, teneturque vouens illud implere religionem ingrediendo. Si tamen animus vouentis non fuit eiusmodi, vel nec de ingressu, nec de opposito cogitauit; vel si cogitauit, noluit tamē se ad illam obligare, potest quidem Episcopus dispensare; id enim votum non est omnimodæ castitatis, cum absque culpa possit, imo teneatur reddere debitum.

2. Dico secundò, si cum licentia alterius coniugis alter solus continentiam vouerit, similiter est distinguendum. Nam si votum sit emissum matrimonio nondum cōsummato, & animo religionem ingrediendi, constetque vouenti non posse aliter votum perfectè implere, quin potius si maneat in sæculo teneri reddere debitum: tunc nequit Episcopus dispensare, etiam ad petendū debitum, poterit tamen ad duntaxat petendum dispensare post matrimonij cōsummationem. Quia voluit id votum, vt omnimodæ castitatis, iuxta ea quæ tradit Sanch. lib. 9. de matrim. disp. 36. num. 5. & 6. Si autem id votum fiat post matrimonium cōsummatum, & animo etiam religionem ingrediendi, volenteque altero coniuge efficere iura requisita, vt talis ingressus liceat, nequibit Episcopus etiam ad solum debitum petendum dispensare. Voluit enim vouens tacitè ad religionem se obligare, & consequenter est votum perfectæ castitatis. At si alter coniux propositum mutet, ita vt hic non possit religionem ingredi, adhuc non poterit Episcopus omnino in eo voto dispensare, eo quod sit absolutæ castitatis; poterit tamen ad solum debitum petendum ratione periculi status. Si vero id votum absque animo religionem ingrediendi fieri contingat, idque siue ante, siue post matrimonij cōsummationem, tunc potest Episcopus in eo voto omnino dispensare: cum enim hic possit, ac teneatur

debitum reddere; manifeste constat non esse votū absolutæ castitatis, sed partis. Et in hunc sensum possunt interpretari Man. Rodr. tom. 1. sum. 2. edit. cap. 143. n. 14. Say. in clau. regia. lib. 6. c. 11. n. 52. & Vega sum. tom. 2. cap. 129. casu 77.

3. Dico tertio, si vterque coniux continentiam voueat absque alterius licentia, idem atque eodem modo est sentiendum, sicut in primo dicto iudicauimus, idque ob rationes ibi assignatas, quæ hic similiter locum habent, vt rectè obseruat Sanch. lib. 8. de matrim. disp. 11. num. 6. & in sum. lib. 4. cap. 40. num. 55. At si vterque coniux seorsim castitatem, seu continentiam vouerit, habita ab altero licentia, non tamen per modum contractus, ac reciproce conuentionis, sed independenter ab alterius voto. Ait Sanch. vtroque loco cit. hum. sequenti esse omnino idem sentiendum, quod statuimus in 2. dicto precedenti, ob easdem rationes ibi traditas.

4. Dico quartò, si vterque coniux de communi consensu per modum contractus, ac reciproce conuentionis castitatem vouerit, id est, facio, vt facias. Tunc sentiunt absolutè aliqui cum Maiori in 4. dist. 32. quest. 1. in solut. ad 2. contra 2. conclusionem, posse Episcopum in hoc voto dispensare. Ducti quod non sit votum omnimodæ continentie, sed vterque teneatur debitum reddere. Alii autem potius placet posse tunc Episcopum dispensare ad solum debitum petendum. Ita Enian. Sà sam. verb. debitum coniugale, num. 2. & Man. Rodr. qq. Regul. tom. 1. quest. 63. art. 2. Ducuntur, tum quia esto huiusmodi votum sit absolutæ castitatis, & consequenter indispensabile per Episcopum; id tamen non est proprie dispensare in voto castitatis, sed in effectu illius ad tempus. Imò nec quoad omnes, cum vterque adhuc sic dispensatus fornicando sacrilegus sit,

nec



nec eo matrimonium solum possit aliud contrahere: tunc etiam quia in voto castitatis ante matrimonij contractionem emissio dispensat Episcopus ad petendum debitam: igitur similiter poterit dispensare in eodem voto post matrimonium emissio, cum hoc non plus obliget, quam illud.

5: Neutra tamen istarum opinionum mihi probatur. Non prior, quia cum id vortum sit absolute castitatis, obligat omnino ad non petendum, nec reddendum, ut latè probat Sanchez *lib. 9. de matrim. disp. 37. num. 10.* Nec posterior. Unde prima ratio in eius favorem adducta falsa est; postè enim similiter probari, quod Episcopus dispensare valeat ad eum solum effectum, ut ligatus voto castitatis matrimonium semel ineat, manente voto in suo vigore quoad cetera, quod nullus concessit unquam. Nec secunda ratio alicuius est momenti, quippe non est simile de voto castitatis ante matrimonium emissio, ac de eodem post matrimonium, vt supra. Nam licet utrumque sit ex natura rei Pontifici reſervatum, diuturna tamen consuetudo, quæ iurisdictionem præbet *cap. cum contingat, de foro competenti*, obtinuit vt Episcopi passim dispensent in primo. Ita ex lutiſperitis Ioan. Audr. *cap. rursus, num. 6. qui clerici, vel vouerit.* & ibi Anton. *fine.* Anchar. *n. 2. opposit. 1.* Præposit. *num. 6.* Alexand. de Neuo, *num. ult. ex Summis Rosella, verb. impedimentum, imped. 4. num. 5. fine.* Angelus *verb. matrimonium 3. imped. 5. num. 3. & verb. votum 4. num. 4.* Armil. *verb. dispensare, num. 18. & verb. matrimonium, num. 55. & alij.* Ex Theologis autem D. Anton. *3. part. tit. 1. cap. 22. §. 2. fin.* Maior in *4. disp. 32. quest. 2. arg. 2. contra 2. conclusionem*, Soc. *Cod. 4. disp. 37. q. unica, art. 1. & art. 2. vers. & per hoc respondetur*, Palac. *disp. 32. disp. 2. vers. suffragatur communi placito*, & plures alij, quos refert,

& sequitur Sanchez *lib. 8. de matrim. disp. 12. num. 4.* Prædicta autem consuetudo originem duxit ab eidenti incontinentiæ periculo, si coniunx petere non possit, cœm tamen ratione matrimonij reddere teneatur.

6. At in voto post matrimonium emissio, de quo nunc agimus, id minime obtinuit; nec idem periculum militat; neuter enim tenetur, nec licite reddere valet. At propterea dicendum est; non posse Episcopum cum his cœiugatis dispensare, vt petendo, reddendœ possint matrimonio vti, nisi incontinentiæ periculum occurrat in alterutro, nec Pontifex commodè adiri queat ex infirmitate, paupertate, aliâve ratione. Prior patet probatur ex ratione proxime adducta. Posterior vero ex eo, quod in eius necessitate posse Episcopum dispensare cum solutis ad contrahendum matrimonium, tenent Nau. *sum. cap. 12. n. 76.* Palac. *4. disp. 38. disp. 2. vers. & quidem Episcopus*, Henric. *lib. 6. de penit. cap. 14. num. 7. in comment. list. P. & lib. 7. de indulg. cap. 30. num. 6. comment. lib. B. Valent. 2. 2. disp. 6. quest. 6. punct. 7. vers. ex quo sequitur*, Arag. *2. 2. quest. 38. artic. 12. vers. si quis autem querat*, Man. *sum. tom. 2. cap. 100. num. 3. conclus. 3. & quest. regul. tom. 1. quest. 63. art. 6. & Anton. Gomez. in Bulla Cruciatæ, claus. 10. num. 108. cum aliis, quos ipsi referunt; & quidem deducitur ex doctrina Abbatis *cap. final. num. 8. de Eccles. edificand.* & Cardin. clem. *1. num. 27. quest. 29. de rebus Eccles. non alien.* necnon Felin. *cap. cum accessisset, num. 22. de consue. vbi inquit in summa alienandi necessitate, quæ eam celeritatem requirit, vt superior consuli non valeat, posse absque eius licentia fieri alienationem, esto inretinuerit iusurandum non alienandi absque eius licentia.* Igitur à fortiori cū his cœiugatis poterit Episcopus dispensare ad petendum debitū in casu simili.*

7. Adde

7. Adde quod etiam si Episcopus regulariter in lege Pontificis, aut Concilij nequeat dispensare, posset tamen in casu urgentis necessitatis, cum ad Pontificem non pater aditus, ut rectè ostendit Sanch. lib. 2. de matrim. disp. 40. num. 5. Atque ideo hanc partem sustinent Sylu. verb. votum 2. sine, & verb. dispensatio, quest. 9. num. 15. Nauatr. cap. 12. num. 59. Palat. 4. disp. 32. disp. 2. vers. Quod si votum. Henriq. lib. 11. de matrim. cap. 15. num. 8. Arag. 2. 2. quest. 88. art. 8. dub. ult. Man. 1. tom. 2. editione, cap. 243. conclus. 14. num. 14. & alij. Vnde deducit Sanchez lib. 8. de matrim. disput. 11. num. 10. idem sentiendum fore, cum etsi Pontifex adiri queat, ex mora tamen graue imminet incontinentiæ periculum. Ita D. Anton. 3. part. tit. 1. cap. 22. §. 4. Sor. 4. disp. 27. quest. 1. art. 4. vers. Quod si contra arguas, Angles floribus de voto, quest. vnic. art. 7. dispic. 10. & Vega sum. 2. tom. cap. 129. casu 68.

8. Limitat Lud. Lopez 2. p. instruct. vbi de clauibus cap. 9. col. penult. inquiring in solis remotissimis Indiæ partibus id Episcopo licere. Non placet hæc limitatio; imo ob rationes præinsinuatæ idem videtur dicendum, non solum si ex mora immineat periculum incontinentiæ; sed etiam si immineat quodcunque aliud graue periculum, nempe grauis scandali, vel magni tertiæ personæ detrimenti. Fautent Sylu. verb. votum 4. quest. 4. & Henriq. loco cit. qui non limitant periculum ad incontinentiam, sed generaliter affirmant posse Episcopum dispensare, cum nequit adiri Pontifex, nisi periculo interuenienti ex mora. Vnde Sanchez d. disp. 9. n. 22. ad finem, ait posse Episcopum dispensare cum iuvene, qui religionis voto attractus virginem desolatorat, ac grauidam effecerat, cupiebat tamen eam ducere in uxorem, ut ipsius famæ consulere. Nam si Pontificia expectaretur dispen-

satio, imminebat periculum matrimonij impediendi, vel ob repugnantiam consanguineorum viri, vel ob mutationem voluntatis ipsius vici, cum non adeo sitna esset, quin facile mutari posset. Atque ideo non est admittenda opinio Rod. dum in Cruciatæ §. 9. dub. 1. circa votum castitatis, num. 118. ait non posse Episcopum in huiusmodi euentibus dispensare. Imo Palat. vbi supra docet in omnibus votis Papæ reseruatis posse Episcopum dispensare, si impotentia adeundi Pontificis præcesserit; quod sentit etiam Sanchez num. 23. dicens id similiter tenere viros doctissimos ex Neotericis.

9. Sed quæres primò, an saltem possit Episcopus dispensare cum coniugatis illis, qui per modum contractus castitatem vouerunt, si renunciationem illam iuris petendi, & reddendi, quam vouendo fecerant, sibi ipsis remittant; iterum sibi mutuam corporum potestatem conferendo. Respondetur affirmatiue, tunc enim esto dicta remissio sit sacrilega, quia contra votum, valet tamen, & tenebitur vterque (ut tradit Sanchez lib. 9. de matrim. disputat. 37. num. 16.) debitum reddere. Ac proinde poterit tunc Episcopus dispensare ad petendum debitum duntaxat ratione illius periculi, quod imminere constat satis manifestè, si illis sit interdicta petitio, cum reddere teneantur. Ratio est, quia per illam remissionem quasi de nouo contrahitur matrimonium quoad licitam facultatē eo vten- di, petitio tamen debiti erit ratione illius voti interdicta; attenta autem obligatione redditionis, poterit per Episcopum dispensari ad petendum debitum, etiam si facilis sit ad Pontificem recursus.

10. Ex dictis igitur deducitur vota castitatis emissà à coniugatis posse per Bullam commutari, in iis casibus, in quibus

quibus Episcopus potest omnino dispensare, ex eo quod deficient à ratione voti castitatis perfecta, in his enim casibus non sunt vota absolute castitatis; at in iis casibus, in quibus Episcopus potest dispensare solum ratione periculi, seu necessitatis, non possunt huiusmodi vota, nec per iubilæum, nec per Bullam commutari.

11. Sed quæres secundò, an votum non nubendi in fauorem tertij, cuius interest emissum, per Episcopum potest dispensari. Respondetur, quod si huiusmodi votum per se spectetur, dispensari posset per Episcopum, & commutari per Bullam, vt ostensum fuit dubio septimo. At si in fauorem tertij petentis, & acceptantis emittatur, dicendum est non posse per Episcopum dispensari, nec per Bullam commutari. Vt si coniux à coniuge petar, quod sub iuramento, vel voto se obliget ad abstinendum ab alio matrimonio, ob ipsius honorem, vel commodum prolium, nec non vt amicitia cum consanguineis, ac nomen familiæ felicius conseruentur; tunc id votum est per Episcopum indispensabile, & consequenter per Bullam incommutabile. Ratio est, quia tunc ius tertio, id est coniugi petenti, & acceptandi acquiritur. Doctores autem asserunt non posse Episcopum dispensare votum in fauore tertij emissum, & ab illo acceptatum, vt ex dicendis dubiis huius capituli fiet manifestum. At si ille ius sibi acquisitum remittat, poterit Episcopus dispensare. Ita Lessius 2. lib. de iust. cap. 40. dubi. 18. num. 124. & Sanch. lib. 8. de matrim. disp. 9. n. 12.

12. Si autem iniquitas, an illa, in cuius fauorem emissum fuit votum, possit totam obligationem inde provenientem remittere: distinctione, vtendum est. Nam si non solum in fauorem ipsius fuit votum emissum, sed intuitu etiam religionis, ad id offerendum Deo, non

potest; secus autem si in gratiam eius duntaxat, quia habet tacitam conditionem, si sibi placuerit, vouens enim cupit gratificari illi, in cuius gratiam vouet. Et in vtroque casu, facta condonatione, seu remissione, poterit Episcopus dispensare, & Confessarius per Bullam commutare, cum id votum non sit castitatis, & ex tunc cesset præiudicium tertij. Ita Lessius & Sanch. *ibidem*. Atque idem dicendum esse de iuramento censet Sotus lib. 8. de iust. quæst. 1. art. 9. ad 2.

13. Quæres tertio, an virtute Cruciatæ possint commutari vota castitatis, seu religionis, emissæ à personis aliterius potestati subiectis. Partem affirmantem sustinet Gutier. qq. canon. 1.2. cap. 2. num. 49. Ducitur, quoniam Pater respectu filij, maritus respectu vxoris, & Dominus respectu serui possunt hæc vota irritare. Igitur à fortiori potest Episcopus ea dispensare, & Confessarius virtute Bullæ commutare. Refert autem Syluestrum, Nauar. Sotum, & alios, qui tamen de solis coniugibus loquuntur, de quibus adhuc ambiguum est apud aliquos, an possit Episcopus votum castitatis emissum post matrimonium consummatum tollere, vel in toto, vel in parte. Cæterum quidquid sit de opinione, id saltem non pendet ex potestate irritandi, qua coniuges ad inuicem potiuntur; imo nec per illam regulanda est potestas Episcopi.

4. Atque ideo oppositum censere probabilius: tum quia potestas irritandi, & dispensandi sunt longe diuerse, oriunturque ex principiis satis distinctis. Vnde esto parens, vota filij, & maritus vota vxoris possit irritare; neuter tamen potest in illis dispensare, vt recte obseruat Sotus lib. 7. de iust. q. 3. art. 1. & consequenter ab vna potestate ad aliam non licet arguere. Tum etiam quia reseruat non opponitur irritationi, non enim

enim derogat, aut tollit potestatem dominatuiam, ex qua facultas irritandi confurgit, sed opponitur, & derogat iurisdictioni, quam subtrahit, & limitat; ac subinde licet facta reservatione pater possit vota filij impuberis irritare, non inde sequitur quod eadem possit Episcopus dispensare. Vnde si contingat quod pater nolit votum castitatis, seu religionis à filio suo emissum irritare, non ideo poterit per Episcopum dispensari, nec per Bullam commutari, quia votum illud est validum, ac reseruatum. Ita Sanch. lib. 8. de matrim. disp. 9. num. 4. Suar. de Religione, tom. 2. lib. 6. cap. 26. num. 3. & Malderus in 2. 2. tract. 10. cap. 5. dub. 10. num. 11. sed de his latius dubio sequenti.

DVBIVM XV.

*An votum peregrinationis ultramarine possit aliquo modo per Bullam commutari.*

1. **D**Vbium istud multiplicè etiam inuoluit difficultatem. Prima igitur sit, an virtute Bullæ possit commutari votum peregrinationis Hierosolymitanæ, non simpliciter, sed quoad circumstantiam, vt si quis voueat sanctum sepulchrum adire mendicando, vel nudis pedibus, possit Confessarius virtute Cruciatæ commutare huiusmodi circumstantiam, ita vt votum illud impleat, non tamen mendicando, sed propriis expensis, nec nudis pedibus, sed calceatus. Respondetur affirmatiue, ita D. Anton. p. 2. tit. 11. cap. 2. §. 9. notab. 4. vers. hoc autem videtur. Palud. in 4. dist. 38. quest. 4. art. 4. num. 43. Menoch. de arbit. lib. 2. cent. 5. casu 421. num. 16. Lopez instruct. vbi agit de clauibus c. 9. sine, & Lessius apud Sanch. in sup. tom. 1. lib. 4. cap. 40. num. 78. Ratio est, quia Episcopus tunc non dispensat in voto,

sed in circumstantia per accidens adiuncta. Id autem esse Episcopo licitum, multis citatis ostendimus supra dub. 8. quest. 2. & consequenter dicendum est posse etiam per Bullam commutari.

2. Sed quæres, an in voto ipso triplicis peregrinationis reservatæ possit Episcopus aliquando dispensare? Respondetur affirmatiue, nam si vigeret necessitas, quæ dispensationem peteret, nec præ paupertate, aliavè causa legitima posset Pontifex adiri, liceret quidem Episcopo dispensare, quod in simili de voto castitatis probavi dub. 9. diff. 2. dicto 4. & ultra ibi allegatos DD. id tenet Petr. de Led. sum. 2. tom. tract. 10. cap. 8. in 3. p. vbi agit de potentibus dispensare dicto 4. Sed clarius id tradit Sanch. sum. eod. cap. 40. num. 37. Solet autem id limitari, vt in ea necessitate possit Episcopus dispensare, cum ad Apostolicum dispensare non est recursus, sic Aragon. 2. 2. q. 88. art. 12. vers. si quis autem quærat, & Man. Rodr. sum. tom. 2. cap. 100. num. ad finem.

3. Et hæc limitatio non est admitenda, quippe quæ nullo fundamento legitimo nititur. Nam Nuntius, esto sit legatus à latere, tantum potest in tota sua provincia circa dispensationes, quantum Episcopus, & alij Ordinarii in sua Diocesi, vt docent specialiter tit. de dispensat. §. consequenter aliqua, & ibi Abb. cap. fin. num. 5. de transact. & cap. dilecto, num. 5. de praben. Couar. 4. decret. 2. p. cap. 6. §. 10. num. 11. Henric. lib. 12. de matrim. cap. 3. initio, & Sanch. de matrim. lib. 8. disp. 9. num. 25. & alij, quos ipse refert. Cum igitur non gaudet maiori potestate, quam Episcopi, parum interest, possit adiri Nuntius, nec ne. Libenter tamen admitterem dictam limitationem, si Nuntius haberet specialem potestatem in his votis dispensandi, & commodè posset adiri, Imo idem admittere in euentu, quod

quicumque alius ex privilegio Pontificio posset in eisdem votis dispensare, ut fuscè ostendit Sanch. lib. 2. de matrim. disp. 40. num. 8. & nobiscum sentit Suar. tom. 2. de relig. lib. 6. cap. 16. num. 15.

4. Linitant alij, assentes votum peregrinationis ultramarinæ, tunc solum esse reservatum Pontifici, cum sit in subsidium terræ sanctæ, non autem cum sit ex devotione duntaxat, tunc enim posse ab Episcopo dispensari arbitrantur. Ita Abb. in cap. ex multa, de voto, quem ibi sequitur Rauennas. At oppositum est dicendum iuxta Romanæ Curie styllum, qui satis aperte colligitur ex extrauag. Sixti I V. *etsi Dominici, de penit. & remis.* ubi peregrinationes reservatæ numerantur; ibi enim sic habetur. *Ad visitanda Roma limina Apostolorum Petri, & Pauli, D. Jacobum Compostella & loca sancta Hierosolyma.* Ecce quam aperte ibi fit sermo de votis ex devotione prædictorum locorum emissis; atque ita docent Nauat. *sum. cap. 11. num. 75. Sylu. verb. votum 4. num. 5. Greg. Lopez lib. 1. tit. 8. p. 1. verb. Roma.* Rodr. *sum. tom. 2. cap. 99. & alij*, qui omnes tradunt id votum, sine ex devotione, siue in subsidium terræ sanctæ fiat, non posse nisi à Papa dispensari simpliciter, bene ramen quoad circumstantiam, vel in casu necessitatis, eo modo quo dictum est supra, & non aliter.

5. Secunda difficultas, an si peregrinatio terræ sanctæ voueatur disjunctiue, possit id votum per Episcopum dispensari, & per Bullam commutari. Respondetur quidem affirmatiue, dum voti disjunctiui sola altera pars est reservata. Ut si quis dicat, voueo peregrinationem ultramarinam, aut jeiunium singulis feriis sextis, obseruandum per decennium, vel voueo peregrinari hinc Hierosolymam, aut ceterum aureos in eleemosynam dare. Posterior enim pars utrobique non est reservata,

& consequenter votum simpliciter loquendo non est reservatum. Ratio est, quia dum res adhuc integra est, vouens potest eligere partem non reservatam præ regulam in alternatis, de regulis iur. in 6. ubi habetur quod in alternatiuis electio est debitoris, satisfacitque quamcunque disjunctionis partem præstando. Ita Azor. tom. 1. instit. mor. lib. 11. cap. 19. quest. 10. Say. in clauis regia lib. 6. cap. 11. num. 62. Lessius lib. 2. de inst. cap. 40. num. 106. Suar. tom. 2. de Relig. lib. 6. cap. 24. num. 1. Sanch. lib. 8. de matrim. disp. 9. num. 14. & sum. tom. 1. lib. 4. cap. 40. n. 41. At si utraque pars disjunctionis sit reservata, ut si quis dicat, voueo peregrinationem terræ sanctæ, vel Religionem; tunc votum huiusmodi est simpliciter reservatum Pontifici. Ratio est, quia obligat præcise ad materiam reservatam, quamcunque partem eligat vouens. Ita Suar. *ibidem num. 2. & Sanch. sum. cod. num. 41.* ac proinde potest Episcopus in primo casu dispensare, & Confessarius virtute Cruciatæ commutare, secus in secundo.

6. Sed quæres, an in voto disjunctiuo, cuius sola altera pars est reservata, si pars reservata reddatur impossibilis, possit Episcopus dispensare. E.g. si quis voueat peregrinationem terræ sanctæ, aut certam eleemosynam facere, & postea factus est impotens ad eleemosynam impendendam; quæritur an vouens obligetur tunc ad peregrinationem determinatè, & consequenter an votum illud sit Pontifici reservatum. Respondetur certum esse, quod si perseverante obligatione alternatiua, altera pars reddatur impossibilis, obligatio debet in altera parte impleri, votum enim obligat, ut impleatur eo modo quo potest. Nihilominus votum ipsum non sit reservatum. Ratio est, quia id votum per se, & ex natura sua nunquam obligauit ad partem reservatam,

sed

sed præcisâ obligatio ad illam prouenit ex solo facto, seu ex impossibilitate materię, quæ est pet accidens, non ex vi vinculi. Ita Suar. *num. 4.* & Sanch. *num. 44.*

*44. Dixi perseverante obligatione alternatiua, quia si vouens voluntarie determinet suam obligationem ad partem voti reſeruati, tunc id votum est simpliciter reſeruatum, quia est quali noua voti reſeruati omiſſio, atque ideo ex vi voti tenetur iam vouens ad partem reſeruati; & ſicut in alternatiuis debitor hominis, ubi ſemel elegit partem alteram, id creditori notum faciens, reſilire non valet, per regulam de regul. iur. in 6. quod ſemel placuit, amplius diſplicere non poteſt: Ita cum Deus corda omnium agnoſcat, ubi ſemel vouens elegit partem illam reſeruati, manet ex vi voti aſtrictus ad illam. Ita Suar. *num. 3.* Sanch. *utroque loco cit.* Say. & Azor. *ubi ſuprà.* Vnde conſequenter dicendum eſt, Episcopum poſſe diſpenſare, & Confeſſarium per Bullam commutare id votum, dñ perſeuerat obligatio alternatiua, etiamſi pars non reſeruata ſit facta impoſſibilis, ſecus poſtquam obligationem ſuam vouens determinauit ad partem reſeruati.*

7. Tertia difficultas, an in caſu, quo Episcopuſ diſpenſare poteſt in peregrinatione terræ ſanctæ, iuxta ea quæ in vtraque difficultate precedenti diximus, ſi priuſ ſit aditus Pontifex, poſſit adhuc Episcopuſ diſpenſare, & Confeſſarius per Bullam commutare. Ratio dubitandi eſt, quia dum diſpenſatio ſemel petitur à ſuperiori, videtur iam in ea cauſa præuentum per ſuperiorem, & ſic nihil poſſe inferiorem circa illam. Nihilominus Dico primo, quando Episcopuſ poteſt iure ordinario in aliqua re diſpenſare, vt in voto pœnali caſtitaſ, ſeu circumſtantia peregrinationis prædictæ, quamuis à Pontifice ſit iam Episcopuſ, ſeu Confeſſoti facta commiſſio

vt diſpenſet, poteſt vouens ei renuntiare, & Episcopum adire, vt poteſtate ſua ordinaria diſpenſet. Ratio eſt, tum quia cum ſit in fauorem, & gratiam vouentis, conceſſa dicta commiſſio, non debet in eius damnum retorqueti. Regula, quod ob gratiam, de reg. iur. in 6. l. Quod fauore. C. de legibus; tum quia Pontificem ad rem aliquam petendam adire, nullum præuentioſis effectum operatur, ne liceat poſtea ab inferiori petere. *lib. 1. c. 10. et. C. quando libellus,* atque ibi DD. Imo Nau. *lib. 1. Conſil. in 2. edit. tit. de off. delegat. conſ. 1. n. 2.* ita generaliter tradit; etiam in iuſtitia reſcriptis.

8. Dico ſecundo, cum Pontifex de eo caſu conſultuſ diſpenſationem denegauit, iudicans non addeſſe cauſam legitimam, exiſtimo, quod niſi noua proponatur cauſa, non poſſit Episcopuſ diſpenſare. Ratio eſt, quia eo ipſo quod Pontifex denegauit, videtur inferioribus anferre facultatem diſpenſandi cum illo ſingulari, niſi ex noua cauſa emergenti. Ar ſecus eſſet, ubi huic ſingulari non denegaſſet, ſed conſtat ſolituſ eſſe Pontificem aliis diſpenſationem denegare ob eas cauſas, reputando non eſſe iuſtas. Nam Episcopuſ poſſet tunc diſpenſare cum illo, cui denegata eſt diſpenſatio, iudicans eas eſſe cauſas iuſtas. Nec inmetito, tum quia cum ſibi iure ordinario ea diſpenſatio competat, non aſtringitur ad diſpenſandum ex iis ſolis cauſis, ob quas dum exiſtunt, Pontifex vult diſpenſare; tum quia nec Pontificem aliis ex ea cauſa diſpenſationem denegaſſet, ligat ordinariam Episcopi facultatem, ne valeat diſpenſare cum illo, cui Pontifex non denegauit.

9. Dico tertio, cum Episcopuſ diſpenſat ex commiſſione expreſſa, ac perpetuo dignitati ſuæ annexa, vt contingit in caſibus Trident. *ſeſſ. 24. de re-*

*formas. cap. 6.* non quidem astringitur ad dispensandum ex solis causis, ex quibus Pontifex dispensare solet. Vnde etsi agnouerit Papam uolle ex aliquibus causis dispensare, & aliis denegasse, adhuc potest cum illo, cui non denegauit, dispensare ex eisdem causis, si eas iudicat iustas; vt num. præcedenti dictum fuit de eodem, cum dispensat potestate ordinaria; cum hæc tanquam iure concessa, ac dignitati perpetuo annexa reputetur ordinaria. Imo idem mihi videtur sentiendum tam de eodem, quam de quouis alio, qui ex speciali commissione Pontificia dispensaret. Cum enim Pontifex non assignet causas, ex quibus Commissarius dispensat, videtur illum duntaxat obligare, vt ex iusta causa dispense, ipsius prudentiæ committens, vt quæ sit iusta causa discernat. At secus esset, dum Episcopus ex sola Epicheia dispensat, vt in casu necessitatis, aut ratione periculi, ex mora immiuentis. Ratio est, quia cum ex sola præsumpta Pontificis voluntate tunc dispenset, ubi de contraria voluntate constat, cessat præsumptio, cui Epicheia innititur.

10. Quarta difficultas, an si quispiam petiit dispensationem ab Episcopo, vel commutationem à Confessario virtute Cruciatæ, in casu quo poterant, & noluerunt, sed remiserunt illum ad Pontificem; possint, sicut prius Episcopus dispensare, seu Confessarius commutare, postquam hic sic remissus se Pontifici præsentauit, petens ab eo dispensationem, seu commutationem. Ratio dubitandi est, quia præfati Episcopus, & Confessarius videntur quod destinant iam esse Iudices, ex quo causam ad superiorem remiserunt, vt habetur *cap. licet de offic. legati*, & tradunt ibi *glos. verb. transfulerat*. atque *ibidem* Ant. num. 8. Abb. num. 3. Anchar. num. 2. Imola *fine*. asseruntque hoc adeo esse verum,

vt nec ex partium consensu possit ea causa semel iam superiori præsentata, ad priorem Iudicem redire. Nihilominus oppositum sentiendum est, posse nimirum adhuc Episcopum dispensare, & Confessarium virtute Cruciatæ commutare, etiam si iam Pontifex commisisset dispensationem Ordinario, seu commutationem Confessario, etsi iam illam expedissent; vt recte docet Sanchez *lib. 8. de matrim. disp. 14. num. 8.* nam quod in fauorem alicuius conceditur, non debet in eius præiudicium retorqueri, vt habetur ex dictis *diffic. 3. dicto 1.* textus autem *d. applicet*, & doctrina Authorum ibi allegata, intelligitur de iurisdictione contentiosa, qualis non est iurisdicção dispensandi, seu commutandi.

11. Quinta difficultas est, si quis peregrinationem terræ sanctæ vocat cum onere erogandi quotidie pauperibus certam elemosinam, nisi voto factis fiat intra certum tempus; commissæ autem Pontifex alicui Confessario, vt huiusmodi votum commutet; sed quia vouens magnam pecuniæ quantitatē debebat, remisit Pontifex partem, iniungens vt aliam soluat. Dubitatur an per Bullam, seu tubilæum pars illa debita commutari possit. Azor. *tom. 1. inst. moral. lib. 11. cap. 18. quæst. 11. ad finem*, tenet posse commutari votum, quod in futurum refertur, & non posse ex toto, vel ex parte remittere eam pecuniæ partem, quam iussu Pontificis soluere cogitur; & generaliter tradit aliud esse commutare votum, & aliud remittere poenam debitam, eo quod votum non sit solum, & consequenter videtur sentire poenam ex violatione voti incursum non posse virtute Bullæ, aut tubilæi commutari. Atque idem etiam expresse sentiunt Nauar. *lib. 3. cons. tit. de voto in prima edit. consil. 35. per totum; in secunda consil. 52. Sayt. in clauis regia, lib. 6. cap. 12.*

p. 12. num. 10. *versic. prater hæc, fine.* & Graff. 1. part. *decis. l. b. 2. cap. 28. num. 5.* Vnde si quis promittat se non lusurum sub pœna erogandi certam eleemosynam, & votum violare contingat; teneat Nauarr. non posse eleemosynam illam ex violatione voti debitam commutari. Ducitur, tum quia hæc priuilegia solius voti commutationem indulgent; aliud autem est commutare votum, & aliud commutare pœnam ex voti fractione debitam; maxime quia non votum, sed eius violatio produxit hanc pœnam; tum quia votum inspicit futurum, non præteritum, & consequenter potestas commutandi vota non extenditur ad pœnam ex præterita voti fractione contractam, sed ad futuram eiusdem voti obligationem.

12. Cæterum circa hanc difficultatem. Dico primò, si Pontifex limitatam concedat facultatem Confessori, commutandi votum prout obligat ad futura, & non vt obligat ad soluendam pœnam ex præterita transgressione incursum; tunc certissimum est, facultatem illam non extendi ad pœnam iam incursum, nec à fortiori ad illam, in quam per Pontificem facta fuit commutatio: idque non quia illa pœna sit à Pontifice imposita, aut quia non debeatur ex voto, sed quia facultas fuit expresse limitata ad aliud, vt supponimus; ita Sanchez *sum. lib. 4. cap. 52. n. 12.* & Suar. *tom. 2. de religione, lib. 6. cap. 20. num. 18.* At si taceatur commutatio illa facta à Pontifice, & vouens confugiat ad habentem auctoritatem, vel iure ordinario, vel per Bullam, seu priuilegium aliquod, tunc valebit dispensatio, seu commutatio totius voti distincte propositi quoad præterita, & futura. Ratio est, quoniam quoad hæc nihil refert illa circumstantia; potest enim vouens priori commutationi cedens, ita se habere, ac si illam non obtinuisset. Ita

Sanch. *cod. cap. 52. num. 14.* & Suar. *cod. cap. 20. fine.*

13. Dico secundò, cessante dicta limitatione posse Episcopum sua potestate ordinaria, vel Confessorem virtute Cruciatæ, seu Iubilæi commutare, non solum obligationem voti pœnalis in futurum, sed etiam pœnam pecuniariam, vel quancunque aliam ex fractionibus eiusdem voti incursum; ita sentiunt ibidem Suar. *num. 19.* & Sanch. *num. 10.* Ducor primo, quia si quis emisit votum non pœnale, sed directum, seu absolutum erogandi quotidie pauperibus certam eleemosynam, & illud est per longum tempus transgressus, potest virtute Cruciatæ, seu Iubilæi petere, & obseruare commutationem totius voti, quo vouens se ad illam obligauit; & consequenter potens votum commutare, potest etiam commutare totam ipsius voti obligationem: igitur à fortiori si quis votum pœnale emisit, & pœnam incurrit, illa similiter poterit commutari per similem facultatem. Probatur consequentia, tum quia in voto pœnali certissimum est pœnam non deberi ex mera voti fractione, sed ex vi voti, quo vouens se ad illam astrinxit, dum ipse violasset votum: eo namque secluso pœnam illam nullatenus deberet. Tum quia votum magis videtur obligare ad directam materiam, in quam cadit, quam ad pœnam: ac proinde cum possit commutari quoad debitum iam contractum in materia directa, nullo magis poterit commutari quoad pœnam.

14. Secundò, quia ferè communis DD. sententia tenet posse virtute Bullæ, aut Iubilæi commutari votum pœnale castitatis, ac Religionis, etiam post pœnam incursum, non solum quoad obligationem in futurum, sed etiam quoad pœnam iam ex voti transgressione contractam: & qui oppositum censent,



sent, non ducuntur ex eo quod pœna sit iam incurfa, sed ex eo quod iam sit votum absolutum nueriæ reservatæ, nempe castitatis, aut Religionis; igitur esto pœna pecuniaria debeatur ex voti transgressione, nihil refert ad negandam huiusmodi potestatem.

15. Dico tertio, nihil obstat huic commutationi, quod Pontifex commutauerit pœnam iam debitam remittendo partem, & iniungendo, vt alteram partem solueret; tum quia adhuc pars illa soluenda debetur ex solo voto; Pontifex enim non imposuit vouenti nouum præceptum, sed solum illam partem pœnæ non commutauit; atque ideo non soluens, non erit præcepti Pontificij transgressor, sed solius voti, quo ad eam tenebatur; ac proinde per potestatem Episcopi ordinariam, seu delegatam, virtute Bullæ, seu Iubilæi, potest commutari. Tum quia, esto vouens acceptauerit commutationem prius factam, adhuc illi integrum est redire ad priorem materiam, & relinquere commutationem, esto facta fuerit in melius, vt constabit ex dicendis *dub. sequenti, diffic. 1. dicto 3.* & consequenter sicut prius poterat per Bullam, seu Iubilæum petere commutationem prioris obligationis, si Pontifex nihil circa illam disposuisset, ita etiam postea. Obserua autem, quæ diximus, non intelligi de pœna, quæ sit materia voti reservati, de hoc enim infra erit agendum.

16. Sed quæres, an si quis in casu, de quo agimus, petat ab Episcopo, seu Confessario commutationem voti pœnalis, siue etiam absoluti de certa eleemosynâ eroganda, non tamen specialiter petat commutationem pœnæ, seu eleemosynæ iam debitæ, & non solutæ, censendum sit totum votum commutatum, etiam quoad præterita, vel solum quoad futura. Respondetur, commu-

tationem illam non extendi ad præterita; idque non ex defectu potestatis, sed ex defectu intentionis: votum namque absolute propositum, siue pœnale, siue absolutum de facienda quotidie eleemosyna, solum apprehenditur vt ex nunc obligans in futurum, atque ideo satis verisimile est, Confessorum id duntaxat intendere in commutatione. Imo idem est de Episcopo, ac etiam de Pontifice, si à principio votum sic fuisset illi propositum. Vt igitur talia vota quoad vtamque partem, præteritam nimirum, & futuram, commutentur, opus est vt distincte proponantur.

17. Neque obstat, si dicas in commutatione voti personalis nõ requiri quod explicetur materia omiffa, vt totum votum commutetur, & consequenter idem videtur dicendum in voto reali. Non(inquam)obstat, id enim solum est verum, quando fractio voti nullum implendæ obligationis quoad materiam omiffam onus reliquit, vt pote quæ erat in honorem temporis: tunc enim cum nihil sit commutabile circa præteritum, consequenter impertinens esset ad commutationem id explicare. Vnde non valet similitudo, violatio enim voti realis semper relinquit obligationem implendi quod omiffum est, ac propterea oportet distincte proponi. Secus contingit in voto personali, cuius transgressio nullam relinquit obligationem implendi, quod omiffum est. Ita *ibidem* Suar. *num. 21.* & Sanch. *num. 13.*

Imo circa triplicem assertionem prædictam, fere omnino nobiscum sentiunt etiam Raphaël à Turri in 2. 2. tom. 2. *quest. 88. art. 12. diff. ult. num. 4.* Filiuc. *tom. 2. tract. 26. cap. 10. num. 295.* Villalob. *tom. 1. tract. 27. claus. 9. §. 3. num. 32.* Ioan. à Cruce in *direct. conf. p. 1. præcept. 2. art. 2. dub. 10. concl. 3.* Maldæus 2. 2. *tract. 10. cap. 5. dub. 11. & alij.*

DVBIVM

DUBIVM XVI.

*An post factam commutationem liceat vouenti redire ad priorem materiam, & omittere commutationem.*

1. **C**irca hanc difficultatem omnes conveniunt, licitum id esse, cum commutatio facta est in minus, admixta aliquali dispensatione, quoniam cuicumque licitum est propria auctoritate votum in melius commutare, ut habetur ex dictis dub... igitur a fortiori licebit omitta commutatione redire ad materiam meliorem prius promissam. Controversia itaque consistit, an idem sit sentiendum, dum commutatio facta est in rem meliorem aut æqualem. Quare Dico primò, si commutatio facta sit in æquale, licitum est vouenti redire ad priorem materiam promissam. *Ducor primo*, quia probabilis opinio tenet, posse quempiam etiam auctoritate propria votum commutare in evidenter æquale, igitur multo verisimilius est, posse vouentem in casu simili redire ad priorem, & quasi naturam voti obligationem. Secundò, quia certum est posse fieri commutationem in hoc sensu, ut vouenti liceat, si velit, uti priori materia voti; esto ad id non cogatur, in hoc enim nec repugnantia, nec iniustitia aliqua reperitur: igitur nisi aliter exprimatur, verisimilius est ita fieri. Probatur consequentia, tum quia hæc videtur communis commutantium intentio; tum maxime, quia id videtur cedere non solum in favorem vouentis, sed in favorem etiam voti, quatenus semper potest in propria specie impleri. Tertio, quia dicta commutatio non fit in favorem creditoris, sed solius debitoris, id est vouentis, ut facilius queat votum implere

in materia subrogata, atque ideo cesserit facta modo magis favorabili, & consequenter non absolute, sed subintellecta conditione, si ei placuerit tali commutatione uti. Manet igitur vouenti liberrae votum implendi, vel in propria specie, vel in materia subrogata. Atque ita sentiunt Azor. tom. 1. libro 11. cap. 18. questione 10. & 12. Say. in clavi regia lib. 6. cap. 12. n. 22. Lessius de inst. lib. 2. c. 40. num. 111. Suar. tom. de voto lib. 6. cap. 20. n. 4. Filliuc. tom. 2. tract. 26. cap. 10. num. 89. post Sanch. sum. tom. 1. lib. 4. cap. 55. num. 26.

2. Dico secundò, satis probabile censeo, non posse vouentem redire ad priorem materiam, dum in meliorem facta est commutatio. Ducor primò, quia commutatio illa acceptata habet vim novi voti, quo vouens se obligat ad reddendum Deo aliquid melius, quam antea promiserat, ac proinde iam non licet illi respicere retro, id enim virtute erit votum rei præstantioris in minorem commutare, quod fieri posse nemo concedet.

3. Secundò, quia commutatio in melius differt à commutatione in æquale, quod hæc est quasi conditionata, ut dictum est supra, atque ideo non inducit præcisam obligationem, sed concedit potius tacitam licentiam redeundi ad priorem materiam; at commutatio in melius est quodam modo absoluta, nec fit in favorem vouentis, sed Dei, id est ad augendum ipsius cultum; & consequenter inducit præcisam obligationem non redeundi ad priorem materiam. Vnde qui prius vouit peregrinationem ultramarinam, & postea id commutavit in Religionis votum, tenetur stare posteriori obligationi, nec potest retrocedere; posterior namque obligatio potuit priori derogare. Atque id satis sit manifestum in contractibus humanis, cum ex partium cōsensu obli-

V u gatio

gatio in fauorem creditoris augetur. Idem igitur est cum proportionem in omnibus votis dicendum.

4. Tertiò, quia nisi talis induceretur obligatio, nulla fieret commutatio in melius, potestas namque faciendi melius loco minoris boni, semper interuenit in omni voto absque vlla commutatione: igitur cum sit commutatio, hoc additur, quod potestas illa transit in obligationem, ita vt prior obligatio voti respectu minoris boni transferatur in melius. Sic sentiunt expresse *vbi supra*, Suar. n. 1. & 4. Filliuc. num. 288. atque id probabile censet etiam Sanchez num. 25. *fine*.

5. Dico tertiò turum esse in praxi, & probabilius, quod esto commutatio facta sit in rem meliorem, licet vouenti propria autoritate redire ad priorem materiam promissam. Ducor, tum quia commutatio siue facta in rem meliorem, siue æqualem, tota sit in fauorem vouentis, vt facilius possit votum implere, ac proinde potest ei renuntiare, alioquin non tam esset fauor, quam onus; tum quia commutatio in melius (regulariter loquendo) non fit in fauorem creditoris, id est Dei, quasi per illam intendatur cultum eius augere, & rem meliorem illi offerre, sed fit in solam debitoris, id est vouentis vtilitatem, vt facilius impleat votum. Vnde vouens eligit meliorem materiam vel quia existimat se posse facilius in illa votum implere, vel quia probabilissima tener opinio non posse fieri commutationem auctoritate propria, nisi in rem euidenter meliorem: vel etiam si fiat auctoritate Superioris, ad vitandos æqualitatis requisitæ scrupulos. Atque hinc deducitur, quod si contingat votum sæpe commutari, licitum sit vouenti exequi votum, aut quamcunque materiam ex illis, in quas facta est commutatio, vt si peraginatatio aliqua sit legitime commu-

tata in menstruam confessionem, & hæc in ieiunia aliquot, & hæc in preces aliquas, satisfaciat vouens exequendo peregrinationem, aut confessiones, aut ieiunia, vel preces; cum omnes istæ commutationes factæ sint in vouentis fauorem. Ita sentiunt Azor. q. 12. Lessius & Say. *supra*, Sanchez. etiam n. 16. & 28. Malderus in 2. 2. tract. 10. c. 5. dub. 11. q. 9. & censet probabile Filliuc. n. 289.

6. Neque obstant quæ in probationem secundæ assertionis adduximus. Vnde ad primum respondetur commutationem in melius factam non pertinere esse, ac si nouum emittatur votum circa posteriorem materiam subrogatam, independentem à priori, sed ad hunc sensum, quod votum in aliam materiam commutatam exstinguitur omnino, quatenus acceptans commutationem non teneatur in posterum ad priorem materiam; sub conditione tamen, & ad eum effectum, vt qualiscunque sit materia subrogata, liceat vouenti ad priorem materiam redire.

7. Ad secundum respondetur, quod si vouens dum acceptat commutationem in melius, renuntiauerit dicto favori in ea incluso, vel ipsam consultò acceptauerit ad augendum Dei cultum, nullatenus poterit ad priorem materiam redire: tunc enim dicta commutatio, non in vouentis, sed in Dei fauorem facta censetur. Scus autem esset dicendum, si commutatio facta sit in fauorem vouentis, seu ad illum quodammodo exonerandum. Imò idem existimo in casu, quo dubitetur an sit facta, hoc, vel illo modo, vt recte obseruat Sanchez num. 28. quia frequentissime fit commutatio in gratiam vouentis; & consequenter non ad illum grauandum, sed potius exonerandum. Atque ideo à communiter contingentibus præsumendum est in dubio, ira fuisse factam, ac proinde licebit in eo casu.

trans.

transitus ad priorem materiam. Adde, quod si commutatio facta sit in bonum prorsus æquale, tunc etiam si consulto fiat ad augendum Dei cultum, licitus erit transitus similiter ad priorem materiam, quia dum talis existit æqualitas, æque etiam colitur utraque Deus, imo aliquantulum excedit materia prius promissa; cedit namque in voti fauorē, ut potius in propria materia, quam in alia etiam æquali impleatur.

8. Ad tertium negatur sequela, quoniam non semper licet præstare id quod melius est, omittendo materiam voti promissam, esto sit minus bona, nisi vel in euentu quod utraque sit incompatibilis; tum enim votum esset maioris boni impeditiuum; vel nisi id quod melius est, eligatur sub prioris materiæ minus bonæ obligatione. Vnde si quis absolute proponeret, aut voueret castitatem, non commutando in illam vnum, vel alterum ieiunium antea promissum, adhuc non esset immunis à priori ieiunij obligatione.

9. Sed quæres primò, an si Pontifex, seu Confessarius de speciali Pontificis autoritate votum castitatis, seu Religionis alicui commutet in confessionem menstruam, seu elemosynas, aut peregrinationes aliquas, vouens autem neutrum istorum impleuit; quæritur maneatne liber à voto castitatis, seu Religionis per ipsum emissum. Nonnulli opinantur non manere liberum, sed teneri ad votum prius emissum, modo sua culpa commutationem non impleuerit, vel non habuerit animum implendi, tempore quo votum commutatum est. Ita ex Soto lib. 7. de iust. quæst. 2. art. 1. in sol. ad 3. sine vers. Quid autem si; tenet Man. Rod. in addit ad Bullā, §. 9. n. 117. & sequitur Arag. 2. 2. quæst. 88. art. 3. in sol. ad secundum sine. Vega sum. tom. 2. c. 129. casu 19. & Corrad. in suis responsis 1. p. q. 285. vbi omnes isti Auctores

inquunt eum, qui simplex religionis votum emittit in sæculo, idque impleuit, professionem in Religione approbata faciendo, si culpa sua iam professus expellatur, nec correctus admitatur, teneri ratione prioris voti illam Religionem ingredi, & tamen constar omnia vota simplicia in Religionis professionem commutari, ut habetur ex cap. scripture, de voto.

10. Ducitur primò, quia prioris voti vinculum non est omnino extinctum, sed in aliam materiam translatum, sique ea translatio instar contractus conditionalis, id est commuto tibi votum, sub conditione quod tenearis implere materiam subrogatam; igitur nisi illam impleat, tenetur implere ipsum votum, quod emiserat. Antecedens probat Sotus eod. lib. 7. de iust. quæst. 4. art. 1. vers. circa hanc conclusionem, ex differentia quam assignat inter dispensationem, & commutationem; per illam namque vinculum voti prorsus tollitur, per hanc vero minime, quippe eodem vinculo, quo vouens ad castitatem v. g. tenebatur, tenetur subinde ad peregrinationem, seu orationem, in quam votum commutatum est. Vnde infert ipse Sotus, non teneri vouentem ad peregrinationem, seu orationem illam, virtute præcepti illius, qui committauit, cum is nec iubeat, & sæpe nec potestatem iubendi habeat, sed tantum tenetur ad illam prioris voti virtute, quæ in materia subrogata manet, ac proinde eadem est religio seruare votum in secunda materia atque in priori.

11. Ducuntur secundò, quia vouenti adhuc post commutationem factam, & acceptatam, liberum est ad priorem voti materiam redire, ut habetur ex dictis difficultate præcedenti, quidquid nonnulli in contrarium opinentur; igitur votum circa priorem materiam non quidem extinguitur simpliciter, sed

Vu 2 sub

sub conditione commutatum est : ac subinde nisi vouens materiam subrogatam exequatur intra terminum præfixum, ad priorem voti materiam tenetur. Vnde infert Rodrig. *ibidem numer. 118.* eum cui votum castitatis commutatum est in aliam materiam, nempe eleemosynas aliquas, seu ieiunia, factusque est impotens adeo, ut nec eleemosynam facere, nec ieiunare queat; non teneri ullatenus, nec ad votum, cum iam sit per commutationem extinctum, nec ad materiam subrogatam, cum abque culpa sit factus impotens: eum autem, qui commutationem acceptauit, & culpa sua illam executioni non mandauit intra tempus præfixum, teneri ad votum ipsum, ob rationem iam assignatam, & transgressores peccare lethaliter contra illud. Quæ opinio mihi probatur, & tenenda videtur.

12. Nihilominus contraria etiam non caret probabilitate, cum nimirum, qui ratam habuit commutationem, etiam si culpa sua omiserit materiam subrogatam, nequaquam ad priorem voti materiam, castitatem v.g. vel Religionem, teneri. Ita sentiunt expresse Sanchez *lib. 8. de matrim. disput. 9. num. 11.* Suarez *tom. 2. de relig. lib. 6. c. 20. à num. 9. vsque 12.* Graff. 1. *part. decis. lib. 2. cap. 30. num. 3.* Sayr. *in clauis regia, lib. 6. cap. 12. num. 24.* & Viuald. *can. sacram. 2. part. cap. 14. num. 27.* qui ramen *num. 28.* & Graff. citatus id limitant, ut intelligatur quando commutatio fit ab homine; secus de facta à iure, qualis euenit in votis simplicibus, quæ iure commutantur in Religionis professionem; sed absque vilo fundamento; tum quia d. cap. Scripturæ de voto, nulla talis limitatio, exceptio in hac commutatione apponitur, ut ex contextu facile constat; tum etiam quia per professionem vota omnia penitus ex-

tinguntur. Vnde consequenter reprobat Sanchez doctrinam Soti, & aliorum asserentium teneri professum culpa sua eiectionem, aliam ingredi Religionem, ut votum Religionis in sæculo emissum impleat; cuius oppositum esse probabile iidemmet Authores fatentur.

13. Quapropter prædicta opinio suaderi potest, tum ex eo quod esse acceptanti commutationem liceat ad priorem voti materiam redire, non tamen teneri, sed integrum est ei utramvis materiam eligere: & in hoc sensu verum est quod votum per commutationem extinguitur, & eius obligatio sit prorsus translata in materiam subrogatam, ut fatentur omnes cum Caiet. 2. 2. q. 88. *art. 10. notab. 2.* Ergo acceptans commutationem, vel nolit, vel non possit illam implere, adhuc non teneretur ad priorem voti materiam redire; tum quia nullo iure probatur eam commutationem instar contractus conditionalis, seu sub eiusmodi conditione fieri, nec quando commutatur votum, & conditio apponitur: si enim apponeretur, aut tacite inesset, nihil sane referret, quod culpatæ, seu inculpate materiam subrogatam omitteret, quippe in utroque euentu voti obligatio reuiuisceret.

14. Neque obstat si dicas, sicut iuxta nostram sententiam commutatio claudit in se tacitam conditionem, qua vouenti integrum fit, vel commutationem acceptatam implere, vel ad prius votum redire; ita videtur dicendum quod dicta commutatio fiat sub alia conditione, nempe quod nisi vouens exequatur materiam subrogatam, reneatur priorem voti materiam implere. Non (inquam) obstat, quia commutatio fit in fauorem vouentis. Ratio autem fauoris petit commutationem sub ea conditione intelligi, ut liberum sit postea vouenti utramvis materiam eligere.

gere, vt dictum est supra, & docet Azor. lib. 1. *instit. moral. cap. 18. quest. 10.* At ratio ista nullatenus probat commutationem similiter fieri cum tacita conditione, vt culpate omittens materiam subrogatam, teneatur ad priorem: id enim non voueris fauor, sed onus porius esset. Atque ex dictis manent solutæ probationes in contrarium adductæ.

15. Sed quæres secundò, an si quis commutationem fidei acceptauit, non intendens ad illam obligari, maneat votum commutatum. Respondetur negatiuè, cum tamen ex parte commutantis fuerit omnino valida commutatio, si eam quodcumque vouens ipse internè acceptet, satis erit, vt ea uti valeat; sicut de ficto professore probat Sanchez lib. 2. *de matrim. disput. 32. num. 14.* At si vouens vere acceptauit commutationem, non tamen intendens eam executioni mandare, valuit quidem, sed teneretur sinistram illam intentionem mutare, & dictam commutationem explere, sicut tradunt communiter DD. de eo qui animo promittendi, sed non implendi professionem emisit.

## DVBIVM XVII.

*An reuiviscat in aliquo casu obligatio voti commutati.*

1. **C**irca hanc difficultatem assero primò. Certum est, commutato voto in aliam materiã extingui prorsus vinculum voti circa priorem materiam, & transferri idemmet in aliam loco prioris subrogatam, & consequenter hanc obligare sub eodem voto. Nam Prælati, seu Confessarii non condonat nomine Dei priorem voti obligationem, sed solam materiam mutat ea lege, vt vice ipsius acceptet vouens

aliam sub eiusdem voti obligatione. Atque ita docent D. Thom. in 4. *dist. 38. q. 1. art. 4. quest. 3.* Sylv. *votum 4. q. 1.* Caiet. *ubi supra, & in summ. verb. votum, cap. ult. vers. Rationabilis autem causa,* & ibi Armil. n. 14. Palat. in 4. *dist. 38. dist. 3.* & ibi Ouandus *disp. unica, propositione 25.* Arag. 2. 2. *q. 88. art. 12: in dubio circa primam conclusionem, dict. 1.* Valent. similiter 2. 2. *dist. 6. q. 6. punct. 7. vers. Respondeo,* Suar. *tom. 2. de religione, lib. 6. cap. 20. c. 1. & 5.* Lessius lib. 2. *de inst. cap. 40. dub. 11. n. 68.* Man. Rodr. in *Bulla, §. 9. num. 116. & addit. ad eandem, §. 9. num. 105. & alij.* Hinc autem provenit, quod prioris voti obligatio non reuiviscat, etiam si commutatio facta sit in minus, vel æquale. Imo etsi posterior materia non impleatur, vel sine culpa, vel cum illa. Ratio est, quia obligatio semel extincta non reuiviscit, vt habetur iniure, & notat Gloss. in *cap. quæris, verb. contrahatur, de consecr. dist. 4. ex cap. illic. 23. quest. 5. & ex leg. Quirres, §. Arcu aff. de solut.* Atque id potissimum constat in obligationibus, quæ propria voluntate, & non aliter contrahi possunt, cuiusmodi est obligatio voti. Nam semel sublata huiusmodi obligatio, nisi propria voluntate iterum assumatur, non potest resurgere; id est, nisi quis denuo votum emittat, non reuiviscit.

2. Assero secundò. Si commutatio voti recte, & rite fiat, & impleatur, certum est quod obligatio omnino extinguitur. Nam per commutationem tollitur obligatio voti à priori materia, & transfertur in aliam, vt ex sæpitis dictis abunde constat; per executionem autem commutationis extinguitur simpliciter, & omnino dicta obligatio. At non est adeo certum, quæ sit rite, & recte facta commutatio, ea excepta, quæ fit in melius; hæc namque siue superioris, siue propriæ auctoritate fiat, omnes fatentur esse validam; sicut è conuerso fatentur esse

Vu 3 omnino

omnino inualidam illam, quæ in minus, & propria autoritate facta est. Vnde esto executioni mandetur, in rigore tamen, & iuxta veram sententiam non extinguit voti obligationem, imo reuiviscit talis obligatio; & vouens, non obstante illa commutatione, tenetur ad suum votum implendum. Nam commutatio illa cum facta sit absque potestate, & consensu creditoris, merito inualida æstimatur; ac subinde executio illius propterea non fuit solutio voti. Quod enim non debetur, non soluitur. Illud autem opus non erat debitum ex voto, cum obligatio voti non fuerit rite in illud translata. Atque hæc ratio (teste Suar. loco cit. num. 6.) videtur procedere, tam in commutatione, quæ fit in æquale, quam quæ fit in minus; de hac tamen posteriori est certior, cum extra controuersiam sit, & certum apud omnes commutationem in minus propria autoritate factam esse omnino inualidam, de æquali autem est tantum opinio, ut dictum est supra. Et quidem videtur satis probabile, ut saltem post factam voti solutionem per æquiualem, non maneat obligatio iterum soluendi votum. Neque enim est verisimile Deum esse tam rigidum exactorem, ut eum, qui æquale opus fecit ad votum implendum, velit obligare ut iterum soluat.

3. Cæterum ne res adeo grauis sub opinione maneat, censent aliqui sufficere quod vouens ab habente potestatem petat, ut commutationem illam approbet, & quasi denuo faciat, ratam habendo priorem solutionem nomine Dei. Mihi tamen id non placet, quia commutatio debet obligationi voti proportionari. Vnde sicut votum obligat ad nouum opus, ita commutari debet in opera futura, per quæ nouus cultus Deo tribuatur, sicut tribuendus fuisset per voti solutionem.

Neque admittenda est ibi ratihabitio, quoniam ut dicitur *reg. iur. 9. in 6. Ratum quis habere non potest, quod suo nomine non est gestum*. illud autem non fuit autoritate superioris factum, & quod vouens id præsterit tali intentione, vel spe, non mutat naturam illius. Atque ideo in eo casu tutius existimo, quod dispensationem quis petat ab habente dispensandi autoritatem, & tunc onus susceptum occasione seu intentione implendi votum, poterit saltem magna ex parte conferre ad complendam dispensationis causam, ut recte docet Suar. *vbi supra num. 6. fine.*

4. Affero tertio, cum commutatio sit ab habente autoritatem, contingit autem defectus in causa; tunc si talis defectus vouenti non euidenter constet, impleueritque opus sibi iniunctum, potest scrupulum deponere, & tuta conscientia credere, se voto satisfacisse. Imo esto defectus causæ sit notus, modo commutatio sit facta in æquale, & bona fide iam executioni mandata, credendum est id Deo fuisse acceptum, cum in æquale bonum, & autoritate Vicarij ipsius Dei sit factum. Et in hoc casu communiter reputatur satis probabilis opinio eorum, qui huiusmodi commutationem asserunt esse validam, etiam si Superior fortitan citra modum peccauerit. At si commutatio sit facta in minus, & absque vlla causa legitima, tunc quidem nec valida fuit, nec per solutionem eius extinguitur votum; si tamen sufficiens interueniat causa ad commutationem, esto non ad diminutionem, tunc executio commutationis valebit saltem in partialem solutionem, manebitque obligatio duntaxat ad supplendum, quod defuit, & requirebatur ad æqualitatem commutationis. Id autem posse in eo casu fieri ad arbitrium boni viri, & absque nouo Superioris cōsensu, censet Suar.

Suar *ibid.* n. 7. & merito; quoniam quantum est ex parte sua, iam Prælati in commutationem præstiterat consensum ex iusta causa, ut rationabiliter supponere debemus.

5. Sed quæres, an si quis obtinens commutationem seu dispensationem illi renuntiet, possit mutata voluntate iterum ea vri. Sit prima conclusio. Quandiu superior non acceptauerit priuilegij, seu dispensationis renunciationem, sed in eadem voluntate persistit, poterit mutata voluntate is, cui conceditur dispensatio, estõ impetrationi contradixerit, vel post consecutionem renuntiauerit, ea quidem vti, modo tamen dispensatio non sit circa votum vel iuramentum. Atque in primis id suadetur ex *cap. litteris, de proc. in 6. ibi, licet is qui procurator constituitur ab absente, dixerit præsentatum sibi suscipere nolle mandatum: hoc tamen nequaquam obstat, quandiu constitutus in eadem persistit voluntate, ipsum acceptare poterit, quandoquaque placuerit.* Per quem textum *Glos. finalis ibi.* Ioann. Andr. Archid. Dominicus & Francus *ibidem sine.* & alij inquirunt electum electioni cõsentire reuocet posse mutata voluntate, eandem acceptare, electoribus in priori voluntate persistentibus. Deinde quia ius priuilegij, & dispensationis pendet à voluntate superioris concedentis, & acceptatione eius, si conceditur: igitur quandiu voluntas concedentis manet, & renunciationem nondum acceperat, potest is, cui conceditur, non obstante priori contradictione acceptare. Et confirmatur, tum quia omnis res per quascunque causas nascitur, per easdem dissoluitur. Cum igitur ad priuilegij acquisitionem requiratur voluntas concedentis, & eius cui conceditur, similiter ad eius destructionem vtraque exigitur; tum etiam quia nihil ita duorum consen-

sum desiderat, ac contractus matrimonij, & nihilominus cum alter coniux vero consensit, alter autem fecte, satis est ut matrimonium conualescar, si altero in priori consensu permanente, is fectus consentiat, ut late probat Sanch. *lib. 2. de matrim. disp. 32.* Igitur, ut conualescat priuilegium, cui quispiam renuntiavit, sufficit noua renunciantis voluntas, Superiore in pristina voluntate persistente, vt pote quia nondum renunciationem acceptauit. Ex his ductus rationibus istam sustinet sententiam Loazes *de matrimonio Regis Angliæ, dub. 12. num. 18.* quem sequitur Sanch. *lib. 8. de matrim. disp. 32. num. 1.*

6. Secunda conclusio. Si de dispensatione circa votum, vel iuramentum loquamur, tunc si dispensatione semel perfecte concessa, is cui conceditur, renuntiaret illi, etiam solo actũ interno, non posset amplius ea vti, sed teneretur ad prius votum, vel iuramentum. Ratio huius est, quoniam cætera vincula non potest sibi imponere is, cum quo in eis dispensatum est, nisi autoritas Superioris accedat: atque ideo quantumuis ipse nolit acceptare dispensationem, vel ea semel acceptata nolit vti, potest quidem superiore in pristina voluntate persistente rescilire. At quamuis semel dispensatio in voto, seu iuramento concessa sit, potest sua duntaxat voluntate interna his vinculis irerum Deo obligari: id autem præstat, cum dispensationi renuntiare deliberata voluntate eligit; nullus enim alius est huius renuntiationis sensus, nisi volo ad priorem voti obligationem redire; seu voto illo quod per dispensationem extinctum erat, volo denuo obligari, quod perinde est, ac si tunc denuo id vouerit. Cum igitur prior dispensatio non sit concessa, nisi ad votum ante illam emissum, inde prouenit non esse huic renuntianti in-  
regum



tegrum ea dispensatione uti.

7. Vbi Sanch. *num. 3.* notat non immerito dictum fuisse, cum dispensatio perfecte concessa est, quoniam nisi sit perfecte concessa, cuiusmodi est commissio, quæ solet à Pontifice expediri, ut Ordinarius in voto castitatis, seu Religionis dispenseret; vel à summo Pœnitentiarario, ut Confessor idem præstare valeat. Tunc enim etsi is, cum quo dispensandum est, ei privilegio renuntiet, potest tamen mutata voluntate eadem uti, antequam superior renunciationem acceptet. Quia est privilegium quoddam cum hoc dispensandi in eo voto, quod etiam si sæpe multiplicetur antequam Ordinarius, seu Confessor ea utens commissione dispenseret, non est nova obligatio, sed eadem repetita, ac propterea virtute illius commissionis in eo dispensari potest; cuiusmodi vero commissio, sicut non à sola mea voluntate pendet, ita nec sola mea renunciatione potest extinguï, antequam superior illam acceptet.

8. Hinc fit, quod esto integrum sit vouenti, cui votum commutatum est, omiſsa commutatione, ad prius votum redire, ut dictum est supra; at ubi iam prius votum elegit, non est ei integrum iterum commutationem illam eligere. Ratio est, quia cum iam priori voto de novo ligatus sit, non potest illud auctoritate propria commutare, nisi duplici conditione concurrenti; id est nisi votum illud esset ex non reservatis, & commutatio prius facta esset in rem meliorem, aut evidenter æqualem; tunc enim posset ad priorem commutationem redire: posse namque propria auctoritate quempiam votum in melius, seu evidenter æquale commutare ostendimus dubio...

9. Sed obiicies, quia quod semel placuit, amplius displicere non potest, *reg. quod semel 25. de. reg. iur. in 6.* is etiam

quem pœnitet, iurique suo renuntiat, ac contradicit, non auditur amplius, illud allegans, *cap. prohibetur 2. quæst. 1. & cap. quam periculosum 7. quæst. 1.* ubi glossa alios textus concordantes referens, verb. *Quam periculosum*, inde colligit renunciantem iuri suo id repetere non posse; ex eo enim quod quis impugnauit, fructum consequi non debet, *regula ex eo, de reg. iur. in 6.* Demum, quia privilegium amittitur per non vsum, quasi is sit renuntiatio tacita: igitur à fortiori per renunciationem expressam.

10. Respondetur tamen præcitata iura solum procedere, cum renuntiatio est perfecta, & consummata, & consequenter à superiore acceptata. Ad ultimum dico, per non vsum legitime præscriptum amitti privilegium, non quasi per renunciationem, sed per præscriptionem legitime inductam.

#### DUBIUM XVIII.

*An Prælati possint sua, sicut & subditorum, per se, aut per Confessarios ab ipsis electos vota commutare, ac dispensare.*

1. **D**ubium istud triplicem continet difficultatem. Prima est, an Prælati etiam regulares possint secum recte, ac proprie dispensare in iis omnibus, in quibus ipsi cum suis subditis dispensare possunt. Pro cuius determinatione; Dico primo. Non est dubitandum, posse Prælatos suis Confessariis committere, ut cum ipsis dispenserent in prædictis omnibus, ne peioris sint conditionis, quam subditi: unde cum subditi præ manibus fere habeant Prælatum cum illis dispensare potentem; durissimum sane esset Prælatos saltem soli Summo Pontifici subditos cogere, ipsum pro quantis dispensatione obtinenda adire. Et potest assignari

gnari ratio, quia non repugnat quempiam huiusmodi iurisdictionem in semetipsum exercere, committendo confessario, ut ipsum Prælatum absoluat, & cum eo dispense, ut constat tum ex communi & verissima sententia asserente confessarium Pontificis, ab ipso iurisdictionem accipere, ut eum absoluat. Et à fortiori idem videtur dicendum de dispensatione; tum quia dum *cap. fin. de pœnit. & remis.* indulgetur Episcopis, ac Prælati exemptis, posse eligere sibi confessarium: etsi textus ibi de sola absolutione sacramentali mentionem faciat, mens tamen illius fuit his Prælati prospicere per eum Confessarium in omnibus, quæ ipsi possunt in sibi subditos exercere. Atque ita loquentes de Episcopo fatentur Palud. in 4. dist. 38. quest. 4. art. 4. concl. 4. num. 41. Gabr. etiam 4. dist. 17. quest. 2. art. 3. dub. 2. initio, D. Anton. 3. p. tit. 17. cap. 2. §. 2. statim in princip. Angel. verb. *confessio* 3. num. 7. Sylv. *confessor* 1. quest. 9. Henriq. lib. 6. de pœnit. cap. 4. num. 3. in comment. lit. l. & cap. 7. num. 5. in comment. B. Anton. Gomez in *Cruciata*, clausula 10. num. 85. Say. in *thesauro casuum*, tom. 1. lib. 7. c. 14. num. 5. cum aliis, quos sequitur Sanch. lib. 8. de *matrim.* disp. 3. num. 3. & idem de Prælati regularibus tradunt Henriq. *ibidem*, & Emanuel Sà verb. *confess.* num. 16. vers. *Confessor Episcopi*, & verb. *Religio*, num. 47. vers. *Prælati in Religione*. Imo Maioribus lib. 2. de *irregul.* cap. 3. num. 12. & lib. 5. cap. 15. num. 7. & Suar. de *conf.* disp. 41. sect. 2. num. 9. addunt Congregationem Cardinalium decreuisse idem esse dicendum de casibus occultis Episcopo concessis in Trid. sess. 24. cap. 6. de *Reform.* cap. 6. si namque Episcopus in eos incidat, potest sui Confessarij ad id per ipsum electi absolutione, & dispensatione uti.

2. Dico secundo, quidquid sit de

aliorum opinione, mihi magis probatur posse Romanum Pontificem erga se ipsum dispensare in iis omnibus, in quibus potest cum subditis. Et suadet primo, quia quod iuri naturæ nequaquam repugnat, non est denegandum Summo Pontifici, qui nulli iuri humano subditur: sed nullatenus repugnat iure naturæ hanc dispensandi iurisdictionem ab aliquo erga se ipsum exerceri; Ergo talis iurdictio non est Summo Pontifici deneganda. Minor probatur, tum quia iurdictio hæc secum dispensandi non est contentiosa, quæ testium probationem, ac partis citationem exigit, ut vel sic personarum distinctionem requirat, cum iniquum æstimeretur in propria causa sibi ius dicere contra ius ab adversario intentum, l. *unica, C. ne quis in sua causa*, sed solam postulari directionem ex prudēti iudicio ad pendendam dispensationis causæ iustitiam; quod esto magis fore expedire alieno iudicio stare, non tamen repugnat erga se ipsum ab aliquo haberi. Tum quia nec hæc iurdictio est punitiva aut coactiva, quam in semet exerceri repugnat. Tum denique quia nec pertinet ad absolutionem sacramentalem, quæ iure diuino distinctionem postulat personalem inter absolventem, & absolutum. Vnde S. Th. in 4. dist. 20. quest. 1. art. 5. quest. 4. ad 3. & ibi Dur. quest. 4. num. 10. & Ledes. 1. p. 4. quest. 29. art. 4. *fine*, asserunt actum, qui instat iurisdictionis exercetur, ut excommunicare, non posse ab aliquo erga se ipsum exerceri, secus de acta, qui per modum dispensationis fit. Sotus etiam in 4. dist. 21. quest. 1. art. 4. ad finem. Lud. Lopez 2. p. *instruct.* ubi de *indulgentiis*, cap. 5. ante vers. *Præterea circa illam questionem*; respondentes argumento probanti non posse Prælatum consequi indulgentias, quas generaliter populo concedit, cum hæc concessio sit actus iu-

iurisdictionis, quam nequit quispiam exercere erga se ipsum; inquit neminem posse vti iurisdictione in se ipsum, cogendo se, aut sacramentaliter absolviendo; quoniam hic actus est personalis vnus in alterum, & consequenter extra hos duos casus videtur admittere vsum iurisdictionis in semetipsum.

3. Secundo probatur, quia in iurisdictione voluntaria, cuiusmodi est hæc, de qua agimus, potest quis plurium vices sustinere, dummodo exercitium vnus non obstat exercitio alterius; quod late probat Abb. *cap. ex litteris, num. 11. de probat.* & constat *ex l. si confus. ff. de adopt. vbi* habetur, quod si filius familias præses sit, potest semetipsum emancipare, vel in adoptionem tradere. Neque obstat decisio *cap. fin. de institut.* vbi habetur, eum, ad quem dignitatum collatio spectat, non posse se ipsum instituire. Et ratio redditur, quia inter illam, & accipientem debet esse distinctio personalis. Nam dicendum est rationem illam non esse generalem, vt constat ex variis textibus per Abbatem in contrarium adductis, *vbi supra, & d. cap. fin. n. 5.* Sed ratio prædicta est specialis in illo casu, vt vitetur iniquum ambitionis exemplum in Prælati; ne beneficia, quorum sunt dispensatores, sibi conferrent. Atque ideo concludit Abb. in iurisdictione voluntaria posse quempiam sustinere vices duplicis personæ, nisi sibi specialiter interdicator. Id enim neque etiam in naturalibus repugnat, quippe idem secundum diversas rationes potest esse agens, & patiens respectu sui ipsius; vt potentia visiva, quatenus exercet actum visionis agit; & quatenus est subiectum eiusdem actus, patitur. Imo nec in moralibus id repugnat, nam esto appellatio distinctionem personarum, inter Iudicem à quo & Iudicem ad quem exigat: nihilominus *cap. si collatione, de appellat. in 6. de oec.*

nitur, à collatione facta per Episcopum cum Capitulo posse appellari ad ipsum Episcopum, si ibi vt Canonicus interfuerit, secus si vt Episcopus Et Bal. *lens, in princ. num. 2. C. de appellat.* asserit appellatione facta ab Episcopo ad Archiepiscopum, si Episcopus protinus creatur Archiepiscopus illius Diocesis, ad quam appellatum est, posse eum cognoscere de appellatione instar noui hominis: igitur nec etiam repugnat Pontificem, vt hominem, sibi met vt Pontifici subdi.

4. Tertiò probatur, quia esto iustitiæ actus potissimum requirat distinctionem personarum, cum de eius ratione sit esse ad alterum; datur tamen iustitia eiusdem personæ ad semet ipsam diuersis rationibus considerata, vt constat in debitore incertorum, qui si vere pauper est, & vt talis debitum sibi assumat, de rigore iustitiæ soluit: nam vt debitor satisfecit de iustitia, & vt pauper est is, cui sit satisfactio. Cõstat etiã in Christo Domino, qui vt Deus homo satisfecit de rigore iustitiæ, & quatenus vna erat de personis diuinis, sibi ipsi satisfecit. Ergo idem à fortiori est sentiendum de dispensatione, quæ non iurisdictioni punitiue, aut coactiue, sed voluntariæ innititur, vt dictum est supra. Atque ideo huic assertioni suffragantur DD. in prima probatione relati, quatenus asserunt posse hanc iurisdictionem ab aliquo erga semetipsum exerceri. Sic etiam tradit Valent. *4. disp. 7. quest. 10. puncto 3. vers. Secundo asserimus*, & sustinent illam in propriis terminis Felin. *cap. 2. num. 20. de sponsal. & cap. 1. num. 35. de constit.* & ibi Decius in 2. *lectura in nona edit. num. 24.* Idem sentiunt Sylu. *verb. lex, quest. 14. sine*, Tabiena *verb. inuare, quest. 20. num. 21.* Anton. Gomez in *expositione Cruciate, clausa 10. num. 87.* & supponunt Couar. *cap. Alma mater, 1. p. §. 1. num. 7* & Cord. in *quest. lib. 4. quest. 1. vers. 4.*

vers. 4. idem probatur, ubi inquit non posse Pontificem secum absque causa dispensare, & consequenter videntur à contrario sensu supponere, quod possit ex causa. Idem similiter docent Palud. in 4. diff. 38. quest. 4. art. 4. num. 41. & ibi Mayronis quest. unica sine, Caier. 1. 2. q. 9. art. 5. vers. ad hoc dubium pramittenda sunt, & Sanch. lib. 8. de matrim. diff. 3. n. 6. cum aliis per ipsum relatis.

5. Dico tertio, Episcopi & Prælati omnes, quasi Episcopalem iurisdictionem habentes, cuiusmodi sunt Generales, & Prouinciales Religionum, possunt similiter secum dispensare in iis omnibus, in quibus possunt ipsi cum sibi subditis. Et suadetur primo, quia pro certo habendum est, quod quando Prælati cum aliqua communitate suæ iurisdictioni subiecta dispensant in aliqua lege, dispensatio hæc ad ipsos Prælatos extendatur. Vt si religionis Prælati iusta ex causa dispenſet, ne teneatur conuentus die aliqua ieiunare; vel Episcopus cum tota ciuitate, integrum ipsis erit eadem dispensatione uti. Vnde DD. communiter in 4. diff. 20. admittunt Prælatos, qui indulgentias generaliter concedunt, posse eisdem etiam fieri, atque ita in propriis terminis sustinent Sotus, Lud. Lopez, & Valentia ubi supra, esto nonnulli id inficari nitantur, sed pauci, & absque valido fundamento.

6. Secundo quia (vt recte obseruat Sanch. loco cit. num. 6. post medium) si res maturè consideretur, nil refert num Prælati in communi cum ciuitate, seu conuentu dispensans, possit ea dispensatione finiri, an seorsum cum singulis dispensans, secum quoque ipse dispenſet. Quia in utroque casu idem erga se ipsum iurisdictionem exerceat, ac superioris, & subditi vice fungitur. Superioris sane, quatenus dispenſat; subditi autem, quatenus secum dispensatur.

Quod laud obscure inde deducitur, quia nullus ex ea communitate, qui subditus non sit, potest tali dispensatione gaudere.

7. Neque obstat, si dicas prædictam generalem dispensationem non prædesse dispensanti ex vi voluntatis, aut potestatis illius, sed ex potestate, ac voluntate Superioris, dum illum habet, vel Christi, si Papa sit. Sicut cum Princeps legem condit, illa quidem ligatur quoad vim directiuam, non ex sua voluntate, sed ex naturali ac diuino iure. Non (inquam) obstat; tum quia ex nullo iure diuino, aut Pontificio constat voluntas aliqua superioris, seu Christi dispensandi cum Prælatis, qui generaliter dispenſat; tum etiam, quia nec simile adductum probat intentum, quippe in eo simili reperitur ius naturale dictans rationi dissonum esse, quod caput, id est, Princeps, non sit eum membris conforme in moribus, qui ex eius potestate, ac voluntate dependent. At in casu nostro non est principium naturale id dictans in dispensatione, præsertim cum facile queant Prælati sibi consulere, suis confessariis committendo, vt secum dispenſent, quod communiter omnes admittere, ostendimus assertionem prima.

8. Tandem idem probant rationes pro secunda conclusionem adductæ; Nec videtur posse ratio aliqua assignari, cur id Pontifici concedatur, & non Episcopis, cæterisve prælati, quasi Episcopalem iurisdictionem habentibus. Neque enim plenitudo potestatis Pontificiæ, cuiusve necessitas, seu textus aliquis id esse in Pontifice speciale suadere videtur. Non plenitudo potestatis, cum hoc præ cæteris Prælati in eo solo consistat, quod sit generalis in toto orbe, ab ipsaque Prælatorum omnium potestas deriuetur, possitque ex iustis causis per eam coarctari. Non etiam id suadet necessitas Pontificis superiore ca-

rentis, ut illum adeat dispensandus; habet enim Confessarium, cui secum dispensandi potestatem auctoritatem committere, ut patet ex dictis in prima conclusione. Nec denique est ullus textus, seu ratio probans solum Pontificem posse secum dispensare.

9. Et pro hac sententia faciunt D. Thom. 1. 2. *quest.* 185. *art.* 8. Turrecr. *cap. de Monachis*, 16. *quest.* 1. D. Anton. 3. p. *tit.* 10. *cap.* 2. §. 7. & Angel. *verb. Monach. num.* 7. Sylu. *verb. Religio* 6. *quest.* 10. & *Religio* 7. *quest.* 11. Tabiena *verb. Episcopus, quest.* 6. & ibi Armilla *num.* 8. Man. Rod. in *Bulla*, §. 8. *dub.* 6. *num.* 11. & *sum. tom.* 2. c. 30. *num.* 4. Molina *tom.* 1. *de iust. tract.* 2. *disp.* 247. *vers. Religiosus* tamen Emanuel Sà *verb. Religiosus, num.* 47. *vers. Prælati in Religione.* Azor. *lib.* 7. *instit. moral. cap.* 29. *quest.* 6. quos sequitur Sanch. *supra* n. 3. contra Suar. *tom.* 2. *de religione, tract.* *de voto, lib.* 6. *cap.* 11. *num.* 4. ubi id negat Prælati Pontifice inferioribus. Imo Sanch. *ibid.* & *sum. tom.* 1. *lib.* 4. *cap.* 37. *num.* 45. id extendit, non solum ad Prælatos ordinariam dispensandi potestatem habentes, sed ad habentes etiam delegatam dispensandi in uniuersum cum aliqua communitate, cuius ipsi sunt partes. Secus si solum haberent limitatam potestatem dispensandi cum certis personis: aut cum certo personarum numero; & merito, quia potestas non debet extendi ultra concessionis limites. Atque idem omnino est sentiendum de potestate commutandi propria vota, quatenus ea commutatio est actus iurisdictionis spiritualis: possunt namque eam iurisdictionem in semetipsos exercere, commutando propria vota, quæ si à subditis essent emissa commutare possent; etiam eadem prorsus ratio militet.

## DVBIUM XIX.

*Quibus Prælati competat ordinaria potestas dispensandi in secularium votis.*

1. IN primis certum est penes Summum Pontificem residere supremam hanc potestatem dispensandi in omnibus votis saltem simplicibus, & quædam etiam referuandi. Dixi in votis simplicibus, cum de his tantum, & non de solemnibus sit nostra disputatio. Atque idem est de concilio generali sentiendum, ut ex se satis constat, & recte tradit Sotus *lib.* 7. *de iustitia, quest.* 4. *art.* 2. *ad* 4.

2. Legatus Apostolicus, seu Nuntius potest in tota Prouincia sibi commissa dispensare in votis, eodem modo, quo Episcopus in sua Diocesi: eadem namque potestate gaudet in illa, quo hic in sua. Ita Speculat. *tit. de dispensat.* §. *consequenter aliqua*, Abb. *cap. fin. num.* 5. *de translat.* & *cap. Dilecto, num.* 5. *de præbend.* Rebuffus *præxi benefic.* *tit. de unionibus, num.* 24. Mandosius *regul.* 17. *Cancellar. quest.* 7. *num.* 5. Couar. 4. *decret.* 2. p. *cap.* 6. §. 10. *num.* 11. Henriquez *lib.* 14. *de irregul. cap.* 18. *num.* 2. Anton. Gomez in *Cruciata, claus.* 10. *num.* 61. & Suar. *d. lib.* 6. *cap.* 10. *num.* 10. qui insuper addit potestatem istam esse ordinariam; quamuis enim Ex Pontificis commissione illam habeat, ordinaria tamen est, cum non personæ, sed officio sit perpetuo annexa; quoniam iurdictio ex Principis priuilegio, non personæ, sed perpetuo dignitati, vel officio competens; non delegata, sed ordinaria reputetur: ut late probat Sanch. *lib.* 2. *de matrim. disp.* 40. n. 14.

3. Tertio, certum etiam est hac dispensandi potestate gaudere Episcopos in

in sua Diœcesi; tum quia Episcopi, sicut etiam Archiepiscopi, Primates, & Patriarchæ in suis Diœcesibus habent veram iurisdictionem ecclesiasticam, & spirituales in utroque foro; tum quia hæc potestas necessaria fuit in Episcopis ad suarum Ecclesiarum regimen: sæpe namque fragilitati vouentium non bene sola commutatione prospicitur; imo & sæpe expedit non eo rigore vri.

4. At obiciunt nonnulli statim citandi, dum asserunt id differre inter Pontificem, & Episcopos, vt ille possit omnino voti obligatione liberare per dispensationem. Hi vero non, nisi in materiam Deo gratiore commutare valeant. Ducuntur, tum *ex cap. 1. de voto*, vbi de Episcoporum potestate agendo, fit tantum mentio de commutatione in melius; tum quia *cap. Accedentibus, de excessibus Prælat. & cap. primo, dist. 25. & cap. quamuis, dist. 68.* referuntur quæ possumt Episcopi, & nihil habetur de dispensatione, ac subinde potestas dispensandi videtur soli Papæ reservari. Ita Abb. *cap. Proposuit, num. 12. de concess. præbend.* Rosella in *summa, verb. votum 5. num. 5. & verb. Papa, num. 1.* & alij, qui idem tradunt de Archiepiscopis, Primatibus, & Patriarchis cum eadem iurisdictione Episcopali in suis diœcesibus gaudeant.

5. Nihilominus assertio nostra est vera, & absolutè tenenda. Nec rectus in contrarium adducti aliquid obstant. Non primus, quia tum Pontifex de sola commutatione consultus fuit, ideoque de ea duntaxat respondit: tum etiam quia in fine ita concludit; & *secundum hoc debet exinde dispensare*, vbi insinuat Pontifex, integrum esse Episcopo dispensare, aut commutare iuxta rei exigentiam. Nec secundus, quia in illo duplici decreti canone de solis ordinis actibus agitur, & in *cap. Accedentibus*,

non recensentur omnes actus iurisdictionis Episcopalis, sed quidam ab inferioribus Abbatibus vsurpati. Imo additur etiam, & *familia*, sub quo verbo potest dispensatio comprehendi. Quin potius possunt Episcopi huiusmodi facultate vri, esto nondum sint consecrati, modo tamen sint à Pontifice confirmari, secus si duntaxat electi. Nam à tempore confirmationis æstimantur veri Prælati, atque omnibus ad solam iurisdictionem spectantibus gaudent, vt ex Lessio refert, & tradit Sanchez *sum. tom. 1. lib. 4. cap. 38. n. 7.* vnde Abb. *cap. 1. num. 7. de voto*; palinodiam canere cogunt.

6. Sed quæres, an Archiepiscopus possit cum subditis Episcoporum suffraganeorum dispensare. Palud. in *4. dist. 38. quæst. 4. artic. 4. conclus. 8. num. 46.* & D. Anton. 1. p. tit. 11. cap. 2. §. 9. *vers. Item non potest*; varij sibi videntur, quoniam prius inquirunt non posse, & statim in aliam partem inclinantes aiunt posse, & tenere factum, esto dispensare non debeat, sed tenet expresse Man. Rodriq. *sum. tom. 2. cap. 100. num. 3.* & alij tacito nomine relati per Emanuel. Sà *verb. votum*, vbi de voti irritatione, *num. 12.* & potest suaderi ex eo, quod Archiepiscopus potest in toto suo Archiepiscopatu indulgentias concedere, vt habetur *ex cap. Nostro, de penit. & remiss.* igitur & dispensare; cum vtrumque sit iurisdictionis actus, & spirituales subiectionem requirit.

7. Cæterum negatiua pars absolutè tenenda est. Nam Archiepiscopus in sua tantum diœcesi habet curam ordinariam: in causis aurem suffraganeæ diœcesis solum est Iudex, cum ad eum per appellationem deducuntur. argum. *cap. 1. de officio legati, & cap. Duo, de officio Ordinar.* atque idem constat *ex cap. Pastoralis, de officio Ordinar.* ibi, *cum in eum exceptis quibusdam articulis nullam habeas potestatem*

*potestatem*. ubi agitur de Archiepiscopo in subditum suffraganei. Imo id etiam deducitur ex *d.cap. Nono*, pro contraria sententia allegaro. Cum enim ibi Archiepiscopo tanquam quid speciale concedatur, posse in suffraganea diocesi indulgentias concedere, consequenter videtur deduci in aliis non specialiter concessis nihil eum posse. Vnde hanc sententiam tuerentur Sylu. *votum* 4. q. 3. *dicto* 4. Sorus *lib. 7. de iust. quest. 4. art. 3. vers. Præter*. Aragon. 2. 2. *quest. 88. art. 12. conclus. 3.* Angles *floribus*, 2. *part. quest. unica de voto, artic. 8. difficult. 4. conclus. 7.* Ant. Gomez. in *Cruciata, clausula* 10. *num. 58.* Sayr. in *clavi regia, lib. 6. cap. 11. num. 79.* Suar. *d. lib. 6. cap. 10. n. 8.* Henriq. *lib. 14. de irregul. cap. 18. num. 3.* & alij, quibus assentit Sanchez *d. cap. 38. num. 11.*

8. Id autem limitant aliqui, ut intelligatur nisi Episcopus dispensationem in voto petitam deneget, cum dispensare tenetur, vel adest iusta dispensandi causa; tunc enim potest Archiepiscopus per appellationem aditus, vel officio eius implorato dispensare; quippe in hoc casu esse legitimum Iudicem constat ex dictis *num. præcedenti*. Apponitur autem disiunctive per appellationem aditus, vel officio eius implorato; quoniam cum inferior tenetur dispensare, & non dispensat, potest superior per appellationem adiri: at cum non tenetur dispensare, iusta tamen adest dispensandi causa, non potest eo modo adiri, sed officio illius misericorditer implorato, ut ex misericordia dispenseret, vel cogat inferiorem ad dispensandum, ut multis citatis probat Sanchez *lib. 3. de matrim. disp. 10. a num. 20. usque ad 24. inclusivæ.*

9. Alij limitant dictam sententiam asserentes intelligendam fore extra tempus, quo Archiepiscopus visitat diocesim suffraganeam, tunc enim cum sub-

ditis Episcopi suffraganei nequit dispensare; secus autem cum illam visitat, quia in eo casu est legitimus illius diocesis Superior. Ita Henriq. & Anton. Gomez. *loco cit.* Auila etiam de *conf. p. 7. disp. 10. dub. 6. notabili 2. circa primam conclusionem*. At oppositum sentiendum est, nempe adhuc in eo casu non posse Archiepiscopum, namque nihil præter sibi specialiter concessa potest in ea diocesi: nullibi autem ipsi conceditur dispensatio, sed absolutio à peccatis duntaxat, ut constat ex *cap. finali, de censibus in 6.* ibi, *Potest etiam idem Archiepiscopus dum visitat, subditorum suffraganeorum confessiones audire, ac absolovere penitentes, ipsique penitentias iniungere.* Nec potestas dispensandi est coniuncta cum potestate absoluendi, ut sit manifestum in parochiis, quibus sola posterior competit: hinc dum visitat, nequit sui suffraganei subditis litteras dimissionis ad ordines concedere. Ita Francus *præcit. cap. finali, num. 26.* Nec potest dispensare in denunciationibus, cum verique sit iurisdictionis ordinariæ actus, & consequenter nec potest in votis. Ita Suar. *tom. 5. de cens. disp. 41. sect. 2. num. 12.* & *tom. 2. de religione, tractatu de voto, lib. 6. cap. 10. num. 9.* Sayr. in *clavi regia, lib. 6. cap. 11. num. 80.* & Sanchez *summa tom. 1. lib. 4. cap. 38. num. 14.*

10. Quæres secundò, an Archiepiscopus possit cum Episcopis suis suffraganeis dispensare in votis. Suar. *d. lib. 6. cap. 11. num. 3.* inquit ex iure non constare huiusmodi potestatem, nec Episcopos istos Archiepiscopo subditi in spirituali suæ personæ regimine, sed in nonnullis tantum actibus ad extrinsecam Ecclesiæ gubernationem spectantibus, ut constat ex *cap. Pastoralis, de offic. ordinarij.* atque ideo concludit consuetudinem esse consulendam.

11. Oppositum censent probabilius permulti DD. asserentes Episcopos huiusmodi

iustmodi esse Archiepiscopo immediate subiectos, ac propterea posse Archiepiscopum eos absolueri, & dispensare, licet hæc potest etiam cum suis subditis præstare. Ita Palud. in 4. dist. 38. q. 4. art. 4. conclus. 8. num. 46. D. Anton. 2. part. tit. 11. cap. 2. §. 9. vers. Item non potest. Angles floribus, 2. p. quæst. vnic. de voto, art. 8. diff. 9. conclus. 9. Sayt. eod. cap. 11. n. 79. Henriq. lib. 14. de irregul. cap. 18. num. 3. & Auila loco supra cit. inquiring ita tenere viros doctissimos, sed subiungit id tantum fieri tempore visitationis, reliqui tamē Authores indistincte loquuntur, & ratio ab eis assignata, id etiam indistincte probat. Imo Sylu. verb. Archiepiscopus, initio, citato Hostiensis, asserit Archiepiscopum maius ius in Episcopos suffraganeos, quam in eorum subditos habere, postquæ de eorundem crimine cognoscere, ac illos punire, iuxta cap. sacro, de sent. excomm. Mihi autem res dubia videtur; nihilominus cum tot Auctoritates non penitendi id affirmant, nec in contrarium sit ratio euidens, nec autoritas conuincens, existimo posse hanc partem tanquam probabilem tuto amplecti, etiam extra tempus visitationis, atque idem fatetur Sanchez d. cap. 38. num. 16.

12. Quæres tertio, an Vicarius Generalis Episcopi, vel Capitulum Sede vacante dispensare queat in omnibus votis, in quibus potest Episcopus. Quoad Vicarium pars negatiua tenenda est, quia ex generali vicariatus officio non habet dispensandi potestatem, nisi sibi specialiter committatur, vt doceat gloss. cap. qua de causa, verb. quidquid 2. quæst. 5. Cardin. cap. Denique 4. dist. 1. Domin. consil. 38. Calderin. de offic. vicar. consil. 3. sine. Felin. cap. At si clerici, §. de adulteriis, num. 21. de iudic. Rebuff. praxi benefic. in forma vicariatus, num. 44. Gutierrez. lib. 1. quæst. canonic. cap. 19. num. 15. & Anton. Gomez. in Cruciata, cap. 4. circa

4. q. num. 19. Et ratio est, quia dispensatio habetur instar restitutionis in integrum, quæ in generali mandato non continetur. L. illud. ff. de minor. Vnde et si sibi committatur potestas dispensandi, nisi subdelegandi potestas ei quoque concedatur, nequibit eam subdelegare, quia delegatus non potest subdelegare, arg. l. fin. ff. de offic. eius, & l. iudice, C. de iudiciis, duplici tamen casu excepto. Primus, dum quis est à supremo Principe delegatus; hic enim subdelegare potest, arg. cap. fin. de offic. deleg. initio. & cap. cum causam, de appell. Secundus, cum quis delegatur ad vniuersitatem causarum; is namque reputatur quasi ordinarius, ac subinde delegare potest. Sic deducitur ex l. 1. §. ab eo. ff. quis, & à quo. & tradunt Hostiensis. cap. fin. de offic. ordin. paulo post princ. & cap. cum causam, de appellat. verb. delegare. Ioan. Andr. cap. omnis. de panit. & remiss. n. 31. vers. in glossa executionem. Abb. d. cap. cum causam, n. 12. & cap. cum Bertoldus, num. 20. de sent. & re iudic. Bartol. l. more, num. 11. ff. de iurisdict. omni iudic. vbi Alexand. de Neuo num. 26. sine. Bald. l. soles, num. 1. ff. eod. tit. Maranta præf. 4. part. dist. 5. principali, an iudicium sit ordinarium, num. 27. & 55. Rosella verb. delegare, init. Angel. verb. delegatus, num. 6. vbi Sylu. quæst. 8. dist. 3. & Couarr. alios referens 3. variar. cap. 20. num. 11. & est sententia communiter recepta, esto oppositum sentiant Decius d. cap. cum causam, num. 29 & 30. de appellat. Curtius d. l. more, num. 67. & alij. Vnde si Vicarij delegatio sit absoluta ad omnia vota, poterit in vno, vel altero voto facultatem dispensandi delegare, cum sit tunc delegatus ad vniuersitatem causarum.

13. Cæterum quoad Capitulum Sede vacante, pro certo habendum est posse dispensare in omnibus votis, in quibus potest Episcopus iure ordinario, cum in Episcopi iurisdictionem succedat,



cedat, atque ita sentiunt Arag. 2. 2. q. 88. art. 1. 2. conclus. 5. Aut. Gomez. in Cruciatæ, clausula 10. num. 62. Sayz. in clauis regia, lib. 6. cap. 1. 1. num. 84. Man. Rod. sum. tom. 2. cap. 100. num. 3. Henric. lib. 14. de irregularitate, cap. 18. num. 2. sine. & lib. 6. de poenit. cap. 6. num. 1. quos sequitur Sanchez cap. 38. num. 17.

14. Atque idem dicendum est de quibuscunque aliis Prælati diocesani sibi subditam cum iurisdictione quasi Episcopali habentibus. Hi enim sicut poriuntur eadē iurisdictione, qua Episcopi, ita eodem prorsus modo possunt cum suis subditis in votis dispensare, quo possunt Episcopi eum suis. Ita Abb. cap. 1. num. 7. de voto. Angel. verb. votum 4. num. 6. Rosella votum 5. num. 2. Sylu. votum 4. quest. 3. dicto 4. Armilla verb. dispensare, num. 18. Nauarr. sum. cap. 12. num. 75. Palacius 4. dist. 38. disp. 3. vers. sunt etiam alij, Arag. 2. 2. quest. 88. art. 1. 2. conclus. 4. Anton. Gomez. & Man. Rod. loco cit. Suar. d. lib. 8. cap. 10. num. 3. Valent. 2. 2. quest. 6. disp. 6. punct. 7. vers. sed cum constet. Azor. tom. 1. instit. mor. lib. 11. cap. 19. quest. 2. & alij per Sanchez ubi supra, num. 19. relati.

## DUBIUM XX.

*Quibus Prælati competat ordinaria potestas dispensandi in votis Regularium.*

1. **C**ertum est posse Prælatos Regulares, Generales saltem, & Prouinciales in votis suorum Religiosorum dispensare. Nam hi Prælati iurisdictionem habent quasi Episcopalem in utroque foro ratione sui muneris erga Religiosos sibi subditos; ex vi enim sui muneris instituntur, ut plenam spirituale subditorum curam habeant, cum iurisdictione ad hoc munus sufficiente, quæ exigat ut huiusmodi Præ-

lati potantur Episcopali iurisdictione erga illos, suntque eisdem loco Episcoporum, cum ab Episcopis priuilegio Pontificio eximantur; ita communiter DD. statim citandi.

2. Obiicies, inde sequi, quod talis potestas esset superflua; nam ut vota sunt ante professionem emissæ, & tunc professione extinguuntur, aut post professionem emittuntur, & tunc integrum erit Prælato ea per irrationem extinguere: igitur videtur potius dicendum quod Prælati Regulares nequeunt in suorum Religiosorum votis dispensare. Ita Palud. 4. dist. 38. quest. 4. artic. 4. conclusione 7. numer. 45. & Dicus Anton. 2. part. tit. 11. cap. 2. §. 9. versicul. Item Abbas.

3. Nihilominus non est recedendum à communi sententia. Nam potestas irritandi dictis Prælati competens, non excludit potestatem dispensandi, sed veraque simul stare potest, & reperitur in his Prælati, eum illa sit potestatis dominatiuæ, hæc autem spiritalis. Nec est superflua; tum quia interdum iudicabit superior quod sit magis expediens dispensare; tum quia sunt aliqua vota, quæ irritare nequit, potest tamen in illis dispensare, ut insinuat Sanch. sum. tom. 1. lib. 4. cap. 39. num. 3. Atque ideo hanc sententiam sustinent Rich. 4. dist. 38. art. 9. quest. 1. & 2. & ibi Supplementum Gabrieli quest. 1. art. ult. conclus. 2. Sylu. votum 4. quest. 3. dicto 4. Angelus votum 4. num. 6. Nauarr. Man. cap. 12. num. 75. Sotus lib. 7. de iust. quest. 4. art. 3. vers. Abbates. Item Palat. 4. dist. 38. disp. 3. Aragon. 2. 2. quest. 88. art. 8. notabili 2. & art. 12. conclus. 6. Valent. 2. 2. dist. 6. quest. 6. punct. 7. vers. sed cum constet. Man. Rod. qq. regul. tom. 1. quest. 25. art. 7. Lud. Lopez 1. part. instr. cons. cap. 39. vers. de aliis votis. Tolet. sum. lib. 4. c. 18. num. penult. & alij, quo ibidem refert, ac sequitur Sanch. ubi etiam ex Suarez, tom. 2.

tom. 2. de Relig. tract. de voto, lib. 6. cap. 11. num. 105. obliuatur hanc potestatem esse ordinariam, cum competat ex vi muneris, & ei sit perpetuo annexa, & consequenter posse ab his Prælati delegari.

4. Sed quæres primò, an Prælati Regulares possint in Nouitiorum votis dispensare. Nonnulli parrem negatiuam amplectuntur, asserentes id ad Episcopum spectare. Tum quia Prælati Regulares non habent in Nouitios simpliciter iurisdictionem Episcopalem, sed regimen duntaxat pro tali tempore, & pro tali fine. Tum quia cum non sint perfecte subditi, consequenter nec fruuntur priuilegiis Religionis, vt habetur ex cap. Religioso, de sent. excom. in 6. vbi iure speciali indultum est Nonitiis in reuerentiam habitus, quem gestant, vt ipsorum percussores excommunicationi subiaceant, ac proinde ex eo colligitur ius commune in contrarium arg. l. ius singulare. & l. quid vero, ff. de legib. Quare non posse Prælatum Regularem cum his dispensare tradunt Angles floribus, 2. p. quest. vnic. de voto, art. 8. post 10. diff. dub. 3. Azor. tom. 1. instit. mor. lib. 11. cap. 19. quest. 21. Sayr. in clau. regia, lib. 6. cap. 11. num. 92. Suar. tom. 2. de Relig. tract. de voto, lib. 6. cap. 11. num. 9. Tum denique, quia si ad ordines essent promovendi nequirent dicti Prælati litteras dimissorias eis concedere, cum ramen ea concessio sit etiam actus iurisdictionis spiritalis. Atque ideò opinarentur prædicti DD. de potestate commutandi vota Nouitiorum, cum is solus possit ordinaria potestate commutare vota, qui potest in illis dispensare.

5. Nihilominus esto prædicta opinio sit probabilis, opposita mihi videtur probabilior, & absolute tenenda, nempe posse Prælarum Regularem in Nouitiorum votis dispensare; & suadet, quia etsi Prælati Regularis careat

potestate dominatiua in Nouitios, & consequenter nequeat eorum vota irritare; habet tamen iurisdictionem spirituales Ecclesiasticam in illos, ac subinde potest in eorum votis dispensare, vt docet Nauar. in Man. cap. 12. n. 65. Atque ideo Nouitius dum in Religione viuat, est à iurisdictione Episcopi exemptus, ita vt de Nouitij delicto, aliisve illius causis nequeat cognoscere, nisi Nouitius se illi subderet, sed totum hoc ad Religionis Prælatum pertinet tradit Sanchez d. cap. 39. num. 17. vbi nostram tenet sententiam, sicut etiam Henric. lib. 7. de indulgen. cap. 21. num. 7. Man. Rodr. quest. regul. tom. 1. quest. 25. art. 8. & in sum. tom. 2. cap. 89. num. vltim. Angel. verb. dispensatio, num. 8. & ibi Sylu. quest. 14. dicto 1. In euentu autem quod Nouitius se Episcopo subdat, poterit Episcopus cum illo in votis dispensare, aut ea commutare, vt tradunt Henric. & Sanch. ibidem, & tenent DD. pro prima opinione adducti. Ratio est, quia cum Nouitij nondum plenam exemptionem, & Prælati Regulari subiectionem adepti sint, consequenter integrum illis est, se Episcopo subdere, vt cum ipsis dispense, seu eorum vota commutet.

6. Ex dictis patet solutio ad primam rationem in contrarium. Ad secundam dicendum est, verius esse Nouitios gaudere priuilegiis Religionis, vt docent Molin. de inst. tom. 1. disput. 139. vers. Præter hos. Henric. & Sanch. supra. Azor. tom. 1. instit. mor. lib. 7. cap. 10. fine, & lib. 12. c. 2. q. 10. & satis manifeste Dominicus cap. Religioso, §. quamuis, n. 3. de sent. excom. in 6. Ad tertiam concedo Prælatum Religionis non posse Nouitiis concedere litteras dimissorias ad ordines suscipiendos, sed hoc spectare ad Episcopum, vel originis, vel habitationis actualis, seu pristinae, vt ex statim dicendis constabit. Ita tenet Suar. d. c. 6. cap. 11. n. 9. & Sanch. ibid. n. 21. At non inde sequitur Prælatum Regularem

non posse cum Nouitiis dispensare in votis. Tum quia plus requiritur ad conferendas litteras dimissorias, quam ad dispensandum in votis. Tum quia bonæ Nouitiorum educationi expedit, ne vagati cogantur, & consequenter, vt possit Prælatus Religionis cum illis dispensare; secus est de litteris dimissoriis prædictis, cum potius expediat tunc eos nullatenus ad ordines promoueri.

7. Cæterum, quidquid sit de opinionibus, id certum est Prælaturam Religionis posse in Nouitiorum votis dispensandis, seu commutandis vti ea potestate delegata, qua per Religionis priuilegia gaulet erga secularium vota, vt dub. sequenti constabit, quippe Nouitij non debent æstimari deterioris conditionis, quam seculares. Atque ita fatentur Azor. & Sayr. loco cit.

8. Quartæ secundò, quis Episcopus censetur proprius Nouitij, vt cum illo dispenset, seu ipsum ad ordines promoveat. Suar. loco proxime cit. inquit Nouitium per ingressum Religionis nõ censeri domiciliũ mutasse, & consequenter Episcopum Diœcesis, in qua prius commorabatur, censeri propriũ illius. Huic opinioni suffragatur DD. asserentes per Nouitiatum nõ censeri mutatum prius domiciliũ, & acquisitum nouum in eo probationis loco. Nã sicut domiciliũ non acquiritur, qui à proptio domicilio migrans, nondum firmiter statuit permanere in loco ad quem migrat, sed solum experiri, an sit sibi expediens. Ita Nouitius non censetur domiciliũ acquirere, cum per Nouitiatum non intendat ibi perpetuo habitare, sed experiri regulam, eaque experta statuere, an permansurus sit, necne. Ita Francus c. 2. in pr. n. 2. de sepult. in 6. & ibi Domin. n. 4. Card. cap. de his q. 5. de sepult. & ibi Henric. n. 15. Lelius Zeccus de republica Ecclesiastica, tit. de regular. cap. 3. n. 9.

9. Hæc opinio videtur satis probabi-

lis, sed mihi magis probatur, proprium Episcopum ad prædicta censeri Episcopum diœcesis, vbi durante probatione Nouitius reperitur. Ratio est, quia Nouitius quantum est ex parte sua animum habet prioris domiciliũ deserendi, & perpetuo commorandi in Religione cuius habitum suscepit, esto nouitiatum sit ad experiendam Religionis austeritatem, ita vt si ferre nequeat, liberum sit ei regredi. Vnde non potest tunc Nouitius æstimari dubius circa perseverantiam, quippe dubius est, qui in neutram partem inclinans, est animo pendulus: sicut non diceretur dubius, sed domiciliũ re veta requireret, qui migrans alio, ibi quantum est ex parte sua perpetuo commorandũ animum haberet, quamuis habeat etiam animum illius loci deserendi, si contingat cœli intemperiem sibi esse incommodam, aut quid aliud facilius sibi eueniat. Nec immeritò, quia cum Nouitij ea animi destinatione Religionem ingrediantur, vt ibi perpetuo maneant, ea quidem destinatio tanquam actus perfectus æstimanda est, tametsi in aliquo casu, seu impedimento occurreret mutari queat. arg. l. cum quidam 8. & l. nisi non sint, §. infelix, vers. quid ergo, ff. de auro & argento legato. Atque ideo Nouitiũ ordinibus incipiunt ab Episcopo loci, vbi est in probatione, docent Francus cap. cum nullus, sine de tempor. ordin. in 6. & ibi Anchar. num. 4. Henricus d. cap. de his, num. 16. & Anton. Cucus lib. 3. institut. maiorum tit. 1. num. 94. Idem similiter sentiunt asserentes ex habitatione Nouitij acquirit domiciliũ, & prius censeri desertum, ita Goffredus sum. tit. de sepult. num. 7. Hostiensis eod. cap. de his ad finem, vers. Quod si quis, ibi Ioan. Andr. in fine. Anchar. num. 3. & alij, quos citat & sequitur Sanchez 2 bi supra num. 10.

DUBIUM XXI.

*Quæ, & qualiter per Religiosorum privilegia possint vota secularium commutari ac dispensari.*

1. **A**dduximus dub. primo huius cap. clausulas, quibus per Cruciatam, Iubilæum, & privilegium Pauli III. conceditur facultas vota commutandi, & quomodo inter se conveniant, ac differant insinuavimus. Nunc autem insuper obsequia primò, prædicta tria privilegia commutandi vota convenire, quod virtute illorum, non solum vota emissa ante ea privilegia, sed emittenda postea, commutari possunt. Differunt tamen, quia de privilegio Pauli III. certum est, de Cruciatâ autem, & Iubilæo, res versatur sub opinione. Ratio potest assignari, quia privilegia perpetua extenduntur tantum ad vota præterita, quam ad futura, amplectuntur enim omne tempus, & huiusmodi sunt privilegia Regularium, & Pauli III. & aliorum Pontificum, & hoc esse certum inquit Suar. tom. 2. de Religione, tract. de voto, lib. 6. c. 3. n. 2. At quando privilegia sunt temporalia, ut Cruciatæ, & Iubilæi, extenduntur, non solum ad vota quæcumque emissa ante concessionem Romæ factam, sed etiam postea, donec publicentur; quoniam cum ex tunc incipiant privilegia suum sortiri effectum, vota usque tunc emissa consentiunt ante concessionem facta: idque esse similiter certum tradit Suar. ibidem, cui adhæret Sanch. sum. tom. 1. lib. 4. cap. 53. num. 24.

2. Obsequia secundò, prædicta tria privilegia convenire insuper inter se, quod virtute nullius ex illis commutantur vota ipso facto, sed facultas duntaxat conceditur Confessorio, ut commutaret. Vnde si Confessor non commu-

ter, retinebunt vota suam pristinam obligandi vim, esto vouens Bullam acceperit, vel per Iubilæum præscripta executioni mandaverit, ut constat ex tenore clausularum, quas dist. dubio 1. huius capituli adduximus. Ita Nau. Man. 12. n. 79. vers. 17. Man. Rodr. in Cruciatâ, §. 9. n. 108. Lud. Lopez. 1. p. instruct. conscientia, c. 20. vers. Adstant simplices. Say. in clavi Regia, lib. 6. c. 11. num. 125. Suar. d. lib. 6. c. 16. n. 2. Hinc autem deducitur, si Confessor requisitus ut commutet, non commutaverit vota, non manere commutata. Ita Nan. & Lud. Lopez. supra. & Beja in suis responsis, casu 9. Differunt tamen prædicta tria privilegia, quod Confessor requisitus per Bullam, aut Iubilæum ut commutet, si agnoscens iustam commutandi causam existere, non commutaverit, peccabit, cum sit iudex delegatus in favorem penitentis, ius ex privilegio sibi concessum petentis: sicut iudex dicitur infidelis cap. 2. quest. 5. denegans dispensationem subito petenti ex causa iusta. Ita Aragon. 2. 2. quest. 88. art. 12. in dubio, quod movet circa secundam conclusionem, paulo ante versic. si quis autem quarat, Viva! d. in Candelabr. Sacramenti. 3. p. cap. 14. num. 18. Say. lib. 6. cap. 12. num. 18. sine, & Srunica de voto, quest. 1. num. 38. At per privilegia Regularium Confessor requisitus ut commutet, esto non commutat, nullam committit culpam. Ratio est, quia nemo cogitur suo privilegio uti.

3. Obsequia tertio, per prædicta tria privilegia solum commutandi vota facultatem concedi. Vnde virtute illorum nequaquam licebit in votis dispensare. Ita loquens de Bulla Petr. Ledesma sum. tom. 2. tract. 10. cap. 8. in fine tertii partis, versic. Digolo quarto; & loquens de privilegio eiusdem Bullæ, ac Iubilæi Say. dist. cap. 11. num. 120. & agens de prædictis tribus Sanch. ubi su-

*pra num. 13.* licet autem Religionis ab Ordinario iuxta præscriptum sacri Concilij Trid. approbatis ad sæcularium confessiones audiendas, dispensare in eorumdem votis virtute priuilegij per Innoc. VIII. ordin. fratrum Minorum concessi, quo per priuilegiorum communicationem gaudet etiam Confessores aliarum Religionum, vt notat Rodr. in *Cruciata*, §. 9. num. 141. & habetur in *comp. tit. absolutio quoad sæculares primo*, §. 11. huiusmodi itaque priuilegio conceditur Confessoribus regularibus posse dispensare in sæcularium votis omnibus, in quibus ipsi Episcopi de iure ordinario possunt, demptis votis peregrinationis ultra duas dietas, sunt autem duæ dietæ viginti leuæ, vt referunt Rebuff. de *priuileg. scholast. priuileg. ibi*. Rodr. *ibidem* Sanch. d. lib. 4. cap. 43. num. 4. & Azeuedo aliis citatis lib. 1. *receptil. regie*, tit. 7. lib. 10. num. 2. Idem priuilegium denuo etiam Benedictinis concessit Martinus V. quo similiter per communicationem gaudent omnes mendicantes, vt testantur Rodr. & Sanch. *ibidem*.

4. Quare his sic præmissis sit prima conclusio. Episcopi possunt de iure ordinario dispensare in omnibus votis, quæ Pontifici non reservantur; dissentient autem D. D. circa numerum huiusmodi votorum, Richard. 4. *dist.* 38. *art.* 2. & alij inquit sola tria vota, nimirum castitatis perpetuæ, Religionis, & peregrinationis Hierosolymitanæ reservari Pontifici, & huic opinioni videntur suffragari D. Thom. 2. 2. *quest.* 88. *art.* 12. *ad tertium*. & Hostien. *sum. de voto*. §. *utrum & per quem in votis valeat dispensari*, num. 6. *sine*.

5. Alij asserunt sola castitatis, & Religionis vota reservari semper, peregrinationem vero, Romanæ, Compostellanæ, & Hierosolymitanæ non semper, sed duntaxat cum in eorum

locorum subsidium emittantur, ac proinde cum ex sola deuotione sunt, posse Episcopos in eis dispensare. Ita Abb. *cap. ex multa*, num. 4. Vial. *Can. delabr. Sacramentorum*, 3. p. cap. 14. num. 63. & loquentes de peregrinatione Hierosolymitana, Eman. Sà, *sum. verb. votum*, num. 11. & *verb. iuramentum*, num. 33. Graff. 1. p. *decisionum*, lib. 2. cap. 31. n. 21. & Angelus *verb. votum* 4. num. 6. idem fatetur de voto huius triplicis peregrinationis. Videtur autem suaderi, quia *dist. cap. ex multa*, & *cap. super his de voto*, vbi peregrinatio Hierosolymitana reservatur, agitur de illa, cum in eiusdem loci subsidium promittitur, vnde à fortiori idem videtur dicendum de duplici alia peregrinatione.

6. Nihilominus dicendum est, nunc vniuersali Ecclesiæ consuetudine reservatum esse Summo Pontifici dispensationem quinque votorum, videlicet Religionis, castitatis, peregrinationis Romanæ, Compostellanæ, & Hierosolymitanæ, vt *dub. 8. præcedenti* ostensum fuit. Nec obstat, quod in iure sola peregrinatio Hierosolymitana in eiusdem subsidium inueniatur reservata: consuetudo enim iam obtrinit, vt sit etiam reservata, cum solius deuotionis causa promittitur. Ita deducitur ex *extrau. Etsi Dominici*, la. 2. *de penit. & remis.* vbi excommunicantur, hæc quinque vota commutantes absque Pontificia facultate; ibi autem non reservantur hæc vota, sed reservata esse supponitur. Atque ideo Sixtus I V. illius extrauagantis author non vult vota ista sub generali concessionis clausula includi, sed Pontificiam licentiam specialem requirit, vt ea commutare liceat, sic docent Rosella, *verb. votum* 5. num. 5. Sylu. *votum* 4. *quest.* 3. *dist.* 4. *Atmilla verb. dispensare*, num. 16. Arag. 2. 2. *quest.* 88. *art.* 2. *conclusionem* 2. Palacios 4. *dist.* 38. *dist.* 3. Say. in *claus. regia*, lib. 6. cap. 11. num. 59.

Azor.

Azor. tom. 1. *instit. mor. lib.* 11. *cap.* 18. *quæst.* 4. & *cap.* 19. *quæst.* 3. Mand. Rod. *sum. tom.* 2. *cap.* 97. *num.* 1. & *in Cruciata*, §. 9. *num.* 104. Angles *florib.* 2. *p. quæst.* *unic. de voto*, *art.* 8. *diffic.* 9. *concluf.* 2. Suar. *tom.* 2. *de Religione*, *tract.* *de voto*, *lib.* 6. *cap.* 21. *num.* 4. & 5. & alij, quos ad hoc propositum citavi d. dub. 8. *proxime præcedenti*, *versus initium*.

7. His votis addunt aliqui votum peregrinationis in templum Deipatæ Virginis Lauretanæ, quod Pontifici reservari, censent Nauar. *comment.* 1. *de regul.* *num.* 21. Henriq. *lib.* 7. *de indulg.* *cap.* 30. *num.* 6. *in comment. litt. A. sine*. Sorbus *in compend. privilegiorum Mendicantium*, *verb. votum*, *in suis annotationibus*, *notabili* ; Man. Rod. *in Cruciata*, §. 9. *num.* 104. qui omnes id desumpserunt ex Nauar. qui tamen nullo iure, aut consuetudine id probat. Nec obstat, si dicas forsitan duci Nauar. ratione alicuius privilegij prædicto templo concessi. Id(inquam) non obstat, quia de huiusmodi privilegio nobis nō constat. Nec etiam obest, si dicas id votum reservatum fuisse in diplomate Cruciata anno 1562. Non (inquam) obest, rum quia in alijs Bullis id nunquam iam reservatur ; tum quia reservatio illa non erat generalis, sed virtute duntaxat illius Bullæ, & consequenter dicendum est id votum non esse reservatum. Ita Azor. *vbi supra*, Suar. *cod. cap.* 21. *num.* 14. & Sanch. *præc.* *cap.* 40. *num.* 10.

8. Alij his votis addunt omne votum perpetuum, dum aiunt Pontificis esse in votis perpetuis dispensare, Episcopi autem in temporalibus. Ita D. Thom. 1. 2. *quæst.* 184. *art.* 6. *corpore*, & *quæst.* 185. *art.* 4. *in fine corporis*. Eum tamen nituntur aliqui explicare, ut intelligatur de votis, quæ simpliciter sine ulla additione ad totam vitam extenduntur. Ideoque per accidens perpetua dici possunt ; ut si quis voueat ieiunare

feriis sextis, vel quid simile in perpetuum. At dum temporalia Episcopis concedit, exponendum censent præter votum triplicis peregrinationis Pontifici reservatæ. Ita illum explicant Caiet. 2. 2. *quæst.* 88. *art.* 12. *dub. penult. circa solutionem* ad 3. Sylu. *verb. votum* 4. *quæst.* 3. *dicto* 6. *sine*. Sorus *lib.* 7. *de inst.* *quæst.* 4. *art.* 3. *in solutione* ad *vtr.* Palat. 4. *diff.* 3. 8. *diff.* 3. *versic.* Scito tamen. Azor. *tom.* 1. *instit. mor. lib.* 11. *cap.* 18. *quæst.* 4. Henriq. *lib.* 7. *de indulg.* *cap.* 30. *num.* 6. *in comment. litt. D. & alij*. Hæc tamen interpretatio non placet Suar. *tom.* 1. *de Relig.* *tract.* *de voto*, *lib.* 6. *cap.* 21. *num.* 10. nec Sanch. *d. cap.* 40. *num.* 11. & merito, quoniam inde sequitur votum assumendi Sacerdotij esse reservatum, cum de se sit perpetuum ; similiter votum non nubendi, aut non petendi debitum, & similia simpliciter facta ; essent etiam reservata quia negatio absolute prolata, omnia tempora negat, & consequenter omne votum negativum absolute factum, erit ex se perpetuum ; ex dictis autem *dub.* 9. *præcedenti notando primo* ; constat votum Sacerdotij assumendi non esse reservatum ; atque idem est sentiendum de votis negativis, quæ licet ex se sint quidem perpetua, non tamen sunt reservata, nisi illud duntaxat, quod est de tota materia castitatis.

9. Quare melius dicendum erit cum Suar. regulam illam de votis perpetuis iu rigore acceptam, nec uniuersalem, nec veram esse ; perpetuitas namque etiam per se, nec ad reservationem requiritur, ut in votis peregrinationum constat ; nec sufficit, ut satis ostendunt quæ hucusque diximus. Est igitur D. Thom. exponendus iuxta subiectam materiam, de qua loquitur. Etenim in utroque loc. cit. ex 2. 2. agit de votis perpetuis, quæ per se spectant ad perfectionis statum ; nec non de votis ordinatis,

ac vſitatis in Eccleſia, cuiuſmodi ſunt vota caſtitaris, & Religionis. Vnde in 4. diſt. 38. quaſt. 1. art. 4. quaſtiuncula 2. corpore, de eiſdem agens, lic ait, *votum Religionis, & alia huiuſmodi vota perpetua ſolus Papa diſpenſare poteſt.* Vbi non loquitur de omnibus votis perpetuis, ſed de ſimilibus, nempe de iis, quæ aliquo modo conſtituunt, reſpiciuntve perfectionis ſtatum, ac proinde videntur quaſi natura ſua eſſe Papæ reſeruata, forſitan ob grauitatem materiæ. At reliqua vota, ſive perpetua, ſive temporalia ad Episcopum pertinent, niſi referuntur. Nam reſervatio triplicis peregrinationis prædictæ, non tam ex intrinſeca talis materiæ natura, quam ex peculiari conſuetudine, vel ſtatuto oritur.

10. Demum alij his votis inſuper addunt votum non peccandi, quod etiam nullius diſpenſationi, ſeu commutationi ſubiacerent. Ita Caiet. in ſuis quodlibetis, tom. 2. traſt. 1. q. 1. atque idem videntur ſentire Gloſ. c. 1. *verb. re-compenſatio de voto*, & ibi Hoſtien. n. 1. Anton. n. 7. Abb. n. 5. Henric. n. 1. Graff. 1. p. diſpoſitionum, lib. 2. c. 30. n. 1. & alij, aſſerentes Episcopum in ſolis votis voluntariis diſpenſare poſſe, id eſt in votis de rebus, quæ antequam vouerentur, voluntariæ erant. Atque de commutatione poteſt ſuaderi, quia debet fieri in æquale, non eſt autem æquale Dei obſequium, ſicut ſi peccatis abſtinere; & de vtraque ſuaderetur, quoniam nulla poteſtate humana poteſt obligatio non peccandi auferri.

11. Cæterum, oppoſitum eſt omnino tenendum, nempe huiuſmodi votum diſpenſationi, & commutationi Episcoporum ſubiacere. Probatur, tum quia eſto obligatio non peccandi, nequeat per diſpenſationem, commutationemve auferri; ſecus tamen noua voti obligatio ſuperaddita, quod eſt, quid ſuper-

erogationis. Tum quia huiuſmodi vota poteſt Prælatuſ irritare in ſuis Religionibus, vt recte probat Sanch. d. lib. 4. c. 33. n. 77. Id autem procedit ex eo, quod Religioſi ſubduntur dominatiuæ Prælatorum poteſtati ad vota irritanda requiſitæ; igitur ſubduntur etiam ſpiritualli eorumdem Prælatorum poteſtati ad diſpenſandum, & commutandum neceſſariæ. Et ratio eſt, quia etſi illa voti materiæ non ſubdatur Prælato, quatenus eſt præcepti, ſubditur tamen quoad nouam voti obligationem. Ita Sotus lib. 7. de iuſt. q. 1. art. 1. verſic. *Tamenſi ut verum fatear.* Nau. Man. c. 12. n. 65. & alibi. Azor. tom. 1. inſtit. mor. c. 14. q. 4. verſic. *Quæres inſuper*: Say. in clauſi regia, lib. 6. c. 4. n. 17. Graff. 1. p. diſpoſitionum, lib. 2. c. 31. n. 30. & 31. cum aliis, quos reſert, ac ſequitur Sanch. eod. c. 40. n. 12. Imo DD. pro contraria opinione adducti ( Caietano excepto ) nihil aliud ſentire videntur, niſi quod illa præcepti obligatio auferri nequeat, atque inſuper addunt Sotus, & Say. *ibidem*, facile eſſe in his votis diſpenſandum, & vix ea conſulenda.

12. Prædicta igitur quinque vota duntaxat Pontifici reſeruari dicendum eſt, & ſunt illi adeo reſeruata, vt nec Legatus à latere abſque ſpeciali Pontificis priuilegio poſſit in eis diſpenſare: Legatus namque à latere in ſolis votis Episcopis conceſſis diſpenſare valet; eſt communis opinio, vt probat Sanch. lib. 8. de matrim. diſp. 9. n. 25. His autem quinque exceptis, poſſunt Confeſſores Regulares virtute ſuorum priuilegiorum diſpenſare in reliquis ſecularium votis.

13. Secunda conſuſio. Provinciales Mendicantium habent priuilegium, vt ſuis Confeſſoribus ab ordinario approbatis iuxta Tridentini normam, poſſint concedere facultatem diſpenſandi ad petendum debitum, cum iis, qui ante matrimonium initum vouerant caſtita-

tatem;

ratem; id namque eis concessit Pius V. viux vocis oraculo, vt testantur Vegetuz 1. p. speculi, art. 15. paulo ante dub. 2. Cord. sum. quest. 136. punct. 2. Palat. 4. dist. 32. disp. 2. versic. suffragatur communi placito. Man. Rodr. in Bulla, §. 9. num. 148. & quest. regul. 1. tom. quest. 63. art. 2. Henriquez, lib. 12. de matrim. cap. 2. num. 9. & habetur in compend. privileg. Societatis Iesu, verb. dispensatio, §. 9. Limitant autem quidam hoc privilegium, vt intelligatur cum vouens iam matrimonium consummauit, secus cum nondum consummauit. Ducuntur, tum quia hic tenetur ingredi Religionem: impediretur. autem ipso debitu petente, & altero reddente; tum quia ea facultas concessa est, vt periculo consulatur eorum, qui post id votum contraxere matrimonium, quippe in magno periculo versentur, si debiti peritione priuentur, dum debitum reddere teneantur; quæ ratio non militat ante consummationem; tunc enim non tenentur reddere. Sic Azor. tom. 1. institut. mor. lib. 11. cap. 19. quest. 20. versic. sed dubia questionis est; atque idem sentierunt omnes, qui hunc ad Religionem teneri opinantur.

14. At quamvis hæc opinio vera sit, sustinendo hunc teneri ad Religionem, quia tamen probabilius est non teneri; ideoque dicendum censeo posse tunc dispensari. Ratio est, quoniam si manet in sæculo, prout licite potest, tenetur matrimonium consummare, reddendo debitum, ac subinde in magno peccandi discrimine constituetur, si petitio debiti sit ei interdicta. Unde sequitur militare tunc rationem concessionis, seu privilegij, quæ fuit, vt huiusmodi periculo prospiciatur. Atque ita sentiunt Manuel Rodr. sum. tom. 1. In 2. edit. cap. 242. num. 2. Say. in clau Regia, lib. 6. cap. 11. num. 104. Vega sum. tom. 1. cap. 129. casu 118. punct.

2. quos sequitur Sanch. lib. 8. de matrim. disp. 16. num. 4.

15. Cæterum, cum id privilegium expresse loquatur de voto ante matrimonium emissio, certum est non posse Religiosos vittute illius dispensare ad petendum debitum cum coniuge, qui post matrimonium vouit castitatem. Arque ita docent Man. Rodr. ubi supra cap. 143. num. 14. & quest. regul. tom. 1. quest. 63. art. 1. Vega cod. cap. casu 77. & Sanch. ibidem num. 5. Nihilominus virtute privilegij, quod habent, dispensandi in omnibus votis, quæ Pontifici non sunt reſeruata, poterunt quidem dispensare non solum ad petendum debitum, sed omnino in eo voto, cum à perfecta voti castitatis ratione deficiat, in quo possunt Episcopi iure ordinario dispensare, & consequenter etiam Religiosi, vt habetur ex dictis dub. 8. proxime præcedenti. At si ante matrimonium, vel post, nondum tamen consummatum, coniux Religionem vouerit, nequibunt Religiosi cum eo dispensare, vt petat, aut reddat debitum; quippe solum de castitatis voto loquitur privilegium: imo nec in eo casu posse Episcopum dispensare probat Sanch. sum. tom. 1. c. 40. n. 64. cum is Religionem ingredi teneatur.

16. Tertia conclusio. Possunt insuper Confessores Mendicantium ab ordinatio approbati, ex commissione Provincialis dispensare in foro conscientie ad petendum debitum cum iis coniugibus, qui intra quartam gradum ratione incestus affinitatem contraxerunt. idque per declarationem à Iulio 11. factam concessionis Martini V. Monachis Benedictinis, & per aliam Pij V. concessionem viux vocis oraculo factam, & impetratam à Patre Ioanne de Aguilera ordinis Minorum Regularis obseruatiæ in Romana Curia Commissario sub anno 1569. vt referunt Collector Privileg.



Privileg. Mendic. verb. dispensatio, num. 17. Veractuz 1. p. speculi, art. 23. sine. Sorbus in eod. compend. verb. Absolutio 2. quoad seculares, in suis annot. conclus. 9. Man. Rodr. in Bulla, §. 9. num. 143. & quamvis Cord. in annot. ad Collectorem, verb. dispensatio, §. 17. asserat non esse tutum eo privilegio uti, cum non habeatur in libris ordinis, nec de eo constet; Sanchez tamen lib. 8. de matrim. disp. 16. nam. 8. censet tutissimum esse ea concessione uti, haberique in compend privileg. Soc. I. s. v. verb. dispensatio, §. 8. Imo Man. Rodr. addit. ad Bullam, §. 13. n. 17. hoc privilegium extendit, ut possit quoque virtute eiusdem privilegij dispensare ad petendum debitum cum coniugibus, qui spirituales cognationem contraxerunt, nimirum dum alter eorum proprium filium extra casum necessitatis baptizavit; id tamen non placet Sanch. ibidem num. 9.

17. Sed quæres, an hæc facultas Religiosis concessa dispensandi, ac commutandi secularium vota restringenda sit, ut ea duntaxat utantur erga subditos illius Diocesis, in qua ipsi Religiosi commorantur. Sylu. verb. Domicilium in fine, sequutus Panor. in cap. nullus de Paroch. agens de commutatione votorum, ait; Mendicantes, esto possint ex privilegio confessionem secularium undecunque ad se venientium excipere, non tamen posse forensium vota commutare, cum id nequeant ipsi Episcopi, qui eos exponunt. Man. Rodr. in Addit. ad Bullam, §. 9. num. 110. idem attentis antiquis Mendicantium privilegiis fatetur; attento autem præcit. privilegio per Paulum III. Soe. I. s. v. concessio, quo expresse conceditur facultas commutandi vota secularium undique venientium, affirmat necessario dicendum esse, id similiter posse Mendicantes. At subdit statim privilegio per Innoc. VIII. concessio ad dis-

pensandum in secularium votis, non posse eos uti erga forenses, sed solum erga illius Episcopi subditos, & rationem assignat; quia virtute dicti privilegij solum conceditur facultas dispensandi in votis, in quibus possunt ipsi Episcopi dispensare, & Episcopi solum in votis suorum subditorum dispensare valent; igitur idem videtur sentiendum de Religiosis illius Diocesis. Nec obest quod possint Religiosi forensium vota commutare, non enim ducitur argumentum à potestate commutandi ad dispensandi potestatem, ut dictum est alibi.

18. Hæc opinio videtur probabilis, sed æquieati, ac rationi magis consona videtur opposita, quam tuetur Sanch. d. lib. 8. de matrim. disp. 16. num. 10. & sum. libro quarto, cap. 43. num. 15. asserens utrumque privilegium extendi ad undecunque venientes, & sic iudicasse alios viros doctrina celebres, & suadet. Primò, quia facultas dispensandi, seu commutandi non est Religiosis concessa ab Episcopo, sed à Pontifice, qui toti orbi præest; igitur non est restringenda ad subditos illius Diocesis, in qua Religiosi ipsi inveniuntur. Secundò, quia cum hæc facultas sit prædictis Religiosis concessa, ut poenitentium ad illos venientium saluti melius possint consulere, ratio postulat, ut sicut undecunque venientium possint confessiones audire, ita eorumdem vota valeant etiam commutare, ac in eis dispensare. Tertio, quia cum privilegia commutandi, ac dispensandi sint non vni, aut alteri personæ, sed toti Religionis concessa, consequenter sunt potius tanquam favorabilia extendenda, quam restringenda. Tum quia quæ communiter in perpetuum conceduntur, æquantur legi, & perinde habentur ac si in iuris corpore inserta essent, sunt enim constitutiones perpetuæ. Sic Oldradus

conf. 300. num. 4. *versic. considerandum est*, & Henriquez lib. 7. de indulgent. cap. 22. num. 3. & cap. 24. num. 4. *sine*. Tum quia huiusmodi privilegia conceduntur erga personas indeterminatas, & non expressas, & consequenter sunt non strictæ, sed late interpretanda, ut multis citatis probat Sanchez lib. 8. de matrim. disp. 4. num. 6.

19. Nec ratio in contrarium adducta est alicuius momenti, nam restrictio illa dispensandi in votis, in quibus possunt Episcopi, interpretanda est, ut nequeant dispensare in votis Pontifici reservatis, in quibus ratione reservationis nequeunt ipsi Episcopi; quod certum est, & nos fatemur.

20. Quæres secundò, an Religiosi possint prædicta dispensandi facultate uti extra confessionem. Negant nonnulli, tum quia privilegium istud conceditur Confessoribus Regularibus, quod videtur denotare, non nisi intra confessionem esse illo utendum. Tum quia dispensationes huiusmodi committantur Confessoribus, ut pœnitentium sint iudices in foro interno; sicut diocesani Officialibus pro foro externo committuntur, ut fori externi sint iudices: Confessor autem non est iudex in foro interno, nisi confessionem audiat. Ita tenent expresse Sayr. in clau. regia, lib. 5. cap. 8. num. 10. *sine*, & lib. 6. cap. 11. num. 105. Sorbus in compend. privileg. mendic. verb. votum in suis annot. notab. 7. & pro eadem sententia sunt etiam DD. de privilegio commutandi vota per Bullam idem sentientes.

21. Cæterum mihi oppositum magis probatur. Nam præcitata privilegia dispensandi non expriment quod audita confessione dispensatio fiat; recte autem Suarez tom. 2. de Religione, lib. 6. cap. 16. num. 4. cum privilegium non exprimit, ut dispensatio in confessione fiat, aut in foro pœnitentiae

non requiritur confessio, esto exigat quod dispensans sit Confessor approbatus; quippe Confessoris nomen potius est muneris, quam actualis exercitij, & solum requiritur, ut pro munere confessiones audiendi sit approbatus. Imò (ut subiungit idem Author) etiam si in privilegio dicatur dispensationem concedi pro solo conscientiae foro, adhuc non inde sequitur, quod sit necessaria confessio, quoniam forum conscientiae latius patet, quam sacramentalis pœnitentiae forum, & per eiusmodi verba solum indicantur, dispensationem pro foro externo non valere.

22. Unde Rodriq. qq. Reg. tom. 1. q. 61. art. 10. inquit facultatem absolvendi in foro pœnitentiae intelligi intra confessionem, secus de facultate absolvendi in foro conscientiae; & Eman. Sà verb. excommunic. ubi de absolutione ab ea, num. 1. docet habentem facultatem absolvendi, vel dispensandi in foro interiori, posse id exequi extra confessionem, & tradit etiam Nau. lib. 5. consil. de privileg. in 2. edit. consil. 21. num. 2. Atque pro hac sententia sunt omnes DD. quos supra retuli, dicentes idem sciendum circa commutationem virtute Bullæ, vel alterius privilegij faciendam. Nec non id late probat Sanchez lib. 8. de matrim. disp. 34. num. 29. ubi sequitur Suar. ibidem, ait dispensationes à sacra pœnitentia commissas discreto Confessori pro solo conscientiae foro, similiter posse extra confessionem exerceri. Hoc

tamen non placet, cum in eisdem commissionibus oppositum expresse habeatur, & mihi constat.


\*\*\*

## CAPVT VII.

*De praxi, & modo commutandi  
vota, tam virtute Bullæ, quàm  
cuiuscunque alterius priuile-  
gij.*

## DVBIUM I.

*Quenam sint obseruanda in com-  
mutatione voti abstrahendo  
ab hoc, vel ab illo  
voto.*

1.  Dico sunt innumera  
vota, & variz eorum  
circumstantiz, vt eo-  
rundem commutationi  
difficile valde censea-  
tur certam præscribere formam, sed  
prudētis arbitrio id potius sit remit-  
tendum, vt cap. 1. de voto, colligunt Abb.  
ibi num. 2. Abul. cap. 30. Num. quæst. 104.  
Nauarr. summa cap. 12. num. 77. & Suar.  
tom. 2. de Religione, tract. de voto, lib. 6.  
cap. 19. num. 21. Ne tamen in materia  
adeo graui, & necessaria deficiat ali-  
quid quod desiderari merito possit, non-  
nulla in primis adducemus documenta  
generalia, deinde circa præcipua vota  
quid sit obseruandum insinuabimus, ac  
tandem aliquot peculiarium votorum  
commutationis exempla subicere ni-  
temur.

Duo-  
molum  
h.

2. Quare, primum documentum sit,  
maiorē materiæ subrogatæ dignita-  
tem in commutatione spectandam fore  
respectu solius materiæ promissæ, nec  
vllam vinculi voti esse rationem ha-  
bendam. Quamuis enim in dispen-  
satione verumque sit attendendum, vt re-  
cte affectit Sanchez sum. lib. 4. cap. 45.  
sum. 37. in commutatione tamen diuer-

sum est; in dispensatione namque tol-  
litur omnino vinculum voti, in com-  
mutatione verò idem prorsus remanet  
in materia subrogata, vt multis citatis  
docet idem Sanchez eod. lib. cap. 55. n. 2.  
Hoc documentum tradunt Caiet. 2. 2.  
quæst. 88. art. 12. vers. in commutatione an-  
tem votorum. Sotus lib. 7. de inst. quæst. 4.  
art. 3. vers. de causis subinde, Valent. 1. 2.  
disp. 6. quæst. 6. punct. 7. dub. 2. Man. Rodr.  
in addit. ad Bullam. §. 9. n. 105. & alij.

3. Hinc primò deducitur votum vi-  
tandi alicuius peccati, vt non fornican-  
di, seu non furandi, non magna egere  
commutatione. Nam per commutatio-  
nem nec tollitur obligatio præcepti, vt  
constat, nec noua voti obligatio, cum  
hæc in materiam transeat subrogatam;  
sed tantum fit, ne illa voti obligatio  
cadat in priorem præcepti materiam.  
Vnde æqualitas materiæ subrogatæ in  
hoc casu solum est spectanda, vt recom-  
penset obsequium diuinum redundans  
ex voti vinculo, quod erat priori præ-  
cepti materiæ superadditum. Atque  
ideo perpendendum est, quantum obli-  
gatio voti superaddita illi præcepto ar-  
ceat vouentem ab eiusdem præcepti  
transgressionē; quippe is solet esse hu-  
iusmodi votorum finis. Quapropter si  
valde arcere contingat, idque fortasse  
constat ex eo, quod secluso tali voto  
voueris consuetudo sit passim in eius-  
modi peccatum prolabi, tunc magni  
obsequij diuini æstimandum esset, ac  
subinde graui commutatione similiter  
arcenti indigeret, qualem ducerem per-  
petuam confessionem singulis mensi-  
bus faciendam.

4. Secundò deducitur in commu-  
tatione voti, & iuramenti eiusdem mate-  
riæ, neutrius vinculi esse rationem ha-  
bendam, sed solius materiæ promissæ,  
ac proinde non requiri maiorem mate-  
riam subrogatam, quia vel verumque  
vinculum cadit in materiam subroga-  
tam,

Appo-  
dit. 2.

Appo-  
dit. 2.

tam, vel dempto per commutationem vno cessat alterum, vt recte obseruat Sanchez *lib. cit. cap. 55. num. 12.* vbi ait, quod si vorum iuramento firmarum commutetur, materia per commutationem subrogata solo voti vinculo obligabit; tunc enim non commutatur iuramentum, sed solum votum, & ex consequenti cessat iuramenti obligatio. Subiungit tamen idem Author posse commutantem votum nolle id commutare, nisi vouens vtramque obligationem acceptet. At hic modus commutandi non est necessarius, sed potest simpliciter commutari votum, ita vt maneat postea non iuratum. Ita tradunt idem Author *loco cit. & Suar. eod. lib. 6. cap. 14. num. 18.*

5. Tertiò deducitur, quando vltra votum, aut iuramentum rei alicuius, ad esset aliud non petendæ commutationis, attendendum esse in materiæ subrogatæ æqualitate duplex votum, seu iuramentum, vel vnum votum, & aliud iuramentum commutari, nimirum alterum rei principaliter promissæ, alterum vero non petendæ commutationis. Atque ideo materia subrogata debet esse æqualis vtrique nexui; nec æqualitas cum prioris voti materia sufficeret, & hoc arbitror voluisse insinuare Rodr. in *Bulla, §. 9. num. 112.* dum ait, tunc non satis esse commutare votum in rem æqualem, sed in meliorem commutandum, & tenet expresse Sanchez *d. lib. 4. cap. 36. num. 5.*

6. Secundum documentum. Esse maius, aut minus, aut æquale bonum materiæ promissæ, & eius, in quam commutatio fit, non est spectandum iuxta excellentiam virtutis, cuius est actus, ita vt semper censeatur mutatio in melius facta, cum commutatur in opus excellentioris virtutis. Vt si commutetur ieiunium, quod est actus abstinentiæ, in orationem, quæ est Reli-

gionis, & constat esse abstinentia excellentiorem, non semper erit commutatio in maius, nec in bonum æquale; sed habenda ratio vouentis. Quoniam cum vota tendant in Dei obsequium: a vouente exhibendum; nec semper sit Deo gratius, vouentem præstare, quod per se est excellentius, sed quod pro tempore, & loco, & vouentis dispositione magis congruit eius salutis spirituali. Idcirco non semper æstimatur melius, aut æquale, quod ex natura sua est tale, sed quod hic, & nunc est gratius, aut æquè gratum à vouente præstari; atque id colligitur manifestè ex *cap. 1. de voto*, quatenus ait, ab eius, qui præstet, pendere arbitrio, vt consideret diligenter, an peregrinatio, vel recompensatio sit melior, magisque Deo grata, & ad hoc ponderandas esse personæ, loci, ac temporis circumstantias. Huius autem rationem rectè assignat Suar. *eodem lib. 6. cap. 18. num. 8. ad finem*, quia non satis est opus in specie, & secundum se esse melius, sed oportet rem in indiuiduo expendere.

7. Hinc primò deducitur, quod in commutandis votis sunt maxime spectanda spiritualis vouentis utilitas, & finis voto intentus. Vt si quis ad domandam carnem vouit ieiunium, aut ad exterminandam avaritiam vouit elemosynam, non rectè fiet commutatio in alia opera ex se excellentiora, quæ tamen ei fini assequendo non ita sine opportuna. Sic docent Palat. in *4. diff. 38. diff. 3. paulo ante vers. Memineris porro. Azor. tom. 1. institutionum mor. lib. 12. cap. 18. quæst. 1. & 13. Sayr. in clauis regia, lib. 6. cap. 12. num. 5. & 6. Suar. eod. lib. 6. cap. 19. num. 21. Sotus lib. 7. de iustit. q. 4. artic. 3. vers. ex istis consequitur*, & Supplem Gabr. *4. distinct. 38. quæst. 1. art. 5. ad finem*. vbi asserit melius, aut æquè bonum attendendum fore, non secundum proportionem rei ad rem, sed quod sit

Z z 2 melius

melius pro tunc, seu æqualiter cedat in bonum vouentis, ad arbitrium viri prudentis.

Appen-  
dix 2.

8. Secundò deducitur, quando dicitur votum commutandum esse in melius, seu æque bonum, id intelligi in magis, seu æque meritum, aut satisfactio ium, vel impetratorium, v.g. ieiunium, eleemosyna, & peregrinatio sunt meritoria, satisfactoria, & impetratoria; excedunt tamen oratio, sacramentorum frequentia, & Missæ sacrificium. Atque ideo rectè poterunt illa in hæc commutari. Vnde si quis voueat eleemosynam, ieiunium, aut peregrinationem, sanè consilium erit quodcumque istorum commutare in sacramentorum frequentiam, & orationem mentalem, cum per hæc satis communicentur merita Christi, augeatur gratia, deferuiantque vehementer peccatis cauendia: Ac insuper consulerem commutationem facere in aliquot sacra faciendia, cum per illa diuinus cultus valde augeatur, sineque magni valoris, & consequenter quancunque rei promissæ quantitatem, etiam magnam, facile adæquabunt. Ita Angles floribus, in 4.2. p. quæst. de voto, distic. 10. dub. ult. propositione 1. & Sanch. discip. 56. n. 8.

Appen-  
dix 3.

9. Tertiò dicitur, semper habendam esse rationem finis, ad quem res promissa ordinatur: quoniam dignitas materiæ promissæ augeatur ex digniori fine, ac proinde maiori commutatione indigebit. Vnde si quis voueat non ludere, causa vitandi blasphemias, & periuria, maiori indiget commutatione, quam si finis esset duntaxat, prodigam vitare pecuniæ iacturam. Quapropter in commutatione faciendâ examinare oportet vouentis finem, tum ad pendendam maiorem materiæ promissæ dignitatem, tum etiam ad dignoscendum an materia subrogata deferuiat magis illi fini assequendo. Vt si quis ad

conseruandam castitatem, seu demandas carnis illecebras, vouet peregrinationem, plus ad huiusmodi finem consequendum conducent ieiunium, & oratio, vt constat ex dictis vtraque præcedenti appendice.

Docu-  
mentum  
3.

10. Tertium documentum. Habenda similiter ratio est difficultatis implèdi rem promissam, ac materiam subrogatam. Ita Sanch. vbi supra num. 10. & merito, quia difficultas augeat meritum. Ita tradunt Hostien. in sum. sit. de voto, §. æqualiter, & cuius, num. 12. verfic. sed in redemptione. Angelus verb. votum. 4. num. 11. Nau. in man. cap. 12. num. 77. sine, Suar. dist. lib. 6. cap. 19. num. 16. & alij asserentes votum ieiunij à paupere emissum, si in eleemosynam commutetur, posse in minorem commutari, quam si à diuite emissum fuisset: cuius rationem reddit Palac. supra; quia attempta pauperis indigentia pluris Deus æstimat modicam illius pecuniam, quam magnam diuitis. Vnde Christus Luc. 21. prætulit pauperem viduam vnum assen offerentem, aliis diuitibus, qui plures aureos obulerant. Atque ideo dicendum est pauciora ieiunia posse in eiusdem voti commutatione imponi laborantibus, cholericis, ac debilibus, quam otiosis, phlegmaticis, & robustis. Nec immerito, quia pauciora in illis æquivalent pluribus horum, ratione maioris difficultatis, quam priores patiuntur in ieiuniorum obseruatione.

Appen-  
dix 4.

11. Hinc deducitur primò, ad realem commutationem non opus esse, vt votum personale in personale, & reale in reale commutetur; sed posse reale in personale, & personale in reale optime commutari. Constat ex cap. 2. de voto, vbi votum personale peregrinationis Hierosolymitanæ commutatur in eleemosynam, quæ quid reale est. Rationem autem assignat Sanch. citatus num.

24. quia

14. quia cum in his commutationibus ratio sit habenda solius maioris obsequii diuini, aut saltem æqualis, & possit hæc æqualitas in vtraque materia reperiri; Hinc sequitur non opus esse in hac cōmutatione seruare virtutem, aut similitudinem physicā inter vtramque materiā, sed proportionem aut æstimationem moralem in ordine ad Dei gloriam. Hanc sententiā videtur amplecti Angel. *verb. votum. 4. n. 10.* vbi tenet satis esse si commutetur in æquale, esto non simile. Atque eidem fauent D.D. pro tertio documento citari, dum asserunt votum ieiunij pauperis posse in minorem eleemosynam commutari, quam idem votum diuitis; sic enim admittunt votum personale in reale commutari posse, atque eadem est ratio de commutatione realis in personale. Vide Suar. *ibi.* & Lessium *lib. 2. de iust. cap. 40. dub. 16. num. 109.*

12. Secundò deducitur, dnm Angles *loc. cit. art. 8. diff. 6.* Angel. *votum 4. num. 2.* & alij inquirunt expensas in peregrinatione promissas consumendas, commutari debere in eleemosynas, & laborem itineris in opera personalia, quod etiam habetur *capite Magna, de voto*, id non accipiendum esse tanquam quid præcepti, sed tanquam quid consilij, & tanquam quid congruentius. Ita docent expresse Suarez *cod. cap. 19. num. 19.* & Sanch. *cod. cap. 56. num. 29.*

13. Terriò deducitur, sanum consilium esse commutationes facere aliquando in ea, quæ alias ipsi vouentes ex deuotione facere consueverunt. Quoniam enim in hæc non sit facienda tota commutatio, at quando commutator dubius est, an id, in quod commutat, sit æquale, prudenter faciet si adiungat aliquid ex iis, quæ pro sua deuotione vouens ipse præstare solet, nam tunc scrupuli cessabunt, & commutatio erit

minus molesta vouenti. Imo proderit etiam, ne vouens nimis grauetur, ita vt transgressionis periculo circa materiam subrogatam maneat expositus. Vnde si calculos virgineos recitare sacrove interesse, aut aliquibus diebus ieiunare solitus sit, optimum erit in hæc opera commutationem facere; dummodo tamen commutatio nusquam fiat in opera alio præcepto debita: quia sicut per huiusmodi opera non satisfit voto, ita nec commutationi, vt recte Lessius *supra*; & Sanch. citatus *num. 38.*

14. Quantum documentum. Non requiritur ad voti commutationem, vt materia subrogata sit æqualis priori promissæ, magnitudine, duratione, aut numero, dummodo sit æqualis obsequij diuini. Rationem huius reddit Sanch. *loc. cit. num. 27.* quoniam diuturnitas, aut maior quantitas, seu maior numerus prioris operis, poterit qualitate, & gravitate operis subrogati, minori tempore exequendi, aut minori magnitudine, & numero compensari. Vnde si quis voueat dare decem in eleemosynam, si nauis venerit, poterit commutari, vt teneatur dare quinque, siue veniat, siue non; & si quis voueat dare singulis annis quatuor in eleemosynam per totam vitam, commutari potest vt pro vna vice tantam largiatur eleemosynam, quæ iudicio viri prudentis adquare valeat priorem promissionem. Ita Suar. *dict. cap. 19. num. 21.* & Lessius apud Sanchez; *vbi supra num. 17.*

15. Hinc primò deducitur, votum implendum cetera, ac determinata die, non opus esse, quod in rem aliam eodem die exequendam commutetur, cum possit maioris esse, aut æqualis obsequij diuini materiam subrogatam exequi altera die. Ita Henricus *lib. 7. de Indulgis cap. 10. num. 6.* Imo optime faciet commutator, vt quantum fieri possit, non

Z z 3 restitui

Appen-  
dix 3.

Appen-  
dix 3.

Docu-  
mentum  
14

Appen-  
dix 3.

restringat tempus exequendi id, in quod commutat votum, sed illud vouenti liberum relinquat, vt si, v.g. commutat vota in Rosaria, non restringat ad recitandum illa tali die, sed sub disiunctione, nempe tali die, vel sequenti: aut si singulis diebus esset recitandum, dicat poenitenti, quod si contingat vno die omittere, bis sequenti die illud recitet, sic enim facilius redditur commutatio voti in ipsa executione. Obseruat autem Sanch. *num.* 29. quod dum Confessor votum certa die obligans commutauit absolute, materia subrogata obligat eadem die, nisi ex eius qualitate, & adiunctis circumstantiis illud colligatur.

Appen-  
dix 2.

16. Secundo deducitur, quod dum commutatur non ipsum votum, sed sola voti explendi dilatio, potest modica suppleri commutatione, nisi diuino obsequio multum conducat impleri die illa destinata, aut in aliam differri: & quo maior est dilatio, eo maior debet esse commutatio; imo in euentu, quod valde obsequio diuino conduceret non differri, multo maior deberet esse commutatio. Sicut contingit in Religionis, vel ordinis sacri voto, quod si vltra sue obligationis tempus differatur, multa obsequia diuina illi statui annexa impediuntur; vt recte perpendit Sanch. *eod. cap.* 56. *num.* 37. imo aliquando contingit ex nimia dilacione, vouentem reddi inhabilem, & incapacem voti implendi, præsertim si sit Religionis votum, quod hac de causa parce, & raro, & non nisi ex causa satis legitima differri debet.

Appen-  
dix 1.

17. Tertio deducitur, in commutatione facienda seruandum esse tenorem Bullæ, seu priuilegij, in cuius virtute votum commutatur, ita vt in illius vtilitatem votum commutetur, in quod Bulla ipsa præscribit, vt docet Nauar. *in man. cap.* 12 *num.* 72. Vnde me-

rito cauendi sunt Confessarij, qui his temporibus virtute Cruciatæ omnino vota commutant in ieiunia, & orationes, cum Bulla ipsa præscribat commutationem in fauorem Cruciatæ, seu in subsidium belli contra infideles faciendam esse. Dixi, omnino, quia non opus est totam commutationem in belli subsidium temporale fieri, nam partem in subsidium spirituale fieri aliquando posse ostendimus *supra, cap.* 6. *dub.*... & tradit Lessius *d. c.* 40. *dub.* 16. *num.* 109.

Docu-  
mentum  
3.

18. Quintum documentum. Quoties commutatio non fit in melius, vel saltem in euidenter æquale, necessario requiritur autoritas ordinaria, seu delegata, vt recte, & valide fiat. Quibus autem competat potestas ordinaria commutandi vota, tenet communis sententia, quod omnis, & solus, gaudens ordinaria dispensandi in votis potestare, gaudet quoque ordinaria commutandi illa, & è conuerso. Tum quia cum vtraque sit iurisdictionis spiritualis in foro externo, omni, & soli hanc habenti, competit illa. Tum etiam quia vtraque includitur in pastoralis munere, & in illius adæquata iurisdictione per modum vnus simplicis potestatis ad id munus necessariæ; atque ideo neutra ab alia separatur. Ita Syluest. *votum* 4. *quest.* 3. *dicto* 2. Tabiena *verb.* *Dispensatio*, *quest.* 9. *num.* 11. *ad finem.* Palat. 4. *dist.* 38. *dist.* 3. Tole- tus *lib.* 4. *sum. cap.* 18. *num.* vltim. Suar. *eod. lib.* 6. *cap.* 12. *num.* 4. *fin.* Petr. de Ledesma *sum. tom.* 2. *tract.* 10. *cap.* 8. *in fine* 3. *partis, vers.* Digo lo 4. Qui vero habeant ordinariam potestatem dispensandi in votis, tam secularium, quam Regularium, explicuimus *cap.* 6. *dub.*... ac subinde omnes illi poterunt eorundem vota commutare.

19. Hinc primo deducitur, quod cum huiusmodi ordinaria potestas sit iurisdic-  
tione

Appen-  
dix 1.

iurisdictionis spiritualis ad vota vice Dei commutanda, & consequenter sit non à iure naturali profecta, sed à Christo Seruatore nostro concessa; sicut de potestate dispensandi tradunt Azor. *tom. 1. instit. mor. lib. 11. cap. 19. quest. 18.* Sanchez *sum. lib. 4. cap. 36. num. 16.* & communiter omnes: ideo nec laicos, nec etiam clericus coniugatus est huius potestatis capax, nisi ex Pontificia dispensatione; sicut nec etiam forma est illius capax, ut recte docet Man. Rodr. *tom. 1. qq. Regul. quest. 25. art. 6.* Vnde Sanchez. *cod. lib. cap. 39. num. 7.* tradit Abbatisam, nec etiam posse in Monialium votis dispensare, cum utrumque sit actus iurisdictionis spiritualis. Atque ob eandem rationem censet idem Author *cap. 49. num. 25.* commutationem, & dispensationem factam à Prælato excommunicato denunciato, aut notorio clerici percussore non esse validam.

20. Secundò deducitur ad commutandum votum in rem manifeste meliorem, non opus esse Superioris auctoritate, sed quemcumque posse propria auctoritate sic commutare. Probatur tum ex *cap. Peruenit, il 2. de iur. iur. ibi, Promissum non infringis, qui illud in melius commutauit* tum ex *cap. scriptura, de voto ibi, Rem fracti voti aliquatenus non habetur, qui temporale obsequium in perpetuum noscitur Religionis obseruantiæ commutare.* Sanchez *cod. cap. 49. num. 4.* pro utraque parte citat D. D. ipse verò nobiscum sentit, sicut etiam Caiet. 2. 2. *quest. 88. art. 12. pau'o post principium.* Sotus *lib. 7. de iust. quest. 4. art. 3. versic. An de commutatione.* Nau. in *Man. cap. 11. num. 75.* Cord. *sum. quest. 149.* Ouan-  
 dus 4. *dist. 38. disp. unica, propositio 17.* Valent. 2. 2. *disp. 6. quest. 6. punct. 7. versic. Hac ipsa ratione.* Man. Rodr. in *Bulla, §. 9. num. 105.* & plures alij. Imo votum posse etiam in euidenter æquale pro-

pria vouentis auctoritate commutari sentiunt authores non continentendi, quod refert ipse Sanchez. *ibidem. num. 11.* & non similiter esse satis probabile ostenditur supra dub..

21. Tertiò deducitur, quod etiam si commutatio in melius fieri possit propria vouentis auctoritate, id tamen intelligitur de votis non reseruatis, reseruata enim nequeunt inter se commutari absque expressa Pontificis auctoritate. Ita Sotus *lib. 7. de iust. quest. 4. art. 3. versic. At vero quando.* Azor. *tom. 1. instit. moral. lib. 11. cap. 18. quest. 4.* Suarez. *cod. lib. 6. cap. 21. num. 17.* cum aliis per Sanchez *cod. lib. 4. cap. 52. num. 4.* relatis. Ratio est, quia quamuis inter reseruata vnum æstimetur melius, aut laboriosius alio, ut patet de voto peregrinationis vltimarine respectu Romanæ, seu Compostellanæ, & de voto castitatis respectu cuiuscunque ex dictis peregrinationibus; multæ tamen rationes possunt occurrere, ob quas minus expedit peregrinationem vltimarina, quam alia duz: votum autem castitatis nunquam aliorum votorum obseruantiam impedit; imo ad illa, & ad omne bonum iuvat, ut recte obseruat Suarez *ibidem*; ac proinde non oportuit concedi, ut ob castitatem valeat quis se ab aliis votis eximere. Vnde iure optimo potuit Pontifex in his votis iudicium sibi reservare, an expedit illa commutari; & consequenter ex quo sibi reseruauit, videtur quod inferioribus ea commutandi sit ablata facultas.

Neque obstat, si dicas quod eum huiusmodi commutatio cedat in maiorem Dei cultum, videtur quod nō sit prohibita; esset enim talis prohibitio contra bonos mores, quippe meliori bono videret obstat, & hac de causa à nostra discedunt sententia Arag. 2. 2. *quest. 88. art. 12. dub. 1. in corollario quod infero*

Appro-  
 dus 2.



*infern ex tertio dicto. Say. in clavi regia, lib. 6. cap. 18. num. 14. & Valent. loco citat.* Respondetur nihilominus negando id bonis moribus aduersari, non enim magis bonum simpliciter interdicitur, sed præscribitur modus eligendi illud loco materiæ promissæ, nempe ex licentia supremi Vicarii Christi, cui aliud bonum erat in specie promissum.

22. Sed quæres, an saltem in votum Religionis possint alia vota etiam reseruita commutari absque speciali Pontificis facultate. Respondetur affirmatiue si loquamur de voto Religionis constitutiuo, non promissiuo tantum. Id namque dicitur votum Religionis constitutiuum, quod in professione emittitur; promissiuum autem est illud, quod quis priuè emittit ingrediendi Religionem; illud est solenne, hoc simplex. Ex de priori agit *cap. Scriptura, de voto, vbi habetur licite posse quodcumque temporale obsequium in perpetuam Religionis obseruantiam commutari, nam sola simplex Religionis promissio, non potest dici perpetua Religionis obseruantia. Atque ideo huiusmodi commutatio non fit ab homine, sed à iure ipso vota omnia per Religionis professionem extingui statuent. Vnde sequitur, quod si quis Religionem voueat, non statim eximitur ab obligatione cuiuscumque voti, imò etiam si Religionem ingrediatur, & per ingressum suspendantur alia vota, si tamen ante professionem habitum dimittat, teneatur quidem ad alia vota*

quæcumque, vt opti-

me docet Sua-

rez num. 18.

## DVBIVM II.

*Quid sit obseruandum in commutatione voti peregrinationis quæcumque sit.*

1. **P**RO huius difficultatis declaratione obseruare oportet in primis itineris laborem, ac expensas. Labor namque itineris in alium laborem, expensæ vero in eleemosynas, & alia pia opera commutari debent, vt tenent communiter DD. cum. Nauar. in Man. cap. 12. num. 77. Etenim quamuis expensæ illæ non sint necessario pecuniis redimendæ; at quia augent pondus, æstimationemque voti, cum per id sint Deo dicatæ, earum est ratio habenda ad materiæ subrogatæ æqualitatem, atque id etiam constat ex *cap. Magna, de voto, vbi harum expensarum, & laboris itineris, ait Pontifex rationem habendam in cuiusdam voti Hierosolymitani commutatione. Sic docent Hostien. sum. tit. de voto, §. qualiter, & cuius, num. 12. versic. In voto etiam. Palud. 4. dist. 38. quest. 4. art. 3. conclus. 1. num. 31. Abulen. cap. 30. Num. quest. 105. Rossella verb. votum §. num. 6. Angel. votum 4. num. 12. Caiet. summ. verb. votum cap. ult. versic. Rationabilis autem; & ibi Armilla, num. 14. Grass. 1. p. decisionum, lib. 2. cap. 30. num. 10. Say. in clavi regia, lib. 6. cap. 12. num. 20. vers. Item consideranda. Angles floribus, 2. p. quest. unica de voto, art. 8. dist. 6. propositione 2. Man. Rodr. in Bulla, §. 9. num. 107. Aragon. 2. 2. quest. 82. art. 12. dub. 1. corollario 2. quod inferi ex 3. dicto. Pet. de Ledesma summ. tom. 2. tract. 10. cap. 8. ad finem. Azor. tom. 1. in suis mor. lib. 11. cap. 18. quest. 13. Henric. lib. 7. de indulg. cap. 30. num. 5. & alij. Hinc autem sunt deducendæ expensæ, quas vouens erat domi facturus, quoniam cum illæ essent (cessante ea peregrinatione) faciendæ,*

faciendæ, non sunt per votum Deo dicatæ. Ita Nauarr. Angles, Ledes. Graff. & Sayr. *ibidem*, nec non Suar. *lib. 6. c. 19. num. 19.* & Sanch. *d. lib. 4. cap. 56. n. 12.* & alij, quos ipsi referunt.

2. Sed quæres primò, an sint etiam computandæ expensæ, quas vouens iuxta sui status deceniam, & diuitias, esset factururus. Variè sentiunt DD. quidam absolute negant, cum huiusmodi expensæ per accidens se habeant ad votum. Imo voto satisfiat etiam si peregrinationem promissam absque vllò comitatu exequatur. Ita Henriq. Arag. & Sayr. *ibidem*; aiunt enim hunc disiunctiue teneri ad expensas, quas solus, aut cum vno, alteròve socio esset factururus. Petr. de Ledesma *loco cit.* inquit virum nobilissimum ad expensas cum duobus famulis faciendas, & Man. Rodr. *sum. tom. 2. cap. 100. num. 5. documento 3.* censet teneri hunc ad vnus famuli expensas.

3. Cæterum, mihi magis probatur, has expensas computandas fore iuxta vouentis statum, & moralem ipsius consuetudinem in simili itinere, quod non ostentationis, sed deuotionis causa aggreditur. Ducor, tum quia esto in rigore id non promiserit, sed ire duntaxat; ideoque voto satisfaceret, si solus peregrinaretur; res tamen sunt moraliter æstimandæ, & prout de facto futuræ sunt. Tum etiam quia alioquin dicendum esset, nullas expensas computandas; quoniam voto satisfaceret, si pedester, & mendicans illud exequeretur. Ita Suarez *eod. cap. 19. num. 10. fine*, dicens hanc esse communem doctrinam, oppositam autem à ratione alienam.

4. Quæres secundò, an computandæ sint expensæ eundi, & redeundi. Nonnulli solas eundi computandas arbitrantur, cum reditus non sit promissus, ac subinde plene voto satisfiat, non

redeundo. Ita Angles *vbi supra proposit. 3.* Man. Rodr. *utroque loco cit.* Henriq. etiam, & Graff. *ibidem*. Sed verius existimo computandas quoque expensas in redeundo fieri solitas. Ducor, tum quia tamen hic redire non vouerit, cum tamen votum morali modo intelligatur, & prout res de facto futura est, tacitè, seu implicite huiusmodi reditus in voto includitur, eiusque meritum & æstimationem auget; ac ille est accessorius, & consequenter Religionis opus Deo dicatum. Tum quia *cap. Magna, de voto*; expresse vtriusque expensæ computantur in commutatione voti Hierosolymitanæ peregrinationis, ibi; *Expensas, quas fueras eundo, morando, & redeundo factururus*. Nec refert, si dicas id esse speciale in eo voto pro subsidio terræ sanctæ, quod videtur gratis dictum, & absque vllò valido fundamento. Pontifex enim non intendit ibi imponere onus, quod in voto non esset inclusum. Atque ita sentiunt Hostiens. Palud. Rosella, Angles, Sayr, & Suarez *supra*, nec non Sanchez *num. 16.* Imo etiam Man. Rodr. qui recedens à priori sententia nobiscum sentit *in addit. ad Bullam, §. 9. num. 108.* vt ipse, & Sanchez *num. 17.* addunt, quod si hic peregrinaretur ad locum destinatum, inuariatque voluntate nollet redire, nulla expensarum reditus commutatione egeret. Ratio est, quia reditum nequaquam vovit, & solum ante voti executionem tenebatur eas commutare, vt voto accessorias. Vnde cum iam votum principale expleuerit, ad eas non tenebitur.

5. Quæres tertio, an si quis voueat visitare imaginem aliquam, quæ tamen cõmurationis tempore est propinquior, aut distantior, eo quod vel ipsa, vel vouens sit tunc in loco propinquiori, aut distantiori; cuius itineris, & laboris in commutatione sit ratio habenda. Circa hoc punctum; Dico primò, cum

AAa

cum

cum imago adest in loco propinquiore, non mutando domicilium, sed ex causa aliqua peculiari, vt proptio loco postea restitatur, seu vt resarciatur; tunc sicut vouens non satisfaceret voto ex inuisione, ita nec in commutatione est illius itineris ratio habenda: Si vero dicta imago mutet omnino domicilium in locum propinquiorem, tunc voto satisfaceret ea inuisione, etiam si adducatur in proprium vouentis locum; quoniam vouens promissit accessorie tantum illius itineris laborem, & expensas; principale autem voti obiectum fuit inuisio illius imaginis in eo loco distanti collocatæ: cum igitur principale cessauerit, imaginem alio adducta, cessabit etiam obligatio ad accessoriam, & consequenter non est prioris loci ratio habenda.

6. Dico secundò, si vouens reperitur in loco notabiliter propinquiore, quia illuc accessit, vel à ministris iustitiæ vincus, vel stipendio, alteriusve negotij causa ductus, non tamen ratione veræ, & piæ peregrinationis, tunc si obiectum illius voti fuit sola illius templi, aut imaginis inuisio, ita vt abstractum fuerit ab itineris labore, & constaret certò hæc vouentis mens, satisfaceret voto inuicens postea libere templum illud, seu imaginem, quia hoc solum vouit.

7. At si vouentis obiectum fuit inuisio illius templi, seu imaginis, vnà cum itineris labore, esto labor itineris fuerit accessorius, existimo illum non satisfacere voto, etiam si postquam illuc accessit, visitet libere, animoque voti implendi templum illud, seu imaginem. Ratio est, quia cum vincus ducitur, est actus violentus; quando stipendio conductus, est actus alio iustitiæ titulo debitus; quando non ratione peregrinandi, sed alterius negotij, vel solius curiositatis, non est actus pius,

& Religiosus, quibus, & aliis similibus actibus voto nullatenus satisficit.

8. Si autem voluntarie cum locum adiret, non mercede conductus, sed causa pia visitationis illius templi, seu imaginis; quamuis principalis adierit ob finem turpem, vel causa alterius negotij expediendi, satisfaceret voto, etiam si non haberet intentionem satisfaciendi illa peregrinatione. Ratio est, quia peregrinatio illa fuit quoad substantiam actus religiosa, & voluntaria, & hoc sufficit; nec refert quod defuerit intentio satisfaciendi voto: leges enim (atque idem dicendum est de voto, iuramento, & poenitentia sacramentali) solum obligant ad liberam, & voluntariam operis externi executionem, non vt ex tali intentione satisfaciendi fiat opus iniunctum. Ita Suar. tom. 3. in 3. part. quæst. 8. art. 6. disputat. 88. sect. 3. vers. Circa posteriorem partem. Vasquez 1.2. quæst. 100. artic. 9. in exposit. litt. num. 5. Man. Rodriq. summ. tom. 1. cap. 123. num. 2. cum aliis quos refert, & sequitur Sanchez sum. lib. 1. c. 13. num. 9.

9. Vnde in dubio censentur vota hoc posteriori modo emitti. Nam vouentes peregrinationem alicuius loci distantis, apprehendunt distantiam itineris & consequenter difficultates, & expensas, ac proinde omnia illa tanquam accessoriam, sicut meritum peregrinationis augent, sic ipsa promittunt. Atque ideo DD. in votorum commutatione asserunt horum omnium rationem plerumque esse habendam.

10. Dico terriò, quando imago, aut ipse vouens sunt in loco remotiori, si est notabilis mutatio, pro tunc non obligabit votum, ratione notabilis mutationis materiam, donec ea cesset. Si autem non sit notabilis mutatio, existimo esse solum habendam rationem expensarum, & laboris iuxta distantiam

tiam itineris, ex qua peregrinatio est promissa, cum non amplius sit sub voto comprehensum. At sunt insuper consideranda itineris pericula, & detrimentum etiam, quod ex vouentis absentia rebus illius posset emergere, cum hæc omnia Deo obtulerit, & augeant voti meritum, ac æstimationem. Sic Sanchez *sum. lib. 4. cap. 56. num. 19.* & Man. Rodr. *sum. tom. 2. cap. 100. num. 5. documento 5.* Atque idem videtur dicendum de tributis, quæ esset vouens in peregrinationem soluturus; cum hæc omnia ad expensas spectent. Imo similiter sunt computandæ expensæ, quæ in commorando fieri deberent iuxta numerum dierum, quos forsitan in loco peregrinationis commorari promiserat, ut constat evidenter, & habetur *cap. Magna, de voto, docentque Hostiens. & Rosella supra citati, & Sanch. num. 20.* Quod si quis peregrinationem mendo promiserit, nullæ sunt in commutatione expensæ attendendæ, cum nullis vouentis propriis esset tunc peregrinatio exequenda: esset autem tunc habenda ratio maioris laboris, & afflictionis, quam pedester, & emendicando in peregrinatione sustineret.

II. Dico quartò, eleemosynam, in quam prædictæ expensæ, ut supra, commutandæ etunt, non oportet mitti in fauorem illius loci pii, in quem peregrinatio promissa est, cum nulla ratio ad id faciendum cogat: sed sola maioris spiritalis boni vouentis, maiorisque diuini cultus, aut saltem æqualis in commutatione ratio habenda erit. Sic tradunt Hostiens. Angel. Abul. *supra*, & Sanchez *n. 21.* Quamuis autem votum peregrinationis Hierosolymitanæ, & maxime quando in eius loci subsidium est factum, cõsuevere Pontifices commutare in eleemosynam pro eiusdem loci subsidio conuertendam, ut constat ex *cap. Magna, cap. super his, & cap. ex multa, de*

*voto, & consequenter sic videatur ex iuris præscripto faciendum, etiam si ex natura rei id non esset necessarium. Hoc tamen olim procedebat, quando urgebat necessitas subueniendi expeditioni bellicæ in illius terræ subsidium, quæ cum hodie penitus cessauit, non est necessaria talis huiusmodi voti commutatio, sed instar aliorum fieri potest. Imo ob eandem rationem non est necesse, ut ratio habeatur personæ, vel loci, in cuius fauorem eleemosyna voto promissa cedebat, ita ut in eius fauorem debeat etiam cedere commutatio. Rationi tamen consonum videtur, ut eorum ratio habeatur, in quantum fieri possit, sic enim materia, ac interio prioris voti magis seruetur. Ita Suar. *d. c. 19. n. 18.* & Sanch. *eod. cap. 56. n. 22.**

12. Laborem autem peregrinationis promissæ censent nonnulli Authores commutari sic posse, ut si peregrinatio sit pedestris, ultra expensas, labor vnus diei commutetur in ieiunium similiter vnus diei, & labor duorum dierum in duo ieiunia, & sic deinceps: si vero non sit pedestris, labor quatuor dierum in vnus diei ieiunium commutetur. Ita docent Sayr. *in clauis regia, lib. 6. cap. 12. num. 20. versic. Item consideranda.* & Azor. *tom. 1. insit. moral. lib. 11. cap. 18. quæst. 13.* qui adhuc mitius de iis loquitur dicens, laborem quatuor, vel quinque dierum posse in vnicum ieiunium commutari. At quid sentiam de huiusmodi commutatione *dub. sequenti* exponam.

### DVBIVM III.

*Quomodo commutandum sit  
votum peregrinationis  
Hierosolymitanæ.*

I. Huiusmodi commutationem esse valde difficilem censent communiter DD. Ne tamen commutator in

re adeo graui aberrare contingat, duplicem commutationem ex iure ipso desumptam, hic affigam, vt inde normam aliquam commutandi hæc, & similia vota assumere possimus. Nam in cap. *veniens, de voto*, commutatur votum Hierosolymitanum cuiusdam pueri, cum quo dispensandi aderat iusta causa, vt id votum elemosynis redimeret, & toto vitæ curticulo vni pauperi prouideret; & cap. *Magna, eod. tit.* commutatur simile votum cuiusdam Episcopi, vt expensas eundi, redeandi, & commorandi ibi, integre mittat; laborem autem itineris compenset sollicitius instando vigiliis, deuotius vacando orationibus, & fortius se ieiuniis exercendo.

2. Hinc igitur, atque ex dictis in ualce dubij præcedentis, haud obscure quis colligere poterit, quomodo in huiusmodi votorum commutatione se gerere debeat. Nam supposito quod sit attendendum ad itineris spatium, iuxta loci distantiam, unde vouens proficiscitur, tenetur in primis obseruare, an vouens sit equester, pedesterue peregrinaturus; quoniam si equester, tunc esset sumptuum computatio faciendâ, & hi possent Monasterio pauperi applicati, aut in dorem alicuius orphanæ, in aliudve simile pium opus deputari: pro labore autem, & molestiis itineris poterit commutator imponere vouenti, vt toto tempore, quo peregrinatio durare debuisset ad arbitrium boni viri, singulis mensibus confiteatur, & communicet, singulis hebdomadis die aliquo ieiunet, ac ter in hebdomada Rosarium B. Virginis recitet; & ultra hæc ad maiorem satisfactionem illi imponat, vt sex sacrificia celebrari curet, quæ omnia simul non dubito quin sint Deo magis grata, quam sola peregrinatio. At si vouens non equester, sed pedester sit votum implenturus, debent

expensæ (vt supra) commutari. Quod si hæc non essent futuræ maiores iis, quas domi esset vouens factururus, saltem debent computari tributa, & pedagia, quæ durante peregrinatione per infidelium loca esset soluiurus: pro labore autem, & molestiis itineris poterit illi imponere, vt toto tempore quo probabiliter peregrinatio durare debuisset, decimoquinto quoque die fasteatur, & communicet; singulis hebdomadis vno saltem die ieiunet, atque vnum alterumve Rosarium B. Virginis recitet, & elemosynam aliquam iuxta sui status possibilitatem erogat, atque etiam sacrificia celebrari curet, vt supra.

3. Nec huiusmodi commutatio debet rationabiliter rigide æstimari, si attente expendantur labores, ac molestiæ omnes, quibus fidelis quispiam exponitur, dum per infidelium loca peregrinatur; quid dicam de periculo naufragij, & captiuitatis etiam dum nauigatio durat? quid de molestia frigoris, caloris, & pluuiæ? quid de inæqualitate aëris, & aliorum eiusmodi, quæ frequenter solent peregrinos vexare? Nihilominus si alicui nimis foret molestum, per annum integrum, v. g. bis quolibet mense confiteri, & communicare, poterit eidem imponi, vt per duos annos singulis mensibus semel fasteatur, & communicet. Atque iuxta hunc modum facile prudens commutator poterit ex dictis conicere, qualiter sint commutanda quæcunque alia peregrinationis vota.

#### DUBIUM IV.

*Quomodo sit commutandum quodcunque Religiosis votum.*

1. **M**etina Dominicanus sum. c. 14. §. 7. *de commutatione, regula* 3. sic

sic ait. 'Ille qui potitur facultate' commutandi votum Religionis Dominicanæ, attendere debet, professores illius Religionis teneri ad recitandum quotidie diuinum officium, ad ieiunandum septem mensibus cuiuslibet anni, & perpetuo à carnibus abstinendum. Ac propterea concludit id votum commutandum esse, vt vovens feriis sextis per totam vitam ieiunet, fateatur, & Eucharistiam sumat decimoquinto quoque die, Psalmos pœnitentiæ quotidie recitet; & iuxta suam facultatem eleemosynam erogat. Idem censet Sayr. in clau. regia. lib. 6. cap. 12. num. 21. esto mitius se gerat circa confessionem, quam semel singulis mensibus iniungit, nec communionis meminit, idque docet de vouente ingressum Religionis Benedictinæ.

2. Cæterum, huiusmodi commutationem esse valde insufficientem, sic ostendo; quia si omnia illa, quæ Metina recenset, & alia quæ potest recensere, computada sint in commutatione, profecto evidens est non dari, nec posse dari æqualitatem. Nam in quadruplo plus est recitare diuinum officium integrum, & illud in choro cantare, quam septem Psalmos pœnitentiales extra chorum, & priuatim recitare; plus est septē mensibus cuiuslibet anni ieiunare, quam singulis feriis sextis; plus est omnibus, quæ quis possidet, renuntiare, quam eleemosynam aliquam elargiri; plus est singulis diebus celebrare, quam decimoquinto quoque die Eucharistiā sumere. Et quid quæso dicam de continua à carnibus abstinencia? quid de perpetua obedientia? quid de inuolabili rotis vitæ castitate? quid de expropriatione, ad quam per votum paupertatis tenetur in futurum professor illius Religionis? quid denique de vigiliis nocturnis, & de aliis, quorum omnium, nec Metina, nec Sayrus in

prædicta commutatione mentionem fecerunt?

3. Quare Sanchez loco cit. num. 41. merito censet illam commutationem nullatenus esse æqualem; imo subiungit se nescire qualiter vota absoluta Religionis, & castitatis possint in rem æqualem commutari. allegat Sotum lib. 7. de iust. quest. 4. art. 3. vers. At vero; dicens simplex castitatis votum non posse pura commutatione tolli, cum nihil sit illa melius. Vnde à fortiori idem censet de voto Religionis Arag. 2. 2. q. 88. art. 12. dub. 1. in corollario 1. quod infert ex dicto 4. Hinc autem deducit idem Sauch. in his votis commutandis dispensationem aliquam esse admiscendam à potenti dispensare: fateatur autem posse huiusmodi vota pura commutatione tolli, cum pœnalia, seu conditionalia sunt, nec impleta est conditio. Quod verum esse, etiam de voto absoluto, ex statim dicendis constabit.

4. Pro resolutione huius difficultatis obseruare oportet, quod si votum conditionale commutari contingat in materiam absolutam post impletam conditionem, idem est de illo sentiendum, ac si esset absolutum; quoniam impleta conditione iam est absoluta obligatio, non simpliciter, sed ex suppositione; & intinseca materiæ promissæ bonitas non minor est, quam si esset absolute promissa. Vnde quamuis hæc obligatio procedat à voto minus perfectò, hæc tamen imperfectio efficit vt minorem causam requirar eius dispensatio, non autem minorem commutationem; sicut facilius, ac ex minori causa dispensatur in voto temere, ac subito iræ motu emisso, ob imperfectionem actus voluntatis; at meta commutatio non ideo est in minus facienda. Rationem huius assignat Sanchez ubi supra n. 32. quia dispensatio vinculum voti præcipue respicit, commutatio autem præ-

cipue materiam. Atque idem, & ob eandem causam dicendum est de commutatione voti pœnalis post incursum pœnam faciendâ; debet namque commutari in materiam priori per votum promissâ æqualem, ac si esset votum absolutum. Idem igitur iudicium ferendum est de commutatione voti conditionalis post impletam conditionem, & de commutatione voti pœnalis post incursum pœnam, ac si vitrumque esset votum absolutum, de quo dicam in tertia conclusione.

5. Sit iam prima conclusio. Si votum conditionale nondum impleta conditione commutandum sit in obligationem absolutam, considerare oportet quam dubius sit conditionis eventus, quo enim magis dubius fuerit, eo in minorem obligationem absolutam id votum est commutandum: sicut in contractu assecurationis, eo magis augetur illius pretium, quo magis fuerit dubius eventus. Idem sentiendum est in casu de quo agimus. Promisi v.g. Religionem, si pater meus incolumis euaserit, si votum hoc sit commutandum antequam pater meus euadat incolumis, debet in plus, minusve commutari, iuxta maius, minusve patris morbi periculum; quod si vtrunque æque sit anceps, sufficit in dimidium commutatio, quam si esset absolutum. Vnde merito Suarez loco cit. numero 21. ait posse conferri æqualem, etiam si quantitas rei promissâ minuat, ut si promisi dare decem in elemosynam si nauis venerit, & nunc volo absolute dare quinque, siue veniat, siue non, moraliter potest conferri æqualitas pensatis aliis circumstantiis.

6. Secunda conclusio. Si voti pœnalis faciendâ sit commutatio ante pœnam incursum, adhuc sub lite est, si ne spectanda dignitas solius materiæ

promissæ, an etiam pœnæ impositæ; ut si quis voueat se non lusurum sub pœna Religionis, an spectandus sit solus ludus in commutatione faciendâ ante impletam conditionem, nulla habita ratione Religionis in pœnam promissâ: Nonnulli enim ex Neotericiis solam materiam principaliter promissam censent esse spectandam. Rationem reddunt, quod ea pœna adeo sit accessoria, ut sublata rei principalis obligatione per dispensationem, cesset obligatio ad pœnam deinceps incurrendam. Mihi tamen oppositum probabilius videtur, & tenet expresse Sanch. eod. loco num. 35. Ducor, quia aut votum pœnale est solius pœnæ, ut si lusero voueo Religionem; aut est vtriusque, ut voueo me non lusurum sub Religionis pœna: in priori casu votum est solius pœnæ, in posteriori autem est vtriusque. Ergo in vtroque casu habenda est ratio pœnæ, cum in vtroque casu cadat sub voto. Vnde ad rationem in contrarium respondetur, quod quamuis obligatio ad pœnam sit accessoria rei principaliter vitandæ per vouentem, & hac sublara cesset obligatio ad pœnam deinceps incurrendam; augetur tamen diuinum obsequium, tum ex eo, quod ita arcte teneatur vouens ab eo vitio se abstinere, ut nisi abstineat, pœnam illam incurrat; sicut diuinum augetur obsequium, dum voto quis auget diuini iuris obligationem de vitanda fornicatione: tum etiam quia pœna appositâ adeo auget dignitatem voti, ut non leuis sit dubitatio, an reddat votum reservatum, quando pœna est ex reſeruatâ, ut contingit in nostro casu. Faretur nihilominus idem Author, & mihi etiam placet, multo minori commutatione hæc vota tunc esse cõtenta quoad pœnam illam incurrendam, quia illius incursum pendet tam à voluntario ipsius vouentis futuro

euentu;

euentu ; tum à materiæ principalis transgressione, siue ab illius obligationis cessatione.

7. Hinc quidam vir satis eruditus existimat huiusmodi votum posse commutari, si sit de nauquam ludendo ludo illicito in magna quantitate, vt talis per quatuor menses singulis hebdomadis aliquo die ieiunet, quinto decimo quoque die Sacramentalem confessionem frequentet, sex sacrificia Missæ celebrari faciat, & eleemosynam aliquam iuxta suam facultatem erogat. Si autem eleemosynam præ sua inopia erogare nequeat, ter in hebdomada Rosarium B. Virginis genu flexus recitet durante dicto temporis spatio.

8. Aduertat autem commutator votum pœnale Religionis posse fieri dupliciter. Primò, vt tantum sit vnum votum, v.g. si quis voueat Religionem, si amplius luserit tali ludo, vel commiserit tale peccatum : tunc enim ex vi verborum, nisi vouens aliud intendat, non obligatur per tale votum ad non ludendum, sed ad ingrediendum Religionem, si luserit: vnde si ludat non facit contra votum, tenebitur tamen ad Religionis ingressum, vt notat Nau. *sum. cap. 12. num. 43.* Secundo potest fieri prædictum votum, ita vt in ea promissione includantur duo vota. V. g. si quis dicat, voueo non ludere sub pœna Religionem ingrediendi, vel non committere tale peccatum sub pœna seruandi castitatem in perpetuum, & in his votis, quantum est ex vi verborum intendit vouens se obligare ad duo, nempe ad non ludendum, seu non committendum tale peccatum, & ad ingrediendum Religionem, vel seruandum castitatem, si in his defecerit. Ad commutationem autem prudenter faciendam multum refert vt commutator sciat, an primo vel secundo modo sit emissum votum pœnale Religionis,

in priori enim casu. solum venit commutandum vnum votum, in posteriori duo sunt commutanda. Atque ideo commutationem superius adductam censeo in priori casu esse sufficientem, in posteriori aliquid esse addendum iuxta qualitatem, & dispositionem vuentis.

9. Tertia conclusio. Votum absolutum cuiuscunque determinatæ Religionis potest virtute Bullæ commutari in hoc, vt vouens ingrediatur, & profiteatur Religionem laxiorem. Ducor, tum quia votum solenne professionis in Religione approbata præstantius est, quam votum simplex ingrediendi in quamcunque aliam Religionem, & consequenter potest hoc in illud commutari, vt multis allegatis ostendimus *cap. 6. dub. 8. diffic. 2.* Vnde cum per talem commutationem non tollatur absolute vinculum voti Religionis, sequitur quod ea commutatio, seu dispensatio non sit Pontifici reservata. Imo aliqui opinantur posse propria autoritate fieri absque Bullæ priuilegio, seu Episcopi dispensatione; quod mihi non displicet, & tradit D. Anton. 2. *psit. 11. cap. 2. §. 8. Supplem. Gabr. quest. 1. art. 5. litt. A. versus finem*, & alij, quorum ratio est, quia plus est experiri, & de facto professionem facere in Religione laxiori, quam solum experiri Religionem strictiorem cum libertate, quod si mihi non congruerit, possim inde licite exire.

10. Neque obstat textus in *cap. permitt. de Regul. iuris* in 6. vbi habetur quod licet talis per professionem laxioris maneat absolutus à primo voto, est tamen illi iniungenda pœnitentia pro voto non impleto: igitur talis peccauit, cum pœna sit culpæ correlatiua, ac proinde non poterit fieri licite talis commutatio. Respondetur, omissa D. Antonini solutione, quæ apud illum videri potest,



potest, quod illi non iniungitur pœnitentia ex eo, quod non reddiderit tantum, quantum promissit; sed quia fuit in mora ex culpa sua non ingrediendo strictiorem pro tempore, quo, ad illius ingressum tenebatur ex voto. Ita Supplem. ubi supra. Aliam solutionem inuenies cap. 6. dub. 8. diff. 3. dicto 2.

11. Caterum, si vouens nolit Religionis habitum assumere, & ibi profiteri, adit autem Sedis Apostolicæ facultas commutandi votum Religionis absolutum, poterit commutari, ut talis assumat statum Sacerdotalem, quindecimo quoque die consecratur, eleemosynam singulis diebus iuxta suam facultatem erogat, & in perpetuum exequatur opus aliquod eorum, quæ quotidie facere tenentur Regulares ordinis, quem vouit, ut id implens meminisse semper possit obligationis, qua huiusmodi voto adstringebatur. Et hæc mihi videtur sufficiens commutatio attentis iis, quæ statui Sacerdotali annexa sunt. Quod si vouens non sit aptus, vel nolit ad Sacerdotium promoueri, poterit loco Sacerdotij eidem imponi, ut vitam cælibem ducat, & officium paruum B. Virginis, vel saltem Rosarium eiusdem quotidie recitet. Si autem vouens, vel ob periculum incontinentiæ, dum in seculo manet, vel alia ex causa legitima recuset vitam cælibem ducere, loco huius eidem iniungatur, ut saltem castitatem coniugalem seruare in perpetuum debeat, cum onere exequendi insuper omnia alia hic per nos insinuarata, vel quæ Metina supra in sua commutatione adducit.

12. At posset quis merito obiicere, adhuc esse insufficientem hanc commutationem; quia si attendantur omnia, quæ nos contra Metinæ commutationem obiecinus, adhuc non seruatur æqualitas. Responderetur id verum esse stando in opinione Metinæ, qui existi-

mat in commutatione voti Religionis attendendum esse omnino ad æqualitatem obseruantiarum talis Religionis. Mihi tamen oppositum videtur probabilius; nam qui Religionem vouet secundum formam iuris, ut regulariter faciunt omnes illam vouentes, non vouent absolute obseruare omnia illa, quæ professi eiusdem Religionis obseruare tenentur; sed solum vouent ingressum ad probandum, seu experiendum, num sibi modus ille viuendi expediens sit; ita ut si post talem experientiam agnoscant sibi non expedire, possint licite inde exire. Et hoc pacto sufficienter voto satisfecisse, tenent communiter Doctores, tum quia plus est profiteri Religionem etiam laxiorem, quam vouere ingressum strictioris, ut constat ex d.c. penult. de Regul. iur. in 6. ubi habetur liberari quempiam à voto ingrediendi strictiorem per professionem laxioris; tum quia votum Religionis simpliciter non est quid perpetuum, sed temporale, iuxta doctrinam D. Anton. 2. p. tit. 11. §. 9. colum. 1. Quia ex vi talis voti solum tenetur vouens ingredi Religionem, ut probet, ac experiatur, num sibi congrua sit, ut patet ex dictis. Igitur in commutatione facienda non est omnino spectanda æqualitas obseruantiarum, ad quas perpetuo tenentur professi ordinis, cuius ingressum quis vouit.

13. Nihilominus melius, ac tutius esse existimo ad tollendos scrupulos in his, & aliis votis commutandis recurrere ad potentem dispensare, ut dispensando, & commutando simul maneat vouens in conscientia magis securus. Atque hic stylus obseruari solet in prætorio S. Pœnitentiariæ, ut quotidiana experientia docet, & mihi satis constat. Vnde Auctores asserentes votum Religionis non posse pura commutatione tolli, interpretandi sunt de voto constitutiuo,

tutius, non promissio, vel de expresse vouente Religionis ingressum, & professionem simul.

DUBIUM V.

*Quomodo sit commutandum votum castitatis.*

1. **R**atio dubitandi est, quia commutatio cum sit actus iustitiæ commutatiuæ debet fieri in rem æqualem. Sed Ecclesiastici 26. dicitur; *omnis autem ponderatio non est digna continentis animæ.* Ergo nihil est, in quod possit fieri æqualis commutatio voti absoluti castitatis.

Nihilominus, ut in re adeo grauius procedamus, obseruare debet commutator ad tria potissimum obligari vouentem ratione huiusmodi voti. Primum ad non fornicandum, ad quod ex sexto præcepto Decalogi erat antea etiam obligatus. Secundò, ad non contrahendum matrimonium. Terriò, ad non petendum debitum, si de facto contraheret. Attendenda igitur sunt hæc tria, in commutatione voti castitatis.

2. Vnde facilius commutatio erit, ut remanente prima obligatione vouens teneatur ex voto non accedere ad alienam, sed castitatem coniugalem seruari. Reliquæ autem duæ obligationes commutentur in frequentiam sacramentalis confessionis, & communionis singulis mensibus, semel saltem faciendæ, in decem etiam sacra celebranda, nec non in alia poenitentiae opera tandiu duratura, quandiu commutationi prædictæ locus erit; inrer quæ sunt etiam aliqua pietatis opera, quæ quotidie facere debeat, ad eum finem, ut per illa meminisse semper possit pristinae obligationis, ad quam ratione huiusmodi voti tenebatur.

Obseruare tamen debemus votum istud castitatis absolutum, cum sit Pontifici reseruatum, & in Bulla excipitur, non posse per illam commutari, sed speciale requiri Sedis Apostolicæ indultum, modo non occurrant casus, in quibus, sicut potest Episcopus iure ordinario in simili voto dispensare, poterit etiam Confessarius per Bullam idem votum commutare.

3. Nunc ad rationem dubitandi respondetur ex Metina Complutensi lib. 4. de continentia, controuersia 3. cap. 30. nomine continentiae non intelligi eo loco virtutem castitatis, sed vniuersalitatem omnium virtutum, in qua acceptione inquit D. Hieronymus ad Damasum, quod continentia est refræctio omnium rerum malarum. Vnde comparatio ibi facta, solum est respectu huius, quod est nunquam peccare, respectu cuius nulla fieri potest æqua ponderatio.

4. Sed quæres, an sit idem modus obseruandus in commutatione voti de non nubendo. Respondetur votum de non nubendo non esse propriè votum castitatis, & consequenter nec Pontifici reseruatum, ut habetur ex dictis cap. præcedenti. Atque ideo potest per Bullam commutari, & commutatio illius mitior esse debet, quam commutatio voti castitatis. Quare nonnulli Neoterici docti apud Sanch. ubi supra num. 41. arbitrari sunt commutari posse huiusmodi votum in confessionem mensibus singulis, biennio, aut triennio faciendam, & in nouem sacra. Ita refert, & non dissentit Sanch. Mihi autem videtur ultra prædicta iniungendum esse vouenti aliquod saltem poenitentiae opus perpetuum, sicut votum etiam perpetuum est,

atque sic obseruatur in prætorio sacrae poenitentiae.

B B b

DUBIUM

## DUBIUM VI.

*Quaratione sit commutandum votum assumendi statum Sacerdotalem.*

1. **N**ecessario esse adhibendam magnam diligentiam in his, & aliis votis commutandis censent communiter DD. & Magister Metina Dominicanus *ubi supra*, tenet lethaliter peccare Confessarium, qui in hoc defecerit. Unde monet ne quis huiusmodi onus in se suscipiat, nisi in animarum tegimine valde versatus existat. Quapropter circa præsentis voti commutationem obsequiare in primis oportet, quod quamvis voto assumendi ordinem sacrum sit iure positivo implicite annexa triplex obligatio; nempe ad castitatem perpetuam, ad pensum divini officij quotidie persolvendum, & ad non contrahendum matrimonium: Quia tamen ex vi voti non tenetur quis ad hæc, antequam suscipiat ipsum ordinem, atque Ideo fornicando non peccat contra tale votum; neque si contrahat, petendo debitum. Hinc quidem videtur non opus esse prædicta ita ad vnguem commutare, ac si formaliter fuissent promissa per votum. Nihilominus, quia sunt illi statui inseparabiliter annexa, commutari debent in paulo minora, ac si expresse fuissent in voto inclusa.

2. Obserua insuper in Sacerdote ultra prædictam triplicem obligationem, reperiri aliam, nimirum sacra sæpe celebrandi, & consequenter sacramentalem confessionem frequentandi. Tenetur etiam Sacerdos ab aliquibus abstinere, quæ laicis licite permittuntur; & hæc omnia spectanda sunt in huius voti commutatione faciendâ. Quare nonnulli Neoterici docti apud Sanch. ibi-

dem num. 43. tacito nomine relati, arbitrati sunt hoc votum commutari posse in quotidianam psalmorum pœnitentiæ cum litanis recitationem, vel officij parvi B. Virginis, vel calculatorum Virgineorum, & in confessionem quintodecimo quoque die faciendam, & in faciendum celebrari sacrum singulis mensibus, atque ut voueat ille castitatem in statu sæculari. Quod si nolit ipse castitatem seruire, sed ad nuptias transire, censet Sanch. addendum fore ieiunium omnibus sextis feriis. Subiungit tamen idem author in votis tanti momenti melius esse partim miscere dispensationem, obrenta dispensandi facultate, & iusta causa sic dispensandi existente, quippe hac partiali dispensatione seclusa, ait ipse se non audere prædictam commutationem iudicare æqualem.

3. Fateor salutare quidem, & tanto auctore dignum esse prædictum consilium, ne tamen in re adeo necessaria, præsertim si vnquam occurrat non esse aditum ad dispensare potentem, defecisse iudicemur, existimo posse huiusmodi votum commutari in quotidianam officij parvi, seu rosarij B. Virginis recitationem, in sacramentalem confessionem quintodecimo quoque die semper faciendam, in faciendum etiam singulis hebdomadis sacrum celebrari, & vitam cælibem ex voto ducendam; vel si id nolit vouens, aut iusta ex causa recuset, commutetur in castitatem coniugalem, similiter ex voto seruandam; ac tandem ultra prædicta iniungantur illi alia pœnitentiæ, seu pietatis opera perpetua, inter quæ sint aliqua per ipsum quotidie exequenda, ad eum finem, ut per illa meminisse semper queat oneris ad quod ex vi huiusmodi voti tenebatur. Ne autem commutatio ista alicui rigorosa videatur, perpendat quæso varias, & graues obligationes, quæ statui Sacerdotali

Sacerdotali annexæ sunt: hincque facile poterit conicere commutationem istam nullatenus rigorosam fore æstimandam, cum in commutationibus moralis æqualitas seruanda sit, quantum moraliter fieri possit, ut habetur ex sæpe dictis.

## DVBIVM VII.

*Quaratione sit faciendæ commutatio voti de ieiunando sextis feriis, aut de recitandis septem psalmis penitentialibus, & aliis eiusmodi.*

1. Suppono primò, vota esse in duplici differentia; quædam temporalia; ut vota peregrinationum, & similia, alia verò perpetua. Horum autem quædam sunt perpetua ex se, & sine ulla additione, ut vota Religionis, castitatis, Sacerdotij, & non nubendi; alia sunt perpetua cum additione ad totam vitam; ut vota ieiunandi feriis sextis, recitandi officium B. Virginis, & eiusmodi, de quibus fusc egimus cap. precedenti, dub. 20. conclus. 1. vers. *Aliis his votis.*

2. Suppono secundò, quod quamuis vota, quæ quis emisit, sint perpetua, non semper requiritur quod commutatio fiat in obligationem perpetuam. Regulariter tamen vota ex se perpetua commutantur in opera perpetuo duratura, cum additione interdum alicuius operis temporalis. Vota autem temporalia semper in temporalia commutantur, at perpetua ex additione plerumque commutantur in opera temporalia, & partim etiam in opus aliquod perpetuo duraturum.

3. Dico igitur votum ieiunandi singulis sextis feriis posse commutari, ut quis perpetuo rosarium B. Virginis genu flexus recitare teneatur eadem feria

sexta, vel quouis alio die eiusdem hebdomadæ. Quia parum refert, quod res in quam votum commutatur, eodem tempore fiat, quo res promissa fieri debebat. Posset etiam commutari in eleemosynam aliquam perpetuo sextis feriis, vel quouis alio die eiusdem hebdomadæ faciendam, & in coronam Christi Domini flexis genibus recitandam. Votum similiter sextis feriis recitandi septem psalmos penitenciales poterit in idem etiam commutari; vel ut loco huius, vivens eodem die ieiunare teneatur. In his autem commutationibus attendendum semper est, an materia subrogata deseruiat ita fini intento, ac per vota ipsa, iuxta doctrinam in priori dubio insinuatam. Atque ex iis, quæ hucusque dicta sunt, poterit prudens Confessarius ad alias vororum commutationes descendere; omnes enim, & singulas prosequi, est non solum difficile, sed fere impossibile moraliter loquendo.

## DVBIVM VLTIMUM.

*Utrum votum factum in fauorem tertia persona, aut alicuius loci p. possit virtute Bullæ commutari absque partis consensu.*

1. Partem negantem sequuntur Panor. & Innoc. ac Summa Pisana, quos refert Palac. in 4. disp. disp. 3. idem Rosella, licet cum aliqua limitatione vot. 6. num. 6. Syluest. vot. 4. §. 7. dicto 4. ubi ad idem adducit aliquos antiquos Doctores, quibus consentit D. Anton. 2. p. tit. 11. cap. 1. §. ult. vers. *de temporalis substantia.* Sarmiento lib. de redditibus Eccles. p. 4. cap. 3. num. 3. & 4. & in defensorio illius, 1. p. monito 71. ubi ait, ex voto facto Ecclesiæ acquiri ius ipsi Ecclesiæ, posse autem Pontificem votum illud

B B b 2 commu

commutatur; ita ut commutatio respiciat illiusmet Ecclesiæ utilitatem, & non aliter, & probatur.

2. Primò, ex cap. ex parte, de censibus, ubi vouens dare certam elemosynam Ecclesiæ, cogitat illum soluere, quamuis post promissionem ingressus fuerat Religionem. Ergo tale votum non poterat commutari, alias commutaretur in ipsum ingressum Religionis.

3. Secundò, ex tali voto in fauorem Ecclesiæ factò acquiritur illi ius iustitiæ. Ergo absque eius consensu nequit sine iniuria illius commutari. Consequentia est nota, & antecedens probatur. Quia ex pollicitatione facta Reipublicæ acquiritur illi ius iustitiæ, ut constat ex l. 5. ff. de pollicitationibus. Ergo etiam ex voto factò in fauorem Ecclesiæ. Probatur consequentia, quia non debet esse peioris conditionis spiritualis Respublica, quam secularis.

4. Tertiò, quia monastica professio non absoluit vouentem à debitis pecuniariis antea contractis, ut constat ex cap. sciimus 12. quest. 1. & cap. iuramentum 22. quest. 5. Ergo neque etiam absoluit à voto reali, per quod vouens factus est debitor pecuniarius, atque adeo tale votum non poterit in professionem commutari.

5. Quartò, quia eo ipso quod est pia causa, ius queritur etiam abienti, ut habetur in lege illud, Cod. de sacrosanctis Ecclesiis. Ergo si votum fiat in fauorem Ecclesiæ, non poterit commutari sine consensu talis Ecclesiæ; alias fieret illi præiudicium in re, in quam habet ius acquisitum.

6. Verum his non obstantibus existimo partem affirmatiuam esse vetiorem, nempe votum factum in fauorem alicuius Ecclesiæ, commutari posse virtute Bullæ, aut ex autoritate Prælati. Ita Palat. supra. Nauar. sum. cap. 12. n. 78. Sylu. loco cit. Iacobus de Grassi. 1. p. decis.

lib. 2. c. 30. n. 11. & 12. Armilla verb. dispensare, n. 21. Tabiena verb. dispensatio, q. 12. n. 14. ad fin. Angel. votum 3. n. 26. Angles florib. 2. p. q. unic. de voto, art. 8. diff. 6. post 2. conclus. Petr. de Ledesma 2. tom. sum. tract. 10. c. 8. immediate ante tract. de commutatione votorum, Hentiq. lib. 7. de indulg. c. 30. n. 5. in comment. lit. K. Man. quest. reg. tom. 1. q. 63. art. 4. Say. in clauiregia, lib. 6. c. 11. n. vlt. Azor. lib. 1. instit. moral. lib. 11. c. 16. q. 12. Suar. de Relig. tom. 1. lib. 6. c. 15. n. 3. Sancti. sum. lib. 4. c. 41. n. 7. Filliucius tom. 1. tract. 26. cap. 9. n. 257. & alij per hos relati.

7. Probatur primò, quia commutatio in euidenter melius fieri potest, etià propria autoritate, ut supra docuimus ex communi Doctorum sententia: sed professio est euidenter melior, quam elemosyna promissa in fauorem alicuius Ecclesiæ: ergo in illam, ut minimum, poterit commutari tale votum.

8. Securò, quia ex tali voto nullū ius iustitiæ fuerat acquisitum tertiz personæ, aut Ecclesiæ. Ergo absque eorū consensu potest tale votum commutari. Consequentia est nota, & antecedens probatur. Tum quia nec eis, nec aliquibus pro eis acceptantibus facta est pollicitatio; aut acceptationem autem simplicis promissionis non acquiritur ius iustitiæ alteri; tum quia votum siue simplex, siue solenne, solum est religiosa promissio Deo facta. Ergo ex illa, ut sic, tantum nasci potest Religionis ius in ordine ad Deum, non in ordine ad homines.

9. Quod si Prælatò acquiritur aliquod ius, hoc etiam est Religionis, quia id conuenit illi, quarens vice Dei illud acceptat. Quare sicut Deo, cui principaliter fit talis promissio, acquiritur solum ius Religionis, ita etià Prælatò, qui Dei nomine acceptat. Vnde quod Prælatò possit iuridice compellere vouentem ad obseruantiam voti, non est ex iure

iure aliquo iustitiæ sibi acquisito; sed quia id efficere incumbit illi ex proprio officio. Sicut post suscepcionem Baptismi potest iudex compellere ad obseruantiam fidei promissam, non quia ex tali promissione ius acquisitum fuerit iudici, sed quia ad illum ex officio pertinet id facere.

10. Tertiò, quia persona, vel ipsa Ecclesia, in cuius fauorem emissum est votum in rei virtute, non est promissarius, cui facta sit promissio, sed tantum se habet vt materia circa quam is cultus est Deo exhibendus, vel vt circumstantia promissionis. Ergo ad commutandum tale votum non opus est expectare eius consensum. Consequentia est euidens, & antecedens probatur. Quia quãdo promitto Petro me daturum centum nummos Ioanni, Ioannes non est promissarius, neque acquirit aliquid ius, sed tantum Petrus, quia illi soli promissio facta est. Ergo similiter in proposito. Vnde sicut Petro remittere obligationem, expectari non debet consensus Ioannis, sic remittente Deo obligatione per commutationem voti, vel dispensatione, non opus est expectare alterius consensum, in cuius fauorem fuerat votum factum.

11. Quartò, quia post votù simplex strictioris Religionis, si quis profiteatur in aliqua laxiori, manet absolutus à priori voto absque consensu prædictæ Religionis strictioris, vt supra ostendimus, & docent communiter DD. Ergo illi non fuerat acquisitum aliquid ius.

12. Dixi autem notanter in principio conclusionis, virtute Bullæ, aut authoritatis Prælati. Quia licet alia vota commutari possint propria authoritate in euidenter æquale, vt supra late ostendimus, non tamen factum in fauorem alicuius pij loci, vt docent D. Thom. 4. dist. 48. q. 1. art. 3. & 2. 2. q. ult. art. 3. Caiet tom. 2. opusculo 1. tract. 11. q. 3. Angel. votum 3. §. 16. in fine. Sylu. votum 4. §. 7.

Nau. 1. 2. n. 78. vbi refert se ad apologiam de redditibus q. 1. monit. 71. q. 3. Henrici. suprâ, cum aliis ab eo relatis. Videte illi.

13. Neque obstat primò, quod Sylu. & Henrici. vbi supra asserunt, non posse huiusmodi vota commutari in melius propria vouentis authoritate. Nam oppositum potius dicendum est, quia cum per illa nullû ius tertio acquiratur, est idem de illis sentiendum, ac de votis in Dei solius honorem factis. Ita Graff. & Say. supra, Suar. n. 11. & Sanch. n. 8. Hinc autem deducitur authoritatè delegatam dispensandi, & commutandi vota, extendi etiam ad hæc, vt recte tradunt Suar. & Sanch. ibidem. Et probatur, quoniam loco pio non competit ius aliquod compellendi per modum actionis, sed sola utilis actio implorandi officij Iudicis, vt compellat vouentem exequi votum. Quoties autem hæc sola actio alicui competit, non dicitur habere ius ad rem, vt patet in fratribus Minoribus, qui ad legata pia illis relicta soluenda possunt humiliter implorare officium Iudicis; & nihilominus nullû ius ad illa ipsis competere farentur omnes Regulæ Franciscanæ expositores.

14. Neque obstat secundò, si dicas prædictam sententiam intelligendam fore, cum promissio voti dirigitur in solum Deum; vt promitto Deo me daturum calicem tali Ecclesiæ, aut tali pauperi; secus si promissio in talem Ecclesiam, aut in talem pauperem dirigitur, vt promitto tali Ecclesiæ, aut tali pauperi; tunc enim etiam in absentia factum, non subicitur dispensationi, aut commutationi; quia tunc sunt illi veri creditores, & ius illis acquiritur. Ita Azor. vbi supra. Id tamen mihi nullatenus probatur, quoniam ex promissione, aut donatione factis causæ piæ, nullum ius illis acquiritur ante acceptationem, vt late offendit Sanch. lib. 1. de matrim. disp. 6. num. 16. Et probatur ex

communi DD. asserentium omnia vota realia commutari in Religionis professionem, quod minime esset verum, si ius per ea fuisset tertio acquisitum. Hæc enim de causa nec debita in professionem commutantur, ac proinde ante acceptationem manent vota illa, sicut facta soli Deo. Vt igitur ius acquiratur causæ piæ per promissionem, non sufficit, quod fiat instrumentum publico, & coram testibus, sed requiritur acceptatio Rectoris Ecclesiæ, aut alterius pro ea. Ita sentiunt Armilla, Tabiena, Angel. Sylu. Graff. & Say. *vbi supra* n. 2. sine Sanch. n. 11. & Lessius lib. 2. de iust. cap. 42. dub. 12. num. 58.

15. Neque obstat tertio, si dicas hanc sententiam limitandam esse, nisi dirigatur promissio in Sanctum, cui dicatur Ecclesiæ; ut promitto Divo Francisco me daturum eius Ecclesiæ calicem; cum enim promissio illa sit in eius sancti honorem, ipsique grata, & simul cognita, pariter acceptatur statim ab illo tanquam à vero creditore. At huiusmodi limitatio, seu interpretatio nequaquam probatur; tum quia cum votum sit promissio Deo facta, & iuxta hunc sensum intelligatur; inde fit quod esto fiat etiam sancto, omnia tamen in eo voto reperta intelligenda sunt iuxta ipsius voti naturam, videlicet ut soli Deo ius acquiratur: tum quia Deus, & beati quo ad hoc constituuntur quasi sub eodem foro: Atque ideo Vicarij Dei possunt in iure sanctis acquisito dispensare, idque commutare; sicut utrumque possunt circa ius Deo questum: tum etiam quia cum voluntas illius sit omnino diuinæ conformis, eligit similiter id quod est Deo gratius: atque etiam subdit dispensationi, ac commutationi Prælatorum. Ita Caiet. in suis quolibetis, tom. 2. tractatum 11. qui est de voto, quest. 3. versic. nec oportet. Suar. num. 10. Sanchez num. 12. & alij.

Cum autem huiusmodi vota in commodum tertij facta, non soli Deo fiunt, sed adiungitur quoque promissio tertio illi facta, & ab eo acceptatur, manifestum est id votum non subdi ordinariæ Prælatorum potestati dispensandi, seu commutandi, absque illius tertij consensu. Et ratio est, quia tunc transit in contractum, & acquiritur ius illi tertio, quod ipso invito nequit remitti, nisi intercesserit iniuria, vel in penam iustam, vel bonum commune aliud postulet, ut docet Lessius lib. 2. de iustitia, cap. 42. num. 58.

16. Ad primum respondeo, textum illum loqui in alio diuerso casu, quando tali voto admiscetur pactum, vel acquiritur speciale ius per consuetudinem præscriptam illud soluendi. Sicut votum à maioribus emissum, quod postea fuit à successoribus obseruatum, præcipitur ab alijs etiam obseruari, sicut modo contingit in voto Granatensi de exhibenda quadam mensura tritici Ecclesiæ Compostellanæ ab Hispanis propter insignem victoriam nomine Diui Iacobi partam.

17. Ad secundum respondeo, esse disparem rationem; quoniam quando pollicitatio fit ipsi Reipublicæ, quia fit nomine proprio, acquiritur ut vero promissario ius fidelitatis, & iustitiæ facta acceptance: in voto vero facto in fauorem alicuius tertij soli Deo acquiritur ius Religionis, ut vero promissario propter rationes supradictas, & ideo tale votum commutabile est, non secus, ac alia, quæ soli Deo fiunt, & non in fauorem tertij.

18. Ad tertium respondeo, solutionem petendam esse ex DD. in materia de voto, vbi late hanc difficultatem examinare solent. Quidquid autem sit de eo, dicimus ad argumentum esse disparem rationem, quia eo ipso quod quis contraxit debita, creditor illius habet

bet ius iustitiæ commutatiæ contra debitorem, & ideo sine consensu debitoris non absoluitur ab obligatione reddendi illa; cum vero votum sit Deo in fauorem Petri, Petrus non habet tale ius aduersus vouentem, & ideo absque eius cōsensu tolli potest talis obligatio per commutationem, vel dispensationē.

19. Ad quartum respondeo, esse etiam ibi disparem rationem, quia in ea lege est sermo de simplici promissione exteriore, aut de legatis, quæ ante acceptationem alicuius particularis sunt valida, ex quibus omnibus nascitur ius iustitiæ, secus vero est de voto, ex quo solum nascitur ius Religionis, quæ ut sic solum respicit Deum, & non hominem.

## CAPVT VIII.

*De Indulgentiis, quas lucrari possunt virtute Bullæ.*

### DVBIVM I.

*Quodnam sit discrimen inter Indulgentiam plenariam, pleniorē, & plenissimam, & quid etiam sit concedere tot dies vel quadragenas Indulgentia.*

1. **N**ONNULLI Recentiores Cruciatæ interpretes cum Rodr. § 9. multa hoc loco inuoluunt, quæ ad materiam de Indulgentiis omnino pertinent. Nos autem ea solum de Indulgentiis agemus, quæ præcise ad interpretationem Indulgentiarum Bullæ legitime spectant.

1. Ratio igitur dubitandi circa propo-

sitam difficultatē potest desumi ex Bonifacio VIII. in *extrauaganti antiquorum, de pœnit. & remiss.* ubi dicit non solum plenam, & pleniorē, sed plenissimam indulgentiam cōcedi euntibus Romam: ergo præsupponit inter hæc esse aliquam differentiam. Quod confirmari potest, quod olim præter Indulgentiam plenariam, concedebantur simul centum dies, anni, vel quadragenæ Indulgentiæ: ergo indulgentia plenaria non importabat remissionem totius pœnæ, sicut plenissima, aliàs non opus esset simul cum illa addere prædictas quadragenas.

3. In hac difficultate quot capita tot inuenio sententias. Nam Palud. in 4. dist. 2. *quæst. ult.* quem sequuntur Adrianus, & nonnulli Thomistæ, aiunt Indulgentiam plenariam intelligi de pœnis peccatorum remissorum, pleniorē de ipsorum pœnis, & etiam venialium; plenissimam de absolutione ab omni pœna, & veniali culpa. Alij cum Nauar. in repetit. de Indulgentiis, notab. 9. dicunt Indulgentiam plenariam importare remissionem pœnæ iniunctæ pro peccatis confessis, pleniorē remissionem eiusdem, etiam si non fuerit iniuncta; plenissimam vero remissionem pœnæ debitæ mortalibus, & venialibus etiam non confessis.

4. Alij iuniores dicunt in expositione Bullæ nullum vnquam fuisse discrimen inter indulgentiam plenariā, pleniorē, & plenissimam, sed cōcionatores exaggerationis gratia eam gradationem positiui, & comparatiui, & superlatiui adinuenisse, instar illius, sæpe, sæpius, & sæpissime. Sed nulla interpretatio istatum est sufficiens. Non prima, quia per indulgentias, quas ex satisfactionibus Christi D. N. & sanctorum, Thesauro Ecclesiæ reconditis, concedit Pontifex, non remittuntur peccata quoad culpam, sed quoad pœnam: nam indulgentia,



gentia, de qua hic est sermo, solum est remissio pœnæ debitæ peccatis ex thesauro Ecclesiæ. Non secunda, quia licet illa expositio esset optima, quando tenor, & stylus ille antiquus seruabatur, tamen illo mutato, vt re vera mutatus est, iam non habet locum, vt recte docuit Cord. de *Indulgentiis*, *quæst.* 11. n. 3. quia aperte pugnat cum dicta extrauaganti *antiquorum*, de *pœnit. & remiss.* ex qua aperte constat illam distinctionem non fuisse concionatorum adinventionem, sed stylum Curie Romanæ ex arbitrio Pontificis dimanantem.

5. Prima conclusio. Quidquid fuerit de stylo antiquo Curie, nunc tamē indulgentia plenaria, plenior, & plenissima idem important, hoc est remissionem totius pœnæ debitæ peccatis omnibus confessis, vel non confessis, ad quæ homo non habet affectum, nisi alias specialis aliqua limitatio addatur à Pontifice. Ita Sorus 4. *diff.* 21. *quæst.* 2. *artic.* 1. Cord. de *Indulgentiis*, *quæst.* 11. & recentiores communiter, & probatur.

6. Primò, quia euntibus in bellum conceditur indulgentia plenaria, largientibus veto in subsidium eiusdem belli duos argenteos conceditur plenissima; at non est verisimile facientibus amplius concedi minus: ergo indulgentia plenissima non est maior quam plenaria.

7. Secundò, quia vt patet ex verbis ipsius concessionis, indulgentia, quæ conceditur in Bulla, est eadem cum illa, quæ anno Iubilæi centenarij concedi consuevit. Nam, vt ait Nauarr. statim citandus, indulgentia, quæ datur ad instar Iubilæi, est plenissima; ea autem quæ datur in Bulla, licet plena dicatur, conceditur ad instar Iubilæi; sed sic est, quod indulgentia illa Iubilæi centenarij est plenissima, vt probat Nauarr. in 6. *Leuitico*, *notab.* 6. & *seqq.* num. 10. Angelus

Pientinus lib. 2. de *Iubilæo*, *cap.* 5. & patet ex extrauaganti *antiquorum*, de *pœnit. & remiss.* Ergo idem est in Bulla indulgentia plenaria, quam plenissima.

8. Tertiò, quia indulgentia plenissima nihil aliud importat, vt ad præsens institutum spectat, quam remissionem omnium peccatorum, quo ad pœnam; sed in Bulla datur remissio omnium peccatorum. Ergo talis indulgentia est plenissima, licet plenaria appelletur, & consequenter valet tantum, quantum Iubilæus. Quia iste non differt ab indulgentia plenaria quantum ad remissionem pœnæ, sed quia in illo datur facultas absoluedi à reſeruatīs, vel aliquid simile conceditur. Videre Nauarr. in 6. *Leuitico*, *notabil.* 30. Cord. de *Indulgentiis*, *quæst.* 4. & 11. Rodr. in *Bulla*, §. 8. num. 7. D. Antonin. 1. *part. tit.* 10. *cap.* 30. in *principio*, Palud. in 4. *dist.* 20. *quæst.* 4. Adrian. in 4. *quæst.* de *Indulgentiis*, §. *pro intellectu*, Angelum Pientinum lib. 2. de *Iubilæo*, *cap.* 5. qui omnes late agunt de indulgentia plena, pleniori, & plenissima. Ex quorum omnium doctrina colligitur indulgentiam plenariam, quo ad præsens institutum spectat, nihil aliud esse, quam relaxationem & remissionem pœnæ temporalis in Purgatorio soluendæ, factam per Ecclesiæ Prælatum ex communi Ecclesiæ thesauro, atque adeo indulgentiam plenariam esse remissionem totius pœnæ debitæ peccatis. Vide Sotum 4. *diff.* 21. *quæst.* 1. *art.* 1.

9. Secunda conclusio. Omisſis variis explicationibus, (de quibus videntur D. Anton. 1. *part. tit.* 1. *cap.* 3. §. 3. Sylu. *verb. Indulg.* *quæst.* 4. Michaël Med. *disputat.* 9. de *Indulgentiis*, fol. 125. Rodr. §. 8. num. 7.) dicendum est, nihil aliud esse concedere tot dies, annos, seu quadragenas indulgentiæ, quam concedere remissionem tantæ pœnæ Purgatorii, quanta remitteretur illi per pœnas illas

tot

tot dierum, vel quadragenarum, quæ iniungendæ essent unicuique pro suis peccatis in antiquos canones pœnitentiales, qui iam non sunt in usu, sed omnes pœnitentiæ sunt arbitrarie. Itaque cum conceduntur viginti anni, & totidem quadragenæ indulgentiæ, non est sensus, quod totidem anni, & dies remittantur de pœna soluenda in Purgatorio, sed intelligitur de pœnitentiis hoc sæculo iniunctis, aut iniungendis. Ita D. Antonin. 2. p. tit. 1. cap. 3. & §. 3. Sylv. verb. *Indulgentia*, quest. 4. Soto 4. dist. 21. quest. 2. art. 1. conclusionem 3. & p. 3. & patet ex verbis Bullæ, quæ sic se habet, *de las penitencias a ellos impuestas en qualquiera manera devidas*. Vbi notare oportet, quod istæ annorum relaxationes, & remissiones sunt secundum formam iuris antiqui præcipientis, ut pro quocunque peccato mortali, si esset graue, ponerentur septem anni pœnitentiæ, & pro grauissimo decem, & plures, ut probatur 33. quest. 2. cap. hoc ipsum. Vnde remissio septem annorum, vel decem, est remissio pœnæ, quæ in Purgatorio correspondet pœnitentiæ huius vitæ, & per indulgentiam tantum pœnarum remittit in Purgatorio, quantum remitteret, si in hac vita quis pœnitentiam egisset totidem diebus, vel annis, quot secundum Deum, vel Ecclesiam erant debiti ad faciendam pœnitentiam pro peccato, vel peccatis commissis.

10. Huiusmodi autem indulgentia annorum, vel dierum solet concedi dupliciter in concessionibus. Primo, ut sit de pœnitentiis à confessore iniunctis, & per hanc indulgentiam solum remittitur in Purgatorio tantum pœnarum, quantum remitteret, si in hac vita sufficienter impleuisset illam pœnitentiam, ut si quis debeat 40. dies ieiunij, vel aliud simile, secundum taxationem diuinæ iustitiæ in pœnam suo-

rum peccatorum, & imponuntur illi in pœnitentiam 10. dies ieiunij, tunc solum valet indulgentia pro istis decem diebus modo prædicto concessa. Hinc si non adimpleuerit hanc pœnitentiam, eo quod non est dispositus, vel alia de causa, tunc remittentur illi prædicti dies per supradictam indulgentiam. Vnde admonet Palud. ut qui suscepturus est indulgentias, prius confiteretur, & graues pœnitentias acceptaret, ut ad omnes illas indulgentias se extenderet, & iste modus concedendi erat olim in usu; nam tunc imponebantur pœnitentiæ grauissimæ ad mensuram delictorum, & ita tunc consonum erat, ut indulgentiæ non nisi de iniunctis pœnitentiis concederentur; at verò nunc, quia leuissimæ imponuntur pœnitentiæ, ideo indulgentiæ conceduntur, tam de iniunctis, quam de iniungendis.

11. Secundo modo concedi solent indulgentiæ sub hac forma, scilicet pro pœnitentiis, & pœnis iniunctis, vel quomodocunque debitis, & isto modo conceduntur communiter in Bulla, quæ sane concessio est multo amplior, & utilior, quam si solum concederetur primo modo, de quo videndus est Cord. de *Indulgentiis* quest. 29. Atque hinc colligunt Doctores has indulgentias liberare pœnitescentes à debito Ecclesiæ, quo tenebantur adimplere pœnitentiam impositam à confessore, quia indulgentia quantum ad satisfactionem habet eundem effectum, quem haberet pœnitentia iniuncta per sacerdotem; sed sic est, quod implendo talem pœnitentiam liberatur homo pœnitens à debito illo. Ergo & lucrando indulgentiam. Ita Adrianus de *Indulgentiis*, quest. 7. Angelus verbo *indulgentia*, §. 1. Soto ubi supra, art. 1. & Cord. de *Indulgentiis*, quest. 8. & Doctores communiter, qui id colligunt ex cap. cum, eo

de panis. & remis. & secundum istum sensum communiter dicitur, quod indulgentiæ non solum remittunt poenas in foro Dei, sed etiam in foro Ecclesiæ, & hac ratione tempore Iubilæi solent maiores poenitentia imponi ad satisfactionem.

12. Sed obijciens, sequitur ex dictis quod nullus teneatur implere poenitentiam impositam à Confessario, nam quantumcunque sit magna, sufficienter satisfacit lucrando indulgentiam aliquam plenariam.

Ad hoc facile responderent qui censent poenitentem non teneri acceptare poenitentiam sibi à confessore impositam. Hi sunt Scoti in 4. dist. 15. q. 1. §. de 2. principali. & dist. 18. q. 1. art. 1. Gabr. ead. dist. 18. art. 3. dub. 5. Host. & Panor. in c. significavit, de panit. & remis. Sylv. verb. confessio. q. 25. Armil. eod. verb. §. 1. Nauar. sum. cap. 26. n. 20. & 21. Med. ar. 2. q. 42. Rodr. in Bulla, §. 1. n. 1. & Caiet. tom. 1. opus. ar. 6. q. 2. ad 2. ubi insuper addit poenitentem, etiam post poenitentiam acceptatam, non teneri implere illam; opinionem autem Scoti eruditè defendit Fauter in 4. dist. 19. quæst. unic. dist. 35. n. 197. & seqq.

13. At huiusmodi opinio esto speculatiue sit probabilis, in praxi tamē nec æstimatur talis, nec regulariter est tenenda; quia (teste eodem Nau. ubi supra) vix poterit inueniri vllus vere poenitens, qui bona fide confiteatur, & sit adeo laxus, vt nolit saltem tantillum poenitentia acceptare; ac proinde si eiusmodi aliquis ad confessionem accederet, esset merito reiciendus, non ex eo præcise, quod recusavit poenitentia, sed quia non videtur sufficienti dispositione accedere. Hinc contrariam opinionem tenent Mag. sent. in 4. dist. 16. & 18. Alenf. 4. p. q. 24. membr. 4. ar. 5. D. Th. ead. dist. 18. q. 1. art. 3. q. 3. Rich. ibi art. 2. q. 51. Dur. q. 2. & Maior. q. 5, atque ex re-

centioribus plurimi. Viñt. sum. m. 240. Sotus dist. 20. q. 2. art. 2. Canus relect. de panit. p. 5. fine, & alij quos refert, & sequitur Suar. tom. 4. disp. 38. sect. 7. n. 2. Et videtur deduci ex Trid. sess. 14. cap. 8. & can. 15. ubi definit datā fuisse Sacerdotibus potestatem, nō solum absolueri, sed etiam ligandi per poenitentia impositionem; atque idem habetur ex Concil. Lateran. sub Leone X. sess. 9. & cap. statutum, de maledictis. Quare omnia prædicta solutione.

14. Alij respondent, quod licet poenitens deobligetur per indulgentiam à præcepto implendi poenitentiam, quantum ad rationem satisfactionis; quia sufficienter suppletur hæc per ipsam indulgentiam, non vero in quantum habet rationem medicinæ sanariæ, & præseruativæ; nam cum confessarius non tantum sit iudex, sed medicus, imponit poenitentiam ad vtrumque. Sed neque hæc solutio placet, quia si illa vera esset, nunquam esset locus commutationi poenitentia in indulgentiam, nec in re liberari posset quis ab onere poenitentia ratione indulgentia, quia semper poenitentia habet vtramque illam rationem satisfactionis, & medicinæ, huius tamen contrarium habetur in prædicto cap. cum eo de panit. & remis. ubi dicitur per indulgentias indiscretas enervari poenitentialem satisfactionem. Ergo supponitur verè liberari per indulgentias discretas ab obligatione satisfaciendi, & implendi poenitentias, ita vt licite possit illam omittere poenitens.

15. Ad argumentū igitur in forma, concedimus sequelam, modo nuper explicato; imo existimamus non solum quemlibet confessarium posse commutare poenitentiam ab illo impositam, in aliquam indulgentiam maiorem, vel æqualem, sed ipsum poenitentem id posse aliquando suo iudicio facere, si sit vir doctus, vel etiam ex al-

rius.

rius docti consilio, insinuat Caietan. supra.

Et si obiciat. Satisfactio est pars sacramenti, atque ideo si illa deficiat, manebit sacramentum truncum.

Respondetur non esse partem essentialem, nec ita necessariam, ut ex privilegio indulgentiæ non possit omitti, indulgentia ipsa supplente effectum eius.

16. Ad rationem vero dubitandi in principio positam respondeo, convincere Pontifices antiquitus constituisse aliquod discrimen inter illa tria, non tamen constare quodnam fuerit hoc discrimen, ut tradit Cord. ubi supra ex supplemento, in 4. dist. 45. q. 3. artic. 1. notab. 3. & 4. nam pro diversitate temporum diversimode illa accipiebant, prout Pontificibus placebat: vel responderetur cum Bellarm. in controu. tom. 3. lib. 1. de indulg. cap. 9. paulo post principium, posse quidem fieri, ut Bonifac. VIII. qui in extrauag. Antiquorum, primus usus est illis vocibus, indulgentiam plenariam retulerit ad remissionem totius poenitentiae iniunctae: plenioram ad remissionem totius poenitentiae, quæ secundum canones iniungi debuisset, plenissimam vero ad remissionem totius poenitentiae, quæ à diuino iudicio exigi posset.

17. Ad id vero quod de quadragenis dicitur, respondeo cum Rodr. in Bulla, §. 8. num. 7. fuisse olim consuetudinem concedendi, præter indulgentiam plenariam, tot annos, vel quadragenas indulgentiæ, quia iuxta veterem usum indulgentia plenaria solum erat de poenis mortalium, & ideo pro poenis venialium dabantur insuper aliquot anni, vel indulgentia quadragenæ, modo vero iam non viget talis usus.

*Utrum cum in Bulla datur facultas ad lucrandum omnes indulgentias urbis Romanae, & an in ea comprehendantur indulgentiae plenae.*

1. Videtur quod sic. Primò, quia iuxta Innocentium, I. annem Andream, & Gloss. in Clementina unica, de reliq. & vener. sanctorum, verb. Concessio, non decet, neque conuenit indulgentias auarè interpretari; quibus concordat Syll. verb. indulgentia, quest. 6. dist. 3. & quest. 8. disto 4. & Ang. in principio, sed in Bulla datur facultas ad lucrandas omnes indulgentias Stationum Romæ, & qui totum dicit, nihil excludit: ergo in tali facultate comprehenduntur indulgentiæ plenariæ.

2. Secundò, & efficacius, quia in Summatio Bullæ Cruciatæ ponuntur prædictæ indulgentiæ plenariæ, & in titulo ipsius Summatij dicitur illas omnes lucrari posse, qui accipiunt Bullam, & Prædicatores Bullæ sic prædicant vniuerso populo: ergo in prædicta facultate Bullæ comprehenduntur indulgentiæ plenariæ, aliàs falso, & illusorie ponerentur ibi, & esset decipere fideles, quorum multi præcipue accipiunt Bullam, ut possint gaudere prædictis indulgentiis plenariis.

3. Verum, his non obstantibus, respondeo verius nobis videri in prædicta facultate Bullæ ad lucrandas indulgentias urbis Romanæ non comprehendendi indulgentias plenarias, nisi id exprimat Pontifex, vel id aliunde constet de eius mente. Ita docent Cord. 5. de Indulgentiis, quest. 41. Colleder compendij ptuilegiarum Regularium, verbo indulgentia, fol. 65. Henric. lib. 7. de indulg. cap. 10. num. 2. Neuat. §. in l'initico, notab. 9. num. 15. ubi etiam dicit se id legisse

legisse Salmanticæ: idem docet Alphonsus Rodriguez Societ. I. s. v. *in trakt. de Indulgentiis. dub. ult. concl. 4. & probatur.*

4. Primò, quia stylus consuetus Curie Romanæ, & regula Cancellariæ habet, quod nisi in concessione expriman- tur indulgentiæ plenariæ, solum intel- ligitur comprehendi non plenarias, vt docent peritissimi Curiales, teste Col- lectore ex Navar. *vbi supra*, qui per plu- res annos adfuit Curie Romanæ: ergo cum clausulæ Bullæ sint interpretandæ iuxta limitationem consuetam, & sty- lum Romæ, manifeste consequitur in prædicta facultate non comprehendi indulgentias plenarias.

Secundò, quia in Bulla Cruciatæ conceditur expresse indulgentia plena- ria, solum pro semel in vita, & semel in articulo mortis; hæc autem expres- sio, & limitatio frustra fieret, si verum esset, quod Pontifex concederet in Bul- la tot indulgentias plenarias, quot lu- crantur Romani visitantes omnes Ec- clesias Romæ: ergo manifestum est in tali facultate non comprehendi indul- gentias plenarias, sed non plenarias duntaxat.

5. Tertio, quia non aliæ indulgen- tiæ cōceduntur in Bulla Hispana, quàm quæ depromuntur ex eius originali; in eius autem originali (vt testantur præ- fati Doctores, & patet ex ipso originali initio huius libri affixo) non conce- duntur prædictæ indulgentiæ plenariæ. Ergo solum istæ comprehenduntur in prædicta facultate Bullæ. Et quidem mirabile esset, quod tam difficulter pos- sit obtineri Romæ vna indulgentia ple- naria pro aliqua Ecclesia, vel Capella, vt sæpe opus sit ad illam obrinendam ingentem pecuniam erogare, non in pretium, sed in eleemosynam, & tamen in Bulla eroganti duos argenteos con- cedatur tanta multitudo indulgentia- rum plenarum.

6. Quarto, quia si in prædicta fa- cultate Bullæ includerentur indulgen- tiæ plenariæ, etiam intelligerentur in- dulgentiæ liberationis animarum, quia illæ etiam sunt plenariæ pro animabus, quod tamen aperte est falsum, nisi spec- ificetur in ipsis Bullis, vt idem Curia- les dicunt, & attestatur stylus Curie Romanæ.

Ex his colligo non satis cautè Rodr. dixisse in Bulla, §. 8. *num. 5.* per Bullam posse quolibet die quadragesimæ, & aliis diebus stationum, Romæ obtineri ab habente Bull. indulgentiam plenariam, & alias innumeras indulgentias, tam proprias, quàm aduentitias ipsis statio- nibus.

7. Ad primum respondeo, nec lice- re indulgentias avarè interpretari, nec ita ample illas explicare, vt explicatio sit contra stylum Curie Romanæ; esset autem, vt testantur peritissimi Curiales, si suprædicta facultas explicaretur de indulgentiis plenariis. Vnde in Bulla solum conceduntur indulgentiæ sta- tionum. Et quidem iuxta D. Thom. *in 4. dist. 10. & Tutrectem. cap. in mensura. de penit. dist. 1.* stationes institutæ à Diuo Gregorio, qui concessit, vt quis singu- lis stationum diebus septem remissio- nis annos lucretur, atque idem refert Rodr. in Bulla, *ead. §. 8. n. 2.*

8. Ad secundum respondet Colle- ctor *vbi supra*, §. 19. *num. 8.* quod cum prædicta Summaria non contineantur in originali Bullæ, non multum est curandum de illis; dum sic exponuntur à quæstoribus Bullæ ex inaduerrentia, ignorantia, seu lucri causa. Vnde (in- quit) quod suo tempore ponebantur in prædicto Summario multæ indulgen- tiæ, quæ Romæ non habentur, vt in festo expectationis Beatæ Mariæ; & aliis relatis à Cord. *vbi supra*. Verum hæc solutio valde libera est, vnde.

9. Modestius dicitur, nec falso, nec incon

inconsiderate poni in Summario Bullæ prædictas indulgentias plenarias; quia cum res sit dubia, quibusdam affirmantibus in clausula illa Bullæ includi indulgentias plenarias, vt affirmavit, Rodriguez §. 8. num. 6. & Villalob. claus. 8. num. 3. quibusdam vero negantibus id, vt Alphonsus de Leone tract. de Jubil. part. 1. quæst. 6. num. 2. 19. & Suarez tom. 4. in 3. part. disput. 5. 2. sect. 8. num. 12. cum Doctoribus à nobis citatis; non imprudenter, nec falsè dicitur in titulo vulgaris Summarij Bullæ accipientem illam posse eas omnes indulgentias plenarias lucrari; quia ita probabiliter intelligunt quæstores Bullæ. In iis autem omnibus caute loquendum consulo, pro, & contra, attento tenore Bullæ originalis, vt videretur falsitas simul, & scandalum pusillorum, & forte etiam Pharisaorum: quia non expedit ubique, aut semper veritatem quomodolibet, & à quocunque declarari, & prædicari, dum necessitas morum, & fidei id non requirit, aut dum malum aliquod sine maiori fructu probabiliter timetur ex tali veritatis non necessitate ad salutem prædicatione, iuxta illud Amos; prudens illo tempore tacebit, quia dies mali sunt. Atque ita sentit Cord. lib. 5. de indulg. q. 41. sine.

### DUBIUM III.

*Utrum omnes persone, quæ assignantur in Bulla, æqualiter assequantur indulgentiam plenariam.*

1. **S**Ypponendum est pro intelligentia huius dubij, tribus personarum generibus concedi in Bullis Cruciatæ indulgentiam plenariam. Primò, illis, qui zelo fidei succensiti ad bellum personaliter propriis sumptibus profecti fuerint; & hoc siue pugnaverint, siue aliud servitiū gratis exhibuerint, dum-

modo perseveret per annum integrum, quam etiam consequuntur, si ante belli expeditionem fuerint mortui in itinere, vel in exercitu, vel ex infirmitate, vel alia legitima causa non potuerint in illo perseverare.

2. Secundò, conceditur illis, qui alios suis expensis ad tale bellum miserint secundum statum, & qualitatem personarum: vt si fuerint Primates, Patriarchæ, &c. ad minus decem mittere debeant, aut saltem quatuor, si plures mittere non possint.

Tertiò, conceditur prædicta indulgentia clericis sæcularibus, qui accepta facultate à suis Prælatibus verbum Dei prædicauerint in exercitu, aut alia ministeria ecclesiastica exercuerint; & hæc eadem indulgentia, non solum plenaria, sed plenissima conceditur omnibus, qui duos argenteos erogauerint pro Bulla in subsidium belli contra infideles.

3. Hoc supposito, ratio dubitandi in præsentem potest esse, quia vt docet communis opinio Theologorum, quam sequuntur Adrianus tit. de indulgentiis, c. 8. Sor. in 4. dist. 21. q. 1. art. 2. Cord. de indulgentiis, q. 19. & alij communiter, causa pia requisita ex parte recipientis indulgentias debet esse proportionata quantitati indulgentiæ, alioquin non valebit. Quare sicut ad valorem indulgentiæ requiritur causa pia, ita ad maiorem indulgentiam maior causa, iuxta illud commune Philosophorum proloquium, sicut se habet simpliciter ad simpliciter, ita magis ad magis, & maximum ad maximum; sed prædictæ omnes persone supra enumeratæ non æquale præstant obsequium, nam mains quid operatur, qui suis sumptibus personaliter tendit in bellum, quam qui solum duos cõfere argenteos: et go æquum est vt plus illi indulgentiæ recipiant, quam isti. Vnde Cord. de indulgentiis, quæst. 19. quem alij plures sequuntur, ait, quod quamvis

causa expressa in Bullis sit sufficiens in communi, non tamen est sufficiens ad omnes personas particulares: nam conferre duos argenteos pro expeditione belli respectu aliquorum, erit causa sufficiens ad totam indulgentiam consequendam; non autem respectu aliorum erit causa sufficiens; nam minus valde est diuitem dare duos argenteos; quam pauperem duos obolos: atque ideo non omnes æqualem indulgentiam obtinebunt.

4. Verum, his non obstantibus, respondeo causam expressam in Bullis ex parte recipientis; scilicet contributionem duorum argenteorum in subsidium belli, non solum esse causam sufficientem in communi, sed etiam in particulari, ita ut omnes personæ, quæ illos contulerint, & receperint Bullam, siue pauperes siue diuites consequantur, quantum est ex hac parte totam indulgentiam in Bulla concessam. Ita D. Thom. in additionibus, *quest. 25. art. 2. ad 4. Sor. 4. dist. 21. quest. 1. art. 2. Sylu. verb. Indulgentia, quest. 8. §. 12.* & alij statim citandi.

5. Et probatur Primò, quia quando Pontifex præscribit omnibus certum tempus ex gravi causa, ut si imponat peregrinationem ad limina D. Petri, quicumque tale opus fecerit, nisi aliunde apponat impedimentum, consequetur totam indulgentiam, quamuis alias, respectu vnus, erit facilis peregrinatio, quia est Romæ propinquissimus; respectu vero alterius valde difficilis, quia longissime distat à Roma. Ergo ad consequendam totam indulgentiam, non opus est æquali causa ex parte lucrantis illam. Consequentia est euidens, & antecedens docent expresse D. Thom. *ubi supra*, Durand. *dist. 20 in 4. quest. 4. Carthusianus quest. 3. columna 5. Palud. quest. 4. Maior quest. 2. c. i. m. 4. Palacios quest. 5. Arnil. verb.*

*Indulgentia, quest. 20. Cord. de Indulgentiis, quest. 20. Ierlon de Indulgentiis, p. 1. consideratione 9. Ledcl. 2. p. quest. 27. art. 2. dnb. 2. Caiet. rom. 1. opuscul. 1. cap. 15. & opuscul. 9. Ledcl. quest. 1. Rodr. §. 1. num. 10. usque ad 14. 10. Andr. casu quid autem de penit. & remis.*

6. Secundò probatur, quia ex parte conferentis ipsam indulgentiam causa expressa in Bulla est grauissima; scilicet bonû totius Reipublicæ Christianæ, defensio Ecclesiæ ab infidelibus: ob hanc autem grauissimam necessitatem, causa etiam parua ex parte suscipientis sit maxima, ut recte notatur Caiet. *opusculo de indulgentiarum causa, quest. 2. Ierlon opusculo de Indulgentiis, p. 1. consideratione 12.* Huic etiam causæ accedunt aliæ maximi momenti, scilicet quia ex tali concessione fideles inuitantur ad seruandum statum gratiæ, ad suscipienda Sacramenta, ad profrendas Christi, & sanctorum satisfactiones, autoritatem Pontificis, & Purgatorium, quod sane est magni momenti, præsertim modo, cum hæreticorum in Gallia, quam in Anglia & Germania, aduersus hæc omnia pertinaciter oblatrent.

7. Tertiò, quia alias si non omnes conferentes illos duos argenteos consequentur integram illam indulgentiam plenariam, de qua in Bulla, id falso prædicaretur in Ecclesia, omnesque fideles deciperentur à Pontifice dum illos inuitat per indulgentiam plenariam ad sumendam Bullam, quam tamen postea consequi non possunt. Ergo dicendum est omnes personas in Bulla enumeratas consequi integram indulgentiam plenariam.

8. Ad rationem dnb. respondeo, quod licet personæ illæ non æquale opus faciant, integram tamen consequuntur indulgentiam, quia ut recte Sotus *ubi supra*: dantur indulgentiæ in communi,

communi, & per modum legis, vt v. g. visitantibus talem locum, vel conferentibus talem eleemosynam; & quia lex dicitur esse æqualis, ideo nulla habetur ratio maioris, vel minoris laboris, aut necessitatis. Vnde si singulæ illæ personæ in Bulla enumeratæ impleant, quod sibi præfigitur, æqualiter indulgentiam plenariam consequuntur, quamvis in omnibus non sit æqualitas meriti, quod solum probat ratio ibi adducta. Verum tamen est, quod si indulgentiæ conferantur, non in communi, sed priuatiui huic, & illi, ratio ipsa postulare, vt haberetur respectus laboris, & pretij secundum personarum conditionem. Vt v. g. quando Pontifex concedit indulgentiam pro causa, in qua est laritudo, vt si eam concedat oranti, vel porrigenti manus adiutrices, opus est ad totam illam lucrandam exercere illud opus iuxta facultatem, & proportionem suam, ita vt dicitur de plus quam pauper, & Religiosus oret plus quam secularis, &c. Ita D. Thom. in additionibus, quæst. 23. art. 2. ad 3. & 4. dist. 20. art. 3. quæstionum ultimarum. D. Anron. 1. p. tom. 10. cap. 3. §. 3. Sylu. verb. Indulgentia, quæst. 8. Gabr. in can. l. 57. Nau. §. in Lenerico, notabili 15. num. 8. lerson 2. p. de Indulgentiis, Alphabeto 15. & 32. & 33. Cord. de Indulgentiis, quæst. 20.

#### DUBIVM IV.

*Verum ad lucrandam prædictam indulgentiam Bullæ opus sit exercere in gratta opera ad id iuncta.*

1. **P**artem affirmatiuam sequuntur Nauar. in repetitione de Indulgentiis. Caiet. in tr. 10. de Indulgentiis; atque etiam Bellarm. tom. 3. controu. lib. 1.

de Indulg. cap. 13. vers. ex his sententiis, ait, esse rutiorem. Sed probatur primò, quia si opera illa, quæ præscribuntur à Bulla, vel lubilæo ad lucrandam indulgentiam, fiant in peccato mortali, nullum haberent valorem ad vitam æternam consequendam. Ergo nec ad lucrandam indulgentiam. Pater consequentia, quia lucratio indulgentiæ est medium ad citius consequendam vitam æternam; quatenus non tanto tempore detinebitur anima in Purgatorio, quanto sine illa detineretur.

2. Secundò, quia opera existentis in peccato mortali sunt opera inimici. Ergo intuitu illorū nulla remissio pœnæ illi impenditur. Patet consequentia, tum quia indulgentia conceditur in præmium operum, quæ ad illam lucrandam fiunt, opera autem inimici non sunt digna tali præmio: tum quia indulgentia illa Bullæ conceditur secundum antiquam, & consuetam formam indulgentiarum, vt ex tenore illius constat; sed in forma antiqua dicebatur concedi talem indulgentiam omnibus vere pœnitētib. Ergo &c. Tum quia causa indulgentiæ debet esse pia, vt omnes Doctores fatentur. Ergo & opera ad illam lucrandam debent esse pia, cum sint causa proxima ipsius indulgentiæ.

3. Tertiò, quia opera facta sine gratia, sunt mortua, cum deficiat eis vita charitatis. Ergo ex thesauro vitæ, seu vitali Christi Domini nihil prorsus dispensatur pro illis. Patet consequentia, quia ex thesauro ciuili, nihil dispensatur nisi pro causa ciuili. Ergo ex thesauro vitæ operum vitalium Christi Domini, & sanctorum, nihil communicatur operibus non viuus.

4. Quartò, quia vt constat ex extravaganti vniuersis, & ex communi DD. sententia, de quo supra, ad valorem indulgentiæ requiritur, quod opus pro quo



quo conceditur indulgentia, seu quod idem est, causa ex parte lucrantis sit proportionata ipsi indulgentiæ, & concessioni. Ergo cum opera imposita in Bulla, vel lubilæo habeant modicum valorem, sequitur vt minimum, quod illa adimplens in mortali, vltimum tamen in gratia, non lucretur totam indulgentiam, sed partem, proportionatam exiguo valori illorum operum.

5. Verum his non obstantibus respondendo, quod licet ad lucranda indulgentiam, seu percipiendum fructum illius, opus sit tunc esse in gratia; quia satisfactio operum Christi, & Sanctorum, quæ est in indulgentiis, non applicatur nisi membro viuo, & Christo vnito: id tamen non est necessarium ad exequenda opera prærequisita ad lucranda indulgentiam, vel lubilæum. Ita communiter DD. cum D. Antonino 1. p. tit. 10. cap. 3. §. 5. circa finem. Palud. in 4. dist. 20. quæst. 4. art. 3. concl. 1. Sylu. verb. indulgentia, quæst. 10. dicto 9. Cord. de indulgentiis, quæst. 24. Suar. tom. 4. in 3. p. disp. 32. sect. 5. num. 8. & multi alij ab eo citati, qui etiam id colligit ex extrauaganti, antiquorum de poenit. & remis. & probatur.

6. Primò, quia Pontifices solent communiter in Bulla, & lubilæis exigere eleemosynas, orationes, & alia similia, & postea quod confitentur, & communicent. Ergo cum recte nouerint sacri Pontifices, quod vt plurimum multi laici cum sola attritione accedunt ad confessionem post commissum mortale, aperie censent non opus esse opera illa præcedentia confessionem, & examen conscientie fieri in gratia; idque ita esse practica quotidiana satis ostendit, alias pauci sæculares lucrarentur indulgentias, & lubilæa.

7. Secundò, quia Pontifex potest illo modo operanti concedere indulgentiam, dummodo tempore recipiendi

fructum illius sit in gratia, sed secundum tenorem indulgentiæ Bullarum, & lubilæorum colligitur ita voluisse. Ergo sufficit illud. Minor probatur, tum quia nihil est in Bullis, & lubilæis quod discorde huius indulgentiæ; tum quia eorum verba proprie sumpta illam patiuntur. Ergo cum verba Principis, sicut & statuta fauorabilis iudicis late sint interpretanda, cum non cedunt in præiudicium tertij, dicendum est non requiri prædicta opera fieri in gratia.

8. Tertiò, quia præcepta Ecclesiæ non obligant, vt hant in gratia, vt ieiunare, recitare horas canonicas, & similia. Ergo non est præsumendum Pontificem, nisi alias id expresse exprimat, velle amplius premere fideles circa opera ad indulgentiam consequendam, quam Ecclesia ad exequenda præcepta, & quidem si id voluissent, expressissent, vt aliquando fecerunt alij Pontifices.

9. Quartò, quia si quis existens in mortali facit quod iniungitur in Bulla, vel lubilæo pro liberanda anima in Purgatorio, vt puta dare in eleemosynam, certam pecuniæ quantitate, lucrabitur illi indulgentiam. Ergo similiter poterit, & sibi, quia eadem est prorsus ratio vtriusque, dummodo ipse sit in gratia tempore perceptionis fructus indulgentiæ.

10. Quintò, quia alias qui sumpsisset Bullam in peccato mortali, nullam deinde indulgentiam lucrari posset, licet recuperaret gratiam. Quia per opera prærequisita ad lucranda indulgentiam debent fieri in gratia, sed alterum opus ipsum ex requisitis ad lucranda indulgentias Bullæ est exhibitio eleemosynæ duorum argenteorum: ergo si hoc fiet in mortali, nunquam habens Bullam poterit deinde indulgentiam aliquam illius lucrari, quod licet concedat Caiet. ubi supra, absque ratione

ratione tamen, quia omnes sine controuersia fatentur, quod si Pontifex uiua voce concedat alicui existentem in peccato mortali indulgentiam aliquam, si accedat ad Hierosolimam, profecto si hic tempore percipiendi fructum indulgentiæ sit in gratia, lucrabitur illam: sed idem est dare indulgentiam uiua voce, ac per diploma. Ergo licet quis in peccato mortali accipiat Bullam, si tamen sit in gratia tempore percipiendæ indulgentiæ, vere lucrabitur illam.

11. Vltimò, quia indulgentia conceditur in præmium operis, non quatenus est meritum augmenti gratiæ, & gloriæ, nec quatenus est satisfactorium pro peccato, sed in quantum conducit ad finem concessionis indulgentiæ. Ergo non opus est fecisse illa in gratia ad percipiendum fructum illius. Minor, in qua est difficultas, probatur; tum in opere, quod non deseruit per modum impetrationis, ut elargitio eleemosynæ in subsidium belli, hæc enim conducit ad dictum finem, quatenus est res habens valorem apud homines in ordine ad illum; tum in opere, quod, deseruit per modum impetrationis, ut ieiunium, oratio, & visitatio Ecclesiarum pro victoria contra infideles, hæc enim opera, licet fiant in mortali, sunt impetratoria apud Deum ex diuina misericordia, & sic conducunt ad prædictum finem.

12. Erri obiicias. Ergo si quis uisitet vltimam Ecclesiam ex quinque, quæ iubentur, & ibi oret in mortali, etiam lucrabitur indulgentiam, cum tale opus ut impetratorium etiam conducatur ad finem indulgentiæ.

13. Negatur consequentia, quia deficiente gratia subiectum est incapax recipiendi communicationem satisfactionis Christi, & sanctorum ob ra-

tionem dictam in principio nostræ conclusionis. Vnde colligo, quod si in Bulla, vel alio priuilegio concedatur indulgentia aliqua pro opere ita faciendo, ut simul sit facere opus, & percipere fructum indulgentiæ, necesse erit esse in gratia, cum tale opus sit saltem in fine illius, quod notanter addo. Quia si quis inciperet facere vltimum opus in mortali, pro quo conceditur indulgentia, si antequam perficiat opus conuertatur ad Deum, ita ut acquirat gratiam, lucrabitur talem indulgentiam, quia sufficit esse in gratia in instanti, quo percipitur fructus illius.

14. Ad primum respondeo, quod licet non habeant illa opera valorem meritum de condigno, habent tamen valorem de congruo, quatenus sunt impetratoria in ordine ad id, quod præstabitur in Bulla, & hoc sufficit, ut supra ostensum est.

15. Ad secundum respondeo, primam probationem esse nullam, quia opus quod præcipitur fieri, non est causa indulgentiæ, sed conditio sine qua non vult Pontifex indulgentiam concedere; causa enim est bonum ipsius Ecclesiæ, & extirpatio hostium fidei, ut ipse Pontifex testatur in Bulla; quare prædicta opera non sunt causa meritoria ipsius remissionis peccati, sed conditio sine qua non remitteretur illa peccata per prædictam concessionem.

16. Secunda etiam probatio nihil colligit, quia in Bullis, quæ modo expediuntur, non seruatur illa forma, & licet seruaretur, nihil obstar, quia non esset necessario standum illi ordini verborum, ita ut quod prius dicitur, prius etiam debeat executioni mandari; alias cum in Inbi-

leis iubetur ieiunare, & eleemosynam dari, non posset anteuerti, quod est aperte falsum.

17. Ad tertium respondeo, solum probare, quod ad percipiendum fructum indulgentiæ debet suscipiens esse in charitate, non tamen quod opera præcedentia debent fieri in gratia; nam licet ad passiuam communicationem indulgentiæ prærequiratur gratia, ut conuincit illud argumentum, non tamen ad actiuam; quoniam ad actiue concedendum, & communicandum illam, sufficit auctoritas Pontificis præsupposita causa, & quod opus expresse in ea sit pium ex genere suo, ut recte docuit Cord. *ubi supra* ad 3.

18. Ad vltimum respondeo, quod si omnia ista opera assignentur pro causa proportionata ad totam indulgentiam, ita ut vltimum non sit causa proportionata pro tota indulgentia, sed pro aliqua parte illius, non lucrabitur cetera integram indulgentiam, qui fecit reliqua opera in mortali, sed secundum proportionem duntaxat, ut recte conuincit argumentum; id tamen nihil nostræ doctrinæ obstat.

#### DVBIVM V.

*Virum requiratur ad lucrandam prædictam indulgentiam Bullæ, & idem est de Iubileo, ut actus, quibus lucranda est, sint boni moraliter.*

1. **P**Artem affirmatiuam tuerentur Adrian. in materia de Indulgentiis, & de confessione dub. 4. & Caiet. *ubi supra*, quæst. 21. quos refert Cord. de Indulgentiis, quæst. 15. Rodriq. in Bulla, §. 2. num. 3. 4. & 5. & §. 8. nu-

mero 9. idem docet Nauar. cap. 6. de consecratione, §. 14. & de Indulgentiis, notabil. 19. num. 6. & notabil. 32. versic. deuote, num. 5. Et Iosephus Angles in 4. de Indulgentiis, quæst. 3. qui minus probabiliter loquitur, quam Nauar. quia iste solum de vltimo opere loquitur, ille vero de omnibus, quæ antecedunt consequutionem indulgentiæ, & probant primò ex verbis Iubilæi centenarij concessi à Gregorio XIII. anno 1575. vbi dicitur deuote esse visitandas Ecclesias, quod etiam habetur in extrauaganti vnigenitus, & extrauaganti, quemadmodum, de penit. & remis. vbi dicitur reuerenter, & deuote, &c. & in Bullis dicitur communiter, qui zelo Dei moti ad exercitum. Ergo prærequirit opera esse bona moraliter.

2. Secundò, quia facultas indulgentiæ est quoddam stipendium spirituale ex thesauro satisfactionis Christi Domini, & sanctorum de promptu. Ergo præsupponit ex parte lucrantis actus pios, & meritorios, saltem de congruo talis stipendij. Patet consequentia, quia indulgentia requirit causam piam, causa autem ex parte lucrantis sunt actus illius. Ergo debent esse pii, & consequenter boni moraliter, cum pietas actus nihil aliud sit, quam sua bonitas moralis, alias si tales actus sunt mali, potius erunt demeritorij, & indigni spirituali indulgentiarum stipendio.

3. Tertiò, quia opera quæ requiruntur ad lucrandam indulgentiam, debent esse talia, qualia exigit Pontifex; sed Pontifex non petit opera mala moraliter, sed bona, ut orationes, ieiunia, & similia, quæ ex propria ratione dicuntur aliquod bonum in genere moris. Ergo actus ad lucrandam indulgentiam, debent esse boni moraliter.

4. Quartò,

4. Quartò, quia opera quæ præquiruntur ex parte lucrantis, vel sunt causalis indulgentiæ, vel saltem conditio, sine qua non concedit Pontifex talem indulgentiam; sed actus qui non sunt boni, sed mali moraliter, non possunt habere habitudinem causæ respectu indulgentiæ, quia repugnat actum malum causare fructum spiritualem bonum: neque etiam possunt habere rationem conditionis sine qua non, quia absurdum est existimare Deum expectare actum malum moraliter, ut conditionem necessariam ad communicandum fructum indulgentiæ, quæ est remissio peccati peccatis debitæ. Ergo ad lucrandam indulgentiam debent opera prærequisita esse bona moraliter.

5. Verùm his non obstantibus, respondeo dicendum, quod nisi aliud exprimat Pontifex, non opus esse ad lucrandas indulgentias Bullæ, ut opera in illa iniuncta sint simpliciter bona moraliter, etiam vltimum, quod simul tempore est cum perceptione fructus indulgentiæ, sed sufficit esse bona moraliter ex genere, licet in individuo ex mala circumstantia sint peccata. Ita docent Cord. lib. 5. de Indulgentiis, quest. 21. Sed melius quest. 25. Ledesma 2. p. quest. 29. art. 1. in fine, & alij, quos refert, & sequitur Henriquez lib. 7. cap. 9. fol. 505.

6. Cæterum, ante huius probationem præmittere oportet pro tyronibus, illam proprie esse actionem humanam, quam homo libere exercet, ita ut possit illam absolute exercere, vel nõ exercere; & hæc dicitur actus moralis, qui si insuper fuerit consonus rectæ rationi, & conformis legi, & habuerit rectum finem, absolute, & simpliciter est actus bonus moraliter; si vero aliquid istorum illi deficiat, dicitur malus moraliter, ut elargitio eleemosynæ libere

exercita, est actio bona moraliter, si enim vitietur aliquo malo sine intento ab operante, aut mala aliqua circumstantia, & non loquor de circumstantia assistente, ut vocant Theologi, quæ solum concomitatur opus, habet se tamen impertinenter ad illud, ut si quis ieiunet cum appetitu laudis in alia materia diuersa à ieiunio; sed loquor de circumstantia afficiente ipsum actum, cuius malitia refunditur in obiectum, vel in modum illius, & vitiat operationem. Dicimus ergo in nostra conclusione, quod ad lucrandas indulgentias Bullæ, & etiam Iubilæi, sufficit quod opera iniuncta sint ex genere suo bona moraliter, licet in individuo vitientur ab operante per circumstantiam malam intinsece afficientem illa, ita ut reddantur mala moraliter & peccata hic, & nunc. Probatur.

7. Primò, quia ad implenda mandata Dei, & Pontificis præcepta, sufficit quod opera, quibus implentur, sint bona moraliter ex genere suo, licet in individuo sint peccata, ut præceptum eleemosynæ in extrema necessitate sufficienter impletur ab eo, qui dedit eleemosynam propter vanam gloriam, & præceptum ieiunandi, vel restituendi, etiam impletur ab eo, qui propter laudem humanam ieiunat, vel restituit. Ergo etiam similia opera erunt sufficientia ad lucrandam indulgentiam, nisi aliud exigat Pontifex. Patet consequentia; quoniam minus quid, & excellentius est implere diuina, & Ecclesiastica præcepta, quam lucrari indulgentias. Ergo si in homine iusto prædicta opera sunt sufficientia ad implenda diuina præcepta, etiam sufficientia ad lucrandam indulgentiam, nam rationabiliter præsumitur non velle Pontificem obligare ad meliores actus pro lu-

cranda indulgentia, quam pro implendis diuinis, & Ecclesiasticis præceptis.

8. Secundò, quia Pontifex non petit in Bulla nisi pia, & bona opera in ordine ad finem indulgentiarum Bullæ, eamque concedit quasi in præmium operum, prout conducunt ad talem finem; sed opera ex genere suo bona moraliter, facta tamen mala, & peccaminosa ob malum finem operantis, deseruiunt ad prædictum finem Bullæ: ergo sufficiunt ad lucranda indulgentiam. Minor probatur, tum in opere non deseruiente fini Bullæ per modum impetrationis, cuiusmodi est elargitio duorum argenteorum, hoc enim vt supra diximus, non deseruit illi fini, nisi secundum valorem humanum, & in opere etiam conducente per modum impetrationis, vt sunt orationes. Hæc enim omnia licet male fiant, & sint actus mali moraliter; in indiuiduo tamen, in quantum sunt ex genere suo, boni moraliter sunt vt sic pij & meritorij de congruo bonorum temporalium, & spiritualium, teste D. Augustino 5. de *Ciuitate Dei*, cap. 11. & 15. Vbi ait Romanos meruisse à Deo imperium pro iustitia, & aliis actibus suis bonis ex genere, licet fecerint eos ex vana gloria, & fuerint mali moraliter.

9. Tertiò, quia si Pontifex diceret, concedo indulgentiam 40. dierum elargientibus certam pecuniam pro ædificanda Ecclesia, si quis illam erogaret propter humanam laudem, cum animo tamen consequendi prædictam indulgentiam, lucraretur re vera illam, si existeret in gratia. Ergo similiter ad lucrandas indulgentias Bullæ, vel Iubilæi, sufficientia similia opera, licet sint mala moraliter, & peccata. Consequentiæ est euident, & antecedens probatur. Quia tunc causa indulgentiæ est

proportionata ipsi indulgentiæ, cum habeat proportionem, quam habet in ordine ad finem illius; sed per hoc quod illa elemosyna datur propter vanam gloriam, non amittit proportionem, quam habet in ordine ad finem ædificationis, cum ad id eodem prorsus modo conducatur elemosyna, siue sit facta cum vana gloria, vel sine illa. Ergo lucrabitur ille prædictam indulgentiam, supposito quod sit in gratia.

10. Quartò, quia si Summus Pontifex concederet defuncto aliquam indulgentiam sub conditione, quod aliquis pro eo donaret aliquam elemosynam, certe licet donans illam id faceret propter vanam gloriam, acquirit defuncto indulgentiam. Ergo etiam acquirit sibi, si sub simili conditione sibi concederetur, supposito quod esset in gratia. Patet consequentia; nam sicut ad lucrandum indulgentiam defuncto, sufficit quod defunctus sit in gratia, & quod opus quod sit pro eo, sit moraliter bonum quoad substantiam, & ex genere suo, licet in indiuiduo vitietur per malam aliquam circumstantiam: ita idem etiam sufficit, vt quis lucraretur sibi indulgentiam.

11. Vltimò probatur ex illa communi ratione, qua sæpe vsi sumus, quia vbi lex non distinguit, nec nos distinguere debemus, vt constat ex capite solita, de *maioritate*, & *obedientia*, & cap. cum dilecte, de *donationibus*: Pontifex autem indistincte loquitur in Bulla, non petens actus, quibus lucranda est indulgentia, bonos moraliter in indiuiduo, sed absolute postulat elemosynam, orationes, & alia similia, quæ ex genere suo sunt bona, in indiuiduo tamen possunt esse mala ex malo fine. Ergo nec nos distinguere debemus limitando eius

eius verba ad opera in indiuiduo bona moraliter, cum beneficium Principis latissime sit interpretandum seculo præiudicio terrij.

11. Nec obstat dicere, id habere locum in aliis priuilegiis, non veto in indulgentia; nam licet Pontifex posset pro libito leges à se, vel ab alio latas abrogare, ita vt abrogatio sit valida, tamen non poterit indulgentiam concedere, nisi pro causa pia, & oppositum faciente, concessio erit nulla; opus autem carens bonitate morali in indiuiduo, caret etiam pietate, & sic intuitu illius non potest concedi tanquam pro causa indulgentia aliqua. Hoc (inquam) non obstat, quia vt supradictum est, talis actus, licet in indiuiduo ratione circumstantiæ sint mali, sunt tamen boni moraliter ex genere suo, & consequenter pij ex genere suo, maxime quod debent fieri ex intentione, & proposito luctandi indulgentiam, per quod certe firmitur fides de Purgatorio, & auctoritas Pontificis, & queritur liberatio à reatu pœnæ; quæ omnia in maius Ecclesiæ bonum redundant: tum quia licet indulgentia non valeat absque causa pia, cum re vera Pontifex sit dispensator, non dissipator, neque habeat amplam illam facultatem in destructionem, sed in ædificationem, tamen potest concedere indulgentiam validam absque eo quod imponat lucranti aliquod opus bonum, sed solum quia aliquid factum est antea, ratione cuius rationabiliter illi impendit beneficium indulgentiæ. Ita docent *Supplem. in 4. dist. 45. quæst. 3. art. 2. propositione 10.* Durand. *dist. 20. quæst. 4.* Mairon. *tr. de clauibus.* Caietan. *in quodlibetis, tract. de Indulgentiis.* Tuttecremata *in cap. quod autem, & cap. cum ex eo, de pœnit. & remiss.* vnde Nauar. *tract. de Indulgentiis, not. 2. §. 3.* ait, recte quendam Pontificem concessisse cuidam defuncto indulgentiam

plenariam pro eo, quod viuens defenderat Pont. posse concedere mortuis indulgentias: ergo licet supposita elargitione eleemosynæ duorum argenteorum in subsidium belli contra iustitiales, quæ est piissima causa, nullum imponeret opus faciendum Pont. adhuc eius indulgentia esset valida; & consequenter à fortiori valebit postulando opera ex genere suo bona, & pia, licet in indiuiduo malacircumstantia illis admisceatur.

13. Atque ex his colligo, quod quantumcunque quis oret, vel eleemosynam erogat propter vanam gloriam, satisfacit operi iniuncto pro indulgentia obtinenda, imo etiam si faceret opus malum, inuincibiliter existimans bonum, teste Cord. *de Indulgentiis, quæst. 25.* quia re vera cum talia opera non sint proprie causæ indulgentiæ, neque ob meritum illorum conferatur, non obstat operis malitia ex circumstantia mala, quo minus ille satisfaciat operi sibi iniuncto, quod imponitur, vt conditio sine qua non; hoc tamen debet intelligi dummodo malitia illa ex circumstantia proueniens non derogat bono communi Ecclesiæ, pro quo conceditur, nec excludat ab operante intentionem consequendi indulgentiam mediante illo opere.

14. Ad primum respondeo, deuotè, & piè visitare Ecclesias, vt ad præsens spectat, dummodo ex animo luctandi indulgentiam visitentur, proficundo eo facto Pontificis auctoritatem, circa dispensationem thesauri Ecclesiæ, quamuis aliàs ex mala aliqua circumstantia vitietur talis visitatio; nemo tamen per hoc existimet corporalem & materiam visitationem Ecclesiarum duntaxat esse causam piam indulgentiæ, vt recte notauit Adrianus *in 4. de Indulgentiis*, cum illa non vetgat in Dei honorem, aut Ecclesiæ utilitatem; sed opus

est vt referatur talis visitatio formaliter, vel virtualiter ad Dei honorem.

*Solutio  
ad sectu-  
dum de-  
ferunt  
ad ter-  
tium, &  
à ceteris.*

15. Ad secundum distinguo consequens; ex genere suo, concedo; in in-  
diuiduo, nego.

Ad tertium respondeo, negando in-  
dulgentiam dari per modum stipendij,  
sed opus illud habet se tanquam con-  
ditio iniuncta, quam Pontifex poterat  
non iniungere, existente alia causa pia,  
vt docent DD. præcitati in vltima ra-  
tione pro nostra sententia; & tenet  
Cord. de indulgentiis, quæst. 22. indul-  
gentia enim habet quodammodo effe-  
ctum ex opere operato in ordine ad re-  
missionem peccatæ.

16. Secundò responderetur, negando  
consequentiam, quia vt supra diximus  
ex D. Augustino, actus malus moraliter,  
non in quantum malus, sed quare-  
nus ex genere suo moraliter bonus, po-  
test habere rationem meriti de congruo  
ad bona temporalia, & ad nonnulla  
etiam spiritualia.

17. Ad quartum respondeo, duo esse  
genera actuum malorum. Primum est,  
eorum, qui versantur circa materiam  
reprobam, & prohibitam aliquo iure.  
Secundum, eorum qui non cadunt su-  
pra materiam iure aliquo reprobam,  
sunt tamen mali propter circumstantiam  
malam, aut indebitum suum illos vi-  
tiantem. Dicimus ergo per actus ma-  
los primi generis nulla ratione obtine-  
ri indulgentiam, non tamen per actus  
secundi generis, quia licet sint in in-  
diuiduo mali, retinent tamen ex  
genere suo bonitatem mo-  
ralem ad lucrandam  
indulgentiam, vel  
subilæum.

## DVBIVM VI.

*Utrum ad lucrandam indulgentiam  
plenariam Bulla debeat necessa-  
rio præcedere confessio actualis.*

1. Partem affirmatiuam sequuntur  
iuniores Theologi cum Rodr. in  
Bulla, § 2. num. 10. Nauar. § in Lencico,  
notab. 18. per plures numeros, & notab. 30.  
num. 13. Angelus Pientinus lib. 4. de In-  
bileo, cap. 9. de Inbileo. Cord. lib. 8. de in-  
dulgentiis, quæst. 24. Caiet. tom. 1. opusc. 15.  
cap. 10. & opusculo 10. cap. 5. Adrian. ubi  
supra. Sotus 4. dist. 21. q. 2. art. 3. Ierison  
in regulis moralibus, Alphab. 15. lit G. Du-  
rand. 4. dist. 20. qui omnes dicunt ad lu-  
crandam indulgentiam non sufficere  
confessionem secundum ius, sed requiri  
confessionem actualem de omnibus  
mortalibus non confessis vsque ad illud  
tempus, & probari potest.

2. Primò, ex verbis Bullæ Cruciatæ,  
vbi dicitur concedi præfatam indul-  
gentiam contritis, & ore confessis: ergo  
præmitti debet confessio ad id ordina-  
ta, sicut & contritio perfecta, vel im-  
perfecta. Patet consequentia, quia si  
non necessario esset præmittenda con-  
fessio in re, sed in voto, non illam ex-  
presse postularét Pontifex tanquam rem  
distinctam à contritione, cum certe in  
ipsa contritione includatur confessio in  
voto.

3. Secundò, quia quando duo po-  
nuntur copulatiue, tanquam lex, & con-  
ditio, sub qua aliquid conceditur,  
vtrumque debet simul concurrere, vt  
constat ex cap. ex parte, & cap. inter cete-  
ra, de rescriptis; etiam quia aliter verba  
huius indulgentiæ nihil operarentur  
contra cap. si Pontifex, de privilegiis, in 6.  
& legem si quando, ff. de legatis 1. cum se-  
quentibus.

4. Tertio, quia in Bulla vulgari, &  
latina

latina hæc habetur clausula, *aut non volentes confiteri, id corde desiderauerint, per quæ verba aperte vult Pontifex, quod si fuerit possibilitas actu confitendi, debeat præmitti actualis confessio, atque adeo quod propositum, aut desiderium confessionis non sit sufficiens, supposita possibilitate confitendi: ergo ad lucranda prædictam indulgentiam debet præmitti actualis confessio.*

5. Quartò, quia in Summario vulgari hæc quædam exceptio sub hac forma. *Item si durante el dicho año acaeciese por muerte repentina, o ausencia del Confessor que muera sin confession, que aya muerto contrito, y al tiempo statuido por la yglesia confessando se configua la indulgencia.* Atque in Bulla latina similiter. *Item, vt si dicto biennio durante contingat, eos ob repentinam mortem, vel Confessorum absentiâ, sine confessione decedere, modo contriti decesserint, & antea statuto tempore confessi fuerint, nec huius confessionis fiducia fuerint negligentiores, plenariam, vt supra, remissionem consequantur.* Ex quibus verbis aperte constat, quod ponuntur tanquam nouum priuilegium superadditum præcedenti, quod in illo casu lucrantur indulgentiam, si statuto tempore fuerint confessi: ergo signum manifestum est, quod illa confessio præterita non erat illis sufficiens, sed clausa speciali hac concessione.

6. Vltimò, tum quia in Bulla latina sic habetur; *conceditur vt possint eligere quemcumque Presbyterum sacularem, seu regularem ex approbatis, & ab eo possint absolui, &c. & plenariam indulgentiam, ac remissionem semel in in vita obtinere, &c.* vbi cum hæc duo coniungantur, scilicet absolutio à peccatis, & confessio indulgentiæ, clare constat quod hæc duo debent concurrere, & coniungi in re ipsa, quod satis vsus ipse confirmat, cum penitentes facta confessione à Con-

fessoribus postulent sibi applicari indulgentiam à Pont. per Bullam concessam. Tum quia Pontifex nititur inducere ad confessionem, vt homines certius ad statum gratiæ inducantur, & sic melius impetent, & consequantur indulgentiam, cuius fructum sine gratia recipere non possunt, vt supra ostendimus.

7. Verum his non obstantibus, existimo partem negantem esse veriozem, quam tuentur D. Antonin. 1. part. tit. 10. cap. 3. §. 5. Angel. verb. *Indulgentia*, §. 17. Atmil. num. 18. Palud. 4. dist. 20. quest. 4. art. 3. conclus. 1. Supplem. Gabr. dist. 45. quest. 3. art. 3. dub. 1. Garn. in libello de expositione Bullæ. Panorm. cap. omnis vtriusque sexus, de penit. & remiss. Ioan. Andr. in cap. quod autem, eodem titulo. Felinus sermone de Indulgentiis, num. 12. Gloss. in Clement. vlt. de reliquiis, & vener. sanctor. Imola, & Cardinalis, quos refert, & sequitur Sylu. verb. *Indulgentia*, quest. 7. dist. 2. qui omnes affirmant sufficere ad lucrandum indulgentiam Bullæ, quod quis semel in anno confessus sit, licet postea incidere in aliqua peccata, dummodo per contritionem sit in gratia, quæ sententia nobis placet, & probatur.

8. Primò, quia ita fuit declaratum in Concil. Constantiensis, vt habetur in libello Ioannis de Gallopiæ, ordinis Prædicatorum, teste Sylu. vbi supra; sed hoc testimonium licet sit veri alias pij, & doctissimi, apud me tamen non facit omnimodam fidem, quia id non reperitur in libris Conciliorum.

Secundò ergo probatur, quia verba generalia iuris, & Pontificum secundum formam iuris sunt interpretanda: ergo cum Bulla concedit indulgentiam vere contritis, & confessis, sufficienter intelligitur de confessis semel in anno.

9. Tertiò, quia aliud est dicere concedi



cedi indulgentiam contritis, & confessis, aliud contritis, & confessis de nouo, hoc enim secundum addit supra primum, quod de omnibus mortalibus ab vltima confessione vsque ad perceptionem indulgentiæ teneatur quis confiteri ad lucranda indulgentiam; sed in Bulla non dicitur illam concedi confessis de nouo, sed confessis simpliciter & absolute: ergo sufficit confessio annualis ad illam lucranda.

10. Quartò, quia Bulla eodem modo petit confessionem, ac contritionem: sed qui antea fuisset iam contritus, non opus esset ad lucranda indulgentiam habere nouum actum contritionis: ergo similiter qui antea fuisset confessus illo anno ante acceptionem Bullæ, non opus esset facere nouam confessionem ad lucranda indulgentiam.

11. Quintò, quia si noua confessio actualis peccatorum necessario deberet præcedere ad lucranda indulgentiam, etiam qui haberet sola venialia, deberet ea, aut mortalia iam rite confessâ iterum confiteri, quia non existente conditione apposita nemo consequitur indulgentiam; hæc autem indulgentia Bullæ secundum ipsos, non conceditur nisi actualiter confessis, vt constat ex tenore verborum Bullæ, quod licet libenter concedant Adrian. in 4. de Indulgentiis, quem refert, & sequitur Cord. lib. 5. quest. 28. est aperte falsum vt docet D. Anton. ubi supra. Nauarr. 6. in Leuitico, notab. 18. n. 13. cum Gloss. 9. extraneant. 1. de poenis. & remiss. & notab. 3. num. 6. Rodr. in Bulla, §. 1. num. 11. & ratione probatur; tum primò, quia eum Pontifex postulat confessionem, loquitur de confessione iuridica, hoc est, secundum ius necessaria, quia verba iudicis secundum formam iuris interpretanda sunt; confessio venialium non est necessaria, imò nec de omnibus est possibilis, tum secundò, quia quan-

do vrget præceptum Ecclesiæ de annua confessione, si quis sola habeat venialia non teneatur illa confiteri, quia præceptum illud intelligitur de mortalibus: ergo ita debet intelligi in præfenti, cum constet Pontificem non strictius velle obligare ad opera iniuncta pro indulgentia, quam ad Ecclesiastica præcepta.

12. Nec valet dicere, intelligi de omnibus mortalibus, aut venialibus, quæ memoriæ occurrunt, facta morali diligentia; quia si id ita esset, sequeretur quod si contritus confiteretur duo venialia, relinquens alia duo, quæ ipse nouerit, non consequetur indulgentiâ, quia non confessus est omnia, quod est absurdum. Tum tertio, quia si quis nullius recordaretur mortalis, vel venialis, quod iam rite confessus non fuisset, certè ad lucranda indulgentiam non opus illi esset iterum aliquid eorum confiteri, quia Bulla, nec lubilæus non postulat reconfessionem, sed confessionem: ergo ad id non opus esset præmirare in eo casu actualem confessionem.

13. Et si obiicias; Pontifex non solum petit confessionem in Bulla, vel Iubilæo, vt medium per quod quis constituitur in gratia, sed vt specialem diligentiam requisitam pro consequutione indulgentiæ: ergo nisi illa præmiratur, non percipietur fructus indulgentiæ. Respondeo requiri illam diligentiam fieri secundum formam iuris, nisi aliud exprimat Pontifex; si autem secundum formam iuris, si ad lucranda indulgentiam Bullæ illo anno fuerit confessus.

14. Ex dictis colligo primò, falsò quosdam ex præcatis DD. pro nostra sententia asserere, quod sufficeret ad lucranda prædictam indulgentiam Bullæ habere contritionem, & firmum propositum confitendi tempore staturo ab Ecclesia; hoc enim falsum est, quia Bulla

Bulla expresse petit confessionem, scilicet pro mortalibus. Ergo requirit confessionem proprie acceptam, & adualiter extortam. Pater consequentia, quia verba priuilegij sunt stricti iuris, & in propria significatione accipienda; secus tamen est in eo, qui non potest confiteri, quia illi, vt habetur ex Bulla, sufficit propositum confitendi, quod non opus est, vt sit formale, vt quidam recentiores dicunt, sed sufficit virtuale, & implicitum, quia ibi solum exigitur propositum sufficiens ad iustificationem; ad iustificationem autem, sufficit secundum probabiliorum, & communiorum opinionem, propositum implicitum; quod adhuc verius est, si per solam dilectionem sine formali dolore potest quis sufficienter disponi ad gratiam extra Sacramentum, quod probabilis existimo cum multis Doctoribus de quo alibi.

15. Colligò secundò, quod multi, & alij, qui non possunt ore confiteri, non priuantur indulgentia, si signis & nutibus confiteantur. Ita D. Thom. *quodlib. 1. art. 1. D. Anton. 1. p. tit. 11. cap. 3. §. 5. Cord. de Indulgentiis, quest. 27. Sylu. Indulgentia, quest. 10. dicto 3. Rodr. §. 2. num. 14.* & probatur, tum quia hoc est sufficiens ad sacramentum, & eius effectum, teste D. Thom. *ubi supra, canon. de pœnitentia, p. 5. Sot. 4. dist. 28. quest. 1. art. 6.* & alijs communiter in materia de pœnitentia; tum quia in Bulla latina non petitur confessio vocalis, sed confessio simpliciter, & licet in Summario vulgari ponatur confessio vocalis, non tamen sumitur, vt condistinguitur contra confessionem ex nutibus, sed distinguitur contra confessionem mentalem nullo externo actu expressam; vel ponitur ad significandum, quod in his, qui loqui possunt non est sufficiens per signa, & nutus ad effectum indulgentiæ, sicut nec forte ad

essentiam sacramenti, vt tenent multi cum D. Thom.

16. Ad primum respondeo, præmitti debere ad lucranda prædictam indulgentiam confessionem iuridicam, vt paulo ante dicebam: nec propterea superfluit illa particula *confessis*, vt inde male inferitur; quia per illam denotatur non sufficere ad lucranda prædictam indulgentiam habere contritionem, sed insuper opus esse præcessisse confessionem mortalium secundum formam iuris, non vero aliorum mortalium, quæ post talem confessionem commisit, quia illorum sufficit habere contritionem sufficientem ad inducendam gratiam.

17. Ad secundum respondeo, quod præcedente confessione secundum formam iuris, sufficienter impletur illa copulatiua, sufficienterque saluatur aliquid operari prædicta verba Bullæ.

18. Ad tertium respondeo, ex verbis illis solum habere, quod si quis nullam prorsus confessionem fecisset, etiam illam, quæ est secundum formam iuris, si tamen postea non possit confiteri causa aliqua superueniente, suppleat talem confessionem per propositum, & desiderium confitendi, & sic percipiet fructum indulgentiæ.

19. Ad quartum, quod magis vget, respondeo, illam concessionem inclusam esse implicite in præcedenti, & ab ea deduci vt corollarium, nam frequenter in priuilegijs, quod erat concessum in vna clausula, ponitur postea in alia explicatius & expressius, quasi distinctum priuilegium, vt aperte constat in eadem Bulla, in qua postquam conceditur facultas ad audienda diuina officia, & suscipiendum sacramentum Eucharistiæ tempore interdicti, postea cõceditur tanquam distinctum priuilegium facultas ad Ecclesiasticam sepulturam, quod tamen con-

E E c stat

stat includi in primo, vt docent communiter Doctores, de quo egimus *supra* cap. 5. *dub.* 6.

20. Ad vltimum respondeo, ibi non præscribi aliquam formam necessario seruandam ad lucrandam indulgentiam, alias etiam qui solum venialia haberet, etiam iam confessi, deberet ea reconferri ad lucrandam indulgentiam, vt sic impleret conditionem ad id requisitam, quod tamen satis constar esse falsum ex dictis in vltima probatione nostræ sententiæ. Secunda autem probatio nihil colligit, quia dum Pontifex nihil aliud exprimit in concessione, intelligendum est loqui de confessione, secundum formam iuris, ne alias nos videamur distinguere, vbi ius non distinguit. Nihilominus priorem sententiam, vt tutiorem admittit, posteriorem autem satis probabilem, & in praxi etiam tutam existimo, vt ex dicendis *dub. sequenti*, fiet manifestum.

#### DUBIVM VII.

*Num quando indulgentia conceditur sub hac forma, vere pœnitentibus, & confessis, sit actualis confessio præmittenda ad indulgentiam consequendam.*

1. **H**æc difficultas est appendix præcedentis, atque ex discussione iustius, conclusio illius plenius constabit. Quare suppono primò, sub huiusmodi forma sæpe in iure cõcedi indulgentiam. Ita in Extranag. *vnigenitus, de panis. & remis.* in Clement. *vnica de Reliq. & venerat. sanctorum*, & in Concil. Lateran. sub Innoc. III. in decreto *vl.* & nunc etiam interdum est in vsu, esto nonnunquam prætermittatur.

2. Suppono secundò, aliquando hu-

iusmodi formam expresse apponi in indulgentia, quatenus est pium quoddam opus, seu conditio, vel pars operis iniuncti ad lucrandam indulgentiam; aliquando autem non expresse apponitur vt conditio, sed simpliciter dicitur concedi indulgentiam vere pœnitentibus, & confessis, vt sæpe contingit. Vnde infert Bellarm. *tom. 3. lib. 1. de Indulg. c. 13. quæst. 3.* in priori casu, absque dubio requiri confessionem in re, & non satis esse in voto. Ratio est, quoniam tunc exigitur confessio, vt pium opus, sicut etiam ieiunium, aut elemosyna; atque ideo sicut non sufficit ieiunium, aut elemosyna in voto, ita nec confessio. At in posteriori casu, vt Bellarm. *ibidem*, non requiri actualem confessionem, quia tunc non requiritur vt conditio, sed vt dispositio, qua possit homo de statu peccati ad statum gratiæ transferri. Atque ideo si quis non habeat peccata lethalia, consequenter nec tenebitur necessario confiteri; si vero habeat illa, probabile censet sufficere contritionem cum proposito confitendi, sic enim statum gratiæ adipiscetur: tutius tamen existimat requiri confessionem, non solum in voto, sed in re; quoties dicitur concedi indulgentiam vere pœnitentibus, & confessis.

3. Suppono tertio, constans esse, ac certum, quod possit Summus Pontifex postulare actualem confessionem, vt conditionem necessario præmittendam ad lucrandam indulgentiam; est communis DD. qui id tanquam indubitatum supponunt, & tradit expresse Suar. *tom. 4. in 3. p. disp. 52. sect. 3. num. 4.* Probat autem, tum ex vsu, & praxi communis Ecclesiæ; tum quia sicut Pontifex potest exigere alia pietatis opera, atque vsum sacramenti Eucharistiæ, ita & vsum actualis confessionis; cum nec in sacramentò Confessionis, sit specialis aliqua repugnantia, nec ratio ob quam nequeat

nequeat hoc modo exigi. Non est autem huiusmodi conditio supponenda, nisi sufficienter in concessione exprimat, cum sit conditio valde onerosa, atque ideo attente verba concessionis inspicienda sunt.

4. His præmissis, sit prima conclusio. Satis probabilis est opinio eorum, qui sentiunt confessionem actualem esse necessario præmittendam, ut quis indulgentiam lucretur, si verba illa, *vere poenitentibus, & confessis*, intelligantur iuxta priorem sensum in secundo notando explicatum. Ratio est, tum quia in eo casu talis confessio æstimatur conditionata; ac subinde nisi conditio impleatur, nihil operatur. Tum etiam quia verba illa, *vere poenitentibus, & confessis*, præter poenitentiam, requirunt confessionem; verba autem concessionis non plus valent, quam sonant: igitur necessario sunt intelligenda de confessione externa in re, & non in voto solum. Hanc conclusionem tenent expresse omnes DD. *dub. præcedenti* pro contraria sententia adducti. Bellarm. etiam *loco cit.* Durand. in 4. dist. 20. *quest.* 4. & nouissime Acosta in *Bulla*, g. 14.

5. Secunda conclusio. Probabilior mihi videtur opinio eorum, qui docent ex vi prædictorum verborum non prærequiri actualem confessionem, ut quis indulgentiam lucretur, sed sufficere contritionem cum confessione in voto. Ita DD. omnes *dub. præcedenti* pro nostra sententia allegati, & ultra illos id tenent etiam Suar. *ubi supra* num. 12. Coninck de *sacram. disp.* 12. *dub.* 7. num. 38. Regin. *tom.* 1. lib. 7. *cap. ult. quest.* 1. num. 171. Sæ *verb. Indulg.* num. 3. Filliuc. *tom.* 1. tract. 8. *cap.* 6. *quest.* 8. num. 148. Comitolus in *resp. mor.* lib. 1. *quest.* 39. & alij. Sed probatur primò, quia intentio Pontificis non fuit ex vi illorum verborum exigere obseruantiam præcepti de confessione quadagesimali, seu quouis alio

tempore facienda, sed simpliciter dispositionem necessariam ad consequendam indulgentiam; huiusmodi autem dispositio præcipue est cõtritio cum confessione in voto: ergo. Probat, maior, quoniam alioquin etiam si ob impotentiam, vel ignorantiam inculpabiliter omittatur actualis confessio, fructus indulgentiæ amitteretur, quod non videtur dicendum.

6. Secundo, quia Pontifex non videtur requirere confessionem, ut speciale opus necessarium ad lucrandam indulgentiam, sicut requirit ieiunium, eleemosynam, aut quid simile; sed solum requirit confessionem, quateus necessaria est ad tollendum obicem peccati. Vnde solum requiritur confessio in re, seu actualis, quando interior poenitentia non reputatur vera, vel esto vera sit, non tamen perfecta, seu gradum contritionis attingens; cum enim huiusmodi fuerit, satis erit confessio in voto.

7. Tertio, quia ut habetur ex dictis in tertio notando, confessio actualis, cum sit valde onerosa, non est supponendum, quod sit imposta, nisi sufficienter exprimat; esset autem sufficiens expressio si diceretur, præmissa, aut facta confessione, vel quid simile, ut tenent communiter omnes. Vnde cum verba illa, *vere poenitentibus, & confessis*, longe alium sensum efficiant, consequenter videtur dicendum ex vi illorum non requiri actualem confessionem.

8. Vnde ad primam rationem in contrarium respondetur, confessionem actualem requiri solum respectu illius, qui habet conscientiam peccati mortalis, ad cuius expiationem solet duntaxat requiri talis confessio.

9. Ad secundum respondetur, quod si verba illa, *vere poenitentibus, seu contritis, & confessis*, intelligantur de vera,

perfecta contritione, sunt diuissim, ac distributiue interpretanda, idest, tam contritis, quam confessis; non enim videntur posse commodè exponi copulatiue, seu coniunctiue, alias semper cum confessione esset necessaria contritio perfecta, quod non est dicendum; si autem intelligatur de contritione imperfecta, tunc mirum non est, quod actualis confessio requiratur, cum huiusmodi pœnitentia, seu contritio non sufficiat ad statum gratiæ.

10. Ex dictis igitur infero, probabiliorē esse nostram sententiam, sed tutiorem oppositam. Vnde Suar. *num. 13.* consulendum merito censet, ut quoties forma indulgentiæ, seu Iubilæi huiusmodi fuerit, actualis confessio præmiratur, si fieri possit ad tollendum omne dubium: at si de facto nihilominus omiſsa fuerit, existimat contritionem sufficere, atque id potissimum, si talis confessio bona fide, seu inuoluntarie omittatur.

11. Sed quæres, an in euentu, quod actualis confessio sit præmittenda ad lucrandam indulgentiam, intelligatur etiam de solis venialibus, si contingat quod pœnitens non habeat conscientiam peccati mortalis. Pars affirmatiua ex eo videtur probare, quia Pontifex potest exigere opus aliquod consilij, seu supererogationis ad lucrandam aliquam indulgentiam, cuiusmodi est illa; quam Pontifex concedit facienti professionem in Religione approbata: igitur similiter exigere potest confessionem de venialibus, quamuis illa non sit in præcepto, ac proinde quoties prærequirit absolute susceptionem sacramenti pœnitentiæ, necessario est suscipiendum eo modo, quo possit iuxta necessitatem, seu capacitatem susipientis, in mortalia peccata, seu venialia tantum considerando. Atque ideo hanc opinionē sustinet Acoſta in *Bullæ, q. 14.*

*dub. 2. & Sanch. lib. 8. de matrim. disp. 1 §. num. 19.* vocat illam magis communem, & veram Nugnus in *addit. ad 3. p. rom. 2. quæst. 27. art. 3. dub. 2.* & Floronus de *cas. referu. p. 1. cap. 6. §. 6. num. 3.*

12. Oppositum nihilominus est absolute tenendum, & sentiunt grauissimi DD. quia etiam si in concessione indulgentiæ id expresse habeatur, quod confessio præmitti debeat, intelligendum est, dum pœnitens habet conscientiam peccati mortalis; sic enim declarat communis Ecclesiæ sensus, & vsus. Ratio autem desumitur ex diffidentia inter Eucharistiam, & confessionem: Eucharistia namque per se, & propter se exigitur, ac propterea dum communio ponitur, ut conditio necessaria pro indulgentia consequenda, omnes comprehendit, esto conscientiam peccati non habeant: at confessio exigitur ut medicina peccati, non quæcunque, sed certior, ac vtilior; ideoque etiam si absolute requiratur, intelligi debet supposito peccato, cum ad eius expiationem sit per se necessaria, & merito; quia sicut Ecclesia nusquam consuevit præcipere confessionem, nisi mortalium; ita neque illam exigere, ut conditionem pro indulgentia, seu quouis alio fauore consequendo necessariam.

13. Atque ita Suar. *supra n. 5.* Comitolus in *resp. mor. lib. 1. quæst. 39.* Bellarm. *loco cit. quæst. 2.* Regin. *tom. 1. lib. 7. cap. ult. n. 147.* Henriq. *lib. 7. c. 12. n. 2.* cum aliis per eum citatis, Bonac. *etiam de sacram. disput. 6. quæst. 1. punct. 5. num. 7.* Coninck & Filliac. *supra*, Zanardus in *direct. Theolog. part. 1. de sacram. pœnis. cap. 21. q. 14.* & Lorichius in *thes. Theolog. vers. Iubil. num. 21.* Imo alij pro contraria opinione allegati nostram esse probabilem fatentur.

DVBIVM VIII.

*Utrum sit utile omni hominum generi indulgentiam accipere.*

1. **S**uppono in dubium reuocari non posse, quin potissima causa accipiendi indulgentiam sit remissio pœnæ temporalis. Vnde Lutherus inter alios suæ nefariæ doctrinæ errores, hunc etiam docuit, nempe indulgentias non esse viles, nisi publicis, & sceleratissimis peccatoribus, ut habetur ex assert. art. 18. Verum sit *prima conclusio*. Apud Catholicos res quidem indubirata omnino est, indulgentias esse viles omnibus, etiâ iis, qui perfectioni incumbunt. Ratio est, tum quia omnis viles est, ab iis rebus liberari, quæ summi boni adeptionem retardare possunt, huiusmodi autem est temporalis pœnæ reatus: certissimum enim est, quod si quæ cum tali reatu ex hac vita migrare contingat, non poterit ad vitam æternam pertingere, quin prius in Purgatorio dictum reatum expiauerit; tum quia indulgentiæ nec vllum bonum meritum, nec aliquod maius bonum impediunt; qui enim indulgentias suscipiunt, non prohibentur operam dare ieiuniis, elemosynis, precibus, aliisve operibus bonis. Atque ideo nulla ratio excogitari potest, cur indulgentiæ non sint æstimandæ viles ac salutaræ omni hominum generi, ut recte tradit Bellarm. lib. 1. de Indulg. cap. 10.

2. Sed obijciens primò, peccatorum hominum est, pœnas potius quærere, quam fugere; tum ob exercitium patientiæ; tum ob imitationem Christi patientis, iuxta illud 1. Petri, 1. *Christus pro nobis passus est, relinquens nobis exemplum, ut sequamur vestigia eius: ergo.*

Respondetur peccatorum sane esse, non fugere pœnas, quæ iuuant

ad promerendum Deum, & salutem animæ citius acquirendam, cuiusmodi est martyrium, & aliæ pœnæ voluntariè susceptæ, & ad has pœnas libenter patiendas D. Petrus nos adhortatur: est tamen peccatorum fugere debitum pœnæ, cum is possit cœlestis patriæ ingressum impedire, seu retardare. Imo ideo pœnitentiam agunt, & pœnas huius vitæ amplectuntur, ut à reatu illo liberentur, & non cogantur post mortem pœnas in Purgatorio diutius luctare, Vnde omnes libentissime indulgentias suscipiunt, ut facilius à reatu illo expediantur.

3. Obijciens secundò, indulgentia non est opus meritorium, sed satisfactorium duntaxat, igitur non est utile perfectis, qui modica, aut nulla indigent satisfactione.

Respondetur, indulgentiam per se non meritoriam, sed satisfactoriam esse; potest tamen esse etiam meritoria ratione operis iniuncti. Si quis enim ex charitate Dei, opera iniuncta exequatur, ieiunia nimirum, elemosynas, preces, & similia, parabit quidem sibi non exiguum meritum; imo ipsa quoque susceptio indulgentiæ erit meritoria, si quis eam ex amore Dei suscipiat, ut ab illo pœnæ reatu expeditus, liberior possit ad Deum ipsum videndum, & continuo laudandum euolare. Adde quod quamuis viri perfecti modica egeant satisfactione, vix tamen vllus existit, qui aliqua non indigeat, & consequenter non est dicendum, quod indulgentiæ non sint etiam eisdem viles.

4. Obijciens teritiò, ex communi sententia asserente vtilius esse pro se propriis operibus satisfacere, quam alienam quærere satisfactionem.

Respondetur, vtilius procul dubio esse, & tutius pro se satisfacere, quam indulgentias quærere, utroque tamen vtilius est illud facere, & hoc non

emittere, sicut vtilius etiam est duobus pedibus incedere, quam vno tantum. Hinc prudentes viri merito consulant, vt qui indulgentias suscipiunt, non ideo cessent à pœnitentiæ fructibus producendis, qui meritorij, ac medicinales plerumque esse consuecunt.

5. Cæterum, vt constat, quo pacto indulgentia sit omnibus vtilis, superest explicandum, an sit proprie absolutio, vel solutio. Quare nonnulli asseruerunt indulgentiam nihil aliud esse, nisi solutionem, id est, compensationem pœnarum ex thesauro meritorum Christi, ac sanctorum depromptam, & Pontificis auctoritate applicatam. Ita videntur sensisse Dur. in 4. dist. 20. q. 3. Palud. ibid. q. 4. S. Anton. 1. p. tit. 10. c. 3. Adrian. VI. in 4. sent. q. de Indulgentiis, Sylu. verb. Indulg. n. 3. & videtur in eadem etiam sententia fuisse S. Thom. in 4. dist. 20. q. 1. art. 3. ad 2. & 3. At oppositum videtur docere Franc. Mayro. in 4. dist. 19. dum ait, indulgentias nil aliud esse, nisi iudiciariam absolutionem; atque eidem videntur quodam modo suffragari exempla vetustissimorum Conciliorum, in quibus habetur pœnitentes per Episcopos absolui ab aliqua parte multarum impositarum, nulla facta mentione spiritualis thesauri, ex quo illa pœnarum debita compensentur.

6. Nihilominus difficultate ista maturius considerata, posteriores Theologi concludere vtrumque simul in indulgentiis reperiri, nempe absolutionem, & solutionem; neque veteres Theologos scholasticos iudiciariam negasse absolutionem, esto solutionis duntaxat fortasse meminissent; neque vetustissimos patres solutionem ex thesauro negasse, quamuis absolutionis tantum meminisse videantur. Ita S. Thom. Dur. & Palud. ubi supra, S. Bonau. in 4. dist. 20. p. 2. q. 5. & 6. Rethar. art. 4. q. 2. & art. 8. q. 1. Domini-

cus de Soto dist. 21. q. 1. art. 2. Supplem. Gabr. dist. 46. q. 3. art. 1. Petr. de Soto lect. 2. de Indulgent. in institutione Sacerdotum, Caiet. tract. 15. ad Iulium Medicum, c. 6. Martin. Eadesm. 2. p. 4. sent. q. 38. art. 1. Cord. lib. 5. q. 4. & 5. Bellarm. dist. lib. 1. de Indulg. c. 5. Suar. in 3. p. tom. 4. dist. 51. sect. 3. n. 3. & plures alij.

7. Atque ideo sit secunda conclusio. Absolute tenendum, est quod indulgentia proprie sit absolutio iudiciaria, annexa habens solutionem ex thesauro. Loquimur autem de indulgentia, quam fideles dum adhuc viuunt, lucrari solent; de indulgentia enim pro defunctis applicari solita, alibi erit sermo.

8. Prior huius conclusionis pars probatur, tum ex illo Matth. 16. Tibi dabo clauis regni celorum, & quodcumque solueris super terram, erit solutum & in caelis. Quod de iudiciaria absoluendi potestate intelligendum fore tradunt communiter DD. tum ex sacrorum Canonum testimoniis. Nam Alex. I. I. in Epist. ad Episcopum Cantuariensem, habeturque cap. quod autem consulisti, de pœni. & remis. docet, neminem posse indulgentias concedere, nisi propriis subditis, & rationem reddit, quia non potest nisi proprius Iudex absolvere, vel ligare. Quibus verbis Pontifex satis aperte tradit indulgentiam esse absolutionem iudiciariam. Similiter Martinus V. in fine Concilij Constantiensis, concedens indulgentiam plenariam, vocat eam absolutionem plenariam. Tum denique, quia nisi esset necessaria iurisdictio ad indulgentias concedendas, de quocumque volente applicare alteri satisfactionem suam, posset dici, quod indulgentiam ei concedat, quod est omnino inaudium.

9. Posterior pars eiusdem conclusionis, id est, quod indulgentia præter absolutionem contineat solutionem, seu applicationem thesauri, probari potest tum ex Innoc. III. qui in extrauag.

unigenitus,

*unigenitus*, id tradit manifeste. Tum quia Ecclesiæ Prælati etiam Summus Pontifex, non sunt absolute Domini, ut queant ad libitum condonare hominibus culpas, pœnâsve, quarum rei sunt in foro ipsius Dei; sed sunt Iudices à Deo constituti, & consequenter possunt potestate sibi à Deo concessa culpas, ac pœnas nomine Dei remittere, ita tamen ut iustitiæ satisfiat. Vnde cum huiusmodi Prælati subditos suos per indulgētias absolunt à pœnæ temporalis reatu, id præstant satisfactiões Christi, & sanctorum applicandi, iuxta illud Apostoli ad Hebr. 9. *sine sanguinis effusione non fit remissio*.

10. Sed obiicies primò, per applicationem thesauri sit integra compensatio pro debito pœnæ temporalis: igitur absolutio iudiciali superflua est. Responderetur negando consequentiam; Iudex enim non tenetur dimittere reum alicuius pœnæ, quamvis iusta compensatio ab alio offeratur, præsertim nisi compensatio sit eiusdem rationis; vnde si iudex compensationem admitrat, & reum absoluat, vere dicitur illi gratiam præstare. E.g. si quis ad trirèmes damnatus sit, aliquis autem pro illius liberatione magnam pecuniæ summam offerat, non quidem tenebitur Iudex dictam pecuniā acceptare, reumque liberare; si tamen id efficiat, gratiam illi præstabit, atque eum absolvet. Similiter si proprie loqui cupiamus, non dicitur obligationem ad pœnam tollere is, qui compensationem offert, sed is, qui compensatione admissa reum ab illa obligatione absoluit. Atque ideo vere dicitur Pontifex subditis suis indulgentiam concedere, cum ipse Dei nomine, cuius vices in terris gerit, compensationem ex thesauro depromptam admittit, & ea admissa reum à temporalis pœnæ reatu absoluit.

11. Obiicies secundò, absolutio iu-

dicialia inuito conferri potest, ut constat de absolutione ab excommunicatione: at indulgentia inuito dari non potest: igitur indulgentia non est absolutio, sed mera solutio. Responderetur, non omnem absolutionem inuito posse conferri, sed eam duntaxat, quæ in suscipiente nõ requirit necessario actionem aliquam, seu dispositionem. Vnde absolutio sacramentalis, cum contritionem, confessionem, ac satisfactionem requirat, non potest in inuitum conferri: absolutio autem ab excommunicatione, aliisve censuris, cum non pendeat necessario, nisi à voluntate Prælati, potest quidem in inuitum conferri. Similiter indulgentia, quia in suscipiente exigit in primis, ut sit in statu gratiæ, deinde ut quæ in concessione indulgētiæ præscribuntur, efficiar, nempe, ut visitet Basilicas, oret, ieiunet, & eiusmodi alia præstet, quæ à libero pendent arbitrio, idcirco indulgentia, esto sit absolutio, in inuitum conferri non valet.

12. Obiicies tertio, si indulgentia esset iudicialis absolutio, sequeretur inde, non posse Summum Pontificem vltius indulgentiæ esse participem, cum nec se iudicialiter absolueret nequeat, nec alium superiorem habeat: at videtur satis absurdum, quod Summus Pontifex non possit illis frui indulgentiis, quæ cunctis fidelibus sunt communes: ergo. Atque idem argumentum confici potest de Episcopis, & Archiepiscopis quoad indulgentias, quæ ab illis toti populo conceduntur.

Responderetur, non defuisse aliquos, qui Summum Pontificem, ac Episcopos posse indulgentiarum, quas ipsi cæteris in communi largiuntur, participes esse negauerint. Ita Archid. in cap. *indulgentiæ, de pœnit. & remiss.* in 6. & Sylu. aliis citatis, verb. *indulgentia*, num. 21. Oppositum tamen sentiunt omnes alij, tum



Theologi, vt S. Thom. Durand Richard. & alij in 4. dist. 20. & Sotus dist. 21. tum iuris Canonici professores in cap. nostro, de penit. & remiss. & in cap. indulgentia, eod. tit. in 6. Nauar. etiam in tract. de subileo, notab. 20. num. 91. quæ sententia & verissima, & communis est; variant tamen DD. circa illius explicationem. Etenim certissima sunt principia illa, nemo potest ligari, vel solui, nisi à superiore; nemo sui ipsius superior existit; atque hinc fit, vt nemo in pœnitentiæ sacramento se ipsum absolueret vnquam sit ausus. Sentiant igitur nonnulli fortasse affirmari posse, Summum Pontificem, & Episcopos, erga alios vri absolutione; erga se ipsos solutione duntaxat. Alij opinantur non posse Pontificem immediatè per indulgentiam se ipsum absolvere, sed posse id per alium efficere, cui ipse potestatem tribuat. Sicut enim potest Confessorio suo facultatem impendere, vt illum à peccatis absoluar, idque omnes admittunt; ita eidem poterit facultatem dare, vt sibi indulgentiam conferat. Hunc modum dicendi censet probabilem Caietan. tract. 15. c. 5. & ante illum Richardus in 4. dist. 20. art. 4. q. 3. in solutione argumenti; quamuis enim indulgentia non spectet ad pœnitentiæ sacramentum, bene tamen ad forum interius, & pœnitentiale, in quo Summ. Pontifex potest se alteri subiicere, vt in ipsum ministerio clauium vtatur. Alij denique sentiunt posse Pontificem indulgentiæ à se, vel à prædecessore generatim propositi indirectè participem fieri, esto Confessorij opera non vtatur, præstet tamen quæ ab alijs exiguntur ad lucrandam indulgentiam, quoniam Pontifex (teste D. Thom. in 4. dist. 20. quest. 4. art. 5. quest. 4. ad vltimum) non potest se ipsum directe absolvere, potest autem vri iis rebus, quas ipse alijs ex iurisdictione cõcessit, vt rectè tradit Bellar. vbi supra. 6. ad fin.

## DVBIUM IX.

*Virum ad indulgentiæ valorem requiratur causa, non solum iusta, sed etiam proportionata.*

1. **S**uppono primò conuenire DD. omnes in primis concessionem indulgentiæ, etiam sine iusta causa ratam esse, quo ad ea, quæ pendunt ex solo iure Ecclesiastico, cuiusmodi sunt priuilegia eligendi Cõfessarium, qui possit à reseruariis absolvere, comedendi lacticia, & eiusmodi alia. Ita Nau. de subileo, notab. 15. num. 12. Sotus in 4. dist. 21. q. 2. art. 2. conclus. 2. Bellarm. lib. 1. de Indulg. cap. 12. & alij. Ratio est, quia cum Pontifex dispensat in iure Ecclesiastico, dispensat in lege sua, & consequenter dispensatio est valida, etiam si non adsit causa iusta; sufficit enim si constet eum dispensare voluisse, cum id totum ab eius arbitrio, & voluntate dependeat.

2. Conueniunt similiter omnes ad iustam causam non requiri, quod opus iniunctum sit in se ita satisfactorium, vt plene compenset debitum pœnæ, quod per indulgentiam remittitur, tunc enim indulgentia non esset remissio, sed commutatio, vel redemptio. Ita Bellarm. ibid. & omnes recentiores.

3. Suppono secundò, ad causam iustam plerumque duo requiri. Primò, finem aliquem pium, ac Deo gratum, cuius assequutio magis placeret Deo, quàm pœnitentialis satisfactio, quæ per indulgentiam relaxatur; fidelis namque & prudens dispensator cœlestis thesauri dicitur is, qui causam Domini sui fideliter agit, & iuxta eius voluntatè operatur. Secundò, opus aliquod, per quod finis ille probabiliter obtineri valeat, quoniam si finis valde placeat Deo, per opus tamè iniunctum obtineri nequeat

non

non videtur iusta causa indulgentiæ concedendæ. V.g. si concedatur indulgentia plenaria iis, qui semel orationem Dominicam pro conversione Hæreticorum recitant, non sane æstimabitur causa iusta, quippe etiam si Hæreticorum conversio res maxima sit, & Deo gravior, quam multorum fidelium pœnitentialis satisfactio, non tamen videtur probabile Hæreticos per eam solam brevissimamque orationem convertendos. Similiter si eadem indulgentia concedatur nummum vnum exponentibus pro Hierosolyma recuperanda, non quidem censetur tantæ indulgentiæ iusta causa, id enim opus non est tale, ut per ipsum Hierosolyma recuperari valeat.

4. Suppono tertio, quod esto plerumque in causa iusta duo contineatur, nempe finis, & media ad finem; aliquando tamen solus finis satis esse videtur, sine vllis mediis, id est absque vlllo opere iniuncto; cum nimirum finis non pederet ab aliquo opere, & per se sufficit ad indulgentiam iustam efficiendam: sic olim ad petitionem Martyrum, ut ex Tertulliano, & Cypriano tradit Bellarm. *ibidem*, dabantur indulgentiæ absque vlllo opere iniuncto, quippe iudicabat Ecclesia satis sufficientem causam esse intercessionem Martyrum, nempe ut qui eorum preces tanti fieri intnerentur, facile & ipsi ad martyrium accenderentur. Vocantur autem hoc in loco Martyres, qui in carceribus inclusi, iam aliquid ob fidei confessionem passi fuerant, & martyrij consummationem lætis animis expectabant. Similiter & in articulo mortis solet interdum Pontifex Romæ concedere indulgentiam plenariam aliquibus bene meritis de Ecclesia absque vlllo opere iniuncto. Extrema namque necessitas eorum, cum præcedentibus meritis videtur satis iusta, & sufficiens causa, atque ita de Greg. VII. testatur idem Bellarm. & huic simi-

lis videtur indulgentia illa, quam Martinus V. in fine Concilij Constantinensis concessit omnibus, qui dicto Concilio interfuerant, habeturque exemplum D. Pauli, qui 2. *Corinth.* 2. peccatori veniam concessit, ut non circumveniretur à Sathana, aut nimia tristitia absorberetur. Imo idem ostenditur exemplo ipsius Dei, qui vnus peccibus alteri ignoscit.

5. Sit igitur prima conclusio. Concessio indulgentiæ sine iusta causa, non solum est illicita, sed inualida etiam quoad expiationem reatus pœnæ coram Deo, vel in hac vita, vel in Purgatorio. Prior pars huius conclusionis est communis omnium, & probatur; quia eiusmodi concessio pertinet ad dispensationem thesauri, dispensatio autem non est dissipare, sed iusta ex causa bona publica distribuere, iuxta id 1. ad *Corinth.* 10. *Habentes potestatem in adificationem, non in destructionem.* Vnde cum res sit in materia graui, procul dubio sic indulgentiam scienter concedens peccabit lethaliter, ut recte insinuat Filliuc, *tom. 1. tract. 8. cap. 5. de Indulgent. num. 105.*

6. Posterior pars est etiam communis Theologorum, & Canonistarum, & eam præcipue docent S. Thom. S. Bonavent. Dur. Gabr. & alij in 4. *dist. 20.* Ratio est, quia S. Pontifex non est Dominus, sed dispensator tantum thesauri Ecclesiastici, iuxta illud 1. *Corinth.* 4. *Sic nos existimet homo, ut ministros Christi, & dispensatores mysteriorum Dei.* Igitur non potest valide dispensare, nisi dispense iuxta Domini voluntatem, & intentionem; facultas namque dispensatoris ex ratione sua non amplius extenditur. Confirmatur, quoniam sicut pater familias committens famulo, ut pecunias suas inter hos, & illos pauperes distribuat, si in alios usus eas expendat, non solum illicito, sed inualide etiam præstabit, tenebiturque ad restitu-

tutionem tam ipse, quam quivis alius, qui eas recepit, ita in casu nostro dicendum est. Atque idem videntur iudicare ipsius Pontifices, nam Clem. VI. in *Elem. vni genitum de pœnit. & remiss.* dum ait S. Pontificem posse thesaurum spirituales dispensare, addit, *iustis ex causis*; & in Concilio Constantiensi *sess. vltim.* præcipitur suspectos de hæresi interrogandos fore, an credant S. Pontificem iustis de causis posse indulgentias concedere.

7. Sed obiicies, quia etiam si dispensator in operando teneatur Domini voluntati, ac intentioni conformari, hæc tamen conformitas non est præcise necessaria ad valorem operis, sed solum ad aliquam honestatem: cum enim Dominus dispensatori præcipit, vt thesaurum suum inter pauperes distribuatur, intendit quidem, vt prudenter id efficiat, plus indigentibus copiosius distribuendo; actio tamen valida est, esto aliter faciat, plus amicis, seu cognatis suis, etiam minus indigentibus distribuendo. Similiter videtur dicendum in præsentem, nempe quod, etiam si constet, dispensationem indulgentiæ sine iusta causa factam, non esse iuxta Christi intentionem, adhuc inde non deducitur talem dispensationem esse irritam, quippe conformitas cum illa solum videtur ad fidelitatem quandam, seu prudentem dispensationem pertinere. Nec Pontificum testimonia aliud conuincunt: asserunt enim datam esse illis hanc potestatem, vt ea ex iustis causis vtantur, non tamen eo sensu, ac rigore conditionem illam esse adiectam, vt si non impleatur, irritet actum.

8. Respondetur tamen, dictam conditionem esse de substantia huius actus, & sic exigi ex Christi intentione, quam non ex speciali reuelatione, sed ex ipsa rei natura, supposita tali potestate, col-

ligendam esse censet Suarez *tom. 4. disp. 54. sect. 2. num. 5.* illa enim conditio, quæ est omnino necessaria ad finem principalem, propter quem potestas conceditur, consequenter necessaria est ad substantiam, & valorem actus talis potestatis. Atque in præsentem potestas data est in ædificationem, ac proinde requirit rationabilem causam. Tum quia alioquin eneruaretur omnino Ecclesiastica disciplina, vt habetur ex *cap. cum eo, de pœnit. & remiss.* Tum quia potestas quoties datur ad dispensandum, seu immutandum aliquomodo ius ab ipsomet superiore statutum, est de substantia & valore actus, vt non fiat absque iusta, & rationabili causa, vt constat ex communi consensu Theologorum, qui hac ratione inquirunt dispensationem in re ad ius diuinum spectantem, sine causa à Pontifice factam, esse nullam, in vo- to, matrimonio rato, & aliis eiusmodi. Ratio autem à priori est; tum quia irrationabilis voluntas inferioris non potest rationabilem superioris voluntatem irritare, neque est verisimile superiorem inferiori dedisse huiusmodi potestatem. Tum quia lex superioris fere nullius esset momenti, si inferior sine vlla causa posset obligationem eius cum effectu tollere. Vnde cum ius diuinum sit, vt qui peccauit, & nondum plene satisfecit, tali poena in Purgatorio afficiatur, & cum ius illud magna ex parte immutetur & quodam modo dispensetur in illo, quoties ab ea poena per indulgentiam quis absoluitur; hinc sequitur id absque iusta causa valide fieri non posse.

9. Secunda conclusio. Quævis causa non sufficit ad quasvis indulgentias concedendas, sed requiritur proportionata. Pro explicatione huius conclusionis obseruare oportet, nonnullos opinari satis esse quæcumque causam piam ad integrum indulgentiæ valorem.

Ita

Ita D. Thom. in 4. dist. 20. q. 1. art. 3. q. 2. Rich. art. 5. q. 1. Dur. ibidem q. 4. Syluest. verb. *Indulgentia*, n. 2. Angel. cod. verb. n. 2. Gabr. dist. 45. q. 3. art. 1. & Mich. Metina tract. de *Indulg. quæst. ult. sine.*

10. Alij opinantur causam piam solam non semper esse sufficientem ad totum indulgentiæ valorem, posse tamen suppleri ex deuotione lucrantis indulgentiam, quæ deuotio in opus ipsum redundet, & reddat illud maioris valoris moralis apud Deum. Ita Altisiod. l. 4. sum. tract. 6. c. 9. q. 1. & 3. quem sequuti sunt Innoc. & Ioan. Andr. in cap. *Quod autem*, & Hostiens. in cap. *cum ex eo*, de *pœnis. & remiss.*

11. Alij denique censent, non sufficere causam alias piam, seu honestam in se, sed requiri proportionatam effectui, vel quantitati indulgentiæ. Ita Albert. Magnus in 4. dist. 20. art. 17. S. Bonauent. *quæst. ult.* si attente legatur. Adrian. in materia de *Indulgent. conclus. 2.* August. de Ancona de potestate *Papæ quæst. 30. art. 5.* Caiet. tom. 1. opusc. 9. *quæst. 1. & 2.* Cord. de *Indulgent. lib. 5. quæst. 20.* Suarez loco cit. sec. 3. num. 8. Bellarm. ubi supra. Filliuc. num. 113. Coninck de *Indulgent. dist. 12. dub. 6. num. 31.* Dominicus de Soto in 4. dist. 12. *quæst. 2. art. 2.* Petrus à Soto lect. 2. de *Indulg.* & plerumque omnes recentiores, & mihi etiam videtur ita sentiendum.

12. Primò, quia Pontifices non solum requirunt piam causam, sed iustam etiam ad concessionem indulgentiæ, vt patet ex Clem. VI. in *Extrauag. vnigenitus*, & Leone X. in *Epist. ad Caiet.* qui vtùtur illa voce, *rationabilibus causis.* Vnde sic conficitur argumentum. Vt causa aliqua sit rationabilis, non satis est esse in se honestam, sed necesse est esse etiam rationi consentaneam; recta autem ratio cuitat, quidquid improportionatum est. Hinc Innoc. III. in d. cap. *cum ex eo*, superfluas indulgentias indiscretas vocat,

id est irrationabiles, easque vt tales reprehendit; sunt enim superflue illæ indulgentiæ, quæ copiosius conceduntur, quam causa requirat, esto sit pia: igitur causa rationabilis adæquationem, & proportionem exigit; sicut si quis pro redemptione vulgaris hominis captiui profunderet ingentem thesaurum, esset quidem causa pia, sed non rationabilis, nec proportionata.

13. Secundo, quia videntur abuti vocabulis, qui aiunt ad concessionem indulgentiæ requiri causam iustam, & tamè pro opere quocunque, etiam leuissimo opinantur concedi posse indulgentiam maximam; quomodo enim iusta causa dici potest, quæ cum effectu nullam habet proportionem? Profecto ex opposito sequeretur, posse Summum Pontificem in momento liberare omnes Purgatorii animas; più namque id æstimari posset, cum ad gloriâ Dei spectet, vt tot animæ citissime migrent ad cælum, ubi Deû ipsum intueri, & laudare perpetuo valeant. Cõsequens est absurdum: ergo.

14. Tertio, quia quantum concessio indulgentiæ excedit causam, tantum in ea conceditur sine causa, pro sola voluntate concedentis. Ergo tantundem habet nullitatis, seu quo ad totum illum excessum non est valida, & consequenter, vt sit integre valida, requirit causam proportionatam. Consequentia constat ex eo, quia omnis remissio facta absque vlla causa, sed pro sola concedentis voluntate, nulla est, vt fatentur omnes; id enim Domini, non dispensatoris munus est. Antecedens probatur, quia dum causa solum est proportionata indulgentiis v. g. vnius anni, si conferantur indulgentiæ sex annorû, indulgentiæ quinque annorum nullam habent causam sibi respondentem: igitur sine causa, & consequenter inualide quoad hanc partem dabuntur; valebunt quidem pro vno anno, quia diuissibiles sunt, & vt sic

FFF 2 habent

habent causam proportionatam, & vtilis existunt, vile autem per inutile non debet vitari, iuxta regulam iuris 37. in 6.

15. Confirmatur, quia dispensatio voti non solum inualida æstimatur, dum absque villa omnino causa fit, sed etiam dum fit absque causa iusta, cum obligatio voti sit de iure diuino: igitur concessio indulgentiæ facta sine causa iusta, & proportionata, inualida similiter erit, cum remissio poenæ Deo debita sit etiam de iure diuino, in quo Pontifex nequit sine iusta causa valide dispensare, vt tenent omnes.

16. Tertia conclusio. Proportio, quam inter causam, & effectum indulgentiæ requiri diximus, consistit in sola quadam præcedenti æstimatione moralis proportionis inter medium & finem seruari debita, ita vt illa censetur causa indulgentiæ adæquata, quæ pensatis omnibus circumstantiis, prudenter existimatur hic, & nunc medium proportionatum, & conueniens ad obtinendum finem, ob quem indulgentia conceditur. Ratio est, quia causa ista, de qua in præsentia, solum concurret in genere finis, & motiui, & consequenter in eodem genere debet habere adæquationem cum concessione indulgentiæ, quæ ad illam vt medium quoddam comparatur. Hinc fit, vt cuiusmodi adæquatio non consistat in indiuisibili, sed habeat latitudinem, sicut pretia rerum dicuntur habere latitudinem, rigidos, moderari, & micillimi pretij intra rationem iustitiæ. Atque eo magis, quia hæc adæquatio est moralis, & secundum habitudinem medijs ad finem, ac proinde habet latitudinem boni, melioris, & optimi. Vnde euenire potest, vt maior, & minor indulgentia ob eandem causam concessa æque valida sit, quippe quæ coniunctæ in prædicta latitudine pos-

sunt, nisi nimius adsit excessus.

17. Obseruare tamen oportet hanc æqualitatem seu proportionem non esse semper sumendam ex re ipsa, sed prout cadit sub prudentem electionem illius, qui indulgentiam concedit. Ita citans Sorum, Caietanum, & alios tenet Cord. de Indulg. quæst. 6. & 22. Ratio est, quia sicut non est humanum in rebus istis attingere semper punctum æqualitatis, ita non est verisimile Christum concessisse aliter hanc potestatem, sed sufficere vt reguletur secundum humanæ prudentiæ regulas: secus Pontifices nunquā possent absolute concedere tantam, vel tantam indulgentiā absque imprudentiæ nota. Vnde Christus Dominus à suoministro solum requirit, vt fideliter, & prudenter thesaurum dispenset, iuxta illud *Matth. 24. & Luc. 12. Quis parum est fidelis seruus, & prudens?* Immo nec inter homines plus requiritur, vt gesta, dispensataue ab œconomo, valida sint.

18. Neque obstat primò, si dicas in alijs effectibus ex opere operato, si causæ necessariæ re ipsa non subsint, esto intercedat prudens iudicium, vel existimatio, non satis est, vt subsequantur tales effectus. Hinc si quis absoluat eum, quem iuxta regulas humanæ prudentiæ putat sufficienter dispositum, re tamen vera non est, saltem per veram attritionem, absolutio non tenebit, nec consequetur effectum. Atque idem argumentum potest confici de cæteris Sacramentis: igitur in casu indulgentiarum idem videtur dicendum, non enim videtur specialis aliqua ratio, seu necessitas, ob quam in casu indulgentiarum, causa prudenter existimata sufficiat, esto in re ipsa non sit sufficiens, secus vero in Sacramentis.

19. Nihilominus facile soluitur obiectio, duplex norando discrimen inter Sacramenta, & indulgentias. Primum est, quod in Sacramentis, v. g. in abso

absolutione Sacerdotis, dispositio est necessaria ex parte recipientis, vt sacramentum conferat effectum suum, qui congruenter induci nequit in subiecto indисло: improprio autem suppleri non potest per Confessoris exultimationem, vel prudentiale iudicium; at iusta causa in indulgentia requiritur ex parte concedentis, ne sit dissipator alienæ rei; hoc autem satis est quod causa sit sufficiens iuxta prudentem illius æstimationem. Secundum est, quia in sacramentis concessio illius effectus, seu gratiæ ex opere operato conferendæ, est immediate à iure diuino, atque ex Christi institutione talem dispositionem requirente iuxta rei naturam, seu conuenientiam: at in indulgentiis concessio talis effectus immediate est ab homine, qui talem effectum concedit absolute, vel sub aliqua conditione, quam supponimus in re ipsa poni; causa vero sufficiens requiritur quasi antecedenter, quatenus mouere debet ipsum dispensatorem, vt fideliter, ac prudenter suo munere utatur. Ideoque quacunque ratione prudenter Pontifex indulgentiam dispenseret, sequeretur effectus: sic enim videtur satisfieri intentioni Christi Domini, qui sub hac conditione potestatem concessit, vt recte indicat Suar. num. 13, cui adhaeret Filliuc. num. 16.

10. Sed quæres primò, an dum causa non est æqualis, & proportionata, operetur saltem effectum indulgentiæ sibi æqualem. Responderetur affirmatiue. Ratio est, quia id pendet ex voluntate concedentis: quod autem velit, inde constat, quia vult concedere quantum potest; nam si vult, & tentat concedere plus quam potest, à fortiori vult facere quantum potest, & consequenter vult facere effectum adæquatum tali causæ.

11. Neque obstat secundò, si dicas,

dum conceditur indulgentia sub conditione talis operis, qui facit duntaxat partem eius, nihil omnino lucratur, vt patet ex dictis dub. ... quia indulgentia conceditur per modum vnus effectus indiuisibilis: igitur pari ratione si causa sit insufficiens ad totam indulgentiam, tota concessio erit nulla, & consequenter ex vi illius nullus dabitur effectus, etiam tali causæ adæquatus; vel è conuerso, si hic datur talis effectus, dabitur etiã pars effectus proportionatus parti operis, cum illa tantum executioni mandatur. Responderetur tamen, negando paritatem rationis: nam conuersio indulgentiæ iuxta exemplum adductum, est conditionata, vt constat, datur enim sub conditione talis operis, atque ideo non implera conditione nihil operatur; nec conditionem simpliciter implere dicitur, qui partem operis, non totum opus implet; nisi aliter in concessione ipsa exprimitur: ac proinde nec ex vi talis concessionis inferri potest, quod dispensator habuerit voluntatem concedendi aliquid facienti duntaxat partem operis. Vnde nihil refert quod illa pars sit proportionata parti indulgentiæ. Hæc enim proportio non sufficit absque voluntate concedentis. At in casu nostro impletur conditio, & quantum est hoc capite totus conferretur effectus; tamen non confertur totus ex defectu potestatis, non voluntatis; confertur autem pars illa, ad quam se extendit potestas iuxta causæ proportionem, ac sufficientiam.

12. Sed obieciæ tertio laudabilem Ecclesiæ consuetudinem: interdum namque pro eadem causa maiorem, vel minorem indulgentiam concedit, & sæpe etiã pro leui causa amplam indulgentiam, & Pontifex aliquando sola sua benedictione plenariam indulgentiam cõcedit omnibus presentibus,

FFF 3 qui

qui nonnunquam infinitus est populus: temerarium autem esset asserere huiusmodi indulgentias inualide concedi, vel Pontifices decipi, aut velle decipere: ergo. Responderetur nihil ob stare, quod pro eadem causa maior, vel minor indulgentia concedatur; tum quia in causa proportionata potest esse latitudo, ut diximus supra; tum quia potest aliquando Pontifex concedere indulgentiam nouæ æquarum causæ, sed minorem, in quo non errat, minus tamen liberalem se præber; tum etiam quia potest aliquando causa aliqua eadem materialiter videri, vere tamen non est eadem secundum valorem, & æstimationem moralem, attentis omnibus circumstantiis, ob quas potest maior subesse utilitas, vel necessitas in vno tempore, quam in alio.

13. Obiicies quartò, quia si semper esset necessaria adæquata, parvus fauor per indulgentiam conferretur, & difficillimum esset punctum æqualitatis attingere: igitur ut Pontifices valide possint suo arbitratu indulgentias taxare, satis est quod iusta, & pia causa intercedat. Responderetur, negando in primis hinc sequi paruum esse indulgentiarum fauorem, quamvis enim causa sit proportionata, adhuc per indulgentias remittuntur hominibus reatus pœnarum, ultra proprium eorum meritum, & satisfactionem, in quo consistit indulgentiarum fauor, ut recte perpendit Suar. n. 18. Quod autem hic fauor cum debita moderatione exhibendus sit, ratio iustitiæ, & communis utilitatis requirit, ut habetur ex d. cap. cum ex eo.

14. At quod difficile sit huiusmodi prudentiam seruare, non est admiratione dignum, cum sit etiam difficile vniuersam Ecclesiam in rebus spiritualibus, & diuini quodam modo ordinis gubernare. Huiusmodi tamen difficul-

tas singulari Spiritus sancti assistentia facile superatur, nec parum minuitur in moderatione supra insinuata, quod sufficiat causas esse adæquatas secundum humanæ prudentiæ regulas.

15. Obiicies quintò, commune illud Theologorum axioma, *indulgentia tantum valent, quantum sonant*: igitur si pro leuissima causa indulgentia maxima in litteris, Pontificiis dari significetur, indulgentia illa rata erit. Responderetur dictum axioma verissimum esse, intelligitur tamen de indulgentia necessarias conditiones habente, cuiusmodi sunt authoritas in concedente, legitima dispositio in suscipiente, & iustitia, ac proportio in causa; non est autem subditorum iudicare, an causa sit iusta, vel iniusta, sed potius debent humiliter credere, ac simpliciter existimare iustam esse, ut recte Bellarm. dicto cap. 12. notab. ult. imò in dubio semper pro Pontifice sentiendum est; ad ipsum enim spectat huius causæ iudicium, & temerarius merito esset habendus, qui iudicaret iniustam seu insufficientem esse causam, qua Summus Pontifex ad concedendam indulgentiam mouetur.

## DVBIVM X.

*Firum causa, qua in Bulla Cruciatæ exponitur, sit pia, & rationabilis censenda, ut virtute illius concedantur indulgentia, & alia, qua in dicta Bulla continentur.*

1. SUppono primò, omnem causam, seu omnem actum, qui ex se absolute, vel respectiue consideratus, vergit in honorem Dei, aut in Ecclesiæ spiritualem, temporalemve utilitatem, dici, & esse causam piam concessionis indulgentiæ. Ratio est, quia sicut in politis humanis thesaurus Reipublicæ ob

ob duo potissimum rationabiliter expenditur, nimirum ad honorem Principis, vt præstat *Aluerus, Hester* 1. vel ad vtilitatem cõmunitat̃is, vtpote cum munera seu brauia conferuntur ob defensionē, obsequiumve Reipublicæ factum, aut faciendum. Sic etiam rationabiliter fit in proposito, quomodo cūque eausa illa, seu opus vergat in Dei honorem, & Ecclesiæ vtilitatem absolute, vel respectiue ratione circumstantiarum. Hinc causa pia & iusta concedendi indulgentiæ, est promotio cultus Dei, vel sanctorum, propagatio fidei, hostium Ecclesiæ subactio, vel conuersio, maior Sedis Apostolicæ reuerentia, frequentatio Sacramentorum, atque cuiusmodi quæuis alia pietatis opera, vt fule ostendit noster *Medina de indulgentiis, disp. 9. cap. 38. in solutione ad quartum & 6. argumentum*; & sequitur *Cord. quæst. 21. initio*. Et cum his concordant expresse *D. Bonau. in 4. disp. 20. art. 2. quæst. 4. D. Thom. ead. disp. art. 3. quæst. 3. & communiter omnes*.

2. Suppono secundò, quod quamuis pro actu omnino spiritali possit concedi indulgentia, vt pro oratione interiori facienda pro sanctæ Ecclesiæ exaltatione, aut pace & concordia inter Principes Christianos, eum talis actus res pia, & iusta sit. Nihilominus actus pij, pro quibus regulariter indulgentia conceditur, sunt actus exteriores ad Dei honorem, & Ecclesiæ vtilitatem vergentes, vt est visitatio Ecclesiæ, recitatio talis, vel talis orationis, erogatio elemosynæ, assistentia ad diuina officia, susceptio Sacramentorum, & huiusmodi alia. Nam hæc omnia mediate, vel immediate ad spiritalia, Dei honorem, & Ecclesiæ vtilitatem ordinantur, vt recte *Cord. ubi supra, q. 22.*

3. Suppono tertio ex *Adriano in 4. de Indulg.* quod quando indulgentiæ conceduntur pro visitatione alicuius

Ecclesiæ, causa pia talis indulgentiæ, non est sola præsentia, aut visitatio corporalis, vt quidam simplices opinantur: illa enim nec in Dei honorem, nec in Ecclesiæ vtilitatem vergit, & consequenter non æstimatur causa pia, sed causa pia talis indulgentiæ est simpliciter deuota visitatio, quia hæc est ad Dei honorem, &c. Ita *Adrianus*. Et per deuotam visitationem, aut præsentiam intelligitur etiam fidelis, & protestatina fidei, ac obedienciæ Ecclesiæ actualiter, seu virtualiter esse, aut genere suo, vel ex circumstantia, aut relatione aliqua. Vnde infert *Cord. ibidem*, quod si illa Ecclesiæ visitatio sit solum corporalis, sicut visitatio plateæ, fori, aut alterius domus, non procedens aliquo modo ex fide, seu pietate, non est causa pia, ita nec alicuius indulgentiæ consecutua.

4. Sit iam prima cõclusio. Eleemosyna, quæ in Bulla exprimitur eroganda, est causa pia, & rationabilis, vt virtute illius concedantur indulgentiæ in Bulla contentæ. Ratio est, quia dicta eleemosyna erogatur sin subsidium belli contra infideles, & consequenter ad honorem Dei, & Ecclesiæ vtilitatem: igitur causa pia, & rationabilis censenda est.

5. Neque obstat, si dicas, simoniaeum esse dare spirituale pro temporali. Vnde cum indulgentia sit quid spirituale, seu distributio thesauri spiritualis, erogatio autem elemosynæ sit quid temporale, sicut etiam quicumque alius actus ex præscriptis in Bulla, igitur non causa pia, & rationabilis, sed potius iniusta, & irrationabilis censenda est. Respondeo enim iuxta *D. Thom. ubi supra art. vlt.* concedendo maiorem, non absolute, sed cum spirituale datur principaliter, vel finaliter pro temporali, secus cum minus principaliter, & solum prout est medium ad aliquid spirituale ordinatum. Ratio est, quia cum temporalia



temporalia ad spiritualia ordinentur, habeantque in hac vita connexionem, nō immerito temporalibus ob spiritualia simul vtuntur: atque ideo cōferendo spiritualia pro temporalibus ad spiritualia ordinatis, non potest proprie dici, quod conferantur pro tēporalibus, sed potius pro spiritualibus, ad quæ finaliter, & principaliter ordinantur. Vnde neganda est consequentia. Quia indulgentia nostræ Bullæ non conceditur pro elemosyna finaliter, aut principaliter, sed quatenus ordinatur ad spirituale, nempe ad Dei honorem, & Ecclesiæ utilitatem.

6. Sed obicies sic contra solutionem istam. Simonia est dare beneficium Ecclesiasticum pro subuentione pauperum, aut pro pecunia conuertenda in opus fabricæ, vel in alios vsus seu causas eiusmodi, arg. *sex. in cap. ex multis*, 1. *quest.* 9. ergo ordinatio temporalium in finem spiritualem, vt sic pro eis possit indulgentia conferri, non excusat à simonia. Addit Cord. *ibidem*, non esse dubium, quin Papa simoniam contra ius diuinum committeret, si indulgentias venderet pro temporalibus ad spiritualia quomodo-cunque ordinatis.

7. Respondet igitur ipse Cord. sequutus Adrianum in 4. dum agit de indulgentiis, quod indulgentiæ nullo modo conceduntur finaliter, etiam minus principaliter pro temporalibus, id est, non pro pretio, vel pro ea quota pecuniæ, quæ in defensionem fidei, seu subsidium belli contra infideles eroganda decernitur, sed pro pietate, puta in premium boni affectus, quo efficaciter cupiunt homines rem aliquam ad Dei honorem & Ecclesiæ utilitatem facere iuxta modum à Pontifice taxarum: & est simile de orationibus, quas fundimus pro benefactoribus, à quibus annuaria, & distributiones accipi-

mus. Facit ad hoc S. Bonau. *ubi supra*, qui post Alensem inquit, non dari spirituale pro temporali; sed commutari maiorem pœnam in minorem, & residuum solui gratis de thesauro Ecclesiæ per eiusdem Ecclesiæ pastorem.

Vel (subiungit ipse Doctor Seraphicus) dicendum est, non dari indulgentiam pro elemosyna exteriori, considerando datum, sed fructum, idest, quod ex radice bona, aut piæ voluntatis procedit. Et iuxta hunc sensum videtur interpretanda prædicta D. Th. responsio.

8. Vel tertio respondet Cord. ex eodem Adriano in 9. *quodlibeto contra D. Thomam*, quod cum simonia non sit, nisi quando spirituale supernaturale datur, vel accipitur pro temporali, tanquam pro pretio, & est communis opinio; idcirco non est censenda simonica concessio indulgentiæ, quantum-cunque detur pro temporali finaliter, seu principaliter; quia non datur pro temporali, tanquam pro pretio, sicut nec etiam est simonia, dum indulgentia conceditur pro oratione, ieiunio, & visitatione, seu peregrinatione: effect autem simonia, si daretur pro eo tanquam pro pretio, etiam si minus principaliter.

9. Secunda conclusio. Sufficiens, & rationalis causa concedendi & consequendi indulgentias in Cruciatæ consentas, est elemosyna, quæ pro illa offertur. Ita tenent expresse Iosephus Angles in 4. *tom.* 2. *quest.* de Indulgentiis, *diffic.* 5. Acosta in *expositione Bullæ*, *quest.* 11. & Man. Rodr. §. 1. *num.* 15. Idque satis pium, & probabile reputat Cord. *quest.* 22. quidquid alij in contrarium opinentur, sed immetito. Ratio est, quia utilitas operis requisiti ad concedendam indulgentiam alicui communitati, non est spectanda ex efficacia particularis cuiusque operis secundum

cundum se, sed prout est coniunctum cum operibus omnium aliorum, ut tradit Coninck *diff. 12. dub. 6. num. 33.* & est communis. At si utilitas eleemosynæ requisitæ pro indulgentia, quæ in Cruciata Regnis Hispaniarum conceditur, commensuretur, non ex efficacia eleemosynæ cuiusque particularis secundum se, sed prout est cum eleemosynis omnium aliorum coniuncta, adeo magna est, ut nemo possit rationabiliter dubitare, quin sit causa sufficiens; ergo.

10. Confirmatur ex eo, quia si habenti imaginem, aut rosarium benedictum, concedatur indulgentia plenaria, quoribus talia, vel talia opera præstet; idque, ut fideles ad Sedis Apostolicæ reuerentiam, sacramentorum frequentationem, aliæ pietatis opera excitentur; tunc etsi meum opus ad hæc consequenda parum per se efficax videatur, si tamen opera omnia, quæ ab aliis sub huiusmodi intuitu fiunt, simul spectentur, nil dubium, quin sint valde efficacia; igitur à simili, esto duo nummi argentei, quos quisque particularis impendit, non sint medium sufficiens, & proportionatum ad consequendum finem in Bulla præfixum; secus autem, si coniungantur cum aliis, quos cæteri omnes contribuere solent, ut constar experientia; & consequenter, sicut causa in communi est rationabilis, & sufficiens ad talem finem, ita indulgentia in communi, & generaliter ex vi illius concessa valida erit.

11. Tertia conclusio. Omnes, & singuli impendentes eleemosynam in Bulla præfixam consequuntur fructum indulgentiarum, quæ virtute eiusdem Bullæ conceduntur. Ita tenent expresse Angles, Rodr. & Acosta *ubi supra*, & propendit etiam Cord. Ducuntur, quia etsi dicta eleemosyna privatim considerata, & præsertim respectu diuitum,

non sit sufficiens pro concessione tot indulgentiarum; secus ramen in communi, & prout comprehendit totam summam, quæ ex singulorum contributionibus resultat in subsidium belli contra infideles. Hinc fit, quod S. Pontifex non respicit in specie duos nummos argenteos, quos diues, seu pauper offert, sed ingentem denarium summam sic colligendam ad defendendas Christianorum arces, & profligandos infidelium exercitus. Estque aptissimum exemplum, quo utitur Angles in huius rei confirmationem. Si Rex Catholicus (ait ille) offerat Summo Pontifici centum, vel ducentos mille aureos in subsidium contra Infideles, certum est posse Pontificem iure optimo Cruciata concedere Regnis Hispaniarum; ac proinde idem est sentiendum de contributionibus singulorum simul sumptis, cum eadem, & maior etiam summa inde resultat.

Est etiam aptissima similitudo, qua utitur Cord. dicens, quod sicut, dum in communi conceditur indulgentia plenaria omnibus, & singulis limina Apostolorum anno lubilæi, seu quouis alio tempore visitantibus, dicta visitatio æstimatur causa sufficiens tantæ indulgentiæ, quo ad omnes, & singulos, siue de longe, siue de prope accedant, siue robusti, aut debiles, siue sani, aut infirmi: ita in casu nostro dicendum est de iis, qui eleemosynam in Bulla taxatam contribunt, siue sint diuites, siue pauperes. Nec videtur dissimile id, quod refertur *Exod. 3.* dum Moyse iussu Dei æqualem omnibus imposuit contributionem pro constructione altaris, absque vlla diuitis, pauperisve differentia.

12. Possunt etiam pro hac conclusione allegari Maior in 4. *dist. 20. quest. 2.* imo & D. Th. *ibi q. 1. art. 3. quest. iunc. 2. ad 4.* Suar. etiam *tom. 4. in 3. p. disp. 52. sect. 3. n. 3.* Filliuc. *tom. 1. tr. 8. cap. 6. n. 164.*

& alij, qui opinantur, omnes, & singulos facientes opus ad indulgentiam requisitum æqualiter fructum eius consequi. Vnde S. Thom. ait, quod ille, qui est vicinus Ecclesiæ; imo etiam Sacerdotes, & Clerici consequuntur tantam indulgentiam, sicut illi, qui venirent à mille diariis, quia remissio non proportionatur labori, sed meritis, quæ dispensantur. Hæc ille. Ratio est, quia voluntas concedentis indulgentiam sub conditione talis operis, etiam conditionata sit, impleta tamen conditione transit in absolutam, & est omnino efficax, & consequenter operatur totum, quod per talem concessionem promissum est: omnes igitur, qui opus iniunctum sufficienter perficiunt, æqualem indulgentiæ effectum consequuntur, omnes enim consequuntur totum fructum, in quo non reperitur magis, & minus ex parte indulgentiæ, quamvis ex parte subiecti possit esse maior, aut minor, iuxta maiorem, minoremve illius indigentiam. Vnde si sit plenaria, omnes consequuntur illam, & sic formaliter in omnibus est idem effectus: at si in vno vnquam sit maior reatus, quam in alio, tunc ei plus remittitur, illa veto inæqualitas materialis est, & quasi accidentaria ex parte subiecti.

13. Sed obieciens primò, quia contingere potest, ut idem opus inæqualiter fiat à diuersis hominibus, vel ex eo, quod vnus est in gratia, alter in peccato; vel quia in vno est maius, quam in alio, ut rigidum ieiunium, copiosior eleemosyna, feruentior oratio, &c. Ergo absurdum est dicere, quod in his, & similibus casibus æqualem omnes consequuntur indulgentiæ effectum. Probatur consequentia, quia sicut sacramenta ex opere operato non conferunt æqualem effectum inæqualiter dispositis; nec ratio institutiæ distributiue permittit, ut inæqualiter laborantibus,

æqualis merces conferatur: ita nec in calu indulgentiæ inæqualiter operantes æqualem fructum consequuntur, cum illi nec sint æqualiter dispositi, nec æqualiter laborent.

Confirmatur ex extrauag. *Antiquorum*, 1. de *pœnit. & remis.* Vbi Bonif. VIII. cum in anno Iubilæi plenissimas concessisset indulgentias, tandem subiungit, *Vnusquisque tamen plus merebitur, & indulgentiam efficacius consequetur, qui Basilicam ipsam amplius, & deuotius frequentabit.* Atque ideo oppositum sentire videntur S. Bonau. *dist. 10. quæst. ult.* & Adrian. *in materia de Indulgentiis.*

14. Pro solutione huius obiectionis obiecta opus ad indulgentiæ requisitum considerari posse, vel ex parte causæ piæ, ob quam indulgentia conceditur; vel ex parte subiecti operantis, tanquam dispositionem illius; vel secundum se, quatenus meritorium est, aut satisfactorium. Vnde secunda & tertia consideratio nihil ad præsens refertur. Non secunda, quia ex dictis constat effectum indulgentiæ non requirere maiorem dispositionem in recipiente, præter culpæ carentiam, & statum gratiæ; atque ideo maior, vel minor deuotio per se non confert ad inæqualem indulgentiæ effectum, & in hoc est magna differentia inter indulgentiæ, ac sacramentorum effectus. Nec refert tertia consideratio, quia remissio, seu effectus indulgentiæ non innititur proprio merito, vel satisfactioni operantis; ideoque inæqualitas operis ex hac parte nihil etiā confert, ad perfectiorē effectum.

15. Sola igitur consideratio operis ex parte causæ piæ, est propriæ, & vere necessaria, quia sub ea ratione præcipue imponitur tale opus. Si autem id opus sit omnino determinatū, quantum ad quantitatem, & modum, obseruare oportet, an præcise, prout in cōcessione exprimitur, sit tantæ indulgentiæ causa

causa sufficiens, & proportionata; tunc enim qui opus illud præcise operatur, totum indulgentiæ effectum consequitur; quoniam nihil illi deest ex parte omnium causarum. Qui vero, vel aliquid amplius, vel id ipsum deuotius operatur, non plus lucratur: quia totum illud, quod addit, extra clausam indulgentiæ est, nec ratione illius aliquid amplius fuit promissum. At si tale opus forsitan præcise sumptum non sit sufficiens, & adæquata causa illius indulgentiæ, tunc fieri potest, ut aliquis tale opus efficiens non consequatur totum indulgentiæ effectum, ac proinde ut alius maiori deuotione, seu frequentia idem opus efficiens maiorem indulgentiam lucretur.

16. Ex dictis manet soluta obiectio facta, & ad probationem consequentiæ negatur, ad lucrationem indulgentiæ requiri dispositionem aliquam ex parte subiecti, præter carentiam culpæ, & statum gratiæ. Illud vero, quod obiciebatur de iusta distributione, nihil obstat: hæc enim thesauri dispensatio per indulgentias, non fit iuxta leges distributionis iustitiæ, sed liberalis cuiusdam donationis prudenter factæ.

17. Ad confirmationem, omisso varis solutionibus, respondetur, per illa verba extrauagantis, *plus merebitur, & indulgentiam efficacius consequetur*, non intelligi maiorem consequuturos indulgentiam, qui Basilicas amplius, & deuotius visitauerint, quia ultra plenissimam indulgentiam nihil amplius in effectu indulgentiæ excogitari potest; sed primum illud, *plus merebitur*, intelligitur de merito ex opere operantis: qui enim frequentius, ac deuotius exercet Religionis opera, cæteris paribus, plus gratiæ, & gloriæ merebitur. Illud autem, *efficacius indulgentiam consequetur*; idem est, ac si Pontifex dicat certius, & quantum est ex parte

causæ, cum maiori efficacia indulgentiam consequetur.

18. Quapropter hinc facile deducitur, omnes, & singulos, qui eleemosynam in Bulla taxatam contribunt, posse eisdem Bullæ indulgentias consequi; quia huiusmodi eleemosyna (vt habetur ex dictis) sufficiens causa tot indulgentiarum æstimatur, maxime attenta oratione, & altarium visitatione in eadem Bulla præscriptis: tum quia, esto respectu aliquorum non æstimetur talis, possent ipsi augendo bonitatem, & circumstantias operis iniuncti, tandem obtinere totius indulgentiæ effectus, vt habetur ex doctrina Suarez *ubi supra* num. 4.

## D V B I V M X I.

*Quomodo intelligantur indulgentia concessa militibus, & Clericis regularibus, aut secularibus ad bellum, & alia etiam concessiones pro ieiunantibus & orantibus pro unione Ecclesie contra infideles.*

1. **C**onceditur in Bulla indulgentia eadem, de qua supra, mittentibus aliquem ad bellum eo modo, qui late ponitur in illa, vide ibi; circa quem notandum occurrit, quod si Capitulum, vel Monasterium habeat personas decem, & pauciores viginti, secundum Rodr. 6. 3. debent personæ illæ ultra decem contribuere pro rata ad mittendum aliquem. Sed alij existant sufficere, quod vnus tantum mittatur ab omnibus non attingentibus numerum vigesimum; quod videtur rationi conformius; alioquin si tantum vnus mitteretur, nullus consequeretur indulgentiam, quia non est maior ratio de his, quam de illis; ille etiam qui mittitur, si

fuerit pauper, indulgentiam consequetur, vt patet ex ipsa Bulla. Conceditur deinde eadem indulgentia clericis sæcularibus, qui de licentia suorum Superiorum verbum Dei prædicauerint, & alia ecclesiastica, & pia ministeria exercuerint, quod eis in exercitu licere declaratur, absque eo quod irregularitatem incurrant, & possint suis beneficiis per idoneum Vicarium inferuire, dummodo curata non sint, curamque habeant animarum; nam hi sine licentia Summi Pontificis non possunt abesse, sed tenentur residere in suis parochialibus beneficiis. Alia quæ circa milites notant Rodr. & Garnica hic clara sunt, nec indigent expositione.

2. Præterea tandem erogantibus aliquid in subsidium, & orantibus pro vnione, & victoria contra infideles, simulque ieiunantibus ieiunio aliquo voluntatio; vel si ad ieiunandum legitime impediri fuerint, aliud pius opus arbitrio Confessoris fecerint, roties, quoties id exercuerint, durante dicto anno Bullæ, quindecim anni, & rotidem quadragenæ de iniunctis eis, & quomodolibet debitis pœnitentiis misericorditer in Domino relaxantur. Et insuper omnium precum, eleemosynarum, peregrinationum, etiam Hierosolymitanæ, & aliorum bonorum operum, quæ in vniuersali militante Ecclesia, & singulis eius membris fiunt, participes redduntur.

3. Circa quam concessionem notandum occurrit, esse opinionem plurium Doctorum asserentium orationem, quæ funditur pro tali vnione, & victoria, si alias erat fundenda pro illa, ex obligatione voti, vel præcepti Superioris, non sufficere ad consecutionem huius indulgentiæ; quia nisi oppositum exprimitur, semper intelligitur iniungi à Pontifice opus supererogationis, vt docent Cord. de Indulgentiis, quest. 21. Rodr. §. 7. num. 11. & 13. fauet D. Bonau. in 4.

dist. 20. art. 2. quest. 4. dicens Pontificem non solere indulgentias concedere pro opere obligatorio, ex qua doctrina perperam intulit Syluest. verb. Indulgentia, quest. 6. part. 3. non posse indulgentias concedi, nisi pro opere supererogationis; vt enim opera obligatoria possunt à Confessore in satisfactionem iniungi iuxta receptam, & communem DD. opinionem in materia de satisfactione, ita etiam propter illa potest indulgentia concedi; imo si quis teneatur omnibus Sabbathis ieiunare, & concedatur indulgentia absolute ieiunantibus in Sabbathis, poterit consequi indulgentiam per ieiunium Sabbathi obligatorium, eo quod non potest tunc præstare ieiunium supererogationis, vt bene notant Rodr. ubi supra.

4. Vnde etiam infero, eum qui omnibus diebus ieiunare tenetur, indulgentiam consequi posse, alias esset deterioris conditionis, quam qui non ieiunat omnibus diebus. Imo etiam si offerat pro vnione, & victoria orationem, quam renebatur facere, indulgentiam consequetur. Ita Rodr. supra dub. 3. qui etiam bene aduertit quamcunque orationem, quæ non sit notabiliter modica, sufficere pro hac indulgentia, & num. 5. ait sufficere intentionem virtutalem, & implicitam offerendi orationem pro vnione, & victoria, licet non sit formalis, & expressa. Illa autem oratio, quæ hic iniungitur, & in quam commutari potest ieiunium arbitrio Confessarii, non debet necessario esse vocalis, sed sufficit si sit mentalis, teste Nauar. §. in Leuitico, notabil. 22. Cord. de Indulgentiis, quest. 21. Rodr. ubi supra num. 5.

5. Quid autem sit concedere tot annos, & quadragenas, iam supra late à nobis explicatum est. Quomodo vero intelligatur hæc commutatio, & participatio bonorum operum, quam hic

hic concedit Summus Pontifex, late à nobis explicabitur infra dub. ultimo huius capituli. Quare solum restat aduertere, ad consecutionem indulgentiæ nullum esse impedimentum, fuisse negligentem in satisfaciendo per pœnitentias à Confessario impositas, vel à se susceptas, vt recte notarunt Cord. de Indulg. quest. 30. Sorus cum Altsiodorensi in 4. dist. 21. quest. 2. art. 3. Nau. §. in Leuit. notab. 22. n. 46. & Rodr. §. 2. n. 6.

DVBIVM XII.

*An qui propter infirmitatem, aut aliam grauem necessitatem omittit aliquod opus ex præscriptis à Pontifice, consequatur indulgentiam in totum, vel saltem in partem.*

1. Partem affirmantem sequuntur quidam recentiores cum Rodr. in Bulla, §. 2. num. 7. vbi ait, quod si quis fecisset cætera requisita ad lucrandum Iubilæum, & die Dominica propter aliquam infirmitatem non potuerit communicare, vt præcipiebat Iubilæus, lucratur nihilominus illum, refertque pro hac sententia Augles quest. de confessione, art. 5. diff. 4. pagina 277. in vltima impressione, refert etiam Pauinum in extrauag. multarum de pœnit. & remis. & Curiel. de Iubilæo, pag. 90. & 91. & probari potest.

2. Primò, ex lege cum hæret, §. Stichus, ff. de statu libertorum, & l. finalis, Codice de conditionibus insertis, vbi statuitur seruum, cui libertas conceditur sub conditione seruiendi certo, & determinato tempore, si casu fortuito sine culpa sua succedat impedimentum, ita vt tale obsequium exhibere non possit, maneat omnino liber. Ergo eadem ratione si sine culpa pœnitentis succe-

dat impedimentum ad exequendum aliquod opus ex præscriptis in Bulla, vel Iubilæo; lucrabitur nihilominus illum.

3. Secundò, quia voluntas pro facto reputatur in iis, quæ non possunt executioni mandari. Ergo si quis sine culpa sua impediatur facere aliquod opus ex requisitis in concessione, reputabitur coram Deo fecisse omnia, quæ sufficiunt ad lucranda indulgentiam.

Tertiò, quia alias etiam, qui ex impotentiâ omitteret, vel etiam ex obliuione aliquam partem parui momenti ex illis, quæ præscribuntur in Bulla, vel Iubilæo, non lucraretur illum, quod ramen non videret conforme meriti Pontificis, de cuius intentione credendum est non velle tanto bono priuare illum, per quem non stetit exequi partem illam parui momenti.

4. Verum, his non obstantibus, respondeo, dicendum, quod qui ex infirmitate, vel quauis alia impotentia, etiam inculpabili, non exequitur aliquod opus ex præscriptis in Bulla, aut Iubilæo, nec facit aliud loco illius per commutationem Confessarij, non solum non lucratur indulgentiam in totum, sed neque in partem. Primam partem huius assertionis docent D. Thom. in additionibus, quest. 27. art. 3. D. Anton. in prima parte, tit. 10. cap. 3. §. 4. Nau. §. in Leu. notabil. 17. Palud. 4. dist. 20. quest. 4. art. 5. Richard. art. 3. q. 3. Sor. dist. 21. q. 2. art. 3. Sylu. verb. Indulg. quest. 7. part. 4. Hentiq. lib. 7. cap. 20. Bellarm. etiam dicto lib. 1. de Indulgent. c. 13. q. 4. Suar. dist. tom. 4. disp. 52. sect. 5. n. 5. & alij ab eis ibi relati, & probatur.

5. Primò ex extrauaganti vnigenitus, vers. Adiciemus, vbi habetur, quod qui pro adipiscenda ea Indulgentia iter ad eundem Romam attriperint, & legitime impediti fuerint, vel morte præuenti, visitationem statutam facere

nequieverint, eandem consequi posse; ergo cum illud tanquam speciale privilegium in illo Iubilæo concedatur, manifeste sequitur, quod sine speciali indulto non lucrarentur illum, omittendo aliquod opus ex præscriptis à Pontifice; & ideo in hac concessione Bullæ eximit Pontifex ab obligatione confessionis, & perseverantia in exercitu, eos, qui non possunt confiteri, vel in exercitu perseverare, quæ aliàs per se loquendo requirebantur ad indulgentiam Bullæ lucrandam.

6. Secundò, quia opera à Pontifice præscripta, nisi aliud ipse exprimat, sunt conditio, sub qua conceditur indulgentiam; ergo qui non implet talem conditionem, non satisfacit requisitis ad lucrandam indulgentiam, atque adeo non lucrabitur illam. Paret consequentia, quia non existente condicione, nemo consequitur quod sub tali condicione datur; liberalis enim donatio, si conditionalis sit, non subsistit, nisi impleta condicione sit.

Terriò, quia concessiones Bullæ, vt docent communiter DD. sunt stricti iuris, quod præcipue verum est de indulgentiis, atque adeo non amplius valent, quam tenor earum sonat; sed verba Pontificis sonant prius esse exequenda omnia illa, quæ ipse exigit, quam percipiatur fructus indulgentiæ: ergo qui prius ea cum effectu non impleverit, non percipiet illum.

7. Secundam verò partem prædictæ assertionis docent D. Anton. Palud. & Henric. *ubi supra*. Nauarr. §. in *Lenice*, §. 19. per plures numeros. Cord. de *indulg.* q. 13. & Suar. *ibid.* & probant, quia Summus Pontifex non dicit quod facienti medietatem eius, quod præcipit, concedit medietatem indulgentiæ; ergo frustra id fingitur, cū in huiusmodi concessionibus standū sit solum tenori illarum, nec amplius, nec aliter indulgentiæ

valeant, quam sonant. Vnde à Pontifice solet dari facultas, vt qui tale opus exercere non potest, in aliud æquivalens commutetur à Cōfessario, vt sic vere dicatur fecisse omnia requisita ad lucrandam indulgentiam. Superest nunc solvere argumenta in contrarium adducta.

8. Ad primum, neganda est consequentia, quia ibi Legislator id statuit in fauorem libertatis, & per legem constat de eius libertate; in præsentī tamen non constat Pontificē concedere indulgentiam omittenti ex importantia aliquod opus ex iniunctis; imo oppositum constat, cum dicat illam concedere facienti hæc, vel illa, per quod apertè excludit non facientes.

9. Ad secundum respondeo, voluntatem pro facto reputari coram Deo, & quantū ad præmium essentiale, nō vero coram hominibus, & ad præmium accidentale, cuiusmodi est remissio pænæ per indulgentiam concessa. Vnde Cord. inquit *lib. 5. de indulgentiis*, q. 26. in *fin.* quod si indulgentia, vel Iubilæus exigant dare cleemosynam, & Dominus det illam famulo, vt distribuat in pauperes, ar ille sibi retineat, Dominus non lucrabitur indulgentiam, vel Iubilæum, quia non impletur cum effectu conditio, sub qua concedebat Pontifex indulgentiā. Quod idē docet Henric. *lib. 7. c. 10. fol. 906.* pro quo adducit D. Anton. & Nau. & Maior. *addit. in 4. dist. 20. quest. 20. propositione 5.* quod si esset taxatum, vt quis lucraretur indulgentiam, vel Iubilæum, dans vnum argentum Ecclesiæ, & quis ex ignorantia inuincibili conferret numerum falsum, non lucraretur illam propter rationem dictam, quod etiam docet Bonavent. Societ. *1. 2. s. v. tract. de Iubilæo in 4. requisito, dub. 2.*

10. Ad tertium respondeo, quod licet opus omissum sit secundum se parum quantitatis, vt recirare semel salutationem Angelicam, est tamen magni momenti

menti, secundum quod induit rationem conditionis necessarii requisitæ ad lucrandum indulgentiam; atque adeo si illud omittat ex quacunque causa, seclusa commutatione Confessarij, dum ad id datur facultas à Pontifice, non lucratur illam: nec hoc est Pontificem priuare illum ex leui causa magno bono sibi debito, cum indulgentia non sit debitæ, sed mera gratia Pontificis. Addo tamen, quod si id, quod omittitur, sit paruissimæ quantitatis per computationem ad reliqua opera executioni mandata, lucrabitur indulgentiam, quia id sufficit, ut dicatur ille moraliter impleuisse conditionem à Pontifice requisitam: ut si exigeret pro indulgentia recitate coronam, & qui omitteret vnam orationem Dominicam, vel Angelicam, vere lucraretur indulgentiam. Quia cum illa quantitas non sit adæquata materia, & conditio indulgentiæ, & ex alia parte sit paruissima in comparatione ad reliqua, non ponitur in numero inter necessario requisita ad percipiendum fructum indulgentiæ, & moraliter intelligitur illa impleuisse.

### DVBIVM XIII.

*Qua ratione intelligatur indulgentia Bulla concessa visitantibus quinque Ecclesias, & an possit quis illam lucrari toties, quoties eas visitauerit eodem die.*

1. **N**onnulli opinantur, quod ubi fuerint quinque Ecclesiæ, non satis esse visitare quinque altaria. Sed oppositum verius existimo, ut etiam censet Rodr. §. 8. n. 8. Nam Summariū vulgare, & Bulla latina disunctiue dicunt quinque Ecclesias, vel quinque altaria, ac proinde alterutrum istorum sufficit.
2. Nominem autem altaris etiam comprehenditur oratorium ab Episcopo vi-

sitatum, & designatū pro Missæ celebratione, ut ait Hentiq. qui addit, Ecclesiæ, vel altaria ad consecutionem indulgentiæ Bullæ, vel Iubilæi, nocturno tēpoite visitari posse, ut colligitur ex Iubilæo concessio anno 1555. & multis aliis, in quibus dicitur à primis vespertis alicuius festi vsque ad occasum eiusdem festi indulgentiam obtineri posse. Probatur etiam, quia cum absolute dicitur tali die alicubi indulgentiam obtineri, intelligitur à primis vespertis vsque ad occasum illius diei, teste Quintiliano Mendosio tit. *Indulgentia*, fol. 69.

3. Ille autem, qui in aliqua Ecclesia habitat, à qua egredi non potest, vel ratione Religionis, ut in Moniali continetur; vel ratione periculi, ut in eo, qui propter debita, vel crimen aliquod, vel hostes, ad Ecclesiam confugit, potest ibi orando indulgentiam obtinere, visitando quinque altaria, vel quinquies vnum, si Ecclesia quinque altaria non habuerit. Si tamen occurrat alicubi vnicam tantum Ecclesiam existere, eamque solum tria altaria habere, sufficit visitare duo bis, & vnum semel, vel vnum quinquies. Ita Nugn. in 3. part. tom. 2. tract. de Bulla, §. 10.

4. Non vero oportet moueri loco, aut exire ab Ecclesia, & eo reuerti, ut dicatur quinquies visitari, sed satis est, ut vno loco fixis preces fundat versus quinque altaria; quare sufficit moueri corde ab vno in aliud altare, ut tenent grauissimi iuniores; & patet, quia si ex multitudine hominum non posset ab vno in aliud altare moueri personaliter, sufficit moueri corde, ut ait Rodr. supra n. 12. cum quodam Magistro Valentino, nomine Ferruz. Ita etiam Villalob. 17. 27. claus. 8. n. 6. Bonac. de Sacram. disp. 6. q. 1. punct. 5. n. 25. Hentiq. lib. 7. c. 10. n. 1. Sæ verb. *Indulgentia* n. 6. & alij: ergo etiam quando nullum est impedimentum, licet ipse neget, sed male. Quia si vnum tantum esset altare,

non



non oporteret quinquies motu corporali, illud visitare; sed satis esset quinquies versus illud orare : ergo non requiritur per se loquendo in visitatione altaris motus corporalis.

5. Si autem visitaturus Ecclesiâ aliquam non posset eam ingredi præ multitudine hominum, sufficeret ex ostio orare, ut tenent Cord. lib. 5. de Indulg. q. 21. Rosella tit. Indulg. §. 12. Villalob. tract. 25. diff. 24. n. 7. & tract. 27. claus. 8. n. 7. Eman. Sâ n. 12. 9. gloss in Clem. unica, de reliquiis, & veneratione sanctorum, tenet etiam Bonac. ubi supra, qui citat Suar. & Grassum, & alios.

6. Oratio autem non sufficit mentalis, etiam si verba alicuius orationis mente, vel imaginatione interius proferrantur, sed debet esse externa, nisi forte in mutis. Quia Ecclesia Catholica est visibilis, & sensibilis, atque adeo actus ab illa præcepti, vel iniuncti debent esse externi, vel sensibiles, nisi aliud exprimat Pontifex in ipsa indulgentia. Vnde in materia de satisfactione communiter dicunt Doctores, quod si alicui iniungeretur pœnitentia alicuius orationis, ut rosarii, non impleteret illam, si solum mente eam recitaret, sed oporteret ore illam proferre : ergo similiter dicendum est in proposito.

His suppositis, partem affirmantem propositæ quæstionis sequuntur Angel. verb. Indulgentia, §. 4. Rosell. §. 12. Curiel de Indulgo, fol. 92. Nauatr. §. in Leuitico, notab. 32. num. 46. & 47. Rodr. §. 8. n. 15. Innocen. & alij relati à Sylu. ubi supra, &c.

7. Probant primò, quia priuilegium Principis nõ redundans in præiudicium tertij latissime est interpretandum, & odia debent restringi, & fauores ampliari : ergo non est restringenda prædicta indulgentia ad semel tantum in die, maxime si Bulla dicat, toties, quoties id fecerint dicto biennio durante, &c. ut

habetur in nostra Bulla.

Secundò, probant, quia verba iuris, etiam in materia odiosa comprehendunt omnes casus, ad quos cum proprietate se extendunt, ut constat ex lege cum lege, iuncta glossa, & ibi Aretinus tom. 3. Decius lege factum, §. in pœnalibus, ff. de regulis iuris, Alciatus in rubrica de verborum significatione : ergo à fortiori in materia fauorabili, qualis est hæc, & consequenter cum recte possit intelligi toties, quoties, siquidem in Bulla nullum est verbum, quod huic intelligentiæ discordet, ita debet intelligi.

8. Partem veto negantem tuentur D. Thom. in additionibus q. 25. art. 2. ad 4. D. Anton. 1. p. tit. 10. c. 3. §. 3. Palud. in 4. dist. 20. q. 4. art. 7. Sylu. verb. Indulgent. q. 8. dicto 3. Cord. de Indulgentiis, q. 25. Felin. tractatu de indulgentiis, & multi Iurisperiti in cap. finali, de pœnitent. & remiss. lib. 6. &c.

Primò probant, quia indulgentia perennis distinguitur à non perenni, quod illa valet toties quoties, cuiusmodi est illa, quæ habetur Romæ in Ecclesia Diui Petri per decem dies, teste Sylu. ubi supra, sed indulgentia in Bulla concessa visitantibus Ecclesias non est perennis : ergo, &c.

9. Secundò probant, quia in Bulla conceditur tanquã specialissima facultas, ut qui duas acceperit, possit bis gaudere indulgentiis, & gratiis in ea concessis : ergo præsupponit tanquã certum Pontifex, quod nemo potest lucrari pluries tales indulgentias. Nec iuuat respondere, ibi solum esse sermonem de indulgentiis, & gratiis, quas Bullæ Summarium vulgare concedit semel in vita, & semel in morte, ut est eligere Confessorem pro reseruatis in Bulla Cœnæ Domini, & similia; hoc inquam non iuuat, quia in concessione indulgentiarum standum est tenori verborum, cum tantum valeamus, quantum sonant : ergo cum

DUBIUM XIV.

*Utrum in articulo mortis possit virtute Bullæ impediri penitenti indulgentia ab alio, quam à Sacerdote.*

cum ibi dicatur posse gaudere his omnibus indulgentiis, & gratiis Bullæ, absque fundamento fit limitatio ad has gratias, & non ad illas.

10. Verum, his omnibus non obstantibus, pro resolutione respondeo, loquendum esse in præsentia cum distinctione; nam vel indulgentia conceditur ad tempus determinatum, ut visitantibus tali die, vel tali hora, & tunc semel tantum potest quis illam lucrari, ut docent DD. præcitati pro parte negatiua contra Angel. & Rosel. ubi supra. idque sufficienter probant rationes ibi adductæ. Vnde cum stationes Romæ signatæ in Bulla concedantur certis, & determinatis diebus, inde est, quod semel tantum potest quis illas lucrari, nisi aliud exprimat Pontifex. Quando vero indulgentia conceditur indeterminate, & quasi perpetuo sub hac forma, quicumque visitauerit talem Ecclesiam, vel altare, consequetur hanc, vel illam indulgentiam; tunc potest quis eam lucrari toties, quoties, ut docent DD. relati supra pro parte affirmatiua; & si amplius volunt, non sunt audiendi, idque satis probat ipsa consuetudo, quæ est optima legum, & concessionum humanarum interpres, & sic conciliari possunt prædictæ opiniones. Hoc tamen ultimum debet intelligi, dummodo iteratio visitationis non cedat in irrisum, ut re vera cederet, si quis visitaret eandem Ecclesiam continuo, egrediendo, & ingrediendo, quia non est verisimile de prudentia Pontificis, illo modo reiteranti visitationem multiplicare indulgentias. Ita com-

munitur recentiores in expositione Bullæ, cum  
Henriquez infra  
citando.

1. Partem affirmantem sequuntur Nau. §. in *Leuitico*, notabil. 30. num. 9. & Henric. lib. 7. cap. 9. fol. 418. lit. T. est tamen diuersum utriusque fundamentum. Nam Nau. putat non opus esse ad lucrandam indulgentiam Bullæ, confessionem Sacramentalem in articulo mortis, sed sufficere in necessitate occurrente confiteri tunc laico, qui etiam poterit ei impedire indulgentiam virtute Bullæ. Henric. autem fundatur in eo, quod quilibet tonsuratus potest absente sacerdote absolueri penitentem in articulo mortis à quacunque excommunicatione. Ergo poterit tunc impedire ei indulgentiam Bullæ, cum absolutio ab excommunicatione non minus sit actus iurisdictionis, quam concessio indulgentiarum. Antecedens vero probat ex D. Thom. in 4. dist. 20. d. Anton. 1. p. tit. 10. cap. 3. & 3. p. tit. 17. c. 4. Sylu. absolutio 10. num. 8. Armil. eod. verbo, §. 29. Angel. absolutio 3. §. 17. Tabiena absolutio 2. §. 5. Margarita Confessorum fol. 139. Palud. 4. dist. 17. q. 3. casu 7. Nau. in additionib. §. in *Leuitico de Indulgentiis*, notabil. 30. Viç. Marfio, Peña, & multis Iurisperitis, qui omnes docent tonsuratum posse in articulo mortis absolueri ab excommunicatione, absente sacerdote.

2. Verum, his non obstantibus, respondeo dicendum, indulgentiam plenariam, quam in articulo mortis concedit Pontifex in Bulla, impendi non posse per laicum, vel tonsuratum, licet non adsit sacerdos. Prebatur primò, quia in Bulla habetur, quod semel in articulo mortis possit confessorius in-

HH h indulgen

dulgentiam plenariam impendere. Ergo qui non fuerit sacerdos, non poterit id præstare. Patet consequentia, quia cum indulgentiæ sint stricti iuris, ut latè probat Cord. de Indulgentiis, q. 9. *propositio- ne 4. & in responsione ad 3.* in propria sua significatione sunt verba eius accipienda, & secundum ius; sed nomine Confessarii propriè intelligitur sacerdos habens facultatem confitendi à iure, vel ab homine. Ergo cum huic duntaxat concedat Pontifex in Bulla facultatem impendi indulgentiam, nullus alius præter sacerdotem, id poterit præstare.

3. Secundò probatur contra Nauar. nam ipse *cap. 16. & c. 27. n. 271. & de pœnitentia dist. 6. c. 1. in principio, n. 83.* tenet solum sacerdotem in articulo mortis posse absolueri ab excommunicatione, contra Gloss. Panorm. & Felin. *cap. à nobis, el segundo, de sententia excommunicationis, & contra Decium cap. 2. de iudicijs, num. 23. Ledesm. 2. part. 4. quæst. 26. art. 1. & alios supra relatos in principio huius dubij.* Ergo si consequenter loqueretur, etiam deberet tenere Nauar. solum sacerdotem in articulo mortis impendere posse indulgentiam, quamquam à Confessario concedendam dicit Pontifex.

4. Tertiò probatur contra Henric. ubi supra, quia licet verum sit quod laicus in articulo mortis possit absente sacerdote absolueri pœnitentem ab excommunicatione; inde tamen male infert, quod etiam possit impendere prædictam indulgentiam, cum ad hoc secundum exigat Pontifex certam conditionem, ut solum concedatur à Confessario, cuius nomine nulla ratione venit intelligendus, non sacerdos. Ad primum vero, scilicet ad absoluerendum ab excommunicatione, non perit Pontifex secundum ius commune talem conditionem; atque adeo intelligendum est

non velle restringere tale ius commune in Bulla, cum in ea potius agatur de privilegijs, quam de restrictione iuris communis fauorabilis.

5. Sed obiicies, ergo in illo casu discedet pœnitens sine tali indulgentia. Responderi possit ita esse; sed melius dicitur, quod consequitur illam auctoritate Papæ, quia ad hunc effectum non habet copiam Confessarii: quando autem non est talis copia, Pontifex non vult illum priuare indulgentia, ut patet ex alijs concessionibus eiusdem Bullæ.

6. Si autem inquiras, an extra confessionem possit à Confessario impendi prædicta indulgentia, Cord. respondet negatiue: sed oppositum est verius; nam sicut virtute Bullæ potest extra confessionem commutare vota, & absolueri à censuris, ut supra ostendimus, ita & impendere indulgentiam; erit tamen necessarium, ut talis confessus fuerit alteri, vel propositum confitendi habeat.

#### DUBIUM VETIMVM.

*Qua ratione intelligatur facultas Bullæ concedentis communicationem bonorum operum totius militantis Ecclesiæ.*

1. DE hac difficultate parum, vel nihil inuenio apud Doctores, quia licet Cordub. infra citandus, & multi Doctores ab eo relati, latissime probant esse in Ecclesia communionem sanctorum; in quo tamen illa formaliter consistat, exactè non explicant; & in quo etiam illa differat à communicatione, quam hic Pontifex concedit in Bulla, quidve supra illam addat, omnino prætereunt; ex quo in præsentī potissima ratio dubitandi

tandi defumitur, quia seclusa hac facultate Bullæ, per hoc quod homo sit in gratia, est particeps bonorum operum omnium iustorum, ut cõmunis Patrum docet, teste Canisio in explicatione illius articuli. Ergo per hanc concessionẽ nihil concedit Pontifex, quod absque illa non haberet accipiens Bullam.

2. Ut huic difficultati satisfaciam, præmittere oportet, quæ ratione intelligenda sit mutua sanctorum communio, quam sancta constituitur Ecclesia: hinc enim valde dependet germana intelligentia prædictæ participationis bonorum operum, quam specialiter concedit Summus Pontifex in Bulla.

3. Primò igitur dici potest, nomine cõmunionis, de qua in Symbolo, solum intelligi communicationem, actualement quidem in vno capite Christo Domino, & in vno baptismo, & aliis sacramentis, in eadem doctrina, & aliis mysteriis, quibus ad inuicem se iuuant membra Ecclesiæ; potentialem vero, quoad satisfactionem, & alia bona, quatenus iusti possunt sibi inuicem applicare proprias satisfactiones, etiam sibi necessarias; in quo valde discriminantur ab iniustis, quos constat inter se esse omnino incapaces talis applicationis, dum in peccato perseverant. Sed contra est, quod ait Regius vates *psal. 118. Particeps ego sum omnium timentium te, &c.* ubi aperte indicat per hanc communicationem importari actualẽ participationem bonorum spiritualium inter iustos. Quem locum explicans D. Ambr. ut refert Pius V. in Catechismo ad parochos, ait; sicut membrum particeps esse dicimus totius corporis, sic coniunctum omnibus timentibus Deum; quam similitudinem desumpsit ex D. Paulo *ad Romanos 12. Sicut in vno corpore multa membra habemus, omnia autem membra non eundem actum habent, ita multi vnum corpus sumus in Christo.* Ergo sicut in membris viuus

eiusdem corporis naturalis est actualis virtutis communicatio, ita in membris vnus corporis mystici; quod eleganter prosequitur D. August. *tract. 32. in Evangelium Ioannis*, dicens; *Oculus solus videt in corpore, sed nunquid sibi soli oculus videt? & manui videt, & pedi videt; ita etiam explicat D. Thom. opusculo 5. Et igitur concedenda inter iustos aliqua alia communicatio potentialis, præter communicationem in vno capite, in vno baptismo, & aliis sacramentis; & hæc erit quoad satisfactionem, vel aliquo alio modo.*

4. Secundò, posset dici in communicatione sanctorum ratione charitatis includi actualement communicationem satisfactionis, ita ut ex quocunque opere iusti omnes, & singuli alij iustificatione indigentes recipiant partem aliquam satisfactionis. Et si obiciatur, satisfactionẽ correspondentem cuiusque operi merito esse finitam, & aliquando paruissimam, atque adeo non posse in tot Ecclesiæ iustos distribui. Respondeo, quod licet satisfactio illa sit finita, habet tamen partes infinitas, non tot, quin plures, ad eum modum, quo secundum receptissimam philosophorum sententiam cum Arist. 6. Physic. in minima atomo sunt infinitæ partes continui, ita ut facta quacunque illius diuisione adhuc restat alia, & alia efficienda in infinitum.

5. Et si iterum obiciatur contra prædictum modum dicendi, quod talis distributio cederet in iniuriam ipsius operantis, cum opus esset multum de eius satisfactione adimere, ut reliqui eam participarent. Respondeo, nullam in hoc ei iniuriam inferri, cum id quod de eius satisfactione adimitur, incomparabiliter compensetur per fere innumeras alias satisfactiones, quas ipse participat ex similibus operibus aliorum iustorum.

6. Sed nec modus iste dicendi satisfacit, tum quia satisfactio vnius viui, maxime si illa indiget, non prodest alteri, nisi ipse, vel eius Prelatus applicet eam alteri: ergo si operans non applicet omnibus Ecclesiæ iustis suam satisfactionem, non proderit illis. Ergo amplius requiritur, quam esse in charitate ad participandam satisfactionem correspondentem operibus aliorum iustorum; tum quia alias nullus daretur iustus in Ecclesiâ, qui non esset immunis ab omni pœna, cum quotidie tot satisfactiones ei applicentur, quot sunt opera satisfactoria, quorum omnium quotam quantum ipse accipit, iuxta prædictam sententiam; tum quia sic opera satisfactoria B. Virginis, Apostolorum, & aliorum Sanctorum nunquam fuissent in thesauro Ecclesiæ recondita, cum statim distribueretur ratione prædictæ cõmunionis in reliqua Ecclesiæ membrâ.

7. Terriò tandem, & verius dici posset, per cõmunionem Sanctorum, quam Catholice confiteretur Ecclesiâ, intelligi non solum actualem communicationem sacramentorum, & influxum, qui à Christo Domino Ecclesiæ capite in eius membra deriuantur, & mutuâ ipsorum membrorum administratione, sed etiam actualem quandam bonorû participationem; ita ut quicumque iustus per sua opera, alias meritoria de condigno, & ex iustitiâ vitæ æternæ, mereatur etiam de congruo spirituales aliorum iustorum profectum; quod genus meriti, quia nullo speciali Dei pacto fundatur, solum diuina liberalitate nititur; dicitur autem meritum de congruo, quatenus concedens est, diuinæque largitati consonum, ut attendendo ad bona opera iustorum, eorum fratribus beneficiat, qui fraterna charitate illis coniuncti sunt.

8. Et si quispiam obiiciat, quod etiam iniusti possunt gaudere simili

communicatione, cum etiam opera bona iustorum sint impetratoria conuersionis peccatorum, iuxta illud Aug. (si credimus Cordubæ 5. de Indulgentiis, quest. 42.) nisi Stephanus orasset, forte Paulus saluatus non esset, & illud Genesii 17. vbi propter merita Abraham, Deus liberavit Loth. & tandem propter iustos parcat iniustis, ut docet D. Thom. in additionibus, q. 27. art. 1. & Doctores in 4. dist. 27. & 36. & laus Palud. in 4. dist. 25. q. 2. & alij, quos refert, & sequitur Cord. ubi supra. Respondeo opus meritorium iusti non habere vim impetrandi peccatori cõuersione, aut quidpiâ aliud, nisi ipso applicante, & ordinante ipsum opus ad id impetrandû, habet tamê vim meritoriâ de congruo in ordine ad profectum spirituales iustorum sine speciali applicatione operâti; sicut sine speciali aliqua applicatione habet esse sibi meritorium ex iustitiâ augmenti gratiæ, & gloriæ. Verum tamen est, quod, ut eleganter prosequitur Vvaldensis contra Vvicleph. de sacramentalibus, tit. 1. c. 5. si iustus specialiter intendat per suum opus impetrare, aut mereri de congruo profectum spirituales alicuius particularis, proderit magis ei illud opus, quam aliis, ad quos tale opus non fuit in speciali directum, sed in communi, ratione charitatis. Dicimus ergo, quod sicut mercatores ad lucranda temporalia habent inter se societatem, & ratione talis societatis cõmunicant in bonis temporalibus; ita iusti cõmunicant in spiritualibus, eo quod ratione charitatis societatem habent inter se, iuxta illud Iohannis 1. *Ut vos societati habeatis nobiscum, & societas nostra sit cum patre, & filio eius Iesu Christo*; ex qua societate oritur, ut recte dixit D. Thom. ubi supra, quod operatio vnius membri cedat in bonum totius corporis; quod aperte indicant optima verba D. Pauli ad Philip. 4. *Veritatem autem facientes, in charitate cresca-*

mus in illo per omnia, qui est caput Christi, in quo totum corpus compactum, & connexum per omnem iuncturam unius cuiusque membri, augmentum corporis facit in edificationem sui in charitate, &c. Hæc D. Paul. quibus satis nostram adstruit sententiam, si vltima eius verba attente perpendantur: nam quæso aptius intelligi potest per prædictū augmentū, quam profectus spiritualis iustorū? Vnde Pius V. in *Catech. ad Parochos*, fol. 108. ait; *Membra vero mortua, nimirū homines sceleribus obstricti, & à Dei gratia abalienati, hoc bono non privantur, ut huius corporis membra esse desinant, sed cum sint mortua, fructum spirituale, qui ad bonos & iustos homines pervenit, non percipiunt.* Hæc ibi.

9. His igitur sic prælibatis, haud difficile erit gradum facere ad interpretandam prædictam concessionem Bullæ circa participationē bonorū operum. Pro quo præmirtere oportet, prædictam concessionē non esse indulgentiam; tum quia indulgentiæ sunt de cōmuni thesauro Ecclesiæ, qui est cumulus satisfactionū Christi, & Sanctorum in acceptatione divina repositus; hæc vero cōcessio non est nisi de satisfactionibus viutorū, seu beatorū, quæ ad prædictum thesaurum nunquā devenerunt; tum quia, ut doctissime prosequitur Cord. de *Indulg.* q. 3. indulgentia præter dispensationē thesauri Ecclesiæ importat remissionem pœnæ, ut cōstat ex cap. quod autē extra, de penitentis, & remis. ex cap. cum ex eo, eod. tit. lib. 6. & in extranag. Antiquorū, eodē etiam tit. Hæc autē concessio participationis bonorum operum non importat huiusmodi remissionem pœnæ. Tum tandem, quia in cōcessione indulgentiæ exereetur clavis, secus vero quando quis admittitur ad participationem bonorum.

10. Præmitto rursus, quod in opere meritorio cuiuscunque iusti invenitur meritum augmenti gratiæ, & gloriæ,

quod nulli alteri potest communicari; invenitur etiam impetratio alicuius boni, quod alij vocant meritum de congruo, & tandem satisfactio pro pœna, quæ duo vltima applicari, & prodesse possunt alteri; id tamen habet speciale satisfactio, quod debet fieri per applicationem operantis, vel sui superioris, antequam opus fiat, non vero postea; sicut contingere potest in impetratione; nam postquam opus bonum factum est, si nulli specialiter fuerit applicatum ab operante, vel superiori in ordine ad satisfaciendum, cedit in bonum operantis, si indiget, iuxta illud *Matth.* 10. *Pax vestra ad vos reuertetur.* & illud *psal.* 34. *Oratio mea in sinu meo convertetur.* Si vero illo non eget, reponitur in thesauro, seu arario publico Ecclesiæ, distribuendum per indulgentias à Pontifice, & aliis, qui possunt indulgentias concedere; quia quæ habentur pro relictis pertinent ad ararium, seu bonum commune Reipublicæ Christianæ, & Christus Dominus, qui à Paulo vocatur ad *Hebræos* 1. *hæres universonum*, succedit in ea bona incerta, & pia, ac si esset hæres ab intestato, & huius spiritualis thesauri ararij claves commisit Petro, & eius successoribus pro indulgentiis concedendis.

11. His igitur præiactis fundamētis, quidā recentiores respondent, Summū Pontificē in Bulla cōcedere prædictam facultatē habere nouo titulo participationē bonorum operū, quam alias iusti ex vnione charitatis habēt; sed hoc nulla ratione admittēdum est, alias prædicta facultas esset de solo titulo, nō de re, nihilque operaretur præter ius commune, quod est contra rationem priuilegij, ut omnes Iurisperiti fatentur; nam cum priuilegium sit priuata lex, seu priuans legem, aliquem specialem effectum sortiri debet, vltra ius commune.

12. Alij vero dicunt triplicem esse

HHh 3

commū

communicationem fidelium. Primam genericam ratione charitatis. Secundam ratione indulgentiarum, per quas communicantur iustis satisfactiones Christi Domini & Sanctorum. Tertiam magis specialem, quando vnus applicat sua opera alteri ex intentione particulari, vel etiam Prælatus, & maxime Papa, quia in huiusmodi applicatione satisfactionis, datur inter Prælatus, & subditum locus præuentioni. Dicunt igitur per prædictam concessionem Bullæ non applicari bona opera fidelium sumentibus Bullam primo modo; nã sine noua applicatione reperitur talis communicatio inter mēbra vniuersæ Ecclesiæ; nec etiã secundo modo; quia indulgentiæ non conceduntur, vt supra diximus, de operibus viuentium, seu viatorum; sed sit tertio modo per hoc, quod Papa speciali intentione applicat opera bona fidelium, quantum ad vim impetratiam, & meritoriam de cõgruo, in quo nullum sit fidelibus præiudicium, imo conditio sic applicantium melior sit ex tali meliori applicatione; nec opus operantis ex hoc minuitur, sicut minueretur quantum ad vim satisfactiuam ex multiplicatione participantium.

13. Sed nõ placet hæc expositio, quia opera iustorum, etiam vt impetratoria, profunt ratione mutue charitatis aliis iustis, cum (vt supra diximus) de congruo mereantur profectum spiritualem aliorum, quibus spirituali charitatis cognitione coniuncti sunt: ergo aliquid amplius, quam hoc, importat communicatio bonorum, quam hic concedit Pontifex, alias nihil adderet hæc communicatio supra illam, quam ex vi charitatis habent omnes iusti, & sic nullum esset priuilegium, vt supra deduximus.

14. Quare dicendum esse reor, per hanc concessionem Bullæ communicari sumentibus illam, dummodo sit in gratia, omne illud quod aliis iustis superest de

suis satisfactionibus; itaque fructus satisfactionum, qui superabundant iustis, & reponendi erant in thesauro Ecclesiæ, applicat Summus Pontifex sumentibus Bullam, ita vt inter sumentes Bullam per varias partes secundum maius, & minus distribuuntur, secundum quod vnusquisque, maius, vel minus iuuerit in ordine ad finem Bullæ, scilicet subsidium belli contra infideles; quod ita esse, partim constat ex illis, quibus reliquas expositiones reiecimus, & à sufficienti partium enumeratione nulla relictæ eligenda, nisi hæc, partim, quod si hoc modo non intelligatur, nihil sane adderet specialis communicatio, quã in Bulla concedit Summus Pontifex supra eam, quam iusti habent ex mutua charitatis vniõne, vt supra dicebam; partim etiam colligitur ex verbis D. Pauli ad Corinthios. 8. vbi ait; *Non enim vt aliis sit remissio, vobis autem tribulatio, sed ex aequalitate in presenti tempore vestra abundantia illorum inopiam suppleat, & vt illorum abundantia vestra inopia sit supplementum.* Ecce D. Paulus admonet, vt quod superest vni, alteri applicetur. Hoc igitur idem facit Pontifex in spiritualibus, applicando aliis satisfactionem superabundantem alterius, vt illius abundantia alterius inopiam suppleat, & vt seruetur in corpore mystico, id quod in naturali, in quo videmus vnum membrum quod superfluum est sibi de alio uento, alteri communicare.

15. Ad gaudendum autem huiusmodi concessionem non sufficit habere Bullam, vt bene notauit Rodr. 6. 7. num. 9. fol. 12. sed opus est, vt prius preces effundat pro victoria contra infideles, & quod ieiunet ieiunio voluntario, hoc est aliis non obligatorio, vel si ieiunare non possit, aliquid aliud opus pium faciat ad arbitrium Confessoris.

16. Et hæc etiam ratione intelligendam, & interpretandam esse censéo communicationem religionum, quando earum

earum Prælati admittunt aliquos ad participationem bonorum operum suorum regularium; non enim intelligendum est, ut quidam existimarunt, Prælatum ex quolibet opere satisfactorio fratrum quorundam quamvis adimere, & illam aliis applicare, quos ad participationem bonorum admittunt, hoc enim sæpe cederet in iniuriā, & præiudicium fratrum, cum multi indigerent ea parte satisfactionis, quæ sibi adimitur, quod quidem nulla ratione credendum est velle Prælatos; imo ut multi DD. dicunt, id non possent facere absque eorum consensu, (de quo modo nihil determino.) Debet ergo intelligi, quod conceditur ibi communicatio satisfactionum, quæ supersunt fratribus, & ad participationem illorum recipiunt Prælati suos benefactores, ad quod præbent illis litteras Confraternitatis, quæ Hispanice dicuntur, *Carras de hermandad*; quas licet Vvicleph. cōdemnauerit, ab eius tamen calumniis liberat evidentissime Vvaldensis de sacramentalibus, tit. 10. cap. 94. probans apertissime similes litteras dedisse D. Paul. ut constat ex Epist. ad Hebræos cap. 1. & aliis multis ab eo ibidem relatis. Id tamen circa prædictas litteras advertere oportet, quod cum in illis dicitur dari, quia sunt benefactores, si re vera non sint, nihil possunt; quia deficit causa, propter quam dantur: si vero sint parum benefactores, proderunt illis parum secundum mensuram beneficentiae.

17. Verum tamen est quod; ut notavit Cord. ubi supra, & docet Rodriquez §. 7. in fin. recte potest Prælatus sine aliqua causa, sed solum charitate, aut speciali amicitia motus, dare prædictas litteras, & tunc proderunt cui dantur, licet non sit benefactor; proderunt (inquā) tam ut satisfactoriae sunt, quā ut impetratoriae, & meritoriae de congruo, quod notanter addo, quia existimo humilissimi litteras non solum prodesse iu-


stis, sed etiam iniustis, ut iustitiam consequantur, & citius iustificentur; quod etiam potest dici de accipientibus Bullam, dum sunt in peccato mortali, & sic prodest illis, siue sint in gratia, siue absque illa, licet diuersimode iuxta supradicta.

## CAPVT IX.

### De facultatibus, quæ Commissario Bulla conceduntur.

#### DVBIVM I.

An per Bullam suspendantur indulgentiae, & facultates aliae per Sedem Apostolicam Religiosis concessae.

1.  Rō explicatione huius difficultatis, quæ grauis est; Suppono primò, hic non agi de suspensione indulgentiarum, quas Episcopi, seu Archiepiscopi concedunt. Solum enim ex vi Cruciatæ conceditur Commissario facultas suspendendi indulgentias, & gratias concessas à Pontificibus, seu ab aliis ex delegata Sedis Apostolicæ facultate; Episcopi autem non ex delegatione, sed autoritate ordinaria, & iure diuino possunt indulgentias concedere, ut docent communiter DD. cum D. Thoma 4. diff. 20. & latè Cord. de Indulg. q. 10. Nau. §. in Luis. not. 31. n. 1. & seqq. Verum est tamen quod Episcopi habent prædictam facultatem dependentem à Papa, & non possunt eas concedere vltra taxationem illius. Vnde de facto eorum potestas limitata est in iure, ut constat ex cap. nostro, & cap. cum ex eo, de panis. & requis.

2. Suppō



2. Suppono secundò ex Felino in *cap. nonnullis, de rescript.* & Bart. in *extrauag. ad reprimendum, verb. non obstantibus*, quod etiã si aliquæ litteræ Apostolicæ habeant clausulas generales reuocatorias aliorum priuilegiorum, non tamen derogât omnibus priuilegiis in particulari, sed illis duntaxat, quæ dictarum litterarum Apostolicarum executionem impediunt. V. g. si quis priuilegium obtineat adeundi Hierosolymam, & D. Iacobum in Compostella pro sua deuotione, postea autem prohibitio fiat, ne quis Hierosolymam accedat; cum clausula generaliter reuocatoria quorumcunque priuilegiorum, poteritne huiusmodi persona D. Iacobum in Compostella adire? Vtique, quia, etsi reuocentur omnia, & quæcunque priuilegia; id tamen intelligitur solum de iis priuilegiis, virtute quorum conceditur accessus ad Urbem sanctam. Eodem modo esto Bulla Cruciatæ habeat clausulam suspensoriam generalem aliorum priuilegiorum, dicta tamen clausula non suspendit omnia priuilegia in particulari, sed illa duntaxat, quæ eiusdem Cruciatæ impediunt executionem, cuiusmodi sunt priuilegia assistendi diuinorum celebrationi tempore interdicti, eligendi Confessorem, lucrandi indulgentias, edendi laetitia, &c. Secus de iis, quæ circa alias materias versantur, & consequenter sunt omnino dissimilia priuilegiis in Bulla contentis.

3. Suppono tertio, nihil prædictis obstat, quod in Bulla suspendatur priuilegia similia, & dissimilia iis, quæ in eadem Bulla conceduntur, id (inquam) nil obstat: intelligitur namque de dissimilibus, non omnino, sed duntaxat quo ad modum. V. g. Priores ordinis Prædicatorum gaudent priuilegio admittendi in suis Conuentibus ad sepulturam Ecclesiasticam tempore interdicti certum numerum personarum, sed absque pompa,

vel solennitates; idem priuilegium concedit Bulla omnibus illam sumentibus, cum solennitate tamen competenti, & in hoc consistit vtriusque priuilegii dissimilitudo. Priuilegia igitur, vel similia in specie, vel etiam quoad modum, dissimilia iis, quæ in Bulla continentur, possunt per generalè Cruciatæ Commissarium suspendi; non autem quæ omnino sunt dissimilia, & nullatenus in Bulla conceduntur; id namque esset absurdum, vt recte tradit Rodr. in *expos. Bullæ, §. 2. num. 1. fine.*

4. His sic præmissis, circa præsentem difficultatem, quoad indulgentias Acoſta in *Bullæ expositione, q. 108.* censet Regulares, etiam Mendicantes, non posse absque Bulla frui indulgentiis, ipsis aliàs per Sedem Apostolicam concessis; existimat enim omnes per Bullæ promulgationem suspendi. Ducitur primò, quia Summus Pontifex dum in clausula reuocatoria, seu suspensoria priuilegiorum excipit facultates Mendicantium, non videtur intelligere indulgentias prædictas. Indulgentiæ namque in iure (ait ille) non comprehenduntur sub nomine facultatum, vt patet ex *cap. extrau. Sixti I V. de panis. & remiss.* & ex noua *extrauag. Gregorij XII.* vbi dicti Romani Pontifices ad celebritatem Iubilæi anni sancti varias facultates prius suspenderant, & postea indulgentias ipsas specialiter suspendunt, tanquam res à facultatibus distinctas.

5. Secundò, quia postquam Pontifex in hac Bulla suspendit indulgentias omnes, ac facultates, postea excipit non quidem indulgentias, sed nominatim facultates Superioribus Mendicantium concessas.

Tertio, quia Clem. VIII. speciali suo Breui sub dat. die 28. Augusti anno 1591. commisit Alberto Cardinali Archiduci Austriæ, vt ipse in Lusitanæ Regno definitet quantitatem elemo-

synæ

synæ à Mendicantibus erogandæ pro indigentibus Cruciatæ lucrandis. Vnde videntur supponere Mendicantium indulgentias esse suspensas. Cum enim indulgentiæ Mendicantium amplissimæ sint, non indigebant susceptione dictæ Bullæ ad eisdem indulgentias lucrandas, quippe virtute suorum indultorum æquales indulgentias habuissent.

6. Nihilominus, absolute tenendum est, nec indulgentias, nec alia quæcunque priuilegia concessa, vel Prælati Mendicantium pro sibi subditis, vel Religiosis huiusmodi pro se ipsis suspendi vllatenus in Bulla. Ita communiter DD. Rod. §. 12. num. 4. Villalob. summ. tom. 1. tract. 17. claus. 12. num. 10. Ioan. à Cruce epit. lib. 2. cap. 7. dub. 3. concl. 2. & Nugn. 3. p. tom. 2. tract. de Bulla, §. 14. Vnde non possum non mirari virum alias eruditum, adeo fuisse in hac parte allucinatum, vt absque vlllo valido fundamento discesserit ipse solus à sententia, quam tot viri doctissimi censerent indubitam.

7. Prior igitur nostræ conclusionis pars constat euidenter ex verbis ipsius Bullæ, qua expresse dicta priuilegia excipiuntur à generali priuilegiorum suspensione.

8. Posterior autem constat ex declaratione, ac concessione Pontificia Leonis X. ad instantiam Superiorum ordinis Minorum de obseruantia, quæ est huiusmodi. *Dignetur S. V. concedere, & declarare, quod virtute Bullarum Cruciatæ contra infideles, vel aliarum indulgentiarum generalium, quasque reuocationes, aut suspensiones priuilegiorum ordinum, etiam Mendicantium continentium, nunquam intelligantur reuocata, neque suspensa indulta, priuilegia, & gratia concessa, quoad personas fratrum Minorum de obseruantia, & quoad suspendendum interdictum in festiuitatibus Sanctorum sui ordinis, nisi de his specificet, & nominatim facerent mentionem. & dixit Pontifex, fiat.* Huius autem indulti, &

aliorum reddit testimoniū fide dignum Laurentius Cardinalis quatuor Coronatorū, vt habetur ex Supplem. ordinis 1. part. fol. 60. concessione 177. & gaudent eodem indulto omnes Regulares communicationē priuilegiorum habentes.

9. Insuper vtraque conclusionis pars probatur ex supradictis, quia sicut in Bulla non conceduntur nisi priuilegia personalia vt habetur ex 2. *notando duby sequentis*, ita nec suspenduntur nisi eadem, id est singularibus personis immediate concessa. Neque obstat, si dicas in Bulla expresse suspendi facultates, & gratias Monasteriis, ac locis piis concessas; hæc autem potius videntur dicenda priuilegia realia. Responderetur tamen, facultates Monasteriis, & aliis locis piis concessas in Bulla, suspendi non absolute, sed quatenus concernunt singulares personas, quæ huiusmodi facultatibus gaudere possunt, & consequenter non immerito priuilegia personalia reputantur. Ita Rodr. *ibid. notab. 3.*

10. Quapropter ad primam probationem, negatur assumptum, falso enim præcitatus Author ex extrau. Sixti I V. & Gregorij X III. colligit indulgentias non comprehendi sub nomine facultatum, quamuis enim facultas plura comprehendat, quam indulgentia; at sub nomine facultatis comprehenditur etiam indulgentia, vt satis manifeste insinuat Nauar. in *comment. de Lubilao, notabili 33.* quem tamen Acoſta in sui fauorem allegat, sed iniuste. Hinc multi Salamanticenses doctissimi per P. Ioan. à Cruce epit. lib. 1. cap. 6. dub. 12. conclus. 3. relati asseruere, quod quando Bulla post suspensionem omnium indulgentiarum, gratiarum, & facultatum, excipit concessa Superioribus Mendicantium, quoad suos Religiosos, exceptio ista intelligitur respectu indulgentiarum duntaxat, & videtur deduci ex contextu, dum dicitur quoad sibi subditos, id enim de



renocare, vel suspendere indulgentias gravis, seu imaginibus, coronisve affixas, saltem respectu illorum, sed secularium duntaxat, etiā si tales indulgentiæ non solum ipsi, sed toti populo Christiano fuerint concessæ, atque ita existimo, sub censura tamen cuiuscunque alterius melius sentientis.

## DUBIUM II.

*An per Bullam suspendantur indulgentia & alia privilegia Regularibus concessa pro secularibus.*

1. **P**Artem affirmatiuam tenent Nauar. lib. 5. conf. tit. de priuile. conf. 16. n. 1. Lopez 2. p. instrum. ubi de clauibus, c. 1. paulo ante vers. Queritur deinde, Rodriq. §. 12. n. 4. & Acosta super Bullam, q. 105. Ducuntur primò, quia Bulla suspendit omnes facultates concessas Monasteriis præter illas, quæ concessæ sunt Superioribus Mendicantium in ordine ad suos fratres tantum: ergo suspendit eas, quæ sunt concessæ eisdem in ordine ad seculares. Patet consequentia, quia exceptio firmat regulam in contrarium: ergo cum ibi excipiantur gratiæ concessæ in ordine ad fratres, aperte consequitur reliquas comprehendendi in prædicta suspensione.

2. Secundò, quia ut patet ex usu, Religionem petunt facultatē à Commissario ad publicandum indulgentias concessas toti Religioni pro secularibus, & Concionatores prædicant eas non obtinere carentes Bulla Cruciatæ: ergo censent prædictas gratias in ordine ad seculares illis concessas omnino suspendi à Commissario, alias possent eas publicare sine eius licentia, quod tamen non audent facere.

Tertio in Bulla suspenduntur privilegia concessa aliquibus Religionibus quoad seculares, ut audire Missam tein-

pote interdicti, vel cessationis in eorum Ecclesiis: unde Collector priuilegiorum Trinitatis aduertit his priuilegiis uti non posse carentes Bulla; & similes suspenduntur facultates dispensandi, & commutandi vota, & absoluedi à reueruatis, licet toti Religioni concessæ fuerint: ergo.

3. Pro explicatione huius difficultatis, Obserua primò, ex Nau. de Indulg. not. 28. n. 13. & 14. facultates omnes, gratias, & indulta, quæ in Bulla continentur, personis particularibus concedi, & esse priuilegia personalia, quod manifeste deducitur ex eo, quia (ut habetur ex eadem Bulla) facultates, & indulgentiæ semel suspensæ denovo per summptionem Bullæ reuolidantur; constat autem singulares personas, & non Monasteria, seu Conuentus Bullam sumere. Neque obstat si dicas in Bulla suspendi facultates, & gratias Monasteriis, Confraternitatibus, & Hospitalibus concessas, quæ ideo non personalia, sed realia priuilegia esse uidentur. Respondetur enim ibi solum suspendi indulgentias, quas lucentur illi, qui Ecclesias etiam Regularium uisitant, vel Cōfraternitatibus, seu Hospitalibus inseruiunt, iuxta constitutionum Apostolicarū tenorem, & consequenter respectu huiusmodi personarū priuilegia personalia duntaxat dicenda sunt.

4. Secundò obserua, quod priuilegia Confessoribus Ordinum Mendicantiū, & non Mendicantiū cōcessa ad absoluedum olim à reueruariis, ad dispensandum, & commutandum vota seculariū, & similia, non esse personalia, sed realia. Quamuis enim concedantur personis dictorum ordinū professoribus, quibus ordinibus uoluit Sedes Apostolica huiusmodi fauorem impartiri, & consequenter dicta priuilegia potius censenda sunt ordinibus, quam personis concessa, quod inde probatur: quoniam si dicti Religiosi autoritate Apostolica à

Religione egredierentur, vel expellerentur, nequaquam post habitum sic dimissum dictis fauoribus fruenterentur: id autem manifestum esse indicium, quod huiusmodi priuilegia non sunt personalia, tradit Rod. tom. 1. *quæst. reg. q. 61. art. 14. not. 2.* & tradit rationem, quia si essent præcisè personalia, personas quidem præquerentur, etiam si statum mutarent.

5. Tertiò obsetua, quod licet priuilegia certo personarum generi concessa (vt ea quæ maritis conceduntur) sint regulariter personalia, arg. *leg. qui tale, ff. solut. matr.* & notat Zazinus in l. *marito, num. 32. ff. eod.* Nihilominus priuilegium concessum certo personarum generi, quod per fictionem iuris nunquam perit, perpetuum est, & reale, cuiusmodi æstimatur priuilegium, quod vniuersitatis ciuibus conceditur, vt colligitur ex l. *forma, §. quamquam, ff. de censib. c. 12. ff. de reb. dub. ..* & notat Romanus in l. *maritum, ff. sol. matr. num. 17.* & Socinus in d. l. 2. n. 4. Atque idem in casu nostro dicendum est; priuilegia namque, & facultates prædictæ Religionibus dari censentur, cum eæ concedantur Confessariis, qui per fictionem iuris nunquam pereunt.

6. Sit igitur prima conclusio. Per suspensionem Cruciatæ non intelliguntur suspensæ facultates, & priuilegia Religionibus concessa in ordine ad sæculares, cuiusmodi sunt illa, quæ habent ad vota sæcularium commutanda, & dispensanda, necnon penitentes etiam Bulla carentes absoluedum. Ita Ledesma *sum. tom. 1. tract. de sac. penit. c. 15.* Graff. in *append. ad decif. lib. 1. cap. 7. §. 9. num. 64.* Ioan. à Cruce de *stat. Relig. lib. 2. cap. 3. dub. 7. concl. 3.* Henric. lib. 6. de *pœnit. 16. num. 7.* & lib. 7. de *indulg. c. 28. n. 7. ubi in comment. lit. 2.* plures refert, tam Dominicanæ, quam Franciscanæ familiar viros doctissimos id sentientes; ita

etiam Sanch. *sum. tom. 1. lib. 4. c. 54. n. 62.* Vbi pro eadē sententia adducit Lessium *lib. 2. de iust. c. 12. dub. 1. num. 60.* & Rod. qui à priori sententia recedens nobiscū sentit in *addit. ad §. 12. n. 4.* sed probatur.

7. Primò, quia in Bulla tantum suspenduntur gratiæ concessæ, aut concedendæ quibusuis Ecclesiis, Monasteriis, Hospitalibus, piis locis, Vniuersitatibus, Confraternitatibus, & singularibus personis in Philippi Regnis; priuilegia autē istius nostre conclusionis non sunt huiusmodi, & consequenter non suspenduntur. Minor probatur, quia quæ Religiosis conceduntur, censentur concessa eorum ordinibus; in Bulla autem non suspenduntur priuilegia ordinibus concessa, vt ex tenore Bullæ sit manifestum. Neque obstat, si dicas in Bulla suspendi priuilegia singularibus personis concessa, Religiosi autem sunt personæ singulares; Respondetur enim, Religiosos hic non considerari, vt personas singulares, sed quatenus suorum ordinum professores, & consequenter priuilegia Religiosis concessa, potius ordinibus, quam personis conceduntur, vt patet ex dictis in 2. & 3. notando.

8. Secundò, quia regularium priuilegia non reuocantur, seu suspenduntur per generalem omnium priuilegiotum reuocationem, vel suspensionem; tum quia continentur in corpore iuris; vt autem quæ in corpore iuris continentur intelligantur suspensa, & reuocata, requiritur vt fiat de illis expressa mentio. Ita Bart. in *extranag. ad reprimendū. verb. non obstitibus, sine;* tum quia, quæ ob merita conceduntur, proinde non reuocantur, aut suspenduntur, esto in reuocationibus, vel suspensionibus verba generalia, & geminata ponantur. Ita Mandosius in *regula Cancel. 3. q. 8. num. 6.* sed requiritur, vt de illis similiter expressa mentio fiat, vt constet ex traditis à Nau. de *Indulg. notab. 53.* & habetur etiam

etiam ex concessione Leonis X. qui die 15. Aprilis 1516. Religiosis ordinis Minorum de obseruantia concessit, quod per reuocationem omnium priuilegiolorum, etiam Mendicantium, non intelligantur reuocata, vel suspensa priuilegia, indulta, seu gratiæ Minorum, nisi de illis mentio fiat expressa, vt habetur ex dictis *dub. precedenti.* Cum igitur in suspensione generali nostræ Bullæ prædictæ priuilegia Religiosis concessa non exprimentur, consequenter dicendum est non suspendi.

9. Tertio probatur, quia suspensio est valde odiosa, atque adeo strictissime interpretanda, vt in simili ait Nau. §. in *Leuitico*, notab. 33. num. 2. ex cap. odia, de regulis iuris, in lib. 6. è contra vero priuilegia Religiosorum laxissime sunt interpretanda, præsertim illa, quæ in communi concessa sunt toti Religioni, & cum speciali Bulla, & in perpetuum, quia hæc censentur fapor totius populi Christiani, in cuius utilitatem cedunt, vt docet D. Thom. opusculo contra impugnantes Religionem, cap. 4. Gratianus cap. finali 25. q. 1. & sequenti. Compendiū Mendicantium verbo priuilegium, in fine, & Bal. 4. exceptionum, cap. 1. & 2. dicens, exceptionem Regularium à iurisdictione Episcoporum cedere in magnum Religionis fauorem; quod idem certum est de aliis priuilegiis Religiosorum, præsertim continentibus facultates absolendi à peccatis, & censuris; commutandi, ac dispensandi vota, &c. Ergo amplissime sunt interpretanda.

10. Secunda conclusio. Priuilegia quibusuis Monasteriis, Ecclesiis, Hospitalibus, Cōfraternitatibus, Vniuersitatibus, piis locis, & singularibus personis immediate cōcessa, quoad sæculares per Bullam Cruciata suspenduntur. Hæc conclusio est communis omnium, & patet expresse ex ipso contextu. Hinc sæculares absque Bulla nequeunt lucrari

indulgentias concessas visitantibus Monasteria, seu Ecclesias regularium in certis diebus. Atque ita dicendum est de indulgentiis concessis cuicumque loco pio, Cōfraternitati, Hospitali, &c.

11. Hinc etiam presbyteri sæculares celebrantes in altari priuilegiato nequeunt absque Bulla viuorum animam à pœnis Purgatoriij liberare: Imo nec presbyteri regulares, esto dictum altare in eorumdem Ecclesiis existat, & celebrent pro anima alicuius defuncti Religiosi, quia huiusmodi priuilegium nõ conceditur pro Religiosis determinate, sed generaliter pro omnibus fidelibus; secus, si dictum altare sit ad instantiam alicuius Superioris Mendicantium concessum pro defunctis, tam Regularibus, quam sæcularibus; tunc enim si presbyter regularis missam celebrat pro anima defuncti regularis, etiam absque Bulla, consequetur effectum indulgentiæ, iuxta præcitatam exceptionem. Ita Rodr. in Bulla, §. 12. num. 4. & Villalob. claus. 12. num. 3. & communiter omnes.

12. Sed quæres primò, an sæculares, qui chorda S. Francisci, vel cortigia S. Augustini cincti, seu habitu cuiuscunque Religionis induti pro sua deuotione incedunt, possint absque Bulla lucrari indulgentias sub huiusmodi intuitu concessas. Responderetur negative, quia hæc sunt priuilegia personalia singularibus personis concessa; priuilegia autem personalia in Bulla suspenduntur, vt patet ex dictis. Ita Rodr. in addit. §. 12. n. 6. Villalob. ead. claus. num. 7. & alij.

13. Quæres secundò, vnde dignosci valeat, quæ sint priuilegia personalia, & quæ realia; sunt etenim, & dicuntur personalia, quæ personis conceduntur; realia vero, quæ immediate conceduntur communitatibus, vt norat Rodr. in addit. ad Bullam, §. 12. n. 1. & seqq. Responderetur itaque circa propositam difficultatem

respiciendum esse. Primum ad qualitatem negotij, quod cōceditur, ut tradit Aym. *conf. 404. a. n. 1. lib. 3.* Deinde ad causam ipsius concessionis, ut colligitur ex *l. in omnibus causis, ff. de reg. iur.* Vnde si constet principalem priuilegij causam fuisse personam aliquam singularem, æstimatur priuilegium personale; è conuerso autem; si constet fuisse rem aliquam, seu locum, censetur priuilegium reale. Ratio est, quia in quacunque dispositione debent causæ principales, & immediatæ attendi, non secundariæ, remotæ, & impulsivæ, ut habetur ex *l. socium qui, §. 1. & ibi Bart. ff. pro socio.*

14. Querens tertio, an attentio priuilegio Benedictinis concessio, quo gaudent Prelati etiam locales aliarum Religionum communicationem priuilegiorum habentes, ut tempore interdicti, tam generalis, quam specialis, possint in eorum Monasteriis, seu Cōuentibus successiue admittere quindecim personas ad diuina officia, & Sacramenta, necnon ecclesiasticā sepulturam, prout habetur ex concessione Nicolai V. & declaratione cuiusdam Nuncij Apostolici adducta à Collectore Compendij Mendic. *verb. Interdict. 1. §. 25. & interdictum 2. §. 10.* queritur (inquam) an id liceat respectu sæcularium carentium Bulla. Respondetur negatiue. Ratio est, quia priuilegium istud respectu sæcularium est personale, & sicut per Bullam suspenditur, ita per illam reualidatur, quod adeo verū existimat Rod. *tom. 1. quæst. reg. q. 61. a. 14. vers. 3. infertur;* ut de huiusmodi priuilegio agens, fateatur se simul cum multis alijs viris doctis, in hoc fuisse aliquando allucinatam. Vnde Ioan. à Cruce *eod. cap. 7. dub. 3. conclus. 3.* addit in hoc casu quoscuque sæculares, etiam famulos fratrum, imo & donatos non habentes animum perseuerandi, non posse in Regnis, vbi Bulla Cruciatæ prædicatur, interesse diuinis,

nisi. quis eorum forsitan sit necessarius, ut sacerdoti celebranti ministrare queat, tunc enim iste iuxta ius commune potest assistere. Cum autem Religiosi iuxta sua indulta suspendunt interdictum, tunc sæculares etiam carentes Bulla licet valent diuinis assistere, modo non sint excommunicati, aut interdicti specialiter, vel causam dederint ipsius interdicti; quia priuilegium suspendendi tunc interdictum, etiam pro sæcularibus, non suspenditur per Bullam, ut ex dictis; & mox dicendis habetur.

15. Ex dictis colligo primum, nequaquam per Bullam suspendi priuilegia Religiosis ab Ordinario approbatis concessa, non solum sæcularium vota, sed etiam iuramenta commutandi, & dispensandi, poenitentes absoluiendi, eisdemque Eucharistiam in suis Cōuentibus ministrandi, etiam si sæculares prædicti Bullam Cruciatæ non habeant; tum quia hæc priuilegia continentur in corpore iuris, & consequenter non intelliguntur suspensa, nisi de illis fiat mentio expressa; tum quia licet huiusmodi priuilegia in beneficium sæcularium cedant, principalius tamen respiciunt auctoritatem, & fauorem Religionum, ipsisque immediatius conceduntur; tum quia dicta priuilegia sunt realia; non personalia, ut constat; in Bulla autem solum suspenduntur priuilegia personalia, non realia, ut habetur ex dictis. Ita expresse P. Ioan. à Cruce *Epit. lib. 2. cap. 3. concl. 3.* Villalob. *claus. 12. n. 7.* & nouissime Rodriq. *tom. 1. quæst. reg. q. 61. art. 14.* vbi retrahit contrariam opinionem, quam defendenter in Bulla, §. 12. n. 4. & fatetur se post longas vigilias circa huius rei intelligentiam insodando, voluisse tandem communi potius, quam propriæ adherere sententiæ.

16. Colligo secundum, per Bullam non suspendi priuilegium, quo gaudent Religiosi ad suspendendum interdictum in aliqui

aliquibus suorum ordinum festiuitatibus, ita vt ratione talis priuilegij in Regularium Ecclesiis, possit quicumque etiam secularis in vigiliis ipsarum festiuitatū pulsare campanas, ac si nullum esset interdictum; & similiter possit ad diuinorum Officiorum celebrationem admittere, & sepultura Ecclesiasticā tradi, & sacramenta suscipere, etiam si Bullam non habeat, exceptis specialiter interdictis, & nominatim excommunicatis. Ita Rodr. Ioan. à Cruce *ubi supra*, & Villalob. *n. 10.* Ratio est, tum quia huiusmodi priuilegium non est personale, sed reale immediate Conuentibus concessum, vt constat, & omnes fatentur. In Bulla autem non suspenduntur priuilegia realia, vt habetur ex sæpius dictis; tum etiam quia sic est vsu receptum; consuetudines autem præscriptæ, & longo vsu toleratæ habent vim legis, ac subinde nunquam intelliguntur suspensæ, seu reuocatæ, nisi de illis fiat mentio expressa.

17. Tertiò colligo, similiter non suspendi per Bullam facultatem, quam habent Prælati Religionum ad dandas litteras fraternitatis; admittendo aliquos ad participationem bonorum operum suorum subditorum, quia hoc habent Prælati de iure communis, quare ipsi seculares ad gaudendum prædicta participatione non indigent Bullarum enim supra diximus *cap. præcedenti, dub. ultimo*, huiusmodi participationem non esse indulgentiam, de quo videnda sunt, quæ ibi tradidimus. Ita Rodr. *ibid.* & tradit Villalob. *n. 16.* secutus Nauar. *de Indulg. not. 31. num. 21. & 22.*

18. Nunc ad primū argumentū initio adductum respondeo, per illam particulam, *quo ad eorum fratres tantum*, quæ à tempore Pij V. ponitur in Bulla, non excludi *seculares*, quæ primariò competerent Regnis H. & secundariò secularibus; quia in illa particula, *tantum*, nul-

lum latet mysterium, sed solum per illam suspenduntur priuilegia concessa priuatis ministerijs, vel alia non concessa toti Religioni, aut personis singularibus ipsius.

19. Ad secundum responderetur, quod quidquid sit de facto, saltem de iure nihil probat ratio adducta; Nam ex eo solum petitur prædicta licentia publicandi illas indulgentias, & viendi illis priuilegijs pro tempore interdicti, ad maiorem securitatem, & ad vitandam forte Commissarij offensionem.

Ad tertium responderetur, quod esto per Bullam suspendantur aliqua priuilegia Religionibus concessa, non tamen ea quæ sunt in corpore iuris.

### D V B I V M III.

*An reualidentur per Bullam Reuocata gratia & facultates concessa in alijs Bullis præteritis.*

2. **R**atio dubitandi urget valde, nam in Bulla ipsa dicitur reualidari accipienti Bullam omnes alias gratias, & facultates antea illis concessas: ergo qui antea plures alias Bullas acceperat, omnes illi reualidantur. Respondet Rodr. §. 12. *n. 2.* non reualidari per Bullā alias gratias quam eas, quas Commissarius suspendit, ipse autem nō suspendit ante actas Bullas, quia suspendere est ad tempus impedire usum alicuius facultatis postea exercendæ, vt constat ex *lege 1. verbo, annu ante m. ff. si quis in fraudem patroni.* & docet Ttid. *sess. 14 cap. 3. de rescr.* præteritæ autem Bullæ ante annū 1571. eodem anno fuerunt per Pium V. reuocatæ; reliquæ vero finito anno expirant; atque adeo non suspenduntur à Commissariis, & consequenter nec reualidantur; cum ea solum ab eo reualidentur, quæ ab eodem suspenduntur. Sed contra est, quia in ipsa Bulla dicit Commissarius:



missarius se suspendere omnes gratias, quamvis fuerint per aliam similē Cruciatam concessæ: ergo cum has omnes reualidet, ut ipse ibi fateatur, consequens est reualidare etiam omnes alias Cruciatas præteritas.

2. Verum pro solutione huius difficultatis, respondeo dicendum, alias esse Bullas Apostolicas Cruciatæ, alias vero Apostolicas, sed non Cruciatæ. Si igitur sermo sit de Bullis Cruciatæ, certum omnino existimo non reualidari Bullas Cruciatæ præteritæ, saltem ante Piū V. Ratio est, quia huiusmodi Bullæ non comprehendebantur in suspensione facta, nam suspensio, ut supra dicebamus, solū est respectu illius, quod ante suspensionem erat validum, & reualidare gratiam aliquam, est illam reducere in pristinum statū: sed nullæ Bullæ Cruciatæ ex præteritis habebant iam aliquem valorem, cum omnes illas reuocauerit, & omnino cassauerit Pius V. per Bullam ab eo concessam anno 1571. ut tradunt Henric. lib. 7. c. 21. in princ. & Rodr. ubi supra: ergo tales Bullæ non suspenduntur, nec reualidantur per Commissarium. Dixi notanter ante Piū V. quia si postea cum expeditur aliqua Bulla à nouo Pontifice successore, adhuc durabat tempus præteritæ Bullæ; pro quo fuerat à prædecessore concessa, tunc talis Bulla reualidatur iuxta statim subiicienda.

3. Si autem sermo sit de aliis Bullis non Cruciatæ, dicendū esse reor, omnes illas reualidari per Bullā Cruciatæ; quare qui illam acceperit, frui poterit priuilegiis Sanctissimæ Trinitatis concessis à Clem. VII. & S. Spiritus à Paulo III. & Crucifixi Oxoniensis ab eodē, & aliis datis in fauorē fabricæ Basilicæ S. Petri à Pio IV. anno 1573. Ratio huius est, Prima quidem, quia istæ Bullæ non sunt Cruciatæ, nec limitatæ ad certum tempus, sed in perpetuum. Secunda, quia per hanc Bullam reualidantur omnes indul-

gentiæ, & priuilegia concessa per alias Bullas, Iubilæos, aut indulta, dummodo immediate ante hanc Bullam habuerint suum valorem, ut patet ex verbis Commissarij, qui in suo Summario ait se reualidare gratias, & Iubilæos, qui hucusque à Sede Apostolica assumenti Bullæ fuerint concessi; at id reualidatur, quod supponitur esse validum, erat tamen suspensum, & per reualidationem aufertur suspensio, & ad pristinum statum reducitur: ergo cum prædictæ Bullæ non Cruciatæ essent validæ immediate ante Bullam, & per Commissarium suspendantur, manifestum est omnes illas reualidari assumenti Cruciatam virtute prædictæ clausulæ. Vnde Commissarius ipse fecit publicare, ut qui prædictas Bullas non Cruciatas haberet, aut de nouo reciperet, posset sumendo Cruciatam, ut virtutē prædictæ reualidationis omnibus priuilegiis earum.

4. Huic autem reualidationi addit hanc limitationem Commissarius, dicens se reualidare prædicta omnia, dummodo non sint contraria expressis in Bulla Cruciatæ; quæ limitatio habetur etiam in Bulla latina, & est maxime conformis intentioni Pôntificis, nam aperte constat non esse de mente illius concedere Commissario facultatem reualidandi priuilegia contraria illis, quæ ipse in Bulla exprimit. Quare si quod priuilegium fuisset consentiendi sacerdoti non approbato, aut vescendi ouis in Quadragesima, neutro illorum gossset uti sacerdos virtute prædictæ reualidationis, quia contraria habentur expressa in Bulla; aliis vero non contrariis recte gaudere poterit. Quare, si quis habeat Bullam sanctæ Trinitatis, posset forsitan dispensari (iuxta aliquam opinionem) per Confessarium approbatum ab omni irregularitate, ratione cuiuslibetque delicti contracta, exceptio gauderet etiam ex homicidio voluntario, fornicatione, & muti

mutilatione membrorum; quia id habetur in prædicta Bulla. Posset etiam idem confessor relaxare iuramenta sine præiudicio partis habentis prædictam Bullam Pij IV. quia hæc facultas conceditur ibi, vnde licet nihil horum in nostra Bulla Cruciatæ concedatur, potest tamen fieri ratione prædictæ reuadationis.

§. Sed obiciēs. Ergo qui acceperit Bullam Crucifixi Osmæ, poterit eadem ratione gaudere priuilegio recitandi Breuiarium trium lectionū, quia id ibi conceditur; & mulier etiam quæ habuerit Bullā sancti Spiritus, aut Pij I V. poterit ingredi claustra Monialium, cum hoc etiam ibi concedatur. Respondeo, negando consequentiā, quia priuilegium recitandi illud Breuiarium fuit annullatum à Pio V. per motum propriū, qui in eius Breuiario præmittitur, quia erat valde diminutum, vt tradunt *Canones lib. 11. de locis ad cap. 5. vsque ad 13. Sotus lib. 7. de iustitia, q. 5. art. 4. Nau. cap. quando, notab. 11. §. 2. & notab. 19. §. 210.* Facultas vero intrandi monasteria Monialium abrogata est per Trid. *sess. 25. cap. 5.* & per motus proprios Pij V. & Gregorij XIII. quos refert, & explicat Rodr. ad finem Cruciatæ.

6. Ad rationem autem dubitandi in principio positam, bene respondetur ibi; ad replicam autem Rodr. *disso. §. 12. num. 12.* refert, quosdam, quos ibi sequitur, asserētes Bullas præteritas Cruciatæ reualidari, non quantum ad ea, quæ in præfenti Cruciatâ conceduntur, sed quantum ad alia, quæ licet in ea non concedantur, non tamen expresse reuocantur; huiusmodi est priuilegium communicandi quolibet die Quādragesimæ, ad satisfaciendum præcepto annuæ communionis tempore Paschali, quod concessum fuit in Bullis Pij I V. pro Regnis Hispaniæ anno 1563. Sed hæc solutio facile reuocatur ex dictis pro

nostra sententia; requiritur enim ad reualidationem, vt ibi diximus, & constat ex verbis Commissarij, vt immediate ante Bullæ expeditionem haberit valorem, indultum, quod reualidatur, vnde si prædictæ Bullæ erant inualidæ, & nullæ, minime extenditur ad illas prædictæ reualidatio.

#### DVBIVM IV.

*Utrum cum in suspensione Bullæ excipiuntur priuilegia Superioribus Mendicantium concessa in ordine ad suos fratres, excipiantur etiam priuilegia eisdem concessa in ordine ad Moniales.*

1. **V**idetur quod non Primò, quia nomine Abbatis non venit intelligenda Abbatissa, vt constat ex *Clementina attendentes, de statu Monachorum*, & ibi gloss. verbo *cecidisse*. Ergo nec nomine Monachi venit in Bulla intelligēda Monialis, maxime quod per Bullam Pontificis aperte excluduntur Moniales; quia in originali latino Bullæ dicitur, *exceptis tamen concessis ordinibus Mendicantium, quoad eorum fratres tantum*, Vnde per particulam *tantum*, quæ natura sua est exclusiua, videntur excludi omnes, qui non sunt fratres.

2. Secundò, quia indulgentiæ sunt stricti iuris, atque adeo non possunt amplius extendi, quam sonāt eorum verba in sua proprietate, & communi modo loquendi sumpta; sed nomine fratrum non intelliguntur Moniales, vt constat ex pluribus litteris Apostolicis, in quibus dum Pontifex vult aliquid concedere vtrique, non solum uominat fratres, sed Moniales; ergo, &c.

3. Verum, his non obstantibus, oppositam sententiam existimo omnino certam. Primò, quia hæres, quæ testator

K K k obligat

obligat ad restituendum aliquid suis fratribus, etiam manet obligatus ad faciendam restitutionem sororibus, ut docent Iurisperiti, *cap. Raynurius, verbo declaratio, de testamentis, & lege Lucium, §. quasi, ff. de legatis 3.* Ergo eadem ratione excipiente fauorabilitate Pontifice priuilegia Superioribus Mendicantiū concessa quoad suos fratres, debent etiam intelligi concessa eisdem in ordine ad suas sorores.

4. Secundò, quia Summus Pontifex concedit illud priuilegium in gratiam Mendicantium, quoniam Mendicantes sunt, sed etiam Moniales sunt Mendicantes: ergo etiam illæ comprehenduntur ibi; quia ubi est eadem ratio, debet esse eadē iuris dispositio, quod maxime habet vsum in fauorabilibus.

5. Tertiò, quia cū priuilegium, quod conceditur viris, nō solum pertineat ad viros, sed ad fœminas, etiam intelligitur concedi fœminis, licet non exprimitur in illo, ut tradit Rebuffus in l. 1. ff. de verborum significatione, fol. 19. & DD. in cap. cum plantare, §. Ecclesias, de priuilegiis, sed prædictum priuilegium pertinet, non solum ad fratres, sed ad Moniales, ut de se constat: ergo illis etiam debet prodesse.

6. Nec obstat, si respondeas, excludi omnino per illam particulam *tantum*, dum Pontifex ait, *exceptis priuilegiis Superiorum in ordine ad fratres tantum*, hoc (inquam) non obstat; tum quia particula exclusiua *tantum*, non excludit personas similes, quales sunt Moniales, quas constat similes esse fratribus in statu, & professione. Ita docent Aretinus l. stipulatio ista, col. 3. de verborum obligatione. & Decius consil. 218. in fine, tum quia natura termini exclusiui, & restrictiui, est excludere res extraneas, aut oppositas termino, cui additur; & includere quæ non sunt extraneæ, vel alienæ ab eo, ut habetur in *Clemmina exini*,

*§. cum autem, de verborum significatione, Iason consil. 84. col. 3. in 3. volumine*, & sic in præsentī illa particula *tantum* excludit omnes sæculares, & omnes personas Religiosas, quæ non sunt Mendicantes, non tamen personas subiectas Superioribus Mendicantium, etiam si sint fœminæ. Verum tamen est, quod per communicationem priuilegiorum Mendicantium, quam communiter habent reliquæ Religiones non Mendicantes, poterunt etiam gaudere prædicto priuilegio, tam viri, quàm fœminæ. Ita Villalob. num. 11. & alij.

7. Et si obijcias cum Rodr. contrarium opinante §. 12. n. 5. id falsum esse, quia si Regulares non Mendicantes possent gaudere prædicto priuilegio, esset frustranea suspensio; quæ fit in Bulla, quantum ad prædictos ordines. Respondeo nō esse frustraneam, quia operatur hoc nimirum, ut si aliquis ordo non Mendicantium, nunc, vel aliquando non habeat talem communicationem, etiam maneant suspensæ indulgentiæ, & facultates quoad confratres Bulla carentes; quare exceptio, quam facit Pontifex, est in magnum fauorem Religionum Mendicantium.

8. Et si inquiras, quot nam sint huiusmodi Religiones Mendicantes. Respondeo, iuxta textum in *cap. finali, de religiosis domibus, & cap. t. lib. 6. cod. tit.* esse quatuor, nimirum, Diui Augustini, Diui Francisci, Diui Dominici, & Carmelitarum; iam vero sunt septem, quia illis additæ sunt tres, scilicet Ordo Minimorum, Societatis Iesv, & Seruorum Dei, qui Romæ viget. Ita Rodr. & alij ab eo relati supra.

9. Hinc infero primò, eodem priuilegio absque Bulla gaudere Moniales tertij Ordinis Mendicantium, quæ in propriis domibus, seu propinquorum, vitam ducentes sub obedientia Praelatum Regularium, castitatem virginalem,

lem, seu vidualem in manibus eorumdem vouerunt. Hæ namque quo ad spiritualia eisdem privilegiis potiuntur, ac Moniales eiusdem Ordinis in Congregatione viuentes; non tamen gaudent eisdem omnino privilegiis, quo ad temporalia fori exterioris. Ita habetur ex Leone X. & refertur à Collect. tit. *Tertiarij fratres*, §. 11. & Cord. in *addit. ad compend. tit. excommunicatio, quoad*, §. 14.

10. Infero secundò, Tertiarios, seu Tertiarias dictorum ordinum in suis, vel suorum domibus habitantes cum maritis, seu vxoribus, aut filiis, seu familia, non gaudere prædictis privilegiis absque Bulla; sicut enim inter personas Regulares non computantur, ita quo ad dicta privilegia tanquam personæ mere seculares reputantur. Atque idem dicendum est de Confratribus eorumdem ordinum, qui omnes ratione huiusmodi receptionis, nec dictis Superioribus omnino subduntur, nec à iurisdictione ordinaria, tam Ecclesiastica, quàm seculari eximuntur. Possunt tamen Superiores Regulares dictis Tertiariis iniungere, vt ex ipsismet destinentur aliqui, qui Ministri vocentur, & curam habeant illos aliquando congregandi, monendi, & corrigendi. Ita habetur ex Collect. *supra*, & tradit Rodr. n. 9.

#### DUBIUM V.

*Utrum prædictum indultum extendatur ad Nouitios Ordinum Mendicantium.*

1. Ratio dubitandi est, quia Nouitij non sunt essentialiter Religiosi, sed solum in via, quatenus tendunt ad statum Religionis, vt habetur c. 1. de Regularibus, & gloss. in cap. 1. de Religiosis domibus, & docet communis Theologorum & Iuristarum: ergo prædictum indultum non extenditur ad illos.

2. Respondeo, nihilominus verè ex-

tendi ad eos. Probatur primò, quia Decreta, & Bullæ non debent explicari in toto rigore verborum, sed secundum modum communè loquendi, vt constat ex cap. ex litteris, et primo extra, de sponsalibus, & lege liberorum, §. quod autè casu, ff. de legatus 3. & tradit Nau. c. 27. n. 255. & confirmat vsus Curie Romanæ, cuius stylus est non curare de stricto rigore verborum, teste Collectore in *compendio privilegiorum Mendicantium*, tit. *ingredi Monasteria Menialium*, §. 13 Sed sic est, quod secundum communem modum loquendi; imò & Cancellaria Apostolica, vt notat Rebuff. lib. 1. de praxi beneficiis, tit. de dispensatione cum Regularibus facta, pag. 422. Nouitij dicuntur Religiosi, & vere quo ad aliqua censeantur tales: ergo extenditur prædictū indultū ad illos.

3. Secundò, quia postquam Monachis prohibitum fuit ingredi domos Monialium, Eug. I V. declarauit (si ciedimus Rod. §. 1. 2. n. 5. dub. 2.) per illam prohibitionē etiā illis prohiberi ingredi domos beatarū, seu Tertiariarū, quæ vere, & essentialiter Religiosæ non sunt: ergo si in re odiosa, qualis erat illa, dicit Pontifex intelligendas esse beatas, quæ vere Moniales non sunt, à fortiori in re fauorabili, cuiusmodi est hæc, de qua agitur, nomine fratrum venient intelligendi Nouitij.

4. Ad rationem dubitandi satis patet ex dictis, sed insuper Respondeo, Nouitios esse Religiosos reuocabiliter, quod sufficit ad gaudendum privilegiis, & fruendum nonnullis fauoribus Religionis, licet aliàs in aliis odiosis non censeantur Religiosi.

5. Ex dictis infero Tertiarios, seu Oblatos, vulgo *Denados*, in Cōuentibus dictorum Ordinū commorantes, arque eisdem famulantes, nisi professionem iam emisierint, vel saltem emittendi habeant intentionem, non posse similiter absque Bulla memoratis privilegiis gaudere. Hi

enim nec sunt verè, & propriè personæ Regulares, nec vt tales dictorum Ordinum Superiorum iurisdictioni subduntur; possunt tamen gaudere gratiis, & fauoribus, quos Regularium famulis ius commune concedit. Ita Rodr. n. 10. & communiter omnes.

## DUBIUM VI.

*Utrum in anno Iubilæi, quod 25. quæque anno conceditur Romæ, suspendantur, tam priuilegia quædam concessa in Bulla, quàm alia concessa Religionibus.*

1. **R**atio dubitandi est, quia prædicta omnia videntur aperte suspendi pro eo tempore, per extrau. quemadmodum Sixti IV. & per Bullam Gregor. an. 1575. & ita id affirmat Nauar. §. in *Leuistico*, notab. 28. n. 13. & 14. & notab. 30. n. 51.

2. Pro intelligentia huius dubij præmittere oportet, quinque esse, quæ suspenduntur anno Iubilæi. Primò, omnis indulgentia plenaria. Secundò, autoritas cõmutandi vota. Tertiò, dispensandi. Quartò, facultas cõponendi male parta. Quintò, potestas deputandi Confessarios cum facultate absoluendi à casibus referuatis Sedi Apostolicæ, de quibus videndus est Rodr. §. 12. num. 13.

3. His igitur suppositis, respondeo dicendum cum Henriq. lib. 7. c. 21. n. 3. & cum Rod. *ubi supra*, durum valde videri, quod Pontifex sciens Bullam Cruciatæ quotannis publicari, vel se anno Iubilæi suspendere præcipua eius priuilegia, aliàs in eodẽ anno videretur sibi contrarius, vt dicit Henriq. *ubi supra*, & tradit in simili Nau. de *Indulgentiis*, notab. 33. n. 51. Vnde existimo id non esse conforme menti Pontificis, vt notauit Rodr. *ubi supra*, & patet ex responsione cuiusdam Cardinalis in casu simili consulti, quem ipse refert ibidem. Et ratio huius asser-

tionis est, quia Bulla Cruciatæ non est concessa specialiter Ecclesiis, Monasteriis, Ordinibus, Hospitalibus, locis piis, Vniuersitatibus, vel Cõfraternitatibus, de quibus solum loquitur illa extrauagans Sixti V. neque personis singularibus determinatè, de quibus etiã loquitur extrauagans Gregorij XIII. sed toti Hispaniæ, & aliis Prouinciis, & Regnis Philippi: ergo non suspenduntur anno Iubilæi quo ad prædicta; atque vltra præcitatos DD. nobiscum sentiunt Portel in *dub. regul. verb. Bulla Cruc.* Bonacin. de *legib. disp.* 1. q. 3. punct. 8. §. 2. n. 13. Salas de *legib. similiter disp.* 2. sect. 10. in fin. Villalob. *claus.* 12. n. 19. Fernandez in *exam. Theol. mor.* p. 3. c. 9. §. 10. n. 6. Acosta in *Bullam*, q. 101. Zerol. de *anno Iubil.* lib. 2. c. 19. q. 2. & alij, quorum aliqui referunt ita declarasse Clem. VIII. in suo Iubilæo anni sancti 1600. Imò & Urbanum VIII. pro anno Iubilæi 1625.

4. Et si obiciat: ergo saltem suspenduntur per Gregorij extrauagantè priuilegia Mendicantium, quantum ad illa quinque supra relata, cū ibi suspendatur indulta Ordinibus etiam concessa, cum clausulis derogatoriis derogatoriarum. Respondeo, concedendo sequelam, cum Nau. *ubi supra* d. nor. 33. n. 51. & Rodr. *ubi supra* n. 14. Quare curandum est Prælatis Mendicantiũ, & aliorũ Ordinum, anno Iubilæi statim post promulgationẽ, obtinere confirmationem suorum priuilegiõũ, saltẽ ad tollendam dubitationem in re adeo grani, vt tradit Rodr. *ubi supra*. inquit ita esse in vsu, idque sibi per Cruciatæ Consiliarios à se de hoc interrogatos fuisse responsum. Atque ex dictis ratio dubitandi facile soluitur.

5. Ex dictis colligo primò, per Iubilæi publicationẽ non suspendi indulgentias non plenarias, nec facultatẽ componendi de rebus incertis, obrentis tamen absque vlla culpa; nec etiã autoritatem eligendi Confessorẽ pro absolutione in

foro

foro conscientia ab iis, quæ Prælati Papa inferioribus reservantur, ut observat Rodriq. *vbi supra*, sed illa quinque duntaxat initio huius dubij insinuata suspenduntur.

6. Colligo secundò, privilegia Religionum, etiam Mendicantium, quo ad prædicta quinque anno Iubilæi, ita suspendi, ut nec fratres, nec sæculares possint eisdem frui, ut habetur ex Nau. *loc. cit.* vbi ob rationē supra insinuatam, ait, hanc opinionem tutiorem existimare. Vnde anno Iubilæi durante, Regulares virtute suorum privilegiorum, nec indulgentiam plenariā consequi, nec vota commutare, seu dispensare, nec à casibus Sedi Apostolicæ reservatis absolvi possunt. Atque ideo Superiores Regulatium, non solum ob proprium, & subditorum beneficium spirituale, sed etiam ob solamen saltem sæcularium, debuissent statim post Bullæ Iubilæi publicationem, ad Sedem Apostolicam recurrere pro suorum privilegiorum confirmatione impetranda.

# DUBIVM VII.

*Qua ratione intelligatur facultas Commissario concessa in dispensandis irregularitatibus.*

1. PRO intelligentia huius dubij præsupponere oportet, quod Commissario conceditur facultas dispensandi, & componendi supra irregularitate cum quibusvis, qui Ecclesiasticis censuris ligati, Missas, & alia officia divina, non tamen in contemptum clauium, celebraverunt, seu aliis illis se immiscuerunt, & super alia quavis irregularitate, præterquam ratione homicidij voluntatij, aut simoniæ, Apostasiæ à fide, aut hæresis, vel ob malam ordinis susceptionem contracta, cum retentione beneficiorum, & fructuum ex eis perceptorum, & infamiæ, ac inhabilitatis exinde provenientis.

2. Hoc supposito, pro resolutione re-

spondeo, quinque irregularitates excipi in prædicta concessione, in quibus non potest Commissarius dispensare, si ex dicto delicto proveniant. Prima est, quæ oritur ex homicidio voluntario, ad quod reducitur mutilatio etiam, quantum attinet ad hanc dispensationem, quia in hæc solus Papa potest dispensare, ut patet ex Trid. *sess. 24. c. 6. Nau. c. 27. n. 24. & Cord. lib. 5. g. 43. dub. 3.* At vero in irregularitate homicidij casualis potest dispensare Episcopus per Trid. *supra*, cum delictum est occultum, Commissarius autem etiam cum est publicum.

3. Secunda irregularitas, quæ excipitur, est ea, quæ provenit ex Apostasia à fide, cuius non meminit Sylu. *verb. Irregularitas, & verb. ordo 4. g. 4. nec verb. Apostasia*, esto ibi *quest. 8.* dicat Apostatam à Religione priuati vsu ordinum, & cum eo solum Papam dispensare, nisi delictum sit occultum; tunc enim etiam dispensat Episcopus; ergo à fortiori Apostata à fide priuatur vsu ordinum. Expresse tamen ipse Sylu. *verb. crimen, §. 2. & verb. enorme, §. 2. ex cap. venimus 1. g. 1.* tenet Apostatam à fide esse irregularem, idem docet Sot. *4. dist. 25. g. 1. art. 3. ex cap. Presbyteros, dist. 50. & Innoc. c. 1. de Apostatis*; quod si Apostata à fide erat iam ordinatus, priuatur vsu ordinum. *cap. Iulian 1. g. 3. & patet ex Innoc. 1. Epist. 22. c. 5.* ex quibus canonibus male aliqui asserunt, non recte probari Apostatam à fide irregularitatem incurrere.

4. Tertia deinde irregularitas, quæ ibi excipitur, est, quæ provenit ex hæresi, cuius non meminit Sylu. & alij Summistæ: repetitur tamē in antiquis Conciliis relatis à Soreal. *sum. verbo Clero ascripti, §. 10. & 11.* sub his verbis; *ex quacunque hæresi veniens, minime est ad Clerum promovendus*; atque idem multis cit. defendit Sanch. *sum. lib. 2. cap. 25. n. 2.* quidquid in contrarium opinetur Henric. *lib. 14. c. 4.* cum aliis, quos ipse refert in *comment. lit. I.*

KKk 3 5. Quarta

5. Quarta irregularitas hic excepta est, quæ provenit ex simonia, nam limonicus in ordine est irregularis. Couar. *Clement. si furiosus*, p. 1. §. 3. num. 4. col. 4. *Sot. 9. de iustitia, quest. 8. art. 2.* Syl. *verbo casus*, §. 1. & *verb. enorme*, §. 1. cum multis Doctoribus, & *verbo suspensio*, §. 7. & *verb. crimen*, §. 2. Angelus *simonia* 6. §. 2. & alij relati à Cord. *lib. 1. q. 35. propositio. 4.* Ioan. Andr. *Turrecremata*, & *glos. dist. 3.* Deinde simoniacum in ordine, tam publicum quam occultum, esse iure ipso suspensum ab usu ordinum; simoniacum autem in beneficio non esse sic suspensum, sed tantum excommunicatum excommunicatione Papæ reservata (sicut etiam est simoniacus in ordine) docet Nau. *cap. 23. n. 111. dub. 14.* & *c. 27. n. 106.* & relectione de simonia n. 29. & colligitur *extrauag. 1. Paul. 2. de simonia*, quare falso Syl. *verbo simonia*, §. 7. & Couar. *Clem. citata*, p. 1. §. 1. num. 7. dicunt simoniacum in beneficio esse suspensum.

6. In his itaque irregularitatibus, quas dixi per se provenire ex apostasia à fide, ex hæresi, & simonia in ordine, non potest Commissarius dispensare; secus tamē in irregularitate pioniēte ex eo, quod quis celebret cum excommunicatione consequente apostasiā à fide, hæresi, vel simoniam in ordine, quod dixerim contra aliquos, qui ignorantes irregularitates, quæ per se cōsequuntur ad tria prædicta crimina, dicunt hic negari Commissario facultatē dispensandi in irregularitate consequente per accidens ad huiusmodi delicta, vt si cum excommunicatione ad ipsa consequente celebrauerint. Quæ expositio valde aliena est à mente Pontificis, nam hæc irregularitas cum cōsequatur per accidens ad talia delicta, & mediante alio delicto, nō videtur intelligenda nomine irregularitatis ex talibus delictis cōtracta. Et probatur, quia initio huius cōcessionis da-

tur facultas Commissario dispensandi super irregularitate cum his, qui quibuscūq; Ecclesiasticis censuris, seu illis se immiscuerint. Potest ergo Commissarius dispensare in irregularitate consequente ex eo, quod aliquis propter hæresim, vel apostasiam, vel simoniam in ordine excommunicatus celebrauerit, sed non in irregularitate consequente per se aliquod ex his delictis.

7. Et licet Rodr. §. 13. n. 4. in dubium reuocet, consequi irregularitatem ad hæc delicta, quando sunt occulta, tamen Couar. *ubi supra* aperte negat, quia textus, & authores sine distinctione loquuntur, & Nau. *cap. 27. n. 248.* expresse dicit nullum crimen præter homicidium, & alia, quæ in iure sunt expressa, inducere irregularitatem, nisi sit notorium, vel auctorem reddat infamem, vt declarauit Greg. IX. *cap. fin. de temporib. ordinandorum*, idem tenet Castro *2. de lege pœnali, cap. ult.* & Cord. *ubi supra*.

Quare nec vitium sodomizæ occultæ inducit irregularitatem vt docet Syl. *verb. crimen*, §. 2. Nau. *cod. c. 27. n. 249.* licet oppositum teneat Couar. *Clem. citata*, p. 1. §. 2. n. 6. propter solam auctoritatem multorum. Cum igitur in iure expresse ponatur irregularitas pro hæresi, apostasia, & simonia in ordine, sequitur eam incurri, licet hæc delicta sint occulta, non vero propter simoniam in acquirendo beneficium, nisi delictum sit notorium, vt docet Couar. *Clem. citata*, p. 2. §. 3. num. 4. col. 4.

8. Quinta præterea irregularitas, quæ excipitur, ea est, quæ contrahitur ex mala ordinum susceptione; nam primò excommunicatus, suspensus, vel interdictus, si suscipiat ordines, sit irregularis, & in ea irregularitate solus Papa dispensat, ex Couar. *cap. Alma mater*, p. 1. §. 6. n. 6. col. 4. Secundò, qui iniuriatur ab Episcopo nominatim excommunicato, vel hæretico, vel Apostata, vel simonia-

co in

co incurrat irregularitatem, teste eodem Couar. *ibide. n.* & Nau. *c. 17. n. 241. dicto 4. ex c. si à simoniaciis* 1. q. 1. quod limitant Angel. *verb. irregularitas*, §. 30. Armil. §. 78. si de hæresi, apostasia, vel simonia sit nominatim denunciatus, nam si sit occultus, vel toleratus, recipiens ab eo ordines, non incurrit irregularitatem. Tertiò, qui promotus est per saltum, vel absque litteris dimissoriis, vel ante legitimam ætatem, vel extra tempora, est irregularis, teste Nauar. *loco cit. Rodr. §. 13. num. 5.*

9. In his ergo quinque irregularitatibus non potest Commissarius dispensare, nec etiam (vt aliqui opinantur) cum eo, qui bona fide recipit ordines ab Episcopo, qui simoniace ipsum ignorantem ordinauit; nimirum, quia pro eius ordinibus Episcopus pecuniam accepit ab alio, id ignorante ordinato. Ita docent Maio. *lib. 4. de irregularitate*, c. 22. & 23. Couar. *supra*, cum Sylu. *verb. suspensio*, §. 7. *vers. i. dicto 1.* quæ sententia, si esset vera, non posset quidem Commissarius cum tali dispensare, quia talis irregularitas non contrahitur ex delicto ordinato; sed existimo illam esse omnino falsam, vt teneat Innoc. Hostiensis, Felin. & alij, quos refert, & sequitur Castro 2. *de lege pænali*, c. 15. Couar. *c. Alma*, p. 1. §. 6. n. 6. & Sylu. *Eucharistia* 13. §. 4.

10. Sed probatur, quia illa bona fides videtur illum excusare ab irregularitate, sicut quando propter metum grauem sinit se ordinari à simoniaco, vel hæretico, excusatur à suspensione, vel irregularitate, vt docet Sylu. *verb. irregularitas*, §. 7. Tab. Ang. Hostiens. & alij, quos sequitur Nau. *c. 17. n. 241. §. 4.* & similiter, qui celebrat, vel initiatur ignorans propriam excommunicationem, vel suspensionem, non fit irregularis, vt docet Nau. cum communi DD. *c. 17. n. 156.* Ergo nec qui ignoranter ordinatur à simoniaco, vel hæretico.

11. His addo cum doctissimis quibusdam Salmanticensibus, Commissarium non posse dispensare in irregularitate bigamiæ veræ, vel interpretatiuæ; tum quia etiam Pontifex vix in ea dispensat; tum quia hic excipiuntur alie minores irregularitates, & quia hic nõ datur facultas dispensandi, nisi in irregularitate contracta ex ratione delicti; poterit tamen dispensare in irregularitate, quæ prouenit ex bigamia similitudinaria, quæ est delictum, de quibus irregularitatibus vide Nau. *c. 17. n. 195.*

12. Ex his sequitur in aliquibus irregularitatibus posse dispensare Episcopum, & non Commissarium; nam cum simoniace ordinato potest Episcopus dispensare, vt ministrat in ordinibus recte susceptis, licet non in simoniace susceptis, nec in aliis susceptis post ipsum, vt ait Sylu. *verb. suspensio*, §. 7. imo, & in irregularitate proueniente ex delicto occulto potest Episcopus dispensare, per Trid. *sess. 14. c. 6.* Commissarius autem non potest dispensare in irregularitate aliqua proueniente pro se ex hæresi, apostasia, simonia, vel ex mala ordinum suspensione.

## DVBIVM VIII.

*Qua ratione intelligenda sit facultas Commissario concessa ad dispensandum in primo, & secundo gradu affinitatis ex fornicatione contracta.*

1. PRO intelligentia huius difficultatis præmittendum est concedi Commissario prædictâ facultatem sub his verbis. *Item dispensandi in foro conscientie dum axat, nullis datu litteris, seu per Confessorem laceratis cum his, qui primo, & secundo affinitatis ex fornicatione contracta gradibus coniuncti matrimonium contraxere, dummodo post Cont. Trid. illius formam*



formam seruauerint, ac impedimenta huiusmodi occulta sint penitus, & alter contrahentium tempore contracti matrimonij, impedimentum ignarus extiterit, & quod de nullitate prioris consensu prius certificati, taciteque (si videbitur ad euitanda scandala) causa nullitatis, matrimonij inter se, etiam secrete de nouo contrahere possint, prolemque suscepam, & suscipiendam exinde legitimam decernendo. Item dispensandi in simili affinitatis impedimento super debiti exaltione in eodem foro conscientia tantum. Hæc sunt verba concessionis, quibus suppositis p[ro] eorum interpretatione.

2. Aduerto primò, affinitatem ortam ex copula fornicatia in primo, & secundo gradu dirimere matrimonij, in tertio vero, & quarto non dirimere, ut statuit Trid. sess. 24. c. 4. sed non declarauit vitium in tertio & quarto gradu impediret, ideo de hoc dubitauit Veracru[us] in app[ar]t[ur]e ad speculum coniugale, de impedimento affinitatis, & impedire tenuit Nau. c. 22. n. 43. quem videtur sequi Alcocer in sum. cap. 20. Sed iam certum est nō impedire, quia sic declarauit Pius V. in quodam motu proprio anno 1566. ut refertur in margine Nau ibi, & tradunt etiā Rodr. §. 13. n. 6. Med. 1. summa, c. 14. §. 18. Angles in materia de matrimonio, agens de impedimento affinitatis art. 1. propos. 4. & multi etiam Magistri Salmanticensis, quibus fauet Sarmiento 1. selectarum, cap. 9.

3. Secundo aduerto, quod licet Sylu. verbo Papa, §. 17. cum Sot. lectione 11. de matrimonio; Angl. supra, & aliis multis existimat, Papam non posse dispensare in primo gradu affinitatis rectæ lineæ, etiam si affinitas sit contracta ex fornicatione, v.g. ut quis ducat cognitā fornicariæ à suo patre: Oppositum tamē tenent Ledesma 1. p. 4. q. 53. art. 3. Sot. in 4. dist. 41. q. 1. art. 2. Palud. dist. 40. q. 1. Viç. in sum. 276. Veracru[us] 1. p. speculi, art. 47. & 49. & 38. Can. 2. 2. q. 154. art. 9. & ita

Pontifex nunc concedit absolute, ut in primo gradu affinitatis prouenientis ex fornicatione dispensare possit Commissarius.

4. Tertio aduerto, quod, ut ex Bulla patet, solum datur facultas Commissario dispensandi in hoc impedimento in foro interiori, & quando delictum est penitus occultum; unde si ante dispensationem publicetur ex culpa Commissarii, seu alterius cuiuscunque, dispensatio erit nulla; si vero publicetur post dispensationem, separandi sunt in foro externo per Iudicē Ecclesiasticum, donec à Summo Pontifice p[ro] foro externo obrineatur dispensatio.

5. Quarto aduerto, Bullam requirere ad talem dispensationem Commissarii tria. Primum, quod matrimonium sit iam contractum in facie Ecclesiæ. Secundum, quod expetit bona fide, saltem ex parte alterius contrahentium. Tertium ut ignoranter impedimentum detegatur, saltem in communi, ut iterum contrahat.

6. Vltimò aduerto, Bullam concedere, quod habita dispensatione ex cognitione impedimentum, saltem in cōmuni, ut dictum est, nō sit necesse fieri denunciations, nec adesse parochū, vel testes, sed sufficere ut inter se de nouo contrahant: generale est enim, ut qui in facie Ecclesiæ contraxere, sublato impedimento per dispensationem, licite possint clam contrahere, ut declarauit Pius V. quodam motu proprio de praxi Pœnitentiariæ Romæ, ut ex Nau. docet Rod. supra n. 6. idemque sensisse Patres Tridenti dixerunt Con. Guerr. Archiepiscopus Granatensis, Blan. Archiepiscopus Compost. Sanch. Episcopus Segobr. & Gallus, qui Concilio interfuit, quare sine causā trepidauit in hoc Cord. in sum. quest. 51. & lib. 1. questionarij, q. 12. in emendatione, quæ habetur in fine libri circa pag. 125. & lib. 5. q. 43. dub. 6. p[ar]t. 3. Vnde

in

in eo euentu clam contrahere, peccatum non est, vt docet Nau. c. 2. n. 68. & 70. Caiet. tom. 1. opus. 12. de matrimonio, q. 2. Sot. 4. dist. 18. q. 1. art. 2. concl. 3.

7. Sed quid si fœmina nobilis, quæ fratrem mariti, ex quo filios habet, antea cognouerat, timeat mortem, vel repudium cum ingenti dedecore, si marito etiam in communi impedimentum præcedens detegat, poterit ne Commissarius dispensare, vt suppresso impedimento, & matrimonij nullitate contrahant? Responderetur, non posse, quia cum hac restrictione datur ei facultas à Pontifice; posset tamen Papa absolute, & sine hac restrictione dispensare, & tunc licet maritus ignoret omnino impedimentum, & nullitatem matrimonij præcedentis, verum matrimonium de nouo contraheret, si eam de nouo in uxorem acceptaret, iuxta Innoc. cap. 1. de eo qui duxit in matrimonio, &c. & tradunt Caiet. ubi supra; Veracr. in speculo, p. 2. dub. 2. art. 29. cum Rich. & Soto dist. 18. q. 1. art. 2. conclus. 3. Cord. lib. 1. q. 11. art. 1. in principio, pag. 125. &c.

8. Probat, tum quia si dicta fœmina antequam primum matrimonium contraheret, obtinuisset impedimenti dispensationem, matrimonium valeret, quamuis si vir ille sciret, præteritum impedimentum non contraheret; quia in illo casu absolute ille consensit, sed etiam in secundo matrimonio absolute consensit, licet ex ignorantia impedimenti præcedentis, & nullitatis prioris matrimonij. Ergo cum iam sit sublatum impedimentum, valet secundum matrimonium. Tum quia fœmina dubitans de morte primi mariti, vel credens non vinere, si contrahat absolute cum secundo, matrimonium valet, si iam tunc prior maritus erat defunctus. Ergo ad validitatem matrimonij nõ requiritur, vt tempore contractus sciat aliquis se liberum, & sine vilo impedimento ad

contrahendum, vt fatetur Nauar. c. 22. n. 56. Conar. 4. de sponsalibus, p. 2. c. 5. §. 7. num. 2. Ergo similiter licet ignotet se esse liberum ab ista, si tamen vult cum ea contrahere, & absolute accipit eam in suam matrimonium valet.

9. Confirmatur secundò, nam si vir, & fœmina consanguinei desponsati sunt ante Trid. cum spe dispensationis, qua habita, sed nondum facta, copulentur affectu maritali cum intentione contrahendi, certe matrimonium est validum; vt tradunt Sot. 4. dist. 29. q. 2. art. 1. Veracr. 1. p. speculi, art. 4. conclus. 3. Perez l. 1. tit. 1. lib. 5. Ordinamenti, pag. 41. col. 2. & multi Theologi, & Iuris viri usque professores Salmaticæ consulti. Ergo similiter in proposito, non obstante illa ignorantia, matrimonium est validum.

10. Tandem, quia si quis metu graui matrimonium contraxit, & cessante metu cohabitavit, & coniungitur uxori affectu maritali, fit verum matrimonium, vt docent Sotus in 4 dist. 29. art. 3. Ledesm. 2. p. q. 49. art. 3. Veracruz 1. p. speculi, art. 32. conclus. 5. Supplem. & quidam recentiores contra Sylu. matrimonium 4. §. 10. Ergo similiter in nostro casu accedente dispensatione, & rehabito consensu matrimonium erit validum; quam sententiam existimo satis probabilè, licet grauissimi DD. oppositâ censeant probabiliorem, de quo alibi.

11. Aduerto tamen, quod si non sit recursus ad Papam, vel Cõmissarium, in hoc impedimento, vel similibus potest Episcopus dispensare, vt tradunt Nau. c. 22. n. 85. Sot. dist. 37. q. 1. Sylu. verb. dispensatio, §. 9. Armil. §. 19. & 20. Ang. §. 5. Tabien. & alij Summistæ cum Margaritha Cõfessorum verb. dispensatio. Rodr. §. 13. n. 6. Veracruz 2. p. speculi, art. 18. & alij multi grauissimi viri asserentes, quod quando propter paupertatem non est recursus ad Papam, potest Episcopus in prædictis dispensare.

## DVBIUM VLTIMUM.

*Qua ratione intelligatur potestas Commissario concessa. ad dandam facultatem pro dicenda Missa per horam ante lucem; & per horam post meridiem.*

1. **P**ro intelligentia huius difficultatis præmitto primò, iure canonico prohiberi sub gravi pœna Missam celebrare ante lucem, ut constat ex cap. *nocte sancta, de consecratione, dist. 1.* & tradunt D. Thom. 2. 2. q. 83. Sot. 4. dist. 13. q. 2. art. 2. in fine. Bellar. lib. 2. Missæ, c. 14. Nau. c. 25. n. 85. & alij, quos refert, & sequitur Henriq. lib. 9. c. 24. §. 5. cui doctrinæ nulla ratione obstat Leo Papa de consecratione, dist. 1. cap. *neceffe*, ubi ait; offerri potest sacrificium prima diei parte, dies autem incipit à media nocte, hoc inquam non obstat, quia principium diei, prout requiritur ad sacrificia, non computatur à medio noctis, sed à solis ortu, vel à præcedente eius splendore, teste Soto 4. dist. 13. q. 2. art. 2. in fine. Vnde inter prærogativas Episcopi numeratur, ut ante lucem celebret, iter facturus, ut docet Nau. dict. n. 85. & alij relati ab Henriq. ubi supra, quod etiam conceditur Cardinali, quamvis iter non faciat, teste eodem Henriq. ibidem, cum multis aliis ab eo citatis.

2. Verum tamen est, quod ubi consuetudo, viget, ut in crepusculo dicatur Missa pro viatoribus, aut si opus est pro communicando infirmo, recte fieri potest tunc sacrificium Missæ, ut notavit Henriq. ubi supra ex Navar. dicto n. 85. & tradunt D. Anton. 5. p. tit. 13. cap. 6. §. 4. Ang. verb. Missa, §. 42. Sylu. ibi §. 6. Palud. 4. dist. 13. q. 2. & gloss. c. final. de privilegiis in 6. imò credo idem posse facere alios presbyteros, quando ex honesta causa iter agunt, ut notantur Sot. doctor

Verac. & tacent. quos refert, & sequitur Henriq. ubi supra, nulla tamen existente cantu, seu consuetudine peccatum erit, antequam signa solis appareant, celebrare, teste Sylu. verbo Missa 1. ubi insuper ait, id etiam esse verum de secunda Missa in die Natiuitatis.

3. Secundò præmitto esse sententia Navar. c. 25. n. 85. licitum esse secluso scandalo celebrare Missam usque ad tertiam horam post meridiem, quia id inquit nulla lege prohibitum est. Vnde testatur se id frequenter fecisse, dum iter ageret. Idem docet Sylu. verbo Missa 1. q. 6. Rodr. §. 13. n. 9. Sed oppositum docent Ioan. Andr. communiter receptus, c. 1. de celebratione Missarum. Mandolius in praxi signatura, tit. altare, & Rodr. ibidem, atque alij plures, quos refert, & sequitur Henriq. lib. 9. c. 24. §. 6. pro quo etiam adducit quoddam Concilium Toletanum, ubi habetur; *nullus ante auroram, aut post meridiem celebret*, quæ opinio probabilior videtur, quia licet tempore D. Thom. Missa fieret hora nona, quæ est tertia post meridiem, ut ipse docet 2. 2. q. 88. in corpore, & ad 3. & 4. dist. 13. D. Ambros. in psal. 118. Sermone 8. Hesychius lib. 2. in Leviticum, c. 8. Tabien. verbo Missa, c. 13. Couar. 4. variarum, c. 12. n. 14. Maior de irregularitate, lib. 3. c. 12. at consuetudo ipsa obtinuit, ut nullus sine privilegio post meridiem celebret, vel saltem non multum post meridiem; quod notanter addo, nã qui secluso scandalo illam celebraret paulo post meridiem, non peccabit, ut bene notavit Henriq. ex multis Doctoribus à se citatis.

4. Tertiò, præmitto Regulares Mendicantes, & alios, qui eorum privilegiis communicant, posse celebrare per horam ante lucem, & per horam post meridiem, quia id concessit Fratribus Minoribus Leo X. ut haberetur in Compendio Mendicantium, sit. Missa 2. quoad tempus, §. 6.

&amp;c

& in Supplem. fol. 92. concessione 275. quod idem concessit Greg. XIII. Societati IESU, vt habetur in Compendio suorum privilegiorum, verbo *Missa*, §. 3. Amplior tamen fuit illa facultas Leonis, quam ista Gregorij, quia, vt constat ex locis citatis, concessit Leo X. Prælati Minorum, vt possent dare facultatem ad celebrandum statim post preces matutinas, quo privilegio etiam gaudent Prælati reliquorum ordinum ratione cōmunicationis. Sed Rodr. §. 13. in fine, dicit hæc privilegia esse iam reuocata per Trid. sess. 22. decreto de observandis in *Missa*, vbi inter alia dicitur, *debitis horis esse celebrandum*; & postea subdit, *privilegiis quibuscunque non obstantibus*.

Sed hoc decretum nihil obstat, quia Pius V. viux vocis oraculo confirmavit in foro interiori omnia privilegia Minoribus antea concessa, etiam quæ erant contra Trid. vt refert Veracr. in speculo in fine. Sed rursus Rodr. vbi supra, obijcit per motum proprium Sixti V. reuocata esse iam prædicta Privilegia, & ad normam Trid. reducta. Vnde ait, Religiosos non posse vt prædicto privilegio. Sed fallitur, quia per Tridentinum non reuocatur privilegium illud Mendicantium; Nam cum dicit, *privilegiis quibuscunque non obstantibus*, solum tollit celebrare horis indebitis, & indecentibus; celebrare autem ex rationabili causa per horam ante lucem, & per horam post meridiem, non est celebrare indecenti, & indebito tempore, sed potius in tempore decenti, & debito, necessitate tamen occurrenti.

6. His igitur præiactis fundamentis, respondemus Commissarium habere potestatem dandi facultatem ad celebrandum per horam ante lucem, & per horam post meridiem: quod licet probabile sit iuxta supradicta fieri posse iure communi, datur nihilominus ad id privilegium, quia illa opinio non est

omnino certa, & ad sedandos scrupulos, vt recte notavit Henrig. lib. 9. c. 24. §. 6. ex multis doctoribus à se ibidem relatis. Hæc autem potestas Commissarij datur ei, cum hac limitatione, nimirum, quod solum possit concedere prædictam facultatem viris nobilibus, & personis qualificatis, secundum eius arbitrium; non autem oportet, quod sint nobiles secundum rei veritatem, sed vel quod vt tales habeantur, vel alias vt tales se gerant: atque hæc de facultatibus concessis Commissario, nam de alia, quam habet in ordine ad componendum debita; agemus, Deo dante, in expositione Bullæ Compositionis.

## CAPVT X.

De modo quo spirant Bullæ privilegia, & alie facultates in eis concessæ.

### DVBIVM I.

An annus quo durat Bulla Cruciatæ, debeat computari à die acceptionis, an à die publicationis.



Ro resolutione præmitto primo cum Henrig. lib. 7. cap. 20. in principio, quod Cruciatæ concedatur sine limitatione temporis, postea ad triennium, deinde ad biennium, tandem ad sexennium.

2. Secundò præmitto, certum omnino esse, quod annus Bullæ non debet omnino computari à die publicationis factæ in Metropoli, vel Diœcesi, sicut computari solet tempus, à quo incipit obligare lex, vt ex Soto tradit Rodr. §. 5. n. 2. & docet Med. 1. 2. q. 83. 1. computandus est à die publicationis factæ in singulis locis. Vnde quamvis in eadem

LLI 1 Diæ

Diœcesi sit alicubi publicata Bulla die 1. Ianuarij, si tamen alibi publicetur etiam intra eandem Diœcesim die 15. Ianuarij, respectu huius loci annus computari debet à die 15. Ianuarij.

3. His suppositis, non defuerunt, qui dicerent Bullam non spirare vsque ad annum elapsum, facta computatione à die acceptionis; verum hic est intolerabilis error, quia est expresse contra renorem ipsius Bullæ asserentis illam durare per annum à die publicationis in loco, in quo accipitur. Vnde licet à publicatione hic facta iam fluxerit integer annus, si tamē non fluxit à publicatione facta in loco, in quo ego, vel alius pro me Bullam accepit, recte possum illa frui: spirauit tamen elapso anno, facta computatione à die publicationis in loco, in quo accepta est; sed qua ratione intelligendus sit iste annus, grauior difficultas est, de qua *dub. sequenti.*

4. Ex dictis colligo primò, neminem posse frui Bullæ priuilegiis ante eius publicationem; imo nec antequam illam sumar, esto intentionem habeat eam sumendi; intentio enim (teste Rod. §. 5. *num. 2.*) non sufficit, vt quis Cruciatæ indultis uti valeat.

5. Colligo secundò, quod durante anno Bullæ non potest etiam per Commissarium suspendi; nam nequir inferior Superioris dispositionem suspendere, vel reuocare, vt tenet communis opinio, quam sequitur Canus de *pœnis. p. 4. fol. 48.* Hinc autem infert Rod. citatus, quod si antequam annus publicationis compleatur, alia Bulla publicetur, id Summi Pontificis, & Commissarii, nec non Regis Catholici inrétioni repugnat, ne ex Bullæ publicatione interpestiua alicui præiudicium

perueniat, vt tradit Nauarr.

de *Indulg. notab. 30.*

*num. 46. fine.*

## DVBIVM II.

*An annus pro quo conceditur Bulla sit vulgaris, hoc est, dierum duntaxat 365. ita vt non amplius durare possit.*

1. **P**artem affirmatiuam sequuntur nonnulli recentiores cum Rod. §. 5. *num. 3.* & probari potest. Primò, quia verba priuilegiorum accipienda sunt secundum communem, & vulgarem sensum, in quo communiter ab omnibus accipiuntur; sed nomine anni communiter intelligitur fluxus dierū 365. Ergo sic est exponendus annus Bullæ.

Secundò, quia priuilegia, cum sint contra ius commune, sunt stricti iuris, & indulgentiæ etiam, vt communiter omnes fatentur, non amplius valent, quam sonant. Ergo annus, quem concedit Bulla ad gaudendum eius priuilegiis, stricte, & non ample est interpretandus.

2. Tertiò, quia qui elapso curriculo dierum 365. veller virtute Bullæ absolui ab aliquo reseruato post tales dies commissio, exponeret se probabili periculo non recipiendi verà absolutionem. Ergo non potest quis prædictæ opinioni se conformare, cum exponere se tali periculo sit mortale. Antecedens patet, quia si in re ita est, quod Pontifex concedit solum Bullam pro anno vulgari, vt vult opposita sententia, ille non habet facultatem ad eligendum Confessarium pro reseruatis, nec Confessarius similiter habet iurisdictionem, nisi noua Bulla promulgetur, & accipiat. Ergo exponit se periculo non recipiendi absolutionē, periculo (inquam) tam probabili, quantum est opposita sententia.

3. Vetum, his non obstantibus, respondeo dicendum, annum, pro quo conceditur Bulla Cruciatæ, non esse rigore accipiendum, prout importat dies.

dies 365. sed moraliter, ita ut plures aliquos includat, sex nimirum, vel octo. Itaque si elapso anno, & paucis diebus non promulgetur secunda Bulla, quam ramen constat paulo post promulgandam, recte potest quis frui prædicta Bulla ex pia interpretatione Pontificis, & Commissarij, ut dixit Henric. lib. 7. c. 20. n. 2. lit. O. secutus multos Theologos diuerforum Ordinum, & plures Iurisperitos à se consultos, ut Moyam, Veram, Sahagum. Nau. iuniorem, & alios plures eandem sententiam tenentes, & nouissime Villalob. tract. 27. claus. 4. n. 8. & Sancius in select. disp. 55. per totam.

4. Probatur primò, quia quilibet fidelis tenetur accipere Eucharistiam singulis annis ex præcepto Ecclesiastico, & tamen sæpe plures dies quàm 365. fluunt ab vna communione ad aliam, quia ut hispane dicitur. *Vnas vices ea la pasqua annus alia, y otras mas baya.* Ergo sicut annus, quem non potest quis præterire sine communione, non est vulgaris, sed Ecclesiasticus, ita etiam erit intelligendus annus Bullæ.

5. Secundò probatur, quia pro matrimonio contrahendo censetur annus 14. ætatis, quamuis desint aliquot dies, aut menses, si malitia suppleat ætatem, licet secus sit pro sacris ordinibus, & beneficiis, ut consuetudo ipsa interpretatur, teste Rod. ubi supra, & similiter dies artificialis, in quo quis ex præcepto tenetur expletæ diuinum officium, longior est, quam 24. horarum, cum incipiat à vespere diei præcedentis, vsque ad mediam noctem diei sequentis. Ergo similiter in proposito, annus, pro quo conceditur Bulla, debet intelligi prædicto modo, scilicet more Ecclesiastico. Pater consequentia, quia non est verosimile velle Põ. strictius obligare in his, quæ petir ad gaudendum priuilegijs Bullæ, quam in requisitis ad obseruationes præceptorum; sed pro obseruandis

præceptis sumitur annus Ecclesiasticus & moralis. Ergo etiam in Bulla, & eius priuilegijs.

6. Tertiò, quia si expleto anno vulgari publicetur Bulla in ciuitate valde populosa, certum est nõ posse omnes vno die accipere Bullam, sed vel intra tri-duum, vel intra hebdomadâ: illis autem paucis diebus intermedijs vere gaudent sua Bulla, nam rationabiliter præsumi potest, non velle benignum Pontificem paucis illis diebus intermedijs priuare illos priuilegijs Bullæ, ut docet Hæriq. ubi supra in gloss. lit. O. & Villalob. n. 10. sed de hoc, lege Sancium loco cit. n. 5.

7. Quartò, probat Henric. ibidem, quia plena est intentio Papæ concedentis Bullam per sexennium, ut qui quolibet anno, tempore publicationis accipit Bullâ, per sex annos nullo die sexennij priuatur priuilegijs illius, alias defraudaretur non est firma, recteque illam infringit Rod. ubi supra, dicens, quod licet non gaudeat Bulla illis intermedijs diebus, gaudebit tamen Bulla per integrum sexennium, quia quælibet Bulla debet necessario durare integro anno, & sic sumens sex Bullas, gaudebit illis per sex annos.

8. Ad primum respondeo, quod annus Ecclesiasticus secundum communem sensum potest constare pluribus diebus quàm 365. quare non interpretamur verba Bullæ contra, aut præter vulgarem acceptionem anni Ecclesiastici. Nihil autem mirandum est, quod in rebus Ecclesiasticis quandoque vtamur anno Ecclesiastico.

Ad secundum respondeo, non ample interpretati prædictum annum; cum interpretemur illum secundum modum, quo in præceptis iuris communis sumitur, ut supra ostensum est.

Ad tertium, ne eadem repetamus, petenda est solutio ex his, quæ in simili

LLI 3 Vide

dicenda erunt *dub. ult.* huius capituli. Vide ibi doctrinam valde vtilē pro multis materiis moralibus.

### DUBIUM III.

*An hoc diploma, & privilegia, gratiæ, & indulgentiæ in eo concessæ spirant morte concedentis.*

1. **R**espondeo dicendū Bullas Cruciatæ non expirare per mortem concedentis, & idem est de aliis gratiis & facultatibus à Summo Pētitice concessis; Ita docent Palud. 4. *dist.* 20. q. 4. art. 1. Sylu. *verb. indulgentia*, q. 5. §. 7. & *verb. privilegium*, Angel. Rosella, & alij quos refert, & sequitur Cord. *de indulgentiis*, q. 36. Henriq. *lib.* 7. c. 20. & c. 21. idem docent multi Iurisperiti, Patilius *conf.* 117. *lib.* 4. Boërius *de senectute*, fol. 346. Romanus *lege more*, n. 62. ff. *de iurisd. omn. iud.* Benedictus *ibi* n. 6. Innoc. c. cum *ad hoc*, de clericis non residente, & constat ex cap. si *gratiosi* de *rescriptis*, in 6. & cap. *super gratiam*, de officio delegati, in 6. quod etiam locum habet in gratiis concessis ipsi defunctis, ut tradunt Nau. §. in *Leuitico*, notab. 31. n. 25. & *sequentibus*, & c. placuit, de *pœnit.* *dist.* 6. num. 35. & 162. Angel. *verb. indulgentia*, §. 7. *dist.* 7. & *confessor* 1. q. 7. Sot. 4. *dist.* 18. q. 4. art. 3. Palud. *dist.* 17. q. 3. Cord. *ubi supra*, qui omnes addunt licentiam audiendi confessiones non spirare, etiam si concedens moriatur, vel amoveatur ab officio, vel excommunicetur, quod etiam docent Victo. in *sum. quest.* 139. in veteri impressione, & Henriq. *lib.* 7. c. 21. §. 5. cum multis ab eo relatis *ibi*, & §. 6.

2. Ex quo fit, quod licet quidam opinentur, si Papa, vel legatus concessit Episcopo, vel alteri, ut dispēset, vel provideat Petro tale beneficium, dummodo recipiat informationem sibi factam esse veram, Episcopum defuncto Papa,

vel legato non posse dispēfare, licet Episcopus experit cognoscere de causa, atque id niuntur colligere ex cap. si *super gratia*, de officio delegati, & c. si *in nulla*, de *provident.* tamē oppositum docent Sylu. *verb. gratia*, q. 1. Armil. §. 5. Feder. *cof.* 68. Henriq. *lib.* 7. c. 21. §. 7. & multi ab eo relati. Cuius ratio est, quia iam gratia dispensandi, vel providendi facta est Episcopo tanquam executori gratiæ, officium vero executoris non spirat morte mandātis, pro quo facit Antonius Gabr. infra citandus §. 2. & §. 35. dicens, quod si gratia facta est de officio vacaturo, vel alia re facienda, sed iam peruentum fuit ad aliquem actum pendentem in officium concessionis; non expirat gratia morte concedentis, quia iam expresse cepit executioni mandari; idem repetit §. 41.

3. Hinc etiam fit, quod litteræ dimissoriae, seu reuerendæ non expirant mortuo concedente, ut tradunt Nauar. *apologia de redditibus*, q. 3. *monit.* 8. n. 2. & alij recentiores cum Rebuffo in *praxi beneficii*, tit. de *forma dimissoriarum*, n. 39. & 43. licet aliis innumeris videatur oppositam sententiā esse certiorē. Hinc etiam est, quod gratia data à legato non spirat illo defuncto, ut probāt Ancharanus, Francus, & Dominicus cap. si *gratiosi*, de *rescriptis*, in 6. & Antonius Gabr. *tom.* 2. de *præbendis*, *concl.* 1. §. 4. & 18. licet id limiter §. 10. & 44. Hinc idē est, quod licentia testandi, quam Papa cōcedit Episcopo etiam Religioso, non expirat Papa defuncto, ut tradit Nauar. *apologia de redditibus*, q. 3. *monit.* 9. & 10. & idem est de licentia non residenti in beneficio, ut ait Ioan. Andr. cum Panor. mitano, & gloss. penultima c. fin. de *Clerico non residente*, Nau. *supra monit.* 8. n. 4.

4. Patet ergo ex his omnibus, gratias huius Bullæ mortuo Pontifice non expirare, sed integro suo anno durare. Vnde (ut habetur ex dictis *dub.* 1.)

non



non est conforme intentioni Pontificis, nec non Regis Philippi, vt sequens Bulla publicetur, aut praterita suspendatur ante expletum annum publicationis in eodem loco. Quare si contingat aliquando publicationem fieri ante expletum annum, ipsi Concionatores, aut Parochi tenentur publice dicere annum Bullæ prateritæ durare vsque ad certum diem, non obstante publicatione nouæ Bullæ, alias fieret iniuria omnibus illis, qui prateritam Bullam acceperant, cum non daretur illis locus gaudendi sua Bulla per integrum annum à Pontifice concessum, vt bene notauit Rodriguez §. 5. num. 2. & post illum Vega *summ. tom. 1. cap. 43. casu 10.* & Sancius *vbi supra, num. 4.* & consentit Villalob. num. 11. licet oppositum putet probabilius, sicut eiant Gomez *in explicacione Bullæ, clausula 3. num. 1.*

5. Si tamen absolute vellet Pontifex successor expedire nouam Bullam, & prateritam, ante expletum annum reuocare, valida esset reuocatio, sed non sufficeret fieri promulgationem reuocationis Romæ, sed deberet insuper fieri in singulis prouinciis, & dioccesibus, teste Soto 9. de iustitia, *quest. 5. artic. 4.* Syluest. *verb. Indulgentia, quest. 5. dicto 8.* verbo *gratia, quest. 2. §. 4.* Vnde si quis ignorans reuocationem Bullæ, vel similis priuilegij, eligit Confessarium, à quo virtute illius fuit absolutus à reseruatis, valet absolutio ex præsumpta intentione Papæ, ne alias reuocatio, & lex irritatoria periculum pariat illaqueandi animas. Ita docent Cord. *in summ. quest. 144. & lib. 5. de indulgentiis, quest. 36. propositione 3.* pro quo adducit Geminianum. *de cessione prebende, cap. 1. lib. 6.* Nauarr. *de Indulgentiis, notabil. 31. §. 18.* Idem docent Sor. *lib. 1. de iustitia, quest. 1. art. 4.* Med. Complutensis *Codice de confessione, quest. 26.* Med. Salmantinus 2.2. *quest. 9. artic. 4.* Rodriguez §. 9.

num. 24. & 25. & multi alij recentiores, quos sequitur Henriquez *lib. 7. cap. 20. lit. F.*

6. Quare si contingeret quod quis incepisset longam confessionem, & antequam perficeret, aut absolutionem reciperet, reuocaretur priuilegium pro reseruatis, posset nihilominus postea perficere confessionem, & vti suo priuilegio, vt tradunt Rodriq. §. 5. num. 1. Henriquez *lib. 7. cap. 20. n. 2.* nam communis est DD. sententia, quod si iudex conseruator, aut delegatus cepit pertractare causam, potest eam finire, quamuis tempus suæ commissionis expiraret, vt docet Syluest. *verb. conseruator, §. 6.* Tolosa *quest. 12.* Rodriguez *vbi supra*, cum aliis quos refert, & sequitur Henriquez *loco citato*: ergo similiter Confessarius, qui cepit virtute Bullæ audire confessionem, & tanquam verus iudex cognoscere causam penitentis, poterit illam finire, quamuis expiret tempus ipsius Bullæ, aut priuilegij; & vltra prædictos id tradunt Ledesma *sum. tom. 1. tract. de Sacram. confess. cap. 12. conclus. 5. dub. 2.* Sanchez *sum. tom. 1. lib. 2. cap. 13. num. 15.* & Acosta *in Bulla, q. 36.* Imo id apette deducitur ex verbis ipsius Bullæ; *sicm declarent, quod expirante anno omnes supradicta facultates, & indulta expirant, tantumque poterunt causa pendentes ad finem perduc.* Vnde etiam videtur colligi, quod iurisdictione Commissarij, & aliorum ministrorum Cruciatæ durat, quousque omnes causæ interceptæ, vtilitatem, & iurisdictionem

Cruciatæ concetnentes ad finem perducantur.

DVBIUM





## DUBIUM IV.

*Utrum per promulgationem Bullæ Cænæ expiret, & reuocetur facultas per Bullam Cruciatam concessa ad absolendum à reſeruatione in eadem Bulla Cænâ.*

1. **Q**uestio ista valde necessaria est, ne quis in re adeo graui vel temerarie vsurpet Sedis Apostolicæ iurisdictionem, vel ignoranter priuetur fauore per eandem sanctam Sedem sibi concesso; vtrumque enim in propriæ conscientiæ præiudiciū prouenire certissimum est. Quapropter vt rem distinctius explicemus, aliqua sunt prænotanda. Atque in primis nota DD. tam Pontificij, quàm Cæsarei iuris professores latissime disputare, an Princeps priuilegium semel concessum possit reuocare, & plerumque distinctione vtuntur. Nam vel priuilegium collatum est non subdito, & ab eo acceptatum, & tunc censent non posse reuocari, saltem absque legitima causa, quia in contractum transite videtur. Ita Felin. in cap. nouis, n. 8. & 10. & Matienzo lib. 5. Recopilat. tit. 10. lib. 6. gloss. 1. num. 4. vel priuilegium concessum est subdito, & tunc etiam subdistingunt. Nam vel concessum est omnino gratis, quo casu potest ab ipso concedente, seu eius successore reuocari; quoniam talis concessio à mera concedentis voluntate pendet. Ita Felin. eod. cap. nouis, n. 8. & 10. & Matienzo ead. gloss. 1. num. 5. Limirat tamen Abb. d. cap. nouis, num. 16. id verum esse, cum tale priuilegium habet actum successuum, tunc enim reuocari potest quoad futuros actus, quia omnis res per quascunque causas nascitur, per easdē dissoluitur; secus si habeat actum momentaneum, cum mox effectum suum sortiatur; tunc enim per priuile-

gium acquisitum est aliquid de iure gentium, nempe dominium alicuius rei, ac propterea nequit sine causa reuocari, vt si Princeps castrum alicui donauerit. Ita vbi supra, Felin. num. 8. & Matienzo num. 6.

2. Vel priuilegium conceditur in remunerationem, vt si concedatur pretio accepto, aut propter obsequium aliquod exhibitum, seu in posterum exhibendum ab eo, cui priuilegium confertur, tunc quia cum priuilegium transit in contractum, nequit absque legitima causa per Principem, eiusve successorē reuocari, bene tamen si iusta interueniat causa. Ratio est, tum quia Princeps ex vi contractus obligatur, & tanquam priuata persona reputatur, iuxta l. 2. §. 1. ff. ne quid in loco pub. & consequenter nequit priuilegium ex tali causa concessum reuocari; actus namque reuocandi conuenit Principi, non vt priuata persona, sed vt Princeps est. l. Princeps, ff. de leg. Tum etiam, quia ex contractu fit ius plene acquisitum, iuri autem alteri acquisito nequit absque legitima causa præiudicari. Ita loco citat. Felin. num. 8. & Matienzo num. 9. & 10. & Alexand. toto consil. 101. vol. 1. Iason l. Barbarum, num. 34. ff. de offic. Prætor. Nauarr. §. in Lenitico, notabil. 28. num. 7. & alij per eosdem relati. Hinc autem infert Sanchez lib. 8. de matrim. disputat. 33. num. 4. non posse Principem absque iusta causa reuocare priuilegium in meritorum remunerationem alicui concessum, esto sola gratitudinis lege remuneratio deberetur; & reddir rationem, quod non gratis, sed per modum contractus censeatur concessum. Sic etiam Felin. ibidem num. 12. licet allegato Aretino dubitauerit numer. 8. ad finem.

3. Nota secundò, prædicta omnia limitanda fore, nisi Princeps iurisdictionem suam concesserit; tunc enim potest valide

valide, ac licite eam sine causa reuocare. Et ratio potest assignari, quoniam in concessione intelligitur semper excepta Superioris autoritas. Ita Bal. l. qui se parat, num. 24. C. de bon. poss. unde lib. 1. & Felin. cod. cap. Nouit, num. 8. vers. quod tamen limita, & num. 9. limitatione 1. Unde recte deducit Suar. to. 4. disp. 26. sect. 3. num. 3. Superiorem, qui facultatem delegauit, posse eam ad libitum absque alia causa reuocare, non tantum valide, sed licite etiam, per se loquendo, quoniam vitur iure suo, & quasi re propria. Obserua autem, vt priuilegium per modum contractus concessum censetur reuocatum, non sufficere reuocationem generalem, sed requiri quod expressa fiat mentio, saltem generalis cuiusvis indulti concessi per modum contractus, vt aliis citatis tenet Sanchez ibidem num. 9. Nec immerito, quia alioquin non presumitur reuocandi voluntas, quando ea tertij ius aufert, vt fuso ostendit Bolognerus consil. 2. num. 37.

4. Nota tertio, ex dictis manifeste inferri, Pontificem posse reuocare quacunque priuilegia, seu indulta per Sedem Apostolicam, siue ex mera liberalitate, siue per modum contractus concessa. Tum quia omnes Christiani (nullo excepto) sunt Pontificis imperio in spiritualibus subiecti, & tenentur illi obedire, vt recte Innoc. in cap. Inquisitioni, de sent. excom. Atque ideo potest Pontifex quodcunque priuilegium spiritualia concernens, reuocare. Sic Abb. in cap. Venerabilem, n. 19. de elect. Huius autem generis esse priuilegia, quæ in Bulla Cœnæ reuocantur nullus ambigit, nec potest aliquis contra Pontificis potestatem præscribere, ita vt ab eius obedientia immunis existat. Idem Innoc. in cap. Bona, 2. de postulat. & Abb. in d. cap. Nouit, num. 16. ad finem. Tum etiam quia priuilegia, quæ Principis iurisdic-

tionem concernunt, cuiusmodi sunt ea, quæ in Bulla Cœnæ reuocantur, possunt ad libitum reuocari, vt habetur ex dictis in secundo notando, & aliis citatis tradit Alter. lib. 5. de cons. disp. 22. c. 5. prope finem. Ex quibus iam constat in præsentis dubio non controverti, an Pontifex possit reuocare facultatem absoluedi à casibus in Bulla Cœnæ reseruatis, prout virtute Cruciatæ conceditur, sed an de facto eam reuocauerit, aut reuocare intendat per eiusdem Bullæ Cœnæ promulgationem.

5. Ratio igitur dubitandi desumitur ex duplici clausula, nempe, *ceterum, & non obstantibus*, quæ in calce Bullæ Cœnæ apponuntur, ex virtute quarum reuocantur omnia, & quæcunque indulta, gratiæ, indulgentiæ, & litteræ Apostolicæ, & facultates generales, vel speciales, seu sub quauis alia forma, & tenore, & cum quibuscunque clausulis etiam derogatorium derogatoriis à Sede Apostolica concessæ quibuscunque personis, tam laicis, quam ecclesiasticis, etiam si Pontificali seu Imperiali, aut Regali præfulgeant dignitate; vel eorū regnis, provinciis, ciuitatibus, seu locis, ex quauis causa, etiam per viam contractus, aut remunerationis, & cum clausula, *quorum tenore*, & c. vt in dist. 5. non obstantibus. Hinc igitur sumitur efficax argumentum ad probandam partem affirmantem: nam teste Cosimo Philiarco de offic. Sacerdotis, tom. 1. de sacram. penit. cap. 24. in princ. non poterat clarior desiderari derogatio pro reuocatione quorumcunque indultorum, & facultatum, quibusuis personis concessarum.

6. Secundo, quamuis dum in Bullis Cœnæ apponebatur exceptio illa: *nisi in eis casibus præsentibus litteris expressi comprehendantur*; possent aliqui opinari per publicationem Bullæ Cœnæ non derogari, seu reuocari facultatem absoluedi à casibus eiusdem Bullæ, con-

MM m cessam

cessam virtute Cruciatæ, in qua huiusmodi casus exprimentur, sicut opinari videntur Alter. *de cens. tom. 1. lib. 5. disp. 22. cap. 2. sine Ruat. super Bullam Cænæ, lib. 3. §. 2. num. 46. & Sanch. sum. lib. 2. cap. 11. num. 27. vers. & confirmatur.* Sed ab ultimis Pontificibus prædicta exceptio, seu clausula restrictiva non apponitur in Bullis Cænæ. Ergo nec rationabilitè potest quis opinari per promulgationem Bullæ Cænæ non reuocari facultatem concessam virtute Cruciatæ.

7. Tertiò, fere communis opinio DD. tenet per promulgationem Bullæ in die Cænæ legi consuetam reuocari facultatem absoluedi ab hæresi occulta, Episcopis per Concilium Tridentinum concessam; igitur à fortiori idem est sentiendum de reuocatione facultatis per Cruciatam concessæ. Vnde Garzia de *benef. p. 11. cap. 10. n. 130.* tenet per promulgationem Bullæ Cænæ anno Domini 1399. sub Pontificatu Clem. VIII. factam, facultatem Cruciatæ, quoad casus dictos Bullæ Cænæ, fuisse reuocatam, donec reuolutio petatur; referique audiuisse, quod ita responderit ipse Pontifex in quodam examine ad Episcopatum Caietanum; imò etiam allegat Iacobum Bledam Valentinum in *opuscul. defensionis fidei in causa Moriscorum, cap. 13. vers. Laxiorem opinionem, pagin. 93.* asserentem, quod idem Pontifex repulsam dederit duobus viris hispanis, cum ad Episcopatum coram eodem Sanctissimo Domino examinerentur, ex eo quia ab ipso Pontifice de hoc interrogati responderunt, in Hispaniarum Regnis virtute Cruciatæ posse à casibus Bullæ Cænæ absolui.

8. Nihilominus hæc sententia dura quidem videtur viris doctissimis, & mihi etiam. Quapropter contrariam euentur Authores non penitendi. Ita sentiunt Alter. & Duar. *vbi supra*, & non

sub intuitu solum illius clausulæ restrictivæ; nisi in eis etiam casus presentibus litteris expressi comprehendantur. Sed alia etiam ducuntur ratione statim assignanda. Id expresse affirmant Rodr. in expositione Bullæ, §. 9. num. 67. & in addit. ad eund. §. num. 62. & in qq. Reg. tom. 1. quæst. 20. art. 9. Henriq. lib. 7. de Indulgent. cap. 21. vers. Nec videtur. Acoſta in exposit. eiusdem Bullæ, quæst. 55. Sanch. *vbi supra*, & de matrimonio lib. 8. cap. 33. num. 10. Fagundez super quinque præcepta Ecclesiæ, lib. 8. cap. 8. num. 33. Villalob. tract. 27. claus. 4. num. 11. Sorb. in annot. ad compend. privileg. verb. Cruciatæ, vers. ex quibus, & Fernandez in examini. Theolog. moral. part. 3. cap. 9. sect. 11. num. 5. & posset suaderi.

9. Primò, quia concessiones Principum ad inuicem factæ debent esse firmæ, & constantes iuxta cap. fin. de offic. deleg. lib. 6. vbi habetur, quod sicut dignitatis altitudine præminent, sic prærogatiuæ gratiæ ipsos conuenit anteferri. sed ad instantiam Regis Catholici, & in subsidium temporale eiusdem virtute Cruciatæ concedit Pontifex facultatem absoluedi à reservatione in Bulla Cænæ semel in vita, & semel in mortis articulo; igitur de benignitate Sum. Pontificis haud præsumi debet, quod intendat eam reuocare per promulgationem Bullæ Cænæ singulis annis fieri solitam, paucos post menses à promulgatione Cruciatæ, alioquin anſam præberet, ut sibi inconstantia, repugnantiaue nota imputaretur, quod absit de tanto Principe cogitari; eam enim non immerito sacri canones, ac Imperatorum leges contemnant, ut habetur ex Bald. qui ad id probandum nonnulla adducit, asseritque Principis voluntatem debere esse constantem, & immobilem, ac si esset lapis angularis, & in cælo polus.

10. Secundò, quia ex opposito nostræ conclusionis grauiā sequeretur absurda. Nam si quis Religiosus propagandæ fidei, ac animarum salutis zelo ductus ex Indiarum partibus Romam accedat, & post multos labores in itinere atque in Curia perpeffos, tandem obtrineat Breue Apostolicum, quo sibi conceditur, vt Confratrias valeat erigere, & Confratres ipsarum possint à casibus in Bulla Cœnæ contentis absolui; numquid dicendum erit, Religiosum istum iam eo, vnde venerat, reuertentem, etiam ante accessum, & statim post eiusdem Bullæ in Curia promulgationem priuari indulto sibi concessio quoad casus Bullæ, & consequenter operam suam perdidisse, & frustra adeo longam, & periculosam peregrinationem fecisse. Similiter si idem Pontifex in remotas aliquas regiones, nempe Armeniam, Ægyptum, seu eiusmodi aliam, mitteret aliquem Religiosum initio Quadragesimæ, vt in iis partibus gentes ad fidem Catholicam, & Sedis Apostolicæ obedientiam reducere nitatur, & hac de causa plenam ei concedat auctoritatem quosunque absoluendi à casibus Papæ, etiam in Bulla Cœnæ referuatis; numquid is Religiosus sic missus, & illuc accedens, parum post festum Resurrectionis, manebit statim priuatus auctoritate sibi concessa, ex eo solum, quia feria sancta hebdomadæ sanctæ Bulla Cœnæ promulgata sit. Profecto durum videtur similia præsumere de mente sanctissimi Domini, fidei propagationem, & animarum salutem adeo paterna charitate zelantis. Vnde his, & similibus congruentiis inducti grauissimi auctores nostram amplexi sunt sententiam, vt testatur Rodriq. loco cit.

11. Tertio, quia Cruciatam concedit Pontifex nunc octauo quoque

anno, ita vt singulis illius spatij annis publicetur, scitque ex certa scientia singulis etiam annis feria quinta maioris hebdomadæ promulgandam fore Bullam Cœnæ: igitur non videtur credendum, quod intendat Cruciatam reuocare per promulgationem Bullæ Cœnæ, quippe alias frustranea esset talis concessio, & Pontifex sibimet ipsi esset contrarius, vt in simili notat Henriquez loco citato, in comment. lit. D. Nec obstat, si dicas non ita esse, quia per subsequenter Cruciatæ publicationem ponitur reuocatio inducta per præcedentem Bullæ Cœnæ promulgationem. Non (inquam) obstat, tum quia saltem esset frustranea dicta concessio pro magna, & forsitan maiori etiam parte spatij in concessione præfixi. Tum quia in promulgatione Cruciatæ singulis annis facienda non adest noua concessio, seu voluntas concedentis, sed prior continuatur: igitur per talem Cruciatæ publicationem non tollitur reuocatio per præcedentem Bullæ Cœnæ promulgationem inducta, quod nullus hucusque asseruit, cum talis Cruciatæ publicatio æquiualeat nouæ confirmationi, vt omnes fatentur, vel dicendum est, quod facultas Cruciatæ, durante concessionis spatio, non reuocatur per Bullæ Cœnæ promulgationem.

12. Quarto, suadetur à simili, quoniam anno Iubilæi, qui olim centesimo quoque anno concedi solebat, nunc autem vigesimo quoque quinto anno, fatentur communiter DD. non suspendi Cruciatam, vt multis citatis ostendimus cap. precedenti, dub. 6. Huius autem assertionis diuersas assignant rationes præcitati DD. sed præcipua est, quia dum Pontifex concedit spatium. v. g. sex, vel octo annorum, & agnoscit etiam intra id spatium occur-

rere Iubilæum plenissimum, credendum est mentem ipsius haud fuisse Cruciatam suspendere, præsertim cum de ordine ipsius Pontificis, etiam anno Iubilæi publicetur Cruciatæ; vnde Clemens VIII. explicuit mentem suam non fuisse Cruciatam suspendere per Iubilæum anni 1600. ergo similiter sentiendum videtur, quod per Bullæ Cœnæ promulgationem non suspendatur Cruciatæ, cum de ordine Sanctissimi singulis annis publicetur.

13. Quintò, quia esto privilegia per viam contractus concessa, etiam per Bullam Cœnæ reuocentur, sicut de facto reuocari posse ostendimus in secundo notando, nihilominus dum reuocantur, tenetur Princeps recompensationem facere dato æquivalenti, ut multis citatis probant Bolognet. *conf. 3. num. 16. Matienzo lib. 5. Recopilar. tit. 10. lib. 6. gl. 1. num. 13.* quos, & alios refert, ac sequitur Sanch. *vbi supra, n. 9.* sed priuilegia Cruciatæ cōceduntur per viam contractus, ut patet ex tenore ipsius Bullæ, ac præsertim ex Summario vulgari, vbi sic habetur, *porque dais tanta limosna*: ergo cum Pontifex eleemosynam contributam hucusque reddi non iusserit, consequenter nec intelliguntur reuocata.

14. Dices primò, modicum esse, quod singuli contribuere solent, modicum autem pro nihilo reputatur. Respondetur, quod esto vnusquisque modicum tribuat, ac tota summa, quæ quotannis pro Bullæ susceptione contribuitur, excedit 800. aureorum millia, ut notat idem Sanch. *num. 10.*

15. Dices secundò, per Bullæ Cœnæ promulgationem non reuocari totam Cruciatam, sed facultatem solum absoluedi semel in vita à casibus in eadem Bulla reſeruatis, vnde cum multa alia in Cruciatæ concedantur; quæ sufficiens, imò superabundans eleemosynæ ab vno

quoque contributæ recompensatio sunt, consequenter dicendū suscipienti Cruciatam nullam aliam deberi. Respondetur nihilominus contractum ex parte concedentis fieri ad totam Cruciatam, & non ad partem, & consequenter esse alicuius partis solum fiat reuocatio, suscipienti tamen Cruciatam aliquis saltem debetur recompensatio, præsertim quia dicta facultas absoluedi semel in vita à casibus in Bulla Cœnæ contentis, adeo, in Regnis Hispaniarum, & à fortiori in prouinciis Indiarum æstimatur ob nimiam illarum gentium à Romana Curia distantiam, ut ipsa sola omnibus aliis præferatur. Vnde si homines eorum regionum sibi persuaderent talem facultatem per Bullæ Cœnæ promulgationem reuocari, multi sane abstinere à Cruciatæ susceptione cum notabili præiudicio subsidij ad belligerandum contra infideles, prætensi etiam ab eodem legislatore, cuius intentio, & paternus affectus hac quoque de causa defraudaretur.

16. Dices terçio, Sedē Apostolicam ex concessione Cruciatæ nihil penitus percipere, atque ideo viderint ipsi, qui dictam Cruciatam obtinere; præcipue, quia facile potuerunt huiusmodi reuocationem præuidere, cum notum sit trecentis abhinc annis, saltem qualibet feria quinta maioris hebdomadæ, vniuerso spectante populo, per Summos Pontifices renouari, & de nouo Bullam Cœnæ promulgari, ibique facultates & indulta prius concessa reuocari, scientibus autem non sit dolus, neque iniuria *cap. scienti, de reg. iur. in 6.* ac propterea impudent sibi obtinentes dictam Cruciatam, si in ea obtinenda sufficienter non prouiderunt circa huiusmodi reuocationes, sicut prouiderē possēt, si quotannis post publicationem Bullæ Cœnæ peterēt reualidationem facultatis Cruciatæ, ut faciendum monent *vbi supra* Garzia.

Garzia, & Philarc. qui addit alioquin ita absolutos non esse tutos in conscientia.

17. Respondetur tamen, quod esto Sedes Apostolica ex concessione Cruciatæ nihil percipiat in se, percipit autem in filio Rege Catholico, nec in eo simpliciter, sed in subsidium bellorum contra Infideles, & consequenter in defensionem fidei, atque ipsius sanctæ Sedis. Imo ex dicta summa applicantur etiā singulis annis aliquot aureorū millia pro fabrica Ecclesiæ S. Petri in Vrbe, & vtrunque sit, contributio dictæ elemosynæ solū innititur supradictis verbis, *porque dais tantā limosina, os concedo*. Nec obrinentes Cruciatam sciunt eius indulta reuocari per Bullæ Cœnæ promulgationem, imo potius fere omnes, etiam doctissimi (Garzia, & Bleda exceptis) ex tot viris, quō in Hispania, & sacræ Theologiæ, & sacrorum canonum doctrina præfulgent, oppositū sibi persuadent, tum ob rationes hucusque insinuatas; tum quia Commissarij eiusdem Cruciatæ, quibus executio illius cum plena autoritate per Sedem Apostolicam committitur, sic videntur, saltem tacite, interpretari, dum suscipientes Cruciatam moneri non curant, sicut ex officio monere debuissent, ut confessionum inualiditas euitaretur, quin potius Sebastianus Acosta, Lusitanus, vir sane doctissimus, & in diocesi Eborensi eiusdem Cruciatæ olim Commissarius Apostolicus, id constanter loco cit. tueretur. Et quidem si prædicti Commissarij Apostolici opinantur Cruciatæ priuilegia reuocari per Bullæ Cœnæ promulgationem, tenerentur vel de reuvalidatione agere, vel saltem curarent, ut Cruciatam statim post Bullæ promulgationem publicaretur, sic enim tunc tolleretur dicta reuocatio, sicut nunc fatentur omnes etiam rolli, cum postea de more solito publicatur.

*Qui argumenta dubio præcedenti in contrarium adducta soluuntur.*

1. **S**uperest nunc soluere argumenta, quæ pro contraria opinione dubio præcedenti adduximus. Vnde ad primum concedo per clausulam, *non obstantibus*, &c. reuocari facultates omnes tam generales, quàm speciales, quo ad casus Bullæ Cœnæ, non tamen videntur reuocari facultates indiuiduales, de quarum numero potest quodam modo æstimari ea, quæ virtute Cruciatæ conceditur, quoad dictos casus; quoniam licet in Cruciatam non exprimantur in indiuiduo omnes casus Bullæ Cœnæ, exprimitur tamen hæresis, dum peculiariter fit exceptio illius, & consequenter videntur omnes alij expressi; exceptio enim firmat regulam, ut habetur in iure. Atque idem videtur de aliis casibus sentiendum, ac si omnes essent expressi, ut in simili probat text. in cap. qui ad agendum, de procurat. lib. 6. vbi expresso aliquo articulo ex multis, speciale mandatum exigentibus, adiecta clausula generali, omnes alij expressi intelliguntur. Hinc autem deducitur facultatem Cruciatæ, quo ad casus Bullæ Cœnæ, non posse reuocari, nisi in indiuiduo reuocentur, non vero in genere, seu specie duntaxat, ut habetur ex dictis in tertio notando, & colligitur ex Vgol. de cens. part. 3. in versic. etiam prætextu, & in versic. nisi in eis. Alter, dicto tom. 1. disputat. 22. cap. 2. in fine, & Duar. super Bullam Cœnæ, lib. 3. §. 2. quæst. 1. n. 8. & 9. quia tamen hæc solutio non satis omnibus placet;

2. Idcirco responderetur secundo, quod in §. cæterum, quo reuocantur facultates quæcunque quibuscunque cōcessæ absoluendi a casibus in Bulla Cœ-

næ reservatis, non additur clausula, etiam per viam contractus, sed ea solum apponitur in §. *non obstantibus*, ubi reuocantur quæcunque indulta quibuscunque concessa, ne possint per Sedem Apostolicam excommunicari, vt notant communiter expositores, & potissimum Say. lib. 1. de cens. cap. 21. num. 12. Vnde cum facultas absoluedi à casibus prædictis, virtute Cruciatæ concedatur per modum contractus, vt habetur ex dictis in §. argumento, consequenter videtur dicendum, quod nullatenus reuocetur, cum nec ex vi §. *cæterum*, ubi dicta clausula non apponitur, nec ex vi §. *non obstantibus*, ubi de huiusmodi facultate non agitur.

3. Ad secundum respondetur, concedendo maiorem, & minorem, sed negatur consequentia. Er ratio est, quia taciti, & expressi idem est iudicium, vt in l. cum quid, ff. si cert. pet. & l. de quibus in fine, ff. de legibus. & late Eucrar. loco ab expresso ad tacitum, ubi num. 1. inquit id facere ad hoc, vt sicut conditio expresse ortum obligationis impediri l. cedere diem, ff. de verb. signific. ita etiam conditio tacita; atque ideo sicut indulta Cruciatæ non intelligerentur reuocata per promulgationem Bullæ Cœnæ, si adhuc apponeretur clausula, nisi in eis etiam casibus, &c. ita adhuc post illius omissionem idem est sentiendum, cum adhuc eadem legislatoris voluntas tacite subintelligatur.

4. Sed quæres, vnde id deducatur. Respondetur, quod ex triplici potissimum capite. Primo, quia dum Pontifex Cruciatam concedit ex certa scientia, agnoscit Bullam Cœnæ esse non semel, sed pluries promulgandam intra spatium ab ipso præfixum pro Cruciatæ duratione, & nihilominus expresse vult, quod per totum id spatium sit valida. Secundo, quia expresse in concessione Cruciatæ facultatem impendit,

vt absque noua licentia singulis annis publicetur, idque absque dici, seu temporis determinatione. Tercio, quia cum concessio Cruciatæ per viam contractus onerosi facta sit, adhuc tamen post Bullæ Cœnæ promulgationem, non iubet Pontifex, vt Cruciatam suscipientibus contributa elemosyna, vel quid æquiualens reddatur.

5. Sed dices, ex hac opinione sequi saltem, quod omisso illius clausulæ, nisi in his, &c. nihil in Bulla Cœnæ operatur, quod non videtur dicendum. Respondetur, notando quod sicut in Bullis Cœnæ editis à Clem. VII. & antiquioribus apponebatur in fine præcitati §. *non obstantibus* clausula illa, & nihilominus quidquid egerint absoluedo, vel alias, nullius sit valoris vel momenti, virtute cuius declarabatur absolutio nem contra tenorem dictæ Bullæ impensam esse nullam, esto tamen ab illo tempore omissa sit talis clausula, non ideo licet inferre, quod valida sit huiusmodi absolutio, cum careat iurisdictione, quæ ad valide absoluedum necessario requiritur. Dicendum igitur est, in antiquis Bullis apponi dictam clausulam, non quia necessaria esset, sed ad maiorem declarationem. Ita in casu nostro videtur dicendum omissionem illius clausulæ nisi in his etiam per quæ prius ad maiorem declarationem apponebatur, nunc nihil operari, quia taciti, & expressi eadem est virtus, vt dictum est supra.

6. Ad tertium respondetur, quod circa controuersiam, quæ inter DD. versatur, an per Bullam Cœnæ reuocetur facultas, quæ virtute Concilij Trid. Episcopis conceditur, absoluedi ab hæresi occulta, quid sentiendū mihi videatur, dicam in cōmentariis nostris in eandem Bullam Cœnæ quamprimum (Deo dante) in lucem edendis. Pro nunc autem dico non esse eandem rationem Concilij

Concilij & Cruciata. Cruciata enim singulis annis publicatur, & quavis publicatio est veluti noua confirmatio, scus autem Concilium.

7. Nec obstat quidquam opinio Garzia, & Bledæ. Nam in primis Garzia testificatur de auditu, testis autem de auditu non facit fidem, imo etiam si sint plures, non faciunt plenam probationem in iudicio. Vnde non immerito prohibetur in iure, ne testis de auditu in iudicio recipiatur. Ita in *l. testium, C. de testibus, cum gloss.* Vnde Deuter. 17. Moyse dictum fuit; *non accipies auditionem vanam*; & facier sententia Demosthenis *orat. 2. de Corona*, dum ait, manifestissimum esse impudentiæ signum, quempiam testificari ea, quibus non afficit; & subiungit, quæ nouit aliquis, & quibus gerendis interfuit, ea leges testificari iubent; at rem à viuentis auditam testificari leges non sinunt. Addatur id magis esse indignum, cum nec testis refert eum à quo audiuit, nec tempus, aut locum quo ipse tunc erat, sicut contingit in casu nostro.

8. Deinde nec Bledæ fides habenda est, tum quia etiam videtur testificari de auditu, tum quia eius dictum videtur potius chimericum; quoniam si loquatur de facultate absoluendi semel in vita à casibus in Bulla Cœnæ referuatis, præsumendo à promulgatione eiusdem Bullæ, non est credendum quod Clem. VIII. responderit virtute Cruciata non concedi dictam facultatem, cum oppositum potius habeatur ex Bulla, & ipse Clemens etiam concesserit. Si autem loquatur de huiusmodi facultate post Bullæ Cœnæ promulgationem; tunc nec adhuc est verosimile Clementem VIII. qui clementiæ norma extitit, duos Hispanos ab Episcopatu repulisse ex eo solum, quia dixerunt in prouinciis Hispaniarum posse virtute Cruciata absolui à dictis casibus, esto ipse Pontifex aliter senserit,

cum tamen nec ille, nec alius prædecessor talem expressisset declarationem, posset quidem eos paterna charitate corrigere, sed quod eisdem Episcopatus ideo repulsam dederit, aliorum esto iudicium.

9. Sed obiciunt, quia omnia hucusque allegata videntur solum inuicti præsumptionibus, quod Pontifex non intendat sine causa reuocare privilegium virtute Cruciata concessum, quoad casus in Bulla Cœnæ contentos. Id tamen non videtur subsistere, cum verba dicta Bullæ in §. *cæterum*, & §. *non obstantibus*, ubi reuocantur privilegia, & facultates concessæ quibuscunque personis, etiam Imperatoribus, Regibus, & Regnis, etiam per viam contractus, sint clarissima, ut recte obseruauit Philarcus *vbi supra*, & Duar. *eod. lib. 3. §. 5. q. 1. m. 1. prope finem*. In claris autem non est opus recurrere ad præsumptiones vulgat. *l. ille, aut ille, §. cum in verbis de leg. 3. l. continuum, §. cum ita de verb. oblig.* Respondetur negando assumptum. Nam sententia nostra non præsumptionibus solum innititur, sed verbis etiam ipsius Bullæ, cum nec in §. *cæterum*, ubi reuocantur facultates absoluendi à casibus ibi referuatis, fiat expressa mentio, saltem generalis indulgi concessi per modum contractus, quod ex traditis in secundo notando requiri constat; nec iussum sit, ut aliquis saltem fiat recompensatio pro contributione facta, quod in quinto argumento etiam requiri ostensum fuit. Adductæ autem sunt insuper aliquæ præsumptiones ad maiorem rei comprobationem, & præsertim vrgent, quæ sumuntur ex tertio argumento.

10. Facit quidem ad hoc propositum, facultas, quam supremum sanctæ inquisitionis Prætorium in Congregatione coram sanctissimo pridie 9. Februarij anno 1627. habita, concessit quinquennium ministro Prouerb. sanctissimæ Conceptionis Ordinis Minorum

strictio



strictioris obseruantia in Gallia, vt possit libros prohibitos legere, & retinere, hæreticos, & schismaticos, tam regulares, quam seculares, etiam vtriusque sexus ab hæresi, & censuris, ac pœnis ecclesiasticis ob hæresim, & huiusmodi excessus incurrere, in foro conscientia, & iniuncta eis salutari pœnitentia pro modo culpæ absolvere, nec vllus in Gallia, vel extra illam hucusque asseruit dictam facultatē suspendi, aut reuocari vnquā per Bullæ Cœnæ promulgatio-

nem. Nec huius potest alia ratio reddi, nisi quia talis facultas fuit concessa pro tempore determinato, vidente, & consentiente Pontifice; imo etiam sciente futuram Bullæ Cœnæ promulgationē, quod in casu nostro magis vrget, vt constat ex dictis. Quapropter quousque Pontifex aliud disponat, ita in hac materia sentiendum esse existimo, saluo semper meliori iudicio, ac præcipue sanctæ Sedis Apostolicæ censura, cui ex nunc me omnino submitto.



## DISPUTATIO II.

### In expositionem Bullæ Defunctorum.

#### P R O O E M I V M.



**S**VMVS Pontifex Christi Vicarius, non solum viuus virtute Cruciatæ, sed defunctis etiam per indulgentias suffragari dignatus est. Quamuis enim virtute sacramenti Pœnitentiæ culpæ omnes remittantur, pœna tamen æterna mortalibus correspondens regulariter nõ dimittitur omnino, sed in tēporalem nobis in hac vita, vel in Purgatorio luendam cōmutatur. Vnde esto Christi fideles, antequam è corporis ergastulo proficiscantur, possint huiusmodi pœnæ satisfacere, per ieiunia, vigiliæ, orationes, & eiusmodi alias operationes pœnales, vel à confessore iniunctas, vel à pœnitere voluntarie assumptas: contingit tamen interdum, vt nonnulli, vel ex negligentia, vel morte præuente à vita decedant, dicta pœna nondum plene satisfacta, atque ideo in Purgatorio postea detinentur, & patiū-

tur, donec ibi soluant vsque ad vltimū quadrantem, vt ex ore suo Christus Dominus asseruit. Possunt autem defunctorum animæ, dum in Purgatorio sic detinētur, à viuis per sacrificia, elemosynas, orationes, & huiusmodi alia subueniri, vt citius à Purgatorio in Cœlum transferantur, atque interim norūt ibi sufficienter quæ, & à quibus hic propiis soluantur, id illis, Deo reuelante, vel per Angelos Custodes exposito, vt tradit Suar. tom. 4. disp. 47. sect. 2. ad finem. Quare vt Christi fideles animabus defunctorum facilius subuenire queant, concedit Summus Pontifex, vt qui hanc Bullam sumperint, possint eam cuiusque animæ in Purgatorio existenti applicare, dummodo duos argenteos in subsidium belli contra Infideles soluāt; & concedit etiam, vt bis quolibet anno in defunctorum spirituale beneficium dicta Bulla sumi, & applicari valeat. Id autem primo fuit per Clementem VIII. concessum

concessum, vt tradit Villalobos *in initio tractatus de Bulla defunctorum*, & per eius successores postea confirmatum.

D V B I V M I.

*Verum possit Summus Pontifex concedere Indulgentias defunctis.*

1. **P**Artem negantem ex catholicis Doctoribus tenuerunt Gerson *tom. 4. serm. 2. de defunctis* q. 9. Host. *sum. lib. 5. sub tit. de remissionib. & quibus possint, & ubi operatur*; quem refert, & sequitur Gabr. *in can. lect. 57.* ex hæreticis vero id tenuit Lutherus, & eius sequaces, vt constat ex Bulla Leonis X. contra Luther. de quo Henric. *lib. 7. cap. 3. §. 3.* & probatur.

Primò, quia si qua ratione posset Papa cōcedere indulgentias defunctis, maximè propter vniuersalem potestatem sibi cōcessam à Christo Domino *Matth. 16.* a illa potestas data est ei super terram dumtaxat, cum ibi dicatur: *Quodcumque solueris super terram, &c.* ergo non potest concedere indulgentias existentibus infra terram, quales sunt animæ Purgatorii, alias extenderet suam iurisdictionem vltra proprium territorium, & in non subditos.

2. Secundò, quia defunctus existens in Purgatorio, debet ibi soluere pecnam debitam iure diuino, & non iure aliquo ecclesiastico, ergo non potest ab ea liberari per Papam. Patet consequentia; quia licet Papa sit super omne ius humanum, & illud mutare possit, non tamen super ius diuinum.

Tertiò, quia si Papa posset liberare vnam animam à Purgatorio, eadem ratione posset omnes; sic posset euacuare Purgatoriū, quod est omnino falsum.

3. Verum, his non obstantibus, Respondendo dicendum, Papam posse concedere indulgentias defunctis, de quo

non licet Catholico dubitare. Ita docet communiter Doctores cum Cord. *lib. 5. q. 16. Henric. lib. 7. c. 3. Gabr. in additione, quam fecit ad lect. 57.* vbi oppositum tenuerat cum Host. Idem docent Alex. Alenf. *4. p. q. 83. D. Bonau. in 4. dist. 10 p. 2. q. 3. Richard. art. 3. q. 3.* atque etiam D. Thom. *d. 45. q. 2. art. 3. quasi in cunctis 2.* Durand. & alij ibidem relati à Gabr. & Suar. *tom. 4. in 3. p. dist. 53. sect. 1. n. 3.* vbi plures refert Canonistas; & probatur.

4. Primò ex communi vsu Romanæ Ecclesiæ, sæpe enim Sacri Pontifices concedunt indulgentias animabus Purgatorii, easque concessit D. Gregorius, vt habetur *4. lib. Dialogorum, c. 57. & lib. 2. c. 2. 2.* & alij multi, vt constat ex manuscriptis antiquis Romæ, & alibi reperiis, teste Cord. *vbi supra*, & ex aliis multis relatis à Gabr. in principio prædictæ additionis.

5. Secundò, probatur ex definitione Sixti I V. qui, vt referunt Gabr. *lect. 57.* & eius Supplementum *in 4. dist. 43. q. 3. art. 2. propos. 5.* declarauit, posse concedi defunctis indulgentias, & Leo X. *in Bulla Specul. condempnauit errorem Lutheri*, qui vt refert Rosenf. *art. 22. contr. Luther.* assererat, non posse defunctis indulgentias concedi.

6. Tertiò, quia nihil aliud requiritur ad hoc, vt indulgentiæ valeant pro defunctis, quam quod Pontifex habeat auctoritatem ad dispensandum de thesauro Ecclesiæ, & quod defuncti sint capaces recipiendi tale beneficium. At Pontifex habet plenam auctoritatem dispensandi omni indigenti de prædicto thesauro, iuxta illud *Matth. 25. Fidelis seruus, & prudens, quem constituit Dominus super familiam suam, vt det illis in tempore tritici mensuram, & illud Ioan. 20. Pasce oues meas.* Et animæ etiam Purgatorii sunt capaces indulgentiæ, cum sint in gratia, & nondum ad terminum peruenierint. Quod autem nō subdantur

3. Secundò, quia quantitas indulgentiæ pender ex liberalitate Dei acceptantis; Deus autem fructum suffragij pro anima Purgatorij collatù non acceptat, nisi secundum idoneitatem & dignitatem animæ, pro qua fit, vt latè probat Cord. lib. 5. q. 17. ergo quamuis omnibus, & singulis existentibus in Purgatorio concederet Papa indulgentiam plenariam, nihilominus non euacuaret Purgatorium, cum non essent omnes æqualiter idonei ad recipiendum æqualem illius fructum.

4. Terriò, quia si id Papa posset, avari adhuc existerent sacri Pontifices erga animas Purgatorij, nunquam exercendo circa illas hanc potestatem euacuando totum Purgatorium.

5. Vltimò: nam Academia Parisiensis censuit scandalosam & suspectam esse propositionem cuiusdam Ioannis Angli asserentis animas Purgatorij esse de iurisdictione Papæ, & Papam posse euacuare totum Purgatorium.

6. Verum his non obstantibus, ego non video sufficientem rationem ad negandum, Papam posse euacuare totum Purgatorium, supposito, quòd potest concedere indulgentias defunctis. Ita docet Gabr. in canon. lect. 57. & in addit. illius ad 2. cum D. Thom. S. Bonauent. supra; & S. Antonin. d. p. summ. tit. 22. c. 5. §. 6. Idque etiam concedit de potestate absoluta Papæ Cord. lib. 5. quæst. 18. & probatur.

7. Primò, quia de facto concedit Summus Pontifex in Bulla defunctorum, vt defunctus, pro quo illa fuerit accepta, cõsequatur indulgentiã plenariam. Ergo si de facto sumerentur rot Bullæ, quot sunt animæ Purgatorij, quod fieri non repugnat, vt de se constet, euacuaretur Purgatorium: sufficit enim esse in gratia ad percipiendum solum fructum indulgentiæ, dummodo causa sit legitima, qualis in præsentis est, nempe subsi-

dium belli contra Infideles; & licet ita esset, vt volunt Caiet. & Cord. ubi supra, quòd non omnes animæ Purgatorij æqualem reciperent fructum, quia non contingit, illas æqualiter esse dispositas, & idoneas: hoc tamen nulla ratione probat, non esse in Papa potestatem ad euacuandum Purgatorium, cum illud non sit impedimentum: ex defectu suæ potestatis, sed ex indispositione eorum ad recipiendum integrum fructum Apostolicæ concessionis.

8. Secundò, quia si esset in Ecclesia vrgentiissima necessitas pecuniæ pro defensione fidei contra hæreses, hæc certè esset sufficiens causa, vt Summus Pontifex concederet, vt quoties quis duos argenteos erogaret in subsidium talis belli contra hæreses, liberaret vnã animam à Purgatorio. Ergo tunc possent fideles toties iterare hanc elemosynam, vt nulla remaneret anima in Purgatorio, quia non potest determinari numerus animarum, quas possit Papa liberare à Purgatorio, ita vt vltra illum, non possit amplius. Ergo potest liberare non tot, quin plures, atque adeo totum Purgatorium euacuare.

9. Terriò, quia Summus Pontifex habet facultatem concedendi indulgentiam plenariã defunctis, vt suprà ostensum est; & ex nullo Scripturæ loco, aut traditione colligi potest, quòd non possit illam concedere omnibus, & singulis existentibus in Purgatorio, data legitima & rationabili causa, qualis certe esset supra relata. Ergo non est, cur negemus hanc potestatem Pontifici: nam, vt communis docet DD. sententia, concurrentibus tribus, scilicet, auctoritate in dante, pietate in causa, & gratia in recipiente, indulgentia valet ei. Nec iuuat dicere, ex his solum conuinci habere potestatem logicam, non verò physicam. Ita loquitur Cord. ubi supra; nam illa certè est potetia physica, vt distinguitur con-

tra logicam, si ita fas est loqui in re morali, quæ non solum sumptis rebus in communi, non implicat contradictionem, exire in actum secundum, sed illis in particulari consideratis, & secundum legem ordinariam. Ex dictis autem satis constat, id competere prædictæ potestati Papæ, ut etiam faretur Villalob. tom. 1. tract. 26. diff. 7. final.

10. Ad primum respondeo, urgentem necessitatem in Ecclesia esse sufficientem causam ad prædictam cōcessionem. Id autem, quod ibi supponitur, nimirum Christum Dominum non eripuisse omnes animas Purgatorii, cum ad inferos descendit, apud me falsum est, nam contrarium docent Sor. 4. dist. 15. q. 1. art. 1. Gerl. alphab. 18. lit. F. Turrian. lib. 4. cont. Magdeburgenses, c. 12. Marfil. in 3. q. 13. art. 2. dub. 3. Maior dist. 12. & Gabr. ibi, & Supplem. dist. 46. q. 1. art. 1. Anselm. in elucidario; loquens de animabus Purgatorii, ait: Omnes absoluit, & in gloriam duxit Rex gloriæ, & applicat illud Isai. 40. Dices his, qui vincti sunt, exite, & his, qui in tenebris sunt, reuelamini; & D. August. ser. 137. de temp. ait: De electis suis, nullum apud inferos reliquit, omnia abstulit. Idem docet D. Gregor. lib. 13. Mor. & potest probari ex illo Eccles. 24. Penetrabo omnes inferiores partes terra, & inspiciam omnes dormientes, & illuminabo omnes sperantes in Domino.

Ad secundum respondeo, falsam esse illam Cordubæ sententiam, de qua infra, & licet vera esset, nihil tamen probaret contra nos, ut ostendimus in fine primæ probationis nostræ sententiæ.

Ad tertium respondeo, sacros Pontifices liberaliter id fecisse semper, quantum est ex parte sua, concedendo singulis annis prædictas Bullas defunctorum: quare avaritia solum se tenet ex parte fidelium, qui parum dant operam pro applicandis indulgentiis concessis animabus Purgatorii.

Ad quartum respondetur primò, nimos fuisse semper Parisienses in opinionum censuris, cum etiam errorem dicant esse, asserere, intellectus hominum esse æquales: quæ tamen est opinio probabilis in Philosophia, & à multis Catholicis asserta.

11. Vel secundò respondeo, in illa propositione duo contineri. Primum, quod Papa habeat iurisdictionem in animas Purgatorii. Secundum, quod possit euacuare totum Purgatoriū. Censura ergo Parisiensis non cadit supra hoc secundum; sed supra primum, & illo etiam modo intellecta adhuc est rigida.

### DUBIUM III.

*An indulgentia defunctis concessa, valeant illis per modum absolutionis, an solutionis tantum.*

1. **P**RO intelligentia huius dubij supponendum est, quod indulgentia ecclesiastica, iuxta communione Doctorum sententiam est remissio pœnæ temporalis debitæ pro peccatis remissis ex applicatione thesauri Christi Domini. Hæc autem remissio (dicunt communiter DD.) respectu viuorum habet rationem absolutionis, quia Pontifex habet iurisdictionem in illos; respectu verò defunctorum, non est absolutio, sed solutio, quia non habet iurisdictionem in illos.

Et si quispiam obiiciat, quod qui consequitur indulgentiam recompenfat tantum, quantum tollitur de pœna debita: ergo nec respectu viuorum, indulgentia est absolutio, seu liberalis remissio pœnæ: quis enim diceret, creditorem remittere debitum ei, qui integrum illud soluit? Respondeo, quod idem actus respectu diversorum sortitur varias rationes. Vnde, sicut absolutio à peccatis mortalibus intra Sacramentum, respectu pœnitentis, dicitur omnino gratuita.

tuita.

tuica, & liberalis, res estu vero merito-  
rum Christi, qui ex iustitia meruit no-  
bis remissionem, dicitur solutio ex ius-  
titia. Ita proportionaliter illa solutio  
pretij respectu creditoris est actus ius-  
titia, & sic est recompensatio totius de-  
biti: respectu vero debitoris, illa appli-  
catio thesauri, est omnino liberalis, &  
gratuita, quia fit sine propriis meritis; &  
talis remissio, vt fit à Prælaro habente  
iurisdictionem in eum, cui cõfertur in-  
dulgentia, habet rationem verę absolu-  
tionis. Modo veto inquirimus, an talis  
remissio, respectu defunctorum, habeat  
etiam rationem absolutionis, & non so-  
lutionis tantum?

2. Parrem affirmantem sequuntur  
Medina de Indulge. disp. 5. cap. 14. & 17.  
Gabr. in Cano. leff. 57. in addit. illius. May-  
ron. 4. d. 19. & fauere Alex. 4. p. q. 23.  
mem. 6. & D. Bonauent. 4. d. 20. 2. p. q. 5.  
sui. & probatur.

3. Primò, quia potestas concedendi  
indulgentias, est potestas clauu, & fun-  
datur in illo Euangelij. *Tibi dabo cla-  
ues*, &c. Vnde in c. quod autem, de poenit.  
& remiss. ex eo definit ibi Papa, quod  
Episcopus non potest concedere indul-  
gentias, nisi subditis, quia supponit hæc  
concessionem esse actum iurisdictionis,  
& clauis, sed actus clauis est claudere, &  
aperire, quod in spiritualibus est ligare,  
& absolvere Ergo concedente Papa in-  
dulgentias defunctis, vere exercet actum  
absolutionis circa illas.

4. Secundo, quia si quid obstaret,  
quominus Papa concederet defunctis  
indulgentias per modum absolutionis,  
maxime quia non habet iurisdictionem  
in illos; sed hoc est aperte falsum. Ergo,  
&c. Probat minor; tum primò, quia  
iustus vel est in Ecclesia militante, vel  
in triumphante; anima autem Purgato-  
rij non pertinet ad Ecclesiam trium-  
phantem, atque adeo est in militante,  
cum ambulet per fidem, & spem, & non

per speciem, vt dicebat D. Paul. 1. Cor. 13.  
Ergo cum Pontifex habeat iurisdic-  
tionem in omnes, qui sunt de Ecclesia mi-  
litante, consequens est, habere illam in  
animas Purgatorij. Tum secundo, quia  
defunctus, qui mortuus fuit in excom-  
municatione, potest absolui, vt docent  
Sylu. verb. excommunicatio, not. 3. & Abu-  
lenf. super Matth. c. 16. & q. 89. & expre-  
sse habetur c. à nobis el. 2. de sent. excomm.  
vbi dicitur *defuncto etiam absolutionis be-  
neficiu impèdatur*. Et D. Benedictus ab-  
soluit quosdam Moniales defunctas, vt  
trahit D. Gregor lib. 2. dialog. c. 23. At ab-  
solutio, est actus iurisdictionis. Ergo  
habet Papa iurisdictionem in animas  
Purgatorij.

5. Nec iuuat dicere, per illam abso-  
lutionem nullum vinculum tolli à de-  
functis, sed solum concedi facultatem  
vius, vt nomine Ecclesiæ possint pro  
illo offerre publice suffragia, & cõferre  
illi sepulturam in loco sacro; hoc (in-  
quam) non iuuat, vt recte notauit Med.  
vbi supra, quia Matth. 16. dicitur, quod  
absolutio, quæ fit per Ecclesiā in terra,  
valet in cælo. Ergo nec solum prodest  
pro foro civili, & exteriori, sed etiam in  
interiori, & corā Deo. Tum tertio, quia  
sententia excommunicationis non po-  
test proferri nisi in subditu, & in quem  
superior habet iurisdictionē, vt omnes  
fatentur, & constat in c. à nobis el. 1. de  
sent. excomm. Sed Papa potest excommu-  
nicare defunctos, vt expresse habetur  
d. c. à nobis el. 1. de sent. excomm. & de facto  
illos excommunicauit, vt constat ex sexta  
synodo generali act. 13. vbi excommu-  
nicatur Origenes, Honorius, & alij iam  
defuncti. Ergo vere habet iurisdic-  
tionem in illos.

6. Nec obstat dicere, ibi non excom-  
municari, sed declarari excommunica-  
tionem incurrisse, quia Honorius, qui  
ibi excommunicatur, mortuus est Papa,  
Papa autem ob nullu delictum incurrit

sententiam excommunicationis, quia cum non habeat superiorem in terra, & par in parem nō habeat imperium, nullius Pontificis, aut Concilij censura ligari potest. Ergo vere ibi non dubitatur fuisse excommunicatum, sed excommunicatur.

7. Tertiò, quia licet defuncti secundum se præcise considerati non pertineant ad forum Ecclesiæ, & ideo non possint recipere indulgentias per modum absolutionis, sed solutionis tantum, tamen ratione delictorū, quæ in hac vita commiserunt, vere pertinent ad iurisdictionem Ecclesiæ, quia reus sortitur forum ratione delicti quocūque se transferat, etiam extra locum, in quo commisit delictum, vt constat ex l. qua. C. vbi de crimine agi oporteat, & in Authentica, vt omnes obedientiam iudici Proinciæ præstent. Ergo defuncti ratione delictorū, quæ in hac vita commiserūt, pertinent ad forum iudiciale Ecclesiæ.

8. Quartò, quia si propter aliquid non posset Papa cōcedere defunctis Indulgentias per modum absolutionis, maxime propter locum, *Matth. 16. Quodcunque solueris super terram, &c.* Defuncti autem non sunt super terrā. At iste locus non obstat, quia illud verbū *quodcunque solueris*: potest referri ad ipsum Petrum, vt sensus sit. Quodcunque super terram existens solueris, erit solutū & in cælis; vel potest intelligi, quod illa dictio, *super terram*, significet solum id, quod non est in cælo, quia ibi opponitur ipsi cælo; atque adeo sumitur pro omni loco extra cælum. Vel tandē dici potest, non excludi ibi animas Purgatorii quoad absolutionem à poenā, quia vere sunt super terram; licet non super ultimam superficiem illius.

9. Vltimò, quia animæ Purgatorii, quousque intrēt in Regnum cælorum, adhuc sunt viatrices, cum nōdum comprehēderint, necdum ad terminum per-

uenerint; sunt (inquam) viatrices, quantum ad Purgatorium, per quod velut per quādam viam transcunt ad patriam, atque adeo vere sunt in transitu ad terminum, licet quodammodo sint in termino, quantum ad confirmationem in gratia, cum amplius peccare non possint.

10. Verum his non obstantibus, respondendo dicendum, defunctis non concedi indulgentias à Pontifice per modum absolutionis. Ita docent D. Bonau. *vbi supra*, quem refert, & sequitur Cord. *supra de indulgent. propositione 15.* & facultas Parisiensis censuit erroneam oppositam sententiā, teste Maior. in 4. d. 20. q. 2. Richard. ead. dist. 20. art. 3. q. 3. Sor. d. 22. q. 2. art. 3. concl. 3. Bellar. lib. 1. de Purgat. c. 16. Gabr. etiam loco cit. Atque idem videtur sentire D. Thom. d. *quæstionum*. 2. teste Suar. *vbi supra* scilicet. 2. n. 4. & tenent similiter Canonistæ, quos refert ac sequitur Nau. *comment. de Indulgent. not. 22.* & communiter omnes recentiores, & tandem Alex. & Bonau. locis citatis & probatur.

11. Primò, ex illo *Matth. 16. quodcunque ligaueris super terram*. quod intelligi debet iuxta factorum Canonum, & Pontificum intelligentiam. Gelas. autem 24. q. 2. c. ligatur. ait. *super terrā; nam in ligatione, defunctum nunquam dicit esse absolendum; & in eadem causa cap. de excomm.* Leo Papa ait: De excommunicatione priuatis, & ita defunctis, horum causa iudicio Dei reseruanda est. Et Gratia. ead. caus. & q. cap. 1. *super* (inquit Christus) *non sub terram*; ostendēs, quod viuentes pro varietate suorum meritorum, soluere possumus, vel ligare, sed de mortuis sententiam ferre non possumus. Ergo cum defuncti non sint super terram, eadem ratione non poterit eis concedi indulgentia per modum absolutionis.

12. Nec valet solutio quorundam doctorum

doctorum assentientium illud quodcumque solueris super terram: sic exponendum esse, quodcumque existens super terram quoad esse, siue quoad statum, vel causam solueris, illud erit solum in cœlis: & sic (inquiunt) posse absolui animas Purgatorij, quia sunt super terram, saltem quoad causam, id est, non finaliter sententiarum, imo quoad statum, quia sunt in via ad primum, & non extra Ecclesiam militantem. Hæc (inquam) expositio non est conformis literæ, quia sic redundaret hæc clausula, *super terram*, cum omne ligabile, aut solubile necessario sit super terram in eo sensu, id est, quo ad esse, statum, & causam, ut viui, quo ad statum vero, & causam, ut defuncti, arque adeo superflue addita fuisset illa particula; *super terram*. Lege Cord. dist. 9. 16. vers. ideo secundum alios DD.

13. Secundò, quia cum absolutio siue à culpa, siue à pœna sit actus iudicariæ potestatis, manifeste consequitur, non posse concedi indulgentiam per modum absolutionis, nisi ab habente iurisdictionem in eum, cui confertur; at Papa non habet iurisdictionem in animas Purgatorij. Ergo non potest illis concedere indulgentias per modum absolutionis. Minor probatur, quia si haberet iurisdictionem in illas, posset eas excommunicare, quod est aperte falsum, quia excommunicatio fieri non potest, nisi præmissa monitione canonica, defunctus autem non potest admoneri; & præterea, quia talis est extra tribunal Ecclesiæ, nec unquam potest censeri contumax, & tandem quia id expresse asserit Gelaf. 2. 4. quæst. 2. & alij Pontifices supra citati.

14. Tertio probatur, quia in rebus præcipue moralibus, & theologicis standum est opinioni communi, nisi aperta ratione conuincatur falsa: nam semper illa est censenda probabilior, & verior, ut ait glof. fin. de penit. & remiss.

dist. 1. & habetur c. 1. de Constitut. & Iud. dist. 16. & c. in canonicis, dist. 19. & cap. fin. dist. 63. Sed hæc sententia est communis DD. & vsus Pontificum confirmat eius veritatem, quia cum concedunt indulgentias defunctis, semper dicunt, illas concedere per modum suffragij, nunquam autem absolute sine addito, ut conceduntur viuis. Ergo signum manifestum est, Papam recognoscere non habere iurisdictionem in Purgatorio, atque adeo non posse concedere illis indulgentias per modum absolutionis.

15. Ad primum Respondeo, præter ligare, & absolueri esse alios plures actus ad clauis pertinentes, etiam respectu viuorum, ut communiter docent Doctores in materia de Clauibus. Vnde in præsentii dicimus, quod remittere illam pœnam Purgatorij defunctis ibi existentibus, quamuis non sit actus iurisdictionis, est tamen actus Clauium, quatenus per illum remouet impedimentum introitus in regnum cœlorum.

16. Ad secundum nego minorem, & ad primam probationem, respondeo, animas Purgatorij esse in statu medio, quia partim pertinent ad Ecclesiam triumphantem, propter ius inamissibile, quod habent acquisitum ad illam, & partim ad Ecclesiam militantem, quatenus secundum quid sunt viatrices, ut dixit D. Thom. ubi supra, & hæc ratione indirecte solum pertinent ad forum Ecclesiæ, iuxta statim dicenda.

17. Ad secundam probationem bene respondeo ibi. Cum enim dicunt iura absolui posse defunctum, non loquuntur absolute, & directe, sed indirecte, quatenus in tantum dicuntur absolui ipsi, in quantum viuis cõceditur facultas, ut nomine Ecclesiæ possint pro illis orare, sacrificium offerre, in loco sacro eos sepelire, &c. Ita explicant Cord. lib. 5. quæst. 16. & Castr. lib. 2. de inst. heret. punit. cap. 19. & 20. quam explanationem esse

esse legitimam, præter supradicta pro nostra sententia, ex eo apertè constat, quod in *d.c. in nobis, de sent. excom.* ubi dicitur, defunctum posse absolui, dicitur etiam posse excommunicari. Constat autem id esse falsum de excommunicatione propriè sumpta, ut est quædam censura: ergo proportionaliter loquendum est de utroque. Quare sicut excommunicare defunctum, solum est, prohibere vivis, ne offerant pro ipso publica sacrificia, orationes, &c. ita illum absolvere, erit concedere facultatem ad hæc efficienda; quæ facultas sicut datur à Papa in terra, ita à Deo conceditur in cælo; & hoc est valere illam absolutionem, non solum quoad forum Ecclesiæ, sed Dei. Vnde concludo, quod cum absoluitur defunctus ab excommunicatione, non valet talis absolutio quoad eius effectum primarium, quod est, auferre vinculum, & obligationem, quæ tenebat excommunicatus non se immiscere sacris: nam hoc ipso, quod moritur, non manet in eo talis obligatio, atque adeo non opus est ad illam tollendam aliqua absolutione propriè sumpta, sed ea, quam supra explicauimus. Et per hoc patet responsio ad tertiam probationem eiusdem argumenti.

18. Ad tertium, omiſſis aliis solutionibus, clarius dicitur, quod reus sortitur forum ratione delicti, dummodo extet talis reus. At si non extet talis reus, sicut non extant defuncti, in territorio Ecclesiæ, cum iam è vita decesserint, non pertinet ad forum, in quo deliquerunt, sed ad solum forum Dei.

19. Ad quartum, omiſſis variis explicationibus, quas referunt Gabr. in *canon. less.* 57. in *addit.* & Cord. 5. de *Indulg.* g. 16. Respondeo, iuxta prædicta, illam particulam, *super terram*, denotare iurisdictionem Papæ solum esse in viuentes, non in defunctos; ad illam verò consequitur auctoritas dispensandi de the-

sauro Ecclesiæ, etiam pro defunctis; quæ dispensatio non est actus iurisdictionis in subditos, sed clauis propter rationem allatam in solutione ad primum. Et licet aliquando in sacra Scriptura particula, *super terram*, comprehendat omnem locum extra cælum, ut *Genes.* 1. & 14. & *Psal.* 184. & *Hierem.* 33. & *Matth.* 16. non tamen semper, sed sæpius comprehendit ea dumtaxat, quæ super terram sunt; etiam cum contra ponitur cælo, ut constat ex *Psal.* 146. & 148. *Ecclesiast.* 5. *Matth.* 5. & 26. & *Luc.* 12. & *Apocal.* 5. & 21. & hoc modo intelligendus est prædictus locus *Matth.* 16. cui non parum fauet, quod etiam loquitur de Episcopis, & tamen constat ex communi Doctorum sententia, non posse illos concedere indulgentias defunctis. Verum tamen est, quod D. Bonau. *dist.* 20. (ut referunt Gabr. & Cord. *ubi supra.*) inquit, quod si quis contendat Vicarium Christi habere iudiciariam potestatem supra existentes in Purgatorio, non est illi multum resistendum, modo hoc dicit ratio, vel auctoritas manifesta; idque videtur sentite Henrici *ubi supra*, §. 1. sed Cord. *ubi supra*; dicit, esse contra prædictum locum *Matthæi* 16. & DD. communiter, & Maior. in 4. *dist.* 20. *quest.* 2. quem refert Nauar. in *reper. de Indulgent.* notab. 22. §. 9. ait facultatem Parisiensem iudicasse esse scandalosum, & nullatenus populo prædicandum, Papam habere iurisdictionem in animas Purgatorii. Verum ego non censeo prædictam sententiam esse tam acri censura dignam, cum & habeat pro se graues Doctores, & vrgentes rationes, & locus *Matthæi* 6. patrat probabiliter explicationes, quas tradit Medina *ubi supra*.

Ad vltimum patet ex dictis ad primum.



## DVBIUM IV.

*An Indulgentia defunctis applicata per modum suffragij prosint illis de congruo tantum, an de condigno, & ex iustitia? ubi etiam explicabitur, quid sit Indulgentia per modum suffragij.*

1. **N**on desunt graues DD. quibus certum videatur, huiusmodi indulgentias per modum suffragij defunctis concessas, solum illis prodesse de congruo, & non ex iustitia, hoc est, quasi iustam, & æqualem solutionem offerentibus. Ita Viguer. c. 16. §. 4. vers. 24. Caietan. tract. 2. de Indulgentiis ad lul. q. 5. seu opusc. 17. quest. 5. Cord. 5. de Indulg. q. 15. & q. 17. in fin. ad 2. Canus de locis 12. cap. 13. ad 9. Sor. 4. d. 13. q. 1. art. 6. & quest. 2. art. 1. & dist. 19. quest. 2. art. 4. ad 1. quatenus in duobus primis locis de sacrificio Missæ oblato pro defunctis, dicit, quod non valet eis ex iustitia, quod à fortiori diceret de indulgentiis. In tertio verò loco, hoc idem concedit de satisfactione viuorum oblata pro defunctis, idem Medi. C. de satisfact. q. 5. in quantum non audet concedere, quod iustus dum viuus, satisfacit ex iustitia pro alio viuus, seu defuncto, quod etiam tenuit Richard. d. 20. art. 1. q. 3. & eandem tenere debent, qui docent, non valere indulgentias defunctis, quos supra retulimus dubio primo, & probatur.

2. Primo, quia indulgentia per modum suffragij hoc certe sonat, ut scilicet valeat per modum cuiusdam auxilij, quo viuus suffragantur defunctis, flagitantes à Deo minutione pœnarum: Deus non tenetur ex iustitia minuere, vel auferre talem pœnam, sed id facit ex mera liberalitate. Ergo non valet illis indulgentia ex iustitia, & de condigno. Minor probatur, quia, ut bene aduertit Medi. & Cord. ubi supra, omnis iustitia apud

Deum fundatur in aliquo eius pacto, nullibi autem legitur Dei pactum, quo promiserit se accepturum in totum indulgentiam per modum suffragij, imò videtur repugnare rationi suffragij. Nā quando aliquid datur alteri ex iustitia, non dicitur impendi illi liberaliter, & per modum suffragij.

3. Tertio, quia huius vitæ pœnæ sunt alterius, & inferioris rationis à pœnis Purgatorij; sicut pœna pecuniaria est alterius, & inferioris ordinis à pœna seruitutis, forum etiam est diuersum, quia hoc nostrum, quale est canonicum, & ciuile, est mitè, illud vero Purgatorij forum est rigidum, velut criminale, & sanguinolentum; vnde fit, quod sicut ex eo, quod pœna seruitutis est alterius rationis, & longe maior, quam pecuniaria, si quis, (vt olim fieri solebat,) eo quod pecuniam non solueret, fieret creditoris seruus, non posset ex iustitia, soluta pecunia redimi à seruitute, nisi dominus per misericordiam vellet acceptare pecuniam, vel pretium; & similiter, si clericus incidisset in forum sanguinis, non posset ex iustitia liberari sola pœna canonica; ita etiam in proposito, cum pœna Purgatorij sit alterius rationis, & longe maior pœnis huius vitæ, non poterunt defuncti liberari sola pœna canonica; ita similiter in proposito, non poterunt defuncti liberari ex iustitia à pœnis Purgatorij per quasunque pœnas, vel passiones huius vitæ, sed solum ex misericordia, & liberalitate Dei.

4. Tertio, quia satisfactiones, quas iusti in hac vita applicat defunctis, non prosunt illis ex iustitia, ita vt ex iustitia satisfaciant pro illis. Ergo nec etiam indulgentiæ prosunt illis ex iustitia. Consequentia est nota, quia per indulgentias applicantur satisfactiones Sanctorum in thesauro Ecclesiæ recedentiæ. Antecedens vero probatur, quia debitum animæ existentis in Purgatorio non est

reale, sed personale ortum ex proprio crimine. Pro debito autem sic personali non potest vnus pro alio satisfacere ex iustitia, vt patet in eo, qui condemnatus est ad sustinenda flagella, pro quo, licet quis illa sustineat, non satisfacit pro debito alterius ex iustitia, sed potest ludeo procedere contra illum, volens, vt à tortoribus flagelletur, vt omnes farentur, quod tamen secus est in debito ciuili, & reali, vt in debito pecuniario, pro quo manifestum est, vnum pro alio posse satisfacere ex iustitia, si tantum pecuniæ exoluar, quantum alter debet. Cuius quidē discriminis ratio est, quia ciuilis obligatio tantum est realis, id est, res huius tantum sunt pro illo obligatæ; obligatio autem nata ex crimine, est personalis, quia ipsa persona, cōmittendo crimen, mansit pœnæ rea, & ideo non potest alius pro ea soluere ex iustitia, sed solū ex lege, & libertate Iudicis.

5. Quatō, quia Rex Franciæ non tenetur ex iustitia acceptare precium oblarum à Rege Hispaniæ pro redimendis seruis, quos apud se habet: Ergo similiter, nec Deus tenebitur ex iustitia acceptare precium pro redimendis captiuis Purgatorij.

6. Verum, his non obstantibus, respondendo dicendum, indulgentias defunctis concessas prodesse illis ex iustitia, & non ex mera tantum liberalitate Dei acceptantis, cum hoc tamen stat, quod simul valent illis per modum suffragij. Ita docent D. Thom. 4. dist. 45. q. 2. art. 3. *quæstione*. 2. ad arg. 3. Dur. 4. dist. 4. q. 1. n. 6. Supplem. Gabr. dist. 45. q. 2. *concl.* 2. & Gabr. ipse *super Cano. lect.* 57. Sor. 4. dist. 21. q. 2. art. 3. *post 1. conclus.* & dist. 45. q. 2. art. 3. *ad fin.* Ledesm. tom. 2. q. 29. ar. 3. Nauar. contra Caiet. 6. in *Leuitico*, notab. 22. n. 18. atque ad 21. Couar. c. *Alma mater*, 1. p. 9. s. n. 11. citans pro se Turrecrematam in c. *anima defunctorum* 13. q. 2. & Petrum de Sor. de *instit. sacer.* lect. 3.

de Purgatorio, & DD. communiter in 4. dist. 45. quorum aliquos refert, & sequitur Suar. d. *lect.* 3. n. 3. & probatur quoad primam partem. Primò, quia per satisfactiones viuorum, quas iusti applicant defunctis, vere satisfacit defunctus Deo ex iustitia pro tanta pœna, pro quanta est satisfactio oblata: Ergo etiam satisficit illi ex iustitia pro defunctis per satisfactiones, medianibus indulgentiis illis applicatas. Consequentia est nota, quia ex hoc, quod tales satisfactiones applicentur per Ecclesiam, non sunt deterioris conditionis, nec amittunt aliquem valorem satisfactiuum. Antecedens verò probatur, quia communicatio, quæ fit mortuis, ita fundatur in charitate, ac illa, quæ fit viuus, & consequenter actus meus per communicationem charitatis, quoad satisfactionē, fit opus alterius, qui mihi vnitur per charitatē, & cui ego applico tale opus; ergo ita satisfacit per mea opera sibi applicata, quia mea sunt illius ex mea gratuita donatione. Vnde eo ipso, quod est in Ecclesia sanctorū communicatio, ex lege diuina fundata in ipsa natura charitatis, eadem lege fit, vt opera mea applicata defuncto existenti in charitate, fiant illius, atque adeo per illa satisficiat ex iustitia, sicut satisficeret quis creditori per pecuniam sibi ab altero donatam.

7. Nec obstat, quod obiicit Cord. id non habere locum in debito personali, sed reali tantum, cum constet, cum, qui ad flagella condemnatus est, non possit huic debito ex iustitia satisfacere per flagella alteri inflicta, hoc (inquam) non obstat, quia licet id in humanis sit verū, fallit tamē in spiritualibus, quia Christi opera ad hoc sunt facta, vt sint pro reatibus nostris satisfactoria, & hanc excellentiā habent, nō solum opera Christi, sed & Sanctorum, vt illis innituntur, alias nec vnus iustus posset pro alio viuo ex iustitia satisfacere pro pœna temporali.

porali, cum tale debitum sit personale, & ex proprio crimine ortum, quod licet concedant nonnulli Doctores ex citatis in prima sententia, est tamen contra communem Theologorum opinionem, ut constat ex D. Thom. in addit. q. 12. & in 4. dist. 45. a. 1. concl. 1. Sot. 3. de nat. & grat. cap. 6. concl. 4. & dist. 19. q. 2. art. 4. dub. ult. Adrian. quodlib. 8. in 2. p. Caietan. tom. 1. opusc. tract. 16. q. 5. Navar. §. in Leuit. notab. 12. num. 18. & aliis multis.

8. Secundò, quia Pontifici dedit Deus potestatem dispensandi Ecclesiæ thesaurum pro vivis, & pro defunctis. Nam Petro contulit claves, *Matth. 16.* quibus secundum legem tolleret illis impedimenta intrandi in Regnum cælorum: ergo statuit acceptare pro eis satisfactionem illis applicatam, mediante indulgentia, atque adeo valebit ex iustitia, supposito tali pacto, & lege. Patet consequentia, quia eo ipso, quod Deus contulit facultatem Papæ ad dispensandū thesaurum Ecclesiæ, statuit id acceptare pro illis, quibus applicaretur, sicut si quis daret alteri pecunias, ut solvimer debitum solveret, eo ipso videretur se obligare ad acceptandum illarum valorem pro solutione illius debiti.

9. Sed respondent adversarij, quod licet Deus statuerit acceptare indulgentias pro mortuis, non tamen statuit, quantum debeant illis prodesse, sed id pendet ex liberali Dei acceptatione. Ita respondent Cord. & alij *ubi supra*. Sed contra est, tum quia si de lege est, ut constat ex Concilio Constantiensi, quod valeat defuncto indulgentia pro pœna, ostendere oportet, cur non valeat etiam ex lege tanta indulgentia pro tanta pœna, sicut valet vivis, cum re vera pro illis etiam reddatur æquivalens, & fiat æqualitas compensationis cum debito pœnæ: tum quia in Ecclesia prædicatur, & communis fidelium cõsensus confirmat, quod etiam pro mortuis valeant indulgentiæ.

indulgentiæ tantum, quantum sonant. Hoc autem non esset verum, si indulgentiæ non prodesse illis ex iustitia, & de condigno: nam, quod tantum valet de congruo, non est certum, quod valebit, nec quantum valebit.

Quòd si cū eodem Cord. respondeas, ex parte indulgentiarum certū esse, quòd valent quantum sonant, non tamen ex parte Dei liberalitet acceptantis. Contra est, quia ipse indulgentiæ habent valorem, ut acceptentur de lege tantum, quantum sonant. Ergo hoc idē habent ex parte Dei ex lege illas acceptantis; nam idem est habere valorem ex iustitia, & esse ex lege Deo acceptas. Igitur, aut negare teneretur Cord. omnem legem ex iustitia in valore indulgentiarum, aut si illum admittit in indulgentia simpliciter sumpta, ita etiam illum admittere debet in quantitate maiori, vel minori eiusdem indulgentiæ.

Adde, quòd si quis contendat ab indulgentiis omnem rationem iustitiæ excludere, nec certū erit in Ecclesia, quòd indulgentiæ valeant pro defunctis, nec quòd valeant, quantum sonant: sicut nec certū est, quòd ad petitionem Petri orationis pro Paulo, Deus conferet illi primam gratiā, quia hoc nō potest esse meritum de condigno, sed de congruo tantum. Hoc autem esset magna ex parte enervare vim indulgentiarum, & remissiones reddere viuos ad lucrandas indulgentias pro defunctis.

10. Tertio, quia Ecclesia nostra, & illa Congregatio fidelium, quæ est in Purgatorio, partim pertinet ad viam, & eandem Ecclesiam militantem, cum adhuc ambulet per fidem, & spem, & non per speciem, & adhuc peregrinetur à Domino, ut dicit Paul. 3. *Cor. 1.* Sed in hac Congregatione est idem pretium meritorum, & satisfactionū Christi, & Christus Dominus meruit ex iustitia per modum redemptionis, remissionem pœnæ

animabus Purgatorij. Ergo applicante Papa huiusmodi meritum, & satisfactionem animabus Purgatorij, mediantribus indulgentiis, valebunt illis de iustitia, & de condigno; sicut quando applicatur illis sacrificium Missæ in ordine ad satisfactionem ex opere operato provenientem.

11. Quartò probatur, & prædicta omnia corroborantur ex extrauag. Leonis X. missa ad Caiet. cum erat legatus Germaniæ, cuius verba, prout ad præsens spectat institutum, retulit idem Caiet. 3. p. q. 48. art. 5. ad 1. D. Thom. ibi enim dicit Leo Papa, esse traditionem Ecclesiæ Romanæ, posse Romanum Pontificem omnibus fidelibus in charitate unitis, tam viuis, quàm defunctis cōcedere indulgentias, & quòd si illas cōsequantur, liberabuntur secundum diuinam iustitiam à tanta pœna, quanta responderet illi indulgentiæ. Ergo sentit Pontifex huiusmodi indulgentias valere ex iustitia, tam viuis, quàm defunctis.

12. Sed iam quoad secundam partem, probatur eadem assertio, in qua dicebamus, cum supradicta iustitia stare, quòd indulgentiæ defunctis concessæ valeant illis per modum suffragij. Hoc (inquam) probatur, quia suffragari, idem est, quod fauere, & auxiliari, sed cum proprietate dicitur quis auxiliari alicui, & per modum iustitiæ, & per modum misericordiæ. Ergo bene stat, quòd indulgentiæ valeant defunctis ex iustitia, & per modum suffragij. Minor probatur exemplo, nam quando plures candidati petunt præbendam, non cum minori proprietate dicitur Iudex suffragari, & auxiliari digniori, cui præbendam confert, exercendo circa illum actum iustitiæ, quàm alias, qui per preces eidem fuerit auxiliatus, acceptando præbendam gratis datam, iuxta illud *Matth. 10. Gratis date, & simul etiam debitam digniori ex lege iustitiæ distributuræ*. Et similiter debi-

tor, qui suo creditori valde inopi, & in carcere existenti soluit pecuniam, vt liberetur à vinculis, exercet actum iustitiæ commutatiuæ, & tamen nullus sanæ mentis dicit, quod non est ei per illum actum valde auxiliatus: ergo similiter in proposito dicendum est respectu indulgentiarum, quæ defunctis cōceduntur, nimirum quòd cum omni proprietate dicitur ei suffragari Pontifex, & qui exercet pro illis opus, pro quo conceditur indulgentia, licet alias ex iustitia per applicationem indulgentiæ remittatur eis pœna debita in Purgatorio.

13. Iuxta quæ omnia, dicendum videtur, quòd indulgentia per modum suffragij, nihil aliud est, quam mera dispensatio thesauri Ecclesiæ facta existenti extra forum iudiciale Ecclesiæ, qui seipsum iuuare non potest, sed indiget potius ab alijs pro aliquo opere iuuari. Ita docet Eman. in *expositione Bullæ defunctorum*, §. unico, n. 1. diciturque ibi, quod est mera dispensatio, ad differentiam indulgentiæ, quæ viuis cōceditur, quæ essentialiter est absolutio, & remissio pœnæ, vt cōmuniter tradunt Doctores in materia de indulgentiis. Indulgentia autem per modum suffragij non est absolutio, nam cum hæc sit actus iurisdictionis, & defuncti nō sunt sub iurisdictione Pontificis, vt late ostendimus supra, manifeste consequitur hanc indulgentiam non esse absolutionem. Dicitur deinde *facta existenti extra forum Ecclesiæ*, quia indulgentia per modum suffragij non habet locum in viuis, vt contra Gabr. *lest. 57. & Supplem. 4. dist. 45. q. 3. art. 1. notab. 1. & Nauar. de Indulgent. notab. 19. c. 21. c. 5. 23. c. seqq. probat Cord. lib. 5. q. 15.* quia indulgentia per modum suffragij dicitur ad differentiam indulgentiæ absolutè dictæ, quæ exercetur per modum iudiciariæ potestatis. Omnis autem indulgentia respectu viuorum est absolutio; atque adeo actus iudiciariæ potestatis.

potestatis, & consequenter non erit respectu eorum indulgentia per modum suffragij. Vnde Leo Papa in *extranaganti supra citata*, condistinguit aperte modum concedendi indulgentias viuis per modum absolutionis, contra modum concedendi illas mortuis per modum suffragij.

14. Et si quispiā obiiciat, quia ideo dicitur mortuis confetti indulgentias per modum suffragij, quia cum concedatur indulgentia pro tali opere, & illud exerceri non possit à mortuo, alter viuis illud efficiēdo pro eo, suffragatur illi: sed sic est, quod idem contingere potest respectu viuorum, quia si Papa concedat indulgentiam visitanti Ecclesiam D. Petri per se, vel per alium, si per se visitare non possit, tunc alter suffragetur illi, efficiendo opus, pro quo conceditur indulgentia, & de facto in Bulla conceditur indulgentia eunti ad pugnandum contra infideles, vel mittenti certos pugnatores: ergo mittenti valet indulgentia per modum suffragij. Respondet Cord. *ubi supra*; quod quantumuis viuis possit fieri aliquod suffragium, vel auxilium in ordine ad lucranda indulgentiam, talis non erit vere, & proprie indulgentia per modum suffragij, quia sic per modum absolutionis, aut iudicialis potestatis. Verum in hoc videtur potius quæstio esse de nomine, quia ut infra dicemus, Catechumenis cōceditur indulgentia per modum suffragij; nam cum Pontifex non habeat in illos iurisdictionē, non potest illis concedere indulgentiam per modum absolutionis, absolutio enim est actus iudicialis potestatis, atque ideo defunctis solum concedit per modum suffragij. Dicitur tandem in prædicta definitione. *Qui se iuuare non potest, sed indiget aliquo pio opere ab alio iuuari*, quia requiritur secundum multorum Doctorū sententiam, aliquod pium opus ad concedendam indulgentiam;

sed certe hæc particula non videtur necessaria in prædicta definitione; tum quia, opus quod ab alio sit, cum tantum se habeat, vt conditio sine qua non debet intrare definitionem quidditariam rei; tum etiam, quia vt infra probabimus, posset Pontifex concedere indulgentias sine tali opere. Quare breuior, & melior definitio indulgentiæ per modum suffragij erit, quod sit mera applicatio thesauri Ecclesiæ, per modum solutionis facta defunctis.

15. Ad primum respondeo, negando minorem: tenetur enim Deus ex iustitia fundata in præcedenti liberalitate sui pacti acceptare illam satisfactionē, quia iam habet rationem solutionis; & quod sit per modum suffragij, solum addit supra modum solutionis, respectum ad illud opus pro defuncto ab alio exhibitum.

16. Ad secundum respondeo, quod pœnæ huius vitæ entitatiuæ sunt minoris, & inferioris ordinis, ac rationis, quæ pœnæ Purgatorii: pœnæ autem huius vitæ non secundum se sumptæ, sed vt procedunt, & informantur gratia Dei, & meritis Christi Domini, non sunt inferioris rationis, sed habent proportionatum valorem requisitum ad remittendas pœnas Purgatorii: sicut huius temporis passionēs secundum se sumptæ non sunt condignæ futuræ gloriæ, vt ait idem Apostolus *ad Rom. 8.* bene tamen vt procedunt ex gratia Dei, & ex meritis Christi Domini.

17. Ad tertium respondeo primo, petenda est solutio ex dictis in prima ratione nostræ sententiæ. Secundo respondeo, quod remissa culpa in peccatore, debitum pœnæ remanens est quasi reale in ordine ad solutionem, cum constet aperte posse secundum legem pecunia redimi, quod tamen non contingit in humanis ex lege, sed ex liberalitate Iudicis, aut patris.

18. Ad quartum respondeo, conce-

dendo antecedens, si non fuerit prius aliqua promissio ex parte Regis, qua promiserit, se acceptaturum prædictum precium; tunc enim ex iustitia tenetur illud acceptare, & sic est in proposito; nam supposito, quod Deus ex sua misericordia, concesserit nobis Christum, ut precium nostræ redëptionis, & promiserit nobis illud acceptare in hunc finem, tenetur ex iustitia acceptare quod sibi offertur pro animabus Purgatorii, maxime, quod de facto Christus Dominus satisfecit pro omnibus electis, & prædestinatis, quales constat esse animas Purgatorii.

## DUBIUM V.

*Utrum concessa indulgentia plenaria defuncto ex legitima causa, & illi applicata, infallibiliter liberetur anima eius à tota pœna Purgatorii.*

1. **V**idebitur fortasse alicui ex dictis in præcedenti quæstione liquido constare, omnino liberari, quia cum indulgentiæ sint ex iustitia satisfactoriæ pro pœnis defunctorum, ut ostensum est, manifestè videtur sequi, quod si indulgentia sit plenaria, plene satisfaciatur, atque adeo ab omni pœna liberabitur. Verum re ocularius inspecta, adhuc supposita tali iustitia, quæstio proposita manet anceps, & dubia. Primum, quia posset quis dicere, quod lex Dei, est acceptare indulgentias secundum dispositionem gratiæ existentium in Purgatorio; itaque statuit acceptare ad maius precium satisfactionis indulgentiam oblatam pro anima sibi magis grata, ad eum modum, quo de facto acceptat ad maius præmium opus factum ab homine sibi magis grato. Ita docent Caiet. & Cord. *dub. præcedenti* relati, & probatur.

2. Primum, quia licet sacramenta nouæ legis infallibiliter conferant gratiâ re-

cipienti illa cum debita dispositione, tamen quantitas gratiæ, quam conferunt aduſio, non est certa, & determinata, sed maior, vel minor, secundum quantitatem dispositionis ipsius recipientis. Ergo similiter, licet infallibiliter per indulgentiam applicatâ animæ Purgatorii liberetur illa ab aliqua pœna, non tamen potest esse cetera quantitas huius pœnæ, sed erit maior, vel minor secundum maiorem, vel minorem dispositionem ipsius animæ Purgatorii; atque adeo non est infallibile, quod per indulgentiam plenariam liberatur anima Purgatorii à tota pœna, cum ex parte sua possit non esse sufficienter disposita ad recipiendum totalem fructum ipsius indulgentiæ; alias certe maiorè vim, & efficaciam haberet indulgentia in ordine ad suum effectum, quam sacramenta in ordine ad suum, cum effectus istorum commensuraretur dispositioni recipientis, illius vero non, sed solum petat dispositionem simpliciter ad causandum adæquatum suum effectum.

3. Secundò probatur ex verbis D. Augustini in *Enchirid.* c. 99. & in *lib. de cura pro mortuis habenda*, & habetur 13. q. 2. c. *tempus*, ubi ait: Specialia suffragia facta pro aliquibus, illis tantum proſunt, qui cum uiuerent, hæc sibi, ut postea possint prodesse, meruerunt, & D. Gregor. *lib. 4. Dialog. c. 39.* loquens de Purgatorio, inquit, *Illic nihil quisque purgationis obtinebit, nisi hoc bonis actibus in hac uitâ apostum, ut illic obtineat, promere uir, & cap. 57 & 58.* reperit idem; & D. Thom. 3. p. q. 52. art. 8. ad 1. ait, quod Christus in suo descensu, illos tantum è Purgatorii pœnis eripuit, qui prædictâ Christi uisitationem in uita ueruerunt; quod etiam tradunt multi DD. relati ab Henriq. *lib. 7. cap. 8. §. 1. lit. M. in gloss.* Sed sic est, quod non omnes animæ Purgatorii fuerunt æquales in merito, sed quædam magis, vel minus meruerunt postea iuari.

Ergo

Ergo licet eis applicetur indulgentia plenaria, non erit infallibile, quod percipient adæquatum, & totalem effectum eius, sed commensuratum maiori, vel minori eorum dispositioni, ad modum Sacramentorum, ut supra dicebamus.

4. Tertiò, quia si applicata indulgentia plenaria animæ Purgatorii infallibiliter liberetur à tota pœna, frustra in Ecclesia tot sacrificia, & suffragia repeterentur pro eadem anima, cum iam sit certum eis non indigere; contrarium tamen vidimus fieri in Ecclesia, & Beda lib. 5. *hystor. cap. 13.* scribit probatissimas visiones Sanctorum, quibus reuelatum est, multas existere animas in Purgatorio, quæ permansuræ erant illic vsque ad diem Iudicii, & similia refert Chart. de *quatuor. nouissimis*; & tamen constat prædictas animas penè infinita Ecclesiæ suffragia percipisse: Ergo eorum est, quod non percipiunt totum eorum fructum, sed iuxta quantitatem dispositionis, quam habent.

5. Quartò, quia sequeretur posse vno die euacuati totum Purgatorium, quia supposita sufficienti animæ, pro qua concessa est indulgentia, possent in diuersis mundi partibus tot homines, totiusque applicare prædictâ indulgentiâ animabus Purgatorii, quor sunt animæ in Purgatorio: ergo illud euacuaretur.

6. Quòd si ab his Doctoribus inquiras, quenam sit hæc maior, vel minor dispositio, & idoneitas ex parte animæ Purgatorii ad recipiendum maiorem, vel minorem fructum indulgentiæ. Respondet Caiet. esse maiorem, vel minorem affectum deuotionis ad Claues Ecclesiæ, quibus medijs conceduntur prædictæ indulgentiæ, & maiorem etiam diligentiam in applicandis suffragiis, & indulgentiis pro aliis defunctis; huic enim merito accidentali animæ correspondet prædictum præmium accidentale, ut scilicet maiorem fructum indulgentiæ percipiat, quam alius, qui non habuit tan-

tum affectum. Cord. autem dicit, hanc dispositionem esse gratiam, & charitatē, cui non solum correspondet maius præmium essentiale, sed maius etiam accidentale, & præcipue hoc de liberatione à pœnis Purgatorii, quod plus cæteris accedit ad essentiale, quatenus accelerat præmium ipsum essentiale, quod in clara Dei visione consistit, atque adeo debet correspondere maiori charitati.

Vltimò probatur ex censura facultatis Parisiensis contra Erasum. tit. 8. ubi habentur hæc verba: *Non est asserendum, quòd semper per indulgentias subito à pœnis liberentur, qui sunt in Purgatorio, nec hoc in suis Bullis Pontifices præcedunt.* Ergo per applicationem indulgentiæ plenariæ, non infallibiliter liberatur totaliter anima Purgatorii.

7. Verum, his non obstantibus, respondeo dicendum, quòd si indulgentia plenaria ex legitima causa defunctis concessa, applicetur illis, implendo opus, quod præcipit Pontifex, infallibiliter liberabitur statim à tota pœna Purgatorii. Ita docent communiter Doctores cum Sor. 4. *dist. 29. q. 2. art. 3. ad fin. & dist. 45. q. 1. art. 3. ad fin.* quem cum aliis pluribus refert, & sequitur Henric. lib. 7. *cap. 7.* & probatur. Primò, quia indulgentia plenaria (ut omnes fatentur) importat totalem liberationē à pœna debita pro peccatis remissis. Ergo sicut vinus, cui conceditur, liberatur infallibiliter à toto debito, ita ut si statim discederet è vita, euolaret ad cœlum, ita etiā erit respectu defuncti existentis in Purgatorio.

8. Secundò, quia lex de acceptandis indulgentiis fundatur in communione Sanctorum, & in potestate dispensandi thesaurū: & communicatio Sanctorum, quæ est in Ecclesia, nō habet prædictam limitationē, cum constet satisfactionem magnā applicatā iusto. licet paucissimū gratiæ habeat, tantū illi prodesse, quantum prodesset alteri habenti ingentem gratiam, si ei applicaretur; & potestas deinde

deinde dispensandi non respicit maiorem, vel minorem dispensationem, nec maiorem, vel minorem gratiam, licet requiratur aliquam, sed maiorem vel minorem causam: Ergo nihil ad quantitatem indulgentiæ facit maior, vel minor gratia recipientis, quamvis simpliciter sit necessaria aliqua gratia, per quam mortuus sit membrum viuum, & capax influxus vitalis.

9. Tertiò, quia indulgentia valet defunctis per modum solutionis (vt omnes Doctores fatentur) sed indulgentia plenaria exhibet plene totum debitum, & facta integra solutione, debitor sit ex iustitia liber à toto debito: Ergo per indulgentiam plenariam concessam defuncto, omnino liberatur eius anima à pœna Purgatorii, & sic prædicatur communiter in Ecclesia.

10. Quartò, quia ex opinione Caietani sequeretur, posse contingere plures animas esse in Purgatorio incapaces omnino recipiendi indulgentias, quod plane est absurdum, & contra còmunem omnium sensum. Patet sequela, quia dispositio ex parte defuncti, quã ipse fingit necessariã esse ad percipiendum fructum indulgentiæ, est effectus deuotionis ad Claues, & diligentia in applicandis in hac vita suffragiis pro aliis defunctis; sed multi decedunt, quibus nihil huius deuotionis, & curæ fuit: Ergo omnes illi erunt incapaces recipiendi fructum indulgentiarum.

11. Vltimò, aduersus Cord. qui sibi videtur omnino contrarius, dum ex vna parte dicit indulgentias non valere ex iustitia, & ex alia affirmat, quod habentes tantam gratiam infallibiliter consequentur tantum fructum indulgentiæ; hæc enim inter se non cohererent, nam indulgentia secundum ipsum, non est satisfactiua ex iustitia, sed de congruo; atque adeo quidquid ex vi illius tollitur de pœnã, est ex mera Dei liberalitate; at vbi tantum est meritum de con-

gruo, adest contingentia in effectu, vt de se constat; ergo non erit infallibile, quod iuxta tantam gratiam correspondebit illi tantus fructus.

12. Ex dictis colligo, in hoc præcipue differre indulgentiam per modum suffragij ab omni alio suffragio, quod aliorum suffragiorum fructus est nobis incertus, & indeterminatus, fructus autem indulgentiæ per modum suffragij est omnino certus per concedentem ex legitima causa duos, vel tres annos indulgentiæ, aut indulgentiam plenariam.

13. Ad primum respondeo, negando consequentiam, quia effectus sacramentorum est gratia gratificans, quæ adultis, secundum legem Dei, non datur nisi ad mèsuram dispositionis, effectus vero indulgentiæ, est liberatio à pœna, quæ quantumcunque magna sit, non præexigit in subiecto, nisi gratiam, tanquam conditionem sine qua non, & non vt veram dispositionem, quia dispositio solum est in ordine ad formam positiuam, liberatio autem à pœna non est positiuum, sed potius præseruatiuum.

14. Ad secundum respondeo, per illa verba, solum velle D. August. excludi à suffragiis Ecclesiæ decedentes in peccato mortali, quia cum non sint mortui in gratia, non metuerunt, vt sibi prodesse: non autem quod suffragia còmententur secundum quantitatem dispositionis gratiæ, aut meritotum illorum. Ad D. etiam Gregor. respondeo eodem modo; potest tamen dici mentè D. Gregorij ibi solum esse, quod Deus prouidentia sua ordinauit, vt pro eo, qui meliora gessit in corpore, aut qui diligentius fuit in iuuando bonis operibus alios, pro illo fiant suffragia in Ecclesia. Et adde pro omnibus illis locis, quod satis promeruit quis sibi post mortem prodesse indulgentias, qui ex Dei prædestinatione in gratia decessit.

15. Ad tertium, negatur sequela. Nam sæpe ex defectu sufficientiæ causæ, ob quam



quam concessa est indulgentia, fieri potest, ut non valeat, quantum sonat; vel certe, quia non fuit sufficienter, & debite impletum, quod præcipiebat fieri Pontifex, maxime si vera est opinio, dicentium, opus esse in gratia existeret illi, qui pro anima Purgatorii facit diligenter necessarias, ut lucraretur ei indulgentiam, de quo infra erit sermo. Et ideo bene, & laudabiliter repetuntur suffragia, & indulgentiæ pro eadem anima; de quo videndus est Emman. *vbi supra*, n. 5. qui plures huic rationes congeffit ex Richard. Alensi. & Gabr.

16. Ad illud vero de animabus tantum longo tempore existentibus in Purgatorio, respondeo, quod licet Sot. in 4. dist. 19. q. 13. ar. 2. affirmet, neminem in Purgatorio manere ad viginti annos, est tamen sine fundamento, & contra plures graves revelationes, quas refert Bellarm. de Purgatorio, lib. 2. c. 9. ad fin. Nam præter relata à Beda, quem ipse citat, Adam. in *ferm. pro defunctis*. dicit, quosdam detineri centum annis, aut trecentis: imo Sur. in vita S. Lutberge ait, quendam Inuocentium Papam fore detinendum in Purgatorio usque ad diem Iudicii. Adde prædictam Soti sententiam esse contra mores Ecclesiæ, quæ pro defunctis, & pro cetera anima celebrat anniuersarias, Missas, & officia ultra ducentos annos. Quare Henric. lib. 7. cap. 17. censet hanc opinionem Soti esse temerariam, & tantquam talem iudicatam fuisse in Tribunali S. Inquisitionis: & ideo, inquit, quidam Minorita, qui illam prædicauit, compulsi sunt à censoribus fidei palinodiam canere.

17. Sed obicit Sotus, quia aliquibus pœnis possumus in hac vita, breui tempore liberari ab omni debito pœnæ: Ergo multo citius in Purgatorio, cum illæ sint in infinitum graniores istis. Respondeo esse disparem rationem, quia hic est tempus misericordiae, illic

iustitiæ. Sed obicit vterius Sotus, quod hic prolongantur pœnæ, quia si essent multum intensæ destruerent subiectum, in Purgatorio vero possunt esse pœnæ intensissimæ, quia subiectum est incorruptibile: Ergo rationabiliter credi potest de diuina pietate, quod auimas illas ad gloriam anhelantes breuissimo tempore per intensissimas pœnas purgabit. Respondeo, quod si quid conuinceret argumentum, etiam probaret, quod nec ad vnā horam manerēt ibi animæ, quia potest Deus augendū intentionem pœnæ, redigere ad vnā horam pœnas plurimum annorum. Quare negamus id efficere, quia oppositum est conforme iustitiæ diuinæ, ut qui multum deliquit, per multum tempus puniatur; & tandem, quia forte esset maior pœna recipere intensissimum dolorem breuissimo tempore, quam remissione longiori spatio.

18. Ad quartum concedimus sequentiam, nec in hoc est aliquid inconueniens, ut supra ostendimus dub. 2.

Ad vltimum respondeo, censuram illam solum intendere, non quamcunque causam sufficere ad quantumcunque magnam indulgentiam; ut facile constabit solertè intuenti illam.

## D V B I V M VI.

*Utrum sit necessarium ad hoc, ut anima Purgatorii consequatur indulgentiam; ut qui pro illa exercet opus præscriptum à Papa sit in gratia.*

1. **P**rimo affirmatiuum docent Ang. *vbi supra*. Indulgent. num. 21. cum Card. in Clem. 2. de pœnis. & remiss. Sot. 4. d. 45. q. 2. ar. 1. ad fin. Caiet. 1. tom. tit. 10. quest. 2. ad 2. obiect. Armill. verb. Indulgent. §. 14. Emman. *vbi supra*, n. 5. & probatur.

2. Primò, quia illud opus requiritur,

PPp

tur, tanquam conditio necessaria, sine qua non concedit Summus Pontifex illam indulgentiam: Ergo debet fieri in gratia. Patet consequentia, quia indulgentia habet vim satisfactionis viuæ, cum sit ex thesauro viuorum operum vitæ Christi Domini, & Sanctorum: Ergo cum dispensatur propter aliquod opus, debet illud esse viuum, atque adeo non factum in peccato mortali, sed in gratia.

3. Secundò, quia si is, qui exercet opus præscriptum à Pontifice, ut visitare Ecclesiam, aut ieiunare, est in peccato mortali, tale opus est nullius valoris in ordine ad vitam æternam: Ergo non potest conducere ad lucrandam indulgentiam pro defuncto, alias valeret illi ad citius consequendam vitam æternam, quia quanto minus detentus fuerit in Purgatorio, tanto citius euolabit ad cælum.

4. Tertiò, quia opus, quod præscribit Pontifex pro consequenda indulgentia, debet fieri iuxta intentionem illius; sed non est iuxta eius intentionem, quod fiat in peccato mortali, sed potius, quod fiat pie, sicut opus, quod præscribit, est pium. Ergo qui exercet opus aliquod pro defuncto in ordine ad lucrandum illi indulgentiam, debet esse in gratia.

5. Verum, his non obstantibus, respondendo dicendum, quod si quis existet in peccato mortali, vere exequatur opus à Papa præscriptum ad eripiendam animam à Purgatorio, valebit defuncto indulgentia. Ita docent Palud. 4. d. 45. q. 1. Anch. de potest. cl. a. q. 32. art. 4. Felin. de Indulg. col. 8. Nauar. 9. in *Leuitico*, notab. 17. n. 4. & latius not. 22. n. 30. & 31. Cord. lib. 3. q. 17. 24. 25. & 26. Henric. lib. 7. c. 9. & c. 16, art. 2. & Suar. disp. 54. Sor. in 4. n. 6. cum aliis, quos ipse refert. Sed ante probationem suppono, opera, quæ præcipi solent, ad lucrandam indulgentiam pro defuncto, esse in duplici differentia, quædam enim sunt, ad quæ illa exercens habet se, ut principalis operas, ut orare,

visitare Ecclesiam, ieiunare; alia vero ad quæ se habet quasi ministerialiter, & instrumentaliter, ut elargitio elemosynæ.

6. Probatur ergo prius nostræ sententia de operibus huius secundi generis; quoniam, qui sumit Bullam pro alio viuò, vel defuncto, dādo pro illo elemosynā taxatam, esto sit in peccato mortali, nihil obstat, quominus alter consequatur indulgentiā: nam vere impletur conditio requisita, cum non tantum is dicatur dare elemosynā, qui personaliter exercet talem actum, sed etiam, qui præcipit, aut per alium illā erogat. Deinde, qui existens in peccato mortali, potest ministerialiter exercere opus bonum, quod cedat in utilitatē aliorum, ut restituere, vel dare elemosynam. Ergo similiter potest viuus in peccato mortali exercere opus, per quod, velut ministerialiter applicetur indulgentia defunctis. Et præterea, quia licet talis elemosyna detur ab existente in peccato mortali, non minus cōducit in ordine ad finē, & causam, propter quam conceditur indulgentia Bullæ viuus, aut defunctis, scilicet subsidium belli, quam si daretur ab homine iusto: Ergo vere acceptatur à Deo in ordine ad consecutionē indulgentiæ. Consequentia est nota, & antecedens probatur, quia pecunia, quæ datur per elemosynam, solum prodest in ordine ad subsidium belli secundum quantitatem valoris, quæ habet iuxta hominū existimationem; at pecunia iusti, vel iniusti habet eundē omnino valorē: Ergo &c. & etiam in hoc nobis fauet Sor. & Emman. sup. citati pro cōtraria sententia.

7. Secundò probatur de operibus primi generis, & de omnibus generaliter, quæ præscribi solent à Pontifice ad lucrandam indulgentiam pro alio, quia ad hoc, ut quis lucretur sibi indulgentiam, non requiritur, quod toto tempore, quo exercet opera iniuncta sit in gratia, sed tempore solum quo recipiendus est

fructus

fructus indulgentiæ, vt latè ostendimus *sup. disp. 1. c. 8. dub. 4.* ergo nec etiam id requiritur ad lucranda illam defuncto, sed sufficit, ipsum opus pium exerceri à viuo, et si sit in mortali, & sufficit, quòd defunctus sit in gratia. Pater consequentia, quia non requiritur melior status ad lucranda indulgentiam alteri, quam sibi.

8. Tertiò probatur, quia indulgentia habet suum valorem ex opere operato, hoc est, ex vi satisfactionis Christi Domini, & Sanctorum, quæ de publico Ecclesiæ thesauro dispensantur: Ergo dum subiectum sit capax, qualis est anima iusti viui, vel defuncti, vere consequetur indulgentiam impleto opere, quod iniungitur à Papa. Nec obstat, si dicas esse conditionem requisitam ad percipiendum fructum indulgentiæ, quod tale opus fiat ab homine iusto; non (inquam) obstat, quia quædiu id Papa non exprimit, indulgentia habebit suum effectum ex opere operato, dummodo non sit obex ex parte subiecti, ad eum modum, qui illam habent orationes, & alia suffragia nomine Ecclesiæ oblata pro defunctis, licet offerens sit in mortali.

9. Quartò, quia indulgentia applicatur defuncto nomine Ecclesiæ, sed Ecclesia est in gratia, & similiter anima Purgatorii est subiectum gratum, & quod applicatur, est ex meritis Christi, non autè ex meritis exequentis opus iniunctum: Ergo, quod exequens sit in peccato mortali, non impediet illius valorem. Non enim exigit Pontifex opus illius, vt per illud satisfaciatur pro anima, sed vt pia quandam conditionem, sine qua non vult applicare illi satisfactionem Christi, & Sanctorum.

10. Ex his omnibus colligo, neminem pro alio, viuo, vel defuncto consequi posse indulgentiam, nisi in cõcessione exprimat. Ita colligit Emman. in *Bulla Cruciatæ*, §. 8. n. 13. & ex communi Doctorum *4. disp. 10.* Nec potest quis transferre in alium indulgentiam, quam semel sibi lu-

cratus est, vt docet Nau. §. in *Leuit. n. 19.* & 31. & D. Tho. *supra. Adria. de Indulg. concl. 5.* Emman. *ubi supra, n. 13.* ex quo fit, quod quando quis alteri lucratur indulgentias ex cõcessione Pontificis, non prius illam accipit in se, & postea alteri confert: quorum omnium ratio est, quia collatio indulgentiæ pertinet ad potestatem iurisdictionis, quæ solum residet apud Pontificem & Episcopos, pro quo videndus est Henricus, qui pro his omnibus plures refert DD. *lib. 7. c. 8. §. 1.*

11. Ad primum respondeo, quod si illa dispensatio ex thesauro, viuo fieret propter illud opus, vt propter causam ipsius indulgentiæ, deberet esse opus viuum. Cæterum, non fit propter illud, vt propter causam, sed vt propter conditionem, sine qua non vult Pontifex applicare satisfactionem thesauri Ecclesiæ; ad hoc autem, vt deseruiat tanquam conditio, sufficit, quod sit opus pium ex genere suo, & ordinetur ad finem consequendum indulgentiæ.

12. Ad secundum respondeo, quod per indulgentiam tolluntur impedimenta ad intrandum Regnum cælorum; atque ideo ipsi porius, & clauibus Ecclesiæ, quibus mediantibus illa conceditur, tribuenda est acceleratio cõsequutionis vitæ æternæ, licet ad id deseruiat, vt conditio sine qua non opus iniunctum à Pontifice, quantumvis exerceatur in mortali, sicut in adulto intentio, & voluntas recipiendi baptismum est necessaria: & licet intentio sit mala ex malo fine, quo se baptizat, deseruit tamen vt conditio, sine qua non imprimeretur ei character baptismalis; imo, & gratia, si malitia illius malæ intentionis non fuit mortalis, sed venialis tantum.

13. Ad tertium respondeo, quod licet non sit iuxta intentionem Pontificis, vt opus illud, quod iniungit pro consequenda indulgentia, fiat in peccato mortali, tamen non est iuxta intentionem

PPP 2 eius,

eius, quod si de facto sic fiat, non sufficiat ad consequendam indulgentiam pro defuncto, nisi aliàs id ipse exptimat, quod tamen nunquam facit.

### DVBIVM VII.

*Verum possit Sum. Pontif. concedere defuncto indulgentiam huius Bullæ propter aliquod bonum opus, quod fecit in vita, absque eo, quod præcipiat eleemosynā, aut aliud bonum opus fieri pro illo?*

1. **T**ota ratio dubitandi desumitur ex eo, quod ad lucrandum indulgentiam est necessarium exercere per se, vel per alium aliquod opus pium. Ergo non iniungendo tale opus, non valebit indulgentia. Consequentia est nota. Antecedens probatur, quia ad valorem indulgentiæ requiritur causa pia, hæc autē nihil aliud est, quam pium aliquod opus ad Dei honorem ordinatum. Ergo si non imponatur aliquod opus efficiendum, non valebit indulgentia.

Dices, sufficere pro causa pia, pium opus præteritum defuncti. Sed contra, quia opus, pro quo datur indulgentia, debet fieri ex intentione lucrandi indulgentiam, & in ordine ad hunc finem, illud autem opus præteritū defuncti non processit ex tali intentione. Ergo oportet fieri aliud pro illo ex prædicta intentione ad lucrandam indulgentiam.

2. Verum, his non obstantibus, respondeo dicendum, posse Pontificē non solum de plenitudine suæ potestatis, & quasi de potentia Dei absoluta, sed de potentia ordinaria concedere indulgentiam plenariam defunctis propter aliquod, vel aliqua bona opera, quæ in vita existentes exercuerunt. Ita docent Nau. *de Indulg. not. 22. §. 33.* & Felin. ab eo relator, Cord. *5. de Indulg. quest. 21. prop. 2.* & alij recentiores. & probatur.

3. Primò, quia potest concedi à Papa valida indulgentia vivo, vel defuncto, absque eo, quod imponatur ei efficiendum per se, vel per alium aliquod opus. Ergo à fortiori poterit concedi propter bonum opus præteritum. Consequentia est evidens, & antecedens docent Durand. *4. d. 1. q. 4. Supplem. dist. 45. q. 3. 4. 2. prop. 10.* Mayr. *tract. de Clauib. Turrect. c. quod autem, & sum. ex eo, de pœnit. & remiss.* Cord. *5. de Indulg. q. 21. prop. 2. vbi* adducit Caietanum, & alios id tenentes; & probatur ratione.

4. Primò, quia ad concessionem indulgentiæ, sufficit auctoritas in dante, & gratia in recipiente, & pietas in causa, sed possent esse multe causæ piæ, & iustæ ad concedendam indulgentiam, absque eo, quod imponatur aliquod opus, ut si detur alicui, quia pro defensione fidei acerrime propugnauit, aut quia pium aliquem Pontificem à morte liberauit: ergo tunc erit valida talis indulgentia.

5. Secundo probatur, quia de facto quidam Pontifex concessit indulgentiā plenariā cuidam Parisiensi Doctori iam defuncto, pro eo, quod viuis defendit, Papam posse concedere indulgentias defunctis; quod etiam in aliis casibus fecerunt alij Pontifices: ut referunt Nau. *de Indulg. notab. 22. §. 33.* & Cord. *vbi supra.* Ergo censendum est, id potuisse efficere Pontificem, quia vbi oppositum non constat manifestè, semper pro Papa est præsumendum in foro Ecclesiæ, ut habetur *dist. 40. c. non nos, cum gloss. ibi.*

6. Tertiò probatur, quia Papa, absque impositione alicuius operis, potest liberare fideles ab obligatione votorū, existente sufficienti causa: ergo etiam potest, illa extante, liberare eisdem per indulgentias ab obligatione sustinendi pœnas in Purgatorio sine eo, quod præcipiat aliquod opus. Vnde sæpe videmus Pontifices cōcedere nonnullis Romæ morietibus indulgentiā plenariā, absque

absque eo, quod eis imponant aliquod opus per se, vel per alios efficiendum. Tandem probatur, quia de fide est, Papam habere potestatem ad dispensandum ex iusta causa thesaurum Ecclesiæ. Ergo licet ira sit, quod deficiente causa, sit inualida eius dispensatio, non tamen deficiente aliquo opere iniuncto à Pontifice; quia hoc non est de essentia, & quidditate indulgentiæ, sed conditio, quæ pro voluntate Pontificum solet exigi, & sic possunt illam omittere. Quidquid sit, an magis, vel minus profutura esset indulgentia, posita, vel non posita illa conditione, de quo modo nihil disputatur.

7. Ad rationem dubitandi, respondeo, causam indulgentiæ, non esse opus, quod iniungitur efficiendum, in quo multos video deceptos; alias, cum causa debeat esse proportionata indulgentiæ, fere omnes indulgentiæ essent inualidæ, & omnes Pontifices abuterentur dispensatione thesauri Ecclesiæ, cum pro leui oratione, ut pro recitando quinque Patres nostri, & Ave Maria, cederent indulgentiâ plenariam, ut patet ex Bullis, & indulgentiis fratrum Minorum, & Societatis Iesv, & gravis benedictis.

8. Quare, omnino dicendum est, causam, ob quam solent similes indulgentiæ concedi, esse bonum aliquod commune, ut progressus, & augmentum aliquius Religionis, vel si nos infecter Lutherianorum rabies, si insurgat pestis, aut quid simile. Tunc enim, ut fideles excitentur ad impetrandum à Deo remedium, concedit Pontifex, ut recitando pro illa intentione has orationes, obtineat quis sibi, vel alteri indulgentiam plenariam. In presentiarum verò causa, quæ potest mouere Pontificem ad concedendum defuncto, imò & vivo indulgentiam plenariam, est insigne aliquod opus, quod defunctus in vita gessit; aut quia de Ecclesia singulariter benemeri-

tus est in aliquo negotio, & tunc sine aliquo alio opere iniuncto, valida esset indulgentia. Imò posset Sum. Pontif. ex eo tantum, ut suam potestatem ad conferendas indulgentias ostendat, conferre recenter conuersis, sine aliquo opere, indulgentias, quas, ex eo solum, quod in gratia existentes, acceperant, illas infallibiliter consequerentur, ut doctissime tradit Pater Doza in materia de indulg.

## DUBIVM VIII.

*Utrum indulgentia huius Bullæ, & alia similes profint Catechumenis non baptizatis existentibus in Purgatorio?*

1. **P**artem negantem tuetur D. Anton. 1. part. tract. 22. cap. 5. §. 6. August. de Anco. de poss. Ecles. Cord. ex. quando de cõsec. dist. 40. & probari potest.

Primo, quia indulgentiæ solum profunt in Purgatorio his, qui fuerunt de Ecclesia, sed catechumeni non sunt de Ecclesia, cum non receperint baptismum, qui est ianua Ecclesiæ, nec sint signati sigillo characteris baptismalis. Ergo non profunt illis indulgentiæ.

Secundo, quia catechumeni viuis non profunt indulgentiæ. Ergo nec mortuis. Consequentia est nota, quia magis pertinent ad Ecclesiam in vita, quam post mortem. Antecedens probatur, quia communis Doctorum sententia tradit, viuis conferti indulgentiam per modum absolutionis, & in hoc differre ab indulgentia defunctis collata, quæ illis impenditur per modum solutionis. Sed catechumeni non possunt accipere indulgentiam per modum absolutionis; nam clavis, & iurisdictio soluendi solum extenditur, ad quos clavis ligandi pertingere potest, catechumeni autem non possunt ligari. Ergo nec absolui.

2. Tertio, quia qui carent baptismali P p p ; chara

charactere, non sunt capaces recipiendi effectum sacrificij ex opere operato: ergo nec etiam sunt capaces recipiendi effectum indulgentiæ, quæ illis respondet ex opere operato ex meritis Christi, & Sanctorum satisfactionibus. Antecedens docet D.Th. q. 79. art. 7. ad 2. D. August. de anima, & eius origine, lib. 1. cap. 9. D. Chrysost. hom. 3. ad Philipp. Inclinar Suar. 3. p. tom. 4. disp. 5. 4. sect. 4. num. 3. & Hentiq. lib. 9. de Missa, cap. 15. litt. E. n. 3. & probatur ratione, quia hoc sacrificium est visibile, & visibiliter Ecclesiæ datum: ergo effectus eius ex opere operato solum communicatur membris visibilibus illius, sicut & Sacramentum; constat autem fieri membra visibilia per realem susceptionem baptismi, ut omnes fateantur: ergo &c.

3. Verum, his non obstantibus, respondeo dicendum, indulgentiam huius Bullæ, & quascunque alias defunctis concessas prodesse posse catechumenis, in Purgatorio existentibus. Ita docent Nau. §. in Leuit. notab. 31. n. fin. & not. 32. n. 8. Hentiq. lib. 7. cap. 18. §. 3. Emman. in Bulla Cruciatæ, §. 14. n. 6. & alij recentiores communiter, præsertim Fautent. in 4. dist. 19. quest. unic. disput. 38. vers. 159. & probatur.

4. Primò, quia catechumenus existens in gratia in hac vita, vel in Purgatorio est membrum Christi viuum, & illi per charitatem vnitur. Ergo est aptum recipere influxum satisfactionis ab illo, atque adeo indulgentiam, qua mediante applicatur satisfactio Christi.

5. Secundò, quia catechumeni viuui possunt lucrari indulgentiam, sicut & alij baptizati; ergo & mortui. Consequentia est nota. Antecedens patet, quia catechumeni sunt capaces recipiendi satisfactionem, quam alij iusti illis applicant. Ergo etiam possunt illam recipere ab Ecclesia, mediante indulgentia.

6. Tertiò, quia Papa habet potesta-

tem, & iurisdictionem super thesaurum, quem Christus Dominus, Pater futuri sæculi, reliquit suis filiis; sed catechumeni existentes in gratia sunt vere, & propriè filij Dei, ergo potest Papa pro illis dispensare prædictum thesaurum.

7. Quartò, quia Nouitij Religionis possunt lucrari indulgentias, quas Professi: nam nomine Religiosi in fauorabilibus intelliguntur Nouitij, eo quòd sunt in via ad professionem, sicut alibi latè ostendimus. Ergo eadem ratione Nouitij Christianæ Religionis, quales sunt catechumeni, gaudere poterunt indulgentiis Professorum eiusdem Religionis, cuiusmodi sunt baptizati. Nunc superest argumenta prioris sententiæ soluere.

8. Ad primum respondetur, quòd licet catechumeni existentes in gratia, non sunt de Ecclesia Romana, quo ad numerum, benè tamen quoad meritum. Vel dic, esse de Ecclesia latè, vt Ecclesia, dicit congregationem habentium fidem veri Dei; & hoc sufficit ad gaudendum indulgentiis. Vel tandem dici potest cum Nauar. & Emman. ubi supra catechumenos esse de Ecclesia reuocabiliter.

9. Ad secundum respondeo, conuincere non dari catechumenis viuui indulgentiam per modum absolutionis, non tamen probat non dari per modum suffragij, quatenus de communi thesauro Ecclesiæ applicat illis Pontifex cõtã quam quandam pro liberatione peccarũ, quas pro peccatis commissis debent, ad eum modum, quo multi Doctores dicunt, Papam posse sibi ipsi concedere indulgentiam, non per modum absolutionis, quia hic est actus iurisdictionis, quem nemo potest in seipsum exercere, sed per modum solutionis, applicando sibi ex thesauro pretium ad compensandum debitum.

10. Ad tertium, non desunt Doctores,

res, qui dicant sacrificium Missæ prodesse ex opere operato, quoad effectum satisfactionis catechumenis, & probant ex D. Th. 3. p. q. 79. art. 7. ad 2. ex cap. Apostolicam, de presbytero non baptizato, & ex Trident. sess. 12. de sacrif. Missæ, cap. 2. ad fin. vbi dicitur, Hoc sacrificium potest offerri pro viuis, & defunctis in Christo, & nondum plenè purgatis: Sed catechumeni, qui sunt in Purgatorio, sunt defuncti in Christo, nec ad plenum purgati. Ergo potest, eis prodesse hoc sacrificium.

11. Attamen opposita sententia est sine dubio probabilior, & tenenda cum Suar. vbi supra, & prædicta omnia solum probant, posse offerri sacrificium Missæ pro catechumenis in ordine ad impetrandum, non verò ad communicandum effectum satisfactionis ex opere operato. Et in hoc sensu intelligenda sunt verba Concilij Brachatenfis primi canon. 35. vbi prohibetur oblatio pro catechumenis. Quod idem reperitur apud Chrysostom. homil. 3. in epistola ad Philippenses.

# D V R I V M IX.

*Vtrum Episcopi possint, tam iure diuino, quam humano concedere defunctis indulgentias in ea quantitate, quam illas concedunt viuis.*

1. **P**Artem affirmantem quoad vtramque partem tuetur Supplem. Gab. in 4. dist. 45. q. 2. art. 2. propos. 6. contentens in hac sententia esse D. Th. 4. dist. 20. q. 2. art. 3. vbi indistincte dicit, quod Prælati Ecclesiæ possunt communicare viuis, & mortuis de communi thesauro Ecclesiæ per indulgentias. Nomine autem Prælatorum satis constat, intelligi Episcopos. Et probatur.

1. Primò, quòd id habeant iure diuino: nam iure diuino habent Episcopi

potestatem ordinarià ad concedendum subditis viuis indulgentias per modum absolutionis. Ergo eodem iure habent illam ad concedendum similes indulgentias eisdem subditis iam defunctis per modum suffragij. Consequentia est nota, quia ex iisdem locis, ex quibus colligitur, posse Papam concedere indulgentias, colligitur etiam posse Episcopos. Nam Matth. 16. & 18. vbi dicitur, quodcumque solueritis, non solum datur ad hoc potestas Papæ, sed etiam Ecclesiæ Prælati: nam verba illa dicta fuerunt Apostolis, quorum successores sunt Episcopi. Ergo sicut potestas Papæ extenditur ad concedendas indulgentias pro defunctis, ita & Episcoporum. Antecedens autem latè probat Cord. ex communi Doctorum sententia lib. 5. q. 12. & colligitur ex cap. cum ex eo, de penit. & remiss. vbi dicitur, quòd ante illam limitationem ibi factam, concedebant Episcopi indulgentias. Ergo id competebar illis iure ordinario, & diuino.

3. Secundò probatur, quòd stando in iure positiuo, ij possint vti potestate, quam à iure diuino habent, nisi eis restringatur, & limite tur iure aliquo Pontificio. Sed Capitula, quibus videtur aduersari facta limitatio, qualia sunt cap. quod autem, & cap. cum ex eo, de penit. & remiss. non limitant Episcopis personas, quibus concedere possint indulgentias, sed quantitatem dumtaxat indulgentiarum. Ergo non est vnde colligatur talis limitatio.

4. Nec obstat, si obiciatur, id clarè colligi ex verbis Sixti IV. qui teste Gabr. in Canon. less. 57. declarauit, indulgentias prodesse defunctis per modum suffragij, dummodo ad ipsos per Papam expresse extendantur; hoc, inquam, non obstat, quia per illa verba, non excludit, Episcopos posse facere prædictam extensionem, sed solum excludit, quòd

non

non possint valere defunctis indulgentiæ, quando ad illos non nominatim extenduntur, sed solum adduntur in generali.

5. Tertio probatur, quia Scilicet Archiepiscopus Toletanus anno Domini 1551. in quadam Bulla concessit defunctis indulgentias per modum suffragij, & hic Archiepiscopus erat vir doctus, quare credendum est, id fecisse de consilio doctissimorum virorum. Ergo est dicendum, id posse Episcopos. Quod si ab his Doctoribus inquiras, in qua quantitate possint Episcopi concedere defunctis prædictas indulgentias? Respondent, quod stando in iure diuino, licet non possint illas concedere in tanta quantitate, sicut Pontifex, quia Papa habet vberiores potestatem in thesauro Ecclesiæ, quam Episcopus, & ideo potest plus de illo dispensare: tamen quantitas, quam possunt iure diuino, taxata non est, sed id relinquatur arbitrio Pontificis taxandum, sicut relinquatur taxatio iurisdictionis in Sacramento. Stando tamen in iure positiuo, solum possunt concedere Episcopi defunctis indulgentias in eadem quantitate, quæ viuis. Hæc verò est 40. dierum de iniunctis pœnitentiis, & de non iniunctis, ut habetur ex Conc. Lateran. cap. indulg. de pœnit. & remiss. & tradunt Cord. lib. 5. q. 14. Henric. lib. 6. cap. 32. & Nauarr. de indulg. notab. 3.1. n. 1. ubi excipit tres casus, in quibus etiam non subditis potest concedere indulgentias. Habent etiam Episcopi potestatem ad concedendum integrum annum indulgentiæ in die consecrationis Basilicæ, ut habetur in cap. nostro, & cap. cum ex eo, de pœnit. & remiss. & tradunt Cord. & Henric. ubi supra. Has igitur inquirunt, indulgentias, quas possunt Episcopi viuis concedere, possunt etiam ad defunctos extendere.

6. Verum, his non obstantibus, respondeo dicendum, Episcopos posse

concedere indulgentias defunctis, stando in iure diuino. Secus autem in iure Ecclesiastico. Primam partem huius assertionis docent Doctores supra relati, & illam probat sufficienter prima ratio supra adducta; & quia communis Doctorum sententia docet tantum posse Episcopum in sua diocesi, stando in solo iure diuino, in ordine ad dispensationes, & ad absolutiones pro culpis, & pœnis, quantum Papa in tota Ecclesiæ. Ergo potest, sicut ille, concedere indulgentias, licet non in tanta quantitate, sicut Papa, iuxta suprædicta.

7. Et si obiecias ex Dörand. in 4. dist. 2. q. 5. quod ille solus potest dispensare communem Ecclesiæ thesaurum, qui habet curam totius Ecclesiæ, sed in Ecclesiæ est vnus, & indiuisus thesaurus, & non singuli in singulis Ecclesiis. Ergo ad vnum Pontificem tantum pertinet eius dispensatio. Respondeo, quod si argumentum conuinceret, etiam probaret, non posse Episcopos iure diuino concedere indulgentias viuis, cuius contrarium supra ostensum est. Quare respondeo, quod sicut Episcopus, & alij Sacerdotes possunt mediante sacramento; dispensare de thesauro meritorum Christi; ita similiter Papa, & Episcopi possunt dispensare mediantibus indulgentiis, de eodem thesauro, licet iste in maiori quantitate, quam illi, ut supra ostensum est.

8. Secundam verò partem docent Nauar. tit. de indulg. §. 4. Med. de indulg. dist. 7. cap. 3.1. & dist. 9. c. 47. Henric. lib. 7. c. 32 §. 2. Cord. lib. 5. q. 19 citans pro se Cord. in cap. qui aliquando, §. in Leuitic. de pœnit. & remiss. dist. 2. Innocent. cap. quod autem, eod. tit. & alios Iurisperitos, inter quos dicit esse communem, & probatur, tum quia, licet nullus textus appareat, qui id Episcopis prohibeat, tamen consuetudo ipsa, quæ est optima legum interpretis, habet, quod nullus, præter Romanum

manum



manum Pontificem, concedat indulgentias defunctis per modum suffragij. Ergo ex consuetudine Ecclesiæ, & tacita voluntate Pontificis, est illis restricta prædicta facultas concedendi indulgentias ad viuos. Paret consequentia, quia in his, quæ pertinent ad Sacramenta, & mores, valet argumentum à consuetudine, etiam negatiue, vt rectè aduertit Cord. *ubi supra*. Tum quia potestas Episcoporum, quam ij habent ex iure diuino, est subordinata Papæ, sicut potestas aliorum Apostolorum, quorum Episcopi successores sunt, erat subordinata Petro. Sed Papa restringit de facto illis hanc potestatem, vt constat ex *cap. quod autem, & cap. cum ex eo, & cap. nostro, de penit. & remiss.* quorum verba ita esse intelligenda docet communis practica Ecclesiæ. Ergo de facto non possunt Episcopi concedere indulgentias defunctis.

Ad primum respondeo, probari primam partem nostræ assertionis.

Ad secundum respondeo, rectè probari illo argumento, recurrendum esse, ad id probandum, ad consuetudinem Ecclesiæ, quæ vim legis habet.

9. Ad tertium Cord. & Henric. *ubi supra*, dicunt errasse Scilicet in ea concessione defunctis facta, sed modestius dicitur, id fecisse ex speciali commissione Papæ.

Tandem, in beneficium commune placuit mihi ex Rodr. *in syn. tractat. Bulla*

*defunctorum*, apponere hinc salubre omnibus Christi fidelibus consilium: nempe, vt antequam spiritum emittant, tempore tamen, & occasione, qua moraliter possint præsumere, se in statu gratiæ existere, curent, vel in testamento, vel quouis alio modo hæredibus imponere, vt Bullam defunctorum pro animabus ipsorum singulis annis sumant, sicut eos ad certum numerum Missarum pro eisdem celebrandarum passim adstringere solent. Tum quia in eo casu defunctorum animabus vtiliores erunt Bullæ, quàm si à filiis, seu hæredibus sumerentur, absque vilo defunctorum ordine præcedente, saltem ex opere operantis, ob plium, & sanctum affectum, quem, sic disponendo, præbuerunt erga suam animas, atque etiam indulgentias, quarum lucrum seu consecutio debet à quouis Catholico valde æstimari, optari, nec non pro viribus, & posse incessanter procurari; tum quia, attenta opinione Garnicæ, & aliorum, vt Bulla pro defuncto sumpta illi prosit, necessariò requiritur, quoddam viuens, dum illam sumit, in statu gratiæ existat: at si defunctus, adhuc viuens, disposuit Bullam pro ipsius anima singulis annis sumendam, tunc esto contingat, quoddam hæres, dum illam sumit, lethalis culpæ labe repetiatur infectus, adhuc defuncto procul dubio proderit, vt tradit Gabriel præcit. *l. 57.* & censent communiter omnes, &c.

*Finis disputationis in Bullam Defunctorum.*



## DISPUTATIO III.

## In expositionem Bullæ Compositionis.

## P R O O E M I U M.

1. **D**E origine huius Bullæ nihil dicunt expositores Bullæ Compositionis, solum Henriq. lib. 7. de Indulgent. c. 23. §. 5.

ait, expeditionem huius Bullæ cepisse ab Alexandro V I. qui Regi Catholico concessit ius in Orbem Indicum, habetque locum huiusmodi Bulla in omnibus debitis incertis, bene, vel male habitis, dummodo creditor ignoretur, vt patet ex tenore ipsius Bullæ, & docet Sot. 4. de iust. q. 7. art. 1. & Emman. in expositione huius Bullæ, §. unico, n. 2. Vt autē creditor dicatur incertus, non sufficit, vt ignoretur à debitore, sed quod facta sufficienti diligentia, inueniri non possit, vt docet Sot. ubi supra. Hæc autem diligentia debet esse maior, vel minor pro qualitate rei, vt aduertit Caiet. 2. 2. q. 62. art. 5. ad 3. Debent igitur bonæ esse incertæ, nisi in vno, vel alio casu, vt infra dicemus. Imo etiā fieri potest compositio, quādo certus est dominus, non ratum est certa quantitas debiti, quia ita habetur in Bulla: tunc autē pars quædā debetur domino sic uoto, vt docet Henriq. ubi supra.

2. Quantitas verò, quæ pro obtinenda Bulla, in subsidium belli erogatur, debet esse duorum argenteorum, & valebit ad cōponendum se pro quinque mille dipondis, hoc est, pro centum quadraginta, & septem argenteis; & potest quilibet se cōponere, vsque ad quantitatem centum mille dipondiorum, acceptis viginti Bullis; ita vt cuique Bullæ respondeant quinque mille dipondia, quod Hispani dicunt: *basta cantidad de cien*

*mil maravedis*. Quod si quis indigerit cōpositione maioris quantitatē, recurrere debet ad Cōmissariū Cruciatæ, vt ipso ex auctoritate Apostolica, quam ad id habet, faciat prædictā cōpositionem, vt docent Henriq. lib. 7. de Indulg. c. 33. & Emman. ubi supra in principio, & patet ex institutione ipsius Cōmissarii: potestque hæc Bulla solum prodesse habitantibus in Regnis, ac Dominis Hispaniarū Regi subiectis, atque ad illa declinantibus.

3. Nemini tamen eorū prodesse potest, si intuitu, & cōfidentia habēdi Bullam Compositionis, iniuste acceperint bona aliqua incerta, vt habetur in fine ipsius Bullæ, quod prudentissime cautū est, alias vehemens occasio daretur ad plures illicitos cōtactus, & ad iniustas venditiones, & ad alias plures fraudes. Si, ecclia autē officia, quibus frequenter annexæ sunt restitutiones bonorum incertorū, sunt mercatorū, calatorū, pistorum, dulciariorū, stabulariorū, scribarū, cauponum, lotiariorū, opificum, cereatiorum, sepatiorū, lanionum, de quibus omnibus agit Alcocer in sum. à c. 26. vsque ad c. 32. & in huiusmodi officiis, cū frequentes sint fraudes, & veri Domini ignorentur, optimū est remediū cōpositionis, & consulendum à Confessariis.

## D V B I U M I.

*Virum expeditio huius Bullæ Compositionis sit licita, & sic compositi maneant securi in conscientia.*

1. **P**Artem negantem docent grauisimi viri, teste Cord. lib. 5. q. 44. Ita

Ita Sylu. *excommunicatio* 8. q. 8. adducens pro se Archidiaconum 2. p. tit. 2. c. 26. in fin. Couar. *reg. peccat.* 3. p. §. 1. n. 3. Imo & Sot. eandem sententiam docet 4. *dist.* 21. q. 2. *art.* 4. ante fin. dicens non licet alicui duas facere compositiones, licet bis duos argenteos cōferat pro duplici Bulla, & in illo articulo aduersus huiusmodi Bullas obmurmurat, & in 4. de *iust. q.* 7. *art.* 1. ad 3. Sed plus illo Ludou. Lop. c. 137. in *prima impress.* Ledesm. etiam (vt tradit Hentiq.) lib. 7. de *Indulg. cap.* 34. in *glossis*. X. quibus aperte fauet Nau. c. 17. n. 93. dicens, non valere compositionē, si sit indiscretā, pro quo adducit Caiet. 2. 2. q. 100. *art.* 1. ad 7. ubi ait: *Vsurarius nō manet tutus in conscientia, quia cum Papa componit* 15. pro 4. Bañes similiter 2. 2. q. 26 *art.* 5. *dub.* 8. Hi enim omnes DD. rem suspectam, & scrupulosam putant, pro duobus argenteis quinque millia disponda remitti, vt conceditur in Bullis Compositionis, vix enim illa quantitas est septima pars debiti, sed probatur ratione.

5. Primò, quia illa bona incetta iure naturali debentur pauperibus: Ergo non possunt remitti à Papa, alias faceret contra ius naturale, & gravem iniuriam inferret pauperibus. Consequentia est nota, & antecedens ostendit Couar. *reg. peccat.* 3. §. 6. 7. ex D. Thom. 2. 2. q. 62. *art.* 5. ad 3. & Ang. 2. p. q. cui *restitutio faciendā, difficultate* 4. Sylu. Caiet. Palud. Sot. Alex. & alij relati à Nau. lib. 3. de *restit.* c. 2. n. 41. Et ratione patet. Tum quia iste debitor, cum per iniustitiam illa bona occupauerit, non habet titulum ad detinendum illa, atque adeo tenetur illa restituere meliori modo, quo potest: melior autem modus restituendi, est restituere illa domino in ipsis pauperibus: Ergo eodem iure naturali, quo tenetur illa restituere domino, tenetur illa restituere pauperibus, cum dominus ignoratur,

6. Tum secundò, quia prædicta bona censentur redundasse in Rempubli- cam. Ergo iure naturæ refundi debent in partes indigentes illius, sicut alimenta redundantia refunduntur per membra ipsius corporis. Tum tertio, quia, cum illa bona sint veri domini, restitutio debet fieri iuxta interpretatiuā eius voluntatem, sed interpretatiua voluntas hominis Christiani est, vt talia bona cedant in bonum ipsius animæ: Ergo iure naturali tenetur debitor ea expendere in eleemosynis, & aliis operibus piis. Tum quarto, quia quando aliquid in propria forma restitui non potest, manet obligatio restituendi illud in aliquo alio æquiualehti: Ergo cum debita restitui non possunt vero domino, manebit obligatio illa restituendi in pauperibus, ita vt cedant in bonum creditoris. Tum quinto, quia, vt recte docet Couar. *ubi supra*, res domini absentes, ita vt ad eum deferri non possit, nec deferenda speratur, non potest expendi auctoritate humana, nisi in vsus viles absenti, vel conformes præsumptæ eius voluntati: Ergo idem dicendum est, quando incertus est dominus. Patet consequentia, quia moraliter loquendo, perinde se habet, vt ad præsens spectat, quod dominus sit ignotus, siue ita absens, vt nullo modo res propria, vel æquiualehts ei deferri possit.

7. Secundò, quia quod pugnat cum lege iustitiæ commutatiuæ, non potest esse iustum, sed iustitia commutatiua exigit, vt fiat æqualitas rei ad rem, ita vt tantum quis reddat, quantum accepit: Ergo nullus, præter proprium creditorem, potest remittere partem talis debiti, atque adeo remissio à Papa erit nulla. Nec potest dici, quod ex eo, quod creditor prorsus ignoretur, definit esse dominus illius rei, & dominium transit in alium, quia si id ita esset, certe debitor sic ignorans non maneret obligatus

QQq 2 resti

restituere, quod tamen falsum est. Nam, ut habetur *cap. si res, quæst. 14.* peccatum non dimittitur, nisi restituatur ablatum, quod etiam de incertis intelligitur, ut declaratur in *cap. cum bi, de usur.* & docet D. Chrys. *homil. 15. super 1. Cor. 5.* Igitur non potest licite Papa impedire, ne fiat restitutio in utilitatem creditorum, nisi id faceret ad punitionem eorum. Et præterea, quia dominium non amittitur, nisi vel voluntate domini, aut legis, vel Iudicis sententia, quæ tamen lex, nulla talis extat, nec vlla potest esse iusta causa ad illam condemnandam. Nam iniustum procul dubio esset, ut per iniuriam, quam alius mihi intulit, priuer bonis meis. Ergo dominus ignotus non amittit dominium.

8. Tertiò, quia si Pontifex potest liberare debitorem à medietate debiti, eadem ratione posset liberare illum à toto debito, quidquid sit, an ipse peccet, vel non peccet. Potest enim prima vice remittere illi vnam partem, & postea aliam, quousque exhauriatur totum debitum, & sic liberabit eum ab obligatione iuris diuini, & naturalis, & à debito restitutionis, quod omnem humanam potestatem transcendit. Dicere autem (ut quidam volunt) Papam fieri dominum illorum bonorum incertorum, falsum est, quia repugnat, eiusdem rei dari in solidum duos dominos. At res illa, cuius dominus ignoratur, pertinet ad verum dominum illius, cum per hoc, quod ignoretur, non amiserit suum dominium (ut omnes fatentur.) Ergo Papa non est dominus illorum bonorum.

9. Quartò, quia esto Papa sit dispensator illorum bonorum incertorum, tamen non posset, pro tam parua quantitate tam magnum debitum remittere, quia hoc non esset dispensare, sed dissipare bona, sicut non potest pro paruissima causa magnam indulgentiam concedere, sed cum quadam proportionem,

maxime, quod cum tam parua quantitas sit sufficiens ad faciendam compositionem, certe multis occasio datur fraudandi, & vsuras exercendi, intuitu & confidentia futuræ compositionis: Ergo expeditio huius Bullæ non est licita, nec sic se compotentes manent securi in conscientia.

10. Verum, his non obstantibus, respondeo dicendum, compositiones bonorum incertorum licite fieri posse auctoritate Papæ, & per illas, tutos manere in conscientia ipsos debitores, si ex legitima causa dentur. Ita docent Anton. 2. p. sit. 2. cap. 6. in fin. Sot. in 4. dist. 21. art. 4. & lib. 4. de iust. g. 2. ad. 3. Med. C. de restit. g. 9. cap. 11. Cord. lib. 5. g. 44. Alex. 4. p. quæst. 85. num. 62. art. 2. Henric. lib. 7. de Indulgent. cap. 34. Nauar. de Indulgent. not. 29. num. 4. Lop. ubi supra, Acolta in Bulla, quæst. 21. Villalob. tract. 29. concl. 3. num. 4. Emman. in Bulla compositionis, §. vnice, num. 3. & recentiores communiter. Et probatur.

11. Pristò, quia Princeps potest de bonis incertis, quæ Hispanè vocantur *Mofrenco*s disponere, & de facto ita facit per leges huius Regni l. 1. tit. 12. ordin. & l. 2. tit. 13. lib. 4. fori, quia talium bonorum dispensatio ad Principes pertinet: Ergo similiter Papa potest disponere de rebus obnoxii conscientie, cum sit Princeps Ecclesiæ, & non sit alia via, per quam talia bona manifestentur, nisi per spontaneam confessionem habentis, ad quam alliciendus est, facta remissione alicuius partis.

12. Secundò, quia debita iure naturæ debentur Reipublicæ, vnde deberent expendi inter Ciues, & maxime inter pauperes: Ergo cum Papa sit supremus omnium dispensator, potest illa applicare ex legitima causa, & sic de facto fecit, ut constat ex c. cum, tit. de usur. &c. qui habitas, & cap. cum sane 14. quæst. 5. ubi talia bona pauperibus applicantur.

Et

Et eadem ratione illa applicare potest alteri vrgenti necessitati, & hoc sine iniuria pauperum, qui nullum ad illa ius acquisierant. Nec iuvat dicere, quod aliquando hæc bona non fuerunt iniuste acquisita, atque adeo cum sint temporalia, nõ pertinere ad Papam dispensationem eorũ, sed potius ad Principem sæcularem. Hoc (inquam) non obstat, quia id etiam potest Papa ratione conscientie subditi, quoniã, vt sic, ordinantur ista bona ad finem supernaturalem.

13. Tertiõ, quia, vel talis compositio ex voluntate Papæ esset contra ius aliquod humanum, & hoc, si quod esset, non potest impedire Papam qui est supra omne ius humanũ; vel esset contra aliquod ius diuinum & naturale, & hoc etiam non; nam si quod esset, maxime illud, quod præcipit eam esse restituendam vero domino, quæ tamẽ obligatio cessat cum ignoratur dominus. Dices, manere obligationem restituendi illa pauperibus, aut illa expendendi in alios vsus in commodum creditoris, quia hoc modo fit illi restitutio meliori modo possibili. Sed contra. Tum quia fieri potest, vt talis creditor iam obierit in peccato mortali, vel suppone illum esse infidelẽ. Ergo tunc nulla est obligatio restituendi prædicta bona pauperibus, cum nihil animæ eius profutura sint. Tum quia bona perditæ sine culpa domini, deberent eadem ratione restitui pauperibus pro anima illius, vt sic fieret eidem restitutio meliori modo possibili, & tamen constat, leges esse in contrarium, quas nullus dixit esse iniustas. Ergo stando in solo iure naturæ, non esset prædicta restitutio faciendæ pauperibus.

14. Quartõ, quia in bona incerta succedit Christus Dominus, tanquã hæres ab intestato. iuxta illud Pauli. *Quem constituit heredẽ vniuersorum.* Ergo Vicarius eius potestatem habet dispensandi talia bona, maxime, cũ talis dispensatio cedit

in bonum fidelium, qui sunt membra ipsius Christi, prouidendo eorum conscientie circa bona incerta, bene, vel male acquisita, & restitutioni obnoxia. Quintõ, quia iuxta ecclesiastica statuta talia bona erant pauperibus elargienda, vel in alios pios vsus consumenda, vt constat ex dist. c. cum tu, de vsur. & c. cum fu, de Iudæis. Sed Papa potest dispensare in hoc iure positiuo, & ecclesiastico, vt de se constat; & bene Sot. 1. de iust. q. 7. art. vlt. Nau. in manual. prelud. 9. Ergo potest prædicta bona remittere debitoribus certam quantitatem erogantibus in subsidium belli contra infideles, quæ est legitima causa, imo etiam si nulla esset, quia licet ipse peccaret tanquam prodigus dispensator, compositus tamen esset tutus in conscientia, & valida esset talis dispensatio, cum de iure positiuo agatur, in quo mala etiam dispensatio ex parte dantis, valida est.

15. Sextõ, quia in ipsa Bulla Compositionis dicitur expresse, quod facta prædicta cõpositione, maneant sic compositi, tuti, & securi in conscientia, & omnino liberi à residuo, & sic prædicatur, atque sic habet vsus Pontificum id concedentiũ, quos dicere, in hoc errare, absurdissimum esset, & periculosum in fide. Vnde male Peña 22. q. 63. art. 5. dixit, quod si is, qui componitur, esset diues, nõ illum absolueret, nisi restitueret saltem medietatem, & eo amplius. Hoc enim est aperte cõtra verba Pontificum asserentium, illos manere tutos in conscientia, elargiendo pecuniã assignatam, & quidẽ quando res hæc, quæ mihi certissima est, dubia esset, standum erat pro superiore, & maxime pro Pontifice, vt constat ex c. in presentia, de renunciatione. Ergo, cum Pontifices faciant prædictas compositiones, non licet eas condẽnare.

Ad primum nego antecedens cum Nau. ibi relato, & ad primã probationem respondeo, restitutionem nõ esse facien-

dam tunc animæ illius, sed hæredibus; hæres autem illius est Respublica, stando in solo iure naturali, quia diuisio facta iure gentium cessat, quando dominus non inuenitur, ac per consequens, reuertuntur res in pristinum statum, quando omnia erant Communitatis.

16. Ad secundam respondeo, iam illa bona refundi in bonū ipsius Reipublicæ, quando quidē magna pecuniæ quantitas coaceruatur in subsidium belli contra infideles, quod valde propitium est Reipublicæ, & eius mēbris. Ad tertiam respondeo, iam fieri Reipublicæ restitutionem, quod est satis conforme voluntati præsumptæ ipsius domini, & rationi consentaneū. Nam cum omnes Ciues sint partes Reipublicæ, quocūque eorū pereunt, si nullum habeat successorem, iure propinquitatis succedit Respublica. Ad quartam infra dicemus, compositionem fieri etiam posse de rebus certi domini, ita absentis, vt ei restitutio fieri non possit; atque adeo, eandem rationem esse de illis, ac de aliis bonis, quorum dominus ignoratur.

17. Ad secundum respondeo, quod quamuis debitor, qui accepit compositionem, nō soluat quantum debet simpliciter, atque adeo non faciat æqualitatem rei ad rem simpliciter, soluit tamē quantum debet, supposita condonatione, vel remissione eius, qui habet auctoritatem condonandi, vel remittendi.

18. Ad tertium, concedimus sequelā, vt patet ex dictis in §. probatione nostræ sententiæ. Nec id esset dispensare contra ius naturale, vel diuinum; sicut neque id facit, qui certum debitum sibi, alteri remittit. Sed per remissionem factam à Papa tollitur materia restitutionis, & quauis incognitus creditor, vere sit dominus illorum bonorum, tamēn quousque compareat, Ecclesia succedit in illa ex interpretatiua voluntate domini, vt cedant in bonum ipsius Ecclesiæ: nec

oportet, quod Pontifex sit dominus, sed sufficit, quod habeat ex prædicta voluntate domini liberam dispositionem illorum in vtilitatem Ecclesiæ.

19. Ad quartum respondeo, quod licet communia bona Ecclesiæ, temporalia, & spiritualia sint commissa Papæ dispensationi, vt habetur in *c. significasti, de elect.* non tamē ad libitum eius sine causa, sed ex causa pia, & rationabili, quia id importat nomen, & auctoritas dispensatoris, iuxta illud *Cor. 10. Non habemus potestatem in destructionem, sed in edificationem*, de quo habetur in *cap. decima 16. q. 1.* & loquuntur D. Bernar. de *cōsider. ad Eug. & Aug. ser. 119. de temp.* Nam idem iudiciū est de potestate Papæ ad dispensandum de thesauro spirituali, ac temporali. Quare sicut dispensatio thesauri spiritualis per indulgentias requirit rationabilem causam, ita & dispensatio per compositionem. Causa autem, quæ in Bullis assignatur, semper est sufficiens, & licet quantitas, quam vnusquisque elargitur, sit parua, tamen quia ex paruis quantitatibus simul iunctis vna magna pecuniæ quantitas coalescit in notabile bonum Ecclesiæ ad debellandos infideles, & quia sic fit magis expedite collectio pecuniæ in subsidium belli, sufficiens illa est ad hoc, vt Papa non solum valide, sed etiam licite faciat remissionem residui mediante prædicta compositione.

## DVBIVM II.

*An Episcopi (seclusa prohibitione Papæ) possint in sua Diocesi facere prædictam compositionem pro suis subditis?*

1. Partem negantem tuentur D. Anton. 2. p. tra. 2. c. 6. Sylu. de *restit.* 8. §. 8. *sum. Alex. lib. 1. tit. 3. c. 1. §. col. 4. Nau. de oratione, not. ab. 2. sum. 62. in fin. Cord. §. de indulgent. quest. 44. dub. 1. Emman.*

in

in Bull. compof. §. vnico, n.6. & probant.

2. Primò, ex c. licet de offic. Vicarij, lib. 6. & ex Clem. 2. de penit. & remiff. vbi id tenet Panor. propter illum ex teſte Sylu. vbi ſupra.

Secundò, quia diſpenſatio communis pertinet ad communem Principem Eccleſiæ, ſed prædicta bona incerta reſtitioni obnoxia pertinent ad temporalem Eccleſiæ theſaurum, & ſolus Papa poteſt facere prædictas compoſitiones, & liberare debitorem à tanta ſolutione pecuniarum, ſicut ipſe ſolus liberat per indulgentias animam Purgatorii à ſolutione pœnarum.

3. Terriò, quia ſi Epifcopi id poſſent, certe vterentur hac poteſtate, cum cederet in eorum auctoritatem, & in maximum commodum ſubditorum, nec aliqui reperiretur, id eſſe eis interdictum, & ſoli Papæ reſeruatum, vt docet Henric. lib. 7. de Indulg. cap. 3. §. 4.

4. Verum, his non obſtantiſ, reſpondeo dicendum, quod licet de facto Epifcopi non poſſint facere prædictas compoſitiones, ſtando in iure poſitiuo, bene tamen ſtando in ſolo iure diuino, eſto non in tanta quantitate, quanta Papa. Prima pars huius aſſertionis eſt cõmunis inter DD. & illā tenent authores ſupra citati, & ſolū inuenio Henric. ſupra relatum ab eis diſſentire, & Sotum infra citandum. Et probatur, tum quia ius eccleſiaſticum diſponit ex Pontificum ordinatione prædicta bona incerta in pauperes diſtribui, vt cõſtat ex iuribus dub. præcedenti relatis. Ergo nullus Papa inferior poteſt id alterare, aut in eo diſpenſare, niſi ex mandato Apoſtolico: Tum quia licet id non ſit eis aliquo ſpeciali iure prohibitum, vſu tamen, & cõſuetudine conſtat id reſeruatū eſſe Papæ. Verum tamen eſt, quod ſi poſitum ex legitima cõſuetudine in contrarium introductum eſſet, liceret eis de facto facere prædictas compoſitiones, vt probat

Cord. vbi ſupra, & deducitur ex cap. final. de cõſuetudine.

Secundam vero patrem prædictæ aſſertionis docet Sot. lib. 4. de iuſt. q. 7. ar. 1. ad 3. Henric. 7. de Indulg. c. 33. n. 4. citans pro ſe Peñam, & alios recentiores, tenet etiam Villalob. n. 11. & probatur: tum quia ſtando in ſolo iure diuino, aſſimilatur multum poteſtas, quā habet Epifcopus in ſubditos ſuæ Diocceſis, poteſtati, quam habet Papa in tota Eccleſiā, & ideo, niſi prohibiti eſſent Epifcopi à Papa, eadē vota poſſent diſpenſare, quæ Papa. Ergo ſimiliter poſſent eadem ratione facere prædictas compoſitiones, cum in ſua Diocceſi habeat adminiſtrationē, & ſpiritualem curā ſubditorum, & maxime pauperum, quibus valde vtilis ſolet eſſe talis compoſitio: tum quia, licet Epifcopi non poſſent de theſauro Eccleſiæ tam magnas indulgentias impendere, quantum Papa, quia iſte habet vberiorem poteſtatem in publico Eccleſiæ theſauro, atque adeo vberius de eo diſpenſare poteſt; tamen ſtando in iure diuino, non eis taxatur quātitas indulgentiarum, quas poſſint impendere. Ergo ſimiliter in propoſito, ſtando in iure diuino, poſſent Epifcopi diſpenſare in prædictis bonis incertis pertinentibus ad theſaurū temporale Eccleſiæ per viam compoſitionis, licet non in tam magna quantitate, quantum Papa ad arbitrium boni viti. Patet conſequentia, quia prætorioſior eſt theſaurus ſpirituſ, quam temporalis. Ergo ſi ſtando in ſolo iure diuino poſſunt de illo diſpenſare, idem poſſunt in temporali.

5. Ad primum Sylu. ibi rectè dicit, ex illis textibus nihil clare colligi contra noſtram ſententiam; ego etiam addo, quod neo etiam obſcure, licet ad id citet illos Panoritanos.

Ad ſecundum reſpondeo, ſolum probare, penes Papam eſſe vberiorem poteſtatem ad prædictas compoſitiones facien

faciendas in maiori quantitate, quā penes Episcopos, sicut in ordine ad concedendas indulgentias, uterque tamen illas potest concedere.

7. Ad tertium respondeo, aliquando fuisse in usu Episcopos facere prædictas compositiones, & Papam illas tolerasse; ut refert Sylu. ubi supra; sed modo iam non est talis consuetudo, quia (ut supra dixi) usu ipso referuatum est id Summo Pontifici.

### DVBIVM III.

*Utrum Principes seculares possint concedere suis subditis prædictam compositionem bonorum incertorum.*

1. **R**atio dubitandi est, quia bona incerta pertinent ad communem Ecclesiæ thesaurum, & Rex habet integram potestatem ad dispensandū illa in bonum ipsius Reipublicæ, & suorum Ciuium: & sic in Hispania Rex disponit de bonis incertis, quæ Hispani vocant *los Mostrencos*; ergo, graui aliquo bello ingruente, ad quod propulsandum, opus esset magna pecunia, posset statuere, ut quicumque debens incerto domino viginti v. g. medietatem contribuere, maneret liber à residuo. Potest igitur facere huiusmodi compositiones, & sic concedit Sot. 4. dist. 21. art. 4. & Henric. lib. 7. cap. 33. num. 3.

2. Verum ego respondeo, loquendum esse cum distinctione: nam bona incerta sunt in duplici differentia, ut ad præsens spectat. Quædā sunt incerta, non illicitè acquisita, sed perditā, & errantia, vel vacantia, & de his vera est sententia Soti, & Henric. ubi supra; quia talia bona pertinent ad comune Reipublicæ ærarium, & ad bonam eius politiā pertinet disponere de his ad utilitatem Reipublicæ, & Cluiū illius; verum tamen est, quod si talia incerta bona sint inuenta, & facta

sufficienti diligentia non inueniatur eorum dominus, probabile est, quod sunt ipsius inuētoris, nisi aliud leges disponant, ut tradunt Sot. lib. 5. de iust. q. 3. a. 3. ad 2. Ledesim. 2. p. q. 1. art. 5. fol. 266. Mercado c. 5. vers. delos Gallazgos, Med. in sum. lib. 2. c. 14. §. quarta, Cabeça reg. 5. & latè, & bene Petr. Nau. lib. 4. de resis. c. 2. n. 27.

3. Nec obstat lex 6. & 7. lib. 6. tit. 13. ubi talia bona applicantur Cameræ Regiæ, si transacto integro anno, & duobus mensibus, facta diligenti inquisitione, non fuerit inuentus dominus, quia talis lex debet intelligi post sententiam, & condemnationē iudicis, non ante, ut rectè Nauar. ubi supra. Si igitur talia bona incerta fuerint de rebus inuentis, non opus est prædicta Principis cōpositione, imò nec Pontificis per se loquendo, nec in casu, quo sit aliqua ratio dubitandi.

4. Alia verò bona incerta sunt illicitè acquisita, & circa hæc Princeps nullam potest facere compositionem, nec sic cōpositus ex Principis compositione manet securus in conscientia, ut docent Cord. 5. de Indulg. q. 44. dub. 2. Emmam. in Bulla compositionis, §. vnic. dub. 7. & Villalob. dist. tr. 33. n. 10. & ratione pater, quia Princeps sæcularis solum potest intrinsecare se in gubernationem personarum, & rerum temporalium, quātum ad finem proprium ipsius potestatis sæcularis, qui secundum Q. Thom. 1. 2. q. 99. art. 3. & 4. & latius quaest. 100. art. 2. & ibi Caiet. est pax, & iustitia politica: ergo solum potest se intrinsecare in iis, quæ ad hunc finem consequendum iuuant, & consequenter non poterit disponere de bonis iniuste acquisitis, quia hæc cum obligationem conscientia concernant, ad Pontificem pertinet eorū dispositio, non ad potestatem laicam, quæ ad spirituales, aut temporales Ecclesiæ thesaurum non potest se extendere. Et per hæc pater ad rationem dubitandi, probantem primā partē naturæ assertionis.



DVBIVM IV.

*An, si facta compositione, compareat verus dominus, teneatur sic composuit facere illi integram restitutionem rei?*

1. **R**atio dubitandi est, quia nemo meretur, ut sine culpa, aut negligentia priuatur suis bonis: ergo si compareat verus dominus illorum, tenebitur sic composuit ea reddere illi, alias faciet contra iustitiam, retinendo sibi rem alterius inuito domino.

Nihilominus sit prima conclusio. Si res fuisset pauperibus erogata, non teneretur illa restituere. Ita docent Henric. lib. 7. c. 34. & Cord. de Indulgent. q. 44. & Sylu. verb. restitutio 8. q. 4. & probatur primo, quia bona fides non patitur, ut semel exactum, iterum exigatur, ut habetur in reg. bona fides, de reg. iur. in 6. Secundo, quia talis elargitio, & compositio facta fuit ex praesumpta voluntate domini, in quo fundatur praecipua causa iustificans compositionem, ut notauit Couarr. reg. peccatum, q. 3. §. 1. in 5. & §. 2. n. 4. ubi etiam de Monstrenco ait: non applicari per legem, nisi sub conditione, quod dominus non compareat, & hunc esse consensum interpretatum domini. Ex quibus rationibus sufficienter etiam probatur, quod si res fuisset usu consumpta, & non propterea ditior factus esset ipse debitor, nihil restituere teneretur vero domino.

2. Secunda conclusio. Si verus dominus compareat, taliter composuit renetur suum debitum, quo ad residuum, illi reddere in foro conscientiae; & ante condemnationis sententiam, quia in foro exteriori, certum est, quod condemnabitur. Ita Cord. lib. 5. de Indulg. q. 44. dub. 1. Emman. in Bull. compos. §. unic. n. 8. Henric. lib. 7. de Indulg. cap. 34. n. 4.

Lopez 1. part. Institut. cap. 139. Caietan. 2. 2. q. 62. art. 6. Sor. in 4. dist. 21. quest. 2. art. 4. & Villalob. d. tract. 39. num. 9. quidquid in contrarium opinetur Bañes ubi supra; & Acosta q. 93. purantes non teneri ante condemnationis sententiam. Sed melius Couar. qui nobiscum sentit in simili casu, quando scilicet inuenta sunt alicui appropriata à Principe secundum leges Regni.

3. Probatur primo, secundum omnes, iustitia compositionum fundatur non solum in auctoritate Papae, sed etiam in consensu saltem interpretatio veri domini, quia hoc redundat in utilitatem Reipublicae, cuius ipse est pars. Sed non est credibile, illum habuisse consensum, ut priuatur suo dominio absolute, sed solum, dum non appareat: ergo, cum apparuerit, tenebitur debitor illi restituere. Nec oppositum certe exigit bonum communis, quia ad hoc sufficit, quod praedicta bona conditionaliter applicentur.

4. Secundo, quia nemo potest priuari absolute dominio suarum rerum, nisi, vel in poenam, ratione criminis commissi; quod tamen hic nullum est; vel ratione legitimae usucapionis, quae etiam hic non adest, vel tandem propter utilitatem Reipublicae, quae hic etiam omnino deficit.

5. Sed obicitur, in dicto casu, si debitor, facta sufficienti diligentia, illa bona applicet pauperibus, etiam si dominus appareat, non teneretur illa restituere; ut tenet communis DD. cum Sylu. restit. 8. quest. 4. & similiter, si qui inuenit illa bona, est pauper, & applicatur ei à confessario, non teneretur postea, domino comparenti illa restituere, ut docent Caiet. 2. 2. q. 66. art. 5. ad 3. Sor. 4. de iust. q. 7. art. 1. ad 3. Nau. c. 17. n. 93. & 171. Ergo idem est in proposito, quia non sunt fortiores, & efficaciores illae applicationes, quam illa, qua quis

R R r sibi

sibi applicat per compositionem Bullæ. Ita Acosta *quæst.* 93.

6. Respondeo tamen, negando consequentiam, quia in casu antecedenti applicantur illa bona pauperibus absolute, talis enim applicatio fit secundum iuris statum, ius autem, quando est favorabile, debet ampliari. In casu vero consequenti, illa applicatio fit sub conditione, & cum fiat per compositionem, quæ est privilegium derogans iuri, strictè est interpretandum, vt docet Sylu. *verb. privilegium, q. 3. concl. 3.* quod præcipuè habet verum, quando privilegium est in præiudicium tertij, vt contingit in proposito. Potest etiam dici, quod in casu pauperis, nihil tenetur restituere, quia nec ratione rei acceptæ, nec iniustæ acceptionis. In casu vero compositionis, tenetur ratione rei acceptæ: pauper autem nec etiam tenetur restituere illud, quia largitio facta est absolute, & non sub conditione; quippe qui elargitur, dat illud ex obligatione, & ex præcepto, præceptum verò sonat obligationem absolutam. Et eadem ratione, qui possidet bona ratione legitimæ præscriptionis, etiamsi appareat dominus, non tenetur illi dare, vt docet Anton. 1. *part. tit. 1. cap. 15. §. ultimo*, Syluest. *verb. prescriptio, §. 8. Med. de restitut. quæst. 18.* & alij multi, quos refert, & sequitur Couar. *regul. possessor. 3. part. §. 2. num. 1.* quia talis tenet ex concessione vtriusque iuris, de quo alibi. Prædicti autem debitores in nostro casu solum tenentur restituere ea, quæ perseverant in sua forma, seu substantia, licet alterata, & similiter ea ratione, qua facti sunt ditiores, vt docet Cord. *ubi supra*, & colligitur ex Caiet. 1. 2. *quæst. 62. ar. 6.* excipienda tamen mihi videtur industria, & proprii labores, quibus ditiores sunt facti. Similiter etiam tenentur reddere præcium; si quod ex illis acquisierunt, vel si tantundem de

bonis suis cõsumpsissent, si talia incerta non habuissent, hoc enim est proprie factum esse ditiozem, vt ad præsens spectat, & vt docet Caiet. 1. 2. *q. 62. art. 6.* Ex quibus omnibus.

7. Infero primò, compositum per Bullam compositionis, non manere securum in foro exteriori, quia si compareat dominus, & ille legitime probaverit illa esse sua bona, condemnabitur à Iudice, licet ostendat, se esse compositum per Bullam. Ita Sot. 4. d. 2. *q. 7. art. 4.* & Henric. *ubi supra*. Contrarium sentit Acosta in Bulla p. 84. sed absque fundamento valido. Et patet ratione, quia reliqua privilegia & indulta à Papa concessa in Bullis, non valent communiter, nisi pro foro interiori, vt latè diximus *supra disp. 1. cap. 5. de absoluto à censuris, virtute Bullæ Cruciatæ*. Ergo similiter erit in proposito, secus tamen esset, si pauperibus id fuisset largitus: tunc enim non condemnaretur à Iudice, nisi creditor probaret, debitorem non fecisse diligentiam sufficientem pro inveniendi domino.

8. Secundò infero, quod sic iuste compositus, ex quo cæpit, per compositionem bona fide possidere, potest præscribere, aut vñ capere tempore, nec teneretur restituere bona, aut illorum fructus bona fide consumptos, sed in quantum ex eis factus esset locupletior, vt rectè notavit Henric. *ubi supra*. Et per hæc satis patet ad rationem dubitandi in principio positam.

9. Tertiò infero, quod si quis, postquàm compositus est, ita præue, affectus maneat, vt habeat animum, quod reuera non restitueret, si compositione non vteretur, est in peccato mortali, non minus, quam fur habens animum non restituendi aliquid, etiamsi sibi nulla fieret remissio. Ita docent Nau. *cap. 17. num. 93. in fin.* & Emman. *ubi supra, num. 11.* & similiter, qui postquam compe

compositus est, habet animum nō restituendi residuum vero domino, etiamsi comparat, verē est in peccato mortali. De quibus omnibus admonēdi essēt auditores à concionatoribus Cruciatæ, vt rectē docet Emman. *ubi supr. in fin. dub. 9.*

## DUBIVM V.

*An possit vti Bulla Compositionis, qui iniuste accepit bona ex confidentia illius?*

1. Ratio dubitandi desumitur ex verbis ipsius Bullæ; nam in fine illius, postquā dixerat Summus Pontifex prædictam compositionē fieri posse de omnibus bonis incertis, malē, & iniuste acquisitis, addit hæc verba in Bulla: *Contanto, que el, que asi se huviere de cōponer, no aya auido las cosas, de que asi se compusiere en confiança desta composicion, porque entōnces estara obligado a restituir a la sancta Cruzada.*

2. Vt huic difficultati satisfaciāt Emmanuel *in fin. Bull. compositionis, n. 75.* asserit, quod quando confidentia ipsa est causa positiua illius iniustæ acceptationis, vt si quis diceret, volo furari, quia postea virtute Bullæ me componam, tunc illē non potest vti Bulla, quia ita dicit Pontifex in ea. Si tamen quis fuisset negligens in abstinendo se ab iniusta acceptatione rei alienæ, in confidentia componendi se per Bullam, ita vt talis confidentia solum se habeat, vt causa concomitans; tunc (inquit) talis poterit se componere virtute huius Bullæ. Sed hæc distinctio multis non placet, tum quia est valde obscura, tum etiam, quia Pontifex intendit omnem confidentiā excludere ab hac compositione. Ergo, siue confidentia sit causa adæquata, siue cōcomitans, & partialis talis iniustæ acceptationis; verē sic cōfidentis manet priuatus beneficio compositionis. Nec propterea (inquiunt) se negare, vt

si cui, cum actu furatur, veniat in mentem, quod faciliē postea se componet per Bullam, idcirco postea non possit vti illa, quia aliud est, quod veniat in mentem, aliud vero quod exerceat ipsam iniustam acceptationem hac ratione, quia habet Bullam, per quam poterit se compingere, vel faciliē illam poterit habere. Nec obstat (inquiunt) si quis dicat, hoc valdē scrupulosum esse, quia difficillime poterit quis discernere, an exerceat prædictam iniustam acceptationem propter prædictam confidentiam, vel non: quia prohibitio vtendi prædicta Bulla, non habet locum, quando quis dubius est, sed quādo habet certitudinem, quod causa positiua talis iniustæ acceptationis fuerit ipsa confidentia componendi se per Bullam, siue hæc fuerit causa totalis, siue partialis, & concomitans.

2. Verum nobis sub distinctione, & clarius dicendum videtur, quod quando quis mouetur ex confidentia compositionis ad accipiendum aliquid iniuste, ad quod non moueretur nisi ex confidentia (moraliter loquendo) Bullæ, non potest licitē vti illa. Ita docent cōmuniter DD. cum Emman. *in Bulla cōpositionis, ubi supra, & Henriq. 7. de Indulg. c. 34. num. 3.* & probatur. Tum quia ita explicat Pontifex in Bulla, vt patet ex verbis pro ratione dubitandi adductis. Tum quia alias valde laxarentur habentæ ad patranda multa latrocinia. Tū quia ratio ipsa exigat, vt quādo legislator id exprimit, peccans ex confidentia priuilegij sibi concessi, priuetur illo. Sicut Concil. Trid. *sess. 24. c. 5. de reformat.* contrahentem intra gradus prohibitos ex confidentia, quod hac via facilius dispensationem obtinebit, priuat omni spe talem dispensationem obtinendi.

3. Dixi autem noranter: *quando legislator id exprimit*; quia à peccatis ex confidentia Bullæ cōmissis rectē potest quis virtute Bullæ absolui, vt latē docuimus

supra diss. . . c. 1. dub. . . quia cū Pōrifex excludat à lucranda indulgētia plenaria eos, qui ex confidentia illius, proprios facti fuerūt ad peccandum, non autē excludat illos ab absolute peccatorum ex fiducia Bullæ commissōrū, manifeste consequitur, intentionem illius esse, ut valeat absolutio peccatorū, etiam si commissi fuerint ex fiducia Bullæ, quia exceptio firmat regulam in contrarium.

4. Si autem quis iam decreuerat aliquid iniuste acquirere, ad quod tamen faciendū facilitatur ex proposito, & cōfidentia sumendi Bullam Compositionis, vel ex Bulla iam suscepta, reuera talis nō est censendus peccare absolute ex illius cōfidentia, quia tunc non est causa mortis, sed velut cōcomitās, & pēuata, in quantum talis confidentia tollit diligentiam, quam adhiberet in vitanda illa iniusta acquisitione, si non speraret se Bullam accepturum, per quam liberetur à restitutione, & hoc, sine dubio videtur velle Emman. vbi supra, licet non bene se explicet hoc loco.

5. Idem etiam sentit Henric. loco cit. vbi enumerans eos, quibus prodesse potest hæc Bulla, ait. *Nisi iniusta hæc bona occupauerint ex confidentia huius Bullæ, tanquā ex immediato motu, aut sine principali, ut non prohibetur compositio, si iam decreuerat furta facere, aut ea diutius retineat.* Hæc ille. Vbi etiam aduertere oportet, addidisse illa vltima verba, quia licet, qui aliena bona iniuste retinet, peccet mortaliter, tamen non priuatur à Pontifice beneficio compositionis; sed qui iniuste illa acquirit. Quare licet iste, sic detinendo, peccet, poterit tamen se componere ex prædictis bonis incertis iniuncte retentis ex tali fiducia.

6. Et obiciās, quod abutens priuilegio, non meretur gaudere illo. Rēspōdēdū ita esse, sed quandiu non priuatur illo, vsus illius valet: Aduertere tamen oportet, quod quia multi, & maxime ru-

des, non valebunt distinguere inter cōfidentiam primo, aut secundo modo, debent examinationē remittere debitores ipsi Cōfessario, & in dubio Cōfessarius debet illum obligare ad restitutionem, quia in dubiis, tutior pars est eligenda.

## D V B I V M VI.

*An sit sufficiens causa ad vtendum Bullæ Compositionis, quod creditor sit ita distans, ut nequeat debitum ad eum deferri.*

1. **R**atio dubitandi est, quia Pōrifex in Bulla solum concedit cōpositionem pro bonis incertis, hoc est, quantum domini, facta sufficienti diligentia, ignoratur; ex hoc autē, quod creditor sit multum distans, non fiunt bona eius incerta; est enim implicatio in adiecto, quod bona sint incerta, & dominus eorum sit certus. Ergo absentia creditoris non est sufficiens causa ad vtendū prædicta compositione, ut expresse docent Henric. lib. 7. c. 34. n. 2 & Sot. 4. dist. 21. q. 2. art. 4. & 4. de inst. quest. 7. art. 1. vbi ait; quod qui nouit creditorem, cui debet, non potest se componere cum Bulla, sed cum crumena.

2. Verum mihi dicendum videtur loquendū esse cum distinctione; nam vel possessor bonorum incertorum est iustus, vel iniustus possessor; si iustus, & aliud erat obligatus ad mittendū debitum creditori, vbiūque esset, non potest vni compositione, quantumvis in mittendo prædicto debito, plus pecuniæ consumpturus esset, quam res ipsa valeret: si tamen ad mittendū debitū non erat obligatus, nec in soluendo fuit mora culpabilis ex parte illius, non tenetur mittere depositum cum expensis propriis. In casu vero, quod ipse discederet à loco, vbi rem accepit, quam creditor possidebat, tenetur illā mittere ad creditorem cum propriis expensis, nisi alias prius illum monuisset.

monuisset, vt accederet ad accipiendum debitum. Si tamen è contra creditor ipse discedat, nõ tenetur debitor rem mittere ad illum cum ptopriis expensis. Imo, si rationabiliter præsumat, quod creditor non soluet expensas factas pro mittendo debitũ illo, aut deposito, nõ tenetur mittere illud. Si vero sine culpa debitoris, creditor longe discedat, & res ad illum mitti non possit, nisi cum maioribus expensis, quam ipsa valeat, tunc locum habet cõpositio, vt docent Couar. *reg. peccatum* 3. p. 5. 1. Angl. *in sum. quest. de restit. dub.* 16. Cuius duplex ratio assignari potest. Prima, quia bona domini ita distantis, vt ea sibi restitui non possint, nec vero similiter speretur tempus opportunũ restitutionis, perinde se habent, ac si essent ignoti domini, cum ita illi, ac isti impossibile sit fieri restitutionem. Secunda, quia cum ex missione talis debiti plus documenti, quam utilitatis accrescat ipsi creditori, rationabiliter præsumitur, talem cõpositionem nõ esse contra eius voluntatem. Si autẽ debitor sit iniustus possessor, & discedat ad aliũ locũ, tenetur cum propriis expensis, mittere rem ad creditore. Si autẽ creditor discedat, & quando discessit, nõ erat secum allaturus rem sibi debitam, non tenetur debitor illam mittere ad creditore ex propriis expensis, quia debitor iniustus solum tenetur ad restitutionẽ rei iniuste acceptæ, & dani, quod inde secutum est creditori ex tali iniusta acceptione. In prædicto autem casu nulum damnum secutum est illi, cum ipse non esset secum allaturus rem illam.

3. In casu tandẽ, quo debitor iniustus non habet possibilitatem ad mittendam rem creditori, aut in missione, plures expensæ faciendæ essent, quam res valeat, propter maximam distantiam creditoris, tunc bene potest debitor vti cõpositione, vt docent Sot. *dist.* 25. q. 2. *art.* 4. n. 4. Castro *de potestate leg. p. anal.* c. 11. de qui-

bus omnibus videndi sunt Nauar. c. 17. n. 42. & 43. Sot. 4. q. 7. *art.* 1. fol. 335. Angl. *vbi supra*, Emman. *in Bulla compositionis*, §. unico, n. 3. & Acoft. q. 83.

4. Ad rationem dubitandi, respondeo quod bona, quæ nullo modo deferri possunt, nec deferenda spectantur ad dominum habetũ pro incertis, quia in ordine ad restitutionem actualẽ perinde se habent, ac si dominus esset ignotus, & incertus. Aduertere tamen oportet, quod cũ quis dubius est, inter duos, quisnam illorum fuerit ab eo defraudatus, tunc non dicitur dominus totaliter incertus, & sic non habet locum cõpositio, vt optime notauit Emman. *in Bulla compos.* §. unico, n. 9. ex Sot. quem refert, sed facienda est vtrique tunc restitutio, vel hæredibus eorum.

#### DVBIVM VII.

*Quinam sint casus, in quibus valeat cõpositio circa redditus Ecclesiasticos.*

1. **R**espondeo hanc cõpositionem locum habere in tribus casibus. Primus est, si non recitauit saltem post transactos sex menses à consequutione beneficii, vt statuerat Cõcil. Lateranen. sub Leone X. *sess.* 6. §. *statuimus*. Ibi enim habetur, quod qui, secluso legitimo impedimento, non recitat horas canonicas transactis sex mensibus post obtentum beneficium, non facit fructus suos, sed teneret illos restituere Ecclesiæ, potest tamen talis se componere. Vt autem se componat, vltra duos argenteos, quos dedit pro expeditione Bullæ, debet alios duos dare pro fabrica Ecclesiæ, vbi est tale beneficium. Ita habetur in primo casu Bullæ Compositionis, & tradunt Emman. *vbi supra*, n. 14. & Henricq. *lib.* 7. c. 36. n. 1. pro quo refert Pium V. in proprio Motu Nau. c. 25. n. 122. & de oratione *notab.* 21. à n. 58. Mepoch. *de arbit.* lib. 2. cas. 429. n. 11. Siman. *in cashok. instit.* c. 19.

R R r 3 Rebuff.

Rebuff. de Privileg. Scholar. §. 100. Med. lib. 1. sum. c. 14. §. 11. Ludou. Lopez 2. p. c. 95. Nau. lib. 2. de rest. c. 2. n. 137. 185. & n. 196.

2. Modus autem restitutionem faciendi, quando non recitant, debet esse iuxta motum proprium Pij V. quem refert Nau. c. 25. vbi supra, itavt si omittat Matutina, debeat restituere medietatem fructuum, qui p̄o rata illis diebus respondent, & similiter, si relinquat reliquas omnes horas: si autem alteram illatum duntaxat, debet restituere sextam partem fructuū illi diei respondentium. Ex quo aperte constat, omnino reiiciendam esse sententiam Soti Hb. 1. de iustit. q. 6. art. 7. asserentis, quod si quis, paucis diebus, vt per triduum, non recitaret, ad nullam teneretur restitutionem. Hoc enim est aperte contra Concilij Lateranensis decretum; postea quantum ad hoc à Pio V. confirmatum. Vnde non possum non valde mirari, quodd Sotum secuti fuerint Cord. lib. 1. q. 40. dub. 2. & cas. 136. & Angl. q. de restit. facien. propter negligentiam Ecclesie, art. 1. vt refert Emman. vbi supra, num. 15.

3. Secundus deinde casus, in quo habet locum compositio circa redditus ecclesiasticos, est, quando quis non acquisiuit canonicè tale beneficium, sed per simoniam. E. g. si à principio illud obtinuit, postea verò nouit, non habere iustum titulum: tunc enim talis, licet teneatur relinquere beneficium, & fructus mala fide perceptos restituere, vt docet D. Thom. 2. 2. q. 100. art. 6. ad 3. potest tamē per hanc Bullā se componere, quia licet Papa non dispenset cum illo, vt sine iusto titulo retineat beneficium, atque adeo de nouo debeat fieri collatio per Papam, eximit tamen illum ab obligatione restituendi fructus male perceptos, mediante Bulla compositionis. Ita docent Henriq. lib. 7. c. 36. §. 2. & Emman. vbi supra, num. 16.

4. Tertius casus, in quo licita est com-

positio de redditibus ecclesiasticis, est, quando quis, licet optimo titulo reciperet beneficium, potest esse tamen excommunicatus, & talis, dum est negligens in petenda absolutione, non facit fructus suos, vt habetur cap. Pastoralis, de appell. §. fin. vbi gloss. & Nau. c. 25. n. 124. Cou. 3. variat. c. 13. n. 8. & ratio est, quia beneficium datur propter officium, excommunicatus autem non potest illud exercere, nec ministrare, & ideo non facit fructus suos: potest tamen se componere circa tales fructus. Verum tamē est, quod si suspensus, vel excommunicatus indigeat pro sustentatione sua familiarit, iuxta qualitatem suam prædictis fructibus, non opus habet compositione, vt tradit Nauar. vbi supra, n. 124. & c. 17. n. 94. quē refert, & sequitur Emman. vbi supra n. 17. qui etiam bene aduertit, quod si quis tantum sit suspensus, aut excommunicatus in foro exteriori, & non coram Deo, non priuatur suis fructibus. Ille autē, qui in beneficium fuisset intrusus, & multos fructus percepisset, si nolit vti Bulla compositionis, debet obtinere Breue perinde valere, vt docet Rebuff. in prax. de gratia: Perinde valere, & sic consolidat titulum cum fructibus, ac si principio titulus fuisset legitimus, de quo videndi sunt Nauar. cap. 27. n. 194. §. 6. & Henriq. vbi supra. vbi agunt de remedio, quo utitur intrusus.

5. Atque his tribus casibus potest addi quartus, præcedenti valde per similibus, nimirum, quando quis recipit beneficium absque intentione assumendi ordinem necessarium tali beneficio: nam talis, donec habeat dictum propositum, tenetur ad restitutionem fructuum, vt constat ex cap. commissi, de elect. in 6. & iniuste habet locum compositio huius Bullæ. Nec obstat, si obiciās, hūc casum non numerari in Bulla, alios verò sic, quia sufficit, quodd non prohibeatur, & quodd

quoddam sit eadem ratio de illo, ac de aliis. Nam, ut patet ex verbis ipsius Bullæ, Pontifex dicit, quoddam possit fieri compositio extra casus in Bulla expressos, in quibus eadem videtur ratio militate iuxta arbitrium prudentis Confessarii. Circa hoc tamen genus compositionis aduertunt quidam recentiores, nullum esse dubium, an liceat, vel non liceat, quia in his Papæ non est dispensator, sed dominus: nam licet secundum ius commune, videatur illos fructus esse distribuendos in fabricam Ecclesiæ, vel in pauperes, ex antiqua tamen consuetudine applicatur Fisco, seu Cameræ Apostolicæ in usus ipsius Papæ, & sic nemini facit iniuriam, indulgendo compositionem pro talibus bonis.

DVBIVM VIII.

*Quinam sint casus, in quibus non liceat compositio circa redditus ecclesiasticos.*

1. **R**espondeo duos esse. Primus est, quando quis Canonicus, non assistendo in choro, accipit distributiones quotidianas Ecclesiæ cathedralis, vel collegialis, tunc non licet pro illis compositio, ut tradunt Henriquez *ubi supra*, §. 3. & Emmanuel *ubi supra* n. 16. quia tales distributiones non dantur fabricæ, aut pauperibus, sed distribuuntur inter reliquos Canonicos assistentes divinis officiis, ut constat ex c. 1. de Cler. non resid. lib. 6. & tradunt Nauar. c. 25. n. 123. Emmanuel *ubi supra* n. 16. & sic augentur quasi per ius accrescendi portionibus illorum; unde, cum in hoc casu sint certi creditores, nempe Canonici assistentes, non habet tunc locum prædicta compositio. Quod idem dicendum videtur cum Emmanuel *ubi supra*, & Henriquez cum in aliqua Ecclesia viget constitutio, ut fructus male percepti sint destinati ad certa opera pia, tunc etiam,

cum certus sit creditor, non licet compositio. Et similiter ex Concilio Tridentino, sess. 25. c. 8. ad fin. non habet locum compositio in fructibus hospitalis male perceptis.

2. Secundus casus, in quo non est licita compositio, est, quando quis non residet in proprio beneficio, in quo tenetur residere: tunc enim talis non facit fructus suos, & tenetur ad restitutionem, ut habetur cap. conquere, de Cler. non resid. & ex Trid. sess. 6. de reformatione c. 1. & sess. 21. cap. 1. & sess. 23. c. 1. §. si quis autem, quod etiam vsque adeo comprehendit Episcopos, ut licet eis detur facultas ad non residendum per duos, aut ad summum tres menses intra annum, id tamen est cum hac conditione, quod ad id iusta adsit causa. Quare non possunt pro libito, illis duobus, vel tribus mensibus non residere, nec si adsit iusta causa illud tempus prolongare sine licentia Papæ, vel Metropolitanæ, vel alterius antiquioris Episcopi, vel loco illius substituuntis. In casu igitur, quod beneficiatus, vel Episcopus non resideat, non potest componi super illos fructus, quos male percepit, ut patet ex Trid. sess. 22. cap. 1. ubi prohibet quamcunque compositionem circa fructus sic male perceptos. Ita Nauar. c. 25. n. 121. & Emmanuel *ubi supra* n. 18. & Henriquez *supra* relatus cum citatis ab ipso.

3. His addi potest tertius casus, in quo non cadit compositio, quando quis percipit fructus ex duobus beneficiis incompatibilibus: Iste enim eo ipso, quod accepit duo beneficia incompatibilia, perdit primum eorum per text. in c. de multis, de Preb. & simul secundum per extrau. ex-  
crabitur, cod. tit. de quo Nauar. c. 25. n. 115. §. 6. Dueñas reg. 71. Betnar. Dias in pract. c. 42. Sylu. benef. 4. §. 6. Artil. §. 44. Ludon. Lop. 2. p. c. 104. & talis non potest uti beneficio compositionis, ut testatur Commissarius Cructatæ, qui de hoc consultus, respondit, se non habere facultatem

cultatem ad componendū. in fructibus ex beneficiis incompatilibus perceptis; quod sanè in eo videtur fundari, quod non residēs non potest componi, ut supra ostensum est ex Trid. sess. 23. c. 1. qui autem habet duo beneficia incompatibilia, censetur non residere in altero, & ideo iure priuatur beneficio compositionis.

## DUBIUM IX.

*• Vtrum possit licitè concedi compositio pro medietate legatorum, prout concedit Pontifex in hac Bulla?*

1. PRO intelligentia huius dubij, supponere oportet, in hac Bulla concedi facultatem ad faciendam compositionē super medietatem legatorum, quæ propter malè ablata, sunt facta, si legatarij per annū in exequutione fuerint negligentes, ut habetur in originali latino. Vnde, si quis, ob leuamē suæ conscientiæ, quod hispanè dicitur, *para descargav su consciencia*, legauit Hospitali, vel particulari pauperi ducentos aureos: si talis persona fuerit negligens per annum in exequutione illorum, potest hæres defuncti componi super centum, soluendo duodecim, vel tredecim argenteos, licet certus sit legatarius. Hoc autem debet intelligi in legatis, quæ non excedant quantitatem ceterum mille dipondiorum, quod hispanè dicitur, *cien mil maravedis*. nam si excedant, ad Commissarium generalem debet fieri recursus, ut faciat prædictam compositionem, quam declarationem dicit Garnica super Bullam compositionis missam fuisse sibi à Commissario generali Bullæ, cum illam typis mandare curabat, ut refert Emman. ubi supra, num. 19.

2. His suppositis, videbitur fortasse cuiuspiam, non posse Papam prædictam

compositionē facere. Primò, quia tunc est certus legatarius. atque adeo est certus dominus bonorum illorū; nam hoc ipso, quod hæres adit hæreditatē, transfertur dominium rei legatæ in legatarium, & debetur illi ex iustitia legatum, ut constat ex l. à triuo. ff. quemadmodum seruientes amittantur. Ergo iniuste cum illo agitur, auferendo illi per emptionē medietatem sui legati.

3. Secundò, quia ut minimum legatarius habet tunc ius ad illud legatum, quia illud acceptauerat, ut suppono, quamuis hoc non esset necessariū, quoniam publica potestas supplet consensum legatarij, & nōmine illius acceptat. Ergo absque iniuria legatarij, nō potest Papa facere prædictam compositionem. Nec valere dicere, quòd hæres per illum animum, quo legatarius fuit negligens, præscribit; tū quia possessor malæ fidei nullo tempore præscribit: tum quia si præscriberet medietatem legati, etiam totum, quia non est maior ratio de præscriptione partis, quam totius.

4. Vtrum his non obstantibus, respondendo dicendum, Papam validè, & licitè efficere possè prædictam compositionem super medietatem legatorum, quæ quis in leuamen suæ conscientiæ reliquit. Ita docent. Henricq. lib. 7. c. 37. §. 3. & Emman. ubi supra. & Garn. ab utroque relatus super I. compositionis, & multi DD. relati ab Heuriq. lib. 7. q. 33. in fin. lit. M. & ratione probatur.

5. Primò, quia Summus Pōtifex habet potestatem commutandi legata facta in pios vsus, in alia pia opera, ut constat ex clement. contingit. de relig. domib. Ergo potest medietatem legati, imò & totum legatū, quod quis pro exoneratione suæ conscientiæ reliquit Ecclesiæ, hospitali, vel pauperi, expèdere in aliud pium opus, maxime publicum, quale est subsidium belli, pro quo expeditur hæc Bulla.

6. Secundò, quia in omni donatione Ecclesiæ



Ecclesiæ facta intelligitur, excepta auctoritate Papæ, vt tradit Couar. 3. var. resol. c. 6. n. 2. Ant. Gabr. tom. 1. ad fin. ver. *legatum*, quia Papa, vt caput Ecclesiæ, potest vnicuique membro Ecclesiæ applicare quod ad alterū pertinebat, iuxta necessitatē vtriusque membri, & sic in præsentī concedit prædictam compositionem ob maius bonum, scilicet expeditionem Bullæ pro communi Ecclesiæ defensione.

7. Terribè probatur, quia illa bona, quorum exonerationem intendit testator, sunt incerta, quia eorū domini ignorant, & horum administratio potius pertinet ad Papam, quam ad testatorem, qui illa iniuste detinebat. Ergo Papa potest liberè ea applicare cuicunque operi pio. Nec iuuat id esse verū, nisi testator præueniat Papam in distributione illorum; tum quia hic nō præuenitur Papa, quia facultas hæc solum se extendit ad legata, quæ fuerint facta post publicationem Bullæ, & nō ad alia: quod ex eo patet, quia postea in frequenti casu datur specialiter facultas ad legata antea facta: Ergo in nostro casu non extenditur ad illa, & consequenter non præuenit testator ipsum Pontificem, sed è contra; Tum quia admissio, quod illum præueniret, semper tamen manet saluum ius, & auctoritas Papæ, quā habet ad commutanda pia legata ex iusta causa in alia pia, quæ magis expediunt, vt supra ostendimus ex clement. contingit. de relig. domib. vt docet Henric. lib. 7. cap. 37. §. 2. glossa refert se ad plures doctores à se citatos eod. lib. c. 33. in fin. lit. M.

8. Sed quares, quid dicendū sit de legatis factis ante publicationē, vel tempore ipsius publicationis? Respondeo, quod in Bulla dicitur fieri etiam posse de illis compositionem, quod intelligitur non solum in partē, sed in totum; cum legatarius sit incertus, de quo bene Henric. ubi supra in fin. & Emman. supr. §. 10.

9. Ad primum respondeo, verū esse, quod in legatūm antequam acceptet legatum, transfertur dominium, non reale, hoc est per legem adiunctum, in quo valde differt à principalī hæredē, in quem non transfertur dominium, antequam adeat hæreditatem, quod satis rationi consentaneū est, quia hæres tenetur ad res alienū, & non semper est lucrosa hæreditas, & sic debet prius sua voluntate illam acceptare: legatum vero semper est vtile, & ideo ad translationem dominij civilis ipsius rei legatæ, non opus est expectare consensum legatarij. Ad argumētum ergo, negatur consequētia, quia licet legatarius à die mortis testatoris, absque alia acceptatione acquirat ius civile legati, vt docet Couar. & Reynald. §. 1. n. 1. de testam. non tamen acquirit perfectum ius, sed reuocabile à Papa ex iusta causa ob annualem negligentiam legatarij. Nec mirum videri debet, quod Papā hac pœna prædictam negligentiam puniat, cum etiam qui simul est legatarius, & testamentarius, & tamen per annum à die monitionis per Iudicem, sit negligens implere testamentum, in pœnam negligentia priuatur illo speciali legato, & applicetur pro anima defuncti, vt tradunt Perez leg. 4. tract. 2. lib. 5. ordinamenti, pag. 141. Anton. Gabr. tom. 1. ad fin. ver. testamentum; Sylu. testamentum 2. §. 6. Nau. lib. 3. de testam. c. 4. n. 166.

10. Ad secundum, bene impugnatur solutio ibi data. Quare, vel respondeo ex dictis in præcedenti solutione: vel dicendum, quod cum bonorum illorum dispensatio pertineat per se ad Papam, quæcunque illorum distributio à testatore fiat, censenda est conditionalis, si Papa non dissentiat, quia vt supra ostendimus, in huiusmodi pijs legatis semper excipitur auctoritas Papæ.

## DVBIUM X.

*An locum habeat Compositio circa bona, quæ Iudex accipit, ut iniustam sententiam ferat?*

1. **T**Ota ratio dubitandi desumitur ex eo, quod, ut docet Nau. c. 17. num. 3. ubi id latissime probat, Iudex non tenetur ad restitutionem eius, quod ex mutuo contractu turpi accepit: Ergo non opus habet compositione aliqua. Antecedens præter Nau. docent. D. Anton. 2. p. c. 5. in princ. Ang. rest. 2. §. 3. Moynald. ver. restitutio. & etiam probatur ratione.

2. Primò, quia, quando turpitudine tenet se ex utraque parte, bona sic habita non debent restitui danti, nec pauperibus, aut alteri personæ determinatæ: Ergo nulli sunt de necessitate restituenda. Antecedens patet quoad primam eius partem, quia dans, voluntariè dedit, & alienauit à se illa bona: Ergo non debet sibi restitui. Et præterea, quia in foro exteriori non datur sibi restitutio talium bonorum, ut patet ex l. ubi autem, & l. idem si ob stuprum. ff. de cōditione ob turpem, & c. Quod autem hæc non debeat restitui pauperibus de necessitate, patet, quia illi nullum habent ius, aut titulum ad talia bona, & deinde, quia leges probantes tales contractus turpes, non præcipiunt restitutionem fieri alicui determinatæ personæ, sed solum præcipiunt, ut tales contractus habeantur pro infectis, atque ideo si ex vi talium legum nasceretur aliqua obligatio restituendi, maxime, ut restitutio fieret ei, qui dedit, quia sic contractus maneret quasi infectus, restitutis rebus ad pristinum statum, quæ habebant ante contractum. Sed constat ex eisdem legibus, quod bona hæc non debent restitui danti, cum potius illis denegetur repetitio,

ut modo dicebamus: Ergo istæ leges non intendunt inducere obligationem restituendi ante repetitionem iuridicam.

3. Secundò, quia voluntas domini non impedita per legem, sufficit transferre dominium in eum, qui non sit inhabilis ad illud acquirendum, sed nulla est lex humana, vel diuina, per quæ turpiter accipiens reddatur inhabilis ad acquirendum dominium eius, quod turpiter ei datur: Ergo si alter voluntariè dedit, verè qui accepit, acquisiuit dominium illius, nec tenetur restituere. Consequentia cum maiori est nota, & minor probatur, quia leges, quæ loquuntur de hac re, solum probant, quod ex turpi pacto nulla nascatur obligatio, & quod non datur actio ad petendum ea, quæ turpiter promissa sunt, vel ad repetendum ea, quæ turpiter data fuerunt. Ex quibus omnibus nulla est consequentia, quòd si res acquisita fuerit ex turpi pacto, non possit licitè retineri, quando non repetitur in iudicio. Quare leges, quæ irritant prædictos contractus, solum illos annullant ad hunc finem, ut ex illis non detur actio, nec oriatur obligatio, non tamen, ut impediatur translatio dominij. Quod adhuc clarius patebit, si attendamus, quòd bona hæc turpiter acquisita solent repeti à Fisco, & illi applicati secundum communem statum, ut constat ex l. nono de iure. C. de pena Iudic. & l. 24. tit. 22. p. 3. & l. 52. tit. 14. p. 5. quæ autem ad Fiscum pertinent, non erant restitutioni obnoxia, nisi per modum pænæ post Iudicis sententiam: Ergo ante hanc, non debent prædicta bona restitui, & consequenter translatum erat eorum dominium.

4. Tertiò, quia data, & accepta ob turpem actum meretricibus, non sunt obnoxia restitutioni, & tamen turpitudine versatur ex parte vtriusque: Ergo idem erit in omnibus turpiter acquisitis.

EX

ex voluntate dantis, exceptis simoniace acceptis, quia ad horum restitutionem obligat Summus Pontifex in *cap. de hoc autem, de simon.* Imò, & Christus Dominus *Matth. 10.* nam vendens res spirituales, vendit quod non est suum, & agit contra voluntatem domini illarum, dicens: *Quod gratis accepistis, gratis date.* Vnde recte Caiet. 2. 2. q. 100. art. 6. Sylu. verb. *simonia*, q. 20. Viator. *relekt. de simon. n. 4.* Sot. *lib. 9. de iust. q. 8. art. 1. ad 6.* & Adrian. *quodlib. 9.* dixerunt, simoniacum, non solum iure humano; sed naturali, & diuino teneri ad restitutionem Ecclesie, vel pauperibus faciendam.

5. Connuncimus igitur, non teneri ad restitutionem Iudicem, qui ob malam sententiam pecuniam accepit. Scio quosdam DD. & præcipuè recentiores dicere, prædictas rationes non procedere in bonis à Iudice acceptis ob iniustam sententiam ferendam, quia D. Aug. *epist. 54. ad Macedo.* & refertur 14. q. 5. *cap. non sane*, ubi ait: *Iniquum esse vendere iudicia, aut testimonium iusta, multo vero sceleratius esse, pecuniam accipere pro iudicio, vel testimonio iniusto.* Vnde in *cap. ab omni, de vit. & honest. cleric.* dicitur, venales sententias omni iure reprobatae esse, & in *cap. statutum, §. si quid, de rescriptis* in 6. dicitur, quod Iudex, vel Notarius accipiens aliquid ultra salaria, tenetur ad integram restitutionem. Et ratio videtur aperta, quia cum Iudices habeant salaria constituta legibus publicis, tanquam prætia suorum laborum, quidquid ultra accipiunt, iniuste accipiunt. Vnde, sicut qui vendit frumentum carius, quam lege sit taxatum, tenetur restituere illum excessum, ita Iudices accipientes aliquid, ultra salarium constitutum, tenentur illud restituere, si illud accipiant ex pacto, & per modum pretij. Hæc (inquam) non obstat, quia nonnulla ex præcitatis iuribus, loquuntur de consilio, non de præcepto. Illud

verò *cap. statutum, de rescriptis* in 6. quod vitur verbo inducente obligationem, potius videtur statuere pœnam, quam implere præceptum. Nec obstat, quòd *lib. 2. ordinamenti, tit. 9. lib. 2. & tit. 14. lib. 40. & tit. 11. lib. 30.* statuitur, quòd Iudices, Tabelliones, & similes officiales publici, accipientes munera quæcunque à litigantibus, teneantur in foro conscientie restituere in quadruplo, quantumcumque acceptio fuerit occultata. Et insuper dicunt, quòd debent intrare, cum ipsis traditur officium, se ipsos ita seruatores. Istæ enim leges iam sunt abrogatæ, ut affirmant multi viri docti, & potest colligi ex eo, quod in *nona recopilatione legum, lib. 2. tit. 3. lib. 16. & lib. 3. tit. 9. lib. 5.* quamuis grauiet prohibeatur hæc acceptio munerum sub certis pœnis, non tamen additur illud de restitutione facienda in foro conscientie.

6. Ad illud verò de Iudicibus, respondendo, peccare in ea acceptance, non tamen ad restitutionem teneri, nec exemplum de frumento aliquid valet, quia emens illud, non dat voluntariè illum excessum, sed coactè, sicut qui reddit vsuras; & ideo uterque ad restitutionem tenetur: dans vero Iudici aliquid, ut iniustam sententiam ferat, voluntariè dat, & non inuitus, nec ad redimendam vexationem, & ideo non tenetur ad restitutionem, cum aliàs à nulla lege sibi præcipiatur. Adde, quòd Iudex non accipit salarium publicum pro iniuste iudicando: ergo cum accipit pretium in hæc finem, non accipit pro eo, ad quod aliàs tenebatur; & ideo non manet obnoxius restitutioni, sed de hoc alibi latius.

7. Et hæc dicta sufficiunt ad ostendendum, Iudicem non teneri ad restitutionem eorum, quæ accepit pro ferenda iniusta sententia, quando voluntarie sibi data sunt, quam sententiam existimo veram, & consequenter iuxta illam, dicendum

dum est, opus non esse de prædictis bonis sic turpiter acceptis, facere aliquam compositionem, quia qui huic probabili sententiæ adhæserit, tutus manet in conscientia, nihil prorsus restituendo. Non tamen propterea existimanda est superuacanea prædicta concessio Pontificis, qua concedit fieri posse compositionem pro prædictis bonis, quia licet hæc opinio sit probabilis, opposita tamen est sine dubio securior, & sic ad maiorem securitatem concedit Summus Pontifex prædictam compositionem.

8. Supponit ergo Pontifex in hac facultate, quod debet fieri restitutio parti læsæ, de damnis ex tali iniusta sententia secutis, & concedit compositionem quantum ad pretium duntaxat, quod iudex recipit à parte ob iniustam sententiam. Nam licet nostra, & Nauar. sententia supra relata sit probabilis, opposita tamē, quæ obligat iudicem ad restitutionem in prædicto casu est communis DD. Ita D. Thom. 2. 2. q. 32. art. 7. ad 2. Palud. in 4. dist. 15. art. 5. Adrian. 4. de restitutione. q. spec. de extorsione per concuss. & in aliis sequentibus. Med. C. de restitutione. quæst. 2. cap. 2. & quæst. 10. & 18. Tabien. verb. restitutione. quæst. 14. & 15. Soc. lib. 4. de iust. quæst. 7. art. 1. ad 2. Ledesin. 1. part. quæst. 18. art. 5. ad 2. Couar. reg. peccatum, par. 2. §. 2. per tot. Cord. lib. 1. quæst. 32. & alij multi. Et stando in hac sententia proprie habet locum compositio, in qua nulla sit iniuria turpiter danti; nam licet Sorus ubi supra, minus bene dicat, restitutionem faciendam esse illi; communis tamen DD. quos nuper retuli, tenet faciendam esse pauperibus, quia in penam sic turpiter dantis pecuniam iudici, merito priuatur illa, ut dicit Couar. reg. peccatum, 3. p. §. 1. n. 3. sicut eadem ratione lex exterior negat in tali casu actionem; & repetitionem, de quo bene Cord. supra relatus, & Con. ubi supra, 2. p. §. 3. Atque hæc, quæ hactenus diximus in hoc du-

bio, intelligenda sunt de teste, de quo loquitur septimus casus Bullæ: qui enim accipit pecuniam pro falso testimonio reddendo, satisfacta parte læsa, potest se componere pro pretio, quod tulit pro falso testimonio.

## DUBIUM XI.

*An locum habeat compositio huius Bullæ circa bona accepta, pro ferenda iusta sententia.*

1. PRO intelligentia huius difficultatis, supponere oportet, ne in equiuoco laboremus, dupliciter posse contingere, quod quis tribuat iudici pecuniam, vel quidpiam aliud pro ferenda iusta sententia. Primo modo, existimans se teneri ad illud dandū. Secundo modo, videns nullam ad id habere obligationem. Si primo modo contingat, locum non habet compositio, ut bene aduertit Emman. in Bull. compos. n. 26. quia tunc qui dedit, non habuit intentionem, & voluntatem determinatam dandi absolute, sed ex falsa suppositione, quod ad id dandum tenebatur, & consequenter non vult dare, sed adimplere id, ad quod falsè existimat se teneri; si verò secundo modo contingat, locum habet compositio hæc.

2. Hoc supposito, præcipua ratio dubitandi in præsentī difficultate est, quod iudex teneatur restituere quidquid accipit à litigantibus pro administranda iustitia, quia tunc accipit pretiū pro eo, quod non est pretio æstimabile: scilicet pro veritate, & iustitia, quæ vedit, & ad quam alias ex officio tenebatur: ergo non habet locū compositio, aliàs fieret manifesta iniuria danti, cui debet fieri restitutio, ut docent Sylu. & Couar. supra relati, quia cū dederit pro eo, quod alias sibi debebatur, iniustus censetur dedisse, nisi aliū de constet, quod dederit gratis. Vnde taliter danti competit in foro exteriori repeti.

repetitio, vt notat Glof. in c. non sane 14. q. 5. & aperte definitur l. fin. tit. 2. p. 3. & l. 5. tit. 14. p. 5. vbi late de hoc Greg. Lop.

3. Verum, iis non obstantibus, refpondeo cum diftinctione, quod fi liti- gans det Iudici tale pretium, vt pronun- ciet fententiam in fuum fanorem, fiue iuftitiam habeat, fiue non, & contingat quod iuftitiā habeat, reuera Iudex tecipit illud pro adminiftratione iuftitiæ, & tenetur ad id reftituendum pauperi- bus, vt docent D. Anton. 2. p. tit. 2. c. 2. §. 1. & Palud. 4. diff. 15. q. 3. ar. 5. in fin. nā in tali cafu priuatur dans ob turpitudinem à iure illo pretio, & tunc locum habet compofitio, quia poteft tunc Papa id al- teri applicare, & auferre ab illo in pœnā fuæ turpitudinis. Si autē turpitudi- neat fe folum ex parte Iudicis, quia fci- licet litigans præbet pretium Iudici ad redimendam fuam vexationem, quia timet, quod fi Iudicem muneribus non præueniat, non feruabit illi iuftitiam, quod licitum eft, vt docent D. Anton. 2. p. tit. 2. c. 5. §. 1. Cord. lib. 1. q. 32. diff. 1. pro quarta opinione, tunc non habet locum compofitio, fed danti, fi perfona eft certa, debet fieri refitutio, quia alias illi irrogaretur iniuria.

4. Alij vero aliter refolouūt hanc dif- ficultatē, dicunt enim quod quando quis dar pecuniam pro adminiftranda iuftitia, vel alia re, fiue turpiter, fiue li- cite det, fi caufa propter quam dat, eft fequuta, & adimpleta, non debet refitui danti, fed pauperibus, & confequenter habet locum compofitio. Ita Med. de ref- fit. q. 2. & 43. c. 16. Cord. lib. 1. q. 32. difto 5. pro 4. opinio. Couar. 2. p. §. 2. n. 7. cir. fin. Si vero talis caufa non fuxit fubfecu- ra, tenetur refituere parti, nifi lex id prohibeat, & tunc non habet locum compofitio hæc.

5. Aduertere tamen oportet, hanc cō- pofitionem, quam in feptimo cafu con- cedit Pontifex, non habere locum in

caufis fpiritualibus, quia ibi folum dicitur. *Que fe puedan componer en caufas temporales los Iueces ecclefiasticos.* Iudices enim ecclefiastici fæpe iudicant de cau- fis temporalibus: vt de compellendo de- bitore ad foluendum creditori, aut de puniendo delinquentē, & de caufis etiā fpiritualibus, vt fi ageretur de caufa or- dinis, aut de collatione beneficij. In iis ergo, & fimilibus non admittat Ponti- fex compofitionem, & iure quidē, quia facere pactum de danda pecunia Iudici ecclefiastico, vt feruet iuftitiam in caufa fpirituali, eft contra ipfum ius, vt cōftat ex glof. c. credentes 1. q. 3. quam dicit me- morabilem Nau. de datis, & promiff. not. 9. n. 14. quia cum res eft fpiritualis, eius venditio eft fimonia, & hoc valde ad- uertere debent confeffarij, vt cum opus fit remedio huius compofitionis, fcient difcernere inter caufas temporales, & fpirituales. Et per hæc fatis patet ad ra- tionem dubitandi. Refpondeo enim ex diftinctione fumpta.

## D V B I V M XII.

*Utrum Aduocari, Scribe, Tabelliones, & alij Miniſtri iuſtitia indi- geant compoſitione, quando, vt ſua officia exerceant, recipiunt aliquid à parte.*

1. **R**atio dubitandi eft, quia iſti, licet peccent contra iuſtitiam, turpi- ter accipiendo, eft tamen probabile, quod non tenentur ad refitutionem, & confequenter opus non habent compo- ſitione. Verum, quia res eft dubia, & oppoſitam tenent aliquo cum D. An- ton. 2. p. tit. 2. c. 2. §. 1. & Sor. 4. de iuſt. q. 7. ar. 1. Ideo Summus Pontifex in caſu ſexto cōcedit compoſitionem, vt magis ſecuri maneāt in confcientia. Et eadem ratione in caſu decimotertio eiufdem Bullæ cōceditur compoſitio mulieri-

bus, non publicè fornicantibus respectu lucri ob turpem actum sui corporis. Itæ enim secundum communem DD. sententiam, quam sequuntur Archidiacon. Anton. Syluest. & alij, quos refert, & sequitur Couar. *regul. peccatum, 2. part. §. 2. num. 3.* Nauar. *cap. 12. num. 34.* nihil restituere tenentur. Tamen, quia multi Theologi, & Iurisperiti contrarium docent, conceditur compositio ad tollendam omnem dubitationem.

2. Eadem ratione, vtiliter conceditur compositio Scribis, & Aduocatis, & aliis similibus, qui amplius receperunt, præter taxationem legum ob sua munera exercenda: tales enim leges non sunt purè pœnales, sed velut quædam directiones, quæ obligant in conscientia ante condemnationem, & tenentur restituere parti, vt docet Medi. *de restitut. q. 31. & 36.* Nau. *cap. 13. num. 83. vsque ad 86.* Castro *lib. 2. de leg. pœnal. cap. 12.* Sot. *lib. 6. de iustit. quest. 2. artic. 3.* Cord. *in summ. quest. 78.* Quia tamen hoc non admittitur ab omnibus, & vt minimum, res est dubia, cõuenienter cõcedit Pontifex pro illis compositionem, quando, exquisitis veris dominis, non inueniuntur. Videte Emman. *vbi supra, num. 28.*

3. Pro eo autè casu, qui nonus est in Bulla, pro quo conceditur compositio, nempe quando quis iniuste rogat Iudicem, vt reum legitimè captum absoluat, & pro ea rogatione pecuniam accepit, minus necesse est compositione, quia verè in eo casu, nihil tenetur ille restituere, cum munus illud, quod exercet in adeundo, & rogando Iudicem, sit pretio æstimabile; quare ille tenebitur satisfacere parti, siquam læsionem ei fecit, pecuniam tamen acceptam retinere poterit, est tamèn securus, vt se componat, & ideo veliret etiam in eo casu concedit Summus Pontifex prædictam compositionem.

## DV BIVM XIII.

*Verum in bonis per ludum male acquisitis habeat locum Compositio?*

**R**espondeo, locum habere, vt patet ex dd. verbis ipsius Bullæ casu 10. vbi dicitur. *Item se puden componer de lo que por fuego oueren obligados à restituir à pobres.* Pro cuius intelligentia supponere oportet, fuisse sententiam quorundam Doctorum cum Palud. 4. *dist. 15. quest. 3. art. 5.* asserentium, quod quando quis in ludo prohibito per leges, luctatus est, tenetur id pauperibus restituere, quod falsum esse probant Sot. 4. *de iust. quest. 5. art. 2.* Couar. *regula peccatum, 2. part. §. 4.* & similiter quidam Doctores cum Syluestro *vers. Ludus, quest. 11.* & Nauar. *cap. 19. num. 5.* dicunt, cum, qui lucratur à clerico de bonis beneficiorum, teneri ad restitutionem, quia existimant, clericos non esse dominos suorum beneficiorum. Sed hoc falsum est, neque id refellere est huius loci, cum abs re sit, materiam de ludo hoc loco inferere, vt fecit Emman. *vbi supra à num. 10. vsque ad 46.* vbi septem & decem statuit conclusiones de ludo, quarum nonnullæ suo loco examinandæ sunt. In opinione igitur horum Doctorum locum habet primo hæc compositio; in mea tamè sententia non opus est compositione in prædictis casibus, quia existimo illos ad nullam restitutionem teneri, conceditur tamen compositio à Pontifice ad maiorem securitatem.

2. Habet secundò locum hæc Compositio in casu, quo quis aliquid lucratur ab eo, qui manifestè est imperitior illo in ludendo; licet enim tunc imperitior sciens excessum sui contrarij, voluntariè & sua sponte velit cū illo ludere, atque adeo videatur ipso facto renunciare suo iuri, & consequenter nonnulli dicant

cum

cum Med. vt refert Emman. *ubi supra* n. 38. quod lucrans ad nullam restitutionem teneretur, quia volenti, & cōsentienti nulla fit iniuria: tamen Alcocer *de ludo*. n. 19. ait, quod si ille expressis verbis nō renunciat, dicens illi, lude; ego enim dono tibi quidquid propter excessum, quē habes, à me lucratus fueris, tenetur lucrans ad restitutionē, nam aleator, qui hispanē dicitur *tabur*, prae nimia ludendi auaritia cæcus omnino est ad videndum nimium excessum contrarij, & de nullo præsumi potest, quod velit sponte amittere sua, & licet opposita sententia mihi multò probabilior sit, vt docent Nau. *sum. c. 19. num. 18.* & Ludou. *Lop. in sum. p. 2. c. 35.* res tamē est dubia, & tunc consulendum est pœnietni pro maiori securitate, vt utatur remedio huius compositionis.

3. Terriò, habet locū hæc compositio, quando quis lucratur ab eo, quem graui metu, vel alia simili coactione induxit ad ludēdum: tunc enim, quia plerumque est dubium, an verba, per quæ illū compulsi ad ludēdum, ita efficaciter fuerint ad cogendum illū, vt ille alter non omnino liberē ludat, aut cessare possit à ludo. Tunc enim est optimum cōsiliū vti beneficio huius compositionis.

4. Quartò, tandem habet locum hæc compositio, quando ratione fraudis, aliquid est acquisitum in ludo, aut cū quis ludire cum illis, qui non erant sui iuris, vt pupillis, filiisfamilias, & alijs, quod intelligitur, quando verus dominus non cōparer. Vnde, si quis luderet cū Religioso, cuius tamen personā, & Conuentum postea ignoraret, posset pro sic acquisitis in ludendo vti hac compositione, scilicet tamen si sciat personā, aut Conuentum, quia tūc tenetur ad restitutionem, etiā si aliās Religiosus haberet facultatem ad expendendū in alijs rebus eā pecuniā, quam amisit, vel etiā ad eam alteri donandā, quia Prælati concedens facultatem ad expendendum centū ar-

gentes in donationibus, aut alijs rebus honestis, nulla ratione censetur dare facultatem ad consumendos illos in ludo, vt benè notauit Emm. *ubi supra*, & docent in terminis Alcocer. *de ludo. c. 12.* & 14. Med. *in sum. fol. 113.* Lud. *Lop. in sum. p. 2. c. 33.* Habet igitur locum prædicta compositio generaliter loquendo, quoties ex acquisitis in ludo, aliquid ex iustitia debet restitui, & nescitur dominus, aut quoties probabile est teneri ad restitutionem.

5. Demū quoties aliquid de iure restituendū est, & ignoratur personā, quibus talis restitutio fieri debet, habet locum dicta compositio. Obserua autē primò, in iis casibus, quibus tenetur aliquis ad restitutionē eorū, quæ ludo acquisiuit, teneri etiam eum, qui ludi, vel fraudis cōmissæ causæ exitit. Hinc insert Nau. *sum. c. 20. n. 15.* eum, qui huiusmodi lusoribus subministrat domum, mēsam, candelas, aut alia ad ludum necessaria, mortaliter peccare *arg. error. 83. diff. teneri etiam ad restitutionem* tradit Rod. *hic num. 46.*

6. Obserua secūddò, in memoratis casibus teneri eū, qui lucratus est, restituere ante condemnationem. Hinc, qui ludo acquisierūt aliquid à personis, quæ non poterant rem alienare, cuiusmodi sunt filiusfamilias incio patre, vel vxor incio marito ex bonis eiusdē mariti, vel seruus incio domino, vel Monachus, aut furiosus, & eiusmodi alijs, tenentur quidē ad restitutionem ante condēnationē; & e cōtra, si isti lucrētur, tenentur similiter restituere, sicut enim non possūt perdere, sic nec lucrari. Ita Tolet. *sum. lib. 5. cap. 27. n. 4.* & tenet Rod. n. 35. vbi hanc posteriorem partem probat ex Soto *lib. 4. de iust. q. 5. art. 2.* Cast. *lib. 2. de leg. pœn. c. 2. n. 260.* & Alcoc. *de ludo. 16.* limitat tamen, nisi is, cui licebat ludere, præsciuit eum, cum quo ludebat, esse incapacem alienandi; tunc enim talis incapax non tenetur reddere, quæ ludo acquisi-

acquirit, quia volenti, & consentienti non fit iniuria; filio aut familias, & aliis supra relatis, quamvis interdicta sit alienatio, non tamen receptio eorum, quæ eisdem sponte consignantur, ita Angl. in 4. *quæst. de restit. ubi de ludo, dub. 1.* quem sequitur Rodr. ibidem.

## DUBIUM XIV.

*An locum habeat compositio in bonis per fictionem acquisitis; nec non in damnis ex venatione factis.*

1. **R**espondeo affirmatiue; habet enim locum primò, quando quis fingens se habere, & esse, quod non est, acquirit aliquid, ac si reuera haberet illud, quod fingebat. Vt quando quis ob simulatam sanctitatem acquirit officium, vel beneficium, quia probabile est, illum teneri ad restitutionem eorum, quæ sic acquisiuit, vt docet Alenf. 4. p. *quæst. 36. memb. 3.* Altissiodor. lib. 4. c. de restit. Adrian. in *mater. de restitutione*, fol. 149. Verum tamen est, oppositum esse probabilius, teste Sor. *quæst. de inst. quæst. 7. art. 3. ad 4.* & Angl. *verb. restitutio. §. 80.* quia tales dignitates dantur absolute, & sine conditione, datur tamen compositio ratione dubij.

2. Secundò habet locum compositio, cum quis fingens se esse pauperem, aliqua bona est consecutus, de quibus ait Bulla, quod possunt componi, si tamen ignoretur verus dominus, cui erat facienda restitutio. In quo casu, non dubito; quin teneantur tales pauperes ficti ad restitutionem, vt docent Caiet. *ver. restitutio in fin. c. 2. 2. q. 187. art. 5.* Med. de restit. q. 24. ad 5. Sylu. restit. 3. §. 10. Adrian. & Angel. *ubi supra*, nec non Rodr. in Bulla, n. 50. & probat Nau. cõtra Sotum cap. 17. n. 207. quia nemini debet fraus patrocinari. Scio contrarium docere Sotum loco citato, Angel. *ver. restit.*

*§. 8. Medi. lib. 1. cap. 14. §. 35.* Nau. *apolog. de reddit. quæst. 1. monit. 34. c. 2. monit. 2 §. n. 1. & alios, quos refert, & sequitur Henric. dicens ex sententia horum Doctorum, quod si quis diues paupertatem simulans à multis accepit tennes elemosinas, non tenetur restituere. Sed reuera eadem est ratio de elemosyna tenui, & magna, quantum attinet ad obligationem restituendi, de quo alibi est dissetendum. Ita Rod. in Bulla, n. 49. & Villalob. n. 31. Tales tamen pauperes ficti non tenentur restituere dantibus, sed pauperibus, vt tenent præcitati Doctores, quia dantes iam à se abstulerunt dominium illorum bonorum abicientes illa in pauperes. Nec obstat, quod dicitur in Bulla, illa restituenda esse dantibus, quia forte illa verba addidit Commissarius secutus Sotum, qui dicit, quod si isti tenerentur ad restitutionem, illa esset facienda dantibus, & non pauperibus.*

3. Cæterum, varij, & multiplices sunt modi, quibus in venatione damnum inferri potest dominis, de quibus videndi sunt Sotus 4. de *Iustitia, q. 5. art. 4.* Cord. *sum. cas. 121.* Med. de *restitutione, q. 12.* Henric. lib. 7. c. 36. §. 7. Emman. *ubi supra, n. 52.* & late DD. in materia de restitutione. Pro nunc satis sit in vniuersali dicere, quod quando aliquis quocunque istorum modorum damnum intulit, & domini ignorantur, locum habet hæc compositio. Et idem dicendum est de damno illato segetibus, quod cùstos sinit gregem pascere segetes, aut vineas. Idem etiam de tabernariis, & aliis similibus negociarioribus, qui vini mensutam decurant, aut lymphatum vinum pro mero vendunt: In iis enim, & similibus casibus locum habet hæc compositio. Et ad hæc reducuntur alij casus eiusdem Bullæ, quos consulo omisi, quia vel nullam habent difficultatem, vel ex supra dictis satis constat eorum resolutio.



## DUBIVM XV.

*Verum quid teneatur sub mortali red-  
dere res inuentas, quas vocant,  
Mostrencos: aut alia bona incer-  
ta, Ordini Sanctæ Mariæ de Mer-  
cede, aut Sanctissimæ Trinitatis.*

1. **D**E hac difficultate nihil differunt Doctores: non tamen desunt moderni quidam, quos ego consului, negatiuam partam tenentes, quorum sententia probari potest.

2. Primò, quia inuentor alicuius rei, facta sufficienti inquisitione veri domini, vel hæredum illius, si ille non inuenitur, potest licitè rem illam detinere, & consumere. ergo neutri illorum Ordinum tenetur ea in conscientia reddere. Consequentia est nota, & antecedens docent Sylu. *verb. inuentum* q. 1. Nauar. c. 17. num. 170. Sot. 5. *de inst.* q. 3. art. 3. Med. *in sum.* fol. 168. Ledes. 2. p. 41. q. 1. art. 5. fol. 266. Aragon. 2. 1. q. 62. art. 5. fol. 258. Mercado c. 5. *vers. de los hallazgos*, Ludou. Lop. p. 2. c. 1. & latè Sarmento in 6. *selektar.* c. 10. quem ex professo sequitur Nau. *lib. 4. c. 2. n. 75.* & probatur, tum ex doctrina Diui Thomæ 2. 2. q. 6. art. 5. ad 2. ubi ait, quòd si res sit iam pro derelicta, & hoc credat inuentor, non committit furtum, licèt sibi retineat; sed sic est, quòd res innēta, cuius dominus penitus ignoratur, & aliæ, quæ dicuntur Hispanè *Mostrenco*, habentur pro derelictis, vel quasi; ergo retinens sibi illas, facta sufficienti inquisitione, non committit furtum. Tū, quia in eo casu, cum res illa censeatur deserta, & absque villo domino (nam proinde se habet, moraliter loquendo, habere dominum ignotum, ac nullum) consequens est, talem rem censendam esse reduci ad pristinum statum, antequam ab aliquo occuparetur, atque aded.

sit iuregentium primò occupantis; non minus, quàm thesaurus inuentus in mineralibus, licèt reuera habeat dominum: nam, vt habet regula Iuristarum, quæ in nullius bonis sunt, primò occupantis sunt. Tum quia res inuenta non debetur iure naturæ pauperibus, vt multi perperam contendunt; aliàs compositio, quam concedit Papa circa res inuentas, esset contra ius naturæ, quod tamen dicere, est absurdum, & periculosum.

3. Nec obstat dicere cum aliis, quòd debet illas restituere non iure naturali, sed positiuo, tam regali, quàm Pontificio: nam leges Regni infrà citandæ, quæ prohibent huiusmodi retentionem, intelligendæ sunt in foro exteriori, & post condemnationem iudicis, vt adnotat Nau. *ubi suprà*. Canones etiam loquuntur de rebus inuentis, quarum domini sciri possunt, & non sit diligens eorum inquisitio: tunc enim verum est illud, quod ex D. Augustino, & D. Hieronymo refertur *e. si quod, & cap. multis.* 14. q. 5. Si quid inuenisti, & non reddidisti, rapuisti. & illud, Peccatum rapinæ simile est, si quis inuenta non reddat.

4. Nec obstat similiter dicere, quòd iam talia bona debentur Ordini Sanctæ Mariæ de Mercede, vel sanctissimæ Trinitatis ex speciali concessione Pontificum, & Regum. nam Pontifex non transfert in prædictos Ordines aliud ius, quàm id, quod Reges Hispaniæ habebant ad prædicta bona. Illo autem iure non obstat est probabile, iuxta prædictorum Doctorum sententiam, quòd qui occultè aliquid tenet ex huiusmodi inuētis, non tenetur restituere Regi ante condemnationis sententiam. ergo neque etiam ante talem condemnationem tenebitur id restituere alicui prædictorum Ordinum. Et eadem ratione censuræ, quas eorum Fratres publicant ad compellendam restitutionem huius-

T T t modi.

modi bonorum incertorum, non obligabunt quousque quis condemnatur, vel ei proberetur, retinere tali bona, quod ita dicendum esse docet Enriq. *lib. 7. c. 36. §. 5.* ubi ait, quod inuentor illorum, si occultus sit, potest ille expendere de consilio Episcopi, aut de illis se componere tuta conscientia, ex quo aperte colligitur, illum non teneri ad respondendum prædictis censuris.

Secundò, quia, si qua ratione, & titulo deberent restitui illa bona Fratribus prædictorum Ordinum, maximè propter concessionem Pontificum, qui per literas Apostolicas eis applicauerunt prædicta bona, vel propter concessionem Regum illis factam: non ratione huius, quia ex concessione Regis non amplius illis debetur, quàm Regi debebatur: Regi autem nemo tenetur præsentare rem inuentam, cuius dominum non inuenit, sed potest tuta conscientia sibi reservare, cum antequam petatur, non teneatur eam reddere; sicut non tenetur, iuxta probabilem aliquorum opinionem, reddere gabellam, nisi petatur, quod Hispanè dicitur *Alcauala*: nec reddere tributum pro transvectione mercium vnius Regni in aliud, nisi petatur, ut docet Nauar. *c. 23. n. 60. Sylu. gabella 3. §. 8. num. 21. Angel. Pedagogium. §. 1. & vestigal. §. 6. Socin. reg. 208. verb. Gabella. Caiet. ver. vestigal. Parlad. lib. rer. quotidian. c. 3. num. 13. Med. 1. 2. q. 96. art. 6.* ergo nec tenebitur illud dare alicui prædictorum Ordinum. Quod autem nec ad id teneatur, propter concessionem Pontificum, patet, tum quia Summus Pontifex in ea concessione non confirmat illis aliud ius, quàm quod Rex transfert in illos, ergo si regale privilegium non obligat ad restitutionem, ita ut ratione illius teneretur quis restituere Regi rem inuentam, quam occultè retinet; neque etiam Apostolicum indultum ad id obligabit. Tum quia Pa-

pa in ea concessione nihil eis donat. Nam cum Rex Hispaniæ sit dominus prædictorum, & eiusdè rei repugnet esse duplicem dominum in solidum, consequens sit, Papam non esse dominum eorum, immò nec dispensatorem, cum dispensatio apud eorundem dominum resideat. Quare Pontificum concessio in hac parte solum est confirmatio, seu, ut proprius dicam, approbatio regaliu privilegiorum antea illis concessorum.

5. Tertiò, quia Summus Pontifex concedit in Bulla compositionis facultatem ut quis possit se componere circa bona quoquomodo inuenta, quorum domini ignorantur, ut patet ex verbis eiusdè Bullæ, dū ait: *De qualesquier cosas malganadas, o malaxidas, o mal ad queridas, tomadas, o balladas.* ergo nullus tenetur restituere talia bona alicui prædictorum Ordinum, sed poterit accipere Bullam, & gaudere beneficio compositionis, aliàs si sub mortali teneretur illis facere restitutionem, nemo posset licitè gaudere prædicta Bulla in finem compositionis talium bonorum, & consequenter privilegium compositionis esset nullum, immò & turpe, cum nemo posset eo uti absque peccato iniustitiæ.

6. Quartò, quia ut minimum vniuscuique se potest conformare opinioni probabili; sed est probabile, non teneri inuentorem prædictorum bonorum ea restituere Fratribus præfatorum Ordinum, ergo tuta conscientia potest id omittere; immò & ea sibi retinere post factam diligentem inquisitionem veri domini, & hæredum illius. Consequentia cum maiori est nota; & minor probatur primò, quia hæc opinio habet pro se non infirmas rationes, ut constat ex supradictis. Habet etiam graues DD. nam illam docet Henricq. *lib. 7. c. 36. §. 7.* dum ait, detentorem tuta conscientia posse prædicta bona expendere in alia opera pia, aut de illis se componere. Tenit

nuit etiam illam D. Martin. Societatis Iesv, antiquissimus sacre Theologie Lector, 2.2. q. 66. art. 5. dub. 3. ubi hanc statuit conclusionem. Attendenda sunt leges particulares nostri Regni, quæ quantum ad res *Mofrenca*, id est, sensibiles, non concedunt facultatem, ut statim inueniri possit eas sibi appropriare, sed debet prius per 14. menses facere certas diligentias, ut patet ex l. 1. tit. 12. lib. 6. *ordinamenti adiuncta* l. 2. tit. 23. lib. 4. *fori regalis*. At verò, quantum ad alias res inuentas, scilicet inanimatas, vniuersaliter est vera secunda opinio, asserens inuentorem posse in conscientia appropriare sibi res inuentas, facta sufficienti diligentia, ut dominus earum inueniri possit; nec in hoc est aliquis scrupulus. Hæc ille. Ergo hæc sententia est probabilis, cum ad probabilitatem nihil aliud desiderari possit, quam rationum congruentia, & Doctorum auctoritas.

7. Verum his non obstantibus, respondeo dicendum, inuentorem prædictorum bonorum incertorum, non solum sensibilem, quæ *Mofrenca* vocantur, sed etiam inanimatorum, teneri de facto sub mortali ea reddere alteri ex prædictis Ordinibus sanctæ Mariæ de Mercede, vel sanctissimæ Trinitatis. Pro hac sententia nullum inuenio Doctorem, non quia omnes contrariam reneant, sed quia nullus, quem ego viderim, eam tangit, excepto Henr. q. ubi *supra*, qui non nihil de ea loquitur; sed probatur.

8. Primò, quia Reges transtulerunt in prædictos Ordines totum ius, quod ex legibus civilibus habebant ad prædicta bona, ut constat ex eorum priuilegiis. & specialiter ex concessis Ordinibus sanctæ Mariæ de Mercede ab Henrico II. ubi non solum concedit illis bona sensibilia, quæ dicuntur *Mofrenca*; sed quæ Hispanè dicuntur *muebles*, y

*raíces*, dummodo eorum domini non inueniantur. quod priuilegium confirmarunt non solum sequentes Reges vsque ad Philippum II. qui illud confirmauit Pincie anno 1559. die 18. Maij, sed & Pontifices etiam, Leo X. Sixtus IV. Martinus IV. & Nicolaus V. Sixtus V. & Gregorius XIII. Anno 1582. teste Henr. q. ubi *supra*, & patet ex literis Apostolicis, quas nos perlegimus, & apud prædictos Patres habentur: sed hæc donatio facta est illis in bonum publicum redemptionis captiuorum. Ergo non potest licite inuentor retinere sibi talia bona, aliàs defraudaret in re graui. & notabili prædictam redemptionem captiuorum.

9. Nec obstat, si dicas, nullam fraudem ibi committi, quia si res est occulta, non teneretur illam tradere, quousque petatur. hoc (inquam) non obstat, quia eam publicè petunt prædicti Fratres per grauissimas censuras, quas ad id publicare faciunt. Illud autem, quod *supra* dicit Henr. nimirum, quod non teneretur quis reddere rem inuentam, nisi vno teste probetur eam retinere, gratis, & absque vlla ratione dicitur; nec aliquo iure civili, aut canonico fulcitur: nam communis DD. sententia obligat sub mortali reddere gabellam, saltem si petatur; nec vllus vnquam dixit, opus esse, ad inducendam prædictam obligationem, id probare vno teste. Ergo similiter in proposito.

10. Secundò, quia sub grauissimis censuris iubentur inuentores prædictorum bonorum ea restituere alicui prædictorum Ordinum. Est enim inter illos locus præuentioni, sicut solet esse in causa mixti fori. Ergo obligatoris restitutio sub mortali. Anecedens patet ex Paulinis, quas prædicti Fratres obtinēt à Nuncio Apostolico Hispaniæ, quarum alteram ego perlegi, datam à D. Camillo Caietano Patriarcha Alexandri-

no, & Nuncio Apostolico, & Delegato à latere, vbi excommunicat excommunicatione maiori latæ sententiæ omnes occultantes prædicta bona, non solum inuenta, sed incerta, & quoquo modo pertinentia ad redemptionem captiuorum, si intra nouem dies ab eius publicatione non manifestauerint illa. Nec potest apparenter dici, non obligare prædictas censuras, nisi post iudicis sententiam, aut postquam fuerit ei probatum, retinere prædicta bona: nam ibi excommunicantur occultantes illa; occultatio autem præcedit tam probationem, quam sententiam condemnationis; & licet prædicta excommunicatio iniusta esset, quod absque temeritate dici non potest, tamen id non constat; & sententia iudicis iusta, vel iniusta timenda est. Ergo nullus tuta conscientia potest non respondere prædictis Paulinis.

11. Tertiò, quia reliqua bona, quæ prædictis Ordinibus, ad effectum redemptionis debentur iure, iuxta priuilegia Apostolica, & regalia, inuiolatè seruantur. Vnde semper in testamentis mos est Tabellionum dicere: *Item mando à la Merced y Trinidad, para ayuda de la Redempcion de cautiuos, tantos maravedis, & septimas Hispania*, quæ dicuntur consuetæ obligatoriæ, & ordinariè sunt triginta quinque dipondia; ex quibus, vt tradit Henric. vbi supra, decem dantur Mercedi, quindecim Trinitati, quinque Ecclesiæ maiori, & alia quinque Petro Antonio, aut Lazaro. Et prædictis etiam fratribus adiudicator quintæ pars bonorum morientis ab intestato absque hæredè intra quartum gradum; deducto tamen eo quod pro anima datur. Bona etiam naufragorū, quæ reperiūtur in mari, seu flumine, absque certo domino, & alia similia, obseruantur. Ergo similiter obseruare debent priuilegia adiudicantia

illis prædicta bona. Patet consequentia à simili: nam si Rex illa bona inuenta, quæ ad se iure ciuili pertinebant, alicui conduxisset, vnusquisque deberet ea restituere tali conductori, quod Hispanè dicitur *Mostrenos*, aliàs defraudaret illum bonis ad se pertinentibus. Ergo tenetur modò illa tradere alicui prædictorum Ordinum, eum illis fuerint adiudicata per Regem.

12. Quartò, quia cum Rex, totum ius, quod in ea bona habebat, donauit prædictis Ordinibus, consequens est, eandem obligationem habere modò inuentorem respectu prædictorum Ordinum, quam habebat respectu Regis: sed talis tenebatur in conscientia rem inuentam, seculsa alia probatione, aut iudicis sententiâ, præsentare Regi, aut eius ministro. Ergo etiam modò tenetur illam in conscientia reddere prædictis Fratribus, ante aliquam probationem, aut iudicis sententiam. Maior cum consequentia est nota, & minor probatur. Primò, quia ita præcipitur *lib. 6. recopilacionis, titulo 13. lib. 6. & 7. vbi habentur hæc verba, y mandamos, que el mismo dia, que fuere ballada, lo notifique el que la hallare ante el escrivano del Consejo del dicho lugar*. Ecce legem humanam directiuam, & per verbum, *precipimus*; quam sub mortali obligare tenet communis DD. contra Nauarr. cap. 23. num. 55. 64. & 65. & ita etiam docent Castro 1. de leg. pœna. cap. 9. citans pro se Caiet. Sylu. & Ang. verb. *Inobediencia, in fin. Dried. de libertate Christiana cap. 2. part. 3. Sot. 1. de iustit. q. 6. art. 5. Adrian. quolib. 6. Ledesm. 2. part. 4. q. 17. art. 1. Couar. reg. Peccatum, 2. part. §. 4. & 5. Caiet. 2. 2. q. 169. art. 2. ad 2. Victor. ibidem, & D. Thom. 1. 2. q. 87. art. 7. & q. 108. art. 4. & tandem communis Doctorum resolutio est, quòd quantum ad prædicta bona seruandæ sunt in conscientia*

scientia leges Regni, quæ de hoc disponunt, & applicant, vt notarunt Medi. in sum. fol. 168. & Court. reg. Peccatum p. 3. §. 1. num. 5. pro quo affert l. r. tit. 12. lib. 6. Ordinamenti, & l. 2. tit. 13. lib. 4. fori.

15. Vltimò, quia non est verisimile, prædictos Patres, aliàs doctos, & religiosos, velle per censuras extorquere huiusmodi res inuentas, si aliàs ex iustitia eis non deberentur ante sententiam iudicis, nec auderent id prædicare, diuulgantes sub excommunicatione laicæ sententiæ teneri huiusmodi rerum inuentotes, eas illis præsentare. Hoc enim esset illaquare conscientias, illi autem ad inquirendum vetum illius rei dominum, faciunt rem voce præconis publicè proclamari, & si dominus compareat, reddunt illam ei, deductis expensis, si quæ factæ sunt in custodienda re. Quòd si diligenter quæsitus dominus intra annum, & diem non compareat, applicatur in redemptionem captiuorum. Ad hæc autem bona colligenda habent prædicti Monachi in oppidis sacularem quendam, quem vocant Fratrem, & Syndicum quibusdam priuilegiis gaudentem, cui incumbit *Moffrenca*, & alia inuenta retinere in deposito, & colligere legata, aut quæ voto, vel alia ratione mandata sunt in redemptionem captiuorum.

14. Ad primum, quicquid sit de illa opinione, cuius tamen contraria est communis Doctorum sententia cum D. Thoma 2. 2. q. 66. art. 5. ad 2. Palud. in 4. d. 15. q. 2. Ricard. ibi. art. 5. q. 7. Sylu. ver. inuentum q. 1. dicto 1. & 2. Ang. q. vltima. D. Anton. 2. p. sit. 10. c. 15. §. 2. Caiet. in sum. ver. furtu, ad fin. & in d. q. 66. art. 5. ad 2. Court. reg. peccatum. 3. p. §. 1. num. 1. Nauar. c. 17. num. 171. Mercad. tract. de restit. c. 15. vers. el quinto. 2. p. q. de restit. difficul. 16. qui omnes asserunt, prædicta bona esse sub mortali restituenda pauperibus. Ex qua comuni DD. sen-

tentia elici potest satis firma ratio pro nostra opinione. Nam Papa, vt vniuersalis administrator bonorum, quæ sunt obnoxia conscientia, applicat prædicta bona inuenta redemptioni captiuorum, qui sunt valde pauperes; ergo tenetur eorum inuentor sub mortali, ea applicare in hunc finem.

15. Ad argumētum ergo respondeo, quòd esto illa opinio esset vera, stando in solo iure naturali, tamen stando in iure Pontificio, & regali præcipiente illa dari prædictis Fratribus, non possunt eorum inuentores sibi retinere, aut in alios pios vsus Ecclesiæ ea expendere; neque hoc est aduersari iuri naturali, quin potius ratio naturalis dicat, vt, Papa illa applicante in vsus boni communis, quod secundum rectam rationem præferendum est particulari, nemo adquirat ius ad ea, præter illum, cui facta est applicatio.

16. Ad reliqua verò, quæ contra obligationem faciendi restitutionem prædictis Ordinibus, obijciuntur, satis patet ex probatione secundæ nostræ sententiæ, vbi ostensum est, prædictas leges obligare sub mortali ad præsentandum statim inuenta, de quo latius in materia de legibus.

17. Ad secundum respondeo, quòd quamuis nihil donaret Pontifex, sed solum confirmaret donata à Regibus; sola donatio Regum esset titulus sufficiens, vt prædicta bona eis deberentur, antequam peterentur: nec est eadem ratio de gabella, vel alcabala, quia de hac nulla lex extat, quæ præcipiat illam dare, antequam petatur; secus verò de huiusmodi bonis, quorum inuentores obligant leges Regni supra allatæ, ad præsentandum statim bona sic inuenta iudici, aut scribæ.

18. Ad tertium, quod vehementer vrget, respondeo,

Primò, Bullam Compositionis non

T T t 3 velle

velle, Pontifices circa inuenta habere locum in locis, vbi fieri potest restitutio prædictis Fratribus, aliàs inane prorsus esset priuilegium eorundem Põtificum concedentium illa bona prædictis Fratribus in redemptionem captiuorum: quia quisque poterit dicere, se nolle aliquid restituere, sed se componere, vt sic magnam partem rei inuentæ sibi serineat. Habet tamẽ locum prædicta compositio circa inuenta in multis partibus Regnorum Philippi, in quibus non sunt prædicti Fratres, & ex quibus talia bona ad eos transmitti non possunt.

Secundò breuius, & fortè meliùs, rẽspõdeo in Bulla solum concedi compositionem circa inuenta, dummodo nõ apparuerit, ad quem illa pertineant, aut cui legitime restitui possint. Ex quo fit, quod cum talia bona iam ex iure Pontificio, & regali pertineant ad alterum prædictorum Ordinum, qui potuerit commodè illis ea restituere, non poterit se componere; secus verò, si talis restitutio fieri non possit illis, quia sunt multum distantes; tunc enim locum habebit beneficium Compositionis.

19. Ad quartum, & vltimum, negatur minor, quia in rebus moralibus non debet censi aliquid practicè probabile, quod vno Doctore, vel altero fulcitur, maxime cum communis Doctorum sententia est in contrarium. & ita contingit hĩc, vt adnotauimus in solutione ad 1. vide ibi.

## DUBIUM XVI.

*An Bulla Compositionis suffragetur etiam illi, qui ingentem pecunia summam à diuersis accepit in stipendium pro Missis celebrandis.*

1. **R**atio dubitandi est, primò, quia siue Missæ huiusmodi celebrandæ sint pro viuis, siue pro defunctis, eue-

nire potest quod sint incogniti, & consequenter incerti ij, pro quibus sacrificium Missæ applicandum est: virtute autem dictæ Bullæ conceditur facultas compositionem faciendi de bonis incertis.

2. Secundò, quia valor Missæ est infiniti valoris, vt tenent DD. infrà citandi: igitur vnico Missæ sacrificio potest quis pro multis stipendiis satisfacere; & consequenter poterit à fortiori quis virtute Bullæ se componere de stipendiis acceptis.

3. Tertiò, quia multi DD. statim allegandi censent posse Sacerdotem pro vna Missa tot stipendia accipere, quot ad eius diurnam sustentationem sufficiant, imò sentiunt aliqui posse etiam accipere ad emendos aliquos liberos iuxta sui professionem necessarios. Addunt alij posse insuper accipere id, quod pro honesta patris, ac matris suæ sustentatione præcisè requirit agnouerint, dum tali necessitate premuntur, vt non nisi mendicando sustentari queant; sicut enim Sacerdotem mendicare non decet, ita nec illius parentes, quos potius tenetur Sacerdos domi suæ habere, & de necessariis ad victum providere. Ita Nugnus in 3. p. sem. 1. q. 83. ars. 1. dub. 10. concl. 4. & Orellana apud Vegam, sum. tom. 2. c. 41. casu 1. hinc autem constat celebratione vnus Missæ posse pro pluribus stipendiis satisfacere: ac subinde facilius idem poterit virtute Bullæ.

4. Præposita difficultas petit celebrem illam, & satis controuersam questionem, num fructus sacrificij Missæ sit infinitus. Pro cuius explicatione

5. Nota primò triplicem considerari Missæ fructum, iuxta doctrinam Scoti quolib. 20. ars. 2. & 3. nempe generalem, specialem, & medium. Ita etiam Adrian. quolib. 8. ars. 3. Gabr. in can. Missa lect. 26. & 27. Sot. de inst. lib. 9. q. 2. ars. 2. Couar. cap. Alma mater. p. 1. §. 5. mm. 5. Med. Cod.

*Cod. de orat. tra. 7. 6. q. 10. Nauarr. in cap. quando, de consecr. disp. 1. notab. 20. n. 81. Cord. in quest. lib. 1. q. 3. notab. 3. & communiter omnes. Generalis est, quem Ecclesia intendit per Sacerdotem applicari Papæ, Imperatori, Episcopo, & cæteris Christi fidelibus, atque aded nequit Sacerdos fructum istum sibi tantum alterive, etiam stipendium pro Missa eroganti applicare, cum ex communi Ecclesiæ lege sit omnibus debitus, sed de hoc agendum erit *infra dub. 3. appendici. Specialis est, quo solus Sacerdos, ut priuata persona gaudet, dum celebrat, ita ut nec Missam pro stipendio petenti teneatur ipse iure aliquo eum applicare; tum quia fructus iste proprius, & personalis est. Tum quia si Sacerdos in mortali celebret, nullum inde percipit fructum; obligationi tamen satisfacere posse tenet communis DD. Medius autem est is, qui Sacerdoti committitur applicandus illis, pro quibus factum celebrat, & offert; satisque deducitur ex usu Ecclesiæ, quæ pro viuus, & defunctis, pro salute, & itinere, ac aliis eiusmodi, Missas instituit. Vnde cum applicatio ista non sit specialis, id est, pro Sacerdote celebrante, ut constat, nec generalis, alioquin enim frustra ab Ecclesia essent peculiares Missarum applicationes institutæ, consequenter medius fructus dicendus est; & valet tum ad ea, quæ homo ex merito cogit sibi, vel aliis mereri potest; tum ad poenarum satisfactionem pro peccatis. Ita ex Cord. ubi *suprà*, tenet Arag. de inst. q. 8. de sacrif. art. 3.**

6. Secundò nota Missæ sacrificium esse meritum, satisfactorium, & impetratorium.

Est in primis meritum, quia iustis viatoribus gratiæ augmentum obtinet, dum specialia Dei auxilia illis impetrat, quibus ipsi bona opera præstant, ac subinde maiorem gratiam con-

sequuntur. Fateor itaque sacrificium Missæ non conferre alicui immediatè gratiam iustificantem, eiúsve augmentum. est ferè communis, & tradit Suar. *tom. 3. in 3. p. disp. 79. sect. 4.* quippe non videtur decere, ut aliquis, præsertim rationis compos, iustificetur, aut crescat in gratia, non solum absque vlllo omnino suo actu, sed etiam absque vllius Sacramenti susceptione, per meram, & solam extrinsecam sacrificij applicationem. tum quia de hoc non videtur posse vlla ratione affirmari, quòd post hanc vitam recipiet prout gessit in corpore suo. tum quia aliis, qui vix vnquam aliquid boni egisset, posset alios, qui in vinea Domini multum insudassent, sanctitate, & gloria superare, si multa sacra pro eo celebrarentur, quod est valde absurdum. Missæ igitur sacrificium dicitur meritum, quia gratiæ augmentum obtinet mediantibus gratis præuenientibus, ut dictum est.

7. Est etiam satisfactorium; operatur namque in viris iustis remissionem poenæ temporalis, quæ restat post remissionem iam culpam. est ferè communis DD. & probatur, quia cum huiusmodi effectus non requirat actualem dispositionem in suscipiente, aptissimus videtur, ut per causam merè extrinsecam alicui conferatur.

Denique est impetratorium, valet enim ad quævis beneficia mediare, vel immediatè impetranda, quæ ratione aliqua ad salutem animæ promerendam spectant. Ita Coninch. q. 83. art. 1. *dub. 3. num. 142.* & constat ex eo, quia oratio ad hæc impetranda est quidem efficacissima: sacrificium autem est orationis genus præstantissimum, quod nobis eo etiam sine Christo Dominus instituit; ut per gratissimæ illius hostiæ oblationem, & sacrificij cruenti representationem facilius omnia à Deo impetremus.

8. Tertiò nota ex Suar. *tom. 3. in 3. p. disp.*

p. diff. 79. sect. 11. ante 1. conclus. distinguendum esse in hoc sacrificio valorem operis ab effectu: valor enim significat dignitatem moralem, quam oblatio habet, ut ipsa sufficere queat ad meritum, satisfactionem, vel impetrationem, si iuxta diuinam ordinationem ad aliquid horum referatur: effectus autem est id quod de facto datur, dariue potest ob talem oblationem, iuxta Christi institutionem; hic enim agimus de effectu ex opere operato. Atque huiusmodi effectus dupliciter potest esse infinitus, intensiue nimirum, ut si alicui remittatur poena infinita, aut conferatur infinita gratia; vel extensiue, ut si infinitis hominibus singulis poena finita remittatur. Rursus effectus iste utroque modo consideratus dupliciter potest adhuc dici infinitus.

Primo quasi in actu primo, ita videlicet, ut hoc sacrificium quantum est ex parte sua, & Christi institutione, habeat sufficientem vim ad producendum eiusmodi effectus, si sufficienter applicaretur.

Secundo, quasi in actu secundo, ita scilicet ut de facto producat aliquando effectum infinitum, & hunc secundum sensum nemo vnquam intendit, nec intendere potest, nisi forsitan dicat, per sacrificium istud remitti mediate peccatum mortale, & poenam æternam, quatenus contritionis gratiam impetrat, ut tradit Diu. Thom. in 4. diff. 12. cap. 2. art. 2. Neque de hoc est præsens disputatio, sed de primo sensu, ac præsertim de effectu extensiue infinito. Hæc namque controuersia à DD. agitur, ut inquirant, verum sacrificium istud tanti sit valoris, ut æquè proferat, si pro pluribus offeratur, ac si pro vno duntaxat; & consequenter an is, qui à pluribus accepit stipendium, ut pro singulis Missam celebret, satisfaciatur semel pro omnibus celebrando.

9. Circa hanc difficultatem sunt duæ opiniones inter se valde oppositæ.

Prima affirmat hunc effectum esse infinitum intensiue, & consequenter sacrificium Missæ pro multis oblatum, tantum valere singulis, ac si pro vno duntaxat applicaretur. Ita Caiet. 3. p. q. 79. art. 5. & opus. tom. 2. tract. 3. q. 2. Sylu. verb. Missa 1. q. 9. Angel. cod. tit. q. 52. Armilla ibidem num. 33. Viquer. in institut. theol. cap. 16. §. 2. Canus lib. 12. de lectu, cap. 13. ad 10. Cordub. lib. 1. q. 3. opin. 5. conclus. 2. & 3. Petr. de Soto lect. 7. de Euchar. Petr. Nauaz. lib. 2. de reſſi. c. 2. num. 268. Ludon. Bejapart. 1. respons. casu 22. Arag. de iust. q. 85. art. 3. Valquez tom. 3. in 3. p. diff. 230. cap. 3. & alij, quos refert Suar. q. 79. sect. 11. & inclinatur D. Thom. 3. p. q. 76. art. 5. apud Nauaz. sum. cap. 25. num. 94. Ducuntur primò, quia sacrificium istud est infinitum ex parte rei oblatæ, ac similiter ex parte offerentis principalis, qui est Christus. Neque obstat quòd Sacerdos offerens sit persona finita, non enim offert in sua, sed in Christi persona, atque ideo eius sacrificium reputatur infiniti valoris, sicut sacrificium, ut insinuat Chryſost. homil. 2. super 2. ad Timoth. Secundo, quia sacrificium Missæ est infinitum in reſſentando, & continendo virtutem passionis Christi, ideòque æſtimatur veluti organum continens in se totam sacrificij Crucis virtutem, ut habetur ex Conc. Trid. sess. 22. cap. 1.

10. Secunda opinio negat sacrificium istud habere valorem, seu effectum infinitum intensiue; ac proinde cum pro multis offertur, non tantum valere singulis, ac si pro vno solùm offerretur. Ita D. Thom. in 4. diff. 45. q. 2. art. 4. quaſi in fine. 3. ad 2. D. Bonau. ibid. art. 2. q. 3. ad ult. Richard. art. 2. q. 3. Palud. q. 2. Major. etiam q. 2. Dur. q. 3. Scot. quolibet. 20. art. 1. & 3. Adrian. quolibet. 8. art. 3. Gabr. in can. lect. 26. & 27. Sotus. lib. 9.

de



de inst. q. 2. art. 2. concl. 2. Couar. cap. Alma mater, 1. p. 5. n. 5. & seqq. Nau. man. cap. 25. n. 92. & 110. Medina tract. de oras. q. 20. Angles p. 1. flor. theol. qq. in 4. sent. q. de valore Missæ, art. 2. concl. 2. Ioannes Arborens lib. 2. Theosophia, c. 7. Ioannes Senius in concordia cap. 131. Azor. p. 2. instit. mor. lib. 10. cap. 20. q. 8. & 9. Tolet. instruct. lib. 2. cap. 8. n. 2. Valent. tom. 4. in 3. p. disp. 6. q. 11. punct. 1. sed præcipue Bellarm. tom. 2. controu. lib. 2. de Missæ, cap. 4. proposit. 4. & Suar. ubi supra sect. 12. concl. 2. cum multis aliis, quos refert Fraxinellus tract. de obligat. Sacerd. sect. 3. prenot. 4. §. 1. n. 2. Ducuntur potissimum, quia esto res oblata in hoc sacrificio sit infinita, ipsa tamē oblatio, in qua sacrificij essentia consistit, finita est, & ab offerente finito, cuiusmodi est Sacerdos: igitur si pro multis offeratur, non ita prodest singulis, ac si pro vno tantum offerretur. Sit igitur

11. Prima conclusio. Hoc sacrificium ex se, & ex natura sua, tam ratione rei oblatae, quam principalis offerentis, qui est Christus, habet valorem infinitum, ratione cuius si sufficienter applicaretur, posset esse infinite meritum, & satisfactorium; de facto tamen nullam habet vim de nouo merendi, aut satisfaciendi, sed solum impetrandi.

12. Prima pars huius conclusionis probatur ex fundamento primæ sententiæ. Nam etiam si sacrificium hoc immediate per os, & manus Sacerdotis offeratur, re vera tamen Christus est, qui per illum offert, vel actualiter, vel mysticè, seu interpretatiuè, quod in rigore satis esset ad infinitatem in genere sacrificij, saltem in ordine ad impetrationem. Cum enim Sacerdos offert hoc sacrificium, Pater æternus donum illud aspiciens, non sinit in Sacerdote, sed in illo respicit personam filij sui, quem representat; idèoque acceptat

purissimam illam oblationem, ut summe gratam, & acceptabilem sibi: igitur sub hac ratione sacrificium istud in genere sacrificij habet quandam infinitatem, non solum ex parte rei oblatae, sed etiam ex parte offerentis, non minus quam habuit sacrificium, quod Christus per se in cœna obtulit.

13. Secunda pars, id est, quod si sufficienter applicaretur, posset esse infinite meritum, & satisfactorium, probatur ex eo, quia hoc sacrificium est idem prorsus, & eiusdem dignitatis cum sacrificio cœnæ, ut recte Suar. sect. 11. dicto 1. igitur sicut sacrificium cœnæ si sufficienter fuisset applicatum pro infinitis, verbi gratia, animabus in purgatorio existentibus, omnibus, ac singulis prodesset; ita de Missæ sacrificio est etiam sentiendum. Consequentia patet, quoniam verba consecrationis à Sacerdote prolata non sunt minus efficacia ad mysterium perficiendum, quam fuere prolata à Christo; quamuis enim Sacerdos non sit realiter Christus, est tamen mysticè Christus, in cuius persona loquitur, & vera profert eadem verba, quæ Christus protulit; ergo & oblatio quatenus ab illo est, sub hac ratione est æquè digna, ac eiusdem valoris.

14. Tertia pars, id est, quod de facto hoc sacrificium nullam habet vim de nouo merendi, aut satisfaciendi, quatenus offertur in persona Christi, probatur, quia vel offertur in persona Christi, prout consideratur iam Beatus in cœlo, & sic cum Christus non sit amplius in statu merendi, aut satisfaciendi, non potest offerendo hoc sacrificium satisfacere, aut mereri: nec refert si dicat Sacerdotem esse in statu merendi; nam actio illa, ut sic considerata, non reputatur esse ipsius Sacerdotis, sed Christi. Vel secundò offertur in persona Christi, prout consideratur adhuc

V V v viuens.

viuens in tertis, (quia cùm adhuc viator hoc sacrificium instituerit, vt per Sacerdotes suo nomine offerretur, videtur offerri in persona Christi, quatenus erat adhuc viator,) & hoc modo non habebit vim merendi, aut satisfaciendi distinctum ab ea, quam habebat illa Christi institutio, siue volitio, qua sacrificium hoc instituebat. Exemplo res fiet manifesta. Nam si dominus præcipiat suo dispensatori, vt pecuniam aliquam pauperibus distribuatur, & postea in somnum incidat, vel moriatur, atque interim dispensator elemosinam erogat; per illam donationem non plus merebitur, aut satisfaciatur, quàm fuerit meritus per iussionem præcedentem. Ratio est, quia ad nouum meritum, seu satisfactionem requiritur noua libertas; per illam respectu domini non est noua libertas, imò nec noua actio, vt constat. Atque eadem est huius sacrificij ratio respectu Christi viatoris ipsum instituentis, vt docet Coninch. *quest. 83. art. 1. dub. 10. num. 180.* qui ideo verius esse existimat Sacerdotem sustinere personam Christi, non prout consideratur olim fuisse, sed prout adhuc existit; sicut in persona Christi adhuc existentis profert consecrationis formam. Et probatur, tum quia si Christus omnino esse desineret, forma esset falsa, nec Sacerdos per illam quidquam præstaret. Tum etiam, quia corpus Christi tale sub speciebus ponitur, quale est in se. Vnde merito ipse Coninch. *q. 75. art. 4. dub. 3.* tradit per hoc sacrificium non acquiri nouum nostræ redemptionis pretium, sed per Crucis sacrificium iam acquisitum tunc applicari.

15. Quarta pars, id est, quodd sacrificium istud quatenus offertur in persona Christi, habet infinitam vim impetrandi, probatur ex eo, quia res oblata,

& primarius offerens sunt infinitæ dignitatis, & Christus etiam nunc est in statu, quo potest interpellare pro nobis, & quod sibi placuerit similiter in fauorem nostrum impetrare. Hæc autem impetrandi vis dicitur, & est infinita quoad sufficientiam, non quoad efficaciam, sicut aliàs dicitur de merito & satisfactione Christi; oratio namque, vel oblatio Christi gloriosi æquè impetratiua est, ac fuit meritoria, vel satisfactoria actio Christi viatoris. Est igitur oblatio illa ex se infinitè impetratiua, esto in re nunquam impetret effectum intensiue infinitum, quia nec Christus sacrificium hoc ad talem effectum instituit, nec decuit institui. Hoc tamen intellige de impetratione immediata; mediata enim potest infinitum effectum impetrare, quatenus peccatori impetrat gratias præuenientes, quibus conuersus obtinet peccati mortalis, & pœnæ æternæ remissionem.

16. Secunda conclusio, sacrificium Missæ habet vim producendi suos effectus ex opere operato, si consideretur ex parte tam primarij offerentis, quàm Ecclesiæ, non tamen ex parte Sacerdotis, & aliorum. Pro cuius explicatione obseruare oportet in Missa esse tria offerentium genera.

Primus, & principalis offerens est Christus Dominus, qui ministerio Sacerdotum se Patri quotidie offert. Ita habetur expressè in Concil. Trid. *sess. 22. c. 2.* vbi sic ait, *Vna eademque est hostia, idem nunc offerens Sacerdotum ministerio, qui se ipsum tunc in Cruce obtulit, sola offerendi ratione diuersa.* Id etiam docet D. Thom. *3. p. q. 82. art. 7. in sol. ad 3. & q. 83. art. 1. in sol. similiter ad 3.* Sotus in *4. dist. 13. q. 2. art. 1.* & Suarez. *tom. 3. disp. 77. sect. 1.* cum multis per eum allegatis. Et probatur ex eo, quia Christus in Scriptura expressissimè vocatur *Sacerdos in æternum secundum ordinem Melchisedech.*

Non

Non potest autem sic dici per solam oblationem factam in passione sua, ut constet, & consequenter tali nomine potius insignitur, quia nunc etiam perpetuo sacrificat mediis Sacerdotibus. Vnde homilia de predicatione Iude, inquit, Cum videris Sacerdotem offerentem, ne ipsum consideres hoc facientem, sed Christi manum inuisibiliter extendam; ipsa enim est qui offert, & qui offertur.

18. Secundus offerens est tota Ecclesia Catholica, & Apostolica, quæ tanquam communitas quædam, & fidelium congregatio illam immaculatam victimam, Christum Dominum, Deo Patri offert per Sacerdotes ministros suos. Vnde sicut ciuitas dicitur agere, quod apud Regem Legatus eius agit; ita Ecclesia dicitur offerre, quod per suos Sacerdotes apud Deum Patrem offert. Atque ideo Concilium Tridentinum d. sess. 22. cap. 6. docet Missas etiam priuatas esse communes, quia nomine totius Ecclesiæ à publicis ministris, id est, Sacerdotibus offertur; & cap. 1. ait hoc visibile Sacramentum relictum esse dilectæ sponsæ suæ Ecclesiæ, ut illud per Sacerdotes offerat, & D. Thom. d. q. 83. art. 1. asserit quod in orationibus, quas profert Sacerdos, loquitur etiam non in persona propria, sed in persona Ecclesiæ, in cuius unitate constituitur. Imò Ecclesia dicitur offerens, non solum, quia sacrificium illud per Sacerdotes Deo offert, tanquam per suos ministros, sed quia de propriis etiam bonis apponit orationes, pios ritus, & ceremonias mysteriis plenas, quibus augetur valor Missæ accidentaliter.

19. Tertius offerens est ipse Sacerdos, imò & omnes Catholici non excommunicati per Sacerdotem quodam modo offerre dicuntur, quatenus Sacerdos in persona totius Ecclesiæ hoc sacrificium offert, sed præcipue qui Mis-

sæ sacrificio aliqua ratione cooperantur, curando nimirum pro se celebrari, vel ei ministrando, vel etiam assistendo. Ita expressè colligitur ex illis verbis canonis Missæ, Et omnium circumstantium, quorum tibi fides cognita est, & nota deuotio; pro quibus tibi offerimus, vel qui tibi offerunt hoc sacrificium laudis. Quæ verba explicans Innoc. statim citandus, inquit, ideo esse in canone apposita, quia prædictum Missæ sacrificium non solum offertur à Sacerdotibus, sed etiam ab vniuersis fidelibus, præsertim assistentibus, eidemque ministrantibus. Et meritò, quia quod caput efficit, rectè etiam membra dicuntur efficere. Cum igitur cuncti fideles sint Ecclesiæ membra, consequenter offerunt sacrificium illud, quod Ecclesia per suos Sacerdotes offert. Sic D. Thom. d. q. 82. art. 6. & 7. Innoc. lib. 3. de mysterio Missæ cap. 5. & 6. Gabr. lect. 27. in qm. & plures alij, quos refert, & sequitur Suar. tom. 3. disp. 77. sect. 3. inio.

20. Nec obest si dicas, ut aliquis offerre dicatur, necessariò requiri quoddam actionem aliquam ad sacrificium concurrat, offerre enim nil aliud est, quam sacrificare, aut sacrificium efficere; id autem non videtur posse tribui cunctis fidelibus, maxime laicis: nam vel illi dicuntur offerre per intentionem, seu internum actum, vel per externam effectiōnem sacrificij. Interna deuotio, seu intentio non sufficit, cum enim Missæ sacrificium sit visibile, consequenter in actione externa consistit; actio verò externa sacrificandi non conuenit laicis, quippe cum non sint consecrati, proinde nec possunt sacrificare: igitur nec inde offerentes nuncupari.

Respondetur tamen offerentes moraliter posse per actionem externam dupliciter tali titulo affici.

Primo generalissima quadam ratione

V V V a ne

ne quatenus sunt Ecclesiæ membra, quia quod caput efficit, membra etiā efficerentur dicuntur. Et sic cuncti fideles dicuntur offerentes, ut habetur ex dictis.

Secundo modo magis specialiter, dando nimirum eleemosynam, seu stipendium Sacerdoti, ut sacrificet, & offerat: quod enim quis per alium facit, per se ipsum facere dicitur, unde qui per alium occidit, per se ipsum occidere dicitur; & qui per alium eleemosynam porrigit, ipse porrigere dicitur. Similiter philosophandū est de assistantibus, & inservientibus sacrificio Missæ; hi namque modo aliqua cooperari dicuntur ipsi Sacerdoti. Unde sicut consulentes homicidium, & illi assistentes auctoritatem præbendo, homicidæ moraliter dicuntur, quippe ex huiusmodi consilio, & præsentia illi moraliter cooperantur, Ita offerentes moraliter dicuntur qui quovis modo ex prædictis Sacerdoti cooperantur. Imò tanto perfectius rationem istam offerendi quis participat, quanto magis, vel pluribus modis ad ipsum sacrificium offerendum concurrat, & cooperatur; atque ideo magis offert, qui in Missa ministrat, quam qui simpliciter assistit, & sic de aliis. Lege Mitandam *man. Pralat. tom. 1. q. 4. art. 13.*

21. Iuxta hæc tria offerentium genera, considerandus est triplex valor, qui in Missæ sacrificio reperitur.

Primus respondet ipsi sacrificio, quoad substantiam in se considerato, id est, quatenus à principali offerente procedit, & quidem huiusmodi valor semper est indeficiens, infallibilis, & certus quoad gradū, saltem dummodo is, pro quo sacrificium offertur, non ponat obicem, non enim pedit à bono, vel malo Sacerdote, sed ex Christi institutione duntaxat.

22. Secundus valor respondet secundo offerenti, nempe Ecclesiæ militanti,

& est similiter indeficiens, ac infallibilis. tum quia Ecclesia ipsa offerens, est pia, sancta & Deo grata; victima etiam quam offert, cum sit ipse Christus sub speciebus sacramentalibus existens, est similiter grata, & accepta Deo, imò gratissima, & acceptissima: tum quia orationes, & ceremoniæ, quibus offertur, utpotè mysteriis plenæ, & ab Ecclesia militante, dilectissima Christi sponsa institutæ sunt quoque Deo gratæ, & acceptæ, ac proinde cum hæc omnia non possint non esse grata, & accepta Deo, similiter effectus, & valor sacrificij oblatus non potest non esse infallibiliter indeficiens, nihil pendens à bono, vel malo Sacerdote. Ita D. Thom. 3. p. 2. q. 82. art. 6. Gabr. in *can. Missæ, lect. 29.* Azor. *tom. 1. instit. moral. lib. 10. cap. 20. q. 2. §. deinde sciendum est.* Tolet. etiam *lib. 2. cap. 8. num. 1.* esto aliquantulum obscure, sed apertè Henric. *lib. 9. de Missa, cap. 17. n. 3.* & alij, quos ipse refert ad marginem, *lit. M.*

23. Differunt autem huiusmodi valores, quod primus est maior, & certus semper in gradu, nihil minuens, aut accrescens, atque ex infallibili iustitiæ lege pro animabus Purgatorii satisfaciit, ut docet Sotus in 4. dist. 21. q. 2. art. 3. Azor. *tom. 1. lib. 10. cap. 22. q. 10.* Henric. *lib. 9. de Missa cap. 16. num. 1.* & Fagundez *lib. 3. de primo precept. Eccl. cap. 6. num. 14.* Secundus autem valor est minor, nec certus in gradu, sed maior, vel minor pro maiori, vel minori devotione, numero, & sanctitate iustorum in Ecclesia militante offerentium. Unde eum valor primus sit certus, & substantiæ sacrificij in se considerati respondeat, rectè potest appellari substantialis; secundus verò accidentalis, ut tradit Fagundez citatus.

24. Differunt similiter quod sacrificium Missæ prout offertur in persona Christi, est meritum, satisfactorium,

&

& impetratorium, iuxta ea quæ initio huius dubij in secundo notando insinuauimus; at prout offertur in persona Ecclesiæ, non habet vim merendi, aut satisfaciendi, bene tamen impetrandi, quoniam etsi communitas non possit aliquid mereri, aut satisfacere, cum huiusmodi actiones sint personales, potest tamen per Legatum suum aliquid impetrare.

25. Tertius valor in hoc sacrificio considerandus respondet ipsi Sacerdoti, & aliis offerentibus; atque ideo hic valor nec est certus in gradu, cum accrescat, vel decrescat pro maiori, vel minori offerentium bonitate; nec est infallibilis, orationes namque, preces, & ritus, quibus Sacerdos in Missa utitur, si considerentur ut ab ipso; tanquam à persona priuata procedunt, nihil valent nec ipsi, nec alii ex opere operato; imò eidem Sacerdoti sacrificium potius nocet, si in peccato mortali existens celebrare contingat. Ita Toletus *loco cit.* & alij mox referendi.

26. Ex dictis itaque satis apertè deducitur valorem respondētē tam primario offerenti, id est, Christo, quàm secundario, id est, toti Ecclesiæ militanti, esse ex opere operato, cum vterque sit indeficiens, & infallibilis; valorem autem respondentem tertio offerenti, id est, Sacerdoti, ut personæ priuatae, & aliis, esse ex opere operantis; cum hic non sit infallibilis, sed pendeat à bonitate, vel malitia Sacerdotis, & aliorum offerentium. Atque hinc etiam consequenter deducitur veritas prædictæ conclusionis quoad omnes suas partes.

27. Cæterum ut facilius comprehendatur, placet insuper de singulis addere auctorēs, & rationes. Quapropter

Primam partem tradunt D. Thom. 3. p. q. 79. art. 1. & q. 82. art. 1. Scotus quolibet. 20. Caiet. tom. 2. opusc. tract. 3. q. 2. Al-

bertinus in 4. disp. 13. art. 31. Dominicus de Soto ibidem q. 2. art. 1. & lib. 9. de iust. q. 2. art. 2. Petrus de Soto lect. 7. de Euchar. Canus lib. 12. de eccl. theol. cap. 13. ad 9. Castro verb. Missa, hæref. 2. Cord. lib. 1. q. 3. Bellarm. tom. 1. lib. 2. de sacrific. cap. 4. Mirand. man. Prælat. tom. 1. q. 41. art. 6. & Suar. tom. 3. disp. 79. sect. 1. conclus. 1. vbi asserit nullum Catholicum eōtradictionem inuenisse. Ducuntur autem tum ex institutione Christi, qui sicut potuit, ita voluit merita sua in certa proportionē ipsi externo actui sacrificij annexere ad certum effectum conferendum ei, pro quo offertur; quod verò alicui operi non ex natura sua, sed ex Christi institutione communicauit, ex opere operato communicare dicimus, ut patet in Sacramentis, quæ ideo dicuntur ex opere operato habere vim tollendi peccata, quia id communicauit ipsis, non ex natura rei, sed ex Christi institutione; tum etiam, quia aliis Christianis populus sapientissimè deciperetur, dum sacrificium pro se, ac præsertim pro defunctis offerri curat, si ab offerentium dignitate, aut deuotione vis sacrificij penderet, quoniam absque vlla sua culpa is, pro quo sacrificium offerendum esset, priuaretur omni sacrificij fructu si offerentes in peccato existerent. Id autem communi Ecclesiæ sensui, & Christi institutioni repugnat.

28. Secundam partem (de qua maior est controversia) tuentur Gabr. *super can. Missa, lect. 26. lit. G. Azor. tom. 1. lib. 10. 6. 20. q. 2. Enriq. & Tolet. vbi supra. Fagundez n. 13.* citantur etiā pro hac parte Innoc. lib. 3. cap. 15. Rupertus lib. 2. *diuinorum offic. cap. 6.* & alij apud Enriq. Scotus similiter apud Suar. *eod. disp. 79. art. 1. sect. 11. concl. 3.* vbi ipse cum Cord. Coquat. & aliis oppositum censet probabilius. Mihi autem satis probabile, & magis pium videtur cum priori sententia asserere valorem secundi offerentis, id

est, Ecclesiæ militantis eo modo quo diximus supra, esse ex opere operato, attempta dignitate Ecclesiæ, & gratia, qua apud Deum valet. Cum enim Ecclesia Deo semper sit accepta, eiusdem etiam preces, & munera per ministros suos Deo oblata, similiter ei grata sunt; sicut munera vnius Principis alteri per Legatum oblata, sunt eidem grata, esto Legatus secundum se fortasse ingratus existat.

29. Neque obstat si dicas quod opus positum potius videtur experientia constare, cum Sacerdos in persona Ecclesiæ celebrans, non semper impetret id, quod per sacrificium petit, siue ex defectu deuotionis, siue quia Deus secundum suæ prouidentię rationem iudicat hęc, & nunc non conuenire.

Respondetur ramen idem posse obici de sacrificio per Sacerdotē in persona Christi celebrato; sæpe enim experimur nos non impetrare per sacrificium quod perimus, idque ob eandem rationem. Nihilominus credibile omnino est, nunquam nos ita frustrari hoc effectū, quin et si non concedatur, quod petitur, aliquid tamen aliud largiatur nobis Deus, prout hęc, & nunc iudicat expedire. Vnde Coninch. *dub. 8. n. 144.* ait quod quatenus minister sustinet personam Christi, & Ecclesiæ, esto non semper obtineat in particulari quod petit, attamen nunquam sua impetratione ita frustratur, quin saltem Deus largiatur aliquid Ecclesiæ in genere, prout ipsius prouidentię visum fuerit: imò etiam si minister improbus existat, at quatenus in persona Christi celebrat, credibile est semper aliquid obtinere ei, pro quo orat, modò hęc non ponat obicem; id autē intellige, dum minister pro alio offerat; nec enim videtur rationi consonum, vt Sacerdos improbus aliquid sibi impetret per eam orationem, qua enormiter peccat. Atque

idem probabiliter cum quadam proportionē censet ipse Coninch. *dub. 7. num. 122.* dici posse de vi operadi, quam hoc sacrificium habet ex eo quod in persona Ecclesiæ offeratur; & quidem dignitatem Christi, & Ecclesiæ ita docet, vt non frustraretur omnino eius peritio, quam hęc, & nunc per Sacerdotem offert.

30. Tertiam conclusionis partem nemo, quem legerim, reprobar, seu impugnat, sed potius amplectitur omnes, & merito; cum enim sacrificium istud sit actus perfectissimus virtutis Religionis, eosdem planè effectus potest habere, quos habent aliæ actiones virtutis, atque eisdem omnino modis, nempe per modum meriti de condigno, seu de congruo; per modum satisfactionis, & per modum impetrationis. Ad hos autem operandi modos necessariò requiritur, vt offerens sit in gratia, præsertim pro primo & secundo, quippe qui extra gratiam existit, nec mereri de condigno, nec satisfacere potest, esto per modum orationis queat aliquid à Deo impetrare, cum ritè orat, itaut non peccet in ipsa oratione, vt peccat qui in peccato sacrificat, nisi ex facti ignorantia aliquando excusetur. Hinc autem manifestè infertur, quod valor 3i offerentis in Missæ sacrificio sit ex opere operantis. nam in præsentī negotio opus operantis id dicitur, quod respondet cuilibet pro suo voluntatis affectu, quia Missæ sacrificium modo aliquo offert, vel id quod ex bono, pioque ac Religioso Sacerdotis affectu existit, vt docet Azor. *d. cap. 20. q. 2. vers. Deinde sciendum est.*

31. Tertia conclusio. Valor Missæ respondens primo offerenti ex opere operato, seu effectus, quem hoc sacrificium sic potest conferre, est finitus intensiùs. Atque hunc existimo esse proprium sensum secundæ opinionis, & te-

net

net expresse Suar. *scilicet* 11. *conclusio* 2. & Fagundez *ubi supra* c. 6. *num.* 8. cum aliis multis quos hi referunt. Ratio est, tum quia valor huiusmodi, seu effectus ex opere operato, non pertinet ad sufficientiam, sed ad efficaciam; at quoad efficaciam non potest hoc sacrificium esse infinitum, cum nec sacrificium Crucis id habuerit: efficacia enim respicit effectum in re ipsa dandum; constat autem non dari, nec dari posse effectum infinitum intensiue, tum quia frustra quis plura sacrificia ad eandem rem obtinendam celebrari curaret, si enim Missæ fructus sit infinitus intensiue, una sufficeret ad obtinenda omnia, quæ petuntur. tum denique, quia hic valor, seu effectus non est mensurandus ex infinitate sacrificij, sed ex institutione, ac promissione Christi. Vnde est sacrificium hoc inuentum ex se sit infinitum, est tamen institutum (inter alia) ut sit quoddam eiusdem Christi instrumentum ad sui sacrificij cruenti satisfactionem nobis applicandam; non potuit autem hoc sacrificium assumi ut instrumentum, nisi ad determinatum, & finitum effectum, qui per Christi voluntatem taxari debuit, sicut etiam taxatus est effectus Eucharistiæ, ut est sacramentum, esto sub hac ratione sit etiam quid infinitum.

32. Nec obest si dicas quod quamvis Christus Dominus in Missæ sacrificio non immediate offerat Patri, sed mediatè, & ministerio Sacerdotum, actio tamen Sacerdotis, per quem Christus se offert, non potest minuire infinitum valorem ipsius oblationis, sicut nihil minuit de valore elemosynæ actio serui, per quem dominus illam pauperi offert, cum dominus sit principalis donans, & de suo donet. Similiter Christus est principalis offerens, & de suo offert.

Respondetur tamen negando parita-

tem rationis. Nam famulus dum elemosynam pauperi potrigit, nihil de suo dat, sed profert illam tanquam obiectum extrinsecum, & alienum, ideoque non potest meritum, ac valorem illius minuire: Sacerdos autem dum offert Domino corpus, non offert illud ut obiectum extrinsecum, & à se alienum, sed quasi rem propriam, per hostiæ namque, seu panis consecrationem, totam victimam, seu totum Christum: quodammodo producit, ut patet; & consequenter eum illud potestate mirabili producat, non tanquam obiectum extrinsecum offert illud, sed tanquam rem propriam. Nec etiam obest si dicas, quod sequitur, inde Sacerdotes habere modum aliquem dominij in corpus Domini, si illud ut rem propriam offerant. Respondetur enim dominium illud habere non absolute in Christum Dominum, sed quatenus cibus est, & edulium spirituale, & quatenus sub speciebus huiusmodi laet, sub illis enim promissit Christus hominibus se dictum cibum daturum, Ioan. 6. *Panem, quem ego dabo, caro mea est.*

## DUBIUM XVII.

*Quo eadem materia continuatur, proponendo, & soluendo aliquæ quæstiones.*

1. PRO pleniori explicatione prædictorum quæres primò, an idem sit sentiendum de valore sacrificij, quatenus offertur in persona Ecclesiæ, vel etiam ex opere operantis respectu Sacerdotis, seu cuiuscunque alterius offerentis priuati.

Respondetur affirmatiue; & in primis si loquamur de Missæ sacrificio, quatenus offertur in persona Ecclesiæ, conueniunt omnes quod valor eius sit finitus ad impetrandum. Ratio est, quia

hic



hic valor fundatur in sanctitate Ecclesiæ, ut dictum est supra. Sanctitas autem Ecclesiæ finita est, ac subinde finitus etiam est ipsius valor, & quoad hoc locum habet doctrina D. Thomæ 3. p. 2. q. 79. art. 1. asserentis oblationem magis attendi ex conditione offerentis, quam ex dignitate rei oblatæ. Atque hinc deducit Suar. *sect. 11. conclus. 3.* valorem istum posse crescere & minui, quo in Ecclesia fuerint sanctiores.

2. Si autem loquamur de valore Missæ, prout tertio offerenti responder, est similiter finitus intensivè; tum in ratione meriti, quia Sacerdos, seu quicumque alius offerens privatus non mereatur nisi unum, aut alterum gradum gratiæ, seu gloriæ: tum in ratione satisfactionis, quia non debet nisi certam, ac finitâ poenam; tum etiâ in ratione impetrationis, quippe persona sic offerens finita est, cuiusque actio similiter finita, etiam in genere moris, atque id indicat præcitata D. Thomæ doctrina, quæ sumpta est ex Greg. *lib. 7. Registri Epist. 12.* dicente; *hinc patenter ostenditur, quia non offerens à muneribus, sed munera ab offerente placuerunt, quoniam in omnipotentis Dei iudicio, non quod datur, sed à quo datur, inspicitur.* & *Homil. 5. in Evangelia* ait ipse Greg. *Non perpendit Deus in suo sacrificio quantum, sed ex quanto offeratur.* Ex his autem verbis nõ est inferendum, rem oblatam nihil conferre, sed non sufficere absque offerente, & dignitate, ac effectu eiusdem, ut rectè observat Suar. *ibidem conclus. 4.*

3. Quæres secundò, an idem sit omnino sentiendam de sacrificio cruento, ac increuento.

Respondetur negativè, nam hæc duo sacrificia conveniunt quodam modo, & differunt etiam inter se.

Conveniunt, quod in utroque est eadem hostia, atque idem principalis offerens, nempe Christus, ut habetur

ex Concil. Trident. *sess. 22. cap. 2.*

Differunt autem primò in modo offerendi, quia in hoc est incruentus, & sub speciebus sacramentalibus; in illa est cruentus, & in propria, ac naturali Christi specie.

Secundò in modo operandi suum effectum, tum quia hoc habet omnem virtutem suam ex illo, non è conuerso; tum quia illud est causa generalis totius nostræ iustificationis, & gratiæ, quam sub quavis ratione à Deo suscipimus: secus est de hoc, multas enim gratias, & media salutis nostræ à Deo accipimus independenter ab hoc sacrificio, cuiusmodi sunt, quæ nobis vel per alia Sacramenta, vel ratione alicuius meriti præcedentis, vel ex mero Dei placito, absque vllò ad actiones humanas respectu, diuina bonitas confert. Tum etiam, quia sacrificium cruentum salutem nostram operatur est per modum meriti de condigno, satisfactionis, ac solutionis pretij ad remissionem omnium peccatorum, ad omnem gratiam, & gloriam, omniaque Dei beneficia, quæ vnquam alicui puro homini conferantur, & infinitis maiora obtinenda sufficientis; ita tamen ut per illud nulli in particulari pars aliqua huius pretij applicetur: applicatur autem partim per sacrificium incruentum, partim per Sacramenta, partim actibus nostris ex gratia factis, & partim ab ipsa providentiâ diuinâ, quæ sua bona distribuit, prout vult. Cruentum igitur sacrificium operatur suum effectum de condigno, nouum nostræ redemptionis pretium merendo; incruentum autem absque vllò nouo merito ex Christi voluntate, ac institutione meritum, & pretium iam acquisitum certis personis applicando.

Tertiò differunt, quia cùm immediatus sacrificij cruenti effectus sit redemptionis nostræ pretium, quasi in abstracto,



tracto, & prout concipitur nulli applicatum. Hinc fit quod effectus ipse sit omnino par dignitati eiusdem sacrificij, & consequenter omni ratione non solum illimitatus, sed insuper infinitus. Atque ideo pretium illud ex se sufficientis est ad infinitos homines redimendos, etiam si per impossibile singuli infinita peccata patraissent, nec non ad infinitas plura, & maiora cuiusvis generis beneficia à Deo impetranda: incruentum autem sacrificium, etsi ex se & ratione rei oblate, ac primarij offerentis sit quidem infiniti valoris, semper tamen habet finitum determinatumque effectum, quia cum creatura infinita sit impossibilis, consequenter nec gratia infinita ei dari, nec effectus ullus indeterminatus determinato actu certæ personæ applicari valet.

4. Dices, actio humana Christi, qua corpus suum in Cruce obtulit, fuit finita, ut constat: igitur & valor illius sacrificij fuit finitus.

Respondetur tamen quod licet dicta operatio finita esset in esse physico, & naturali, artamen ut vitaliter proveniebat à persona divina, & ab homine infinite grato per unionis hypostaticæ gratiam, ea ipsa actio humana, & oblatio in esse moris, & in entitate morali, erat Patri infinite grata, & accepta. Atque hinc provenit, quod cum effectus immediatus sacrificij cruenti fuerit absolute infinitus, consequenter suffecerit illud semel fuisse oblatum pro omnibus remissionibus, & gratiis à Deo obtinendis: è conuerso autem cum effectus sacrificij incruenti sit certus, ac limitatus, sæpius pro diuersis indulgentiis, & gratiis à Deo impetrandis offerri solet.

5. Quæres tertio, an valor, seu effectus sacrificij incruenti sit saltem infinitus extensiuè, itaut si pro multis offeratur, siue diuersis specialibus in-

tentionibus, siue vna tantum communi, ut pro populo, seu cōmunitate, non minuatur fructus in singulis. Authores primæ sententiæ dub. præcedenti adducti, præsertim Caiet Sylu. Canus, Cord. Arag. & Petrus de Soto affirmant, ducti potissimum ex infinitate rei oblate, seu ipsius sacrificij; imò esto ponatur quod effectus sacrificij sit absolute finitus intensiuè, ut nos tenemus, adhuc videtur posse defendi quod applicatus pro pluribus nō minuat, ut patet de igne, qui pluribus subiectis æquè dispositis simul applicatus posset in singulis producere calorem æquè intensum. Atque idem videtur posse affirmari de huius sacrificij fructu, si pro pluribus ab offerente applicetur.

Nihilominus respondetur negatiuè, atque ita sentiunt authores pro secunda opinione præcedentis dubij allegati; nec videntur repugnare Caiet. Canus, Cord. & nonnulli alij ex citatis pro prima sententiâ, non enim agunt de huiusmodi effectu sic applicato, sed de illo, qui responderet offerentibus ut sic, de quo in 4. quæsto erit agendum. Ratio autem potissima, & aptissima ad hanc veritatem explicandam insinuat à Bellarm. lib. 2. de Missa c. 4. propositione 4. & à Suar. sect. 12. concl. 2. pendetque omnino ex Christi institutione. nam sicut quodlibet opus Christi ex se sufficientes erat ad nostram redemptionem plenè operandam, atque ut nos per illud gloriam sine ullis propriis meritis obtinere possemus, quia tamen Christus pactum cum Patre iniuit, ut nostra redemptio non consummaretur, nisi per suam mortem, nec nos gloriam absque nostra cooperatione cōsequeremur, idcirco Christi merita non habuerunt completam vim de facto aliter nostram salutem operandi. Ita Missæ sacrificium in quo offertur, & est principalis offerens ipse Christus, esto ex se sit

XXX infiniti.

infiniti valoris, non tamen habet infinitum effectum ratione contrarij pacti, vt supra, initi.

6. Sed iam sic probatur primò ex casu Ecclesiæ, quæ vera est institutionis Christi interpres, cùm à Spiritu sancto regatur. nam alioquin Sacerdotes immeritò vni soli applicarent Missæ fructum, si enim absque vnius detrimento, seu præiudicio possent multi æqualem fructum percipere, nulla quidem adesset ratio Missam sic vni applicandi, vt alij excludantur: at si Missa infiniti sit valoris extensivè, pro pluribus applicata tantum singulis valeret, ac si pro vno duntaxat celebraretur; igitur ex debito charitatis tenerentur Sacerdotes ad quodlibet sacrificium pro omnibus fidelibus æqualiter offerendum, cuius tamen oppositum sit iuxta laudabilem, & antiquam Ecclesiæ consuetudinem.

7. Secundò, quia Sacerdos posset plura stipendia integra pro tot Missis celebrandis accipere sub intuitu vnius Missæ, atque vnico sacrificio pro omnibus satisfacere, totum illud singulis applicando, quod videtur satis absurdum, & contra communem Ecclesiæ praxim. Tertiò, quia in hoc satisfactionis effectum non est alia intensio effectus, quàm multitudo satisfactionis: sed effectus sacrificij est limitatus intensivè, vt habetur ex dictis, ergo satisfactio per hoc sacrificiū applicanda, sicut est limitata quoad intensiorem, seu magnitudinem, ita & quoad multitudinem, & consequenter respectu cuiuscunque personæ, vel multitudinis personarum. Patet consequentia, quoniam quantitas effectus, eiusdem rationis est siue vni, siue multis applicetur. Atque in hoc est magnum discrimen circa illam similitudinem, quæ supra ex actione, ignis desumptam insinuauimus. nam quod ignis possit interdu effectum æquè intensum in mul-

tis obiectis producere, non tamen intensiorem in eodem subiecto causare, hoc inde provenit, quia multiplicatio effectus est res satis diuersa à maiori intensiōe, & propterea nil mirum, quin virtus causæ ad vnā sufficiat, & non ad aliam. At in casu nostro multitudo satisfactionis eiusdem rationis est siue ad eandem personam, siue ad diuersas cōparetur, ac subinde si respectu vnius augeri nequit, nec respectu diuersarum poterit multiplicari. Adde quod ignis agit ex necessitate naturali in quodlibet passum æquè propinquum, & dispositum: Missæ autem suffragium agit secundum Christi institutionem, & liberam applicantis intensiōem. Ita Rich. Dur. Medin. & Cord. *vbi supra*.

8. Quæres quartò, an vis huius sacrificij possit modo aliquo dici saltem syncategorematicè infinita.

Respondetur affirmatiuè, si sermo sit de fructu offerentibus respondente, qui per modum impetrationis obinetur; is enim ratione deuotionis, aut multitudinis offerentium potest in infinitum semper crescere. Ratio est, tum quia quo offerentes plures sunt, aut deuotius offerunt sacrificium, eo maiorem habet vim impetrandi; sicut enim multiplicantur personæ offerentes, ita multiplicantur oblationes quasi partiales, & ex omnibus conflatur quasi vna integra, quæ (moraliter loquendo) eo maioris valoris existit, quo ex pluribus partialibus constat, si cætera sint paria. tum quia licet fructus impetrationis non fundetur in promissione aliqua speciali, fūdatur saltem in intrinseca dignitate, & valore ipsius sacrificij in se considerati, & consequenter sacrificium istud de se est sufficiens ad impetrandum quodlibet beneficium, seu beneficiorum multitudinem. quamuis enim beneficia in numero, seu perfectione augeantur in infinitum, adhuc illa sacrificium ratione rei oblatæ,

oblatæ, & principalis offerentis longè superat, atque excedit. Ita habetur ex D. Thom. in 4. dist. 45. q. 2. art. 4. *quæstione*. 2. & Suar. 4. disp. 79. sect. 12. *concl.* 3.

9. Hinc inferitur quòd quando plures eandem Missam audiunt, vel ei inseruiunt, & ita eam modo aliquo simul cum Sacerdote offerunt, omnes, & singuli quatenus offeretes sunt, integrum percipiunt fructum, non minorem, quàm si vnus tantum esset offerens. Vnde iuxta hunc sensum potest fructus huius sacrificij dici similiter quodammodo infinitus, vel potius augmentabilis in infinitum extensiuè. Ita Suar. *ibidem conclus.* 1. & Couinch. *dub.* 10. n. 189. Ratio est, tum quia aliàs audientes Missam, quo plures concurrerent, eo minorem fructum perciperent, solùm ob multitudinem audientium, quod est valde absurdum; imò multorum preces per modum vnus Deo oblatæ, sunt magis efficaces, quàm si singulæ separatim offerantur. Hic enim locum etiam habet commune illud axioma, *virtus vnita fortior est se ipsa dispersa*; atque ideo Ecclesia in necessitatibus publicis curat multos ad orandum simul conuenire, tum quia cum ibi sint distinctæ oblationes, vt diximus, consequenter sunt etià distincti effectus iis respondentes, qui potius crescant ex multitudine offerentium, cùm sic mutuo sese ad maiorem deuotionem excitent.

### DVBIVM XVIII.

*Quo solvuntur rationes dubitandi in initio dubij primi adductæ.*

1. **S**uperest nunc rationes in contrarium adductas diluere. Quare ad primam dicimus, parum referre, quòd sint incogniti ij, pro quibus Missæ sunt celebrandæ, modò habeatur notitia intentionis erogantium, seu legan-

tium eleemosynam pro Missis celebrandis: bona enim, de quorum domini intentione constat, non incerta, sed certa æstimanda sunt.

2. Ad secundam satis constat ex dictis. Missa namque esto ex se sit infiniti valoris quoad sufficientiam, non tamen quoad efficaciam, id est, licet ex se, tam ratione rei oblatæ, quàm ratione principalis offerentis sit infiniti valoris intensiuè, imò & extensiuè; de facto tamen quoad satisfactionem, & meritum nequaquam est infiniti valoris, atque ideo pro multis applicata minus valet. Est tamen infiniti valoris extensiuè, & syncategorematicè, quoad imperationem, & ratione offerentium, vt habetur ex dictis in tertio quæsito. Adde quòd etiam si Missa esset infiniti valoris quocumque alio modo, adhuc non posset Sacerdos vnico sacrificio multis oneribus satisfacere: stipendium namque non datur pro Missæ valore, siue finitus, siue infinitus sit, alioquin cùm talis valor sit res spiritalis, simonia committeretur, sed datur tanquam merces laboris, & operæ in Sacerdotis sustentationem; quod cùm sit lege, consuetudineve taxatum, nequit Sacerdos absque iniustitia illud excedere: neque infinitus Missæ valor à violatione promissi, & pacti, & nonnunquam à iuramento promissorio, subindeque à periurio Sacerdotem eximeret.

3. Sed obieci primò, quia nulla sacra Scriptura, nulla traditio, nullum Concilium, aut Pontifex tradidit vnquam quòd Missa sit finiti valoris, & vna pro multis dicta non valeat pro omnibus, ac si pro vno duntaxat offeratur: ergo falsa est solutio, & consequenter conclusio tertia non est tenenda.

Respondetur in primis, argumenta ab auctoritate sacra Scripturæ negatiuè nihil pòderis apud Theologos habere;

XXX 1 imò

imò contra hæreticos falsò opinantes omnia ad fidem, & mores necessaria contineri in sacra Scriptura, oppositum censent omnes DD. Catholici, vt tradit Bellarm. *tom. 1. controu. lib. 4. de verbo Dei non scripto, à cap. 3. & vltim.* Atque ideo nihil prædictæ nostræ solutioni, & conclusioni derogat, et in sacra Scriptura expressa non habeatur.

4. Quo autem ad traditiones obseruare oportet ex Bañes 1. 2. *quæst. 1. art. 10. dub. 6. conclus. 6.* Ayala *de diuin. tradit. p. 3. in principio*, Mendoza *controu. theol. quæst. 4. Schol. ad 4. argum. & Azor. in lib. moral. p. 1. lib. 8. c. 4. quæst. 3.* triplex traditionum genus existere; quædam sunt diuinæ, illæ nimirum, quas ab ipsius Christi ore Apostoli acceperunt, vel quas, Spiritu sancto dicente, vel Christo Domino iubente promulgarunt. Aliæ Apostolicæ, quas ipsi Apostoli tanquam Ecclesiarum præfecti, Doctores, Magistri, & Rectores instituerunt, sic enim canones, qui dicuntur Apostolorum, considerunt. Et aliæ ecclesiasticæ, quas ipsius Ecclesiæ mos, vsusque constituit, & obseruat. Addit autem Azor. *ibid. in calce cap.* pro certo tenendum esse quoddam sicut Ecclesia in ferendis legibus suis scriptis errare nequit, aliquid contra fidem, ac rectos mores statuendo; ita in traditionibus, & obseruationibus fidei, & morum, similiter decipi, aut errare non potest. Vnde cum antiquissima sit Ecclesiæ consuetudo, vt Missa, seu Missæ pro vno celebrentur, & pro diuersis causis diuersæ Missæ dicantur, iuxta ritum in Missali præfixum; & constet etiam ex vetustissimis Ecclesiarum, ac monasteriorum tabulis perpetua fuisse instituta, & passim à stipendiis largientibus institui anniuersaria pro vno, & tali dicenda, eaque esse ab earumdem Ecclesiarum, seu monasteriorum Sacerdotibus sub iuramento, seu promissione acceptata; idcirco ma-

nifestè hinc sequitur ecclesiasticam esse traditionem, vnam Missam non æquè multis prodesse ac paucis.

5. Idem colligitur ex Conc. Trid. *sess. 25. de reform. c. 4.* vbi Missarum restrictio ad minorem numerum facienda conceditur, non tamen cuiuscumque, sed Episcopis, & Generalibus Ordinibus, in Synodis, & Capitulis generalibus, nec simpliciter, sed ex causa legitima, nec de omnibus Missis, sed de aliquibus tantum, vt ex infra dicendis fiet manifestum. Id autem frustra Conciliū indulgeret, si vnico sacrificio posset pro pluribus satisfacere.

6. Demum idem deducitur ex *Iul. II. & Leone X.* apud Confess. *in collect. priuileg.* vterque enim indulgit Sacerdotibus Ordin. Min. de Obseruantia, vt vnico sacrificio satisfaciant pro pluribus, pro quibus totidem elemosynas vsque ad summam vnus Iulij receperint, vterque etiam indulgit Correctoribus generalibus Ordinis Minorum, vt in actu visitationis possent cum suis Fratribus dispensare, vt præ multitudine celebrandarum Missarum, quæ eorumdem Fratrum vires excedunt, possint vnico sacrificio cum nouè collectis pro nouè Missarum obligatione satisfacere. Iudicant igitur summi Pontifices vnā Missam ex se non valere pro pluribus, alioquin superfluum esset huiusmodi indultum.

7. Obiicit secundò, ex præcit. Concilij, & Pontificum indultis manifestè inferri potius oppositum, nempe vnico sacrificio posse pro pluribus stipendiis satisfieri, & consequenter fructum Missæ pro pluribus stipem conferentibus applicari, ita valere pro singulis, ac si pro vno duntaxat applicaretur.

Respondetur negando illationem, tum quia aliàs superfluum esset, & inutile dictum indultum, vt diximus *supra*. Tum quia saltem inde habetur, Sacerdotes non posse priuata auctoritate vnico sacrificio satisfacere pluribus

ribus obligationibus, cum Missarum reductio ad minorem numerum solis Episcopis, & Generalibus Ordinum respectu committatur. tum quia adhuc dictis Prælati committitur potestas reducendi potius stipendia, quam Missas, nempe ut ex multis parvis eleemosynis fiat iustum stipendium. Ita Ioan. Franc. Leo *praxi for. ecclesiast.* p. 2. de voto, & voti dispensatione c. 11. num. 36. Quapropter ex Concilio nullatenus inferendum est, vnam Missam absolute pro pluribus valere, sed solum ob impossibilitatem actus, vel non iusta stipendia, obligationes Missarum diminui posse. Ac similiter de Pontificiis indultis dicendum est, Pontifices nimirum non absolute declarare, vnam Missam valere pro multis, sed in dictis obligationibus dispensare solum iusta interveniente causa, vel magnæ paupertatis, vel summæ necessitatis, quæ Regulares aliâ perfectionis vitæ operibus rationabiliter retardaret, ut rectè observat Fraxinel. *tract. de Sacerd. obligar. sect. 6. in resp. ad tertium argumentum.*

8. Obijciens tertio. Per vnicum actum ieiunandi, seu officium recitandi, potest quis multis obligationibus iuris divini, & ecclesiastici satisfacere; qui enim ieiunat in die Veneris, quia tenetur ex voto, & est vigilia Apostoli, seu dies Quadragesimæ; similiter qui Officium recitat ad quod tenetur etiam ex voto, & quia sacris Ordinibus initiatus est, utrique prædicto iuri per vnum actum satisfacit: igitur per vnum Missæ sacrificium potest etiam Sacerdos pro multis obligationibus satisfacere, si pro singulis sigillatim offeratur.

Respondetur. debita esse in duplici differentia, quædam sunt legalia, illa nimirum, quæ ex lege, voto, præcepto, seu poenitentia iniunguntur: & alia realia, quæ in iustitia commutativa consistunt, ut obligatio ex mutuo, em-

ptione, venditione, &c. pluribus igitur debitis prioris generis vnicò actu satisfieri potest, non autem secundi generis. Ratio est, quia debita legalia ex legislatoris intentione pendunt; intentio enim legis, voti, præcepti, & poenitentia potest in vnum, idemque opus tendere; ut si Confessarius poenitenti iniungat, quod pauperi aureum erogare teneatur, satisfaciens quidem poenitens præcepto Confessarii si aureum erogat pauperi in extrema necessitate existenti, cui lege charitatis tenebatur sub mortali subuenire, ut tradit Franc. Viêt. *sum. sacram. de satisfact.* num. 205. At in debitis realibus attenditur æqualitas rei ad rem. Vnde; quia vnum debitum non potest esse æquale pluribus satisfactionibus, idcirco nec vna eademque solutione potest pluribus debitis satisfieri. Ita Sanch. *sum. lib. 1. cap. 14. n. 5. post med. Cod. de satisfaction. q. 4. vers. corollarie sequitur.* Hinc autem fit, quod quia debitum Sacerdotis ad celebrandum pro aliquo, quo stipem solum huiusmodi intuitu acceperat, est reale iustitiæ commutativæ, ut haberetur ex Suar. in 3. p. tom. 3. *diff. 86. sect. 1.* Ideo Sacerdos vnicò sacrificio nequit pluribus satisfactionibus satisfacere.

9. Neque obstat dicere quod sicut si quis Sacerdos plures simul absoluat, seu baptizet, dicendo; Ego vos absolvo, seu baptizo; omnes reuera absoluntur, vel baptizantur, & respectu suscipiunt fructum Sacramenti ex opere operato; ita à fortiori de Missa pro pluribus applicata videtur dicendum.

Respondetur enim primò negando paritatem rationis, quoniam effectus Baptismi, seu absolutionis, non consistit in actione, sed in receptione, ut notat Azor. *Instit. mor. p. 1. dub. 10. cap. 10. q. 9.* fructus autem Missæ respondet solum consecrationi, iuxta sententiam probabiliorum, quam tradit Coninch.

*ubi supra dub. 5. conclus. 6. num. 96.*

Respondetur secundò, quot sunt formæ sacramentales actualiter, vel virtualiter, seu æquivalenter, & quot sunt suscipientes, tot esse Sacramenta. Hæc autem forma; Ego vos baptizo, seu absoluo, æquivalent his; Ego absoluo, seu baptizo te, & te iuxta DD. communiter in 4. dist. 6. atque ideo nihil nobis officit similitudo de Baptismo, seu absolutione. Ita Cord. lib. 1. q. 3. opinione 5. conclus. 4. in solutione ad 10. argumentum.

10. Tertia ratio dubitandi petit controuersiam, an Sacerdotes possint pro vna Missa tot accipere stipendia, quot ad diurnam eorum sufficientem sustentationem. Partem affirmatiuam amplectuntur Canus de loc. theol. lib. 12. cap. 13. ad 10. arg. Sotus de inst. lib. 9. q. 3. art. 1. sine, & in 4. dist. 13. q. 2. art. 1. sine. Petrus à Soto de Euchar. lect. 7. Ledes. sum. p. 1. de sacr. Euchar. cap. 18. quaest. 8. Ioan. à Cruce in direct. confess. p. 2. de sacr. Missa quaest. 1. dub. 7. Beja par. 1. cas. 12. Nungus in 3. par. tom. 1. quaest. 83. art. 1. dub. 10. conclus. 4. Honcala de valore Missæ art. 1. 1. & 16. Arag. 2. 2. quaest. 85. art. 3. dub. de iusto Missarum stipendio, vers. Hic tamen non obstantibus. Angel. verb. Missa, n. 52. Rodr. sum. tom. 1. cap. 251. n. 4. & tom. 4. cap. 52. n. 4. Molfesius sum. tom. 1. tract. 3. cap. 16. n. 17. & Fernandez in exam. theol. mor. p. 3. cap. 5. §. 8. num. 3. Ducuntur, tum quia sic conceditur iure diuino, Matth. 10. & Luc. 10. Dignus est operarius, seu mercenarius cibo suo, seu mercede sua, & 1. Cor. 9. Qui in altari deseruiuit, de altari vivere debet. tum quia non est cogendus Sacerdos pauper mendicare, indecentive modo aliquo victum querere, vt habetur ex Trid. sess. 22. c. 2. de reform. tum denique, quia sic videtur deduci ex præcit. Trid. & Pontificum indultis, quibus conceditur Episcopis, & Generalibus Ordinibus, Missarum obligatio-

nes ad minorem numerum reducere, & vnico sacrificio cum nouem Collectis satisfacere pro nouem Missis; hinc enim colligitur, id intrinsecum iniustitiam non continere, alioquin nec Episcopus, nec etiam Pontifex posset alios iure suo priuare.

11. Nihilominus absolutè dicendum est, Sacerdotes etiã pauperes non posse pro vna Missa plura stipendia iusta, id est, lege, seu communi æstimatione taxata accipere. Ita ex præcitatis tenent Ledes. Ioan. à Cruce & Molfesius. ita Lessius de inst. lib. 2. cap. 24. dub. 5. num. 28. Azor. p. 3. lib. 12. cap. 6. quaest. 2. Suar. in 3. p. tom. 3. dist. 86. sect. 4. Vasq. similiter 3. p. tom. 3. dist. 234. cap. 2. Henriq. lib. 9. de sacr. cap. 22. §. 5. Filliuc. tom. 1. tract. 5. cap. 16. num. 188. Cord. lib. 1. quaest. 4. dub. 2. Angles in 4. p. 1. quaest. de valore Missæ, art. 2. conclus. 2. append. 2. Miranda in man. Pralas tom. 1. quaest. 41. art. 23. conclus. 5. Rodr. etiam tom. 1. quaest. reg. quaest. 43. art. 17. Mart. Nau. sum. cap. 25. num. 92. Petr. Nau. lib. 2. de restit. cap. 2. num. 329. Graff. lib. 2. suarum decis. cap. 44. Regin. lib. 13. prax. panis. num. 234. Naldus verb. Capellania num. 11. Bonac. de sacr. dist. 4. quaest. vlt. punct. 7. §. 2. Fraxinel. de sac. oblig. sect. 4. conclus. 2. & plures alijs.

12. Suadet autem sic primò, quia paupertas (seclusa extrema necessitate, de qua non agitur in præsentī) non dat facultatem accipiendi, seu retinendi rem alienam, inuito domino, nec vendendi rem carius, quam valet; nec mercenarius, aut miles potest aliquid ultra suam mercedem, iustumve stipendium, ratione paupertatis vsurpare absque villo domini consensu; igitur nec Sacerdos potest sub intuitu paupertatis aliquid ultra iustum stipendium inuito domino accipere, & consequenter nequit pro vna Missa plura iusta stipendia sibi assumere.

13. Secundò, quia Sacerdos qui infirmitate, aliòve impedimento detentus Missam celebrare nequit, similiter nequit ut suæ subueniat paupertati stipendium aliquod accipere in fraudem illius, pro quo non est facturus: igitur neque ille, qui vnum duntaxat sacrum facere potest, poterit sub intuitu paupertatis post primum stipendium accipere secundum, quoniam qui ex iusto stipendio iam obligatus est ad Missam hodie, v.g. pro vno dicendam, perinde se habet respectu alterius, ac ille, qui ex legitimo impedimento celebrare non valet.

14. Terriò, adhuc retenta opinione eorum, qui sentiunt fructum Missæ ex opere operato infinitum esse, non potest rationabiliter affirmari, quòd pro vna Missa plusquam vnum iustum stipendium usurpari queat, quia stipendium non datur ut pretium ob Missæ fructum applicandum, cum is sit res spiritualis, & consequenter tunc non minus committeretur simonia, quàm cum Prælato pecunia exhibetur ob applicandum, seu conferendum beneficium, ut omnes testantur: nec datur ut pura elemosyna, alioquin Sacerdos diues non posset illud accipere; nec esset vllò modo ex iustitià debitum, cuius oppositum constabit ex infrà dicendis: datur igitur, & accipitur, vel ut merces laboris, & operæ; vel in subsidium congruæ sustentationis; vtrumque enim probabile est. Siue autem hoc, siue illo modo detur, sequitur inde quòd nec commendans Missas renetur plusquam iustum stipendium dare, nec Sacerdos aliquòd ultra illud usurpare potest. Nam illud Matth. 10. *dignus est operarius*, &c. & illud Pauli 1. Cor. 9. *qui altari seruit*, &c. vtrumque intelligitur non absolute, sed proportionabiliter, id est, quòd secundum ministerium, & laborem, quispiam in spiritualibus ministrans præmiatur,

aut sufflètetur plus, minùsve recipiendo, secundum quod plus minùs laborat, aut seruit: alioquin Diaconus, siue etiam Acolytus, qui altari duntaxat deseruit, æqualem deberet mercedem, seu sustentationem vitæ accipere, sicut celebrans; & hic sicut Curatus, vel Episcopus, Cord. lib. 1. q. 4. dub. 1. opinione 2. Rod. tom. 1. quæst. reg. q. 46. art. 17. & Fraxinel. sess. 6. in solut. ad arg. 11. Idque adhuc clariùs deducitur si verba Pauli originaliter citentur, quæ sunt huiusmodi, *qui altario seruiunt, cum altario participant*, participare namque cum aliquo est partem habere cum illo; ac subinde qui altari deseruiunt, verè dicuntur cum altari, seu de altari participare, non planè, sed iuxta taxationem ex lege, seu consuetudine factam. Ita Nugnus de sacr. tom. 1. p. 3. tract. de sacrif. dub. 9. ad 3. & Fraxinel. ubi suprà.

15. Nec refert quòd Presbyter sit pauper, & consequenter ad sui congruam sustentationem indigeat plusquam vno stipendio; ij enim qui stipendium Sacerdoti exhibent, ut pro ipsis sacrificium offerat, nullo iure coguntur eum alere. cum quia Ecclesia non instituit Missas ad alendos pauperes Sacerdotes, sed ad memorià Passionis Christi redolendam, & Dei ipsius maiorem gloriam, ac populi Christiani utilitatem, tum quia Clerici ex sacr. Concil. Trid. præscriptio sess. 21. de reform. s. 2. non admittuntur ad sacros Ordines, nisi vel ex patrimonio, vel ex Ecclesiasticis beneficiis habeant, vnde commodè sustententur. Idque antea fuerat iam cautum; cap. non liceat, cap. Episcopus, & cap. tuic. hinc si quis sciente Episcopo aliter ordinetur, cogitur Episcopus ei alimenta præstare. cap. cum secundum Apostolum, de praben. Si autem infcio Episcopo, sibi imputet, & aliunde sibi victum quærat. cap. Clericus victum. 61. dist. imò iuxta opinionè, quam Fagundez lib. 3. de Ecclesiæ præceptis

*preceptis cap. 8. num. 7. cum multis per eum citatis, censet meliorem, & magis cōmunem, qui sine patrimonio, aut beneficio ordinatur, maner ipso iure suspensus, & sic celebrans irregularitatem contrahit, cap. Sanctorum, & cap. neminem 70. dist. At si Presbyter postquam ordinatus est, in paupertatem incidat, illi curandum est vt ex agricultura, seu quouis alio honesto labore, vel exercitio corporali, aut spiritali acquirat suæ sustentationi necessaria. Ita Nauar. sum. cap. 25. num. 92. alioquin quilibet posset absque beneficio, & patrimonio ad sacerdotium promoueri. Cord. ubi supra q. 3. dub. 2. ad finem.*

16. Tandem huic controuersiz finem imposuit sacra Congregatio Concilij Tridentini, quæ sub die 21. Iunij 1615. auctoritate sibi specialiter attributa à S. D. N. Urbano VIII. inter alia sic statuit, *Deinde ubi pro pluribus Missis, etiam eiusdem qualitatis celebrandis plura stipendia, quantuncunque incongrua, & exigua, siue ab vna, siue à pluribus personis collata fuerunt, aut conferentur in futurum Sacerdotibus, Ecclesijs, Capitulis, Collegijs, Hospitalibus, Societatibus, Monasterijs, Conuentibus, Congregationibus, domibus, ac locis pijs quibuscumque, tam secularibus, quam Regularibus, sacra Congregatio sub obtestatione diuini iudicij mandat, ac præcipit vt absolute vt Missa celebrentur, quot ad rationem attributa elemosina prescripta fuerint; iuant alioquin h, ad quos pertinet, suæ satisfactioni non satisficiant, quinimò grauiter peccent, & ad restitutionem teneantur. Quod clariùs: Insuper ibidem sic habetur. Id verò vt deinceps obseruetur exactius, sacra Congregatio eadem auctoritate renouat privilegia, & indulget omnia quibuscumque personis, Ecclesijs, ac locis pijs, tam secularibus, quam Regularibus, cuiuscumque Ordinis, Congregationis, & insipienti, quantuncunque ob causam concessa, quibus indulgetur, vt certarum*

*Missarum, vel anniuersariorum celebratione, aut aliquibus collectis, seu orationibus, plurium Missarum oneribus in futurum suscipiendis satisfiat. Hinc igitur manifestè constat, nec sub intuitu paupertatis, vel sub prætexu priuilegij, seu indulgi cuiuslibet, posse Sacerdotem pro vna Missa plura stipendia sibi assumere, etiam exigua, atque incongrua, & suæ sustentationi insufficientia.*

17. Imò ex dictis manent soluta, quæ in contrarium adduximus. Nam illud *Matth. 1. & 1. Cor. 9.* habetur ex dictis in tertio argumento quomodo sit expendendum, Id autem quod subiungitur, ne Sacerdos mendicare cogatur, soluitur ex dictis post tertium argumentum. Illud denique quod de indulgentiis Concilij & Pontificum insinuat, soluitur ex prædicto S. Congregationis decreto, atque ex infra dicendis magis patebit.

## DVBIVM XIX.

*An sit licitus vsus accipiendi iusta stipendia pro Missarum celebratione.*

1. **R**atio dubitandi est primò, quia, regulariter loquendo, id non potest fieri nisi interueniente pacto aliquo, seu conuentione; omnis autem huiusmodi pactio esse iure prohibita, *cap. tua nos, de simonia, cap. vlt. de pactis, cap. quàm piò 1. q. 2. & profectò talis conuentio videtur esse simoniaca, quia datur spirituale pro temporalis. Vnde Diu. Thom. 2. 2. quest. 100. art. 2. & 3. ad 2. ait licetè posse stipendium accipi, dummodo pactum non intercedat, alioquin erit simonia; & in 4. dist. 25. quest. 3. art. 2. quasiunc. 2. ad 4. inquit pacifici de Missa dicenda semper esse simoniam.*

2. Secundò, quia Concil. Trident. sess.



*sess. 22. in decreto de observandis, & euitandis in celebratione Missæ, præscribit ne fiat vlla conuentio, aut pactum super stipendium Missarum nouatum; imponit etiam Episcopis, vt in Missarum celebratione, omnia de medio tollant, quæ auariciam, irreuerentiãve sapiant, ac redoleant: redolet autem auaritiã si Clerici, potissimum diuites, stipendium accipiant, illudque in pactum deducant, cum hi nequeant illud accipere titulo sustentationis, aut elemosynæ, vt constat, nec ea acceptio aliunde cohonestari posse videatur.*

3. Cæterum dico primò. Licitum omnino est vsus accipiendi, & dandi iustum stipendium pro sustentatione ministrantium spiritualia, & consequenter id absque vlla simoniæ labe fieri potest, etiam si Sacerdos huiusmodi stipendium in pactum deducat. Ita Adrian. *quodlib. 9. art. 1. Caiet. 2. 2. q. 100. art. 2. vers. ad euidentiã. Sotus 9. de iust. q. 6. art. 1. conclus. ult. Nauarr. sum. c. 23. n. 101. Gutier. lib. 1. qq. Canonic. cap. 26. num. 10. Cord. de casib. conscientia casu 27. Enriq. lib. 9. de Missa cap. 21. num. 4. Ledesma sum. de sacram. Eucharistia cap. 18. vers. 3. Graff. lib. 2. decis. aur. cap. 96. à num. 32. Cenedo multos referens collect. 44. n. 5. p. 2. Suar. disp. 86. sect. 1. Vasq. tom. 3. disp. 234. Coninch. 3. p. q. 83 art. 1. dub. 11. conclus. 1. num. 197. Bonac. tom. 1. disp. 4. q. ult. punct. 8. num. 2. & alij, quos refert Fagundes lib. 3. de præcept. Ecclesia cap. 7. num. 5.*

4. Suadetur autem sic primò, quia huiusmodi stipendium datur, & accipitur, non quasi in pretium Missæ, sed in sustentationem Sacerdotum; at accipere, seu dare aliquid pro sustentatione, tantum abest quòd sit simoniacum, vt debeatur potius de iure naturali; vnusquisque enim meretur de iure naturæ sustentari ab eo, cui inseruit, & in cuius obsequio occupatur: igitur cum præci-

puum Sacerdotis munus sit sacrificare, & Missas celebrare, iustè, ac rationabiliter potest ab eo, pro quo sacrificium offert, suam sustentationem exigere, illamque in pactum deducere absque vlla simoniæ labe.

5. Secundò, quia hæc est antiquissima vniuersæ Ecclesiæ consuetudo ab eius Pastoribus non tolerata solùm, sed approbata etiam: durum autem esset, ac impius & intolerabilis error vitio damnare vniuersalem totius Ecclesiæ consuetudinem, maxime cum fundetur auctoritate Christi, dicentis Luc. 10. *Dignus est operarius mercede sua*, & D. Pauli 1. Cor. 9. *Quis vnquam militat stipendijs suis? aut quis pascit gregem, & de lacte eius non manducat.*

6. Dico secundò. Non est denegandum, quin in hoc negotio intercedat pactum aliquod inter stipendium dantem, & sacrificantem, alias nullatenus posset intelligi, quo pacto inter illos oriatur, seu oriri queat obligatio ex iustitia. Itatenent ferè omnes præcitati DD. atque id nititur explicare Suar. ubi *suprà*, hoc exemplo. Nam si quis Sacerdotem alit, & ab illo postulet sacrificium pro se offerri, non tamen sub hac conditione, sed vel solùm ex misericordia, aut intuitu Religionis, aut ex mera liberalitate; tunc Sacerdos non tenetur sacrificium pro illo offerre, imò absque vlla iniustitia, potest ab alio iustè Missæ stipendium accipere, vt pro eo sacrificium offerat. E conuerso, esto Sacerdos offerat sacrificium pro me, & mihi id euidenter constet, non ideo teneor ex iustitia illi stipendium dare, quia non ex mea, sed ex sua liberali voluntate id præstitit. Vt igitur vtrunque oriatur obligatio ex iustitia, requiritur pactum, saltem implicitum. hæc enim obligatio pendet ex mutuo consensu, vel ex mutua promissione sub conditione onerosa vtrunque etiam acceptata, in quo

Y Y y ratio

ratio pacti, & conuentionis consistit: & quidem hoc modo tacitè, vel expressè fit conuentio inter dantem stipendium, & recipientem; ille namque eo animo dat, vt alterum obliget: hic autem stipendium recipit animo se obligandi, & faciendi id, cuius causa datur; hoc enim ratio, & natura æqualitatis requirit. Constat igitur ex dictis in huiusmodi actionibus non posse obligationem ex iustitia absque pacto intelligi, & consequenter nec in hoc pacto intrinsecam malitiam reperiri.

7. Quapropter ad primam rationem dubitandi ex variis textibus desumptam, respondent aliqui, pactum hoc, esto ex se malum non sit, olim tamen fuisse prohibitum ob speciem mali, & certam indecentiam, quam habet; eam verò prohibitionem per contrariam consuetudinem esse abrogatam. Hæc tamen solutio inanis est, & falso nititur fundamento, quia nec talis prohibitio ostendi potest, nec habet locum vbi stipendij ratio intervenire solet: licuit autem semper in Ecclesia dare Ministris sacrificiorum stipendium ad eorum sustentationem. Vnde in ratione stipendij intrinsecè includitur pactio aliqua, sicut intrinsecè ex illo oritur obligatio iustitiæ, atque ideo mercedi operarij, & stipendia militis à Christo, & Paulo merito comparatur.

Secundò respondent alij, in actione sacrificandi duo posse considerari.

Primum est sacrificium ipsum, & feuctus spiritualis, & sub hac ratione certissimum est non posse Missam pretio æstimari, aut in pactum deduci, esset namque manifesta simonia, & magna rei sacræ irreuerentia.

Secundum est corporalis labor, seu occupatio, & sub hoc prætextu dicitur ministerium illud pretio æstimabile, & consequenter potest in pactum deduci; res enim materialis non amittit suum

temporalem valorem ob conditionem spiritualem eidem annexam, vt patet de calice consecrato, & aliis eiusmodi.

Hæc solutio mihi nec probabilis, nec tenenda videtur, quidquid in contrarium opinetur Suar. loco cit. Nam in Missæ celebratione duplex labor consideratur. Alter est cum ipsa celebratione coniunctus, vt legere Missam, flectere genua, & manus clauere; & hic spiritualis dicitur, cum huiusmodi actio laboriosa rem spiritualem producat, nempe gratiam, habeatque originem à principio spirituali, idest, ab ordine sacro, atque ideo simonia est pro hoc labore pecuniam accipere. Ita Caiet. *sum. verb. simonia*. Sylu. *tit. eodem* §. 5. Sorus *de iust. lib. 9. q. 6. art. 2.* & Arag. *de iust. quaest. 100. de simonia, art. 2. dub. de vidente laborem*, &c. *concl. 1.* vbi pro hac sententia refert D. Thomam, Petrum de Aliaco, & Abbatem, qui *cap. suam, de simonia*, recedit ab opinione, quam in contrarium tenuerat in *cap. significatum, de prebendis*. Alter labor est, qui ipsam celebrationem antecedit, vt ad loca distantia accedere, tali hora, vel altari celebrare, &c. qui labor sicut est merè temporalis, extrinsecus, & per accidens sacrificio annexus, ita per se est pretio æstimabilis; atque ideo eo potest maiori pretio æstimari, quo magis crescit labor ipse, vel ratione distantia, vel ex quauis alia circumstantia. Ita Abb. in *cap. cum secundum*, n. 3. *de preb.* Caiet. 2. 2. q. 100. art. 3. Arag. loco cit. *concl. 3.* Lessius *de iust. lib. 2. cap. 35. dub. 8. mun. 45.* & communiter omnes. Vnde cum prædicta solutio non distinguat de quo labore sit intelligenda, nec probabilis, nec tenenda videtur. Ad hæc, sæpe contingit cessare omnino laborem, qui celebrationem ipsam antecedit, vt patet in Regularibus, qui pro celebrandis Missis nec coguntur iter facere, cum parum, aut nihil distet Ecclesia ab eorundem cellis; nec tali

vel

vel tali hora sacrum facere, modò celebrant ante meridiem.

8. Dices quòd saltem potest Sacerdos stipendium fuscipere, quia interim priuat se facultate dandi operam aliis rebus, ex quibus posset lucrum referre.

Respondetur quòd, regulariter loquendo, huiusmodi lucrum non est proportionatum toti stipendio, quod de lege, vel consuetudine pro vnus Missæ celebratione exhibetur, cùm tempus quod expendit, sit satis breue, id est, semi horæ, seu vnus horæ ad summum.

9. Tertio igitur responderetur, in casu nostro non dari stipendium tanquam pretium Missæ, & consequenter sub hac ratione excluditur pactum, nempe extrinsecus superadditum, quòd videatur res ipsa spiritalis vendi, vel locari, seu stipendium taxari, iuxta eiusdem rei spiritalis valorem, ac æstimationem: sed dicimus dari stipendium duntaxat ob sustentationem Ministris necessariam, & lege naturali debitam; ac subinde non excluditur pactum de huiusmodi stipendio, quod in his humanis actionibus intrinsecè continetur, iuxta illud, *non alligabis os boui trituranti*. Vnde Suar. *ibidem* infert, in hoc nullam rei spiritali fieri iniuriam, sed humanæ potius necessitati subueniri, quippe minister sine alimento, nec viuere vllò modo potest, nec spiritali ministerio etiam vacare, prout decet. Atque ideo in Concil. Agathen. cap. 36. & refertur 1. q. 2. cap. Clerici, sic disponitur; Clerici omnes qui Ecclesia fideliter vigilanterque deseruiunt, stipendia sanctis laboribus debita secundum seruitij sui meritum per ordinationem Canonum à secularibus consequantur. Et in hoc sensu est interpretandus D. Thom. ubi supra.

10. Ad secundam rationem ex Concilio Tridentino habitam, responderetur ibi solum agi de Missis nouis, in quibus ibidem prohibetur etiam fieri pactum,

& conuentiones; cùm enim nec consuetudine, nec Episcoporum statuto sit adhuc illarum stipendium taxatum, inde possent proculdubio noui Sacerdotes occasionem sumere quærendi magna stipendia excedentia id, quod pro debita sustentatione ipsis competit. Prohibet similiter Concilium omnem auaritiæ speciem, & superstitionem in Missarum celebratione; in recipiendo autem, & exigendo iustum, & consuetum stipendium pro sustentatione, nec vitium auaritiæ reperitur, nec superstitio, vt satis constar ex dictis.

11. Sed quæres primò, an Sacerdos, qui vel ratione patrimonij, vel beneficii ecclesiastici abundanter habet, vnde sustentetur, possit pro Missæ celebratione stipendium accipere, vel exigere.

Atque in primis circa Sacerdotem ex patrimonio diuitem, tenent nonnulli partem negatiuam, ducti, quia stipendium pro Missarum celebratione solum accipi potest in sustentationem, & consequenter qui hac non indigent, nequeunt illud recipere. Ita sentire videtur Caiet. 2. 2. q. 100. art. 3. Sylu. verb. *Simonia*, q. 3. Adrianus in 4. & materia de *restit.* fol. 91. & Gratianus cap. *Pastores*, §. *verum*, q. 2. ubi multa congerit iura, quibus significatur Sacerdotes diuites non posse ritè redditibus ecclesiasticis frui, atque eisdem sustentari.

12. Cæterum oppositum esse absolute tenendum, mihi certissimum est. Ita D. Thom. *quodlib.* 6. art. 10. Gabr. *super can. Missa lect.* 28. Victoria in *relectione de simonia*. Suar. tom. 3. *disp.* 86. *sect.* 3. Sotos *de iust.* lib. 9. q. 6. art. 1. Arag. *similiter de iust.* q. 100. *de simonia*, art. 2. *dub. de Clerico diuit.* Nau. *sum.* cap. 23. n. 102. Glos. & DD. in cap. *Clericos*, 1. q. 2. & est communis. Ducor, tum quia Sacerdoti ministranti ex iustitia debetur alimentum, iuxta illud Marth. 10. *Dignus est operarius*, &c. ac subinde iuste potest illud

illud recipere, esto sit temporaliter diues; id namque est valde extrinsecum, & per accidens, quod non tollit ius proprium illi, cui per se competit. Tum quia sicut Sacerdos etiam si propria industria, laborēve possit integrum victum lucrari, non tamen tenetur, sed de altari viuere valet, vt habetur ex 1. Cor. 9. sic etiam poterit idem facere, esto temporales habeat redditus; vsus enim arris, vel propria industria temporalibus diuitiis interdum æquiualeat. Tum etiam, quia sicut in cap. *charitatem*, 12. g. 2. & in cap. *cum sit Romana, de simonia*, conceditur quoddam Episcopi, licet aliquin diuites sint, possint pro Ecclesiarum visitatione aliquod stipendium recipere; ita similiter Clerici, quamuis alijs sint diuites, poterunt recipere, quæ ad victum fuerint necessaria.

13. Ad fundamentum contrariæ opinionis, respondetur præcisam rationem conferendi stipendia non esse, quia ministri sunt pauperes, sed quia Altari deseruiunt, nemo enim cogitur proprijs stipendijs militare; militarent autem clerici suis stipendijs, si alijs inseruientes se suis opibus sustentarent. Vnde esto diuites sint, licet poterunt sustentationis stipendia recipere, imò & illa in pactum deducere: quia quod iure petitur, iure etiam in pactum deducitur. Cum igitur de iure naturali debeat victus laboranti, vt habetur ex dictis, consequenter siue diues, siue pauper, potest pacisci de illo.

14. Nec obstat id quod insinuat ex D. Hieron. qui in *Epistola ad Damasum*, & refertur 1. g. 1. cap. *Clericos*, inquit expressè Clericos diuites non esse sustentandos de bonis Ecclesiasticis. Nam Glossa ibi multipliciter respondet.

Primo, quod sub illis verbis non continetur præceptum, sed exhortatio.

Secundo, quod loquitur de iis, qui

occasione ampliandi patrimonij sui, se à diuinis subtrahunt obsequijs.

Et tertio, quod ibi est sermo de quarta pauperibus debita, quæ abundantibus dari prohibetur.

Addit autem Arag. ubi supra, aliam solutionem, dicendo id esse exponendum iuxta morem antiquum: erat enim consuetudo in primitiua Ecclesia, vt videtur, & pauperes, & sacris initiati, siue exercerēt sacra ministeria, siue non, alerentur ex Ecclesiæ facultatibus, & aario publico; ait ergo Hieronymus Clericos sacris initiatos, si sint pauperes, alendos fore, esto nihil muneris in Ecclesia exerceant; at si diuites sint, habuerintve parentes, qui ipsis suffragari possint, non esse ex Ecclesiæ facultatibus alendos, nempe si sacra mysteria non exerceant.

15. Vt autem quod de Sacerdote diuite ex beneficio sentiendum sit, aperiamus, prænotate oportet, beneficia quædam esse simplicia, & alia curata. De simplicibus certum est, attendendam semper fore eorum institutionem. Nam quæ ad effectum celebrandi sunt instituta, obligationem inducunt celebrandi singulis, vel certis tantum diebus iuxta intentionem eorum, qui sub hac conditione onerosa redditus Ecclesiæ tribuunt, & huiusmodi sunt, quæ Capellanæ dicuntur. Ea verò, quæ ob alios fines instituta sunt, & nec expressè ex vi suæ institutionis huiusmodi onus imponunt, nec de eo sufficienter constat ex consuetudine, seu alia lege, vel statuto, non inducunt talem obligationem. Ratio est, quia beneficium datur propter officium, & consequenter solum obligat ad illud officium, sub cuius intuitu datur: cum igitur beneficia aliquando non dentur ob officium celebrandi Missam, sed ob officium psallendi, seu quouis alio modo Ecclesiæ inseruiendi, proinde nec obligat ad officium

officiū celebrandi Missam, & huiusmodi sunt multæ dignitates ecclesiasticæ, Canonicatus, portiones, præstimonias, & eiusmodi alia. Imò etiam si cum officio horum beneficiorum interdum sit coniunctum onus celebrandi Missam in tali Ecclesia, adhuc tamen per se, & ex vi institutionis eorum non oritur obligatio applicandi illam Missam pro hac, vel illa intentione, nisi aliunde ex peculiari consuetudine, seu statuto talis Ecclesiæ id constet; nec vnum per se, & directè ex alio sequitur. Ita Suar. *loc. cit. sect. 1.* atque ex mox dicendis magis fiat manifestum.

16. De beneficiis curatis solet specialiter controuerti, an esto Parochi reneantur celebrare singulis diebus, possint noua stipendia accipere pro Missarum celebratione. Partem negantem tenet Sotus *lib. 9. de inst. q. 3. art. 1. & in 4. diff. 13. q. 2. art. 2.* & Nugnus *in 3. p. q. 83. art. 1. concl. 2. pag. mihi 501.* Fundamentum eorum est, quia Parochi aluntur à suis ouibus, ac subinde tenentur pro illis sacrificium offerre, sicut tenentur per se, vel per alium in suis Ecclesiis celebrare.

17. Hæc opinio nullo nititur valido fundamento, & consequenter non est tenenda, sed potius absolutè dicendum, Parochos non teneri ad sacrificandum saltem quotidie pro ouibus suis, quamuis teneantur in Ecclesiis suis celebrare saltem diebus festis, vt populus Missam audire possit. Ita Maior. *in 4. diff. 45. q. 3. dub. 3.* Palud. *ibidem*, similiter *q. 3. dub. 3.* Nau. *sum. c. 25. m. 135.* Cord. *lib. 1. q. 4. dub. 5. ibi, & quia de Curatis.* Suar. *loc. cit.* Rod. *sum. 1. p. cap. 251. conclus. 1.* & latè Bonac. *tom. 1. diff. 4. q. ult. punct. 7. propos. 2.* cum aliis per eum relatis *num. 5.* Suadetur autem sic,

18. Primò, quia beneficium curatum instituitur ad animas doctrinæ, & sa-

cramentorum administratione pascendas, non verò ad sacrificandum pro illis. Hoc enim non est ex se necessarium ad animarum regimen: igitur ex vi sui beneficij Parochus solum tenetur ad officium, sub cuius intuitu fuit institutum, & sibi datum.

19. Secundò, quoniam huiusmodi obligatio nullo iure positio cauetur, vt constat. tum quia nec scriptum, nec consuetudine declaratum ostendi potest. tum quia non est verisimile quòd in vniuersa Ecclesia vigeat consuetudo aliqua præcepto eiusdem Ecclesiæ contraria.

20. Tertiò, quia nec Episcopus pro suo Episcopatu, nec Papa pro vniuersa Ecclesia tenetur quotidie sacrum facere, sed alia habent pastoralia munera, ratione quorum redditus ecclesiasticos possideant: igitur idem est de Parochis seruata proportione dicendum. hæc autem limitanda censeo, nisi obstat statutum aliquod, seu consuetudo, cui semper standum erit.

21. Fundamentum contrariæ opinionis facile soluitur ex dictis; quanuis enim Parochi alantur à subditis, non tamen propter obligationem celebrandi pro ipsis, sed quia eis ministerio Sacramentorū inseruiunt. Negatur etiam similitudo adducta. aliud namque est teneri ad dicendam Missam, vt Parochiani possint eam audire, & aliud teneri ad offerendum pro ipsis: atque ideo etsi prius concedamus, posterius tamen negamus, sunt enim valde diuersa, vt aliis citatis probat Fraxinellus *in suo tract. de oblig. sac. sect. 3. prænot. 2.* Nec dictis obest declaratio S. Congregationis Concilij sub anno 1626. dum ait Sacerdotes quibus diebus tenentur Missas celebrare ratione beneficij, capellæ, legati, aut salarij, si eleemosynas pro aliis etiam Missis celebrandis susceperint, non posse eadem Missa verique oneri satisfacere.

Y Y y 3 Respon

Respondetur enim id intelligi dum Sacerdotes prædicti celebrare tenentur pro peculiari alicuius intentione, quod nos etiam certissimum reputamus, & faretur Bonac. *punct. 8. num. 6.* cum alijs, quos ipse refert.

22. Quæres secundò, quòdnam sit iustum Missarum stipendium. Atque in primis hic non agimus de stipendio, quod ex aliquo ecclesiastico titulo, seu ex redditibus certis, & stabilibus procedit, tunc enim certissimum est, quidquid tali titulo annexum reperitur, seu ob piam causam relictum, aut donatum fuit Ecclesiæ, esse iustum talis obligationis stipendium, neque in hoc potest esse excessus. tum quia huiusmodi redditus voluntariè Ecclesiæ donatur. tum quia decens Sacerdotis status habet latitudinem, ac propterea si is, qui Capellaniam, vel simile beneficium instituit, vult pinguioribus redditus, seu maius stipendium ob singula sacrificia relinquere, totum id rationem iusti stipendij subire dicitur. E conuerso autem si interdum eueniat, quòd redditus sint adeò tenues, vt mediocres, vel minimum stipendium non attingant, quomodo, & à quo id sit ad æquitatem reducendum dicemus *dub. sequenti*. Solùm igitur in præsentì agendum erit de stipendijs, quæ à fidelibus voluntariè exhibentur pro Missarum celebratione, & ab Hispanis *pisanze* vocantur.

23. De his itaque dicemus illa iusta æstimari stipendia, quæ à Superiiori potestatem habente taxata sunt. Ratio est, quia licet Missarum stipendia non sint verè pretia, tamen quatenus in eis dandis, & recipiendis ratio iustitiæ intercedit, seruant quandam proportionem, & in eis requiritur medium aliquod æqualitatis, sine qua nec vera iustitiæ ratio, nec medium illius inueniri potest: igitur sicut pretia rerum possunt communi lege, & publica pote-

state taxari; ita & iusta Missarum stipendia, vltra quam taxationem aliquid maius exigi non potest. Patet consequentia; tum à paritate rationis, tum quia cum hoc medium non sit ex natura rei definitum, nequit certiori modo, aut via præscribi, quàm si lege communi, & publica potestate taxetur. Hæc autem potestas est in Ecclesiâ, vel vniuersalis in Romano Pontifice, vel particularis pro suis diocesibus in Episcopis. Vnde non licet Sacerdoti maiora, vel plura stipendia pro vna Missa exigere, quàm sint à prædictis taxata. Ita Suar. *d. disp. 86. sect. 2.* Miranda in *man. Pralat. tom. 1. q. 41. art. 23. concl. 1.* & est communis.

24. Si Missarum stipendium non sit còmuni lege taxatum, illud erit iustū, quod còmuni còsuetudine fuerit receptum, & approbatum, seu quod à viris prudentibus, & Deum timentibus communiter peti, aut dari solet. Ita præfari auctores, & est ferè communis. Probatur autem, tum quia exclusâ lege taxante, hæc est communis via censendi, seu iudicandi iusta pretia rerum, vnde quoniam Missarum stipendium, esto non sit propriè pretium, cum eo tamen proportionem seruat, idem consequenter de illo sentiendum est. tum etiam, quia non debet, nec expedit committi cuiuscunque voluntati, vt suo arbitrio possit iustum Missarum stipendium taxare, augere, vel minuire; id enim repugnat rationi iustitiæ; igitur dum lege, & auctoritate publica hoc non est definitum, ex communi æstimatione, & consuetudine, quæ habet vim legis, id erit petendum, seu iudicandum. Hinc fit quòd si contingat, stipendium non esse lege taxatum, cum æqualitas iusta non consistat in indiuisibili, sed suam habeat latitudinem, vt habent rerum omnium pretia, quæ còmuni tatarum æstimatione præscribuntur; còmunis enim æstimatio

æstimatio non semper est adeo fixa, & certa; idcirco sicut in his pretiis solent gradus distingui, in infimū, medium, & summum; ita etiam possunt huiusmodi stipendia distingui. Atque ideo subiungit Suar. *conclus. 2.* cauendum esse Sacerdotibus, ne more venalium rerum se in hoc negotio gerant, cum fidelibus nimirum contendendo, ut rigorosa, & summa stipendia exigant; nam etsi in rigore non sit iniustitia, est tamen quædam irreuerentia, ex qua plerumque scandalum provenire solet. Ad hæc, si Sacerdos mediocri, vel infimo stipendio, iusto tamen, semel contentus sit, non potest illud deinceps arbitrio suo reducere ad rigorosum stipendium, minuendo scilicet Missarum numerum; tum quia id esset contra iustam dantis voluntatem: tum, quia esset etiam acceptionis rei alienæ domino rationabiliter inuito.

15. Quæres tertio, an liceat hoc stipendium ita taxari, ut neque plus, neque minus, iuste accipi possit.

Negatiue respondent Sor. *lib. 9. de iust. q. 6. art. 1. ad 2.* & plures alij statim citandi, & rationem assignant, quia hoc esset impedimentum, & obstaculum ponere pijs fidelium voluntatibus. Ut autem hæc sententia, & veritas facilius comprehendatur,

26. Dico primò, certissimum est, nec in dubium reuocari potest, quin hoc stipendium ita taxari possit, ut nec Sacerdotibus liceat maius exigere, nec etiam fideles minus dare possint. Hæc assertio quoad priorem partem necessaria videtur ad vitanda scandala, & sacrilegia, quæ in exactionibus iniquis stipendiorum committi possunt; quoad posteriorem verò expedit, vel etiam requiritur ad præcauendum ne laici cogant pauperes Sacerdotes, ut vili stipendio contenti ad hoc ministerium obligentur. Et quidem si Sacerdotibus præscribitur

terminus, ultra quem plus non exigant, ratio æqualitatis postulat, ut laicis etiam iniungatur, ne minori stipendio possint Sacerdotes ad hoc obligare. Ita Cord. *lib. 1. q. 4. & Suar. fest. 2. vers. Sed circa hoc*, & est communis.

27. Dico secundò. Non obstante dicta conclusione adhuc certissimum etiam est, quòd non prohibetur, nec prohiberi potest, quominus fideles maiora, ac duplicata stipendia exhibeant, si velint, modò id spontaneè faciant, ac similiter non prohibetur, quominus Sacerdos minori stipendio còtentus possit pro alijs sacrificium offerre. Prior pars probatur, tum ex ratione Soti, quam supra adduximus. Tum quia aliud est exiustitia exigere, aliud quod gratis donatur accipere: igitur lex iustitiæ, per se loquendo, non impedit misericordiæ, aut liberalitatis, vel etiam Religionis opus. Posterior pars probatur, tum quia non obstante lege iustitiæ, potest quispiam remittere, & cedere iuri suo; tum quia cum possit Sacerdos omnino gratis, & absque ullo stipendio se ad offerendum sacrificium obligare, à fortiori poterit minori stipendio esse contentus.

28. Constat igitur ex utraque præcedenti assertione, quòd posita dicta taxatione, nec maius stipendium iuste exigi potest, neque minus dari, nisi volentibus, & consentientibus, tam laicis, quam Sacerdotibus. Ita Cord. *tratt. de cas. const. q. 27.* Caiet. *sum. verb. Simonia, in 4. regula.* Gutier. *lib. 1. quest. can. cap. 29. n. 3.* Petrus Cenedo similiter *quest. can. q. 27. n. 4.* Ledesma *sum. 1. p. rii. de sacram. Euch. cap. 18. vers. octaua conclusio.* Suar. *vbi supra*, & Fagundez *lib. 3. de præcept. Eccles. cap. 7. n. 6.*

29. Dico tertio, si in aliqua Ecclesia lex, seu statutum feratur, ut pro nullo celebretur Missæ sacrificium, nisi ex tali, vel tali stipendio, illicitum esset.

Ita

Ita D. Thom. 2. 2. q. 100. art. 3. ad 2. ibidem Caiet. & Arag. *versic. non licet*, Nau. *sum. cap. 2. 3. n. 106. Med. sum. p. 1. cap. 14. §. 20.* & ferè omnes suprà citati, quam sententiam, moraliter loquendo, veram censet Suar. citatus, maxime si respectu personarum singularum talis lex fieret, quia per eam, (vt ait D. Thom.) præcluderetur via gratis impendendi pietatis officium; at respectu alicuius communitatis statutum illud non semper esset malum, imò est in vsu plurimum Ecclesiarum; pertinet namque vel ad quandam totius Capituli decentiam, vel ad congruam sustentationem totius Ecclesiæ, & expensarum, quæ in illa fieri consueverunt. Nihilominus nunquam intelligendum est per huiusmodi statutum prohiberi, quo minus, si misericordiz, pietatisve ratio exigat, vt dictum sacrificium absque tali stipendio aliquando celebretur, id licitè fieri possit, saltem ex voluntate ac consensu eorum, ad quos de iure spectat; alioquin talis prohibitio sic intellecta, pugnaret proculdubio contra rationem, & equitatem, & Christianam pietatem, atque hoc præcipuè intendit D. Thom. *loco cit.* neque aliud ratio ipsius suadere videtur.

29. Quæres quartò, an licitè Sacerdos, cui ab vno, seu diuersis plura fuere stipendia oblata pro tot Missis dicendis, non tamen integra, sed minora, quam per legem communem, seu consuetudinem taxata sunt, possit eas ad minorem numerum reducere, ad ratam elemosynæ, quæ iuxta taxationem factam debetur. Affirmatiuè respondent Cord. lib. 3. q. 4. dub. 1. Angles in 4. sent. p. 1. quæst. de valore Missæ art. 2. concl. 2. Append. 2. Miranda in man. Prelat. tom. 1. quæst. 41. art. 13. conclus. 3. Suar. d. disp. 86. sect. 4. *vers. unde consequenter infero.* Valsq. in 3. part. tom. 3. disp. 234. cap. 3. n. 19. Filliuc. tom. 1. tract.

5. cap. 6. num. 181. Nugnusi 3. p. tom. 1. q. 83. art. 1. dub. 9. concl. 2. Fraxinel. sect. 4. concl. 1. §. 2. Azor. p. 3. lib. 12. c. 6. q. 3. & alij. Ducuntur, tum quia dum Sacerdoti non datur iustum, & integrum stipendium, fit illi iniuria, & iniustitia; tum quia quod iustitiæ terminum non excedit, iustè fieri potest; non autem exceditur iustitiæ terminus, cum quis stipendium lege, vel consuetudine taxatum, & non amplius recipit.

30. Limitat Cord. & post illum Fraxinellus, id intelligi, nisi adsit expressa promissio, vel iuramentum de dicenda Missa pro illo paruo stipendio, alioquin violaretur fidelitatis virtus, & periculum committeretur. Hanc tamen limitationem non esse necessariam censet Suar. quia adhuc Sacerdoti fit iniuria, cogitur enim ob paupertatem inæquale stipendium acceptare; atque ideo non obstante pacto, seu promissione verbali potest compensatione uti, & se indemnem seruare, reducendo Missas ad iustum, non tamen rigorosum stipendium, sicut famulus, seu operarius, cui condigna merces non tribuitur, potest damnum suum omni meliori modo possibili refarcire, est id in principio ob paupertatem coactus sit pacisci pro iniusto, & inæquali stipendio.

Addit insuper Cord. & post illum Azorius, posse Sacerdotem Missis iam celebratis auxilium iudicis implorare, vt curet consuetum sibi stipendium tradi, iuxta cap. ad Apostolicam, de simonia; si verò iudex, aut non possit commodè recuperari, possit ipse Sacerdos ius sibi dicere, compensatione utendo, sicut de aliis debitis liquidis, & certis communiter sentiunt DD.

31. Mihi oppositum videtur verius, & absolutè tenendum. tum quia cõto stipendia non sint integra, non tamen tollitur Sacerdoti libertas acceptandi, vel non acceptandi illa; & consequen-

ter



ter si illa acceptet, iuri suo celsisse vide-  
tur, & sibi, suæque imprudentiæ impu-  
ter incommodum inde proueniens, cum  
pinguius potuisset stipendium exigere,  
vel tenue oblatum non acceptare. tum  
quia sicut qui tenuem accepit capel-  
laniam quotidianam, idest, cum onere  
quotidie celebrandi, tenetur ad huius-  
modi onus donec Missarum numerus  
à legitimo Superiore minuatur, vt tra-  
dit Azor. 3. p. lib. 12. c. 6. q. 4. ita qui exi-  
gua contentus stipe promissit Missam  
pro aliquo offerre, tenetur totum eius  
valorem pro illo applicare. tum etiam,  
quia ex opposito fraudarentur animæ  
defunctorum, qui sperantes consequi  
fructum tot, vel tot Missarum, suffi-  
ciens stipendium pro illis dicendis re-  
liquerunt: vnde non solum hæredes  
sunt in hoc casu æstimandi rei, sed Sa-  
cerdotes etiam, qui tenui stipendio con-  
tenti non celebrant Missarum nume-  
rum expressè petiitum, ac promissum.  
Ita Henric. lib. 9. de Missa cap. 22. num.  
5. & Coninch. q. 83. art. 1. dub. 10. num.  
191. subobscurè tamen, sed expressè  
Rodr. sum. tom. 4. cap. 52. n. 4. & Bonac.  
d. disp. 4. q. vlt. punct. 7. §. 2. n. 8. qui etiam  
multos citat pro hac sententia, quorum  
aliqui contrarium sentiunt, vel nul-  
lam huius difficultatis mentionem faci-  
iunt. Et quidem nostra conclusio vi-  
detur expressè haberi ex præcitato de-  
creto de celebratione Missarum, ubi sa-  
cra Concilij Trid. Congregatio sub ob-  
testatione diuini iudicii præcipit, vt  
si pro pluribus Missis plura stipendia  
quantumcunque incongrua, & exigua  
siue ab vna, siue à pluribus personis  
collata fuerint, aut conferentur in fu-  
turum Sacerdotibus, aut locis piis, tot  
Missæ obsoleat celebrentur, quot ad ra-  
tionem attributæ elemosynæ præscri-  
ptæ fuerint.

*An Missarum obligationes possint  
ad minorem numerum reduci, à  
quo, & quomodo.*

1. SUppono nullum Sacerdotem pri-  
uata auctoritate posse Missarum  
numerum, & obligationes reducere.  
Ratio est, quia voluntatem relinquen-  
tium, seu donantium stipendia, quibus  
determinatur Missarum numerus exqui-  
ritur, nemo, qui sit Papa inferior, mu-  
tare potest; id enim solius Papæ munus  
existit, cum ille solus vltimam testato-  
ris voluntatem mutare possit; imò nec  
Papa absque causa legitima id præsta-  
re potest. Ita Nau. tom. 1. consil. lib. 3. de  
celebrat. Missarum, consil. 9. num. 9. Azor.  
p. 3. lib. 12. cap. 6. q. 4. & alij.

2. Cæterum dico primò, Episcopi, &  
Generalis Ordinum possunt tanquam  
Sedis Apostolicæ Legati ex cõmissione  
Concilij Trid. iusta causa interuenien-  
te Missarum numerum minuere, Epi-  
scopi quidem in Synodo diocesana, &  
Generales in Capitulis generalibus ita  
habetur expressè sess. 25. de reformatio-  
ne cap. 4. sub his verbis. *Contingit sape in  
quibusdam Ecclesiis vel iam magnū Mis-  
sarum celebrandarum numerum ex variis  
defunctorum relictis impositum esse, vt illis  
pro singulis diebus à testatoribus præscriptis,  
nequeat satisfieri, vel elemosynam eiusmodi  
pro illis celebrandis adeo tennem esse, vt fa-  
cile non inueniatur qui velit huic se muneri  
subicere; vnde depererunt pia testamenti  
voluntates, & eorum conscientias, ad quos  
prædicta spectant, onerandi occasio datur.*  
*Sancta Synoda cupiens hac ad pios vsus re-  
lictis, quo planius, & utilius potest impleri:  
facultatem dat Episcopis, vt in Synodo  
diocesana, itémque Abbatibus, & genera-  
libus Ordinibus, vt in suis Capitulis gene-  
ralibus, re diligenter perspecta, possint pro  
sua conscientia in prædictis Ecclesiis, quas*

hæc prouisione indigere cognouerim statuere circa hæc, quidquid magis ad Dei honorem, & Ecclesiarum utilitatem uiderint expedire; ita tamen ut eorum semper defunctorum commemoratio fiat, hæc ibi.

3. Dico secundò. Prædicta reductio non extenditur ad Missas in fundatione beneficij ecclesiastici impositas, nec ad Missas post idem Concilium quomodolibet imponendas.

Prior pars suadetur, tum ex declaratione S. Congregationis eiusdem Concilij, quæ sub anno 1597. die 3. Martij censuit non licere Episcopo ex præcæto Concilij decreto reducere onera Missarum in fundatione appositæ. sic refert Piafescius in *praxi Episc.* p. 2. c. 3. num. 1. Vgolin. etiam de *offic. Episc.* cap. 61. num. 1. Forbus in *annot. ad compend. priuileg. verb. Missæ* 3. ibi, secundo notandum, & Garc. de *benef. tom. 2. par. 7. cap. 1. n. 131.* tum quia mentem fundatorum ad pios usus disponentium, inferior à Papa, esto sit Apostolicæ Sedis Legatus, alterare non potest, *Clem. 1. ante medium*, & ibi *glos. verb. Sedis Apost.* & *Abb. num. 3. de relig. dom.* Felin. in *cap. cum accessissent*, num. 17. in *fin. de constit.* & *Graff. decis. aur. par. 1. lib. 2. cap. 35. num. 1.* Limita tamen, nisi in ipsa fundatione expresse caueatur, ut liceat Episcopo iniunctum onus reducere, ac moderari, sic enim declarauit S. Congregatio Concilij anno 1626. in responsione ad primum dubium.

4. Posterior pars suadetur, tum quia sic habetur ex decreto similiter sacre Congregationis eiusdem Concilij, quæ anno 1625. die 21. Iunij prohibuit ne Episcopi in diocesana Synodo, aut Generales in Capitulis generalibus, vel alio quouis modo reducant vlla Missarum celebrandarum onera, quæ sint aut post idem Concilium, aut in limine fundationis imposita; sed pro his reducant, aut moderant, seu commutent

dis ad Apostolicam Sedem recurrant, reductiones autem, moderationes, seu commutationes alioquin factas, omnino nullas, & inanes declarat, tum etiam, quia in his, in quibus potest quis dispensare, non potest in futurum statuere; esset namque occasio peccandi, & fideles decipiendi. Ita M. A. Genuens. in *man. Pralat. cap. 72. num. 3.* citans *Feder. conf. 275.* & *Felin. in cap. fin. de constit. cap. mala, dist. 8.* tenent etiam *Rodr. qq. regul. tom. 1. q. 43. art. 13.* & in *sum. 1. p. cap. 152.* nec non *Miranda in man. Pralat. tom. 1. q. 43. art. 24.*

Nec refert si dicas Concilium Tridentinum quoad hoc corrigi, seu limitari per prædictum eiusdem Concilij decretum, ut falsò aliqui arbitrantur, & quidem falsum esse constat, quoniam aliàs adderetur clausula aliqua reuocatoria, nempe, non obstante Concilij decreto, aut alia similis, qua fieret modo aliquo specialis eiusdem Concilij mentio, ut tenent communiter omnes.

5. Dico tertio. Prædicta reducendi facultas valet solum quoad alias Missas ante Concilium in magna multitudine, & cum magno onere à testatoribus relictas, siue in perpetuum, siue in numero determinato sint celebrandæ. Ita refert *Passar. in comp. priuileg. fol. 132.* fuisse sibi responsum ab eadem sacra Congregatione sub anno 1575. & tenent *Miranda in man. Pralat. tom. 1. q. 41. art. 24.* *Riccus in praxi tom. 1. refol. 341. num. 4.* *Ragucius in Vasq. Eccles. discipl. de Episc. q. 6. n. 86.* *Piafesc. in praxi Episc. par. 2. cap. 3. art. 5. num. 3.* *Garc. de benef. tom. 2. par. 7. cap. 1. num. 131.* & plures alij. Imò idem habere locum in Anniversariis, si ob eorum numerum, vel stipendij tenuitatem obiri nequeant, declarauit eadem S. Congregatio instante Archiepiscopo, seu Capitulo Neapolitano sub anno 1583. 25. Nouembris, ut testatur *Sieph. Quaranta summ. Bull. verb. Missæ.*

6. Ex dictis igitur constat cauendos esse Enriq. *lib. 9. cap. 22. num. 6. lit. P.* & Miranda *loco cit.* dum asserunt Episcopum ex vi Concilij posse reducere Missas in fundatione beneficij appositas: ac similiter Possuinum *cap. 2. num. 25. q. 9.* & Naldum *verb. Missa num. 9.* dum tentiunt Concilium generaliter, & absolute loqui de Missis, & legaris siue ante, siue post Conciliū relictis: vtrumque enim esse falsum, habetur ex dictis in *secunda conclus.* iuxta declarationes sacre Cōgregationis Concilij, à quibus (teste Bonac. *suprà* §. 2. *num. 10.*) non est absque firmiori fundamento vllatenus recedendum.

7. Sed quæres primò, an Episcopi possint huiusmodi reductionem officere extra Synodum diocesanam, & similiter Abbates, ac Generales extra Capitula generalia.

Quoad Episcopos multi, & probabiliter quidem opinantur posse id efficere extra Synodum. Ita Enriq. *lib. 9. de Missa cap. 26. num. 6. lit. P.* Nauarr. *in man. c. 25. num. 1. 38.* Regin. *in praxi penit. tom. 2. lib. 23. cap. 17. num. 239.* Miranda *in man. Prelat. tom. 1. q. 41. art. 24.* Barbosa *de potest. Episc. p. 3. allegat. 28. n. 12.* Molfesius *sum. tom. 1. tract. 3. cap. 37. n. 29.* Fagund. *de 1. precept. Eccl. lib. 3. cap. 7. num. 14.* & alij. Ducuntur primò, quia (vt ait Nauarr.) hoc quod continetur in Concil. Trid. quoad Abbates, & generales Ordinum, videtur ius nouum, non tamen quoad Episcopos, qui consequenter possunt id nūc facere sine Synodo, arg. *cap. cum accessissent, & cap. ex parte, de consuet.* cum vbi adnotatis; sicut poterant iure antiquo, quod non videtur per Concilium sublatum, cum hoc sit factum ad augendum, non ad tollendum, arg. *cap. finalis, de verb. signif.* ac subinde ius Concilij respectu Episcoporum videtur sanè dicendum cumulatiuum, non priuatiuum.

8. Hæc probatio parui ponderis, & momenti est; nullibi enim in iure reperitur expressè hæc facultas Episcopis concessa ante Concilium Tridentinum; & quidem si antea de iure communi id possent Episcopi, frustra eis postea concederetur; nec iura per Nauarr. allegata, de Missis, aut anniuersariis loquuntur, *cap. cum accessissent, de consuet.* solum agit de quadam primiceriatus dignitate per statutum Canonicorum Trullenfis Ecclesiæ extincta, cuius redditus Canonici inter se diuiserunt, & in *cap. ex parte*, solum agitur, & quæritur, an possint Canonici numerum Canonicorum restringere, & resoluitur non posse, præsertim sine causa.

9. Cæterum potest idem probari secundò, quia Concilium Tridentinum *sess. 22. cap. 6.* statuit, vt Episcopi in commutationibus vltimatum voluntatum tanquam Sedis Apostolicæ delegati summarie, & extraiudicialiter procedant, & veritate comperta id; quod sibi melius in Domino visum fuerit, prouideant; at huiusmodi Missæ plerumque sunt in testamento & vltimis voluntatibus relictæ; & hæc reformatio estò absolute restrictio dicatur, nihilominus si varietas temporis, & tenuitas stipendij spectentur, non restrictio, sed compositio; est, reformatio rationabilis, & commutatio quædam, quasi iustitiæ ad æqualitatem: igitur cum idem Concilium *sess. 25. cap. 4.* Episcopis concedit, vt in Synodo diocesana possint pro sua consensu statuere circa hæc quid magis ad vtilitatem animarum visum fuerit, non concedit talem potestatem priuatiuè, quasi velit eos priuare potestate aliter faciendi, sed cumulatiuè, vt iuxta temporis, & necessitatis exigentiam possint id vel in Synodo, vel sine illa efficere.

10. Tertiò, quia cum Concilium *d. sess. 25. cap. 4.* totum hoc negotium re-

misit ad Episcopum, & ad Synodum diœcesanam, videtur supponere Synodos diœcesanas singulis annis esse celebrandas, sic enim præscripserat *sess. 24. præcedenti, cap. 2. in decreto Reformationis*. Vnde cum ipse nunc rarissimè, & ferè nunquam celebrentur, saltem in aliquibus diœcesibus, videtur similiter cessare vltima dispositio *sess. 25.* cum ista sit dependens ab illa, atque ex obseruatione illius pendeat huius obseruatio.

11. Hinc nonnulli ex præcatis authoribus sentiunt non opus esse Synodo ad faciendam huiusmodi reductionem, de qua loquitur Concilium, sed satis esse quòd id præster Episcopus de Capituli consensu, si necessitas urgeat, & fauet Felin. *in cap. cum accesserint, de constit. col. 8. num. 19.* Enriq. ait sufficere quòd id efficiat Episcopus de consilio Capituli. Atque sic fuisse determinatum in Synodo Salmanticensi, ubi plures doctissimi viri erant congregati, testatur idem author. At Fagundez *num. 15.* constanter asserit posse Episcopos aliquando id efficere propria sua autoritate, de consilio tantum virorum prudentum, ac litteratorum, & rationem reddit, quia cum frequentes sint Episcoporum occupationes, & grauissima eisdem occurrant negotia, idcirco non facile possunt Capitulum adire, seu conuocare, vt ibi de huiusmodi reductionibus agant, & Capitularium iudicium exquirant, cum tamen aliunde viros litteratos faciliè habeant, & consulere queant.

12. Hæc opinio videtur satis probabilis, & æquitati consona, tum ob secundam & tertiam probationem, tum quia alioquin nõ satis fuisset per Concilium circa hæc prouisum. Nam si contingat quòd Missæ, vel ob stipendij tenuitatem, vel ob Sacerdotum carentiam non celebrentur, tunc nisi Episcopi liceat extra Synodum prouidere, id

profectò in notabile animarum defunctorum præiudicium, & conscientiarum hæredum detrimentum resultabit; cum nec decretum de Synodo quotannis celebranda obseruetur, vt constat, nec hæredes ipsi præ nimia, qua forsitan opprimuntur, inopia, possint Scdis Apostolicæ remedium procurare; videtur igitur dicendum id licere Episcopis extra Synodum; imò absque Capituli consensu, cum id nullo iure caueatur expressè; & consequenter sufficiet eiusdem Capituli, vel etiam virorum litteratorum consilium. Doctores autem asserentes requiri Capituli consensum, possent exponi de honestate, seu congruentia, non de necessitate.

13. Nihilominus dicta opinio mihi non omnino probatur, nisi in casu aliquis grauis necessitatis, & præcis privilegiis, quibus fulgent aliquando Episcopi, sicut de Eminentiſſimo Cardinali Borromæo olim Archiepiscopo Milanensi, testatur Bonac. *loco cit. num. 9.* nam in Tridentino conceditur facultas Episcopis moderandi numerum Missarum, non tamen simpliciter, & absolute, sed in Synodo diœcesana. atque ideo regulariter ita est interpretandum, & ita censent Bonac. *ibidem.* Garc. *de benefic. tom. 2. p. 7. c. 1. num. 134.* Azor. *3. p. lib. 12. cap. 6. q. 4.* & alij. Vnde quoad Abbates, & Generales Ordinum, à fortiori dicendum est, non posse Missarum numerum iuxta Concilij dispositionem reducere, nisi in suis Capitulis generalibus, ita enim Concilium expressè statuit, & tenent communiter omnes DD.

14. Quæres secundò, quid intelligatur nomine Ecclesiastici beneficij, cum dicimus Missas in fundatione beneficij appõsitas non posse ab Episcopis, nec à Generalibus Religionum ex vi Tridentini reduci ad minorem numerum.

Respondetur intelligi Capellaniam, seu Capellam, cum habeat spirituale annexum,

annexum; vt ex sacris Canonibus explicat Paul. Fusc. *de visit. & regim. Eccles.* lib. 2. cap. 11. num. 2. Vnde, quamuis Capellania sit parui valoris, & modici fructus, non ideo excluditur, vt non sit beneficium ecclesiasticum; valor enim non minuit eius qualitatē, vt ex eod. Fusc. num. 10. censet Fraxinellus *scilicet* 7. §. 5. num. 7. Capella autem sumitur tum pro altari in aliqua Ecclesia constructo, tum pro Capella extra Ecclesiam posita, ob maiorem fortasse alicuius populi commoditatem. Ita Mandosius *in reg. de Annalib.* 9. 17. apud Fusc. *loc. cit.* n. 6. Nullus igitur Prælati potest Missas reducere, quæ ex fundatione, seu dotatione alicuius Ecclesiæ, Capellæ, seu altaris celebrari debent, etiam si fructus beneficiorum huiusmodi pro Missarum oneribus sustinendis non sufficiant, vt habetur ex dictis *dub. præcedenti*; potest tamen Episcopus, seu Abbas, & Generalis respectiue; Missas reducere, quæ ex variis defunctorum relictis absque vilo beneficii ecclesiastici titulo impostæ sunt, etiam testamento, vt in aliqua determinata Ecclesia, capella, seu altari celebrari debeant. Ita Fraxinellus *ibidem* num. 12. vbi insuper addit sic posse interpretari auctores, qui asserunt posse ex vi Concilij reduci Missas in capellis, capellaniis, seu altari fundatas.

15. Quætes tertio, quomodo sit faciendi huiusmodi reductio. Negotium hoc satis difficile est, & in quo cautè, ac prudenter Prælati procedere tenentur, agitur namque de muranda vltima defuncti voluntate, quæ modis omnibus seruanda est, 13. 9. 1. Atque ideo in primis iusta causa adesse debet. Io. Driedo *lib. 2. de libert. cap. 4.* & Io. Molan. *de pjs testamēt. cap. 6.*; apud Fraxin. *scilicet* 7. §. 4. num. 1. Iusta verò causa æstimatur, si cursu temporis, vel Clericorum, vel Religiosorum numerus diminuat, aut Ecclesiæ, seu monasterij redditus exte-

nuerentur, aut denique impensæ maiores fiant. Azor. 3. p. lib. 12. cap. 6. q. 5.

16. Deinde præcipua conditio à Concilio Trid. *vbi supra* determinata ea est, vt defunctorum, qui pro suarum animarum salute, ea legata reliquerunt, commemoratio fiat. Quæ commemoratio fieri poterit, si Prælati statuatur, vt semel in hebdomada generalis Missa celebretur, vel cantetur pro defunctis; vel vt singulis feriis secundis recitetur, seu cantetur primum nocturnum defunctorum; vel aliquid aliud eiusmodi fiat, quo animabus benefactorum consulatur. Barth. Vgol. *de offic. Episc.* cap. 61. num. 1. & Fraxin. *ibidem* num. 17. In Missis autem reductis commemoratio fiat per intentionem applicationis Missarum, per preces in secundo Memento, & per Collectas in Missis faciendas, atque ita declarasse sacræ Congregationem Concilij *super præciis*, cap. 4. in decisione, quæ incipit, Commemorationi faciendæ, refert Ioan. Franc. Leo *in præxi for. ecclesiast.* part. 2. de voto, & voti dispens. cap. 11. num. 38.

17. Enriq. lib. 9. de Missa cap. 22. n. 7. agens de reductione à Regularibus faciendi, sic ait, Generalis Pastor Ordinis cum Capitulo generali potest prudenter facere eam numeri reductionem Missarum, sicut de Episcopo dictum est. Quod si ad finem anni supersint multarum Missarum stipendia, quibus monasterium satisfacere non potuit, solent eadem Missæ pro dictis reputari, & stipendia vim obtinent elemosynæ, Papa rationabiliter commutante voluntatem contribuentium; nec in hoc fit illis vlla iniuria, tum quia quoad impetrationem diuinorum donorum satisfir ipsis per Missas, quæ in tali monasterio celebrantur generali intentione pro benefactoribus, tum quia quoad satisfactionem temporalem fit eisdem compensatio per bonorum operum.

monasterij, vel Religionis applicationem, seu communicationem; qualis sit Confratribus, & benefactoribus; imò & per commemorationem in aliis Missis, & suffragiis. Hæc Henricus. Huius doctrinæ fundamentum est, quia Papa est non sit diuinæ legis, & naturalis dominus; est tamē illius dispensator; & quamvis nō habeat rerū omnium temporalium, & humanarum contractuum absolutum dominium, habet tamen iurisdictionem, ac potestatem ad eorum gubernationem, quatenus ad finem supernaturalem modo aliquo expediunt; atque ideo potest rationabili causa interveniente relaxare obligationem votorum, iuramentorum, & pactorum, quæ inter homines iniri consueverunt, etiam si diuino, & naturali iure, Deo, & hominibus ad ea seruanda teneamur. ac similiter in restitutione bonorum, quæ sunt incerta, & in obligationibus ultimarum voluntatum, habet dispensandi facultatem, ob commune Ecclesiæ beneficium. Ita Dried. & Molan. *vbi supra*. Sylu. *verb. Papa*. q. 12. & 23. Cord. *lib. 3. q. 4. dub. 3.* & Regin. *tom. 2. lib. 23. cap. 17. num. 239.* vbi etiam subiungit, quod sicut Papa potest taxare generaliter stipendia pro Missis, atque etiam augere, si expedire iudicauerit; ita potest in illis dispensare in huius, illiusve monasterij, seu Ecclesiæ beneficium, si necessitas eius ita exigit.

## DUBIUM XXI.

*An Sacerdos unico sacrificio possit pluribus obligationibus aliquando satisfacere.*

1. **P**RO huius dubij explicatione præmittendum est, quibus personis Missæ sacrificium conferat fructum suum. Sunt igitur distinguendæ duæ

habitudines, seu rationes personarum ad hoc sacrificium, nempe offerentis, & eius pro quo offertur: quamvis enim vna, eademque persona possit interdum esse offerens, & pro quo offertur; possunt tamen ad inuicem personaliter separari, & de facto aliquando separantur istæ duæ habitudines. Potest namque quis esse offerens, & nullatenus pro se offerre, sed totum sacrificij fructum alteri applicare: & è conuerso, potest euenire quod nullo modo quis offerat, nec sacrificio intersit, & tamen pro ipso sacrificium offeratur. Offerentes igitur ad 4. capita reducuntur, seu reduci possunt; nam primus offerens est Christus Dominus. Secundus dici potest Ecclesia, cuius nomine etiam offertur, & sub qua quodam modo cuncta eius membra comprehenduntur. Tertius offerens est Sacerdos ipse, qui ut minister, & in persona Christi sacrificium offert. In 4. ordine sunt omnes alij, qui specialiter cum Sacerdote concurrunt ad idem sacrificium offerendum. De hac personarum habitudine, id est, de offerentibus egimus *dub. ult. principali præcedenti concl. 2.* Superest nunc dicendum de secunda, id est, de iis, quibus applicatur, seu pro quibus offertur ex opere operato pars aliqua fructus sacrificij huius secundum se, & prout est à Ministro in persona Christi offerente. Quapropter

2. Dico primò, certū, ac indubitatum est, Missæ sacrificium conferre suum effectum ex opere operato eis, pro quibus offertur à Sacerdote, etiam si ille, pro quo sit oblatio, nullo modo offerat, dummodo non ponat obicem. Hæc assertio est omnium communis. Et probatur sic; nam effectus ex opere operato alicui dandus, confertur illi infallibiliter, nisi ponat obicem, ut patet in Sacramentis, quorum effectus est ex opere operato, & consequenter illum  
confe

conferunt infallibiliter eis, qui Sacramenta recipiunt, nisi obicem ponant: sed ille cui conferendus est effectus huius sacrificij, non est determinatus à Christo ex vi suæ institutionis, nec determinatur nunc per voluntatem eius ut existentis in cælo; ergo nequit alius esse, nisi is, quem Sacerdos sua intentione determinauerit, seu pro quo obtulerit, aut effectum huiusmodi applicauerit. Consequentia est legitima, & tenet à sufficienti partium enumeratione. Minor autem explicatur sic, quia aliquin vel dicta institutio facta esset, ita ut fructus maneat necessariò in ipso Ministro offerente; id tamen non est dicendum, tum quia oppositum constat ex Ecclesiæ usu, qui est ut pro aliis offeratur; tum ex communi ratione sacrificij publici, seu oblati à Sacerdote ut publico Christi ministro, cuius munus est, ut pro peccatoribus offerat. Vel facta est institutio ita, ut fructus sit totius Ecclesiæ, ac inter cuncta eius membra distribuatur iuxta vniuscuiusque capacitatem ex vi institutionis absque noua applicatione, sicut videntur sensisse Præpositiui, & alij antiqui, asserentes hoc sacrificium non magis prodesse ei, pro quo offertur, quam cæteris, ut referunt D. Thom. & plures alij in 4. sent. dist. 45. qui merito talem opinionem reiiciunt, tum quia est contra communem sensum, tum quia aliàs Sacerdos offerens vnum sacrificium pro multis, æquè satisfaceret singulis, ac si pro vno tantum offerret; non enim maiorem, minorémve fructum ideo recipiunt, quod est absurdum; imò sequeretur inde inanem, seu superuacaneam esse peculiarem huius sacrificij applicationem, quod est temerarium. Vel denique facta est institutio ita, ut Christus hanc applicationem suæ voluntati, & intentioni reseruauerit, sicut, referente Scoto quodlib. 20. videntur sensisse nonnulli,

dicentes applicationem Sacerdotis non valere, nisi cum Christi voluntate, ac intentione concordet; vnde inferebant, frustra, & temerè Sacerdotem applicare alicui hoc sacrificium, cum ei non constet de Christi voluntate: id tamen esse contra sensum, & traditionem Ecclesiæ, nemo inficari potest; ac propterea fatendum est, id non debuisse pendere ex noua Christi voluntate hominibus incognita, sed certam debuisse circa hoc statui legem, ut possent fideles humano more sacrificium offerre, & applicare, sicut in Sacramentorum effectibus factum esse cernimus. Superest igitur dicendum institutionem hanc fuisse factam, ita ut effectus huiusmodi conferatur illi, cui Sacerdos offerens, tanquam mysteriorum dispensator, illum applicauerit; qui institutionis modus non solum est vsui Ecclesiæ consentaneus, sed rationalis etiam; nam sicut Sacerdotis officium est intercedere inter Deum, & homines, ita conueniens videtur, ut ipse sacrificium Deo pro hominibus offerat.

3. Dico secundo, Sacerdos offerens non tenetur applicare partem aliquam fructus ex opere operato quoad satisfactionem pro tota Ecclesia, ut inter cuncta eius membra distribuatur iuxta proportionem Deo cognitam, imò nec de facto ita accidit: benè tamen quoad impetrationem.

4. Prior pars suadetur sic, quia vel talis obligatio, seu applicatio fundatur in ipsamet institutione, & Christi voluntate, vel in ordinatione Ecclesiæ; neutrum autem potest cum fundamento probabili affirmari. Non primum, quia nullibi reperitur tale præceptum fuisse à Christo impositum, nec id ex aliquo Scripturæ testimonio, Patrum traditione, seu Ecclesiæ declaratione constare, aut saltem deduci potest: tum etiam, quia si ex omnibus sacrificijs in Eccle

Ecclesia celebrari solitis pars aliqua fructus quoad satisfactionem applicaretur, semper animabus in Purgatorio existentibus, faciliè quidem, & breui tempore inde euaderet, imò viui etiam, ij præsertim, qui in statu gratiæ perdurant, vix habent aliquem poenæ reatum, si ex omnibus Missis in toto orbe celebratis aliquam poenæ remissionem perciperent, quod an sit credibile, aliorum esto iudicium. Nec secundum, tum quia nullibi est scriptum tale præceptum ecclesiasticum, tum quia vt Ecclesia posset hoc præcipere, deberet designare quanta, vel quota pars effectus esset applicanda pro vniuersa Ecclesia: hoc autem nec fecit, nec faciliè fingi potest; igitur dicendum potius est quod nulla sit talis obligatio in Sacerdotibus, sed vnusquisque operari debet iuxta suam propriam, & peculiarem obligationem; vel si nullam habuerit, iuxta prudens, & honestum arbitrium, vt rectè obseruat Suar. d. dist. 79. sect. 9. *quasi* 2. ad finem.

5. Posterior pars probatur, tum ex Canone Missæ, vbi habetur orandum esse pro omnibus in persona Ecclesiæ, & generaliter offertur pro omnibus, quoad impetrationem. tum ex cap. *visum est, de consecrat. dist. 1.* vbi sic habetur; *sicut nulla dies excipitur, qua non pro viuientibus, & pro quibuslibet necessitatibus Dominus deprecetur, ita nimirum nulla dies excipi debet, quin pro animabus fidelium preces Domino in Missarum sollemnibus fundantur.* Et quidem ita tenet communis vsus Ecclesiæ, quæ ab initio semper voluit, vt in omnibus sacrificiis oretur pro membris ipsius, idque tanquam rationi, & charitati consonum omnes farentur, vt sic de communi sacrificio cuncti fideles participant, & fructum aliquem percipiant. Atque hinc apertè deducitur diuisionem illam, quam ex doctrina Scoti, & aliorum alibi insinua-

uimus, in fructum, seu valorem generalem, medium, & specialem, interpretandum fore, ita vt quoad fructum generalem intelligatur de sola impetratione, non satisfactione; sed an fructus iste impetrationis possit dici ex opere operato, negat Suar. Sed oppositum ostendimus *suprà* dub. ultimo principali præcedenti, cum Fagundez, & aliis, cum valor iste non in merito Sacerdotis, sed in sanctitate Ecclesiæ, & ipsius sacrificij dignitate fundetur.

6. Sed obiicies, omnes fideles dicuntur, & sunt offerentes, quatenus sunt membra Ecclesiæ offerentis per Sacerdotem, etsi nullum actum habeant circa sacrificium, vt dictum est in secunda conclusione dubij vltimi principalis præcedentis: sed omnis offerens est particeps fructus huius sacrificij pro ratione, & modo, quo offert: igitur omnes fideles participant fructum etiam satisfactionis ex opere operato.

Respondetur minorem non habere locum in iis, qui dicuntur offerentes per generalissimam quandam rationem. Hi enim sunt offerentes solùm in habitu, & per quandam remotam, ac extrinsecam habitudinem, quæ non est satis ad percipiendum fructum satisfactionis ex opere operato. Ratio est, quia fructus Passionis Christi, quoad meritum, & satisfactionem non applicatur ex opere operato, nisi per propriam aliquam actionem, vel receptionem sensibilem, vel per specialem alterius applicationem: at in præsentī casu non datur hic fructus per specialem alterius applicationem, vt supponimus: nec sic offerentes aliquid recipiunt, per quod eis talis fructus applicetur, vt contingit in Sacramentis; nec etiam aliquid agunt, quia habitu duntaxat, & per extrinsecam denominationem dicuntur offerentes: illa autem denominatio non fundatur in aliquo actu hominis, qui



ad Dei cultum spectet, aut ad meritum, seu satisfactionem sic offerentis valere possit.

7. Obiiciens iterum, vt oblatio Sacerdotis sit speciali modo impetratiua, sufficit quòd Sacerdos offerat Ecclesiæ nomine, adeò vt quauis Sacerdos iniquus existat, adhuc actio illa vim suam impetrandi retineat: ergo idem similiter sufficit, vt oblatio illa sit satisfactiua ex opere operato independentè à sanctitate Ministri.

Respondetur negando consequentiam. nam dispar ratio est de impetratione, ac satisfactione; ad impetrandum enim sufficit sanctitas habitualis Ecclesiæ, ad quam respiciens Deus, quando illius nomine fit oblatio, seu oratio, inclinatur ad concedendum id, quod petitur, quauis Ecclesia per seipsam non oret; sicut dum à Deo petimus, vt nos exaudiat per merita alicuius Sancti, illa profectò concurrunt ad impetrandum nobis id, quod perimus, estò Sanctus ille non oret pro nobis. Similiter Sacerdos in persona Ecclesiæ orans, estò ipse Sanctus non sit, vt ramen impetret, sufficit quòd Deo repræsentet Ecclesiæ sanctitatem: ad satisfaciendum aurem de nouo ex opere operato non sufficit hæc repræsentatio, sed necessaria est realis actio, vel passio alicuius personæ Deo grata, vt tradunt Suar. *ead. diff. 69. sect. 8. assert. 2.* & post illum Miranda *d. 9. art. 13. conclus. 2.*

8. Dico tertio. Omnibus & singulis offerentibus, qui proprium aliquem concursum ad oblationem sacrificij habent, proprius aliquis fructus ex opere operato respondet; non solum quoad iuperrationem, sed etiam quoad meritum, & satisfactionem, ita ut si constituamus hominem Missæ sacrificio assistentem, vel ministrantem, cui Sacerdos intentione sua speciali nullum sacrificij fructum ex opere operato applicet, ad

huc homo ille aliquem suæ assistentiæ, seu ministerij fructum ex opere operato consequatur. Ita videtur sensisse D. Thom. 3. p. 2. q. 79. art. 5. Caiet. *tom. 2. apus. tract. 3. q. 2. Syll. verb. Missa 1. q. 9.* & expressè tradit Suar. *ead. diff. 79. sect. 8. assert. 4.* & Miranda *ead. art. 13. conclus. 4.* & videtur facere communis Ecclesiæ vsus in celebratione Missæ, cum in canone dicitur; *Et omnium circumstantium, pro quibus tibi offerimus, vel qui tibi offerunt.* Vbi apertè sit sermo de offerentibus ab ipso Sacerdote distinctis. Ratio autem est, tum quia oblatio huius sacrificij est fructuosa, ex opere operato, proindeque rationi consonum est, vt omnes ad illam per proprium actum, seu concursum moralem cooperantes participant eiusdem oblationis fructum, tum etiam, quia sicut vsus Sacramenti consistit in receptione, ita ratio sacrificij in oblatione, & consequenter sicut omnes, qui Sacramentum recipiunt, fructum illius participant; ita omnes offerentes per proprium concursum, seu actionem participant fructum sacrificij.

9. Hinc igitur infero duplicem fructum ex opere operato à fortiori respondere Sacerdoti sacrificium Missæ offerenti. Nam sicut Sacerdos ibi duplicem personam, Christi videlicet, & propriam induit; & sub vtraque ratione offert, ita sub vtraque fructus sacrificij eidem Sacerdoti correspondet. Unde quatenus offert in persona Christi, est minister publicus, atque illius oblationi correspondet fructus quidam huius sacrificij proprius ex opere operato. Rario est, quia hoc sacrificium habet effectum ex opere operato, vt constat ex sapius dictis: ergo maxime responderet illi prout est actio ministri à Christo deputati, & per quem Christus ipse operatur. Ita D. Thom. *ead. art. 5. & 7.* Suar. *assert. 3.* & Miranda *conclus. 3.* At

AAA a certum

certum est quodd ob huiusmodi publicum ministerium, quod gerit Sacerdos, non exiit rationem, personæ priuatæ, sub qua etiam concurrat, quoniam, Paulo attestante *ad Hebr. 7.* ipse etiam indiget, ut pro se offerat. Et quidem non debet in hoc esse peioris conditionis, quam reliqui priuati offerentes, ac propterea sub hac etiam ratione responderet illi alter fructus. Vnde cum Sacerdos Missam celebrat pro aliquo, qui sibi stipendium dederat, priorem fructum tenetur illi applicare, non posteriorem: sicut enim Sacerdos stipendium accipit, ut publicus Christi Minister, ita eroganti stipendium non tenetur applicare nisi totum fructum, qui responderet sacrificio, ut est à Ministro publico: & consequenter non tenetur Sacerdos se priuatæ peculiari illo fructu suæ priuatæ oblationi, ac deuotioni respondente. Atque hic fiet omnino manifesta ratio prædictæ diuisionis fructus in generalem, medium, & specialem: de generali egimus in secunda assertionem, medius est qui Sacerdoti in persona Christi offerenti respondet; specialis verò dicitur is, qui correspondet eidem Sacerdoti, ut personæ priuatæ offerenti.

10. Quapropter ex hæcenus dictis constat euidenter Sacerdotem vnico sacrificio non satisfacere pluribus obligationibus. Nā fructus generalis debetur Ecclesiæ, medius debetur totus stipendium eroganti; specialis verò est ipsius offerentis: sed an possit iste vltimus alteri applicari, & per eius applicationem possit Sacerdos duplici saltem obligationi satisfacere, valde ambiguum est; quid autem in hac parte probabilius sentiamus, ex mox dicendis *dub. 2.* habebitur. Sed

11. Quæres primò quomodo inter se differant hi duo effectus, seu fructus sacrificij Missæ, medius nimirum, & specialis.

Respondetur triplicem præcipuè differentiam inter vtrumque reperiri.

12. Prima est quodd prior fructus non est principaliter propter ipsum offerentem, sed propter populum, seu alios, pro quibus potest sacrificiū offerri: tunc enim Sacerdos gerit personam publicam, & est intercessor inter Deum, & populum. Posterior verò præcipuè est propter singulos offerentes; tunc enim non offerunt ut publici Ministri, sed ut priuatæ personæ, quibus datum est, ut sua priuata oblatione aliquid ex sacrificio haurire valeant.

13. Secunda est, quia prior fructus nulli communicatur, nisi illi, cui à Sacerdote offerente applicatus fuerit; posterior verò ex se, & absque vlla applicatione communicatur vnicuique offerenti pro rata; cum enim hic fructus principaliter sit propter ipsum offerentem, qui tunc non gerit personam publicam, sed propriam, & priuatam; idcirco vt sibi pro sit sua oblatio, non requiritur intentio Sacerdotis pro se, vel pro alia persona specialiter offerentis, quin potius nec priuatus quicunque offerens potest ab huius fructus participatione excludi, estd Sacerdos id velit, aut tenter; nec ad obtinendum huiusmodi fructum requiritur in tali offerente specialis intentio consequendi illum, sed sufficit intentio offerendi, seu concurrendi ad sacrificium, celebrando, ministrando, seu audiendo Missam.

14. Tertia differentia est, quia ad priorem fructum non est necessaria sanctitas Sacerdotis, ut docet D. Thom. 3. p. q. 82. art. 6. et in 4. dist. 45. q. 2. art. 1. *quæstiunc. 3.* Sotus dist. 13. art. 1. & communiter DD. atque ex multis iuribus confirmari potest, ex *cap. non nocet*, ex *cap. intra 1. q. 1.* & ex *cap. vtrum sub figura; de consecrat. dist. 2.* Ad posteriorem autem necessaria est Sacerdotis sanctitas.

Vnde

Vnde si Sacerdos sit in peccato dum Missam celebrat, respondet eius oblationi prior fructus, non ramen posterior. Ratio est, quia Sacerdos quoad priorem fructum non gerit personam suam, sed Christi, ac propterea sicut oblatio sub hac ratione est grata, & munda; ita etiam est efficax, non enim applicatur meritum ministri, sed Christi: at respectu posterioris fructus aliter contingit. Præterea id etiam videtur satis congruum, quippe cum prior fructus non sit ob personam Sacerdotis, ut talis est, sed ob Ecclesiam, seu populum, idcirco non debuit ex sanctitate ipsius Sacerdotis pendere. Hac enim de causa institutum fuit quod Sacramenta æquè per malos, & bonos ministros perficerentur, & alios sanctificarent. Ad hæc, alioquin Missa Sacerdotis iniusta oblata pro animabus Purgatorii nihil illis proderet. Ac similiter Sacerdos, qui in mortali missaret pro stipendio accepto, obligationi suæ non satisfaceret, sed teneretur iterum in gratia satisfacere, quæ omnia sunt absurda.

15. Quæres secundò, an Sacerdos possit fructum sibi, ut privatae personæ respondentem, alteri applicare, itaut unico sacrificio possit duabus saltem obligationibus satisfacere, applicando nimirum utrumque prædictum fructum alicui, seu aliquibus.

Nonnulli partem negativam amplectuntur, ducti, quia si quis priuaret se fructu, quo indiget, id esset contra ordinem charitatis. Quæ opinio displicet Suar. *sect. 9. vers. supersit dubium*. tum quia ratio adducta non probat de potestate simpliciter, sed ut licite fiat. tum etiam, quia non loquitur absolute, & vniuersaliter, sed cum limitatione, id est, cum ipse Sacerdos indiget; & tunc adhuc probatio non concludit, quia hic fructus, de quo agitur, non est remissio alicuius culpæ; nec est vilis sanctitatis,

gratiæ, aut gloriæ gradus, sed est satisfactio, seu remissio alicuius pœnæ: in huiusmodi autem malis pœnæ, non est contra charitatem propriam quod aliquis cedat iuri suo, privando se tali modo, ut alteri bene faciat. Atque hoc confirmat omnium piorum usus; applicant enim satisfactiones suas pro animabus in Purgatorio existentibus, non quia putent se illis non indigere, esset namque hæc arrogans cogitatio; sed quia vel sperant aliis modis sibi interim providere posse; vel cupiunt aliis benefacere, esto ipsi aliquid amplius patiantur.

16. Quapropter Suar. in calce præcit. sectionis, esto eandem teneat opinionem, ducitur tamen, quia in vniuersum censet omnem effectum ex opere operato esse proprium, & personale beneficium, & quasi privilegium personæ concessum, quod non potest ipse in alium transferre; sicut de indulgentia docet S. Thom. in 4. dist. 20. art. 5. *quæstiunc. 3. ad 2. ubi ait* eum, cui conceditur, non posse fructum illius transferre in alium, nisi id specialiter in ipsamet indulgentia concedatur. Idem constat inductione in Sacramentorum effectibus; per Baptismum namque datur baptizato totius pœnæ remissio, non tamen cum potestate aliquam illius partem alteri applicandi; & sic de aliis Sacramentis. Idem igitur dicendum videtur de hoc effectui sacrificij quatenus personalis est; nulla enim potest assignari specialis ratio ad exceptionem faciendam, imò nec vlla sufficiente autoritate constare potest.

17. Alij partem affirmantem tuentur, ducti forsitan rationibus in refutatione primæ opinionis adductis. Ita Molfesius *sem. tom. 1. tract. 3. cap. 15. n. 4.* Barthol. ab Angelis *in exam. confess. dialog. 3. §. 507.* & alij quos hi referunt. Allegat pro hac opinione Bonac. mox ci-

tandus Mirandam in man. *Prælat. tom. 1. q. 41. art. 4. conclus. 1.* Nauarr. in man. cap. 25 n. 92. & Henric. lib. 9. c. 21. n. 7. lit. O. Hi tamen authores solum asserunt posse Sacerdotem applicare partem suam sacrificij, non verò posse vnico sacrificio satisfacere duplici obligationi, esto hac intentione partem suam applicet, quod est satis diuersum.

18. Hanc opinionem limitant Nauarr. *confil. 1. de celebrat. Missæ.* & Filliuc. *tom. 1. tract. 5. cap. 6. n. 181.* dicentes sacrificantem posse partem sacrificij sibi debitam applicare iis, pro quibus tenetur: quia tamen nescitur quanta sit, arbitrantur partem trium Missarum posse supplere vni, quæ dicenda esset, & applicanda tota alicui. Vnde concludunt id posse seruare illos, qui cum multa acceperint stipendia, nequeunt omnibus satisfacere.

19. Mihi tamen videtur dicendum, posse quidem Sacerdotem partem suam sacrificij alteri applicare, non tamen ideo posse vnico sacrificio pluribus obligationibus satisfacere.

20. Priorem partem tenent Henric. Miranda, Molfesius, & Barth. ab Angel. *ubi supra.* Nauarr. *man. cap. 25. n. 92.* Naldus *sum. verb. Missæ, n. 12.* Philarcus *sum. p. 1. lib. 2. cap. 14.* Sotus in 4. *dist. 11. q. 2. art. 5. & dist. 13. q. 2. art. 1.* Nugnus in 3. *p. tom. 1. q. 83. art. 1. §. in 3. p. dub. 3. versus finem,* & alij. Suadetur autem primò, quia nec ex natura talis sacrificij repugnat, vt omnis qui illud offert, eo modo, quo offert, possit pro quocumque voluerit, ipsius fructum applicare, vt constat; nec est vlla prohibitio per Ecclesiam facta de hac re; nec etiam est ratio, ob quam hæc potestas, & facultas huiusmodi offerentibus denegetur. Secundò, quia valor specialis huius sacrificij est eiusdem rationis cum valore medio: igitur sicut Sacerdos potest hunc alteri applicare, ita & illum, &

consequenter non est ita proprius, ac personalis, quin liceat Sacerdoti eum alteri direccè, & totum conferre, vt tradit Henric. *ibidem.*

21. Posteriores partem eiusdem assertionis tenent Suar. *ubi supra, & disp. 86. sect. 1. vers. sed quæret tandem.* Rodriq. *sum. 1. p. cap. 250. n. 2.* Miranda *man. Prælat. tom. 1. q. 41. art. 17.* Posseuinus *cap. 2. n. 25. quæsto 6.* Bonac. *de sacram. disp. 4. q. ult. punct. 8. n. 16.* & alij. Ratio est, tum quia cum Sacerdos non sit capax talis fructus nisi sit in gratia, vt habetur ex dictis; se autem esse in gratia nemo absque reuelatione sciat certò, vel scire possit, consequenter nec etiam potest valorem istum certò applicare alteri, qui certam tradidit elemosynam, & certum petit valorem. tum, quia cum ignoretur an valor specialis sit æqualis valori medio, qui potest, & debet elemosynam tradenti, proinde non est dicendum, Sacerdotem posse per applicationem fructus specialis satisfacere alicui elemosynam tradenti pro vna Missa, & consequenter nullatenus sentiendum est, posse Sacerdotem vnico sacrificio duabus obligationibus satisfacere.

22. Quæres tertio, an Sacerdos vnico sacrificio possit duplici obligationi saltem satisfacere, dum Missa ab vno petitur ad rem aliquam impetrandam, & ab alio in satisfactionem, nimirum pro mortuis, & Sacerdos intendat applicare sacrificium, primò vt impetratorium, secundò autem vt satisfactorium.

Respondetur negatiuè. Ita Nauar. *de celebrat. Missæ. confil. 8.* Rodr. *eod. cap. 250. n. 6.* Eman. *Sà verb. Missa in 44.* Posseuinus *eod. n. 25. quæsto 7.* Bonac. *ubi supra n. 2.* & alij per eum relati. Ratio est, tum quia stipendium non datur pro sacrificio, seu illius fructu, alioquin committeretur vitium simoniæ, sed pro labore non

non licet autem pro eodem labore duplex stipendium accipere. tum etiam, quia in eo casu Sacerdos taxam excederet, quam ramen de iure obseruare tenetur; tum denique, quia sic defraudaret tradentes eleemosynam, cum vnusquisque censetur petere non partem fructus, sed integrum Missæ fructum, qui stipem offerentibus applicari consuevit. Limitat autem Bonac. nisi eleemosynam tradentes annuant voluntati Sacerdotis; scienti namque, & volenti nulla fit iniuria.

DUBIUM XXII.

*An si Sacerdos contra iustitiam, seu obedientiam applicet alicui fructum, sit valida talis applicatio.*

1. **D**ifficultas hæc grauis est, sed utilis etiam, ac necessaria, quam ideo in Regularium præcipue beneficium placuit in calce huius tractatus apponere, eam tamen (quantum qualitates materiz permittit) breuiter explicare curabo. Quapropter Huncala in tract. de valore Missæ art. 2. & 10. apud Cord. mox citandum, indistinctè ait, quodd non valet Missæ applicatio per Sacerdotem facta contra vel dispositionem fundatoris, vel Ecclesiæ statutum, aut Superioris præceptum. Idem (dubitando tamen) inquit Scor. quolib. 20. & Gabr. less. 16. in can. ducti forsitan, quia Christus Dominus non confert fructum suum per iniuriosam actionem. Quæ ratio parum, aut nihil urget, quoniam est Christus nolit iniuriosam actionem, permittit tamen illam, & per eandem interdum magna, & supernaturalia beneficia confert, non ipsi peccanti, sed aliis, vt parer in Sacramentis, quorum Ministri est illa per iniuriam, seu iniquam actionem admini-

strent, Deus tamen per eam sanctificat hominem, gratiam conferendo, nisi obicem ponat.

2. Cord. in quest. Theolog lib. 1. q. 3. notab. s. limitat dictam opinionem, dum ait, se idem sentire, maximè si applicatio aliàs facta per Sacerdotem, iteretur ipso facto per Prælatum, alioquin credit quodd valeat ei, cui Sacerdos de facto applicat, multa enim prohibentur, quæ facta tenent, de quorum numero est specialis Missæ applicatio: ait tamen quodd grauiter peccaret Sacerdos si applicando contra præceptum, si quod est: nisi intendat manere obligatus ad applicandam aliam Missam ei, cui aliàs ex fundatione, statuto, seu pacto, aut Superioris præcepto tenetur; modò consuetudo aliter non interpretetur.

3. Alij distinctione vtuntur, dicentes obligationem Sacerdotis ad offerendum pro aliquo, posse oriri, vel ex propria voluntate, seu priuato contractu, vt quia promissit, seu stipendium accepit, vel ex voluntate Superioris. In priori casu asserunt præsentem voluntatem præualere priori obligationi, quia cum prior illa obligatio ortum habuerit à priori voluntate, per posteriorem retrahatur, & licet mala sit, tamen eo ipso, quodd est posterior, & absoluta, consequenter est efficacior: idèbque etiam si malè faciat, sacrificium alteri applicando, factum tamen tener. In posteriori autem casu dicunt voluntatem Superioris præualere contra Sacerdotis voluntatem. Atque hinc concludunt non obstante tali Sacerdotis voluntate fructum sacrificij, applicari, cui Superior, vel Ecclesia vult. Ita Armilla verb. Missa num. 33. & Martinus de Ledesma sum. 2. p. q. 16. art. 14. circa finem, apud Suar. statim citandum.

4. Hanc distinctionem reprobat Suar. d. disp. 79. sect. 9. vers. Alij nihilominus, inquit, nec in antiquis DD.

reperiti, nec solidum habere fundamentum.

Primò, quia sicut in administratione Sacramentorum Sacerdos operatur vt Minister Christi, ita & in oblatione huius sacrificij: igitur sicut in administratione Sacramenti nequit intentio Sacerdotis à Superiore irritari; ita & in oblatione, & applicatione huius sacrificij, in qua Sacerdos gerit vices Christi, intentio illius non subditur intentioni Ecclesiæ, vel alterius cuiuscunque superioris, ita vt per illam irritari possit, esto subdi queat quoad obligationem faciendi, vel non faciendi.

5. Secundò, quia actus offerendi conuenit Sacerdoti ex vi potestatis, & characteris sacerdotialis, vt constat ex forma ordinationis eius; *Accipite potestatem offerendi sacrificium pro vniuersis, & de functionibus.* Adde, quòd hic actus non requirit iurisdictionem, sed solum ordinationem, vt constat: igitur non potest per solum Superiorem prohibitionem irritari; id enim generatim verum est in omnibus aliis Ordinis actibus, qui iurisdictionem non requirunt. Vnde si Superior præcipiat, vt non baptizet hunc, vel baptizet hunc, & non illum, nihilominus si subditus aliter faciat, factum tenet, nec potest Superior intentionem, seu voluntatem illius irritare.

6. Tertio, quia etiam Religiosus nihil proprium habet, non ideo tamen est priuatus in seipso suorum actuum dominio, quod est per liberum arbitrium, ratione cuius potest absolute velle contrarium eius, quod superior vult. Ad hæc Sacerdos tunc operatur, vt Christi Minister per potestatem sibi ab eo datam, & consequenter nequit voluntas illa à Superiore irritari.

7. Ex dictis igitur concludit Suar. applicationem Sacerdotis factam contra fundatoris dispositionem, vel Ecclesiæ statutum, validam esse, teneri au-

tem postea damnum resarcite, suamque obligationem (quæ extincta non fuit) explere. Atque idem censet de Religioso, qui in simili casu inobediens sit, teneatur postea ex eadem obedientia Superioris voluntatem explere, nisi fortasse constet, occasionem, vel rationem talis præcepti omnino iam cessasse.

8. At Bonac. *tract. de indulg. disp. 6. q. 1. punct. 3. num. 20.* absolute ait præualere applicationem factam per Sacerdotem, & allegat in sui fauorem Suar. *loc. cit.* & Nugnum *in addit. q. 25. art. 3. diff. 1. versic. ad 4. argumentum, & q. 26. art. 1. conclus. 6.* & ratio illius est, tum quia Prælati non videtur dominus actus mei interni principaliter dependentis à voluntate subditi applicantis suffragium; tum quia consecratio facta à subdito inuito Prælato valida est: ergo etiam videtur valida sacrificij applicatio.

9. Nouissimè Villalobos *tom. 1. tract. 8. diff. 10.* eandem amplectitur sententiam. Imò addit ita communiter sentire DD. præsertim Salmanticenses, vt insinuat Rodr. *ubi supra.* Ducitur autem, quia dum Sacerdos offert sacrificium, gerit personam Christi, atque ideo licet peccet contra obedientiam, valet tamen eius applicatio. Nihilominus

10. Dico primò; Prælati Regulares possunt subditis præcipere, eòsque obligare, vt certa, ac determinata intentione celebrent, fructum Missæ iuxta Prælatorum voluntatem applicando. Ita Honecala, Cord. & Suar. *suprà.* Rodr. *in Bulla compositionis, casu 11.* & Fraxinel. *in tract. de oblig. Sacerd. sect. 7. §. 6. & 7.* Ratio est, quia Prælati Regulares triplex superioritatis genus habent in sibi subditos.

11. Prima superioritas est spiritualis, ratione cuius sicut Prælati incumbit cura animarum subditorum, ita subditi tenentur Prælati obedire in omnibus, quæ ad huiusmodi finem diriguntur.

Secunda

Secunda est temporalis politica, ratione cuius Prælati tenentur republi-  
cam, & communitatem sibi commis-  
sam debita prudentia, & politia guber-  
nare, subditi verò tenentur Prælati  
obedire in iis, quæ sibi iniunguntur, ut  
communitas ipsa in pace, & bono regi-  
mine conferuetur.

12. Tertia est temporalis æconomi-  
ca, ratione cuius Prælati tenentur ea,  
quæ ad familiam sibi concreditam spe-  
ctant, paterno affectu disponere, omni-  
bus, & singulis sibi subditis, ut verè Pa-  
tres, de rebus necessariis providendo.  
His igitur sic præhabitis ex Rodr. pro-  
batur iam nostra assertio,

13. Primò ratione superioritatis  
spiritualis, quia nisi subditi applicent  
Missæ sacrificium iuxta determinatio-  
nem superioris, benefactores defrau-  
dantur iniuste, & peccatum commit-  
tur.

14. Secundò ratione superioritatis  
politice, quæ spiritualemente correspon-  
dentiam ad temporales elemosynas  
requirit.

15. Tertio ratione superioritatis æ-  
conomicæ, quæ familiæ sustentatione,  
& rerum domesticarum reparationem  
postulat. Unde cum ad huiusmodi su-  
stentationem & reparationem requi-  
rantur similiter elemosynæ, conse-  
quenter dicendum est posse Prælatos  
subditis præcipere, ut Missas pro ele-  
mosynas erogantibus applicare te-  
neantur.

16. Dico secundò, si Missæ fructus à  
subditis applicetur contra intentio-  
nem, ac determinationem Prælatorum,  
peccant subditi contra obedientiam, &  
ad restitutionem tenentur. Ita Suar.  
Rodr. & Fraxinel. locis citatis, & plerum-  
que omnes. Ratio est, atque in primis  
quoddam peccent, existimo non posse in  
dubium reuocari; est namque trans-  
gressio obedientiæ in re iusta, & hone-

sta. Quoddam autem ad restitutionem te-  
neantur, patet, tum quia Prælati sunt  
domini operationum suorum subdito-  
rum, & consequenter subditi non sunt  
tuti in conscientia, nisi repetant opera-  
tiones contra determinationem Præla-  
torum factas in casu, quo agitur de de-  
bita compensatione facienda. Tuna  
etiam, quia aliàs defraudarentur bene-  
factores, dum pro acceptis stipendiis  
non redditur promissa satisfactio.

17. Dices, Prælati non sunt domi-  
ni actuum interiorum suorum subdito-  
rum. Igitur cum intentio applicandi,  
seu applicatio ipsa sit actus interior,  
proinde non subicitur obedientiæ  
Prælatorum, & consequenter non te-  
nentur ad restitutionem subditi, aliter  
applicantes, quàm à Superiore sit illis  
iniunctum.

Respondetur Prælatos non esse Su-  
periores actuum merè interiorum, be-  
nè tamen eorum, qui cum exterioribus  
conjunguntur, saltem ut causa per se, &  
huiusmodi est Missæ applicatio. De hac  
materia satis diffusè egimus in nostra  
Bullæ Coenæ explicatione lib. 2. q. 9. &  
10. Nunc autem pro pleniori huius  
obiectionis declaratione breuiter

18. Obserua, primò actus morales  
esse in duplici differentia, quidam di-  
cuntur elicit, nempe qui à voluntate  
duntaxat eliciuntur, & extrinsecus non  
manifestantur, cuiusmodi sunt actus  
purè interni. Alij dicuntur imperati, &  
hi sunt actus exteriores, prout à volun-  
tate imperantur. Conueniunt autem, &  
differunt inter se. Conueniunt, quo-  
niam tam actus elicit, quàm imperati à  
voluntate dependent, alioquin actus  
hominis dicerentur, non tamen mora-  
les, sicut est dormientis percussio, iuxta  
doctrinam D. Thomæ 1. 2. q. 6. art. 1. &  
2. Sed differunt, quoniam actus elicitus  
est merè internus, ac subinde insensibi-  
lis secundum se, cum nec sensibus sub-  
iaceret,

scet, nec Angelis, sed soli Deo innotescat. At verò actus imperatus tamen si à voluntate procedat, non tamen est purè internus, sed externus simul, quin ideo dicantur duo, sed vnicus tantùm actus moralis, exacto interno pro formali, & ex actu externo pro materiali compositus; sicut Petrus, qui non duo supposita, sed vnicum tantùm existit ex parte formali, id est, anima, & ex parte materiali, id est, corpore compositum.

19. Obserua secundò quòd quauis iurisdicção legis humanæ non extendatur directè ad actus elicitos, & purè mentales, bene tamen indirectè; sed circa modum differunt DD. conuexio namque actus interni cum externo tripliciter contingit, vno modo tanquam causa per se; secundò vt causa per accidens, & tertio quasi pars actus integri, & compositi tunc coniungitur vt causa per se, quando necessariò requiritur ad constitutionem actus externi physicè, & moraliter simul: constat autem nullum actum externum esse huiusmodi absque actu interiori voluntatis; atque ideo sola voluntas, qua actio exterior est volita, dicitur coniungi illi, vt causa per se. Tunc coniungitur vt causa per accidens, quando requiritur ad aliquod esse morale quod lex humana potest intendere, seu præcipere, quauis actus ille internus ad materialem illam actionem, prout exterius apparet, necessarius non sit; sicut intentio, v.g. baptizandi, necessaria est vt fiat Baptismus estò non sit necessaria vt fiat ablutio, neque vt exterius verba proferantur. tunc demum actus internus externo coniungitur quasi pars actus integri; cum eidem connectitur omnino extrinsecè, tam physicè, quam moraliter, id est, tam respectu actionis externæ materialiter sumptæ, quam respectu eiusdem sub ratione Sacramenti, seu contractus, vt erit in prædicto exemplo intentio ba-

pizandi gratis, & non ex pretio, seu alia simili causa, à quo non pendet Baptismus, nec vt ablutio, nec vt Sacramentum.

20. Vnde si huiusmodi connexio primo modo contingat, actus internus per externum satis manifestatur, tanquam causa per effectum, vt voluntas audiendi Missam, per actum audiendi liberum, cum ab illa physicè, & moraliter pendeat, vt habetur ex dictis: si autem secundo, aut tertio modo, non manifestatur, quoniam actus internus, siue vt causa per accidens, siue vt pars integralis sumatur, per accidens se habet ad actum externum, vt est in eodem exemplo attentio assistentis ad Missam audiendam, vel intentio illam audiendi ob Dei cultum, vel ob turpem finem. Hinc si priori modo actus internus consideretur, nulla est ambiendi occasio, posse legem humanam illum, vt sic indirectè præcipere; lex enim, seu Superior præcipit actum externum humanum, & liberè exercendum, impossibile autem est illum se præcipere, quin simul compræcipiat (vt ita dicam) actum internum, qui ad externum tanquam eius causa necessaria requiritur; tota igitur controuersia ad actus internos secundo & tertio modo sumptos reduitur.

21. Quare omisiss hinc inde variis opinionibus, mihi videtur absolute dicendum, quòd si actus interior cum exteriori coniunctus sit, siue vt causa per se, siue vt causa per accidens, dummodo verè influat in illum, ecclesiasticæ legi subiicitur: si autem actus interior sit coniunctus cum exteriori, vt pars accidentaria actus integri, tunc oppositum probabilius censeo. Ita multis allegatis defendunt Suar. lib. 4. de legibus c. 13. num. 6. & segg. & Lorca 1. 2. tom. 2. similiter de leg. disp. 16. memb. 1. v. s. sed Caset. & quidem quoad priorem partem,



tem, videtur hæc sententia ferè communis Theologorū. Sed probatur, quia in Republica Christiana sunt necessarij humanus conuiuctus, necnon cultus Religionis in Ecclesia consuetus, non solum materialiter, & secundum esse physicum considerati, sed formaliter etiam sumpti, vt sunt tales actus morales, id est, quatenus sunt contractus, Sacramentum, sacrificium, cultus, oratio, & similes; igitur ad rectum Ecclesiæ regimen necessaria fuit illi potestas ad præcipiendum vsum, & exercitium huiusmodi actuum secundum tales rationes formales. Vnde cum actus isti morales nequeant consistere sine actibus internis, vt patet de Sacramento, sacrificio, oratione, & similibus, in quibus actus internus necessariò requiritur. Hinc fit vt per Ecclesiam simul præcipi queant actus interni, siue per actus externos sufficienter manifestentur, siue non, quia non præcipiuntur per se, sed compræcipiuntur: ad hoc autem satis est illa necessaria connexio, quæ ex causalitate, seu influxu actuum interiorum in exteriores prouenit.

22. Quo verò ad posteriorem partem de actu interno, vt est pars actus integri, quod non subit legi ecclesiasticæ, probatur tum ex vsu Ecclesiæ, quæ ad huiusmodi intentionem non necessariam ad substantiam moralium actuum, nusquam cogere consuevit, sed fideles inducit, spirituales gratias, & fauores offerendo, sub illa conditione, & non aliter, vt habetur exemplo indulgentiæ, quæ conceditur oranti pro tali, vel tali intentione. tum, quia actus ille internus nullo modo est necessarius ad esse physicū vel motale actus externi, sed solum coniungitur illi, vt pars accidentaria actus integri, ac proinde non potest præcipi, seu prohiberi eodem præcepto, quo actus exterior: distincto autem præcepto nec præcipi, nec prohi-

beri posse, fatentur omnes; sicut de actibus elicitis, cum sint purè mentales, nemo inficiatur.

23. Hanc igitur ad obiectionem respondetur, applicationem, seu intentionem applicandi fructum Missæ, esse quidem actum internum, non tamen purè mentalem, sed coniunctum cum exteriori, non vt est pars actus integri, sed vt causa per se, vel saltem per accedens actus externi cum influat in illum, & consequenter subiici dispositioni legis ecclesiasticæ, seu imperio superioris. Inò Rodr. *vbi supra* id ipsum tribuit cuicumque actui interiori coniuncto cum exteriori, absque vlla limitatione, seu distinctione, & in sui fauorem adducit D. Thomam 2.2.q. 104. art. 5. Sylu. *sum. verb. hora* §. 11. & *tit. obed. q. 1*. Nau. *sum. cap. 23. num. 38*. Cord. *lib. 4. q. 13*. & Couar. *in reg. peccatum, par. 2. initio*.

24. Dico tertio. Satis probabile est, quod possit Prælatius ante Missæ celebrationem, Sacerdotis intentionem irritare, si suæ subdito prius explicatæ contraria existat. Hanc assertionem impugnat Suar. vt habetur ex dictis, sed vltra Scotum & Gabr. eam tenent expressè Honcala citatus, Rod. *sum. p. 1. cap. 250. concl. 10*. Cord. & Fraxin. *vbi supra*, & probatur sic, tum quia Prælatius potest vota subditorū irritare, etiam ipsis inuitis, præsertim si obedientiæ quam in regula profitentur, præiudicium inferant: igitur ob eandem causam poterit intentiones eorūdem in casu nostro irritare, vtrobique enim par ratio esse videtur, tum quia ex opposito grauius prouenit inconuenientia; nam Prælati nunquam tuta conscientia poterunt fidem facere indubiam, & authenticam de Missis celebratis pro acceptis elemosynis: benefactores tam viui, quàm defuncti facile, & iniuste priuarentur suffragiis promissis, seu in testamento relictis, & subditis præberetur anfa obedientiam.

tiam suorum superiorum passim transgrediendi, maximè in re aded graui. Vnde deducitur hanc sententiam esse rationi, & æquitati valde consonam, oppositam vcrò periculofam, & consequenter indignam, & fortasse scandalofam.

25. Superest rationibus in contrarium adductis satisfacere.

Ad primam negatur consequentia. nam intentio Sacerdotis in administratione Sacramentorum, & in consecratione Missæ non potest per Superiorem irritari, non ideo præcipuè, quia tunc Sacerdos sit Minister Christi, sed potius, quia huiusmodi intentio est de essentia Sacramenti, aut sacrificij, itaut absque illa nec fiat Sacramentum, nec sit verum sacrificium: at intentio eiusdem in applicatione fructus, seu valoris Missæ aliter contingit, quod enim huic, vel illi applicetur dictus fructus, seu valor, non est de essentia sacrificij, atque ideo nil mirum quin possit per Prælatum irritari. Vnde si aliquando contingat, quod Sacerdos nec sibi, nec alteri applicet huiusmodi fructum, Sotus, Cord, & alij censent reponi in thesauro Ecclesiæ, vel iuxta doctrinâ Suar, *dissect. 9. dub. 3.* manet in eodem thesauro, quippe fructus ille non est de nouo comparatus, & à Deo acceptatus, sed est pars aliqua infiniti valoris passionis Christi, qui iam totus est in thesauro Ecclesiæ, & in acceptione diuina; proindeque dum actu aliter non applicatur, manet in Ecclesiæ thesauro. Cæterum (vt fateretur ipse Suar.) parum, aut nihil refert, hoc, vel illo modo loqui; in idem enim coincidunt, adhuc tamen in eo casu nemo vnquam asseruit, non esse verum sacrificium.

26. Ad secundam respondetur aliud esse loqui de oblatione huius sacrificij, aliud de applicatione. Oblatio namque vel est idem realiter cum consecratio-

ne, vt nonnulli probabiliter opinantur, & insinuat Rodr. d. cap. 250. *concl. 10.* vel ita sunt necessariò coniunctæ, vt posita vna nequeat Minister voluntate, seu intentione sua aliam auferre, sicut censet ipse Suar. *dissect. 76. sect. v. t. ad finem.* Vnde sicut intentio Ministri in consecratione non potest per Superiorem irritari, ob rationem assignatam, ita de intentione eiusdem in oblatione videtur sentiendum, vel ob realem identitatem consecrationis cū oblatione, vel ob necessariam vtriusque connexionem: secus de applicatione dictum est, potest enim per Superiorem irritari intentio, qua Minister certum fructum alicui applicat, cū talis applicatio nō sit de essentia sacrificij, nec cum aliquo essentiali eiusdem identificetur realiter, vel saltem sit inseparabiliter connexo, vt satis constat, & habetur ex dictis. Hinc esto Superior præcipiat subdito, vt baptizet hunc, & non illum; si tamen subditus aliter faciat, factum tener, quoniam intentio ministri in administratione Sacramentorum est quid essentialiale, vt dictum est *suprà*.

27. Ad tertiam responderetur solum convincere de applicatione simpliciter, non autem de applicatione valida; multa enim possumus simpliciter, quæ tamen facta non sunt valida in genere motis ob aliquod impedimentum occurrens, vt patet in materia de absolutione, quæ collata à non habente iurisdictionem non est valida, similiter in materia de censuris, & de matrimonio. Vnde cū Superior sit dominus operationum suorum subditorum in genere moris; ideòque de Religioso dicitur quod non habet velle, neque nolle, arg. *cap. nullus, cap. quorundam, de elect. lib. 6.* proinde dicendum est quod intentio Sacerdotis in applicatione subditæ iurisdictioni, nō aded quod Missam per subditum celebratam possit ipse alicui applica

applicare, applicatio namque est actus proprius celebrantis, non Superioris; qui tamen potest irritare intentionem subditi, si suæ contraria existat in applicatione huiusmodi fructus. Nec est dicendum quod Sacerdos dum Missam celebrat, sit suo Prælato superior, alioquin si id absolute admittatur, sequeretur non posse illi præcipere, ut tali, vel tali intentione Missam celebret, cuius oppositum ostendimus *suprà*, & fatetur Suar. & comprobat communis usus, ac praxis Religionum, & tenent expressè grauissimi DD. Sorus, Gabr. Honcala, Cord. Fraxinel *ubi supra*, & Petr. Nau. *de restit. lib. 3. cap. 1. num. 83.* & alij.

28. Dices inde sequi quod sacrificiū tunc erit inutile, & nullum, quia si per Prælātū irritetur applicatio per Sacerdotem facta, non proderit in primis ei, cui per Sacerdotem fuerat applicatum, nec item poterit alteri applicari per Superiorem, cū id sit actus proprius ipsius celebrantis, ut dictum est *suprà*. Igitur erit omnino inutile tale sacrificiū, & consequenter nullum, quod videtur plusquam absurdum. Fraxinellus citatus opinatur, quod dum Prælatus irritat subditi celebrantis applicationem, tunc sacrificium valet ei, cui per ipsum Prælatum applicatur, & allegat pro se Rodr. *in summa loco cit.* sed immerito, quia nec Rodr. id asseruit, imò oppositum, nec potest cum probabili fundamento affirmari.

Respondetur igitur, adhuc in eo casu sacrificium esse vtile, & validum, & probatur, seu declaratur hoc exemplo, quoniam sicut dum sacrificium applicatur pro anima, quæ non indiget, quia à Purgatorio est iam in Paradisum translata; vel pro anima, quæ non est capax, quippe reperitur apud inferos damnata, tunc piētissimus Deus, tanquam fidelis dispensator, valorem illius sacrificii,

vel applicat illis, quos dicto fructu magis egere agnoscit; vel illis, quibus de iustitia debetur, vel reseruat in Ecclesiæ thesauro. Nec etiam in eo casu dicendum est, quod sacrificium sit nullum, quia esto valor medius tunc nulli applicetur, valet tamen respectu fructus generalis, qui toti Ecclesiæ applicatur; & respectu fructus specialis, qui applicatur eidem celebranti, iuxta doctrinam Scoti, & aliorum superiūs traditam, & hoc sufficiens esse, ut sacrificium sit, & dicatur vtile, & validum, tenet communis DD.

29. Ex dictis autem satis constar invaliditas opinionis Bona inæ, & solutio ad utramque eius probationem, nec authores ab eo allegati eidem valde suffragantur. præcipue Suar. qui *suprà* saltem in eo casu censet subditum peccare contra obedientiam, & teneri voluntatem Superioris postea explere.

30. Villalobos verò nil noui contra nostras assertiones adducit, nec verum est quod Rodr. asseruerit Magistros Salmanticenses absolute id determinasse, sed maiorem eorum partem censuisse non posse Prælatos subditorum applicationes irritare, itaut Prælatorum applicatio valeat, quod nos etiam fateamur.

#### D V B I V M V L T I M V M.

*Quo nonnulla difficultates solvuntur, ut plenius præcedentes comprehendantur.*

1. IN primis igitur queritur, an qui ex titulo, vel ex conuentione tenetur in aliqua Ecclesia, Oratorio, vel Altari celebrare, possit alibilibet, & absque vlla labe peccati celebrare.

Respondetur negatiuè. Ira Nauar. *sum. cap. 25. num. 134. Syn. verb. Missa 1. quesito 10. ad finem. Henric. lib. 9. c. 23.*

BBBb 2 num. 5.

num. 5. Vgolinus de officio Episcopi cap. 14. num. 4. Graff. lib. 3. consil. tom. 1. consil. unico, de patron. num. 15. Azor. tom. 1. lib. 10. cap. 24. q. 8. Fagund. lib. 3. de 1. praecepto Eccles. cap. 9. num. 7. Fraxinel. de oblig. fac. sect. 4. conclus. 4. §. 9. num. 3. & alij apud Riccium, vbi b. praxis Capellaniarum, decis. 405. Probatur autem, tum quia in re graui & magni momenti infideliter agit, non adimplendo id quod promiserat, & ex iustitia tenebatur obseruare, tum quia facit contra voluntatem, & intentionem testatoris, nec præstat id, ad quod fuit assumptus. tum etiam, quia Sacellani, siue Capellani tenentur dicere Missas, quas vbi, & quomodo institutio Sacellorum, vel eorum promissio habet, arg. cap. cum dilectus, de consuetud. & cap. qualiter, de pact. quod adde verum est, vt etiam si adsit consensus hæredum, non excusetur Sacerdos, voluntas namque testatoris non hæredum adimplenda omnino est; ita Marc. Anton. Genu. Man. Past. cap. 72. num. 12. Bonac. tom. 1. disp. 4. q. ult. punct. 7. §. 4. num. 3. & alij apud Fraxinel. citatum §. 10.

2. Limita primò, nisi iustum adsit impedimentum, vt si Ecclesia sit violata, vel capella impedita, vel inundatio superueniat, vel Capellanus iusta de causa esset absens à loco, vbi celebrare debuisset, ac præsertim si contingat, quòd intentio fundatoris circa hoc dubia existat, tunc Capellanus alibi debet pro illo celebrare; tum quia fundator maiorem percipit vtilitatem ex Missa alibi, quàm nullibi celebrata, tum quia probabiliter præsumendum est, fundatorem principalitè attendisse Missarum fructum sibi, & suis defunctis applicari, quàm loci particularis venerationem. Ita Azor. d. cap. 24. q. 8. Graff. p. 1. decis. aur. lib. 2. cap. 53. num. 12. & Fraxinel. vbi supra §. 11. qui §. 12. etiam addit quòd si altare, capellane sit impedi-

ta, in eadem Ecclesia ob fundatoris deuotionem est celebrandum donec Altare, seu Capella construat, seu reparatur, & allegat pro se M. Anton. Genuen. præis. c. 72. num. 4. vers. Quareo quaritur.

3. Limita secundò posse aliquando Capellanum excusari ex paruitate materię, vt si v. g. bis, vel ter in anno non celebret in tali Sacello, siue Altari, nec enim credibile videtur, fundatorem voluisse tanto cum rigore onus huiusmodi imponere, vt saltem vno, vel alio die non liceat Capellano alibi pro sua deuotione singulis annis celebrare.

4. Cæterùm adhuc in casu proposito vrget difficultas, an Sacerdos sine iusta causa alibi, quàm in loco designato celebrans, non solùm peccet, sed teneatur etiam ad compensationem, seu restitutionem faciendam. Azor. loco cit. & tom. 1. lib. 6. cap. 24. q. 7. absolute tenet partem affirmatiuam, & rationem assignat, quia suo muneri, & officio non satisfecit, ac proinde quod debebat non soluit: debebat enim designato loco, vel Altari cultum, atque in loco Sacra facere, vt alij excitarentur ad preces in eodem loco fundendos. Ita etiam sentiunt Graffius, Riccius, & alij ex præcit. DD.

5. Mihi autem videtur satis probabile non teneri ad restitutionem. Ratio est, tum quia non priuauit fundatorem fructu sacrificij, estd peccauerit alibi celebrando. tum quia debitor qui creditori non persoluit pecuniam in loco debito, sed alibi, non tenetur ad restitutionem, nisi quatenus interest creditoris non fuisse sibi in loco debito satisfactum. Ita Capellanus qui in loco sibi designato non celebrauit, non tenetur ad restitutionem, nisi quatenus interest fundatoris Missas non fuisse in eodem loco celebratas. Vnde tunc Capellanum censeo teneri ad restitutionem, seu compensationem faciendam, dum suffragium aliquod defunctis subtrahit,

traxerit, quia nimirum si in designato Altari celebrasset, aliqui ad eum conuenissent, vt Sacrum audirent, & preces Deo pro mortuis effudissent. Idem videtur dicendum de Sacerdote, qui accepta stipe tenebatur in loco priuilegiato celebrare, non tamen ibi, sed alibi Sacrum fecit, etiam si existimauerit se priuilegio calculi, vel imaginis benedictæ posse è pœnis Purgatorij eripere animam illius, pro qua tenebatur in Altari priuilegiato celebrare; hic enim violauit fidem datam, cum alterius detrimento: Missa namque in Altari priuilegiato celebrata magis prodest, quàm breuis aliqua oratio priuilegio calculi, seu imaginis recitata. Ita Bonac. *vbi supra num. 5.* Fraxinellus etiam citatus *conclus. 5. §. 3.* & alij, quos ipsi referunt. Modus autem restitutionis faciendæ erit huiusmodi defectum aliis precibus compensare, vel si Missas forsitan non celebrauit, secundum mentem, & ad beneficium fundatoris, aut stipem exhibentis, tunc vel stipendia reddat eis, à quibus acceperat, vel Missas per se, aut per alios Sacerdotes in loco designato celebrari curet. Ita idem Fraxinellus *cod. §. 3. & 4.* & communiter omnes.

6. Quæres secundò, an Sacerdotes, qui pro Missis celebrandis stipendia acceperunt, & earum celebrationem notabiliter differunt, lethali ter peccent.

Respondeo affirmatiuè. Ratio est, quia non solum Dei honorem, sed proximi etiam beneficium, præcipuè defunctorum, defraudant; sicut illi, qui pecuniaria habent debita, & solutionem, seu restitutionem per longum tempus differunt. Nam si Missa celebratio à dante stipem procuretur ad obtinendam victoriam contra aliquod vitium, seu ad consequendam sanitatem, aut quemuis alium felicem euentum, potest quidem ex dilatione contingere in huiusmodi indigentis damnum spi-

rituale, vel temporale, quoniam vel nunquam, vel tardiùs finem sue petitionis consequitur; si verò sacrificium exquiratur pro satisfactione alicuius animæ in Purgatorio detentæ, summa committitur iniustitia in dilatione sacrificij; anima enim, quæ interim acerbissimis cruciatur doloribus, forsitan ob illius sacrificij dilationem inde non eripitur. Ita Sylu. *verb. Missa, 1. q. 10. in fine*, Angel. *cod. tit. §. 52. Petr. Nau. lib. 2. de restit. cap. 2. n. 366. & seqq.* Azag. *de iust. q. 85. art. 3. Regin. tom. 2. lib. 23. n. 236. Rod. sum. 1. p. cap. 250. conclus. 7.* Fraxinell. *scilicet. 4. conclus. 3. §. 1. n. 2.* & Bonac. *vbi supra, §. 5. n. 1.* cum alijs per eum citatis.

7. Si autem instes an possit euenire casus, quo Sacerdos, qui Missæ celebrationem distulit, teneatur ad restitutionem stipendij accepti.

Bonac. *ibidem num. 2.* affirmatiuè respondet; & mihi etiam probatur. Ratio est, quia si tradens stipendium intendat, & explicet Sacerdoti, vt sacrificium offerat pro impetrandâ infirmi sanitatē, Sacerdos autem celebrationem differat in tempus, quo infirmus iam obierat, tunc esto sacrificium possit defuncto prodelle, quoad satisfactionem, non tamen quoad impetrationem sanitatis, quam intendit is, qui stipem tradidit: similiter si Missa petatur pro consequendo aliquo beneficio, & tempore, quo Missa celebratur, beneficium est alteri collatum, profectò in his, & similibus casibus Sacerdos, qui notabiliter distulit, ad restitutionem accepti stipendij videtur obligandus. lege Petr. Nau. & Rod. *locis cit.* Hinc

8. Infero primò quanta sint reprehensione digni testamentarij, seu hæredes, qui legantium pijs voluntatibus notabiliter differunt adimplere, quamuis enim prædictorum negligentia nequeat defunctis quoad meritum nocere, cum meritum à promptâ, & rectâ in

Deum voluntate originem ducat, iuxta doctrinam D. Thomæ *quodlib. 6. art. 13.* nocet tamen eisdem quoad satisfactio- nem, non quòd ob huiusmodi dilatio- nem puniantur defuncti, sed quia pro illis non applicatur opportunum suf- fragium, vt à pœnis Purgatorii libere- tur, ita tradit ipse Doctor Ang. *ibidem*, & Sylu. *verb. Test. 1. q. 9.* atque ideo con- stat testamentarios, & hæredes, qui exe- cutiones testamentorum differunt, gra- uiter peccare, & censuris etiam esse coercendos; vt habetur ex multis iuri- bus per Gratianum adductis in Decre- to *cap. qui, cum duob. seqq. 13. q. 2.*

9. Infero secundò mercenariis Sa- cerdotibus cauendum esse, ne plura ac- cipiant Missarum stipendia anticipata, quam possint infra modicum tempus omnibus satisfacere. Ita habetur ex de- claratione S. Congregationis super de- creta circa Missarum celebrationem edita sub anno 1625. *in resp. ad 11. & meritò*, quia aliquin exponereut se periculo, aut simpliciter ( morte super- ueniente) non persoluendi, aut ex dila- tione intentionem tradentium eleemo- synas defraudandi. Ita Rodr. Petr. Na- var. *Regin. & alij locis citatis.* Vnde con- sulta eadem sacra Congregatio, an Ad- ministratores Ecclesiæ magnæ deu- orionis, & concursus, possint eleemosy- nas pro Missis celebrandis accipere, si iisdem Missis nonnisi post longum tem- pus satisfacere valeant, ne aliàs cultus Ecclesiæ, & deuotio, ac concursus fide- lium minuat, declarauit non posse, nisi de cōsensu eorum, qui eleemosynas tribunt, vt habetur ex responsione ad 15. Similiter si quis ex peculiari deu- otione, quem fortasse gerit erga alicujus monasterij Religiosos, vel etiam erga aliquem priuatum Sacerdotem, sciens non posse ab illis, vel ab illo intra mo- dicum tempus onera suscepta adimple- ri, consentiat tamen vt Missæ à se com-

mandatæ, tunc demum celebrentur, cum susceptis oneribus satisfactum fue- rit, declarauit eadem sacra Congrega- tio *in resp. ad 12.* per decretum ab ipsa antea editum non prohiberi, quominus in eo casu noua eleemosyna accipiat, pro Missis iuxta benefactoris consen- sum celebrandis.

10. Quæres terciò, an Canonicus, qui ex deuotione, seu onere Capella- riæ, vel ratione eleemosynæ celebrat in Ecclesiâ sua collegiata tempore diui- norum Officiorum, sit habendus vt di- uino Officio præsens ad effectum reci- piendi distributiones, ac eleemosynas, quæ solis præsentibus conferuntur. Bonac. *cod. §. 5. num. 7.* negatiuè respon- det, quoad distributiones illius horæ, qua à choro abest. Rationem assignat, quia distributiones conferuntur iis, qui diuino Officio interfunt; qui autem Sa- cerdos facit in quauis alia capella, dum Officium diuinum in choro persoluit, non dicitur, nec censetur illi inter- esse. Atque id etiam verum esse tenent authores statim citandi, quamuis Super- ioris permisso, seu consensu tunc cele- bret: Superior enim non potest, per se loquendo, dispensare in iure communi, modò sit Summò Pontifice inferior. Ita Stephanus Gratianus *in disputationibus forensibus c. 298. n. 21.* August. Barbosa *in remiss. circa Concil. Trid. sess. 24. cap. 12. n. 57.* Riccius *in praxi, decisione 419.* Bonac. *ibidem, & alij.*

11. Limita primò, nisi ex priuile- gio Sedis Apostolicæ, vel ex decreto Concilij Prouincialis, aut ex consuetu- dine præscripta aliud sit alicubi obser- uandum: priuilegia namque Pontificia, & decreta specialia seruanda esse, tenet expresse Bonac. *loc. cit. vbi* id confirmat exemplo Concilij Prouincialis Medio- lanensis. Valere etiam consuetudinem vt quis in absentia percipiat distribu- tiones quotidianas, quando huiusmodi

consuetudo

consuetudo inducta est sciencie, & tolerante Pontifice, affirmant Couar. lib. 3. var. cap. 13. num. 5. in fine. Dueñas reg. 206. vers. *Limita quintò.* & Monet. q. 12. à n. 45. qui insuper à num. 48. vers. *infertur,* & à num. 52. cum seqq. ait validam esse talem consuetudinem, vel constitutionem, qua cauetur, quòd Clerici recedentes à choro dum diuinum Officium canitur, lucrantur distributiones, si id fieri contingat ob celebrandam Missam, vel sacramentalem confessionem, atque ita refert Barbosa *ubi supra*.

12. Limita secundò, uisū aliquando ob penuriam, seu absentiam Sacerdotum, cogatur Præfectus chori alicui Sacerdori Canonico præcipere, vt dum Officiū in choro perfoluitur, inde exeat, statæque horæ absit, Missæ celebrandæ causa; tunc enim vt præsens habendus est, & consequenter illius horæ distributionis participes erit: ita fuisse in præcit. Concilio Prouinciali Mediolanensi statutum refert Bonac. Vnde constat Canonicum, qui tempore diuinorum Officiorum abest à choro, etiamsi absit causa Missæ celebrandæ, non posse percipere distributiones illi horæ, seu horis respondentes, nisi ob Ecclesiæ necessitatem, & Præfecti chori obediētiam, Missam celebret in Ecclesia sua collegiata, dum horæ Canonice in choro perfoluuntur. Atque idem sentiendum esse, dum fiunt funera, vel anniuersalia, affirmat idem Bonac. imò testatur ita censuisse congregationem Pœnitentiariæ Mediolanensis ipsomet præsentem, & sic consulente.

13. Sed adhuc vrget eadem difficultas, an Canonici possint ex liberalitate tanquam præsentem habere, & distributionem participem efficere Canonicum, qui præciso quocunque priuilegio, seu statuto celebrauit tempore diuinorum Officiorum, vel etiam per aliquot menses absuit absque vlla ne-

cessitate, seu Ecclesiæ propriæ utilitate.

Respondetur negatiuè. Ratio est, tum quia sic habetur ex Trid. sess. 24. cap. 12. sub his verbis. *Distributiones vero, qui statim bonis interfuerint, percipiant; reliquæ quauis collusionem, aut remissione exclusæ hic careant;* iuxta Bonifacij VIII. decretum, quod incipit, *Consuetudinem*, &c. quod sancta Synodus in usum renocat, non obstantibus quibuscunque statutis, & consuetudinibus. Tum quia Canonici non habent facultatem dispensandi in iure communi; iure autem communi cautum est ne Canonici absentes absque necessitate, vel Ecclesiæ propriæ utilitate, tanquam præsentem habeantur. Ita censet Bonac. n. 8. atque ita ait censuisse etiam Congregationem Pœnitentiariæ Mediolanensis, eadem similiter præsentem, & consulente.

14. Nec obstat si dicas quemlibet posse cedere iuri suo, & consequenter posse Canonicos iuri suo circa distributiones cedere, easque absentibus condonare.

Respondetur enim posse quemlibet iuri suo cedere, nisi à iure impediatur, aut nisi hoc vergat in alterius præiudicium. Impediuntur autem Canonici per decretum Tridentini, ne circa distributiones iuri suo cedant: atque huiusmodi cessio facile posset in fundatorum præiudicium redundare; quippe multi Canonici occasionem absentis assumptionis spe remissionis ab aliis Canonicis obrinendæ, & hoc modo Ecclesiæ cultus cum aliquò fortasse scandalo, & fundatorum præiudicio paulatim minueretur.

15. Quæres quartò, an Sacerdos, qui per aliquorum dierum spatium infirmitate detentus, non potuit onus quotidianæ celebrationis iuxta Capellanæ institutionem adimplere, teneatur prorata per alium supplere.

Partem affirmatiuam tumentur nonnulli



nulli absolute. Ratio est, quia Sacerdos tenetur fundatoris intentionem, pacta, & conuentiones omnino adimplere: igitur cùm intentio fundatoris, & conuentio, (vt supponimus) exiterit, vt Missa quotidie celebraretur, sequitur Sacerdotem debere quotidie celebrare, aut per alium supplere, seu hæredibus fundatoris Capellanæ restitutionem facere. Ita Sylu. verb. *Missæ* 1. q. 7. num. 7. Tabiena etiam verb. *Missæ* n. 45. Azor. 1. p. lib. 10. c. 24. q. 7. Petr. à Ledesma sum. 1. p. de Euch. cap. 128. pagina mihi 224. & alij.

16. Cæterùm mihi probabilius, & æquitati magis consonum videtur dicendum quòd si infirmitas sit brevis, nimirum octo, vel quindecim dierum, non tenetur Capellanus per alium supplere, nec pro rata hæredibus restitutionem facere: si autem infirmitas sit longior, cuiusmodi esset duorum, vel trium mensium, tunc existimo non excusari ab obligatione celebrationis per alium, vel ab onere restitutionis hæredibus faciendæ. Hæc posterior pars fundatur ratione superius adducta. Prior autem probatur.

17. Primò, quia non est credibile fundatorem intendisse aded strictè Sacerdotem obligare, vt nec per modicum tempus infirmitatis excusetur ab obligatione celebrandi. Atque hæc interpretatio colligitur manifestè ex Concil. Trid. Parochis concedente facultatem, vt ex legitima causa possint singulis annis per spatium duorum mensium abesse: igitur sicut Concilium non id censet longum, & sufficiens spatium ad inducendam Parochis obligationem ratione absentiae, à fortiori non est censendum sufficiens spatium quindecim dierum ad inducendam Capellano infirmo obligationem celebrandi per alium, vel restitutionem hæredibus faciendam.

18. Secundò probatur argumento desumpto ex l. fin. C. de condit. infer. vbi Paulus Iurisconsultus, etsi Gentilis, determinat quendam seruum, cui promissa fuerat libertas cum conditione per certum spatium inferuendi, non priuari huiusmodi indulto, esto infirmitate oppressus totum illud spatium inferuire nequeat, & quasi rationem insinuans ait; *seruire enim nobis intelliguntur etiam ij, quos curamus agrotos, qui cupientes seruire, propter aduersam valetudinem impediuntur.* Idem clariùs deducitur ex l. arboribus. §. de illa. ff. de usufructu, vbi gloss. ait, salarium non esse denegandum famulo, qui exiguo tempore ægrotauit, hinc sic conficitur argumentum, Sacerdos non est deterioris conditionis famulo quocunque; sed famulo ægrotanti per octo, quindecimve dierum spatium non est denegandum salarium, iuxta glossam: igitur nec Sacerdoti est denegandum stipendium, esto ob infirmitatem breui temporis spatio celebrare non potuerit. Ita Petr. Nauarr. lib. 2. de reſtit. c. 2. n. 211. Rodr. sum. 1. p. cap. 250. n. 3. Enriq. lib. 9. cap. 24. num. 4. Fraxinel. de oblig. sac. sect. 4. cœl. 4. §. 13. Riccius in sua praxi decis. 403. num. 5. & Bonac. punct. 8. num. 17. cum alijs per eum allegatis. Sed

19. Limita primò, nisi in fundatione Capellanæ expresse habeatur, vt Sacerdos in infirmitatem incidēs suppleat per aliū; vel si non sit electa persona, sed solum habeatur ratio Missæ quotidie celebrandæ: vt si dieatur in fundatione Capellanæ; Volo Missam quotidie in tali, vel tali Altari celebrari, aut oblige Sacerdotem ad prouidendum quotidie de Missa per se, vel per alium; tunc enim Capellanus etiam infirmus, non excusatur ab onere celebrandi per alium. Ratio est, quia tunc non persona, sed locus eligitur ad sacrificium, voluit enim institutor, quòd locus à se designatus quotidie frequenteretur, & colatur: si verò dixerit,



dixerit, Volo vt Sacerdos ad hanc Capellaniam electus Sacrum quotidie celebret; tunc non locus, sed persona Sacerdotis eligitur, & in hoc casu intelligitur nostra assertio. Ita Petr. Nauarr. Enriq. Azor. & Riccius *vbi supra*, & Naldus *verb. Missa*, num. 6. & alij cum Bonacin *loco cit.*

20. Limita secundò, nisi aliter disponant pecuniaria decreta, seu consuetudo legitime præscripta; quoniam tunc huiusmodi decretis, seu cōsuetudini standum erit: nam in diœcesi Mediolanensi extat decretum Concilij Prouincialis, vbi habetur, eum qui per annum saltem munus Missæ quotidianæ obierit, posse, si verè per mensem infirmitate fuerit impeditus, Episcopi iudicio integram eleemosynam percipere, vt testatur Bonac. *ibidem*.

21. Ex dictis autem deducitur id duntaxat procedere in casu, de quo agimus, dum Sacerdos non potuit ob infirmitatem celebrare. Secus si Missæ ce-

lebrationem prætermiserit aliis de causis, etiam iustis; negotium namque Capellano superueniens, non debet fundatori obesse, contra eiusdem fundatoris voluntatem, quidquid in contrarium sentire videatur Azor. *vbi supra*, inquit quòd si Sacerdos fuerit legitime impeditus, aut commodè, diligenter, & religiosè rem diuinam facere nequeat, iure non cogitur quotidie sacrificium offerre, quod ego etiam fateor; tenetur tamen per alium supplere, cum ob rationem assignatam; cum quia alioquin mortuos defraudat, & debito Missæ fructu, ac suffragio priuat. Et hæc dicta sufficiant circa hanc materiam, de qua plura apud DD. & præsertim Summistas, agentes de sacrificio Missæ, passim reperies: nobis enim sat est hæc infinuasse ad pleniorē nostræ Bullæ explicationem, quam, & me ipsum in omnibus, & per omnia correctioni S. M. Ecclesiæ submitto libenter, atque ex toto corde, &c.

*Finis Disputationis in Bullam de Compositione.*

# APPENDIX

## DE OPINIONE PROBABILI.

### DVBIVM I.

*An liceat, dum varietas opinionum  
probabilium occurrit, sequi  
quancumque, etiam mi-  
nus probabilem.*



**I**N CALCE totius huius tractatus de expositionibus Cruciate, Defunctorum, & Compositionis, placuit propositam difficultatem agitare, ut quid in huiusmodi occasione sit agendum, dignoscere quispiam possit. Arque in primis pro præsentis controverſiæ explicatione

2. Suppono opinionem, ut tradit communis Philoſophorum doctrina, eſſe aſſenſum pro vna parte cum formidine alterius: generatur autem (ut inſinuat Lorch. 1. 2. tom. 1. diſp. 39.) argumentis inevidentibus, nempe authoritate ſapientum, & rationibus, quæ non concludunt omnino, ſed perſuadent duutaxat. Hinc provenit, opiniones non omnes eſſe æquæ ſecuras, ſed alias aliis eſſe tutiores; nec illa tutior æſtimatur, quæ probabilior, ſed illa, quam quis ſequendo, nullius culpæ periculo ſe exponit: ut ſi, v. g. extent diverſæ, & contrariæ opiniones circa alicuius rei reſtitutionem, ſit ne faciendâ, tunc affirmans æſtimabitur tutior, cum in reſtituendo nullius ſit culpæ periculum, ſecus in non reſtituendo.

3. Suppono ſecundò, opiniones ſi-

militer non omnes eadem probabilitate gaudere, ſed alias aliis eſſe probabiliores. Illa autem dicitur probabilior, quæ firmiori nititur fundamento; atque illa ſimpliciter æſtimatur probabilis, quæ aliquo etiam nititur fundamento, eſto non ita firma, ſicut oppoſita. Nam quamvis maior, minòrve alicuius opinionis probabilitas regulariter ſit meſuranda ex numero, & qualitate authorum, iuxta illud Ariſtotelis 1. topic. 1. *Probabiliora ſunt, quæ videntur omnibus, vel multis, vel ſapientibus, & hiis, vel omnibus, vel plurimis, vel maxime notis, & illuſtribus.* Rationes tamen, & fundamenta cuiuſlibet opinionis ſunt præ omnibus attendenda, arg. l. 1. § ſed neque. C. de veteri iure emulando, ubi ſic habetur; ſed neque ex multitudine authorum quod melius, & æquius eſt, iudicari debet, cum poſſit unus forſitan, & deterioris ſententia, & multos, & maiores in aliqua parte ſuperare. Hinc Ioan. Lupus cap. per veſtras, de donat. inter virum, & uxorem, not. 3. §. 20. n. 12. inquit non eſſe credendū DD. quantumcumque doctrina pollentibus, dum fundamento in ſuis opinionibus carent, ac proinde id præcipuè probabilius æſtimabitur, quod firmiori nititur fundamento.

4. Suppono tertio, nec illam æſtimari communem opinionem, quæ in ſui fauorè plures habet DD. dum nulla præmiſſa diſputatione, ſed (ut aiunt) per tranſennani, eam ſequuntur, ut rectè Menoch. de præſumpt. lib. 2. præſumpt. 71. n. 39. Hinc iure optimo Nau. in ſum. lat. c. 27. n. 189. aſſerit cōmuniorē reputari opinionem,

opinionem, quæ approbatur à sex, septemve DD. Classicis rem ex professo tractantibus, quàm quæ à 50. qui sola priorum autoritate ducuntur, more ouium, seu volucrum, quæ plures vnâ præuidentem sequatur eandem viam arripiunt, vt ex Decio, & Alex. docet Azor tom. 1. lib. 1. c. 13. Vnde pòdus auctoritatis potius ex authorum qualitate, quàm ex numero æstimandum est.

5. His præhabitis partem negantem sequuntur S. Anton. 3. p. sit. 3. cap. 10: §. 10. Caiet. verb. opinio, ibidem Sylu. §. 2. & plures Summistæ eod. verbo. Sotus lib. 3. de iust. q. 6. art. 5. Nau. cap. si quis autem, de pract. num. 53. & Henricus quodlib. 4. q. 3. Imò pro eadem sententia allegatur D. Thom. quodlib. 8. art. 14. dùm ait existente contrarietate opinionum præferendam esse tutiorem. Verùm Doctor sanctus non inquit id esse vniuersum necessarium, sed cùm ex huiusmodi contrarietate manet quis ita dubius, vt neutri præbeat assensum: ar ex mox dicendis constabit non semper contrarias opiniones dubium generare: eisdè sententiæ videtur subscribere Cord. lib. 2. q. 3. in oppositam tamen propendet lib. 3. q. 9. Atque ratione id etiam suadet. Nam in iure constitutum est, vt in dubiis tutiorem partem sequamur, vt constet ex c. inueniis, de sponsal. cap. ad audiendam, & cap. petitio, de homic. & cap. si quis, de penit. dist. 7. vbi dicitur; quod certum est teneatur, dimittatur quod est incertum. D. Aug. lib. 1. de baptis. c. 3. ait in rebus ad salutem animæ pertinentibus grauitè peccare eum, qui certis incerta præponit; sed constat opinionem minus probabilem plerumque esse incertam, & contrariam esse tutiorem: igitur non potest hæc omitti tuta conscientia.

6. Nihilominus contrarium verius censeo, nempe existente opinionum probabilitate pro vtraque parte, siue vna sit probabilior, siue sint æquè pro-

babiles, neminè teneri probabiliorē, aut tutiorē amplecti. Ita Med. 1.2. q. 19. art. 7. Vasq. ibidem disp. 62. cap. 4. & §. 5. 27. Lorch. etiam ibi, tom. 1. disp. 39. concl. 2. Lessius de iust. lib. 2. cap. 3. n. 54. Villalob. tom. 1. tract. 1. diff. 10. n. 2. Sanch. autem lib. 2. de matrim. disp. 4. n. 9. ad finem, id cēset probabilissimum, & nunc temporis idem tenent omnino ferè omnes Scholastici. Atque in primis id facillè exemplis possumus illustrare. Nā multi fuerunt in ea opinione, vt nefas esse dicerent ex mutuo ratione luri cessantis quidpiam exigere, vel accipere: alij affirmarunt id licere; & quamvis primum sit sine controuersia tutius, nullo tamen iure compellitur quis eam partem amplecti. Item multi dicunt non licere suam rem occidere in defensionem rei familiaris, etiam magni pretij; alij cōtrā opinantur id licitum esse, tutior quidem est prima opinio, tuta tamen conscientia potest quis secundam sequi, sicut de facto sequuntur Caiet. 2.2. q. 64. art. 7. Sot. lib. 5. de iust. q. 1. art. 8. & alij, quos refert Azor. tom. 1. lib. 2. cap. 12. vers. queritur, an inter opiniones. Item plerique DD. docuerunt lucrum adquisitum ludo legibus prohibito, esse in foro conscientie restituendum. Alij tamen oppositū tradiderunt, dicentes non debere restitui; & quamuis prius sit tutius, potest tamen quispiam licitè retinere, quod predicto modo acquisiuit. Vnde licet priorem partem sequantur S. Bonau. in 4. dist. 13. p. 2. art. 2. q. 1. Palud. q. 3. art. 2. Ric. art. 1. q. 8. & alij per Azor. ibidem relati; posteriorem tamen defendunt Alex. Adrian. Castro, & Sotus; & alij quos refert, & sequitur Salon. 2.2. q. 61. tract. de dominio, q. 5.

7. Insuper sic probatur nostra conclusio.

Primò, quia omnes fatentur, si opinio sit probabilior, tota conscientia eligi posse: sed inter probabiliorē, & minus proba-

probabilem(modò vtraque sit verè probabilis, non est differentia alicuius momenti, cum nec maior probabilitas attingat certitudinem, nec minor declinet in dubium: igitur id quod sequenti probabiliorem opinionem licitum esse concedimus, concedendum est etiam sequenti probabilem.

8. Secundò, quia nisi concedamus licitè posse eligi quamcunque opinionem probabilem, peccarent docentes opiniones probabiles pro parte minus tuta, quippe ansam errandi præberent iis, qui eiusmodi opinionibus vrerentur: est autem parum æquitati consonum, viros doctos, ac pios sub hoc intuitu condemnare, sunt etenim scholæ probabilibus sententiis contrariis, & dissentientibus plenz.

9. Terriò, quia in actionibus humanis prudenter agit, & sufficienter cauet periculum, qui id quod probabile est, amplectitur, estò oppositum sit etiam probabile; nec temerarius cenferi debet, qui viros prudentes, & fide dignos sequitur dum via aliqua securè incedunt, esto videat alios eandem viam tanquam periculosam cauere: ergo qui in moralibus fidem adhibeat viris, auctoritate, & fide præditis, dum opinionem probabilem docent, esto ipse sciat alios aliud sentire, non est temerarius, sed prudenter agit: quanuis autem prudentius, ac securius ageret, si parti tutiori adhereret, non ideo tamen esset reprehensibilis; nemo enim tenetur eligere quod melius est, sed quod bonum, vt meritò obseruat Lorch. *loco cit.*

10. Hinc facile soluantur, quæ in contrarium adducta sunt. Nam ex ipsa opinionis natura constat longè diuersam esse dubij, & opinionis rationem. Dubium enim neutri parti determinatè præbet assensum, sed est quasi in æquilibrio: opinio autem assentitur vni parti determinatè, esto cum formidine alte-

rius, atque hoc genus assensus sufficit ad prudentem electionem, ob humanæ mentis imbecillitatem, ac difficultatem inueniendi medium. Vnde meritò Theologi docent non esse agendum contra conscientiam dubiam, quippe animus dubius, si quidpiam agat, periculo peccandi se exponit. Ita Adrian. *quodlib. 2. part. 1. Sylu. verb. dubium q. 2. Cord. lib. 2. q. 5. Met. 1. 2. q. 19. art. 6. & Nau. cap. si quis autem, de pœnit. dist. 7.* Qui verò opinatur, licet ex vi opinionis certò, & firmiter non adhareat parti, quam opinatur, nulli tamen periculo peccandi se exponit, ob rationes suprà insinuat. Quare rectè iura in contrarium adducta decernunt, in dubijs tutius esse eligendum, quod nos etiam fatemur; secus de opinionibus probabilibus. Similiter S. Augustinus asserens grauius peccare eum, qui in rebus ad salutem animæ pertinentibus, certis incertè proponit, non loquebatur (vt patet ex contextu) dum variæ opiniones occurrunt, sed dum quis de vna parte dubius est, de altera autem certus; in quo casu nemo Theologorum dubitat tutiorem partem esse eligendam.

11. Sed obiicies, quia videtur impossibile, quòd si intellectus duas opiniones probabiles apprehendat, alicui determinatè præbeat assensum, sed potius esset dicendum quòd manebit dubius, & suspensio iudicio. Ratio est, quia si vtramque existimat probabilem, aut vtrique assentitur, aut nulli, non enim est maior ratio, quare potius vni, quam alteri: vtrique autem præbere assensum, est impossibile, quoniam qui opinatur, vnum arbitratum esse verum, & oppositum falsum: igitur si oppositum existimet etiam esse verum, profectò eandem propositionem existimabit simul esse veram, & falsam, & eiusdem propositionis assensum, ac dissensum habebit, quod videtur omnino impossibile.

Respondetur

Respondetur tamen, eum qui vtramque opinionem iudicat probabilem, & eum qui omnino dubius est, longè inter se differre; iste namque nulli parti præbet assensum, ille verò potest vtrique parti assentiri, quoniam assensus probabilis, non est assensus simpliciter, cum non sit certus, ac proinde non pugnat cum altero assensu opposito, qui etiam est probabilis. Nec id absurdum censeri debet, quia sicut contraria in gradibus remissis se compatiuntur in eodè subiecto, sic assensus probabiles oppositi, qui esto sint quodam modo contrarii, imperfectè tamen, & in gradibus remissis. Quapropter qui duas opiniones censet esse probabiles, nõ censet absolute duo cõtradiçtoria esse simul vera, sed iudicat vtrumque cõtradiçtoriũ apparere verum probabiliter, & neutrũ sufficienter cõspicere quod sit falsum. Adde alia de causa etiam differre, eum qui duas opiniones probabiles censet, & eum, qui simpliciter, & absolute est dubius, ob fundamenta opposita; hic enim rationes probates partem aduersam soluere nequit, & consequenter manet suspensus; illa verò sufficenter soluit moriuam, & inconuenientiam, quæ oppositam probant opinionem, atque ideo format assensum, vtramque non re ipsa, sed apparenter esse veram.

12. Neque obstat si dicas, quoties quis operatur cum formidine alterius partis; habet conscientiam ambiguum, & dubiam, cum qua operari nõ licet, vt habetur ex dictis; qui autem opinatur, adhæret vni parti cum formidine partis aduersæ, vt dictum est *suprà*. Non (inquam) obstat, quia longè inter se differunt, dubitatio, seu hæsitatio, & formido: nam hæsitatis intellectus pedit neutri parti assentiens, formidolosus verò nõ excludit assensum vnius partis, quia formido illa in eo cõsistit, vt per actum reflexum iudicet quis rationes illius partis non esse euidentem,

& consequenter fieri posse, vt opinio, quam ipse sequitur, non sit vera.

## DUBIUM II.

*An in aliquo casu sit necessarium sequenda opinio tutior.*

1. Quæ hætenus diximus de securitate conscientie, sequendo probabilem opinionem, probabiliori, seu tutiori ommissa, vniuersum, seu regulariter vera sunt; quia tamen morales regulæ non raro exceptiones patiuntur, oportet nunc explicare, an aliquando necessarium sit tutiorem opinionem amplecti, quod præsertim controvertitur circa administrationem Sacramentorum. In hac igitur difficultate DD. variè sentiunt. Petr. à Soto *lib. de insit. Sacerdotum, lect. 2. de Eucharistia*, & Alanus *lib. 1. de Eucharistia, c. 11*. existimant inter diuersas opiniones de materia sacramenti Eucharistie eligendam esse tutiorem, & peccare eum, qui vtitur materia non certa. Ratio autem posset assignari, quia Christus Dominus Sacramentum huiusmodi in materia determinata instituit, vnde si quis in alia materia consecraret, Sacramentum esset irritum, & consequenter aliter agens, grauer peccaret exponendo se periculo irritum faciendi Sacramentum.

2. Alij indistinctè arbitrantur eodè modo licitè posse in administratione Sacramentorum, ac in aliis actionibus, quacumque probabilem opinionem admittere. Ita plurimi recentiores, qui ad hoc sentiendũ ducuntur ex eo, quia sicut licitum est vti opinione probabili, ne aliquid restituatur, esto periculũ sit, an res illa sit aliena, eodem modo licebit in administratione Sacramentorum sequi opinionem probabilem, esto periculum sit efficiendi irritum Sacramentum, vtròque enim est par ratio.

3. Pro huius difficultatis explicatio-

CCCC 3 ne

ne præmitto breuiter, in administratione, seu susceptione Sacramenti duo posse considerari; alterum est reuerentia debita Sacramentis ex virtute Religionis; alterum est obligatio, qua quis ex charitate tenetur prouidere indigenti, de remedio salutis per Sacramentum. Quare his sic præmissis,

4. Dico primò, si loquamur de huiusmodi charitatis debito, satis probabilem existimo priorem sententiam, quam tenet expressè Vasquez *d. disp. 63. cap. 3.* & pro eadem allegatur etiam Scotus *in 4. disp. 11. q. 6.* & tuadetur sic, quia obligatio charitatis, & misericordiae id postulare videtur, vt si proximo possumus certum, ac sine villo periculo adhibere remedium, non adhibeamus illud, quod forsitan in re nullius erit momenti: qui autem Sacramentum ministrans, minus tutam eligeret partem, esto pars illa esset probabilior, huic periculo re ipsa exponeret proximum; vel quia re ipsa nullum esset Sacramentum illud, vel quia effectus gratiae careret: igitur qui in administratione Sacramenti sequitur opinionem probabilem, imò etiam probabiliorē, minus tutam, cum possit tutam eligere, & sequi, non satisfacit debito charitatis, & consequenter esto non peccet contra Religionem, peccat tamen contra charitatem, seu misericordiam.

5. Sed obieciēs, quia si hæc doctrina sit vera, sequeretur non posse pœnitentem aliquem absolui cum sola attritione cognita ab ipso pœnitente, & Confessario; sic enim non adhiberetur ei remedium sine periculo, sed remedium potiùs, quod adhuc controuertitur, an conferat gratiam. Similiter non posset pœnitens absolui, qui priorem confessionem facit informem, nisi illam repetat, cum etiam adhuc sit controuersia inter DD. an talis confessio sit repetenda; atque ideo nõ adhiberetur ei reme-

dium certum, & sine periculo, si non repetita priori confessione impenderetur illi beneficium absolutionis. Respondet Vasquez *ubi supra*, in his casibus non opus esse, tutiorem partem eligere, asseritque doctrinam traditam de sequenda tutiori opinione ob charitatis, seu misericordiae obligationem, infelicitandam esse ex parte eorum, quæ Minus Sacramenti ex se adhibet, vt ea sint certa, & absque villo periculo in re: dolor autem est quid requisitum ad Sacramentum ex parte recipientis. Vnde si ipse velit cum sola attritione accedere, dum posset cum contritione, non sit contra charitatis debitum, dum recipienti ita disposito beneficium absolutionis confertur, dummodo Confessarius, quæ ex parte ipsius requiruntur, adhibeat certa, & citra opinionis periculum. Atque idem videtur dicendum de pœnitente, qui confessionem fecit informem; posset enim licitè absolui absque eo, quod priorem repetat confessionem, tum ob rationem iam insinuatam, tum ob aliam dubio sequenti assignandam.

Predictam conclusionem prudenter limitat Lorchæ *ead. disp. 39. memb. 2.* vt intelligatur dum pro parte minus tuta adsit, non solum periculum efficiendi irritum Sacramentum, sed detrimenti etiam spiritualis grauissimi, sui, vel alterius. Ratio est, quia etiam si communia pericula, & nocumenta imminant, cõmuni similiter diligentia, ac probabilis scientia sufficienter caueantur; at cum incommodum aliquod maximum, & irreparabile occurrat, recta ratio postulat, vt is ad quem spectat, non satisfaciatur communem, sed maiorem adhibendo diligentiam, itaut si possit, omnem eius periculi probabilitatem amoueat. Vnde infert ipse author licetè posse quempiam vti opinione probabili circa essentialia Sacramentorum; quæ

quæ non sunt de necessitate salutis.

6. Dico secundò, si in administratione Sacramentorum spectetur solum reuerentia Sacramentis debita ex virtute Religionis, circa materiam & formam Sacramentorum observandus est vniuersim communis Ecclesiæ vsus, & consuetudo, estò sit opinio aliqua probabilissima in contrarium. Ira Vasquez *cap. 2. Salon. 2. 2. q. 63. art. 4. controu. 2. ad 3. Sanch. lib. 3. de matrim. disp. 20. n. 4. & alij.* Vnde lethaliter peccaret, qui omissa Sacramenti forma, quæ solet Ecclesiæ vti, aliam adhiberet, esto sit sufficiens: vt si quis omissa forma illa in Baptismo consueta, *Ego te baptizo in nomine Patris & Filij & Spiritus sancti*, diceret, *Ego te baptizo in nomine Genitorij, geniti, & procedentia ab utroque*. Ratio est, nõ quia aliàs licitum non sit probabilè opinionem amplecti, etiã minus tutam in operatione, sed quia Ecclesiæ communi consuetudine videtur præscripsisse modum administrandi Sacramenta; quia autem Ecclesiæ vsui, & antiquæ consuetudini, quæ habet vim legis, in re graui opponitur, lethaliter peccat. Ad hæc, consuetudo communis Ecclesiæ semper est tutior pars, & consequenter in ea non potest esse periculum.

7. Dico tertio, si communis Ecclesiæ vsus, & consuetudo recepta non obstat, & in administratione Sacramenti sit varietas opinionum probabilium, siue circa materiam, siue circa formam, vel etiam iurisdictionem, liberum est sequi opinionem probabilem, etiam pro parte minus tuta, in qua potest esse periculum efficiendi irritum Sacramentum, aut illius effectum impediendi. Hanc conclusionem tenent expressè Vasquez & Lorcha *locis cit.* & communiter recentiores, spectata duntaxat reuerentia Sacramentis debita ex virtute Religionis. Suadetur autem, tum quia non videtur maior ratio ob quam in Sacra-

mentorum administratione debeamus sequi tutiorem partem, & non sufficiat sequi probabilem, quàm in qualibet alia materia. tum quia si ratio probabilis suadet non fieri irritum Sacramentum, probabiliter etiam sequitur ritè, & rectè posse administrari sequendo opinionem probabilem; atque ideo non erit contra prudentiam illa vti, prudentia enim non dicat operandum esse semper eum euidencia.

8. Dices etiam prudentiam dicere, ne quis exponat se periculo probabili inferendi grauem irreuerentiam Sacramento, nimirum efficiendo illud irritum, aut illius effectum impediendo, prout re vera se exponit sequens prædictam opinionem. Sed contrà, quia cum agitur de restituenda re aliena, potest quis sequi opinionem probabilem, nempe quòd in eo casu non teneatur ad restitutionem, & tamen tunc etiam se exponit periculo inferendi ereditori iniuriam, cõtra iustitiam retinendo apud se inuito domino bona illius: ergo æquè licitum est in nostro casu vti opinione probabili, non obstante prædicto periculo. Probo consequentiam, quia sicut in primo casu de restitutione si quæ iniuria fit creditori, est merè materialis, & non formalis, ac subinde operanti non imputatur ad culpam, cum probabiliter, & secundum rationem existimet se posse prædicta bona retinere: ita in proposito licet Sacramentum fiat irritum, talis iniuria, seu irreuerentia est merè materialis, non moralis, nec formalis, quia probabiliter, & secundum rationem existimat non fieri irritum Sacramentum.

9. Obiicies rursus, quia probabilitas opinionis, quam quis sequitur, non excludit in hac parte periculum efficiendi in re irritum Sacramentum; & qui illa vtitur, rectè nouit id ita contingere posse: ergo cum à consilio, & ex deliberatione

ratione eligat opinionem illam, cui annexum est periculum prædictæ iniuriæ, & irreuerentiæ, erit quidem huiusmodi irreuerentia formalis, utpote libere volita insua causa.

Respondet Vasquez negando consequentiam. quoniam probabilitas opinionis exculat sufficienter à culpa, ut patet in simili: nam etsi Concil. Trid. sess. 14. cap. 4. definiat contritionem imperfectam, quam Theologi attritionem vocant, esse sufficientem dispositionem, ut cum Sacramento Pœnitentiæ quis iustificetur; non tamen definit, an hoc intelligatur de attritione existimata contritione, vel de attritione etiam cognita tali: hinc autem orta est inter DD. controuersia, de qua sit definitio Concilij interpretanda, nonnullis assertantibus sufficere attritionem cognitam, ut quis ad Sacramentum ritè accedat; aliis id negantibus: igitur licitum erit Sacramentū administrari ei, quem Confessarius nouit consciū esse se solam attritionem habere, licet aliàs sit periculum, saltem frustrandi suo effectu Sacramentum; igitur sicut isti non impuratur ad culpam, quod quis cum opinione probabili accedat ad Sacramentum, etiam si inde fortasse eueniat, quod fiat Sacramentum irritum; ita, &c.

10. Cæterum, quanuis hæc omnia ita se habeant, non tamen videtur sufficienter satisfieri propositæ difficultati. Nam si quis, v.g. habeat peccata reservata, & ab eis fuerit absolutus per Confessarium electum virtute Cruciatæ, non verò approbatum ab ordinario loci, seu pœnitentis, & postea instet mortis articulus, re vera teneretur confiteri prædicta peccata certo, & indubitato Confessario, ne aliàs exponeret se periculo damnationis æternæ, quoniam si in re, falsa sit opinio asserens virtute Cruciatæ posse eligi huiusmodi Confessarium pro reservatis, non obtinuit

veram absolutionem, & consequenter manet in dānationis statu: igitur prædicta solutio non saluat opinionem istā, quam nitimur defendere, esse securam, & tutam in conscientia in ordine ad mortis articulum, imò neque etiam in aliis casibus extra illum.

11. Confirmatur, quia probabilitas opinionis non tollit ipsius rei incertitudinem, ut diximus *suprà*, vera etiam iurisdictio est de necessitate huius Sacramenti: ergo quoties incerta est iurisdictio, exponit se pœnitens periculo non accipiendi veram absolutionem, atque adeo manendi in statu damnationis. Vnde quanuis ille ob probabilitatem opinionis, quam sequitur, excusetur à sacrilegio, & consequenter non peccet contra Religionem, ut ostendimus *suprà*, peccabit tamen contra charitatem, ex qua quisque tenetur sibi, & aliis adhibere remedium certum salutis æternæ, & absque periculo manendi in statu damnationis.

12. Quare ut prædictæ difficultati omni ex parte satisfiat, necessariò ostendere oportet, quod tam in casu iam relato, quàm in quouis alio simili pœnitens sequendo opinionem probabilem, etiam si in re ipsa sit falsa, manet verè, & realiter absolutus, & consequenter tunc Confessarius ille habet pro tunc veram, & certam iurisditionem. Ad quam rem, licet valde difficilem, melius enucleandam, triplicem viam sequenti dubio aperiam.

#### DVBIVM VLTIMUM.

*Quo proponitur triplex via pro explicatione præcedentis difficultatis.*

1. Prima fundatur in quodam principio certo, & cōmuni inter Theologos, & Iuristas, nimirū quoad eligendum

Con



Confessarium fufficit facultas Superioris de præfenti rationabiliter præfumpta; illa autem dicitur rationabiliter præfumpta, quæ fundatur in rationibus, aut fignis fufficientibus ad ostendendum illum effe voluntatem Prælati, hoc principium docet D. Thom. & D. Bonau. in 4. dift. 21. in expofitione litteræ. Sylu. verbo Confessor 1. quæst. 6. Nauar. in sum. cap. 9. n. 6. & cap. placuit, de pœnit. d. 6. num. 103. Ledefm. 2. p. q. 7. art. 5. dñb. 30. Sotus in 4. diftinct. 118. q. 4. art. 3. Palud. difp. 19. q. 2. num. 25. & Capreolus ibi ad primam contra tertiam conclusionem, Raymund. in sum. tit. de pœnit. & remiff. §. 15. & alij per nos allegati cap. 2. dub... Ex hoc ergo principio communiter recepto philosophari licet in hunc modum; fufficit ad eligendum Confessarium facultas Superioris rationabiliter præfumpta, sed cum viget diuerfitas opinionum probabilium, an iste habeat iurisdictionem ad absoluendum, quibusdam id affirmantibus, quibusdam negantibus, tunc adest prædicta Pontificis facultas rationabiliter præfumpta: ergo cum quis fequens probabilem opinionem eligit Confessarium, re vera talis Confessarius habet veram iurisdictionem ad illum absoluendum. Maior, & conſequentia huius diſcurſus ſunt manifeſta; Minorem verò probò, quia circa poteſtatem, & iurisdictionem ad absoluendum, sæpe inter Doctores multiplex eſt opinio, an Episcopi non obſtante prohibitione Bullæ Cœnæ poſſint abſoluere ab hæreſi occulta in foro interiori; & in illa alia, an per Bullam poſſit vbique eligi approbatus à quocunque Ordinario; ac tandem in ea, an virtute Bullæ poſſit quis diſpenſari ab irregularitate, quæ ex puro delicto naſcitur. In his ergo & ſimilibus quæſtionibus vſus, & conſuetudo vniuerſalis Eccleſiæ obtinet, quòd Episcopi, & Confessa-

rij vtantur iurisdictione probabili, & quæ ſub opinione eſt in adminiſtratione Sacramenti pœnitentiæ: ergo cenſet Eccleſia, exiſtente illa opinione varietate, a deſſe tunc facultatem Pontificis rationabiliter præſumptam, ne aliàs illaqueentur animæ, dum exiſtimantes ſe recipere veram abſolutionem, abſque vera abſolutione manerent; vnde doctè Ludouic. Lopez in ſuo inſtructorio, c. 88, ait, quòd quando dubium exagitat animum an lex obliget in tali caſu, interpretandum eſt, quòd non obligat, quoniam non eſt voluntas Pontificis obligare in tali dubio; igitur exiſtente dubio, & opinione varietate, an Pontifex, v.g. per promulgatione Bullæ Cœnæ prohibeat vſum Cruciatiæ, interpretandum eſt non velle obligare in tali dubio ad non vtendum probabili opinione concedente prædictum vſum Bullæ; atque idem ſentiendum eſt, quoties varietas opinionum probabilium occurrit.

2. Deinde, quia cum (vt nuper dicebam) frequenter ſunt in Eccleſia Dei quæſtiones, & dubia circa iurisdictionem Sacramenti Pœnitentiæ, an iſte iurisdictionem habeat, vel non ad absoluendum, certè ſi abſolutiones ab eo impenſæ ſequendo quancunque patrem contradictionis eſſent inualidæ, Eccleſiæ, & Pontificiũ regimen eſſet valde defectuoſum, dum huic tam graui incommodo non ſubuenirent, dando iurisdictionem in tali dubio, ne aliàs frequenter irritetur Sacramentum Confessionis, & pœnitentes maneat in ſtatu damnationis: ergo dicendum eſt a deſſe tunc facultatem Pontificis interpretatiuam, & rationabiliter præſumptam, dantem neceſſariam iurisdictionem, vt abſolutiones dicto modo impenſæ ſint validæ.

3. Secunda via fundatur in alio principio cõmuniter recepto, tam à iuri-

quàm à Theologis, nimirum quodd titulus coloratus cum cōmuni errore vulgi dat iurisdictionem iuxta famosam legē, *Barbarius Philippus, ff. de officio Prætoris*, ex qua Doctores communiter colligūt, quod qui communi existimatione reputatur Iudex, licet munus illud vero titulo non obtineat, gesta tamen ab illo sunt valida, propter commune bonum reipublicæ. Vnde omnes Theologi unanimi consensu dicunt, quod si Parochus, qui communiter talis reputatur, in re tamen aliter est, quia per simoniam obtinuit beneficium, si talis (inquam) audiat confessiones, validæ sunt eius absolutiones, quia Ecclesia tunc cōfert iurisdictionem, supplens defectum illum, ne aliàs illa ignorantia cedat in detrimentum animarum. Idemque docent, quando Confessarius erat approbatus ad tempus limitatum, ipso tamen tacente limitationem, pœnitentes transacto illo tempore, bona fide illi confitentur sua peccata, tunc aiunt, validæ sunt absolutiones ab eo impensæ, ita tradunt in his, & similibus casibus Caietan. *verbo absolutio, c. 3. & verbo confessio, c. 3.* Navar. *c. 9. n. 8.* cum Panormitano *cap. nihil, n. 11. de electione.* Rosella, & Sylv. *verbo Confessor 1. q. 19.* & alij communiter. Sic ergo in proposito, quia probabilitas opinionis præbet titulum coloratum, & causat communem errorem opinantium illam esse veram, Ecclesia nunc supplet defectum, confertis Confessariis sequentibus illam opinionem, veram iurisdictionem, quia in hoc casu eadem prorsus ratio militat, ac in præcedentibus supra relatis, cum ignorantia, quæ nascitur ex sententia probabili Doctorum sit communis, & publica, & cedere possit in grave detrimentum animarum, si Confessarij absolventes iuxta probabilitatem illius opinionis carerent sua iurisdictione.

• Sed respondebis fortasse esse dis-

parem rationem inter præsentem casum, & inter alios de Parocho, & Confessore approbato ad tempus, quia in istis concurrit cum communi errore vulgi titulus coloratus, nempe, quod Parochus fuerit ab Episcopo electus, & illi facta fuerit collatio beneficij; & quod Confessarius fuerit ab Ordinario approbatus ad audiendum confessiones; in casu tamen, v.g. de eligendo Confessore non approbato ab Ordinario loci, præter communem errorem vulgi ortum ex ipsa probabilitate opinionis, nullus titulus coloratus concurrit; quod tamen omnino necessarium erat ad conferendam iurisdictionem, prout præcitari DD. docent.

Respondeo, quod in nostro casu electio Confessarij, quam facit pœnitens virtute opinionis probabilis, quam sequitur, est titulus coloratus, vt ille censetur Confessarius legitimus, existente autem titulo colorato cum communi errore vulgi, Ecclesia dat iurisdictionem, vt communis fert omnium Doctorum sententia; quare cum hæc nostra solutio, ac modus dicendi prædictæ communi sententiæ innitatur, tantum procul dubio, quantum illa habet veritatis, atque hæc de hac secunda via, de qua cum Compluti existerem, consului sapientissimum Magistrum Franciscum Suarez, qui cum in ea esset opinione non licere vt iurisdictione probabili in administratione Sacramenti Pœnitentiæ, certè ob prædictum modum dicendi mutavit sententiam, & postea illam typis mandavit 4. tom. de pœnit. disp. 26. sect. 6. num. 7. omisit tamen in traditione illius titulum coloratum, quem omnino necessarium esse concurrere cum communi vulgi ignorantia tradunt unanimi consensu omnes Doctores, ipse autem aliam viam postea adinuenit, felici eius ingenio satis dignam, quæ, & nobis valde placet, & statim

statim illam subiiciemus, & confirmabimus.

5. Tertiam viam, quam etiam satis planam esse censeo, tradit Magister Suarez *vbi supra*, n. 8. vbi ait, quod in confessionibus, quæ fiunt sequendo probabilem opinionem circa iurisdictionem sacramentalem, dummodo in eis aperiatur aliquod peccatum veniale, vel aliquod mortale non reservatum, semper interueniet materia aliqua, circa quam Confessarius habet certam, & indubitatam iurisdictionem, & hæc (inquit) sola sufficiens est, vt confessio bona fide facta, & similiter absolutio ab eo impensa, sequendo probabilem opinionem, sit valida, licet aliàs opinio illa probabilis, quam sequitur, re ipsa sit falsa.

6. Fundamentum huius doctrinæ est, quia tunc Confessarius habet iurisdictionem directam circa partem materiæ confessionis sibi factæ, nempe circa venialia, aut mortalia non reſeruata; & hæc est omnino sufficiens ad valorem absolutionis à reſeruatis in eadem confessione confessis, supposita bona fide consentientis, & Confessoris. Ita planè colligitur ex communi sententia Theologorum, nam omnes fatentur, quod in casu, quo quis habeat peccatum reſeruatum, & reſeruationem ignoret, vel inculpabiliter illius obliuiscatur, certè si bona fide confiteatur habenti iurisdictionem circa non reſeruata, indirectè manet etiam absolutus à peccato reſeruato. Et similiter quando quis habens mortale peccatum, cuius inculpabilem

habet obliuionem, si confiteatur sola venialia simplici Sacerdoti, valida est absolutio tã à venialibus, quàm à mortalibus, ab illis quidem per se, ab istis per accidens, iuxta opinionem de qua egimus *cap. 2.* Eadem ergo ratione, qui sequendo opinionem probabilem circa iurisdictionem confitetur alicui peccata, à quibus certum est posse ab eo absolui, manet etiam indirectè, & per accidens absolutus à reſeruatis, quæ illi confitentur; cuius communis, & receptissimæ doctrinæ nulla alia est ratio, nisi quod sufficit in prædictis casibus Confessarium habere iurisdictionem circa partem materiæ, vt ratione illius indirectè possit absolvere à reſeruatis eum, qui ad illum accedit, sequendo probabilem opinionem.

7. Vnde consequenter etiam dicendum esse arbitror, non oportere in hac re Confessarios scrupulosè procedere, sed tuta cōscientia admittere posse omnes fideles vtriusque sexus ad absolendum illos ab omnibus peccatis reſeruatis suis Prælatiſ, sicut etiam à reſeruatis Summo Pontifici, à quibus in Bulla datur facultas absoluedi. nam hoc ipso quod iuxta probabilem opinionem censentur habere iurisdictionem, certè quoties illa vtuntur, re vera illam habent ex præſumpta rationabiliter voluntate Pontificis, vel iacita Ecclesiæ conſeſſione, aut ratione indirectæ iurisdictionis, circa non reſeruata, vt *suprà* manet explicatum, & confirmatum tam auctoritate Doctorum, quàm efficacitate rationum.

## FINIS APPENDICIS.



# INDEX RERVM

## QVÆ IN HOC OPERE

### CONTINENTVR.

A



**AB**BATES qui Episcopalem iurisdictionem exercent, possunt confessarios approbare. [num.3.pag.123](#)  
Aborsum procurantes fœtus animam, excommunicationem incurrunt; non tamen mulier ipsa prægnans. [num.2.](#)

[219](#)  
Aborsus non dicitur causari nisi re ipsa sequatur. [n.5.](#) eadem  
Aborsum causare non est idem ac impedire conceptionem [fœtus.n.6.ead.](#)  
Aborsum causantes, vel consulentes, virtute Bullæ absolui [possunt. n.7.](#)

[220](#)  
Absolutio à censura ad reincidentiam quæ duplex [sit.n.5.](#) [225](#)  
Absolvere non potest ad reincidentiam, qui non potest excommunicare. [n.10.](#) [226](#)

Absolutio ad reincidentiam virtute Cruciatæ, non potest [impendi.n.10.](#)

[227](#)  
Absolutio à censura illicitè datur non satisfacta parte cum commodè possit. [n.1.](#) ead.

Absolutio potest esse iniusta, & simul [valida.n.2.](#) ead.

Absoluendi potestas sine limitatione concessa iuxta ius commune est interpretanda. [n.3.](#) [ibid.](#)

Absolutio à censura virtute Bullæ Cruciatæ concessa, nulla præmissa satis-

factione, dum commodè fieri possit, est [invalida.n.5.](#) [228](#)

Absolutio à cessatione à diuinis, virtute Bullæ non potest [dari.num.3.& 4.](#) [232](#)

Affiniras orta ex copula fornicaria in primo, & secundo gradu dirimit matrimonium, in tertio, & quarto non [dirimit.n.2.](#) [448](#)

Altaria quinque in ead. Ecclesia quomodo visitari [debeant.n.3.& 4.](#) [423](#)

Approbatio Sacerdoti seculari necessaria est re ipsa exhibita, nec sufficit petita, quamvis iniuste denegetur. [n.3.](#) [23](#)

Eadem approbatio necessaria est cuius religioso. [n.7.](#) [24](#)

Ad approbationem, seu delegationem non sufficit futura ratihabitio, in præsentem probabiliter præsumpta. [n.1.](#) [100](#)

Approbari quis potest dupliciter ad confessiones [audiendas.n.6.](#) [124](#)

Approbatio Ordinarij loci, vel saltem penitentis [necessaria](#) est, ac sufficiens, ut quis sit ubique per Bullam [eligibilis.n.1.](#) [130](#)

Archiepiscopus non potest cum subditis Episcoporum suffraganeorum dispensare in [votis.n.6.](#) [349](#)

Cum ipsis autem Episcopis, suis suffraganeis potest. [n.11.](#) [351](#)

B

**B**eneficia alia simplicia, alia curata [num.15.](#) [340](#)

DDDD [3](#) Bulla

## Index Rerum.

- Bulla vnde dicatur.n.1. p.1.2  
 Bulla Cruciatæ cut ita dicta.n.3. 2  
 Bulla Cruciatæ per alium sumi potest.  
     n.2. ibid.  
 Bulla Cruciatæ semel accepta si incul-  
     pate amittatur, priuilegia illius non  
     amittuntur.n.2. 3  
 ad Bullæ Cruciatæ valorem non est  
     opus nomen esse inscriptum.n.3. 4  
 Bullam Cruciatæ secum deferre nihil  
     est opus; sed sufficit domi habere.  
     n.7. ibid.  
 Bulla Cruciatæ iis tantum conceditur,  
     qui Hispaniarum Regna, atque insu-  
     las adiacentes incolunt, vel qui eo  
     adueniunt.n.4. 5  
 Bullæ Cruciatæ priuilegio non priua-  
     tur is, qui peccat ex fiducia Bullæ.  
     n.7. 7  
 Bulla Cruciatæ ex credita pecuniâ ac-  
     cepta prodest, etiam si præ nimia  
     paupertate nunquam sit restituenda.  
     n.2. 2  
 Bulla Cruciatæ per pecuniam furtiuam  
     obtentâ non prodest furi, nisi factâ  
     restitutione.n.2. p.10.&n.5.p.11  
 Bullam Cruciatæ habens in articulo  
     mortis, non potest, præsenre Patocho  
     vel alio approbato, simplici Sacrdoti  
     confiteri.n.3. 190  
 per Bullam Cruciatæ quænam Bullæ  
     reualidentur.n.2. 440  
 Bullæ Cœnæ promulgatio non officit  
     Cruciatæ.n.8.& seq. 458  
     C  
**C**apitulum, Sede vacante, potest  
     confessarios approve.n.2.123  
     Potest dispensare in omnibus votis,  
     in quibus potest Episcopus.n.14.351  
 Cardinales etiam si Episcopi non sint,  
     nec Legati, de consuetudine, nec non  
     de iurè communi, & Ecclesiastico,  
     possunt confessarium sibi eligere.  
     n.11.& 12. 112  
 Cardinalium familiares, & domestici  
     possunt, de eorum licentia confessa-  
     rium sibi eligere.n.17. 113  
 Cardinalis non potest aliquem, qui suæ  
     non sit familiæ, eligere sibi, vel suis  
     commensalibus in confessarium sine  
     Ordinarij approbatione.n.11. 118  
 Cardinalis ex sibi subditis, seu com-  
     mensalibus potest sibi, & suæ familiæ  
     eligere quem maluerit in confessa-  
     rium absque Ordinarij approbatio-  
     ne.n.20. 121  
 Cardinalis habens commensalem Sa-  
     cerdotem regularem aliàs exem-  
     ptum, potest eundem eligere sibi, &  
     suæ familiæ in confessarium. n.21.  
     122  
 Carnes edendi facultas diebus prohi-  
     bitis de consilio vtriusque medici,  
     priuilegio Cruciatæ conceditur.n.1.  
     151  
 in Carnium esu dispensatus ratione in-  
     firmitatis actualis, excusatur a iei-  
     nio.n.1. 156  
 in Carnium esu dispensatus, vt præfer-  
     uetur ab infirmitate imminente, quia  
     cibi quadragesimales illi nocent, non  
     deobligatur a ieiunio. ibid.  
 Carnibus vescens in quadragesima, du-  
     plex peccatum mortale committit.  
     n.15. 166  
 Catechumenis in purgatorio existentibus  
     profunt Indulgentiæ.n.3. 486  
 Catechumenis Missæ sacrificium pro-  
     dest ad impetrandum, non verò ad  
     communicandum effectum satisfac-  
     tionis ex opere operato.n.11. 487  
 Clementina Dudum in Concil. Vien-  
     nensi, edita in gratiam Dominicanorum,  
     & Franciscanorum non derogat per  
     Concilium Trident. n.13.  
     95  
 Vi huius Clementinæ ad quid tenean-  
     tur Prælati ordinis Prædicatorum,  
     & Minorum.n.23. 99  
 Vi eiusdem Clementinæ ad quid te-  
     neantur fratres illorum ordinum.  
     n.25.

# Index Rerum.

- Vi eiusdem Clementinæ quid possint  
Episcopi.n.26. ibid.
- Communione annuæ præcepto non  
 potest satisfieri nisi in parochia.  
n.10. 246
- Communione præceptum non obli-  
 gat ante 12.annum.n.3. 275
- Communio Sanctorum in Symbolo  
 quid significet.n.7. 428
- Compositionis Bulla vnde originem  
 duxerit.n.1. 490
- Compositiones bonorum incertorum  
 licite fieri possunt auctoritate Papæ.  
n.10. 492
- Compositiones facere possunt Episcopi  
 pro suis subditis iure diuino, non po-  
 ssunt.n.4. 495
- Compositionem bonorum incertorum  
 quomodo concedere possint Prin-  
 cipes seculares.n.1. 496
- Compositione facta, si compareat ver-  
 us dominus, non sunt restituenda  
 bona pauperibus erogata.n.1. 497
- residuum vero domino restituen-  
 dum.n.2. ead.
- Compositionis Bulla vti non potest, qui  
 ex confidentia illius, iniuste accepit  
 bona.n.1. 499
- Compositionis Bulla pro quibus bonis  
 concedatur.n.1. 500
- Compositionis Bulla quando debitor  
 vti possit.n.2. ead.
- Compositio circa redditus Ecclesiasti-  
 cos in quibus casibus valeat.n.1. 501
- Compositione circa redditus Ecclesi-  
 sticos in quibus casibus vti non li-  
 ceat.n.1. 503
- Compositio super medietatem legaro-  
 rum licite conceditur.n.4. 504
- Compositio in bonis per ludum male  
 partis, quomodo locum habeat. n.1.  
 510
- Compositio in bonis per fictionem ac-  
 quisitis quomodo locum habeat.n.1.  
 512
- Compositio in damnis ex venatione  
 fieri potest.n.3. ead.
- Compositio circa bona inuenta quo-  
 modo concedatur.n.18. 518
- Concionator quamvis egregius non  
 potest absque Episcopi approbatio-  
 ne, eligi in confessorium virtute Bul-  
 læ Cruc.n.12. 80
- Confessio facta non Sacerdoti etiam in  
 extrema necessitate, nulla est defectu  
pœnitentiæ.n.14. 41
- Confessio laico facta nec sacramen-  
 talis est, nec necessaria, imo nec vti-  
 lis, nec consulenda.n.6. 42
- Confessio facta Sacerdoti non habenti  
 iurisdictionem est nulla, nisi fiat  
ignoranter.n.6. 47
- Confessorius virtute Bullæ Cru-  
 ciatæ est eligibilis, nisi iurisdic-  
 tionem habeat ordinariam, vel delega-  
 tam.n.10. 55
- ad Confessiones audiendas nullus li-  
 centiatus, seu Doctor est eligibilis  
 per Bullam, absque Episcopi appro-  
 batione.n.4. 79
- Confessorij ordinarij, vt Episcopi, &  
 Parochi, possunt extra suum territo-  
 rium, suorum subditorum confes-  
 siones audire.n.1. 107
- Confessorij delegati possunt vbique eo-  
 rum confessiones excipere, qui sunt  
 illius Diœcesis, in qua ipsi sunt ap-  
 probati.n.12. ead.
- Confessorium eligendi facultas tripli-  
 citer concedi potest.n.7. 109
- Confessionis præceptum obligat post  
 septem, aut octo annos.n.3. 275
- Confessio valida informis dari potest  
 defectu doloris.n.2.4. 178
- quomodo id intelligendum.n.7. 180
- Confessio informis remoto obice ha-  
 ber suum effectum n.1. 181
- Confessio non est necessario præmie-  
 tenda ad lucrandas Indulgentias,  
 nisi pœnitens habeat conscien-  
 tiam peccati mortalis. num. 12.  
 404

# Index Rerum.

## D

**D**ebita alia legalia, alia realia. [n.8.](#)

[f.11](#)

Defunctis indulgentiæ concedi possunt

à [Pontifice.n.3.](#) [465](#)

Defunctis non conceduntur Indulgentiæ à Pontifice per modum absolutionis.n.... [470](#)

Defunctus quomodo excommunicatur.n.17. [473](#)

in Defunctos non habet Pontifex iurisdictionem.n.13. [471](#)

Defunctis indulgentiæ conceduntur per modum suffragij.n.14. ead.

Defunctis indulgentiæ concessæ prorsus ex iustitia, & non ex mera solùm [liberalitate.n.6.](#) [474](#)

Defunctis indulgentias prodesse ex iustitia, & per modum suffragij non repugnat.n.12. [476](#)

Defunctus infallibiliter liberatur statim à Purgatorio per indulgentiam plenariam ex legitima causa concessam,implendū opus præscriptum. [n.7.](#) [479](#)

Defuncti quidam in Purgatorio vsque ad diem iudicij [detinendi.n.16.](#) [481](#)

Defuncto indulgentia prodest, si existens in peccato mort. præscriptum opus [exequatur.n.5.](#) [482](#)

Defuncto indulgentia concedi potest plenaria propter bonum opus quod exercuit olim cum esset in vita. [n.2.](#) [484](#)

Defunctis Episcopus concedere potest indulgentias iure diuino,non autem iure [Ecclesiastico.n.6.](#) [488](#)

Defunctorum Bullam sumendam pro se curent ægroti dum sunt in gratia. [n.9.](#) [489](#)

Dispensatio dupliciter [sumitur.n.13.](#) [300](#)

Dispensare secum potest Summus Pontif. in iis in quibus potest cum [subditis.n.2.](#) [345](#)

Dispensare secum possunt Episcopi, & Prælati in iis in quibus possunt cum

[subditis.n.5.](#)

[147](#)

Dispensare non potest Commissarius Bullæ Cruciatæ in quinque [irregularitatibus.n.2.](#) [445](#)

Dispensare potest Commissarius in primo gradu affinitatis ortæ ex fornicatione.n.3. [448](#)

ad hanc Dispensationem quænam requirantur.n.5. ead.

## E

**E**leemofyna est causa sufficiens, & rationalis ad concedendam [Indulgentiam.n.4.](#) [415](#)

Eleemofynam erogantes in Bulla præscriptam, Indulgentiarum fructum [consequuntur.n.11.](#) [417](#)

Episcopis, & aliis Prælati exemptis, de iure positio, seu Ecclesiastico conceditur facultas eligendi sibi [confessarium.n.4.](#) [109](#)

Episcopi Cardinales idoneum sibi confessarium eligere [possunt.n.8.](#) [111](#)

Episcopi extra suam Diocesim non possunt aliquem sibi non subditum eligere sibi in confessarium, qui non sit [approbatus.n.4.](#) [116](#)

Episcopi nomine in Concilio Trident. qui [intelligatur.n.2.](#) [122](#)

Episcopus urgente necessitate potest in lege Pontificis dispensare, quando adiri [nequit.n.7.](#) [129](#)

Eucharistiam sumere quis potest tempore interdicti, virtute Bullæ, præterquam in die Paschatis; alia autem sacramenta etiam in die Paschatis. [n.1.](#) [141](#)

Excommunicatus Bullæ Cruciatæ accipiens, fructu illius nō [priuatur.n.1.](#) [6](#)

Excommunicatus contritus potest [lucrati indulgentias.n.2.](#) [ibid.](#)

Excommunicatus nominatim denunciatus, aut manifestus percussor clericum, non est eligibilis in confessarium virtute Bullæ extra mortis articulum.n.4. [23](#)

Excommunicatus non nominatim denunciatus





## Index Rerum

- datum referuatum in Bulla Cœnæ. ead.  
n. 2. 170  
 Hæresis quando censenda sit externa,  
 arque adeo referuata. n. 3. 170-171  
 Hæreticum se simulans, & fidem exterius negans non incurrit excommunic. n. 7. 173  
 Hæreticorum fautores, & receptatores,  
 modò ipsi non sint hæretici, virtute  
 Bullæ absolui possunt semel in vita.  
n. 2. 171-173  
 Hæreticorum credentes verè sunt hæ-  
 retici. n. 11. 174  
 Horas canonicas non recitans transactis  
 sex mensibus post obtentum benefi-  
 cium, non facit fructus uos. num. 1.  
101  
 Potest tamen componere. ibid.  
 S. Iacobi, Calatræ, & Alcantaræ  
 Equites dubium est an sint verè  
 religiosi. n. 4. 114  
 S. Iacobi Equites matrimonium contra-  
 hunt, & castitatem coniugalem dun-  
 taxat profitentur, nec absolutâ obe-  
 dientiam, & castitatem vouent. ibid.  
 S. Iacobi Equites sunt religiosi secun-  
 dum quid. n. 6. ead.  
 ad Ieiunium quot requirantur. num. 12.  
154  
 Ieiunij tempore ab iis cibis abstinen-  
 dum est, quos consuetudo saltem de-  
 cem annorum non permittit. num. 9.  
161  
 Ieiunia per Iubilæum, votum, aut con-  
 fessarium iniuncta virtute Cruciatæ  
 non violantur esu ouorum, & lacti-  
 ciniorum extra quadragesimam. n. 4.  
164  
 Ieiuniis extra quadragesimam, etiã  
 sine Bulla Cruciatæ, satisfis vescen-  
 do ouis, & lacticiis nisi consuetu-  
 do repugnet. n. 9. 165  
 Ieiunium diebus veneris, & Sabbati co-  
 tius anni olim inditum. n. 6. 168  
 Circa Ieiunium Sabbati variae olim  
 consuetudines. n. 8. ead.  
 Ieiunium Sabbati vnde originem duxe-  
 rit. n. 10. 169  
 Ieiunij præceptum non obligat ante 21.  
 annum completum. n. 2. 175  
 Ieiunare tenetur reliquam partem qua-  
 dragesimæ, qui vigesimum primum  
 annum expleuerunt circa mediam  
quadragesimam. n. 3. ead.  
 Imò si vnus tantum dies Ieiunij su-  
 peresset post expletum tertium se-  
 ptennium, ieiunandum esset. ibid.  
 Indulgentiam plenariam non lucratur  
 in articulo mortis, qui ex confiden-  
 tia illius factus est negligentior.  
n. 3. 2  
 Indulgentia plenaria, plenior, & ple-  
 nissima quomodo differant. n. 1. 184  
 Indulgentiæ tot dies, aut annos con-  
 cedere quid sit. n. 9. 184  
 Indulgentiæ plenariæ non comprehen-  
 duntur in facultate concessa lucran-  
 di omnes indulgentias Urbis Romæ.  
n. 3. 187  
 Indulgentia plenaria in Bulla Cruciatæ  
 quibus concessatur. n. 1. 189  
 ad Indulgentiam lucrandam non est  
 opus exercere in gratia opera præte-  
 rita. n. 5. 192  
 ad Indulgentiam lucrandam sufficit esse  
 in gratia eo instanti quo percipitur  
 fructus illius. n. 11. 193  
 ad Indulgentiam lucrandam sufficit  
 opera iniuncta esse bona moraliter  
 ex genere, licet in indiuiduo ex ma-  
 la circumstantia sint peccata. num. 5.  
 195  
 ad lucrandam Indulgentiam plenariam,  
 non debet necessariò præcedere con-  
 fessio actualis. n. 7. 199  
 ad lucrandam Indulgentiam Bullæ præ-  
 requirit confessionem peccatorum  
 mortalium. n. 14. 401  
 ad Indulgentiam lucrandam cõfessio cum  
 confessione in voto potest sufficere,  
 quando actualis fieri nequit. n. 4. 403  
 Indul.

## Index Rerum.

- Indulgentia** est absolutio iudiciaria, annexam habens solutionem ex thesauro meritorum Christi, & Sanctorum. 406
- Indulgentiæ concessio** etiam sine iusta causa, est valida quoad ea quæ pendunt ex solo iure Ecclesiastico. n. 1. 408
- Indulgentiæ concessio** sine iusta causa, est illicita & inualida quoad expiationem reatus pœnæ. n. 5. 409
- ad Indulgentias concedendas** requiritur causa proportionata. n. 9. 410
- Inter indulgentiam, & causam** quænam requiritur proportio. n. 16. 412
- ad Indulgentiæ concessionem**, elemosyna est rationalis causa. n. 4. 415
- Indulgentiam Bullæ Cruc.** consequitur qui orationem, & ieiunium aliis debitum offert pro vnione, & victoria Ecclesiæ contra infideles. num. 4. 420
- Indulgentiam non lucratur** qui ex infirmitate aut graui necessitate omittit aliquod opus ex præscriptis in Bulla, nec aliud subrogat loco illius. n. 4. 421
- Indulgentia visitantibus Ecclesiam** concessa obtrinetur toties quoties eodem dic. n. 10. 425
- Indulgentiæ Mendicantibus** concessæ non suspenduntur per Bullam Cruc. n. 6. 433
- Indulgentiæ granis benedictis**, icunculis, seu coronis concessæ, per Bullam Cruciat. non suspenduntur. n. 13. 434
- Indulgentia Ecclesiastica** quid sit. n. 13. 468
- Indulgentia per modum suffragij** quid sit. n. 13. 476
- Indulgentia habet suum valorem** ex opere operato. n. 8. 483
- Indulgentiæ non plenariæ** per Iubilæi publicationem non suspenduntur. n. 6. 484
- Interdictum personale** virtute Cruciatæ tolli potest, non locale. n. 4. 231
- Interdicti tempore** non potest puer præditus vsu rationis ad Ecclesiam deferri. n. 3. 248
- Irregularis** qui habebat iurisdictionem ante contractam irregularitatem, validè absoluit, modò non sit nominatim, & publicè denunciatus. n. 3. 92
- Irregularis Sacerdos** est incapax nouæ iurisdictionis. n. 2. ibid.
- In irregularitate ex homicidio iusto** potest dispensari virtute Cruciatæ. n. 2. 232
- In irregularitate orta ex homicidio** voluntario solus Papa potest dispensare. n. 5. ead.
- Iudex** qui ob iniustam sententiam, pecuniam accepit non tenetur ad restitutionem. n. 5. 507
- Iudex pro iusta sententia ferenda** pecuniam accipiens quando teneatur ad restitutionem. n. 4. 509
- Iurisdicctio spiritalis** in Ecclesia est duplex. n. 3. 45
- Iurisdictionis potestas** iure diuino requiritur ad essentiam Sacramenti pœnitentiæ. n. 9. 55
- Iurisdictionis potestas** mediata à Christo confertur Sacerdotibus. n. 11. 56
- Iurisdictionis potestatem** omnes Apostoli à Christo immediatè acceperunt iure Apostolatus. n. 2. 57
- Iurisdictionis potestas** pendet ex concessione Ecclesiæ. n. 8. 59
- Iurisdicctio Sacerdotum** in pœnitentes in articulo mortis, est delegata. n. 10. ead.
- Iurisdicctio** nunquam metu graui interueniente transfertur. n. 7. 106
- Iurisdicctio duplex**, contentiosa, & voluntaria. n. 13. 107
- Lacticiis**, & ouis vescendi priuilegium virtute Bullæ quomodo concedatur. n. 3. 259
- Lacticiis**, & ouis abstinere tenentur E E E e 2 fideles

# Index Rerum.

- fideles iure scripto, diebus quadra-  
gesimæ. n.6. 260
- Lactinia, & oua diebus ieiunij extra  
quadagesimam non sunt prohibita  
de iure communi, sed tantum ex  
consuetudine. n.7. ead.
- Lactiniorum, & ouorum esus in qua-  
dragesima de iure communi prohi-  
bitus est sub culpa lethali. n.4. 262
- Lactiniis vrens in quadagesima, ieiun-  
ium non soluit; peccat tamen con-  
tra præceptum abstinendi ab eis.  
n.15. 266
- Lactiniorum, & ouorum abstinencia  
non indicitur, iure communi, diebus  
veneris per annum. n.1. 267
- nec diebus Sabbati. n.5. 268
- ad Lactinia, & oua dispensatus, pro-  
babilitate potest de iure vesci sanguine,  
lardo, vel sagimine, tamen ex re-  
ceptissima consuetudine iam non licet,  
nisi in Hispania. n.2.3.4. & 5. 270
- Laicus iudex potest relaxare iuramen-  
tum adiectam contractui in quo est  
turpitudine, & iniustitia, etiam inuita  
parte. n.14. 292
- Legatus Apostolicus potest in Prouin-  
cia sibi commissa dispensare in vo-  
tis. n.2. 348
- Licentia concessa debet esse nota con-  
fessario vt valide ministret sacra-  
mentum Pœnitentiæ. n.1. 104
- Licentia per internum petita, &  
obtentâ non tantum debet esse nota  
internuncio, sed etiam ipsi Confes-  
sario. ibid.
- Licentia per grauem merum extorta  
nullius est valoris ad confessiones  
audiendas. n.6. 106
- Licentia ab Ordinario impetrata dolo,  
& mendaciis est valida, & confes-  
siones virtute illius auditæ sunt validæ.  
n.9. ead.
- M** Ariz de mercede Ordini res  
Minuentæ quarum ignoratur dominus, reddendæ sub peccato  
mort. n.7. 111
- illi Ordini quæ bona adiudicentur  
ad redemptionem captiuorum. n.11.  
116
- Melitenfis ordinis, seu S Ioannis equi-  
tes sunt vere religiosi. n.3. 313
- Melitenfes equites gaudent priuilegio  
canonis, & fori. ibid.
- per Militem equitum professionem  
dirimitur matrimonium ratum, non  
consummatum. ibid.
- Melitenfis ordinis habitum suscipiens  
non satisfacit voto ingrediendi reli-  
gionem. n.7. 315
- Melitem ordinem ingrediendi vo-  
tum non potest virtute Cruciatæ  
commutari. n.8. ead.
- Mendicantes, & alij eorum priuilegiis  
communicantes possunt absoluerè à  
suspensione ob ordines male susce-  
ptos, & aliis censuris in Bulla Cœ-  
næ non reueruatis. n.5. 231
- Mendicantibus priuilegia concessa pro  
tempore interdicti non sunt per  
Conc. Trid. reuocata. n.5. 250
- Mendicantium priuilegia quoad ipsos  
religiosos per Bullam Cruc. non su-  
spenduntur. n.6. ead.
- Mendicantium Prouinciales habent  
priuilegium vt suis confessariis con-  
cedant facultatem dispensandi ad  
petendum post votum castitatis.  
n.13. 318
- Et post affinitatem contracta matri-  
one incestus intra quartum gradum.  
n.16. 319
- etiam extra confessionem. n.21. 361
- Mendicantium priuilegia, & Indulgen-  
tiæ non suspenduntur per Bullam  
Cruc. n.6. 413
- Mendicantes religiones quot, & quæ  
sunt. n.8. 424
- an Mendicantium priuilegia Iubilæi  
anno suspendantur. n.6. 445
- Metus cadens in constantem virum  
quatuor

# Index Rerum.

- quatuor requirit [códitiones.n.7.323](#)  
 Mens hic est [duplex.n.8. 323](#)  
 Metus non incussus causa voti extor-  
 quendi non irritat votum, licet gra-  
 uissimus.n.9. ead.  
 Metus grauis iniuste incussus ad extor-  
 quendum votum, illud irritat, iure  
[naturali.n.10. ead.](#)  
 Metus levis non irritat [votum.num.15. 325](#)  
 Metus renerentialis quando irritet vo-  
 tum.n.17. 326  
 Missam audiendi, vel celebrandi in pri-  
 uato oratorio tempore interdicti,  
 priuilegium virtute Cruciatæ con-  
 cessu quomodo intelligatur.n.1. 335  
 Missam audire tempore interdicti, vir-  
 tute Cruciatæ, in Ecclesia, possunt ij  
 domestici tanrùm qui dominum ad  
 diuina audienda solent [comitari.n.3. 337](#)  
 Missam audire in oratorio priuato, tem-  
 pore interdicti, possunt, virtute Cru-  
 ciatæ, omnes familiares, & domestici.  
 ibid.  
 Missam audire diebus festis tenerur sub  
 mortali qui tempore interdicti po-  
 test virtute Cruciatæ illam audire.  
 num.5. 339  
 Missam celebrare ante lucem non licet.  
 num.1. 450  
 Missam celebrare vsque ad tertiam ho-  
 ram post meridiem [licet.n.3. ead.](#)  
 Missam celebrare ante lucem licet ex  
[priuilegio.n.4. ead.](#)  
 Missæ fructus [triplex.n.5. 518](#)  
 Missæ sacrificium est meritum, satis-  
 factorium, & [impetratorium.n.6. 519](#)  
 Missæ sacrificij valor infinitus. n.11.  
 521  
 Missæ sacrificij valor ex opere operato.  
 num.16. 522  
 in Missa tres sunt offerentes. ibid.  
 Missæ sacrificij triplex [valor.n.21. 524](#)  
 Missæ valor quomodo finitus inten-  
[suè.n.31. 526](#)  
 Missæ sacrificium incruentum in quo  
 conueniat cum cruento, in quo dis-  
[crepet.n.3. 528](#)  
 Missæ sacrificij valor finitus extensue.  
 num.5. 529  
 dici tamen potest syncategorematicè  
 infinitus.n.8. 530  
 Missa est infiniti valoris quoad suffici-  
 tiam, non quoad efficaciam.n.2. 531  
 pro Missæ celebratione potest sacerdos  
 iustum stipendium absque simoniæ  
 labe in pactum [deducere.n.1. 537](#)  
 Missæ sacrificium ratione operis, & mi-  
 nisterij, an possit pretio [estimari.n.7. 538](#)  
 Missarum iustum stipendium quodnam  
 sit.n.22. 542  
 pro Missa celebranda an possit aliquid  
 accipi ultra stipendium [taxatum.n.26. 543](#)  
 Missarum numerus priuata autoritate  
 non potest ad minorem numerum  
 reduci.n.2. 545  
 Missarum numerum Episcopi, & Gene-  
 rales Ordinum minuire possunt.n.2.  
 ead.  
 Non tamen [omnium.n.3. 545](#)  
 Neque semper, sed tantum in syno-  
 dis diœcesanis, & capitulis genera-  
[libus.n.13. 548](#)  
 Monialibus bis, retine in anno dantur  
 Confessarij extraordinarij ab Episco-  
 po, vel à superiore [designati.n.7. 529](#)  
 in Moribundi absolutione à reternatis  
 quis ordo inter Sacerdotes seruan-  
[dus.n.7. 592](#)  
 Moribundi confessione excipiens sim-  
 plex sacerdos potest superueniente  
 legitimo confessario, vel superiore,  
 confessionem inchoaram perficere.  
[n.10. 594](#)  
 Moribundus excommunicatus, super-  
 ueniente superiore non potest ab  
 alio absolui nisi de [eius licentia.n.11. ead.](#)  
 Mortis articulus in Bulla Cruciatæ in-  
 telligi

## Index Rerum.

telligitur sub distinctione verus, vel  
præsumptus. n. 4. 196  
 in Mortis articulo semel tantum quis  
 absolui potest à reſeruat, ſi ſemel in  
 vita iam fuit abſolutus. n. 7. 199  
 in Mortis periculo probabili, licet re-  
 moto, poteſt quis à reſeruat abſol-  
 ui per ſimplicem Sacerdotem virtute  
 Bullæ, Parocho, vel alio approbato  
abſente. n. 4. 200  
 in Mortis articulo poteſt quiuis Sacer-  
 dos abſolvere ab omni cenſura, non  
 audita confeſſione. n. 4. 216  
 in Mortis articulo Indulgentia plenaria  
 impendi non poteſt per laicum, aut  
conſuratum. n. 2. 245

### N

**N**ouitij intra religionem nequeunt  
 conſiteri niſi Prælatiſ ſeu aliis  
 de eorum licentia. n. 29. 145  
 Extra religionem non poſſunt inuito  
 Prælato conſiteri alicui iuriſdictio-  
 nem tantum Episcopalem habenti.  
 ibid.  
 in Nouitiorum votis poteſt Prælatuſ  
diſpenſare. n. 5. 353  
 Nouitij Episcopuſ quiſ cenſendus. n. 9.  
 354

### O

**O**pinio probabilis quænam ſit. n. 1.  
 570  
 Opiniones alix aliis probabilioreſ. n. 2.  
 ead.  
 Opinionem probabilioſem nemo tene-  
 tur ſequi relicta probabili. n. 6. 571  
 Opinio tutior ſequenda in ſacramento-  
 rum adminiſtratione. n. 4. 574  
 Opinio etiam probabiliffima omittenda  
 eſt, & ſeruandus Eccleſiæ uſuſ in  
 ſacramentorum adminiſtratione, ſi  
 ſolùm ſpectetur reuerentia ſacramen-  
 tiſ debita. n. 6. 575  
 Opinionem probabilem etiam pro parte  
 minus tuta, quando ſequi liceat.  
num. 7. ead.  
 Opinionem probabilem ſequens in de-

lectu confeſſarij, tutuſ eſt in con-  
 ſcientia. n. 1. 577  
 Opinionem probabilem ſequendo cir-  
 ca iuriſditionem confeſſarij, modo  
 aperiatur peccatum veniale ſemper  
 interuenit materia ſufficiens ad ab-  
 ſolutionem. n. 5. 580  
 qui iuxta Opinionem probabilem cen-  
 ſetur habere iuriſditionem, quoriet  
 illa vitur, tenera illa habet. n. 7. ead.  
 Oppoſituſ eſt etiã probabile. n. 9. 229  
 Oratorium domi ad celebrandam Miſ-  
 ſam quomodo habere liceat virtute  
 Bullæ Cruciata. n. 1. 234  
 Ordiniſ poteſtaſ eſt character Sacerdo-  
 talis, per quem deputatur quiſ mini-  
 ſter conficiendi corpus Chriſti, &  
 iudex animarum in foro pœnitenti-  
 æ. n. 1. 45  
 Ordiniſ poteſtaſ ſine iuriſditione non  
 ſufficit. n. 5. ead.  
 Ordiniſ Sacerdotaliſ poteſtaſ diuerſa  
 eſt à poteſtate iuriſditioniſ. n. 4. 46  
 Ordiniſ poteſtaſ in Chriſti corpus my-  
 ſticum recte appellatur poteſtaſ cla-  
 uis, & à poteſtate iuriſditioniſ rea-  
 liter diſtinguitur. n. 2. 3. & 4. 5. 2. & 53  
 p

**P**arochuſ qui Curatuſ reliquit non  
 eſt eligibilis in confeſſariuſ vir-  
 tute Bullæ Cruciata. n. 10. 66  
 Parochuſ de cuiuſ moribuſ, vel doctri-  
 na dubitatur poteſt ab Episcopuſ ſuſ-  
 pendii, donec examinetur, & interim  
 virtute Bullæ non poteſt eligi in  
 confeſſariuſ. n. 6. 75  
 Parochuſ non poteſt ſine iuſta cauſa  
 ſuſpendi. ibid.  
 Parochiſ, de conſuetudine, conceditur  
 facultaſ confeſſariuſ ſibi eligendi.  
 n. 5. 210  
 Parochiale habens beneficium ſimpli-  
 citer reputatur idoneuſ ad confeſ-  
 ſioneſ audiendaſ in tota Eccleſia.  
 n. 1. 222  
 Parochuſ non tenetur quotidie cele-  
 brare

# Index Rerum.

- brate pro ouibus [ouis.n.17.](#) 541
- Paschatis dies ad implendum præceptum de Eucharistia sumenda quomodo sit [intelligendus.num.3.& seq. 242.243](#)
- Paschatis die potest quis in Ecclesiis regularium communicare ex deuotione, non tamen animo præceptum implendi.n.11. 246
- Peccata remittendi potestatem Christus Ecclesiæ [reliquit.n.2.](#) 37
- Peccata per hanc potestatem remittuntur quoad culpam,& consequenter quoad poenam æternam, necnon temporalem,iuxta poenitentis dispositionem.n.5. 38
- Peccata possunt absque contritione interdum per hanc potestatem remitti.n.6. 39
- Peccata venialia nunquam ex vi sacramenti Poenitentiae remittuntur nisi per gratiae infusionem.n.8. ead.
- Peccata remittendi potestas in sacramento Poenitentiae solis Sacerdotibus [concessa.n.9.](#) 40
- Peccata remittendi potestas non requirit necessario sanctitatem in Sacerdote.n.12. 41
- Peccatis venialibus Sacerdos non potest valide absolueri nisi habeat iurisdictionem,quia absolutio est actus [iudicialis.n.13.](#) 60
- ad Peccatorum venialium confessionem nemo potest [cogi.n.17.](#) 62
- Peccatis mortalibus iam confessis non potest Sacerdos absolueri sine iurisdictione.n.18. ead.
- Peccata remittendi potestatem Sacerdos accipit in sua ordinatione,quam tamen non potest exercere donec ei detur iurdictio à [superiore.n.6.](#) 63
- inter Peccata oblita & censuras quodnam sit [discrimen.n.9.](#) 122
- Peccati interni iudicium quoad forum externum non pertinet ad Ecclesiam.n.16. 150
- Peregrinationis terræ sanctæ vorum quomodo, & quando per Bullam commutari possit.n.1. 331
- Poenitentiae sacramentum est grauissimum iudicium,est iudicium sacrum, & maximè necessarium.n.11. 40
- ad Poenitentiae sacramentum requiritur iurdictio,vt valeat; rati habitio autem non dat iurisdictionem.n.15. 102
- Poenitentia danda in confessione quomodo à superiore taxari [possit.n.1.](#) 160
- Poenitentiam sibi à confessario iniunctam recusans reiiciendus tanquam non satis dispositus.n.13. 386
- Pontifex tanquam Christi vicarius habet iurisdictionem in omnes Christi fideles,atque adeo in seipsum;quatenus est [ouis.n.5.](#) 13
- Pontifex subiicit se confessario quatenus est peccator. ibid.
- Pontifex non potest seipsum à peccatis absolueri, quia idem non potest esse reus,accusator,& iudex. ibid.
- Pontifex de iure diuino habet potestatem eligendi confessarium.n.1. 109
- Hoc priuilegium nulli alij,iure diuino,est [concessum.n.2.](#) ead.
- Praelatus iniuste denegans licentiam sumendi Bullam Cruciatæ peccat. n.5. 14
- Praelatus monasterij, absolute loquendo, non est virtute Bullæ Cruciatæ, eligibilis ad confessiones secularium [audiendas.n.9.](#) 73
- Illum oportet ab Episcopo approbati.n.12. 74
- Praelatus potest auferre à suo religioso deputationem ad confessiones [audiendas.n.7.](#) 91
- Praelatorum nomine quinam intelligantur in Bulla [Cruciatæ.n.3.](#) 275
- Praelatis non licet virtute Bullæ Cruciatæ edere oia,& laetitia in quodragesima.n.7. ead.
- Præterquam in [Dominicis.n.5.](#) 275
- Praelati

## Index Rerum.

Prælati possunt suis cōfessariis committere, vt sibi vota commutent, vel dispensent. n. 1. 144

Prælati regulares gaudent priuilegio eligendi confessarium. n. 6. 135

Quem possint eligere. n. 11. ead.

Prælati locales non possunt simplici Sacerdoti confiteri. n. 14. 136

Priuilegia quedam non operantur antequam innotescat, alia statim atque concessa sunt operantur. n. 5. 105

Priuilegio qui renunciauit, si Superior nondum accepit illam renunciationem, potest mutata voluntate, eo priuilegio vt. n. 5. 143

Priuilegium ab Innocentio VIII. Ordini Prædicatorum concessum pro itinerantibus. n. 15. 142

Priuilegia Mendicantibus concessa per Bullam non suspenduntur. n. 6. 433

Priuilegia omnia quæ in Bulla Cruciatæ continentur sunt personalia. n. 5. 435

Priuilegia Mendicantibus, & non Mendicantibus olim concessa ad absol- uendum à reuerentiis & sunt realia, non personalia. n. 4. ead.

Priuilegia Regularium in ordine ad sæculares per Bullam Cruciatæ non suspenduntur. n. 6. 436

Priuilegia, Monasteriis, Ecclesiis, Hospitalibus, &c. concessa per Bullam suspenduntur. n. 10. 437

Priuilegia religiosis ab Ordinario approbata concessa, vota, & iuramenta commutandi, &c. non suspenduntur per Bullam Cruciatæ. n. 11. 438

Priuilegium religiosis concessum suspendendi interdictum, per Bullam Cruciatæ non suspenditur. n. 16. 438

Priuilegium dandi litteras fraternitatis, & admittendi ad participationem bonorum operum, per Bullam Cruciatæ non suspenduntur. num. 17. 439

Pueri tenentur cibos prohibitos evita-

re, temporibus vetitis, postquam excellerint septimum, vel octauum annum. n. 3. 275

Pueri vt plurimum incipiunt vti ratione septimo vel octauo ætatis anno. n. 4. 276

Purgatorium potest Papa euacuare concessis indulgentiis. n. 6. 467

### R

**R**eligiosi etiam mendicantes possunt sumere Bullam Cruciatæ, petita prius facultate quam Superiores denegare non debent. n. 3. & 4. 13

Religiosus denegatà sibi à Superiore licentiâ potest Bullam sumere, eiusque beneficio gaudere. n. 5. 14

Regularis obseruantia fratres minores de licentia Superiorum possunt pecuniam procurare ad sumendam Bullam Cruciatæ. n. 6. 18

Religiosus Bullam Cruciatæ sumens nulla prius petita à Superiore facultate, gaudet nihilominus fructu illius. n. 7. ibid.

Religiosi vtriusque sexus, tam Mendicantes, quam non mendicantes non possunt virtute Cruciatæ absque Prælatorum licentia, confessarium eligere extra religionem, nec absolui ab iis quæ sunt Prælati referuata. n. 1. 37

Religiosi possunt virtute Cruciatæ confessarium eligere intra religionem pro absolutione à mortalibus quæ non sint Prælati referuata. ibid.

vt Religiosus possit Bullam Cruciatæ sumere ad effectum eligendi confessarium, non sufficit tacita; sed requiritur expressa Prælati Generalis, seu Prouincialis facultas, num. 1. 33

Religionis cuiuscunque nouitij possunt, absque Prælatorum licentia, vt priuilegio Cruciatæ ad eligendum confessarium, qui à referuatis absoluat. n. 2. 34

Religio



## Index Rerum.

- Religiosus ab Episcopo semel appro-  
batus potest reprobati.n.1. 68
- Religiosus semel cum examine appro-  
batus non est ab eodem Episcopo  
examinandus.n.2. ead.
- Suorum privilegiorum, possunt ni-  
hilominus confessiones audire. n.6.
- Tutius tamen est voluntati, & man-  
dato superioris acquiescere.n.14. 78
- Religiosi mendicantes semel approbati  
ab vno ordinario, non possunt ubi-  
que, virtute Bullæ Cruciatæ, aut al-  
terius privilegij sæcularium confes-  
siones audire. 1. 85
- Religiosus ab Episcopo, prævio exami-  
ne approbatus, potest à successore  
irerum examinari.n.1. 87
- Religiosus approbatus ab Episcopo,  
prohibitus à suo superiore confes-  
siones audire, nihilominus valide ab-  
soluit.n.7. 88
- Religiosus contra voluntatem Prælati  
confessiones audiens peccat. ibid.
- Religiosus à suo Prælato prohibitus  
confessiones audire sub pœna sus-  
pensionis, aut excommunicationis,  
si est ab Episcopo approbatus, valide  
absoluit, donec declaretur nomina-  
tim suspensus, aut excommunicatus.  
n.9. 89
- Religiosi possunt habere iurisdictionem  
ex triplici capite.n.11. ead.
- Religiosus prohibitus à suo superiore;  
approbatus tamen ab Episcopo, po-  
test virtute Bullæ absolueret à refer-  
uatis, non tamen vi suorum privile-  
giorum.n.2. 90
- Religiosi quinam dicantur vere, & ef-  
fentialiter.n.2. 171
- Religiosi prohibentur in Bulla Cru-  
ciatæ edere ova, & lacticiâ in qua-  
dragesima.n.1. ead.
- Religiosi sexagenarij excipiuntur. n.4.  
ead.
- Religiosi probabiliter possunt virtute  
Bullæ Cruciatæ vesci ovibus & lactici-  
niis, in Dominicis quadragesimæ.  
n.5. 173
- Religiosi ex vi Iubilæi, seu Cruciatæ,  
non tenentur confiteri Sacerdoti per  
Episcopum apponebato.n.8. 132
- Religiosus, virtute Iubilæi potest con-  
fiteri Sacerdoti etiam sæculari ap-  
probato ab Ordinario ipsius. n.10.  
134
- Religiosis nõ possunt religiosi alterius  
ordinis confiteri absque licentia.n.1.  
138
- Religiosus peregrinus cui possit, & de-  
beat confiteri.n.2. 138
- Religiosus à casibus reservatis, extra re-  
ligionem non potest absolui. num. 3.  
130
- Religiosi itinerantes, de licentia supe-  
riorum possunt cuicumque conse-  
cri.n.4. ead.
- non debent confiteri nisi approba-  
to.n.5. 140
- Religiosus quisque in absolutione à re-  
servatis suæ religionis consuetudi-  
nem servet.n.14. 142
- Religiosi itinerantes quomodo possint  
à reservatis absolui. num. 16. & 17.  
ead.
- Religiosi missam applicantes contra in-  
tentionem Prælatorum peccant con-  
tra obedientiam, & tenentur ad re-  
stitutionem.n.18. 160
- Reservati casus nomine quid intelli-  
gendum.n.1. 146
- Reservatum peccatum Summo Ponti-  
fici nullum est quod non habeat ex-  
communicationem annexam. nu. 2.  
ead.
- Reservatio cadatne in culpam, an in  
cenfuram immediate.n.4. 147
- Reservandi peccata potestas est in Ec-  
clesia non tantum in Summo Ponti-  
fice, sed in aliis etiam Prælati iurif-  
dictionem Episcopalem habentibus.  
n.6. 148
- Reservatum nullum est peccatum mere  
FFF inter

## Index Rerum.

- internum ; posset tamen referuari. 149  
n. 13.  
Referuatio à Summo Pontif. facta etiā absque legitima causa , valida est. 152  
n. 24.  
Referuatio Episcopalis est aliquando cum censura, aliquando sine censura. 153  
n. 27.  
Facultas absoluendi à referuatis Papæ extenditur ad referuata ab Episcopo. n. 28. ead.  
casus Referuati Summo Pontifici qui & quot. n. 12. 153. & 154  
Referuati Episcopis. n. 2. 154  
Referuati in religionibus non sunt certi casus, sed alij in alijs. n. 15. 156  
à Referuatis absoluendi potestatem superior non semper tenetur concedere. n. 3. 157  
In quibus casibus teneatur eam denegare. ibid.  
In quibus teneatur eam concedere. n. 6. 158  
In ea concedenda superior debet se potius facilem quam difficilem præbere. n. 9. 159  
in Referuatorum absolutione pœnitentia danda à Confessario taxari potest à superiore. n. 1. 160  
à Referuatis absolueſus an possit obligari ad comparandum coram superiore. n. 3. & 4. 161  
A casibus Ordinatio referuatis non possunt Religiosi absolueri ex vi iuris. n. 2. 163  
Sacrae Congregationis decretū circa illud. n. 9. 164  
Moderatio illius decreti. n. 6. 165  
à Referuatis in confessione inculpabiliter oblitis tempore lubilæi, potest deinde quilibet approbatus absolueri. n. 6. 176  
à referuatis potest quis absolui per confessorium approbatum qui tempore lubilæi fecit culpabiliter confessionem invalidam. n. 4. 184  
Referuatio tollitur peccatorum quæ quis per obliuionem omisit, cum bona fide confessus est habenti potestatem à referuatis absoluendi , etiam si pœnitens nullam casuum referuatorum fecerit mentionem. n. 13. 187  
à Referuatis in Bulla Cœnæ semel tantum in vira , & semel in morte dari potest absolutio virtute Bullæ Cruciatæ. n. 1. 188  
à Referuatis absoluendi privilegium in articulo mortis per Bullam Cruciatæ concessum quid operetur. n. 2. 189  
à Referuatis Pontifici (excepta Clerici percussione) potest quilibet sacerdos approbatus absolueri in articulo mortis, neque necessarium est Episcopum prius adire, aut Parochum vocare. n. 6. 192  
Rogationum feria 2. & 4. licitum est sine Bulla comedere oua, & lacticia. n. 3. 267  
Rogationes instituit Mamertus Vienneſis Episcopus quam ob causam. n. 4. ead.
- S
- Sacerdos duplicem habet potestatem actuam, alteram in Christi corpus verum, alteram in Christi corpus mysticum quæ dicitur potestas clavis. n. 6. 154  
Sacerdos quilibet in articulo mortis potest à quocunque peccato, & censura valide absolueri. n. 6. 158  
Sacerdos hanc potestatem habet ab Ecclesia. n. 7. ibid.  
Sacerdos à venialibus absolvens sine iurisdictione, nihil facit, & venialiter saltem peccat. n. 16. 61  
Sacerdos excommunicatus, & nominatim denunciatus nunquam valide absoluit ne à venialibus quidem. n. 17. 62  
Sacerdotem potest Episcopus approbare, & tamen illi iurisdictionem non conferre. n. 3. ead.  
Sacerdos

## Index Rerum.

- Sacerdos cum sola approbatione Episcopi, sine iurisdictione non potest virtute Bullæ eligi in confessarium. **n.16.** 65
- Sacerdos approbatus pro tempore determinato, non est eligibilis per Bullam transacto illo tempore. **n.1.** 66
- Sacerdos potest accipere ab Episcopo approbationem limitatam ad tempus, locum, personas, & casus. **ibid.**
- Sacerdos semel approbatus, non potest sine iusta causa licite, & valide reprobari. **n.4.** 69
- Sacerdos ex defectu scientiæ approbatus pro vno oppido tantum, vel pro vno genere personarum, potest ibi tantum, & ab illis eligi in confessarium virtute Bullæ Cruciatæ. **n.7.** ead.
- Sacerdos ex defectu ætatis approbatus pro viris tantum non est eligibilis à fœminis virtute Bullæ. **n.9.** 70
- Sacerdos neque ex defectu scientiæ, neque ætatis, sed voluntariè approbatus ad aliquem determinatum locum populosum tamen ubi mercatura exercetur, est eligibilis in tóra diœcesis. **n.10.** ead.
- Sacerdos doctus non tamen approbatus, quando non est facilis recursus ad Episcopum, potest necessariam ob causam à Parocho approbari, & adhiberi ad confessiones audiendas. **n.2.** 71
- Sacerdos secularis approbatus ab Episcopo, si postea iniuste reproberetur, non manet approbatus, nec eligibilis per Bullam Cruciatæ, nisi sit Paro-  
chus. **n.6.** 75
- Sacerdos ab vno tantum Episcopo approbatus non est ubique terrarum eligibilis in confessarium virtute Bullæ. **n.9.** 82
- Sacerdos degradatus, non est eligibilis per Bullam ad confessiones audiendas. **n.1.** 92
- Sacerdotes non possunt virtute Bullæ velci lacticiis & ouis in quadragesima, nisi in Dominicis. **n.5.** & seq. 273
- Sacerdotes etiam pauperes non possunt pro vna Missa, plura stipendia iusta accipere. **n.11.** 334
- Sacerdos qui aliunde habet vnde vitam commodè sustentet, potest tamen stipendium accipere pro Missæ celebratione. **n.11.** 332
- Sacerdos vnico sacrificio pluribus obligationibus non satisfacit. **num.10.** 334
- Sacerdos potest fructum Missæ sibi vt priuatæ personæ respondentem, alteri applicare. **n.19.** 356
- Sacerdos non potest vnico sacrificio duplici obligationi satisfacere, ita vt vni applicet vt impetratorium, alteri verò vt satisfactorium. **num.12.** 356
- Sacerdoris intentio potest à Prælato ante Missæ celebrationem irritari. **n.3.** 361
- Sacerdos qui tenetur in aliqua Ecclesia, sen altari celebrare, non potest alibi celebrare. **n.1.** 364
- Non tamen tenetur ad restitutionem. **n.5.** ead.
- Sacerdotes Missæ celebrationem notabiliter differentes, accepto stipendio, peccant. **n.6.** 365
- Et fieri potest vt teneantur ad restitutionem. **n.7.** ibid.
- Sacerdotes mercenarij ne plura accipiant Missarum stipendia, quam possint intra breue tempus, omnibus satisfacere. **n.9.** 366
- Sacerdos canonicus celebrans tempore diuinorum officiorum, censetur absens, etiam si celebret in Ecclesia sua collegiata. **n.10.** ead.
- Neque possunt alij canonici illum tanquam præsentem habere. **n.13.** 367

# Index Rerum.

Sacerdos Capellanus per octo vel quindecim dies aegrotans, non tenetur per alium [supplere. n. 16.](#) [568](#)

Schismatici virtute Bullæ Cruciatæ absolui possunt semel in vita. num. 2. [171. 173](#)

Sepultura in loco sacro tempore interdicti, virtute Cruciatæ conceditur. n. 1. [247](#)

Simonia non committitur dum pro Bulla Cruciatæ sumenda, pecunia [erogatur. n. 8.](#) [16](#)

Societatis I & v Presbyteri ex speciali privilegio, possunt semel approbati, audire confessiones in locis à Sede [Apost. remotis. n. 4.](#) [85](#)

Societatis I & v Presbyteri semel approbati ab vno Episcopo possunt ubique dum iter faciunt, confessiones audire Parocho non repugnante, & Ordinario [absente. n. 4.](#) [ibid.](#)

Societatis I & v Sacerdotes, ex speciali privilegio, & mendicantes per communicationem, possunt absolvere ab omnibus Papæ reservatis. [n. 1. 1.](#) [89](#)

qui in Societate I & v tria vota simplicia post biennium probationis emisserunt sunt vere Religiosi. num. 1. [171](#)

Societatis I & v religiosi possunt, ex privilegio, vota iuramento firmata [commutare. n. 14.](#) [191](#)  
& num. 2. [294](#)

Stipendium datur Ecclesiæ ministris non tanquam pretium Missæ, sed tanquam debitum lege naturali ad sustentationem vitæ necessariam. n. 9. [539](#)

Suspensus Sacerdos qui ante suspensionem habebat iurisdictionem, valide [absolvit. n. 7.](#) [92](#)

à Suspensionem contracta propter Ordines ante ætatem susceptos potest dari absolutio virtute Cruciatæ, ita ut liceat impleta ætate celebrare. [n. 3.](#) [230](#)

## T

SS. Trinitatis Ordini res inventæ quatum nescitur dominus, reddendæ sunt sub peccato mortali. [n. 7.](#) [155](#)

## V

Vercundia confitendi proprio Sacerdoti non dat facultatem confitendi [alieno. n. 11.](#) [160](#)

Visitari possunt altaria quinque sine motu [corporis. n. 4.](#) [423](#)

Visitans Ecclesiam lucratur indulgentiam toties [quoties. n. 10.](#) [425](#)

Visitare Ecclesiam dicitur qui pro foribus orat si præ turba ingredi non [possit. n. 5.](#) [424](#)

Vota pœnitentis id postulantis confessorius tenetur, virtute Bullæ Cruciatæ commutare. [n. 1.](#) [276](#)

Vota quinque sunt Papæ reservata. n. 2. ead.

Vota castitatis, religionis, & peregrinationis Hierosolymitanæ, virtute Bullæ commutari non possunt si sint absoluta. [ibid.](#)

Votum nunquam petendi commutationem vororum, virtute Bullæ potest commutari. [ibid.](#)

Vota post summptionem Bullæ emissa, virtute illius commutari possunt. [n. 3.](#) [277](#)

Vota virtute triplicis privilegij commutari possunt. [n. 4.](#) ead.

Hæc tria privilegia in quo conveniant, in quo differant. [n. 5.](#) ead.

Vota commutari virtute Cruciatæ extra confessionem [possunt. n. 7.](#) [278](#)  
ad Vota commutanda virtute lubilæi, seu privilegij regularium probabile est non requiri confessionem. [n. 8.](#) ead.

Vota commutari possunt virtute Cruciatæ partim in temporale belli subsidium, partim in alia pietatis opera. [n. 5.](#) [280](#)

Voti commutatio in minus bonum fieri

# Index Rerum.

- fieri non potest propria auctoritate. [n.4.](#) [282](#)
- Voti commutatio (quando dubitatur an res in quam sit commutatio sit æque bona) fieri non potest propria auctoritate. [n.5.](#) ead.
- Votum propria auctoritate commutare licet, non tantum in maius bonum, sed etiam in euidenter æquale. [ibid.](#)
- Votum in melius commutare propria auctoritate semper est tutius. [n.10.](#) [283](#)
- Id melius dicitur quod, omnibus recte perpensis, Deo gratus est. [n.13.](#) [284](#)
- Votum ingrediendi religionem non potest quis propria auctoritate commutare in Episcopatus susceptionem. [n.14.](#) ead.
- Votum de elemosyna certo pauperi largienda potest propria vouentis auctoritate commutari, ut hæc elemosyna detur alteri pauperiori. [n.15.](#) [285](#)
- non tamen sibi ipsi licet pauperiori. [ibid.](#)
- Voti commutatio in æque bonum fieri non debet absque superioris auctoritate. [n.16.](#) ead.
- in Voti commutatione in melius non requiritur alia causa quam ipsa maioritas boni. [n.2.](#) [286](#)
- in Voti commutatione in æquale non sufficiat pro causa, ipsa maior propositio vouentis. [ibid.](#)
- Voti commutatio tunc indiget causa cum indiget Prælati Ecclesiastici auctoritate ut legitime fiat. [n.4.](#) [287](#)
- ad Voti commutationem in æquale non requiritur causa quæ obstat executioni voti. [n.5.](#) ead.
- ut Votum commutetur in id quod dubitatur an sit æquale, sufficiat notabilis molestia, quam sentit vouens circa voti impletionem, aut quid simile. [n.6.](#) [288](#)
- Vota commutandi facultatem probabilius est, & tutius non extendi ad iuramentorum commutationem. [n.2.](#) ead.
- opposita tamen sententia est etiam probabilis, & tuta. [n.10.](#) [290](#)
- ad Vota commutanda potestas delegata non est extendenda ad iuramenta adiecta contractui, in quo est turpitudine, & iniustitia. [n.13.](#) [291](#)
- Vota iuramento firmata possunt religiosi Societatis Iesu per speciale privilegium commutare. [n.14.](#) ead. & [num.2.](#) [292](#)
- Vota commutandi facultas delegata extenditur etiam ad vota iuramento munita, si iuramentum sit præstitum ad voti confirmationem. [n.6.](#) [293](#)
- Secus si iuramentum non sit præstitum in confirmationem voti, sed independentem ab illo. [ibid.](#)
- qui Vota dispensandi ordinariam habet potestatem, potest etiam commutare. [n.1.](#) [297](#)
- Vota dispensandi potestas delegata non extenditur ad commutationem absolutam. [n.10.](#) [299](#)
- Vota dispensandi potestatem habens delegatam, potest partim dispensare, partim commutare. [ibid.](#)
- Vota commutandi potestas delegata non extenditur ad dispensationem. [n.12.](#) [299.](#) & [300](#)
- Votum pœnale quid sit. [n.1.](#) [300](#)
- Votum pœnale à conditionali quomodo differat. [n.1.](#) [301](#)
- Votum conditionale quid sit. [n.2.](#) ead.
- Vota tam conditionalia, quam pœnalia castitatis, & religionis ante impletam conditionem, commutari possunt per Bullam Cruciatæ, & per Episcopum dispensari. [n.4.](#) [302](#)
- Vota pure conditionalia castitatis, aut religionis per Bullam commutari possunt, & per Episcopum, nec non per privilegia mendicantium dispensari.

# Index Rerum.

- pensari. *n. 5.* 305
- Quando Voti conditio est solum limitatio temporis, votum non est commutabile per Bullam, nec dispensabile per Episcopum. *n. 9.* 306
- Vota pœnalia castitatis, & religionis possunt per Bullam commutari, & per Episcopum dispensari etiam postquam vouens tenetur ad pœnam. *n. 10.* 307
- opposita tamen sententia quoad Vota conditionalia & pœnalia probabilior est, & tutior. *n. 16.* 308
- Votum nunquam nubendi per Bullam commutari potest, & per Episcopum dispensari. n. 4. 310
- Votum coniugalis castitatis, vel ad tempus, etiam potest per Bullam commutari, & per Episcopum dispensari. *n. 5.* ead.
- item Votum assumendi presbyteratum. *n. 6.* 311
- item Votum seruandæ virginittatis, modò vouens velit expresse se obligare tantum ad corporis integritatem. *n. 11.* 312
- item Votum de abstinendo à quouis peccato venereo, etiam mollitiei. *n. 12.* ead.
- Vota omnia quæ per Episcopum possunt dispensari aut commutari, per Bullam possunt commutari. n. 2. 313
- Votorum quæ per Episcopum dispensari, commutariue possunt tria sunt genera. *ibid.*
- Votum ingrediendi religionem strictiorem potest per Bullam commutari in laxiorem; & per Episcopum dispensari. n. 9. 316
- Vouens ingrediendi religionem cum obligatione perseuerandi in ea, peccat ingrediendo, & profitendo laxiorem. *n. 3.* 317
- à Voto strictioris manet tamen liber post professionem in laxiori emissam. *n. 1.* 316
- Vouens solum ingressum strictioris religionis, potest ingredi laxiorem. *n. 4.* 317
- Vouens ingressum strictioris religionis, & perseuerantiam in ea, potest per Episcopum dispensari circa perseuerantiam, & per Bullam commutari in laxioris professionem. *num. 5.* ead.
- Votum religionis quoad dilationem executionis potest per Episcopum dispensari, & per Bullam commutari. n. 6. 318
- Voto religionis à Pontifice commutato in aliam materiam non reuertatam, potest materia subrogata per Bullam commutari. n. 7. 319
- Votum castitatis, & votum vouendi castitatem in quo differant. num. 1. 320
- Votum non petendi commutationem voti potest per Bullam, iubilæum, & priuilegia ordinis commutari. *n. 3.* 320
- Votum castitatis, seu religionis metu leni emissum, est validum, dispensabile tamen per Episcopum, & per Bullam commutabile. *n. 16.* 326
- Votum castitatis quomodo emitti possit à coniugatis & per Bullam commutari. n. 1. & seq. 326. 327
- Vota castitatis emissà à coniugatis possunt per Bullam commutari, quando possunt ab Episcopo dispensari. *n. 10.* 329
- Votum non nubendi quando possit per Bullam commutari. n. 1. l. 330
- Votum irritare, & dispensare longè differunt. n. 4. ead.
- Vota filij impuberis pater potest irritare. *re. n. 4.* 331
- Votum castitatis emissum à persona quæ non est sui iuris, non potest per Bullam commutari. n. 13. 330
- Votum peregrinationis Hierosolymitanæ quomodo, & quando possit per Bullam

# Index Rerum.

- Bullam commutari n.1. [331](#)  
 Votum disjunctiuum, cuius altera pars est reſeruata, poteſt per Bullam commutari. n.5. & 6. [332](#)  
 Voti commutatione facta in æquale, poteſt vouens redire ad prius votum. n.1. [337](#)  
 Voti commutatione facta in melius poteſt vouens redire ad prius votum propria auctoritate. n.5. [338](#)  
 Voti commutationem ratam habens, etiam ſi ſua culpa omiſerit materiam ſubrogatam, non tenetur ad prius votum. n.12. [340](#)  
 Voti commutationem ſi accipiens ad quid obligetur. n.15. [341](#)  
 Voti commutatione rite facta, & impleta, eius obligatio planè extinguitur. ead.  
 Voti diſpenſatione ſemel perfectè conſeſſa, ſi is cui conceditur illi renunciet, non poteſt ea vti, ſed tenetur ad prius votum. n.6. [343](#)  
 in Votis Pontifici non reſeruatis poteſt Episcopuſ iure ordinario diſpenſare. n.4. [356](#)  
 Vota Pontifici reſeruata ſunt quinque & quænam illa ſint. n.6. [356](#)  
 Votum peregrinationis ad templum B. Virginis Lauretanæ an Pontifici reſeruatum. n.7. [357](#)  
 Votū perpetuum an reſeruatum. n.8. ibid. [357](#)  
 Votum non peccandi an reſeruatum. n.10. [358](#)  
 in Votorum commutatione quæ ſint obſeruanda. num.1. & ſeq. [361.](#)  
 & ſeq.  
 Vota reſeruata nequeunt inter ſe commutari abſque expreſſa Pontificis auctoritate. n.11. [367](#)  
 niſi in Votum religionis conſtitutum, id eſt quod emittitur profeſſione. n.12. [368](#)  
 Votum peregrinationis quomodo commutandum. n.1. ead.  
 Votum peregrinationis Hieroſolymitanæ quomodo commutandum. n.1. [371](#)  
 Votum religionis quomodo commutandum. n.1. [372](#)  
 Votum caſtratiſ quomodo commutandum. n.1. [377](#)  
 Votum ſacerdotij quomodo commutandum. n.1. [378](#)  
 Votum ieiunij ſextæ feriæ, aut recitandi ſeptem pſalmos pœnitentiales, &c. quomodo commutandum. n.1. [379](#)  
 Votum factum in ſanctorem alicuius Eccleſiæ virtute Bullæ Cruc. commutari poteſt. n.6. [380](#)  
 Votum factum in fauorem alicuius piij loci, propria auctoritate, commutari non poteſt etiam in euidenter æquale. n.12. [382](#)

F I N I S.

1313





